


1867



13
16
19.



C. 65. d.



ALBERTI KYPERI

Med. Doct. & Profess. in Academ. Leyd.

ANTHROPOLOGIA,
CORPORIS HUMANI,
CONTENTORUM,

ET

Animæ Naturam & Virtutes secundum Circularem
Sanguinis Motum explicans.

CUI ACCEDIT

EJUSDEM RESPONSIO AD

PSEVD-APOLOGEMA

V. F. PLEMPII.



LUGDUNI BATAVORUM,
Apud PETRUM DEDIER.

MDCLXX. 170



P R Æ F A T I O

AD

L E C T O R E S.



Consuetudine jam ferè receptum est, ut qui aliquid in publicum emittunt, aliqua de re, quam tractant, scopo, tractandi modo, scribendi occasione & causâ & similibus præfentur. Hoc institutum quemadmodum probo, ita sequendum hoc tempore mihi duxi. ANTHROPOLOGIAM tibi do, Lector Benevole, seu si Latine loqui malis Tractatum de Homine. Quandoquidem verò Homo, nec solo corpore constat, nec solâ animâ absolvitur, atque Anima & Corpus sine interventu sanguinis & spirituum uniri nequeunt: Sanguisque insuper ex chylo, & spiritus ex sanguine generantur: atque ipsæ etiam partes per sanguinem & spiritus conservantur, de his omnibus in hoc tractatu agere volui, atque præterea addere universam doctrinam de Excrementis, ut sic hæc Hominis Explicatio esset omnibus suis partibus, etsi non gradibus absoluta. Speravi me sic gratiam apud multos meriturum, quod vix quisquam omnia ista simul tractavit.

In Humani Corporis Partiumve doctrina, quod quidem similem, organicam & communem constitutionem attinet, secutus sum Celebrium Anatomicorum potissimum,

✱✱

mum,

P R Æ F A T I O

num, sed præsertim Vesalii, Spigelii, Riolani, & Veslingii fidem, quod recedere ab iis Autoribus, qui ætatem suam in eo studio consumpsērunt, temerarium judicarem, mihi quoque periculosum, cui hætenus tanta subjectorum copia non contigit, ut omnia ad amussim examinare licuerit. Quandoquidem verò ea jam affulget, si Deus vitam viresque concesserit, ut secundis curis opus hoc perficiatur, efficiam, ut quicquid hîc mutuatitii irrepfit, meum efficiam, aut eo rejecto de meo addam.

*Quod operationes usumque partium attinet, in eo majorem mihi libertatem sumpsi, nec ipsius etiam Galeni auctoritatem semper secutus sum, sed vel Aristotelis sententiam contra eam asserui, vel novam quoque insinuaui, quemadmodum rationis vis & experientia evidentia mihi persuadebat. Id tamen quivis facile ex lectione advertet, neutiquam me libertatem in licentiam commutasse, quod vitium hoc seculo valdè est multis familiare, sed retinuisse Veterum placita, quoad manifesta rationi & experientia non adversabantur. Imò ausim dicere, vix quicquam in universo libro inventum iri, quod non benè cum Proceribus nostræ artis conciliari queat. Plurima tamen nova occurrent, quia plurimi Recentiorum Autorum veteres non legunt, ut ipsa Vetera Nova reputentur. Caterum hoc ita itellectum nolim, quasi Veteres evidentissimè omnia cognoverint, quæ Recentiorum industria observavit, sed
hoc*

AD LECTORES.

hoc volo, ea quæ ab iis tradita sunt, huiusmodi esse, ut si iis eadem obvenissent, quæ per experientiam Recentiores notarunt, manibus pedibusque in eam ituri fuissent sententiam. Ut exemplo quodam id evidenti pateat, solum quis consideret de Circulari sanguinis motu nobilissimum inventum, primum ab Experientissimo Harvæo publico scripto assertum. Certè ea sunt Aristotelica doctrina hyporbeses, ut adhibita oculorum fide in observatione structura vasorum, motusque in iis sanguinis, is quasi sponte se ingerat, variisque modis concludi possit, quemadmodum tum ab aliis, tum à nobis ipsis hoc opere agentibus de eo motu ostensum est. Quapropter facilis eidem sententia acquievi (quam jam à Præstantissimis Artibus nostræ Professoribus ubique fere probari constat) atque quod hætenus vix quisquam fecit, nisi paucis Magni Parentis non minor Filius Bartholinus notis suis ad Patris Anatomiam, sic partium singularum operationes declaravi, ut appareret, quemadmodum cum sanguinis reciproco motu consentirent.

Sperem hunc quoque laborem non ingratum futurum ejus sententiæ Patronis, quæ me spes quoque excitavit, ut in Sanguinis, Spirituum, Humorumque à sanguine diversorum, Excrementorumque natura, & virtute & usu adjecerim, quæ vel non tacta à reliquis sunt, vel minus expensa videbantur.

PRÆFATIO AD LECTORES.

Ceterum de Anima non omnia attingi, quod in Physicis meis Institutionibus pleraque jam explicassem, & hîc tantum quadam addere vellem, quia ibi brevitatis studio operarumque festinatione prætermissa fuerant.

Universum hoc opus cum reliquis Medicina partibus publica lucis usura committere decreveram, quemadmodum ex principio ejusdem, & libri titulo patescit: sed excrevit sub manu in eam molem, ut injustum volumen evaserit. Illud quoque cogitabam, posse hoc opus aliarum quoque facultatum Cultoribus, quibus Se ipsos cognoscere pariter injunctum est, inservire. Itaque sejunxi aliorum tractationem, qua Medicis serè solis scienda vel agenda relinquuntur, Fidem tamen meam interpono de reliquo, ubi prius Idea Medicina Universa per præcepta, & Specilegium Controversiarum per disputationes, & omnium morborum Symptomatumque Ἀγνῶσκis per casus, lucem aspexerint. Ita enim mihi nunc procedendum videtur, ut prius Studiose Juventutis utilitati inserviam, quàm doctorum multorum votis, qui ad prioris operis absolutionem me hortantur satis faciam. Interea hoc labore meo frui, Benevole Lector, & pro candore tuo errantem mone, veritatem docentem defende, tuo usui inservientem ama. Ego tibi eadem promitto. Vale.

ALBERTI KYPERI
RESPONSIO AD
PSEVD-APOLOGEMA,
QUOD
VOPISCUS FORTUNATUS PLEMPIUS

Secundæ editioni Fundamentorum suorum Medicinæ
subjungi curavit.

LECTOR BENEVOLE!



VETUS equidem dictum est: *Duro nodo durus quærendus est cuneus*. Neque ulla lege prohibitum est: *Vim vi repellere*. Quin *jus talionis* postulat, ut *par pari referatur*. Si ergo mihi cum Plempio stricto jure agere liberet, quid non liceret? Adeo omnia humanitatis & Christianismi jura pertripit in suo Pseud Apologemate. Non famæ, non conscientiæ meæ parcat, non eruditioni, non ætati, non natalibus, non loco habitationis, non loco promotionis, non scriptis meis. Imo ne quicquam mihi relinqueret, in ipso quoque nomine meo cavillos quælit. Si Plempio credendum, impiissimus, & nequissimus sum mortalium, eruditionis omnis expertus, nomen Medici vel Philosophi indigne gerens, dignus magis in agro, quam in Academia versari, & quæ alia. Si hæc non injuria est, nescio equidem an ulla injuria deur. Si hæc sit Plempii humanitas, quam putes futuram ejus inhumanitatem? Sed quid faciam? Asinus si quem calcitret, ecquid eum in jus vocabit? Furiosum si quis ratione persuadere ausit, an non vapulabit? Sic judico Plem-pium helleboro magis indigere, ut ab exulta illa bile, quæ ipsum in eum furorem con-jicit, expurgari queat. Cætera Deo & Æquis judicibus permitto. Nam Dei est, interio-ra cordium scrutari, & unicuique rependere, prout meritus est. Homines autem ex vita judicant, quæ se factis & dictis manifestat. Inquirere ergo illorum erit in mea acta & verba, ut sciant, utrum vera sint, quæ a Plempio mihi ingeruntur. Non credatur mihi asserenti, Plempium insigniter meritum esse, antequam vera dicere inventus sim. Sed nec plus credatur Plempio, antequam suis dictis fidem sufficienter præstiterit. Plura non addo. Nam unicuique quidem naturam hominis pravam consideranti facile persuasero, non defutura mihi fuisse verba: si singula Pseud-Apologematis Plempii sub rigidum examen revocare voluisssem. Ergo ista quidem relinquo: eruditionis autem aliquod faci-mus periculum. Nam antiquitus quidem verum habitum fuit, & adhuc est, *quo quis doctior eo humanior*. At Plempius istud Apostoli confirmare voluit: *Scientia inflat*. Ap-pertum autem est, quod de scientia non vera, sed ficta, & præsumpta Apostolus loquatur, cum vera sapientia cum charitate & humanitate semper copulata sit. Hinc quidem illud sponte sequi videtur: Plempium non vere doctum esse, sed saltem eam de se fovere opi-nionem.

A

nionem, atque eandem de se opinionem aliis jure seu injuria (nam hoc non curat) omni consensu imprimere. Sed eheu! hoc supra ipsius vires est. Non nego Plempium doctum virum esse, sed quod ita ipse inter doctos, quemadmodum Sol inter sidera, aut Luna inter stellas minores fulgeat: hoc pernego, & opere ipso, si vitam & vires mihi Deus concesserit, ostendere conabor. Æquus & doctus lector judicabit. Nolo enim rursus dictis meis fidem haberi, nisi ea ita se habere in te ostendeto. Sed interea rogo æquos & prudentes æstimatores, ne nimium Plempio attribuant, quam singula excussa adverterint. In hac mea brevi responsione, quæ Plempius in Pseud-Apologemate suo contra meas rationes ipsi oppositas scripsit, breviter sub examen vocabo. At reliqua, cum Deo in Medicina mea, quam primo tempore prælo submittam, excussa dabo; & si quæ residua relicta fuerint, alii scripto reservabo. Erras Plempi, erras, & valde erras, si arbitretis, quod me calumniis & mendaciis ad silentium redigere possis. Namque Stoicus hic sum. Etsi quidem concedo, quod quis alteri injuriam inferre possit, tamen ei injuriam fieri posse non puto, qui illud non pro injuria habet. Et deinde veritatis causa etiam injurias ferre & adire paratus sum. Obduravi animum juste agendo sustinere omnem casum. Deus vivit, summus justitiæ & veritatis vindex. Ei committo ista omnia. Sancte protektor, quod mihi à me in te dictum sit, quod non juste factum esse arbitrer: nolim tamen id rursus repetere. Semel id factum esse satis est. ut te cognosceres: semel à me factum esse, id mihi quoque nimium. Age Clarissime Plempi, ut quocunque tandem titulo appellari vis, ego mihi hanc legem figo: nullo verbo personalia vel movere vel solvere. Causam dixi. Tu quod tibi optimum videbitur sequere.

Prima inter nos quaestio est: *Quodnam sit Medicina objectum?* Et particularius: *Utrum rectius Plempius Medicina objectum constituat corpus vivens, quam Medici communiter corpus humanum?* Ego Medicis calculum meum adjeci. Inquiramus an recte? Victoria pene cum sit, qui auctoritate & ratione fuerit superior.

Galenus sententiam suam tam multis in locis posuit, ut eos referre non sit necesse. Notabilis ejus locus est sect. 1. Aphorism. in 1. commentario: ubi comparando Medicinam cum aliis artibus in experimentis, docet hæc in Medicina periculosum esse, quia in humano corpore fiunt, & quidem cum vitæ ejus periculo, si male succedant. *Hippocrates* quoque hominum curationem intendit, & nullo loco docet latius esse Medicinam extendendam. Eos secuti posteriores Medici Græci ab his nil diversè senserunt. Atabes quoque eandem sententiam tutati sunt: inter quos *Avicenna* & *Averrhoës* eminent, qui utique in primordio suorum Medicorum operum eam sententiam sequuntur. Aristoteles quoque ab illorum parte est. Hæc sunt ejus verba. 1. Ethic. c. 4. *Neque ira* (intellige in idea) *speculari sanitatem Medicus videtur, sed HOMINIS sanitatem: imo fortasse huius hominis sanitatem, quippe cum singulis medetur.* Et 1. Metaphysic. c. 1. discipuli experientia & artis illustraturus: ita inquit: *Existimare enim, quod Callia hoc morbo laboranti hoc conduxit, similiter Socrati ac sigillatim aliis multis experientia: quod autem omnibus huiusmodi secundum unam speciem determinatis hoc morbo laborantibus conduxit, utpote phlegmaticis ac cholerici, aut febre ardente laborantibus, hoc artis proprium est.* Et id explicatius brevi post sic docet: *non enim HOMINEM nisi per accidens sanat qui medetur, sed Calliam aut Socratem, aut alium quempiam eorum, qui sic dicuntur, cui accidit homini esse.*

Vici autoritatibus, nisi superiores aut pares à Plempio adduci possint, aut saltem ostendi, recentiores Autores alicubi sententiam suam mutasse, aut in ea dubios fuisse. Sed horum

rum nihil ostendi potest: quanquam Plempius in contrarium nititur. In Pseud-Apolog. cap. 2. scribit: quod Vereres cum corpus humanum constituerunt objectum Medicina, hoc praestantia ac praecllentia ejusdem dederint, non quod alia vivencia excluderint à Medicina generatim sumpta. Hoc vero ex ipsorum scriptis ostendi debebar, contrarium enim ex adductis à nobis locis luce meridiana clarius effulget. Porro l. 1. fundam. Medic. cap. 3. nititur probare, Hippocratem atque Aristotelem ipsi consensisse. Ita enim loquitur: *Es fndet testimonia & auctoritates confugiendum est: Aristoteles à nobis est l. 1. Rhetor. c. 2. inquit: Medicina objectum esse sanabile & morbosum. Hippocrates ipso multa, quae ad Veterinariam spectant, literis prodidit, ut ex libro de Veterinaria Medicina Graece conscripto patet, &c.* Et in Pseud-Apologemare cap. ult. etiam similia proponit: & illud quoque audacter asserit: *neque Hippocratem, neque Aristotelem usquam expressisse, corpus humanum esse subjectum seu objectum Medicina.* Sed si haec ita sunt, prout scribit, quare Plempius ob illam opinionem à se excogitatam sibi plurimum gratulatur atque applaudit? Sic enim ipse de se restatur in Pseud-Apol. cap. 2. Quod enim autoritate Hippocratis & Aristotelis constitutum est, id non est primum excogitatum à Plempio. Sed quid ista curo? Vera omnino in Pseud-Apol. asserit, quod ab ipso sit inventa haec opinio, ut ipse dicit: aut ex Laurenbergio hausta, cum is eadem Philosophi allegatione, iisdemque rationibus utatur. Nam Arist. omnino Medicinae objectum hominem fecit: & quidem in communi si utaris spectetur: at variantem secundum individua, si consideretur ut in exercitio posita. Loca allegata à me videantur. Sed quod ad textum l. 1. Rhetor. c. 2. attinet, male illud attingitur à Pseud-Apologista, quod Arist. sanabile & morbosum in communi objectum Medicinae faciat. Quin contra non vult aliud, quam quod sub ratione ista Medicina suum objectum consideret. Verissime equidem. Nam hoc ipso Medicina à Physica discernitur, quod licet hominem ex Physica transmutat, tamen eum non ut Physica pendat. Nihil in hoc difficultatis est. Quod ad Hippocratem attinet, nulla in hoc probandi confectio est: Hippocrates de Veterinaria scripsit, Ergo illa pars Medicinae est, aut Hippocrates tam censuit partem Medicinae esse. Sic nec illa consequentia firma est: Hippocrates & Galenus non fuerunt ignari rei herbariae & veterinae. Ergo statuerunt Veterinariam & curam plantarum pertinere ad Medicinam tanquam ejus partes. Nam hoc modo concludendi universam Physicam, imo totam Philosophiam partes Medicinae quis defendere possit: quia non solum probabile judicamus fuisse Medicinae nostrae conditores in omni Philosophiae parte versatos: sed Galenus etiam integro opere ostendit, non posse quaequam esse bonum Medicum, quin sit quoque bonus Philosophus.

Magnum causae meae patrocinium mihi nactus videor, quod ostendi Medicinae Conditorum & Cultorum consensu, atque Philosophorum quoque approbatione Hominem ut sanabilem Medicinae objectum esse. Nam si illud ab ipsorum autoritate pendit, contraria conclusio est: si autem ratione definiri debeat, non credibile est tam diversum inter se sentientes sine certa ratione id asserturos fuisse. Imo nisi rationem evidentem hujus sui asserti esse censuissent, nunquam id opinamentum sine probatione posteritati commendassent. Quid hic desiderari potest? Certe facilius est Plempius unum in sua sententia falli potuisse, quam tam multos & alioquin in multis dissonantes. Nisi ergo urgentes rationes Plempius adducat, non possumus ipsi consentire. Idque eo magis nisi rationes contra se allatas possit solvere. Quam bene autem id praestare conabor nunc monstrare. Quantum vero intelligere possum l. 1. fund. cap. 3. duas pro sua sententia adducit rationes. Harum prima in Syllogismum redacta talis est:

*Cuiusque conveniunt omnes conditiones objecti scientia, id est obiectum Medicina:
Sed corpori viventi conveniunt omnes conditiones scientia.*

Ergo corpus vivens est obiectum Medicina.

Secunda ratio ipsius non tam distecte intendit probare corpus vivens esse Medicinæ obiectum, quam quod Veterinaria & Agricultura sub Medicina comprehendantur, ex quo probato prius fuit: Ita vero in forma sonat.

Quaecunque habent communia præcepta, & finem communem: illis competit quoque commune nomen scientia vel artis:

Sed Veterinaria & Agricultura habent ista communia cum Medicina humani corporis. Ergo.

Præter has tertiam quoque rationem adfert in Pseud-Apol. cap. 2. quæ talis est,
De quocunque Medicina prædicatur tanquam superius de inferiore: illud sub Medicina continetur.

At de Veterinaria & Agricultura Medicina prædicatur tanquam superius de inferiore. Ergo.

Ut hæc Plempii fundamenta debite queant petendi, & ipsa quæstio accurate solvi, quædam nobis prænotanda sunt: Primo quidem tenendum est: *Scientiam & artem non solum formaliter, sed & realiter inter se discrepare, cum proprie sumuntur.* Hoc ipsum quidem inter Philosophos ita unanimi consensu acceptum est, ut de eo controversiam nullam moverint. Cæterum quia Plempius l. 1. fundam. Medic. c. 2. docet: *scientiam & artem formaliter non differre etiam stricte sumendo utramque, quia significant aggregatum in animæ pluribus habitibus:* & quia ob hujus inadvertentiam Pseud-Apologista cap. 2. scopitice increpandus: alius hoc tepetendum est. Atque quidem initio non urgebo Plempium ipsum vel immemorem fuisse eorum quæ diceret, vel etiam non intellexisse: quandoquidem loc. cit. in fund. addit: *Fine tamendiscrepant. Nam finis quidam scientia est simpliciter intelligere; & contemplari mera: artis autem est operari,* accuratius, mi Plempi, efficere, nam operari seu agere vel Prudentiarum proprium est, vel ipsis cum artibus commune. Hæc, ut dixi, non stricte examinabo. Quippe Metaphysicæ Tyrones docentur, ea quæ formaliter eadem sunt, non posse sine discrepare: & quæ sine discrepant, non posse esse eadem formaliter. Nam quæ sunt eadem formaliter, illa definitione, & conceptu tum absoluto tum respectivo eadem esse debent. ut ibidem docent Non est, quod quis excipiat, finem accidentatio rei formaliter eidem adjungi, quoniam non solum illa finium differentia scientiæ & arti essentialis est, utpote quæ sunt id, quod sunt: sed etiam quia non potest ei, quod est formaliter cum altero idem, aliquid accidentaliter advenire, nisi etiam sic obveniat ei, quod cum ipso formaliter est idem. Verum id ex ultimo principio nobis repetendum est. Et quia adverti, Pseud-Apologistam vel argumentationes meas, si orationis defluxu proponantur, non percipere, vel de industria prætermittere: hanc affecti mei rationem ratiocinatione formali comprehensam ipsi examinandam propono.

Quaecunque definitione san essentia, principis, objecto, ac consequentibus adjunctis & effectis differunt, illam non solum formaliter, sed etiam realiter discrepant.

Sed Scientia & ars reconstituta differunt. Ergo.

Majorum qui neget, ostendere tenetur, alia esse majora discriminis realis documenta: ex abundanti tamen ita probari potest:

Quaecunque accidentia eidem communi subiecto inexistantia differunt omnibus propriis quæ habent, illa differunt realiter.

Sed

Sed quacunq; accidentia eidem communi subiecto inexistencia differunt recensitu, differunt omnibus propriis qua habens. Ergo differunt realiter. Et porro: Scientia & ars sunt talia accidentia. Ergo si recensitu differunt, realiter differunt.

Major planissima est: Minor autem probatur: quia accidentia eidem subiecto inexistencia non habent plura, quam suam essentiam, causas, subiectum, & consequentia. Sequitur igitur conclusio.

Minor argumenti principalis per singulas partes deducenda est: Et quidem 1. *quod definitione scientia & ars differant*, clare notavit Arist. l. 6. Ethic. c. 3. & 4. ubi diversas illarum definitiones ponit. 2. *quod principiu differant*, patet: Quippe Philosophus l. 6. Ethic. c. 4. l. 2. Phys. c. 1. & l. 6. Metaph. c. 1. docet principia factivarum artium esse in faciente, cum principia scientiarum sint in rebus ipsis. Atque huc pertinet quoque, quod scientia fundamenta sint, ex quibus artes deducuntur. Nam ex cognitis virtutibus naturalium homines activa passivis secundum rationem conjungendo omnes suas artes exercent. 3. *quod differant obiecto* liquet. Etenim scientia obiectum est necessarium l. 6. Ethic. cap. 3. seu eodem modo se semper habens, l. 1. post analyt. cap. 2. æternum l. 1. Post. c. 2. 8. & l. 6. Eth. c. 3. ac universale l. 1. Post. c. 15. & 14. Sed obiectum artis est contingens, seu quod aliter se habere potest l. 6. Ethic. c. 4. generabile, ibid. quia omnis ars circa generationem versatur, comminiscitur & contemplatur, ut eorum aliquid fiat, quæ & esse & non esse possunt. Unde debet etiam esse singulare, quia universalia sunt ingenerabilia & incorruptibilia. Et quanquam l. 1. Metaph. c. 1. Philosophus docet, artem esse universalium, tamen ex eo loco apparet, quod de subiecto doctrinae artis, non de subiecto usus & operationis ipsi sermo sit. Et ut omnis cavillandi ansa tollatur: dico quod universalia ars ita consideret, ut secundum debitam rationem singularibus applicari queant, quo ipso ars à scientia distinguitur. Nam scientia non est singulare nisi per accedens: ars autem per se singularia respicit, ut ex dictis colligitur. 4. *quod adjunctu differat* doceri potest: quia scientia est notitia certa & infallibilis, utpote quæ reddit scientem *ἀπασθησάντων* l. 1. post. c. 3. sed ars sæpe incerta, variabilis, & errori ac fortunæ obnoxia est, unde Arist. l. 6. Ethic. c. 4. quodammodo circa eadem versari dicuntur ars & fortuna. Nec obstat: quod nulla ars sit incerta in se, sed tantum per accedens, defectu artificis. Nam hæc sano sensu à nobis non negantur: verum quia exercitatio per se & essentialiter ab arte intenditur, nec præcepta ita scribi possunt, quin falli aliquando artifex possit, ideo arti quoque illa incertitudo merito imputatur. Hoc quoque ad adjuncta pertinet: quod scientia methodo tantum synthetica: artes autem methodo solum Analytica tradi accurate possint, ut fusc ostensum est à Zabarella l. 2. de meth. c. 7. & seqq. & l. 2. Apolog. à c. 5. ad fin. 5. *quod effectus differant*, patet, quia fine differunt. Nam finis uniuscujusque proprius operatio vel effectus ejus est ex l. 1. Ethic. c. 1. ita finis scientia est speculari: artis autem secundum veram rationem quid efficere.

Nisi hoc argumentum Plempio sufficiat: aliud ipsi insuper exhibeo, quod tale est:

Quacunq; realiter se jungi queunt, illa differunt realiter.

Sed scientia & ars realiter se jungi queunt. Ergo.

Major per se evidens est: nisi enim ea realiter differrent, quæ realiter separari queunt, tum idem à se ipso posset separari realiter, quod contra dictionem involvit.

Minor vero exinde probatur: quod multi Opticam scientiam callent, qui non possident eas artes, quæ illi scientia innituntur: & vicissim multi illarum artium sunt gnari,

Opticas autem demonstrationes non intelligunt. Atque id inductione per varias scientias & artes super scientias fundatas probari potest. Ergo.

Consideremus nunc rationem, qua Plempius perimotus est, ut ita diversum ab omnibus sentiret. Illa supra adducta hæc est: *Scientia & ars non differunt formaliter, etiam cum stricte sumuntur. Quia significant aggregatum in anima ex pluribus habitibus.* Ad hanc respondeo: Erars & scientia totales sunt habitus ex pluribus partialibus habitibus sui generis non diversi & oppositi generis compositi. Hinc nihil sequitur. Si quis excipiat: In artibus multa scientifica, & in scientiis multa artificialia reperiri. Resp. Concedendo id, sed negando eam consequentiam. Ergo scientia etiam ars, & ars etiam scientia est. Nam ea sunt aliena, & vice commentarii tantum inserta: & in specie in artibus ex scientiis multa repetuntur, quia recta ratio est effectiva rationis, quæ tamen non pertinet ad essentiam artis, ut bene id notavit Lotinus tract. de scient. quæst. 3. dubit. 3. proposit. 2.

Secundo loco observandum est: *Medicinam non Scientiam sed artem proprie esse.* Hoc ipsum docent Hippocr. l. de art. & 1. Aphor. 1. Gal. l. de constit. art. c. 2. l. ad Thrasib. c. 5. l. de opt. sect. e. 5. & alibi sæpius. Arist. l. 6. Ethic. e. 4. Averrh. l. 1. Collig. e. 1. & l. 6. c. 1. & in disput. 1. contra Algazel. Ammon. enarrat. prædicam. Arist. & in præfat. in prædicabil. sequentesque Philosophi & Medici innumeri. Quod ipsum etiam ita confirmari potest.

Cuiusque definitio, principia, objectum, adjuncta & effecta artis conveniunt, id ipsum est ars.

At Medicina ista conveniunt. Ergo.

Cum autem Ars & Scientia realiter differant, sequitur, quod si Medicina sit ars, scientia non queat esse. Contrarium equidem docet Plempl. l. 1. fundam. Med. c. 2. sed ex notabili prægresso abunde refutari potest, & nolo omnia in hac mei defensione, quæ à Plempio dicuntur, refellere: in Medicina autem mea ista quoque discussa reperies.

Terrio loco renendum est: *In artibus non esse necessum, ut accidens arte producendum referatur ad reciprocum subiectum.* Quippe dantur artes specie, imo genere inter se diverse, quæ tamen eundem generalem finem habent. Exempli causa exprimere naturalia: seu naturalium rerum simulachra seu similitudinem exhibere, à diversis specie & genere artibus obitur, ut pictoria, statuaria, cælatoria, formandi in cera, in argilla, in aliis imaginibus rerum. Et ita accidit in aliis artibus, de quo controversiam quod sciam, nemo movit, nisi primus Laurenbergius, & obscure Plempius, urgens sanitatem ad æquato suo objecto applicandam esse. Rationes pro illis militantes quæ urgentes sint, non occurrunt, Ne quid tamen difficultatis remaneat, hanc ex illis Autoribus elicio.

Unumquodque accidens revocandum est ad subiectum suum proprium seu reciprocum.

At vero in Artibus finis est accidens. Ergo.

Resp. ad Majorem limitando: Omne accidens proprium in scientiis debet considerari citra proprium suum subiectum, concedo: sed accidens commune, quale quid est, quod arte produciatur, non est necessum, ut ad suum reciprocum subiectum reducat. Imo non necessum est, ut ars, quicquid fieri potest in unoquoque subiecto, edoceat.

Quarto noto: *quod omnes artes, quæ propriè hoc nomen inveniunt, sint inveniæ hominis causa, ut vel necessarii ejus occurrant vel utilitatem ipsi afferant, vel jucunditatem præstent.* Quippe omnis ars ab homine præstatur, & cum homo nunquam agat, nisi ob aliquem finem, patet quod & illa actio artificialis hominis finem suum obtinere debeat. Ille vero finis vel intenditur pro homine, vel pro iis entibus, quæ sunt homine inferiora. Sed in Deum & angelos homo arte nihil inducere potest: in inferiora autem nihil per se immediate

mediate inducere debet : quia non homo illorum, sed illa hominis causa sunt. Hinc conficitur, quod homo sui causa ultimo & per se artibus vacet. Exinde sequitur, quod homo sit ultimum omnium artium obiectum & finis ejus. Hoc probato taliter.

In quo introducitur omnium artium finis ultimo, id est primum & ultimum illarum obiectum & finis ejus.

At in hominem ultimo introducitur omnium artium finis. Erge.

Major ex definitione finis ejus & obiecti artium ultimi plana est. Minor probata in notabili. Sequitur ergo vi syllogistica conclusio, non rhetorica digressionem.

Pseud-Apolog. cap. 2. ad eadem paulo aliis verbis in meth. mea Medicinam rite defendendi & exercendi p. 147. & 148. proposita ita respondet. *Rhetorica deinde tua de obiectis artium digressio apud vulgum forte assensum & plausum habeat, in Peripato certe ridicula est. Quis enim non explodat, artium omnium obiectum hominem esse? Videris nescire, quid sit artium obiectum. Serviant quidem artes homini, atque adeo remote propter hominem exercentur, sed hominem non habent tanquam obiectum? Cur Deum potius non statuamus artium omnium obiectum? Non finis ultimus hominis, & rerum omnium est Deus, &c.* Ad hæc ego repono breviter. Obiectum artium esse cenfeo id, in quod finis artium introducitur, atque cenfeo coincidere cum fine ejus gratia. Deinde cenfeo finem omnium artium esse necessitati hominis occurrere, vel ipsius bono esse commodum, vel jucunditati ejusdem succurrere. Ostendatur ulla artium, quæ non isto fine participet. Quid aliud inde inferre poteram, quam hominem esse artium commune obiectum? Deum autem non feci artium obiectum, quia ille non est finis indigentia, seu ejus gratia artes sunt, ut sic in eum aliquid introducant : sed est omnium rerum finis assimilationis, & quod res singulæ opus habent. Videantur quæ de Deo ut fine diximus lib. 1. Instit. Phys. l. c. 3. th. 7. & conferatur locus Scaligeri citatus. Quod autem Physicam nobis opponit, confundit rursus scientiarum arte. Nam notab. 3. insinuavimus in scientiis quidem convenire, ut accidens reciproco suo subiecto adjungatur, quod autem in artibus hoc non sit necesse. Et ne arbitretur Pseud-Apologista, meum esse hoc singulare dogma, videri potest Doctissimus Fabius Pacius Prolegomenis in meth. med. Gal. tit. de subiecto Medicinæ, plura meam sententiam confirmantia adducere.

Ex dictis necessario inferitur notabile 5. *Quod ea artes, quæ non primo propter hominem sunt, non sint primaria, sed secundaria tantum artes : adeoque mensuram accipiant non à sua interna perfectione possibili, sed ab eo, quo ad hominem referuntur.* Et hinc mathæologiz rejiciendæ apparet fundamentum. Exemplis hoc illustratum vide in meth. mea p. 148. & apud Fab. Pacium loco cit. aliqua huc conferentia inveniri possunt.

Sexto observandum est : *Nunquam inter Autores controversum fuisse, an Mulomedicina possit dici Medicina, aut non quadam communia habeat cum nostra Medicina : sed an ea Medicina, à qua Medicina, à qua Medici vocatur, aut cui addiscenda & exercenda operam & industriam impendimus, se ad Mulomedicinam, & amplius ad plantarum quoque curationem extendat?* Hoc ipsum neciple Plempius ignoravit. Quippe ita fatetur l. 1. fund. c. 3. *Hic insurgunt pene omnes Medici, clamantque non corpus vivens, sed humanum corpus esse Medicina subiectum : alioquin enim & Veterinaria sive Mulomedicina, & Agricultura sub Medicina comprehenderetur, quod est contra decorem nostra scientia.* Ecce non ideo seclusam volunt Medici à nostra Medicina Mulomedicinam & Agriculturam, quia non possint communi Medicinæ nomine comprehendi, aut quædam communia habere inter sese : sed quia infra dignitatem Medici judicarunt, ab hominibus ad ani-

nos transire, eorumque pulsus explorare, urinam istorum & stercora inspicere, autisque animalibus receptas (ut vulgo vocant) præscribere. Ita palam est, quod non in Plempii sententiam incidam, si quandoque Mulomedicinam nomine Medicinæ noto, & nostram artem Medicinam *aispamislu* distinctionis causa nomino. neque mihi contradicam: quorum tamen utrumque mihi impingit Pseud-Apolog. c. 2.

His ergo suppositis ostendam argumenta Plempii citra difficultatem solvi posse: & contra cum esse fundamenta multo magis urgentia. Atque ut à primo incipiam. Ad 1. Plempii rationem Resp. non valere majorem: utpote cum à conditionibus objecti scientifici ad artem concludat: quod non valet: utpote, cum ut notabili 1. ostendimus scientia & ars formaliter & realiter, & ut species oppositæ differant: & quia objectum scientiæ ab objecto artium multis proprietatibus discernatur, ut notavimus pag. 146. nostræ methodi: ad quæ cum nihil reposuerit Pseud-Apolog. nos quoque plura non adducemus. Deinde neque Minor vera est: nam solum ostendit, quod sanitas & morbus de vivente in communi possint demonstrari, & in eo produci. non autem quod per illud objectum Medicina nostra constituatur: nisi, quia id Plempius dicit, pro probato accipere velimus. Ita enim ait l. 1. fund. 3. *Ex quo consequitur, Medicina objectum esse corpus vivens. Omnes enim præfata conditiones in id conveniunt. Hic insurgunt pene omnes Medici, clamantque &c.* Dicit consequi, sed consequelam non probat. Nam quod dicit corpori viventi convenire omnes conditiones objecti Medicinæ nostræ, hoc Medici pene omnes negant, ut ipse insinuat.

Ad 2. Argumentum. Resp. 1. concedendo totum, quandoquidem id solum conficitur Medicinæ nomen etiam mulomedicinæ & agriculturæ convenire, de quo non est dubium, ut notab. 6. insinuavimus. 2. limitando majorem taliter: Quæcunque conveniunt æque primo in communibus præceptis & in communi sine, illa uno genere univoco comprehendendi possunt. Sic autem negatur minor, & fundamentum ejus positum est notab. 4. & 5. & sufficienter exemplo à nobis declaratum est p. 148. methodi nostræ. Neque quicquam refutatione dignum repositum est à Pseud-Apologista.

Ad 3. eadem responsio aptari potest, utpote ex qua id maxime sequitur sub Medicina late sumpta Veterinariam & agriculturam comprehendi: non vero ostendit quomodo. Dico ergo ego, contineri ista sub Medicina tanquam minus principalia analogata sub nomine analogo, non tanquam species sub genere univoco, quod nobis conatur Plempius persuadere. Ut id apertius appareat, ita distinguo majorem. De quocunque prædicatur medicina tanquam superius scilicet univocum de suo inferiori, id sub illa continetur tanquam species sub genere. Sed de Veterinaria & agricultura hoc fieri pernegamus. Imo absolute poterat negari minor, quod nostra Medicina, de qua quaestio est, prædicetur de Veterinaria & Agricultura tanquam superius de inferiori: quoniam species oppositæ de se affirmative prædicari non possunt.

Postquam rationes Plempii solvimus, age nunc rationes contrarias assertioni ejusdem pro communi & vera sententia proponamus, & ab exceptionibus vindicemus. Sit nostra prima ratio hæc:

Illud est objectum Medicina, in quod primo & propter se quaritur arte induci sanitas.

Sed in corpus humanum primo & propter se quaritur arte induci sanitas. Ergo.

Et in contrariam partem:

Illud non est objectum Medicina, cui non primo & propter se quaritur arte sanitas.

Sed omni corpori viventi non primo & propter se quaritur arte sanitas. Ergo.

Ratio

Ratio majoris est : quia finis artes mensurat , & sui subiecti causa quæritur . Minor autem patet ex notabili 4. & 5. & conjungantur quæ in meth. mea pag. 147. & seq. de eadem materia notavi.

Contra argumentum hoc aliqua Plempius objecit, sed ea circa notabile 4. soluta sunt. Sic ergo hæc secunda ratio :

Quæcunque independentia ab invicem non possunt ab uno homine obiri, ea una arte comprehendi non debent.

Sed curatio hominis, atque Veterinaria & agricultura exercitatio nequeunt ab uno homine obiri. Ergo.

Major probata est à nobis ubertim p. 150. nostræ meth. ex eo, quod omnes artes ad hominem tanquam efficientem revocari debeant.

Excipit Pseud-Apologista c. 2. 1. sequi ex meo asserto sic etiam *diæticen, Pharmaceuticen, Chirurgicen sub Medicina non comprehendi, quod ab uno homine vix obiri queant.* Resp. 1. ista non esse independentia à Medicina. Nam Medicina sine iis exerceri nequit. Sed quid necessum est mulomedicinam & agriculturam addiscere, ut quis homini mederi possit. 2. Negatur quod non possint illæ artes ab uno homine obiri. Quippe cum quis Medicus illa instrumenta adhibet, annon ista omnia exerceat. 3. Nihil absurdi est, concedi illas artes esse sejunctas à Medicina, eidem tamen ut ministras, ut quidem eas non exercere, sed dirigere ad suum finem Medicus debeat. 2. excipit: sequi ex hoc asserto *cognitionem corporis humani, sessilium, plantarum non contineri sub Physica, quia ab uno homine acquiri vix possit.* Resp. Imperitiosa illatio. Nam scientiæ quidem secantur ut res secundum Arist. l. 2. de anim. t. 38. at artes mensuram suam accipiunt à fine & efficiente, ut sicut monstratum.

Præstius forte id urgeri posset : unamquamque partem hominis hominem integrum pro sua cura postulare. Sed Resp. Non posse aliquam partem hominis perfecte & citra errorem ex arte curari, nisi tota ars cognoscatur, & ideo non facere curationem uniuscujusque partis totam artem.

Tertia nostra ratio sit:

Quæcunque ita differunt, ut nec cognitio, nec affectusio finis in communi possint declarari: illæ non sunt sub unam artem revocanda.

Sed Medicina nostra & Veterinaria ac agricultura ita differunt. Ergo.

Major & minor in methodo nostra p. 151. satis deducta est: videndum ergo solum, quid Pseud-Apologista regeat. 1. Inquit: *Adhuc cunctius Mulomedicina est medicina, est prædictio superioris de inferiori: non minus quam hæc: Medicina humana est Medicina.* Ergo *Mulomedicina continetur sub medicina, non minus quam Medicina humana.* Ad hæc supra responsum est, in solutione 3. argumenti. 2. inquit: *Et utraque habet multa generalia dogmata ac præcepta communia, multa quoque in specie diversa.* Resp. Illa communia tam pauca sunt, ut nihil ad Medicinam conferant, & si ex tali communitate quis artem Medicam ampliare velit: ego eam extendam ad omnia corpora mutabilia. Quippe potest in communia abstrahi, quomodo unumquodque corpus mutabile ex præternaturali statu in naturalem reduci possit, quomodo status isti diversi manifestentur. Quoniam vero illa absona sunt, patet quod non quæcunque communitas, sed magna & sufficiens ad unam speciem artis requiratur. 3. inquit: *Quid tum? Medicina humana quoque in singulis individuis magnam considerat partium diversitatem, dissimilem earum constitutionem, signorumque indagandi rationem diversam, curationem prorsus aliam: anne ideo in*

plures partes vel species illa dispesci debent? Resp. Neutiquam, quia omnis illa diversitas tantum numerica & accidentalis est, habetque unam mensuram, nempe id quod in specie perfectissimum est. Alia ratio est eorum, quæ in Medicina nostra & mulomedicina notantur, quippe ibi occurrit diversitas non solum specifica sed etiam genetica; quæ non potest ad unam mensuram revocari.

Quarta nostra ratio est ista: Illud non est objectum Medicina nostra, cui non aptari neunt ea, quæ in Medicina traduntur.

Sed corpori viventi in cōmuni ea non conveniunt, conveniunt autē corpori humano. Ergo. Minor probatur: Quia nec res naturales, nec non-naturales, nec præternaturales, ea ratione quæ à Medicis explicantur, corpori viventi in communi attribuantur, sed soli corpori humano. Omnes Medici consulantur, excepto solo Plempio, qui hic ab aliis diversum sentire vult. Sed quid eum excipio? Dico ipsum quoque suam Medicinam ita conscripisse, ut soli corpori humano aptari possit, sed eo ipso, quod universalem conscribere voluit, assero eum valde Medicinam deturpasse. Ecce enim, mi Plempi! Si tuam hypothesein defensam velis, Medicinam esse conscribendam, ut omni viventi possit congruere, ex lege methodi, quæ præcipit, ut generalia generaliter, & specialia specialiter tradantur, debes primum communia omnibus viventibus abstrahere, & ea generatim proponere, sic ad verbes numerum rerum naturalium totuplicem in communi non esse, quotuplicem tu asseris. Ita porro res non-naturales tractabis: ibi vero quoque reperies plurium deficientiam. Cum ad signa perveneris, nec de pulsu, nec de urina agere potes: sed de iis tantum quæ omnibus communia sunt. In aliis Medicinæ partibus pariter reperies pleraque corpori viventi in communi non quadrare, ut ultimas morborum species, causas internas morborum à te recensitas, imo nec externas omnes. Sic nec medicamenta, nec dietetica & chirurgica instrumenta quæ recenseres, præcise omni viventi conducunt. Ubi generalia ista exsecutus fueris, tum te oportet dividere vivens prima divisione in plantam & animal. Atque rursus generaliter proponere, quæ sint medicinalia communia omnibus plantis, & pariter quæ sint communia omnibus animalibus. Tum secundum gradus circa omnes subdivisiones specificas subalternas plantarum & animalium pariter procedas. Hoc agendo ultimo omnium ad curandi rationem homini debitam pervenies. Quid putas sic agendo, quando Auditoribus tuis Medicinam absoluturus sis? An tentasti hoc unquam, an in fundamentis Medicinæ tuæ id præstitisti? Nihil minus. Rursum repeto: ad solum humanum corpus, quæ proponis aptata sunt, non à te volente, sed ignorante, quid ageres. Nihili ergo valent ista in tuo Pseud. Apolog. c.2. *Denique hoc mendaciter attexu, Plempius omnia humano corpori applicare. Imo in sua sententia constantissime persistens omnia applicat corpori viventi, quacunque definiat, nisi quæ solis animalibus perfectis vel homini competunt, quæ non possunt hisce non applicari, &c.* Ignosce mihi, Plempi! ignorare videris, quæ loqueris, & nescire quæ agis. Nimirum eo ipso, quod eadem quæ reliqui Medici tradunt, tu quoque proponis, neque quod ex tua sententia fieri par erat, generalia generaliter, & specialia specialiter pertractas: sic materialiter idem facis, quod illi: sed quatenus eadem, ubi potes, vis in communi considerare, confundis generalia & specialia, & quod illi bene faciunt, ut male turbas. Scire te enim oportet, quod non contra methodum sit, ea quæ in se generalia sunt, ostendere quomodo speciali corpori aptentur. Et ideo recte Medici antiqui & recentiores, cum hoc faciunt, etiam ea communia definiunt, in ordine ad humanum corpus: quia nempe ea non ut communia considerant, sed ut specialia suo corpori applicata.

Neque

Neque est quod mihi succenseas: quod scripserim, te in Laurenbergii opinionem recidere, quod animal perfectum sit Medicinæ objectum. Ita enim jacent tua verba l. 1. fund. c. 3. *Debent ita temperamenta, facultates, partes & humores definiri, non prout conveniunt soli corpori humano, sed cuicunque viventi, vel saltem animali perfecto.* Quælo, quis non id eliciat, te id velle: si quis ista non concedat, debere definiri, prout unicuique viventi conveniunt: quia nempe magnam nimium ista agendi ratio diversitatem inferret: debet enim tamen hæc definire, ut conveniunt animali perfecto. Nam (sic immediate subjungis) *& animalia bruta partes easdem habent ac nos, ac usus & officii ejusdem: Præterea eorum sanitas in eodem ac nostra consistit, eisdemque mediis inducitur.* Quæ vero in Pseud-Apol. ad explicationem istius loci affers, non videntur aliud ostendere; quam quod velita ambigue locutus fueris, ut Delio Interprete egeres: vel quod istam explicationem ibidem commentus fueris, ne fatereris verum esse, quod dixeras. De quo non sum sollicitus.

Antequam ab hoc argumento abeam, illud adhuc solvendum est, quod mihi Pseud-Apologista objicit, quasi ego in Plempii sententiam recidam: dum divido in Methodo mea facultates in vegetativas, sensitivas & homini proprias. Verum nihil periculi est. Nam ita loquor p. 164. *Animam humanam consequuntur facultates:* unde apparet, quod licet vegetativæ & sensitivæ absolute sint communes: tamen eas considerem, ut ad hominem restrictæ sunt. Neque est, quod mihi objiciat: me dicere, quod *malim secundum animam diversitatem partiiri facultates.* Nam ipsa anima humana secundum meam sententiam complectitur & animam vegetativam, & sensitivam, & rationalem: non solum virtualiter & eminenter, sed revera formaliter, & ut realiter inter se diversi: quam ipsam sententiam Aristotelis omniumque accuratorum Peripateticorum fuisse dilectæ potest ex Licer. tr. de anima humana & Zabarella tr. de facultat. animi.

Ultima ratio pro nobis potest esse illa communis Medicorum:

Quorumcumque exercitatio dedecet personam liberalem, illorum exercitationis ars non continetur sub Medicina.

Sed exercitatio curandi omnia viventia dedecet personam liberalem. Ergo.

Major probatur, quia tota Medicina est ars liberalis. Minor autem evidens: Nam quis opinetur pediculi, cimicum, asinorum curationem ex officio magis esse liberale, quam stercora vehere, aut aliud quodcumque vilissimum tractare. Imo si agricultura quoque ad Medicinam pertinet: tum fodere quoque, stercore agros, &c. erunt liberalia officia.

Plemp. l. 1. fund. c. 3. hoc ita conatur evadere: *Neque hoc scientia medica quicquam derogat, quod Veterinariam & herbariam ambitu suo complectatur: imo vero nobilior inde fit, quia auctor.* Resp. Vere nobilior, quemadmodum si auro sterquilinum superjiciat. Nimium non quidvis augens aliquid, dignitatem quoque totius majorem facit, sed illud tantum, quod in se dignitatem habet. Servile autem respectu liberalis non habet dignitatem, sed indignitatem. Hoc tamen notandum est: hoc ipso nos non velle, minus decens Physico esse ad omnium etiam minimorum cognitionem contendere. Nam scire omnia liberalem hominem decent, atque etiam adhibere omnia sciendi momenta: sed genus vitæ eligere, in quo ex officio obligeris ea agere, quæ minus liberalia sunt: hoc omnino minus liberali homini convenit. Atque ista sufficiant pro defensione primæ quæstionis.

Secunda mihi quæstio cum Plempio intercedit, *quomodo res naturales recte definiantur?*

12 Et specialius, *uter nostrum res naturales melius definiat* ? Plempii hæc est definitio ex l. i. fundament. Med. c. 6. *Res naturales sunt res Medica considerationis, qua corpori viventi secundum naturam insunt.* Mea autem proposita est p. 178. method. & est talis: *Res naturales sunt, qua ad corporis humani constitutionem pertinent.*

Ut hanc quoque quæstionem ex fundamento decidamus, aliqua nobis supposita proponenda sunt.

I. Igitur tenendum est: *Rem naturalem dici aquivoco, & in genere vel absolute, vel respectivo.* Absolute rursus vel *stricte* vel *late*. *Stricte* res naturalis dicit ipsum corpus naturale. Nam ens naturale, & corpus naturale eadem judicantur; quia naturalis res est, quæ natura constat. Hoc sensu principia corporis non sunt res naturales, sed vel ipsa natura, vel id unde natura est. Sic nec accidentia, nec effecta corporis naturalis, qua talia, sunt res naturales: sed vel rebus naturalibus inhaerent, vel ab iis proveniunt. *Late* vero res naturales dicuntur ea omnia, nempe & corpora, & illorum principia, adjuncta & effecta. *Respectivo* vero res naturalis vocatur, quæ alterum respicit, ita ut ei nullo modo incommodo sit, sed ei aliqua ratione conferat, sive ad constitutionem ejus convenientem pertineat.

II. Observandum est: *Medicis non dici res naturales significatu absolute, nec generali, nec speciali: sed omnino comparativo.* Primum membrum assertionis quoad primam partem probō: quia Medici quoque eas res naturales vocant, quæ nullatenus sunt corpora naturalia, ut temperamenta, facultates, functiones: & quoad secundam partem probatur; quia alias res non-naturales atque præternaturales quoque in rerum naturalium numerum recipi deberent. Hinc sequitur membrum asserti alterum, aut ostendendum est, aliud adhuc esse significatum rerum naturalium. Probati etiam potest constanti Medicorum usu, omnes enim res naturales in ordine ad corpus humanum appellari. Hoc ostendunt ipsæ Plempii definitiones quas rejicit. Nihil ad id potest excipi, nam quæstio est de usu hujus vocis apud Medicos: at cum unde quam à Medicorum consensu petemus? Proinde miror hoc negari à Pseud-Apol. c. 3. ubi more suo, h. e. modo deo scilicet ita loquitur: *Pseudo, res naturales prout intelliguntur ac describuntur in Physiologia, & res præter naturam in Pathologia tractata non sunt contraria.* Quis tibi id credat, Magne Vir? Au quia potest res aliqua naturalis manens naturalis, esse res præter naturam, ut scribis ostendere Plemp. in tr. de caus. morb. Locus est l. 4. fundam. lect. 2. c. 1. ubi verba ita se habent: *Imo vero res aliqua naturalis potest esse causa morbi, v. g. facultas genitalis generans sextum digitum.* Qua res tum dicenda est res præternaturalis quatenus male agit. Quæro te, Lector benevole! quid hic probatum est? Primum non invenio dici à Plempio rem naturalem manentem naturalem posse fieri rem præternaturalem: sed absolute, quod res naturalis possit esse res præternaturalis: an vero sensu composito, an diviso; non dicit. Sic sedens potest esse ambulans, sed non ut sedet. Sed quia nemo semelius intelligit, quam quisque se ipsum, hoc mittamus. Itaque 2. dico: probari à Plempio non posse, rem naturalem taliter manentem fieri morbi causam. Nam eo casu vel facultas generans omnino non est morbi causa, sed materia redundans aut præve habita. nisi id per accidens intelligi velis, quod non valet, cum causa per accidens non sit vera causa: vel facultas generans indebite se habens, aut prava idea imbuta est causa morbifica: sed taliter affecta non est res naturalis.

III. Notandum est: *Res omnes à Medicis communi consensu dividi in res naturales, non-naturales, & præternaturales, neque ullum res naturales distinguere à rebus secundum*

dum naturam. Charta mihi deficiat, si hoc probare auctoritatibus vellem, & Autores quisque suos consulat. Plempius tamen novum genus quattrum fabricat in Pseud. Apol. c. 3. nempe *res secundum naturam.* Sed istius asserti nec rationem, nec auctoritatem affert. Imo usui vocum hoc adversum est, nam Synonyma apud Medicos sunt *res secundum naturam,* & *res naturales.* Et quid ista urgeat? Ipse Plempl. l. 4. fund. Med. c. Proœm. docet: Omnes res Medicas esse vel naturales, vel non-naturales, vel res præter naturam, si hæc late fumantur.

IV. Tenendum est: *Res non-naturales aliquando esse præternaturales, aliquando naturales.* Res non-naturales sæpe fieri, imo esse res præternaturales ipse docet Plempius l. 4. fund. f. 3. c. 1. Quæ causa ergo, ut negetur quoque alterum? Nam non magis distat res non naturalis à præternaturali, quam à naturali: aut siquidem detur discrimen aliquod majus, peto ut id mihi ostendatur.

V. Supponendum est: *Res naturales essentiali & perfecta definitione explicari non posse.* Quippe res naturales sunt in diversis prædicamentis, adeoque ex vi abstractionis non habent aliam convenientiam in ratione communi quam entis & attributorum ejus unitorum. Hinc illud conficitur, quod optima illa rerum naturalium definitio futura sit, qua propria, reciproca, & prædicata ipsis secundum se convenientibus consisterit. Similia insinuavimus p. 177. & 178. nostræ methodi, ad quæ cum nihil reposuerit Plempius, ea pro firmis habeo.

His suppositis inquiramus initio, quam bene vel male ego Plempii definitionem oppugnaverim, & ipse eandem vindicavit. Ut omnis videretur obscuritas ita concludo:

Quæcumque definitio continet superflua, obscura, falsa, & accidentalialia prorsus, illa merito rejicitur.

As Plempii definitio continet ista omnia. Ergo.

Hæc ratio p. 172. & seqq. methodi meæ per singula membra deducta est, & à Pseud. Apol. oppugnatur c. 3. suæ Pseud. Apolog. quod ipsum ut melius, quam bene maleve factum fuerit, advertatur, breviter ista repetenda sunt, & rejicienda. Itaque

I. Pro probatione minoris urti: quod falsum sit, *res naturales, quæ Medicæ recensentur, esse res Medicæ considerationis: sed dixi potius esse considerationis Physicæ.* Nisi credis: Ita potro insto:

Res Physicæ considerationis, non sunt res Medicæ considerationis: alioquin enim disciplinæ diversæ confunderentur, atque idem bis in disciplinis proponeretur, quod foret superfluum & contra methodum. Sed res naturales sunt res Physicæ considerationis.

Atque hoc probatur. Quia res naturales partim sunt species objecti Physici, partim principia, partim adjuncta, partim effecta alicujus speciei corporis naturalis. Quid Pseud. Apolog. ad illa? Itait: *Dicuntur res naturales in quadam Medicina parte tractari; dicuntur in Medicina repeti.* Rogo ergo, quæ tractantur in Medicina, quæ repetuntur in Medicina, annon considerantur in eadem? Resp. Quæ non ad Medicinam pertinent, adeo ut iis in Medicina non explicatis, ei tamen nihil qua perfectionem suam desit, illa non considerantur in Medicina, nec sunt considerationis Medicæ. Nam alioquin etiam quæcumque extranea & superflua à quibusdam pro faciliiori auditorum suorum intellectu ponuntur, Medicæ considerationis forent. Quod quam absurdum sit facile intelligis. Itaque vides, quæ ex aliis disciplinis in Medicina repetuntur, & in ea tractantur vice commentarii, quod non sunt considerationis Medicæ. Talia vero sunt res naturales. Supposita in Medicina

sunt, non autem considerationis Medicæ. Ita disciplina subalternata (qualem tu Medicinam respectu Physicæ esse vis) utitur principiis & conclusionibus subalternantis in suis demonstrationibus, nemo autem sanæ mentis dixit eadem esse considerationis subalternatæ disciplinæ. Ita & in Medicina, res naturales repetuntur, quia sine iis, quæ sunt Medicæ considerationis non queunt intelligi. Ex cuius gratia repetuntur? Quia nempe multæ Medicinam accedunt, qui ansis Medicinæ carent, hoc est non diligenter iaris curam in iis addiscendis locatunt, quæ ante Medicinam discere debebant. Sin autem ista prius teneant, ne opus quidem est, imò tædiosum est, eadem quæ ex Physica constant, repetere, & ita eandem crambem rursus apponere. Quod autem dixi in aliqua parte Medicinæ illas considerari: bene novisti, quod partem Medicinæ aliam transumptam, aliam propriam feci. Sed quid est tractari in Medicinæ parte aliena seu transumpta? Nimitum non ita tractari, ut sit considerationis Medicinæ. Pergit nunc ita: *Sed dic mihi, alimenta, Medicamenta, venena, sanitas, morbus, signa, curandi ratio non sunt considerationis Medicæ apud te?* Resp. Alimenta, Medicamenta, sanitas, Morbus, Signa, quatenus sumuntur pro rebus, quæ signant, omnia Physicæ considerationis mihi sunt, & in Medicina repetuntur: neque id ex necessitate absoluta & postularo artis, sed quia non taro ad Medicinam accedunt, qui ista in Physicis nondum didicerunt, vel ideo quia omnium ad Medicinam properant, vel ideo, quia non habuerunt Præceptores iaris idoneos, vel ideo, quia prius usus ita invaluit, ut qui ista in Physicis proponeret, ab imprudentibus aut aliena tractare judicaretur, aut discipulos non sit habiturus. Cæterum ratio cognoscendi, quod aliquis sit sanus vel æger, & quo morbo, à qua causâ, in qua parte, quæ magnitudine aut sævitia &c. laboret; & ratio futura citra sanos & ægios prædicandi; item debita promptitudine per alimenta, medicamenta, & instrumenta Chirurgica sanitatem quoad fieri potest tutari & restituere posse, omnia Medicæ considerationis sunt. Plura non dixi p. 48. Meth. meæ, & accurate distincti distiguenda, ita ut hæc cum illis conferenti appareat falsæ ex illis verbis Pseud. Apol. concludere, quod iudicem omnia in Medicina ex Physicis repeti, contra expresse mea verba: *signandirationem ex Physica & Logica consorsio natam esse*, h. e. esse quid diversum ab iis quæ in Physicis & Logicis traduntur, sed tamen originem suam ab his cepisse: & *curandi rationem in Physica fundamentum habere, & sine entemeraria exoriri*: quippe sic omnis disciplina subalternata, qualem tu Medicinam respectu Physicæ esse putas à sua subalternantè, & omnis ars à scientia unde oritur dependet. Ne autem quæis arbitretur, à me solo ista dici, Lorinum inspicie loco cit. tr. de scient. & Peterium l. 2. Phil. natural. c. 4. Licet enim illi Medici non sint, tamen hoc cognoverunt, non licere Medico pro suo venditare, quod alterius est. Novit ista Plempius ideoque Peter. in ordinem cogere tentat l. r. fund. Med. c. 3. verum conatu irritò. Nam t. Peter. non dicit Medicinam, quatenus in se consideratur ex duobus habitibus componi, sed in Medico perfecto duos habitus requiri, quorum alter pertineat ad Medicinam, alter autem tantum in Medicinam sit translatu. Secum autem ipse hoc urgens Plempius pugnat. nam c. 2. scripserat: & *artem & scientiam significare aggregatum in animo ex diversis habitibus*. 2. falsum id supponit Pl. in omni arte primum cognosci res, sicut multa in Medico perfecto proponuntur. Nam supponuntur quidem cogita in artibus, quæ in iis tradi secundum accuratam methodum non convenit, licet quandoque ob ignorantiam ad Medicinam accedentium prudentiæ præceptorum Medicorum sit, ea quoque in ipso artis vestibulo suis discipulis tradere. 3. non juvat Plempium ista distinctio quod eadem alia & alia ratione in Physicis proponantur. Nam scientia non possunt proponi

nisi

nisi scientiſcæ: eadem tamen ſcientiſcæ cognita poſſunt extendi ad aliquid efficiendum. Er hoc pariter eſt, quod ſcripſi p. 48. meæ methodi: *quod ſcientia dogmata in Phyſicâ explicata, in Medicinâ transformantur in actionum præcepta, quæ extenſio quaſi quadam ſit cognitionis Phyſicæ ad praxin.* Neque illa contumelioſa ſunt in Medicinam, quippe ſolum oſtendunt, quid propriè Medicinæ ſit, & quid aliis diſciplinis debeat. Proinde etiam ipſi Medici idem teſtantur. Mihi aſſerenti Plempius non credit, utpote cui nimium mihi tribuere videbor, ſi Medicum me dixerò. In ſubſidium ergo vocabo Donat. Antonium ab Altomari, qui Gal. quoque in ſuam ſeſcentenariam perducere tentat. Ita autem ille in princ. art. Medicæ; *In hiſ tribus continentur omnia, quæ ad artem Medicam ſpectant: nam commoda ea ſunt vel ad DIGNOTIIONEM, vel CURATIONEM, vel PROGNOSTICUM.* Curatio autem per ſe à Medicis exercetur, prænotio vero & dignotio propter curationem, ut Gal. inquit 1. de rat. viſſ. in morb. acut. & proinde in tres primarias partes artem Medicam dividi aſſerere melius erit, quam in quinque, ut QUIBUSDAM viſum fuit ex ejuſdem Galeni ſententia.

II. In definitione rerum naturalium deſideravi, quod quando diciteſſe res Phyſicæ conſiderationis, genus aſſignaverit tale, quod non ſolum ſecundum rem proſus accidentale eſt rebus naturalibus, ſed & taliter accidentale, quod non rei conveniſſe ſecundum naturæ curſum, ſed prout ab intellectu conſideratur. Hæc propoſui p. 173. & merito. Nam fieri proſus poſſe, ut fieri poſſit, genus definitionis definito non comperere, nunquam à quoquam Logico edoctus ſum. Palmam dabo, ſi Plempius aliquem fide dignum citaverit. Verum quod ita accidentaliter ſe habet, ſecus ſe habere, ne quidem concipi poſteſt. Pone enim vel Medicinam nunquam conſcribi, vel nullum intellectum humanum dari, an deſinent res naturales eſſe res naturales, licet non ſint futuræ Medicæ conſiderationis? Perſuadeat id Plempius quibus poſteſt, mentis aſſenſum non imperrabit. Neq; id Pſeud-Apoloſtiſta oſtendit. Ille enim 1. diſtinguit inter genus, & id quod eſt loco generis poſitum: hocque tantum à Plempio factitatum aſſerit Verum ſive aliquid ſit genus, ſive loco generis poſitum debet ita eſſe affectum, ut ei reſpectu cujuſ ita ſe habet, per ſe conveniat, aut, ſi illud ita non placet, ad minimum ita ſe habeat, ut nunquam ei convenire non poſſit. Deinde notandum eſt, quod res ſint vel prædicamentales vel extrapædicamentales: & quidem in illorum definitionibus ſemper genus conceptum indifferentiæ explet: at in iis quæ ſunt vel ſupra vel infra prædicamenta aliquid ponitur loco generis, quod tamen cum genere in hoc convenit, quod eſſentialiter eſt, & non reciprocum reſpectu inferiorum, licet non habeat alia requiſita generis prædicamentalis. Unde Gutkuiſ Synopf. Log. Peripat. ut hæc accurate diſcerneret, claſſes diſtinctas rerum facit, ut in qualibet poſſint illa loco generum aſſignari, quæ ſunt & latiora & eſſentialia. 2. inquit, me alloquens: *Inſignem Logicæ imperitiæm produci, dum exiſtimas genus deſiniri de deſinito prædicari in quaſtione quid iſt, & eſſentialiter.* Hoc ſi in definitionibus eſſentialibus Logicæ ſit: in accidentalibus non requiritur. Reſp. Ignorſcat igitur mihi Plempius, ego enim non aliter à Præceptoribus meis edoctus ſum, quam quod definitiones eſſentiales & accidentales propriis verbis conceptæ non differunt eo, quod non utrobique genus deberet de inferioribus prædicari eſſentialiter & in quaſtione quid eſt: ſed quod in definitionibus accidentalibus non ſemper poneretur genus proximum, & differentia ſpecifica. Poſtquam à Præceptoribus meis dimiſſus ſum, nondum à quoquam Logicorum melius edoctus ſum, grarias igitur Plempio agam, ſi Autores nominaverit, qui hoc docuerint. Quod enim ipſe addit: *quando dicitur genus deſiniri, genus ibi omne id appellatur, quod latius patet, ſicut etiam in loco à genere*

genere ad speciem genus est quid magis commune. species minus commune seu minus late patens: hoc ipsum cum nihil juvat. Nam 1. quod sciam à nemine proditum est applicari id posse ad definitiones; nam speciei nomine & individuum ibi venit, de quo non prædicatur genus, sed species. 2. hoc admissio, dicimus id non esse latius, quod aliquando rei potest non convenire, quale illud est, quod accidentale rei est. Manet proinde male id loco generis positum à Plempio esse.

III. Hoc Plempio obiecti, quod in definitionis rerum naturalium explicatione dixerit quidem, his verbis (*sunt res considerationis Medicae*) excludi materiam & formam, attamen non adiunxit rationem, quare iis verbis excludantur. Posse enim quenquam dicere materiam & formam quoque esse considerationis Medicae, quia sine illarum cognitione res nondum ad prima principia deducta sit: & negare elementa esse considerationis Medicae, aut res naturales. Et postea rationem addidi, quare mihi videatur Gal. materiam & formam non recensuisse, & quare eum secuti postea alii sint. Hæc satis à me deducta sunt p. 173. Pseud-Apologista in exaninie meorum docet ideo materiam & formam non esse considerationis Medicae, quia alioquin nihil observaret, quo minus tota Physicam Medicinam reperatur. Resp. Non nego hanc consequentiam: verum uno absurdo dato cætera accidunt. Hoc enim est, quod urgeo, uno ex Physica ad Medicinam translatio ut præcepta Medicinæ certiora & rationi congrua appareant, nihil causæ esse, quare non ulterius progrediamur, & tandem universam Physicam eo transferamus? Deinde dicite responsum: *Non debent omnia ad sua principia revocari, neque demonstrari in Medicina. Est enim Medicina subalternata Physica, quare illius principia per principia huius demonstrari debent.* Resp. Quia itaque elementa quoque principia mistorum & species corporum sunt, non est necesse de his quoque in Medicina agere, imo confunditur disciplina subalternata & subalternans, si id fiat. Excipit ad ista, auctoritatem Gal. urgens, quod *nemo recte, & ratione curare possit morbos similes, qui prima corporis elementa non norit. Potest autem quis curare recte, etsi nec materiam, nec formam norit.* R. Qui materiam & formam & patres elementa non cognoverit, ille potest curare recte similes morbos, si id ita sumatur, quod convenientia medicamenta iisdem morbis applicare possit: sed si recte curare intelligas ratione curare, i. e. scire causam, quare ista remedia adhibeantur, & unde talem vim habeant, quod Galenus intendit, tum qui elementa ignorat non recte curat; neque recte curat, qui materiam & formam ignorat, (supposito quod prima principia sint) quia non scit, unde elementa illam vim habeant. Et quæso, quid ad Medicum magis pertinet? an cognoscere medicamenta id præstare virtute elementorum, an ipsa quoque elementa id præstare ratione suorum principiorum, & quod ulterius inquiri non debeat?

IV. Notavi in definitione Plempii verbo *insunt* æquivocationem involvi, atque inde obscuritatem in definitione importari. Hæc satis deduxi p. 175. & seq. method. Ad hæc excipit Pseud-Apologista: *Æquivocationem illam à Plempio indicatione æquivocatorum sublatam esse.* Resp. ego, illa æquivocatorum indicatione non tollit Plempii æquivocationem: sed ostendit, quod in ipsa definitione æquivoce sumatur. Nisi enim hoc mihi largiatur, ostendar mihi Plempius, quod vox *insunt* in sua definitione unum synonymicum significatum obtineat. Sin id facere non possit, confiteatur quod res est, definitionem suam æquivocam esse.

Aliud quoque virum istius definitionis suæ Plempius recenser, quod nempe & aëri inspiraro competat, qui tamen non sit res naturalis: sed non-naturalis. Verum hac quidem de causâ cam rejicere non erat necessum: nihil enim repugnat, rem non-naturalem esse rem

rem naturalem. Quippe *somnus & vigilla, motus & quies, animi pathemata, excreta & retenta, saltem aliqua, res non-naturales sunt*, & tamen naturales, pertinentes ad functiones. Imo neque medetur illi malo, uti putat in definitionibus suis novis. Nam sub prima, quæ talis est: *Res naturales sunt res Medica considerationis, quas corpus vivens à sua natura habet*, licet pariter res non-naturales recensitas comprehendere, & sanitatem quoque omnesque ejus species ac consequentia ejus effecta numerate, quæ Pseud-Apol. ex numero rerum naturalium excludit. Et altera, quæ talis est: *sunt res Medica considerationis, quæ corpori viventi à natura insunt, vel ab eo secundum naturam efficiuntur*: speciatim aërem expiratione expulsum admittit. Nam ille talis à respirante secundum naturam efficitur; aut si nōdum in scirpo quærens hoc neget, solum expulsi fuligines in aëre expirato erunt res naturalis, quæ tamen sunt res non-naturalis. Male, ergo, Plempio judice, definitio formata est. Alia istarum definitionum vitia majora Plempius vel dissimulavit, vel non scivit. Ut 1. quod vox *HABERE* patiter æquivoca sit quam *IN-ESSE*. 2. quod obscurum sit, quid intelligat in definitione suaper *NATURAM*. 3. quod secunda per divisionem fiat. 4. quod neutri a medeatur vitii generis. Quæ ipsa tamen hoc loco late non persequar: quoniam id præcipue intendo, ut mea à Plempii insultu vindicem, non ut nova dubia in hac responsione ingeam.

Transcamus nunc ad definitionis meæ examen à Pseud-Apologista institutum. 1. igitur meæ definitioni objicit: *Secundum istam tuam definitionem res medicæ vocata non-naturales sunt naturales*. Resp. Coucedo totum: si res non-naturales in naturali constitutione mancant, quod sint res naturales. De quo videatur suppositum 4. & quæ modo ad Plempii definitiones novas attulimus, ubi ostendimus quoque eandem difficultatem ejus definitionibus objici posse. 2. Objicit ita: *Præterea causas vii ad aliquid pertinere, fierisque divinum intellectum & divinam voluntatem primam naturalis constitutionis causam esse: Ergo divinus intellectus, & voluntas sunt res naturales apud te: angeli quoque, nam & hoc admittis bona sanitatis esse custodes*. Resp. Notavi supra supposito 1. ambiguitatem involvi in voce *RES NATURALES*, & 2. eam limitavi, quod Medicis *RES NATURALES* dicantur: quæ in ordine ad corpus humanum se habeant ut *NATURALES* ipsis. Deus ergo, cum sanitatem facit, morbos arcer, totum corpus conservat, an se non habet, ut quid *NATURALE* respectu Hominis? Si negas, inferam ex tua sententia sequi, Homini à Deo suo dependere, quæ productionem, conservationem, operationes, omniaque quæ ipsi competunt secundum naturam, non esse respectu ejus naturalia. Hoc autem quam absolum sit, hinc potes intelligere:

Omnis creatura respectu naturale est à creatore seu Deo suo dependere,

Homo est creatura. Ergo.

Major patet: quia in essentiali & naturali creaturæ conceptu hoc involvitur. Minor autem evidens est.

Hoc posito ita ulterius argumentor:

Si homini à Deo dependere sit naturale, utique Deus hominem in naturali suo statu conservans respectu ejus potest dici res naturalis.

Sed verum est antecedens. Ergo.

Primæ enunciationis consequentia patet: quæ relata se mutuo inferunt: quare si naturale homini est à Deo dependere: Ergo respectu ejusdem naturæ: le est Deum istud largiri creaturæ, sine quo ab eo naturaliter non dependeret. Nihil autem rei naturalis nomine à nobis aliud intelligitur, quam tale quid, quod respectu alicujus se ut ipsa naturale habet. E.

C

Sub-

Subsumptio deinde ante probata est. Ergo.

Quid hic abscon, quid falsi? Non sequitur ex mea sententia Deum secundum se, utens consideratum, esse in absoluto suo conceptu REM NATURALEM: sed quod cum sanitatem producit, velescit, se habeat ut NATURALE QUID, seu ut ENS quod NATURALE est homini; seu ut RES, quæ NATURALIS est homini. Unde patet, quod possit quid esse RES NATURALIS relative, quod tamen non est RES NATURALIS absolute: sicut ex adverso potest aliquid esse res naturalis absolute, & non esse res naturalis relative.

Et quid opus est, ista tam longe deducere? Plempius ipse hac eadem illationis, qua ipse utitur, vi, mecum sentire tenetur. Ecce ait in Pseud-Apolog. *Res prater naturam pro contrario suo habet rem secundum naturam: hacque triplex est, prout res prater naturam, scilicet sanitas, causa sanitatis, & sanitatem consequens.* Sublimat ergo: Deus est causa sanitatis, angeli sunt sanitatis custodes. Ergo sunt res secundum naturam. Rursus: Deus est causa morborum, angeli quandoque infligunt morbos. Ergo sunt res prater naturam. Quid huic ratiocinationi deficit? Et quid periculi est, si ea a Medicis ita accipiantur, quemadmodum ab iis capi insinuavi. Si id urgeat quis, (Plempius id non urget) debuisse Medicos discernere res intra naturam positas, ab iis quæ supra naturam sunt, & non debuisse confundere tam diversarum rerum causalitates communi nomine: statim illis assurgam, & ne vel minimo etiam per accidens errandi suppedietur ansa uno verbo addito definitionem meam institutam taliter: RES naturales sunt quæ intra naturam posita ad naturalem hominis constitutionem pertinent. Hoc ipso tamen neutiquam concessero non debere Medicum, maxime Christianum etiam ad Deum se elevari. Quippe & Gentiles Medici hoc non omiserunt. Notabilis super hoc locus est apud Hippocratem l. de elegant. qui ita sonat: *Neque enim Numen cuncta gubernans in Medicina otiosum esse advertimus, siue in iis morbis quos ipsismet curare nitimur, siue in iis quos altera absque nostra opera superari videmus. Nam quotquot morbos Medicina tollit, Dei munere cousingit. Quin & ipsa Medicina via à Deo pendet, &c.* Nihil vero periculi est, ne hinc sequatur, quod Pseud Apolog. potro urget, ut magnum Theologia partem Medicina complectatur, & tractare debeat. Nam non necesse est, ut in Medicina de Dei natura & humilissimi agatur, sed sufficit paucissimis verbis ista de Deo notari, quomodo se respectu sanitatis & morborum habeat: quemadmodum ab Hippocrate factum est, & post eum à Naso in specul. meth. med. & à nobis fiet in nostra Medicina.

Tertia questio inter me & Plempium est: *Quomodo res naturales bene dividi debeant?* Hanc ut distinctius & perfectius tollam, primum videndum erit, *qua in rerum naturalium classe vocandi debeant?* & deinde: *quæ sint summa divisionis membra constituenda?*

Quoad primum has statuo conclusiones. Prima est: *Ea omnia rebus naturalibus accensenda sunt, quibus definitio vera rerum naturalium aptari potest.* Utra vero vera definitio sit, Lectoris benevoli erit ex prioribus judicare. Quod si vero nec Plempii, nec mea attuleris, aliam suo arbitrio substituat meliorem. Secunda est: *illa omnia sunt res naturales, quæ non sunt res praternaturales.* Hæc conclusio in controversiam venit. 1. quia Medici à rebus naturalibus & praternaturalibus distinguunt res non-naturales. 2. quia Plempius quartum rerum genus, quod vocat res secundum naturam committitur. Cæterum neutrum horum urget. Nam ad 1. Resp. Quod res non-naturales à Medicis non statuuntur aliquod novum rerum genus distinctum à naturalibus & praternaturalibus: sed tanquam quid medium per participationem inter ea extrema, quod prout

prout aliter vel aliter se habet, potest esse res vel naturalis, vel præternaturalis. Atque de somno & vigilia, motu & quiete, animi affectibus, excrementis & retentis hoc jam supra ostendit secundum ipsam Plempii rerum naturalium definitionem novam, imo & vererem. Reliqua vero, nempe aër, cibus & potus, citra exceptionem res præter naturam fieri possunt, quid ergo obstat, quo minus eadem, quatenus naturæ humanæ convenientia sunt, possint esse res naturales? Si id neget Plempius, ostendat res non-naturales minus rebus præter seu contra naturam, quam rebus naturalibus opponi, quod præstare poterit ad Calendas Græcas. Ad 2. dico male id quartum genus à Plempio esse additum: quippe 1. sanitas & consequentia ejus omnia rebus naturalibus recte annumerari, ex ipsa definitione rerum naturalium à Plempio posita elici potest. Nam & sanitas, & omnia sanitatis consequentia corpus naturale à natura habet: itemque eadem vel à natura insunt, vel ab eodem secundum naturam efficiuntur: & nihil causæ est, quare sanitatis causæ non pariter rebus naturalibus accenseantur. Ergo. 2. ipse Plempius fatetur, in Pseud-Apolog. se ista dicere nulla motum ratione; sed solum ut defendat Plempii definitionem & divisionem qua rejici possint: quid ergo ipsi opponendum amplius est, quam ut Plempio commendemus tam charum & lepidum caput h. e. eundem sibi ipsi? 3. Non illa proba videtur ratio Plempii, res secundum naturam & contra naturam simul in Pathologia debere in eodem loco tractari, quia sunt contraria. Nam verum quidem est, quod eadem disciplina sit oppositorum: verum vel in eodem capite vel in eodem libro utraque contrariorum explicanda esse, hoc non est necessum. Tertia mea conclusio est: *Id quod rebus naturalibus & præternaturalibus subest, id nec rebus naturalibus, nec præternaturalibus accensendum esse.* Quippe pariter ad utrumque se habet, neque de uno magis, quam de altero participat. Hinc colligo: *partes humani corporis neque naturalibus neque præternaturalibus rebus accensendas esse.* Quippe subiectum sunt & naturalium & præternaturalium rerum. Neque enim corpus vivens, seu rectius humanum, quatenus totum rebus præternaturalibus subjicitur, sed & quatenus totum, & quatenus partes habens. Non ergo dissimiliter de rebus naturalibus judicandum est. Proinde quidem Pseud-Apologista male mihi impingit, quasi non sciam *aliquid posse convenire toti, quod non conveniat partibus.* Nam id concedo, sed urgeo, si quid conveniat toti, non qua totum est, sed etiam quatenus partes habet: seu quando aliquid convenit ipsis quoque totius partibus, quod tum si totum tale quid non est, neque partibus tribui debeat. Sed ipso Plempio non negante totum corpus vivens non est res naturalis. Hinc consequitur, quod cum partes pariter sint id ad quod res præternaturales & naturales referantur quod etiam non sint vel rebus præternaturalibus, vel naturalibus accensendæ. Et patet quoque ex hisce, quod neque partes in rerum naturalium descriptione à me ponantur, sed potius supponantur iisdem, seu sint id, quod rebus naturalibus substernitur. Hoc tamen notandum est, quod sæpius aliquid contra Plempius urserim secutus ipsius hypothesen, quæ rei veritati non congruunt. Cæterum ea non possunt mihi imputari, quasi illa ita habere censeam. Hæc autem non est necessum hoc loco referre, nam doctus & æquus lector facile ista dignoscet, si omnia quæ à me dicta sunt, cum iis quæ à Plempio proposita sunt conferat. Proinde nihil est necessum, ut plura addam, quod mihi Plempius objicit 1. *quod tam multa rebus naturalibus accensam, qua tamen Plempii judicio non sint res naturales.* 2. *quod immerito partes humani corporis à numero rerum naturalium sustulerim, animam tamen iisdem accensuerim, & quæ ejusdem farinae sunt.*

His ergo sic constitutis videamus quæ sint res naturales prima divisione? Seu: quæ sint

Summa genera ad quæ res naturales revocantur? Ad hanc quæstionem L dico: *Rerum naturalium septenarium numerum receptum non esse ad summa genera explicanda idoneum.* Nam 1. illa divisio non omnia continet, quæ sunt res naturales, neque 2. excludit illa, quæ non sunt res naturales. Quod primum attinet: medicamenta, alimenta, &c. sunt res naturales, nec illa divisione continentur, & quoad secundum: partes recensentur in divisione rerum naturalium, quæ tamen eo revocari non debent. Hæc abunde declarata sunt circa priorem quæstionem. Hoc loco id solum tenendum est, quod Pseud-Apologista ipse diffiteri non possit, res naturales eo numero septenario accurate non esse diversas, & sic vera esse, quæ contra eum obijci p. 185. meæ methodi: sed ad id confugiat: quod *divisionem tam celebrem non debeamus culpæ, nec mutare; at reliqua omnia (qua in divisione non continentur) ad aliquam ex rebus in definitione famosa recensitu pertrahenda esse.* Cæterum, mi Plempi, si reliqua, quæ ibi non continentur, æque digna sint, quam reliqua quæ enumerantur, quare non magis ista ad hæc, quam hæc ad ista trahuntur? Deinde, quam non commode id in rebus naturalibus fieri possit abunde ostendi, ad quæ tu nihil respondisti. Ultimo: hæc tua humanitas Veteres excusandum demum locum habet, ubi non invenis, quæ illis opponas: secus quam multum cures illorum dicta singulæ scriptorum tuorum paginæ loquerentur, & fere singulæ loquuntur. Unde et id mihi notatum, quod non cum Verenis mihi negotium sit, sed tecum, qui omnia Veterum dogmata dente canino arrodere soles.

II. Dico: *Res naturales recte dividi numero ternario, quod nempe sint sanitas, causæ sanitatis, & sanitatis consequentia.* Hoc Pseud-Apologista neutiquam ferre potest. Itaque 1. sententiam meam probabo: & 2. ab Adversarii exceptionibus vindicabo. Pro mea sententia taliter concludo:

In rebus qua in diversis predicamentis locantur, & in voce tantum aut communi notatione entis conveniunt, quot modis dicitur unum oppositorum tot modis dicitur & alterum.

Sed res præternaturales & naturales huiusmodi sunt. & res præternaturales sunt vel constitutivæ humani corporis præternaturales, vel causæ, vel consequens ejusdem.

Ergo res naturalis ex opposito sic dividi debet, ut sit vel constitutio naturalis, seu morbus, vel causæ, vel consequens ejusdem.

Hanc rationem proposui p. 186. Methodi: ad quam Pseud-Apologista nihil reponit, quam negationem. Ego vero causam negationis postulo, idque eo magis, quoniam cit. loc. meth. asserti mei rationes adjunxi. Deinde quia Gal. quoque ejusdem divisionis Patronum adduxi, mire super eo Gal. loco explicando defudat, & nescio quas non inconsequelas mihi affingit. Ad quæ ego ita respondeo. *Sanitas & morbus opponuntur contrarie ex Gal. loco cit. l. 1. meth. med. cap. 7.* & ita quoque ex eodem cap. 8. seq. opponuntur causæ sanitatis & causæ morborum, & consequentia sanitatis & morborum. Ergo: sicut ex mente Gal. tria sunt: morbus, causæ morborum, & consequentia: ita tria quoque sunt: sanitas, causæ sanitatis, & consequentia ejusdem. Porro ex mente Gal. morbus, causæ ejusdem & consequentia sunt res præternaturales. Verum sanitas, causæ sanitatis & consequentia ejusdem sunt res naturales ex dictis & probatis ante. Ergo secundum Gal. materialiter ad minimum tot sunt res naturales, quot sunt res præternaturales. Imo amplius, quia Gal. c. 8. ipse unitur vocabulo INCUPLABILIS & NATURALIS, potest haberi, quod istam divisionem approbet non solum materialiter, & vi consequentiæ: verum etiam formaliter & expressis verbis. Hinc videre est, quam prorsus aliene à mea senten-

tia Pseud-Apologista hanc citationem meam explicavit. Sed inspiciat Benevolus Lector mea verba in method. & judicet an recte exceperit Pseud-Apologista, ego ne verbum ad hæc addam.

Quarta controversia inter me & Plempium est: *quemodo res præter naturam definiri debeant?* Hic rursus aliz duæ involvuntur. 1. *An recte Plempius communem rerum præter naturam definitionem rejecerit?* 2. *An idem meliorem substituerit?* Ille utrumque affirmat l. 4. fund. Med. c. proœm. & in Pseud-Apologismate cap. 4. Ego contra utrumque nego. Rationes utriusque ergo examinemus.

Definitio rerum præternaturalium, vulgaris ita sonat: *Res præter naturam sunt res, quæ natura humana adversantur.* Hanc definitionem Plempius ideo rejicit: quia est justo latior, utpote cum aliis quoque rebus conveniat, quæ non sunt res præter naturam. Hoc si Plempius ostendere potest, illi accedendum est, hæctenus autem id negamus. Probari vero assertum suum in ult. edit. tribus Prolylogismis, licet in prima edit. solum una usus fuerit. Quicquid vero sit, eas omnes rationes breviter examinabimus. Prima se habet ita:

Cruditās seu læsa concoctio à nimia ciborum copia; inordinatus spirituum animalium motus in cerebro ab aspectu rerum rotatarum vel profundarum; & tremor à nimio pondere sunt res naturali animalis seu hominis constitutioni adversantes.

Sed recensita non sunt morbi, vel causa morbi, vel symptomata: adeoque non res præternaturales. Ergo

Dantur quadam natura hominis adversantia quæ non sint res præternaturales.

Ad hujus argumenti majorem respondi p. 221. (postquam fundamentum affecti proposueram, non ut Pseud-Apologista putat proœmio nihil ad rem pertinente usus fueram) in hunc modum: *Recensita omnia aut sunt talia, quæ proveniunt à natura animalis à perfectione sua naturali seu essentiali seu accidentali deturbata, aut sunt talia, quæ proveniunt à natura animalis perfectionem suam obtinens. Si perfectionem suam naturalem habet animal, ista proveniunt ab animali secundum suam naturam, & per consequens natura animalis non adversantur.* Quippe non minus naturale est animali nimiam espiam ciborum crudam relinquere, quam ipsi naturale est debitam cibi, aliis in cibo requisitis quoque se recte habentibus, debite concoquere. Et ita de aliis judicare par est. Verum si accipiat aliquis, quod natura à causis istis perfectione sua aliquatenus privata sit, facile etiam patet, quomodo ista ad aliquod genus præternaturalium debeant revocari. Nimirum pertinent ad symptomata, utpote cum à morbo aliquo proveniant. Pseud-Apologista ad cit. loc. fundam. provocat: ubi hoc assumpsit, illa procedere à natura animalis recte se habent. Ibi ergo eo supposito ita respondet Plempius. *Inde solum sequitur illas actiones non esse læsas ab animali: sed tamen sunt actiones læsæ in animali.* Et certum est actionem passivam cibi tum esse vitiatam; nam cibis est incoctus: Ergo & actio seu cessio activa est vitiatæ: quoniam actio & passio non distinguuntur realiter, sed solum formaliter. Resp. 1. per retortionem. Actiones illæ secundum Plempium non sunt læsæ ab animali. Ergo neque in animali. Nam illa actio in animali solitarie perfecta est ab animali: & est actio immanens. Proinde actio non læsa ab animali, recipitur in animali ut non læsa. 2. Resp. per insinuationem (posita hypothese adversarii) quod illæ sint actiones læsæ in animali. Nam respectu agentis non est actio læsa: & respectu patientis non est passio læsa. Illud concedit, hoc proba: quia patiens recipit tantum, quantum agens ipsi tribuere potest & debet secundum naturam constitutum, & quantum ipsum à tali agente secundum natu-



ram pari debet. 3. Resp. directe, semota hypothesi: Actiones istæ sunt læsæ & in animalis & ab animalis. Nam negari non potest, morborum causas in omnibus istis esse prægressas. Sin autem hoc sit, utique cum impossibile sit causam in actu positam non aliquid imprimere ei, quod non est ei prorsus improprium, sequitur, quod causæ morborum quoque in actu positæ aliquid præternaturalis constitutionis partibus impresserint. Cæterum non necesse est, ut illi morbi semper sint habituales: sufficit seu sint habituales, seu etiam actuales tantum. Arque ista abunde à me ostensa sunt inductione omnium illorum exemplorum p. 127. nostræ methodi.

Antequam ab hac ratione recedamus, videndum est, quæ Pseud-Apologista contra mea dicta inferat. Ea contumeliis ejus & levibus dimissis, primaria sunt sequentia. I. Urget: male à me Plempium accusarum esse, dum divisionem rerum naturalium, non-naturalium, & præternaturalium ait esse adæquaram, respectu omnium rerum Medicinalium, si res præternaturales late sumantur: at esse addendum genus quartum, si sumantur stricte, h. e. ut dividuntur in morbum, causam morbi & symptomata. Resp. Verba Plempii in prima editione fundam. ita se habent: *Dices ista actiones supra prædicta non sunt res naturales; non sunt item non-naturales: ergo sunt res præter naturam, adeoque definitione rerum præter naturam contineri debent. Respondeo: sunt quidem res præter naturam generaliter sumendo: sed sumendo stricte, prout adæquate dividuntur in morbum, causam morbi & symptoma, sic non sunt res præter naturam: quo stricto modo hic sumuntur.* Ad ista regressi pag. 223. quæstionem à Plempio relinqui integram, utpote cum dicat: illas actiones non contineri in rerum præternaturalium numero, cum sumuntur stricte, ut dividuntur in morbum, causam morbi & symptoma: & rursus contineri, si sumantur res præternaturales late seu generaliter. Nam si quæstionem illam tangere voluisset, debuisset exprimere Plempius, quid intelligeret per res præter naturam, si late sumantur: quid item per easdem, si sumantur stricte. Hoc ipse Plempius advertit, ideo in edit. secunda cit. loc. fund. & in Pseud-Apolog. addidit: *Res præternaturales generatim esse, quatenus significant quicquid quoquo modo inconueniens est naturæ corporis viventis: quod ipsum si Plempius ante fecisset, correctionem meam ex parte evitasset.* Nam post videbimus propriam eam & strictam esse rerum præternaturalium acceptionem.

II. Agre se ferre ostendit, quod Plempium miserum Gal. defensorem fecerim & dixerim, rem esse levem, & uiribus quoque Medicinæ & Physicæ, modo debite informari sint, obuiam, ex qua se extricare non potuerit. Resp. Verba Plempii citavi, & rationes dictorum addidi: solvi illa debent. Quod autem Argentarium, Capovaccium, & Sennerium mihi obijciendo putat Plempium ab ea accusatione eximi posse, nihil est. Habeo eos pro magnis Viris, & tamen censo, magnos quoque viros posse in rebus levibus aberrare.

III. Urget verum esse, Gal. I. de diff. morb. c. 4. & 5. ex abundanti demonstrasse, quod omne symptoma à morbo pendeat: & quod immetito hoc negaverim. Resp. Quidni dicerem? Quid enim est ex abundanti demonstrare? Nonne vel id agere quod actum est, vel id agere, quod nullum habet usum. Neutrum Galeno ibidem imputari potest. Ipse enim Pseud-Apologista, ubi hoc in Gal. taxat, non scribit Gal. in eodem libro actum egisse; sed quia dixerat se non de symptomate generatim sumpto acturum, & postea fere omnia symptomata persequens demonstrat singula à morbis dependere, ideo ex abundanti demonstravit. Tunc id in virio ponis, Plempi? Ego non. Quippe quilibet intelligit, quod cum Gal. promiserit, se de symptomate proprie dicto acturum; ejus naturam propriam

priam notam facere debuerit, & quidem non nuda affectione, aut autotitatis suæ interpositione, sed ratione vera. Quid hic ex abundantia? Num vero præter utilitatem? Certe qui eum locum accurate perpendit, hoc neutiquam asseret.

I V. Inquit à me non esse demonstratum omne symptoma à morbo procedere. Resp. Age ergo in formam Sylogisticam rationem meam redigam, & quid excipiat Pseud-Apologista consideremus. Ita argumentor.

Quæcunque actio in animali seu bona, seu mala, & quodcunque actionem consequens seu rectum seu læsum, immediate proficiscitur ab eo in animali, quod immediate actionem eam edere potest. Sed ad omne symptoma vel est animalis actio læsa, vel aliquid actionem ejus læsam consequens.

Ergo omne symptoma proficiscitur ab eo animali quod immediate actionem eam edere potest.

Major si à Plempio negetur, simul concedet, posse actionem fieri ab eo, quod non est efficiens; quod contradictorium. Minor veto in confesso est, & utrinque concessa. Neque ergo de conclusione ea dubitari potest. Ea vera concessa, ita progredior.

Sola constitutio partium naturalis vel præternaturalis immediate actionem in animali edere potest. Omne symptoma proficiscitur ab eo in animali quod actionem immediate edere potest. Ergo sola constitutio partium naturalis vel præternaturalis immediate symptoma edere potest.

At symptoma non procedit à constitutione partium naturalis.

Ergo omne symptoma procedit à constitutione partium præternaturalis. Hac autem recipere est morbus. Ergo omne symptoma proficiscitur à morbo.

Prima propositio confirmatur: quia Omnis in animali actio proficiscitur ab ejus anima, per instrumentum organicum; & quidem cum id originum se habet debite sit actio naturæ ejus convenienter, adeoque bene: & cum se habet male, neque actionem convenienter edere potest. Minor vero ex prius probato argumento desumpta est. Sequitur ergo conclusio, & sequuntur pariter quæcunque necessaria illatione ex ea deduximus.

Plempius solam majorem hanc in dubium vocat, atque tum in cit. loco ex fund. tum in Pseud-Apolog. judicata actiones læsas proficisci quoque posse ab errore externo. Ad id respondeo: ab errore externo dicitur proficisci aliquid, cum quicquam in corpus errore aut inconvenienti ratione sumptum est, vel in eo sic reperitur, quod facultatis liberum exercitium prohibens, facit ut actio læsa edatur. Itaque error externus non est proxima causa læsæ actionis: sed est proxima causa lædens id, quod læsum edit læsam actionem. Et id ipsum sufficienter, exemplis adductis p. 117. meæ methodi ostendi, ad quæ nihil à Plempio repositum est. Solum citat Gal. docentem ab errore externo lædi actiones, quod mihi nihil officit: & posito, non tamen concessio, Galenum hic à me dissentire, sola ejus autoritate non potest rationes à me adductas dissolvere.

V. Pseud-Apologista valde me reprehendit, quod dixerim solum morbum esse causam immediatam symptomatis: idque ideo, quia *Baccalantres Lovanienses facile me convincent, producentque symptomata immediata ex a symptomatibus, & non nisi remote à morbis.* Unde ut post pauca addit: *Symptoma potest esse causa immediata Symptomati.* Resp. Ego quidem istos Baccalauros sic institutos una cum Plempio parum reformido. Nam Logici & Metaphysici Lovanienses quidem eos melius edocebunt. Ii enim tam bene noruntquam ego, actionem non esse ullius eventus causam, sed id quo causa est:

est: & quod licet actio interveniat, tamen id quod agit, non desinat dici causa immediata. Proinde Pseud-Apologista: verum est non omne symptoma actio est, sed aliquod etiam interventu actionis symptoma est: nihilo minus tamen morbus & actionis læzæ, & ejus quod mediantea actione læzæ efficitur immediata causa est.

VI. Verba mea taxat, quibus docueram pondus posse ad causam morbi revocari: *Quia sit ita morbus non sequatur statim, tamen si pondus tale diu & sæpius ferendum sit, quis non videt, quod morbus subsequi possit.* p. 218. nostræ methodi. Ita enim ille in contrarium in Pseud-Apolog. *Quis non videt lepidulum se esse caput & deridiculum? Si pondus diu & sæpius feratur, tum tantum est periculum futuri morbi secundum se: quando nec diu nec sæpius sapimus, nullum est morbi periculum; adeoque tunc ad causam morbi referri nequit: & tamen tunc etiam inducit tremorem.* Resp. 1. non dixi, quod ubi pondus non fertur diu & sæpius tum nullum faciat morbum, vel periculum ejus injiciat, sed ex eo, quod quia diu & sæpius gestatum pondus morbum facit, etiam cum nondum diu & sæpe gestatum est, ad morbi causam sit revocandum. Et ratio aperta est: quia improporionatum diu & sæpius gestatum specie rei medicinalis non differt, ab eo quod non tam diu gestatum est, sed tantum accedente nimirum virtutis intensione & debilitate. Quid hic cachipno dignum? 2. Distinguo: morbus alius est factus vel in fieri, item sensilis vel adhuc tam exiguus, ut à Medicis pro morbo nondum reputetur. Sic ergo pondus diu & sæpius gestatum morbum in facto esse & notabilem producere potest: sed in principio morbus ille adhuc tantum in fieri est, & non notabilis à Medicis, à quo proficiscitur tremor in casu, quem Plempius proposuit.

Satisfecisse me puto primæ rationi Plempii contra definitionem receptam rerum præternaturalium allatæ, audiamus nunc alias quoque ejusdem rationes. Secunda in fund. posita est hæc:

Spiritualitas, seu incorporeitas, & immaterialitas aliæque sunt res naturæ animalis adversantes,

Ista autem non sunt morbi, nec causa morbi, nec symptomata.

Ergo quædam res naturæ animalis adversantes nec sunt morbi, nec causa morbi, nec symptomata.

Resp. ad Majorem negando: Nam adversa naturæ animalis dicuntur, quæ naturalem ejus constitutionem immutatam inferunt. Hoc autem immaterialitas & spiritualitas absolute sumpta non faciunt. 2. ad eandem distinguendo. Nam res spiritualis vel constitutionem naturalem animalis turbat, vel non turbat. Si primum & adversatur naturæ animalis, & ad aliquod membrum reduci potest: Sin posterius naturæ animalis non adversatur, ut indigitarum fuit. Ad alia vero respondebo, ubi à Plempio recensita fuerint. Non sum Oedipus, ut ea divinando assequi possim. Procedo ergo ad rationem tertiam, quæ talis:

Affectus exigui actiones nondum sensibiliter ladentes non sunt morbi, vel causa morbi, vel symptomata.

Affectus exigui sunt res naturæ animalis adversantes. Ergo.

Resp. ad majorem limitando: Affectus exigui non sunt morbi, vel symptomata scilicet magna & sensibilia: arcamen sunt talia parva. Et quanquam Medici ista exigua non ita rigide attendunt: tamen non desinunt esse id quod sunt. Neque hic quicquam Galenus contradicit. Proinde universaliter conclusum esto: nihil à Plempio fuisse allatum, quod solide monstrare possit, definitionem communem & Medicis usitatum rerum præternaturalium esse rejiciendam. Nunc ergo porro ostendamus, malam esse eam, quam ipse in locum

locum ejus substituit, neque contrarium evincere posse ejus exceptiones. Est vero illa talis: *Res præter naturam sunt res naturali corporis viventis constitutioni adversa, quæ si non sint morbi necessariam causalitatis habitudinem ad morbos dicunt.* Hæc definitio exacta & adequata convenit morbo, causa morbi, & symptomati. Ita in prima editione: at in posteriori rem clarius explicaturus, ante illa verba Hæc definitio inferitur: *i. e. sunt res, quæ si non sunt morbi, faciunt morbos, vel sunt à morbo.* Habitus enim causalitatis duplex est: habitudo causa & habitudo effectus. Causa morbi dicitur habitudinem causa, symptoma dicitur habitudinem effectus morbi. Si clariorem & sub disjunctione majus hanc habe. *Sunt res naturali corporis viventis constitutioni adversa, quæ vel affectus sunt, à quibus actiones caduntur primo, vel tales affectus faciunt, vel eosdem consequuntur.* Hæc definitio, &c. Utamque eam definitionem hoc loco examinabimus. Atque in prima quidem p. 229. primam desideravi, quod non esset definitio, sed divisio, aut enarratio eorum, quæ vocantur res præter naturam. Ad hæc excipit Pseud. Apologista. *Enumerantur in ea res præter naturam, sed sic enumerantur, ut simul describantur.* R. Ista ostendi debebant, nam ego omne Plempio concesserò, si quisquam id ex ejus definitione eliceret. Imo ipse Plempius in secunda editione id non ostendit, verum explicaturus illam definitionem divisione id facit, ut ex verbis ejus videre est. Imo contrarium ostendo. Nam si res præter naturam debent definiri, illa definitio ita institui debet, prout res præter naturam genus sunt morbi, causæ morbi, & symptomatis, ut Plempius ipse indigere illis verbis. Itaque aliter definiri necesse est res præter naturam, prout *ADÆQUATUM GENUS* constituunt morbi, causa morbi & symptomatis, &c. Genus vero non continet inferiora actu, sed tantum potentia, unde & totum potentia appellatur. Hinc patet genus definiri, vel describi, eum ita explicatur, ut definitio non actu species enumeret, sed quid commane omnibus & solis speciebus contineat. Excipere quæ potest hoc non semper obtineri posse. Sed ægero, hoc hic non habere locum, quia res præter naturam possunt ita describi: & deinde tali casu non promittendam esse definitionem, quæ res illas definit tanquam adæquatam genus Resp. 2. Concesso eo res præter naturam sic enumerari, ut simul describantur, sequitur illud vitium, quod illa Plempii definitio simul & divisio sit: quod sane non est levius, quam esse divisionem tantum.

Deinde obscuram eandem esse notavi & forsitan ob additam particulam necessari, quæ videtur importari vel causas omnes necessarias esse, vel omnia symptomata necessaria. Ad hæc Pseud. Apologista ita excipit: *Obscura tibi & tui similibus, qui vel ob tumultuosum, ac velutans ingenium intelligere non potestis, vel ob malignitatem non vultis.* Resp. Bona verba quæso. Ipse Plempius in fundamentorum nova editione eam definitionem explicavit, deinde clariorem substituere voluit, & in hoc loco circa explicationem ejus ita occupatus est. Quid bis opus est, si clara est? Lector judicabit, utrum ego ante explicationem additam eam rectius obscuram censuerim, an tu claram. 2. Progreditur in hunc modum: *Nam ecce illa particula addita colligi minime potest vel omnes causas esse necessarias, vel omnia esse necessaria symptomata: quippe non dicitur causalitatis necessaria, sed habitudo necessaria: quasi dicat, ut aliquid præter morbum sit res præter naturam, est ipsi necessarium, ut habeat vel dicat ad morbum habitudinem causalitatis: seu debet necessario dicere ad morbum habitudinem causalitatis: seu est ipsi necessaria habitudo causalitatis ad morbum.* Capi? Resp. Capiò, sed eam explicationem nunquam divinando assequi potuisssem. Verba Plempii ita se habent: *si morbi non sunt, necessariam causalitatis habitudinem ad morbos dicunt.* Age: habitudo relatio est: & quod istius relationis fun-

damentum? causalitas: quis terminus? morbi: qualis vero ipsa relatio? necessaria, quippe habitudo necessaria. Hæc autem fundata est in causalitate: Est enim necessaria causalitatis habitudo ad morbos. Quid hinc concludat aliquis, quam hoc: cum sit causalitatis habitudo necessaria, & ea vel causæ, vel effectus: quod & causæ & effectus necessario cum morbis coherere debeant? Neque ideo particulam *FORSAÑ* addidi, quod alium sensum in his verbis esse ceassem: verum quod non satis certo constitutum judicarem, esse aliquas morborum causas non necessarias, vel etiam esse quædam symptomata contingentia. De quolibet. Cæterum si cum sensum, quem Pseud-Apologista urget, illa verba sustinere deberent, non debuisset dici *necessariam causalitatis habitudinem inferunt*, sed *necessario causalitatis habitudinem inferunt*: inter quæ etsi non est major differentia quam inter *VIS* & *VA*, tamen non minus sensum alium faciunt. Et quid? secundum Pseud-Apologistæ explicationem redundat illa vox. Nam *omne quod est, eo ipso quo est, necessum est esse*: itaque omne quod habitudinem habet, eo ipso quo eam habet, non potest eam non habere, sed necessum est ut habeat.

Ultimo *irineorum* Autoris redargui ubi ait: *Hæc definitio exacte & adæquate convenit morbo causa morbi, & symptomati*: Regessi enim p. 230. meæ methodi, quod id non aliter verum sit, quam si quis idem de hac animalis definitione asserat. *Animal est vivens, quod si homo non est, tamen ei sub eodem genere proximo opponitur: aut est vivens, quod si homo non est, sensum habet sine mente*. Solvit Pseud-Apologista. *Concedo totum: nam selectabiles sunt illa definitiones*. Ego ergo quoque, cum impetrem quod volo, plura non addo, sed iudicio docti lectoris permitto judicare, quam illæ definitiones exacte & adæquate animali competant.

Secunda definitio Plempii pariter per divisionem fit, & membra divisa insuper definita habet, si quis propter eas virtutes eam bonam esse judicaverit, ego nihil contradixero. Istud tamen notare convenit, quod licet Plempius istud concedat, illæ propterea non evadat melior. Quippe magis veritatis amatorem decet confiteri, definiti aliqua non posse, quam pro definitione divisionem incautionibus obtrudere. Hoc vero casu id non necesse est. Nam si res præter naturam describantur ita: *Ras præter naturam sunt, qua intra universitatis naturam posita constitutioni corporis humani adversa sunt: vel constitutionem corporis humani à naturali declinantem important; vel qua ad præternaturalem corporis humani constitutionem pertinent*: & vere, & clare, & citra divisionem, & adæquate res præter naturam expressæ sunt: si præcipue ea adjungantur, quæ circa rerum naturalium definitionem expressimus. Satis est, & plus quam satis. Si autem Plempius sibi satisfactum non putet, id indicare poterit. Alia autem in Medicina nostra legentur, ita ut postea plura à hæc postulare non necesse habeat. Finio in eo dicto: *Homines semidocti nihil est iniquius*.

F I N I S.



PRÆSTANTISSIMO VIRO,
D. DANIELI de DIEU,
MEDICINÆ DOCTORI EXPER-
TISSIMO, ET IN VRBE PATRIA
PRACTICO FELICISSIMO, AMI-
CO SVMMO,

Hanc auctam Anthropologia editionem & maxime

Cl. V. ALBERTI KYPERI,

in sincera amicitia signum

L. M. Q. D. D. D.

JOANNES ELSEVIER.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 11
PART 1
1881



Σὺν Θεῷ

UNIVERSÆ MEDICINÆ CONTRACTÆ

PROLEGOMENA.

I. **C**ONSTITVTVM nobis est, divina annuente gratia, universam Medicinam breviter, methodice & complete proponere, ut non solum beneficio ejus quasi in numero summa & necessaria artis nostræ capita haberi queant, quod ob præcipites agendi occasiones necessarium est: sed etiam ut præsens tractatus possit esse instar alicujus manualis, quod memoriæ imbecillitati imprimis proficuum est. A præcognitis autem initium faciemus, antequam ipsam artem tradamus.

§. II. Complectuntur vero illa *præcognita Medicina nomen, definitionem, finem, munus, objectum, subjectum inhaesionis, originem ac causas, porro, adjumenta & effecta, & denique divisionem*. Hæc enim omnia & sola ad hunc locum pertinere rem perpendenti accuratius facile succurret.

§. III. Medicinæ nomen, sicut Græcum *ιατρικὴ* adjectivum apud priores Autores Latinos fuit, ut subintelligenda esset vox artis, aut alia conveniens: sed hodie jam longo usu substantivæ usurpatur: & quidem complexæ tum pro arte debite occurrendi morbis, tum pro arte convenienter prospiciendi sanitati: licet antiquitus sere eam solum Medicinæ partem spectaret, quæ in morbis, quantum fieri potest, tollendis occupata est. Habet quoque aliquando Medicinæ vox id significatum, ut denotet instrumentum aliquod medicum, nempe pharmacum: attamen id ad præsens institutum nostrum non facit.

§. IV. Definimus *Medicinam* hodierno vocis usu, quod sit *ars rite faciendi ea, qua ad sanitatem hominū conferunt*: aut, *Medicina est ars rite præstandi*

A

standi ea, quæ ad hominis sanitatem tuendam & restituendam apta sunt. In quærensensum ex Arist. l. i. Rhetor. c. 2. etiam Cl. Hoffmannus l. i. Instit. Medic. c. 1. ita inquit: *Medicina est ars, quæ videndi omnia, quæ ad sanitatem hominis conservandam apta & accommodata sunt.* Maluimus tamen potius dicere *faciendi* aut *præstandi*, quàm *videndi* seu *diagnosendi*, ut in Græco est, quia perspicientia ea ad operationem ordinata est, & hæc primum & ultimum Medici munus explet.

§. V. Afferuntur hic ab aliis aliæ & quidem multiplices Medicinæ definitiones: attamen quia vel imperfectæ vel etiam falsæ sunt, vel cum datis coincidunt, non iudicavimus operæ pretium eas prolixè referre: sed utilius esse ducimus, singulas definitionis nostræ partes excutere. Ergo *Genus* quidem *Medicina* *artem* esse dicimus, quia non solum ejus definitio exacte Medicinæ quadrat: sed etiam de ea essentialiter, directè, proxime, incomplete & non reciproce prædicatur. Cum autem *scientia* sit habitus arti oppositus & ab ea realiter distinctus, liquet, quod cum Medicina ars sit, ne utquam scientiam pro genere agnoscat, & si qui ampliorem significationem urgeant, ea voce improprie utantur, & tamen remotum solum prædicatum Medicinæ importent.

§. VI. *Differentia* petita est à *sine*, *officio*, & *Objecto*. *Finis Medicina sanitas* est: hoc enim illud ultimum in hac arte est, quod ab ea intenditur, ut producat. Licet vero sanitatem sequatur prompta actionum expeditio, aut aliud quid bonum huic connexum: tamen id à Medicina primario non spectatur, utpote quæ finem suum plene assecuta videtur, cum sanitatem præstitit.

§. VII. *Munus* seu *officium Medicina* *primarium* est *rite præstare ea quæ ad sanitatem conferunt, retinendam* quidem, si sanitas præsens sit, at *recuperandam*, si sanitas absens sit. Ut vero illud debite obiri possit, præ requiruntur alia *officia* Medicinæ prærequisita, nempe *agnoscere* naturalem & præternaturalem constitutionem, earundemque causas & consequentia: *prænotificare* futura: simulque *cognoscere & invenire & aptare* convenientia media, quibus ea præstari queant, quæ ad tuendam sanitatem & depellendos morbos faciunt. Munus istud seu *officium* multi *scopum* & *finem* *internum* appellant; quod aliqui rigide convellunt, ego vero de appellationibus nemini litem movebo: idque eo magis, quia adverto Veteres utroque modo locutos esse. Plura hoc loco de Medicinæ officio dicere non necesse est, utpote cum reliqua ad ipsam artem pertineant, & in ea nobis declaranda ventura sint.

§. VIII. *Objectum seu subjectum occupationis Medicinæ* Homo est, maxime secundum corpus, cum ei præcipue sanitas competat. Et si enim omni viventi sanitas & morbus conveniat, tamen quia minus liberale est, se ad omnium viventium curam dimittere, & quia artes primo hominis causa repertæ sunt, & quia in homine curando satis multum indultriæ & laboris requiritur, primi artis nostræ Conditores soli homini eandem aptarunt. Proinde errant, qui corpus vivum nobis obtrudunt, aut aliud quodcunque loco objecti recensent. Quoniam vero *Homo* vel in *communi*, vel in *particulari* spectari potest, judicamus eum ut in *communi* consideratum artis nostræ objectum esse, ita tamen prout ad unum quemque illa applicari potest, unde exercitationis nostræ objectum homo singularis censetur.

§. IX. *Subjectum inhaesionis Medicus* est, qui est homo artis Medicæ peritus & potens: seu qui debite præstare potest, quacunque ad sanitatem defendendam & restituendam conducunt. Ad talem autem hominem multa prærequiruntur, quæ ipsa una cum his, quæ ad Medicum proprie spectant, in ista Medici descriptione per se clara continentur. *Medicus* est vir pius ac probus, ingeniosus, sanus, humaniorum literarum & philosophiæ bene callens, qui convenientibus signis statum hominis quæ sanitatem & morbos, & quæ eo pertinent dignoscere, futura circa eadem prænosce, & convenientia iis media reperire & applicare potest, ut quantum fieri potest, sanitas conservetur, & morbi depellantur.

§. X. *Origo prima Medicinæ* à Deo est, quatenus eam Protoplastis nostris aliisque quibusdam peculiari ratione communicavit, & adhucdum Medicorum mentes illustrat, & opera felicitat. Sed *origo Medicinæ* orta ab hominibus pendet, qui partim *inventione*, partim *disciplina* Medicinam ex tenuibus aliquando incitiis ad id fastigium, in quo nunc est, deduxerunt. Et optandum est, ut cordati Viri porro incumbant, ut quoniam multa adhuc in nostra arte desiderantur, multaque prave tradita sunt, ipsorum laboribus, quantum fieri potest, ulterius promoveatur.

§. XI. Homines illi, qui Medicinam vel invenerunt, vel disciplina propagarunt, non unam viam ingressi sunt: sed illorum aliqui solam experientiam secuti sunt, inde *Empirici* dicti: alii soli rationi considerunt, & ad certas generales methodos omnia redigere voluerunt, inde *Methodici* appellati: alii autem & experientiam & rationem observandam urserunt, atque se discriminis gratia *Dogmaticos* vocaverunt. Hi hoc reliquis præstant, quod illi neutiquam queant medicinæ culmen attingere, utpote uno medio necessario destituti: sed *Dogmatici* nullo necessario auxilio destituti, ad summa contendere possint, licet ob humanam imperfectionem ut plurimum in

anterioribus subsistant. Atque hæc illæ tres *scilicet* sunt, apud Veteres celebratæ, quæ cum hoc tempore non vigeant, non egent pluribus pro declaratione, modo illud notetur, ad experientiam & rationem omnia revocanda esse. Sed quid de Chymicis? Illorum non pauci valde rudes sunt, ut ne Empiricis quidem Veteribus annumerari mereantur: rursus aliqui ita culti, ut merito in Dogmaticorum censum recipi mereantur, cum experitiæ & rationi innixi plurima ad ornandam & ampliandam Medendi artem contulerint. Vnde hodie cordatiores & cultiores Medici Chymicæ non levem operam impendunt.

§. XII. Inter *adjuncta Medicina* consideranda veniunt *Medicinæ unitas, veritas, mensura, bonitas, perfectio, duratio, methodus, & dependentia ejusdem à Physica*: de quibus ordine aliqua addenda sunt.

§. XIII. *Unitas Medicina* non est *simplicitatis*, sed *ordinatæ aggregationis*, quemadmodum quoque aliarum disciplinarum est, ideoque in hoc consistit, quod prima posterioribus ita conuexa sint, ut quasi naturali decursu fluant, atque sic universam nostram artem compleant. Inde tamen non sequitur, quod Medicina non sit una ars: quoniam una ars talem unum compositum ex pluribus habitum insert, qui ad unum primum finem tendit, & ita connexa præcepta habet, ut præcipuus finis perfecte sine iis omnibus obtineri nequeat: & id quidem sub eo ordine, ut omnis ars primo ad hominem tanquam finem cujus referatur, & ab eodem commode obiri possit.

§. XIV. *Veritas Medicina rationi & experientia* innixa est, ut proinde errent, qui eam uni alicui aut multiplici autoritati astringunt. Quippe intellectus noster à rebus mensuratur, & ideo quid verum est, quia quemadmodum dicitur, ita se habet, non vice versa. At tamen ubi ratio vel experientia deficit, auctoritatem nobiliorum sequi prudentiæ est. Eam nobis præcipue implent Hippocrates & Galenus. Post quos locantur tum posteriores Græci, tum Arabes, tum quicumque alii doctrina & experientia insignes Viri. Imo vero illorum Autorum diligens lectio & rationem & experientiam suggeret, quæ ideo, quia à tantis viris profecta, maiorem meretur fidem, quam si ab indocto imprudenteque Medico jactetur. At quid de Aristotele? Quanquam ex professo Medica non scripsit, tamen quantum ab illo ad Medicos derivari possit commodi, uno exemplo Averrhois monstrari potest. Nam is ob accurationem suam & plurimorum errorum in Medicina manifestationem malleus Medicorum dictus est. Ex verum istud dictum est, *Bonus Medicus est bonus Philosophus*. Liqueat tamen

men ex his, siquidem aliud autoritas, aliud experientia & ratio ostendat, quod hæc illi prævaleat. Nam *videndum non quis, sed quid dicat*. Homo enim qui est, errare potest. Sin autem ratio & experientia videantur pugnare, valet illud Philosophi: *in iis qua manifesta sunt, sensum dimittere est quadam appositæ mentis*. Quippe vera ratio nunquam veræ experientię adversatur, ac proinde ubi non concordant, id sequi oportet, quod certissimum est. Inde aliquando experientia apparente dimissa rationem etiam prævalere existimo.

§. X V. Solvi hinc potest illa quæstio: *An Medicus senex & expertus an juvenis & doctus Medicus præferri debeat?* Nimirum in morbis vulgo notis & obviis senem expertum elegero: in casu autem raro, ac ægritudinibus novis juvene docto uti mavelim. Nam experientia non habet locum nisi in visis seu consuetis, quæ autem insolita sunt, sola ratione decidenda sunt. Quanquam ego existimo, neque posse esse Medicum vere expertum, quin doctus sit: quoniam ignarus non novit experientias vel rite facere, vel debite observare. Et rursus vere suam artem non callet, qui non aliorum ad minimum observationes tenet, & artis præcepta prudenter applicare novit. Imo vere doctus non est in arte Medica, qui sub prudentibus Medicis in publicis nosocomiis vel aliis ægrorum curis varios casus non notavit.

§. V I. Ita etiam patet, quæ *Medicina mensura* sit, puta qua ejus veritatem; nondum tamen id constat, ad quam normam operationes ejus sint exigendæ. Optime vero id docet Galenus l. de constit. art. quod, cum duo genera artium sit, in quarum altero artifices exempla sibi fingunt, & ea opere exhibent: sed in altero naturam rerum inspiciunt, & eam imitantur: *Medicina hujus posterioris generis sit*. Nam Medicus sibi proponit id producere, quod secundum naturam in corpore humano inveniri solet & debet. Imo in modo quoque agendi naturam imitari Medicus debet, quæ ipsa sine rationis ductu optime & sapientissime omnia exsequitur, nisi ubi vel oppressa, vel prave irritata est, quo casu necessum est, naturam diminute aut prave agentem corrigere, & ad statum naturalem revocare, quousque id in artis virtute est.

§. X V I I. *Bonitas Medicina* tanta est, quanta sanitatis, utpote ad quam collimat. Atque in eo quoque ejus *perfectio* consistit, quod de eo omne id promittere possit, quicquid in naturæ viribus est. Fatendum tamen id est, quod illa perfectio in Medicinam non cadat, prout hæctenus excolta est, sed quatenus esse absolute debebat. Proinde rursus Medicorum industria expetitur, ut totis viribus incumbant ad addendum quæ deficiunt, ad corrigendum,

rigendum, quæ prava sunt, ad ordinandum, quæ transposita sunt. Non poterit non magnis ausis aliquis respondere successus. Nimirum sicut parva res mundus foret, nisi unusquisque quod in eo quæreret inveniret: ita brevis valde Medicina foret, nisi semper in ea indagacioni locus esset. Verum nimirum hic etiam est: *Multum egerunt, qui ante nos fuerunt, sed non peregerunt. Multum adhuc restat operi, multumque restabit, nec ulli nato post mille secula praecludetur occasio aliquid adjiciendi, aut corrigendi, aut clarius exponendi, aut quocunque modo perficiendi.*

§. XIX. Pertinet ad hunc locum *quomodo Medicina nostra sit ars conjecturalis?* ludicandum est, qua omnia officia. Nam & in dignotione, & in prænotione, & in investigatione mediorum, & in debita eorumdem ad consequendum finem applicatione sæpe prudenti conjectura opus est. Vbi enim deficit plena cognitio, ad conjecturam recurrendum, utpote quæ media quædam scientia est inter perfectam ignorantiam & exactam notitiam, docente Gal. Li. de loc. affect. Quoad præcepta Medicinæ, error plurimorum est, plenam & perfectam nostram artem esse, contra quam prudentiores conqueruntur, & nos §. præcedente explicuimus. Quapropter Medicinam insepexit Hippocrates prout in statu perfecto esse debet, non prout inter homines invenitur, cum *totam artem constantem & firmam* dicit l. de loc. in homi.

§. XIX. Si hæc ita sunt: *ecquid etiam fortuna Medicus opus habet?* Debet quidem semper Medicus divinam benedictionem implorare, & suspicere: cæterum fortuna nullatenus eget. Quippe omnia Medici munia per naturalia media obeunda sunt, quæ si debite adhibere ex arte possit: implere poterit, quicquid est in artis potestate. Neque refert, quod doctissimi Medici infelicissime curare dici solent. Nam illi qui generalia artis præcepta norunt, & carent virtute eadem ad particularia subiecta applicandi non sunt vere docti Medici, quia summa perspicientix & eruditionis Medicæ cardo in hoc versatur. Ita vero vulgus solet doctum Medicum appellare, qui subtiliter disputat, Chimæras sibi fingit, & in media luce cæcutit.

§. XX. Hoc quoque circa Medicinæ perfectionem declarandum est: *An homine liberali ejus exercitium dignum sit?* Dubitationem eam leges Civiles sustulerunt, quæ civitatis jus Medicis dant. Neque id amplius inquirendum est. Quoniam enim liberum vel servum, rursus vel liberale vel servile esse ab hominum voluntate pendet, consequitur, ut quicquid de his ab iis statutum est, penes quos ea autoritas erat, id omnino sic debeat accipi ut firmum & ratum. Et habuerunt quoque sui asserti eam solidam rationem,

tionem, quod maxime liberale sit homini succurrere, quia id maxime humanum: libertas vero maximum hominis ornamentum est. Et licet aliqua officia Medicis obijciantur, tamen si ad talia se demittere cognoscendi naturam studio liberalem hominem non dedecet, quare illiberale putemus, eadem hominis juvandi causa subire? Ut taceam pleraque talia per servos seu ministros suos à Medicis elegantioribus obiri solere aut saltem posse. Si qui autem hic ad asinorum, porcorum, cimum, pediculorum & similia curam se dimiserint, illis singularibus esse per me licet. Interim ego cum aliis soli homini mederi liberale esse munus censeo.

§. XXI. Porro quæri solet: *An Medicina vel juri prudentia dignior locum sit concedendus in Republica?* Qui artis nostræ amantiore sunt, solent Medicinæ primas attribuere: verum si veritas & justitia affectu & amore chariores nobis esse debent, jurisprudentiam vincere satendum est. Nam illa non solum singulorum & omnium respicit, vitæ, famæ, & bonis consulit, & omnes actiones nostras ad honestatis & publicæ utilitatis leges asstringit. Quorum similia Medici jactare non possunt. Licet vero multi existiment, se in sola legum suarum interpretatione hære, & ab alterius præscripto pendere: secus tamen esse vel inde colligitur, quod ipse Imperator legum fundamenta numerat: *Honeste vivere, Neminem lædere, Suum cuique tribuere*: ut ita se tunc liceat ad ea fundamenta leges revocare, & secundum eadem interpretari. Nihilominus Medicinæ sua dignitas constat ob objecti sui excellentiam, finis præstantiam, artis totius accurationem, & si quæ alia.

§. XXII. *Controversia etiam de præeminentia Medicina moveri solet à Philosophis*, ut qui Philosophiam suam eidem præferri debere contendunt. Adjunt enim materiam de qua Philosophia agit sublimiorem, & latius quoque patentem esse, dogmata pariter Philosophiæ accuratius conscripta, & certiora existere, & denique Medicinam ejus filiam seu propaginem esse. Magna sunt ista fateor: attamen pro Medicis dici potest etsi concedatur, si absolute istæ disciplinæ considerentur, quod Philosophia sibi queat primas vindicare: tamen si relative spectetur in ordine ad ea, quæ ab illis disciplinis in Rempublicam redundant: quod sibi primas Medicina juste tribuat. Nam Philosophia privatum bonum est, Medicina autem commune. Imo quia bonus Medicus esse non potest, quin sit etiam bonus Philosophus: videtur ipsi & Philosophiæ & Medicinæ dignitas competere, ut ita omni ratione justissime legibus determinatum sit, locum superiorem Medicis, quam Philosophis conveniri.

§. XXIII. *Vbi*etas Medicinæ specialem declarationem non requirit. Quandoquidem enim in Medico est, colligi potest, quod ubicunque Medicus est, Medicinam quoque esse oporteat. Verum quod ad *durationem ejus* attinet, ea cum homine cœpit, & ob necessitatē suam erit, quamdiu homines erunt. Hoc tamen notandū est, quod licet alicubi non sint, qui Medicos se ex professo fatentur, tamen non omni modo ibi Medicina negari queat; licet censendum sit, non esse tunc perfectō statu. sic enim & in Græcia primis temporibus fuit, ut ægri in plateis exponerentur, quo iis melius auxilium adlerri posset ab iis, qui similibus morbis fuerant affecti, quorum remedium eventus descriptos in templo Æsculapii suspendebant, quos magnam partem Hippocrates descripsisse, & in aliquam methodum conscribere existimatur.

§. XXIV. Qualis illa methodus fuerit, anxie non inquirō: hoc instituto magis congruit investigare, *qua methodo medicina debeat conscribi?* At ex Logicis satis constat, quod artibus methodus analytica maxime competat: cum ergo Medicina ars sit, ad ejusdem methodi regulas conformari debet. Quia autem tota hæc disputatio Logica est, ex ea rationes in hunc locum repetendæ, quas ad Medicinam applicatas accurate persecutus est Zabarella l. 2. de method. c. 11. & seqq.

§. XXV. Atque in hoc Medicina à Physica differt, quæ quoniam scientia est, methodo synthetica progreditur. Cui differentiæ aliæ plures copulatæ sunt, inter quas illa quoque non postrema est; quod Physica quidem demonstrationibus utatur, sed Medicina per se nullas demonstrationes usurpet. Id videri poterat alicui paradoxum, neutiquam tamen est, si consideret, non quamcumque unius ex altero consecutionem demonstrationem esse, sed eam solum, quæ cum nova difficultate ex conclusis elicitur. Ita ex Philosopho ad posteriora Analytica Interpretes docent, consecutaria proprie non demonstrari, sed ex demonstratis ultra fluere. Talia vero sunt in Medicina proponenda, quæ in Physiologia demonstrata theorematata convertit in operationis præcepta in solidum pendencia à demonstratis.

§. XXVI. Ista præcipua Medicina à Physica dependentia est, ostendens simul, quæ proprie Physicæ, quæ proprie Medicæ considerationis sint, ne diversarum disciplinarum limites turbentur, ut non longe post notabimus. Solvi etiam potest quæstio: *An Medicina sit disciplina Philosophia naturali subalternata?* Neutiquam scilicet. Nam ut ex Philosopho l. 1. Poster. Analyt. patet: disciplina subalternata scientia est, & demonstrationibus utitur;

titur; verum secus se res habet cum Medicina. Attamen filiam & fructum Naturalis scientiæ libentes largimur, & Magis naturalis præcipuam partem. Quippe per Medicinam interventu naturalium mira quandoque præstantur, ut cum remediis præsentibus lypothymia comprehensi restituantur, epileptici & convulsi vi insultus compescuntur, somno sepulti excitantur, furiosi sedantur, & quæ plura sunt hujusmodi.

§. XXVII. Restat nobis sola Medicinæ divisio, quam quidem alii aliter proponunt, ego sic instituo. *Pars Medicina* alia est *aliena* seu *transsumpta*: alia *propria*. Illa proprie loquendo non est Medicinæ pars, sed portio quædam Physicæ scientiæ, qua carere Medici non possunt. Hanc ideo fundamenti loco Medicinæ suæ præmittunt, quoniam vix unquam in Physicis plene instituuntur tirones: absque hoc incommodo si foret, possent omnino istam docendi provinciam Philosophis concedere. Quis vero illorum, nisi Medicus simul fuerit, Physicis rebus satis instructus est? Vix unus. Est tamen & alia ratio, quod illa ex Physica ante Medicinæ dogmata Medici ipsi declarent, quia ipsi artis suæ gnari optime modum in his tradendis observare possunt. *In hac aliena Medicina parte* proponi debent omnes res Medicis dictæ, nempe notitia humani corporis, deinde sanitatis & morborum, ac consequentium illorum theoria, denique tam sanitatis quam morborum causæ. *Propria autem Medicina pars* præcepta exhibet debite agendi, quæ fere hoc ordine se consequuntur. Primum necessum est, investigare hominis statum naturalem & morbosum, & quæ eo pertinent indagare. Deinde oportet explorari quæ circa ægrum futura sunt. Porro inveniri debent convenientia media, quibus sanitas conservari, & morbi superari queant. Hæc ipsa autem si natura nondum convenientia sunt, præparationem expetunt. Denique inventa & præparata media sunt legitime ad hominem applicanda, ut sic subsequatur finis à Medico intentus. Ita intelligi potest, quam vanus illorum metus sit, qui existimant parum aut nihil Medicinæ reliquum manere, si Physicæ, sua reddat. Satis restat operis proprii, ut alienum appetere non necesse habeamus.

§. XXIX. Eadem quæ proposuimus, sequuntur ex altera quadam Medicinæ divisione, qua etiam Averrhoes usus est, & tres ejus partes constituuntur. *Prima* quidem *de Medicina objecto*: nimirum *Homine* cujus principia, natura, seu essentia, & consequentia declaranda sunt. *Secunda* de *fine* sanitate nempe. & *fini opposito*, nimirum morbis, & *utrorumque causis & consequentibus*. Tertia de *mediis*, tum facientibus ad *dignotionem*, quæ præsentia in homine sunt; & ad *prænotionem* eorum, quæ futura; tum conferen-

tibus ad *executionem*, ante quam inveniendæ sunt inedia, per quæ agendum est, & eadem si opus habeant, debite veniunt præparanda, ut sint fini porportionata. Hoc solum inter hanc & præcedentem divisionem inter est, quod in priore, aliena distincte notantur, in posteriore autem à propriis non separata sunt. Rursus vero in posteriore planior connexionis ratio insinuat quam quidem in priore. Nos tamen ob certam rationem maxime primam sequemur, & tamen partium naturalem connexionem, quoad fieri poterit, memoriz causa sectabimur.

LIBER PRIMUS.

De HOMINE, seu Medicinæ Objecto.

CAPUT I.

De rebus secundum & præter naturam, & non-naturalibus.

S. I.



Ntèquam ex nostra mente singulas medicinæ partes proponamus, visum nobis est præmittere *definitionem* & *divisionem rerum naturalium, præternaturalium, & non-naturalium*, ut & aliorum circa hanc doctrinam sententiam cognoscamus, & in posterioribus institutam methodum melius prosequi queamus.

§. I I. Itaque multi Medici omnia quæ sunt considerationis Medicæ in hæc tria summa capita distributa esse existimant; attamen si posterius explicanda pensiculatus observaverimus, perspicere promptum erit, quod istud opinamentum rerum veritati non exacte congruat. Id ut percipiamus melius, bene secerimus, si investigaverimus, quid enumeratæ illæ res sint, & quomodo dividantur. Quippe tunc conferendo eam doctrinam cum legitima Medicinæ divisione palam evadet, quam insufficiens illa traditio sit. Faciemus vero initium à *rebus naturalibus*, tum de *præternaturalibus* agemus, & in *non-naturalibus* desinemus.

§. I I I. *Res naturales* seu *entia naturalia Physicæ* proprie vocantur substantiæ corporeæ, seu corpora naturalia, utpote quæ natura constant. Sed principia

principia corporis naturalis ipsis non proprie dicuntur res naturales, verum vel ipsa natura, vel id unde natura est. Sic & accidentia & effecta corporis naturalis sunt quæ vel rebus naturalibus, seu iis quæ natura constant, inhzrent, vel ab iis proveniunt. Medici autem voce eadem latius utuntur: ut qui *res naturales* vocant ea omnia, nempe ipsa corpora naturalia, eorundemque principia, adjuncta & effecta; idque ideo, quia de iis omnibus agit Philosophia naturalis; & deinde speciatim ex iis ea tantum hoc nomine appellant, quæ ex Physica in Medicina repetunt, & ad naturalem corporis humani constitutionem postulantur.

§. IV. Exinde patescit, quod res naturales non possint una accurata definitione comprehendendi, quia non solum res diversissimas, nimirum distinctorum prædicamentorum important, sed amplius duplicem accidentalem respectum inferunt, quorum unus melior tironum Medicinæ cognitio; alter naturalis habitudinis seu constitutionis corporis humani est. Quantum tamen fieri potest, non improbatum nobis talis rerum naturalium descriptio; *Res naturales sunt, quæ in ordine natura constituta, ad constitutionem naturalem humani corporis & partium eiusdem pertinent.*

§. V. Illa vox quæ indigitat generali significato quæcunque entis nomine venire possunt; maxime positiva, quoniam negativa & privativa non dicuntur entia, nisi vocis alienatione, ut Scholastici loquuntur. Dehinc adjungimus *in ordine natura constituta*, ut insinuemus excludi à rebus naturalibus ea, quæ in ordine supra naturam constituuntur, ut Deus & intelligentiæ. Quanquam enim ista Medicus quoque suspicit, tamen directe circa naturalia occupatur. Porro addimus *pertinent*, quod est si negative explicemus, sine quibus naturalis constitutio non est; sin autem idem declaremus *affirmative*, quæ postulantur, ut sit naturalis constitutio, seu *formaliter ac immediate*, ut sunt, quæ in naturalis constitutionis essentia continentur; seu *antecedenter, & causaliter*, quæ constitutionem illam naturalem producant; seu *consequentem*, quæ ex naturali constitutione proveniunt, ut adjuncta & affecta. Postea subnectimus *ad naturalem constitutionem*, ut manifestemus, normam seu mensuram rerum naturalium esse, quod rebus competit, cum sic sunt, ut esse debent. Hoc enim hoc loco naturale vocamus, quod respondet suæ ideæ, cum alioquin istius vocis sit multiplex potestas. Denique adjiciamus *corporis humani & partium eius*, ut indicemus, quis sit terminus ad quem res naturales referantur, seu quod subiectum ad quod reducantur, nimirum *humanum corpus*, seu, quod idem est, *homo secundum corpus*, idque non solum prout id ut totum attenditur, verum etiam,

tiam, prout id in partes diremptum adeoque divisum est.

§. V I. Hujusmodi ; *Res naturales Medici numerant septem, nempe elementa, temperamenta, humores, spiritus, partes, facultates & functiones.* Ad has deinde alias res naturales revocant, ut *sexum* ad temperamentum aut partes ; *etatem & colorem* ad temperamentum ; *habitudinem corporis, & compositionem ac figuram* ad partes. & ita de reliquis. Verum, salvo doctiorum iudicio, inavelsim tria rerum naturalium genera constitui nempe *sanitatem, ejusdemque causas, ac consequentia.* Quippe ad similem modum & res præter naturam dividuntur, quæ rebus naturalibus sunt contrariæ : & exacte etiam liquet, quæ res naturales dici debeant, & quare ; secus quam circa priorẽ divisionem contingit, utpote in qua res quædam naturales omittuntur, rursus quædam recensentur, quæ non debebant. Nam partes res naturales non sunt, contra autem sanitas, ejusque causæ ac effecta non omnia enumerantur. Id autem frivolum & præter omnem auctoritatem Veterum est, *res naturales & res secundum naturam* discernere, ac his, non illis dictam à nobis divisionem applicare, ut inde ab ipso adversario patrocinium causæ nostræ petere queamus.

§. V I I. Sequuntur *res præter naturam*, quarum nomine Medicis veniunt, quæcunq; *intra naturam constituta homini quoad corpus seu humano corpori adversa sunt* : seu *qua intra naturam posita ad præternaturalem hominis constitutionem pertinent.* Posterior descriptio ex declaratione definitionis rerum naturalium lucem accipit, & prior satis quoque clara est. Nam adversa ea dici, quæ mala alicui & cum aliqua ejusdem destructione, vel saltem aliqua destructionis intentione copulata sunt, ex vi nominis patet. Hoc tamen notandum est, *particula quæ* hic magis, quam in definitione rerum naturalium involvi etiam ea, quæ non sunt positiva, ut apparebit ex iis, quæ circa doctrinam de morbo, & ejus causis ac symptomatis proponemus.

§. V I I I. Aliqui non ita de *rebus præter-naturam* sentiunt : sed judicant eas distingui debere à *rebus contra naturam.* Proinde dicunt *res contra naturam esse, quæ humano corpori adversa sunt* : at *res præter naturam* vocant, *quæ quidem non secundum naturam sunt, attamen hominis constitutioni naturali nullam vim inferunt, neque talem consequuntur.* Atque diffidendum non est, Philosophos tali discrimine non raro uti : Medici tamen id non observant, neque mihi tam urgentia documenta à diversum sentientibus afferri videntur, ut in eorum sententiam declinandum sit.

§. I X. Itaque illo dimisso, porro videndum quomodo *res præter seu contra naturam* debeant dividi. In hoc autem vix ulla difficultas, utpote cum communi

communi fere consensu triplices à Medicis constituantur: nempe *morbis, causa morbi, & cum consequentia adiuncta & symptomata*. Solum difficultas incidit propter ea quæ ab errore externo dicuntur procedere. Nam hæc aut quartum genus rerum præter naturam videntur inferre, aut firmare distinctionem supra propositam inter res præter & contra naturam. Ad istud breviter dicendum est, quod error externus non sit proxima causa istorum effectuum, sed remota, quatenus naturalis partium constitutio à causa morbifica ita opprimitur, ut non possit bene operari, quod ipsum sine aliquo morbo introducto fieri, concipi non potest: sed quia ille morbus causa remota statim cessat, & non ita evidens est, Medici ea phrasi talia symptomata ab aliis distinguere voluerunt, quæ à morbis evidentibus & firmiter procedunt.

§. X. *Circæ res non-naturales illud initio quærendum est, an constituant distinctam rerum à Medicis recensitarum speciem, adeoque diverse sint à rebus naturalibus & præter naturam?* Ego non existimo. Nam quia sanitas & morbus contraria immediata sunt respectu ejusdem subjecti sub eadem relatione nihil potest esse diversum. Et liquet id evidenter, quoniam res non-naturales sæpius evadunt res præter naturam. Neque quid obstat, quod minus in rerum naturalium classem redigantur. Imo cum recte se habent, semper rebus naturalibus accensendæ sunt: at præternaturalibus, cum ad-versa sunt naturali hominis statui. Ut sic crediderim Medicos harum rerum permutabilitatem inspicientes, hanc classem iis assignasse, quanquam id adeo accurate factum esse non ausim defendere.

§. X I. Elici ex his potest, quomodo *res non naturales* uterunque describi queant: nimirum *sunt res, quæ debite se habentes sanitati hominis conferunt, & à mediocritate abeuntes morbos producere possunt*. Ut sic planum sit, non adæquate has res medias dici inter res naturales ac præter naturam, sed inadæquate in genere causarum constitutionis naturalis & præternaturalis.

§. X I I. Solent istarum rerum sex recenseri, *Aer, scilicet, cibis & potus, somnus & vigilia, motus & quies, excreta & retenta*, & denique *animi pathemata*. Hoc uterunque tolerari potest: attamen si quis rigide examinare ista velit, facile inveniet & augeri eum numerum posse, & diminui. Vnde ipse Galenus alicubi plures recenset, alicubi non omnes, quæ hic enumerantur, ut sic ostendat citra crimen laesæ antiquitatis posse istius divisionis bonitatem in dubium vocari.

§. X I I I. Sed ista quidem latius deducere non necessarium est: istud ve-

ro ex prioribus citra negotium probari potest, quod valde imperfecte suam Medicinam proponant qui ad triplicem illam seriem omnia Medicinæ præcepta reducere satagunt: imo quod incauti sint, qui id faciunt, cum omnes illæ res & naturales, & non-naturales & contra naturam proprie ad Physicam spectent, & in Medicina solum promptioris juniorum instructionis causa repetantur.

CAPUT II.

De principiis ac materia hominis in communi, ac in specie de Elementis, eorundemque mistione.

§. I. **R**emotis nunc illis, citra ullum impedimentum, secundum institutam à nobis divisionem, partes Medicinæ ordine exsequi licet. Atque ab *Objecto* ejus, *Homine* scilicet merito sumimus tractationis exordium. Nam illud in artibus & existentia & cognitione prius existit. Cum autem Aristot. l. 7. Et hic. c. 8. & l. 6. c. 5. finem in artibus principium esse docet, intelligi debet istud asserere vel in ordine ad media, quæ à fine præscribuntur, vel quatenus finis etiam concretive subiectum importat.

§. II. Omnis autem illa de homine tractatio Physica est, atque secundum methodum syntheticam, quæ à prioribus & simplicioribus originem capiens ad posteriora & compositiora progreditur instituenda venit. Quapropter & nos prius *de hominis principii* agemus, deinde pauca *de ipso homine*, prout ut totum spectatur, addemus: denique *consequentia, adjuncta & effecta*, ac *divisionem accidentalem* à Medicis vel imprimis observandam subnectemus. Omnia autem ista breviter, & quantum ad Medicum institutum satis est, persequemur, accuratiorem & pleniorum istorum enodationem Physicis relinquentes.

§. III. *Principia hominis* sunt *eius materia & forma*. Cum enim ista omnium naturalium corporum principia esse statuantur, merito etiam homini convenire censenda sunt. Occurrit vero hic ea dubitatio, *utrum de materia, an de forma hominis prius agendum sit?* Ego nullam causam invenio, quare communis in Physicis observari solitus ordo, materiam prius quam formam exhibens, spectatim circa hominem immutari debeat. Itaque recte à materia inchoabimus.

§. IV. *Materia hominis* vel *remota* vel *propinqua* est. Atque illa rursus varii ordinis, nempe vel *remotissima*, nempe *prima omnium materia*; vel *minus remota*,

remota, nempe elementa; vel minimum remota, quæ Medicis dicuntur prima simplices seu similes partes, & elementa secunda, nempe calidum innatum, humidum radicale, pars carnea, & pars fibrosa. Materia rursus propinqua, est vel continens, vel contenta. Continens est corpus organicum vivum sensitivum, aptum ad recipiendam animam rationalem. Contenta est sanguis & spirituum vitalis, tum animalis, atque ad sanguinem revocamus chylum & humiditates Medicis secundarias dictas. Reliqua vero contenta excrementitia non ad materiam hominis pertinent, sed ab ea separari requirunt: quoniam ob causam ea non recensuimus. Ne quid tamen tractatui nostro debeat, etiam de illis aliqua dicemus.

§. V. Plana ista materiae hominis distributio est, neque ampliore expositione eget; solum convenit, ut per partes suas ordinate declaratur. Et à materia quidem prima rem repetere non necessum est. Quippe & dubium est. an detur, & alii Medici de ea non agunt, & ejus natura quoque in principio Philosophi & naturalis late declaratur, ut inde curiosos Lectores petere possit, quæ ejus sciendi appetitum satient, aut fastidire faciant. Plurima enim somnia de materia prima pro veris nobis venduntur.

§. VI. Ab elementis itaque initium capiam, maxime ideo, ne videar in hac synopsi quædam omittere, quæ ab aliis Medicis tractata sunt. Absque hoc, quid causæ est, quare de elementis hic magis agi debeat, quam de prima materia? Pariter enim & sufficienter & directe in naturali scientia pertractantur, ut omnino nostro labore juste accusemur *περὶ τῶν στοιχείων*. Neque refert, quod sine elementorum notitia nec simularium partium natura, nec debita sanitatis conservatio, ac rationalis morborum curatio cognosci possit, quoniam ista quidem ostendunt, quod Medico rationali elementorum notitia necessaria sit, non autem quod in ipsa arte Medica, illa tractatio sit instituenda.

§. VII. *Elementorum* nomine antiqui proprie denotarunt prima interna corporum naturalium principia, & propriissime materiam, sicut & proborum autorum autoritas, & origo vocis *ἀπὸ τῆς ὕλης* i. e. à materia ostendere potest; sed *postea* etiam artis principiiis internis tribui cœpit, & maxime quidem primis corporibus, quæ adhuc speciatim elementa vocantur; deinde autem etiam propriis animatorum & in specie hominis componentibus primis partibus, quæ ideo discriminis gratia à quibusdam elementa secunda vocantur.

§. VIII. Hoc loco medium significatum obtinet, ut ita *elementa* nobis sint corpora prima seu simplicia ad compositionem corporum compositionem ordinata.

dinata; seu secundum Gal. l. de El. c. 1. & l. 8. de plac. c. 2. *minima partes eorum, quorum sunt elementa*. Nam per *partes*, corporæ partes, i. e. corpora, quæ sunt partes notantur; & addita voce *minima partes*, idem significare voluit, quod Arist. l. 4. Metaphys. c. 3. & l. 3. de calo c. 3. docuit elementa sua natura ac specie individua esse in aliam speciem. Nimirum sunt *minima partes* *quæ non dividuntur* seu secundum speciem, non *quæ non dividuntur* seu secundum magnitudinem.

§. IX. Sic definimus elementa, quoniam etsi spectari possunt, & ut partes mundi, & ut principia mistorum, tamen impræsentiarum solum posteriorem rationem ostendimus. Nam in declarandis materialibus principiis hominis occupati sumus, qui præcipuam & nobilissimam in ista speciem exhibet.

§. X. *Elementa numero quatuor* censentur, non solum approbatione sumorum ex antiquitate virorum, sed etiam rationibus non levibus, quibus ii usi sunt. Illæ apud Arist. l. 2. de gener. & corr. & l. 4. de Cælo atque apud Gal. l. 1. de element. & alibi legi possunt; nobis hic locorum hæc sufficiunt, quod & omnia & sola dicta elementa ut prima corpora exhiberi queant, & eadem in missione notentur, & in magis compositis sibi correspondentia analogia habeant, ut hoc ex capite sequenti elucebit.

§. XI. Sunt illa sequentia; *Ignis, aer, aqua, terra*, atque singula binas qualitates primas, ac unam ad minimum secundam possident, & id quidem dispari intensiōe. Nimirum *ignis* summe calidus, moderate siccus, & summe tenuis est; unde calefacit, coquit & corrumpit, incidit, attenuat, rarefacit, disjicit; si quid aliter sequatur, per accidens respectu ignis evenit. *Aër* moderate calidus, summe tamen humidus, rursusque moderate tenuis est, igni valde utilis ob ventilationem in compositione mistorum. *Aqua* summum frigus, moderatam humiditatem, cum moderata crassitie obtinet, ignis calorem temperat, singula pervadens unionem ac continuitatem tribuit, & partialiter corpulentiam præstat, ut alia omittam, quæ extra compositionem efficit. *Terra* denique moderata, frigiditas, summa siccitas & summa crassities competit, atque ab eadem maxime corpulentia & consistentia mistorum derivatur, ut rursus silentio prætervehar alias virtutes, quas extra missionis negotium exercet, aut quæ in eodem secundariæ habentur.

§. XII. Ut ex iis corpora composita constituentur, *mistio* fieri debet, quæ est *miscibilium alteratorum unio*, ut Arist. l. 2. de generat. & corrupt. sub fine non male describit. *Miscibilia* eidem Philosopho sunt corpora
communi

communi materia participantia, invicem agentia & patientia, apta per parva jungi, seorsim existere, & ex iis unum per se fieri. Cum addit *alterata* significat ea postulari in actum deducta, & sic in parva divisa, secundum parva conjuncta, & viribus ita fracta, ut ex iis in virtutibus quasi medium quid factum sit. Denique ait *unio*, ut ostendat in misto non corrumpi miscibilia, sed quæ seorsim ante existebant, in misto conjuncta esse. Est autem in mitione duplex *unio* observatur, nempe *inchoata*, qua dum dividuntur, & alterantur, ac se pervadunt miscibilia sibi mutuo apponuntur; & *perfecta*, qua post alterationem junguntur ad unam speciem: tamen Philosophus in descriptione sua *unionem perfectam* denotavit, utpote qua proxime mistum oritur.

§. XIII. Hoc vero modo mistio procedit. Cum debita proportionem elementa in unum locum convenerunt: ob virtutes contrarias in se agunt, & quidem frigus aquæ & terræ excessum caloris ignis temperat, qui ipse humidum siccum debite associat, & utraque coctione ad debitam qualitatum habitudinem ducens, eadem instrumentaliter & effective unit, atque pari ratione mistum constituit, quemadmodum hoc à Philosopho declaratum est l. 4. Meteor. c. 1. Ex quibus patet, quod ignis in mitione sese habeat maxime active: aqua vero & terra maxime passive, unde & materia mistorum absolute dicuntur. Sed *quid de aere dicendum?* An ille cum humidus sit, sub humido comprehenditur? An ventilatione in igni præstat? An ignem in misto continet? An ista omnia obit? Relinquo hoc cuivis meditando.

§. XIV. Manifesta hinc evadit *descriptio generationis misti*, quam Philosophus l. 4. meteor. c. 1. ponit: & taliter sonat: *generatio misti est transmutatio à virtutibus activis facta, cum habeant rationem ex subjecta unicuique materia.*

§. XV. Plura de his non repeto, utpote in Physicis declarata, & hæc omissem, nisi morem gerere voluissem receptæ consuetudini: atque ideo pauca adhuc de interitu misti subnectam. Opponitur ergo generationi misti *interitus ejusdem*, qui vel *naturalis*, vel *violentus* est. *Interitus naturalis* fit paucatina dissolutione miscibilium oriunda à debilitate caloris insiti, quæ potest pendere à variis causis. Appellatur ille interitus *naturalis putredo*. *Violentus interitus* fit vel *simplici*, vel *composita via*. Illa rursus vel *dissolutione violenta*, vel *transmutatione in aliam speciem*. Ad *dissolutionem violentam* pertinet tum *putredo præternaturalis*, tum *combustio*, tum alia quæcunque si qua detur. *Transmutationis violentæ* varix sunt species, quæ denominationem sortiuntur

tur à specie in quam transitus fit. *Composita* deinde *via* variis quoque modis corruptio contingit. Atque de his etiam satis fit.

C A P U T III.

De Temperamentis, & secundis ac occultis qualitatibus.

§. I. **M**issionem factam sequuntur varia adjuncta, inter quæ cum qualitatum notitia Medico maxime utilis sit, de iis hoc loco paucis agemus. Et quanquam ordinarie Medici officio suo se satisfecisse putant, cum temperamentorum doctrinam exsecuti sunt: tamen melius facturi videremur, si secundarum & occultarum qualitatum explicationem non prorsus prætermiserimus. Hoc tamen notamus, ne injuria accusemur, nos his ipsis non notare eos Medicos, qui nomine temperamenti etiam secundarum & propriarum qualitatum moderationem comprehendunt, seu id velint, quod secundæ & propriæ qualitates in natura & definitione temperamenti contineantur, seu judicent earundum qualitatum habitudinem temperamenti insequi.

§. II. Veruntamen quia distinctius res percipi potest, si rebus diversis diversa nomina tribuamus, & hoc à præcipuis Philosophiæ ac Medicinæ Cultoribus observatum advertimus, sigillatim de his omnibus tractabimus, & à temperamentis initium capiemus, inquisituri in *temperamenti naturam, originem, consequentia, & divisiones.*

§. III. Ut à primo incipiamus: *Temperamentum nobis est congeries seu complexus primarum qualitatum mixto ex missione competens.* Variæ hic solent moveri dubitationes, sed meo arbitrio nec ita difficiles, nec Medico multum utiles. Ne quid tamen temere omisisse judicemus, levi pede eas transiliemus. Solet initio queri: *an temperamentum nequeat dici substantia?* Vel utrum non sicut *qualitatum*, ita etiam *substantiarum* detur *temperamentum*? Tota questionis hujus decisio pendet ab usu loquendi apud probatos Autores. Quoniam igitur illi substantiarum unionem nomine *mixtus* seu missionis designant, inanesito nomen *mixtus* seu temperamenti, quod simili qualitatum conjunctioni attribuerunt, ad substantiarum unionem reteremus.

§. IV. Deinde solet in controversiam vocari: *An temperamentum non rectius relatio, quam qualitas appelletur?* Negamus. Eti enim lubentes largimur, relationem in nomine temperamenti involvi; tamen id dare non possumus.

possumus, absolvi nudo respectu totam temperamenti essentiam. Quippe si hoc foret, necessario alia vox invenienda esset, qua ille qualitarum complexus, qui istius relationis proximum fundamentum est, appellaretur. Imo ab autoribus ea temperamento tribuuntur, quæ non relationi isti, sed fundamento ejus proprie congruunt, ut hinc cognoscamus, eos consuevisse eo vocabulo insignire primum in temperamento, nempe qualitatem, attamen cum secundarii, scilicet relationis, connotatione. Sic enim & in aliis pluribus vocibus factitatum observamus. Sin autem aliter loqui probati Auctores videantur, hoc tantum voluisse putandi sunt, sub certa ratione qualitarum primum unionem fieri debere.

§. V. Amplius dubitatum est: *An temperamentum sit aliqua qualitas simplex, an multiplex?* Sed nomen satis indicat multiplicem esse: Nam idem non est respectu sui ipsius temperamentum, sed multorum est temperamentum. Atque id & origo, & corruptio, & sensus temperamenti manifestat. Quod ipsum cum & Philosophiæ & Medicinæ primi conditores confirmant, merito contemnimus Scholasticorum in hoc à nobis dissidentium singulare opinamentum.

§. VI. Rursus hoc constituto aliqui controverterunt: *An ille complexus qualitarum possit vocari qualitas una composita?* Negarunt aliqui, sed causam non invenio. Si enim in Metaphysicis recte determinatum est, quod non solum detur *unitas simplicitatis*, sed & *compositionis*, nihil repugnat, quo minus detur etiam *unum compositum*: nec ratio est, quare in qualitatibus talem unitatem magis negemus, quam in substantiis. Et quid? Colores, sapor, odores sunt qualitates unæ compositæ. Quare ergo non & temperamentum dici possit qualitas una composita?

§. VII. Hoc etiam ad naturam temperamenti rectius percipiendam nosse conducit. *Vtrum qualitates primæ in temperamento uniantur in gradu summo, an vero in gradu remisso?* Sunt aliqui ex Medicis, qui primum accipiunt. Cæterum si ullæ reales qualitates, & veræ ac positivæ alterationes concedantur, manifeste quidem hæc sententia falsitatis convincitur. Nam contraria sibi conjungi, citra id, ut in se mutuo agant, aut in se mutuo agere, citra id ut ad mediocritatem graduum reducantur, valde creditur difficile est. Ut taceam, quod sensus attestentur, remissionem primarum qualitarum in missione esse factam.

§. VIII. Porro agitur questio: *An temperamentum sit ens per se, an per accidens?* Prorus Logica est illa questio, & parum refert, quid dicas. Arbitror tamen temperamentum esse ens per se: quoniam adjunctum proprium

prium est entis unius per se. Et licet plures & adversæ qualitates in temperamento socientur, tamen id non magis ens per accidens introducit, quam unio plurium disparatarum substantiarum in misto, vel qualitatum simplicium, in quibusdam qualitatibus compositis. Nam quæ plura secundum naturæ unitatem intendentis præscriptum uniuntur, non faciunt ens per accidens.

§. IX. Ultimo quaeritur: *An illa primæ qualitates conjunctæ in temperamento singula insint sui elementis, an omnes omnibus, ita ut qualibet pars misti omnium qualitatum sit participans?* Ultimæ à plerisque accipitur, & positæ qualitatibus & alteratione facile probari potest. Quippe alteratione inducitur in contrarium qualitas. Nec obstat: quod contraria non possint conjungi in eodem subjecto secundum eandem partem & aliis observatis oppositionum legibus. Quippe id locum tantum habet in contrariis in gradu summo existentibus, & in hærentia contrariorum æque prima. At neutrum istorum hic urgetur. Nam censemus qualitates primas in gradu remisso sociari, & in primis simplicibus componentibus partibus ita, ut qualitas propria per prius, & qualitas introducta per posterius insit. Præcipue vero ista statuimus de qualitatibus elementorum activis: nam de passivis forte paulo aliter sentiendum est, de quo vide Physicam nostram.

§. X. Satis multa de natura temperamenti diximus, quod *originem* ejus spectat, est ea vel *originalis*, vel *proxima*. *Originalis* ab elementis pendet, unde ab elementis temperamenta derivari non pauci autores docent. Sed *proxime* temperamenta à qualitatibus primis procedunt, quatenus prævia alteratione retunduntur, & primum quidem confunduntur, postea autem ad mediocritatem redactæ uniuntur, & in misto secundum elementorum substantialem unionem fundantur.

§. XI. Nihil hic occurrit difficilis vel obscuri, recta ergo transitum faciemus ad declaranda *consequentia temperamenti*. Hic præcipue illa dubitatio occurrit. *Utrum in misto omnes actiones instrumento temperamenti fiant?* Non pauci absolute ajunt: aliqui etiam absolute negant: ego mavelim distincte respondere. Proinde existimo qualitatibus aliis mistorum, & maxime propriis, vim agendi denegari non debere. Nam nimis quam evidentes illarum operationes sunt. Hoc tamen concedo figuram, quantitatem & similia non ~~essentia~~ adjuncta per se non esse instrumenta activa operationis, licet non sit negandum necessaria esse, ut operatio melius fiat. Quod ipsum cum non negetur, ulterius inquirendum non venit.

§. XII. Superest *temperamentorum divisio*, quæ non una apud Physicos

&

& Medicos occurrit. Namque initio secundum diversam qualitatum primarum inter se proportionem *temperamentum* dividitur in *aequale* & *inaequale*. *Aequale temperamentum* vocatur, in quo omnes qualitates paribus gradibus ac virtutibus præditæ unisuntur, & appellari solet *temperamentum ad pondus*. *Temperamentum* vero *inaequale* importat inæqualem qualitatum secundum gradus ac virtutem sociationem atque in *simplex* & *compositum* disparti solet. *Simplex* unam obtinet qualitatem contrariæ suæ prævalentem, ita ut aliæ duæ mediocritatem observent: & secundum numerum primarum qualitatum quadruplex censetur, videlicet *calidum*, *frigidum*, *humidum* & *siccum*. *Compositum* duarum qualitatum primarum dominium supra suas contrarias inducit, & pro possibili quatuor primarum qualitatum conjunctione etiam statuitur quadruplex, nempe *calidum & humidum*, *calidum & siccum*, *frigidum & humidum*, *frigidum & siccum*.

§. XIII. Circa hanc temperamentorum divisionem varia à Medicis solent quaeri, ut an detur in rerum natura *temperamentum ad pondus*? Item an *simplex temperamentum inaequale* inveniatur? Rursus an reperiat *temperamentum calidum & humidum*, ac *frigidum & siccum*? Verum ista ad Medicinam nil conferunt, & manavit illorum error inde, quod existimarunt *temperamentum ad pondus* esse normam & quasi Polycleti statuas, ad quam *temperamentum hominis* referri debeat: cum contrarium verum sit, quod *temperamentum ad justitiam*, quale perfectissimo homini congruit, sit illa regula, secundum quam excessus & defectus in temperamenti hominum occurrentes æstimari debent. Interim mentem nostram supra his quaestionibus manifeste exposuimus l. 3. Institut. Physic. c. 4.

§. XIV. Deinde *temperamentum* dividitur respectu subjecti sui in *conveniens* & *inconveniens*. *Conveniens temperamentum* vocatur, quod unicuique misto deberetur ad actiones suas debite obeundas, & nominari solet *temperamentum aequale ad justitiam*, aut absolute *temperamentum ad justitiam*. Quippe secundum justitiam unicuique tribuitur quod suum est. Hoc *temperamentum* suam habet latitudinem, atque quod medium est, seu accuratius, summe & perfectissime debitum mensura est aliorum. *Inconveniens temperamentum*, quod adversum est operationi misti cui convenit, & potius *intemperies*, quam *temperamentum* est. Solet pariter ratione varii excessus ita distribui, quemadmodum *temperamentum inaequale*. Sed distributio in istius magna est diversitas, ita ut quod in una specie est *temperamentum inaequalis* saepe sit in altera respectu *temperamenti inconvenientis*.

§. XV. Hæc temperamenti distributio usum suum habebit in sequen-

tibus: proinde quæstiones circa eam inoveri solitas breviter solvemus. Principio ergo dubitatur: *An temperamentum aequale ad justitiam coincidere possit cum temperamento ad pondus?* Siquidem in rerum natura temperamentum ad pondus dari necessarium judicatur, fatendum est eo casu idem futurum temperamentum ad pondus & ad justitiam: sin autem quod probabilius est, temperamentum ad pondus non detur, quæstio supervacanea est. Deinde quæritur: *An temperamentum aequale ad justitiam, & maxime perfectissima ejus constitutio actiones omnes perfectissimas inducat?* Cæteris paribus affirmamus. Porro contròvertitur: *An illud temperamentum optime externis injuriis resistat?* Non ausim hoc universaliter asserere, cum videatur quod aliquibus externis causis possit & temperamentum à naturali statu aliquantum declinans optime repugnare.

§. XVI. Tertio toco pariter ratione subjecti *temperamentum* vel *totale* vel *partiale* est: quorum illud toti misto adæquatur, hoc uni alterique misti parti competit. Atque aliquando solum una divisionis species in misto reperitur: aliquando utraque, sicut in viventibus manifeste apparet. In iis enim & toti qua totum est, & singulis partibus suæ temperies accensetur.

§. XVII. Quarto *temperamentum* ratione originis vel *insitum* vel *adventitium* est. Illud dicitur, quod ex insitis unicuique principiis à primo ortu competit. Hoc vocitatur, quod ab externis causis introductum est.

§. XVIII. Quinto respectu modi inhesionis aliud *temperamentum* est *habituale*, firmum ac constans, quale fere est insitum: aliud *actuale*, infirmum ac mutabile, quale est aliquando adventitium. Cautè dico: aliquando, cum nihil repugnet etiam adventitium temperamentum constans firmumque existere.

§. XIX. Vltimo *temperamentum* etiam in *aquabile* & *inaquabile* dispescitur. Illud est quod in subjecto suo uniformi ratione inest: hoc quod difformiter subjecto inhaeret. Eodem sensu Medici *intemperiem* in *aequalem* & *inaequalem* partiuntur: attamen *aquabile* & *inaquabile* nomen significantius est, quia ad qualitatem pertinet, cum *aequale* & *inaquale* proprie quantitate prædictis ascribatur.

§. XX. Antequam de temperamentis sermonem abrupimus, adhuc inquirendum est, *an sicut Medici intemperiem in materialem & immaterialem dirimunt, ita liceat temperamentum quoque aliud cum materia, aliud sine materia facere?* Non invenio causam dissimilitudinis: non tamen nego, de eo posse quæstionem agitari, an ipsa Medicorum distinctio satis proba sit. sed id suo loco notabimus.

§. XXI.

§. XXI. Præter temperiem primarum qualitatum etiam misto qualitates secundæ, exque plurimæ conveniunt, inter quas *raritas & densitas, tenuitas & crassities, durities & molliities, lentor ac friabilitas, color, sapor, & odor* potissimum solent observari. De his omnibus repeti debent ea, quæ à Philosopho l. 4. meteor. & à nobis breviter l. 3. Institut. Phys. c. 6. & seqq. scripta sunt. Impræsentiarum id unum observandum, illarum qualitatum moderationem certa ratione limitatam unicuique misto secundum naturam competere, unde à quibusdam nomine temperamenti illæ qualitates comprehenduntur, ut supra jam notatum est.

§. XXII. Porro sicut unicuique misto sua species convenit, ita idem proprias quasdam agendi & patiendi virtutes obtinet. Eas Medici quidam *qualitates occultas*, alii *idiosyncrasias*, aliqui *totam substantiam* appellant. Circa *essentiam* illarum mire tumultuantur. Nam alii putant eas esse distinctas à temperie & secundis qualitibus: alii contra existimant esse utrarumque secundum speciem & gradum sub aliqua tamen latitudine talem restrictionem, ut unicuique misto secundum speciem propria evadat. Ego neutrius sententiæ rationes apodictice probatas reperio: attamen auctoritate posterior vincit. Nam & Aristotelem & Galenum pro se habet: à quorum virorum sententia in dubio recedere nolo.

§. XXIII. Hinc jam patet, *quid de origine illarum qualitatum arbitrimur?* Nimirum existimamus *causam earum primariam* esse *formam* misti: sed *instrumentalem* *qualitates primas & secundas: adæquatam* denique *totum mistum*: Impugnatur equidem illa sententia à pluribus variis modis: attamen rationes illas contrariis solubiles esse in disputat. nostra de occult. qualit. & l. 3. Institut. Phys. c. 11. breviter ostendimus, ubi reliquam quoque illarum doctrinam breviter discussimus.

§. XXIV. *Divisionem* occultarum qualitatum quod concernit, sciendum est, quod eanon sit una. Nam initio instituitur secundum *varietatem subsectorum*. Quippe *occulta qualitates aliæ sunt similium, aliæ dissimilium corporum*: horumque vel *totorum*, vel *partium*, vel *humorum*, vel *excrementorum*. Deinde secundum *adjuncta* dispescuntur occultæ qualitates in *sympatheticas & antipatheticas*: quarum illæ in similitudine unius ad alterum: hæ in dissimilitudine fundantur. Vtraque autem vel est *formalis & actualis*: vel *virtualis & potentialis*. Denique etiam secundum *effecta* occultæ qualitates variant. Atque huc pertinet Medicorum divisio, quod aliæ *occultæ qualitates sint alendi*, ut *alimentorum*: aliæ *medendi*, ut *medicamentorum*: aliæ *nocendi*, ut *venenorum*: aliæ *venenis resistendi*, ut *Alexipharmaeorum*.

§. XXV. Probe novi aliquos criminaturos, me de his nimis generaliter egisse, cum non pauci iudicent in ordine ad solum corpus humanum tractari debuisse. Quibus responsum volo 1. me etiam hæc ita proposuisse, ut humano corpori citra difficultatem omnia, quæ à nobis recensita sunt applicari possint: si queant extendi ulterius, quid vitii? 2. rigide etiam examinando omnia, non solum elementa, ut materia continentium sed etiam ut contentorum spectantur. Imo cum elementorum notitia lucem aliquam doctrinæ de alimentis, ac medicamentis affundere debeat, paulo abstratior tractatio illorum nulla ratione improbanda est.

CAPUT IV.

De Calido innato, humido radicali, parte carnosa ac fibrosa repertis in humani corporis constitutione.

§. I. **D**E *elementis primis & communibus, atque temperamentis, quæ ex illorum mixture consurgunt, quantum ad præsens institutum sufficit, in præcedentibus egimus: nunc de elementis secundis ut quædam subjungamus par est. Sunt illa Medicis corpora ex elementis constituta ac similia ad compositiorum corporum compositionem ordinata. Ex quibus liquet denominationis causa. Aliquando vocantur etiam partes similes, & simplices in suo genere: attamen cum non semper eodem sensu ista vox adhibeatur, mave-
lim priore uti.*

§. II. Itaque *elementa secunda cum elementis primis in quibusdam conveniunt, in quibusdam ab iisdem differunt. Convenientia* utrorumque consistit partim in eo, quod sicut elementa proprie vocata ad corporum perfectionum compositionem ordinantur, ita non minus elementa secunda talem respectum involvant: partim in eo, quod simili & conveniente ratione utrobique ea compositio fiat. Quamquam enim non pauci sunt, qui solam mixture elementorum primorum concedunt: tamen experientia ostendit, & ratio diversæ perfectionis corporum confirmat, quod etiam secundorum elementorum compositio ad unam speciem admitti debeat.

§. III. *Differentia* rursus utrorumque exinde elucescit, quod non solum elementa prima ex aliis corporibus non componantur, secus quam elementa secunda, quæ ex elementorum conjunctione constituuntur: sed etiam quia elementa secunda certis solum speciebus mixtorum competunt, sed elementa prima in omnibus omnino mixtis reperiuntur.

§. IV.

§. IV. Interim elementa secunda primis elementis analoga sunt, ac proinde totidem quoque numerantur in communi. Et ne de aliorum corporum principiis hic quædam attexam, in humano corpore & omnibus viventibus ea sunt *calidum innatum*, *humidum radicale*, *pars carnosa*, & *pars fibrosa*, quæ omnia breviter & perspicue à nobis expendenda sunt.

§. V. *Calidum innatum* ita appellatur, quod aliqui *spiritum* absolute, ac *spiritum insitum* vocant, atque à nobis clara attamen accidentali definitione ita declaratur: *Calidum innatum est substantia corporea mixta, ex igne præcipue constituta, calida, subtilis, mobilis, per humidum unctuosum sanguini ac solidis partibus insita, ac præcipue in corde fundata, immediatum anima humana vegetantis & mediatum sentientis receptaculum, ac primum instrumentum.*

§. VI. Si quis hanc descriptionem nostram accusare velit prolixitatis, & quod accidentalia multa prædicata eidem inserta sint: pro excusatione nostra adferimus, quod non accuratam definitionem polliciti simus, sed quacunque ratione fere totam naturam calidi innati adumbrare voluerimus, idque prout potuimus, libentes concessuri in meliora docentis sententiam. Interea quo melius intelligamur, specialius rationem dabimus singulorum in definitione nostra assertorum.

§. VII. Proinde cum *calidum innatum substantiam* dicimus, palam confitemur, nos ab iis seu Philosophis seu Medicis dissentire, qui calidum innatum accidens esse putaverunt, sive calorem simplicem elementi, seu calorem inoderatum temperamenti indigitarint. Etsi enim non negamus inveniri calorem à primordiis generationis in viventibus: tamen congruentius est ipsam substantiam, cui primo ille calor vitalis competit, hoc titulo designare. Quo enim nomine alio venit? Nisi quis eam negandam esse putet: sed tunc confiteri necesse habebit, animam corpori per accidens inesse, neque explicare poterit, qua ratione durante vita idem calidum in vivente notetur, & morte superveniente pereat.

§. VIII. Deinde eam substantiam restringimus, cum eam *corpoream* esse asserimus, simulque tacite insinuamus, cum animam corpus esse negemus, quod neutiquam concedamus, calidum innatum ipsam animam esse. Poteramus tamen istas duas voces uno nomine *Corporis* comprehendere, sed prius elegimus, ut plane controversias circa calidum innatum occurrentes tironibus nostræ artis sisteremus.

§. IX. Porro calidum innatum *mixtam* substantiam corpoream facimus: ex quo fluit, nos eorum sententiam improbare, qui *calidum innatum simplicem substantiam* esse approbant: atque eorum quoque, qui negant ex

D

elemen-

elementū naturam ejus constari. Imo sed obscurius isto additamento manifestare intendimus, calidum innatum non esse *ens per accidens*, quemadmodum ejus nomen importare videtur, sed *ens per se*, utpote species imperfecta misti, cui tamen non unum accidens insit.

§. X. Omnia ista quia controversa sunt, breviter probanda sunt. Atque quod illam quæstionem attinet. *Vtrum calidum innatum sit natura simpliciter*, facile apparet negatæ illius fundamentum. Nam secundum communem sententiam Philosophorum Peripateticorum omne corpus simplex vel elementum aliquid vel cæleste corpus est, secundum nostram autem opinionem simpliciter elementum. Sed simplex elementum nemo asseruerit: si consideret solum ignem hic nominari posse, eum autem simplicem ob vehementiam & intensiorem virtutis omnibus viventibus esse aduersum, & evidenter homini. Deinde *quod calidum innatum non sit cælestis natura*, evidens evadit, quia nec cælum ipsum est aut ejus portio, nec stella ipsa aut portio ejus. At tertium ab his cæleste corpus Philosophia & Medicina ignorat. Item quia calidum innatum corruptibile est, & contrarium elementare obtinet, neque aliter quam elementaria operatur, non potest non elementaris naturæ censerī. Ultima vero quæstio inde concluditur: quia calidum innatum per se ordinatur ad compositionem humani corporis, non potest esse aliquid per accidens: quia corpus humanum & universalis homo utpote *ens per se* non componitur ex entibus per accidens. Imo quia anima corpori inest per se, id quod existentie illius fundamentum est, nempe ipsum calidum innatum, non potest esse *ens per accidens*.

§. XI. Atque de his satis sit. Porro dicimus, *ex igne præcipue constituta*: quia licet omnia elementa ad compositionem mistorum concurrant, tamen in aliis alia dominantur: & quidem in calido innato vis ignis prævallet. Negant hoc non pauci: sed ii eisdem rationibus confutari possunt, quibus ii, qui calidum innatum elementaris naturæ esse negant, quoniam horum opinioni & fundamentis insistant.

§. XII. Confirmant etiam opinionem nostra sequentia verba, *calida, tenuis ac mobilis*: nam ea vel imprimis igni congruunt. Quod vero eadem calido innato recte ascribantur, vix quisquam negat. Et de calore & tenuitate constat. Sed quæri posset, *quomodo calidum innatum sit mobile*, cum in partibus iisdem permaneat? *¶. 1.* Vt calidum innatum mobile sit, non necesse est, ut actu moveatur in corpore, sed ut inoveri possit. Nemo autem diffiteri ausit, siquidem calidum innatum in humano corpore ab humido radicali non detineretur, quin potentia illa facile sit in actum transferenda.

ferenda. 2. Quia calidum innatum cum coquit, simul movet, negari non potest, quin ipse quoque moveatur. Nam in corporibus valet illa regula, ut movens etiam moveatur. Si quis amplius me interroget, *qualem cum motum esse putem?* verbo me expedio, videri cum esse à centro ad circumferentiam, & maxime sursum, quia eo calida vergunt.

§. XII. Postea exprimimus, ubi inveniatur calidum innatum: nempe in sanguine & partibus solidis seu consistentibus nostri corporis. Vtrumque in dubium versum est. Quippe aliqui calidum innatum solum partibus solidis adjudicant, aliqui in cavitatibus tantum corporis, maxime in ventriculis cordis id esse censent. Ab utrisque dissentio. Nam quoniam partes solidæ corporis nostri vivunt, & quia calidi innati functiones ostendunt, id confiteri necesse habemus, ab illis calidum innatum haberi. Quod etiam singularum partium propria constructio ex semine, atque mors monstrat. In sanguine autem spiritus influens à nobis calidum eius insitum, aut innatum censetur. Nec obstat, quod spiritus influens indies corrumpitur, & regeneratur: nam & sanguini hoc pariter obvenit, ut adeo in eo & cum eo genitus, bene innatus vocari queat. Quanquam autem ista ita sunt, tamen libens fateor, usu Medicorum præsertim illud calidi innati nomine venire, quod partibus solidis inest: quemadmodum hoc modo etiam de calido innato l. 6. c. 1. Instit. Phys. egi; sed hic eam vocem amplius extendi, quoniam contentis & continentibus corporis humani partibus elementa secunda communia sunt, quæ proinde etiam communiter explicari debent.

§. XIV. Quando porro in definitione addimus, quod *calidum innatum in corde fundetur*, significamus non æqualiter in singulis partibus calidum innatum reperiri, sed per prius in corde, & per posterius in aliis partibus atque sanguine. Idque summa ratione constitutum est. Quippe quia anima ipsa per prius cordi inest, etiam idem judicandum est de calido innato. Et qui dubitemus, cum experientia edoceamur calidum ex corde in universum corpus distribui, atque eodem singularum partium vigorem conservari. Vnde cor quoque reliquis partibus efficacius operatur, & laborans omnium partium malam habitudinem infert, quod in nulla alia parte nisi per accidens, & consentiente corde observatur.

§. XV. Ponimus quoque in calidi innati descriptione, quod partibus insit interventu humidi unctuosi, quod *humidum radicale* appellatur. Nam observamus calidum innatum semper copulari cum corporeo quodam, quod aëri proportionem respondet. Tacite etiam eo ipso significamus calidum innatum ab humido radicali diversam substantiam esse, licet contrariuni

rium Medici aliqui statuerint. Et confirmatur nostra sententia etiam exinde, quod humidum radicale tanquam aliquid patiens & fulcrum respectu calidi insiti offertur.

§. XVII. Denique adjicimus calidum innatum esse *immediatum anima humana vegetantis receptaculum*: quandoquidem vegetans anima corpori per calidum inest, unde & Philosoph. I. de vit. & mort. c. 13. docet *πρώτη* seu *generationem viventium esse primam μίξη* seu *participationem anima vegetantis cum calore, & ejus per mansionem esse vitam*. Id ipsum mortis quoque observatio confirmat, quæ ex calidi istius corruptione seu *μαρτύρι* seu *σπέρματι* obvenit. Simul vero etiam ponimus, quod sit *mediatum anima sentientis receptaculum*, quia ita in natura observatur, ut sentiens præsupponat vegetans. Hinc necessum est, ut non immediate calido, sed vegetanti anima sentiens copuletur, attamen mediate calido, cum id animæ vegetantis immediatum fulcrum sit.

§. XVIII. Quia vero idem est fundamentum inexistentiæ, quod est instrumentum operationis, ultimo loco in descriptione posuimus, quod calidum innatum sit *primum operationis instrumentum*. Et id in operationibus animæ vegetantis liquido apparet: nam omnes coctione peraguntur, quæ sine calore fieri non potest. Neque in animæ sentientis operationibus id est obscurius, quia moderato calore eas vegetiores esse advertimus, cum contra frigore torpescant, debilitentur, & sopiantur, ut apparet in Catalepticis.

§. XIX. Ita se habet *calidum innatum*: quod ipsum *cum humido radicali, ut saluum esse possit, semper conjungi postulat*. Causam hujus asserti non est ita prompte invenire: an nempe id ideo sit, quia extrema per intermedia, utpote magis convenientia, commodius uniri queunt; an quia in humido radicali aliquid nutritivi & instaurativi calidi innati inest; an quia humidum radicale facit ad meliorem ventilationem calidi insiti. Interim prima & ultima explicandiratio mihi magis placet; quod autem secundam attinet, judicem equidem humidum radicale etiam, sicut & alias compartes, à calido exsiccare, & paulatim dissipari; coeterum in naturali statu illud in nutrimentum ipsius calidi cedere, non facile credo, ut colligi poterit ex iis, quæ de nutritione in posterioribus adducemus.

§. XX. Sed *quid est humidum radicale*? Rursus ejus naturam, sicuti calidi insiti, sequenti descriptione exhibemus; *Humidum radicale est substantia corporea mixta humore pingui & oleoso, aeri secundum temperamentum respondente scatens, sanguini ac partibus solidis ac præcipue cordi insita, proprium calidi innati*

di innati fomes. Nihil in hac notione occurrit obscuri; quæcunque enim communia sunt calido innato & humido radicali, ex declaratione calidi innati evidentia sunt, aut facili immutatione clara reddi possunt, cætera vero incidenter etiam jam declarata sunt.

§. XX I. Hoc tamen notare operæ pretium videtur, quod *propter calidum innatum & humidum radicale viventia speciatim calida & humida vocantur.* Id qua ratione verum sit inquirendum. Sciendum itaque, quod etiam mistis puris calidum & humidum à prima constitutione secundum prædominium inesse possit; attamen id longe alia ratione fiat, quam in viventibus. Nam in mistis calidum solum similitudinem partium præstat, quatenus humidum & siccum debita coctione unit; & humidum, quia facile alienis terminis contineri potest, ut illa unio fieri possit calido valde conducit. Cæterum in viventibus præterea calidum ad operationes vitales requiritur, & humidum illud conservat & fovet, ac forte ad easdem operationes conspirat, ut sic merito vita in calido & humido peculiariter consistere dicatur.

§. XX II. Præter calidum innatum & humidum radicale ad materiam hominis proximam constituendam amplius requiritur *pars carnea & fibrosa*, ut adeo istius utriusque naturam brevibus explicare adhuc necessum habeamus. Ita vero illam concipio. *Pars carnea est substantia corporea mixta humida & frigida, aqua proportionem respondens, qua in partium fabrica calore subacta inanitates replet & quasi glutine partes sociat.* Sed *Pars fibrosa est substantia corporea mixta frigida & sicca, crassaque, terra analogia respondens, corpulentiam & consistentiam maxime tribuens.*

§. XX III. Ad hunc ergo modum quatuor illa secunda elementa se habent, & similiter ad eum modum concurrunt, & materiam proximam hominis constituunt, quo elementa ad mistorum generationem congregiuntur. Ideo circa singula hæc adjeci cum quibus elementis inaxime convenirent; quoniam sic unionis illorum ratio planius concipi etiam citra novam explicationem potest. Cæterum quemadmodum circa coitionem elementorum in obscuro erat, an & aer concurreret, & quod officium præstaret; ita in elementorum secundorum unione dubitationem ingerit, *an humidum radicale à parte humoralis conveniente aliqua analogia cum aqua separari debeat?* Hæsito equidem; attamen quia si ista duo ita distinctim sumantur distincte singula declarari possunt, volui eam opinionem sequi, donec melius edoctus fuero.

§. XX IV. Proinde ex debita copulatione recensitorum elementorum

secundorum corporis humani partes & contenta confurgunt, & obtinent etiam debitam temperiem, & secundarum propriarumque qualitatum moderationem; idque non dissimili ratione, quemadmodum ex qualitatum elementarium sociatione. Hinc de his plura adjungere superfedemus.

C A P U T V.

De nomine corporis humani, definitione item ac multiplici divisione partium.

§. I. **E**xpedivimus tractationem materię remotę hominis, sequitur ut propinquam nunc excutiamus, quam antequam sigillatim & enucleate proponamus, visum est aliquid de nomine corporis humani, ac definitione divisioneque ejusdem partium aliqua proponere. Nam apud Philosophos frequenter ac apud Medicos humanum corpus non usurpatur semper sub eodem significato, & de partibus varię apud utrosque disputationes occurrunt, quibus enodandis non paucam lucem ab his quę adducemus accessuram speramus.

§. II. Initio id observamus voce *humani corporis* quandoque Autores ita late uti, ut non solum continentes, sed etiam contentas partes comprehendat: seu quatenus dicit adęquate materiam proximam hominis: quandoque rursus strictę, ut excludantur partes contentę. Primo modo arbitrator eam vocem usurpari, cum homo dicitur constare corpore humano & anima rationali. Maxime vero evidens illa acceptio est in divisione illa partium humani corporis in continentia, contenta, & impetum facientia. Imo Philosophus aliquando nomen corporis ita late extendit, ut excrementa quoque tum utilia, tum inutilia ejus appellatione contineantur. Frequentius tamen apud Medicos angustior significatio valet, prout scilicet humanum corpus à contentis in eo discernitur.

§. III. Hęc æquivocatio notata valet ad plurimas quęstiones solvendas, quibus inquiritur, *quę sint partes humani corporis*, in quarum solutione alioquin inter Philosophos & Medicos non leve dissidium observatur, cum tamen revera sæpius de voce sit, aut si gravius videatur, in hac controversia consistat, *quę istarum significationum potior sit, & magis propria?* Quod pariter est de nomine contendere ut eam litem nobis merito amoveamus.

§. IV. Deinde hujus homonymias notatio facit, ut non eadem ratione pars

ne pars humani corporis queat describi: quippe cum variante significato nominis diversa definita inferantur. Hinc consequens est, ut ob id diversæ descriptiones tolerari queant, quæ alioquin male apud multos audiunt, quemadmodum id ex posterioribus liquebit.

§. V. Sed illo maxime notato, tamen difficultas definiendi partem aliunde nascitur, quod corpus humanum non sub una formalitate totum est in ordine ad suas partes. Nam potest concipi ut totum essentialē, quatenus sua materia & forma constat: & ut totum integrale, idque vel simpliciter, vel prout est integrum dissimulare. Hoc quoque discrimen probe observandum est: quoniam sæpe est aliquid pars integrans simpliciter, quod non dicitur pars totius quatenus ut totum dissimulare consideratur, & potest aliquid esse pars essentialis adæquata vel inadæquata, quæ non est pars integrans.

§. VI. Ut eos scopulos omnes evitemus notionem *partis* prout corpus humanum ut aliquod totum in communi spectatur, sic exhibemus: *Pars humani corporis est quid respectu corporis humani incompletum ad constitutionem ejus pertinens.* Hæc notio fundatur in communi notione *totius & partis*. Nam *totum* est quid completum plura in se habens ex quibus constituitur. *Pars* itaque est aliquid incompletum ad constitutionem alicujus pertinens. Atque ita Gal. I. meth. med. c. 4. ait: *Pars est, quicquid totum complet.*

§. VII. Secundum hanc significationem *corporis humani* siquidem id late sumatur, *sanguis & spiritus, omnesque continentis partes ac particula, & componentia prima & secunda elementa partes* dici possunt. Sed *ecquid & excrementa?* Arist. in II. de hist. & partib. animal. ita sentire videtur: attamen de rigore videntur ea à partibus excludenda: quoniam etsi in corpore humanogenerantur & inveniuntur, non tamen ad compositionem ejus pertinent, verum ab eo segregari possulant. Sin autem *corpus humanum* strictè in oppositione ad contenta sumatur, adhuc partium nomine veniunt elementa prima & secunda, itemque particulae partium, ut dimidiis oculis, fragmentum ossis, & similia.

§. VIII. Deinde si partem humani corporis pro quacunque integrante quis velit capere, ita ejus naturam expressam habeat. *Pars integrans corporis humani est corpus minus istius majoris corporis ad completionem quantitatis ejus pertinens.* Secundum hanc descriptionem siquidem corpus humanum late sumptum fuerit, etiam sanguis & partium continentium particulae in censum partium humani corporis veniunt: sin autem corpus humanum pressiore significato usurpatum fuerit, adhuc partium particulae
sub

sub partibus comprehenduntur. Cæterum elementa tum prima tum secunda, nisi quatenus ad quantitatis constitutionem concurrunt, eo sensu partes appellari neutiquam queunt.

§. IX. Denique si *corpus humanum* accipiat ut *totum dissimilare* potest considerari tum *prout existit*, tum *prout existere debet secundum naturalem statum*. Priori ratione *pars humani corporis est corpus minus majoris istius corporis sua non tamen plena circumscriptione definitum*. Et cum hac descriptione consentit altera Gal. l. 1. de uf. part. c. 1. *Pars est corpus, quod undiquaque circumscriptionem non habet propriam, nec undiquaque conjunctum est aliis*. Hoc modo inter partes humani corporis referuntur etiam illa præternaturalia, quæ aliquando ad constitutionem præternaturalem humani corporis concurrunt. Ut sunt cornua, verrucæ, imo sextus digitus, & quæ alia hujusmodi sunt: sed partium particulæ non possunt dici partes. Itaque fragmentum ossis, portio oculi non vocatur pars, sed portio aut particula humani corporis.

§. X. Posteriori autem ratione *pars humani corporis est corpus minus hujus majoris corporis, ad constitutionem ejus naturalem requisitum, ac sua non tamen perfecta circumscriptione determinatum*. Atque cum hac fere coincidit illa Fernel. definitio, quæ ab ipso l. 2. Physiolog. c. 2. ponitur, & à plerisque Medicis ac Philosophis non paucis recipitur, & taliter sonat. *Pars est corpus toti coherens communique vitæ præditum, & ad illius functionem usumve comparatum*. Hoc tamen inter nostram & Fernelii descriptionem interest, quod nostra partem magis in ordine ad corpus humanum, Fernelii autem in respectu ad vitæ totius inspiciat. Ab hac significatione partis & partes præter naturam in humano corpore existentes, atque etiam portiones partium naturalium excluduntur.

§. XI. Postquam vidimus, *quid sit pars humani corporis*, porro inquirere debemus, *quæ ratione partes humani corporis divellantur?* Hoc ipsum non eadem nec facili ratione fieri posse, exinde prompte intelligi potest, quod nec *corpus humanum*, nec *pars corporis humani* eodem sensu dicantur. Ut tamen & in his syrtibus veritatis naufragium, quantum per nos fieri poterit, evitemus: initio receptas Medicorum divisiones partium afferemus, & deinde illam sequemur, quæ videbitur aptæ explicationi partium maxime congrua.

§. XII. Initio celebris & usitata apud Medicos divisio partium est, quam Hippocrat. l. 6. Epid. assert, quod *partes humani corporis aliæ sint continentes, aliæ contentæ, aliæ impetum facientes*. Per *partes continentes* intelli-

guntur

guntur partes consistentes & firmæ in nostro corpore, quas usitate *partes solidas* Medici nuncupare solent. *Partes contenta* Hippocrati non sunt quæcunque in humano corpore sunt comprehensa & fluida, alioquin & humores & spiritus sub contentis continerentur; verum illa tantum *contentarum partium notatione* veniunt nostro *Seni*, quæ in corpore humano contenta ad materiam ejus reparandam maxime faciunt, quales sunt Medicorum decreto *humores*. At quæ vigorem conciliant, & ad agendum magis pertinent, ut sunt *Spiritus*, nominat Medicinæ Parens *partes impetum facientes*. Hinc liquet, quod cum illa recensita divisione coincidat altera, quam ponit Gal. l. de palpit. & trem. c. 5. quæ partes dispecuntur, in *solidas, humores, & spiritus*.

§. XII. Hæc partium divisio instituta est secundum amplam potestatem vocis *Humani corporis*, & omnino defendi potest. Id tamen circa eam observari potest 1. quod *dictum* informari potest, ita ut partes nostri corporis aliæ dicantur continentes, aliæ contentæ, & hæ vicissim in humores, & spiritus divellantur. 2. quod sub humoribus non debeant comprehendii excrementii, verum alimentarii tantum, unde perspicuitatis gratia vocem alimentarii addere, aut absolute nomen sanguinis usurpare non foret inconveniens.

§. XIV. Dubitatum apud quosdam reperio, *an illa distributione calidum innatum quoque indigitatum sit*? Videtur quibusdam sub impetum facientibus subintelligi. At congruentius videtur per impetum facientia solos influentes spiritus indigitari. Itaque censeo expresse calidum innatum, ut ab illis insinuat, in hac distributione non fuisse nominatum: idque merito; quia primam partium & generalem partitionem exhibet, non illam specialiozem, quæ continentes partes in calidum innatum, humidum radicale, partem carnosam seu aqueam & fibrosam dirimuntur. Interim nec hoc negandum est, multos in eadem opinione, præter spiritum vitalem influentem nullum aliud calidum innatum reperiri. Sed hos falli existimo.

§. XV. Deinde non minus frequens *partium humani corporis distributio* est in *similares & dissimilares*. *Similares partes dicuntur, quæ secundum se totas eadem essentia constituuntur*: seu quæ æquabili qualitatum moderatione perfusæ sunt. Sed *dissimilares corporis humani partes vocantur, quæ ex diversis partibus similibus constant*. Hæc divisio etiam diverso modo accipi potest. Nam vel intelligenda venit respectu corporis humani late sumpti, & sic contenta sub partibus similibus continentur, unde dividi solent in liquidas seu fluidas, & consistentes: illæ sunt sanguis ac spiritus influentes; hæ autem

E

partes

partes continentes similes: vel venit hæc distributio intelligenda respectu corporis humani strictè dicti, quæ ratione solis partibus solidis aptari debet.

§. XVI. Hoc adhuc circa hanc divisionem observandum, quod Medici nomine partium similium adhuc ambigue utantur. Nam aliquando ab illis similes partes vocantur, quæ tales sunt solum *secundum sensum* cumque rudiorum: aliquando vero tantum quæ *exactly sunt tales*. Atque hoc sensu aliquando eæ, quæ ab aliis se jungi queunt integraliter, aliquando eæ etiam, quæ aliis permixtæ sunt, quas supra sub titulo de elementis secundis declaravimus, ita dicuntur. Hoc sensu non male *similes partes in primas & ortas* distinguuntur. *Prima* nominantur calidum innatum & cetera elementa secunda, nisi ad elementa quis devenire velit. *Orta* autem indigetantur, quæ in corpore humano separatim notari possunt, & ex primis constitutæ sunt. Hæc rursus vel sunt *magis minusve similes*.

§. XVII. Tertio apud Medicos vilget divisio *partium* humani corporis in *inorganicas*, & *organicas*. Hæc aliquando coincidit cum divisione priore, ut similes & inorganicæ partes eadem sint, & vicissim dissimiles & organicæ coincident. Et hoc sensu frequenter apud Veteres occurrit, partes alias esse similes, alias organicas. Sed Recentiores quidam eam divisionem à prægressa separant, iudicantes *partem inorganicam esse*, quæ ex se non requirit certam magnitudinem, figuram, aut aliam organicam dispositionem: contra *organicam esse*, quæ determinatam magnitudinem & figuram, aliasque organicas habitudines exigit.

§. XVIII. Verum hoc modo non satis accurate divisio illa formata est. Nam 1. organi constitutionem male in magnitudine, figura, connectione, situque, & convenientium partium componentium numero ponunt, cum præcipue debita habitudine calidi insiti & temperamenti absolvatur. Nam id maxime ad constitutionem organicam pertinet, quo partes animæ operanti maxime inserviunt. A hoc calidi & temperiei bonæ dispositio præstat. Et quid dicent? An negabunt primam partium conformationem esse actionem sine organi celebratam? Certe illa non fit per talium partium structuram. 2. Non satis vere id videtur ab iis supponi, quod in corpore humano dentur quædam partes inorganicæ. Cum enim totum corpus animæ organum sit, & singulæ partes animæ in operando inserviant, efficitur, quod singulæ sint organicæ. Aut si sint quædam inorganicæ, enumerent illas. Aliqui ostendunt partes eas, quæ soli nutritioni inserviunt. Sed si hoc verum est, tum anima vegetativa non obtinet operationes organicas,

ganicas, neque obtinet corpus organicum, quod quam sit falsum, quilibet facile intelligit. 3. Neque hoc iis concedendum est, quod quædam partes humani corporis non postulent certam magnitudinem. Nam licet concedamus sub magna evagatione magnitudinem evagari: interim certis terminis comprehendi necessum est. De figura si pars aliqua seorsim spectetur hoc non ita urserim: verum quatenus partes ad compositionem unius corporis conspirant, fieri non potest, quin & figuram debitam & convenientem litum, & aptam connexionem exigat.

§. XIX. Hinc concludo, secundum dictam rationem præcedentem divisionem malam esse. Sed ecquid melior est explicata sensu Veterum? Omnino melius excusari potest. Nam quod illi dissimilem partem organicam nominant, dignitati ejus tribuunt, quia magis aut excellentius organica est, quam similis: quippe plerumque perfectæ operationi animæ inserviunt. Proinde eo sensu Gal. l. 1. meth. med. c. 6. ait: *partem esse que operationem perfectam edit*, non quod illa non sit pars, quæ operationem non perfectam edit, sed quia non est tam nobilis pars. Ita secundum hunc sensum oportet accipere communem organicarum partium distributionem in quatuor ordines, & illud, quod ajunt ad organi plenam constitutionem requiri partium genera quatuor quæ sunt, primum à quo editur actio, alterum sine quo operatio non fit, tertium quæ facit ut actio melius procedat, & denique quod actiones conservat. De quo videatur Gal. l. 1. de usu partium.

§. XX. Quarta divisio partium est in *sanguineas* & *spermatikas*. Hæc divisio instituitur sub angusta significatione corporis humani, & hunc habet sensum. Nempe *Sanguineas partes* Medici nuncupant, quæ aut simpliciter ex sanguine fiunt, aut saltem præcipue: *Spermatikas* contra *partes* vocitant, quæ ex semine primum constituuntur. Vt hæc sententiâ Medicorum percipiatur melius, notandum est, quod Medici existimant, duo esse principia materialia generationis partium, semen nempe, & sanguinem menstruum: atque aliquas quidem partes ex semine, aliquas ex sanguine fieri existimant. Quas censent ex semine fieri, eas ajunt esse albiores, frigidiores, & magis consistentes, itemque non regenerari, si deperditæ sint, nec uniri secundum primam indicationem. Contra partes sanguineas docent esse rubicundiores, calidiores, & molliores, item deperditas regenerari, & coalescere secundum primam intentionem.

§. XXI. Hæc meo arbitrio merentur censuram. Itaque quidem non id cum Philosophis urgebimus, quod Philosophus existimat, l. 1. de gener.

ner. animal. c. 16. & l. 2. c. 2. & 3. ac l. 5. de histor. animal. c. 8. omnes partes ex sanguine menstruō, seu semine muliebri produci, at semē virile habere solum rationem causæ efficientis, quoniam hac in parte à Philosopho multi dissentiunt: sed quod ex semine virili & muliebri misto omnes partes primum constituentur, & omnes ex sanguine nutriantur: aut si hoc ab iis non concedatur, quod omnes partes ex uno eodemque principio materiali primum constituentur, quoniam omnes ex uno eodemque principio materiali nutriuntur. Et rationem connexionis damus: quoniam nutritio non solum geniti conservatio est, sed etiam partialis generatio. Illud autem, quod omnes partes ex eadem materia nempe sanguine nutriantur, partim à multis eorum concessum est, partim ex doctrina de nutritione patebit. Assumant ergo nunc vel sanguinem, vel semen: necesse habebunt fateri omnes partes vel sanguineas, vel spermaticas esse, non alias unius, alias alterius generis: aut dicendum est, omnes spermaticas esse ratione ortus, & omnes sanguineas ratione nutrimenti.

§. XXII. Prævident hanc objectionem Recentiores quidam, itaque ex Gal. com. de natur. hom. l. 1. t. 37. duplicem medelam ei afferre conantur. 1. urgent, quod licet partes quoad prima stamina ex semine oriri possint, tamen augmentum suum ex sanguine præcipue capiant. 2. quod quia ipsum semen ex sanguine generatur, de hoc non ita valde laborandum sit. Verum illa ipsa allata ipsorum sententiam destruant. Nam quod 1. attinet, siquidem omnes partes quoad prima stamina ex semine constituentur, & quoad augmentum ex sanguine complentur, sequitur, quod non aliæ sint spermaticæ, aliæ sanguineæ, sed omnes spermaticæ quoad primam conformationem, & omnes sanguineæ quoad augmentum & perfectionem accidentalem. Sin autem hoc ita intelligi velint, quod illa prima stamina sint partes spermaticæ, nihil ad rationem oppositam dicunt: sin vero intendant, quod partes spermaticæ plus ex semine, minus ex sanguine participant, & sanguineæ plus ex sanguine minus ex spermate habeant, pariter repugnant generali rationi. Porro quoad 2. expresse ex illa assertionem deducitur omnes partes pari ratione posse & spermaticas & sanguineas vocitari.

§. XXIII. Quoniam vero multum fundamenti in eis discriminibus à se positis locant, age causam aperiamus, quare partes ita inter se differant. Ita principio aliquæ partes sunt albiore, quædam rubicundiores: quia non solum ex ejusdem materiæ diversis portionibus fiunt, sed quia ob diversam consistentiam aliæ melius sanguinem in se recipiunt, aliæ minus.

Quippe

Quippe quod rubedo parti adveniat ex sanguine effuso seu per porositatem partium, seu per vasa in partibus illis existentia, exinde liquet, quod in lypothymia cum sanguis retrahitur, & in hæmorrhagiis magnis etiam rubicundæ partes pallidæ apparent. Imo abortus primorum dierum ostendunt omnes partes pallidas, non aliquas rubicundas, alias albentes, quamquam in hoc colore secundum magis & minus varient. Deinde aliquæ partes aliis frigidiore sunt, quia elementa secunda partium diversimoda proportionem concurrunt, unde contingit, ut quæ plus elementis terrestribus & aqueis participant, frigidiore sint iis, quæ plus in se habent ignei & æteri. Et ex iisdem causis derivari etiam potest consistentia major vel minor. Imo, quare quædam partes possint per primam, quædam tantum per secundam intentionem coalescere? Quippe quæ humidiores & molliores sunt per primam: quæ vero sunt sicciores & duriores per secundam intentionem solum uniuertur. Vnde in pueris, quia omnes partes obtinent humidiores, nullæ sunt, quæ non immediate aut similis secundum speciem intervntu queant copulari. Denique quod quædam partes regenerabiles, quædam autem non regenerabiles sint, id inde evenit, quod quandoque partes radicitus exstirpantur, quandoque fundamenta relinquunt. Quæ radicitus exstirpantur, nulla ratione regenerantur, ne caro quidem, quam sanguineam partem esse Medici docent: quid ergo mirum de aliis? Verum quæ partes non radicitus exstirpantur, illæ, si reliquæ satis virtutum obtineant, regenerantur non quidem secundum primam figuram, sed secundum pororum ductum situmque in reliquiis. Advertitur tamen aliqua diversitas. Nam molles cito regenerantur, & etiam celeriter perfectionem nanciscuntur: at duriores & crassiores multo tardius. Hinc accidit, ut principio sæpe alterius generis videantur, quæ tamen decursu temporis prorsus eandem speciem acquirunt. Sic de callo in fractura ossium exemplum vidimus, quod totus fuerit osseus, nihil à reliquo osse diversus.

§. XXI V. Sic probatum fecimus, quod illa divisio *partium* in *spermaticæ* & *sanguineæ* veris Philosophiæ fundamentis adversa sit, & ab experientia nullo modo juvetur, ut merito eam rejicere possimus. Quoniam autem abjicere & nihil melius substituere injustum est, in locum ejus aliam conabimur suggerere, quæ rejectæ vices impleat. Sit ergo hæc quarta partium humani corporis distributio. Partes humani corporis late sumpti sunt vel *liquida* seu *fluida*, vel *consistentes*. Illæ contentorum nomine veniunt. Hæ vero sunt vel *molles*, ac *humidiores*: quo refero sanguineas partes Medicis nuncupatas: vel *dura* ac *sicciores*, quæ à Medicis vocitantur partes *sperma-*

ticæ. Hæc divisio fundamentum habet in natura & ex Philosopho l. 1. de histor. anim. c. 1. & l. 2. de part. anim. c. 2. peti potest, ut ita ea tuto uti queamus. Id solum notandum, quod partes sicciore & duriores soleant speciatim *solida* appellari, quatenus firmitus consistunt, quam molliores: attamen generaliter aliquando omnes partes consistentes solidæ vocantur. Hoc quoque, si operæ pretium videtur, attendendum est: quod stricto corporis humani significatu omnis partibus liquidis queant discesci partes corporis humani in *molles* seu *humidas*: & *solidas* seu *siccas*. Priorum, appellatione partes sanguineas Medicorum indigitamus: posteriorum autem partes spermaticas.

§. XXVI. Occurrit alia adhuc divisio, quæ quinta censi potest, quæ *partes corporis humani* dirimuntur in *materiales* & *formales*. Hujus divisionis fundamentum sumunt ex Aristot. qui l. 2. de gener. & corr. c. 5. docet, quod *ea, quæ augescunt, augeantur quæ formam, sed non quæ materiam*. In explicatione autem mirum quantum discrepent. Quippe alii partes formales appellant partes porosæ, h. e. eas, quæ cavitates obtinent, quibus alimentum accipiant, materiales vero compactas & solidas. Alii per partes formales intelligunt organicas, seu dissimilares, per materiales autem fistillares. Alii partes formales existimant esse eas, quæ tantæ magnitudinis sunt, ut agere possint: contra materiales iis minores, & quæ nequeunt operari. Rursus alii humidum primogenium & calidum innatum pro formalibus partibus venditant, cum per id anima primo corpori insit: at materiales partes reliquas esse arbitrantur. Alii rursus censent, materiales & formales partes easdem esse, sed dici formales, prout constant forma continente materiam: materiales vero quatenus constant materia subtrata formæ. Alii autem etiam docent partes materiales & formales esse easdem: sed appellari formales, quatenus secundum communem rationem essentia considerantur; materiales vero prout spectantur ratione conditionum individualium. Alii denique partes formales vocitant eas, quas ante nominavimus solidas; materiales autem molles, & quæ sunt in perpetuo fluxu.

§. XXVII. Quis ausit eas lites magnorum virorum componere, & quid utilitatis ex eo labore sperandum est? Nam illa divisio partium corporis humani aut est eadem cum aliis divisionibus, aut est diversa. Si eadem est, quid est opus laborem ponere in conciliatione diversi modi loquendi? Sin autem diversa est, illa in aliqua re fundatur, aut in aliquo respectu rationis. Si in aliqua re, quandoquidem ex Metaphysicis & Logicis investigari potest, quid in unaquaque re sit, prudentius facere videremur, si clarius verbis

verbis divisiones cruamus, quam in ea, quæ ita controversa est, hæreamus. Neque istud hoc loco præstandum est, verum ubi singulæ partes in specie declarantur, simul materialiter istæ divisiones declarantur. Sin autem solius rationis discrimen in hac divisione partium sit, non adeo multum referet, si eam tacito pede prætereamus.

§. XXVIII. Hoc modo à nobis poteramus amovere hanc quæstionem: Veruntamen quia ad Aritotelis intelligentiam hujus loci explicatio pertinet, breviter sententiam nostram adjiciemus. Et principio quidem arbitramur Philosophum ibi locorum non intendere divisionem partium, sed insinuare partium earundem diversam considerandi rationem. Quippe agit de augmento, qua ratione partibus competat, quod sane omnibus omnino partibus commune est. Imo inanifeste hoc ipse manifestat, cum inquit: *Quare partim augetur pars unaquæque particula, partim non augetur. Nam secundum formam quidem cuius parti quippiam adjungitur, secundum materiam vero minime.* Deinde arbitror hunc Philosophi sensum esse, quod augmentatio proprie dicta non consistat in nuda quanti ad quantum accessione: sed in alimenti additione, quod cum in substantiam & speciem partium conversum est, eam partem auget, & quidem non secundum nudam materiam ad materiam appositionem, sed secundum speciem partium. Atque hanc explicationem facile admittent, qui Veterum opinionem de augmentatione cognoverint, quibus contradicere citato loco Philosophus voluit. Ex his liquet, divisionem partium in formales & materiales omnino prætermitti posse.

§. XXIIX. Sexto solent *partes humani corporis* prout à contentis distinguitur dividi in *naturales, vitales & animales*. *Naturales* rursus à Medicis in *nutritivas & genitales* dispeſcuntur, ut sic naturales partes appellentur, quæ nutritioni & generationi dicatæ sunt. *Vitales* partes à Medicis dicitur, in quibus facultas vitalis residet, seu quæ pulsui & respirationi destinantur. Denique *animales* partes appellantur, quæ sensuum exteriorum & interiorum operationibus obeundis inserviunt.

§. XXX. Hæc divisio ob aliquas causas pro bona recipi non potest. Nam 1. malo fundamento insistit, quod facultates animæ in naturales, vitales & animales recte discernantur, cujus contrarium in posterioribus ostendemus. 2. Eædem partes & animæ vegetativæ & sensitivæ operationibus inserviunt. Non itaque distinctæ sunt partes. Proinde neque valde mihi placet illa partium divisio, qua *partes* distinguuntur in *vegetativas & animales*. Licet enim hæc primo viſio occurrat, non tamen medietur posteriori

steriori difficultati. Si quis vero hanc defendere velit, dicere debet, non esse eam intelligendam in ordine ad operationes vegetabiles vel animales adæquate, sed primario. Quippe negari non potest, quin partes nostri corporis alix quidem magis uni quam alteri functionum generi commodæ sint. Atque hoc sensu alicubi divisionem eam approbavi.

§. XXX I. Septima divisio partium apud Medicos est in *partes principes & minus principes*. Quid partes principes sint, varie dissidentibus opinionibus inter eos agitur. Nos probabile esse censemus *partem principem esse in qua fundatur aliqua facultas, qua universum gubernatur*. Sic in corde residet facultas vitalis, in cerebro animalis, in testibus genitalis: inter quas tamen principes partes una est principalissima, nempe *cor*, utpote fundamentum primum adeoque radix vitæ, conservationis tum secundum individuum, tum secundum speciem, & denique sensitivæ facultatis. Negatur equidem hoc à Medicis, sed solidæ rationes asserti veritatem confirmant, quemadmodum apud Philosophum l. 3. de part. anim. c. 4. lib. de somn. & vigil. c. 2. l. de juv. & sen. c. 4. & ejus interpretes videre est.

§. XXX I. Ex opposito facile cognosci potest, quæ sit pars *minus princeps*, nempe *qua à principe parte regitur seu gubernatur*. Alii quidam, quæ inservit principi. Verum his à quibusdam contradicunt, censentibus *minus principes* partes esse vel *inservientes* seu *samulantes*, quæ aliquid agunt, quod conferat principi parti: alias *sui juris*, quæ quidem egeant subsidio partis principis ad agendum, veruntamen operationes suas non habeant subordinatas principis partis operationi. Hanc notationem tamen non arbitror fatis esse veram. Nam nulla pars *minus princeps* est, quæ non inserviat alicui principi. Quippe carnosæ partes, quæ à quibusdam opponuntur, siquidem musculosæ fuerint, destinatae sunt motui animali efficiendo: sui autem alix, nominentur, & liquebit eas quoque principibus inservire.

§. XXX II. Hoc contingit pluribus modis. Proinde partes quoque minus principes ulterius dispescendæ sunt. Hoc non ita in aperto est, quæ ratione fieri possit. Nos id ea ratione facimus. In genere *minus principes partes* alix *functione*, alix *usu*, aut *utroque* inserviunt, atque id vel *mediate* vel *immediate* præstant. In specie autem *partium inservientium* aliquæ sunt *preparantes*, aliquæ *complementes* seu *perscipientes*, aliquæ *advehentes* vel *avehentes*, uno nomine *serentes*, aliquæ *munientes* seu *defendentes*, aliquæ *fulcipientes* seu *firmantesque*: quarum notiones ex vocibus innotescunt.

§. XXX III. Hæc divisio partium sæpissime usurpatur, & suum usum habet, ut ideo eam non improbem, veruntamen cavendum est, ne illam incauti

incanti latius extendant, quam fieri debet. Nam non respectu omnium sed aliquarum operationum intelligenda venit, ut consideranti patebit. Deinde id notandum est, quod licet primario explicanda divisio illa sit, sub stricta acceptione humani corporis, quod tamen etiam latæ significationi paucula mutatione aptari possit.

§. XXXIV. Cum præcedente divisione partium convenientiam habet altera, quæ proponitur ab Avic. 1. 1. doct. 5. c. 1. adeoque octava esse potest. Nempe alia pars humani corporis suscipit virtutem ab aliis & rursum tribuit, ut cerebrum quod suscipit virtutem vitalem à corde, & animale tribuit: alia suscipit virtutem & non tribuit aliis partibus, ut caro, ossa, glandulæ &c. alia tribuit virtutem & non suscipit ab aliis, ut secundum Philosophum cor: alia denique neque virtutem suscipit neque tribuit.

§. XXXV. Illam distributionem suo loco relinquo, hoc solum noto, me nullam partem in humano corpore novisse, quæ sit quarti generis: deinde quod hæc divisio Avicennæ non debeat confundi cum altera Galeni, quæ lib. art. Med. c. 9. reperitur, & nona est. Aliquæ partes sunt principia seu principes, ut cerebrum, cor, hepar & testiculi: aliquæ ab ipsis principii originem habent, atque eidem subministrant, ut nervi & spinalis medulla cerebro, arteriæ cordi, venæ hepatis, & vasa seminaria testiculis: aliquæ à se ipsis gubernantur, quia habent insitas potentias à quibus reguntur, ut cartilago, os, ligamentum, membrana, glandulæ, adeps & caro simplex: aliquæ demum insitas simul & aliunde manantes obtinent potentias à quibus reguntur, ut uterus, renes, ventriculus, pulmo, lien &c: quæ habent arterias, nervos & venas, per quas partes transmittitur virtus, quæ gubernantur.

§. XXXVI. Huic divisioni neutiquam possum acquiescere. Nam 1. id mihi videtur falso dictum aliquas partes dari ita sui juris, ut nec alias partes gubernent, nec ab aliis gubernentur, & quod de ossibus, cartilagine, ligamentis, membranis, &c: recensent, experientiæ repugnat, cum ea doceat, illas partes & sanguinem ac spiritum vitalem per arterias à corde, & aliquas quoque spiritum animale per nervos à cerebro capere. 2. neque id mihi verum videtur, quod venæ, arteriæ, nervi & vasa seminaria non obtineant aliquam virtutem insitam, quomodo enim alias nutrirentur? Alia racco, quæ supponuntur in hac divisione, alibi expedienda. Ex dictis vero id sequitur, cum duo solum membra nobis residua relinquantur, quod bene hæc distributio in eam resolvi queat, qua partes humani corporis in principes & minus principes dispescuntur.

§. XXXVII. Postea obvia est apud Anatomicos maxime humani

F. corpo-

corporis partitio in *ventres & artus*. *Ventres* vocant cavitates aliquas notabiles, in quibus præcipuum aliquod viscus residet, & statuunt tres *supremum*, seu *caput*, *medium*, seu *thoracem*, & *infimum* seu *abdomen*. *Collum* autem ad *thoracem* vel *caput* referunt. *Artus* vero sunt *manus*, & *pedes* reliquo corpori coherentes. Solent etiam eam divisionem ita instituire. Corpus humanum dispescitur in *truncum*, & *artus*, hi dividuntur in *manus* & *pedes*, ille vero in tres *ventres* & *collum*, quod tamen aliqui sub ventre aliquo concludunt.

§. XXXVIII. Porro iidem Anatomici & Medici quoque *partes humani corporis* alias vocant *externas*, alias *internas*. Illæ foris in superficie aut circa eam jacent, & sensibus aperte patent: hæ vero intus abditæ sunt, & citra exteriorum remotionem à sensibus nequeunt percipi.

§. XXXIX. Vtraque ista divisio venit intelligenda sub acceptione stricta nostri corporis, & illa partium, quæ pro dissimilibus sumuntur, licet postmodum particularius etiam ad similes partes soleant applicare. Et hoc sensu sumenda est & hæc ultima divisio, quæ partes humani corporis dividuntur in *continentes*, seu *locantes*, & *contentas*, seu *locatas*. Nam *continentes partes* hic vocantur, quæ alias solidas ambiunt, & eas quasi in vase comprehendunt, *Contentæ* contra dicuntur ex partes solidæ, quæ ab aliis ambiuntur, & quasi in capsula conservantur.

§. XL. Ex hac divisionum varietate primam & secundam maxime sequemur, & ex aliis particulatim eas adjungemus, quæ optime particulari nostro proposito commodabunt. Namque prorsus exactam & omni parte absolutam methodum observare non videtur fieri posse. Annite-mur tamen aliquid præstare, ubi non licet progredi ulterius.

C A P U T VI.

De partibus similibus.

§. I. **A**Ntequam ordine singulas partes explicemus, prius de *Anatomia* quædam adducemus, cum partium doctrina sæpe eo nomine soleat appellari. Proinde sciendum est duplicem partium humani corporis notitiam esse, unam *rudem & popularem*, alteram *accuratam & philosophicam*. Hæc tum partium *structuram & naturam*, tum *usum & functiones partium* diligenter persequitur. *Anatomia* nomine sæpe venit rudis illa & superficialis partium declaratio, quia illam ope artificiosæ dissectionis facile inda-gare

gare licet : & non raro etiam *accurata & nervosa* partium humani corporis declaratio Anatomix nomen gerit , quoniam sine artificiosa partium humani corporis divulsione talis notitia vix haberi potest. Vtraque tamen ista significatio impropria est, & rigide loquendo *Anatomia* Medicis est ars partes animalium & maxime humani corporis (utpote quod Medici pro Objecto assumunt) ordinate dissecandi , ut illarum notitia planior & plenior haberi queat.

§. II. Hoc loco ubi de partibus humani corporis agemus , non constituimus proponere dissectionis artificiosæ regulas , sed partium structuram & usum functionesque. Nam etsi illæ Medico cognitu non inutiles sunt, tamen non pertinent ad eum immediate & per se, sed solum quatenus partium cognitio anatomia seu dissectione interveniente indagari potest : atque etiam magis & melius per experientiam & exercitium , quam per præcepta & regulas addiscitur.

§. III. Neque etiam hoc & sequentibus capitibus , ubi de partibus agemus , universam earum doctrinam persequemur , verum ea maxime attingemus , quæ ad notitiam absolutam & constitutionem earum ex elementis & compositionem humani corporis referuntur. Cætera autem in sequentibus adjiciemus , ubi animæ humanæ naturam , facultates & functiones prius explicaverimus. Utrobique vero sequemur Veterum & Recentiorum maxime expertorum Anatomicorum & accuratiorum Philosophorum & Medicorum placita , seu ea scriptis explicata sint , seu etiam aliis modis mihi innotuerint.

§. IV. A partibus similibus faciemus initium ; de quibus illa quæstio principio movetur : *An illarum explicatio ad anatomiam pertineat ?* Anatomix plerique Scriptores de iis agunt , & ita opere ipso affirmativam asstruunt. Sed non nemo ex Recentioribus illos accusat , tanquam male faciant. Ego iudico , quod facile excusari possint. Nam quia Anatomici est eousque artificiosa dissectione progredi , quousque potest , liquet quod nec similes partes omittere debeat. Nam & illarum quædam sub ulteriorem divisionem cadunt , quædam autem ex ultima dissectione emergunt , ut colligi potest ex iis , quæ de similibus partibus præcedente capite generatim notavimus.

§. V. Proinde his omiſſis potius nobis enitendum , ut primum constituamus, *quæ & quot sint similes partes*, & deinde *easdem particulatim declaramus*. Circa primum variantes sunt Recentiorum opiniones. Quid mirum? Nam ipse Galenus valde à se ipso diversus. Alicubi solas *fibras* pro simila-

ribus partibus videtur accipere. Alibi *carnem & membranas* adjicit. Alibi *adipem, ligamenta, cartilagineas & ossa* addit. Alibi similibus partibus etiam accenset *venas, arterias, & nervos*: quas alibi ex partium similiarum numero ejicit. Alibi etiam *pilos & ungues* inter similes enumerat.

§. VI. Hæc tam diversa concilianda aliis relinquo, ego partes similes ita digero. *Partes similes* quæ distincte & seorsum ostendi solent, sunt vel *communes* vel *proprie*. *Communes* appello, quæ in diversis corporis humani partibus reperiuntur: sed *proprie* voco, quæ peculiare sunt uni alterique parti. *Communes* sunt vel *magis similes*, vel *minus tales*, & quædam sic tantum sensui apparent. Illius generis esse censeo *pinguedinem, carnem, & fibras*. Posterioris ordinis arbitror esse *ossa, cartilagineas, ligamenta, membranas, venas, arterias, nervos, cutem & cuticulam*. *Propria* autem *partes similes* sunt *pili & ungues*.

§. VII. Scio equidem quod pluribus hæc similiarum partium divisio improbabitur. Sed ubi tam multi inter se dissentiunt, quis possit aliquid proponere, quod non multis displiceat? Conabor tamen asserta mea ratione firmare, ut si non impetrare queam apud omnes assensum, saltem apud bonos merear veniam & excusationem. Atque istius distributionis, quod partes in *communes & proprie* divisi, non est necessum dare rationem, quia descriptiones illarum eam continent, hoc solum excusandum est, quod distributio *communium* non videtur bona, quia *proprie* etiam à nobis dictæ ad aliquod distributionis istius genus referri possunt. Hoc non nego, attamen eam divisionem communibus speciatim adhibui, quia in illis speciatim illa varietas reperitur, cum *proprie* sint unius generis. Si quis hanc solutionem insufficientem arbitretur, age citra subdivisionem ita recensere partes similes. Nimirum sunt illarum quatuordecim, nempe *pinguedo, caro, fibra, ossa, cartilagineas, ligamenta, membrana, vena, arteria, nervi, cutis, cuticula, pili, & ungues*.

§. VIII. Verum si hoc modo maxime divisionem instituo, tamen plurima occurrunt dubia circa singulas similes partes, an recte vel in partium numero, vel in similiarum partium ordine numeratæ sint. Sed quia illæ difficultates melius circa singularum partium declarationem tolli queunt, citra ambages ad illam transeo. Et initio nobis se ingerit *pinguedo*. Est vero *pinguedo* pars similis nostri corporis, calida & in passivum moderata ac alba, calido innato & humido radicali sanguineo uberrime scatens, partibus membranis præcipue aggenita ad conservationem temperamenti, & emolliationem partium. Atque duum generum est, nempe vel *adeps* vel *sebum*. *Adeps* est *pinguedo*

guedo tenuior, mollior, & humidior. Sed sævum est pinguedo crassior, durior, ac ficior, plus fibrosa substantia in se habens. Sed illa nominum accuratio non semper apud Medicos observatur.

§. IX. Ita se habet natura pinguedinis compendio explicata: verum ut eam pensulatiùs expendamus, aliqua addenda sunt. Initio illud in quæstionem venit, *an pinguedo sit pars humani corpori?* Nam qui pinguedinem vel inter humores referunt, vel inter excrementa numerant, urgent pinguedinem partibus nostri corporis non esse accensendam. Mihi tamen probabilior videtur affirmativa. Nam quidem, quod non sit excrementum patet, quia nec excernitur, nec excerni debet ex humano corpore. Et quia corpora optime sana cumulant pinguedinem, excrementa autem egerunt. Humor porro etiam non est, quia nec fluit, nec vasa habet continentia. Imo quia nec alimentarius, nec excrementitius, nec diversi ab his generis, aut ex utrisque compositus est.

§. X. Quia tamen argumenta plurima adducunt, qui à nobis dissentiant, ea que talia, quæ pinguedinis naturam manifestare possunt, non male fecerimus, si ea proposuerimus & solverimus. Principio urgent *pinguedinem non in prima partium conformatione ex semine elaborari, sed postea demum ex sanguine fieri.* Quod probare exinde annituntur: quia in recens natis nulla pinguedo reperitur, verum tantum in adultioribus, cum justam ætatem attigerunt. Sed scire ab his velim, unde hoc cognoverint? In vivis sane corporibus experientiam non fecerunt: in mortuis autem si deprehenderunt, unde nobis persuaferint, nec morbida illa corpora fuisse, nec etiam insolita. Nam nos pariter observavimus in sætibus brutorum nondum in lucem editis pinguedinem affuisse, & ratio idem postulat, cum finis ususque pinguedinis omni tempore obtineat. Et pone etiam observatos esse abortus primorum dierum, nihil tamen inde sequitur, quia partes aliæ post alias generantur. Et pone verum esse ex semine non primo constitui pinguedinem, quis probet firmiter partem omnem ex semine primum constitui. Et annon ipsi docent partes aliquas esse sanguineas, quæ ex semine non frant? Prior tamen solutio tutior est.

§. XI. Atque ita patet, quid dicendum sit ad quæstionem, qua quæritur: *ex qua materia & quando generetur pinguedo?* Neinpe probabile est, quod ex ea materia primum fiat, ex qua reliquæ partes, & quidem tempore primæ conformationis, non quidem in primo principio, sed tamen antequam conformatio absoluta sit. Quippe ordine quodam primam partium structuram inchoari & absolvi, non omnes simul generari & perfici, valde credibile est.

§. XII. Secundo loco id urgent contrariam sententiam defendentes, quod *pinguedo nihil aliud sit, quam sanguis concretus & dealbatus, ideoque non pars*. His respondeo 1. negando sequelam. Nam & parenchymata hepatis, pulmonum &c: sunt concretus sanguis circa vasa, & tamen partes. 2. distinguendo antecedens: pinguedo est concretus sanguis, sed non ut retinuerit speciem & naturam sanguinis, verum ita sicut omnes partes ex concretionem sanguinis nascuntur aut saltem conservantur. 3. negando antecedens: licet enim concedamus nutriri pinguedinem ex sanguine, tamen primum judicamus eandem ex materia seminali consurgere, quemadmodum & reliquas partes.

§. XIII. Huic ultimæ responsioni non acquiescere possum, quoniam tertium eorum argumentum contraria hypothesi nititur, nempe *pinguedinem non nutriri, sed nutrire, generarique sola condensatione sanguinis accidentali circa partes*. Vt hoc dubium tollamus, distincte asserimus principio pinguedinem non generari nuda condensatione accidentali sanguinis circa membranas. Nam 1. omnia indicia differentiæ essentialis adsunt, nempe tanta differentia accidentium & effectuum, ut nisi in sanguine & pinguedine diversitas specifica admittatur, nulla major probatio afferri possit. 2. si sanguis sit ex sanguine concretionem accidentali, sit vel ex toto sanguine, vel ex parte ejus. Non ex toto, quia is aliter concrescit, ut apparet ex sanguine extravasato & per venæ sectionem extracto, cum concrescit. Neque ex parte, nam tum maxime ex parte pinguiori fieri deberet, quæ tamen rosea seu rubicunda apparet. Nam ipsi consentiunt rubicundiorum & splendidiorem partem in venæ sectione apparentem esse pinguiorem & optimam sanguinis substantiam. 3. si eam hypothesin defendere velint, rationem afferre non possunt, quare diversa ratione, prout opus est, etiam ubi eadem causæ sunt, pinguedo generetur.

§. XIV. Porro secundo loco dico *pinguedinem vere nutriri*. Nam 1. venas & arterias habet, ut negare non possunt. 2. ubi sanguis copiosior, & ex eo reliquæ partes increfcunt, etiam pinguedo augetur. 3. quia pinguedo non augetur sola concretionem sanguinis, nec fieri potest à membranis, utpote quæ aliam ab ipsa essentiam habent. Ergo fit à pinguedine existente in corpore mutatione sanguinis in similem substantiam. Cæterum *ex quali sanguine pinguedo maxime nutritur?* Censeo ex sanguine moderato, & quidem ex portione ejus maxime pingui & quasi butirosa: nam in quibus talis sanguis redundat, ii pinguiore sunt, & cum tali sanguine temperie maxime convenit.

§. XV.

§. XV. Ultimo loco arbitror: *pinguedine non nutrirī partes*. Nam 1. non est ille naturæ ordo, ut à posterioribus ad priora revertatur. At si pinguedo nutrire deberet partes, prius in sanguinem revocari deberet. 2. nullæ partes nominari possunt, quas nutrire deberet. Nam illæ quæ temperie cum illa consentiunt, una cum pinguedine elanguescunt & tabescunt, at quæ temperie ab ipsa differunt, ex illa nutrirī nequeunt ob dissimilitudinem. Et quæ sunt opinionis contrariæ documenta? Ajunt, quia primum omnium pinguedo consumitur, & sæpe aliquo tempore nullum alimentum forinsecus capitur. Ad hæc dico: 1. quia tenuis & dissipabilis naturæ est pinguedo, ideo omnium primo absumitur, ita tamen ut aliqua ejus adhuc pars reliqua maneat. 2. quamdiu sanguis adhuc in corpore est, non necessum est venire ad pinguedinem, ut nutrimenti loco capiat. 3. etsi nutritio sit toto vitæ tempore, tamen etiam feriæ ejus dantur.

§. XVI. Quarto ita insunt: *Pinguedo neque in omnibus, neque semper invenitur in humano corpore. Ergo non est pars*. Ratiō consequentiæ est: quia naturalia omnibus & semper convenire debent. Antecedens judicant quia primam partem experientia constare; quia alteram autem liquere ex recens natis, biliosis, & phthisicis. 1. limitando & sic negando antecedens: quod pinguedo non inveniatur in omnibus bene & naturaliter constitutis, & semper. Et de recens natis ac biliosis concedo quidem, quod pauciores, non autem quod nullam pinguedinem habeant. In phthisicis vero diversis post mortem dissectis pinguedinem observavi: neque tamen nego multum pinguedinis in iis calore intensiore dissipari & consumi.

§. XVII. Quinto arguunt. *Pinguedo non habet determinatam magnitudinem & figuram, Ergo non est pars*. 1. habet determinatam magnitudinem, verum non ad punctum contractam, sed intra certam latitudinem tum secundum naturalem tum secundum partem naturalem statum excurrentem. 2. etiam eam figuram nata est, quæ ad aptam cum aliis partibus sociationem confert. Quinimo nihil hoc argumentum stringit, cum liceat eadem concludendi ratione conficere, quod neque caro sit in partium numero ponenda, quod absurdum maximum censetur.

§. XVIII. Postquam probavimus pinguedinem esse partem, nunc porro inquirendum est, *an sit similis vel dissimilis pars*? Pro quo solvendo notandum est, quod Medici aliquando pinguedinis nomine vocent totum illud pingue corpus, quod sub cute jacet, una cum membrana & intertextis vasibus: quo sensu dubio procul dissimilare quid est: maxime tamen proprie pinguedinem appellant, illud quod diversum est à membra-

na &

na & vasis, & definitionem nostram pinguedinis participat, atque sic quoque citra difficultatem pinguedo partibus similibus annumeratur.

§. XIX. Circa temperamentum pinguedinis pariter aliqua dubitatio movetur: *An sit calida?* Quippe sunt, qui frigidam aut temperatam esse putant. Verum tenuitas ejus, facilis resolutio & albedo probabiliter, inflammatio probabilius, effecta autem probabilissime calidam eam esse arguunt. Nam concoquit, digerit, resolvit.

§. XX. Alia circa pinguedinem clara sunt, paucis solum declarandum: *quid sit usus pinguedinis?* Maxime generalis usus videtur *conservare temperamentum partium & lenire?* Primi causa per universon corpus divisa est, & sub cute jacet, ut ab externis injuriis corpus protegat, & nimiam evaporationem interni calidi præveniat. Atque hac evaporationis impeditioe etiam meliorem coctionem in ventriculo, aliisque partibus promovel. Iudicant tamen aliqui, quod etiam effectivè calefaciendo coctionem juvet, cum quibus nolo controvertere. Alter autem usus pariter satis apertus est, & ideo maxime iis partibus copiosior data est, quæ molliem majorem postulabant, ut in clunibus pro commodiore sessione. Alicubi observatur pinguedo quoque vacua spatia implere, itemque tutiorem facere vasorum propagationem, & ad motum conferre, sed illi usus in priores resolvi queunt, partim non ita præcipui sunt. Sed *ecquid non habet etiam pinguedo aliquam functionem?* Nutritur, at sensus nulla documenta sunt.

§. XXI. Secunda ex partibus similibus est *Caro*. *Hæc nobis est pars similis corporis humani frigidior & humidior, moderata mollisque consistentia, plurimum partis humoralis aqueæ in se continens, & maximam partem conferens implendis inanitatibus circa fibras.* Proinde maxime molem nostri corporis integrat. Non est unius generis caro: sed alia vocatur *musculosa*, quæ musculorum compositionem ingreditur, & speciatim hoc nomen gerit: alia *membranearum maxime partium propria*, ut ventriculi, intestinorum, vesicæ, &c: alia *viscerum*, ut parenchymata hepatis, lienis, cordis, forte & cerebri, nisi ad prius genus cerebri substantiam quis revocare velit: alia denique *glandulosa*, ut glandularum. Hæc carniū genera inter se rursus differunt, quod alia sint frigidiora, molliora, rariora, alia rursus minus. Item quia plerumque fibrosis partibus adjacet, quod alia caro affundatur uno & simplici ordine fibris, ut musculosa, quæ secundum longitudinem tantum fibris attextitur: alia duplici ordine, sic caro ventriculi & intestinorum secundum longitudinem & transversum fibris adjacet: alia nullo ordine vasis adnascitur, ut glandularum: alia huic similis inter magna vasa concrefcit,

ut

ut viscerum. Datur tamen etiam caro, quæ non replet inanitates fibrarum, ut gingivarum &c: Et ita apparet quid sit dicendum de usu carnis, nimirum partim replet, partim firmat aliarum partium structuram: imò molliæ suæ partes etiam conservat.

§. XXI. Porro *fibra nobis est pars similariū frigida, sicca & alba, firma consistentiæ, maxime ex parte terrestri partium constituta conferens cordi ad robur & quietem motumque.* Nam præcipuus usus est firmare partem, & eandem vel in quiete conservare, vel contractione movere. Varia est *fibrarum* per partes distributio, unde *fibra* aliæ dicuntur *rectæ*, aliæ *obliquæ*, aliæ *transversæ*. *Rectæ* autoribus dicuntur facere ad attractionem, *obliquæ* ad retentionem, & *transversæ* ad expulsionem. Attamen circa hanc doctrinam plurimi scopuli sæpe notantur, unde satius est asserere, quod pro varietate situs conferant contractioni partium, & sic simul illud promoveant, quod in se continent, si quicquam continent. Id quoque tenendum, quod non semper unius generis fibræ operentur, verum sæpe diversorum generum fibræ conjunctæ se juvent.

§. XXII. Hæc prima partium similariū classis est, eas exhibens quæ aliquatenus respondent elementis secundis à nobis nominatis, imò quæ non raro etiam Medicis elementa secunda vocitantur. De nomine litigandum non est, modo illud notetur, quod non commistione sed con-nascentia tantum ad partium compositionem concurrant, atque adeo vera ratione elementorum in communi destituantur. Quæ nunc sequuntur censentur ex his consilari, etsi omnino consistendum est, non in omnibus distincte has partes qua sensum observari posse, attamen magis notabiliter ex diversis compositæ sunt.

§. XXIV. Id ex particulari illarum doctrina evadet manifestius. Itaque eam persequi intendimus. Os aliquando sumitur complexè, una cum cartilaginibus sibi adnatis, aliquando vero pressius & proprie, prout cartilagine excludit, & sic describitur. *Os est pars similariū maxime terrestri, frigida, siccissima, durissimaque nostri corporis, & suæ consistentiæ firma eidem inserviens.* Nam usus plerorumque ossium est *firmare partes alias*: attamen dentes eum usum non obtinent. Itaque conatus sum generaliori ratione eundem exprimere. Licet ergo dentes non firment partes, tamen firmitate sua inserviunt nostro corpori, quatenus cibum comminuunt. Et hic usus omnibus omnino ossibus competit.

§. XXV. Magna ossium varietas est ratione consistentiæ, figuræ, situs & usus: sed in speciali partium explicatione hæc commodius expedientur,

dientur, hic in genere notare sufficit, ossa ab alijs partibus separata, & artificiose colligata sceleton appellari. Verum *ecquid in ossibus datur aliquod principium?* Omnino videtur. Nam cum ossa ordinata ratione inter se connexa sint, etiam aliquod primum in iis statuendum. Hoc Philosophus 3. de histor. animal. c. 7. spinam dorsi statuit, & merito. Nam illa longitudinem seu extensionem totius hominis præstat, & alia ossa eidem, ut trunco, ramorum ad instar adnexa sunt.

§. XXVI. Ossi naturam proximam *Cartilago* sortita est. Nam est *pars corporis humani similis frigida, non valde sicca, dura tamen ac flexibilis, ad partium meliorem unionem & firmiorem tutioremque conservationem pertinens*. Et enim usus cartilaginum est, tum *facere ad meliorem unionem*: unde ossa beneficio cartilaginum seu ad præstandum feliciorem motum, seu ad quietem pluribus in locis copulantur: tum *ad firmandum defendendumque partes molliores*: quoniam enim duræ sunt, fulcimentum conveniens partibus mollioribus præbent, & quoniam flexiles sunt, neque facile franguntur, easdem præstant tutiores. Magna cartilagium varietas est: in communi tamen *alia extremitates ossium ambiunt, & ita vel motui vel soli unioni commodant: alia ab ossibus separata sunt, & firmant tutanturque partes*.

§. XXVII. *Ligamenta* succedunt, & sunt partes similes frigida & moderate sicca, flexiles & molles, colligandis partibus (*maxime ossibus ad felicium ob-eundum motum*) destinata. Itaque mediæ naturæ sunt inter cartilagineas & membranas, attamen aliquando versus unum, aliquando versus alterum extremum abeunt. Hinc solent quandoque ligamenta in cartilaginea & membranosa divelli. Illa teretia, rotunda crassaque fere sunt, & ossa inter se copulant: hæc autem lata pleraque existunt, & partibus alijs quoque competunt, unde ligamenta hepatis, uteri &c. vocitantur. Etiam *tendines* huc referimus, & vel tertium genus ligamentorum ponimus, vel ad membranosa reducimus.

§. XXVIII. De hinc numerantur *membrana*, quæ sunt partes similes frigida & sicca mollesque, lata, partes alias ambientes aut discernentes. Hæc vel crassæ vel tenuiores sunt, imo quædam ita exiguæ, ut vix sensu deprehendantur. Crassæ membranæ aliquando in duas pluresque lamellas dirimi queunt, unde apud Anatomicos diversos plures quam apud alios membranæ numerantur.

§. XXIX. Hic secundus similarium partium ordo est, nimirum earum, quæ non ita simplices sunt, ut primæ classis: attamen neque ita compositæ, ut distincte & accurate primæ classis similes partes in illis nota-

ri

ri possint. Tertius vero ordo compositiores partes continet, nempe *venas, arterias, & nervos*, de quibus etiam dubitatum est, *an debeant inter partes similes revocari?* Certe id confitendum est, non exacte etiam qua sensum similes esse. Relinquimus tamen eas in hoc censu, quia multo minus sunt compositæ, quam quæ dissimiles vocantur, & quia plerarumque partium compositionem ulteriorem ingrediuntur. Si cui hæc displiceant, quia iudicat, non secundum sensum, & secundum magis & minus partes esse dividendas, is suo iudicio gaudeat, & poterit eas in primo ordine dissimilium locare.

§. XXX. Est vero *vena rigide vocata pars similis minus exacta, membrana molli & tenui, ac triplici fibrarum genere constans, teres, longa & cava sanguini à partium nutritione residuo & imperfectiori vehendo ad cor destinata* Huic conjungendæ sunt *vena lactea vocatæ, quæ sunt partes similes tenetiore substantia quam vena sanguinea constantes chylum versus hepar deferentes*. Sed *arteria est pars similis minus exacta, ex tunica duplici & omni fibrarum genere constata, teres, longa & cava, sanguini & spiritui vitali ad universi corporis nutritionem & conservationem vehendo destinata*. Rursus *nervus est pars dissimilis minus exacta duplici ex membrana fibrisque contexta, teres, longa & vix notabili cavitate prædita, intra se continens cerebralem substantiam productam, vehendo spiritui animali pro sensu & motu partium inserviens*.

§. XXXI. Conveniunt ista quatuor, quod *vasa* sint: hoc est canales longi teretes & cavi, alicui vehendo accommoda: sed differunt partim ratione *contenti*, partim ratione *propria natura*. Primo respectu, quod *nervi* spiritum animale cum parte cerebri producta: *vena* vero & *arteria* sanguinem in se contineant, hæc quidem tenuiorem, calidiorem, & spirituosiorum: illæ vero crassiorum, minus calidum & spirituosum, *vena* vero lactæ aliquando chylum continent, aliquando concidunt. Hoc loco convenit eorum errorem notare, qui in arteriis negabant sanguinem contineri, sed solum spiritum animalein & flatum contra omne sensuum testimonium. Pariter & ii obiter redarguendi sunt, qui in *venis* sanguinem & spiritum naturalem pro nutritione partium, at in *arteriis* spiritum vitalem cum tenui sanguine pro vita in partibus conservanda haberi existimant, quos pressius suo loco reprimemus. Posteriori ratione differunt 1. *magnitudine*, nam *nervi* minimi, paulo majores *vena lactea*, *arteria* majores, *vena* maximæ sunt. 2. *consistency*, nam *arteria* firmiores, *vena* molliores sunt, maxime *lactea*, *nervi* molliissimi 3. *colore*, nam *vena lactea* *nervi* & *arteria* albi sunt, *venæ* autem livide. 4. *compositione*: nam *vena lactea* & *sanguinea simplici*, *arteria* autem & *nervi*

duplici tunica gaudent. 5. *Structura*. Nam venæ plures obtinent valvulas, quam arteriæ, in nervis autem nullæ notantur. 6. *usu*, nam *vena lactea*, *arteria* & *nervi* vehunt ad partes, *vena sanguinea* autem revehunt à partibus. 7. *actione*, nam *arteria* manifesta contractione notantur, non itein *vena* & *nervi*.

§. XXXII. Vt hanc de vasibus doctrinam compleamus, aliqua hoc loco adhuc adadienda nobis sunt. Principio itaque observandum est, nomen venarum Priscis artis nostræ conditoribus ac veteribus Philosophis tam latum fuisse, ut arterias quoque comprehenderet, quod ne errandi occasionem posteris præberet, sæpe arterias pulsátiles seu micantes venas vocarunt. Sed à Galeni tempore in Medicorum Schola distinctis vocabulis illa duo vasorum genera insignita sunt.

§. XXXIII. Deinde tenendum est, quod unum vasorum genus, nempe *venas lacteas* vel ignorarint veteres, vel saltem obscure cognoverint, planius autem & perfecte descripserit *Gasp. Asellius* peculiari tractatu de *Lactibus*, sive *lacteis venis*, quas cum experientia oculis exhibeat, & ratio utilitatem & necessitatem earum monstrat, cervicosorum est eandem negare. Et quæ sunt negationis causæ? *Non apparent in demortuis*. Non negamus, nam neque in brutis semper in mortuis apparent, nisi debite prius nutrantur, antequam sectioni subiciantur. Attamen sunt. Causa autem quod non apparent, est earum tenuitas, & quod inter pinguedinem jacent, unde similitudine substantiæ, cum nulla ratione à chylo eleventur, non distinguuntur à membranis & pinguedine adfita. Attamen à doctissimo *Tulpio* omnino observatæ sunt. Sed instant *Non esse id vasorum genus distinctum à venis mesaraicis*. Verum si & substantiæ modum, & situm, & usum attendere voluissent, ista non asseruissent. Namque teneriores, molliores, fragiliores sunt, undique inter pinguedinem sitæ, & transvehendo chylo destitutæ. Sed inquirunt, *vena mesarasca chylum poterant deducere versu hepatis*.

1. Non poterant, nam hæmorrhagia contingeret, dum circa interiorum partem intestinorum sese aperirent. 2. non debebat natura unum idemque vasorum genus diversis officiis destinare. 3. non querendum est de posse, ubi experientia monstrat, quod non faciant. Vrgent quoque, quod in hominibus non observata sint. Ad quod rehero. 1. testari Celeberrimum Virum & Medicum expertissimum D. Nicolaum Tulpium, quod in homine strangulato post aliquod dierum spatium à morte eas notaverit. 2. rationem evidentem subesse, quare non sint observatæ, quia homines morbo confectos aut morte violenta enecatos nimis tarde aperire licet, ubi

jani

jam venæ lactæ conciderunt. 3. si maxime non essent in hominibus notatæ, quia tamen homo inter animalia perfectissimum est, quicquid distinctioris operationis communis homini & brutis gratia in minoribus & majoribus animalibus, quam homo est, inventum fuit, homini omnino convenire probatissimum est.

§. XXXIV. Tertio observandum est, quod licet in arteriis evidentissime contractio appareat, eadem tamen non sit venis prorsus neganda. Nam in venæ cavæ trunco ascendente, ubi ab hepate versus cor procedit, ea non obscure notatur, & in aliis venarum partibus ligatis & tamen sanguinem post ligaturæ locum propellentibus colligi potest. Idem documentum venis lacteis contractionem attribuendam esse suadet. De nervis non scio, quid asserendum sit.

§. XXXV. Quarto consideratione dignum, est, quod Medici & Philosophi inter se dissentiant de principio vasorum. Nam hi Aristotelem secuti principium omnium vasorum in corde ponunt: illi autem Galeni sententiam propugnantes, statuunt venas in hepate, arterias in corde, & nervos in cerebro principia sua habere. Aliqui novam ab utrisque sententiam ponunt, nullum esse vasorum principium autoritate Hipp. I. de off. natur. ubi ait: *Vena per corpus diffusa spiritum, fluxionem & motum exhibent, ab una multis propagines emittentes. Atque hac una unde exordium sumat & ubi desinat, non satis mihi compertum est. Circulo enim facto non invenias.* Et hoc inde comprobant, quia cum principia vasorum statuuntur tria, nempe *origo* seu *origo*; *radicatio* seu *radicationis*, & *dispensatio* seu *dispensationis*, nullum tamen illorum vasis assignari queat. Quippe cum omnia primum ex semine constituentur, non agnoscunt aliquam partem pro principio generationis: & quoniam in vasis nullæ sunt radices, quibus quasi ex terra alimentum trahant, non obtinent principium radicationis: & quia in vasis propria est virtus, maxime in venis sanguinem elaborandi, nullum datur principium dispensationis.

§. XXXVI. Ego in hac sententiarum diversitate Aristoteli ac cedo, quod *cor omnium vasorum principium sit originis & dispensationis*. Nam aliquod principium vasorum constituti debere ordo & dependentia monstrat. Nam quia utrobique aliquod primum, adeoque principium statui debet. quis ausit id in vasis negare? Nemo enim diffiteatur partes vasorum post invicem ex & ab uno principio produci, cum non simul in extremis vis formans initium formationis capere possit. Illud autem quod aliud statuamus quam cor: utpote quod primum principium vitæ & operatio-

nis omnium partium. Atque de arteriis quidem non est dubitatum, quin à corde oriantur, & virtutem accipiant: venarum autem non esse dissimilem rationem circularis sanguinis motus, & quod ex corde omnes venæ secundum situm dependeant, monstrare potest. De nervis quantum ad dispensationem non hæreo, quia cor radix quoque sensus & motus est: at tamen evidenter non invenio coherentiam principii nervorum cum corde. Itaque existimo *nervorum esse duplex principium: primum & originale, nempe cor: & immediatum, puta cerebrum, idque respectu originis & dispensationis.* Sed quid dicemus de principio radicationis? Siquidem id non dicatur similitudine officii, sed secundum convenientiam ratione situm hepar venarum, cerebrumque nervorum principium radicationis dici potest. Sed quod arteriarum? An cor? An potius Lien, in quo ita sere arteriæ, quemadmodum in hepate venæ multa copia reperiuntur? Si quis causam quaeratur, *quare non tanta copia vasa in corde locata sint*, respondeo, quia cor ea non potuisset capere, nec commodasset ejus officio.

§. XXXVII. Hinc rationes contrariæ facile expediri queunt. Locus Hippocratis non stringit, quandoquidē dubium est, utrum ille liber Hippocratis sit, nec etiam nobis adversatur. Non enim diffitetur ille Autor non dari vasorum principium, sed se id ignorare; siquidem circulo factō difficile sit principium invenire. Sed tamen negari non potest, quod cum circulus scribitur, ab aliquo principio initium capiat. Ad rationem autem dico, quod per originis principium in hac quaestione non intelligatur *materiale*, sed partim *efficienti*, partim *ordinis*, quod illa ratio non destruit. Sic *radicationis principium* vocatur hic respectu similitudinis cum radice *quasi situm*, non qua *officium actionemque*. Reliqua vero, quæ de dispensationis officio afferuntur, falsa sunt, ut suo loco patebit.

§. XXXVIII. Alterius sententiæ fundamenta non afferro, nam ea solum probant, quæ concedimus, nempe in hepate q. truncos venarum, & in cerebro nervorum reperiri: aut supponunt, quæ non queunt probare, ut quod ab hepate in universum corpus sanguis pro nutritione distribuat, & quod cerebrum primum & originale organum sensationis sit, de quo in posterioribus videbimus.

§. XXXIX. Satis multa de his attulimus, redeamus ergo rursus in viam. Sequitur nempe inter partes similes *Cutis*. Venit autem *cutis* nomine aliquando *complexus* illud tegumentum corporis, quod foris universum corpus ambit, & speciatim in *cutem* & *cuticulam* solet dirimi: aliquando autem & magis proprie, prout cutis cuticulæ opponitur. Hoc significat

cuti nobis cutis est pars similis sui generis in activis & passivis moderata, ac respectu mollitiei & duritiei media, porosa & alicubi foraminulenta, sub dispari consistentia per superficiem universi corporis ad tutelam ejus expansa, & proprium tactus instrumentum.

§. XL. Censent aliqui secundum Arist. l. de spir. c. 4. cutim esse expansionem venarum, arteriarum & nervorum: sed etsi largimur vasa illa prò nutrimento & sensu ad cutem accedere, atque etiam quod constet ex nerveis fibris propria carne continuatis, multo tamen probabilius est existimare eam esse partem sui generis, cum illud maxime sensui appareat, neutiquam illorum vasorum in cute expansionem fieri, sed tantum terminationem. De temperamento & secundarum qualitatum habitudine non est dubitatum, sicut neque de alia constitutione, quandoquidem pori ex transpiratione satis evidenter colliguntur, atque cuticula separata sufficienter oculis exhiberi queunt. Sic foramina in oculis, naribus, auribus, umbilico, pudendis & ano conspiciuntur. Pariter major crassities in capite observatur, tenuior altera est, quæ per latera excurrit, rursus tenuior, quæ per faciem & volas manus expanditur, & tenuissima, quæ labris superposita est: contra mediæ consistentiæ quæ digitorum acinos involvit. Vfus cutis etiam non obscurus: quia pro ejus majori minori que consistentia varie homines ab externis aeris injuriis læduntur. Nam quibus tenuior & rarior est, hi plus nocimenti metuendum habent, quam quibus crassior & densior. Actionem autem cutis esse inservire animæ sentienti ad tactum in posterioribus probabimus.

§. XL I. Cui superjacet cuticula, quæ secundum nos est pars humani corporis similis frigida & sicca, tenuis densaque, membrana modo supra universam cutem foris extensa, ad externarum injuriarum declinationem, osculorum vasorum cutaneorum occlusionem, & perfectiorem perceptionem qualitatum tactilium. Præcipue enim tres usui habet. Primus est cutim & subjectum corpus ab externis aeris injuriis defendere, ne frigore pori cutanei nimium constriherentur, aut calore nimium dilatarentur, & causæ fierent plurium morborum. Secundus est oscula vasorum in cutem definiendum claudere, ne sanguis & materia in vasis & poris contenta diffunderet, quod fieri advertimus, ubi attritione aut alia ratione cuticula à cute abscedit. Ideo densior quoque cute facta est, unde accidit, ut quæ per poros cutis transire poterant à cuticula sistantur, ut ecchymatum & pustularum exemplo probari potest. Tertium est esse medium sensui tactui in cute celebrati, unde accidit ut cuticula avulsa nulla objecta sine dolore percipiantur.

§. XL II.

§. XLII. Ambigua circa *cuticulam* disceptatio agitur: *An in partium numerum sit recipienda?* Nos affirmanti opinioni accedimus. Quippe neque perfecte totum humanum corpus sine cuticula est, & usus suos in humano corpore præstat, ut colligi inde possit, pertinere eam ad humani corporis constitutionem. Et quanquam plausibilia argumenta afferunt, facile tamen eorum robur enervari potest. Dicitur enim: *quod cuticula non vivat*, sed unde id probent? Ajunt *non nutritur*, at nos id presse negamus. Omnino enim vasa in cuticulam terminantur: & tamen non terminarentur, facile per *αἰμίδιον* aliquid in cuticulæ nutrimentum cedere posset. Urgent *cuticulam fieri ex tertia coctionis excrementis*. nos quærimus ex quibus? Nam tenuia dissipantur, at crassa sordium instar adhærent? & nunquam etiam natura excrementa tali usui aptat. Id quoque oggerunt *ex balneoso vapore à frigore concrefcere*, sed hi ostendant, quare non à calore liquefcant, item quomodo in utero generetur, ubi frigus externum concipi non potest. Respectivum quod ajunt frigus locum non habet, quippe id si calidum sit, adhuc virtute resolvente præditum, quale in cute est, quis ausit frigus dicere? Id aliquid esse videtur: *quod si cuticula pars sit, vel sanguineam vel spermaticam esse oporteat, cum neutra sit*. Nam non calida est aut rubet, ut partes sanguineæ, & regeneratur, quod non convenit partibus spermaticis. His respondeo defendi posse quodcunque. Sed tamen nos ante illam divisionem rejecimus, ut illi nodo solvendo non debeamus inhære.

§. XLIII. Circa *cuticulam* id adhuc notandum est, quod *ordinarie unica* sit, sed tamen aliquando gemina apparuerit. Item quod *non ubique aque densa*, verum *in capite, ubi tamen crassissima est cutis, tenuissima reperiatur*. Hoc tribuunt aliqui ei, quod in copiam pilorum materia cuticulæ absumatur, sed ego maluerim virtuti conformatrici tribuere: neque enim facile mihi persuasum habeo ex simili materia proxima pilos & cuticulam generari. At *quare in calce pedum est crassior cuticula?* Multum eo facit labor & compressio, unde & in volis manuum durior evadit, & in digitis pedum ex compressione nimia à calces facta enascuntur clavi. Denique sciendum est *variare cuticulam in hominibus multum ratione coloris*. Nam qui sub circulo æquinoctiali habitant, exceptis Peruanis, nigri sunt, ab eo recedentes minus nigri, tum ad flavedinem tendentes, ut tandem in quibusdam albicans sit. Causam in diversitate calidi ambientis primum consistere apertum est, & eo juvare pariter humorum adustionem in exterioribus ostendi potest exemplo eorum, qui itineta multa faciunt in ardente sole. Tandem autem etiam ad internos humores viam illam transire inde liquet,

liquet; quod etiam extra Æthiopiam ab Æthiopicis nigri nascantur, quanquam non semper ita nigri: sic albi albos etiam in Æthiopia generant.

§. XLIV. Pervenimus ad ultimam classẽ similiarum partium, nimirum ad pilos & ungues, de quibus nunc aliqua addenda veniunt. Atque *Pili quidẽ sunt partes similes nostri corporis frigida & sicca, teretesque, in quibusdam partibus enata ad ipsarum custodiam.* Namque pili foliis respondent in arboribus, adeoque simile quoque officium habent, ubicunque naturaliter enascuntur; atque ideo promptius ab externis injuriis læduntur, qui pilos habent rariores & tenuiores. Sortiuntur pili in quibusdam partibus peculiaria nomina. Nam in *capite* vocantur *capilli*, quasi *capitis pili*; in *palpebris*, *cilia*; in *extremitate frontis* super oculos *supercilia*; in *maxilla utraque* *virorum barba*, & in *labio superiore mystax*: sub *axillis hircus*: & circa *puenda pubes*.

§. XLV. Variant etiam multum pro ratione partium & locorum. Nam in quibusdam partibus multo sunt copiosiores & prolixiores, quia externis aëris injuriis magis exponuntur. Ob eandem causam in frigidis constitutionibus aëris pariter crassiores, frequentiores, & prolixiores hominibus obtingunt. Quanquam omnino arbitror, etiam caloris copiam & aëredinem varie afficere pilos: unde in calidioribus constitutionibus sunt magis intorti & quandoque crassiores & breviores, ut apparet in Æthiopicis aliisque. Hinc colores quoque pro varietate caloris variant. Nam nigredo majorem caliditatem, albedo minimam, sed intermediũ colores mediam habitudinem arguunt. Hinc rationes dari queunt variarum questionum: ut 1. *quare in parte corporis nostri anteriore pluribus pilis præditi sumus?* 2. *quare caput & emunctoria dicta pilis referta sint?* 3. *quare quibusdam pili plani, aliquibus intorti: aliquibus tenues, aliquibus crassi competant?* Sed non facile expedire est, *quare viris barba speciatim obveniat, non mulieribus?* An ob majestatem, an ob partium illarum majus robur? Nam materialem causam & efficientem liceret nominare redundantiam sanguinis & abundantiorẽ calorem. Quippe ideo mensium suppressione laborantibus aut aliquo calidioribus mulieribus barba generatur, & vicissim frigidioris & laxioris constitutionis viris barba parcior. Quæ etiam potest: *quare castratis barba excidat?* 4. quia evadunt frigidiores, & quasi in mulierum temperamentum ac conditionem transeunt.

§. XLVI. *Utrum pili sint partes nostri corporis* anæpiti controversia disputatur. Ego inter partes corporis refero ex ea ratione: quod & usum per se in corpore nostro præstent, & sine iis corpus nostrum non sit plene

H

omnibus

omnibus modis absolutum. Vnde & pilorum absentiam inter morbos numerari convenit numerare. Et quid minus pili sint partes nostri corporis, quam folia plantarum? Argumenta tamen gravia contra hanc sententiam afferunt, quæ breviter discutienda.

§. XLVII. Initio adversum sentientes objiciunt, *pilos multis in locis non obtinere usum*, ut in manibus, in axillis, pedibus &c: quibus respondeo: si maxime nobis ille usus non foret cognitus, eum tamen ideo negandum non esse. Et nil prohibet in illis partibus assignare usum communem. Cum enim poros impleant, prohibent externarum injuriarum ad interiora propagationem, & sua etiam resistantia partes defendunt. Deinde urgent: quod *non nutriantur vera nutritione, sed tantum per externam appositionem*. Hoc præcise negamus, nam alimentum illud in substantiam pilorum convertitur. Excipiunt: *Deesse pilis poros*: sed unde id probent? Ajuunt *tenuēs nimis sunt*: sed in plantis aristis adhærentes tenuēs efflorescentiæ, in avibus plumæ, ecquid magis crassiæ sunt? Porro instant: *generari ex excrementis*. At id sibi gratis lumunt, arbitramur enim revera ex sanguine ali. At si hoc, ajunt, *quare tum in phthisicis aliisque tabescentibus pili crescunt?* Dico: quia sanguis etiam ita acris illorum nutritioni non officit, neque ipsi aut ipsorum nutrimentum proprium tam cito dissipari potest. Addunt contrarium defendentes, *pilos in solam longitudinem excrecere*. Sed contrarium verum est. Quippe circa radicem sunt pili crassiores, quam in remotiori parte: & præcisus pilus extremitas figuram illam non retinet, sed accuitur. Hoc quoque objiciunt: *pilos in prima conformatione non produci*: Sed tamen antequam absoluta est aliqui nascuntur. Nec id multum stringit, quandoquidem aliquæ partes certo demum tempore enascuntur. Postea opponunt: *pilos præcisos regenerari*: sed quid miri? Dentes enim attriti pariter renascuntur: & caro secundum portionem abscissa. At radicitus evulsos pilos semper regenerari, non certo comprobatur: aliquando tamen id contingit. Etiam hoc insinuant: *pilos siquidem partes forent, certam magnitudinem & figuram habituros fuisse, quam non habeant*. Verum nos certam magnitudinem & figuram iis tribuimus, sed præsecione fit, ut semper accrescant. Denique instant, *quod etiam in mortuis præcisî crescunt?* ad quod salvo aliorum judicio dico, id non destruere assertionem nostram, sed tantum ostendere etiam post mortem vim quandam vegetabilem in pilis ad tempus remanere, quæ tamen tandem evanescat.

§. XLVIII. Ungues, quæ nobis claudunt numerum partium similarium, sunt partes similes frigida & sicca, media inter cartilagineas & ossa natu-

ra, extremitatibus digitorum in manibus & pedibus foris imposita ad maiorem firmitatem & meliorem operationem. Nam experimur sine unguibus nec à manibus apprehensionem, neque à pedibus progressionem bene obiri posse. Pariter circa ungues controvertitur, *Virum in partium numero sint habendi?* Cæterum quia iisdem argumentis, quæ circa pilorum tractationem adduximus, agitur: supervacaneum foret rursus eadem repetere. Etiam solet quæri: *Virum ungues sentiant?* Nos existimamus per se non sentire, sed ratione subiectæ membranæ ligantis acutissimi sensus dici. Et sic solvi queunt illæ difficultates, *quare præcisi ungues nullum dolorem inferant, cum tamen in medio, ubi carni adherent, sauciati potentissimos cruciatu importent?*

CAPUT VII.

De partium similarium unione ac constitutione dissimilarium.

§. I. Quandoquidem similes partes sui unione partes dissimiles constituunt, merito post declarationem partium similarium, de ipsarum conjunctione agimus. Principio tamen notamus à Medicis quatuor genera dissimilarium partium constituta esse. Primum genus docent consisti ex similaribus partibus sociatis: secundum ajunt componi ex primi generis dissimilaribus partibus: tertium ex his secundi generis partibus dissimilaribus procedere arbitrantur: & quartum ex tertii generis partibus dissimilaribus deducunt.

§. II. Impræsentiarum quæ in genere de origine omnium istorum generum dissimilarium partium, & in specie de origine maxime primi generis notanda veniunt, expedienda sunt. Nam de aliis generibus in specie circa singulas partes aliqua venient proponenda. Vt ergo hinc inchoemus, solet initio quæri, *an partes similes recensita & dehinc dissimiles partes sibi mutuo conjungantur per contactum, an per continuitatem?* Aliqui etiam accurati Philosophi & Medici judicant intercedere tantum unionem contactus: at nos judicamus omnes partes continentes nostri corporis sociari vera continuitate.

§. III. Vt hoc ipsum evadat evidentius, notandum est *continuitatem* considerari vel ratione *materia* vel ratione *forma*. Si spectetur *continuitas ratione materia* est talis unio partium *materialium*, in qua *superficies extrema inter se confunduntur, & distincta non servantur*. Sed si consideretur *continuitas ra-*

tione forma est unio partium materialium per unam formam informantem. Hinc vero liquet, quod neutra ratione partibus nostri corporis solidis continuïtas denegari possit. Nam partes similes inter se plurimis fibrillis immediate ita suas superficies *partialiter* confundunt, ut nulla ratione undique suas superficies servant. Pariter omnes partes communi anima vegetativa, sentiente, & secundum probabilem sententiam etiam rationali informantur, ut sic de continuitate ratione formæ pariter dubitari non possit.

§. I V. Probe notandum est, quod dixi partes similes, addam & dissimiles quando immediate sibi sociantur, conjungi beneficio fibrillarum *partialiter*; nam non *adequate* seu *totaliter* adhærent: sed *inadequate* & *partialiter*: alicubi *magis* & per plures fibrillas, alicubi minus & per pauciores fibrillas. Neque hoc negligendum est, quod quidem partes similes diversæ suam quæque formam subordinatam propriam habeant, & propter eam essentialiter ab invicem differant, attamen quia posteriores formæ illis communes sunt, quod ideo respectu ejus non solum continuæ sed & essentialia convenire recte dicantur.

§. V. Hinc decidi potest illa quæstio, *An partes sphacelo correpta sint continua cum partibus sano?* Nimirum secundum quid sunt, nempe, quia materiam: & secundum quid non sunt, scilicet quia formam: & quia defectus ab uno absolutam denominationem accipit, absolute seu simpliciter non sunt. Imo inde solvi potest altera quæstio: *Virum cum pars dissimilans ab altera avelli: ut dici debeat solutio tantum contiguitatis, an vero etiam solutio continuitatis?* Nimirum postremum affirmare licitum est.

§. V I. Cæterum quoniam partium dissimilium conjunctio, & universi corporis structura multum ab ossibus dependet, non à proposito nostro alienum fuerit, de ossium connexionem huc quædam afferre. Hæc autem intelligi nequit, nisi prius partium quarundam ossium nomina & usum insinuaverimus. Ut ergo hinc ordiamur notandum est, quod, etsi ossa similes partes sunt, tamen respectu eo, quo corpori nostro fulcimentum præbent, & motui inserviunt, & diversam figuram, & diversas quoque partes, & diversam partium structuram nascuntur. Namque ossa quidem grandiora nostri corporis omnia, & inter parva ea, quæ partium articulationi dicata sunt, non æquabili & quæque dura parte constituuntur: sed præter præcipuam partem mediam, quæ durissima, solida, & ut plurimum intrinsecus cava est, habent in extremitate partes adnatas minus duras, rariores, & destitutas illa cavitatem, ubi in ossium parte præcipua aliqua occurrit, cavita-

ca vitatem claudentes & obturantes. Hæ dicuntur Græcis *ἰνφύσις*, Latinis *appendices*: & miro artificio natura harum adnatarum partium interveni succurrere voluit tum commodiori partium firmitati, tum meliori unioni. Plerumque enim in medio major firmitas postulatur in iis, quibus pondus incumbit, quæ in ossibus aut per soliditatem & crassitiem, aut per duritiem & compactiorem substantiam præstanda erat: sed cum illa ob pondus & magnitudinem inconveniens futura fuerit, compensari debuit per viam alteram. Sic etiam quia muscoli affirmari ossibus debebant, non ubique debebat illud esse durum & solidum, sed alicubi mollius, & rarius pro aptiori insertionem. Pariter ossa ossibus melius copulari poterant appendicibus ita formatis, ut aliis ossibus connecterentur. Illæ *ἰνφύσις* primariis ossibus adnascuntur non æquabili & lævi undique superficie, sed quibusdam eminentiis aspera & inæquali, ut firmitus conjungerentur: licet hoc melius in adultis, quam in tenera ætate obtineri poterit, utpote in qua etiam citra coctionem & violentiam facile avelli queunt, ob connectentium imbecillitatem.

§. VII. Sive vero primaria ossa sint, sive etiam *ἰνφύσις* ratione superficie aut omnino æqualia, & lævia, aut inæqualia & vel aspera tantum, vel protuberantia etiam aut excavata, vel sinuosa sunt. Atque lævitas & asperitas quidem facile intelliguntur, sed de protuberantiis & sinibus aliqua adhuc adjicienda sunt. *Protuberantia*, Græcis *ἰνφύσις*, Latinis *Processus* vocantur, & sunt eminentiæ quædam notabiles in extremitate ossium. Neque sunt unius generis: sed alius processus quidem est *acutus*, *σφαλὴς* vel *σφαλὴς*, seu *Collum* aut *Cervix* vocatus: alius autem *rotundus* & *sphaericus*. *Processus acutus* rursus vel *proprie acutus* est, qui à latiore basi in tenuem extremitatem definit: vel *improprie* talis, qui aliquamdiu quidem acute procedit, sed tandem in latam superficiem terminatur. *Processus acutus proprie talis*, Græcis *σφαλὴς*, Latinis absolute *Cervix* & *processus acutus* nominatur, & pro ratione diversæ figuræ diversa specialia nomina apud Græcos accepit. Sic dicitur *processus σφαλὴς* aut *σφαλὴς*, qui *stylo* similis est: *μυρτίς*, qui *mammi* repræsentat: *ἀγκυρῶν* qui *anchora* speciem habet: & *κορυμνῶν*, qui *rostri corvini* effigiem exhibet. *Processus autem acutus improprie sic dictus* lata sua extremitate vel *caput* constituit articuli, vel *sinum* exhibet. Ea varietas processuum acutorum est: sed processus rotundi in communi sæpe appellantur *κεφαλῆς* seu *κεφάλαια*, i. e. *capita*, duumque generum sunt. Nam quædam *capita* sunt *oblongiora* & magis prominentia, quæ absolute capita vocantur; quædam autem sunt *depressiora* & vocitantur *σφαλῶν*.

§. VIII. Rursus *sinus* dicuntur cavitates recipiendis processibus maxime sphaericis seu rotundis destinatae; & quidem *sinus profundiores*, quibus capita prominentia commode aptari possent, appellantur *κρύβη* seu *acetabula*: sed *sinus superficiales*, & laxiter excavati, de quibus dubites an sinus sint, nominantur *γλήνη*. Sinuum extremitates vero dicuntur *Labra* & *Supercilia*, Græcis *ὄφρυς*, *ὄφρυς* & *χολη*.

§. IX. Postquam istorum nominum rationem dedimus, maxime & plene secuti Celeberrimum Anatomicum Spigelium l. 2. de humani corpor. fabrica c. 2. nunc porro ossium quoque inter se cohaerentiam adjungemus, prout nobis rursus præbit c. 3. lib. cit. Notandum itaque illud est, quod ossium inter se conjunctio seu copulatio soleat venire voce *ἄρθρον* h. e. *articuli*, quod tamen nomen speciatim solet denotare eam conjunctionem ossium, quæ manifesti motus causa contingit. Alias etiam idem vocabulum Medicis denotat loca circa articulos, aut etiam extremitatem ossium, qua conjunguntur. seu generatim eminentias & cavitates, seu speciatim eminentiam protuberantem sphaericam, quæ Caput solet vocari.

§. X. Contingit vero ossium conjunctio duplici ratione, nempe vel *κατὰ σύνθεσιν* seu per *coalescentiam*: vel *κατὰ ἄρθρον* s. *articulationem*. *Coalescentia* hic speciatim nominatur ossium plurium conjunctio per *continuitatem*, seu ea *immediata*, seu *mediata* sit. *Articulatio* autem vocatur ossium conjunctio per *contiguitatem*: forte ideo speciatim, quia in ejus aliqua specie evidentissime apparet motus causa hanc unionem esse institutam. Vtraque rursus suas habet species.

§. XI. *Coalescentia* enim vel *immediata*, vel *mediata* est. *Immediata* vocatur, quando ossa diversa ita inter se coeunt, ut quasi unum continuum os evadant. Hæc in recens natis non apparet, sed in adultis manifeste in quibusdam ossibus apparet. *Mediata* autem fit per medium aliquod, quod continuum diversis ossibus illa conjungit. Hæc à Veteribus triplex statuitur, nempe: *συνχόνδριος*, quæ fit intervntu *cartilaginis*: *συνδεσμῖος*, quæ fit intercedente *substantia nervæ*; & *συνσπῆμῖος*, quæ fit mediante *musculo*. Caterum quia nullum os alteri per nervum jungitur, sed vel per *ligamentum*, vel per *tendinem*, vel per *membranam*, loco ejus Spigelius tres alias species numerat, nempe *συνδίσκος*, *συντίμῖος*, & *συνάρθρος*, quod distinctionis gratia concedi potest, licet etiam ante notaverimus nomine ligamenti venire posse, quæcunque vinculi ad instar plura inter se connectunt.

§. XII. *Articulatio* tres habet species, quæ vocitantur *συνάρθρος* seu *Coarticulatio*, *ἀνάρθρος* seu *Perarticulatio*, & *ἑδρῖα* seu *neutra*. *Synarthrosis* vocatur

vocatur articulatio strictior & compaciōr, non motus, sed contiguitatis solum causa instituta, & tres rursus obtinet species *inquin* seu *suturam*, *hieroglyphicam* & *symphoticam*. *Sutura* vocatur compositio ossium, in qua extremitates ossium quibusdam inæqualitatibus connectuntur, quasi consutæ essent. *Harmonia* dicitur, qua ossa aliqua inter se æquabili extremitate quoad apparentiam conjunguntur. *Gomphosis* denique appellatur compositio talis, in qua ossa aliis ossibus quasi clavi impacti sunt, prout dentes in suis præsepulis existunt.

§. XIII. *Diarthrosis* est articulatio laxior motus evidentis gratia, & pariter tres habet species. Illarum prima est *enarthrosis*, qua profunda cavitas eminens & rotundum caput recipit: Secunda est *arthrodia*, qua cavitatis non multum cava caput depressum recipit: Tertia est *Ginglymus*, qua secundum diversas portiones circa eandem extremitatem ossa diversa recipiunt & recipiuntur, prout & sinus & eminentias obtinent. *Neutra articulatio* vocatur ea articulationis species, quæ laxa est, adeoque modo compositionis diarthrosi similis: cæterum nullum evidentem motum præstat. Similes habet cum diarthrosi species, & eisdem nominibus insignitas.

§. XIV. Dubitet aliquis: *an hac qua de ossium conjunctione attulimus non pugnent cum iis qua de continuitate omnium partium continentium attulimus?* Sed facilis est solutio: quippe etsi quædam ossa inter se immediate solum contiguitate sociantur, tamen quia eadem continua sunt rursus aliis partibus, quæ inter se continuæ sunt aut immediate aut mediate: fit ut omnia ossa tandem mediate continua dici queant.

§. XV. Ossibus ea ratione copulatis cæteræ partes sociantur, atque plerisque circumnascitur membrana, quæ *periosteum*, quia circa os est, speciatim appellatur. Huic aliæ rursus partes circumponuntur strictius, vel laxius; immediate vel mediate, variaque omnino ratione, ut hæc melius in specie circa partium singularum explicationem expediri queant, quam hoc loco in genere ita proponi. Proinde nunc ad specialem partium declarationem procedimus.

CAPUT VIII.

De partibus in thorace contentis.

§. I. **E**A quæ hætenus proposuimus, adhuc generatim partes diversas dissimiles respiciunt, sed nunc particularem illarum explicationem

nem addere convenit. Id vero qua methodo fieri debeat, videtur obtinere aliquam difficultatem. Nam sunt, qui methodum nullam observari posse hic putent. At Anatomici plerique ab infimo ventre tractationem ordiuntur, tum quia illæ partes facilius sætori obnoxie sunt, tum quia in illo continentur illa viscera, quæ maxime primis animæ vegetantis operationibus inserviunt. Horum ego institutum non improbo; attamen quia & vertebræ thoracis quasi sulcrum universale tum ossium tum totius corporis sunt, & quia in thorace cor fons vitæ & omnium facultatum & functionum situm est, volumus à thorace initium capere, considerantes, quod in theoreticis ordo distinctæ cognitionis sequatur ordinem naturæ. Porro autem à thorace ad collum; & hinc ad abdomen transibimus; hinc de capite agemus: & denique in artuum expositione desinemus.

§. II. *Thorax* apud Hippocratem & Veteres pro toto corporis trunco medium & infimum ventrem comprehendente sumitur: sed à Galeno, quem nos hic sequimur, capitur solum pro medio ventre, & inferius costis spuriis, & sterni inferiore parte, superius claviculis & collo terminatur. Nomen suum habet vel *ἰσθμὸς τοῦ θώρακος*, quod *salire* significat, quia cor in se comprehendit, viscus continue saliens, quamdiu in naturali statu est: vel *ἰσθμὸς τοῦ θώρακος*, h. e. *videre*, quia est pars in homine facile se visui ingerens: vel *ἰσθμὸς τοῦ θώρακος* i. e. *calefacere*: quia à corde in ipso contento calor in universum corpus distribuitur & in eo conservatur. Aliqui judicant, quod *ἰσθμὸς* dicatur quasi *ἰσθμὸς*, quia est quasi *ἰσθμὸς* h. e. *sentum* tum similitudine figuræ, tum convenientia officii, quia instar scuti cor defendit maxime anteriore parte.

§. III. *Thoracem* primo considerabimus, prout sese oculis nostris exhibet citra sectionem, deinde singulas ejus partes speciatim declarabimus. Respectu primæ considerationis perpendenda sunt nomina partium apparentium, atque dehinc *natura commanum*. Quantum ad primum: anterior thoracis pars *pectus* appellatur, & pectoris media dura & ossea *sternum*, vel ex Græco, vel quia in medio costarum sternitur. Pectori incumbunt *Mamma*, quod nomen tamen speciatim mulierum mammis tributum est, & tum virorum mammarum nominantur *mammilla*. Postica pars *dorsum* & *tergum* appellatur, cujus partes sunt *scapula* & *spina*. Laterales denique partes vocantur *Lateræ* & Græcis *πλευრა*, quæ principium suum capiunt sub alis, & cum costis finiuntur: & loca media *intercostalia* appellantur.

§. IV. Quantum ad secundum consideranda veniunt *magnitudo*, *figura*, *situs*, *qualitates* & *officium partium istarum*. *Magnitudo* thoracis naturaliter se

se habentis anteriore sui parte tertia parte fere minor est longitudine abdominis, dorsum autem fere tertia parte pectore longius est: rursus costæ longiores pectore, sed non multum. *Figura* thoracis fere ovalis est, superius angustior, inferius autem latior: sed antrorsum & retrorsum depressior, dextrorsum vero & sinistrorsum magis sublimis. Atque ob eam figuram *resudini* quorundam sententia censetur thorax ab Hippocrate comparatus, licet alii existiment, id factum esse congruentia officii, quia formandæ voci inservit. *Situs* ejus notus est, quod in medio trunci resideat, & quandoquidem artus quasi appendices corporis nostri sunt, à quibusdam cor centrum corporis occupare dicitur: attamen Medici Galenum sequentes, & extrema artuum respicientes umbilicum pro corporis centro venditant. *Qualitates* quod concernit, judicatur thorax cæteris ventribus calidior ob cor, quod fons caloris est. De aliis vero in genere nihil dici potest. Denique *officium thoracis* est inservire productioni sanguinis & spirituum vitalium, affectibus, respirationi & efformationi vocis, sicut id ipsum ex peculiari partium ejus declaratione innotescet.

§. V. *Partes thoracis* in specie consideratæ sunt vel continent, vel contenta. Continentes sunt vel communes, vel propria. Communes sunt *Cuicula*, *Cutis*, *Pinguedo* cum sua membrana intertexta. Propria sunt tum ossa cum suis Cartilaginibus, ut vertebra, costa, sternum, clavicula, scapula: tum muscoli, ut diaphragma, intercostales muscoli interni & externi, & qui alii; tum mamma in mulieribus & viris; tum membrana, ut præter eas, quæ partes quasdam iutegit pleura, & mediastinum. Contenta sunt cor, ad quod refertur & pericardium, pulmones, thymus, & vasa. De his ordine dicemus, à corde sumentes initium.

§. VI. Cor Latinis, Græcis *καρδια*, item *καρδις* & contracte *καρ* appellatur, à *καίω*, *uro*, *cremo*, quia fons est caloris: estque illud viscus, quod in medio thorace contentum primum receptaculum calidi infiti & animæ, adeoque radix vitæ, & omnium facultatum & functionum in homine est. Etsi enim id Medici plerique negant, tamen omnino Philosophis assentiendum est, qui cor absolute principem partem esse defendunt, & primum stabilimentum calidi infiti & consequenter animæ humanæ & omnium ejus facultatum atque functionum in homine, ut id suo loco ostendemus.

§. VII. Cordis propria substantia viscerosa est, unde & viscus absolute vocatur, & qui cæteris cordato magis animo est *μεγαλειχωρον*: attamen cordis substantia multo solidior quam aliorum viscerum est, ita ut carnis musculosa consistentiam si non superet, certe æquet. Et propterea quidam

cor musculum esse dixerunt, licet aliqui etiam ab officio ipsi hoc nomen tribuerint. Medici tamen id ægre admittere volunt : sed non absurde eam sententiam defendi posse, suo loco ostendemus. Urgent quidem, quod alia cordi figura, aliudque officium, quam musculorum sit ; sed quis non novit diversas esse musculorum figuras, ut adeo neque hoc officere possit? Officium autem musculorum commune cordi quoque convenit, nempe secundum sensus imperium contrahi; at speciale inservire motui locali animalium non omnibus musculis competit. Si qui vero de nomine litigare velint, cum iis nihil mihi negotii est.

§. VIII. Præter illam carnosam substantiam circa vasa cordis etiam *pinguedo* quædam reperitur, circa quam dubitatum est, *utrum vera pinguedo sit?* Cæterum quia & inflammatur & à calore liquefit, non est, quod de eo dubitemus. Id magis videtur controversum *quem usum ibi præstet?* Mihi probabile videtur, quod communis pinguedinis usus hic quoque obtineat. Ita solet quæri ; *quomodo circa cor concreseat, cum tam calidum sit?* Verum existimo, non tam ad calorem, quam ad vim formatricem respiciendum esse. Neque cor exterius ita servens est, neque pinguedo ita facile liquefit, ut apparet febricitantium exemplo.

§. IX. Etiam *fibra diversa* tum per universam cordis substantiam, maxime circa mucronem, tum etiam per cordis ventriculos divaricatæ sunt. De his quæsitum est; *an nervi essent, aut nervorum origines?* Ego Medicis assensum tribuendum arbitror, donec meliora edocear, nec nervos, nec nervorum origines, sed fibras veras esse, & fibrarum subire officium, nempe sui contractione cor constringere.

§. X. Dehinc vasa quoque omnis generis cordi competunt, *vena* nempe, *arteria* & *nervi*. Atque quidem *vena cava* dextram cordis partem occupat, & per sinum ejus dextrum propagatur, à qua ramus oritur hiante orificio in sinum cordis, qui superiorem cordis partem undique coronæ ad instar cingit, unde & *coronaria vena* appellatur. Sinistra cordis parte à superno loco per pulmones cor ingreditur specialis vena, quam Medici officium ejus ignorantes *arteriam venalem* vocitant, ego vero cum quibusdam recentioribus intuitu situs, substantiæ & officii *venam pulmonalem* appello. *Arteria magna* seu *aorta* ex sinistro cordis ventriculo originem habet, & sursum & deorsum protenditur, ut inde cor principium arteriarum Medici pariter & Philosophi constituerint. Ex ea pariter una aut gemina soboles exigua nascitur, superius basin cordis undique circumdans, quæ à coronæ quam efformat similitudine *arteria coronaria* dicitur. At ex dextro cordis

cordis ventriculo specialis quædam arteria in pulmones derivatur, quam nos substantiam, officium & situm ejus considerantes *arteriam pulmonalem* dicimus, cum Medici eam appellant *venam arteriosam*. Nervi denique sæpius unus, rarius plures numero à sexta conjugatione cordi communicantur: circa quos id quæritur: *an sensus & motus causa cordi implantati sint?* Adjungunt quidam, sed quandoquidem etiam nervis illis præcisis aut corde ex animali vivo extracto cor tamen movetur, apparet eam sententiam falsam esse. Merito vero quis quærat: *cui tum sint usus?* An lulum naturæ dicamus, quia aliquando non observantur? An vero ob consensum id factum arbitremur, & universi corporis conspirationem? An omnino concedemus spiritum animale ad sensum & motum cordi communicari, non quidem ob necessitatem, sed dignitatem cordis, ne hoc quicquam non obtineret, quod reliquis partibus datum est?

§. XI. Denique *membrana* quædam tenuis foris cor ambit, & quidem tam firmiter ei adnascitur, ut ægre à cordis substantia avellatur. Verum quid dicendum de *cordis auriculis*, an illa partes quoque cordis vocanda sunt? Licebit sane ita appellare: attamen judico nulla cum difficultate etiam defendi posse, esse ipsas venarum extremitates intortas. Ita quoque de *valvulis cordis* nihil adhuc dico, cum pariter ad vasa cordis revocari debeant.

§. XII. Recensitæ ergo partes hac ratione uniuntur. Carni cordis membrana foris undique plurimis fibrillis connectitur, ita ut ægre divelli queat: fibræ tum carni interpositæ, tum in mediis ventriculis per latitudinem exstantes sunt, & quasi latera fulciunt. Venæ autem & arteriæ magnæ exteriore sua membrana internæ substantiæ cordis adnatæ sunt, sed interna membrana cavitates seu ventriculos cordis constituunt. Venæ item & arteria coronariæ infra membranam foris substantiæ cordis firmiter connectuntur, & pinguedinem maxime superna parte plurimam assitam habent: in quibusdam tantam, ut ipsum cor sub ea quasi sepultum abesse videatur.

§. XIII. *Magnitudo* cordis evariat multum, attamen in hominibus respectu molis corporis majus est, quam in aliis hominibus. Id quæsitum est, an magnum cor timiditatem, parvum autem audaciam & animositatem inserat? Ego existimo cor magnum, sed bene dispositum in temperamento & qualitatibus aliis potentius operari, quam parvum: at quia sæpe magnum cor male constitutum est, laxius nempe, mollius & minus calidum, hinc ea opinio obtinuit, parvo corde præditos esse reliquis timidiore. Hoc idem obtinet in magnitudine totius corporis. Vnde sæpe parvi quoad staturam

vegeti & in omnibus actionibus agiles sunt, contra magni, longi & obesi socordes & segnes. Notandum tamen est, valere assertionem nostram intra latitudinem debitæ magnitudinis, nam si extra eam progredi velimus, alia quoque causa quæ sit dari potest, quod nempe exceedentem magnitudinem anima ægre regere possit. Quippe illa quoque finitam operandi vim possidet, quam si aliquantum instrumenti magnitudo superet, necessario actio imminuta sequitur.

§. XIV. *Figura cordis externa* pyramidalis aut nuci pineæ similis. Nam superior ejus pars, quæ *basis cordis* vocitatur, amplior & latior est: inferior autem quæ *muco* & *apex cordis* appellatur, in acutum desinit; Attamen ubi cor constrictum est, minus longam pyramidem constituit, sed magis contractam & ad rotunditatem procedentem, & nuci pineæ magis simile apparet, sicut id in vivorum animalium anatome aperte conspici potest. *Figura autem interna cordis* duplicem cavitatem exhibet, quæ *ventriculus* & *thalamus cordis* vocitatur, & interstitium illas cavitates dijmens appellatur *septum cordis*. Differunt multum exterior cordis superficies & interior ventriculorum, nam illa lævis & æqualis est, hæc autem inæqualis & plurimis exstantiis & cavernulis exasperata, maxime in septo cordis, unde illud aliqui foraminulentum aut porosum existimarunt. Atque monstare etiam solent aliquando Anatomici stylo transitum ex uno in alterum ventriculum, verum dubium magnum est, utrum non ipsi eum magis faciant, quam inveniant, & hoc præter causam, nam quod arbitrantur ex dextro cordis ventriculo in sinistrum debere sanguinem transire, id gratis confectum est.

§. XV. Differunt inter se illi ventriculi etiam diverso modo. Nam *dexter* quidem major, teneriore carne præditus, minus asper, ad latera suæ partis magis vergens, & lunæ crescentis imaginem referens, quia septum cordis, quæ dextrum facit magis protuberat: contra sinister minor crassiore & compactiore carne munitus, majoribus cavernulis & eminentiis asperatus, in medio magis situs, & rotundam figuram exprimens, quam ob causam septum quoque cordis in cavitate sinistri depressius existit. Dubitatum est: *Vtrum & qualiter differant temperamento cordis isti ventriculi?* Nam Medici quidem sinistrum, contra Philosophi dextrum calidiorem esse volunt. Vtrinque probabiles rationes occurrunt, ego ut in Philosophorum sententiam magis concedo, tamen nec judico improbabilem Medicorum opinionem, ideo ulteriori inquisitioni & experientiz rem committo.

§. XVI. Hoc quoque circa differentias ventriculorum adhuc notandum

dum est, quod *dexter ventriculus* quibusdam dicatur *venosus & sanguineus*: *sinister* autem *arteriosus & spirituosus*. Causam denominationis judicatum contentum, tum ipsam ventriculorum substantiam. Nam in dextro sanguinem quidam, in sinistro spiritum contineri putant. Ego judico sensibus liquere sinistrum cordis sinum dextro solidiorem & compactiorem esse, addo, & sanguinem obtinere tenuiorem & spirituosiorem. Verum quod tantum spiritum, non autem sanguinem contineant, à veritate longissime abesse apertum oculorum testimonium ostendit.

§. XVII. Pertinet id etiam ad *figuram cordis*, ut de *fibris per cavitates disseminatis*, dehinc de *valvulis*, & denique de *auriculis cordis* aliqua adjiciamus. In utroque cordis sinu à mucrone versus eum locum ubi vasa magna inseruntur, inveniuntur *fibræ* quædam teretes & graciles carne refertæ, unde & *carneæ* appellantur, in dextro quidem ventriculo quinque vel sex aliquando, in sinistro autem plerumque duæ, verum crassiores & solidiores. Hinc quæritur: *quare in dextro ventriculo plures, in sinistro autem pauciores reperiuntur?* Ratio potest reddi multiplex. Nam ventriculus dexter major est, minus solida & crassa latera possidet, & fibræ illæ sunt minus validæ. Contra autem se habent ista in sinistro ventriculo.

§. XVIII. Vasis magnis ubi cordi annectuntur *valvula* certæ seu *ostiola* apposita sunt, quæ ad sanguinis admissionem in cor & emissionem ex eo conferunt. Istæ valvulæ alix venis, alix arteriis obtigerunt. Nam venis quidem descriptione Anatomicorum obtigerunt *valvula tricuspidæ*, seu *trisulcæ*, à lata basi in angustum coeunt: sed arteriis tributæ sunt *valvula semilunares* vel *sigmiformes*, semilunæ aut Græcorum C similes. Sed autopsya accuratior docet, quod quæ tricuspidæ dicuntur revera tales non sint, sed quod quasi circuli in modum undique vasa ambient, & tribus tenuibus eminentiis carne tenui q. parvo musculo muniantur & inter se copulatæ sint. Hæ valvulæ sunt membranæ tenuibus similes & intro spectant, adeoque in cor influentem sanguinem admittunt. Dicuntur pro carnum numero tres venæ cavæ, & duæ arteriæ venali seu rectius venæ pulmonali competere, Contra *sigmiformes valvula* multo crassiores sunt & quasi tendinosæ substantiæ, forisque spectant, ut sanguini ex corde pateat exitus, & tum arteriæ aortæ, tum pulmonali, quæ alias vena arteriosa solet appellari, tres datæ sunt.

§. XIX. *Auricula cordis* denique nominantur appendices illi, quiin basi utrinque ad latera figura aurium connectuntur. Generantur utræque ex venis cor ingredientibus, aut ipsæ venis originem præbent. Nam dextra

quidem à vena cava originem capit ea parte, qua cordi inseritur, atque major, tenuior & latior est, quam sinistra, quæ ipsa ex vena pulmonali originem sumit, & acutior, compaciior, & angustiori desinentia prædita est. Apposita cordi sunt, ne sanguis directe ex venis à superna parte in sinus cordis nimis subito irrueret, sed prius in auriculas immitteretur. Proinde & contrarium motum, quam cor naçtæ sunt, ut sic cum cor constringitur ipsæ sese dilatantes sanguinem acciperent, at corde dilatato ipsæ contringentes sese sanguinem in cor expellerent. Ideo fibris omnis generis constant, & interius magis asperæ quam foris sunt, ut hinc extrinsecus omnino læves esse videantur.

§. XX. *Situs cordis* in medio thorace est, forte & corpore, adeo ut basis cordis Centrum universi trunci corporis possideat: quoad latitudinem tamen mucro cordis versus sinistram vergit. Hoc factum esse docent, ut corpus esset quasi in æquilibrio & pars sinistra magis calefieret, verius tamen rem tetigisse alii mihi videntur, qui mucronis istam declinationem factam esse arbitrantur, ut venæ cavæ à dextra parte cor subeunti cederet. Nam non situ, sed transmissione sanguinis spirituosius partes incalescunt. Notatione id dignum est, quod notavit Nicolaus Massa eos, quibus basis cordis versus sinistram vergit, uti sinistra manu pro dextra: sed quibus cor directe medium occupat, utraq; manu æque agiles esse. In situ suo cor undique liberum est, nisi quod supernè mediantibus vasis & pericardio reliquis partibus annectitur, & sic à mediastino suspenditur.

§. XXI. *Temperamentum cordis* calidum censetur & siccum ob abundantiam calidi innati, per substantiam ejus diffusi. Cæterum quia illud calidum in substantia cordis quoad sensum non apparet, à quibusdam cor frigidæ constitutionis judicatum est, quæ opinio non foret improbabilis, si id ostendi posset, calidum insitum non tam in partium substantia, quam in vasis exillere. Hoc autem adversa sententia supponit. *Qualitates secundæ cordis* notabiles sunt densitas, crassities, firmitas; quæ in quibusdam eo usque progreditur, ut cor quandoque flammis superari nequeat. Hoc tamen non omni cordi competit, neque etiam divinitatis aut alterius summi omnis certum indicium præbet. Ratione occultarum qualitarum id cordi peculiariter competit, quod omnibus venenis adversetur, & ea à se propellere studeat, licet sæpissime iis succumbat.

§. XXII. *Functio cordis* privata & publica est. Privata est tum vegetabilis, tum animalis. Nam nutritur & sentit. Publica vel primaria, vel secundaria. Primaria vel immediata vel mediata. Immediata elaboratio sanguinis & spiri-

& spiritus vitalis: mediata autem gubernatio universi corporis qua omnes functiones. *Secundaria functio pulsus* est, qui proprie constat *systole*, cui adjungitur *diastole*. *Systole* seu *contractio cordis* est ejus constrictio seu motus in se per fibrarum constrictioem, ut sanguis cum spiritu vitali ex corde expellatur. *Diastole* autem seu *dilatatio cordis* est partim remissio illius motus, partim cordis distensio facta à sanguine cor subeunte, ut sanguis inchoatus & perfectus in cor recipi possit. In arteriis pari ratione *systole* & *diastole* notatur, verum diverso accedit tempore, quam in corde. Nam quando in corde est *systole*, in arteriis est *diastole*: & contra. Negatum id à plurimis Medicis est, sed iis errandi occasionem suppeditavit, quod judicarent eum in manu percipitur pulsus, illam pectoris percussioem à corde factam esse ejus *diastolen*, cum tamen vivorum anatomia doceat, revera tum celebrari *systolen*, & illam percussioem pectoris fieri, quia cordis extremitates ad se contractæ illud reddunt in medio magis protuberans, ut sic pectus facile ferire possit.

§. XXIII. Ut cor esset tutius, & motum suum expedire posset citra molestiam, undiquaque membrana quadam valida cordis figuram æmulante vestitum est, quæ quia circa cor sita est, & idem in se continet, *pericardium*, & *capsula* ac *involucrum cordis* appellatur. Est *pericardium* id aliquanto majus, & ubique à corde æqualiter distat, ut cor melius moveri possit. Tendi quoque non ægre potest, ut hinc fieri arbitrentur, quod etiam in magnis palpitationibus cordis dolor non persentitur, nisi ad latera aut pectus cor appellat. Originem suam capit immediate à mediastino, mediate autem à pleura, cui etiam parte anteriore & posteriore fibrillis quibusdam connectitur. Maxime autem inferius diaphragmatis circulo nervo adhæret, ita etiam valide, ut ægre separari queat. Undique *pericardium* continuum est, nisi quod circa basin quinque foramina possidet pro vasorum distributione, nempe duo pro vena cava, qua superne & interne in cor inferitur: & ob eandem causam unum pro arteria pulmonali; unum pro vena pulmonali, & unum pro arteria aorta. In hac membrana humor quidam reperitur, in quo cor quasi natat, aut potius quod cor forinsecus oblinitur, ut citra asperioris externi occursum felicius moveri possit. De hujus generatione, & natura inferius, ubi de humoribus tractabimus, quædam proponemus.

§. XXIV. Porro circa cor *pericardio* suo munitum *Pulmones* utrinque jacent, Græcis *πνεύμονες* à πνέω à spirando dicti, quia *respirationi* inserviunt. Cum autem per *respirationem* ælius cordis remittatur, inde
cordis

cordis flabella & ventilabra vulgo vocantur. *Partes* ejus componentes sunt, *parenchyma*, *membrana* ipsam ambiens, *vasa* & *aspera arteria*.

§. XXV. *Parenchyma* seu *caro pulmonum propria* est respectu aliorum viscerum rarior ac tenerior, ob continuam dilatandi & constringendi necessitatem, & caloris abundantiam, qui partim à vicinia cordis, partim ab immisso calido sanguine, forte & ab insito temperamento illis obvenit. In pueris tamen paulo densior & solidior est. Hoc alii tribuunt nutrimento, quod in fœtu sanguine venoso solum nutriatur, ego autem ipsorum imperfectioni ascribo, quoniam illorum temperamentum nondum debitam suam concoctionem habet: imo & defectui dilatationis necessariorum, ob quam evenit, ut nondum ita moti à calore rarefieri non potuerint. Hæc caro etiam rubicundior in pueris est, in adultis magis ad flavedinem vergens, pariter ob caloris redundantiam: sensum nullum aut non ita exquisitum possidet, ne continuo dolore molestiam pareret, & consequenter respirationis libertati officeret.

§. XXVI. *Membrana* quæ pulmones cingit tenuis est, & pariter porosa, ita ut materia in thorace residens aliquando citra læsionem ejus unitatis in pulmones recipi possit, imo ut turundæ aliquando in vulneribus thoracis tussiejectæ sint. Hæc à membrana costarum succingentem derivatur: attamen tam acuti sensus non est. Forte id ob tenuitatem & communicationem cum parenchymate pulmonum. Interim concedo aliquando pulmonibus laborantibus acris dolores in thorace percipi: cæterum non in ipsis pulmonibus, verum in pleura vel ob continuitatem, vel ob materiarum communicationem.

§. XXVII. *Vasa pulmonum* sunt *vena*, *arteria*, & *nervi*. *Vena* pulmonibus specialis & propria obtigit, unde eam *pulmonalem* vocamus, Medici vero appellant *arteriam pulmonalem*. *Arteria* ob eandem causam nobis *pulmonalis* dicitur, à Medicis *vena arteriosa*. Originem hæc vasa capiunt ex ventriculis cordis, *arteria* quidem ex dextro: *vena* autem ex sinistro: ex his cum egressi sunt, in duos dividuntur ramos, quorum unus ad dextrum, alter in sinistrum pulmonem abit, & utrobique rursus divisione facta postea in plurimos surculos dividuntur, qui fere secundum ductum asperæ arteriæ distribuuntur. Nam *arteria* quidem à dextris asperam arteriam comitatur: *vena* autem à sinistris. Id quoque observandum vasa illa, nempe venam & arteriam plurimis anastomosibus sibi esse copulata, & perpetuo se comitari, ut materia contenta facile ex uno in alterum deduci possit. Vfus quis sit horum vasorum ambigitur. Multi ex vulgaribus Medicis &

Anatomicis

Anatomicis judicantur per venam arteriosam pulmonibus alimentum afferri, at vero per arteriam venosam trahi aërem pro refrigerio cordis. Alii antopsia melius edocti, adverterunt vasa illa veram viam esse, qua in adultioribus sanguis ex dextro cordis sinu in sinistruum ventriculum derivetur: quam sententiam multum confirmat inventa de circulatione sanguinis veritas: quæ ipsa quoque aperit, quod *vena arteriosa* dicta revera arteria sit, non solum substantia, quod concedunt, sed etiam officio, quia ex corde in partes, hoc loco in pulmones sanguinem devehit, tum pro nutrimento pulmonum, tum pro alteratione ejus majore, quæ in calefactione, attenuatione, & mutatione ad spirituosam substantiam consistit, quam operationem denique complet cor in sinistro suo thalamo. Pariter inventum illud de circulatione sanguinis ostendit, quod *arteria venosa* vera vena sit, & substantia seu qualitatibus, quod largiuntur, & officio, quia sanguinem ad cor vehit, quem ab arteria pulmonali accepit. Dubitari hic solet: *an etiam per Venam pulmonalem aer in cor devehatur?* Id apertum est, quandoquidem asperam arteriam aer ingreditur, & vasa hæc pulmonum, nempe, vena & arteria à lateribus contingunt, quod sanguis in vasis contentus sic ob externum contactum vaporum refrigerari queat: ceterum quandoquidem nullæ apertæ anastomoses sunt cum aspera arteria, non ita certo affirmari potest, quod aer secundum substantiam in cor transmittatur: veruntamen neque ita certo dici potest, quod non per porositates aliquid aeris ingredi possit. Sequuntur inter vasa pulmonum *nervi*, quorum exigui à sexta conjugatione nati pulmonibus competunt, & in membranam pulmonum tantum distribuuntur. Et hinc pendet obtusus ille sensus, quem pulmones obtinent.

§. XXVIII. Ultima pars pulmonum est *aspera arteria*, à veteribus absolute vocata *arteria*, ~~quæ~~ *quæ* *si digna nō*, quia officium ejus est aerem servare: nam per eam aer in pulmones adducitur, & per eandem educitur. Cæterum quia posteriores nomen arteriæ tribuerunt vasis, quæ sanguinem à corde in universum corpus deducerent, ad vitandam homonymiam dixerunt *asperam arteriam*, à modo substantiæ, quo hæc pars ab aliis arteriis discrepat. *Vtrum vas sit, nec ne ambigitur?* Sed nominis videtur controversia. Nam si vas dixeris quodcunque cavum oblongum in quo aliquid continetur, aut per quod aliquid ducitur, apertum est, quod vasis nomen tueri possit: sed si pressius ea voce uti quis velit, concedimus, quod non sit tale vas, qualia *venæ*, *arteriæ*, & *nervi*, & quod etiam speciatim ad pulmones pertineat.

§. XXIX. Est autem *aspera arteria* fistula quædam oblonga ex cartilaginibus circularibus & membranis invicem conjunctis efformata semperque patens, quæ ex humiliore faucium sede ortum capiens, supra gulam in pulmones multiplici ramorum serie distribuitur, ut & aerem frigidum forinsecus hauriat pro cordis refrigerio, & calidum rursus expiret, simulque efformationi vocis inserviat. Dividitur in duas partes, quarum altera quæ superior est, & *caput aspera arteria*, ac Græcis *ἀσπὴρ* & improprie *φάρυγξ* vocatur: altera autem inferior absolute *σπίγξ* & *fistula pulmonum* dicta.

§. XXX. *Larynx* à *λαύω*, quod *fruo* significat, deducitur, quia ejus beneficio cor refrigerium adipiscitur, atque quidem situm habet in medio collo: figuramque rotundam sere possidet: parte anteriore magis exstat, sed postica subidet, ne gulæ, quæ ipsi subjacet, in deglutitione officiat. *Quinque cartilagine* sortita est, quarum quatuor quidem sibi subjectæ sunt, quinta autem reliquis superius imposita est. *Prima* vocatur *Thyroides* seu *Scutiformis* à figura, qua veterum scuta imitatur. Cocteris est major, & anteriore parte jacet, ut non solum digitis tangi, sed & oculis notari possit, præsertim in masculis calidioris naturæ & macilentis, nam in foeminis & pueris non ita apparet ob majorem quantitatem glandulæ affixæ & qualitatem facientis, quæ ipsa in macilentis & calidioribus naturis flaccescit & attenuatur. Illa cartilago *pomum Adami*, cum evidenter protuberat, appellatur ex nota fabula, quod vulgus sibi persuasum habeat, Adamum voce Dei perterritum fatale illud pomum totum deglutire non potuisse, & ejus in memoriam ad posteror ejus propagatum esse istius malefacti signum. Foris convexa, intus autem hæc cartilago cava est, & non male quadratum altera parte longius exprimit, nisi quod in medio anteriore & superiore parte *fissuram* habet, pariter in vivis tactu notabilem, & in extremitatibus *processus* aliquos pro meliore cum aliis partibus unione & commodiore motu dilatationis & constrictionis. Supra processus bini sunt, & longiusculi, quibus ossis hyoidis inferioris lateribus mediante oblongo ligamento necitur, & inferius pariter bini, at breviores, quibus secundæ cartilaginis per arthrodiam jungitur. *Secunda* dicitur *Cricoides* seu *annularis*, quia anulo Turcico non dissimilis est, antèrius gibba semicircularis & tenuis existit, at posterius latior, plana & major, nisi quod linea quædam aspera in medio ejus emineat. Reliquis laryngis cartilaginibus basis ad instar immobilis substrata est, & laryngem semper apertum tenet. Hæc nomine caret apud veteres, hoc ipso nomen sortita, cum *innominata* appellatur. *Tertia* & *quarta*

& quarta reliquis minores intra cavitatem membranæ beneficio sibi arcte connexæ, ut pro una habitæ fuerint, cryoidi cartilagini insistant, & per ginglymum connexæ sunt, ut sic & flecti & extendi recta & ad latera possint pro aperienda & claudenda rimula. Vocantur *Arytenoidæ*, siue *gutturales*, quia superius obtinent processus molles, laxos & extra incurvatos, qui adhuc communi membrana tecti gutturnii formam non ineliganter representant. Habent quoque processus inferiores, qui *glottidem* siue *rimulam* efformant. Quinta cartilago est cæteris mollior, ac valde flexilis & intra thyroïden consistens, atque cum pediculo ex fissura ejus educta, & supra cæteras posita rimæ prætenditur, ne cibi aut potus ubertim in pulmones irruere possit, quod contingit aliquando quando ridentes aut loqui volentes simul deglutimus. Nam tum ab aere ex pulmonibus procedente hæc mollis cartilago aperitur, ut cibus ad gulam post laryngem positam derivatus per apertam rimulam in asperam arteriam incidat, unde gravis tussis excitatur. Vocatur *epiglottis*, & hederæ folio ab Hippocrate comparatur, semperque erecta existit beneficio ligamenti cavo ossis hyoidis inserti, verum ab alimentis, quæ supra eam propagantur, deprimitur, ut rimam claudat.

§. XXXI. *Fistula pulmonum* *Bronchus* vocatur, ὀψή τι βελχον h. e. ab *irrigando*, quia veteres censuerunt per eam viam potum ad pulmones derivari. Hæc laryngi connexa per collum recta supra gulam in thoracem procedit, donec circa quartam circiter thoracis vertebra in duos ramos divellitur, qui in sui lateris pulmonem ingressi rursus in duos divisi, post in varios minores ramulos ad pulmonum superficiem distribuuntur. Cartilagine ejus, ubi à larynge incipiunt, paulatim qua magnitudinem minores evadunt, atque in pulmonibus minimæ sunt, unde ibi *bronchia* h. e. parvi bronchi vocitantur. Omnes figura rotunda sunt, attamen quæ supra pulmones sitæ sunt, integrum circulum non absolvunt, sed quarta parte ab eo postica parte deficient, quæ membrana completur, unde *Sigmoidæ* à figura antiqui Græci sigmatis C denominantur: verum ubi pulmones occuparunt, integrum circulum absolvunt. Causa, quare extra pulmones deficient à circulo, est, ut gulæ pro dilatatione cedere possent, ut melior fieret deglutitio.

§. XXXII. Has cartilagine foris intusque vestit *membrana*, atque cartilaginum quoque interstitia implet, quod tamen quidam ligamentis tribuunt. Interior membrana intus inæqualis aliquantum est, at pingui humore æquabilis & lenis redditur, qui cum nimium repletur, voci mul-

tum officit, utpote quam diminutam clangosamque facit, & aliquando omnem abruptit: contra ubi ab acris humoribus absumitur, vox rauca evadit. Oritur hæc membrana à tunica palatum succingente, & multo crassior est externa, ne ab acris destillationibus aliisque humoribus tam cito laedatur. Exterior quibusdam à pleura derivatur, aliquibus à meningibus, inani discrimine, cum ipsa pleura meningibus continuaetur.

§. XXXIII. Cum vero propter formandam vocem articulatam superior pars asperæ arteriæ, quæ larynx dicitur, debita ratione moveri debeat, musculi quoque diversi, quibus tum dilatatur & constringitur, tum clauditur & aperitur, eidem dati sunt, de quibus in doctrina de musculis agemus. Superfunt ergo nobis *vasa* asperæ arteriæ & *glandula*. *Vasa* omnis generis sunt. *Venas* quidem accipit à venæ jugularis externæ ramo interiore, qui os subit: *arterias* à carotidis majore ramo & profundo, qui in fauces abit; *nervos* autem à sexto pari, qui recurrentes dicuntur. *Glandularum* duo paria laryngi assident. *Vnum* ad elatiorem ipsius sedem circa radicem linguæ jacet ad latera gargareonis, quod communii membrana oris integitur, destinatumque est imbibendo cerebri humiditates, & in salivam convertendo. Anatomici has vocant *tonsillas*, vulgus *amygdalas*, Græci *αμυγδαλῆς* & *αμυγδαι*. *Alterum* par inferiori parti laryngis adjacet, & thyroïdi cartilagini incumbit. Hæ in viris flaccescunt magis, in fœminis autem magis exstant, unde in illis magis, quam in his protuberantia istius cartilaginis advertitur, unde in illis *pomum Adami* vulgo vocatur, ut fuit supra indicatum.

§. XXXIV. Postquam ita singulas pulmonum partes expeditimus, nunc de adjunctis quoque, & officio pulmonum quædam adjicienda sunt. *Magnitudo* pulmonum in vivis tanta est, ut fere thoracem impleat, in demortuis autem magis contracta apparet. Quoad *figuram* externam ab Hippocrate testudini animali comparati sunt, ab alijs communiter Anatomicis cum ungula bubula conferuntur, cum exterius promineant, intus autem cavi sint. *Pulmones* duo sunt, aut unus pulmo in dextram sinistramque partem divisus, & unaquæque pars circa quartam thoracis vertebra lineam transversim oblique ducta in alias duas partes superiorem & inferiorem dirimitur, quarum inferior rursus in tres aliquando lobos divellitur. *Connectitur* superius collo & *posterior* dorso mediante aspera arteria: *anterior*, sterno, & rursus *posterior* vertebri ope mediastini: *inferius* autem diaphragmati interventu fibrillarum, quod tamen non semper accidit: *interius* autem cordi copulatur per *vasa* ex corde in puluones derivata. *Temperamen-*

tum pulmonum respectu propriæ substantiæ calidum censetur, sunt tamen qui frigidum esse putent, sed male: *Secundis qualitatibus* pulmones rari, molles, laxique sunt: *proprias* seu *occultas* etiam habent, sed nobis non ita notas.

§. XXXV. *Finis pulmonum* vel *primarius* vel *secundarius* est. *Primarius* est duplex. *Primus* est *inservire cordi pro ventilatione*, propter quam causam accidit, ut pulmonibus non præstantibus suum officium cor nimio calore exæstuet, & non solum febrilem paroxysmum, verum etiam alia mala inde pendentia inferat. *Secundus* est *inservire voci articulata*, quod maxime præstat larynx pro diverso sui motu & contractione suæ rimæ, ita tamen, ut conspirare debeant lingua, & aliæ diversæ partes, prout infra in doctrina de functionibus declarabitur. *Secundarius finis* est *attrahere frigidum aerem, & ferventem expellere*, quod præstant pulmones suo motu, nempe *dilatatione & contractione*. Dicitur illa actio per pulmones celebrata *Respiratio*, quæ constat *Inspiratione & expiratione*. *Inspiratio* est attractio aeris frigidi in thoracem & pulmones pro refrigerio effervescentis sanguinis & cordis facta thoracis & pulmonum dilatatione. *Expirationis* contra est expulsio aeris calefacti ex thorace & pulmonibus, pro sanguinis ferventis & cordis refrigerio, facta thoracis & pulmonum contractione.

§. XXXVI. Notandum id initio est, quod respiratio non solitarie à pulmonibus celebretur, verum quod concurrant & aliæ thoracis partes, nempe maxime diaphragma, & dehinc muscoli intercostales, quibus universus thorax constringitur. Dehinc tenendum est gravem esse quæstionem, unde pendeat ille pulmonum motus? Principio occurrit ea opinio, quæ statuit in solidum eum motum voluntarium esse, & à thoracis motu, qui à contractione diaphragmatis & musculorum intercostalium pendet, procedere. Sed hi ægre excusare possunt, quomodo tum pro diversa habitudine cordis diversimode mutetur respiratio, & quod etiam dormientibus procedat. Alii putant eum motum provenire ab insita pulmonum natura, quatenus constringendi & dilatandi vi præditi sint. Sed hi premuntur ea difficultate, quod nesciant causam dare, qui eveniat, quod ita ordinate comitetur ille motus thoracis motum, & quod pro lubitu respirationem breviorē & prolixiorē reddere & aliis modis variare possimus. Alii pariter arbitrantur à thorace eum motum pendere, verum quatenus is dilatatus aërem per os in thoracem propellit. At hi longe ægrius se expedire queunt. Et quid, annon sæpius respiramus in aere libero, ubi ob eam thoracis expansionem non necessario in os promovetur? Itaque ego cum quibusdam, salvo aliorum iudicio, censeo, primo hunc motum à cor-

de pendere, & conferre tamen ad eum etiam motum thoracis. Quod à corde pendeat inde patet, quia pro diversa constitutione cordis diversimode evariat, & quia propter cordis refrigerationem celebratur. Verum quod etiam à thoracis motu aliquid capiat, liquet ex illa conspiratione mutua utriusque, & quia dum sani sumus, pro voluntatis imperio varie respirationem efficere possumus. Cæterum modum, quo id fiat, licet difficilis explicatu sit, ita concipio. Cor ubi ferventem sanguinem in pulmones emittit, illi calore & vaporum dilatatione incalescunt, & dilatantur, conspirantibus forte intercostalibus etiam musculis, & sic in causa sunt, quod universus thorax distenditur. Hoc mihi exinde probabile evadit, quia obstructis pulmonibus ad ejus & cordis necessitatem universus thorax movetur. Verum ubi impletus est, & diaphragma partim dilatatione thoracis, partim cordis, quod mediante pericardio diaphragmati annectitur, partim mediatini & pulmonum irritatione constringitur, expirationem primario præstat.

§. XXXVII. Si hæc sententia, quæ aut fuit Aristotelis, aut ad eam proxime accedit, accipitur, expediri facile difficiles nodi possunt. Vt: *An respiratio sit actio naturalis, an voluntaria?* Et qui fiat, quod circiter tertio pulsu respiratio fiat? Nempe ad primum dici potest: esse respirationem absolute dicendo actionem naturalem, sed non sine conspiratione virtutis moventis voluntariæ, unde accidit, ut pro ejus directione mutetur varia ratione. Sed *ecquid est actio animalis an vegetabilis?* Seu vegetabilem exaltatam, seu prout in animali est, seu absolute animale dixeris, non errabis. Nam sola animalia respirant. Imo respirationem, prout in homine fit, nil impedit, quo minus humanam actionem dicas, est enim hæc functio in homine certo modo, qui ipsi speciatim convenit, contracta.

§. XXXVIII. Ad alterum dici potest: quod id fiat partim quia cor nondum citius ventilationem postulat: partim quia non citius pulmo sic ab influente calido sanguine effervescit, & dilatatur. Sed *cur diaphragma non citius contrahitur?* Dico, quia non citius ita irritatur. Sunt tamen qui id alia ratione declarare volunt, quod tertio quoque pulsu certa ratione afficiatur cerebrum, ut sic ad voluntariam hanc contractionem conspiret. Verum non ita planam hujus asserti explanationem invenio.

§. XXXIX. Etsi autem ista ita cum respiratione sese habent, longe tamen alia res cum loquela est, quam aperte constat esse actionem mere voluntariam. Quippe & voces pro voluntatis arbitrio significationem nascuntur, & quæcumque libitum est, edisserere possumus, modo instrumenta sese debite

debite habeant. Si quis urgeat, animale potius dici debere, cum animalia multa vi vocem edendi prædita sint, non ita obſtipe repugnavero, ſi actionem animale exaltatam nominare voluerit, h. e. ita ſpeciatim reſtriſtam, prout ſoli animali omnium excellentiſſimo, nempe homini propria facta eſt. Sed ſic revera & humana & voluntaria appellanda eſt.

§. X L. Omnes partes contentas thoracis perſecuti ſumus, exceptis thymo, vaſis & gula. Sed de gula agemus, ubi de ventriculo tractabimus: de vaſis perfecte agere non poſſumus, niſi & comprehendendum partium hitoriam expediverimus. De ſolo ergo thymo pauca adſcienda ſunt. Eſt autem thymus glandula in ſuprema parte thoracis mediſtino connexa, vaſorum magnorum aſcendentium, vena nempe cava & arteria aorta divaricationes in brachia & ſcapulas deſcendens. Subit itaque officium quarumcunque glandularum atque in vitulis in deſitiis habetur thymus.

§. X L I. Inter partes ambientes ab intra inſe prodiſt pleura & mediſtinum. Pleura eſt membrana ſtima & craſſa interiorum thoracis cavitatem undique inveſtiens. Nam non ſolum coſtas tegit, ſed ſternum quoque, atque diaphragma. Vnde oriatur pleura dubitatum eſt. Alii enim ab anteriore parte deducunt, nempe à ſterno: alii à poſtica, nervoſis nempe quibuſdam exoribus à vertebriſ, beneficio quorum meningibus cerebri uniantur. Inter has ſententias poſterior probabilior eſt, ſed an vera videbimus circa primam partium ſtructuram. Non enim abſonum eſt, pleuram ex membraneis partibus cordis derivare. Sicutiam dubitatur, An peritoneum an pleura craſſior membrana ſit? Ludit vero hic natura ſæpe, & maxime in morbis pleura valde in craſſatur. Quantum tamen ſenſu deprehendere poſſum, pleura quidem ſimplici membrana peritonæi craſſior, at duplici tenuior eſt. Etiam diverſum ſentiunt, an pleura ſit ſimplex an duplex membrana? Mihi videtur ſimplex eſſe, at ſubjectam membranam ambientem coſtas, & alteram quæ muſculos tegit, cenſeo in cauſa fuiſſe, quod gemina quibuſdam viſa fuerit.

§. X L I I. Mediſtinum eſt producta & duplicata pleura ab anteriore parte, ſterno nempe, ad poſtiorẽ procedens, & ſic in duas partes thoracem dirimens. Hæc in ſui medio cor comprehendit, & ſuperne ſuſpendit. Docent communiter Anatomici anteriore ſui parte, ubi ſterno annectitur, quaſi foræam aut cavitatem obtinere, quod pleuræ latera non arte conjungantur, & mira de ea ſabulantur: ſed Expertiſſimus Academiæ Leydenſis Anatomicus, D. Adrianus Falcoburgius evidenter monſtrare ſolet, nullam iſtius duplicationis circa ſternum diſtantiã eſſe, ſed generari illam cavitatem, quando

quando vi ab ea sternum avellitur, quod facere communiter Anatomici solent, quando eam nobis monstrare volunt.

§. XLIII. Vfus illarum membranarum evidens est, nempe integre illas partes, & munire: & quoniam sub pleura vasa diversa propagantur, ea ob eam causam etiam tutius procedunt. Mediastinum dextram & sinistram partem thoracis conjungit, & cor in medio sui suspensum habet, forte etiam impedit, ne pulmones cor aliqua ratione premerent. Nam quod quidam asserunt, ideo fibrillis quibusdam pleuræ pulmones annecti, id rarum & præter naturam est, unde etiam respirationis vitia tali conjunctioni plerumque solent esse connexa.

§. XLIV. Porro sequuntur ossa, quæ quidem à postica parte sunt *vertebræ*, & *scapula*: à lateribus *costæ*: & ab antica parte *sternum* & *clavicula*. De quibus porro tractandum. Verum quia *vertebræ* thoracis cum cervicis & abdominis *vertebris* spinam dorsi constituunt, & omnes *vertebræ* multa communia habent, de universa spina hic simul agemus. Notandum vero id est, ossa conjuncta nostri corporis seu sceleton non male à Medicis navi comparari, cujus quidem carina spina dorsi sit, utpote tanquam fulcrum ac sustentaculum universi corporis: cui anterieus capitis ossa imposita sunt, repræsentantia proram ipsius navis: *costæ* à lateribus connexæ, *trabium incurvatarum* figuram exhibeant, quæ anterieus sterni, quasi tegumento operiantur: ab inferna parte ossa *ilium* & *os coccygis* puppin & remum non male expriment: at artuum ossa instar remigiorum reliquis ossibus adjuncta sunt: atque *scapulæ* pro majori munimento superius injecta.

§. XLV. Ut ergo à spina capiamus initium, observandum est, quod ex *viginti quatuor vertebra* constet, quarum *septem* sint *cervicis*: *duodecim thoracis*: & *quinque lumborum* seu infimi ventris. Quod ex pluribus *vertebris* spina fabricata est, factum est propter motum, ut nempe corpus distendi & flecti posset. Omnibus his *vertebris* communia quædam sunt. 1. quod *consistentiam non ita firmam, solidam, duram & gravem obtineant, sed levem, spongiosam & plurimis cavernulis constantem*. Idque factum esse putandum est, ne mole sua & gravitate corpus premerent. 2. quod *figuram antrosum convexam, posterius concavam, superne & inferne planam obtineant*: quod tum ob firmitatem, tum ob meliorem connexionem iis tributum esse probabile est. 3. quod *triplici genere processuum donata sint, transversorum nempe, obliquo- rum & acutorum*. *Transversi processus* à lateribus *vertebris* assident, & duo sunt, utrinque nempe unus. *Obliqui* singulis quatuor dati sunt, duo
ascendentes,

ascendentes, & duo descendentes, pro vertebrarum commodiore articulatione. Acuti à postica parte ex medio cavitatis proveniunt, & singulis vertebra singuli competunt. 4. quod singula vertebra in medio foramen aliquod possideant, quod ideo efformatum est, ut medulla spinalis per eam secundum longitudinem corporis descendat. Solet id foramen vertebrarum proprium dici, quia unicuique vertebræ suum competit. 5. quod ad latera in singulis vertebra quasi dimidium foramen sit, quod conjuncta vertebra dimidio fere foramini conjunctum integrum foramen efforment. Hoc ideo foramen commune appellatur, quia nulli sigillatim totum est, sed duabus simul sociatis tantum unum totum, atque interservit distributioni nervorum in diversas partes. 6. quod eadem ratione inter se connectantur ligamento duplici. Illorum unum commune & membraneum est, crassum firmumque maxime anteriore parte, vertebra undique ambiens, & pingui mucosoque humore oblitum: alterum cartilagineum est, inter vertebra sibi impositas interpositum, figura omnino vertebrarum illi parti simile.

§. XLVI. Ista quoque adhuc in communi tenenda sunt. 1. quod vertebra non directe & citra flexionem sibi imposita sint, verum quod colli vertebra introrsum magis spectent: contra thoracis vertebra foras protuberent: & rursus lumborum vertebra introrsum exsint. Hoc partim ob situm partium, partim ob firmitudinem factum esse à natura credibile est. 2. quod vertebra à superioribus deorsum procedendo paulatim majores evadant, sed simul & spongiosiores & rariores ac leviores. Hoc etiam summa ratione factum est. Nam quia stabilimentum majus & firmitus esse debuit, inferiores vertebra majores factæ sunt: & quia metuendum erat, ne pondere nimio corpori noxam aut molestiam & incommoditatem adferrent, spongiosiores & rariores constitutæ sunt. Maxime tamen id intelligi debet. initium capiendo à thoracis vertebra: nam colli vertebra mediam fere magnitudinem habent, & in tantum pene majores sunt thoracis vertebra, in quantum minores sunt vertebra lumborum.

§. XLVII. In specie thoracis vertebra communiter duodecim sunt, raro tredecim, & adhuc rarius undecim, cum nempe colli vertebra octo sunt, quod ipsum periculum tabis portendit. Quandoquidem enim ob brevitatē thoracis pulmones non debite dilatari queunt, ob sufficientis refrigerii denegationem cor nimium exaestuatur, & universi corporis consumptionem paulatim inducit. Omnes hæc consimili prope ratione formata sunt, lere ita, ut in genere fuerunt declarata. Peculiaria vero possident, initio illud, quod prima ejus vertebra superiore sui superficie inæqualior est, ac ad

L

figuram

figuram vertebrarum colli eadem accedat : dehinc quod *utrinque sinus laves cartilagine obductos exsculptos exhibeant*. Hi in superioribus novem communes sunt, eo sensu quo foramina communia superius diximus, at in tribus reliquis quælibet integrum sinum & proprium nascæ sunt. Illis inseruntur capita costarum. Porro alii etiam *sinus laves cartilagine obducti in transversis processibus superiorum novem costarum notantur*. His *costæ* induntur & firmiter inniuntur, unde illæ vertebræ longiores tribus reliquis sunt, & processus in illis proceriores. Hoc etiam observationem meretur, quod reliquæ quidem vertebræ per gynglimum, at undecima vel duodecima per arthrodiam vicinis vertebriis uniatur, atque quod inde motus totius spinæ pendeat: flexio nempe, extensio, & obliquo.

§. XLVII. Vertebri thoracis colli *vertebra* impositæ sunt, *septem* plerumque numero, rarius octo, in iis, quibus collum longius est, & in thorace solum undecim. Hæc multa ab aliis diversa obtinent. Nam corpus, quod dicitur vertebrarum, in thoracis quidem & lumborum vertebriis fere est circulare, at in his neutiquam sed potius quadrilaterum & oblongum. Deinde consistentia duriores & solidiores sunt, attamen non ita latæ, ut aliæ, quod ipsis ob motum, quo semper exercentur, datum est. Illud quoque in iis peculiare est, quod in transversis processibus utrinque foramen exsculptum est, per quod venæ & arteriæ in caput derivantur.

§. XLIX. Valde differentes inter se ipsas sunt. Nam *prima* quidem ne corpus quidem habet, sed ejus loco antè tuberculum in quod musculus cervicem flectens inseritur: intus autem habet sinum quadratum cartilagine obductum, in quo recipitur dentiformis processus secundæ vertebræ. Deinde *processus ejus* tum *ascendentes*, tum *descendentes* sinus in se obtinent, ut illi quidem occipitis, hi secundæ vertebræ thoracis tubercula recipere, atque sic super illis flexio & extensio capitis, seu ejus motus in anteriora & posteriora; super his autem motus capitis circularis seu ad latera perageretur. *Processus* porro *transversi* singuli utrinque, attamen majores reliquis sunt, ob musculos quosdam caput moventes. In *foramine proprio* nihil notabilis est, in *communi* id singulare, quod sinus ejus rimam repræsentat. *Secunda* cervicis vertebra corpus habet, sed minus quam aliæ: pariter *transversos processus* minores, & *foramina* in iis minora, ac deorsum spectantia; at *posterior processus* bifidus est, sicut & in aliis thoracis vertebriis. *Superiores* rursus parvas eminentias acceperunt: & *inferiores* parvos sinus. Id circa hanc notabile est, quia huic proprium est, quod ex medio corpore inter duos ascendentes processus ex superiore parte alius quidam erumpit acutus,

tus, firmus & elatus, cartilagine munitus, qui in sinum primæ vertebræ internam inseritur pro circulari capitis motu. Hunc Hippocratis dentem *magnum* appellant, quia dentem exprimit, & Hippocrates censetur appellasse, ut ut ipse potius totam hanc vertebram hoc nomine notavit. Conne-ctitur anteriore proprii foraminis parte ossi occipitis ope ligamenti, quod ut ipsi firmitus conjungeretur, superiore sui parte asper redditus est. *Quatuor sequentes cervicis vertebra* sibi magis similes sunt. *Laterales ipsarum processus* majores ac bifidi sunt, sicut & *bifida spina: obliqui ascendentes* capite valde exiguo donantur, ut dubium esse possit an caput sit: *descendentes* contra sinum exsculptum habent. *Ultima* denique seu *septima cervicis vertebra* ut loco. ita & figura thoracis vertebra cognata est, & neque bifidam spinam, neque bifidos processus obliquos sortita est.

§. L. Inferius thoracis vertebra *lumborum quinque vertebra* subjiciuntur, minus inter se & à thoracis vertebra differentes. Id speciatim circa *processus superiores & inferiores* occurrit, quod illi quidem sinus, hi capita exhibeant, contrario prorsus modo, quam fit in thoracis vertebra. *Transversi* deinde *processus* majores etiam, quam in thoracis vertebra, at reliquis minores primæ ac quartæ, maximi autem tertiæ, & firmissimi quintæ. Circa *foramina communia* id quoque notandum est, quod in superiore fere maxima eorum pars sit. Contra est in cervicis vertebra, nam in iis in inferiore maxima eorum portio advertitur. In thoracis autem vertebra media fere ab utrisque pars præstat.

§. L. I. Verum cervicis & lumborum vertebra dimissis ad thoracis vertebra revertimur, quoniam iis costæ inferuntur. *Sunt vero costæ ossa quadam in cartilagine desinentia, arcuata, lateralem thoracis figuram firmantia & efformantia.* *Sunt costæ numero duodecim* in utroque latere, & id tum in maribus, tum in feminis, ut merito pro fabula habendum sit, in maribus esse unam paucior, quam in viris. Et hoc ordinarium est, quando autem tredecim aut undecim tantum inveniuntur in iis, quibus totidem thoracis vertebra sunt monstruosum & insolitum est. Dividuntur costæ in *legitimas & spurias*. Superiores septem, quia utrinque circuli fabricam explent, & ad sternum pertingunt *legitima* vocantur: at inferiores quinque *spuria*, quia illis minores sunt, & ad sternum non deducuntur. Ex gemina substantia constant, *ossea & cartilaginea*. Et quidem ossea substantia non adeo dura est, sed fungosa & spongiosa molliorque, idque magis in spuris quam in legitimis, in quibus ipsa quoque cartilago ita dura est, ut in senescentibus facile degeneret in osseam substantiam, quod in mulieribus frequenter notatur

pro maiore firmitudine mammarum. *Legitima costa* conjunguntur posterius vertebri partim per capitula cartilagine obducta, partim per tubercula pariter cartilagine vellita: antèrìus vero sternò adlociantur per eam diarthroseos speciem, quæ arthrodia appellatur. *Costa deinde spuria superiores dua* atque aliquando & *tertia* pari ratione ut legitimæ vertebri connectuntur, verum infimæ duæ, & decima frequentissime unico capitulo sinibus vertebrarum copulantur: Omnes vero antèrìus sursum aliquantum intortæ, & ab invicem aliquousque remotæ procedunt, donec tandem inter se conjunctæ cartilaginibus verarum costarum copulantur. Sunt costæ *figura arcuatæ*, & quasi semicirculares, à dorso versùs interiora magis graciliores effectæ, intus planæ, foris autem aliquatenus tuberosæ. Id etiam in eis observatione dignum est, quod inferius in acutum desinant, ita tamen ut finem quendam exhibeant, per quem intercostalia vasa tuto propagantur.

§. LII. Ab anteriore parte pectus firmat *sternum*, ab eo officio hanc denominationem nactum. Dicitur enim *σπῆρ* quasi *σπῆρ* i. e. Solidum & firmum. Latini à situ *os pectoris* vocant. In homine dicitur id os etiam *ἐσθῆdis* h. e. *ensiforme*, quia ensis seu gladii veteribus usitati figuram non male exprimit. Nam superior pars lata & media lunata manubrium, at infima apicem gladii representat. Forinsecus tamen aliquatenus extuberat, & intus subsidet. Pariter substantia ejus non ita dura & solida est, sed fungosa & plurimis cavernulis insignita. Ex triplici osse in adultis constat. Primum os maximum & omnium crassissimum figuram obtinet inversi trianguli, cujus vertex abscissus sit, nisi quod laterales partes aliquantum lunatæ sint. In superiore ejus parte duplex sinus cartilagine obductus pro receptione scapularum, & in medio illorum fovea lunata, quæ *σφαγιον* seu jugulum appellatur, notanda sunt. Secundum os minus crassum & latum est, attamen multo longius, à lateribus diversos sinus obtinens, pro recipiendis costarum cartilaginibus. Tertium minimum tum longitudine, tum crassitie, cui cartilago *ἐσθῆdis* seu *ensiformis* aut *mucronata* subjicitur. Est hæc triangularis & plerumque orbicularis figuræ, rarius bifidæ, & sub ea notabilis est fovea, quam *Scrobiculum cordis*, veteresque *καρδια* seu *cor* vocant, quia sub ea supremum ventriculi orificium jacet, cujus dolores *καρδιακὰ* & *καρδιονογία* vocitantur.

§. LIII. Istorum omnium triplicium ossium vertebrarum scilicet, costarum & sterni officium est, tum efformare thoracis cavitatem, tum interiores ejus partes, ac maxime cor defendere, ac denique motui thoracis commodare. Reliqua sunt ossa humeri, *scapula* vocatæ, & *clavicula*, quæ in gra-

in gratiam motus & fulcri humerorum & brachiorum condita sunt. Etli enim scapulæ à postica parte thoracem muniunt, & ab eo externas injurias amovent, non tamen credo, hoc primum aut præcipuum fuisse naturæ istorum ossium productione consilium. Non enim solet natura ad accidentales casus ita respicere, verum semper intendere, quod per se ad finem facit. Sunt autem *Scapulæ* ossa illa crassa & dura trianguli scaleni figuram exhibentia, quæ à posteriore parte costis superjecta, & processibus majoribus minoribusque claviculas & os humeri suscipiunt, & hoc firman, ut sic humeri motus obeatur felicius. Dicuntur Græcis *σκαπυλα*, quasi ossa humeri latitudinem constituentia. Figura triangulum scalenum exprimunt, cujus primum latus, *basis* dicta, est linea illa, quæ non tamen recte juxta dorsi longitudinem juxta vertebrarum thoracis posteriores processus producit. Alterum ejus latus, *costa inferior* vocata, est linea illa, quæ à primi inferiore sede oblique sursum procedit. Denique tertium ejus latus, *costa superior* appellata, superna parte prioribus duobus annectitur. *Angulos* quoque tres obtinet, quorum præcipue duo attenduntur, propter musculorum insertionem ac originem, nempe *superior* seu *elatio*, qui à basi & superiore costa formatur: & *inferior* seu *humilior*, quem basis & inferior costa constituit. Foras scapulæ extuberant, quæ pars *dorsum scapularum* à quibusdam non inepte vocitata est: intus depressi & cavi sunt, unde *cavitatem scapularum* eam partem nominant. *Processus* tres sortitæ sunt. *Primus* brevior est, brevique cervicæ donatus, sinum exhibet superius acutum, inferius autem orbicularem, destinatum recipiendo humeri capiti. Quoniam vero ob motum in omnem situs differentiam melius obeundum non tam profunde exsculptus est ille sinus, quin facile fieri possint luxationes, natura ligamentis validis & alio peculiari processu providit, & insuper præter cartilaginem, quæ sinum investit, aliam fabricata est, quæ superne sinum eum profundiorē facit, & tamen ob mollietatem & flexibilitatem motui neutiquam officit. *Secundus processus scapularum spina* Anatomicis & Medicis vocatur, & juxta supernam partem sub elatiore quasi angulo ex dorso scapularum enascitur, & angusta quasi cervicæ juxta basin scapulæ ad anteriora delatus sensim evadit latior & crassior, donec tandem cum ad cervicem fere pervenit, à scapula abiens, in longum, moderate curvum, & latiusculum appendicem definit, qui supra humerum ad anteriora deferretur, & in extremitate sua antica lævem sinum ostendit, in quo recipitur *caput clavicula*. Illa pars hujus processus, quæ supra humerum fertur, nuncupatur *acromion* seu *summus humerus*. In hoc processu toto, seu in spina scapularum, superius & in-

ferius duæ insignes cavitates notantur, quæ *interscapulia* appellantur. *Tertius processus* ex costâ superiore juxta cervicem enascitur, & semicirculum exhibet, atque prætenditur humeri articulo, ut firmitus in sua sede consistat. Variis nominibus exprimitur, quoniam diversis rebus quoad figuram comparari potest. Nimirum dicitur *σπυροειδής* à figura antiquorum signatis, *ἀγκυροειδής* à similitudine anchoræ, & *καρκαροειδής* à convenientia cum corniculæ rostro. Connectuntur scapulæ ossi occipitis, vertebri cervicis, & dorso intervntu diverforum musculorum, adeoque per *συνσάρκωσις*, sed cum claviculis & osse humeri coarticulantur.

§. L I V. *Clavicula* & Græcis *κλῆιδος* vocatur sunt, quia clavium figuram gerunt, quæ antiquitus ad similitudinem literæ *f*. Latinorum fiebant. Consistant enim duobus quasi semicirculis, quorum unus ubi ossi pectoris junguntur, foras procedit, alter vero. ubi acromio nectuntur, introrsum flectitur. Illis enim duobus ossibus nectitur exsertis capitibus, sed capitulum quo primo ossi sterni copulatur oblongum ac depressum est, ac figura fere triangulari: sed quo acromio inferitur longiusculum & aliquatenus latum. Vtrumque sua cartilagine tectum est, verum illud, quod sterni incumbit, præter illam communem cartilaginem aliam etiam propriam natum est, tenuem & laxam, unctuofo humore delinitam. Substantia ipsarum clavicularum in medio solida & firma est, circa extremitates porosa: & dimidia ejus pars. quæ scapularum processui copulatur latior est, & pectorali musculo sedem largitur: altera autem, quæ ad sternum pertingit, tenuior est. Usus clavicularum est, sustinere humerum ne in pectus decumbat. Hinc patet, quid *clavicula* sint: nempe *ossa figura antiquatum clavium in superna parte pectoris posita, atque sterni ac acromio inserta, ut impendant, ne humerus in pectus procidat.*

§. L V. Spatia intercostalia implent *intercostales musculi* dicti, qui duum generum sunt, *interni* & *externi*. *Interni* ab inferiorum costarum superna parte superiorum costarum inferiori parti sociantur, & obliquas suas fibras sursum ac antrorsum propagant. *Externi* contra ab inferna parte superiorum costarum procedentes, inferiorum costarum superiori parti inferuntur, & obliquas suas fibras deorsum & antrorsum mittunt. Hinc accidit, ut fibræ internorum & externorum decussatim quasi in figuram crucis sibi invicem impositæ sint. Sunt istorum musculorum in universum quadraginta quatuor, nempe viginti duo interni & totidem externi, in unoquoque latere singulorum undecim. Verum externi solum ad cartilaginum initia desinunt, interni autem usque ad ipsum sternum, qui ipsi quoque ea inania spatia

spatia replent, quæ in cartilaginibus externi musculi relinquebant. Quis sit usus illorum musculorum ambigitur. Plurimi existimant, alium internis, alium externis musculis competere. Nimirum externis ascribunt tractionem costarum ab inferioribus sursum pro dilatatione thoracis: at internis accensent tractionem costarum à superioribus deorsum pro contractione thoracis. Ego autem illorum opinioni accedo, qui iudicant, quod illi musculi se iuvent in communi officio, ad thoracem dilatandum, & propterea fibras decussatim positas arbitror, ut se potentius in communi illa operatione juvare possint. Neque obstat, quod diversa ratione originem & progressum fibræ habeant. Nam, ne illud urgeam hoc ita manifeste ostendi non posse, ut hinc dissentientes Anatomicorum opiniones sint: saltem illud negari non potest, si quid à principio mobili exortum in aliquod immobile, aut saltem difficilius mobile desinat, quin suum principium tractione adducturum sit ad id, cui inferitur. Si urgeant principium motus debere esse immobile: Concedo si versus illud movendum est alterum, at si illud versus alterum moveri debeat, nihil repugnat, quo minus sit mobile. Sin instent, naturam igitur contrario modo potius origines fibrarum internorum musculorum constituere debuisset: repono ipsos naturæ arcana non plene perspicere, & siquidem hoc modo natura finem suum bene assequi possit, ut ostensum est, quid obstat, quo minus sic recte naturam egisse constitemur?

§. LVI. Ab inferiore parte interius per transversum jacet, & thoracem claudit *diaphragma*, inde quoque nomen habens. Nam *διαφράσσειν* *se-cernere* & *separare* significat, quod claudendo interius thoracem facit, se-jungit enim sic mediani & infimam trunci partem. Hinc etiam Latinis *septum transversum* vocitatur, & disseptum. Aristoteli vero, *διεζωμεν, διεζωμεν, & διεζωμεν*. Est nobis *Diaphragma* musculus per transversum inferiore parte thoracis situm, & contractione sua expirationem faciens. Nam ab anteriore parte sterni infimæ parti, à lateribus duodecimæ costæ, & à postica parte duodecimæ thoracis vertebrae conjungitur, & propterea oblique per medium corporis procedit. Nulli figura similis est. Nam pro ratione amplitudinis thoracis ad rotunditatem vergit, & ubi costis conjungitur car-næus est, at in medio nerveus, unde eam partem nerveam vocant *circulum nervum*. Foramina duo habet unum dextrum in parte nervea media fere pro transitu venæ cavæ, alterum sinistrum pro transitu œsophagi ad ven-triculum. Atque postica parte, ubi à lumborum vertebrae per duas partes carnosas longas oriri creditur, divisio quædam notatur, per quam arteria magna

magna & vena sine pari in abdomen propagatur. Magnum consensum cum cerebro habet, unde id *φίσις* vocitant, quia diaphragmate læso actiones cerebri facile læduntur. *Vsu* ejus est *discernere medium & infimum ventrem, & respirationi inservire.*

§. L VII. Aliqua circa *diaphragma* controversa aut solum obscura sunt, quæ non pigebit hoc loco referre. Initio quæritur: *An diaphragma musculus sit?* Omnino videtur, nam officium musculi præstat, contractione nempe sua thoracem constringit. Deinde controversitur: *An sit unus vel geminus musculus?* Nulla necessaria argumenta sunt, quæ geminum eum esse ostendant, licet non diffitear, eam in duplicem partem nerveam scilicet & carneam dispesci posse. Tertio ambigitur: *quodnam sit principium hujus musculi?* Multi mediam nerveam partem assumunt, sed quid obstat, quo minus altera sumatur? Quod enim urgent, non posse nerveam partem ad carneam, sed hanc ad illam trahi, non valde me movet, quia non absurdum arbitror etiam principium ad terminum duci. Quarto loco dubitatur: *Quomodo diaphragma ad respirationem conferat?* Ludico id fieri, quatenus contractione sui etiam thoracem totum constringit, atque costas versus dorsum contrahendo pulmones comprimit, ut aerem expirent. Verum ad inspirationem facit per accidens, quatenus remittendo actionem thorax felicius dilatari potest. Quinto loco dubium esse potest, *quare in expiratione deorsum, in inspiratione autem sursum trahatur?* Verum esse quæsitum non solum ego aliquoties, sed & alii observarunt: contra tamen aliqui, qui forte experientiam in vivorum anatome non fecerunt, docuerunt. Causam hanc arbitror esse, quia diaphragma in inspiratione remittens à contractione laxius & longius est, & quia pericardio annectitur, ab eo aliquatenus sursum elevatur: verum in expiratione, quando constringitur, ab hepate aliisque partibus gravibus ipsi annexis deorsum trahitur. Sexto loco dubitari potest: *an actio diaphragmatis, qua se contrahit, & expirationem facit, sit voluntaria, an naturalis?* Et si sunt, qui id simpliciter asserunt, non tamen scio, utrum iis plene assentiendū sit. Nam experientiam, quam asserunt, quod pro libitu expirationem producere possimus, dubium est, utrum non pendeat à musculis abdominis rectis, qui aliquid omnino ad respirationem violentam faciunt.

§. L VIII. Antequam diaphragmatis explicationem prorsus finiam, istud, quod dum hæc scribo incidit, veritatis & naturæ scrutatoribus pensandum insinuo, annon forte musculi intercostales quoque propria actione solum ad expirationem concurrant? Nam si costas versus tergum

opc

ope diaphragmatis constringantur, & concipiantur pariter à musculis intercostalibus sibi viciniore reddi, omnino quidem thoracis amplitudinem strictius compingi debere apertum est, quam si à solo diaphragmate coerceantur. Si hæc sententia reciperetur, dici deberet, inspirationem fieri à sola remissione diaphragmatis, & pulmonum dilatatione. Vnum tamen ab hac opinione me retinet, quod inspirationem etiam pro libitu majorem reddere possumus, nisi quis hoc serratis musculis adscribendum arbitretur, & aliis quibusdam in dorso jacentibus, aut remissioni muscutorum recensitorum tribuere.

§. LIX. Vniversum sic thoracem expeditimus, nisi quod ab anteriore & posteriore parte superius incumbentes musculos, mammas item & communia tegumenta nondum proposuimus: verum de musculis quidem illis in peculiari capite de musculis: ac de mammis & tegumentis nostri corporis communibus pariter in peculiari capite agemus. Hoc tamen, antequam hoc caput concludamus, adjicere necessarium est, *quomodo per thoracem vasa distribuantur*, & pauca quædam de collo adjiçienda, tanquam thoracis appendice.

§. LX. Itaque *venas* quidem thorax à vena cava accipit. Quamprimum enim ea supra hepar in thoracem ascendit, ab ea oritur *ramus phrenicus* seu *vena diaphragmatis*, quæ utrinque per diaphragma disseminatur, & ramos quoque pericardio & mediastino communicat. Deinde ubi diaphragma superavit vena cava, pericardium perforat, & modice ad sinistram inclinans in dextrum cordis sinum magno foramine juxta dextram cordis auriculam inseritur, atque in ejus cavitate producit *venam coronariam* undique circa basin cordis reflexam, & versus mucronem abeuntem figura coronæ Veteribus usurpatæ. Ulterius deinde progressa superna parte per pericardium transit, & gracilior reddita inter divisionem pulmonum ascendit versus jugulum. Statim autem supra cor ex ea enascitur *vena cava* h. e. *sine pari* vocata, quia una tantum ordinarie & in uno latere in homine est: Hæc ergo in dextra parte inter quartam & quintam vertebra thoracis initium capiens deorsum procedit, & per sinus in inferiore parte inferiorum decem costarum insculptos ramos dispergit. Illud circa hanc venam observandum est, quod circa octavam circiter vertebra in duos ramos spargatur, quorum unus ad sinistram vergens, & major in abdomen procedens vel in *venam cavam* supra aut infra emulgentes, vel in ipsam emulgentem inferatur: alter autem dexter pariter ex thorace elapsus plerumque *venæ cavæ* aut supra emulgentem, aut ubi lumbarem constituit, jungatur. Rarum est quod

in emulgentem desinat. Hæc azygos etiam per vertebrarum foramina communia medullæ dorsi & musculis furculos communicat. Porro cum vena cava supra azygon altius ascendit, dividitur in duos ramos, qui quam diu intra thoracē sunt, nominantur *vena subclavia*, at extra thoracem procedentes *vena axillares*. Ad ejus radicem oritur *vena intercostalis superior*, in utroque latere una, quæ superiorum duarum costarum spatiis per sinus inferius costis insculptos venas impertit, ubi azygos illis nullas largita est, quod aliquando facere solet. Illud non negligendum est, quod intercostales venæ legitimis costis communicatæ, solum procedant ad cartilagineas, quæ ipsæ venas accipiunt à mammaria. Interim à postica parte soboles quasdam propogat ad dorsi medullam & musculos quosdam dorso incumbentes. Solet tamen hæc vena aliquando etiam ab ipso venæ cavæ trunco prodire. Deinde pariter vel ex venæ cavæ trunco, vel ex radice divisionis in subclavias, vel ex anteriore sede subclaviarum, gemina, nempe in utroque latere una progignitur *vena mammaria*, quæ antrorsum ad elatiorem pectoris sedem contendit, & deorsum recta procedit, mittens interea septem verarum costarum spatiis, ubi cartilagineas dominantur, soboles, ex quibus aliæ oriuntur, quæ tum in mammas, tum in musculos pectori incumbentes propagantur. Hæc, ubi recto descensu ad mucronatam cartilagineam pervenit, thoracem egreditur, & sub rectis abdominis musculis fere ad umbilicum procedit, ubi creditur conjungi cum epigastrica ascendente, & parere illum consensum, qui inter uterum & mammas est. Porro pariter ex anteriore subclaviarum sede, aut etiam ex cavæ trunco enascitur *mediastina*, quæ in mediastinum totum secundum ejus longitudinem fere ut nervus diaphragmatis sinister propagatur. Postmodum ex eadem subclavia oritur *vena cervicalis*, de qua posterius agendum est.

§. LXI. *Arteriarum* non valde dispar ratio, licet aliunde ejus soleat principium consilui. Itaque *arteria aorta* dicta ex elatiore sede sinistri cordis ventriculi orta, antequam pericardium perforavit, de se gignit *arteriam coronariam* aliquando unam, aliquando geminam. Hinc sub arteriæ pulmonalis, seu venæ arteriosæ trunco ascendit aliquantum, & ubi extra pericardium processit in duos magnos ramos scinditur, quorum alter, qui ad superiora tendit, *truncus arteria aorta ascendens*; alter autem, qui deorsum procedit, *truncus arteria aorta descendens* appellatur. Atque ille quidem quibusdam thoracis partibus, capiti & brachiis ramos spargit; hic autem in plerasque thoracis partes, totius abdominis capacitatem, & crura digeritur. Ascendens ergo arteriæ aortæ truncus intra mediastinum quasi inter aspe-

ram

ram arteriam & venam cavam sursum enititur, ac in eo progressu in duos ramos discescitur, quorum alter in dextra, alter in sinistra parte sursum procedit. Hi rami, quamdiu extra cavitatem thoracis nondum progressi sunt, vocantur *arteria subclavia*, ac ubi ex ea egressi sunt, dicuntur *arteria axillares*. Ab his subclaviis, ubi ad primam thoracis vertebrae venerunt, inferiore sede enascitur *intercostalis superior*, quæ in quatuor superiores costas digeritur, usque ad partem cartilagineam, & propagines etiam quasdam ad spinalem medullam & dorsi quosdam musculos disseminat. Deinde ex elatiore ejus sede procedit, tum *arteria mammaria*, tum *cervicalis*, tum *muscula* vulgo appellata. Harum posteriores postea declarabimus: prima autem, nempe *mammaria*, eadem ratione ut vena manubria progreditur. *Descendens arteria aorta truncus* antequam extra thoracem procedit à posteriore sui sede primum progignit *intercostales arterias inferiores*, quæ ad octo inferiorum costarum intervalla propagantur, quæ etiam propagines quasdam ad spinalem medullam per foramina communia vertebrarum spargunt, & pariter ad musculos dorsi vertebri incumbentes. Deinde progignit etiam *phrenicas duas arterias* ramus arteriæ aortæ descendens, quæ plurimis furculis utrinque per diaphragma disseminantur, & pericardio quoque, ubi diaphragmati annascitur, loboles impertit.

§. LXII. Nervos thorax accipit tum ex cerebro à sexto pari, tum ex medulla spinali per foramina communia vertebrarum thoracis & infima cervicis. Hi quidem cum primum ex communi foramine erumpunt, in duos ramos dividuntur, *posteriorem* minorem, qui in musculos vertebri incumbentes absumitur: & *anteriorem* majorem, qui per sinus costis inferne insculptos in intercostalia spatia spargitur, in veris costis usque ad sternum, at qui in spuriis costis procedunt, cavitatem thoracis egrediuntur, & in abdominis anteriorem partem inter peritonæum feruntur: interea iidem multos furculos ad musculos intercostales, aliquos etiam ad ipsam cutem & musculos thoraci incumbentes propagant. Sic ergo plerique nervi ex vertebri thoracis provenientes in thoracem absumuntur, nisi quod superni duo anteriores una cum nervis vertebralibus cervicis maximam partem in brachia distribuuntur. Illi contra nervi, qui à sexta conjugatione nascuntur, ab altiore principio repetendi sunt. *Sextum* itaque nervorum par, quam primum ex tertio foramine cranii excidit, anterior & minor ejus ramus in cavitatem oris & partes ibi jacentes propagatur, at posterior & major hinc inde producens loboles quasdam deorsum procedit, & sensum à larynge ad asperam arteriam fertur, ad cujus latera deorsum ad thoracem tendit. Ve-

rum antequam ad eum perveniat, supra jugulum ante in duos ramos dispefcitur, exteriorem & interiorem, qui in utroque latere diverfimode propagantur. Ergo *dexter* quidem *sexti paris nervus* exteriore suo ramo statim à divisione propagines emittit ad mufculos in collo & fupremo thoracis jacentes, & poft thoracem ingreffus, ubi ad axillarem arteriam pervenit, fupra eundem procedit, & aliquo ufque procedens primum unam, poft paulo amplius progressus fecundam, & aliquanto amplius propagatus tertiam propaginem per tranfverfum arteriæ mittit, quæ ficut ortæ ita poftea reflectuntur, & fupra aliquantum rurfus progreflæ, in unum nervum unjuntur, qui dextro afperæ arteriæ lateri interventumembranæ affirmatus fufum ad laryngem propagatur, & quam primum eam fuperavit, in plures ramulos divifus nervos impertit mufculis iis laryngi impofitis, qui capita fua deorfum habent. Hic ille *nervus recurrens* eft celebratus multum apud Medicos. Cæterum idem nervus primarius, poftquam recurrentem propaginem produxit fub jugulo oblique descendens, in itinere pleuræ, & tunicæ pulmonum, tum pericardio & cordi ramulos impertit, ac fub duplicatura mediastini procedens, & juxta vertebraf in duos ramos divifus *nervum ftomachicum dextrum* facit, qui una cum gula diaphragma tranfeuntes circa finiftrum orificium ventriculi confumuntur, atque id cum finiftro ita cingunt, ut totum nerveum efle videatur. *Interior* contra *dextri nervi sexti paris ramus* ad anteriorem fedem radicis primæ colæ thoracis abit, & fub pleura vertebraf adhaerens à quolibet intercoftali nervo è dorfì fpiña prodeunti ramulum affumit, & cum arteriæ magnæ trunco descendente diaphragma perrumpens, juxta regionem offis facri in tres propagines difpefcitur, quarum prima omento, intefkino duodeno & jejuni principio, ac Ventriculo: fecunda reni & ejus membranæ: tertia mefenterii dextræ parti ac intefkintis alligatis, veficæ ac in mulieribus etiam uteri fundo nervos communicat. Ita fe habet *dexter sexti pars nervus*: *finifter* ita propagatur. *Ramus ejus exterior* poftquam in defcenfu pleuræ ac pulmonum tunicæ, atque cordi quoque nervos communicavit, ad arteriæ truncum descendentem, ubi ex corde provenit, *recurrentem nervum finiftrum* conftituit, qui pariter in laryngis mufculos propagantur; deinde inferius procedens ad ventriculi fuperius orificium parte dextra propagatur, atque id cum dextro recurrente retis ad modum cingit. Ab hoc nervo deinde ad pylorum, & cavum hepatis nervi propagantur. *Interior* autem ejus dextri nervi *sexti paris ramus* ubi ab intercoftalibus ramis accepit, pariter in abdomen tranfiens, tres *propagines* emittit, una ad lienem abit, interea furculos emittens

tens unum in inferiorem omenti membranam, & vicinam intestini coli partem, & alterum in ventriculi fundum sinistrū & superiorem omenti membranam. *Secunda* propago. in mesenterii sinistram partem, ac ibi jacentia intellina consumitur. *Tertia* ad sinistrum renem & pinguem ejus membranam procedit.

§. LXIII. Aliquanto amplius, quam par fuit historiam sexti nervorum paris, etiam prout in abdomen spargitur, persecutus sum, quod ideo feci, quia connexi valde sunt ejus rami in abdomen propagati, cum iis qui per thoracem distribuuntur, & sequenti capite mox historiam partium abdominis propositurus sum. Ideo veniam eo confidentius mihi promitto: atque de *collo* adhuc sub finem capitis quædam attexo. *Collum* nominatur teres illud & rotundum corpus, quod inter thoracem & caput interponitur, tum pro meliore vasorum distributione, & gulæ ac asperæ arteriæ transitu, tam pro motu capitis. Duplicem enim hunc usum collum habet. 1. *inservire commoda distributioni vasorum, & maxime sustinenda laryngi*, vocis instrumento primario, unde iis animalibus, quæ veram vocem non edunt, collum deest; & 2. *sustinere atque secundum quid præstare capitis motum in omnem loci circumferentiam*. Anterius notanda est illa cavitas thoraci proxima, quæ *jugulum* vocitatur, & supra eam illa eminentia, quam caput laryngis facit, & *pomum Adami* appellant. A posteriore *Cervix* nuncupatur: Partes ejus diversæ sunt, *continentes* quidem, *cuticula*, *cutis*, *pinguedo cum membrana intertexta*, *musculi diversi*, ac *vertebra*: *contenta* autem *aspera arteria pars superior*, *gula*, & *vasa*. De solis vasis aliqua addenda sunt, cum de reliquis aut actum sit, aut alibi agi debeat.

§. LXIV. *Venas* itaque quod concernit, habet collum *cervicales*, ac deinde *jugulares*. *Cervicalis* ab inferiore sede ramorum subclaviorum in thorace adhucdum oritur, & oblique sursum contendens versus posteriora ad transversos vertebrarum processus abit, & per foramina illorum sursum procedit, ac interea per foramina vertebrarum cervicis communia singula ad spinalem medullam venas propagat. *Jugulares vena* vero vel *interna* vel *externa* sunt. *Utraque* oritur ex subclaviorum ramorum superna parte, atque interior quidem jugularis profundius, exterior autem foris magis vergens sub cute procedit. Vterque ramus in caput maxime venas dimittit, unde eas *venas* quidam nominare malunt *cephalicas* seu *capitales* à parte scilicet, ad quam feruntur.

§. LXV. *Arteria* sese non habent dissimiliter. Nam pariter à ramis subclaviis inferiore sede oriuntur *arteria cervicales* inter alias propagines,

quæ venis cognominibus cunt cōmites. At jugularibus venis associantur *arteria carotides*, pariter rānum exteriorem & interiorem obtinentes, quorum ille ad externas, hic ad internas capitis partes procedit. De his agemus, ubi de capite tractabimus, sicut etiam ibidem de venis jugularibus omiſſa complebimus.

§. LXVI. De nervis vix aliqua superſunt, nam ſexti parīs ex cranio elabentis hīſtoriam enarravimus: reliqui autem ex foraminibus communibus prodeunt, & in circumſitas partes diſſeminantur. Si quid autem in illis omiſſum fuerit, id circa explicationem capitis commode attexemus. Et hæc, quantum hoc loco neceſſum videbatur, brevis hīſtoria partium thoracis eſt.

C A P U T IX.

De Partibus in infimo ventre contentis.

§. I. **M**edium ventrem priore capite expēdivimus, hoc infimi quoque ventris declarationem adjiciemus, & quidem eadem ſere methodo, quemadmodum medium ventrem tractavimus. Abſolute dicitur *venter* *ἄνθρωπος*, & diſtinctionis gratia *imū venter*, aliquibus & *abdomen*, verum improprie & ineleganter, cum id nomen porcis proprie competat. *Termini* ejus ſunt mucronata cartilago, latera, lumbi & oſſa pubis. Et hoc modo deſcriptus diſpoſci ſolet in *partes anteriorem, laterales, & poſteriorem*. *Anterior pars* alias tres complectitur, *ſupremam*, quam *hypochondria* proprie appellant; *mediam*, quam *regionem umbilicalem* dicunt: *inferiorem*, quam Græci *ὑπογάστριον* & *ὑποχάστριον*. Latini aliqui vero *ſumen* & *abdomen* appellant. Hiſ ſubjicitur *pubes*, cujus partes laterales nominantur *inguina*, & Græce *βυβίς*. *Supremæ partis pars media*, ſecundum longitudinem menſurata, appellatur *epigaſtrum*. *Laterales dehinc partes* Latini nuncupant *ilia*, Hippocrates autem *ἰσχυρὰ* dixit, quia molles & inanes eſſe forinſecus videntur. Denique *poſtrema pars* vel *ſuperior* vel *inferior* eſt. Illa nomine *lumborum* venit, hanc autem *Cluſtes* & *nates* appellant.

§. II. *Magnitudinem* infimi ventris quod attinet, ab anteriore parte ſere tertia parte longior eſt, quam thorax: à poſtica rurfus parte aliquanto brevior: at craſſities & latitudo notabiliter major, quam in thorace. *Figura* ejus propria vix eſt: licet tamen eam ad quadrangularem aliquatenus referre. *Temperamentum* ejusdem calidum eſt; minus tamen quam thoracis.

cis. Officium autem multiplex, in genere autem duplex, nempe *conferre nutritioni, & generationi*, sicut id ex particulari partium historia innotesceat.

§. III. *Partes infimi ventris* in specie sunt vel *continentes vel contenta*. Continentes rursus vel *communes vel propria*. Continentes communes sunt *cuticula, cutis, pinguedo cum sua membrana intertexta atque ossa*. Propria autem sunt *decem abdominis muscoli & peritonæum*. Contenta abdominis partes vel *nutritioni* inserviunt, vel *generationi*. Et quæ *nutritioni* inserviunt vel *coquunt*, vel *excernunt*, vel *deferunt aliquid*, vel *alio modo nutritioni* inserviunt. Primi generis sunt *ventriculus*, ad quem *gula* pertinet, deinde *hepar*, de *liene* aliqui idem asserunt. Secundi generis sunt *intestina*, deinde *renes*, cum *ureteribus* & *vesica*, ac *vesicula fellis*. Terti generis sunt *vena lactea*, deinde *vena sanguinea*: ac denique *arteria*. Quarti generis sunt *mesenterium*, quod *intestina* alligat; *pancreas*, cui *ventriculus* tanquam *pulvinari* incumbit; & *omentum*, quod *ventriculi & intestinorum calorem* fovet, ac *vasorum* variam *distributionem* firmat: alizque ignobiles partes in iis contentæ, ut *glandula*, & si quæ aliz.

§. I V. *Partes generationi dicata* aliqua ratione differunt in *viris & mulieribus*. Viri competunt partes, quæ vel *materiam seminis advebunt*, & *redundantem revehunt*, ut *vasa spermatica*: vel *materiam illam aliquatenus præparant*, ut *parastata*; vel *semen elaborant*, ut *testes*; vel *elaboratum semen deferunt ad partes* semen asserantes, ut *vasa deferentia*; vel *semen elaboratum asserant*, ut *vesicula seminaria*; vel *semen excernunt*; ut *prostrata*; vel *semen in uterum transferunt, & simul expellunt*, ut *penis*. Mulierum *genitales partes* sunt etiam vel *quæ seminis materiam advebunt, & redundantem revehunt*, nempe *arteria & vena*; vel *preparant*, ut *parastata*; vel *conficiunt & conservant*, ut *testes*; vel *in uterum aliumque convenientem locum immittunt*, ut *vasa deferentia*; vel *semen virile admittunt*, ut *vulva & uteri cervix*; vel *semina commissa conservant, & ad debitam perfectionem deducunt*; ut *uterus*. Sed quid de *nerviis*? Advchunt *spiritus animales* pro sensu & in quibusdā partibus pro motu, atque speciatim in partibus quibusdā genitalibus pro materia seminis.

§. V. De his partibus, quantum opus est, quædam attingemus, ita ut eas non ita secundum officium, verum secundum situm ordinemus. Ergo in dextro quidem *hypochondrio* *hepar* jacet, atque totam fere ejus regionem implet. Convexa ejus pars ad *diaphragma* vergit, ita tamen ut ab eo transversi circiter *digiti intervallo* distet, cava autem circa *ventriculum* jacet à *dextra*, ubi fere ad *dextrum renem* pertingit, & antè, ubi fere ad *mucronatam cartilaginem* pervenit. Hinc *magnitudo* etiam ejus cognosci-

gnoscitur, quæ tamen variat multum in diversis, ut ultra terminos recentitos se etiam extendat. *Figura* ejus rotunda sere est, superius convexa, intus cava, non tamen æquabili ratione. Nam & *protuberantias* ostendit, sibi locorum in concava parte, ubi vena portæ ingreditur, quæ *pilæ* seu *portæ* appellantur, & alium *exiguum* quendam *locum* molliore carne & rariore, quam hepar habet, præditum. Porro etiam *sinus* duos acquisivit: *alterum* parte dextra, quo vesiculam fellis recipit; *alterum* autem versus sinistram, ubi ventriculo transcunti cedit. In medio etiam cavitatis circiter *fissuram* obtinet, quæ *Ἀσφύνη* Herophilo vocatur, & venam umbilicalem admittit. *Conneditur* hepar convexa & superna sui parte diaphragmati intervntu ligamenti membranei lati & firmi, quod à peritonæo ubi ab inferiore parte diaphragma investit, enatum & transversum ad hepar deductum id postica parte alligat. Anterius vero cartilagini ensiformi lato ac duplicato vinculo, quod à membrana hepar operiente creditur proficisci, affirmatur: & umbilico per venam umbilicalem, quæ in adultis usu & cavitate deperditis vicem ligamenti obit. Contra cava sui parte beneficio venæ portæ mesenterio conjungitur, & intervntu venæ cavæ costis, & his instrumentis in sede sua permanet, de cætero suspensum.

§. VI. *Diversæ hepatis partes sunt, parenchyma* ejus proprium seu caro hepatis consistentia non adeo firma; *membrana* dehinc operiens; & *vasa* per hepar distributa: præcipue *vena cava* & *portæ trunci* ac propagines multiplices ramorum serie inter se conjunctæ; *arteria* autem pauciores sunt à dextro ramo arteriæ celiacæ exortæ; *nervi* pariter duo exigui à sexta conjugatione orti, qui per ipsius tunicam, ubi cavam partem tegit, disperguntur. *Temperamentum hepatis* calidum est moderate; quoad *secundas qualitates* moderate consistens, densum tamen & firmum; *propria* autem qualitates ignotæ nobis sunt. Per se hepar in loco suo quiescit, at quatenus vel sedemus, vel jacemus, vel stamus, vel respiramus, diversa quadam ratione huc vel illuc trahitur.

§. VII. *Functio hepatis est, sanguini primum rudimentum dare ex chylo.* Medici autem complures existimant, sanguinem in hepate plene confici. Contra autem sentiendum est, cum nec moram longam in hepate chylus trahat, nec calorem tam magnum possideat, nec sanguinem pro nutritione partibus communicet, sed universam substantiam, quam vasa ejus continent, ad cor transferat. Alii venis hepatis sanguificationem primariam transcripserunt, sed pariter non levi errore, cum nec temperamentum illarum huic operationi aptum sit, & fabrica earundem manifeste monstrat,

monstret, veltioni materiæ illas esse destinatas. His positis etiam illud corruit, quod communiter docent, in hepate generari spiritum aliquem, qui naturalis vocitetur, & in nutrimentum partium cedat. Sed id latius adhuc deducemus, cum postea de spiritibus agemus. Solvi ex dictis etiam potest quæstio: *Vtrum hepar sit pars princeps?* Nimirum habet quidem satis laudatum officium, attamen quia tota ejus operatio præparatio tantum quædam est, & quia corpus non gubernat, principis partis dignitatem neutiquam defendere potest. Sed *ecquid etiam hepar bilem separat a sanguine?* Apertum equidem est, quod in hepate separaretur, dum in vesiculam felleam bilis deponitur, attamen certa ratione astrui nequit, Vtrum hepatis vi secretrice, an vesiculæ bilariæ attractrice, aliave ratione contingat.

§. VII. Atque ista declaratio naturæ hepatis ac communis officii ejusdem est, nam particulare ut notum suppono, nomen autem à Græco est, ubi *ἥπαρ* pariter appellatur. Id autem unde sit ambigunt. Quidam deducunt à vocabulo *ἥπαια*, quod *inopiam* significat, quia ei judicatur succurrere. Et eodem sensu derivant ab *ἥπιος* quod est *benignum*. Alii ajunt derivari ab *ἥμις* quod significat *operor*, & *in sanguis*, quia censetur esse officina sanguinis. Aliis *ἥπαρ* dicitur ab *ἥρα* perforare, quia venis pluribus in locis perforatum est. Latinis vocatur *Iecur*, quasi juxta cor, quia vel situ à corde non valde remotum est, vel etiam dignitate ad ipsum proxime censetur accedere.

§. VIII. Hepati cava & dextra sui parte inserta est *vesicula biliaris* nomen suum inde sortita, quod vesicæ quidem parvæ obtineret similitudinem, officium autem haberet bilem ex hepate recipere, & in intestina expurgare. *Superior vesicula biliaris pars*, qua hepatis sinui ad id peculiariter exsculpto innascitur *cervix vesiculæ felleæ* vocatur, & plurimos ramulos ex hepate accipit, qui intervenæ cavæ radices s. ramos dispersi in substantia hepatis reperiuntur, & in cervicem desinunt, cui suprema parte oblongus ductus usum valvulæ præstans prætenus est. Eadem obtinet ductum quendam, qui ex producta cervice prodiens in finem intestini duodeni, aut principium jejuni desinit. *Inferior pars* ejusdē fundus dicitur, & oblongam rotunditatem exhibet. Foris membranam tenuem, intus autem crassiore, intæqualem mucosa materia obduratam, & omni fibrarum genere intertextam habet. *Usum vesiculæ felleæ* est *bilem ex hepate in se recipere*, & *in intestina per porum bilarium deponere*: Vltimum præstat contractione sui per fibras: at quoad primum dubium est, *an vesicula fellea bilem attrahat, an vero eam hepar aut vena in ductum ejus ad cervicem tendentes exoneret?* Posterius tamen

men probabilius est, licet quo id fiat modo declarari clare non possit. Vt illa bilis ex vasis expurgaretur abundantius & melius, natura alium quoque *meatum biliarium* fabricata est, quem *canalem biliarium* vocitant. Enascitur idem non procul à cervice cystæ biliaris pariter multiplici ramorum serie inter radices venæ cavæ dispersa & ad intestina viam affectans, cum meatu bilario cystico conjunctus, ut communis ductus fiat, pariter se in intestina exonerat. Iudicant aliqui ex hoc canali prius in vesiculam felleam bilem deponi, & postea ex ea in intestina derivari. Sed refutantur partim experientia, partim ratione, quod tum non solum natura ambages quæ situra, sed sibi ipsi remoram positura fuisset, si per eandem viam ad vesiculam fellis bilis adduceretur, & per eandem expurgaretur. Alii ergo censent, tenuiorem quidem bilem per vesiculam felleam, sed crassiorem per canalem biliarium expurgari. An vero propter redundantem copiam bilis duplicem ejus educendi viam à natura fabricatam dicemus? Vivorum anatomie id amplius edocere poterit, sicut & id per anatomicam experientiam amplius inquiri debet, quod de valvulis diversis in vesicula fellea dissentientibus opinionibus disquirunt, nisi dicere velimus ludere quandoque naturam, & Autores quoque, dum sæpe idem sentiunt, sed diverso modo loquuntur.

§. I X. Ex adverso hepatis in sinistro hypochondrio paulo depressius quam hepar, totum tamen adhuc sub costis spuris postica magis parte situs est *lien*. *Splen* etiam vocatum viscus, *σπλην* *σπλῆν*, h. e. *trahere*, quia trahere creditur illuviem impuram sanguinis, aut portionem aliquam chyli ad confectionem portionis sanguinis. Alii vero id nomen derivant à *σπλῆν* *σπλῆν*, quia ad hujus colorem in adultis abit: aut putant dici q. *σπλῆν*, à *σπλῆν*, *macula*, *vitiligo*, *nota*, quia colligere creditur sanguinis *σπλῆν*, h. e. *fraces*. *Figuram* obtinet aliquando triquetram, aliquando & sæpius quidem quadrilateram altera parte longiorem. Hippocrates eam expressurus dixit *lingua bubula* esse similem, Aristoteles autem *lieni suis*. *Foris* gibbus est lien, intus cavus, atque circa medium cavitatis notanda illa albicans linea, quæ *σπλῆν* vocatur, & quo loco vasa in lienem procedunt. *Connectitur* superne diaphragmati, *inferne* omento & reni sinistro, à *latere* peritonæo, tenuibus membranis: at aliis vicinis partibus, ut ventriculo & intestinis ac pancreati interventu vasorum. *Componitur* ex propria carne viscerosa, eaque rara ac spongiosa, & quidem magis quam hepatis caro est: colore est in adultis nigricans plerumque, in pueris autem & quandoque in adultis etiam rosea, sicut caro hepatis: temperamentum ejusdem moderate calidum

calidum est, ac ad siccitatem vergens. Ea lienis caro membrana tenui, crassiore tamen, quam hepatis competit, coercetur, quæ creditur à peritoneo originem suam capere. Dehinc vasa omnis generis continet, attamen maxime plurimas arterias, quæ multiplici omnino serio per substantiam ejus disperguntur.

§. X. *Quale officium lienis competat, varie omnino differitur.* Recepta apud multos Medicos sententia est, quod lien melancholicum humorem ex hepate trahat, eumque conservet, & tandem exoneret: verum ejus sententiæ falsitatem jam plurimi agnoverunt. Neque enim vel melancholicus humor in liene invenitur, neque etiam inveniri potest, cum neutiquam cavus sit, ut eum recipere possit: in vasis autem cum asservari nemo facile credet, & defuncti ipsi viæ, quibus melancholicum sanguinem admittat, & quibus exoneret. Alii ergo censent, quod lien hepatis quasi spurium sit, adeoque sanguinem pariter elaboret, non quidem tam perfectum quam hepatis, attamen commodum, pro nutritione viscerum in abdomine contentorum, ad quæ pleraque venæ portæ rami pertingunt. Verum etsi concedo lienem ad sanguificationem conferre, neutiquam tamen admittere possum, quod sanguinem elaboret. Nam neque materiam habet aut accipit, ex qua sanguinem faciat, neque eam pro nutritione partium distribuit. Primum exinde liquet, quod neutiquam chylus ad lienem perveniat: alterum autem, quia, ut docet autopsia in vivorum dissectione, venæ portæ rami sanguinem omnem versus hepatis vehunt. Exin patet, neque humiditates ex ventriculo in lienem adduci, utpote cum nulla vasa appareant, per quæ illa deductio fieri queat. Quapropter quoniam lien solum aliquid accipit per arteriam celiacam, & per ramos venæ portæ se in hepatis effundit, atque illud, quod in eo sit, fermentandi vi prædeditum est, illorum opinionem probo, qui ajunt in liene elaborari aliquod q. fermentum, quo chylus facilius in sanguinem convertatur. Atque ideo etiam venæ lacteæ, cum non proprio trunco se in hepatis exonerant, succum suum in ramos venæ portæ deponunt, ac sic cum fermento eo confundunt, ut una cum eo tandem per truncum venæ portæ in hepatis, & consequenter in venam cavam deducatur, per quam deinde in cor devenit.

§. XI. In postica & superiore parte abdominis ad primam lumborum vertebra sub ventriculo per ejus latitudinem, non tamen integram dispositum est *pancreas*, seu *calicreas*, nomen inde sortitum, quod totum carneum sit. *Substantia* etenim ejus tota *glandulosa* est, spongiosa nempe ac rara, apta imbibendis quibuscunque humiditatibus. Clauditur autem

*membrana tenui à peritonæo prognata. Vasa omnis generis nactum est, venas quidem à vena portæ, arterias autem à ramo cœliaco, & nervos à sexta conjugatione ex cerebro prodeunte. Præter ista autem peculiare aliquod vas obtinet, cujus quidem veluti truncus per longitudinem pancreatis projectus, at rami hinc inde per omnem ejus dimensionem divisi sunt. Desinit idem vas insigni & notabili orificio in intestini duodeni finem aut jejni principium, vel conjunctum meatui bilario, vel non procul ab eo situm. Primus id vas Patavii observavit D. Ioannes Georgius Wirtfungus, post autem ab aliis quoque notatum est. Quis sit usus hujus vasis ambigue ab Autoribus pronunciatum est. Aliqui judicarunt id nutritioni pancreatis inservire, verum male quandoquidem diversum omnino à venis & arteriis est, & huic visceri peculiare. Neque etiam inservire potest chyli ad hepar deductioni, quandoquidem aperto foramine communi cum ductu felleo per pancreas disperso, aut proprio in intestina hiat. An ergo judicabimus, probabile esse, quod per illud collectæ impuritates in abdomine, & à pancreate imbibitæ in intestina expurgentur? Ita sane videtur, & conspirat eo tota substantia pancreatis glandulosa, cujus quidem generale officium est imbibere humiditates quasque. Sic liquet etiam quodnam sit pancreatis officium præcipuum. Præter id tamen & alterum possidet, quod ad instar culitræ ventriculo substratum sit, atque calore quoque suo ventriculi calorem juvet, aut saltem sua obfistentia dispersionem ejus prohibeat. Terrium porro quoque obtinet vasorum ibi locorum divisionem tutiorem reddere. Quanquam autem ista sic probabiliter defendi possunt, tamen insedit plurimorum mentibus firmiter ea opinio, quod ad chyli elaborationem & translationem ad hepar pancreas conferat. Hinc pancreas *lactes* nominatum apud Veteres ajunt, & plerumque albo & lacteo humore imprægnatum inveniri urgent. Hinc evenire quoque arbitrantur, quod illud vas plerumque inveniatur vacuum, non secus quemadmodum & venæ lactis suo succo destitutæ concidunt. Magnum etiam robur opinionis huic affert, quod de lacteis agens Asellius notavit eas in pancreas notabili ramo propagari. Siquidem res plene constaret, illa argumenta expediri facile possent, verum ingenuè fateor, me in vivis reicclare nondum deprehendere potuisse. Id tamen una observavi cum Clarissimo Viro D. Ahasvero Schmitnero, Sympatriota ac Amico conjunctissimo, in brutis ac maxime in canibus magnam quandam glandulam in medio mesenterii circiter inveniri diversam à vero pancreate, quam pancreas Asellio appellari censuimus, præsertim cum pictura ab Asellio posita*

posita ei quadraret, & verum esse deprehenderemus, quod in ea multiplex venarum lactearum series dispergeretur, quarum divisionem illa glandula fulciret, & propterea opinioni ultimæ recensitæ hæcenus accedere non potui.

§. XII. Supra pancreas inter hepar & lienem superna abdominis parte sere ad umbilicum extensus situm obtinet *ventriculus*, ita vocatus, quia quasi parvus venter est. Græcis etiam absolute *γαστήρ* & *κοιλία* appellatur. *Figura* ejus utricularem tibiâ Musicorum eleganter exprimit. Nam gula quidem unam, sed intestinum duodenum appendens alteram fistulam, ac interjecta pars corpus istius instrumenti repræsentat. Corpus ventriculi, superiore parte, qua sinistram orificium insertum habet, versus sinistram partem aliquantum inclinât: at inferiore magis fertur in dextrum latus, ita tamen ut dextra pars sit gracilior & acclivior, sinistra autem capaciôr ac profundior magis rotunda. Totum ergo oblonge rotundam figuram habet. Nominatur *fundus ventriculi*, improprie tamen, at partes illæ, quibus accipit & expellit, rectius vocitantur *orificia*. Duo horum ventriculo tribuuntur, *sinistrum*, quod vulgo *superius*, & alias absolute *os ventriculi* ac *stomachus* quandoque vocitatur: ac *dextrum*, quod *inferius os ventriculi*, & *pilorum* appellant. Sinistram sinistram parte locatum est, ac cibum potumque accipit, simulque clausum egressum ejus, ac fuliginum in caput assensum, calorisque dissipationem prohibet. Dextrum autem dextra parte constitutum pariter superiore ventriculi parte janitoris vicem gerit, atque cibum concoctum in intestina emittit, & inde est, quod *pilorum* nuncupatur: *Conneâitur* ventriculus superno suo orificio gulæ, inferno intestino duodeno; inferna & sinistra parte cum omento, ac alioquin libere pendet. *Constat ex triplici tunica* omni fibrarum genere intertexta. Earum *extima* à peritonæo est, & fibris rectis donata, *media* deinde tota carnosa est, & maxime transversis fibris prædita, aliquas tamen etiam obliquas possidet: *intima* vero magis est firma, nervea aut quasi tendinosa valdeque rugosa, ac omni fibrarum genere dotata. *Orificia* ventriculi firmiora sunt, ac sinistram quidem fibris carnosissimis orbicularibus undique munitur, ut exactius claudire posset: & dextrum præter transversas fibras, quibus firmatur, intrinsicè quoque crassum spissumque circulum in modum musculi sphincteris undique ambientem pro apertione & clausione accuratiore habet.

§. XIII. *Quodnam sit ventriculi temperamentum* non ita palam est. Nam cum ventriculus totus ex membranis constet, frigidum esse deducitur. contra autem, quia coquere & alterationem ciborum præstare debet, cau-

lidum ipsi attribuendum fuisse facile intelligitur. Hinc variz Autorum sententiz. Alii judicarunt per membranas ventriculi plurimum calidæ ac radicalis substantiæ distributum esse, propter quam & calidum temperamentum, atque simul vim cibos in chylum mutandi habeat. Alii ventriculo vim coquendi omnino denegant, & receptaculi munere omnem ejus virtutem circum scribunt. Et hi quoque dissentiunt. Nam sunt, qui vel fermentum, vel spiritus, vel aliud contentum in ventriculo contineri existimant, cujus vi chylicatio obeatur. Contra quidam existimant hepar, lienem, ac infra ventriculum vasa, superne autem diaphragma quasi ignes calorem ventriculo tanquam lebeti imprimere. Neque desunt, qui cibos suo proprio calore coqui existimant. Singuli rationes non leves pro sententiæ suæ confirmatione asserunt. Hinc in eam opinionem venio, in iis singulis discrepantibus sententiis aliquid veri esse. Ideoque ventriculum non ausim absolute frigidum pronunciare, neque ita calidum asserere, ut solo ejus calore chylicatio perfecte obiri queat. Sed in auxilium voco tum contenti fermenti ciborumque calorem, ac calidorum circumjectorum corporum viciniam.

§. X I V. Hinc constat, quid de *functione* seu actione ventriculi dicendum sit. Nimirum præter *privatam functionem*, qua nutritur & sentit, vel *primaria* vel *secundaria publica* illi obtigit. *Primaria* est mutatio alimentorum in chylum, quæ chylicatio appellatur, & plurium substantiarum corporearum calore unito peragitur, ita tamen ut primariam operationem & denominationem ventriculi & fermenti ejus calor reportet. *Secundaria* est diversa, nempe attractio ac receptio alimenti, ejusdemque comprehensio, ac denique concocti expulsio, & quælibet inotu fibrarum peragitur secundum diversam partem & diverso motu à diversis facto, quod quidem aliquatenus circa functiones declarare annitemur, sed maxime tanquam divinæ benignitatis, ac sapientissimæ ordinationis speculum mirabimur.

§. X V. Antequam à ventriculo abeamus, prius de *gula* quoque quædam hoc loco adducenda sunt, cum ejus explicationem in hunc locum distulerimus, ut sicut ventriculo est conjuncta, ita tractatione ab eodem non avelleretur. Appendix quasi ventriculi est, & ductus quo alimentum in ventriculum deducitur. Superne à faucibus, & linguæ radicibus initium capit, & infra asperam arteriam supra vertebrae colli & quatuor priores thoracis recta deorsum tendit, at circa quintam vertebrae trunco arteriæ aortæ descendentis cedens aliquantum versus dextram declinans cum ea ad nonam vertebrae deorsum progreditur, ibi beneficio membranarum aliquantum

quantum à vertebra versus medium thoracis deducta arteriam transscendit, ac diaphragmatis foramen læva parte perforat, & circa undecimam vertebra in orificium ventriculi sinistrum desinit. In hoc itinere diversis partibus committitur. Nam intima ejus membrana eam pharingi firmiter alligat, & de ea quasi suspendit: rursus externa cum in collo tum in thorace eandem cum vicinis partibus connectit, ut totum ventriculum aliquatenus infra suffultum etiam cibus repletum citra molestiam sustinere possit. *Figura* teres & oblonga est, instar fistulæ aut canalis, & pari ratione ex tribus membranis ut ventriculus componitur.

§. XVI. *Vfus* ejus est, esse viam, qua alimenta ex ore in ventriculum transeant, ad quod opus est, ut dilatetur, & deinde se constringat pro ciborum descensu. *Dilatatio* respectu gulæ se passive habet, & fit, quando à ciborum mole latera ejus ab invicem recedunt: in principio tamen ejus superna parte sunt, qui ei officio musculos quosdam præstent, ut eorum ratione vera ibi actio esse censeatur. Vbi gula alimentum accepit, judicant aliqui, quod solo suo pondere in ventriculum deorsum ruat, sed etsi concessero, id aliquid eo facere, primo tamen eam functionem tum fibris per membranas dispersis, tum musculis angustantibus superna parte gulam ascribo, utpote cum nec frustra illa gulæ data sint, & sui constrictione hoc præstent, atque nos etiam experiamur, si quid ingrati acceperimus, contractione fibrarum ab infra sursum illud vi expelli. Hæc alimenti traductio *deglutitio* vocatur, & ea ratione, quam insinuavi, contingit. Vocatur *gula* Græcis *διεισφάγις*, ab *εισ* *fero*, & *φαγνμα* *alimentum* ab eo usu, quem præstat. Aliquando & *σίμαχος*, sed id vocabulum forte magis proprie orificio ventriculi sinistro quadrat. Nam derivatur à *σίμος*, & *ἀγχο* *coarctatio*, *angustus*, ut idem significet, quam *os angustum* aut *strictum*, aut *os constringens* & *coarctans*, quale respectu ventriculi id orificium est.

§. XVII. Habet id orificium, in quod gula desinit, magnum cum corde consensum, unde dolores ejus *καρδιαγῆλος* & *καρδιογῆμος*, quasi *cordis dolores* appellarunt, & ipsum orificium vocaverunt *καρδιαν*. Vnde ille consensus oriatur, dissentient Auctores: aliqui id viciniam ascribunt: aliqui nervis communibus. Sed nec vicinia ejus ad cor tanta est, quin aliæ partes viciniores minus cum corde conspirantes dentur; & pariter cor cum aliis partibus, quæ eisdem nervos acceperunt, non tam valide consentit. Iudico ergo eum consensum cum corde esse tantum communem, prout cor eum omnibus partibus conspirat: sed speciatim retractum, quia orificii hujus sensibilitas aliarum partium sensibilitatem superat. Sic enim promptissime in animum

ih animi deliquium ex dolore valde sensato homines incidere, quotidiani experientia & praxis Medica evidentissime convincit. Atque adeo hanc iudico præcipuam magni consensus causam, ut ut alias tanquam concurrentes & secundarias admittere possim.

§. XVIII. Cum piloro seu dextro ventriculi orificio continuantur simili ratione *intestina*, ut cum sinistro gula: atque etiam cum ventriculo in pluribus conveniunt. Pariter enim triplici ex membrana diversis fibris intertexta constantur, verum foris pinguedinem satis copiosam adnatam ostendunt, qualem ventriculo adjici vix advertas. Intus etiam mucosâ quadam substantia obducta inveniuntur, qualis non raro & in ventriculo notatur. *Figura* deinde oblonga & tereti constant, & *longitudine* ita proluxa prædita sunt, ut sexies longitudinem ejus corporis, in quo reperiuntur, æquent. *Situs* suum in infimo ventre obtinent, cujus universam fere capacitatem variis flexibus occupant, unde forte speciatim illis hoc nomen tributum est, ut *intestina* & *interanea* Latinis, & Græcis *ἐντερὰ* dicta sint. Alias tamen propter bilem, quæ in ea effunditur, & per ea expurgatur *χολαίdis* quoque appellantur, licet alij hoc nomen deducant *τὸ τῷ χαλῶν* i. e. *laxare, remittere*, quia laxata sunt. Chordæ quoque vocitantur à Barbaris Medicis Latinis, & antiquis quibusdam Græcis, quia *χορδή* i. e. *esca* per *intestina* vadit. *Connectuntur* in sui origine cum piloro, ut insinuatum est, ac melius in suo loco firmantur quatenus magna ex parte ossibus ilium incumbunt, & ope mesenterii, & alicubi & omenti, dorso alligantur. *Vfus* intestinorum est, inservire chyli cocti separationi, & deductioni ad hepar, ac excrementorum primæ coctionis collectioni ac eorundem cum bile redundantem & excrementis quibusdam tertiæ coctionis excretioni. Ad separationem illam chyli & excrementi iudico non nihil conferre bilem, utpote vi liquandi præditam, & ad eundem finem censeo utilem valde esse carnosam eam crultam, quæ in tenuibus maxime intestinis vasis lacteis præposita est. Nam cribri vicem obtinere videtur, dum per eam tenue coactum in venas lacteas quasi colatur, & trassum ulterius promovetur. Verum *an intestina etiam concoquendi quadam vi prædita sunt?* Non ausim negare, non solum quia simili temperamento cum ventriculo gaudent, verum etiam quia in excrementis alvinis aliam quandam concoctionem notamus, quam in ventriculo factam esse credibile est. Statuendum tamen est, eam virtutem multo imbecilliozem in intestinis esse, quam in ventriculo, atque ideo pauciora quoque somenta accepisse, nempe præter omentum supertensum, & pinguedinem adnatam vasaque quædam, nulla alia. *Me-
tum*

tum etiam intestina proprium habent, quem peristalticum appellant, quæ à supernis deorsum contenta propellere possunt.

§. XIX. Dividuntur *intestina* in *tenuia* & *crassa*, sumpto distinctionis fundamento à diverso modo substantiæ, seu diversa habitudine qualitarum maxime secundarum. Nam *crassa* crassiora duriora & solidiora existunt, quam *tenuia*, quæ ipsa cum ventriculo compositione & substantia conveniunt. Differunt tamen & usu. Quippe *tenuia* intestina magis ad chyli separationem, *crassa* autem ad excrementorum expulsionem faciunt. Vtriusque generis tria recensentur, *tenuium* quidem *intestinum duodenum*, *jejunum* & *ileum*: *crassorum* autem *cæcum*, *colon*, & *rectum*. De his ordine pauca quædam adjungemus.

§. XX. *Intestinum duodenum*, & Græcis *διωδεδυμένον*, nomen accepit, quia circiter duodecim digitorum transversorum longitudinem nactum est. Principium habet à piloro, cui conjungitur, & postica parte ventriculi recta deorsum tendit, & definit in jejunum. Viam fere solam chylo præstat, qui gravitate & recto itinere deorsum in *intestinum jejunum* deducitur. Sequitur *jejunum* *intestinum*, ita vocatum, quia plerumque inane invenitur, cum cadavera aperiuntur. *Originem* capit juxta posteriorem partem ventriculi sub colo, eo loco, ubi intestina torqueri incipiunt, & variis convolutionibus fere universam regionem umbilicalem occupat, & in *intestinum ileum* definit. Circa hoc *intestinum* speciatim observandum est, quod interior ejus membrana multo sit longior quam exterior, unde accidit, quod interna parte plurimis *plicis* inæquale redditum sit. Illæ eum usum præstant, ut impendant celerem nimis chyli propagationem, & simul dum ille comprimitur, faciant, ut cum alibi non detur egressus pressus chymus in venas lacteas derivetur. Huic quoque intestino circa principium inseritur porus biliaris eructans in id *intestinum* bilem, quæ confert partim pro lusione chyli, partim pro irritatione, ut subito excrementum relictum ulterius transeat. Etiam plurima vasa, & uberrima copia venæ lacteæ huic eidem intestino obtigerunt, quarum ope evenit, ut celeriter chylus ex eo exsugatur, atque, cum pariter reliquum irritatione bilis propagetur, hinc adeo contingit, ut frequentissime vacuum reperiatur, atque inde nomen acceperit, quod jejunum appellatur. Huic jejunum connectitur ea parte circiter, ubi vasorum multitudo minuitur, *intestinum* tenue tertium longissimum omnium, at rursus non ita capax, unde apud Veteres *λεπτιν* h. e. *tenuis* vocatum. Posteriores *Ileum* vocarunt ab *ελεῖν* quod *circumvolvi* significat, quia intortum flexumque est, & ab eo dixerunt *ασθενικὸν* *ileum*, quæ

volvulum Latini vocant, quia in hoc intestino cum crediderunt contingere. Auctoritate tamen Veterum destituuntur, utpote qui *iliacum* affectum à specie sua, nempe convoluzione sic appellarunt, non ab ileo intestino, seu subiecto, utpote cui hoc nomen nunquam tribuerunt. Occupat hoc intestinum reliquam partem regionis umbilicalis, & inaxime hypogastrium, & magnam partem ad ilia utrinque & coxas consistit. Multo pauciores in hoc intestino plicæ sunt, & maxime circa finem, ubi fere plane non apparent. Conducit hoc intestinum ulteriori chyli separationi & translationi reliquiarum ejus ad hepar, unde diversæ venarum lactearum propagines in eodem observantur:

§. XX I. Iuxta dextrum renem, ubi finiuntur intestina tenuia, inchoant crassa intestina, quorum primū tribus omnibus ponitur *cæcum*, verum quoddam illud sit, non eodem modo apud omnes declaratur. Conveniunt in eo, quod *cæcum* intestinum ideo vocetur, quia uno solum foramine præditum est, unde & *monoculum* Barbaris appellatur, sed quod illud sit non distincte à Veteribus est explicatum. Recentiores non pauci loco cæci intestini nobis ostendunt appendiculam illam, quæ insit lumbrici crassi ac teretis & in orbes convoluti à latere fini ilci intestini adhæret, & foramine suo in id hiat. Attamen videtur aliis, quod Galenus hoc nomine indigitarit globosam illam & exsertam partem, quæ in principio intestini Coli jacet, & pariter uno solum foramine gaudet. Quicquid sit, hoc constat, utrumque illud, quod monstratum est dari, ut reliqua controversia de nomine & sensu Auctorum tantum sit. Ista ergo dimissa notamus, quod appendix illa, quam Recentiores *cæcum* intestinum vocitant, insætu secundum proportionem reliqui corporis major sit, quam in adultis, & quod in illis excrementis plerumque plena inveniatur, cum in adultis id fiat rarius. Hinc aliqui censent, officium istius appendicis esse excipere excrementa, quamdiu fortis in utero est, ne in aliis intestinis exitum molientia præscriptum naturæ turbent. Ideo cessante hoc usu in adultis invenitur plerumque inane, & secundum proportionem incrementi reliqui corporis neutiquam accrescit. Istud quoque circa illam recte observatum est ab Anatomicis quibusdam, quod substantia & magnitudine melius conveniat cum tenuibus, quam cum crassis intestinis, & quod solius numeri æquandi aut cum Veteribus loquendi gratia in crassorum censu numeretur. Cæterum globosa illa & notabilis pars juxta principium intestini coli substantia & amplitudine intestino colo similis est, & nisi pars coli censetur, omnino intestini crassi accensenda venit. Officium ejus esse voluit reliquias chyli colligere,

colligere, sed non absurdum esse reor, ipsi assignare officium colligendi & aliquamdiu continendi excrementa alvina, & sic implere similem usum, quem cellulae in intestino colo præstant.

§. XXII. Verum dimisso intestino cæco, cujus obscura & cæca quasi explicatio, accedamus ad intestinum *colon*. Hoc ad dextrum reinem, cui etiam ope membranæ externæ connectitur, ab ileo intestino & tereti illa appendice ortum sursum sub hepate, sub quo quandoque ab adjacente vesicula fellea flavedine tingitur, ad ventriculum tendit, dehinc fundo ejus beneficio vasorum & membranarum affirmatum super intestinum jejunum per transversum abdominis versus liencin procedit, cui tenuibus membranis junctum deinde deorsum ad sinistram reinem pervenit, & eidem alligatur, ac postea obliquis gyris primum sursum latum dehinc recta in intestinum rectum definit. Hoc intestinum licet non ita valde longum sit, tamen crassissimum est, ut inde aliquando simpliciter & per excellentiam *intestinum*, h. e. *intestinum*, & *hypocolon*, etiam, h. e. *solum intestinum* vocitetur. Vfus ejus est colligere excrementa alvina, & conservare in tempus excretionis commodum. Et quidem quoniam metuendum erat, ne fæces alvinæ regurgitarent in intestina tenuia, aut saltem tetros vapores, quibus chylus inquinari posset, exhalarent, ad principium intestini coli *valvula* præposita est, quam expansæ membranæ modo describunt, sed sæpiissime Clarissimus Falcoburgius monstravit, circuli exstantis figura donatam esse, quemadmodum & in brutis semper reperi. Deinde quoniam parum conveniens erat, ut homo continuo egerendi appetitu à sapientiæ studio & civili conversatione abduceretur, cellulae diversæ ex corrugatione tunicarum fabricatae sunt, quæ ne conciderent ligamento medii digiti circiter latitudinem obrinente & foris secundum ductum per totam longitudinem circa mediam intestini partem excurrente cautum est. Ex his cellulis accidit, quod ejectione una ejectionem alteram sequatur, & non subito excrementa simul exonerentur. Sunt istæ cellulae ad exortum & progressum hujus intestini magis notabiles, at sub finem paulatim dispereunt, ut hinc appareat, infimam partem intestini coli citius fæces transmittere, quam superior facit. Notandæ in hoc etiam intestino sunt *appendiculae* illæ pingues, in obœsis maxime conspicuæ, quæ illi ubi à liene versus intestinum rectum progreditur humectandi gratia, ut facilius fæces propagari possint, adnatæ sunt. Hoc loco nec illud omittendum est, membranas interiores seu proprias multo crassiores esse, quam in intestinis tenuibus, maxime ubi ad intestinum rectum accedit. In fibris quoque illa observatur diversitas, quod in

interiore coli membrana plurimæ transversæ & circulares fibræ occurrant, paucæ autem rectæ, ex quæ satis obscuræ: cum contra tunica interior intestinorum tenuium obliquis gaudeat, & aliquot rectis, sed exterior transversis.

§. XXIII. Vltimum intestinorum est *rectum*, à recto ductu directæque productione nomen sortitum. Alias vocatur & *æξω*, quia vel *ἄξω*, h. e. *principium* intestinorum est, utpote vltimum, quod reciproca numeratione primum est; vel quia quasi *ἄξω* h. e. *princeps* sæpe contra nostram voluntatem à negotiis nostris nos avocat ad parendum sibi & naturæ. *Oritur* ab intestino colo circa summum ossis sacri, & recta deorsum tendit ad imum os coccygis, interea iis ossibus *alligatum* interventu peritonæi. *Connectitur* tamen etiam antèrius peni in viris, & uteri cervici in mulieribus per musculosam quandam substantiam, ex qua oritur partium istarum evidentissimus consensus. *Substantiam* eandem, quam colon habet, longitudine tamen & crassitie multum illi cedit. *Officium* ejus est, excrementa recta deorsum mittere, *An id fiat solo descensu sacum ob gravitatem, an etiam actione quadam hujus intestini* ambigitur? Ego posterius amplector, & confirmo, quod in tenesmo vanum sentitur istud egerendi desiderium, & nos advertamus urgeri nos ab hoc intestino, & observemus impetu quandoque scæces egeri. Et quare fibris alioquin donatum esset? Natura quippe nihil facit frustra. Finis intestini recti dicitur *podex* & *anus*. Obvenerunt ei *tres musculi*, *unus* latus & orbicularis est, ab inferioribus ossis sacri vertebribus initium capit, & transversis fibris insignitus notabili spatio undique intestinum rectum ambit. Ejus *officium* est, undique anum constringere, ne involuntarie nobis excrementa effluant, quod accidit in paralyti hujus musculi. Hinc *ani constrictor* vocatur à Latinis, & Græce *σφιγκτηρ* à *σφίγω*, *stringo*, *constringo*. Hunc musciculum quidam in duos dirimunt. Nam superiore quidem parte carnosior est, at inferiore ubi cum cute conjungitur nervosior, atque cuti similior, inde hanc partem *sphincterem cuticulosum*, illum *transversum* vocitant. Res constat, in numero non est querenda controversia. *Connectitur* hic musculus antèrius vesicæ meatui per fibrosos nexus ac peni in viris, & collo uteri in mulieribus. Postica parte ossi coccygis subiecto incumbit, & ad latera per ligamenta ab osse sacro in os coxæ producta firmatur. *Duo* alii musculi vocantur *ani levatores*, quia eorum officium est anum in suo loco retinere & post excretionem maxime validam in suam sedem retrahere. Exigui sunt, tenues ac membranosi, ac à ligamentis ossium pubis, coxendicis & sacri à parte interna originem fumentes deorsum tendunt

dunt ad podicis utrumque latus, ac superiori parti sphincteris inferuntur. Quoniam in his portio quædam peculiaris & distincta radici penis aut collo uteri adnata advertitur, tertium eum quidam ani levatorem esse volunt, & hinc evenit quod in recensendis ani musculis alii Anatomici plures, alii pauciores numerent.

§. XXIV. Intestina enumerata omnia in suo loco firmantur ope Mesenterii, quod inde nomen accepit, quia *μέσση τῶν ἐντέρων* h. e. *medium inter intestina* est. Cicero etiam *medium intestinū* vocat, lata acceptione intestini, pro quacunq; parte interna. Oritur mesenterium à prima & tertia vertebra lumborum ligamenti validis, & in medio quasi circulare, at à dextra & maxime à sinistra longiusculam appendicem habet, quæ & ileo utrinque, & in sinistra parte etiam musculo, qui *ψῆος* dicitur, connectitur. Media ejus pars proprie *μισαίριος* appellatur, quia *μέσση τῶν δ'αίμων* scilicet *ἐντέρων* h. e. *medium tenuium intestinorum* est: at reliqua pars nuncupatur *μισοκύλος*, quia alligat intestinum colon, licet sinistra parte etiam intestinum rectum conjunctum habeat. Duplici ex membrana constat, pro majori robore & firmiore vasorum traductione; & *fibræ* pariter omnis generis donatum est, ut & extendi & contrahi posset. Mirum est, cum in exortu *palma magnitudinem* vix superet, quod tantam intestinorum longitudinem in se comprehendere possit. Sed natura id obtinuit, quatenus cum ad circumferentiam procedit, pluribus plexibus involutum est, licet nec sic æqualem cum intestinis extensionem acceperit. *Pinguedine* etiam plurima aspersum est, pro humectatione & irrigatione, & forte defensione quoque vasorum. Attamen maxime pro vasorum divaricatione firmanda diversæ glandula mesenterio obvenierunt: inter quas circa centrum una præ reliquis maxime notabilis est, quam supra *Pancreas Asellii* videri esse supra notavimus. Nam venarum lactearum in ea magnus quidam concursus est, & quasi terminus quidam, ex quo accidit, ut hæc scirrhus correpta aut alio modo ab usu suo desistente universum corpus marcore consumatur, utpote non accipientibus visceribus sanguinis elaborationi præfectis chylum, ex quo sanguinem elaborent, aut saltem non sufficiente copia, ut ita paulatim deficiente nutrimento corpus contabescere necesse habeat. Ex dem glandulæ tamen etiam impuritates infimi ventris absorbent, nisi hoc officium ascribere velimus pancreati, in quo supra ductum inveniri notavimus, per quem saburra illa vitiosa commode in intestina expurgari queat.

§. XXV. Vtrinque in lateribus sub hepate & liene inter ultimam costarum spuriarum & ossa coxa, ea parte, qua corpus in latera fleximus,

positi sunt *Renēs*. Nomen habent à *ῥῆνι*. e. *fluo*, quia serum per eos fluit, & Græcis dicuntur *ῥῆναι* forte ob eandem causam. Nam *ῥῆναι* significat *no, fluo*, & *ῥῆναι* sero, renes autem deferunt serum seu fluxilem humorem. Duo sunt numero renes, situmque eum habent, quem diximus, attamen non directe sibi ex adverso jacent, vel quod quidam arbitrantur, ne sibi in attrahendo sero officerent, vel quod non improbable, ut cederent partibus superpositis. Ideo dexter ren inferior aliquantum sinistro est in homine, quia nempe hepar in dextro latere se profundius dimittit. Potest tamen & coniungi utraque hæc causa. In hac sede interventu membranæ externæ postica parte affirmantur musculus primis femur flectentibus, quos *ψῆναι* Hippocrates appellat, utpote quibus sima parte incumbunt: atque etiam diaphragmati: & dehinc ejusdem membranæ beneficio dexter intellino cæco alligatur & quandoque jecinori: sinister autem intellino colo & lie- ni. Dexter plerumque sinistro aliquanto major est, non tamen ita notabiliter, quin circiter communi mensura possint determinari. Nam longitudi- ne fere quatuor vertebrae æquant, latitudine tres digitos, & crassitie pol- licem. *Figura* exterius laves sunt, & phaseolum non male exprimunt. Ali- qui etiam asari folio assimilant, si plana pars illorum consideretur.

§. XXVI. Diversis ex partibus renes constantur, aut saltem diversæ partes ad eos pertinent. Principio occurrit *membrana renum externa*, à peri- tonæo orta, & plurima pinguedine perfusa, unde *membrana adiposa* nomen apud quosdam sortita est. Hæc pinguedo aliquando ita copiosa est, ut re- nes sub ea prorsus abscondantur & lateant, ut minus cautis abesse videri possint. Notabile tamen est, quod in dextro latere minus copiosa pingue- do reperiatur, forte ob calorem abundantiorum. Ista membrana renes in se continet, quasi in matrice, unde Spigelio *ῥῆναι* dicitur: aliis autem vocitur *renum fascia*. Postea renibus obrigit *membrana specialis* seu *propria*, quæ immediate parenchyma ejus investit. Originem capere existimatur à communi tunica vasorum in renes abeuntium. *Carne* deinde nulli alteri parti convenienter præditi sunt, gratissimo rubore splendente. Firmitior est, quam hepatis aut lienis caro, & temperamento forte calido illis non cedens. Hæc ea parte, qua vasa inulgentia accipit, cava est, & quidem ad ductum istorum vasorum. Est vero ille hujus modi. Cum vasa illa in renes duplici ramo ingressa sunt, uterque vicissim in quatuor aut quinque scindi- tur, & vicissim in minutulos ramusculos, ut sic serum melius expurgari possit. Ad extremitatem illorum ramulorum *caruncula* à signa papillares vocatæ conlittitæ sunt pisi magnitudine, & in medio earum quandam sed
valde

valde tenuem ductum ostendentes, per quem judicandum est serum in tubulos ureterum destillare. Porro antèr insignis cavitas est, membrana undique tecta, quam *pelvim & infundibulum* appellant, cujus membrana originem tribuit *ureteribus & ejus tubulis*. Quippe ex ea pariter frequentius duo, aliquando vero & tres rami oriuntur, quorum unus ad superiorem, alter ad inferiorem, & si tertius adest ad mediam renum partem deducitur, & vicissim in quatuor, plerumque autem in quinque surculos, qui *tubuli & fistula ureterum* appellantur, dispescitur, ut per carunculas destillans serum accipiant, & in pelvim deponant, ex qua per ureteres ad vesicam deferatur.

§. XXVII. Ex pelviilla prodeunt canales duo oblongi & teretes, qui obliquo ductu à renibus initium capientes deorsum per lumbos propagantur, ac in posteriorem ac humiliorem vesicæ partem non procul à sphinctere musculo obliquo valde ductu inferuntur, ne aliqua ratione ex vesica in ureteres relabi queat serum. Sunt tamen qui extremitati & membranulam valvulæ officio præditam præ tensam judicant, attamen eam vix notare licet, & forte nec comminisci necessarium est, cum ob obliquam insertionem satis illi prospectum sit. Dicuntur hi ductus *ureteres* ab *urina*, quæ per eos procedit à renibus in vesicam. Constant duplici tunica, externa quidem communi à peritonæo derivata: at interiore propria magis valida & albicante, & pro extensione & contractione rectis & obliquis fibris donata. Extendi multum possunt, quod patet in calculi ad renes transitu, licet hoc raro citra sauciationem & nunquam citra vehementes dolores contingat.

§. XXVIII. *Officium renum proprium* (nam commune prætereo) quoddam sit, non potest esse obscurum. Nimirum *primatio inserviunt depurationi sanguinis à sero*. Sed ut hoc præstare queant, opus est, ut principio serum ad renes deferatur, dehinc, ut à sanguine separetur, & in tubulos ureterum deponatur, & porro ad vesicam devehatur. Hic oriuntur aliquæ dubitationes. Initio dubitatur, *quomodo serum ad renes deveniat?* Iudico per arterias quidem à corde sanguinem cum sero mixtum, sicut ad alias partes, ita & ad renes per arterias emulgentes propelli: & tamen censeo, quia illa communis propulsio non poterat sufficere debitæ seri educationi, quod renes quoque specifica ratione serum attrahant, sicut id forte exemplo diabætæ probari potest. Deinde in quaestione est: *quomodo sanguis & serum dissociantur?* Videri poterat sola colatura, quatenus ex ramusculis arteriarum per tenuem illum & pilarem ductum in tubulos ureterum serum transiit.

fit, sed sanguis, utpote crassior nequitiam. Verum ego existimo conferre quoque huc renum calorem, quo sanguis quasi destillatur, prodeunte primum tenui ejus portione, at crassiore ex arteriis in venas per anastomoses deposita revertente in suum locum. Istam declarationem firmare potest generatio ejus speciei hydropis, quæ subito aliquando febres ardentes sequitur, aut nascitur ex vesiculis quibusdam destillato tenui sero repletis. Sed id unum dubium mihi suboritur, quod in urina crassum sedimentum reperiatur? Verum non ita difficulter tollitur, si dicatur, istud sero ita esse eliquatum, ut cum eo promptissime expurgari queat. Id apparet, quia sæpius ex urina, quæ crassum & copiosum sedimentum deponunt, claræ sunt, cum minguntur. Porro non uniformiter declaratur: *quomodo per ureteres serum propagetur, an solo transfluxu, an præterea virtute etiam quadam propellente ureterum?* Posterius accipio, quoniam enim interior illorum tunica fibris diversis donata, & porro ejusdem naturæ cum vesica urinaria est, cui talis virtus competit, non judico frustra eam potentiam ureteribus à natura esse tributam. Et id experientia comprobatur, quandoquidem in calculi per illos canales transitu illa virtute opus est: quia autem natura ob accidentales eventus nihil tribuit, existimandum est, etiam in naturali seri propagatione eam exerceri, licet libens largiar non in magno nisu eam virtutem suam finem assequi ob seri promptum facilemque delapsum.

§. XXIX. Præter istud officium, an aliud quoddam renes quoque obtineant, contrariis opinionibus differitur: atque sunt, qui intuitu substantiæ renium, & consideratione temperamenti ipsorum, pariter observatione, quod laborantibus renibus, sanguificatio & nutritio lædatur, constituerunt, *renes sanguinis coctioni præfectos esse.* Ab horum ego sententia sum alienus. Nam renes non accipiunt chylum, ut ex eo sanguinem conficiant, sed per arterias sanguinem in corde jam coctum. Istud autem nemo facile largietur, sanguinem ex corde ad renes mitti pro ulteriore coctione: quippe ea ratione ipsi fierent corde nobiliores. Quapropter statuendum videtur, renes à nobis recensitum munus obeuntes, nihil præstare amplius ad sanguificationem, directe nempe & per se. Nam non negem, dum hæc à renibus subeuntur, sanguinem in illis aliquantum incallescere. Atque huc conspirat temperamentum renium, & in hunc finem illa vasa habet, neque color contrarium quicquid suadet, atque quoniā excrementis non rite separatis non potest fieri bona sanguificatio & nutritio, facile liquet, ob hanc causam sanguificationi non esse renes præficiendos. Hoc adeo verum esse arbitror, ut censeam non solum leucophlegmatiam, sed & ascitem, tabem, aliaque

aliaque mala ex morbis renum prognasci ob recensitam causam & con-
spirationem cum visceribus.

§. XXX. Alii etiam opinati sunt, *renes ad elaborationem seminis concurrere?* Et sane non sunt ita leves ipsorum rationes. Nam 1. quibus renes sunt calidiores, ii sunt magis salaces. 2. quibus gonorrhœa laborantibus infri-
gidantia & alia convenientia renibus applicantur, non parum juvantur 3.
iis animalibus, quæ venere utuntur, renes conveniunt virulento seminis
sapore & odore imprægnati. 4. Venus etiam maxime nocet iis, qui ex re-
nibus laborant. In contrariam autem partem non minus urgentes rationes
sunt. Nam 1. Natura omnis ordinationis amans non solet unum idemque
instrumentum tam discrepantibus officiis impendere: & 2. siquidem id fa-
cere voluisset, deberet via specialis facta esse, qua ex renibus confectum
ant saltem inchoatum semen ad testes queat deferri: sed hæc neutiquam
apparet. Atque 3. si quis ductum arteriarum & venarum consideret, mani-
festeliquet, quod ille admissa circulatione sanguinis neutiquam cum recen-
sito officio conciliari possit. Quæ argumenta cum prioribus graviora cen-
seam, posteriorem sententiam eligo, & ad prius adductas rationes ita re-
spondeo. Ad 1. dico, et si semen non elaboratur in renibus, duplici tamen
ratione calorem illorum ad salacitatem facere, quatenus nempe etiam aliis
partibus calorem communicat, & maxime vicinis partibus; & quatenus
serum in renibus acius redditum aliqua portione vel ad testes deduci, vel
maxime prostratas, ac vesiculas seminarias irritare potest, quo facto af-
fluentibus sanguine & spiritibus Veneris appetitus sæpiissime concitatur.
Ad 2. pari ratione solutio ex dictis patet. Nempe æstimo tunc habere illam
curationem locum, cum ex intemperie calida renum totaliter aut partiali-
ter modo dicto gonorrhœa dependet. Sed extra eum casum, si id reme-
dium auxilio sit, crediderim id fieri pariter vel quatenus refrigeratio renum
etiam alias partes afficit, vel quatenus mitigato sero laxantur partes, ne
facile irritentur. Ad 3. respondeo, nihil exinde sequi. Quoniam enim om-
nes partes per vasa consentiunt, promptissime etiam renibus seminalia
effluvia communicari posse. Quid enim magis prædicto casu obstat, quam
cum axillis, laryngi, aliisque partibus ea seminalis aura tribuitur? Ad 4.
denique repono, iis qui quacunque parte corporis laborant, Venerem de-
trimento esse, maxime si modum excedat, nihil ergo peculiariter renibus
imputari debet.

§. XXXI. Et hæc de renibus sufficiant, nunc ad vesicam urinariam
transendum foret, sed quia supra renes, quo venam cavam respiciunt, in-
veniuntur,

veniuntur duo glandulosa corpora, quæ solent ad renes referri, aliqua de iis adijcienda sunt. Vocantur à quibusdam *renes succenturiati*, forte quia censent officium simile renibus iis competere, aut forte quia substantia & figura aliquando renibus similia sunt, plerumque tamen laxiore carne constant, & figura inordinati sunt depressa & oblonga. Notatur in iis cavitas quædam in medio, quæ nigricantem & tetrum humorem continere aliquando conspicitur, unde *capsulas atrabilarias* aliqui nuncupant, quoniam arbitrantur melancholiæ adustæ colligendæ illa corpora esse dicata. Ego quid de usu illorum dicam hæreo, nam quod non videantur præcise esse ordinata ad imbibendum specialem humorem, id videtur suadere, quod non appareant proprii ductus, quibus prava materia rursus expurgeretur. Nam quid juvat in illis recipi, si rursus in vasa reponant? Interim nec eorum opinionem probare possum, qui vel sustinendi ventriculi, vel implendi spatii causa illa corpora ibi posita esse persuadere conantur. Nam quid fulcri à tantillis corporibus & quidem ventriculo non directæ oppositis expectari potest? Et nunquam solius vacui implendi gratia corpora natura fabricat, quippe alia ratione id incommodi facile evitare potest. Proinde venio fere in eam opinionem, quæ quorundam non indoctorum Medicorum est, obtinere ista corpora aliarum glandularum commune officium, munire nempe distributiones vasorum, & maxime imbibere impuritates vicinas, ut illæ in vasa receptæ queant per communia membra excrementis evacuandis apta excerni. Libens tamen doceri volo meliora.

§. XXXII. Dimissis ergo illis glandulis ad *vesicam urinariam* accedimus. Nominatur Græcis ab officio suo *μῆνις ἀφ' ὧν* h. e. *vesica urinam in se capiens*. Positum nascitur in imo ventre in pelvi, & inferna parte recti intestino ac in mulieribus utero connectitur, at superna ossi pubis, porro autem ex medio per urachum umbilico alligatur: *Figura* egregie pirum repræsentat. Nam superior ejus pars, quæ *fundus* appellatur, rotundior ac capacior est: at inferior tenuis & acuminata, & nominatur *cervix vesicæ*. *Fundus vesicæ* membraneus est, quippe ex triplici membrana constatus. *Extima* quidem à peritonæo est, atque adeo communis, & vicinis partibus sociatur, rursus *intima* albicans & firma, maximeque sensilis, omni genere fibrarum intertexta: *media* autem carnea inagis est, & fibris multis rectis donata, cæterisque crassior, ut inde eam musciculum vesicæ quidam vocitarint. Intima membrana mucosam quodam obducta est, aut potius mucosa crusta, ne continuo dolore affligatur. *Cervix* autem vesicæ urinariæ undique musculo obducta est, quem *sphincterem* ejus appellant, cujus officium

cium est orbic ularibus suis fibris orificium vesicæ ita constringere, ut nihil effluere urinæ possit. Adhuc notandus in fundo vesicæ *urachus* est, quo ad umbilicum tanquam per ligamentum in adultis vesica alligatur: sed in fœtibus, quamdiu sunt in utero, per eum urinam excerni quidam putant, sunt tamen qui contrarium defendunt, sicut id à nobis suo loco manifestius notabitur. Et hæc vesicæ structura est, solum id addendum, quod *tribus foraminibus* donata sit, quorum duo supra cervicem efformant ureteres pro advectione urinæ, tertium exitus cervicis pro emissionem urinæ. Circa cervicem tamen id non negligendum, quod ea in mulieribus sit brevior, latior, & ductu recto deorsum procedens in uteri collum inserta: contra in viris tenuior, longior ac tortuosa, ut peni remotius & inferius posito debite queat conjungi.

§. XXXIII. *Officium vesicæ urinaria* ex dictis non potest esse obscurum. Nempe serosum excrementum primum in se recipit, deinde asservat, & postmodum expellit. Ad primum faciunt foramina & capacitas vesicæ: ad alterum capacitas & musculus sphincter: ad tertium autem membranæ, maxime vero interior, quem musculum esse quidam voluerunt, ut supra fuit indicatum. Cæterum hoc loco in dubium vocari potest: *An urina ad vesicam urinariam devehatur sola vi excretrice renum, an etiam vi tractrice vesicæ?* Prius asseruerim, cum nec in vesicæ membranis ea vis videatur residere, utpote nullam peculiarem ab aliis naturam habentibus, nec opus esse videatur illis virtutem eam tribuere, cum satisfacere queant expurgando fero renes, imo nec proficuum futurum videri possit, cum alioquin crudum serum ex renibus raperent, aut actionem secreteicem renum turbarent. Sed rursus dubitatur: *Vnde accidat quod vesica ad exernendum urinam se accingat?* Opinor id accidere, cum urina se debite habet, & vesica non laborat, quatenus à quantitate seu pondere urinæ interior superficies irritatur: verum ubi urina præternaturalem acrimoniam obtinet, aut vesica laborat, qualitate urinæ primum moveri videtur, idque exemplo disuriæ aut stranguriæ probari posse arbitror. Adjiciam & hoc quæsitum: *Media vesica urinaria membrana, ecquid vere musculus est?* De nomine cum nemine ferram controversiæ traxero, neque hoc negavero, magis carneam eam & sanguineam esse, sed si propterea musculus accensenda est, quare non pariter similem ventriculi membranam ad musculos referimus?

§. XXXIV. Superna parte abdominis supraintestina & subiecta viscera positum est *omentum*, Græcis *πρωτόν* vocatum, *πρωτόν* h. e. *innatare*, quia intestinis quasi innatat. *Oritur* superna & anteriore parte à

fundo ventriculi, gibbaque parte ac secundum transversum corporis secundum longitudinem ventriculi extensum, & sinistra parte corporis etiam sinistæ parti lienis conjunctum deorsum supra intestina producitur vel paulo supra umbilicum, vel etiam inferius, quandoque ad ipsa ossa pubis, & id quidem magis sinistra quam dextra parte. Postea inde rursus reflectens versus superiora vergit, atque ad dorsum intestino colo & sinistæ ventriculi parti connectitur. *Figuram* obtinet marsupii aucuparii. Quippe supernum ejus orificium orbiculatum est, & inferius in rotunditatem desinit. Diversis ex partibus *componitur*, nempe ex membrana duplici superna & inferna, ac variis vasis, plurimaque pinguedine, quæ cum conjunctæ spectantur, non dissimilem retis texti effigiem ostendunt. Nam pinguedo cum vasis varie decurrens fila æmulatur: at membranæ pars vacua illa spatia intercepta. Hinc *παρυζαίμων* & *ομφίλιον* h. e. *rete piscatorium* omentum Græci quandoque nominarunt, quod nomen in diversis linguis mansit. *Usus* omenti est partim *adjuvare coctionem ventriculi & intestinorum*, partim *fulcire illa vasa, quæ per ipsum disperguntur*.

§. XXXV. Habent hæc aliquam difficultatem, ac circa primum quidem usum quæritur: *Quomodo omentum concoctionem ventriculi & intestinorum juvet?* Censeo potissimum id fieri, quatenus tum externis aeris injuriis obstitit, tum expirationem calidi prohibet. Nam quibus omentum deest, defectum ejus implent tegumenta diversa, non alio modo, quam proposui. Attamen non prorsus negavero etiam actualem aliquem calorem à vasis procedere. Sed dubium huic usui injicit, quod *quibusdam omentum excisum nulla incommoda attulerit*. Verum quia ista rara sunt, & frequentiora contraria exempla extant, nempe exempto omento damna plura accessisse, nempe inconcoctionem & debilitationem, nihil certi inde inferitur. Et quis scit, annon eo ipso casu saltem non multum notabilis debilitas introducta sit, aut omenti officium operimentorum corporis, atque vestitum quoque densitas compensaverit. Circa secundum usum quæritur: *quare tam multiplici vasorum serie omentum persusum sit?* Iudico initio id factum esse, ut uberiore calore esset præditum, & maxime secundo, quia variis omnino partibus vasa communicari debebant, quæ nisi in hac membrana fulcirentur, non commodam sustentationem alibi nacta fuissent.

§. XXXVI. Præter recensitos usus Autor lib. de glandul. qui Hippocrati attribuitur, censet, quod omentum humorem redundantem ab intestinis accipiat, cum scilicet qui à glandulis absorberi non poterat. Cæterum nec intestina naturaliter talem humorem habent, & siquidem quocun-

cunque modo haberent, alia multo promptior evacuandi via est, cum nec viæ ad omentum ducant, nec ab omento detur regressus. Si vero tale quid contigisse arbitretur, id prorsus præter naturam accidisse judicari debet, non sine læsione vel vasorum, vel intestinorum, vel utrorumque.

§. XXXVII. Omnes partes nutritioni dicatas sic absolvimus, præter sola vasa, de quibus antequam ad partes genitales seu virorum, seu mulierum transcamus, aliqua adjungemus. Et quidem à *venis lacteis* capiemus initium. Nomen illud *vena hæ* accipiunt à lacteo illo succo, quem continere advertuntur, qui est transcolatus & à primæ coctionis excremento separatus. Hunc etenim hæc vasa ad hepar vehunt. Supra cum de similaribus partibus ageremus, hæc vasa dari & distincta esse conclusimus. hoc autem loco, quæ ad naturam illorum pertinent, porro persequemur. Ut id faciamus, initio ductum illorum vasorum consideremus, deinde usum pariter, atque adeo officium exponamus. Itaque ab intestinis quidem, paucæ à duodeno, plures ab ileo, plurimæ à jeuno, à colo aliquæ quasi initium capientes venæ lacteæ inter duas mesenterii tunicas per corpus mesenterio recto quandoque ductu, quandoque obliquo, aut seorsim à vasis aliis, aut cum illis, & super illa procedunt appositis glandulis, ubi earum divisiones sunt, & sic perveniunt ad mediam mesenterii glandulam, in qua variis torturis & miris anfractibus contorquentur, & sibi confunduntur, ex qua aliquando insignibus ramis aut etiam integro trunco procedentes in hepar chylum deponunt: aliquando vero, & quidem frequentius notabilibus ductibus non tamen valde magnis venis portæ attenduntur, & aliquando ad ipsum hepar deducuntur.

§. XXXVIII. *Officium istarum venarum* quilibet perspicere facile potest, nempe quod id sit *devehere chylum ab intestinis versus hepar*, verum quod modo contingat, difficile explicatu videtur, præsertim ubi nullus truncus apparet. Hinc alii eas prorsus negarunt, cum judicarent omne peculiare vasorum genus debere trunco gaudere: alii semper truncum adesse censuerunt, licet non semper appareret. Verum ego nec priorum assertioni accedo, cum largiar omne quidem vasorum distinctorum genus principium & finem obtinere debere, verum non necessario magnum aliquem truncum: nec etiam judico necessum esse, ut alterum statuatur. Pone enim in magna illa mesenterii glandula, quam Pancreas Afellius vocitat, non solum venas lacteas, sed & sanguineas à venæ portæ derivatas esse, quæ cum lacteis per anastomoses jungantur, quid difficilis, si dicamus in illas chylum ex lacteis deponi, & sic vehi per venas portæ tandem in hepar? Sin

etiam quandoque ex illa glandula producantur aliquæ albicantes venæ, illæ itidem quod habent vel per anastomoses in venam portæ, vel in hepar quoque deferunt. Summa istud ratione fieri defendi potest, idque ut chylus in venæ portæ ramis commisceatur fermento illi, quod à liene advehunt, quo sic ad hepar deductus facilius rudimentum sanguinis accipiat.

§. XXXIX. Ita ostendi, etiam citra truncum defendi posse hæc vasa, & quidni defendi queant, cum etiam vacua & sine chylo distincte notentur? Nam speciei fibrillarum se produnt, quæ si incidantur, cavitatem ostendunt. Hinc alii nervos esse putarunt, alii arterias: sed structura prorsus ab illis vasis differunt. Maxime tamen evidenter conspiciuntur, cum quarta hora à pastu crassiore, ossibus nempe in cane, apertio fiat, & qui totam illarum productionem observare velit, bene fecerit, si statim truncum venæ portæ juxta hepar liget, simulque truncum venæ cavæ descendens. Nam si ipsæ ligentur in mesenterio notari quidem potest, quod chylum contineant, sed tamen ductus & terminatio illarum tam bene observari non potest. Hoc autem facto cum admiratione etiam videri potest quomodo omnes venæ ab inferioribus sanguinem versus hepar vehant.

§. XL. In venis lacteis notandæ sunt etiam *valvula*, quæ versus hepar aperiri possunt, sed impediunt, quo minus ab hepate versus intestina quicquam procedat. Imposuit harum valvularum consideratio alicui viro docto, qui rationem redditurus, quare tam cito dispereant, judicavit id provenire à flacciditate harum valvularum, quæ mortuis obveniat, ut sic chylus versus intestina refluat. Sed contrarium ostendit experientia, quæ docet, quod hæc vasa ligata etiam aliquot diebus chylum offendant, donec eo quæ aquescente incipiat disparere. Verum si non ligentur hæc venæ, tum partim celeri transitu, partim non succedente alio chylo ex intestinis, vacua redduntur, & sic brevi tempore disparent. *Quæri potest: An hepar chylum attrahat, an hæc venæ propellant, an intestina immittant, & novo chylo supeditato protrudant?* Iudicem omnia ista concurrere. Nam perfectibile à perficiente, seu mutabile à mutante si huic commodum futurum sit, trahi multiplex experientia docet, sic ideo radicibus vis attrahens alimentarium succum, partibus sanguinem, ventriculo fames & sitis concessæ sunt, & aliis aliæ virtutes. At fibræ istæ diversæ non gratis his vasis obtigerunt, & intestina quoque peristaltico suo motu coercitum chylum per carneam crustam in venas lacteas impellunt, & antecedentem promovent.

§. XLI. Venimus nunc ad *venas*, de quibus id initio controvertitur, *an vena cava & vena portæ sint distincta vasorum genera?* Visum quibusdam est,

est, quia & distinctum truncum, & discrepantem humorem in se continent: alii autem negarunt, quia substantia & omnibus qualitatibus conveniunt. Ego primam sententiam approbo. Nam sive considerentur hæc *vasa* respectu suæ *naturæ*, sive *officii*, diversitatem non levem ostendunt. Primo etenim modo vena portæ multo crassior ac densior est, quam vena cava, & præterea aliquantum fusca, cum cava alba sit. Ut taceam magnitudine quoque multo minorem esse venæ portæ truncum, quam est truncus venæ cavæ. Sin autem spectentur posteriori modo, etiam differunt, si non quoad omnes ramos, tamen quoad aliquos, eos nempe qui fermentum aliquod pro sanguificatione meliore advehunt. Atque sic non purum sanguinem revehunt, ut venæ cavæ rami. Hinc etiam censeo peculiarem illis truncum convenisse, ut omnis illa materia aptius colligeretur, verum eundem in hepate varie esse divisum, & cum variis venæ cavæ divisionibus junctum, ut partitum in venam cavam contentum fermentatum sanguinem cum chilo deponeret, quo sic alteri sanguini admistus, felicius versus cor transvheretur.

§. XLII. A *vena portæ* capiamus initium. Ea non male à Spigelio l. 5. c. 5. suæ Anatomiz arbori assimilatur, cujus quidem *radix* sit in hepate, *truncum* dehinc extra procedat indivisus & notabili magnitudine, at cum dividi incipit *ramos* producat, & *propagines* etiam seu *surgulos* progignat, antequam in ramos divellatur. Singulæ hæ partes ita se habent. Vbi juxta portas in hepar *vena portæ* procedit circa medium fere cavæ partis, aliquantum versus posteriora, in quinque insignes ramos divellitur, quorum quilibet aliquoties primum in majores, dehinc in minores ramusculos divisi tandem in capillares surgulos desinunt. Isti rami non tamen omnes cum venæ cavæ ramis anastomosi junguntur, non solum ea specie anastomoseos, qua extremitates valorum communi foramine copulantur: sed & alia, qua rami ramis incumbentes in medio pertusi foramine sibi connascuntur. Hæ ipsæ tamen anastomoses valde exiles sunt, ita ut Veteribus inconspicuz visæ fuerint, licet satis oculorum ac mentis aciei pateant. Præcipue unam valde notabilem anastomosin quidam Anatomici ingerunt, quæ sit per ductum quandam, seu canalem notabili cavitæ præditum, quæ ex radicibus venæ portæ prodiens in radices venæ cavæ inferatur. Eadem radices venæ portæ etiam anastomosi communicant cum venulis vesicæ biliaris, quod pariter notandum esse aliqui Anatomici notant.

§. XLIII. Deinde ubi ex hepate procedit vena portæ *trunci* arboris ad instar aliquantum indivisus procedit, & principio aliquantum deorsum
sub

sub duodeno delatus versus sinistram progreditur, spargens interea *duos* *furculos* seu *propagines*. *Primus* est *furculus cysticus* exiguus & tenuis, qui statim ab egressu venæ portæ ex hepate in anteriore & superiore parte trunci exoritur, & in exteriorem vesiculæ biliaræ membranam multiplici divisione in tenuissimos ac capillares ramusculos digeritur. *Secundus* est *furculus gastricus*, & Spigelio *pyloricus* memoriæ causâ vocatus. Hic priore majore est, sed inferior, & pariter non procul ab exortu prioris, ab anteriore, at dextra magis sede emergit, ac piloro inseritur, atque sic in ventriculi posticam partem, quæ tergum respicit, plurimos ramulos impertit.

§. XLIV. Postea aliquantum deorsum & sinistrorsum truncus venæ portæ tendens, in duos insignes ramos divellitur, quorum alter elatior, minor & sinister *vena Splenica* vocitatur, alter autem humilior, major & dexter, appellatur *vena mesenterica*. Illa digeritur per ventriculorum omentum, quandam partem intestini coli, & lienem: Hæc autem in intestina & mesenterium, ut sic pateat, quibus partibus abdominis vena portæ prospiciat. Ca terum ut id pressius appareat, sigillatim aliquantum utramque illam venam perpendemus.

§. XLV. Ergo *Vena Splenica*, postquam ex trunco prodit, versus lienem, omenti membranæ subnixa procedit, & antequam in lienem pervenit, furculos quosdam progignit, tum à superiore sui sede, tum ab inferiore. A superiore parte procedit *ramus gastricus*, qui ipse tribus propaginibus in ventriculorum absumentur, ita ut singulæ eæ propagines rursus varie deducantur. Sed præcipue notanda est *media propago*, quæ pariter à postica sede ventriculorum adiens, sed ad anteriorem ejus regionem delata sinistrum orificium undique coronæ ad instar ambit, unde *coronaria vena* tum dicitur, quæ tum sursum ad finem gulæ & deorsum in ventriculorum alias propagines derivat. Ab inferiore parte prodit primum *epiplois dextra*, ramusculus gracilis, & in inferiorem omenti membranam dextra parte, & ad colon conjunctum varios furculos spargit: deinde ab eadem respondens superiori productioni mediæ, quæ coronariam producebat, provenit alia, quæ in ramulos duos insigniter à se distantes divisa in omentum dispescitur, & in colon connexum, quod instar mesenterii fundo ventriculorum alligat. Dicitur *epiplois postica*. Postea jam appropinquans lieni *vena Splenica* in *superiorem* & *inferiorem* ramum divellitur. Ex *superiore* antequam lienem ingreditur, aut postquam jam ingressus est, una aut gemina aut triplex propago provenit, quæ in sinistiore parte ventriculorum fundo, aut altius etiam juxta orificium ventriculo inseritur. Hoc illud *vas breve* est, tantopere

pere apud Medicos decantatum, per quod censent ex liene in ventriculum melancholiam propagari, sed immerito, cum observationes doceant potius à ventriculo aliquid versus originem suam adduci. Et hoc ratio quoque, circulari sanguinis motu admissio, suadet conveniens esse. *Inferior ramus* qui ad humiliorem lienis sedem tendit, duos plerumque notabiles surculos emittit. *Alter* dicitur *vena gastroepiplois sinistra*, & dextrorsum inflexus ventriculi fundum à sinistra parte cingit, & in superiorem quoque omenti membranam plurimos ramulos dimittit. *Alter* vocatur *hamorrhoidalis interna*, & pariter ab inferiore hujus rami parte, rarius ex ipso liene originem capit, & toti sinistrae parti coli ramulos tribuens secundum totam longitudinem intestini recti producit, ac tandem in membranofam ejus partem ac podicem multis ramusculis desinit.

§. XLVI. *Vena mesenterica*, seu dexter venæ portæ ramus, non procul à suo exortu in duos ramos magnos dividitur, qui inter mesenterii duas membranas propagati, magis magisque divisi in innumerabiles surculos in intestina procedentes distribuuntur. Hæ sunt illæ *vena mesaraica*, quæ apud Medicos sere utramque implent paginam, quippe cum illis & advectionem sanguinis pro nutritione istarum partium ascribant, & vicissim advectionem chyli ex intestinis. Cæterum ista sententia plurimis difficultatibus jam diu defensa est, postea autem inventis venis lacteis omnino falsitatis conficta. Verum quicquid de hoc sit, duplex præsertim venæ mesentericæ ramus est, unus *dexter*, alter *sinister*. Dexter ramus venæ mesentericæ, seu *vena mesenterica dextra*, iterum bifecatur, & variis divaricationibus in intestinum jejunum, ileum, cæcum, & coli eam partem, qua in dextris consistit, consumitur. Sinister ramus venæ mesentericæ, seu *mesenterica sinistra* in mediam mesenterii partem, & colon ea parte, qua à sinistra ventriculi regione ad rectum usque intestinum excurrit, distribuitur pariter variis divisionibus. Ab hac interdum observata est prodire *vena hamorrhoidalis interna*, ita ut non universaliter verum sit, eam à ramo splenico deduci. Istud notandum est in his venis, quod circa divaricationes illarum in mesenterio sæpicule *glandula* appositæ sunt, ob majorem divisionem, & quidem id notabile est, quod ubi rami divisi sunt majores, etiam majores glandulæ inveniantur. Atque sic quidem vena mesenterica distribuitur postquam divisa est, verum ante divisionem duas emittit propaggines. Earum altera est *gastroepiplois dextra*, quæ per fundum ventriculi dextrum, & superiorem omenti membranam ramos dividit: altera autem est *intestinalis*, Spigelio *duodena* appellata, quæ ad duodenum & jejuni ini-

tium derivatur, & per eorum longitudinem descendit.

§. XLVII. Sequitur ut nunc venæ cavæ historiam & deductionem per infimum ventrem declarem. Hæc ergo ab hepate Anatomicorum voto originem sumit, sed ut notavimus, id non intelligendum venit, quasi hepar esset principium originis aut dispensationis, vel etiam principium radicationis quantum ad officium radices: sed quia quoad similitudinem positionis in hepate quasi radicitur, ut sic hepar dici possit ejus principium radicationis similitudine positus. Hinc respectu hepatis etiam dividitur in truncum ascendente, & descendente, sicut respectu cordis arteria aorta: cæterum magnum utrobique discrimen est. Nam aorta arteria revera in duos truncos divellitur, sed vena cava sibi continua tanquam canalis quidam nequitam divisus per medium & infimum ventrem distribuitur. Oritur ergo eo modo quo dixi ex hepate vena cava & quidem ex superiore seu gibba ejus parte, cujus respectu illa pars quæ sursum tendit *truncus ascendens*, sed qui ad inferiora deducitur, *truncus descendens* vocatur. Modus ortus non dissimilis illi, quo vena portæ ex hepate provenit. Nempe radices ejus primum majoribus, deinde minoribus, usque ad capillares, ramis divisi, in hepar digeruntur, sed magis ad convexam hepatis partem, cum venæ portæ radices magis distribuuntur ad sinistram. Hæ radices tandem in hunc truncum desinunt, cujus superior pars, quæ truncus ascendens vocatur, in thoracem, caput, & brachia consumitur: sed inferior pars, quæ truncus descendens appellatur, in aliquas abdominis partes, & crura pedesue distribuitur.

§. XLVIII. De trunci descendens distributione in infimum ventrem nunc dicemus, cum aliarum ejus partes suis locis enumerandæ sint. Hic ergo ubi ex hepate provenit, per abdomen totum deorsum citra divisionem usque ad quintam lumborum vertebra procedit, juxta quam in duos insignes *ramos*, qui *crurales* appellantur, dispescitur. Interea dum hoc transitu indiviso procedit, quatuor *surculos*, seu *quatuor venas* producit: Nimirum principio, ubi primum ex posteriore sede hepatis prodiit, & ad dextrum dorsi latus contendit, ex sinistra sui parte emittit *adiposam sinistram*, cui ab altera parte respondet *adiposa dextra*, licet hæc rarius ex trunco sed frequentius ex emulgente superiore sede emergat. Hæ adiposæ in pinguem renum membranam foris iis circumpositam, & ei superne impositas glandulas distribuuntur. Dehinc ulterius progressa cava, ubi ad dorsi medium pervenit, educit utrinque *venam emulgentem*, quæ brevis quidem utrinque est: attamen valde notabilis, & dextra quidem sinisteriore inferior

riore est, ob positum diversum renum in lateribus. Harum emulgentium venarum per renes divisionem, ubi supra de renibus egimus, jam declaravimus. Porro ex vena cava proveniunt *vena spermatica*, de quibus agemus, ubi de partibus spermaticis tractabimus. Denique quarto supra lumbos ex postica parte trunci duæ aut tres producuntur *lumbares*, quæ per ossis sacri foramina, ubi nervi emergunt, ad spinalem medullam abeunt, quarum duæ medullæ lateri utrinque attensæ sursum enituntur, dum duabus venis à jugulari interna ortis & deorsum tendentibus occurrant, & per anastomosi conjungantur.

§. XLIX. Postea cum *truncus vena cava* fere ad os sacrum pervenit, circa quintam lumborum vertebra arteriæ magnæ substratus in *duos ramos* magnos, qui *Iliaci* appellantur, dirimitur, qui dehinc rursus in *exteriorem* & *interiorem* divelluntur. *Ante divisionem* tamen duæ procedunt propagines, nempe *muscula superior* seu *lumbalis* Spigelio, quæ transversim per lumborum musculos propagatur: & *vena sacra*, quæ per ossis sacri superiora foramina aliquot exiles venulas ad spinalem medullam propagat, & ipsi ossi sacro ramulos impertit. *Post divisionem* ramorum *Iliacorum* tum *interior*, tum *exterior* ejus ramus, antequam peritonæo excidit, diversas propagines emittit. *Interior* producit *musculam mediam* & *hypogastricam*. *Illa* venas impertit omnibus musculis clunes constituentibus, & cuti superiori, ipsique coxendicis articulo. Illam *gluteam* Spigelius vocitat, quia in glutæos musculos deducitur. *Hæc*, *hypogastrica* nempe, in omnes fere hypogastrici partes venas partitur, inde nomen id sortita. Ex ea initio prodit *hemorrhoidalis externa*, quæ ossis sacri foraminibus surculos immittit, notabiles vero magis ramos in recti intestini musculos, usque ad ani externam cutim digerit. Dehinc ab eadem hypogastrica prodit *ramus cysticus*, seu *vena cystica*, quæ in viris quidem in vesicam urinariam absumitur, at in mulieribus, ubi aliquot surculos ad vesicam urinariam dimisit, plerasque propagines in uteri fundum, & evidentiores etiam in uteri cervicem dimittit. Dehinc reliqua pars interioris rami iliaci, ubi ab externo sobolem sibi assumpsit, peritonæo elapsa, & per os pubis ex abdomine egressa in crus procedit. *Exterior* autem *ramus* pariter soboles quasdam emittit. Sunt nimirum ex tres sequentes. *Prima* est *epigastrica vena*, quæ ex elatiore ejus sede educta in rectos abdominis musculos deducitur. Præcipue notandus hujus venæ insignis ramus est, qui ex peritonæo egressus utrinque sub recto musculo recta sursum fertur, dum cum mammariis venis conjungatur. Notant Anatomici in viris raro notari horum vasorum anastomoses,

in mulieribus autem frequenter, & per eam consensum uteri cum mammis notabilem deducunt. Quod observarunt in dubium nolim vocare, sed quod inde inferunt non ausim pro certo habere, cum circularis sanguinis motus illi asserto evidentissime obstet, nisi dicere velimus, præternaturalem esse eam sanguinis communicationem. An ergo dicemus consensum eum celebrari per arteriam epigastricam cum vena mammaria? Siquidem enim hæc pariter anastomosi cum vena mammaria jungatur, commode & secundum circularis sanguinis motus postulatum ex arteria illa in venam sanguis immitti potest. Cum autem aliquid à mammis versus uterum deducitur, ex arteria mammaria in venam epigastricam deduci credendum foret. Sed etiam si hoc quoque modo explicatio fiat, id tamen grande dubium relinquitur, quomodo secundum naturalem sanguinis motum etiam ipsa vena aut arteria epigastrica cum utero ita conspiret? Id ergo naturæ Mystis pensitandum relinquo. Ego censeo, aliunde forte illum consensum petendum esse. *Secunda vena est pudenda*, quæ ab interna sede rami Iliaci externi jam peritonæum egressi pronascitur, & in utroque sexu in pudenda digeritur. Nimirum in viris in scrotum & penis cutem: in mulieribus autem ad cutim & labra pudendi, ad nymphas, & cæteras partes, in utrisque vero in glandulas in inguinibus jacentes propagatur. *Tertia & ultima est muscula inferior*, quæ ad Coxendicis articulum abit, & in musculos & cutim ibi locorum disseminatur, unde Spigelio non male *vena coxendica*, seu *coxalis* vocitatur.

§. L. Postquam de venis egimus, prout per abdomen distribuuntur, nunc porro de arteriis eadem ratione agendum est. Nanciscitur vero abdomen arterias à trunco arteriæ aortæ descendente, ubi ex thorace elapsus est. Ut hæc paulo altius repetantur, sciendum est, quod arteriæ aortæ truncus, ubi ex corde productus est, ad quintam thoracis vertebra[m] aliquantum deorsum ad sinistram aliquantum declinet, ac vertebrarum corporum sinistro lateri adhærens deorsum usque ad ultimam lumborum vertebra[m] propagetur, emittens interea ex se octo propagines. Nimirum *intercostales arterias inferiores, phrenicas, celiacam, mesentericam superiorem, emulgentes, spermaticas, mesentericam inferiorem, & lumbares*. De intercostalibus & phrenicis arteriis circa vasa thoracis actum est, restat ergo ut de aliis propaginibus nunc porro quædam annexamus.

§. L I. A *Celiaca* sumamus initium. Vocatur Cæliaca, quia ad *gastrium* h. e. ad ventriculum, aut ventrem, quo nomine absolute infimus venter appellatur, spargitur. Unica est, & maxime venæ portæ splenico ramo comes

mes incedit, valdeque ei similis existit, adeoque ventriculo, hepati, vesiculæ felleæ, omento, intestino duodeno, jejuni initio, ac parti coli, pancreati item, atque etiam lieni de arteriis prospicit. Originem capit ex arteriore corpore ipsius trunci, & à superiore parte inferioris membranæ omenti officio sustulata, in *ramum dextrum* & *sinistrum* dispescitur. *Dexter* multo minor est, quam *sinister*, ac pone ventriculum in pancreate venæ portæ descendenti conjunctus, ibideinque omenti membranæ innixus, cavæ hepatis parti prope venæ portæ truncum inseritur, & in hepate in aliquot propagines divaricatur. In itinere interea antequam hepar intrat, *furculos* aliquos tum ex superiore, tum ex inferiore sui parte producit. Ex superiore quidem parte, primum oritur *furculus pyloricus* Spigelio dictus, qui ex medio ductu prodit, ac in posteriorem sedem dextri orificii ventriculi in plurimos ramulos divisus distribuitur. Dehinc non procul ante ingressum in hepar proveniunt *duæ cysticæ arteriæ* exiguæ, quæ in vesicam felleam abeunt, & plurimos propaginibus multiplicantur. Ex *humiliore sede* hujus dextri rami itidem duo furculi procedunt. *Alter* dicitur *epiploû dextra*, atque in dextram partem inferioris membranæ omenti, & in coli partem ipsi annexam dimittitur. *Alter* autem in duos ramos spargitur, quorum unus dicitur *intestinalis*, qui intestino duodeno & jejuni principio arterias largitur, secundus vocatur *gastroepiploû dextra*, priore aliquanto major, & ad dextrum fundi ventriculi latus deflectit, & ab omenti superiore membrana sustentatus, ex superiore parte in ventriculi anteriorem & posteriorem partem, ac ex inferiore in omenti membranam superiorem se diffundit. *Sinister ramus* arteriæ celiacæ ramo dextro multo major est, ac *arteria splenica* appellatur. Innititur autem inferiori omenti membranæ, ac cum vena splenica in lienem deducitur. In via vero *furculos* aliquos utrinque emittit. Ex superiore quidem parte prodit *arteria gastrica*, quæ in posteriorem ventriculi partem dimittitur, & *arteriam coronariam* producit, quæ pariter distribuitur ut vena coronaria. Rursus ex *humiliore sede* fere juxta lienem provenit *epiploû sinistra*, quæ in sinistram partem inferioris membranæ omenti derivatur. Hæc arteria protinus ab exortu suo in duos ramos longe deductos divellitur, qui in dictam omenti membranam & colon adjacens toti consumuntur. Postea arteria splenica lieni fit vicinior, & pariter ut vena splenica in duos ramos divellitur, qui postea cava parte lienem ingressi adeo multiplici furculorum divisione sparguntur, ut vix numerari possint. Hoc tamen clare notari potest, quod multo plures arteriæ, quam venæ in liene reperiantur, nempe vel quintuplo plures. Cæterum ante ingressum

arteriæ à divisione facta *inferior arteria ramus* cum inferiori ramo venæ insignem anastomofin facit, & surculum ad inferiorem omenti membranam spargit. *Superior* autem *ramus* duas propagines emittit. Altera est *gastroepiploica sinistra* dicta, quæ superiori omenti membranæ annexa in sinistram fundi ventriculi partem deducitur, & anteriori ac posteriori parti, & superiori etiam omenti membranæ ramulos communicat. Altera est *vas breve arteriosum*, quod vasis brevis venosi in modum propagatur.

§. LII. Hæc celiacæ arteriæ historia est, reliquæ trunci descendens propagines historiam tam latam non exigunt. Sic *mesenterica superior* paulo infra celiacam ex trunco producitur, & venæ mesaraicæ in modum infinitis quasi surculis in jejunum & ileon intestinum, & colicam partem, quæ à rene dextro ad hepar pertingit, adeoque superiorem omenti partem fere totam dispefcitur. Id notabile hic reperitur, quod cum & arteria & vena inter duplicem mesenterii tunicam progrediatur, aliquando hæc, aliquando illa superior reperiatur, & quod ad divaricationes glandulæ pro majori firmamento appositæ sunt. Dehinc sub mesenterica, *emulgentes arteria* utrinque ex trunco producuntur, & in renes distribuuntur, eo modo, quo etiam venæ emulgentes dividuntur. Postea *spermatica* quoque arteriæ paulo inferius contiguo principio ex trunco itidem prodeunt, & venis spermaticis eunt comites, de quibus utrisque postea agemus. Rursus adhuc inferius, non procul ab eo loco, ubi truncus arteriæ in ramos Iliacos distribui solet, enascitur *mesenterica inferior*, quæ in coli sinistram partem, colonque intestinum abit, & venis hæmorrhoidalibus conjuncta *hæmorrhoidales arterias* producit. Denique ex eodem trunco in posteriore parte prodeunt *lumbares arteria quatuor*, quæ in lumborum vertebrae per communia foramina ad medullam spinalem propagantur, & in vicinos etiam musculos. Hinc aliqui duas superiores à lumbaribus secernunt, & *musculas superiores* appellant.

§. LIII. Has propagines arteriæ aortæ truncus descendens adhuc indivisus fundit, cæterum ubi ad quintam lumborum vertebrae pervenit, etsi ante toto itinere sede sinistra sub vena cava productus fuit, hic supra venam se attollit, & pariter in duos insignes ramos, quos *Arterias Iliacas* dicunt, distribuitur. Antequam hæc in crus digerantur, aliquos surculos adhuc emittunt. Et quidem *ante ulteriorem divisionem*, ex inferiore sede prodeunt *arteria sacra*, insigniter notabiles, quæ ossi sacro incumbentes, per foramina ipsius ad spinalem medullam deducuntur, & ad posteriora ossis sacri abeunt. Postea dividuntur *Iliaca arteria* in *ramum ex-*
teriorum

teriolem & interiolem. Interior Iliaca minor est, & duas propagines emittit. *Vna* ab externa parte provenit, & *muscula* vulgo dicitur, & Spiegelio *Glutæa*, quæ venæ cognominis comes diversos furculos in musculos ossi ilium incumbentes & glutæos dictos tribuit. *Alteræ* ab interiore sede procedit, *hypogastrica arteria* vocitata, & venam cognominem semper comitatur. *Exterior Iliaca* similiter duas propagines largitur, nempe *epigastricam* & *pu- dendam*, quæ itidem venam epigastricam & pudendam ubique comitantur.

§. LIV. Quis sit usus horum vasorum (arteriarum nempe & venarum) per abdomen propagatorum ex iis, quæ de vasis illis in genere dicta sunt, facile colligi potest. Nimirum arteriæ advehunt spiritum vitalem & sanguinem pro conservatione vitæ & nutritione inferiorum viscerum, si- mulque pro mutatione aut depuratione sanguinis, siquidem aliud quid ex sanguine fieri debeat, aut ille ab excrementis quibusdam depuran- dus sit: venæ vero revehunt redundantem sanguinem à nutritione, aut quicquid ei admistum est versus suam originem. Cæterum hic dubium in- geritur à quibusdam, qui venis & arteriis etiam chyli vectorem, & po- tentiæ materiæ tractionem assignant. Ego equidem negare nolim, multa præter naturam fieri posse in corpore, sed ubi viæ manifestæ sunt aliæ, quid opus est ad hæc vasa recurrere? Natura nisi summe coacta non facile mutat suum institutum, & nos levi causa citra experientiam id de natura præsumamus? Absit. Sic quæritur: *quomodo cor subito reficiatur, ubi quis ci- bum vel potum capit?* Hic multi tencriorem cibi aut subtiliorem potus par- tem rapi ab arteria cœliaca urgent, & sic vehi ad ipsum cor, alii autem ve- nas per ventriculum distributas assumunt. Cæterum si cogitemus illas ve- nas & arterias in ventriculum non hiare, & quod si aliquid in ea vasa dedu- ci debeat, per solam *Azmidu* fieri queat, neque id fieri possit antequam cibus & potus valde subtiles facti sint, si id fieri possit; apparet sane evi- denter, quod multo citius ductu communi per pylorum. ac venas lacteas ad hepar, & inde per venam cavam in cor, fieri queat, quam per talem evaporationem. Imo si cogitemus effluxum sanguinis ex illis vasis fieri de- bere, aut saltem parilem evaporationem, & pulsum arteriarum plane illi viæ repugnare, illa omnia nos confirmant, ut ordinatas vias non prætere- amus. Istud quoque non est negligendum, valde probabile esse, cor refici in tali casu plerumque magis consensu ventriculi, quam communicatione substantiæ: Si enim hoc modo ventriculo laboranti cor consentiat, quare non bene habenti, & maxime in eo casu, ubi cor male se habet ex consen- su ventriculi? Id ut facilius credam, facit, quod aliis partibus etiam hoc modo

modo cor consentiat. Sic in animi deliquiis faciei, cum in illam aqua frigida spargitur, aut labia sale fricantur. Alia prætereo. Hæc autem ideo huc retuli, ut adverterent quidam incautiores, ne ubi vas aliquod vident, statim per id eo ductu quo distribuitur, quodcunque vehi credant, sed observent ad quid illud vas destinatum sit, & qua via soleat id quod continet provehere, & unde possit aliquid accipere, neque statim ad occultas vias appellent, cum plerumque per manifestas commode singula expediri queant.

§. L I V. De nervi infini ventris etiam occurrunt hoc loco aliqua adjicienda. Nimirum omnes recensitæ partes à sexta conjugatione cerebri ramos mutantur, quemadmodum id præcedente capite jam fuit indigitatum. Cæterum nervi ex lumborum & ossis sacri vertebriis prodeuntes aliorum fere distribuuntur, nisi quod duo inferiores rami anteriorum propaginum in vesicæ & ani musculos, ac in penem in viris, mulieribus autem in uteri cervicem, & utrisque in pudenda propagetur. Interim distributio nervorum ex vertebriis lumborum prodeuntium ita se habet. Quamprimum ex foraminibus communibus prodeunt, in anteriorem & posteriorem ramum dividuntur. Antiores rami, qui majores sunt, ad abdominis musculos, sed posteriores in musculos lumborum vertebriis ac ossibus innominatis incumbentes, & cutem ibi jacentem digeruntur. *Primum* eorum *par* ramum *anteriorem* in carneam partem diaphragmatis, & principium musculi *ψῶς* mittit, circa quem ramum id-notabile est, quod ab eo surculus ut plurimum prodeat, qui ad testes procedit una cum arteria præparante vocata. *Posterior* autem *hujus parvis ramus* in primum & tertium thoracem extendentium musculum, cum uterque vertebriis lumbi incumbat, porrigitur. *Secundum par* sub musculo *ψῶς* inter primam & secundam vertebriam prodiens *anteriorem propaginem* secundo femur & primo tibiam flectentium musculo ac femoris cuti; *posteriorem* autem glutæis musculis & tibiæ extensori membranoso impertit. *Tertium par* inter secundam & tertiam vertebriam sub eodem musculo prodiens *anteriorem propaginem* in duas divellit, quarum *una* ad genu ejusque cutim abit, *altera* saphenam venam comitatur: *posterior* autem ejusdem parvis propaginis musculis qui lumbis impositi sunt, communicatur. *Quartum par* omnium maximum inter tertiam & quartam vertebriam sub eodem musculo oriundum venam & arteriam cruralem comitatur. *Quintum* denique *par* inter infimas lumborum vertebriis originem capiens *anteriorem ramum* per foramen, quod inter coxendicis, pubis atque ilci os est, producit, & propagines musculis duobus femur circumagentibus, & secundo ac tertio femur flectentium largitur:

largitur: *posteriorem* autem *ramum* in musculos vertebris incumbentes & cutem superpositam digerit.

§. L V. Tandem ex osse sacro sex, ultima nervorum paria prodeunt. *Primum par* inter ultimam lumborum & primâ ossis sacri vertebram prodit, & pariter in anteriorem & posteriorem *ramum* dividitur. *Anterior* nervis cruralibus quidem adjungitur, sed tamen & furculum quandam juxta ossis ilium internam regionem in abdominis musculos ac secundum femur flectentium propagat. *Posterior* autem in musculos ab osse ilium prognatos, & maxime in glutæum magnum cutemque natium absumitur. Denique quinque reliqua paria alia ratione se habent. Nam ubi ex osse proveniunt, in utroque latere jam gemini apparent, & pariter eorum unus anterior, alter autem posterior. *Anteriorum* tres *superiores* in crus cum anteriore primi paris ramo abeunt: *inferiores* autem duo in vesicam, uteri cervicem in mulienibus, penem in viris, & pudenda in utrisque producuntur. *Posterior*es vero *rami* omnes in musculos ossis ilium & ossis sacri posticam partem occupantes derivantur.

§. L V I. Vfus nervorum istorum nihil ingerit dubiū. Solum istud notandum, pariter statuere aliquos, quod per nervos plurimi pravi humores in diversas corporis partes moveantur: Sed cum illi cavitatem non habeant, cumque per venas & arterias omnes istæ permutationes locorum in humoribus expediri queant, judico illis nullum alium usum competere, quam spiritum animale pro sensu & motu advehere. Si vero præternaturaliter in nervos quid immittatur, non censeo id fieri posse citra perditionem totalem aut partialem motus & sensus ejus partis, cui inseritur.

§. L V I I. Notandum id circa omnia abdominis vasa est, quod fere inter duas membranas mesenterii ferantur, & in partes deducantur, sub ea membrana comuni, quæ ipsis à peritonæo creditur accedere, aut qua foris integuntur. Hoc natura ob eam causam sic ordinavit, ut & tutius propagarentur, & in partes intimius ferrentur.

§. L V I I I. Absolvimus nunc adeo contentas partes, quæ in abdomine consistentes nutritioni inserviunt omnes, ideoque nunc merito transsumimus ad *partes inservientes generationi*. Atque primo quidem de *partibus genitalibus virorum*; tum de *partibus genitalibus mulierum* tractandum est. *Partes genitales virorum* sunt, *vasa spermatica*, *testes*, *parastata*, *vasa deferentia*, *vesicula seminales*, *prostrata*, & *penis*. De his nunc tractandum est ordine.

§. L I X. *Vasa spermatica* dicuntur communiter *vasa preparantia*, quia censentur conferre præviæ alterationi seminis, ut postmodum generationi

R

seminis

feminis dicatæ partes melius & promptius semen conficiant. Sunt autem tum *duæ venæ*, tum *duæ arteriæ*. Dispar utrarumque exortus, sed similis propagatio. Nam *dextra vena* paulo infra emulgentem ex trunco *venæ cavæ* descendente anteriore parte educitur: at *sinistra* ex ipsa vena emulgente procedit. Contra *arteria* utræque depressius ex arteriæ aortæ trunco descendente emergunt. Propagatio ita se habet. Postquam arteriæ spermaticę educitæ sunt, & quidem infra venas spermaticas, obliquo ductu deorsum ad venas eas properant, iisque non longe post per membranam à peritonæo deductam sociantur, atque sic cum iisdem per lumborum regionem utrinque super primo musculo femur flexentium delatæ super ureteres procedunt, in itinere tenues furculos peritonæo largientes, & cum ad processum peritonæi pervenerint, extra cavitatem abdominis cum gracili nervo à sexta conjugatione & cremastere musculo in scrotum deducuntur, in quod ubi pervenerunt, variis plexibus ita inter se coeunt, & variis anastomosibus connectuntur ac commiscentur, ut corpus aliquod efficiant pyramidi non dissimile, basi sua in parastatas desinens. Nominatur ille *plexus* quibusdam à figura *pampiniformis*, & à quibusdam *corpus varicosum*.

§. L X. De usu istorum vasorum mira Autores tradunt, quoniam diversa in his vasis occurrunt. Principio illud circa communem usum observant, quod per hæc vasa adducatur materia pro semine, atque in iisdem aliquantum elaboretur: & quidem per venas sanguinem, per arterias autem spiritum vitalem advehi volunt. Cæterum suppositio de motu sanguinis circulari edocet *per arterias solum advehi materiam seminalem*, verum *per venas redundantem sanguinem revehi*, quod etiam ex ligatura horum vasorum aperte ostendi potest. Illud quoque non largiar, hæc vasa vi præparandi esse prædita, utpote cum ab aliis vasis nihil peculiare obtineant. Ideo credo solum esse hæc vasa vehicula sanguinis ad partes genitales & à partibus genitalibus. Deinde docent observandum esse, quod *istæ venæ prodeant ex vena cava*, idque ideo, quia semen ex sanguine puriore, qualem vena cava possidet, concipi debet: sed id pariter circularis sanguinis motus non admittit, secundum quem iudicio factum esse, quod ob viciniam melius in illam sanguis reduci potest, & ideo etiam arteriæ ex trunco arteriæ aortæ descendente deductæ sunt. Verum *quare vena sinistra ex emulgente deducta est, non ex trunco vena cavæ ut dextra?* Non iudico id factum esse, ut serum aliquod ad partes genitales una adduceret, nam venæ non vehunt quicquam ad illas partes: sed partim ne longitudo ejus supra dextram excresceret, cum vena cava cedens aliquantum arteriæ aortæ magis in dextra parte

parte sit: partim & quidem maxime, ne cum supergrederetur truncum arteriæ aortæ ab ejus pulsu circulatio & reductio sanguinis impedimentum caperet. Porro notabile est: quod *arteriæ sint venis majores*? An id ideo factum credemus, ut plus spiritus, quam sanguinis pro materia seminis advehatur? Neutiquam, nam per venas non advehitur materia seminis, ut notatum est, sed solum per arterias. Arbitrer itaque hoc ideo factum esse, quia ex illa materia, quæ per arterias advehitur, multa copia in nutrimentum partium & seminis constitutionem absumitur, ut ita non tam multa materia regrediatur, unde minores venæ illi revehendæ sufficiebant, licet majores arteriæ adlexerint. Illa autem vasa *quare communi membrana coercentur*? Puto, ut tutius procedant, & spiritus minus dissipentur. Porro ambigitur: *quem usum obtineat illud pampiniforme corpus*? Alii judicant intervenire meliori commistioni sanguinis & spirituum, atque etiam coctioni. Ego vero existimo, salvo doctiorum judicio, quod illud efformatum sit, ut tenuior & subtilior materia sanguinis arterioli magis ad testes deduceretur, crassior autem prompte per venas reveheretur. Idque quia semen corpus valde spirituosum est. Ergo compendio ita se habet officium horum vasorum. Arteriæ sanguinem & spiritum vitalem pro materia seminis & nutritione partium genitalium advehunt, venæ autem redundantem sanguinem reducunt, & in venam cavā deponunt. Sed hic quæri potest: *quare non etiam nervi advehant spiritum animale*? Iudico, quod vix advehantur spiritus animales pro materia seminis, forte quia ii in semine non obtinent usum, & ubi necessarii sunt ex spiritu vitali sufficienter generari queunt. At si hoc non est: *quare tam valde cerebrum debilitatur ex venere largiore*? Iudico id fieri, quia plurimi spiritus vitales, qui alioquin in cerebrum propagarentur eo in casu dissipantur, ut hinc cerebrum labascatur.

§. LXL. *Vasa hæc præparantia, cum quibus partibus genitalibus connectantur*, inter Anatomicos dissensus est. Aliqui enim existimant cum testibus, alii cum parastatis seu epididymide conjungi. Ego hic Riolanum sequor, qui docet, quod omnino in parastatis nihil ex vasis præparantibus deduci possit, nisi per testes, & item quod diversis exiguis ductibus in testes se exonerent. Idque ut magis credam facit, quod ubi, dum castrantur canes, testes à vasis illis præparantibus abstrahuntur, manifeste ductus tales appareant. Atque huc quoque facit, quod plurimæ arteriolarum ac venularum per testes dispersæ notantur, quæ non possunt aliunde originem capere, quam ab his ipsis vasis seminariis. Præterea capite suo parastatæ firmiter testibus affirmantur, & reliquo corpore cum vasis semen deferentibus connectuntur.

R 2

Itaque

Itaque hæc ita supponantur. *Testes* numero duo sunt, in scroto positi, magnitudine ovi columbini, plerumque tamen sinister major est. *Dividuntur* in *caput & fundum*, & quidem in capite suspenduntur à *musculus cremasteribus*, qui à ligamento valido, quod in osse pubis est, eo loco, ubi transversè abdominis musculi desinunt, orti una cum vasis seminariis ex abdomine proveniunt. Oblongi gracilesque sunt, ex fibris carnosis, rubicundis ac rectis compositi. *Involucra* quoque testes habent tum *propria*, tum *communis*. Quot sint propria testium involucra ambigunt *Autores*. Plerique tamen tria numerant. Nimirum intima membrana *albuginea* vocatur, alba, crassa, ac valida est; ac censetur à tunica vasorum seminariorum extensa proficisci, quod non ita probabile esse censeo. Media est *hypodermis*, seu *rubra*, fibris carnosis donata, & substantiæ magis carneæ. *Extima* est membrana *epiorchidis* seu *vaginalis*, quæ testem quasi in vagina continet. Hæc cæteris tenuior est, & multis fibris darto annascitur, unde exterior ejus facies inæqualior exiit. *Communia tegumenta* sunt duæ, *extimum* nihil aliud est, quam cuticula & cutis testibus forinsecus inducta, quæ speciali nomine *excor*, seu *bursa scroti*, item *scrotum* & *scortum* appellatur, quod per medium *fissura* quadam discernitur: *interim* vero est productio panniculi carnosissimi seu membranæ pinguedini intertextæ, licet hic pinguedine careat. Nominatur *dartos*, quia facile excoriabilis est. Ipsa *substantia* testium, qualis sit ambigitur: alii enim glandulosam vocant, alii fibrosam. Non nego plurimas fibras in iis reperiri, nec item raros, porososque esse: & tamen ab iis dissentire non possum, qui substantiam testium peculiarem esse judicant, ita ut non sit illis in corpore pars similis. *Temperamentum* etiam calidum eis competere censeo, respectu cujus vium aliquam coquendi aut alterandi illos obtinere necessum est.

§. LXII. *Quodnam sit officium testium* longe diuque jam inter *Autores* disputatum est. Nempe sunt, qui judicant cum *Philosopho testes solum tanquam pondera vasis spermaticis & parastatis appensa esse, ne conciderent*, sicut testis textoriis pondera hujusmodi appensa esse notamus. Cæterum id veritati minus videtur congruere. Nam quibus animalibus testes in utero firmantur, iis hic usus testium neutiquam convenit, & quibus testes in juvenile contunduntur, in iis possunt ponderis vice desungi, & tamen illi steriles evadunt: atque præterea vasa illa satis firma sunt, ut non opus habeant tali distractione. Imo temperamentum testium, & tota constitutio illorum levis aliud suadere videtur. Ita neque hoc probabile nobis videtur, quod iidem aut alii censent, *testes esse conditos, ut circa illos vasa seminaria intorque-*

rentur,

rentur, ne essent illa animalia quibus testes contigerunt nimis salacia. Nam tunc testibus naturam calidam tribuere non debuisset, cum calor stimulos venereos accendat, & potuissent illa ipsa vasa satis intorqueri, licet testes non haberent. Itaque illa quidem dimitto, transeo ad alias duas opiniones, quæ sunt magis probabiles. Illarum una docet *testes esse seminu elaborationi dicatos*: altera *testes inservire depurationi seminu ab excremento seroso*, vel etiam *colligere serosum quoddam excrementum, quod seminis excretionem & venerem provitet*. Licet utraque graves rationes videatur pro se habere, tamen communiori subscribo, dum meliora docear. Nimirum *censeo testibus competere officium efficiendi semen prolificum*. Atque in ea opinione me sequentia confirmant. Initio experientia Medicorum docuit; aliquando in testibus plurimam materiam semineam repertam esse, & deinde eadem docet, testibus confractis ac concussis steriles evasisse. Id quoque confirmat praxis, animalium testes comestis mire roborare vim genitalem, ut non solum talibus usi remediis in venerem magis agantur, verum etiam magis prolificum semen emittant. Si etiam anatomicis conjecturis uti velimus, docent accuratiores quidam Anatomici, ex vasis spermaticis materiam seminis adferentibus nihil posse in parastatas & vasa semen deferentia venire nisi per medios testes, ob quam causam cogitabimus, quam ut in eis semen elaboretur? Et ob hanc causam specialis eis substantia tributa est, qualis nulli alii parti in toto corpore nostro convenit. Quoniam autem à sententiæ alterius consutatione nostræ aliquid probabilitatis afferri potest, id maxime urgeo, ut illi Auctores declarent, an serum separatim in testes deponatur, an una cum sanguine, ex quo semen elaboratur. Si illud, ostendere amplius debent, per quas vias serum ad testes deveniat, itemque per quas vias serum illud rursus evacuetur. Nam natura non segregat excrementa, quin etiam ea noverit ex corpore expurgare. Sed quia horum nullum adhuc ab iis monstratum est, apparet, quod illorum opinio nondum ita approbata sit, ut pro vera sine ulteriore inquisitione debeat accipi. Si autem posterius accipiant, concidit fundamentum ipsorum, ruit ipsorum fundamentum, ideo testes serum accipere, quia nequeunt sanguinem exsugere. Vt taceam, illos tum debere fundamenta dare, quod testes eo casu semen non elaborent, sed serum evacuent, & pariter ostendere, quo id fiat modo. Deinde quoniam id serum rursus confundi cum semine debet, utpote, cum per easdem vias expurgari tantum possit, quid juvat secernere? Imo dico naturam feri separationi jam prospexisse in renibus, & serosum sanguinem seminis prolifici generationi obesse. Ergo natura, quæ recte

ēte agens semper facit optimum, non mittit sanguinem ad testes in quo copiosum serum contineatur, & ideo forte arteriæ spermaticæ infra emulgentes initium capiunt.

§. LXIII. Veruntamen non leves rationes contra nostram sententiam afferri possunt, quas breviter solvemus. Initio urgent non omnia animalia, quæ semen generant, testes obtinere. Sed repono: illorum semen ideo imperfectius esse, & tamen obtinere testibus quid analogon. Si dicant id melius convenire cum parastatis, quam cum testibus, rehero, me id concedere, si figuram nudam externam spectent, non si coherrentiam & temperamentum considerent. Dehinc urgent, non dari è vasis spermaticis ingressum in testes: sed huic difficultati jam satisfactum est. Et quid, unde habent testes illa vasa, quæ per substantiam ejus disperguntur? Per quæ vasa affluunt humores præternaturales, cum in tumores varios attoluntur? Per quæ vasa testes nutriuntur? Imo per quæ accipiunt serum, quod expurgant, sicut illi testibus hoc officium assignant? Porro id movent, quod natura debeat obtinere aliquam partem, per quam excrementa in seminis generatione producta secernat, cum idem officium tam curiose in sanguinis coctione diversis partibus assignaverit. At repono, initio disparesse esse rationem sanguinis & seminis, quoniam ille ex magis dissimili sit, quam hoc: & deinde sicuti natura nullam habet determinatam partem, per quam excrementa segreget tertiæ coctionis, ita nec in elaboratione seminis, sed ut ibi partim per insensibile transpirationem tenue excrementum digerit, partim crassum in vasa repositum viis communibus segregat, aut ad superficiem corporis dimittit, aut alio modo educit, ita se quoque gerit in seminis elaboratione. Istud etiam contra nos opponunt, quod in apertione cadaverum in testibus non reperiatur semen, in aliis autem bene. Huic repono nunquam reperiri falsum esse: interim rarius concedo, & causa est, tum quia testes in demortuis, ex morbo flaccidiores sunt, tum quia semen concoctum mox excernunt, & ob similitudinem substantiæ semen à substantia testium, nisi multum fuerit, ægre discernitur. Vnum tamen argumentum præ cæteris efficaciter sententiam nostram stringit, nimirum quod non solum taurus testibus ablatis adhuc generarit, verum etiam homines quidam. Attamen conabimur & id solvere. Ergo initio repono id valde extraordinarium esse, cum compertum sit, quod quibus citra ullam læsionem aliarum partium genitalium testes vel morbo vel alia ratione fuerunt extirpati, non generent. Deinde dubito, an testes integri, an vero non pars tantum eorum fuerint extracti: item an utrique: aut an-

non

non præter naturam tertium testem habuerint, si non in scroto, tamen retractum & in abdomine, quod aliquando observatum. Tertio pone ista ita non fuisse, id quoque ex historiis illis non possum ediscere, an non ex semine in testibus confecto, ac in aliis vasis asservato generatio illa processerit? Denique quarto concedo, aliquando fieri posse, ut debilitatem testium natura majore robore parastatarum compenset. Nam quantum colligere possum ex historiis hominum generantium sine testibus, illis fere ob morbos testes sublati sunt. Illud autem naturæ non insuetum est, si quidem una pars valde debilem condere necessum habuerit, ut alteram condant perfectiorem, quæ deinde, si cum altera in communi officio conspiraret, possit etiam ejus defectum implere. Ita vero se habere parastatas circa eos annotabo.

§. LXIV. Restat, ut nunc officio testium declarato etiam videamus, quomodo omnia huc consentiant? Ac principio qua ritur: *quare natura duos testes condiderit?* An sicut alia pleraque membra, ita & testes geminavit? An potius, quia diversus sexus est, ut utriusque proventui testem unum consecraret? Nam quia sexus multum differt, causam quoque diversam esse oportuit, non solum materialem, sed maxime efficientem. Cum idem in quantum idem semper producat idem. Et quidem ideo *dexter testis* calidior est sinistro, quia maris generationi est dicatus: contra *sinister* frigidior est & scæminas producit. Hinc Hippocrati quoque dexte *ἡμικρὸς* & sinister *ἡλικρὸς* nuncupatur. Sed si hoc ita sit: *Quare sinister testis dextro major est?* Iudicant aliqui naturam hoc ipso facto magis generationem scæminarum, quam virorum intendisse. Nam inquirunt scæminæ magis necessariæ sunt, quam viri, utpote cum multæ uni viro sufficiant, & brevioris quoque vitæ sunt, & non tam diu generationi operam dare possunt. Horum sententiæ nequeo prorsus accedere. Nam natura perfectius semper intendit, cæteris paribus, & quis ausit asserere, viros non esse æque necessarios quam mulieres? Ratio prima contraria etiam manifestam naturæ contra se ipsam pugnam infert, utpote cum contra naturam sit, unum virum multis mulieribus communicare. Neque aliz rationes ita urgentes sunt. Nam non absolute scæminæ brevioris vitæ sunt, neque generationi per brevius tempus vacant. Nam si citius generare desinant, citius etiam generare incipiunt, neque vir toto illo tempore, quo potest, generationi incumbere debet. Ergo arbitror ideo finistrum testem dextro majorem videri, quia laxior est: & ideo vasa videri majora, quia humiditate magis diffluunt. Nam revera majorem esse, quis certo affirmet, cum dexter rursus

fus multo sit densior quam sinister? Magnitudo autem non minus ex profunditate, quam ex circumferentia externa judicanda.

§. LXV. Porro respectu situs controvertitur: *quare testes foris pendant?* Respondent aliqui, ut pondere suo virgam virilem in æquilibrio servant. Verum quia non minus exfectis testibus bene erigi potest penis, & testes non à pene, sed cremastere musculo propendent, potius in eorum opinionem concedo, qui judicant naturam lascivix hoc modo prospicere voluisse in perfectioribus animalibus. Quibus enim interius in corpore testes reconditi sunt, ea animalia maxime lasciva sunt. *Queritur etiam: quod officium cremasteribus musculis competat?* Respondeo suspendere testes, & eosdem, si opus sit, retrahere. Hoc maxime apparet in illis, qui pro libitu testes retrahere & remittere queunt.

§. LXVI. Ita unum officium testium expeditimus, & ejus respectu aliarum partium naturam exsecuti sumus, verum in quæstionem venit, an præter id aliud quoque *testibus* conveniat, nimirum *universum corpus gubernare*? Sane non diffitendum est, magnam esse testium vim in universum corpus. Nam testibus ablatis advertimus temperiem universi corporis mutari, barbam excidere, mores turbari, & studia variari. Attamen ideo *non absolute principes partes testes censeri debent*, sed subordinatæ cordi, quoniam à corde testes vegetantur & roborantur influxu spiritus vitalis. At hic rursus subnascitur dubium: *quomodo in universum corpus hoc dominium testes exercent?* Sola virtute magnetica aut irradiatione id fieri non facile credendum est, cum cæteræ gubernantes partes aliquid corpori tribuant. Sed ecquid id spiritum esse dicemus, an auram seminalem? Aliqui prius, aliqui posterior accipiunt. Et qui illius sententiæ sunt, aut spiritum vitalem in testibus reflecti, aut novum gigni arbitrantur. Illud certum est, auram quandam seminalem è testibus elevari, & plerasque partes tetro vapore imprægnare. Verum non scio, an ei id regimen competat, & an ea aura corpus ita vegetum reddere queat? Proinde non improbabile existimo, vel spiritum vitalem calidiorem & vegetiorem redditum partibus tribui, vel alium spiritum in testibus elaborari. De viis non debemus esse solliciti. Nam quia aura seminalis in corpus omne à testibus distribui potest, quidni queant & spiritus? Sed de hac materia rursus agemus, ubi de spiritibus sermonem faciemus.

§. LVII. Postquam semen in testibus elaboratum est, ex iis in *parastatas* deducitur, qui inde nomen habent. quod testibus forinsecus adsint. Appellantur & *epididymides*, quia supra *didymus* h. e. testes positi sunt. *Foris tenuis*

tenuis membrana parastatas cingit, postea *substantiam* obtinent albicantem, & testibus non dissimilem, attamen duriorem & magis glandulosam: intus *vasa* notantur, sed varie intorta, quæ si liberentur à subjecta substantia longitudinem continuam nanciscuntur. *Figuram* obtinent oblongam, sed aliquantum depressam. Vnde oriantur inter Anatomicos disceptatur, verum probabilior opinio est, quod à testibus originem capiant, non à vasis præparantibus, quod aliquibus est visum. Namque si ordinate sectio instituat, nullatenus cum his coherere advertuntur, & etiam prorsus aliam ab iis substantiam habent: imo adverti potest, quomodo principio suo continua sint testibus ductibus quibusdam.

§. LXVIII. *Quodnam illorum officium sit*, non ita convenit inter Autores. Nos conformiter doctrinæ de testibus constitutæ opinamur, quod illorum officium sit *geminum*, nempe initio *fovere seminis calorem*, & *implere ejus concoctionem*: & deinde *seminis delationi inservire*. Primi respectu similem fere substantiam, & simile fere temperamentum, quam testes habent, acquisiverunt; quemadmodum similem rationem intestina ratione ventriculi subeunt. Quemadmodum vero laborante ventriculo intestina aliquatenus chylum coquunt, aut inchoatam ejus coctionem promovent: ita etiam parastatæ in defectu aut debilitate testium semen elaborare queunt, ut eos quoque raris observationibus generasse notatum sit, quibus testes aut prorsus non fuerunt, aut postea ablati fuerunt. Secundi officii respectu parastatæ principium vasorum deferentium sunt, attamen intortis vasis. Quæri hic solet: *quare vasa in parastatu non recta, sed obliquata sint?* Plana responsio est, *ut diutius in iis semen moretur*. Sed *quare hoc?* An ut melius perficiatur, an ut libidinis æstrum refrænaretur, an ob utrumque? Quoniam enim similem cum testibus substantiam, & simile temperamentum obtinent, prius expedire queunt: & alterum exinde discitur, quod quibus animalibus intestina non intorta sunt, sed fere recto ductu propagantur, ut cito accepta egerantur, ea sint valde voracia: atque ita potest & hic se res habere.

§. LXIX. His continuantur *vasa spermatica deferentia*, quæ in scroto initium capientia sursum feruntur, & in processibus peritonæi vasis præparantibus juncta pergunt ad ilia & os pubis, ac dehinc deorsum reflexa, & ureteres supergressa sub posteriore parte vesicæ, super recto intestino ad vesicæ collum in vesiculas seminarias terminantur. *Substantiam* hæc vasa solidam, albam & nervosam obtinent, *figuram* teretem & oblongam, & *cavitatem* valde exiguam, ac obscuram, per quam semen, utpote valde spiritu-
S rituofum

rituosum transire prompte potest. *Vsus* istorum vasorum est semen traducere in vesiculas seminarias.

§. LXX. *Deferentia ista vasa* terminantur, ut dictum est, in *vesiculas seminarias*. Ex enim nihil aliud sunt, quam producta vasa deferentia, & in oblongiusculum ductum vix racemo valde similem, ac in varias cellulas cavitatibus granorum mali punici congruentes desinentia. *Posita sunt* hæc vesiculæ inter vesicæ urinarie & recti intestini ligamenta ad latera vasorum deferentium, paulo antequam hæc vasa crassiora fiant & uniantur. Nam post constitutas vesiculas has seminarias, vasa illa deferentia rursum uniuntur, & in exiguum ductum exeunt, qui in prostates desinit. Ad finem illarum duo exigua foramina sunt, caruncula obturata, quibus semen ex illis vasis in meatum urinarium effundi potest. Hæc foramina in gonorrhoea laborantibus aut senioribus & siccis constitutionibus maxime notantur, in aliis aliquando non ita perspicue apparent. Quis sit *usus* horum vasorum dubitatur. Aliqui semen in eis contineri arbitrantur, aliqui vero judicant seminis excrementum in iis recipi. Ego priori sententiæ accedo. Nam non solum continuæ sunt deferentibus vasis vesiculæ seminariæ, sed & conformem substantiam illis habent, & in foramen illud ductum desinunt. Imo pressis vesiculis seminariis actutum semen in communem ductum penis effunditur. Quare censeo sicut in intestini coli cellulis colliguntur & conservantur fœces, dum expelluntur in intestinum rectum: ita in vesiculis his semen colligi, dum tempore coitus excernatur. Verum *quomodo semen effundatur ex his vesiculis* in dubium vocari potest: an id fiat à semine insequente, aut à spiritibus influentibus, aut alio modo. Ego non improbabile judico id fieri, quatenus in copula maris & foeminae affluentes copiose spiritus, & seminis turgescencia aut copia, partes genitales & has vesicas irritant, quæ ea irritatione se constringentes semen effundant. Ita enim & aliz partes fere contenta deponunt, quatenus nempe irritatæ contractione sua expellunt.

§. LXXI. Adhuc ad radicem penis inter cervicem & rectum intestinum glandosa duo corpora utrinque locata sunt, quæ *prostates* vocitantur, aut *glandula seminaria*; Substantia harum spongiosa est, durior tamen quam aliarum glandularum, albicans, ac membrana crassa densaque cincta: orbicularia sunt, & aliquantum depressa. *Vsus prostaticarum* secundum alios statuitur esse semen in se comprehendere, secundum alios pinguem humorem imbibere, quo tempore effusionis seminis urethra delineatur, ne ab acredine seminis lædantur. Et hoc magis videtur rationabile. Hoc enim proprium

prium glandularum officium est, ut absorbant humores excrementitios, & eosdem rursus excernant. Membrana vero densa circumjecta non eam solum ob causam illis data videtur, ut tenuem illam materiam coëerceat, sed forte magis, ne prostatæ in coitu & aliis irritationibus lædantur. Verum in primario officio id difficultatem parit, quod nullæ appareant viæ, quibus contentum humorem prostatæ evacuent: hinc alii ad occultas vias procedunt: alii poros à se notatos asserunt. Non repugno, sed consulant naturæ scrutatores, utrum non per foramina illa velicularum seminarii terminationi adjecta evacuatio illa fieri queat?

§. LXXII. Quapropter ex vesiculis seminariis & prostaticis materia prolifica in urethram deponitur, quæ canalis-quidam penis est, ut de eo hic sub finem explanationis partium genitalium etiam agere debeamus. *Penis* à *pendendo* nomen habet, quia à corpore virili dependet, quāquam id toti non competit, sed parti tantum ejus externæ. Nam alioquin *dividitur penis* in *ἐπίστυμα* & *στυμα*. *Ἐπίστυμα* vocatur illa superior penis pars, quæ ad radices ossium pubis à cervice vesicæ initium capiens intra perinæum latet. *Στυμα* autem appellatur pars illam sequens. *Magnitudo* penis variat multum, spithamæ tamen longitudine definiri solet. *Figura* ejus oblonga & rotunda est, nisi quod superior ejus pars paulo latior est. *Constat penis ex diversis partibus*. Principio ei competunt *communia tegumenta* humani corporis, *cuticula* nempe, *cutis*, & *membrana carnea*, verum pinguedinem non habet, ne quidem in pinguiissimis corporibus. Deinde *propria substantia* penis, non est ossea, ut in quibusdam animalibus, sed propriæ quasi naturæ constans ex *urethra*, *duobus corporibus nervosis*, & *glande*. *Urethra* seu *fistula urinaria* est ductus quidam communis tenuis, per quem & urina & semen transit. *Vrinam* accipit à vesicæ urinariæ cervice, utpote cui conjungitur: semen autem ex vesiculis seminariis per foramina duo ad latera utrinque insculpta, & vesiculis seminariis continuata; aut ex prostaticis, vel per eadem foramina, vel per poros quosdam, quos se observasse Anatomici quidam scribunt. Observavi tamen, quod etiam à diversis Anatomicis notatum, aliquando diversum canalem pro urinx & seminis evacuatione, in aliquo gonorrhœa laborante. *Duplici ex membrana urethra componitur*: *interior* nervea magis est, & valde sensibilis maxime juxta prostaticas: *exterior* autem magis carnea, & pluribus fibris transversis donatâ. Ad hujus latera superiorem parte utrinque consistunt *duo corpora nervosa*, quibus non dantur similia in toto corpore. In radice penis hæc à se invicem divulsa sunt, verum in progressu conjunguntur per interveniens corpus pariter nerveum,

veum, sed albicantis, quod *septum pellucidum* Spigelius nuncupat. Intra ea nervosa corpora atra & rara materia, quasi ater sanguis, quæ nervosis quædam fibris aut membranulis intertexta est, invenitur. Ad finem illorum corporum *glans* jacet, quæ illa corpora quasi cingit, & obturat, aliquanto tamen amplius est illis duobus corporibus, & in fine acutior evadit. In medio ejus foramen est continuatum cum fistula urinaria, & eadem quoque membrana tectum, non solum intus, sed & foris. Hæc glans non habet sibi adnata tegumenta communia corporis, sed forinsecus tantum apposita, ut eam tegere queant & reflecti. Ibi locorum cutis *præputium* vocatur, quod Iudæis aliisque quibusdam populis solitum est præscindi. Ei inferiore pars glans inventu membranæ cujusdam alligatur, quæ *frenum* vocatur. Præter has partes *vasa* etiam sua penis habet, cutanea quidem à vena & arteria pudenda, atque profunda ab hypogastricis, quæ ad bifurcatum penis exortum utrinque per longitudinem ejus divaricantur. Præcipue verò notabiles *arteria* sunt. *Nervi* etiam duo insignes ab ossis sacri medulla producti in penem abeunt, minor quidem in cutem ejus digeritur, at major per profundiorē partē utrinque per penem & ejus musculos deducitur. Denique etiam *musculos* suos penis accipit, sitos intra fœmora non procul à scroto. Duo eorum *laterales* sunt, penis erectioni dicati, qui à coxendicis appendice infra principium duorum nervorum corporum penis nerveo exortu producti, & mox carnosii redditi oblique ascendunt, & juxta principium eisdem affirmantur. Duo alii *inferiores* sunt, & à sphinctere ani carnea parte ortum ducentes, & internis suis lateribus conjuncti, recta sub pene antrorsum feruntur, & ei circiter in medio inferna parte ad lātera urethræ inferuntur.

§. LXXIII. *Officium* penis est inservire urinæ evacuationi, & seminis injectioni in uterum. Primi causa illi urethra suffecisset, sed ob aliam causam aliæ partes ipsi necessariæ fuerunt. Id ut melius pateat, ordine quodam secundum officiorum expediendorum ordinem breviter ea monstrabimus. Principio peni *appetitus veneris* inditus est, quem maxime interior ejus membrana percipit, quatenus à seminis copia irritatur. Hinc Plato *animal* quasi penem esse judicavit, quia hujus appetitus sedes sit. Putant tamen aliqui appetitum illum in cerebro residere, cum advertamus, etiam citra irritationem illius partis appetitum veneris esse posse, quod non omni ex parte falsum esse censeo. Dehinc *seminis excretioni* penis est dicatus, quod fit, quatenus partim affluxu spirituum & seminis semen ante cedens protruditur, partim constrictione vesicularum seminearum & urethræ

thrae propellitur. Vt hæc excretio debite immitti posset in uterum, *rigidum penem esse oportuit, & stabilem*. Primum præstant nervosa illa duo corpora, quatenus ea à spiritus influxu & materiæ istius atro-rubicundæ inflatione rigescunt, & excreto semine dissipatis spiritibus, & subsidentibus raritatibus rursus flaccescunt. Ideo natura ea ossea non fecit, ne continuo rigore molestiam & turpitudinem inducerent. Posterius autem sit per musculos penis maxime laterales, qui efficiunt, ne in congressu venereo hinc inde ad latera penis evagaretur. At quid inferiores muscoli faciant dubitatur. Nam quidam censent eos dilatare meatum urinarium, verum nec improbabiler dici potest, quod inserviant detentioni penis, ne sursum nimis retraheretur. Ad omnia ista reliqua quoque conspirant. Nam ut commodè aptari posset cervici uteri, figura teres & oblonga peni contigit, finique corporum glandula imposita est, ut prohiberetur celer spirituum dissipatio, simulque circumjecta membrana & septo lucido eidem de causâ ipsi prospexit. Habet illa glandula etiam hunc usum, quod cum sensu insigniter prædita sit, contrictione ejus incalesceret, & irritata spirituum affluxum & seminis celeriore excretionem promoveret. Sed *quare pinguedine penis nulla obductus est?* Approbo illorum opinionem, qui judicant pinguedinem mollitiæ & liquiditate sua erectioni impedimento futuram fuisse. Nam humiditate sua laxans, & calore rarefaciens etiam aliarum membranarum tensionem præcavet; unde in convulsionibus utiliter illinitur. Concurrere etiam potest hæc ratio, ne penis in nimiam molem deduceretur, & gravior evaderet. Priorem tamen præcipuam esse censeo: secundæ autem tertiam comparo, deesse pinguedinem, ne sensus obtunderetur & voluptas minueretur. Nam pene non erecto tanta voluptas fieri non potest. Sed istud vix admiserim, fusam per frictionem pinguedinem id effecturam fuisse. Nam intus præcipue illa sensus voluptas est, quo ob densitatem membranarum corporaliter pinguedo pervenire non potest. *Præputium* quem usum habeat, dubitationem nullam ingerit. Quippe id devolutum & revolutum supra glandem diversa ratione in conjunctione maris & feminae miram voluptatem feminis concitat, unde recitatorum feminæ magis delectantur copula eorum, quibus præputium saluum est. Adhuc id unum inquiramus, an vera sint, quæ de longitudine penis referunt. Sunt qui existimant in parvis viris penem esse majorem, quam in magnis. Id semper fieri non crediderim. Nam si utrorumque corpus bene temperatum & constitutum fuerit, partium magnitudines secundum debitam proportionem se habent. Verum aliquando id fieri

non negavero, cum sæpe expertum sit, eos qui sunt statura minores esse calidiores temperamento. Sic ajunt, in eis, qui à venere abstinent, penem esse majorem, quam in iis, qui eam exercent. Sed illud experientia repugnat, & non credibile est. Nam cum in coitu singulæ partes distendantur, & rarecant, peni idem accidere arbitror. Nisi indigebant tam assiduum aut frequens Veneris studium, unde partium genitalium robur flaccescat. Pariter referunt, quod iis, quibus vasa umbilicalia non proxime ligantur ad umbilicum in infantulis, longior penis obveniat, cum alias retrahatur ab uracho. Sed seu propinque seu remote illa vasa ligentur, non ita propinque ligari possunt, ut retractio vesicæ fieri possit, & semper etiam quocunque modo ligata juxta abdomen decidunt.

§. LXXIV. Sic se habent partes genitales virorum, sequuntur partes genitales mulierum, quarum officium est primo virile membrum admittere & constringere, pro exceptione seminis, deinde muliebres semen elaborare ac virili conjungere, tum conjuncta semina debite maturare, ac affluente nutritionis materia in debitam quantitatem deducere, dum foetus vicissim in lucem emittatur. Illa munia exsequitur anima per *vasa præparantia mulierum, testes, vasa deferentia, uterum, & pudenda*, de quibus partibus ideo ordine agendum est.

§. LXXV. A *vasis præparantibus* exorsi notamus, quod ea quidem exortu cum vasis præparantibus in viris convenient, sed ab iisdem differant *propagatione & terminatione*. Nam in mulieribus ea vasa ex abdomine non excidunt, verum quia testes utero à lateribus in abdomine assident, in eodem manent. Ideo breviora quoque illa vasa, quam in viris sunt, quod ut natura compensaret, pluribus anfractibus *pampiniformem processum* intorset. Dehinc in viris quidem vasa præparantia secundum se tota in testes abeunt, in mulieribus autem in medio itinere divisa partem ad testes, partem ad uterum mittunt. Quæ ad testes abit, major est, sed quæ ad uterum concedit, minor, interim fere in tres surculos divisa. Vnus ad uterum excurrit; alter ad vas deferens & ligamentum rotundum procedit: tertius uteri latus sub membrana exteriori perreptans circa cervicem uteri terminatur. Horum vasorum officium cum virilibus consimilibus congruit fere, non tamen ex toto: quippe ob divisionem minus materiae semineæ ad testes muliebres adducunt, & ad uterum uberrimam adferunt; tum pro nutritione uteri, tum pro menstrua purgatione, tum pro alimonia foetus, quam diu in utero est. Illud notabile in his atque aliis vasis vicinis utero est; quod in prægnantibus multo sint majora, quam in non prægnantibus,

tibus, ob ~~ferri~~ sanguinis, quam eo tempore deorsum accipit, maxime attractione ipsius fetus. An etiam ob vasorum compressionem id evenit? Non ausim certo affirmare: licet mihi dubium non sit, satis vicina vasa ob uteri extensionem magnam premi. Hoc quoque à quibusdam notatum, vasa illa spermatica tum inter se, tum cum vasis hypogastricis mutuis anastomosibus communicare, ut sic ex arteriis hypogastricis in venas spermaticas sanguis se exonerare queat.

LXXVI. *Testes dehinc muliebres*, etsi aliquatenus cum virilibus consentiunt, tamen in multis ab eisdem discrepant. Nam non extra abdomen propendent, sed in abdomine ad latera fundi aliquantum ab eo distantes in elatiore sede collocati sunt, eidemque ope ligamentorum superiorum connectuntur. Figura non ita rotunda & æquabili sunt, ut viriles, sed aliquantum depressiores & foris inæquales, magnitudine minores, substantia molliores, temperamento debiliores, & compositione prorsus alii. Nam una solum membrana integuntur, & substantia partim testibus virilibus cognata etsi molliore, partim prorsus dissimili constant, utpote cum vesiculis & cavernulis sint pleni. Hinc usus non est prorsus idem. Nam elaborant quidem semen, sed non tam perfectum, quam viri: neque solum, verum implere mihi videntur etiam usum vesicularum seminearum. Ergo retinent etiam in se semen usque in tempus coitus, quo per vasa deferentia in uterum emittunt. His positis licet omnia bene intelligere, quæ in muliebris testibus occurrunt. Nimirum in abdomine siti sunt, partim ob loci convenientiam, partim ob uteri conspirationem, partim ob temperamenti debilitatem. Vnica autem tantum membrana integuntur, quia externis injuriis non patent. Et alia acceperunt, ut testimonium præberent debilioris sexus debiliorem esse vim in generando. Prætereo sciens, quod à quibusdam dubitatum est, *an testes omnino mulieribus competant?* Nam viriles aut virilibus prorsus similes illis convenire, nemo asseret, at nullos, qua fronte quis contra sensuum fidem neget? Officium si urgeant omnino cum testibus virilibus non congruere, nego, si omni modo intelligant, sed si aliquo modo intendant, solum inferre possunt, sequiori sexui debiliores has partes contigisse.

§. LXXVII. Ex testibus semen muliebre per *vasa deferentia* eo ferri debet, ubi semini virili commode potest conjungi. Sed quæ illa sint, Anatomici anxie inquirunt, ut ob hanc quoque causam Peripatetici quidam mulieribus aliquid simile tantum testibus, non veros testes tribuerint. Probabile tamen est, si quæ dentur, quod sint ea, quæ à testium extremitate inferna

inferna oriuntur, & per superius ligamentum in uteri fundum flexuose deducuntur. Nam in his semen aliquando contineri observatum est. Vbi incipiunt latiosa sunt, sed carentia manifesta cavitare, in progressu sunt angustiora, at in iis manifesta magis cavitare sentitur: in fine autem rursus ampliore ductu in uteri fundum desinunt. Laurentius tamen, Varolus & Riolanus etiam observarunt, quod ejus vasis ramus quidam in cervicem uteri propagetur, qui in gravidis præsertim notetur. Spigelius contra, quod & à Galeno notatum fuit, scribit se eum nunquam observare potuisse, ut hinc lufum naturæ fuisse arbitretur, si fuerit ille ductus ab aliis observatus. *Substantia* horum vasorum deferentium vasis virorum non dissimilis est, & officio pariter cum iis convenit. Sed dubium magnum est, *ubi semen accipiant, & per quas vias?* Dubitatio ex eo oritur, quod cavitare nulla in iis juxta testes notatur. Hinc aliqui venas & arterias accipiunt, aliqui autem putant ea vasa se pandere, & patere magis in viventibus. His malim assentiri, cum sic venis & arteriis proprium relinquatur officium, & in venis lacteis simile quid observemus, imo in ipsis parastatis quoque virorum, ubi ex testibus semen accipiunt, tam manifesti ductus non apparent. Sed *utrum in his ipsis vasis etiam semen asservatur?* Ita censent nonnulli, sed ego testes muliebres huic officio præesse arbitror, ut nimirum dicantur non solum semen elaborare, sed etiam ad tempus coitus asservare. Hinc evenit, ut in testibus mulierum frequentius & copiosius semen inveniat, quam in testibus virorum. Si tamen alii diversum quid observarint, idque frequenter, nolim experientiæ refragari.

§. LXXXVIII. Sequitur *Vterus* nobilissima pars inter partes genitales mulierum. Nomen habet ab utre, ob cavitatem quam in se habet. Etiam *matrix* vocatur, quia matris subit officium. *Situs est uterus* in media parte hypogastri inter intestinum rectum & vesicam urinariam, ac illis partibus ad *cervicem* quoque suam copulatur, *fundus* autem ejus *quatuor ligamentis validis* firmatur in suo loco. Eorum *duo sunt superiora*, lata, ac membranæ, à peritonæo progenita, quibus ossibus ilium alligatur. Eadem ligamenta etiam vasorum præparantium & deferentium deductioni ad uterum inserviunt. Alia *duo ligamenta sunt inferiora*, nervosa, teretia & cava, quæ à lateribus fundi uteri juxta vasa deferentia originem capientia ad inguina per productiones peritonæi descendunt, ac parte quadam supra os in latam ac nerveam exilitatem degenerant, cui clitoris alligatur, reliqua autem pars usque ad genu postea in interni scæmoris membranam excurrit. In inguinibus ligamenta hæc supra & infra glandulis sulciuntur, & nonnullis,

nonnullis, cum cava sint, censentur inservire excrementitiorum humorum evacuationi, & Spigelius attestatur, se ligamenta illa parte vicina utero in fœmina quadam, quæ ex nimio coitu mortua dicebatur, plena reperisse semine. Habet *uterus figuram* cucurbitulæ in non prægnantibus, at in prægnantibus magis ad rotunditatem vergit. *Magnitudo* dehinc uteri in non prægnantibus exigua est, instar nucis juglandis in virginibus, aut quæ nondum conceperunt, at in prægnantibus pro fœtus ratione extenditur. An tum fiat tenuior an crassior, ambigue Autores tradunt. Ego assensum præbeo Cl: Adriano Falcoburgio, Professore Academix Leydensis Celeberrimo, qui in lectionibus suis & demonstrationibus Anatomicis docere solet, se in diversa apertione gravidarum reperisse, quod revera uteri substantia tenuior evadat, verum quod ob firmiter adnatum hepar uterinum incautis facile imponi possit, credentibus id ad substantiam uteri pertinere. Et huic experientix ratio manifesta subscribit, quod nempe membranæ longius extensæ tenuiores evadant. Vt hinc non necesse sit ad miraculum confugere, ne dicam ad impossibilia. Quomodo enim crassior fiat uteri substantia, nisi nutrimento magis alatur: & quomodo ea substantia in non prægnantibus rursus dissipetur, nisi defectu alimentis? Nam quantitas sine materia augeri minuique nullo modo potest.

§. LXXIX. Cœterum ut *uterum* plene declaremus, notandum est, eum in *fundum* & *cervicem* dispesci. *Fundus uteri* ex pluribus membranis, iisque nerveis, ac infinitis tubulos amplosque cuniculos constituentibus, quæ anfractuoso transitu invicem coherent, componitur. Id summa ratione à natura factum est. Quia enim tempore gestationis in utero varie uterus extendi debet, id commodè per hanc constitutionem obtineri potuit. In interiore sui parte uterus cavitatem ostendit, non geminam, aut in cellulas distinctam, quemadmodum aliquibus visum est, sed unam, interim linea quadam in dextram sinistramque partem divisam. *Vasa* quoque obtinet omnis generis, & quidem venas & arterias tum à spermaticis, tum ab hypogastricis habet: nervos autem tum à sexta conjugatione, tum ab iis, qui ex vertebis lumborum prodeunt. Interim judico diversitatem quandam inter hæc vasa esse. Nam vasa quidem hypogastrica judico maxime nutritioni uteri inservire: at spermatica generationi. Dum autem dico *maxime*, noli id explicari *adæquate* & *totaliter*. In uteri ea cavitate de qua dixi, reperiuntur meatus quidam exigui, maxime ea parte, qua uterus intestino recto superponitur. Hi quandoquidem in ovium & vaccarum uteris cavitatem notabilem obtinent, vocati sunt à veteribus *cotyledones*,

T

quod

quod quasi acetabuli figuram ostendant. Sunt autem hi meatus vix unquam conspicui, nisi cum aut prægnans mulier est, aut menstrua expurgat. Hinc creduntur illi meatus esse oscula venarum & arteriarum aperta. Idem uteri fundus foris superiore parte utrinque ad latera obtusos processus exferit, quos quia repræsentant prominentias illas, quæ ante cornua vitulæ erumpunt, *CORNUA* veteribus dictos opinantur. Nisi quis opinetur nomen illud inde derivatum esse, quod crediderint aliqui sicut in ovium bouinque uteris, ita in hominum genere revera quasi cornua quædam reperiri. Adhuc fundo uteri annectitur vas quoddam, quod *tuba Fallopii* appellatur, & utero sere adnascitur, aut adhæret, non aliter quam illud, quod intestinum cæcum appellant recentiores, adnascitur intestino colo. Cum apparet, judicari possit quasi vas abruptum aut præscissum, cum tamen neutiquam ita sit.

§. LXXX. *Cervix uteri* est desinentia uteri membranæ in pudendum, ita confirmata, ut virile membrum commode admittere queat. Dicitur à similitudine quandoque *collum uteri*, & ab officio *vaginae peni*. In ea cervice notanda primum *duo orificia*, & dehinc *compositio ac structura*. *Orificium unum* cervicis est *internum*, quod & *os uteri* appellatur. Nam quia inter cervicem & uterum situm est, & ex fundo ejus aliquid protuberat, aliqui id ad uterum, aliqui ad uteri cervicem referunt. Sed res clara est, in eo autem parum situm, quo orificium illud referatur, cum ipsa uteri cervix utero continuetur. Id autem tenendum orificii nomine non venire solum hiatum, sed ipsum corpus hians, glandi obtusæ non dissimile & transversa linea cum non plene apertum est perforatum, ac plene hians exacte rotundum existit: Positum est in summitate cervicis, ubi utero conjungitur. *Alterum orificium cervicis* dicitur *externum*, quod aliqui idem esse volunt cum *pudendo muliebri*, aliqui & melius, ut apparebit ex sequentibus ab eo distinguunt. Id rursum hic certum est, illud cum pudendo muliebri conjungi. Ideo de eo hic agemus. Dicitur muliebri pudendum *natura*, quia generationi inservit, & *vulva* alias, quasi valva sit, & *cunni*, forte à cuneo aut impressione. Sed id vocabulum inter obscena numeratur, honesto autem nomine *locos muliebres* appellant. Horum appellatione autem non solum veniunt ductus illi, quibus accipitur virile semen, sed illa quoque pars, quæ illis circumjecta est, & ex qua pili primis adolescentiæ annis proveniunt, quam *pubem* vocitant, & eminentiore ac pilis magis referto loco *montem veneris*. Ductus vero ipsi plura ingerunt. Initio occurrit *rima magna seu fissura*, quæ primum ingressum virili membro præbet. In ea notanda ejus

eius magnitudo est, quæ major est, quam orificii externi cervicis proprie dicti, utpote cum ab osse pubis incipiat, & fere ad anum pertingat, ita ut perinæum vix transversum digitum superet. Deinde illam rimam utrinque claudunt *labia pudendi*, inde nomen sortita, quod labiis oris nec figura nec officio dissimilia sint. Componuntur illa ex cute & cuticula superposita, ita tamen ut non pauca pinguedo, sed ea spongiosa & fungosa interveniat. Postea diductis paulo labiis in aspectum veniunt productiones duæ ex spongiosa mollique carne ac ex reduplicatione cutis ad latera externi orificii cervicis enatæ, quæ cum clauduntur exacte id orificium claudunt. Vocitantur à similitudine *ala*, & à Galeno *nympha*, vel quia primo sponsum admittunt, vel quia urinæ transeuntis fonti seu scaturigini præpositæ sunt. In apice illarum *Clitoris* posita est. Est autem Clitoris caro quædam nervosa, dura, intus nigricante & spongiosa materia plena, adeoque valde similis nervosis corporibus penis. Vnde quibusdam & *penis* aut *mentula muliebris* vocitatur. Cæterum constat clitoris ex tribus corporibus, duobus quidem lateralibus, quæ *ligamenta* & *crura clitoridis* nuncupantur: & tertio inter hæc medio, quod è superiore parte commissuræ ossium pubis prodit, & in latera hæc terminatur. In ejus extremitate *glans* est, quæ tenuissima cute quasi præputio tegitur. Nominata est illa glans à veteribus *μύρτις*, forte quia baccharum myrti figuram æmulatur. Ulterius sub clitoride supra cervicis externum osculum, quod nymphæ ambiunt, *foramen* notatur, per quod mulieres urinam emittunt. Neque enim, quod quibusdam visum est, ex cervice uteri sexus muliebris urinam emittit, sed per illud foramen, quod indigitavimus. Intra nymphas, seu in sinu illo deinde notantur *quatuor caruncula myrtiformes* à similitudine dictæ, quæ in virginibus rotundæ, at in defloratis attritæ & flaccidæ apparent. Duæ illarum ad latera consistunt, una autem cæteris major ac bifida superius, quæ urethræ foramen obturat, quarta autem inferius & interior. Has membrana quædam carnosæ & nerveæ conjungit, media tamen parte pertusa, ea magnitudine, ut sepe parvum digitum admittat. Hæc illa membrana est, quæ virginittatis signum præbet certum si adsit, at si absit vel defloratam virginittatem indicat, vel alio modo ruptam aut exesam hanc membranam, aut omnino præternaturalem constitutionem. Denique post carunculas has occurrit demum verum *cervicis uteri orificium externum*, nimirum rima quædam rugosa, inter nymphas sub vesicæ foramine sub magna rima conclusa. Inveniuntur adhuc in vivis fere solum notabilia duo *foramina cæca*, quæ diductis labiis statim apparent, quæ in conjunctione utriusque sexus

serosum quendam humorem exstillant, quo virile membrum madefit, non solum ob maiorem voluptatem, sed etiam ob irritationem, ne ante seminis ejaculationem ab officio suo desistat.

§. LXXXI. *Componitur* cervix uteri ex duplici membrana, non valde dissimiliter quam uterus, unde si per transversum illæ membranæ secen-
tur, fere talem quoque substantiam ostendunt, qualis in nervosis penis corporibus reperitur. Reliqua structura cervicis ita se habet. *Figuram* habet oblongam, qualem canalis obtinere solet, intus vero rugosa est transverse & orbiculariter excurrentibus rugis, quæ fibrarum omnino officium obeunt, quippe per eas concurrentibus & aliis fibris membrum virile undique amplectitur. Vsu vero diuturno hæ rugæ tandem absumuntur, & quasi dispereunt. *Magnitudo* cervicis uteri diversa est, attamen accommodata virili membro. *Situs* ejusdem est in pelvi inter vesicam & rectum intestinum, quibus partibus etiam membrana à peritonæo orta conjungitur. Neque solum illis partibus, sed ossi quoque pubis superiore parte per eandem inembranam. Aperitur uteri cervix cum menses fluunt, aut cum sæmina mari copulatur, alias contorta est, & pluribus rugis in se concidit, ne ab externis aeris injuriis uterus lædatur. Atque hinc tam periculosum est fluentibus mensibus per frigida loca ambulare non bene munitis illis partibus. Vasa cervix uteri habet venas quidem & arterias maxime ab hypogastricis, raro etiam à spermaticis, externæ autem pudendæ partes habent à vasis pudendis; nervos denique sortiuntur tum à sexta conjugatione, tum ex lumborum vertebra prodeuntem ramum.

§. LXXXII. *Officium uteri* respectu generationis est semina utriusque sexus in se recipere, eademqueovere, dum concepta & in foetum elaborata sint, dehinc sætum efformatum per uteri vasa nutrire, ac in se ad perfectionem suam detinere, ac denique eundem in lucem emittere. Circa hæc occurrunt aliquæ difficultates ordine tollendæ. Initio quæritur, *An in utero sit virtus appetitiva seminum & generationis?* Iudicamus probabile esse. Nisi enim uterus accipiatur vix alia pars bene nominari potest, & advertimus uteri morbos valde variare cum veneris appetitum, hinc sorte tam sensibilis factus à natura est. Deinde quæritur *quomodo semen virile in uterum veniat? an nempe solum ejaculatione penis, an etiam attractione uteri?* Posterius probabile cenfeo. Sicut enim in utero est appetitus seminum, ita virtutem quoque tractivam à natura videtur obtinuisse, præsertim cum sola ejaculatio non videatur sufficere. Atque id confirmare quoque videtur, quod orificium uteri se aperit, & uterus etiam deorsum procedit ad accipien-
dum

dum semen, ut propterea in vehementibus suffocationibus coitus praesenti sæpe sit remedio. Si quis vero quærat: *quomodo uterus semen virile attrahat?* Respondeo probabile esse, quod id fiat partim virtute magnetica, partim sucçu. Nam quia uterus virtute *oviparæ* appetit semen, etiam eadem attrahit. Sucçu autem exinde probatur, quod in coitu sentiunt quandoque viri semen ex pene quasi exluggi, quod dehinc Medici tanquam signum acceperunt graviditatis. Et hoc procul dubio à Galeno indigitatum est, quando docuit uterum semen attrahere, sicuti cervus naribus suis serpentes ex locis suis attrahit. Porro, quoniam non sufficit ad generationem solum virile semen, unde & *quomodo accipit uterus muliebres semen?* Censeo, quod quanquam aliquando ductus quidam à vasis deferentibus observati sunt in cervicem uteri desinere, tamen ordinarie illud in uteri cavitatem effundatur, quia alii ductus sæpe absunt, at in uterum vasa deferentia semper terminantur. Verum *ecquid & illud attrahitur, an solum propellitur?* Iudico attrahi etiam, idque ideo, quia à semine virili non essentia, sed tantum accidentali perfectione differt: illa autem sympathiam non tollit, licet minuat. Vnde crediderim quoque maxime attrahi semen muliebres, ubi à virili uterus magis irritatur, licet sæpe ob propulsionem etiam mulieres ante viros semen emittant. Postquam *utraq; semina in uterum recepta sunt, clauditur exacte orificium internum uteri*, ita ut nec specillum admittat. Hoc experientia diversa in brutis videri potest. Excipiendus tamen hic ille casus est, cum ob accipiendum novum semen, quod fit aliquando in superfœtatione, aliquantum uterus aperitur. Quod etiam evenit aliquando, quando prægnantibus menses fluunt. Atque hinc solvi potest altera quæstio: *quomodo nempe uterus semina in se conservet & soveat?* Nimirum non solum benigna & cognata qualitate, verum etiam constrictione sui orificii, imo etiam comprehensione à toto uteri fundo facta. Sicut enim ventriculus cibum complectitur, ita non minus crediderim, quod etiam uterus se circa semina contrahat, ut ea optime comprehendat. Et hinc forte intelligi potest, *quare in non prægnantibus uterus in tam parvam quantitatem, nempe magna nuce juglande vix majorem constricçu appareat?* Nimirum, ut arctius semina possit contingere. Inde quoque resolvi potest quæstio: *an semen ex quo masculus provenit in alio latere cubet, quam ex quo femininus sexus?* Nimirum nullatenus, quandoquidem una solum in utero cavitas est, & semen fluidum, & ab utero undique coeretur. Verum *ecquid tum pro sabulis habenda sunt, quæ Prisci Medicina Constitutores tradiderunt, mares in dextris, feminas autem in sinistris concipi?* Nullatenus vero.

Nam credibile est, quod licet semina per uteri totam cavitatem effundantur, tamen in una alteraque parte uteri magis affirmantur. Et quoniam dextra corporis pars sinistræ prævalet, recte illi hanc regulam posuerunt, mares in dextris, sæminas in sinistris efformari. Amplius quæri solet: *An uterus vim obtineat conformandi semina?* Nonnulli vim conformatricem utero ascripserunt, qua ex semine omnes partes elaboret, adeoque sic foetum constituat. Verum tamen contrarium est. Nam 1. multa efformantur extra uterum, ut omnia quæ ex ovis producantur, & quorum semina terræ immittuntur. 2. Uterus in se non habet omnium partium ideas, quomodo ergo singulas partes elaboret? Sed hic rursus scrupulus movetur. *An uterus non saltem habeat vim generandi membranas circa factum?* Non videtur. Quare enim ad aliam causam transeundum est, cum in semine istam vim latere ostendi queat. Id adhuc quæri solet, quandoquidem *ante conformationem semina utero adhaerere debent: quomodo fiat illa adhesio?* Iudico fieri, quatenus incallescencia seminum & etiam uteri motu & spirituum affluxu vasa uteri aperiuntur, & sic semina illam adhesionem sortiuntur. Hinc intelligi potest: *quare sæpius à conceptu mulieribus effluere soleat una vice portio sanguinis, & sic fluxus ille sisti?* Evenit nimirum hoc, quando copia quadam confertim sanguis ex vasis erupit, quem natura utpote noxium futurum apertione orificii sui expellit, retento interim semine, utpote amico. Verum *quare non semper ille fluxus advertitur?* Quia scilicet non semper tanta fit ex vasis eruptio, ut necessarium sit partem ejus secerni, utpote cum queat in placentam uterinam transformari. Vbi conceptio & efformatio foetus expeditæ sunt, imo postquam prima rudimenta partium sorte nec omnium posita sunt, opus est ut nutritione & augmentatione sætus augeascit. Quæritur ergo *per qua vasa nutriatur factus in utero?* Non dubito quin per arterias, per eas enim sanguis depellitur in uterum. Ita tamen hoc accipiatur, quod per arterias uterinas sanguis advehatur ad uterum, & ex illis deponatur immediate aut mediate in venam umbilicalem, per quam veniat sanguis ad hepær, & per cavam ad cor, & inde in universum corpus, ita ut redundans sanguis in foetu per arterias umbilicales rursus educatur. Vbi jam sætus incrementum debitum natum est, in lucem emittitur, ubi initio quæritur. *Vnde irritetur uterus ad expulsionem?* Iudico irritationem illam fieri à sui nimia distensione & vario motu infantis, unde quadam molestia affectus, conatur se ab ea liberare. Dehinc quæritur: *Quomodo expellat?* Probabile est id fieri constrictione sui circa fundum, & quasi exclusionem, quatenus aliqua à postica parte compressa foris eliduntur. Porro quæritur: *An illa expulsio*

expulsio

expulsio fiat solitarie ab utero? Neutiquam vero, sed juvant tum fœtus ipse, tum aliæ partes, non solum muscoli abdominis, sed maxime arteriæ, quæ ideo vehementer pulsant, & ad excernendum fœtum sanguinem quoque multum ad uterum depellunt. Procul dubio vero & venæ aliquid huc conferunt. Et hinc licet intelligere: *In quibus partus dolores consistant?* Nimirum maxime in vasis ob nimiam illorum à sanguine distensionem & potentem contractionem, ut propterea singulis doloribus penetrantibus fœtus promoveatur, & eo in luccin edito aliquantum sanguinis emittatur. Hoc tamen etiam notandum est, quod appropinquante tempore partus ultimis mensibus paulatim uteri orificium laxetur, & ad apertionem præparetur, ut dehinc facilius aperiri queat.

§. LXXXIII. Antequam ab hac materia abeamus, adhuc aliqua nobis explicanda sunt circa consensum uteri cum diversis partibus. Et quidem illud non attingemus, quomodo consentiat cum partibus quibus conjungitur, quia id prompte intelligi potest, sed id quæritur: *quare primis gestationis mensibus ventriculus tam male se habeat, & unde fiat, quod hoc malum sequentibus temporibus cesset?* Quoad primum cenfeo aliquid quidem eo conferre compressionem ventriculi, attamen maxime judico id fieri, quatenus sanguis menstruus retentus & foris exitum non inveniens in superiorum partium vasa violentia quadam effunditur. Hoc hinc intelligitur, quia non solum ventriculus afficitur, verum diversæ etiam aliæ partes, nempe cor suffocatione uterina, cerebrum & dentes vehementi dolore, oculi & aures dolore & ardore, &c. Deinde hoc inde conjicio, quod id malum soleat plerumque apparere instantibus mensibus, & eo tempore quo fluere debebant. Vnde cognosci potest, *quare aliquibus statim à conceptione, aliquibus aliquamdiu post illa molestia contingant?* Item *quare mulieribus prægnantibus & menstrua emittentibus sero aut omnino non eveniant?* Atque etiam, *quare calidioris constitutionis mulieres se habeant tum multo pejor?* Nempe, quia illarum sanguis retentus magis pravus est. Imo etiam exinde conjici potest, quod ille ventriculi consensus non pendeat solitarie & primario à compressione ventriculi, sed à sanguine in vasa ventriculi effuso, quia non solum nausea aut vomitu, verum etiam pravo appetitu adeoque pica se prodit. Hinc apparet solutio alterius quæstionis: *quare ultimæ gestationis temporibus mulieres sæpe vomitui obnoxia sint, & tamen ejecto cibo rursus comedere appetant?* Fit hoc à compressione ventriculi facta ob magnitudinem fœtus, unde talibus mulieribus nullum melius consilium suggeri potest, quam ut parum & sæpe comedant, semperque sic nunquam satisfaciennes suo

suo appetitui cum fame colluctentur. Quod alterum attinet, id ex primo hoc soluto facile concluditur. Nimirum cessant illa mala posteriore tempore gestationis, quia tum fœtus major plus alimenti consumit, & sic sanguinem deorsum sufficienter trahit.

§. LXXXIV. Sic se habet uterus respectu generationis, verum quando generationi non incumbit nutritur, augefcit, sentit, movetur, & singulis mensibus redundantem in mulieribus sanguinis quantitatem evacuat. Et hic aliquæ quæstiones occurrunt. Primo dubitatur: *An uterus odores percipiat?* Ratio dubitandi est, quia uterus ab odoribus multum afficitur. Nam pravos refugit, at bonos sequitur. Iudico tamen, uterum odores non percipere, quia instrumenta odoratus non habet: sed tamen affici varie à re odorem spargente non solum ab aura, quæ vi dissipandi aut alia prædita sit, sed etiam à qualitate tactili, quatenus omne sensibile tactile supponit, & omni sensui tactus subternitur. Vterus autem insigniter sensibilis. Potest tamen etiam dici affici uterum ob virtutem sympatheticam aut antipatheticam cum odoratis, nam ob similem rationem multi mirabiles effectus in rerum natura contingunt. Sic ergo gratis odoribus uterus delectatur: at ingratos averfatur & refugit. Secundo dubitatur: *An uterus de loco in locum moveri queat?* Circa hoc dubium peccant in defectu quidam Medici, qui judicant uterum in sua sede ita firmitatem esse per ligamenta lata, ut hinc nec sursum, nec deorsum, nec ad latera commoveri queat. Verum contrarium experientia monstrat, utpote quæ ostendit, fieri aliquando morbum procidentię uteri, quo uterus e sua sede deorsum decumbit, & aliquando extra pudendum muliebre procidit. Et si sic deorsum moveri queat, quare non tantundem sursum & ad latera vergere queat. Namque observare licet tactu in suffocatione uteri laborantibus hinc inde uterum evagari, & alicubi jacere. Ratio idem non refellit: quoniam enim ligamenta uteri membranea sunt, extendi & contrahi possunt, & quidem aliquando non parum, ut vagari uterus hinc inde possit. Cæterum vicissim in excessu circa hoc dubium peccant mulierculæ quædam, quæ in collum usque ascendere uterum credunt, aut in medium thoracem, quod neutiquam fieri potest, non solum quia tantopere nequeunt illa ligamenta laxari, verum etiam quia superpositæ partes obstant. Alia ergo ratione sit, cum in suffocatione uteri aliquid quasi in collo hæere sentitur, ut alibi declarabitur. Ultimo quæritur: *quomodo menstruum evacuatio contingat?* Arbitror quod circa hanc ad duo respiciendum sit, nempe quomodo sanguinem accipiat, & deinde quomodo excernat.

Accipit

Accipit ergo uterus sanguinem per arterias, quibus in eum pellitur, quatenus in illis menstruo tempore collectus sanguis molestiam quandam illis affert, ut sic natura ad expellendum insurgat. Dehinc ubi uterus sanguinem accepit, dilatato orificio suo permittit ut effluat, & constrictione pariter expellit. Verum *quomodo in pregnantibus quibusdam sit menstrua expurgatio?* In multis non aliter quam notatum est: in quibusdam tamen etiam per vasa in cervicem uteri desinentia expurgatio illa contingere potest.

§ LXXXV. *Cervix uteri* sua quoque habet officia, tum *respectu suorum orificiorum*, tum *ratione compositionis & structurae reliqua*. Ratione orificii externi admittit virgam virilem, & defendit interiores partes ne ab externis aëris injuriis lædantur. Itaque provisum illi undique est, quo exactius claudatur. Ideo nymphæ præpositæ sunt, ideo myriformes carunculae, ac membrana interposita. Sed id quæri potest: *quare cum hoc orificium externum uteri non sit tam magnum, rima tamen magna qua vocatur, tantam longitudinem nata sit?* Iudico id à sapiente natura sic factum esse, ut periculum ruptionis averteret. Quoniam enim eam ex cute & cuticula conformari oportuit, & ea non sic extendi citra ruptionis periculum ut membrana possit, ideo ne in emissionem fœtus in lucem rumpatur, per magnitudinem eam cavet. Id etiam ratione hymenis quæri solet: *an certa detur virginitatis nota?* Omnino in naturali constitutione, quamquam præternaturaliter fieri potest, ut in virginibus, quæ virum non admisserunt hymen absit, vel quia natura eam membranam non fabricavit, vel quia eam perdidit, vel decubitu catharrhorum, vel ruptione quadam incauta aut lasciva, vel etiam necessaria. Cæterum id quoque observatum est, fluentibus mensibus hanc membranam rigatam, etiam citra ruptionem viri consortium admittere, unde honestæ quoque sponsæ incurrerunt in suspicionem perditæ virginitatis. Nota vero virginitatis illa censetur esse, quod in prima admissione viri cum dolore hymen rumpatur & sanguinem stillet. Sed sicut in dictis casibus aliquando innocentes virgines in suspicionem deduci queunt non servatæ virginitatis: ita non minus defloratæ arte quadam sponso suos fallunt, ut pro virginibus habeantur: substituta membrana alia, & quibusdam decoctis alitringentibus. Verum *quodnam Clitoridis est officium?* Id constat sedem esse delectationis in mulieribus primariam fere, unde pariter tenditur & inflatur ut penis, & etiam ad seminis muliebri ejaculationem facit. Atque propterea similem quoque compositionem fere, ut mentula virilis, nata est.

§ LXXXVI. *Orificium internum colli uteri* clausione & apertione sua

V

tum

tum evacuationi sanguinis menstrui, tum admissioni seminis, & emissioni fœtus in utero inservit. Atque quidem illud mirabile maxime est, quomodo tam exiguum corpus in tantum hiatus in partu queat distendi: Mirari id licet, sed non plene apprehendere, quanquam hic nihil supra naturæ vim. Neque etiam in orificio uteri solum, sed & in ipso utero id miri occurrit, quod paulatim pro incremento fœtus in tantam molem extendatur. Quanquam circa compositionem uteri id supra jam fuit notatum, qua ratione id natura molita sit. Adhuc circa internum colli uteri orificium hoc loco id addendum censeo, quod supra tamen obscurius aliquantum quoque jam est notatum, nempe quod post conceptionem accurate claudatur, ita ut specillum nullum admittat; nisi forte vel menstruis fluentibus, vel in superfætatione aliquandiu aperiatur. Atque illa occlusio perdurat dum fœtus major effectus sit, tum paulatim incipit minus claudi, ita ut sub finem facile aperiatur. Atque illo tempore advertitur plurima mucosa crassa que pituitosa materia circa idem orificium colligi, qua tum clauditur & conservatur melius, tum etiam orificium istud & cervix diluitur pro meliore apertione & distensione. Hinc reddi causa potest: *quare mulieribus partui vicini materia quadam pituitosa notetur evacuari?* Fit nempe illud erumpente illa materia ob aliquantum se aperiens id orificium. Experientiam hujus rei in brutorum uteris facere licet, ubi id cum jucunditate adverti potest, quod longitudinem vel brevitatem temporis respectu instantis partus immmissione styli liceat conjectare.

§. LXXXVII. *Compositio dehinc colli uteri* etiam officium ejus manifestat. Nam quod membraneum est factum, id à natura propterea constitutum esse credendum est, ut pro necessitate posset extendi & contrahi. Hinc in fœtus emissionem in lucem multum aperitur, & rursus arte clauditur contractione laterum, nisi ubi menstrua fluunt, quo tempore meatum apertorem obtinet. Sic pariter penem virilem undique arte comprehendit, ut facile se cuiusvis magnitudini aptare possit. Atque huc conferunt vel maxime rugosæ illæ fibræ, quæ orbiculariter & transverse per interiorum ejus substantiam propagantur. Facit etiam collum uteri ad viri & mulieris delectationem, quatenus frictione & comprehensione mutua titillationem inducit. Inde etiam si per transversum secetur similem substantiam ostendit, quam in nervosis corporibus est, ut pro tensione & delectatione majorem spirituum vitalium affluxum admitteret.

§. LXXXVIII. Priusquam de partibus genitalibus mulierum abeam, aliqua adhuc quæ sita breviter attexam. Primum est: *An partes genitales*

tales virorum & mulierum solo sexu differant? Neutiquam vero, nam differunt compositione etiam & officio. Verum *ecquid differunt specie?* Prout libet. Attamen accuratius dixeris, differre specie incomplete. *Specie differre* dico, quia instrumentorum essentia in officio consistit, at mulierum partes genitales obtinent aliud officium. Addo autem *incomplete*: quia officium partium genitalium muliebrium subordinatur officio partium genitalium virilium ad completam actionem specificam, nempe generationem hominis. Deinde quæritur: *An mulieres si à coitu statim urinam emittant, præveniant conceptionem?* Per se id non fit, quandoquidem officium vesicæ urinariæ ante collum constitutum est, ut sic semen virile non ablu fluxu urinae queat. At per accidens aliquatenus id fieri potest, tum ob motum, qui conceptioni nocet, tum ob nifum & compressionem vesicæ & uteri per abdominis musculos, & ob consensum uteri cum vesica urinaria. Tertio quæri potest: *An detur sexus permutatio?* Novi equidem diversas hujus rei experientias adduci: attamen vix crediderim id verum esse. Id concesserim posse mulieribus quandoque clitoridem præternaturaliter excrescere, ut mentulam virilem aliquatenus mentiatur, ut hinc mulieres cum mulieribus jungantur, unde *fricatrices* appellantur: at veram fieri mutationem mihi persuadere non possum. Nam structura partium proflus diversa est, ut notatum est. Interim & hoc negare non velim, posse latere aliquamdiu intra membrum virile, quod dehinc foras erumpat. imo posse membrum virile in prima formatione parvum succedente tempore magis excrescere, aut in hermaphroditis progressu ætatis se magis prodere. Extra hos casus fraudem subesse persuasum mihi habeo, & omnino crediderim, plura nobis exempla indies datum iri, si tam facili ratione transitus ille de sexu in sexum fieri posset? Quarto quæri potest: *Utrum natura magis intendat generationem maris quam sæmina?* Assentimur Philosopho, quod intendat magis generationem maris, quam sæminæ. Idque tum quia mas perfectior sæmina est, tum quia sæminam maris causa appetit. Sed natura magis intendit id quod propter se est, quam quod est propter alterum: & finis magis expetitur, quam expetuntur media. Sed urgent: sæminas esse magis necessarias quam sunt viri: sed ad id repono, falsum esse id assertum si id de absoluta necessitate in suo genere intelligant, sin autem de comparativa loquantur, nihil inde infertur. Hoc quoque urgent: quod natura ideo testem sinistrum majorem condiderit, sed hujus facti aliam causam supra insinuavimus. Et si natura hoc per magnitudinem illam testis sinistri obtinere voluit, quare non in omnibus, quibus sinister testis major est,

plurimas scemellas progignit? Quinto id adjiciamus: *An scemina sit monstrum in natura?* Ita quidem censuit Philosophus: attamen à vero aberravit. Nam etsi vir perfectior est muliere, non tamen inde sequitur, quod mulier sit monstrum. Quia non quodvis imperfectum monstrum est, sed illud quod progignitur præter naturæ intentionem. At sceminum sexum natura per se intendit, utpote cum eo per se opus habeat. Quippe sine eo generatio obtineri non potest. Atque ideo etiam sinistrum testem condidit, ut in eo elaboretur semen pro mulierum proventu. Sed hic incidit dubium. *Si in uno sexu semen elaboretur in dextro teste, in altero autem sexu in sinistro, quid inde enascetur, mas vel scemina?* Iudico, quod debilius semen sequi debeat conditionem fortioris, & quia plerumque virile muliebri vegetius existit, illud præcipue palmam obtinebit. Sed si utraque sint æque fortia, forte hermaphroditus inde prodibit. Hoc tamen non negligendum, hæc à nobis asseri, consideratione solorum sceminum, nam aliæ causæ multum variare effectum possunt: sunt ea matris phantasia, uteri constitutio, siderum influxus, & plura alia.

§. LXXXIX. Omnes partes contentas infimi ventris expeditivimus, ita ut nunc ad continentes merito accedere deberemus. Verum quoniam *mamma* partibus genitalibus mulierum merito accenseri debent, & hic locorum de aliis partibus genitalibus egimus, quasi appendicis loco de mamminis hoc loco tractabimus. *Mamma* in mulieribus proprie dicuntur, in viris autem *mammilla*, in quibus non solum minores sunt, sed vix nomen illud tueri possunt, utpote cum fere propria mammarum substantia destituantur. Situm habent mamminæ in pectore, meo arbitrio maxime ob commoditatem; unde Philosopho attestante eum situm in solis illis animalibus obtigerunt, quæ partus suos possunt attollere. Alii tamen etiam ad tutelam cordis ibi locatas existimant, quod ego parum credo, quod non solum cordi satis prospectum sit & per exteriora corporis munimenta communia, & per musculum pectoralem, qui humerum adducit, verum etiam, quia in mulieribus ante erumpentia menstrua non incrementum, & in frigidioribus quoque quam homo est animalibus, in pectore non visuntur. Sed inquirunt: *ob quam causam frigidioris constitutionis viris mammilla contingunt majores?* Respondeo, non ut frigidum ipsorum cor per mammillas eas magis muniretur, sed quia tales viri mulieribus sunt similiores, unde plerumque etiam barba carent, aut eam rariorem obtinent. Istud tamen possit quem ambiguum reddere, *Utrum non mamma posita sint in pectore, ut ob cordis viciniam majorem calorem acquirerent?* Non existimo, quia cor non forinsecus

forinfecus per suam ſubſtantiam, ſed intrinfecus per appropriatos ductus calorem diſtribuit. *Venustatem* vero poſitu eo natura obtinuit, ſorte tamen primo non intendit, utpote quæ ſolet magis ad utilitatem & commoditatem reſpicere, quam ad ornatum. Sic illud quoque primario non ſpectaſſe naturam judico, ut ſic ob viciniam cum oſculis ſermonem & cum eo ſapientiam tenero infanti inſtillaret. In peſtore autem locum fortitæ ſunt mammae non immediate ſuper oſſibus, ſed ſuper muſculo humerum adducente. Idque partim ideo, ne oſſibus incubantes duritie ipſorum læderentur, & maxime ne obſeſſent commodæ inſertioni muſculi aucte nominati, quam ob firmitatem majorem ſuper oſſibus eſſe oportuit.

§. XC. *Mamma gemina* ſunt, in utroque latere una, pariter ob commoditatem & uſus ſufficientiam. Quia enim ſufficiens alimentum infanti præbere debuerunt mammae, convenientius erat, ut geminae conderentur, quam ut una prægrandis mediam partem peſtoris occuparet, aut in latere aliquo poſita inæqualitatem corporis induceret. Id vero temere à quibuſdam additum eſt, ut etiam gemellis ſufficeret. Nam naturaliffimum eſt homines ſingulos ſætus parere, licet quandoque eveniat contrarium. Imo ſi id reſpexit natura, quare non tres, aut quatuor, aut quinque mammas fecit; quia ad eum numerum humanorum ſætuum proventus aſcendere poteſt. Quippe ſummum potius & extremum, quam intermedia natura reſpicere debuit. Imo ſi huc natura reſpexit, quare uterum non geminavit. Quid enim pro gemellorum enutritione magis opus erat geminare mammas, quam pro eorundem conceptione & generatione geminare uterum?

§. XCI. *Magnitudo* dehinc mammarum variat pro ætatis & ſtatus conditione. Nam in tenera ætate vix tument, poſtea paulatim increſcunt, ita ut dum menſtrua fluere incipiunt, notabiliter intumeſcant, donec in adultis virginibus eam ſere quantitatem attingant, ut à manibus ipſarum commode tegi queant. Prægnantibus autem magis increſcunt, ita ut tum lac quibuſdam fundant, atque tempore partus inſigniter tument, & aliquibus lacte turgent, licet multis tertio demum à partu die aut tardius lac comparere ſoleat. Sic illis quoque mammae valde increſcunt, quibus humores ad mammas concitantur. Sicut autem hoc modo mammae increſcunt, ita ætate paulatim ruriſum decreſcunt, atque pariter à morbis, ut præter ſlaccidam cutem in vetulis ac febre conſumptis nil habeant. Magnitudinis iſta variatio ob uſum mammarum eſt, unde eo tempore plurimum increſcunt, ubi uſus illarum inſtat aut ſuturus eſt, at ubi uſui eſſe non

possunt, rursus decreſcunt. Intelligo iſta cum naturaliter & bene ſe omnia habent, ſiſt prætternaturalem conſtitutionem ejuſque cauſas alibi declarabo.

§. XCII. Inſinuatũ hic fuit pro uteri diverſa conſtitutione varie affici mammæ, & ſupra quoque notatũ, magnum eſſe uteri cum mammis conſenſum, hinc merito quaeritur: *Vnde pendeat mammarum & uteri conſenſus?* Supra id ſuſtulimus, cum non pendere à vaſorum mammariorum & epigaſtricorum communione: attamen non aperuimus, quid ipſi ſentiremus. Cenſeo ergo ſalvo aliorum iudicio, cum pendere tum à mutua ſympathetica convenientia, tum ab æquabili utriuſque cum corde conſenſu. Primum exinde mihi probabile videtur, quia partes conſpirantes in communi officio, conſpirantem naturam quoque obtinent. Poſterius autem inde pateſcit, quia cor partibus idem officium obtinentibus æquabiliter ſanguinem cum ſpiritu vitali impertit, modo iſ tam copioſus ſit, ut utrique tribui ſufficienter queat. Nam alias illi tribuit ſecundum naturam, quæ ſecundum naturam maxime exigit. Vt hinc liceat rationem dare: *quare tempore graviditatis aliqua quidem mulieres lac in mammis obtineant, alia non?* Itemque, *quare quibuſdam lactantibus menſes fluant, quibuſdam vero neutiquam?* Sed hoc adhuc ſolvendum eſt: *An pura illa conſpiratione uteri & mammarum conſenſus ille abſolvatur?* Non auſum affirmare, licet plerumque ita fieri crediderim. Ratio ea eſt, quod menſes quandoque per manus, & lac per uterum fluere obſervata ſunt. Quanquam aliquantum de poſteriori obſervatione dubito, cum non ſciam aut invenire queam, quæ ratione lac ad uterum pervenire queat, non inquinatum plurimo ſanguine. Meditentur ergo naturæ myſtæ, utrum illi obſervatores non nimium tribuerint præiudicio ſuo, & puſ pro lacte inſpexerint, aut utrum non albiſcans quidam ſanguis in corpore illarum mulierum, aut chylus non alteratus reſertus fuerit, cum pariter obſervationes doceant ex vena pertuſa aliquoties albiſcantem & lacteam ſuccum proceſſiſſe. Si quis me de viis quaerat: Illas nomino, quibus ab utero ad cor aliquid deferri poteſt, & ab hoc ad mammæ; & viciffim quibus à mammis ad cor aliquid venire poteſt, & viciffim ab eo ad uterum. Atque hinc rationem reddere licet, *quare aliquo ab utero ad mammæ, vel contra à mammis ad uterum dimiſſo, cor animi deliquit, palpitationibus, aut aliũ malũ frequenter afficiatur?* Quia nempe materia illa per cor deducitur.

§. XCIII. Figuram habent mamma orbicularem foris, at planam ad pedũ, ut ſic apte conneſcerentur cum aliis partibus, & melius operatione ſua

sua fungerentur. Nam orbiculare in minima circumferentia maximam molem, & cum hac maximam virtutem habet, vi istius regulæ, quod in majore quanto sit major virtus. Non tamen in omnibus hæc figura obtinet, nam quibus mammæ sunt laxiores, aut iusto majores, iis dependent, sicut & morbis instantibus, flaccescentibus glandulis, quæ sunt in mammis.

§. XCIV. *Componuntur mamma ex communibus corporis tegumentis*, nempe cuticula, cute, & membrana fibrosa cum plurima pinguedine, deinde ex *propria substantia*, quæ glandulosa, & denique ex *vasis*. Circa communia tegumenta nihil occurrit notabilis, nisi quod pinguedo uberior mammarum circumfusa sit, partim ob copiam materiæ, unde generatur, & conspirationem moderati caloris: partim ut eo melius mammarum calorem defenderet. Ipsa substantia mammarum ex variis glandulis componitur, in medio quidem consistit una magna glandula, quam dehinc aliæ aliquantum minores undique ambiunt, & has dehinc rursus aliæ minores, & ita porro, dum universus ille ambitus completus sit. Optime ita distinctæ glandulæ illæ notari queunt, cum flaccescunt mammæ: at cum intumescunt, quasi unum corpus efformant, sicuti & Anatomici quidam docuerunt ex uno quodam corpore substantiam mammarum propriam conformari. Atque ut hoc crederent, hoc quoque fecit, quod seu communi membrana, seu filamentis quibusdam conjungi illa corpora adverterent. *Vasa* omnis generis mammarum habent. *Venas* quidem & *arterias* tum ab axillaribus, tum à mammaris: quarum illæ magis per externa, hæ autem per interiora multiplici ramorum serie propagantur. *Nervos* dehinc accipiunt à thoracis, & quidem maxime à quarto intercostali nervo, qui circa medium costæ musculum intercostalem perforans, & in quatuor ramos divisus, tum per pectoralem musculum, atque cutim distribuitur, tum ramo quodam magno ad papillas contendit. Præter ea vasa notantur adhuc in mammis *tubuli* quidam, quos *lactiferos*, aut *venas lactiferas* quidam appellant, quia lac in se continent & conservant, dum exfugatur. Hæc cum vasis sanguineis junguntur aut per anastomosin, aut interventu porositatum propriæ substantiæ mammarum. Ex quo accidit, ut multum sugentibus infantibus pro lacte sanguis tandem offeratur. Attamen hoc facilius fit in præternaturali constitutione mammarum, quam in naturali.

§. XCV. *Quodnam sit mammarum primum officium*, vix pueris ignotum est. Nimirum inserviunt alendo fœtui generatione & præbitione lactis. Generant vero lac glandulæ illæ à nobis notatæ, unde substantiam etiam peculiarem lactis sunt, qualem non habent aliæ ullæ partes in uni-

verso

verso nostro corpore. Lac illud genitum tum glandulæ illæ imbibunt & affervant, tum deponunt in tubulos illos lactiferos, ex quibus infans illud sugit. Præter illum usum alium quoque illi assignant Autores quidam: quod nempe *mammæ sint dicata excipiendis excrementitiis humoribus*. Sed hoc officium neutiquam crediderim illis competere. Nam cum excrementitiis humores ad mammas decumbunt, illæ valde male se habent, & turbatur quoque lactis generatio. Nulla etiam commoda ratio evacuandi illos pravos humores apparet. Ratio autem quæ contrarium sentientes movit, neutiquam assertum illorum probat. Nam quod abscissis mammis fœminæ in morbos varios incidunt, non accidit, quia pravi humores per mammas debent evacuari: sed quia in vas tum sanguis nimium accrescit, cum tantundem quidem singulis vicibus generetur, sed non tantundem consumatur. Vnde ii quoque, quibus pes aut brachium ablatum est, variis cum ægritudinibus à plethora pendentibus conficiari necessum habent. Potest tamen id exinde quoque pendere, quod ablatis quibusdam motus viis, turbetur ordo motus sanguinis, & inde decumbente inordinate in quasdam primarias partes sanguine, ea mala excitentur. Id circa *mammas* tamen prætereundum non est, quod *valde sint sensiles, & quod contrectata mire appetitum veneris stimulent*. Sensibilitatem eam sortiuntur à nervis: at quod illis contrectatis partes genitales concitentur, sententiam nostram confirmat, quam supra statuimus, consensum uteri & mammarum non pendere tam ab humorum aut sanguinis communicatione, quam à communi sympathia tum inter se, tum cum corde: an etiam cum cerebro? Forte non improbabilius affirmari potest. Faciunt *mammæ* quoque ad ornatum: attamen ornatu ad finem mammarum speciatim non spectat, quia natura semper ad necessitatem, utilitatem & elegantiam respexit. Atque ita faciunt ad viri delicias, sicuti pleræque partes sexus sequioris, & aliquantò etiam specialius, quia ad partes genitales pertinent. Vbi obiter incidit quæstio: *quare partes genitales maxime unius sexus alterum sexum maxime delectent?* Statuo id fieri, quia alias quidem partes similes & perfectas habent, has autem dissimiles & solitarie operationi suæ non sufficientes. Vnde iis maxime appetitum mutuam natura indidit, & sensum acerrimum largita est.

§. X C V I. In medio mammarum foris tanquam in centro *papilla* posita est, & hanc ambit circulus quidam in virginibus pallidus, in prægnantibus & lactantibus fuscus, at in vetulis nigricans, quem *areolam* appellant. Enascitur *papilla* ex duplicata & veluti coarctata & in rugas deducta

ducta cute una cum membrana glandosi corporis, & rara spongiosaque facta est, ac aliquibus foraminibus pertusa ac globosa, ut osculo suo eam infans bene comprehendere posset, & vicissim lac exsugere. Nam tubuli illi lactiferi undique ab inferiore parte mammarum oriuntur, & paulatim minores facti versus centrum contendunt. Maxime notabile est, quod *papilla tam exquisito sensu sit prædita*, ut hinc ex suctione magna voluptate mulieres perfundantur. Hoc ipsum ex substantia illa aliquantum glandosa & nervi thoracici notabili ramo dependet, & à natura cum in finem institutum est, ut libentius mulieres foetibus suis mammæ præberent. Hoc quoque notant, quod papillæ ad similitudinem penis flaccescant & turgescant, quod sit ab affluxu lactis & spirituum, ut melius eas infans possit prehendere, & mater ex perpetua illarum inflatione, molestiam nullam capiat. De areola autem non licet aliqua certa asserere. An illa ideo speciatim notatur, quia tenerior ibi cutis, an quia arctius glandulæ magnæ adnascitur, an quia plura vasa ad eam excurrunt, an ob omnia illa? Quilibet naturæ studiosus indagator velit inquirere, ego non habeo rem certo competentem.

§. XCVI. *Mammilla seu Virorum mammarum vix habent, aliquid commune cum mulierum mammis præter externam figuram. Vnde nec glandosis illis corporibus constant, nec tubulos lactiferos habent, nec vasa mammaria tam copiosa serie distributa. Ordinarie intelligo. Nam extraordinarie in quibusdā mammillæ mulierum mammæ multum æmulantur. Et quod notabile: Viris frigidioris constitutionis hoc maxime evenit, sicut ex adverso mulieribus calidioribus mamma magis exigua competunt. Id vero unde pendet? Venio fere in eam opinionem, quod ad mammarum proventum moderatus tantum calor exigatur, & quod intensior illum impediatur. Hinc evenire quoque credo, quod frigidioribus mulieribus majores mammae competant. Sed hujus & alia ratio dari potest, quod nempe in frigidioribus constitutionibus excrementitiæ humiditates magis colligantur. Verum ut ad viam redeamus, merito Viris mammæ natura non tribuit, quia illis non opus habent. Nam lac non debebant generare pro nutritione foetus. Attamen & hoc extraordinarie quandoque observatum est, mammillas virorum ubertim lac fudisse, quanquam plerumque minus coctum, & minus quoque alendo foetui commodum, ob glandularum debilitatem & materiæ immoderationem. Sed hic queri posset: quare ergo umbram eam mammarum natura impertivit? Censeo, ut aliquatenus in omnibus partibus sexus uterque conveniret. Nam id nimis insolens est asserere, id factum esse ne mulier superbum animal jactare posset, sibi aliquam partem com-*

petere, quæ viris esset denegata. Nam & injusta de muliebri sexu ista præsumptio est, & natura ad vitia talia non solet respicere, nec hoc modo illam objectionem declinare potuisset, siquidem revera viri non habent manus, sed earum tantum initia aut umbram & similitudinem.

§. IIC. Relictis nunc partibus omnibus in infimo ventre contentis, nempe tum nutritioni dicatis, tum genitalibus, cum additamento de mamminis, nunc porro transitum facimus ad partes ambientes. Inter eas nobis primo occurrit *peritonæum*, nimirum membrana illa sub abdominis musculis contenta, quæ foris omnibus visceribus infimi ventris prætenditur, ut ea in loco suo asservet, & firmiter contineat. Firmiter primæ & tertiæ lumborum vertebræ annectitur, & inde antè & in omnem loci differentiam delata superius diaphragma investit, inferius ossi pubis, & à lateribus ossibus ilium affirmatur, & antè musculus abdominis maxime secundum nervosam ipsorum partem valide annectitur, ut nempe firmitus omnia continere posset, & pro ratione contractionis musculorum aliquantum etiam constringeretur, at non valde, unde laxius carnez musculorum parti copulatur. Hoc suo positu omnia viscera comprehendit, pleraque quidem in sua cavitate; at vesicam urinariam & uterum intra sui duplicaturam. Nam ubique duplicatum peritonæum est, ob majorem firmitatem & meliorem vasorum perejus duplicaturam distributionem, ac vesicæ & uteri comprehensionem. Si quis autem quærat: *quare uterum & vesicam non intra cavitatem peritonæi, sed intra ejus duplicaturam constituta sint*; Ego hanc causam assigno, quod sic melius citra aliarum partium obstaculum distendi possent, & uterum quoque aliquousque evagari. *Substantiam* membraneam natum est peritonæum, ut distensionem variam sustinere posset: attamen fibris parvis intertextam propter robur, & ut rursus constringi posset. Supra umbilicum tenuius apparet, at infra umbilicum crassius, quia in inferioribus majus pondus sustinere debebat, utpote cum stantibus nobis vel sedentibus omnium abdominis viscerum gravitas decumbit. Ideo forte inferius notabiliter apparet ejus duplicatura, nisi dicere malimus, id fieri propter vasorum per inferiorem partem distributionem, & meliorem vesicæ uterique comprehensionem. *Figuram* obtinet, qualem abdomen, utpote cujus visceribus se accommodat, nempe declinantem ad rotundam ovalemque figuram, attamen eam antèrè aliquantum depressam. Foris inæqualius est, ut melius cum abdominis musculis jungeretur: intus autem æquale & liquore quodam perfusum, ut nempe lenius viscera infimi ventris contingeret. Pertusum illud supra est ubi diaphragmati conjungitur pariter ut
diaphragma

diaphragma tribus foraminibus, pro transitu scilicet venæ cavæ, arteriæ magnæ & oesophagi: Porro in umbilico pro transitu venæ umbilicalis, arteriarum umbilicalium & urachi. *Processus* quoque duos in viris sortitum est, qui vasa spermatica ad testes deducunt, ut supra circa genitales partes virorum est declaratum. Ab hoc peritonæo omnia ligamenta & omnes tunicæ infimi ventris deducuntur, unde illi ab autoribus Anatomicis attribuitur suspendere viscera, & oscula vasorum claudere, propter quid crassiores tunicæ illis visceribus contigerunt, quæ plura vasa in se continent ad superficiem distributa.

§. I C. Superfunt nobis adhuc in hoc capite declaranda ossa & musculi infimi ventris. Ossa abdominis sunt lumborum vertebra, os sacrum, os coccygis, & os innominatum. De vertebis vero lumborum præcedente capite jam tractavi, breviter ergo nunc reliquorum considerationem subjiciemus. Os sacrum à magnitudine sua nomen sortitum est, quippe est amplissimum illud os, quod sulci instar reliquis vertebis substratum est. In adultis unicum videtur, sed in minorennibus evidenter notatur ex diversis ossibus beneficio cartilaginibus connexis compositum. Sed cartilaginibus illis paulatim ætate induratis & absumptis per *ossificationem* illa ossa ita conjunguntur, ut unum esse videantur, nisi quod interiore parte appareant adhuc rudimenta cartilaginearum illarum linearum. Plerumque ex quinque ossibus constitutum est, rarius ex sex, atque tum os coccygis ex tribus tantum componitur, cum alias ex quatuor compingi soleat. Illa ossa si non vertebra quoque sint, tamen naturam vertebrarum æmulantur. Nam & corpore constant, & processibus omnis generis, & foraminibus tum propriis tum communibus: Attamen omnia multum dissimilia. Nam corpora harum vertebrarum non ita foris multum protuberant, quam thoracis & lumborum vertebrarum corpora faciunt, sed fere postica parte tam crassa sunt, quam antica parte. Dehinc *processus transversi* non à se invicem distincti, sed conjuncti fere sunt, ut unus aliquis ex omnibus constitutus videatur. Sinum tamen habent asperum & inæqualem pro excipiendo osse ilium. *Obliqui* vero *processus* obscuriores sunt, sed in prima tamen satis notabiles, cujus superiores processus sinuosi sunt, pro excipiendis capitulis processuum vertebræ infimæ lumborum. Posteriores denique processus, quos spinam vocant, notabiliter etiam minores sunt, quam in aliis vertebis, & in ultima ossis sacri vertebra vix spina notatur, sed loco ejus tantum rotunda eminentia. Porro *foramen proprium* in aliis vertebis (excepto in prima colli vertebra) æquabili magnitudine deorsum ducitur, at in vertebis ossis sacri

paulatim à superis deorsum decrefcit, ita ut in ultima minimum fit. *Communia* dehinc *foramina* non ita in laterali parte conspiciuntur, sed anterius, & posterius, idque impediētibz visus propagationem transversis processibus. Sicut vero in partibus vertebrarum ossis sacri illa differentia est, ita in totis quoque, quod facile concipi potest, cum tota sequantur rationem partium. Id tamen adhuc notandum est, quod secundum magnitudinem paulatim deorsum vertebræ ossis sacri decrefcant, ita ut simul junctæ trianguli figuram non inepte repræsentent: & quoniam interius cavitatem ostendunt, foris autem gibbz sunt, atque ita triangularis figuræ non male etiam cucullam monachorum expriment. *Officium ossis sacri ususque* non potest latere ex dictis. Nimirum 1. inservit fulciendo corpori secundum longitudinem. 2. commodat distributioni & defensionī spinalis medullæ. 3. à postica parte abdominis partes interiores & maxime intestinum rectum defendit. 4. denique etiam facit ad efformandam illam pelvim, in qua vesica urinaria, & in mulieribus etiam uterus continetur.

5. C. Infimo loco ossi sacro *os coccygis* subjicitur, teneræ raræ molliſſque substantiæ, ac caudæ figura introrsum vergente, unde & cauda appellatur. Connexio cum osse sacro beneficio cartilaginis facta laxa est, ut cedere queat tum intestino recto; cum excrementa egeruntur, tum etiam utero, & fœtui dum in lucem emititur. Cum autem hoc non ita commode semper in difficili partu obtinere possit, fit ut in eo non raro luxetur, quæ tanien luxatio facile curari potest fascia circa nates valide constricta. Componitur communiter ex quatuor, aliquando ex tribus ossiculis, quæ etiam à superna parte deorsum paulatim decrefcunt, ita ut quasi in mucronem terminetur os coccygis, unde psittaci rostro quoque assimilatur. Foramine nullo hæc ossicula constant, nisi quod supremum illorum ossiculum, ubi quinque solum ossa in osse sacro sunt, transversis duobus parvis processibus acutis donatum sit, qui sursum emittentes processui ultimæ vertebræ ossis sacri connectuntur, atque cum eo commune foramen efformant, per quod sextum nervorum par ex osse sacro procedens propagatur. Extra eum casum autem, ubi nempe sex sunt ossa ossis sacri, quandoquidem tum inter sextum & quintum istud par nervorum producit, superne solum sinum exiguum habet, quo ultimam vertebram ossis sacri excipit. Usus coccygis est, tum claudere foramina propria vertebrarum, cum illud non facit sexta ossis sacri vertebra: tum fulcire intestinum rectum, ne foris procidat. Cum autem in tenera ætate hæc ossicula laxiora sunt, hinc adeo evenit, ut pueri sæpius ani procidentia labo-

rent,

rent, quanquam ejus morbi in illis aliquando & aliæ causæ dantur. Etiam inservit os coccygis illa sui inflexione commodæ sessioni; atque hoc adhuc notandum est, quod in mulieribus non ita intortum sit, ut nempe in fœtus in lucem emissionem foramen pelvis sit amplius. Attamen in difficili partu aliquando adhuc contingit, ut os coccygis luxetur, sicut id jam innuatum est.

§. C I. *Os innominatum* est magnum illud os, quod à laterali parte ossi sacro conjungitur. Nomen illud à Galeno accepit, qui notavit suo tempore apud Medicos id nomine caruisse: attamen *ἰσχιος* & ab Homero & à Ruffo fuit appellatum. Dividitur in tria ossa, quæ in pueris aperte notantur cartilagine distincta, sed in adultioribus cartilagine illa exsiccata ita per *σύνθεσιν* uniuntur, ut unum os appareant, nisi quod adhuc lineæ quædam cartilaginosa in cavitate illorum ossium reperiuntur, secundum quas ossa illa discernunt. Sunt tales lineæ tres, quarum duæ ex medio istius ossis sursum procedunt, prima quidem ad anteriorem, altera vero versus posteriorem partem: una autem quæ tertia est deorsum tendit.

§. C II. Sunt autem illa tria ossa *os ilium*, *os coxendicis*, & *os pubis*. *Os ilium* est magnum illud os, quod primis duabus lineis determinatur, & superam partem ossis sacri tenet. Superiore sui parte semicirculum refert, qui *spina ossis ilium* vocatur: deinde interius cavitatem obtinet, quæ appellatur *costa ossis ilium*: & denique exterius convexitatem & quasi gibbum obtinet, qui nuncupatur *dorsum ossis ilium*. Singulæ istæ partes aliquatenus exasperatæ sunt, sed maxime spina ob exortum & terminationem diversorum musculorum. Connecitur hoc os longo ductu ossi sacro per tubercula & per sinus, & quidem firmiter interventu cartilaginei vinculi, quod tamen in scæminis plerumque laxius est quam in viris.

§. C III. *Os coxendicis* seu *coxa* est media & inferior ossis innominati pars per secundam & tertiam lineam definita, quæ excipit caput femoris. In ea principio notandus *magnum* ille *sinus*, quo non datur in corpore humano major, in quo recipitur caput femoris. Hic sinus *labris* undique cingitur, excepta illa parte, qua os pubis respicit ob transitum vasorum in articulum propagatorum. Sunt tamen ista labra posteriore parte magis insignia quam anteriore, & item superiore quam inferiore ob meliorem articulationem. Propter quam etiam cartilagine glabra obductus est, præterquam anteriore parte, quæ asperior est quibusdam foraminibus & ligamento tereti & valido quod femoris capiti inseritur firmum exortum præbet. Deinde observandus est adhuc *alius sinus*, qui posteriori & inte-

riori ejus parti insculptus est, circa quem obturator internus musculus quasi circa trochleæ rotam circumvolvitur. Etiam lata & magna *appendix* in hoc osse infima parte, cui sedentes innitimur, notatur, ex qua aliquot musculi originem fortiuntur. Denique in ambitu acetabuli adhuc *duo tubercula* occurrunt, unum interius, alterum exterius, à quibus panter musculi quidam exoriuntur.

§. CIV. Os *pubis* est anterior ossis innominati pars, per tertiam & primam lineam determinata, quæque ossi cognominato alterius lateris conjungitur interventu cartilaginis, quæ crassior & mollior in mulieribus, quam in viris, in quibus aliquando plane disparere videtur. In hoc notandum est *foramen* auriculam figura exprimens, & adeo magnum, ut ei non detur aliud æquale in universo corpore. In eo firmantur musculi duo, interne & externe unus, & consistit id foramen inter sinum coxendicis, eamque partem, qua suo conjugi antè copulatur. Etiam *sinus* in eo invenitur, supra foramen exsculptus, per quem vasa cruralia ducuntur.

§. CV. Hæc tria ossa ossis innominati cum osse sacro notabilem cavitatem efformant, quam Medici *pelvim* nuncupant. In ea in viris intestinorum magna pars, & vesica urinaria consistit, & infra per foramen relictum commune, intestinum rectum & vesica urinaria se exonerare potest: In foeminis autem etiam uterus in ea pelvi jacet, & per illud foramen foetus, cum in lucem emittitur, transire necessum habet, unde in iis natura & pelvim & foramen illud notabiliter majus fecit, quod obtinuit, dum ilium ossa latiora & ampliora fecit, spinamque quoque magis ad latera intorsit, deinde dum coxendicis ossa inferiore parte magis ab invicem disjuxit, atque in osse pubis lineam asperam breviora fecit, & processus inferius magis ad externa vergentes: ac denique quod jam supra notatum est, dum os coccygis etiam non ita versus anteriora incurvavit. Sed quia ne sic quidem omni malo prospicere potuit, conjunctiones ossium pubis inter se & ossium ilium cum osse sacro crassiore & molliore cartilagine firmavit, ut sic illa ossa firmitus connecterentur, & simul in difficili partu pro necessitate aliquantum disjungi possent. Vt hinc solvi queat *questio: quæ ossa in partu ab invicem discedant?* Nimirum in partu non difficili nulla disjunguntur, sed in partu difficili nunc ossa pubis, nunc ossa ilium & sacrum, nunc utraque dissociantur, magis minusque, prout necessitas imperat.

§. CVI. *Vsum* ossium istorum ex dictis satis patet. Nimirum initio inserviunt fulcimento universi corporis, & primario dictis partibus in ab-

domine:

domine: deinde commodant excretioni serosi & alvini excrementi, & exclusioni sætus: porro plurimis musculis exortum & insertionem largiuntur: denique etiam progressum adjuvant, quatenus ossa coxendicis caput ossis femoris in se recipiunt.

§. CVII. *Musculi ad infimum ventrem pertinentes vel communes sunt, vel determinati. Communes* diversarum partium motui inserviunt. *Determinati* autem uni parti dicati sunt. Hujus generis sunt, qui *testibus, vesica, peni, & ano* præfecti sunt. Illius generis sunt tum *abdomini*, tum *luniborum musculi*, quorum illi internas partes constringunt, hi totum infimum ventrem movent. De communibus istis musculis hoc loco tantum agemus, cum de determinatis jam prius egerimus. *Abdomini* ergo *musculi* vocantur, qui in infimo ventre sub communibus tegumentis sibi invicem impositi sunt, & inserviunt interanearum partium compressioni, an vero etiam thoracis motui inserviant, id post videbimus. Horum musculorum *quatuor paria* Galenus annotavit: sed Fallopius, quem hodie in hoc recentiores Anatomici sequuntur; *quintum par* adjecit, quod licet non tanto jure inter abdominalis musculos recenseri debeat, ut reliqua, cum particulam solum abdominis constringat, tamen quia separatim à reliquis advertitur, & quia de nominibus non ita litigandum est, merito id aliis paribus accensent. Sunt autem illa *quinque paria* sequentia, nomen sere sortita à fibrarum ductu, nimirum *par unum oblique descendantium*, *unum oblique ascendendum*, *unum rectorum*, *unum transversorum*, & *unum pyramidalium*.

§. CVIII. *Oblique descendentes musculi* sublatis communibus tegumentis statim sese sensui exhibent, & quidem *originem* suam capiunt *primum* ex inferna costæ sextæ, septimæ, octavæ, & nonæ *principiis* pluribus *ferratis & carnosis*, atque sic cum ferrato majore connectuntur, & aliquando etiam *nervosa exilitate* pectorali musculo junguntur: deinde etiam oriuntur *membranofo principio* à tenui ligamento membraneo enato ex transversis vertebrarum lumbi processibus, dimidiaque ossis ilium appendice, quæ spina vocatur. Hoc modo progredientes tandem *terminantur membranea substantia* in lineam candidam, *carnosa substantia* in ossis ilium summitatem, & *nervosa substantia* in superiorem regionem ossium pubis.

§. CIX. Sub oblique descendantibus musculis jacent *oblique ascendentes*, quorum fibræ crucis in modum oblique descendantium musculorum fibras interfecant. *Oriuntur carnofo principio* à spina ossis ilium ac *membranofo* à ligamento membraneo lumborum & ossis sacri spinis. Hinc *carnosa substantia* procedunt & eadem inferioribus duabus costis alligantur,

tur, ac tandem in latum tendinem finiunt, qui ubi fere ad musculos rectos pervenit in duos scinditur, nempe in superiorem & inferiorem, quorum ille supra, hic infra musculos rectos producit ad lineam candidam, & interea arcte connascitur nerveis divisionibus musculi recti abdominis. Atque præterea iidem oblique ascendentes musculi tendine quoque suo cartilagineis partibus decimæ, nonæ & octavæ thoracis costæ copulantur.

§. CX. *Recti* dehinc musculi instar fasciarum latarum juxta se positi à supernis ad inferiora per infimum ventrem producuntur. *Oriuntur* superius *carnea substantia* ad latera ossis pectoris ab ultimarum verarum costarum cartilaginibus: & *terminantur nervea substantia* in anteriore & superiore ossis pubis parte. In his observandum est, quod ut plurimum *in tres partes intersectionibus nerveis aut tendinosis disjungantur*, quarum una fit circa umbilicum, duæ autem supra eundem; aliquando tamen & tres intersectiones supra umbilicum notantur, & aliquando una infra umbilicum, ubi longius est aliquantum abdomen. Propter has intersectiones aliqui musculos rectos in tres dividunt alios, alii vero unitatem integrorum defendunt, & partes solum unius musculi esse dicunt. Verum parum in ea questione est situm, & utrumque facile defendi potest, quanquam in posteriorum potius sententiam concedo. Deinde circa hos musculos tenendum est, quod musculi recti juxta os pubis quidem sibi jungantur, at versus superiora disjungantur, adeo ut circa sternum digiti fere latitudine distincti observentur. Porro sub musculis abdominis rectis etiam visitur vasorum epigastriarum & mammariarum occursum, per quæ consensum uteri & mammarum celebrari volunt, de quo supra fuit actum. Denique nervos hi musculi plurimos acceperunt, tum in superiorem, tum in inferiorem, tum in intermedias partes ubi interfecantur insertos. Superius ab intercostalibus, qui ex extremis thoracis vertebis prodeunt, nervos adipiscuntur: at inferius à primo lumborum pari nervos sortiuntur. Hinc adeo aliqui Anatomici in osse pubis non terminari musculos rectos abdominis contendunt; sed oriri, cum quibus non ita litigaverim, modo id pariter concedant, superius quoque ob eandem causam nullam terminationem sed originem esse.

§. CXI. Vbi musculi recti ossi pubis copulantur, oriuntur musculi *pyramidales* à figura ita nuncupati, & *succenturiati* ab officio, quia complent aliorum musculorum abdominis officium. Exigui quidem sunt, attamen à rectis distincti. Nam & propriam membranam obtinent, & fibras aliter dispositas, nempe aliquatenus oblique projectas, & denique tendinem

exilem

exilem proprium, qui in lineam albam definit, aliquando quidem profundius, at aliquando altius, fere juxta umbilici regionem. Hi ipsi tamen muscoli non inveniuntur in omnibus, & præsertim in iis absunt, quibus muscoli oblique ascendentes non oriuntur immediate à spina ossis ilium, sed à ligamento illo valido, quod ab eadem spina usque ad os pubis excurrit, ita ut tum hi oblique ascendentes muscoli officium pyramidalium compensare queant.

§. CXII. Denique *transversi abdominis musculi* imum locum inter abdominis musculos tenent. *Inisium capiunt exortu membranoso* à ligamento prodeunte ex transversis vertebrarum lumborum processibus, & deinde *exortu carnosos* ab interioribus costarum spuriarum finibus, quibus longo ductu in interna thoracis parte junguntur. Ita originem capientes deinde carnosam partem procedunt, ac tandem in latum tendinem desinunt, qui ad lineam albam ducitur. Hic tendo superne arcte connascitur tendini oblique ascendenti muscoli, inferne autem adhuc arctius peritonæo, ita ut ab eo vix citra læsionem sejungi queat. Attamen juxta pubem à peritonæo abscedit, ut solitarie videri queat.

§. CXIII. In his vero transversis, simul & in obliquis abdominis musculis aliqua communia notanda sunt. Principio venit in considerationem *linea candida*, quæ est angusta quadantenus linea albicante colore prædita, & ex tendinum dictorum musculorum unione in fine enata, quæ à mucronata cartilagine per mediam partem abdominis deorsum usque ad os pubis deducitur, & firmitatem illo loco abdomini inducit. Deinde notanda venit *semicircularis linea*, quæ formatur, ubi carnea & musculosa pars dictorum musculorum desinit, & tendinosa incipit. Porro *foramina duum generum* in iisdem notantur. *Vnum foramen* in umbilico est, per quod in fœtu umbilicalia vasa procedunt, *duo* autem, utrinque nempe unum in regione pubis circa ilium & pubis ossa, per quæ in viris vasa spermatica præparantia in scrotum deferuntur, & ex scroto in abdomen vasa deferentia semen deducuntur: at in mulieribus teretia & rotunda uteri ligamenta ad summam pudendi partem transeunt.

§. CXIV. Circa recensitos omnes abdominis musculos varia de exortu disputant: sed quæ omnia ex eo falso principio oriuntur, quod judicent principium versus debere terminum duci, cum tamen hoc non ubique necessarium sit. Et maxime in abdominis musculis aliud officium commune est, nempe quod simul concurrant ad retinenda & comprimenda ea viscera, quæ complectuntur, unde vario ductu fibrarum sibi ita

Y

conjunguntur,

conjunguntur, ut promptius & validius id præstare possint. In qua compressione ad exclusionem excrementi serosi & alvini faciunt in utroque sexu, & in muliebri etiam ad exclusionem fœtus. At si thoracem quoque aliquatenus movent, id secundo præstant, quatenus nempe ipsius costis aliquantum conjunguntur.

§. CXV. Cæterum ista omnia melius declarari queunt, si singulorum istorum musculorum distinctum officium investigemus. Ergo *oblique descendentes abdominis muscoli* secundum fibrarum suarum ductum & implantationem in lineam candidam à media parte corporis versus suam originem oblique sursum trahunt, atque ita faciunt, ut lateraliter intestina compressa sic melius fœces alvinas promoveant, & etiam intestina quasi manu prehensa contineant, ne in validis motibus, itemque vehementi respiratione & spiritus cohibitione intestina deorsum proruant. Verum quia etiam in *iliis* pubisque *ossium* summitatem implantantur, id in quaestionem venit, *an ea quoque ossa sursum trahant?* Non ausim certi quid definire, attamen probabili ratione & experimento Spigelius ostendit, non solum non impossibilem, sed & necessarium eum motum esse, dum sursum ire seu aliquo ascendere volumus. Si quis vero hoc neget, id tamen concedere debet, eam insertionem ob majorem firmitatem & æquabiliorem abdominis compressionem à natura institutam esse. Sic dubitatur, *an etiam thoracis constrictioni inserviant?* Non existimo ita validum esse horum musculorum motum, ut eo usque pertingat, quanquam id libentissime largior, impediri ea origine in thorace, ne in eam partem declinet aut turbari possit.

§. CXVI. Porro *oblique ascendentes muscoli* his contrarium obtinent officium, nimirum ductu suarum fibrarum & terminatione in lineam albam oblique deorsum intestina & alia in abdomine contenta comprimunt, & sic adjuvantes finem oblique descendendum eisdem usus præstant. Verum quia etiam costis inferuntur, quæri solet *an etiam thoracem moveant?* Non certe dilatant, quia costas non abducunt, forte tamen deorsum trahunt, & manifeste impediunt, quo minus in eam partem superior moles corporis procidat.

§. CXVII. Dehinc *recti abdominis muscoli* pariter secundum suarum fibrarum ductum anteriorem abdominis partem comprimunt & sulciunt atque amplius pectus ad os pubis, & vicissim os pubis ad pectus adducunt. Atque ideo quasi duo principia duosque fines sortiti sunt. Nam & superius, ubi thoraci copulantur nervos accipiunt, & pariter inferius, ubi ossi pubis conjunguntur. Neque solum nervi, verum etiam venæ & arteriæ

teriz ita distributæ sunt, ut non minus ab inferis, quam à superis in hos musculos propagarentur. Hi musculi diversas interfectiones acceperunt, ut eos motus majore contractione celebrare possent melius, quasi per divisos musculos.

§. CXVIII. *Transversi abdominis musculi* versus interiora abdomen retrahunt, & ut idem præstent recti musculi, tendinibus suis eos involvunt. Atque hoc modo etiam inserviunt rectorum musculorum functioni, quandoquidem in flexu illo corporis in anteriora necessum est abdominis partes introrsum deduci, ut sic omnes musculi abdominis rectis in ea operatione famulentur. Verum illa quoque compressio abdominis vel maxime utilis est ad firmiorem comprehensionem pro meliore excrementorum & foetus exclusione.

§. CXIX. Quid denique *pyramidales musculi* præstent, non omnium eadem est sententia. *Fallopium* ipsorum inventor succenturiari eos arbitratur oblique ascendentes musculis, ita ut cum iidem versus os pubis non oblique deorsum trahunt, tunc hi musculi ea quæ sub pube sunt oblique deorsum ducant. Deinde Celeberrimus Vir ab *Aquapendente* judicat, quandoquidem observavit usque ad umbilicum quandoque ipsorum tendines produci, quod umbilicum deorsum trahentes vesicam leviter ad meliorem urinæ excretionem constringant. Doctissimus denique *Spigelius* opinatur, quod præterea totam lineam candidam à mucronata cartilagine versus ossa pubis deorsum trahant, ut musculi obliqui tū ascendentes tum descendentes firmius ad se traherent, ac rectis musculis in magna corporis extensione auxiliarentur.

§. CXX. *Musculi lumborum* sunt duum parium. Vnum par est *quadratorum*, qui nomen id à figura sua acceperunt. Iacent in interna regione abdominis, atque oriuntur principio lato, crasso ac carnosio ab ossis ilium posteriore ac superiore, & ossis sacri superiore cavitate, ac supra lumborum vertebrae ascendens, processibusque earum transversis adhærens, sensimque in angustum desinens carnosâ terminatione tandem duodecimæ costæ inferna parte implantatur. Alterum par est *sacrorum* ab origine ita nuncupatorum. Nam forinsecus ab ea ossis sacri parte, ubi ipsa spina cum ilium osse conjungitur, exortum capiunt, & mox in ascensu carnosius factum triplici tendinum genere diversis partibus inseritur. Primum, quod altius est, in singulos processus transversos vertebrarum lumborum definit. Secundum paulo inferius in eorundem processuum radices terminatur. Et tertium denique deducitur ad spinas singularum vertebrarum. Verum in

iisdem non terminatur, sed sensum latius factum in duodecimæ thoracis vertebræ spinam acuta desinentia finitur. Fibra hujus paris musculorum oblique versus interiora ascendunt, verum totus musculus sub altero, qui longissimus totius dorfi est, absconditus jacet.

§. CXXI. Ab his musculis *lumborum motus* proficiscitur, qui vel est *antrorsum & flexio* vocatur; vel *retrosum, & extensio* appellatur; vel *ad latera* dextrorsum & sinistrorsum, & *incurvatio* dici potest. *Quadratum* pars musculorum lumborum *flectit*, sed *sacrum* si totum agat *extendit*, & si alterutrum operatur, in latera deducit. Quod si autem cum quadrato uno concurrat sacrorum musculorum unus, fit quidem etiam inflexio in latera, sed ita, ut aliquantum etiam ad extensionem vergat, quod fit multiplici ratione, prout vel paribus viribus concurrunt, vel imparibus, & prout vel unus vel alter superior est, itemque prout vel fortius vel debilius agunt. Ab officio isto illis musculis etiam nomen solet indi. Nam *quadrati flectentes* seu *flexores lumborum*, at *sacri extendentes* aut *extensores lumborum* appellari solent. Sant quidem præter hos alii muscoli quoque siti in infimo ventre, verum quia alio referri debent, ideo eos hic prætermittimus.

C A P U T X.

De partibus ad caput, seu supremum ventrem pertinentibus.

§. I. **P**ostquam inferiorum duorum ventrium naturam & officium, quantum sufficere judicavimus, persecuti sumus, ut universi nostri corporis fabricam porro persequamur, necessum habemus, ut nunc de capite quoque sermonem instituamus, & principio quidem quædam de eo universim proponemus, dehinc singulas ejus partes persequemur. Atque ut hinc suam exordium. Dicitur nobis *caput* impræsentiarum totum illud rotundum corpus, quod supremo corporis loco positum, primæ vertebræ cervicis incumbit. Alias tamen apud Medicos capitis nomen strictius dicitur pro cerebro, & aliquando pro capillata parte. Nominis ratio desumitur, quod vel à capite sensus initium capiant, vel quod caput capiat cerebrum, partem nobilissimo officio destinatam. Græcis vocatur *κεφαλή*, quod nomen dictum quidam volunt, quasi *κεφαλή*, aut *κεφαλή*, h.e. putamen aut testa, quia cranium omnes partes contegit, & quasi in testa detinet. Alii ab Hebr. *כפל* deducunt, quod *duplicare* significant, quia in capite plurima sunt gemina, ut oculi, aures, nares &c.

§. II. *Situs* habet caput in suprema corporis parte, præcipue ob functionum

ctionum suarum commodum. Nam & sensoria & spiritus animales melius ibidem suo officio defungi queunt. Sunt tamen qui cordis quoque gratia superne positum esse caput arbitrantur, quia nempe æstus sursum tendentium spirituum vitalium & sanguinis remittere debeat. Sed de hoc agemus, cum de officio cerebri sermonem instituerimus. *Figura* capitis rotunda est, sed tamen in lateribus aliquantum depressa, & antèrius aliquatenus oblonga, quemadmodum illud pariter circa figuram cranei à nobis notabitur. *Magnitudo* dehinc etsi inter homines varia est, tamen respectu aliorum animalium homini maximum caput tributum est, ob cerebrum, quod homini inter omnia animalia maximum competit. Quando autem maximum caput dico, non omni dimensione maximum intendo, sed respectu capacitatis ad comprehendendum cerebrum. *Temperamentum* capitis non uniforme, utpote cum diversæ sint in eo partes differentis naturæ, attamen minus calidum dici potest, quam sunt duo inferiores ventres. *Officium* pariter in genere exacte definiri nequit. Attamen id asseri potest, inservire illud maxime functionibus animalibus exercendis, quibusdam quidem per se, adeoque *executive*, quibusdam vero per sua subsidia, & suam conspirationem, adeoque *directivæ* & *principiativæ*. Verum hic quaestio occurrit: *An ideo sit princeps pars dicendum?* Censeo quod si princeps pars dicatur quæcunque illa, quæ aliquatenus regit corpus, concedendum sit: sin autem vocetur illa, quæ primo & originaliter gubernat, negandum veniat, cum veram arbitremur Aristotelis sententiam, cor absolute primam & principem partem in universo corpore esse, utpote quæ & universale & independens imperium exerceat.

§. III. Cum partes capitis *seorsim* considerantur, bifariam inspicere possunt, nempe & *quatenus se citra sectionem offerunt*, & *prout artificiosa dissectione palam ostenduntur*. Prout caput citra dissectionem se oculis ingerit, dispesci solet in partem *capillatam* & *glabram*. *Capillata capitis pars* dicitur κεφαλή & κέφαλον Græcis, Latinis autem *calvaria* & *cranium*. Hæc iterum dividitur in quatuor partes: quarum *antica* dicitur *synceput*, quasi dicas summum caput, & *βρίχμη*, ὅθεν τὸ βρίζειν h.e. ab irrigando, quia illa pars humidissima & mollissima est: deinde *postica* vocatur *occiput*, & Græcis ὀπίω, quia nervosa est, cum ibi nervi originem suam capiant: porro *laterales partes* dicuntur *tempora*, quia in iis de ætate iudicium fieri potest, Græcis vocitantur ὡροσφοί, ὅθεν τὰ νεοτὰ, quia pulsus ibi robustus est, & tactui manifestus. Nam in viris ibi primum erumpunt cani pili, in mulieribus autem ibi in senectute decidunt: denique inter has omnes partes *media* & *suprema* est *vertex*, in

qua pili quasi in orbem vertuntur. Græcis dicitur *κενφά*, quasi *κενφά οὐδὲ τὸ κενφά* h. e. *occuliare*, quia ea pars maxime crinibus tegitur. Quibus ille capillorum ordo geminus est, illi dicuntur *διγερφά* i. e. *bivertices*. Pili qui eam partem tegunt, speciatim vocitantur *capilli*, quasi *capitis pili*, & Pol-
luci *κίρηναι* δὲ τὸ *καίρειναι* i. e. à *tondendo*, quia tonderi solent: & linea illa, se-
cundum quam à vertice ad frontem dividuntur pili, dicitur Aristoteli *λίστα* aut *λίστα* τῶν σιγῶν, h. e. *Gaza* interprete, *discremen* & *aquamentum*
capillorum.

§. IV. *Glabra* capitis pars in *faciem* & *aures* dirimitur. *Facies* Græcis dicitur *πρόσωπον*, quia homo in anteriora videt, & vocem emittit. Dicitur autem *facies* tota anterior capitis pars, quæ à capillis ad mentum usque deducitur. In ea primum occurrit *frons*, à *serendo* dicta, quia animi janua. In hac lineas diversas Physiognomi observant, quæ *πλῆξις* & *ἀμαρτυρία* illis dicuntur, & speciatim illi Prophetæ Metoscopi dicuntur, quia Græcis *μετῶπιος* facies appellatur, quia ab inferioribus inchoando post oculos sita est. A superiore parte *frons* habet *synciput*, à lateralibus deinde tempora, de quibus utrisque jam actum est, at ab infima occurrunt *supercilia*. Ita vo-
cantur pili illi, qui ad extremitatem frontis supra oculos ponuntur, ne delabentes sudores in oculos prouant. Nomen habent, quia sunt supra
cilia, qua voce antiquitus notabantur *palpebra*. Illorum pilorum ea pars, quæ ad nasum tendit, *caput superciliorum*, altera quæ tempora respicit, *cauda superciliorum* nuncupatur: media autem pars supra nasum, cum pilis caret, vocatur *glabella*. Sub ea occurrit *nasus*, quem Græci *ῥίνα* vocant, *οὐδὲ τὸ ῥίνα*, à *fluendo*, quia cerebri excrementa per eum purgantur, & *μυκτῆρ* seu *μυκτῆρ*, à *muc*, qui per ipsum ducitur. Dividitur primum in superiorem partem, quæ ossa est, & inferiorem, quæ est cartilaginea: deinde in laterales, & mediam, quæ *spina* seu *dorsum* vocatur. Foramina illa duo, quæ patent, *nares* vocitantur, à *gnavitate*, quia odorem admittentes eas adesse manifestant, quæ oculi nondum perspiciunt. Media pars cartilaginea eas determinans *columna* nuncupatur, cui superius conjungitur *interseptum ossum*. Partes vero laterales mobiles dicuntur *ala* & *pinna narium*, sicut extremitas protuberans appellatur *nasi orbiculus* aut *globulus*. In antro narium inveniuntur pili, hi vocitantur *vibrissi*, aut *vibrissa*, quia iis evulsis sternutatio fit, adeoque capitis vibratio, aut concussio.

§. V. Ad laterales partes sub fronte utrinque ad radicem seu summitem nasi jacent *oculi*, quorum externæ præcipue partes visui citra dissec-
tionem patentibus sunt sequentes. Primum occurrunt *palpebra*, à *palpitando*
dictæ,

dictæ, quod frequenter palpitent & moveantur. Sunt enim illæ tegumenta illa, quibus clausis oculi occultantur, & ab invicem diductis rursum visui obijciuntur, & in superiores & inferiores dividuntur. Antiquitus *cilia* palpebras vocarunt, quia oculos celant. Extremitates illarum cartilagineæ dicuntur *ῥαῖναι*, seu *oculorum crepidines*, & pili ibidem enati *βλεφαρίδες*, quibusdam *cilia*, verum contra priscorum Latinorum usum. A palpebris invicem conjunctis versus nasum & tempora constituantur *anguli oculorum*, quorum *major* ad tempora vergit, *minor* autem ad radicem nasi, in quo in tarso *foramen* insculptum est, per quod lachrymæ ex oculis egeruntur, & quod tegit caruncula quædam exigua, per quam lachrymæ deducuntur, unde *πηγή* h. e. *fons lachrymalis* solet vocari: inter ossa autem & utramque palpebram reperiuntur exiguæ quædam cavitates, quarum superior, cum major sit, *cavum oculi* vocatur: at inferior, quæ minor est, *subcavum* indigitatur. Sub palpebris genuinus oculus continetur. Is Græce dicitur *ὀφθαλμὸς* & *ὤμμα* ab *ὀπτέω*, h. e. *video*. In medio ejus cernitur nigricans circulus, qui *pupilla* vocatur, quem ambit alius, quem *iridem* appellant, forte quia diversis coloribus scatet, non quidem in singulis, verum in diversis. *Quotuplex* vero color sit, non unanimiter recensent Aures. Ab Aristotele quatuor enumerantur, nempe *ater*, *castræus*, *sulvus*, & *caprinus*: at à Galeno tres tantum *niger*, *glauco* & *medius*. Attamen istorum colorum magna adhuc varietas ratione gradus & puritatis, & aliorum respectu. Reliquum oculi apparentis *album oculi* occupat, ossa vero, quæ vel supra vel infra oculos constituta sunt, nominantur *ὀπιπτα*, aut *ὀπιφθαλμια* quasi *subocularia*.

§. VI. Vtrinque dehinc sub auribus, naso, & oculis ad mentum usque *gena* producuntur, appellationem *γενὰ* ἡ *γόνα* nactæ, quia hæ partes barbam in viris prosignunt. Dividuntur *gena* in *superiores* & *inferiores*. *Superiores mala* vocantur, vel quia similitudine cum malis i. e. pomis conveniunt, vel contractione ex maxillis, unde & *maxilla* superiores appellantur. Sunt vero illæ rotundæ eminentiæ in facie, homini propriæ, quæ in pudore rubicundo colore solent tingi. *Inferiores* dicuntur *buccæ*, Græcis *γόμφαι*, unde Parasiti dicuntur *Gnathones*, & sunt molliores illæ & laxæ partes malis subjectæ. Sub his & naso continentur *labia*, vel *labra*, *χείλια* Græcis nominata, *ὀφθαλμὸς* ἡ *χίλις* à fundendo, quia potum per ea infundimus, & sermonem efferrimus. *Superius* vocatur *ἀνώχυλος*, *inferius* *κατώχυλος*, *exitumitates* ipsorum *rubeæ* *αἰχίχυλος*, & si conjungantur invicem *συνήμμοι*, sicut ipsum foramen, quam apertio illorum format *πίσμα* seu *os* indigitatur. Inter nasum

nasum & labium superius occurrit ea pars, quæ barbam emittit, quæ à situ *ὑπὸ τοῦ μύτου*, quasi *infra nares posita pars*, & *μύτης ἀπὸ τῆς μετέρις*, i. e. à muco præterfluente nomen habet. In ea parte sub columna nasi invenitur quædam cava pars, quæ barbam ipsam in duas dirimit, & *φίλτρον* dicitur, quasi amoris in ea illecebra sita sit. Ipsa autem barba cum primum erumpit, Græcis *αὐτοπύριον* vocatur, at cum pili rigidiores evadunt, Græcis & Latinis etiam *Myrtax*.

§. VII. Diducto ore, aut ablatis labiis veniunt conspiciendæ internæ partes oris, primum quidem *dentes*, Græcis *ὀδόντες*, quasi *edentes* à Græco & Latino *ἔδω* dicti. Numero sunt plerumque *triginta duo*, nimirum & superius & inferius *sedecim*. Sunt illi quatuor anteriores & medii, qui *incisores* vocantur, Græcis *τομῆς* à *τίμνωμι*. e. *secare*, quia incidunt, & dissecant cibum. Hos utrinque ambiunt *κυνόδοντες* seu *canini dentes* duo, utrinque nempe unus, quibus appellatio obigit à similitudine, quam habent cum exfertis canum dentibus. Post hos decem, nempe utrinque quinque, positi sunt *dentes molares*, *μύλας*, ita vocati, quod instar molarum cibum incisum conterant & cominuant. Horum molarum postremi in adulta ætate demum prodeunt, cum jam sapientia virilis obigit, hinc *σοφοειστέρες*, & *dentes sapientia* nuncupantur. Dentes illi in maxillis utrinque locati sunt, quarum *margines φωνία*, at *alveoli* singuli *ἀλῆα*, & *interstitia* inter dentes *ἀρμὰ* dicuntur. Caro dentibus deinde circumjecta vocatur *gingiva*, Græcis *ὄλος* ab *εἰλῶμι*. e. *involvendo*, quia dentes involvit.

§. VIII. Porro in diducto ore notatur *lingua* Græcis *γλῶττα* vel *γλῶττις*, quæ inferius *freno* suo coercetur, & sub se habet partem sub lingua, quæ *ὑπογλωσσος* vocatur. Superius deinde *palatum* est, à similitudine etiam *cælum* vocatum, & Græcis eadem de causa *οὐρανός*, *ὕψος* (κ), *ὕπερθος*. Interiore dehinc parte sinerne dependet, *gurgulio*, seu *columnella*, *μαχαίριον*, *κίον*, *κίονις*, & *σφυλοφόρος* vocata. Tota interior cavitas, post linguam utrinque *saucium* nomine venit, & proprie Græcis *φάρυγξ* vocitatur, ad cujus latera utrinque jacent glandulæ, quæ *tonsilla*, & Barbares *amygdalæ*, Græcis autem *αὐπάδες* & *περίωμαι* nuncupantur.

§. IX. Sub labro inferiore *maxilla inferior* est, Græcis *ἀγχημὸς* & *χένος*, Latinis *mentum* ab *eminendo* dictum. Circa hanc & in genis pili primum erumpentes *χῆνις* Latinis *lanugo*, & post adultiores facti *ὑπὸ πύλιν* & *παύροι*, Latinis *Barbæ* appellantur.

§. X. Laterales dehinc faciei partes *Aures* nuncupantur, Græcis *ὠτις*. Verum ea vox proprie denotat totum auditus organum, sed pars prominens

minens illarum proprie *ἄνωρ*, & Latinis *auricula* dicitur. Superior ejus pars cartilaginea, Latinis *pinna* vocatur, apud Græcos nomine caret, quibusdam tamen *πτερυγίος* appellatur. Inferior pars carnea *ῥιζή* dicitur, à *ῥίζα*, quod *abscindere* significat, quia flagitiosis abscindi solet. Exterior auriculæ ambitus in pinna *ὠτὴ* *Helix* & *capreolus* dicitur: at interior illi respondens *σφαιλα*, & *scapha*; cavitas autem ipsa *ὠτὴ*, *concha*. Ante hanc eminentia illa ad tempora *ῥιζή* i.e. *hircu* indigitatur, eique opposita *σφαιλερὸς*. In medio vero cavitatis consistit *meatus auditorius*, *πύλος ἀκουστικός*, per quem admittitur in interiora sonus, & foris egeruntur sordes, quas veteres Latini *Cerumina* dixerunt.

§. XI. Prout caput artificiosa dissectione dirimi solet, dividitur in *partes continentes*, & *contentas*. *Continentes* sunt tum *communes*, tum *proprie*. *Communes* hic vocari possunt, tum *ea*, qua reliquis quoque ventribus competunt, quales sunt *cuticula*, *cutis*, & *membrana pinguedine intertexta*, atque si libet etiam *pili*: tum *ea*, qua pluribus partibus contentis sunt *communes*, ut sunt *ossa capitis*, *pericranium cum suo perioestio*, quidam *musculi foris incumbentes*, & si quæ aliæ. *Proprie* dicuntur, quæ singulas aliquas partes continent, ut *membrana propria*, & *musculi proprii circumdantes*, & si quæ aliæ sint hujusmodi partes. *Contenta* partes sunt *cerebrum & cerebellum*, & quæ ad ea spectant *vasa*, aliaque: Deinde *sensuum organa*, adquate quidem *visus*, *auditus*, *gustus* & *olfactus*, sed, *tactus* inadquate & partialiter.

§. XII. De *Communibus tegumentis primi generis* partim actum est, partim à nobis agetur in posterioribus, verum impræsentiarum partim de *communibus continentibus partibus posterioris generis*, partim de *contentis cum suis propriis ambientibus* tractabimus, & quidem eo ordine, secundum quem citra posteriorum præcognitionem id optime fieri posse judicabimus. Itaque primum initium capiemus à *pericranio* & *perioestio*. *Pericranium* ita vocatur, quia circa cranium seu calvariam positum. Est nimirum illa membrana alba, valida, densa, & satis crassa, quæ infra carnosam membranam supra cranium extenditur, verum non totum, sed antèrìus solum usque ad oculorum orbitas, & posterius usque ad primam cervicis vertebra, in temporibus autem abest, utpote in quibus temperales musculi consistunt. Circa futuras valide cum crassa membrana cerebri fibris quibusdam nervis conjungitur, unde quidam judicarunt, pericranium ab illa membrana crassa cerebri oriri, præsertim cum in tenera ætate omnino magis arcte invicem conjungantur. Hoc tamen certum est, magnum inde utrarumque membranarum enasci consensum, & consequenter cum cerebro, unde

Z

caute

caute in vulneribus capitis pericranium tractandum est, ne gravia inde enascantur symptomata. *Periostrum* dehinc sub hac membrana est, & totum cranium undique tegit, quorundam accuratiorum Anatomicorum sententia. Valde tenue est, adeoque ægre à cranio abscedit, & maxime quasi rasiōe, & hinc forte factum est, quod aliqui id ipsum non notarunt, sed crediderunt dividi posse quasi in diversas lamellas, & ex eo errore divisum fuisse pericranium & periostrum. Verum & divisio illa pericranii in lamellas ostendi potest, & præterea sub eo periostrum. Acutissimi hoc sensus est, quanquam nec pericranium obtusi sensus est. *Ufus* illarum membranarum notus est, ex communi usu omnium membranarum. Nimirum tegunt ad defensionem & firmitudinem majorem cranium, forte etiam prohibet periostrum effluxum sanguinis ex vasis ad cranium tendentibus. Ea autem parte ubi cum crassa meninge conjunguntur, faciunt quoque ad suspensionem cerebri, ne in validis motibus inordinate hinc inde concitaretur.

§. XIII. Sub periostrio ipsa *ossea pars capitis* posita est, quæ aliquando uno nomine vocatur *cranium*, quia galeæ officio & similitudine respondet, vel quia ad *negotium* h. e. *caput* pertinet. Nam ideo & *galea negotii* vocatur. Aliquando vero *Cranii* vox denotat partem solum ossæ istius substantiæ, nempe superiorem, quæ opponitur ossibus maxillæ. Nunc primo modo vocem illam usurpamus, post autem cum ossa capitis dirimemus, posteriorem acceptionem sectabimur. Ergo quidem *universum cranium* substantiam ossæam nactum est, quæ in adultioribus magis conspicua est: at in teneriore ætate pluribus in locis membranea, & cartilaginea apparet, non primario ut in partu felicius cederet, sed quia in teneriore ætate ob abundantiam humoris & non ultimo consummatam concoctionem per totum corpus ossa sunt molliora & in pluribus quasi cartilaginea. Attamen ne quidem in adulta ætate ubique æqualiter dura, densa, solidaque sunt, sed alicubi mollia satis, rara, & fragilia. *Figuram* obtinet propriam sibi, & non simplicem ob magnam varietatem ossium sibi combinatorum: Plerumque tamen à figura superioris partis toti solet nomen tribui. Ita ergo *figura cranii* in *naturalem*, & *praternaturalem*, seu *depravatam*, dispelci solet. *Naturalis* est rotunda, neutiquam vero exacte, cum & à lateribus & antica parte aliquantum depressa sit, & pariter in antica & postica parte longiuscula. *Praternaturalis* figura à quibusdam in certas classes revocatur, ab aliquibus in tres, ab aliquibus in quatuor, ab aliquibus in plures. Sed ego existimo non dari certam aberrationis varietatem, ut ita

ut ita de ea nihil addere constituerim. Pertinet id quoque ad figuram cranii, quod & *externam* & *internam superficiem* habet. Vtraque alicubi lævis est, alicubi processibus variis exasperata, & maxime interna & inferiore parte. *Foramina* pariter diversa in cranio notantur, & etiam *sinus*, inter quos illi notabiles sunt, qui pro venarum arteriarumque propagatione exculpsi sunt. Constat etiam cranium fere ubique *duplici lamella, externa* nempe magis crassa ac firma, ac *interna* tenui magis & minus solida. Inter has continetur quasi *medullium* rarum, laxum & spongiosum, sanguineis vasis hinc inde donatum.

§. XIV. *Officium cranii primarium* est tum *comprehendere*, tum *defendere* cerebrum, tum id *suspendere* & in sua sede detinere. Proinde ut firmius esset, osseum factum est, attamen non æquabiliter durum & densum, ubi id necessum non erat, & maxime, ubi vapores erant expurgandi. Forte ideo quoque, ne nimio pondere prægravaret. Ob quam causam plerisque in locis ex duplici tabula constitutum est, intercedente medullio discriminata. Quamquam id aliqui factum volunt, ut tutius esset cerebrum, si forte læsiones quædam ab extrinsecis causis advenirent, quod non ita approbo, cum ad casus & infortunia externa contingentia natura non soleat respicere primario, licet sæpe id obtineat. Sic cum hic firmius cranium constituit, etiam obtinuit, ut cerebrum ab externis causis contingentibus minus facile lædi queat. Nisi ob meliorem nutritionem quoque diploas illas constitutas arbitremur? Nam vasa plurima etiam per medullium dispersa observantur. *Foramina* ubi nactum est, vel admittit aliqua, vel emittit. *Sinus* & *processus* pariter ob figuræ alicubi commoditatem, alicubi ob meliorem conjunctionem, alicubi ob insertionem & exortum muscutorum aut aliarum partium commodiorem situm accepit. *Figuram rotundam* habet, & aliquatenus oblongam partim pro majori capacitate, partim pro commodiore receptione cerebri secundum convenientem ipsi figuram. Vnde quibus præternaturalis figura obigit, ii functiones cerebri aliquas aut plures non ita bene obire queunt. *Secundarium officium* cranii est, etiam sensoria pleraque in se continere, & musculos diversos recipere, aut exortu suo emittere, sed de his melius dici poterit, ubi cranii partes particulatim explicaverimus, quo nunc transitum facimus.

§. XV. Non ex uno simplici osse pars ossea capitis, & speciatim cranii constituta est, sed ex diversis varia ratione copulatis, idque ob meliorem conjunctionem seu unionem, ubi multiplicitas requirebatur, maxime vero ob meliorem cerebri suspensionem, quo suturæ cranii plurimum conferunt.

Addo & vaporum emissionem, quo pariter cerebri futuræ quam maxime conducunt, ut inde gravibus doloribus capitis plerumque tententur, quibus illæ futuræ defunt. An etiam judicabimus, ideo ex diversis ossibus partem osseam esse constitutam, quia diversæ consistentiæ cum esse debuerit, non potuit ex uno ossicita constitui? Particulariter id concesserim; universaliter autem admittere nequeo, cum etiam ejusdem consistentiæ ac duritiei ossa sæpe immediate sociantur, & unum idemque diversa consistentia gaudeat.

§. XVI. Plura illa ossa distinguuntur in *ossa cranii & maxillarum*, atque diverso modo connectuntur, præcipue vero notabiles sunt *sutura*, quæ cum speciatim in ossibus capitis reperiantur, de iis hoc loco aliqua adjiciemus. Sunt ergo hoc loco *sutura* determinatæ quædem compositionis ossium species referentes similitudinem rerum filo consutarum, aut duarumerrarum sibi invicem junctarum. Et in cranio duplices constituuntur, nempe *propria*, & *communes*. *Propria* vocantur, quæ soli cranio speciatim sic vocato competunt: at *communes*, quæ non solum ad cranium, sed etiam ad os curneiforme & maxillam superiorem reducuntur. *Propria* rursus in *veras* & *mendosas* dispescunt. *Vera* nominantur, quia vere habent similitudinem rerum filo consutarum: at *mendosa*, quia tali careant aliquatenus, & magis quasi lineam tantum referunt, aut alio modo non satis distincte futuram expriment. *Vera sutura* singulæ tantum sunt, & tres numero, nempe *coronalis*, *lambdoides*, & *sagittalis*. *Coronalis* vocatur, quæ ab osse uno temporum initium capiens, transversim per synciput semicirculari figura in alterius lateris os temporum excurrit, & frontis os ab ossibus syncipitis dirimit. Nomen habet, vel quod coronæ ad instar anteriorem partem capitis cingat, vel quod ibi coronæ antiquitus gestarentur. *Lambdoides* vocatur quæ à summitate occipitii angulo acuto orta instar trianguli aut literæ Græcæ Λ (unde & nomen accepit) crura deorsum ad occipitii basin deducit, & utrinque processus mammillares ambit. *Sagittalis* appellatur, quæ à medio coronalis per summam capitis partem in angulum superiorem lambdoidæ procedit, & pariter à similitudine cum sagitta nomen id nactum est. Hæ futuræ autem, quamquam foris ita apertæ sunt, tamen interius tantum lineam ostendunt, adeoque *harmonia* societatem referunt, & eam adhuc quandoque ægre. Id quoque adhuc notandum, quod licet plerumque hæ futuræ soleant comparere, tamen etiam aliquando abesse observatæ sint, singulæ vel plures. Verum tum ii homines facillime doloribus capitis, aliisque symptomatis ab internis causis tentati sunt. Pariter aliquando *Lambdoides sutura* in duos tresve minores triangulos per lineas

lineas à vertice ejus excurrentes divisa notata est. *Sagittali quoque sutura* quibusdam per os frontis excurrit, ita ut non solum bregmatis ossa, sed ipsum quoque frontis os in duo diviserit. *Mendose sutura* binæ sunt, nimirum in utroque latere distinctæ, & in quinque paria dividuntur. *Primum par*, quod maximū est dicitur *par suturarū squamiformium* à similitudine. Nam per has suturas verticis & temporum ossa, ex crasso in acutum illa foris, hæc interne magis desinentia, sibi invicem quasi squammis conjunguntur. Initium capiunt à basi processuum mammillarium, qua ad anteriora vergit, & sursum aliquid quantum, & dehinc per latera excurrentes inæqualem q. circum, aut potius ovalem lineam constituunt. *Secundum par* primo pari sociatur, ac ab ejus superiore parte initium sumens oblique deorsum promovetur, dum attingat primum par suturarum communium. *Tertium par* originem capit juxta basin processuum mammillarium à desinentia lambdoides, qua anteriora respicit, & juxta processuum mammillarium latera posteriora, usque ad basin cordis procedit, usque ad eam partem, ubi capitula reperiuntur, per quæ cum prima vertebra conjungitur. *Quartum par* juxta processum alis vespertilionum similes in media fere basi capitis transverse ducitur, utrinq; conterminam habens rimam asperam, quæ ab ossibus temporum & sphænoide conficitur. *Quintum* denique *par* reperitur in anteriore internæ calvariæ parte, & transversim excurrentes ad ossis cribrosi angulos inferiores harmoniam potius, quam suturam exprimit. *Communes suture* pariter *geminae* sunt, & etiam quinque parium. *Primum par* in superciliū exteriore loco oblique producit, & exteriorem processum ossis frontis cum primo maxillæ superioris osse conjungit. *Secundum par* positum est in externa & laterali oculi parte, & à fine fere secundæ propriæ mendosæ deorsum recta ducitur, ad foramen usque, quod in cavis temporum existit, & os cuneiforme cum osse maxillæ superioris primo sociat. *Tertium par*, positum est in elatiore loco orbitæ oculi & narium, ac frontis laminam, ubi partem orbitæ superiorem efformat, & processum interiore cum maxillæ superioris ossibus secundo, tertio, quarto & quinto conjungit. *Quartum par* oblique in medio ossis jugalis propagatum, processum primum ossis temporalis cum primo maxillæ superioris osse connectit. *Quintum* & ultimum *par* inter processus aliformes positum antrorsum fertur, & cuneiforme os cum septo narium copulat.

§. XVII. Secundum has suturas ossa cranii distribuuntur, & quidem in propria & communia. Illa vocantur, quæ ad cranium speciatim & solitarie pertinent; sed hæc appellantur, quæ tum ad cranii, tum ad maxillæ su-

perioris constitutionem referuntur. *Ossa propria sunt, unum os frontis, unum os occipitis, duo ossa syncipitis, & duo ossa temporum, ut ita in universum sint sex. Ossa communia sunt duo, os cuneiforme & spongiosum.* De his agendum est nobis ordine. *Os frontis* hoc loco appellatur, quod anteriore parte fronti substernitur, & superius ac in lateribus per suturam coronalem ab ossibus syncipitis se jungitur, anterieus & inferius autem per primum, tertium ac quartum par suturarum communium à diversis ossibus maxillæ superioris dirimitur, & à lateribus, ac inferius per primum, quartum & quintum par suturarum mendosarum ab osse cuneiformi determinatur, ac vicissim omnibus illis ossibus beneficio earundem suturarum committitur. *Vnicum* id os ordinarie in adultis reperitur, non in mulieribus semper geminum, prout forte aliquando ab Aristotele observatum, & ab aliis comprobatum non solum in mulieribus, sed etiam in viris. In teneriore tamen ætate plerumque apparet divisum, sagittali sutura excurrente ad radicem ipsam nasi. *Consistentiam mediam* habet inter ossa syncipitis & occipitis. Nam hoc crassius & durius est, illa autem tenuiora & molliora, quam os frontis. Non tamen æquabiliter crassities illa per os frontis deducitur, sed ubi ad oculorum orbitam constituendam pertinet, tenuissimum est, sicut etiam est tenue ubi ad tempora vergit, & ossibus syncipitis committitur: reliquis autem partibus crassius est, & manifeste per duplicem laminam, intra quam substantia rara ac spongiosa pumici similis continetur, constituitur. In ea notanda *caverna satù ampla* ad radicem nasi consistens unica vel gemina plerumque, plena corpore quasi meduloso, aut substantiæ cerebri non dissimili, quam quandoque viridis membrana succingit. De usu illius cavernæ varie disputatur. Aliqui *ad vocem sonoram edendam* conferre judicant, quia in quibus non reperitur, ii non satis claram vocem edunt. Sed non scio, an id recte observarint. Nam in quodam phthisi ex lue Venerea contracta mortuo & à me aperto eam non reperi, attamen quamdiu fauces sanos habuit, ille nequaquam ullo nocumento vocis afficiebatur. Et non facile apparet, quomodo aer ex pulmonibus productus ibi allidatur, & claro sonitu reverberetur. Aliqui judicarunt *lachrymarum materiam* hinc derivari, sed nec id satis vel coherentia vel etiam uberrimis lachrymarum fons sæpe profluens admittere videtur. Sic neque illis assentiri queo, qui vel *preparari* vel *elaborari in iisdem spiritum animale* arbitrantur. Itaque potius judico vel *solum ad medulla ossis illius comprehensionem meliorem* facere, vel *conferre ad odorem paulatinam effusionem in organum odoratum proprium*, quod quibusdam est visum. Sed *quare gemina plerumque apparet?* Quia & nares

nares & instrumentum odoratus proprium gemina sunt. *Figuram* habet os frontis foris elatam, interius depressam, ut inde patellæ à quibusdam non incommode comparetur. Dehinc superius ubi *syncipitis* ossibus committitur, circulem figuram æmulatur, at aliis partibus omnino ab ea figura recedit. Nam juxta oculos quatuor *processus* notabiles constituit, *duos* quidem *maiores* ad majorem oculorum angulum, at *duos minores* ad angulum oculorum minorem. *Foramina* præterea *duo* in sede superciliorum media in oculi orbitam definentia ostendit, per quæ ramus primus nervorum tertiæ conjugationis cerebri in musculum frontis digeritur. Alia quoque diversa foraminula exigua notantur, & maxime in exteriori lamella, per quæ capillaria vasa producantur, unde cum in vulneribus capitis raditur os frontis, guttulæ sanguinis quandoque proveniunt, ut hinc falli quis possit, ipsam anteriorem lamellam fractam esse, etiam cum non est, quemadmodum id in aliquo vulnerato observavi, qui tamen ob rupta interiora vasa, sicuti in dissectione evidenter apparuit, ex vulnere illo non penetrante mortuus est.

§. XVIII. Secundum & tertium os conficiunt duo *ossa syncipitis*, seu *bregmatis*, seu *verticis*. Ita enim etiam dicuntur, quia eorum centrum vertex est. Atque ea inter se conjunguntur per suturam sagittalem, at antierius ossi temporum per suturam coronalem, & posterius ossi occipitis per suturam lambdoideam committuntur, atque in lateribus ossibus temporum per primum par suturarum mendosarum connectuntur. Vbique æquabiliter crassa sunt, nisi quod ubi ossibus temporum sociari debent, aliquantum attenuantur. Superficiem habent exterius lævem, interius paulum asperio-rem, & maxime ibi notandi sunt *sinus* pro jugularium venarum per meningis distributione. *Figuram* quadrangulem habent, sed tamen altera parte longiorem; item foris convexam, intus autem concavam, at *magnitudinem* inter ossa cranii maximam.

§. XIX. Quartum os cranii est *os occipitis*, *unicum* numero ordinarie in adultis, licet extraordinarie ternum, & in pueris quoque divisum representatur. *Figura* pentagonum non male exprimit. Nam duo primalatera sutura lambdoidea non male determinat, tertium & quartum per suturam tertiam mendosam limitatur, ubi ossibus temporum jungitur, & quintum constituitur, ubi ossi cuneiformi sociatur. Neutrobique lævis est, magis tamen in externa, quam in interna superficie. Nam in externa *sinus* quosdam habet circulares, & quatuor præcipue, duos majores superiores, & duos minores inferiores, quibus musculi inferuntur. In interiore autem superfi-

cie multo plures inæqualitates notantur, exque non plene explicabiles. Præcipue recenseri solent duo transversus *sinus*, qui per totum os ad latera ossium temporalium excurrunt, & propter primum & secundum sinum crassæ meningis conditi sunt. Inter hos dehinc alius rectus sinus notatur, pro tertio sinu ejusdem membranz, qui per totum caput usque ad nasi verticem producitur. Supra hos deinde alii duo majores, & infra eos alii duo minores positi sunt, pro excipiendis cerebelli & cerebri eminentiis. Præterea *foramina* quoque distincta notantur. *Vnum magnum* rotundum fere per quod spinalis medulla procedit: dehinc *alia duo* huic à lateribus consistentia, ampla & oblonga, per quæ ab interioribus venæ jugulares, & arteriæ carotides in cranium ascendunt, & à superioribus ex cerebro ad inferiora sextum par nervorum producitur. Sub his in vicinia posita sunt *alia duo* rotanda, parva autem, & vix septimam partem amplitudinis aliorum habentia, per quæ septimum nervorum par propagatur. Præter ea notantur & alia exigua foris & intus, citraque ordinem posita, ac incerto numero, per quæ tenues vasorum disjunctiæ in medullam istius ossis perveniunt. Insignes etiam duo *appendices* seu *duo capita* ad latera magni foraminis, & juxta ultima exigua foramina consistent, quibus mediantibus os occipitis primæ colli vertebræ coarticulatur, pro capitis flexione & extensione.

§. XX. Quintum & sextum os cranii faciunt *ossa duo temporum*. Hæc ad latera ossium sincipitis in utroquoque latere consistent, ac iis per suturam squamosas superius junguntur: sed antè primis ossibus maxillæ superioris per processus externos tenues, qui ad ossis jugalis constitutionem faciunt, nectuntur, ac posterius per suturam tertiam mendosam ossi occipitis uniuntur. *Figura* illorum exacta ægre determinari potest. Magis tamen circularis, quam triangularis est, aut potius superna parte fere semicirculum exhibet, at inferiore similitudinem asperarum rupium & inæqualium scopulorum repræsentat. *Consistentia* etiam diversa. Nam superne, ubi ossa illa fundamentum præbent temporalibus musculis tenera sunt, aliquantulus diaphana & simplicia, seu carentia duplici tabulato: at inferne faxeam fere duritiem habent, unde *ossa petrosa* ea parte vocitantur. *Sinus* in iisdem ossibus foris quatuor, nempe in unoquoque latere duo conspicui sunt. Horum *unus* est sub eo processu ossis temporum, qui os jugale constituit, ac transversus oblongus, ac cartilagine obductus est. In eo recipitur capitulum maxillæ inferioris, & ex ea articulatione pendet ejusdem inferioris maxillæ motus. *Alter* paulo superius ad latera versus posteriora vergens, adjacet processui mammillari, & *meatus auditorius* appellatur. Rotundus, modera-

moderateque amplius est, ac introrsum longo ductu vergit, ut ad interiora sonus queat propagari. De hoc dubites an verus sinus sit dicendus, annon potius cavitas, aut ductus seu meatus, quemadmodum nomen etiam usitatum ejusdem indigerat? Sed de voce non est controversia constituenda. Id notandum est, quod hic ductus viam præbeat in *cavitates* tres interius in aure in osse temporum in utroque latere sitas. Earum *prima tympanum* appellatur, quia tympano militari cum sua membrana valde similis est. In hac inveniuntur tria auditus officula, ligamentum, musculi, duo foramina s. duæ fenestellæ, aquæ ductus seu foramen, per quod nervus auditorius varie propagatur, & ipsa membrana tympanum, de quibus plerisque in sequentibus agemus, modo nunc aliqua ad ossa pertinentia adjunxerimus. *Officula* tria auditus veteribus fuerunt incognita, at posteriorum Anatomicorū diligentia reperta & posteritati consecrata. Primum duo reperta sunt, dehinc & tertium, & ultimo præter illa recepta quartum adjecit D. Franciscus Sylvius, Medicus nunc Amstelodamensis, Amicus meus Honoratissimus. Tria illa officula communiter jam recepta à similitudine sua vocantur, *malleus*, *incus* & *stapes*. Substantiam duram & solidam habent, non tamen cavitate sua destitutam. Valde exigua sunt, & quod mirum in recens natis non minora, quam in adultis, licet aliquanto molliora ac laxiora. *Connectuntur* inter se tenuissimo ligamento, quod dehinc tympanum membranam undique circumdat. *Malleus* capitulum crassiusculum & oblongum obtinet, levique sinu præditum est, ubi incudi articulatur: reliqua autem pars tenuis & oblonga est. Situm habet circa membranæ medium ad finem nervi auditorii. *Incus* malleo adjacet, & ubi caput mallei excipit, capitulum pariter ac tenuem cavitatem ostendit, & inferius duos processus habet, cruribus analoga. Vnum crus brevius, veruntamen crassius & latius est, quo squammoso temporum ossi innititur: alterum autem longius, sed tenuius est, quo *stapedi* lociatur. *Stapes* denique in media parte situs est ad fenestellam ovalem, de qua statim dicemus, & constat quasi curvo arcu in duo minutissima crura desinente, quarum basi transversæ insunt. In superiore sui parte *capitulum* habet exiguum valde & rotundum, & arcum quasi medium, cui longius incudis crus sive processus insistit. *Basis* fenestellæ ovali & membranæ illam claudenti apponitur. *Quartum os* exiguum valde est, attamen rotundum, & *stapedi* ea parte, qua cum incude conjungitur, per tenue ligamentum ad latera inseritur. In homine ob parvitatem ægre notatur, at in vitulorum coctis capitibus facilius reperitur. *Foramina* illa duo, quæ in hoc prima cavitate reperiuntur sunt hæc. *Vnum* superius

A a

est, quod

est, quod *ovale* vocatur à figura, quod à stapedis basi fere impletur, atque posteriori parte in tertiam cavitatem deducit. *Alterum* inferius & minus est in homine, in duos canales tenui squammoso osse intercedente divisum, quorum unus in tertiam, alter in secundam cavitatem desinit. *Aqua ductus* denique in eadem cavitate repertus nihil est aliud, quam tortuosus ille ductus, per quem nervus auditorius incedit. *Secunda cavitas labyrinthus* & *fodina* nominatur, quæ variis anfractuosis meatibus constat. Rotunda est & ex illis anfractibus in tennes vias membrana tenui investitas desinunt. *Tertia* & *ultima cavitas cochlea* nuncupatur, quia quasi cochlearum gyros tres vel quatuor se mutuo excipientes ostendit. Hæc omnium minima est. Porro *foramina* quoque diversa in ossibus temporum reperiuntur, quorum *quinque* in utroque latere maxime notabilia sunt. *Primum* est figuræ ovalis, ac in interiore calvariæ parte in processu petroso consililit, nervum auditorium longo ductu usque ad labyrinthum seu secundam auris cavitatem deducens. *Secundum* est sub appendice styloide, oblique antrorsum perforatum, per quod arteriæ carotidis major ramus ad ossis cuneiformis quintum foramen deducitur, indeque cerebrum petit. *Tertium* foramen commune est temporum & occipitis ossibus, ideoque inter ea consililit, admitens ab inferioribus venam jugularem & arteriam carotidem, & emittens nervum sextæ conjugationis. *Quartum* consililit inter processum mammillarem & appendicem styloidem, quod obliquo & oblongo ductu arteriam carotidem immittit. *Quintum* non semper adest in alterutro vel utroque latere. Consililit retro processum mammillarem ad latus transversum futuræ lambdoidis, & ramum primum venæ jugularis externæ in interiora cranii admittit. *Processus* denique in unoquoque latere *quatuor* observantur. *Primum* est qui non procul à meatu auditorio antrorsum magis ex lata basi incipit, & in anteriora delatus cum processu ossis primi maxillæ superioris jungitur, & cum eo os jugale constituit. *Secundus* est *processus mammillaris*, qui ex lata basi in inferiore capitis & posteriore temporalium ossium parte originem capiens in obtusam verticem, quasi vaccinam mammam desinit. *Tertius* est *processus styloides*, ita nuncupatus, quia longus & tenuis est. Situm habet in medio recensitorum duorum processuum. *Quartus* est *os petrosum*, à duritie magna ita dictum. Hoc jacet in interiore parte cranii, & intra se continet triplicem illam cavitatem, de qua non longe ante fuit actum.

§. XXI. Postquam ossa propria cranii expeditivimus, nunc ad communia venimus, quorum duo esse diximus, nempe *oscuneiforme*, & *cribrosum*.

Os cunei-

Os *cuneiforme* seu *σφλωμενός* nuncupatur, quia ad instar cunei inter reliqua capitis ossa quasi in medio locatum est. Hinc accidit, ut variis quoque cum ossibus jungatur. Nimirum antèr ossi frontis per suturam quintam mendosam, posterius ossis occipitio additamento per suturam quartam: ac à lateribus ossibus temporum interventu asperæ lineæ sociatur. Porro Superius primum, quartum & sextum os maxillæ superioris attingit, sicut inferius ossa palati per processus aliformes. *Consistentiam* omnino disparem habet. Alicubi densum, & solidum ac tenue existit, ut ad latera & cava temporum; alicubi crassum, attamen non solidum, verum intrinsecus excavatum, ac medulla q. cerebri donatum, ut in medio, ubi capitis basin constituit. Pariter *figuram* prorsus diversam secundum diversas partes obtinet, unde id os *πλῆρες* h. e. *multiforme* à quibusdam vocatum est. Nam & *processus*, & *sinus*, & *foramina* diversa possidet. *Processuum* alii in interna, alii in externa calvariae parte positi sunt. *Interni processus quatuor* sunt, duo antèr, duo autem posterius aliquantum siti. Illi quasi ex lata basi in acutum mucronem desinunt, hi autem quadrati fere sunt, & quia omnes simul sumpti quippiam ephippio simile efformant, nominantur conjunctim sumpti *Sella Turcica*. *Externorum* dehinc similiter *quatuor* sunt. Nimirum *duo processus aliformes* convenientes similitudine cum alis vespertilionum. Hi jacent antèr utrinque ad latera foraminum, quæ in narium cavitatem dehiscunt. *Alii duo* ab his orti sunt, & duplici apice, anteriore quidem obtuso & parvo, at posteriore longo & acuto styloidi processui imminet. *Sinus* dehinc plures huic ossi obvenerunt. *Vnus quadratus* latiusque in sellæ medio consistit. In hoc residet glandula petuitaria, per quam pituita ex cerebro in palatum expurgatur. Dehinc sunt *duo* juxta foramen illud, quo nervi ad oculos deducuntur. Hi pituitam ad oculi pinguedinem musculorum humectandorum causa adferre judicantur, ne in continuo motu oculi nimium exsiccarentur, unde pituita deinde peculiari glandula interveniente ad nares devenit. Rursum *duo* alii sinus ad foramen quintum hujus ossis locantur, per quos pituita in palatum descendit. Denique *insignis sinus* invenitur in processibus aliformibus, in quo firmantur musculi in ore latitantes. *Foramina* denique ossis cuneiformis sunt sequentia. *Primum* rotundum est, adjacetque processibus anterioribus sellam constituentes, per quod nervi optici procedunt in radicem oculi. *Secundum* sub primo positum est, atque à rotunditate incipiens mox sursum vergit, ac tandem in longam rimam desinit, per quam nervi secundæ æque conjugationis una cum in signi rano arteriæ caroticiæ atque aliqua parte pituitæ ad oculos

deducitur, & vicissim exiguum vasculum venosum aut arteriosum per oculum ante dispersum in meningem crassam digeritur. *Tertium* foramen parvum & rotundum est, & ad latus hujus externum consistit, quod transmittit quartum par nervorum cerebri. *Quartum* in externo latere orbitæ oculi jacet, rimam potius quam foramen exprimens, per quod ramus quartus tertii paris, & primus quarti paris in temporales musculos deducuntur, & pituita oculi orbitam per secundum foramen ingressa, ad fauces delabitur. *Quintum* longum & asperum est, & sub finem sinus posterioris in medio sellæ turcicæ efformati constitutum est, per quod arteriæ carotidis ramus major in caput ascendit. *Sextum* huic adjacet, & ellipticæ figuræ, per quod quartum par nervorum cerebri propagatur. *Septimum* à posteriore parte præcedentis locatum exiguum valde est, attamen exacte rotundum, atque per id venæ jugularis internæ ramus secundus & minor in crassæ meningis substantiam admittitur, cujus vestigia adhuc in ossibus syncipitis notantur. Ex dictis de usu hujus ossis difficultas nulla remanet. Nimirum basis instar cerebri substermitur, oculi orbitæ aliarumque partium compositionem ingreditur, vasa varie admittit & emittit, musculis etiam quibusdam certo modo firmitudinem concedit.

§. XXII. *Os cribrosum* seu *ἰσχυρὸν* ita vocatur, quia cribro simile est; & ab aliis *os spongiosum* seu *σπογγίον*, quia cum spongia convenientiam habere videtur. Hoc os ut consistentia diversum est, ita neque simplex omnino est, verum ex diversis partibus conflatum. *Prima pars* est *pars cribriformis*, unde totum os dehinc denominatum, nimirum est os aliquod quadrati altera parte longioris figura plurimis foraminibus tortuosius perforatum, & membrana tenui similiter perforata obductum, per quæ odores ad cerebrum deferuntur, & pituita excernitur. His obstructis grædo oritur. *Secunda pars* est *crista galli*, nimirum processus ille solidus longus & triangularis, cristæ galli similis, qui per longitudinem prioris ossis excurrens, illud in duas partes dirimit. *Tertia pars* huic è directo in inferiore sede opposita est, os nempe illud tenue ac durum, quod sursum ad olfactus foramina, ac infra ad nares traductum totam narium amplitudinem ac odoratus organa in dextram & sinistram partem divellit. *Quarta pars* consistit in narium cavitate extra calvariam, ac rara & fungosa est ac spongiosa, unde toti nomen impositum est. *Quinta pars* est lamella plana, solida ac tenuis, qua oculorum orbitæ committitur: attamen hanc aliqui maxillæ superioris partem esse voluit. Vfus singularum quoque partium diversus aliquatenus est. *Primaque*, adeo jam insinuat est. Nimirum *infer-*
vi max.

vis maxime odoribus ad cerebrum deducendū. Vnde iis viis obstructis male odorari possumus. Deinde per eandem expurgantur excrementa cerebri. De hoc quaeritur: *an naturaliter id fiat, an præternaturaliter?* Plerique Anatomici præternaturaliter id fieri existimant. Idque ideo, quia tum alia via pituitæ evacuandæ in palatum destinata est, tum hæc foramina odoribus transferendis dicata sunt. Sed meo arbitrio non improbabilius aduersa sententia defendi potest. Nam nisi id naturale dicamus, quod plerisque convenit, nullo modo de molestia vel læsione aliqua functionis, ne quidem odoratus conquerentibus, quid tandem naturale dicemus? Ecquid vero expurgatio moderata muci non taliter invenitur? Neque obstat, quod alia via natura excretionem molita sit. Nam potest utraque esse naturalis, ob copiam una via non satisfaciente. Imo sæpius audimus conquerentes homines, si mucus in os recidat, quam si per nares expurgetur. Et quomodo refellatur, qui statuatur, crassam quidem pituitam, adeoque mucum per nares, at tenue serum per palatum expurgari debere, & hinc glandulam colatorii vice defungi, si contra accidat, id esse præternaturale. Dehinc non obstat; quod via illa destinata sit excipiendis odoribus. Nam & per meatum auditorium soni ad cerebrum propagantur, & excrementa quædam excernuntur, neque sibi obstant, cum præsertim si quid accurate audire conveniat, illa excrementa expurgentur. Idem intellige de iis foraminibus. Neque obstat, quod in gravedine odoratus multum lædatur. Quippe illud præternaturale tunc est ex copia & præternaturali qualitate illius excrementi. *Secunda pars* seu *crista galli* falci substernitur, & tertio sinui duræ meningis tutam sedem largitur. *Tertia pars* nasum in duas partes dirimit, ut sic odoratus organum multiplicetur. *Quarta pars* destillantia cerebri excrementa suscipit colligitque, ne ruentia impetuose & continue ex naribus, turbarent nobilem sapientissimi animalis vitam. *Quinta* denique *pars* ad compositionem orbitæ oculi facit.

§. XXII. Mentionem ante fecimus *ossis jugalis*, qua propter de ejus natura & usu hic quædam adjungenda esse judicamus. Ergo *os jugale* seu *os jugale* ita dicitur, quod ad instar jugi utrinque maxillæ superioris lateribus connectatur. Peculiare os non est, neque etiam simplex: sed est compositum os ex processu ossis temporum transverse antrosum vergente, & ex processu ossis primi maxillæ superioris transverse ei occurrente, & eidem mediante quarta futura communi sociata. Durum, firmumque, sed tamen non valde crassum est illud os, neque omnino solidum, cum contineat cavernulas quasdam medulla refertas, sicut tales habent & alia ossa.

Vsum insignem obtinet. Nam & firmamentum & defensionem præbet tendini temporalis musculi, & stabilimentum etiam affert aliis musculis, præsertim tertio pari maxillæ inferioris, quod masticationi præcipue destinatum est, unde & *maioris* nuncupatur.

§. XXIV. Expeditivimus ita suturas & ossa, quæ pertinent ad cranium, nunc etiam de futuris & ossibus maxillarum tractandum venit. Est vero *maxilla* vel *superior*, vel *inferior*. *Maxilla superior* nobis hoc loco vocatur pars illa ossea antica maxime, quæ cranio speciatim dicto subjacet & cohæret, adeoque inferiorem oculorum sedem & latera, nasi, genarum, palatque ossa, ac superiorem dentium ordinem complectitur. *Inferior* dehinc huic superiori subjacet, atque ossibus temporum certa ratione coarticulatur, comprehendens inferiorum dentium originem, mentum & alias osseas partes. De unaquaque istarum sigillatim venit dicendum.

§. XXV. Itaque *maxilla superior* osseæ quidem substantiæ est, non tamen exacte solidæ aut valde duræ, verum raræ & diversis cavernulis medulla refertis plenæ, ut pumici non male à quibusdam comparetur. Sic neque ubique æque crassa aut tenuis est, aut æquabiliter dura vel mollis, sed prout diversis partibus constat, ita diversam consistentiæ rationem ostendit. *Conjungitur* calvariæ ossibus interventu suturarum communium, de quibus supra actum est, deinde sibi ipsi secundum diversa ossa componentia interventu diversarum suturarum. De his ergo prius dicemus, & dehinc ossium quoque illorum tractationem subjiциemus.

§. XXVI. *Sutura maxilla superioris propria* diversi generis *novem* constituuntur, quarum aliquæ *simplices* sunt, aliquæ *geminae*, nempe sigillatim in utroque latere. *Priores tres suturae* reperiuntur in oculi orbita, adeoque geminae sunt. *Prima* quidem sutura initium capit in media sede inferioris partis, ac fere circulari progressu oblique deorsum ducitur ad latius externum ossis maxillæ superioris, indeq; per temporum cava excurrit. *Secunda* in latere interno anteriore sede consistit, totum secundum maxillæ superioris os ambiens, ac figuram oblonge rotundam exhibet. *Tertia* sub hac inferiore sede à sutura communi secunda incipit, & recto ductu ad anteriorem faciei partem propagatur, ac in secunda sutura propria maxillæ superioris terminatur. *Quarta* sutura *unica* est, ac per nasi longitudinem in suprema parte à superciliorum interstitio deorsum propagatur. *Quinta* rursum *duplex* est, quæ ad nasi latus quasi parallele cum priore à sutura tertia communi superne inchoans deorsum per nasi longitudinem usque ad cartilagineam partem producit. *Reliqua quatuor* vicissim *simplices* sunt. *Sexta* in palato

palato visitur, posteriorem ejus partem transverse dividens. *Septima* itidem in palato existit, ac secundum totam ejus longitudinē à posterioribus antrosum excurrans illud in dextram sinistramque partem sejungit. *Octava* in interna faciei parte est in ipsa narium amplitudine septo narium cum quinto osse communis. *Nona* denique eidem quoque septo cum quarto & sexto maxillæ superioris osse communis existit.

§. XXVII. Secundum has suturas *maxilla superioris ossa* dividuntur, atque eorum quidam *undecim*, alii *duodecim* numerant, quem numerum & nos retinebimus, facientes *sex paria ossium maxilla superioris*. *Primum par* superius ossis frontis processui externo superius à latere externo oculis asfito, ubi cauda superciliorum existit, per primam suturam communem conjungitur, at inferius per suturam primam propriam cum quarto maxillæ superioris osse, & posterius per suturam communem secundam cum osse cuneiformi, & à lateribus in regione temporum per suturam communem quartam processui ossis temporum externo, cum quo os jugale constituit, committitur. Hoc externum oculi angulum efformat, & rotundam illam extuberantiam, quam *faciei circulum* *κύκλος προσώπου* Hippocrates appellat. *Processibus* fere donatur, ubi ossibus aliis conjungitur, & *sinibus*, ubi aliqua recipere vel firmare debet, & aliquot exiguis *foraminibus*, per quæ vasa quædam in interiora deducuntur. *Consistentia* sua durum ac solidum est, ut adeo impetui etiam vehementiori resistere queat.

§. XXVIII. *Secundum par* in angulo oculi interno & majore consistit, valde tenue & fragile, rotundumque fere est, & minimum inter omnia ossa maxillæ superioris. *Connectitur* superius ossi frontis per suturam communem tertiam, at inferius & antè cum quarto, & posterius cum quinto osse maxillæ superioris. Facit ad compositionem orbitæ oculi. Ei quoque *caruncula lacrymalis* innititur, & *foramen* inferiore parte insigne competit, quod in nasi amplitudinem dehiscit, ut per id mucus & alia excrementa cerebri ad pinguedinem oculi appellentia per nares expurgari possint. Inservit tamen idem foramen etiam ramo tertio tertiæ conjugationis nervorum cerebri, ut in narium amplitudinem ad tunicam succingentem deduci possit. *Tertium par* ad compositionem orbitæ oculi pertinet, atque id aliqui partem faciunt ossis cribriformis. Id pariter tenue est, attamen substantiæ solidæ & duræ, nisi quod amplius quoque sinibus aere plenis scateat. *Quadrangularis* figuræ est, attamen altera parte longioris. Superius ossi frontis per suturam tertiam communem, inferius ossi quarto maxillæ superioris per suturam propriam tertiam, antè secundo ossi maxillæ

maxillæ superioris per suturam propriam secundam, ac posterius ossi cuneiformi per suturam communem tertiam conjungitur. Sed qui id os partem faciunt cribriformis, cum eo postica parte connasci tradunt.

§. XXXIX. *Quartum par* omnium ossium maxillæ superioris maximum & crassissimum est, non autem æque densum, verum intus plurimis cavernulis refertum, in quibus medullaris substantia reperitur. Hoc omnes fere partes superioris maxillæ constituit, superiores omnes dentes comprehendit, mystacis sedem, ac narium foramina efformat, hinc plurimis undique ossibus jungitur. Nimirum superius *connectitur* juxta nasum ossi frontis per suturam communem tertiam, inferius cum osse cuneiformi per suturam communem secundam, posterius cum tertio osse maxillæ superioris per suturam communem tertiam, ac denique sibi ipsi secundum diversam partem per suturam propriam septimam. *Foramina* in eodem pari diversa notantur. *Duo*, circa orbitam oculi visuntur, *unum* quidem interioris, *alterum* autem exterioris, per quæ ramus secundus tertii nervorum cerebri paris ad faciem musculos excurrit. Præter ea *aliud* invenitur in palati anteriore parte pone dentes duos incisivos, per quod ex palato venula & arteriola una cum membrana palatum succingente in narium cavitatem deducitur. Hoc unicum est, & in ipsa divisione ossis palati consistit: at illa in utroque latere diversa sunt.

§. XXX. *Quintum par* nasi osseam partem foris efformat. *Figuram* quadrangularem altera parte longiorem exprimit, & *consistentiam* duram ac mediocriter crassam habet. Superius processui interno ossis frontis per portionem suturæ communis tertiæ, antèrius suo compari per suturam quartam propriam, posterius quarto ossi maxillæ superioris per suturam quintam propriam, & inferius per asperas inæqualitates cartilaginibus nasi conjungitur.

§. XXXI. Denique *sextum par* palatum & narium amplitudinis posteriorem partem efformat, & antèrius fere semicirculum, at posterius rectam lineam fere exhibet. *Consistentiam* tenuem, veruntamen solidam habet, & in medio suturam septimam propriam ostendit, qua in duo ossa discriminatur.

§. XXXII. Ita se habent ossa cranii & maxillæ inferioris, à quibus antequam abeam non incommode me acturum spero, si quod multis Anatomicis in more est, hic innuam ex quibus ossibus *orbis oculi* consletur. Nimirum diversa ossa ad ejus compositionem concurrunt, & quidem in universum *sex*, quæ ipsa ad os *frontis*, *cuneiforme*, & *maxilla superioris* referuntur.

runtur. Ad *os frontis unum* pertinet, utpote quod anterius superiore parte consistit. Ad *os cuneiforme* pariter unum reducitur, nimirum illud, quod in externo latere posteriore sede positum est. Reliqua *quatuor ossa maxilla superioris* sunt, aut itidem illorum partes. *Primum os* maxillæ superioris, exteriolem lateralem partem orbitæ cum osse cuneiformi conficit, sed hoc foris, os autem cuneiforme introrsum spectat. *Secundum & tertium* internam lateralem partem implent, at infimam orbitæ sedem complet *quartum os* maxillæ superioris. Hoc & primum non adæquate in orbita oculi ex hauriuntur, at media duo secundum se tota in oculi orbita consistunt. Causam finalem & consistentiam singularum istarum partium, & si quæ alia ad illarum cognitionem pertinent, licet petere ex prius traditis.

§. XXXIII. *Maxilla inferior* in homine adulto ex uno osse constat, licet in ætate tenera manifeste geminum appareat, in medio menti cartilagine intercedente sociatum, quæ tamen labente ætate ita consumitur, ut illa duo ossa per *os quatuor* quasi in unum os degenerent. *Figuram* arcus illud os non male exprimit, nisi quod postica parte sursum processus duos quasi cornua exierit. *Consistentia* id os durum est, ac crassum, sed non prorsus solidum est, verum intus cavitatibus refertum, in quibus medulla continetur. *Breve* etiam est, ita ut simia excepta nulli animali tam curta maxilla contingerit. Omnia hæc *usu* istius ossis gratia condita sunt. Nam rotunditas illa arcualis & brevis non solum majestatis & elegantie testimonium præbent, verum palam ostendunt, naturam nihil agere superflue. Quoniam enim homini manus concessit, quibus cibos ad os adducere possit, & turpe futurum fuerat, hominem ore cibum ex suo loco capere, natura maxillam illam ita brevem condidit, ut quod homini non necessum erat, nec conveniebat, ne quidem si vellet, commode præstare possit. Durum itidem id os factum est, propter firmitatem, & crassum pariter ob eandem causam, & ut melius dentes recipere possit, unde quibus ii deficient vel decidunt, os illud attenuatum advertitur. Neque vero plane solidum est, sicut nec alia ossa, quæ medullam continere debent. *Processus* maxilla inferior duos insignes habet, pro meliore conjunctione cum aliis partibus, & commodo motu. Nam sola inferior maxilla *mobilis* est, superior neutiquam, intelligo solitarie, nam ubi totum caput movetur, ipsam quoque moveri oportet. *Anterior* processus *rostris* à Græcis vocatur, atque ex lata basi in tenuem, angustamque verticem desinit. Hic os jugale subit, & tendinem temporalis musculi suscipit. *Posterior* priore multo crassior est, atque ex basi satis ampla capitulum oblongum transversum, & aliquatenus ad

B b

rotun-

rotunditatem vergens cartilagine incrustatum effingit, quod interveniente alia cartilagine ligamenti & lubricantis vice fungente pro meliore & constantiore motu sinui primo temporum coarticulatur. *Tres* quoque *aspe-ritates*, in eadem inferiore maxilla reperiuntur, pro receptione capitis aut tendinis musculorum. *Prima* est in anteriore & exteriori ossis parte sub mento: *secunda* ei fere adversa in anteriore sed interiore parte: *tertia* denique in unoquoque latere postica & interna parte sub capitulo maxillæ. *Foramina* præterea hæc maxilla *duo* exhibet in unoquoque latere, ut ita in univcrsum quatuor sint. *Vnum posterius* est in superficie interna ad processuum origines, per quod tum pro nutritione, tum pro sensu in interiore maxillam & radices dentium venula & arteriola, atque ramus tertius nervorum quartæ conjugationis cerebri deducuntur. *Alterum anterius* est in exteriori superficie exsculptum, per quod dicta vasa, ubi diversas propagines intus diviserunt, rursus excidunt, & in musculos, labium, cutinque ibi locorum posita distribuuntur.

§. XXXIV. In *utraque maxilla* notandi adhuc sunt *alveoli*, seu *præsepiola*, in quibus dentes resident. Sunt nimirum illæ cavitates in quibus dentes, antequam prorumpunt, toti resident, & postquam erumpunt radices firmant. *Figuram* habent accommodatam dentibus, qui ipsi cum diversæ figuræ sint, secundum inferiorem maxime partem, accidit, ut hi alveoli pariter non uniformes existant. Permutabiles illæ cavitates sunt, & dentibus evulsis paulatim obliterantur. Sunt etiam totidem quot dentes, at cum excidunt dentes, aut evelluntur, ac renascuntur, infra priores posteriores resident, vel pleni parvique, vel secundum sua initia. At si priores non excidunt, aut evellantur, nova sibi præsepiola efformant, & juxta priores erumpunt.

§. XXXV. In illis præsepiolis *dentes* repositi sunt, qui inter ossa omnia *summam duritiem* habent, unde eos ex ossium numero quidam ejectos voluerunt. Sed immerito, cum accidentalis illa, aut etiam specifica diversitas, essentiali aut genericæ essentię nihil præjudicare queat. *Modum quo alveolis suis committuntur specialis* est, nempe *symphysi*. quippe initar clavorum maxillis in hærent, idque ut eo firmitus committerentur. Hinc etiam *figuram clavium non dissimilem* nacti sunt, nimirum superius crassiorem, atque rotundiorem, aut saltem alio modo latiore atque ampliorem: inferius autem acutiorem & tenuiorem. Hinc in *duplicem partem* dispesci queunt, *superiorem* nempe & *inferiorem*. *Superior* crassior & solidior est, *inferior* autem tenuis magis & non ita firma: Interiore etiam ac inferiore parte *cavitatem* exhibent, mucosa

cosa quasi, nempe propria medullari substantia in junioribus repletam, & membrana quadam tectam. Sed in adultioribus paulatim illa medullaris substantia decrescit, & cavitas quoque ipsa minor evadit. Respectu istius membranae *dentes valde sensiles* sunt, & evidentissime quidem à frigore & caliditate afficiuntur. Nam à frigore hæmodiam patiuntur, at à calore non parvos dolores. Attamen ab aliis tactilibus qualitibus non ita afficiuntur, nisi juxta hanc membranam occurrant. Causa hujus est, quod cum calor & frigus agendi virtute polleant, possint ad distantia per medium vim suam propagare, adeoque forinsecus ossibus occurrentia intrinsece jacentem eam membranam movere: hoc autem præstare nequeunt qualitates aliæ passivæ magis. Discrimen etiam invenitur in ipsis qualitibus recensitis. Nam à calore non ita subito afficiuntur, quàm à frigore. An quia frigida constitutionis sunt tum dentes ipsi, tum membrana subjecta, facilius ea qualitate læduntur? An quia frigida omnibus membranis & nervis inimica existunt? Sed quare frigida hæmodiam præcise inducunt? Iudico, quia insitum calorem debilitando stupefaciunt. Acida in dentibus eundem effectum producent: similiter vel quia frigida sunt, vel quia calidum insitum & influentem acredine aut alio modo destruunt. Sed quia etiam acredine acida irritare dentes solent, evenit, ut ab iis vehementibus quoque doloribus percellantur. Habent *dentes venas, arterias, & nervos* suos Venas quidem à jugularibus, arterias à carotidibus, at nervos à tertia conjugatione cerebri, quæ vasa per foramina maxillæ inferiori postica parte insculpta ingrediuntur, & per dentium radices disseminata, dehinc per foramina ejusdem anteriora & exteriora ad partes externe ibi jacentes propagantur. Omnes dentes natura alvent, utpote ossæ naturæ, atque superficiem secundum naturam fere æqualem habent in lateribus: at præter naturam nigri sæpe evadunt, & superficiem ad crescens tartarus exasperat. Sunt numero, cum omnes ad sunt triginta duo, nimirum in unaquaque maxilla sedecim. Rarum tamen est quod omnes ad sunt, sed nunc superius, nunc inferius, nunc utrobique unus vel plures desunt, maxime ex posticis molaribus. Dividuntur dentes in tres ordines. In primo incisores: in secundo canini: in tertio molares locantur. Incisores dentes dicuntur ab officio suo, quod est cibum primum incidere, ut à dentibus molaribus felicius conteri possit. Igitur superius transversum acuti facti sunt. Solent etiam appellari anteriores, quia anteriorem partem in ore occupant. Ordinarie in unaquaque maxilla quatuor sunt, sed aliquando extraordinarie duo lati, conjunctis duobus in unum. Hos à lateribus comprehendunt duo canini, utrinque nempe unus. Nomen habent, quia in canibus maxime ex-

ferti sunt, aut quia sunt valde acuti. Nam illorum munus est ea comminuer, quæ ob duritiem dividere nequeunt dentes primores, unde & firmiores, quam illi facti sunt. Vulgo *oculares* etiam appeilantur, non præciſe, quia sub oculis ſiti ſunt, ſed quia ramulus nervorum ex iis, qui oculorum motui ſunt dicati, ad eos excurrit. *Figuram* ſimilem incisoribus habent, attamen aliquanto diverſam. Nempe ſuperne magis rotunda acutie præditi ſunt, cum illi tranſverſe lata gaudeant. Inferius autem radices ſimiliter ſimplices habent, at firmiores altius, & aliquanto oblique inſertas. Circa hos conſiſtunt dentes *molares*, utrinque nempe *quinque*, ſed frequenter quatuor tantum viſuntur in una aut in utraque maxilla, cum ultimum par aliquando abeſſe ſoleat, aut omnino, aut quia tarde erumpit. Quippe ætate plena provenire deſum ſolent, unde & *Cuſpides* ſeu *dentes ſapientie* appeilantur, quoniam ſapientiæ ſtudio homo tum jam aptus eſt, aut eo informatus. *Figura* ſuperius lati ſunt, & exaſperati, inferius autem diſcrepant ſecundum radices. Nam in ſuperiori maxilla duo, qui caninis proxime aſtant, duas radices habent, ſequentes tres: inferius autem illi ſingulas, hi binas radices ordinarie inſerti obtinent. Quod natura fecit ob majorem firmitatem, unde & ſuperius firmius ſunt, quia cum ſuperi dentes penduli ſint, plus roboris videntur exegiſſe. A figura iſta molares dentes *menſa* vocantur, quia ſuperne lati, at inferius quaſi pedibus inſiſtunt. Ab officio autem *molares* nuncupantur, quia accurate comminuunt, & confringunt cibum, ob quam cauſam etiam ſuperius inæquales ſunt, ut, cum nihil effugere ſic poſſet, perfectius actionem ſuam obirent. Ita patet etiam, quod *officium dentes habeant*? Nimirum inſerviunt comminutioni cibi, anteriores dividendo, canini frangendo, molares comminuendo maxime: at deinde voci quoque formandæ conducunt. Vnde nec infantes ante dentium eruptionem, nec ſenes poſt dentium lapſum commode loqui poſſunt, & quibus unus alterque dens, maxime ex anterioribus aut caninis deeſt, male & inæqualiter voces exprimunt.

§. XXXVI. Occurrunt adhuc circa dentes problemata quædam, quæ hoc loco ſubjungenda duximus. I Problema eſt: *An dentes in partium humani corporis numero ſint reponendi*? Affirmamus, quia & partium definitio illis competit, & earundem pariter uſus & officium. Nam & ad integritatem corporis pertinent, & proprium officium uſumque in eodem obtinent. Imo etiam dentium abſentia præternaturalis morbis numeri accenſetur. Sed reponunt, qui à nobis in contrarium eunt, principio id, quod quæcunque partes vel ſanguinæ, vel ſpermatice ſint. Sanguineis nemo dentes annunc-

annumeret, Spermaticis autem adscribere non poterit, cum illæ non regenerentur, dentes autem etiamsi exciderint, rursus crescant, idque non solum in tenera, sed & quandoque in adulta ætate. Deinde contra nos insurgunt. Omnes partes habent debitam magnitudinem, qua acquisita non amplius crescunt. At dentes semper crescunt. Experimur enim in adultis quoque, cum in una maxilla dens aliquis evulsus est, quod in altera ei congener præ reliquis excrescat, non aliam ob causam, quam quia compare suo destitutus non ita atteritur. Hæc tamen argumenta non sufficienter stringunt, ut apparebit ex solutione sequentium Problematum, proinde iis solvendis non immoramur. 2. Problema est. *Ex qua materia dentes generantur?* Duplex probabilis opinio existit. Altera existimat, generari dentes ex alimento redundante præparato in maxillis, adeoque non in prima partium conformatione, verum post illam. Quippe advertimus dentes jam diu in lucem editis infantibus demum emergere. Altera autem statuit, fieri ex seminali materia adhuc in utero. Nam adverti potest, quod licet dentes nondum proruperint, tamen in suis alveolis conformati existant, & dehinc protrudantur. Et hæc sententia mihi magis arridet. Vnde nunc solvi potest 3. Problema: *Quibus partibus dentes sint accensendi?* Si quidem discrimē quis ratione ortus inter spermaticas & sanguineas partes constituat, omnino spermaticis partibus accensere debet ex dictis. Solvi etiam potest ex 2. Problematis solutione Problema 4. *Qui fiat, quod dentibus ultimo elapsis, alveoli dentium coalescant, at in ortu divisi sint?* Nimirum, quia tunc à dentibus impeditur coalitio, postea autem nihil conjunctioni illorum obstat. Problema 5. est: *Quare dentes circa quintum, sextum, septimumque annum excidunt, & novi regenerantur?* Maxima difficultas est in priore membro quæstionis. Nam illud satis apertum est, si exciderint, quod regenerari debeant ob usum, quem posteriore tempore æque ac priori explere debent, ne edentulam vitam cum magna molestia ab illo tempore usque ad mortem sustinere necessum haberemus. At quare eo tempore excidant, de eo quæritur. Qui ex alimento in maxillis præparato dentes progigni asserunt, judicant, quod id fiat, quia dentes primum ex alimento minus firmo & molliori constituti, postea ex crassiori & magis firmo non bene nutririque queant, unde atrophiam affecti primum vacillant & deinde prorsus excidunt. Verum quia hæc sententia quædam supponit, non facile concedenda, nempe alimento à maxillis præparato dentes alii, idque alimentum diversum esse in ætate priore & posteriore, aliam rationem conor dare. Iudico itaque dentes intra septem annos talem magnitudinem

dinem & consilientiam acquirere, ut posteriore tempore nec majores evadere possint, nec intus accepto alimento ob internam duritiem commode & bene ali, unde alveolis majoribus redditis, unionis firmitate destituuntur, & alimento non sufficienter aucti primum vacillant, & dehinc omnino excidunt. Hæc ratio ex doctrina de nutritione & medulla ossium lucem aliquam scenerari poterit. 6. Problema est. *Vnde regenerantur dentes secundo prorumpentes?* Qui ex alimento in maxillis præparato id deducunt, facile se expediunt, sed quandoquidem primorum originē ex semine deduximus, posterioribus aliud gignendi principium assignare non audemus. Ergo illorum quidem opinionem maxime amplector, qui docent, & secundorum dentium rudimenta quædam in prima partium conformatione jaci, atque ideo (rudes tamen valde) in maxillis illos dentes posse conspici. Si hoc ita sit, res dubitatione caret: sin minus, dicendum erit, ex alimento à prioribus dentibus elaborato & relicto, vel ex alimento in seminario illorum loco à seminario principio elaborato constitui. Nam illud alimentum seminariæ materiæ congruit: quia eadem sunt principia nutritionis & constitutionis, sicut inter se generatio & conservatio non differunt. Problema 7; est: *An omnes dentes excidant & renoventur?* Non molares, saltem posteriores: quia illi tardius proveniunt, adeoque diutius etiam mollem primam servant. Ideo molares singuli solum in alveolis reperiuntur, non gemini, ut cæteri dentes. Intelligendum id venit plerumque. Nam aliquando priores maxime gemini reperiuntur, unde excidere & regigni possunt. Et hinc solvi potest quæstio: *quare quibusdam etiam in adulta ætate dentes molares evulsi renovantur?* Problema 8. est: *An dentes semper augeantur, nullamque determinatam magnitudinē præscriptionem habeant?* Affirmant multi, & hanc asserti illius rationem esse arbitrantur, quod, quia dentes continuo atteruntur, continuo quoque incrementa capere debeant. Verum id non satis solidum est. Nam sic omnes partes semper deberent augeri, & nullam magnitudinis præscriptionem obtinere, cum caloris assidua dissipatione perpetuo dissolvantur. Nimirum non confundenda est perpetua nutritio, cum augmentatione. Dum vivens vivit, nutritur: sed non perpetuo augmentatur. Quanquam de hoc circa nutritionem non contemnenda suggerentur. Ut autem hic veritas opinionis nostræ evidenter innotescat, ponimus hæc nostri asserti documenta. 1. Maxillæ certam habent incrementi mensuram. Ergo & dentes, cum in his contineri debeant. Neque quis dicat. Habent dentes determinatam crescendi habitudinem secundum radices, non autem secundum reliquum exstans corpus. Nam si-

cuti

cuti nutritio, ita augmentatio debet secundum omnes partes fieri naturaliter. 2. Etiam cum compar dens in alterutra maxilla erutus est, alter tamen non crescit perpetuo, sed ubi certam magnitudinem attingit, desinit augmentum. 3. Imo alii dentes, cum jam non amplius augentur, paulatim consumuntur, facile franguntur, tandemque excidunt. Ita ergo patet solutio posterioris argumenti ad 1. problema: Prius autem similiter facile solvitur, si vel distinguatur inter partes perpetuas & temporarias: dicendo has regenerari posse, illas non: vel distinguatur inter ætates, dicendo partes spermaticas non regenerari ut plurimum posse in ætate plena, at bene in tenera ac crescente: vel distinguatur inter extirpationem, quæ vel omnimoda est, pertingens quoque ad primas radices: vel superficialia, relinquens adhuc radices. Ita illa fit, cum dentes in pueritia excidunt, quippe non omnes earum radices excidunt, sed rudimenta remanent, non quidem eorum numero, sed aliorum. 9. Problema est: *An & quomodo dentes sentiant?* 10. *An etiam sentiant qualitates secundæ?* 11. *Quare à frigore facilius, quam à calore ladantur?* 12. *Quare frigus hamodiam ut plurimum inducat, sicut & acida?* Verum quoniam istorum solutio ex §. præcedente satis evidenter peti potest, nolumus hic actum agere.

§. XXXVI. Ablata ossa parte capitis, aut ea artificiose divulsa intra cranium exhibetur ipsum cerebrum cum suis membranis ambientibus, de quibus nunc porro nobis tractandum est. Appellatur illæ membranæ *Meninges* h. e. *membrana*, quia inter membranas præcipuè judicantur, atque etiam aliarum origines. Quippe non pauci ex Anatomicis ab iis membranis omnes reliquas in corpore nostro existentes deducunt. Hinc & *mæres* appellatæ sunt. *Dua* numero sunt *exterior*, & *interior*. Illa crassior, firmior & durior existit, unde & *crassa meninx*, & *dura mater* appellatur: hæc autem tenuior, minus firma, & mollior est, unde vocata est *tenuis meninx* & *pia mater*.

§. XXXVIII. *Dura mater*, seu *crassa meninx* cerebrum pia matre contextum una cum cerebello forinsecus undique ambit, & sicut illud ipsum in spinalem medullam producit, pariter propagatur. Non tamen arte contingit cerebrum, verum aliqua parte ab eo distat, ut in motu suo cerebrum ab illa membrana non impediatur. Superne fibris immixtis cranio affirmatur per futuras, ut sic distenta maneat: ipsi etiam cerebro ac tenui meningi per interventum plurium vasorum committitur. *Figuram* circiter rotundam exhibet, aut potius, qualem cerebrum foris ostendat, demptis illis gyris, quibus cerebrum hinc inde exasperatur forinsecus. In exteriori
illa

illa superficie inæqualior est, at qua cerebrum respicit, polita & æqualis magis & lentore quodam obducta. *Foraminibus* paniter diversis pertusa est, pro vasorum transitu, quorum plurima & magna in basi cerebri evidentur apparent. Notantur quoque insignes duo *processus*, quorum unus à superna parte deorsum delatus cerebrum in dextram & sinistram partem divellit: alter autem sub cerebellum se dimittit, & illud à cerebro distinguit. Prior processus falciformis est, superiore sui parte falcis dorsum, inferiore ejusdem aciem, posteriore juxta cerebellum, & anteriore (versus quam à posteriore paulatim angustatur, usque ad cristam galli, cui alligatur) mucronem exprimente. Hinc etiam *falx* nominatur. Posterior autem processus brevior est, & latior, præcipue solum cerebellum à cerebro disjungens, ac nomine caret. In hac membrana crassa seu externa cerebri plurima vasa excurrunt, de quibus postea dicitur: præcipue vero notandi sunt diversi sinus, quorum sæpe septem conspici queunt. Quatuor ab Anatomicis latis decantati sunt, sed tres alios adjecit D. Franciscus Sylvius, Anatomicus accuratissimus, quos & sæpe me & aliis pluribus præsentibus monstravit, & ad Anatomiam Clarissimi Bartholini Senioris in editione, quam Patre non minor virtute & doctrina futurus filius, D. Thomas Bartholinus, Medicinæ Doctor Meritissimus, Amicus mihi colendus procuravit, & plurimis recentiorum observationibus auxit, planissime descripsit. *Sinus illi quatuor communes* ita se habent. *Primi duo sinus* posterius consistunt, utrinque fere sub lambdoiformis suturæ cruribus. Initium capere creduntur ad latera magni foraminis in osse occipitis exsculpei, & inde oblique sursum duci, donec in superiore parte cerebelli coeant, & sic angulum efficiant, quem aliqui *torcular* ab Herophilo indigitatum esse volunt. *Tertius sinus* supra falcem est, & à posteriore parte versus anteriora excurrens usque ad nares pertingit, ex quo in magnis hæmorrhagiis narium sanguinem suppeditari Medici communiter credunt. Hunc à situ suo *sinum falcis superiorem* Doctissimus Sylvius nominat. *Quartus sinus* intra cerebrum & cerebellum situs est, versus nates, glandulamque pinealem recta productus. Brevis & parvus est, hinc inde varias vasorum propagines admittens & emittens. Illi quatuor sinus inter se communicant, non concursu quodam proprie dicto, sed plerumque ductu quodam oblique ad latera vergente, sicut & medio ductu primi duo sociantur. *Quintus sinus* à D. Sylvio nominatur *sinus falcis inferior*. A paucis antea notatus fuit, & pariter extenditur fere ut falcis superior, seu sinus tertius. Hic ipse quoque cum quarto postica parte conjungitur. *Sextus & septimus* infra primos duos locantur

locantur, ibi locorum, ubi crassa meninx cerebrum à cerebello dissociat. Breviares primis duobus sunt, & aliquanto magis laterales, in quos etiam desinunt, sed aliquando in quartum sinum terminari observatum est. Sicut vero natura sæpius ludit, ita quoque circa hos ipsos sinus non semper sibi similis existit, verum aliquando unum alterumque negligit, compensans per aliorum sinuum magnitudinem, aut patentiora vasa illorum abentiam.

§. XXXIX. *Officium & usus crassa meningis evidens satis est. Nimirum cerebrum undique ambiendo defendit, dehinc per fibrillas intercedentes suspendit, & porro etiam aliquibus locis determinat & disjungit: per faciem quidem in dextram & sinistram partem, verum per processum alterum cerebrum à cerebello sejungit. Sinuum istorum recensitorum quis sit usus in genere circulari sanguinis motu concessio non ita difficulter erui potest. Nempe quandoquidem & arteriæ, & venæ in illos terminantur, aperte circularis sanguinis motus per illos adjuvatur, dum per arterias accipiunt sanguinem, & in venas eundem deponunt. Verum quis sit eorundem usus specialis non ita apertum est. Propter hunc enim usum recensitum non videntur illi sinus præcise debuisse constitui, cum venæ cum arteriis bene coniungi potuerint. Quid ergo? An dicendum inservire eos meliori cerebri nutritioni? Non videtur, quia tum intime in substantiam cerebri undique propagari debuissent, aut saltem vasa ex se promere, quæ desinentiis exiguis in cerebrum producerentur, cum contra vasa extremitatibus suis potius in hos sinus terminentur. An ergo statuendum conferre eos calefactioni cerebri frigidioris? Sed sic pariter introrsum magis multiplicari, quam in illa externe ambiente membrana locari debuissent. An vero existimandum inservire compefcendo redundanti sanguini ad supera missio? Sic videri poterat, quia arteriæ truncus superior æqualis fere trunco inferiori, at multo pauciores partes superius, quam inferius nutriendæ veniunt. Verum nec hoc valde placet, quoniam natura compendiosiore ratione arteriæ truncum ascendentem minorem facere potuisset, atque per paucos hos ductus etiam hoc plene impetrare non potuit. An iudicandum inservire hos sinus ventilationi & refrigerationi sanguinis pro meliore usu cerebri? Quippe Philosophus cerebrum refrigerandi cordis gratia constitutum esse docet, & verius quidem, quam multi Medici sibi persuaadeant. Sic ergo non absurdum videtur admittere, cum cerebri voce complexæ ibidem Philosophus utatur, hoc quoque de his sinibus intelligi, vel saltem ad hunc usum cerebri conferre istorum sinuum structuram. Quippe quandoquidem extremitates arteriarum in illos desinunt, & illi simplici frigidaque membrana contexti sunt, spirituum calidorum*

calidorum copia promptè exhalat, adeoque sic sanguis minus calidus efficitur. Naturæ mystis id perpendendum relinquo, ego autem non prorsus improbabile reputo. Et hinc quoque factum esse reputo, quod illi sinus majores futuris fere subjecti sint. Sed nunc rursum quaeritur, *ob quem finem fervor sanguinis arteriosi in capite remitti debeat?* Dici possit, ad meliorem elaborationem spiritus animalis. Sed de hoc amplius nobis agendum erit infra, ubi de spiritu animali tractabimus.

§. XL. *Tenuis meninx seu pia mater* sub crassa meninge seu dura matre reperitur, & immediate cerebrum contingit, ac undique ambit, accomodans sese etiam cerebri variis anfractibus & gyris. Tenuis valde mollisque est, at judicio plerorumque valde sensibilis, variisque pariter vasis referta. Hæc membrana etiam ad interiora cerebri se demittit, eidemque vasa varie dispensat. Vfus illius membranz est investire cerebrum tum exterioris, tum interioris, ne cum mollis fluxilisque substantia sit, disfluat: quod officium etiam respectu cerebelli & nervorum præstat, cum hæc pariter hanc membranam circumjectam habeant. Alter ejusdem membranz usus est fulcire vasa, quæ per ipsam disseminantur, uberrima copia, cum cerebrum ob suam mollietatem ægre ea sustinere potuerit, & crassa meninx alteri muneri præesse debuêrit.

§. XLI. Sub meningibus albicans illud molleque corpus *cerebrum* generali voce appellatur, attamen sæpius eadē vox sumitur specialius, quatenus cerebello opponitur; & adhuc specialius, quatenus spinali medullæ elongatæ contradistinguitur. De cerebro late sumpto primum quædam *in genere* notabimus, dehinc partes ejus *in specie* attingemus. *In genere* se exhibet initio *magnitudo cerebri*, quæ absolute quidem non accurate determinari potest, attamen communiiter circiter quatuor vel quinque libras ponderat. Sin autem comparate quantitatem cerebri quis perpendat, proportionē sui corporis homo fere inter omnia animalia maximum obtinuit. Maxime quidem, quia homo cerebri functiones perfectissimas obire debuit, & forte secundario etiam, ut statura hominis & maxime colli erecta firmiter consisteret. Nam facile lapsuris gravius superpositum pondus secundum debitam rationem situm eorum stabilit. Secundaria illa, ut dixi, non primaria causa est, cum ponderis illa observatio nec ita necessaria videatur esse, & facile alterius ignobilioris partis gravitate compensari potuerit. Ob primariam innominatam causam in viris quoque majus est cerebrum quam in mulieribus. Intellige id cæteris paribus & secundum naturæ præscriptum, quia comparando disparia, utpote heroinam quandam

dam seu viraginem, cum homine segni & mulieris sortem sequente, aut observando, quod præter naturæ præscriptum accidit, sæpius hæc nota fallit. *Figuram* cerebri si ruditer foris spectes, interiori cranii figuræ similis est, sed si intimius consideres, prorsus peculiaris figuræ est, ut circa partes ejusdem notabitur. *Temperamentum cerebri*, si ut mistum spectetur frigidum & humidum, at si ut vivum consideretur, à sanguine arterioso & spiritu vitali moderate calidum evadit, ita ut calidius existat acri etiam ætivo non valde calefacto, cum ab eo lædi queat, nisi quis dicere malit, id aliunde provenire, nimirum à vaporibus frigidis in illo etiam calido aere adhuc existentibus, quos sentimus, si ventum in eo facimus. *Secunda* deinde *qualitates* cerebri sunt mollities, moderataque crassities cerebri, unde consistentiam talem nactum est, ne diffluat, attamen non tantam, ut ita firmiter consistat, ne possit facili negotio commoveri. *Colorem* album habet, *saporem* aliquanto dulcem, *odorem* nullum, nisi inquinamentis fuerit infectum. *Substantiam* dehinc propriam nactum est, verumtamen ob communem aliquam convenientiam aliqui eam glandulosam esse dicunt. Aliis partibus *conjungitur* intervntu membranarum, quæ ipsum ambiunt, atque etiam ope vasorum, quæ per ipsum disperguntur: sed illis continuitate sociatur, sicut & diversis sui partibus sic sibi coheret, ita tamen ut alicubi interveniant portiones quædam membranarum.

§. XLII. In specie *cerebrum late sumptum* in tres partes dirimitur, nempe in *cerebrum speciatim vocatum*, *cerebellum*, & *spinali medulla caput*, ad quod *spinali medullam* revocamus. *Cerebrum speciatim vocatum* plurimi Anatomici ut simplex corpus accipiunt, sed accuratiores Anatomici id ex duabus partibus constare docent, quæ in sanorum violenta morte intercurrentium recentibus cerebris lineis quibusdam discriminatæ, ita ut sejungi queant, reperiantur. Differunt illæ partes situ, colore, consistentia, figura, ac usu. Nam una pars exterius alteri circumjicitur, unde & *cortex* nuncupatur: altera autem sub & in ea continetur, unde appellatur *medulla*. Hæc pars magis albet, firmior est, & foris quidem alterius internæ superficiei sese accommodat, intrinsecus autem disparsam figuram & varios sinus ostendit, atque proprium officium cerebri obtinere creditur: illa autem cineritii magis est coloris, variis gyris anfractuosa apparet, molliorem consistentiam obtinet, & priorem forinsecus ambit, magis ut defendat & insitum ejus temperamentum conservet, quam ut nobilem ejusdem functionem una subeat. Vtraque illa pars anteriorem & maximam cranii sedem occupat, sed *cerebellum* in occipitio jacet duplici membrana, qua in-

volvitur, cerebro conjunctum. Vix tertiam partem magnitudinis cerebri habet, neque ita albet, sed livescit magis, & aliquanto durius quoque existit, & ob processus sinusque diversitatem quoque figuræ importat. Ad posticam quoque partem vergens tamen versus medium medullæ cerebri & cerebello sociatur spinalis medulla elongata, quæ quia ægre à medullari parte distincte notatur, cum ea continua quibusdam censetur esse, sed alii distincte ejus radices progressumque notant, & productionem per totam spinam dorsi, quam partem productam *caudam* vocant, sicut originem *caput medullæ spinalis*, aut *spinalem medullam elongatam*. Vtriusque denominatio à similitudine est. Nam superne à majori fulcro inchoans deorsum ad instar caudæ æquabili magnitudine, ubi ex cranio & prima vertebra excidit per totum vertebrarum dorsi ductum, usque ad os sacrum propagatur, in cujus vertebri tenuius semper evadit, donec in acutum desinat.

§. XLIII. In his partibus diversa adhuc consideranda veniunt, sive ea forinsecus spectentur, sive etiam intrinsecus perlustrentur. Sic in *cerebro speciatim dicto superius* statim notabilis est *anfractuosa illa cerebri involutio*, seu *gyrorum & anfractuum cerebri* varia deductio. Hæc observante Amico nostro D. Francisco Sylvio profunde in cerebrum se dimittit, ita ut in parte antica circa radicem oculorum incipiens, & per ossa temporum retro supra spinalis medullæ radicem deducta *anfractuosa futuram* constituat, quæ cerebrum in superiorem & inferiorem partem divellit. Hic notabiles sunt arteriarum carotidum multiplices propagines tum per superficiem, tum per fundum distributæ, quibus molestam illam pulsationem in temporibus, quæ in doloribus capitis non raro notatur, idem D. Sylvius non male ascribit, licet etiam externarum arteriarum pulsus quoque huc aliquando conferat, sicut id quandoque observatum, & cura confirmatur, quia iis apertis cessat. Nam licet quis dicere possit, id fieri vel per derivationem, vel per revulsionem, tamen hoc ipso confiteri necessum habet, illorum vasorum esse magnam communionem, ut ita sæpe utraque simul, sæpe successive afficiantur. Postea *anteriori inferiori parte* conspici possunt *duo notabilia tubera*, quos à similitudine *processus mammillares* quidam vocitant. Dehinc *inferiore parte versus medium* procedendo conspici potest *rete mirabile Galeni*, ut nominant, vasorum carotidum & venarum jugularium concursu efformatum in meninge crassa. Hoc aliquando unum apparet, aliquando autem geminatum conspicitur, ita ut in unoquoque latere unum sit, quod etiam plerumque sic reperitur. Porro *posteriore parte*

parte inferius cerebelli processus duo vermiformes conspici queunt, quos inter comprehenditur *sinus quartus cerebri*, nobilius vocatus, quia illi spirituum animalium generationem aliqui tribuerunt. Vocatur etiam *calamus scriptorius*, quia figura eum repræsentat, non quidem prout nunc, sed prout antiquo tempore in usu fuit, quo nomen id obtinuit. Porro ab *inferiore parte à posteriore versus medium* procedendo, adverti potest origo spinalis medullæ, & notari eorum error, qui eam solitarie à postica parte derivant. Nam si persequamur ejusdem originem conspici potest, quod etiam antrorsum vergat, adeoque in cerebro originem capiat, licet negari nequeat, quod etiam vergat in cerebellum. Vnde probabiliter argui posse judicavi, distincta cerebri & cerebelli esse munera, ut postmodum notabimus, cum de usu cerebri dicemus. Ita vero se habet ille exortus. Ex *quatuor quasi radicibus, duabus anterioribus, & duabus posterioribus*, illis in cerebro circa medium fere ventriculorum consistentibus, & retrorsum procedentibus, his autem in inferiore cerebelli parte initium capientibus, & antrorsum parum inclinantibus, initium spinalis medulla sumit, & per vertebrae colli, thoracis & lumborum, usque in ultimam ossis sacri excurrit. Vbi notandum, quod in principio usque ad secundam colli vertebrae crassior existit, at usque ad os sacrum æqualis magnitudinis procedat, in eo autem rursus minor evadat, donec tenuissima & minima in fine advertatur. Conspici sic etiam potest *nervorum omnium origo*, non ex cerebro ipsoeducta, ut Galeno est visum, aut ex corde immediate proveniens, quod Aristotelicis quibusdam placuit, verum ex ipsa spinali medulla tum per vertebrae excurrente, tum intra cranium originem capiente. Hæ ipsæ tamen radices spinalis medullæ etiam à superiori parte tandem inveniri possunt, ut postea notabimus. In *media fere basi inferiore parte cerebri* inter rete mirabile utrinque positum, & inter carotidum arteriarum in cerebrum deductionem *glandula pituitaria*, una cum *infundibulo* quoque sese exhibet, per quod ex ventriculis cerebri destillans in glandulam pituita in palatum expurgari potest. Residet hæc in sinu sellæ equinæ, & utrinque in osse cuneiformi notantur foramina, quæ in palatum excrementum illud demittere possint. Sed tamen & hæc à superioribus inchoando inveniri queunt, & præsertim debito modo instituta anatomia infundibulum probe conspici potest à superiore parte, ut inde optimum sit utramque viam ingredi, ut postea notabitur.

§. XLIV. Interius in cerebro adhuc varia alia nobis conspicienda obveniunt. Ac principio quidem notandæ sunt illæ cavitates, quas *ventri-*

culos cerebri appellant. Talium *quatuor* esse communiter docent, sicut & nos distinctionis gratia retinebimus, licet alii non male notent duos primos inter se communicare, & tertium quoque non tam ventriculum, quam ductum esse, quartum autem itidem non posse proprie dictum ventriculum cerebri dici. *Primi* itaque *duo ventriculi laterales* sunt lunæ falcatæ aut equorum soleis non dissimiles. Positi sunt à laterali parte radicum spinalis medullæ, atque à superiore & antica parte incipiunt, & extrorsum & retrorsum producti eas radices ambiunt. Pars illa cerebri, qua conformantur, *corpus callosum* dicitur. Notanda quoque circa ventriculos illa pars cerebri, quæ instat *sintria* aut *limbi* radicem spinalis medullæ ambit, unde & *limbum* vocat doctissimus Franc. Sylvius. *Distinguntur* duo illi ventriculi per *septum lucidum* ut appellant, quod optime conspici potest, si in uno latere amota cerebri portione & falce, & ventriculo opposito recte invento cerebri pars calloso corpori continua elevetur, & opposita candela inspicatur. Dehinc ubi ventriculi postica parte cocunt, adverti debet *fornix* seu *testudo*, pars nimirum illa, figura tranguli posteriore loco ventriculorum posita sub calloso corpore, superna parte sese attollens, & convexitatem ostendens, inferna autem cavitatem ostendens. Sub fornice *plexus choroides* fertur, cui glandulosa substantia intertextitur, ut ita fornix non immediate tertio ventriculo supersternatur. Postea *tertius ventriculus* notari potest, exiguum cavitatem solum habens, at duplicem meatum, quorum unus deorsum ad glandulam pituitariam ducit, alter autem in posteriorem partem fertur ad quartum ventriculum, qui ipse ubi sub natibus viam suam instituit, *anus* à quibusdam vocitatur. Circa exortum hujus foraminis glandula quædam visitur, quam *glandulam pinealem* & *penem* appellant, quem circumstant duæ rotundæ eminentiæ, formatæ à radicibus spinalis medullæ in cerebello, quas nominant testes: sicut alias duas à radicibus spinalis medullæ in cerebro formatas vocitant nates. Illam pinealem glandulam, ut notavit D. Sylvius firmat *nervus funiculus*. Tum *quartus ventriculus* sese exhibet, cujus supra jam mentio facta est, quod ab inferiore melius conspici queat, cum situs sit inter cerebelli basin ac inter superiorem & posticam elongatæ spinalis medullæ partem. Ab eadem inferna parte, circa truncos posteriores occurrit processus quidam, per transversum in anteriora & interiora delatus, & spinalem medullam complectens quem inventor ejus Varolius *pontem* vocavit, unde & hodie *pons Varolii* nuncupatur. Denique in *cerebello* mirabilis structura ramosas arbores repræsentans à Sylvio pariter notata observanda est, quæ si accurate observetur, quasi ex

si ex variis lamellis componitur, qua foris corticem supra medullam positum exhibent, sicut in cerebro fuit indigitatum. Inter has lamellas feruntur varia vasa, quæ arteriolæ videntur esse à cervicali deducta.

§. XLV. Hæc omnia in cerebro accurate & prompte notari possunt, si instituaturs sectio secundum modum à Doct. Francisco Sylvio ad Anatomiam D. Bartholini notatum, & jungatur cum secundo modo Varolij. Bene enim notatum ab eodem Sylvio ibidem est, sectione multipliciter immutata sæpius nova sese offerre, plerumque autem quædam nondum satis distincte notata perspicui accuratius. Nunc circa cerebrum adhuc restat, ut vasorum quoque per id propagationem indigitemus, simulque annotemus eorundem rationem prout respectu spinalis medullæ se habent. Ac de nervis quidem prius incipiemus, quandoquidem ii omnes ex spinali medulla in cerebro orta, & per vertebra omnes producta originem immediatam capiant. Itaque nervi alii oriuntur *ex spinali medulla elongata*, seu parte ea qua in cerebro consistit: alii oriuntur *ex spinali medulla in vertebri* existente. *Illius paria sunt octo, hujus triginta*, nimirum *septem* prodeuntia ex spinali medulla in vertebri colli existente, *duodecim* ex eadem existente in vertebri thoracis, *quinque* ex eadem consistente in vertebri lumborum, ac denique *sex* ex medulla spinali in osse sacro detenta.

§. XLVI. Septem paria, cum tot Galenus & alii tantum quæ ex spinali medulla à cerebro nondum producta proveniunt, his versibus memoriz causa comprehensa sunt:

*Optica prima: oculos movet altera: tertia gustat,
Quartaque, quinta audit: vaga sexta est: septima lingua.*

Sed horum ortum progressum, ac terminationem convenit altius aliquantum repetere. Itaque *primum par nervorum* non ex ipso medio cerebro, sed ex principio truncorum priorum spinalis medullæ originem utrinque capit, cujus nervi in progressu ad invicem contendunt, donec supra ossis sphenoidis sellam non solum foris connectuntur, sed omnino junguntur, confusa interius medulla, & foris quasi corpore quadrato facta, postea rursus separantur, & uterque oblique ad sui lateris oculum oblique fertur, & per foramen ossis cuneiformis primum eidem juxta centrum inseritur. De his nervis quaeritur, an interius cavi sint? Plerumque non reperiuntur cavi, attamen aliquando contingit, ut maxime circa exortum suum, usque dum junguntur, meatus quidam notetur, qui tamen juxta oculum plane disparet. *Secundum par nervorum* ad spinalis medullæ principii intimam partem exo-

tem exoritur, in sui exortu ita unitum, ut communem angulum efficere videatur, hinc versus oculos delatum, in eos per secundum foramen ossis cuneiformis pervenit, ac quatuor furculis, iisdemque aliquando ulterius divisus in musculos oculorum utrinque digeritur. *Tertium par* inferna & posteriore sede exoritur ab exiguo nervo, & sub basi cerebri secundo pari attentum versus anteriora progreditur, atque cum eodem etiam per secundum foramen ossis cuneiformis ex cranio educitur. Postea in *quatuor ramos* distinguitur. Illorum *unus* trochleæ oculi musculus ramulum imper- tit, & deinde per foramen ossis frontis in musculus frontis deducitur. *Alter* ramus deorsum per quarti ossis maxillæ superioris foramen in faciem propagatur divisione multiplici, ut ita muscoli superius labium & nasi alam inoventes, labium ipsum, & gingivæ quoque incisiorum dentium nervos ab eo accipiant. *Tertium* ramus per foramen secundi ossis maxillæ superioris in narium amplitudinem derivatur. *Quartum* denique per rimam, quæ in externo oculi angulo reperitur, ad interiorem partem musculi temporalis progreditur. *Quartum par* etiam non procul à tertio pari oritur, & per sextum ossis cuneiformis os è cranio elapsum in *tres ramos* scinditur. *Primus* statim à transitu cernitur, ac vitis aut cucurbitæ capreolorum ad instar contortus, & duobus furculis nervi auditorii unitus, postea in musculos maxillæ inferioris attollentem & abducentem ac buccarum furculos mittit. Ab hoc ulterius descendente oritur *secundus*, ac in gingivas superiorum dentium molarium, ipsosque dentes, furculos mittit. *Tertium* à posteriore parte egressus maxillæ inferioris foramen internum intrat, ac in dentium radices furculos digerit, post ex interno foramine elapsus labio inferiori ejusque cuti, ac denique linguae tunicae furculos impertit. Hoc quartum par à Spigelio ita distinctum recensetur: at ab aliis seorsim non enumeratur, sed ad tertium pertinere dicitur, sed immerito, cum nec in exortu, nec in progressu cum ipso commisceatur. *Quintum par* fere ea sede, qua spinali medullæ elongata portio cerebelli adnascitur, originem capit à *duplici nervo, uno molliori, altero autem crassiori*, qui una ex meningibus excidentes per foramen ovale in aurium cavitatem ab internis inferuntur: ac *durior* quidem peculiari canali vectus statim in priora abit, ac rursus per idem os oblique retrorsum ad posteriora recurrit, ac in primam cavitatem ossis interni devenit. Huc usque *mollis* nervus ipsum comitatur, at ubi huc venit, membranæ ad modum expanditur, atque ita spiritus animales in illam cavitatem immittit. Sed *durior nervus* hic non desinit, sed aliquantum reflexus *duplicem propaginem* emittit. *Vna superior* est, ac per transversum

versum ossis temporum foramen egreditur, & non longe post cum nervo quarti paris, qui capreolorum vitis in modum in orbem ducitur, conjungitur. *Altera est inferior*, ac per tertium ossis temporum foramen transversum supra musculum maxillæ inferioris lateralem ducitur, ac in fauces descendit, disseminatis propaginibus non paucis ad nares. Hæc pariter quarti paris propagini ad linguam abeunti conjungitur, & inde ad dentium radices, & musculos buccarum, uti etiam ad cutim radicem auriculæ ambientem traducitur. *Sextum par* nervorum paulo inferius, & magis ad posticam partem exoritur, non simplici sed multiplici origine, postea tamen conjuncta per membranam communem ambientem, ita tamen ut intra eam nervi ad minimum duo distincti maneant. Atque ita ex secundo & tertio foramine occipitii, qua carotidis arteriæ & venæ jugularis est in cranium ingressus, excidit in duos ramos utrinque divisum, sicut id jam in prioribus fuit declaratum. *Septimum par* in postrema occipitis parte, ubi jam ex cranio spinalis medulla excidere minatur, aliquot radicibus inter se distinctis oritur, quæ postea in unoquoque latere in unum coeuntes per quartum & quintum occipitii foramen in palatum incidunt: simul vero ubi ex cranio erumpunt, cum nervis sexti paris communi membrana conjunguntur, non tamen confunduntur, atque sic in musculos linguæ, & aliquos etiam ossis hyoidis ac laryngis, ut & eos, qui à styloide appendice originem capiunt, diversis furculis consumuntur, ut ita iis sentiendi movendique facultatem impertiant. Hoc par omnium durissimum ab Anatomicis esse statuitur. Præter hæc septem paria additum à Recentioribus Anatomicis & *octavum*, & merito cum & structura, & origine, & progressu, & officio in communi ratione nervorum cum aliis paribus consentiat. Nam pariter ex spinali medulla originem capit, ad cerebri extrema latera, ea sede, quæ supra auditus foramina est, sed in exortu suo utrinque acutum valde, & multum à se disjunctum est, dehinc sensum versus priora procedit, ac intra supremam & mediam cerebri prominentiam crassum magis redditum, & sibi propinquius factum, ac tandem utrinque definit in processus cerebri mammillares, qui supra ossis spongiosi sinus locati, proprium odoratus organum sunt, ut suo loco notabitur. Hoc par Veteres Anatomici noverunt quidem, sed pro pari nervorum habere noluerunt, quia non, ut alia paria, in diversos furculos divisum est, atque intra cranium definit, male judicantes omnia nervorum paria in communibus illis accidentibus convenire debere.

§. XLVII. Reliqua paria trīginta, quæ ex spinali medulla originem capiunt,

D d

capiunt, in prioribus capitibus partim fuerunt declarata, partim sequenti capite declarabuntur, ut ita hic nobis nihil aliud restet, quam hoc notare, quod grato spectaculo, si vertebris omnibus effractus, spinalis medulla eximatur, & in aqua calida modice concutiat, inferiore parte plurimos divisos nervos quasi *funiculos* ostendat, atque sic caudam equinam æmuletur. Id quoque adhuc circa spinalem medullam notandum est, quod superius prætermisimus, nempe quod substantiam non habeat divisam in corticem & medullam, quemadmodum cerebrum per has partes divisum esse notavimus, sed quod solam medullarem substantiam habeat, sicut ipsa spinalis medulla elongata, cui eam cohærere diximus. Dehinc neque vel processus vel sinus aut ventriculos ostendit, sed æquabilis existit, in dextram tamen & sinistram partem per meninges divisa. Illæ meninges itidem à se invicem non ita distant, ut in cerebro, sed conjunctæ sibi invicem sunt, atque per tenuem vasa maxime distribuuntur pro moderata calefactione & nutritione spinalis medullæ, ac suppeditatione etiam materiæ pro elaboratione spiritus animalis.

§. XLVIII. Vidimus unum vasorum cerebri genus, nempe nervos, quo ipsi proxime ex cerebro late sumpto, seu accuratius ex spinali medulla elongata & per vertebra omnes deducta originem capiunt: sequitur ut nunc de aliis quoque, nempe venis & arteriis agamus. Ac quidem de *venis* dicendi initium faciemus. Itaque habet cerebrum cum suis membranis venas maxime à jugulari interna, aliquas sed paucas à jugulari externa, quod ut explicemus quomodo fiat, quandoquidem id supra in hunc locum remisimus, utriusque istius venæ divisionem breviter enarrabimus. Oriuntur illæ *venæ jugulares* ex trunco venæ cavæ ascendente, ubi jam in subclavios ramos divisus est, attamen ex thorace nondum excidit: & quidem exortus ille prope jugulum est, & secundum hoc producuntur, unde *jugulares* vocantur. Sed quia in caput feruntur, judicant aliqui easdem non inepte vocari potuisse à terminatione sua *cephalicas* seu *capitales*. Divisæ sunt *jugulares* in *internum* & *externum ramum*, quorum hic in homine illo minor apparet, licet in brutis contrarium advertatur. *Jugularis interna* originem sumit, juxta articulum, quo clavicula sterni conjungitur, ac statim ab exortu arteriæ carotidi ac nervo sexti paris conjuncta in latere asperæ arteriæ ad fauces contendit, at in medio itinere in *duos ramos* scinditur, quorum alter *exterior*, alter *interior* est. *Exterior* ad interiora capitis non pervenit, sed ad maxillæ inferioris angulum rursus in duos minores ramos dispescitur, quorum alter ad fauces, alter ad faciem & aufes contenden-

dens multiplicibus furculis dividitur. *Interior* autem carotidi arteriæ usque ad cranii basin conjunctus manet, quo cum posteriore sede pervenit, ita dein in duos ramos divellitur, qui tamen inæqualis sunt magnitudinis. Hos, cum ad cerebrum procedant, *encephalicos* seu *cerebrales* non male Spigelius vocitat. *Primus* major est & posterior, qui oblique retrorsum ductus, ubi in musculos œsophago subiectos, & anteriorem sedem vertebrarum cervicis occupantes furculos propagavit, per foramen secundum occipitii, per quod nervus sextæ conjugationis ex cranio descendit, cum arteriæ carotidis ramo minore sursum in cranium ascendit, ac in membranæ crassiæ sinum primum & secundum propagatur. *Secundus* ramus *gracilior* & anterior est, utpote ad anticam capitis partem procedens, qui posteaquam in via organo auditus furculum non valde insignem largitus est, cranium per foramen ossis cuneiformis septimum subit, ac per basium, & latera multiplici ramorum serie dispergitur. *Jugularis externa* sub cute & quadrato musculo, qui genas detrahit, ascendit, ac per colli latera, ubi ad aurem pervenit, in duos ramos scinditur, quorum alter à Spigelio *profundus* dicitur, quia ad interiora progreditur, & musculos ingreditur: alter autem *cutaneus*, quia ita ad interiora se non diimitit, vocatur. *Profundus* ramus, ubi divaricari incipit, fulcitur illis glandulis, quæ circa fauces consistunt, & notabiles propagines de se mittit ad laryngem, glandulasque affitas, itemque ad faucium ossisque hyoidis musculos. Imo ille quoque furculus, qui multipliciter divisus sub lingua per longitudinem ejus excurrit, ab hoc profundo ramo exoritur. Idem ad interiora cranii etiam tres ramos spargit. *Primus* quidem ab eo prodit, ubi ad fauces & os ramulos sparsit, & per quintum foramen ossis temporum cranium intrat. *Secundus* ex oculi anteriore sede per ossis cuneiformis foramen secundum, per quod secundum par nervorum ad oculos abit, cranium subit, ac per crassam membranam superiore parte aliquot furculis deducitur. *Tertius* in eandem membranam disseminatur cranium intrans ex narium amplitudine per ossis cribrosi foramen. *Cutaneus* venæ jugularis externæ ramus cutim capitis perreptat, & sub aure parotidibus suffultus in duos ramos scinditur. Alter *anterior* est, ac oblique per genas sursum fertur ad oculi angulum internum, in itinere interim ramulos naso impertiens, & procedens ad supercilium, junctusque cum reliquo alterius lateris ramo in media fronte rectam venam constituit, quam *venam frontis* vocitant. Alter ramus *posterior* est, quippe ad posteriora propagatur, atque ad tempora & occipitis cutim ramos transmittit.

§. I L. Venis istis correspondent *arteria carotides*, seu *soporales* dictæ, quia iis obstructis aut oclusis somnus hominem præternaturalis occupat. Sunt vero illæ quasi desinentiæ seu ultimæ terminationes trunci arteriæ aortæ ascendentis in *duos ramos dextrum* nempe & *sinistrum* divisi & caput petentis. Divisio fit in superiore sterni parte, ubi thymus vasa fulcit, sed non æqualis est, cum dexter sinistro multo sit crassior. Ascendunt illi rami arteriæ asperæ & venis jugularibus internis membranæ beneficio connexi utrinque per colli latera recta sursum: verum ubi ad fauces pervenerunt, in *duos ramos* dispescuntur, quorum alter *externum* & minor, alter *internum* & major est. *Interior ramus* arteriæ carotidis vocatur à Spigelio *arteria encephalica* seu *cerebralis*, quia in cerebrum multas furculis spargitur. Nam ubi ad fauces defertur ac linguæ & laryngi propagines communicavit, circa calvariæ basin in duos inæquales ramos scinditur, quorum alter *minor*, alter *major* est. *Minor & posterior* cum venæ jugularis interuæ encephalico ramo majore ad posteriora fertur, ac per occipitii foramen secundum cranium subit, ac in sinus crassæ meningis deducitur. *Major* autem seu *anterior* ubi per foramen proprium in osse temporum exsculptum cranii cavitatem intravit, atque ad ossis cuneiformis sedem pervenit, ubique sub dura membrana incedens, primum utrinq; ramum in latus ejusdem membranæ producit, deinde in brutis maxime, cum in homine non ita evidens & magnum rete mirabile appareat, furculos plurimos dispergit, ac rete mirabile constituit. Postea crassam cerebri membranam perforat, & dehinc propaginem quandam per cuneiformis ossis foramen secundum ad oculum ejusque musculos, sicut & maxillæ ad maxillæ inferioris attolentem temporalem musculum extra cranium emittit. Dehinc idem ramus recta ascendens ad latus glandulæ pituitariæ in duos ramos dividitur, quorum unus *interior*, alter *exterior* est. *Interior* cum sua conjuge oppositi lateris unitus in plurimas arteriolas dividitur, quæ per tenuem membranam, ipsiusque cerebri substantiam ad principium nervorum opticorum disseminantur. *Exterior* reflexus & tenui membrana munitus in cerebri priorem ventriculum abit, ac in multos furculos dividitur, qui cum arteriolis illis, quæ à vertebrali oriuntur, & tum per basin cerebri, tum per tenuem ejusdem membranam ac substantiam disperguntur, conjunguntur, ac cum iis plexum choroidem constituunt. Ita *interius ramus arteriæ carotidis* distribuitur. *Externum* vero ad buccas & faciei musculos ramos propagat, deinde ubi ad aurem pervenit circa ipsius radicem bifariam dividitur. *Unus ramus* ex divisione illa ortus auris posteriora petit, atque duas arterias per foramen

men postica & interiore parte maxillæ inferiore insculptum ad dentium radices propagat, quæ per foramen exterius & anterius rursus erumpentes in labrum abeunt. *Secundus* dehinc ramus per tempora & frontem spargitur, ac in faciei musculos absumitur.

§. L. Exhinc apparet, quod cerebrum à carotide interna maxime *arterias* suas mutuetur: cæterum habet idem quoque arterias aliquas à cervicalibus seu vertebralibus. Postquam enim in ascensu suo per foramina transversorum processuum vertebrarum cervicis una cum cognomine venæ surculos diversos hinc inde affitis partibus largita est, per magnum foramen occipitii, per quod spinalis medulla descendit, cranium ingreditur, ac oppositi lateris arteriæ sociata sub cerebri media basi recta excurrit, ac ubi jam sellam ossis cuneiformis, cui glandula pituitaria incumbit, attingit, in duos ramos, dextrum nempe & sinistram dividitur, qui utrique ad latus sellæ ad secundum par nervorum cerebri contendunt, atque ibidem in plurimos surculos dirempti inter primum & secundum nervorum par disseminantur, ac tenui membrana complicati, plexum choroidem cum carotidibus efformant.

§. L. I. Sic ergo cerebrum venas & arterias habet, non solum foris ipsum ambientes, sed etiam substantiam ejusdem subeuntes, quemadmodum id non solum ex compressione particularum cerebri guttulas sanguineas emittente conspici potest, verum etiam manifeste videri potest in cerebro flaccidiore, utpote quod sponte sua sæpe à vasis abscedit, maxime in iis subjectis, in quibus ob ætatem aut morbum vasa illa aliquanto solidiora sunt. Hinc unicuique facile apparet, cerebrum posse inflammationibus occupari, utpote cum tam multa & insignia vasa habeat. Sicuti autem ab his vasis cerebrum sua vasa habet, ita pariter sinus, qui omnes inter se quoque communicant ob commune officium, quod præstare debent. De quo cum ante dictum sit, frustra nunc idem hoc loco repetemus. Hoc tamen negligendum non est, quod licet illa vasa communiter statuantur prodire à venis jugularibus, tamen accuratior eorum persecutio doceat, plurima ab arteriis carotidibus provenire, sicut propter nutritionem & circulationem requirebatur.

§. L. II. Spinalis medulla suis quoque arteriis & venis donata est, sed ex non veniunt præcise ab una origine, sed sicut per totam longitudinem spinæ deducitur, ita varia vasa accipit, per foramina vertebrarum, per quæ nervos emittit. Cum autem ista suis locis jam notata sint, superfluum foret ista singula hic rursus repetere.

§. LIII. Omnia, quæ de *cerebro* nobis proponenda erant, expedi-
mus, solum restat, ut de *functione & usu* ejusdem aliqua adjiciamus. Ut id
melius & distinctius peragamus, notandum est, id & *vegetativa*, ac *sensiti-*
va, atque *rationalis anima* subesse. Prout *cerebrum anima vegetativa* subjacet,
nutritur, & ad determinatum tempus augetur. In quibus operationibus nihil
observandum peculiaris, nisi hoc, quod *cerebrum* in prima conformatione
proportionem reliquarum partium valde inagnum sit, ut ita non valde au-
geri necessum habeat. An id contingat propterea quod hæc *cerebri* na-
tura sit, ut propter temperamenti sui debilitatem non possit multum ali-
mentum conficere, & ita augeri, aut quia ob densitatem substantiæ suæ non
ita potest distendi? An vero potius id factum est, quia *cerebrum* ita ma-
gnum jam in pueritia requirebatur?

§. LIV. Dum vero *cerebrum* nutritur *excrementa quoque aliqua in eo*
congeruntur, atque ex eodem expurgantur. *Excrementa* hic notantur trium
generum, nempe *tenuia*, *crassa*, & *mediocria*. *Tenuia* per futuras undique ex-
halant: *Crassa* dehinc per *nares & palatum* expurgantur; *mediocria* autem
partim per aures, partim per oculos exonerantur. Circa hæc omnia quæ-
dam dubia excurrunt, sed ea, cum Deo, in posterioribus, ubi de excre-
mentis agemus, enodabimus. Impraesentiarum tamen id notandum est,
Anatomicam inspectionem docuisse *ventriculos cerebri primos tres, maxime*
autem duos excrementorum crassorum exonerationi in os esse dicatos. Nam & ex-
crementa hujusmodi sæpius in iis reperiuntur, & continuatio illorum pro-
cessit in infundibulum ac glandulam pituitariam, ut mirari subeat, quo-
modo adhuc hodie audent quidam defendere, *ventriculos illos esse spiri-*
tuum animalium generationi dicatos. Nam absolum valde est credere,
eosdem *ventriculos & excrementorum collectioni*, quæ in iis notantur, &
spirituum animalium, quibus quæcunque impuritas adversa est, genera-
tioni fuisse à natura destinatos. Imo quomodo ex illis *ventriculis* in ner-
vos deducuntur, cum nulla sit cum principio nervorum horum *ventricu-*
lorum coherentia? Aut quomodo non in os regurgitant, quandoquidem
in id exitus patet tam crassis excrementis?

§. LV. Prout *cerebrum anima sensitiva* subest, diversa munia obit. Nam
initio elaborat *spiritus animales*: deinde per eosdem sensuum interiorum opera-
tiones efficit: porro eosdem ad sensuum exteriorum & motus animalium organa di-
mittit, adeoque sic nostrum corpus suo modo regit. Cæterum hic nobis
diversæ quæstiones expendendæ occurrunt. Prima illarum est: An elabo-
ratio *spirituum animalium* sit actio vitalis; an animalis? Ratio dubitandi est,
quia

quia instar vitalis aliquid facit beneficio coctionis; aut actionis ad coctionem pertinentis: & vicissim non obitur nisi in animalibus, & animalis functionis causa. Ego existimo actionem eam animalein dicendam esse, ob posterioris rationis efficaciam; quantum autem ad primam dubitandi rationem dico, quod non necessum sit, omnem coctionem à facultate vitali proficisci, cum coctiones quædam sint, quæ à non viventibus etiam obiri queant, & multo magis etiam à sentientibus: id quæ multo magis cum nec omnis virtus formatrix simpliciter ab anima vegetativa, verum etiam in animalibus à sensitiva procedat. Sin hæc responsio non placeat, valde mihi probabile videtur, actionem eam proficisci quidem à anima vegetativa, cæterum prout dirigitur à sensitiva, atque propterea animalein vocandam esse à causa principaliore, & ita de virtute formatrice dici potest.

§. LVI. Secunda quaestio est: *qua ratione cerebrum ex spiritu vitali faciat spiritum animalein?* Censeo Aristoteli aliisque summis viris assentiendum esse, id fieri refrigeratione, atque etiam attenuatione. Nam cerebrum minus calidum esse, quam cor compertissimum est, atque superius quoque indigitarum, quod sanguis spiritu vitali imprægnatus aliquantum intra cranium remittatur: atque experientia quoque ostendit, quod à calore operationes cerebri turbentur, ut liquet ex febrientibus, & vino repletis. Attenuari autem aliquantum spiritum vitalem, dum in animalein secedit, videtur indicare ejus propagatio celerrima per cerebrale substantiam intra nervos & in cranio contentam, licet quomodo id fiat, obscurum sit. Interim probabile est id fieri vel colatione & depuratione à sero, vel rarefactione ac modica calefactione. Hinc liquet verum esse, quod ab Aristotele proditum est, *cerebrum cordis refrigerandi causa conditum esse, non quidem universaliter*, & respectu omnium ejusdem functionum, quemadmodum id accepisse videntur Medici: *sed particulariter* respectu functionum animalium perfecte edendarum. Nam cor concipiendum est tanquam membrum absolute princeps, in quo anima primo & originaliter radicaetur: & spiritus vitalis tanquam proximum & primum animæ instrumentum: at vero cum multiplices sint operationes animæ, ille spiritus non debet esse ubique æquabiliter dispositus: & maxime in functionibus animalibus magis moderatus esse debet, quam in vitalibus. Talem ergo cum eum reddat cerebrum, quid est, quo minus dicamus id cordis refrigerandi gratia conditum esse, quatenus primum sanguinem, dehinc vitalem spiritum calidum magis, quam pro functionibus animalibus conveniebat, remittit, & ad mediocritatem reducit. Ita patet quoque neutiquam urgentia esse Medicorum argumen-

ta, quæ

ta, quæ ex Gal. adversus Aristotelem producunt. Primo ajunt, nimis distantum esse cerebrum à corde, quo minus possit remittere fervorem cum, qui in corde continetur: & dehinc refrigerio eo cor non habere opus, cum id pulmones præstent. Nam quia non omnem sanguinem in corde, nec calorem in corde existentem cerebrum refrigerare debet, sed eam portionem tantum, quæ ad cerebrum mittitur, ad eam functionem non incommo- dum situm habet. Neque eam operationem officium pulmonum antevertit. Nam illi universaliter sanguinis fervorem temperant pro corde, atque id antequam sinistrum cordis thalamum intret: non autem particulatim, prout cerebrum eam portionem temperat, quæ per arterias carotides transmissa peculiari usui destinata est.

§. LVII. Tertia quæstio est: *An in hac functione cerebrum à corde dependeat?* Iudicamus omnino ita esse. Quippe & spiritum vitalem influentem ipsi cerebro cor tribuit, & insitum ejus spiritum conservat, sine quo functio hæc obiri non poterat, & amplius materiam ipsi suppeditat, ex quo spiritum animale conficere possit. Proinde vel subministratio ea cessante aut imminuta labascit ea operatio, vel vitiata depravatur. Hoc patere potest ex animi deliquiis secundum varios gradus, somno naturali, febribus, temulentia, ut suis locis patebit, & hic superfluum foret recensere.

§. LVIII. Quarta quæstio est: *In qua parte cerebri illa spirituum animalium generatio contingat?* Iam supra notavimus in ventriculis prioribus tribus non fieri, nunc addimus neque in quarto. Ratio illa universalis nobis sufficit, quod neque sufficiens in eo virtus, nec debita ejusdem cum principio emissionis spirituum connexio sit. Quid enim virtutis speres ab eo ventriculo, qui externo tantum contactu cerebri & cerebelli suis membranæ tecti efformatur? Aut quid prosit, spiritus animales ibi generari, si non pateat ex eo in principium nervorum transitus? Proinde probabilius reputo, generationis spirituum animalium sedem constituere spinalem medullam elongatam, & per vertebrae dorso deductam, cum ex ea nervi prodeant, & spiritus animales accipiant, atque in morbis quoque advertamus animalem vim confortari, si illi parti roborantia remedia applicentur. Hæc etiam pars satis magna est, ut generationi spirituum animalium sufficiat, quod ventriculo quarto omnino deesse videtur. Exiguus enim valde est, ut in eo sufficienter spiritus animales generari non videatur probabile. Sic ergo ex hac spinali medulla in nervos, atque etiam in reliquam medullam cerebri & cerebelli distribui cenſeo, ut animales functiones in suis quæque organis debite obeantur. Aliqui existimant reliquam quoque cerebri portionem

portionem spirituum animalium generationem præstare, quia ejusdem cum altera parte est naturæ. Id neque negare simpliciter ausim, attamen non pro certo habere possum. Non enim conformitas naturæ sufficit, nisi & influxus à principali parte idem, & materiæ quoque suppeditatio sufficiens illi parti obtingat, quæ an hic inveniatur, certis documentis comprobatum non habeo.

§. LIX. Quinta quæstio est: *qua virtute cerebrum ad eam functionem concurrat?* Iudico maxime id fieri temperie primarum, & moderatione secundarum ac propriarum facultatum. Nam advertimus calore nimio, & humiditate superflua operationem eam lædi, sicuti etiam vel à crassitie, vel laxitate. Interim non negandum videtur, quod magnitudo figuræque conveniens, & debita aliarum constitutionum habitudo etiam non parum eo conferat.

§. LX. Sexta quæstio est: *An facultas sentiens in cerebro radicaliter & originaliter resideat, an eam à corde dependenter obtineat?* Nos posterius verum esse opinamur, atque id exinde confirmamus, quod quando cor vel non imminuit, vel retrahit spiritum vitalem operationis illius advertatur imminutio, sicut id liquet ex animi deliquiis gravioribus, somno, metuque vehementi. Imo exinde quoque, quod quando concitatus cerebrum spiritum vitalem immittit, pariter aliquo modo illa operatio lædatur. Maxime vero illa operatio læditur, quando spiritus animalis, aut ejus vehiculum sanguis arteriosus prave se habet, ut apparet ex febribus multis, melancholia hypochondriaca, & aliis deliriorum speciebus ex consensu inferiorum partium originem sortientibus. Præter ista plura etiam alia documenta afferri possunt, ut quod carotidibus ligatis aut alio modo obturatis subito aut brevi post sensus & motus pereat, itemque quod pro ratione & habitudine sanguinis mutetur interiorum sensuum operatio, itemque quod cum à calore operationes sensuum dependeant, cerebrum agnoscere debeat id pro principio, in quo calor primo radicaatur, & hujusmodi plura. Novi equidem, quod his obviam ire conentur Medici, sed rationes illorum non sunt ita solidæ, & prolixum nimis foret, eas omnes adducere. Itaque suffecerit solum ea experimenta solvere, quæ contra Philosophos adducunt. Sunt ea præcipue ista. Primo id urgent, quod ipso Philosopho teste testudo erepto corde ambulaverit. Cui experimento id simile est, quod à Gal. l. i. de placit. c. 6. est notatum, in sacrificiis observatum esse animalia quædam, postquam iis cor forcipe ereptum fuerat, adhuc clamasse & fugisse. Quibus etiam id congruit, quod absccto à

E c

trunco

truncocapite, tamen os aperiri claudique aliquoties visum sit. Secundo id urgent, quod vulnerato cerebro statim sensus & motus pereant, at corde vulnerato non item, nisi mors succedat. Tercio urgent historiam Galeni, quam proponit sect. 6. Aphorism. 18. ubi docet quod in Sinirnia Ioniz juvenis quidam fuerit vulneratus penetrante vulnere ad cerebri ventriculos, cui cum labia vulneris deducerentur ab invicem sensus & motus periit, sed cum rursus ad se invicem adducerentur, rediit, ut ita palam appareat cor minime huc conspirasse. Quarto loco ex juvenientis & nocuementis experimentum deducunt. Quippe observamus, inquit, quod in imminutione & abolitione internorum sensuum levamen adveniat, si remedia capiti applicentur, non autem si admoveantur cordi. Sic etiam observant, si noxia capiti applicentur, pariter lædi ægrum, non item si cordi.

§. L X I. Ad illa solvenda brevibus hæc adducimus. In primo experimento id falso suppositum est, quasi Aristoteles aut ejus assectæ opinentur, cerebrum vel quodcunque aliud membrum ita à cerebro dependere, ut eo non conspirante, ne momento quidem functionem illam obire possit. Id enim illis in mentem non venit, utpote qui norunt singulis partibus et si dependenter à corde tamen insitam virtutem convenire, & cor quoque cum illis partibus conspirare influxu materiali spiritu. Licet ergo non commode & diu, tamen aliquamdiu posse virtutem in illis retineri, nec spiritum in momento discuti, non negant, utpote cum experimento norint, & ratione edocti sint, tolli primum debere ea, quibus aliquid conservatur, antequam alicujus destructio sequatur. Sic solvi potest primum experimentum, quanquam nec satis mihi certa illa Gal. narratio de animalibus clamantibus & fugientibus in sacrificiis, non solum propterea, quod multa falsa de hujusmodi narrari solent, verum etiam quia plurima aut diabolico ad homines fallendos adhibentur apparentia miracula. Ad secundum dicimus principio, non satis verum esse, omnia vulnera cerebri afferre motus & sensus imminutionem aut abolitionem, cum sæpe observatum sit, etiam integra frustra cerebri citra talium symptomatum obventum fuisse ablata. Deinde nos non stringit, utpote qui non negamus cerebrum proprium organum esse, quo hæc functiones obeuntur, sed id precise urgemus, cerebrum non esse organum in ea actione independents. Quod vero urgent, corde vulnerato non statim sensus motusque abolitionem fieri, id ego dico non mirum esse, si superficiaria vulnera indigint, quia tunc non impeditur cordis cum cerebro communicatio: sin vero intel-

ligant

ligant etiam profundiora, quæ ventriculos subeunt, mors statim subsequitur, ut ipsi fatentur. Itaque nos ad cordis primatum supra alia experimenta adduximus, in quibus ostendebatur, affecto corde secundum ventriculos, ita ut vel retraheret, vel non immitteret spiritum vitalem, notari actionum illarum in cerebro imminutionem aut depravationem. Tertium experimentum eodem modo solvi potest, quanquam non profus videtur vere narratum, interim hoc agnoscimus, accidere quandoque monstrum sicut in natura ita in arte quoque, ut ita Gal. fidem non in dubium vocemus. Quartum itidem manifeste eadem distinctione tollitur. Nimirum cerebrum est organum illarum operationum proprium & proximum, sed non independens. Alii eodem sensu distinguunt inter *organum manifestativum* & *originarium*. Cerebrum vocant organum manifestativum, quia per id aperte seu manifeste exercentur illæ actiones: sed cor nuncupant organum earundem originarium, quia non citra cordis conspirationem illæ functiones à cerebro obeuntur, sed ejus influxu ac conspiratione. Imo quia obeuntur per illum spiritum, qui alteratione aliqua à cerebro illis functionibus fit proportionatus.

§. LX. Quæstio septima est: *An in toto cerebro, an in aliqua parte cerebri illæ functiones obeantur, & quæ illæ partes sint?* Non in toto cerebro celebrari illas functiones exinde mihi manifestum fit, quoniam aliquando portionibus quibusdam cerebri ablatis nihilo minus functiones ex debite celebrantur. Vnde consequens est, fieri in aliquibus cerebri partibus. Sed quæ illæ partes sunt? Ex prioribus, ubi probavimus in ventriculis cerebri non elaborari spiritum animale, deduci potest, quod neque in iisdem ventriculis fiant operationes interiorum sensuum: atque etiam concludi, illam partem cerebri, & cerebelli illis functionibus esse destinatam, in quam ex spinali medulla adhuc intra cranium existente patet spiritibus animalibus ingressus. Hæc autem pars medulla cerebri est, ut inde iudicem corticem foris eadem esse circumjectum, ad coercionem spirituum animalium meliorem.

§. LXII. Quæstio octava est: *qualis constitutio cerebri necessaria sit, ut illæ functiones sensuum interiorum debite exercentur?* Præcipue requiritur debita qualitatum primarum, secundarum, & propriarum habitudo, quemadmodum concordi voto Medici asserunt: non tamen solitarie. Nam magnitudinem cerebri quoque conferre, patet, tum ex vulgato axiomate: *In majori quanto est major virtus*; tum ex experientia, quæ monstrat in iis, quibus parvum est cerebrum, functiones interiorum sensuum

fieri pejus. Pari modo figuram quoque cerebri non parum eo conducere patet ex Physiognomonicis, in quibus docetur, pro variatione figuræ corporis variare etiam illas actiones. Multum vero debetur quoque debita constitutioni meatuum seu evidentium seu latentium, unde viis illis obstratis aut male dispositis pariter illæ functiones plurimum læduntur.

§. LXIII. Quæstio nona est: *An hac sententia, cerebrum esse sensuum sensuum internorum organum, pugnet cum illa, quæ docet spiritus animales esse earundem instrumentum?* Neutiquam. Nam cerebrum cum dicitur esse illarum actionum organum, intelligitur, prout spiritibus animalibus sufficienter instructum est: cum autem de spiritibus animalibus idem asseritur, indigitatur, quod illi præcipue sint id, quo cerebrum est habile, ut illa functio in illo obeatur. Hoc est, quod aliqui distinguunt inter *organum quod*, seu *totale*, & *organum quo*, seu *partiale primarium*. Cerebrum igitur est organum quod seu totale, quatenus nimirum una cum spiritibus sumitur: sed spiritus animales sunt organum quo, seu partiale primarium, utpote cum per & propter eosdem cerebrum sit organum. Neque solum hoc in his functionibus locum habet, sed universaliter in omnibus, utpote cum omnes spirituum opera peragantur, sed in crassis partibus debita ratione existentibus.

§. LXIV. Quæstio decima est: *An sicut sunt diversa functiones sensuum interiorum, ita quoque diversa in cerebro sint partes, in quibus illa obeantur?* Arabes Medici ita concluserunt, contra qui Græcorum Autoritatem secuti sunt eos acriter reprehenderunt. Verum non scio, anion iisdem argumentis, quibus illi contra Arabes pugnarunt, oppugnari queant. Nam id initio apparet, aliam cerebri, aliam cerebelli esse constitutionem, & aliud quoque temperamentum, non quidem secundum speciem, sed tamen secundum gradum. Imo quoniam spinalis medulla à duabus radicibus, altera cum cerebro anteriore parte, altera cum cerebello communicante exoritur, & utraq; illæ partes late sumpti cerebri internis sensibus inserviant, liquet ea ratione, quod cum diversæ & differentes partes sunt, internis sensibus differentibus debeant aptari.

§. LXV. Quæstio undecima est: *An cerebrum polleat sensu, & quo?* Occasio quærendi inde derivatur, quod Philosophus & affectu ejusdem eo quoque argumento utuntur, cerebrum non esse originarium organum sensuum, quia ipsum non sentit. Id ridet aliqui Medici, tanquam ineptum, cum cerebrum etsi non sentiat sensu externo, tamen sensu interno præditum sit. Non male, si qui id assertum Philosophi quidam ita universaliter

saliter urgeant: sed iudicem Philosophum hoc intellexisse de sensu primo & independenter inuito. Quoniam enim non negat in cerebro celebrari sensuum interiorum operationes, nihil causæ est, quare Philosopho illud universale assertum invertens priorem concessionem attribuamus. Sed quærat quisquam: *quis est ille primus sensus?* Respondeo, quod sit quædam vis cognoscendi objectum interna, antecedens sensum omnem internum vulgo appellatum. Talem aliquam vim dari, ostendemus, tum ubi de sensu, tum ubi de sætu ejusque viribus agemus. Sin hoc tamen non placeat, per primum sensum licet intelligere sensum tactus, utpote qui communissimus, & omnibus aliis sensibus substratus est. Atque eum esse priorem sensibus vulgo internis vocatis, exinde concludere quoque licet, quod dentur quædam animalia, solo hoc sensu prædita. At nunc id dubium surgit: *An cerebrum obtineat sensum tactus?* Multi inter ipsos Medicos negant, quia cerebrum non dolet, ut hinc aperte deduci possit, saltem ad hominem non malo argumento Philosophum usum esse. In rei autem veritate ita existimo, cerebrum non prorsus destitui illo tactu. Sed *requid dolore quoque afficitur cerebrum?* Iudico nec prorsus dolore expers esse. Verum & ista lucem accipient, ex iis, quæ infra de sensibus proposituri sumus.

§. LXVI. Quæstio duodecima est: *An cerebrum obtineat etiam motum proprium?* Plurimi Medici affirmativam tuentur, judicantes cerebrum non quidem motum voluntarium, qualem inter eos aliqui accipiunt, sed tamen naturalem systoles & diastoles competere, idque ob tres causas, nimirum ut aerem externum attraheret pro refrigerio, melius nutriretur, & excrementa exoneraret. Sed eorum opinio longe probabilior est, qui consent talem motum cerebro non competere. Nam nec fibris ita validis constat, & mollities cerebri ei motui repugnat, & nullus quoque ejus usus est. Quippe si fistulam aere plenam naribus admoveas, nisi inspires, nullam aeris attractionem deprehendes, ut sic appareat aerem non attrahi. Et quare attraheretur? Certe non ita calidum est cerebrum, ut refrigerari debeat. Quin potius ab aere externo læditur, ut ideo in vulneribus capitis ad cerebrum penetrantibus, aut alioquin in terebratione Chirurgi sedulo caveant, ne aer frigidus ad cerebrum appellat. Si autem propter nutritionem illo motu cerebrum opus habet, qui sit quod non singulis partibus ille motus tributus sit? Neque enim cerebrum speciali ratione commovetur. Idem assero de excrementorum cerebri expurgatione. Imo valide illorum sententiam oppugnat, quod spinalis medulla ejusdem cum cerebro naturæ

cum motum non habeat, & quod ille motus, qui judicatur esse cerebri, præcise observet motum cordis. Vnde merito docti viri concluderunt, non esse cum motum tam cerebri, quam arteriarum, quæ forte aliquam portionem cerebri secum elevent. Sed urgent, si ita sit. spinalem medullam quoque & lienem aliaque viscera eodem motu percelli debere, ad quæ repono, spinalem medullam non ita multas arterias aut ita magnas accepisse, ut illa apparentia notari possit: in liene autem, quanquam arteriæ multæ sunt, tamen per substantiam ejus disperguntur, atque etiam tanta cavitas pro iis lieni insculpta est, ut propterea non opus sit, eum ex illis elevari. Interim in obstructionibus earum & validis pulsationibus lien quoque advertitur ex illis elevari. Sed *quare*, inquit quisquam, *nisi propter hunc ipsum motum cerebri, dura meninx aliquantum à cerebro superiore parte amota est?* Dicimus propter motum arteriarum, & ne cerebrum nimium contringeretur. Verum rursus quis quærat, *quomodo cerebrum ad motum arteriarum moveatur?* Iudico, quatenus arteriæ per membranam etiam tenuem productæ sunt, quæ cum cerebro continuentur, aliquatenus portiones ejus movent. Hinc non censemus totum cerebrum, sed tantum portiones quasdam vasis illis vicinas ab illo motu affici.

§. LXVII. Quæstio decima tertia est: *quomodo cerebrum ad partes mittat spiritum animale pro sensu & motu?* Non scio, quod hæc quæstio fuerit à quoquam soluta, itaque meam solum opinionem afferam. Censeo ergo principio mitti in partes singulas animalem spiritum propulsum, quatenus novis spiritibus aggenitis priores expelluntur in nervos, & maxime eos, qui pauciores habent spiritus, modo ne sint obstructi, aut alia ratione occlusi. Hoc ipsum confirmatur ex somno, in quo ob paucitatem nulli aut tantum pauci spiritus in partes immittuntur: dehinc in insomniis, ubi ob modicam copiam interni sensus vigent, at externi operari non possunt: & etiam ex aliis inditiis. Deinde arbitror *directionem animæ hic intervenire*, unde in lætitia multi mittuntur, in tristitia vehementi autem subito remittuntur, in ira autem varie concitantur. Si quis judicet: *partes etiam ob opus suum trahere quoque spiritus animales*, ei non repugno. Naturalissimum enim est, ut quo quid eget, id attrahat. Viso eo, quomodo ex cerebro immittantur in partes animales spiritus, non potest esse obscurum, *quomodo spiritus animales in cerebro retineantur?* Nimirum ob paucitatem, necessitatemque cerebri, quia naturalissimum est sibi prius, quam alteri prospicere: deinde ob ligationem spirituum, quod à frigidityte, vaporibus humidis frigidisque, halitibus narcoticis, aut similibus exhalationibus fieri potest: iteunque

itemque ob quietem animæ, ut in somno; ac denique ob viarum obsessum, ut pariter in somno, paralyti, pluribusque aliis symptomatis evenit.

§. LXVIII. Quæstio decima quarta est: *An per alios nervos motiva, per alios sensitiva vi inhiat?* Censent aliqui nervos duos esse motores, at nervos mollés esse sensitivos. Sed oppido falluntur, quoniam iidem nervi per diversos ramos & sensui & motui commodant. Itaque concedimus quidem influxu spirituum per nervos alios vim motivam, per alios vim sensitivam vigorari. Iudico tamen hoc non fieri tam propter nervos, quam propter insertionem in diversas partes aut motui aut sensui destinatas. Nam nervi sola vehicula sunt spirituum animalium, & illi pariter ejusdem speciei. Et id quoque absonum esse post ostendemus, nervorum istorum contractione aut extensione motum celebrari, & sensum nervorum immutatione à sensibilibus objectis. Hinc solvi potest quæstio: *quomodo in partibus sensus vel motus perire possit, incolumi altero?* Nimirum si diversæ partes sint sensui motuique dicatæ nihil difficultatis hic occurrit: quoniam nervo ad unam partem tendente obstructo, sed alio nervo ad alteram pergente salvo perit illa operatio, quæ à parte ad quam obstructus nervus pertingit celebratur, altera incolumi. Cæterum si in una parte utraque operatio celebretur, fieri non potest, ut pereunte sensu remaneat motus, quoniam ad motum plures spiritus requiruntur quam ad sensum. Nisi judicemus fieri quoque posse, ut diversa habitudo ad sensum, diversa item ad motum exigatur: tum enim non foret id impossibile. Vera enim illa regula est: *Recipiens non recipit ad modum imprimentis, verum ad modum receptivitatis suæ.*

§. LXIX. Quæstio decima quinta est: *An ab alio principio vi motiva, ab alio vi sensitiva pendeat in influxu per nervos?* Arbitrantur aliqui à membranis cerebri vim sentiendi, at à substantia ejusdem vim movendi per nervos cum spiritibus propagari. Sed horum sententiam judico esse falsam. Nam id quo sensus & motus in partibus obitur, influit per nervos. At illud, quod per nervos influit, solum influit per porositate ejusdem existentem in cerebri substantia per nervos producta. Hinc obstructis nervis, perit sensus motusque alieubi in diversis, alicubi in iisdem partibus. Sed inquirunt cerebrum non sentit secundum suam substantiam, itaque sensum partibus tribuere non potest: membranz autem cerebri sentiunt, & cerebrum ipsum movetur. Ergo ista vis ab illis partibus communicari potest. Sed hi male supponunt, vim ipsam à cerebro partibus communicari. Neutiquam vero. Sed illa in ipsis partibus est, sicuti anima cujus illa adjunctum

adjunctum est. Sed quia anima in illis partibus dependenter existit, ita etiam in eisdem in operando dependens est, ut adeo pars princeps aliquid contribuere necessum habeat, quo illam functionem anima in minus principe parte expediat. At illud est spiritus animalis, quem non membrana cerebri, sed cerebrum solum conficit & immittit, sicuti ante visum est. Alioquin si ad illorum modum argumentari liceret, membranae cerebri deberent audire, videre, gustare, & olfacere, cum secundum eos illarum operationum vim tribuant. Sic cerebrum quoque non naturaliter, sed voluntarie moveri deberet, quandoquidem talis motus largitionem ipsum tribuere dicitur.

§. LXX. Quæstio decima sexta est: *an & qualiter cerebrum sit princeps pars?* Quod sit princeps pars omnino ex dictis patet: quoniam enim inferioribus partibus spiritum animale tribuit pro sensu & motu, eas hac ratione gubernat. Cæterum ille principatus non est *independens*, aut *summus*, sed *dependens* & *subordinatus*. Nam antea monstratum est, cerebrum à corde in omnibus functionibus suis dependere. Pariter ille principatus cerebri non est *simpliciter universalis*, sed *particularis*, aut *universalis restrictæ*, nimirum respectu omnium inferiorum partium sensui & motui animali destinatarum, & quidem respectu harum functionum. Quando itaque cerebrum diximus universum corpus gubernare, hoc secundum datam restrictionem intelligendum est.

§. LXXI. Quæstio decima septima est: *quomodo cerebrum partes inferiores regat?* Non nempe per *illustrationem*, nam nemo id regimen advertit, & cerebrum quoque nullo lumine præditum est, neque partes illo opus habent: neque etiam per *facultatis influxum*, nam facultates animæ immanentes sunt, & ad eos nulla datur alteratio: sed partim per *spirituum communicationem*, quemadmodum ante notatum est; partim per *directionem secundum imperium judicii*, quod non in sensu, sed tantum in motu locali obtinet. Advertimus enim intra certam mensuram posse nos pro lubitu intendere & remittere spontaneum motum, & cum diversis modis exercere. Solent quidem non pauci eam directionem negare, & omnia spiritibus ascribere, & pro eorum depletione vel impletione contractionis musculorum quantitatem & qualitatem definire. Sed hi ægre explicare possunt, qui fiat, quod subito, ubi muscoli aliqui plene contracti sunt, pro lubitu extendere, & vicissim contrahere possimus, citra sensum doloris ex repletione nimia, aut influxus subiti, aut sensum refluxus subiti, ob contrarii musculi motum. Imo convulsionis natura videtur pariter aliud ostendere,

stendere, quoniam sive ea ex repletione sive etiam irritatione fiat, non licet nobis pro libitu eam tollere aut mutare. Sed hic quærat quisquam: *quare sensuum exteriorum operationes non regantur arbitrio iudicii, sed tamen sic regatur motus spontaneus?* Hoc natura sapienti & benigna ratione constituit, quoniam ex bono nostro informari debebat sensus secundum totam vim objecti, at ad bonum prosequendum & malum fugiendum certa ratione habiles esse debebamus. Accedit, quod si ex re sensuum non sit, sustinere objecti efficaciam, vi motus voluntarii objectum declinare possimus, ut sic non opus fuerit, similem vim in sensuum organa exercere & possidere.

§. LXXII. *Prout cerebrum anima rationali inservit*, sic ei tribuit phantasiam, quo ad intelligendum, quamdiu in corpore existit, indiget in prima intellectione. Nam ut Philosophus recte enuntiavit: *Sapientem oportet phantasmata speculari*; & quoniam phantasma ab externis sensibilibus pendet, etiam universalius: *Nihil est in intellectu, quin prius fuerit in sensibus*. Solent quidem huic cognoscendi ordinem quidam invertere, sed sic universam quoque naturam & Dei institutum invertunt, ac immutant, ut alibi à nobis notabitur. Hic solum quærimus, *an ex asserto nostro sequatur, quod anima rationalis in operando sit dependens à corpore?* Notandum est, quod *dependentia* sit duum generum, quædam *objectiva*, quædam *instrumentalis*. Hæc tantum veram dependentiam in operando à corpore importat, utpote quando aliquid per instrumentum corporeum operari necessum habet: atque animæ rationali non competit: at illa, prout animæ rationali specialis est, solum infert animam rationalem esse in humano corpore, atque cum superioris generis sit, quam sunt aliæ animæ, requirere, ut illarum actiones prius exercentur.

§. LXXIII. Cerebri naturam ac functionem explicavimus, nunc porro ad organa sensuum exteriorum transeundum est. Hæc antequam in specie declarantur, prius solvenda illa quæstio est: *An in organum externum sensuum celebrentur illorum sensationes, an vero omnes sensationes in cerebro expediantur?* Posterius accipiunt quidam acutissimi Medici & Philosophi, veruntamen meo arbitrio prior sententia probabilior est. Nam quoniam in sensoria externa imprimitur objectum sensile, & in eodem repræsentatur, probabile est, quod etiam de eodem ibidem iudicium formetur. Quippe qua ratione ibi impressa objecti externi idea ad cerebrum deferri possit? An quatenus impressio illa quoque in nervos fit, & spiritus? Dicere non possunt, quod id fiat impressione in nervos. Nam quid tum opus artificiosa illa structura organorum, si sufficit impressio in nervos. Excipere

pere non queunt, id fieri ob varietatem objectiprehendendam. Nam quia ipsa objecta in se diversa sunt, possunt illos nervos pro varietate sua varie afficere, ut frustra secundum eos organa illa videri queant. Sed hoc dimisso illud urgeamus. Vbi anima est cum idoneo instrumento, si objectum ibidem recte exprimitur, id cognoscit. Sed in organo sensorio externo existit, & habet spiritum animale sufficientem, & in eodem organo fit objecti expressio. Ergo. Imo experientia quoque assertum nostrum firmare potest. Quotus enim quisque est, qui non percipit, aliam esse rationem cognoscendi dolorem, quem nobis imaginatione sistimus, & quem impressum sentimus. Neque illorum documenta ita urgentia sunt, quin facile dissolvi queant, utpote quæ tantum probant, necessum esse, ut cum sensorius externis cerebrum influxu spirituum conspiret, aut quod sæpe imaginatione nobis sistamus, quod non est. Primum arguit, quando ob morbos cerebri, aut nervorum obstructionem, perit in organo sensorio motus. At alterum ex hinc conjicitur, quod sæpe alicubi dolorem nobis esse imaginamur, ubi non est. Hoc præsertim accidit, quando antea dolorem acrem in aliqua parte percepimus, quem nobis memoria suggerens sæpe quasi præsentem objicit. Sed vero statim apparet diversitas. Cum dolor præsens multo magis non urgeat, ac vehementius nos lancinet, viresque adeo prosterнат, quæ neutiquam facit dolor visus seu imaginationi solum præsens. Hoc assertum nostrum confirmari potest ex variis melancholiarum hypochondriacarum apparentibus speciebus.

§. LXXIV. His ita constitutis nunc ad organa sensuum exteriorum transitur, & principio quidem ad organum visus. Licet enim quinque sensus externi sint, visus, auditus, odoratus, gustus, & tactus, tamen visus inter eos præstantissimus censetur, siue objecti excellentiam consideremus, siue ejusdem multiplicem varietatem. *Organum visus est oculus*, quem primum considerabimus ut totum, dehinc ut in partes divisum.

§. LXXV. Cum *oculum ut totum* consideratur, perpendenda sunt ejus magnitudo, figura, situs, numerus, motus, temperies, & functio. *Oculi magnitudo* absoluta definiri non potest, id tamen in genere notandum, quod non semper optimi maximi oculi. Sicut enim in speculis aut tubis quibusdam opticis parvis artificiose constructis, perfectissime rerum imagines exhibentur, ita non minus in oculis parvis contingit, utpote in quibus omnia minore quantitate depingenda sunt, secundum proportionatam habitudinem tum aliorum, tum maxime magnitudinis pupillæ, & distantiz illius membranz, in qua pictura fit. *Figura oculi* rotunda, sed oblonga est,

est, pariter ob debitam comprehensionem humorum in illis continendorum, & accuratiorem objecti representationem. In superiore loco positi sunt oculi, tum ut sic melius undique varietatem specierum visibilium hauriant, tum ut viciniore origini spinalis medullæ uberiore spiritu possent imprægnari, imo ideo quoque, ut cum ob continuum motum irritigari sæpicule debeant, cerebro ad illos humiditatem aliquam amandanti essent viciniore. Dehinc in *antere corpore* quoque parte locati sunt, ut sic melius, cum ad anteriora moveamur, motum eum dirigere possint. Imo antorsum alia quoque functiones celebrantur. Porro in sua cavitate siti sunt, superne osse frontis prominente, propter perfectiorem visionem, ut post notabimus. *Oculi duo* sunt certa ratione à se invicem distantes, ob distantiarum raeliorem apprehensionem, non præcise ob pulchritudinem, quanquam satis deformis ille aspectus futurus fuerat, si instar Polyphemi quis oculum in media fronte ostenderet. Undique fere moventur oculi ob musculorum variam habitudinem, quemadmodum id ibidem notabimus. *Temperamenti oculi* non sunt uniformis, cum ex diversis partibus constent, at tamen respectu potioris inter doctiores agitur, *an oculi sint calidi & sicci, adeoque ignea natura; an frigidi & humidi, adeoque natura aquea.* Si magnorum viroꝝ suffragiis meum quoque calculum subijcere debeam, posterioribus accedo. Nam humores, qui potissimam oculorum partem faciunt, frigidi & humidi sunt, & ab his interiores partes perpetuo humectantur, sicut vicissim forinsecus humores à cerebro affluentes pariter eosdem humidos faciunt. Et nulla apparet ratio, quare oculi ignei constitui debuerint. Nam quo illi obscuriores sunt, eo perfectius in illis visibilium rerum species depinguntur.

§: LXXVI. *Conditi sunt oculi propter visionem*, quod munus quomodo in genere exsequantur, hic breviter videbimus, cum quid singulæ partes ad eam contribuunt, in posterioribus simus explicaturi. Priucipio hic queritur, *an oculi visionem celebrent recipiendo visibilium ideas, atque eas dijudicando, an aliquid ex se depromendo, & vel in rebus ipsis id quod visibile in illis est perspicendo, vel ex iis id eliciendo:* Seu quod idem est, *an visio fiat receptione seu immissione specierum in oculum, an vero emissionem seu radiorum seu facultatis visivæ?* Nos prius membrum amplectimur, atque id confirmamus tum ex communi omnium sensuum conditione, qua ab objectis suis per species afficiuntur, quas postea dijudicant, tum ex manifesta experientia, quæ non solum in camera clausa, sed & ipsis oculis docet à visibilibus species aut luculas quasdam propagari, quæ objecta sua representent. Ne

urgeream absurda, quæ adversam sententiam premunt. Nam virtutem vivam ab oculis dicere emanare, est concedere virtutem aliquam immanentem à subiecto suo dimoveri, quod inanissime est contradictorium. Spiritus autem qui ex oculo ab illis concipiuntur procedere, an rectam viam legunt, an curvam, quomodo retorquentur, quomodo objecti ideam recipiunt, quomodo oculo signant? Omnia ista tenebrarum sunt plena. Et quæ quæso impossibilitatis assertio, cum oculi simul multas tam dissitas stellas à se & à terra tanto intervallo remotas spiritibus suis adeunt, & commensurant? Annon ipsos cum toto cerebro, addo & corpore toto, in spiritus resolvi debere credibile est? Et qui faciunt id tam cito?

§. LXXVII. Sed mittamus ista, & potius secundo loco inquiramus, *quomodo in oculis visibilia exprimentur?* Initio experientia docet expressiōnem illam esse explicitam, per repræsentationem per colores aut lucēs, sicut ipsum visibile objectum se habet. Id & in camera clausa, & in oculis ipsis adverti potest. Illius modus notus est, sed hic taliter se habet: postica parte eruti oculi, pinguedine & musculis separatis, debita ratione tunica cornea amoveatur ab uvea, & oculus candelæ lucenti aut aliis lucidioribus objectis opponatur, intuitu directo in partem, ubi cornea ablata est. Magna cum jucunditate tunc visibilia suis coloribus depicta & inversa quidem conspiciuntur, sed multo minora, quam quidem sunt. Itaque res certa est. Sed hic oritur quæstio *an illa repræsentatio sit formalis vel virtualis?* Tota quæstio nominalis est. Nam si per formalem repræsentationem intelligas claram & explicitam, ex dictis negare non possumus, quin sit formalis: & vicissim si per virtuales intelligas repræsentationem, quæ sit per aliquid, quod non est objecto consimile secundum essentiam, sed solum per ideam, quis neget, esse eam repræsentationem virtuales? Si tamen quis sequi velit frequentiore usum formalis repræsentationis apud Scholasticos usitatum, formalem eam repræsentationem dixerō. Sic enim illi verbum mentis seu species expressas formaliter signare sua objecta docent, non aliam ob causam, quam quia clare & explicitè suum objectum repræsentant. Eo sic constituto, rursum quæritur: *An cum illa species, cum ista repræsentantur, ipsæ quoque videantur, an tantum per illas objectum?* Non negari potest ipsas species videri, cum id quilibet experiri possit, & in camera clausa & in oculo, sed non ita videntur, ut in illis ultimo visus sistatur, verum ut ipsorum cognitione interveniente ducant in cognitionem objecti. Hoc est, quod quidam ex Scholasticis dicunt. *Species visibiles videntur, ut quibus: sed non ut quæ, quoniam non sunt ultimum visionis objectum.*

§. LXXVIII.

§. LXXVIII. Deinde id quoque pertinet ad modum expressionis istius per species, quod *omnia inverse in oculis depingantur*, h. e. dextra in sinistris, & sinistra in dextris, superiora inferius, & inferiora superius, & ita porro. Hoc pariter in experimentis allegatis patet ad oculum. Verum hic dubitatio oritur: *quomodo tum rectum fieri possit iudicium?* Optime quidem, quandoquidem id secundum rectam lineam fit, quod si observetur, recta de rebus formatur. Non itaque opus est fingere animam superne despicere, & sic rerum species apprehendere. In toto ea oculo est, & quidem eodem modo, ut sic operationem eam non obeat. Et quid, annon spiritus directe in oculum influunt, & per eum undique diffunduntur? Cum ergo anima per spiritus agat, quis credat eam ita superne deorsum prospicere?

§. L XIX. Pertinet id quoque ad modum visionis, quod *omnia minora in eo represententur quam sunt*. Nam id experientia citata manifeste ostendit. Et veritas exinde quoque patet, quoniam oculus respectu rerum aliquarum visibilium valde parvus est. Hinc sumpserunt illi, qui emissionem alijus ex oculo celebrari urgebant, argumentum, quo nostram sententiam oppugnarent, quippe ex qua sequeretur, omnia quæ videntur videri debere minora, quam revera sunt. Sed sciendum est, sicut in omni externo sensu, ita etiam in visu discernendum esse sensile proprium, & sensile commune. Illud propria ratione sensum afficit: hoc autem communi tantum. Nihil autem diversis sensibus commune est, quam communis vis cognoscendi & dijudicandi, unde id consequitur, ab hac vi debere magnitudinem rei percipi, imo secundum propriam magnitudinem, licet minor exhibeatur in organo, quia licet est in illo organo, non tamen ab eo organo simpliciter specificè movetur. Verum hic surgit quæstio: *qua vi illa cognoscendi facultas propriam magnitudinem venetur?* Iudico aut vi inferendi, aut illi quadam analogæ. Quippe ex cognita distantia rei, & consideratione anguli incidentiæ, aut alio modo, ut apud Opticos invenire est, investigari potest mensura magnitudinis rei. Hanc rem vero ideo præstamus promptius, quoniam à pueris ei jam assuevimus, & talis vis nobis à natura, ut pote quæ in necessariis non deficit, nobis congenita est. Scholastici & alii quidam hanc rem multo solvant facilius, at non scio, an satis vere ac sufficienter. Inquiunt enim species visibiles representare sua objecta non formaliter, sed virtualiter, itaque non mirum esse, quod licet ipsæ exiguæ sint, tamen magnitudinem multo majorem bene ingerant. Verum quilibet advertit id supponi, in visu esse solum objecti representationem virtualiter,

lem, quod nisi debite explicetur, falsum est; & id non explicari, in quo virtualis illa repræsentatio consistat, & quomodo fiat. Proinde in prior solutione ab Opticis petita acquiescere malim. Atque sic soluta quoque illa quæstio est: *qui fiat, quod licet omnia in oculo repræsententur minorâ, tamen sub debita sua magnitudine concipiantur?*

§. LXXX. Pariter nec hoc reticendum est: *quod nec distantia objecti in oculis exacte repræsentari possit, sed pariter iudicio illativo aut ei analogo debeat percipi.* Quippe oculi non ita profundi sunt, ut distantia recte exprimi queat. Sed hic vicissim in dubitationem venit, cui innitatur iudicium illud. Posset quidem dici ex adverso ex magnitudine alicujus cognita cum angulo incidentiæ inferri posse notitiam distantiz: attamen præcipue experimur, diversam repræsentationem in utroque oculo eo maxime conferre. Vnde unico oculo nullatenus, aut ægre distantia percipi potest, quemadmodum nos experientia docet. Quomodo autem ex diversa objecti in utrumque oculum incidentia distantia colligatur acute docet Keplerus in paralipom. ad Vitell. Scholastici hic itidem urgent suam repræsentationem virtuales, de qua quid sentiamus, jam fuit declaratum.

§. LXXXI. Porro *pictura fit in utroque oculo, & tamen non apparet objectum visibile geminum.* Hoc qua ratione fieri possit, non unanimis est omnium Autorum sententia. Aliqui arbitrantur id fieri ob unam vim cognoscendi, quæ in duobus oculis consistit. Sed hi non possunt explicare, cum similis una virtus tangendi in una manu consistat, qui fiat, quod cum eadem pungitur duobus locis proximis, tamen duplicem punctionem persentiscat. Itaque apparet ubi vis eadem numero inadæquate in diversis partibus existit, & illæ diversæ partes se non habent per rationem unius organi, quod tunc non excuset unitatem apprehensionis, si diversas illas partes etiam unum objectum moveat. Aliqui putant id fieri, quia uno eodemque tempore unum illud idemque objectum utrumque oculum moveat: sed aliam causam subesse id docet, quod non solum ebriis omnia appareant gemina, sed unicuique hominum, si alterutrum oculum leviter digito intorquet. Alii igitur id tribuerunt conjunctioni nervorum Opticorum, antequam oculis inferuntur. Sed hi primum id male supponunt, spirituum ab oculis in cerebrum dari refluxum, quod nullatenus verum videtur, cum per eosdem nervos iussuere & refluere spiritus citra magnam confusionem & turbationem non possint, à qua natura tamen semper abstinet. Deinde id quoque male supponunt, in illo medio nervorum opticorum, ubi illorum concursus est, fieri repræsentationem objecti visibilis, cum
contra

contra verum sit, fieri illam repræsentationem potius in oculis, ut supra notavimus. Quandoquidem enim nervi spirituum vectiōi dicati sint, & in nullis aliis nervis fiat repræsentatio hujusmodi, ne in his quidem fieri credendum est. Ergo probabile est, id ideo fieri, quia in utrisque oculis eadem ratione objecta eidem animæ repræsentantur, unde accidit, ut ob levem oculi intorsionem, aut non æqualem utriusque oculi motum res singulæ geminæ appareant. Huc quoque id facit, quod natura duos oculos simul pro adæquato visus organo condidit, unde consequens est, quod unum objectum in utrisque simul solum ut unum percipiatur. Hinc licet etiam causam petere, *quate cum sint due aures, in quibus singulus idem sonus exprimitur, tamen ut unus sonus solum apprehendatur*: itemque, *quate cum sint duo processus papillares cerebri, in quibus odores singuli recipiuntur, tamen non geminetur odorum perceptio*?

§. LXXXII. Ista quidem in genere de oculis proposita sint, nunc ad partes oculorum singulas transeundum foret: verum hic nobis istud ad huc notandum est, quod singulæ istæ partes ideo conditæ sint, ut vel recipiant repræsentationem objecti, vel inserviant expressiori receptioni, vel oculi temperiem conservent, vel necessaria oculis apportent. Recipiens repræsentationem pars oculi una tantum esse potest: sed juvantes vario modo id præstare queunt. Nimirum initio aliquæ partes arcent nimum externum lumen: aliquæ etiam tenebrositatem majorem inducunt: aliæ admittunt visibiles species: aliquæ dehinc refractione varia expressiorem specierum picturam faciunt: aliquæ partes varie oculos movent vel secundum se totos, vel secundum aliquas partes; aliquæ etiam continent oculos, ne humores ejus diffluant, & in sede sua conservant; aliquæ denique arcent affluxum excrementorū, quibus visio impediri poterat. Rursum partes conservantes oculorum temperiem & advehentes necessaria non ita variant, ut in genere illarum divisio debeat adduci. Præcipua illorum probari possunt per experientiam cameræ tenebrose, in qua omnia exteriora per foramen incidentia in adverso pariete albo vel charta opposita depinguntur & manifestantur. Et rationes physicæ facile quoque suppetere possunt. Vt reliqua, ut nota maxime, omittamus, hoc tantum queramus, *quate ob exactiorem specierum visibilibus expressionem conveniat, ut partes quadam externum lumen arceant, aliqua etiam tenebrositatem inducant*? Invenio duplicem præcipue rationem. Prima est, ut organum sit denudatum ab objecto omni, quoniam alias adveniens objectum non posset bene exprimi. Deinde, quia species, utpote intentionales, valde debilis sunt essentia, quæ à quocunque reali

reali obistente aut reprimente facile absorberi queunt. Forte tamen utraque hæc ratio, utpote subordinata, aliquo modo in unam recidit.

§. LXXXIII. Sunt vero *partes oculorum* quædam *externa*, quædam *persineites ad ipsum bulbum oculorum*. *Externa partes* sunt maxime *palpebra*, sed nos etiam de *superciliis* quædam adducemus. Quæ dicantur *supercilia* in prioribus jam supra explicatum est, itaque nunc solum in eorum officium inquiramus. Et quidem principio quin comminui officio pilorum fungantur, de eo nemo dubitat, sed id quæritur, *an & quale officium proprium habeant?* Initio illud videtur probabile, *supercilia oculorum causa condita esse*. Quippe & ab oculis circumscriptionem, & figuram nanciscuntur, unde & qua ad nasum & qua ad tempora vergunt, non longe ultra oculos procedunt. Nam quod quibusdam in naso continuantur, id non est tam naturale, unde & austeri & vehementis animi indicium esse Physiognomi asserunt. Deinde statuunt bene Autores, *avertendis ab oculis sudoribus aliisque excrementis naturalibus aut praternaturalibus superne defluentibus dicata esse*. Neque id difficile foret probare, ex situ, figura, & terminatione, nisi experientia abunde comprobaret. Attamen hoc officium non semper obtinere possunt, ubi vel copia, vel gravitate excrementa illa limites superant, & in oculos incidunt. Verum *an etiam umbra sua visioni conducunt?* Licet non multum sic commodare possint, tamen quin aliquantum juvent, non ambigo. Atque ideo quoque frontis os superne ita exsertum esse credo. Id enim experientia comprobatur, profundius sitos oculos perspicaces magis esse, unde & oculorum debilitati sola umbrositate aliquando succurrimus. Quod autem *non profundius locati sunt*, accidit non solum, quia cerebrum postica parte locum majorem postulabat, verum maxime, quia non tam longe commode prospectus patere potuisset, quam quidem homini commodum erat.

§. LXXXIV. *Palpebra* oculorum singulorum *dua* sunt, una *superior*, altera *inferior*, quarum hæc in homine *minor*, illa *major* est, utraque deinde mobilis ad mutuum contactum, adeoque oculorum occultationem, sed major speciatim etiam motum contrarium habet, unde oculi aperiuntur, adjuvante apertionem forte etiam gravitate inferioris palpebræ. Constant palpebræ cuticula, cutis, tunica succingente, ciliis, pilis, & musculis, quibus adjunguntur vasa omnis generis. *Cuticula & cutis* nihil habent peculiaris, nisi quod cutis valde gracilis est. *Membrana* dehinc *cingens* à periostio est, quæ ubi ab interna parte oculorum cavitatem replevit, musculos oculorum involvit, atque sic regreditur, tandemque in oculi bulbum exterius terminatur.

Cilia

Cilia extremæ palpebrarum terminationes cartilagineæ sunt, quibus *pili* innascuntur, in quibus id rarum, quod & recti omnes & certæ mensuræ sunt. *Musculi* palpebris in oculis singulis *tres* competunt, *duo superiori, unus inferiori*. Hic respondet alterutri illorum, eique ita connexus est, ut vix ab invicem discernas, imo forte unus musculus est, utpote cum utraque palpebræ simul ad se invicem moveri debeant. Neque aliud unitati ejus officit, quam duplicis nervi diversis in locis insertio. Figuræ orbicularis est, & quoad situm incipit à majori oculorum angulo & per inferiorem palpebram ad angulum minorem contendit, & hinc porro per palpebram superiorem deductus tandem ad exortum suum revertitur. Et hic musculus præest oculorum contractioni. Tertius autem musculus soli superiori palpebræ competit, rectus & longiusculus est, oriundus in oculi orbita superiore parte, & latiore tendine in palpebræ superioris crepidinem desinens, inserviensque ejusdem elevationi pro apertione oculi. Vasa quæ & unde habeant ex prioribus est manifestum.

§. LXXXV. *Officium palpebrarum* est oculos aperire & claudere, adeoque sic visioni commodare, abstergendo ab impuritatibus corneam, avertendo nimia & excedentia objecta, & admittendo convenientia: imo etiam quieti tum sensus visus tum aliorum multum conducunt. Ad id officium singulæ partes conspirant, quemadmodum ex singularum cognitione facile intelligi potest. Id tamen non negligendum, pilos in ciliis enatos vel maxime umbrositate sua expressiori specierum picturæ conferre, unde plerumque nigricantes hominibus obtingunt, & quibus albi competunt, non ita perfecte vident. Occurrunt circa palpebras nobis enodanda quædam non ingrata *problemata*. *Primum* est: *Quare oculis solis data sint opercula nulli autem alii sensuum externorum organo?* Nam aures nullo tegumento foris muniuntur, nares quoque patulæ sunt, & cutis libera est: & licet lingua sepimento aliquo videatur defensa, tamen id forte propter pulmones potius, & proprium officium, quam ut gustus organo prætenderetur conditum est. Solus itaque visus suo munimento circumseptus est. Sed quare? Non improbable videtur, id factum esse propter sensus visus agilitatem, & communionem cum reliquis sensibus. Hoc inde observamus, quod quamdiu oculos apertos tenemus, aut tenere necessum habemus, dormire non possumus. Imo, quibus palpebræ præcinduntur, vigiliis facile enecantur, nisi illarum defectus alicujus substitutione compensetur. Sed hic rursus quæstio incidit: *unde illi visus agilitas & aliorum sensuum communicatio dependent?* Probabile est eam provenire à copia spi-

rituum, & à forti motione hujus organi ab objecto visibili. Observamus enim si aliis quoque sensoriis valida objecta occurrant, quod pariter somnum excutiant. Ista autem solutione primi Problematis neque illis contradicere volumus, qui statuunt *palpebras esse conditas, ut perpetuo abstergant corneam*, atque sic ejus munditiam conservent. Nam subordinata & coordinata non pugnant. Interim possunt hæ duæ rationes de primatu concertare, in cujus certaminis consortium venire potest & tertia ratio, quod illa *oculorum segmenta contractione conveniente debitam umbram per pilos ciliis innatos inferant*. Vnde cum rem perfecte perspicere volumus, quantum possumus ad pupillam palpebras adducimus, ut connivendo tantum rem melius perspiciamus. *Secundum* Problema est: *Quare homini inferior palpebra minor contigerit, quam superior?* Existimant aliqui, ne si inferior foret major, quam condita est, gravitate sua sæpe sublideret, atque sic oculum non tectum relinqueret, & pariter intra se plurima excrementa cumlaret. Sed hæc non metuenda esse aves docent, quibus inferior palpebra major contigit. Et ratio etiam idem facile confirmat. Pone enim paulo stabiliorem palpebram inferiorem esse factam, aut accurate attentam vixæ, liquet, quod illa incommoda non sint metuenda. *An ergo ut promptior esset etiam inferiorum aspectus?* Nam si inferior palpebra major homini obtigisset, cilia altius prorecta inferiorum visibiles species exclusissent, nisi vel deorsum homo caput declinaturus fuisset, vel illa palpebra musculus habuisset, quo aperiri posset profundius. Sed propter illam palpebræ parvitatem natura & carere potuit isto musculo, & prævenit, ne plerumque contra rectitudinis postulatam & cum aliqua incommoditate caput deprimere necessum haberemus. Qui vero putant, suo arbitrio naturam respectu finis hominis melius acturam fuisse, si inferiorem palpebram majorem fecisset, ut sic perpetuo quasi cælum inspiciant; caveant, ne dum supera perpetuo spectant, incidant cum illo Astronomo in puteum. Nam etsi homo à sursum videndo in Græca lingua nomen sortitum est, id tamen magis pertinet ad perspicaciam intellectus, quam sensus, utpote qui quamdiu hic sumus pro necessitudine & moderamine justo inferioribus frui debet. Alioquin quare non in vertice capitis oculi humani positi essent, tum enim stans aut sedens continuo cælum spectasset. *Tertium* Problema est: *Nictatio seu frequens illa apertio & clausio oculorum, qualis sit motus palpebrarum?* Aliqui pure naturalem esse dicunt, quia nobis non volentibus contingit: aliqui contra pure voluntarium, quia per musculos celebratur. Atque his accedo. Nam quod forinsecus aliquo occurrente

currente claudantur, id fit ob vitiationem mali imminentis, atque sic pariter spontanee. Hoc per consuetudinem tandem fit ita familiare, ut etiam cum nolumus, non possimus aliter facere. Verum qui diu in contrarium nituntur, tandem impetrant eam vim, ut prout illis libet, possint oculos apertos detinere. *Quartum* Problema est: *Quare natura plerumque certam mensuram eamque satis parvam pilis ciliorum assignaverit?* Ne si magis excrescerent, nimia oculorum obumbratione visibilia ab illis averterent. Et quid? Singulis omnino partibus suam mensuram natura præscripsit, aliis quidem pressius, aliis autem latius. Adeoque ne pili quidem capitis, aut unguis in manibus in infinitum excrescerent, nisi præscinderentur. Quanquam hoc quoque caute declarandum est, cum advertamus maxime in unguibus nobis naturam amputationem monstrare, dum in pueris ubi longius excreverunt, natura decidunt, dum duriores facti, ita commode separari non possunt à sola natura. Verum de hoc alibi.

§. LXXXVI. *Palpebra ista*, de quibus hætenus egimus, quæ coeunt ad nasum & tempora in unoquoque oculo binos angulos constituunt, quorum ille, qui ad nasum consistit, major & obtusior est, at alter, qui ad tempora vergit minor & acutior. In majori angulo consistit *caruncula lachrymalis* carneum illud & aliquantum glandosum corpus tenuibus quibusdam foraminibus pervium, per quæ lachrymæ expurgantur. Istud corpus implet foramen istud, quod ex eo angulo in ossea oculi orbita in amplitudinem narium dehiscit. Officium angulorum Clarissimus Plempius esse judicat, implere vicem polorum, super quibus cardines oculorum circumgantur. Sed meo arbitrio poli imaginarii & cardines similes imaginarium tantum obtinent officium. Vt taceam cum osuli non solum sursum & deorsum, sed & ad latera, & undique moveantur, angulos ne polorum officio imaginario quidem fungi posse, nisi polos separatos à cardinibus suis quis dicere velit. Itaque meo arbitrio non habent alium usum, quam quod faciant ad debitam conjunctionem palpebrarum. Porro usus & officium carunculae lachrymalis satis patet. Nimirum inservit humiditatibus illis excipiendis & modice refrænantis, quæ à cerebro ad oculos propter irrigationem illorum transferuntur; & maxime videtur illa caruncula corneæ tunicae esse præfecta, ut sic non ante tempus exaresceret. At in tristitia commovent quoque lachrymarum imbri expurgando, quemadmodum id quotidiana experientia abunde docet. Antequam ab oculorum angulis abeam, id quaerimus. *An anguli palpebrarum, an palpebra angulorum partes sint?* Argutatur super hoc quaesito Plempius, & reprehendere videtur eos, qui dicunt,

cunt, angulos palpebrarum esse partes, & concludit subtilius dici, palpebras angulorum potius esse partes, cum lineæ potius angulorum, non anguli linearum partes constitui debeant. Sed facilis est illorum Autorum defensio. Nam *angulus* non solum sumitur *Geometricæ* & *abstractæ*, sed & *Physicæ* ac *concrete*. Et sic à Medicis anguli oculorum dicuntur extremæ palpebrarum partes coeuntes, sicut similes loquendi rationes ubique obviæ sunt. Imo si arguari libet, etiamsi *Geometricæ* sumatur angulus, falsum est palpebras esse angulorum partes. Quippe etsi lineæ determinant angulum, non tamen intrinsece eum componunt: angulus enim est spatium inter duas lineas coeuntes comprehensum. Neque est quod dicat, se dixisse magis palpebras angulorum, quam angulos palpebrarum esse partes. Nam non ens non recipit magis aut minus. Verum de his nimium multa attulimus.

§. LXXXVII. *Bulbus oculorum* componitur ex *glandulis*, *pinguedine*, *musculis*, *tunicis*, *humoribus*, ac denique *vasis*. *Glandulas* aliqui *duas*, aliqui *tres* oculis ascribunt, tamen semper & manifeste notatur una satis magna in superiore parte juxta externum angulum, at juxta interiorem angulum nulla visitur. Officium glandularum commune notum est, nempe excipiunt humiditates, & postea easdem evacuant: in oculis etiam idem obtinent. Quoniam enim illi perpetuo motu exercentur, ne exarescerent, continuo humectandi fuerunt.

§. LXXXVIII. *Pinguedo* dehinc uberrime oculo circumfusa est, quæ parte latet, atque ea quidem pinguedo crassior est, quam quæ sub cute reperitur, attamen nondum sebum esse videtur. Habet pinguedo consimile glandularum officium, quatenus pariter humectat, & quidem cum unctuosum humorem obtineat, valde oculos lubricat. Porro pinguedo quoque moderata sua caliditate temperiem oculorum servat, & à frigore defendit, quod etiam præstat densitate & crassitie sua. Aristoteles ergo merito 3. Probl. sect. inquirens causam, *quare oculi non rigescent*, Censet id à pinguedine ista provenire: quanquam vehementissimo frigore aliquorum oculorum rigore comprehensos fuisse observatum est. Circa hanc oculorum pinguedinem quæritur 1. *quare tam crassa sit, non ita mollis, ut illa, quæ cuti subjacet?* 2. Ne illo frequenti motu oculorum liquefieret. 2. *quare pinguedo non etiam anticam oculi partem occupet?* 3. Ne visui incommodaret. Nam si pupillam obtegeret visus plane fieri non posset, si juxta, impediret commodam specierum incidentiam, & oculorum necessarium motum, imo cum liquefceret, varia incommoda afferret.

§. LXXXIX.

§. LXXXIX. *Musculi* oculorum sunt sex, quatuor recti, & duo obliqui. Rectorum unus suprema, unus inferna, unus laterali interiori, & unus laterali exteriori parte supra oculum producitur. Omnes hi originem capiunt in postica parte orbitæ oculi circa foramen, per quod nervus opticus in oculum inseritur, & desinunt in latos, veruntamen tenues tendines, qui corneæ tunicæ firmiter conjuncti sub conjunctiva tunica usque ad iridem oculi producantur. Plurima pinguedine undique obfiti sunt, & ipsi non magni, unde cum magna difficultate tandem inveniuntur, quod etiam verum est de obliquis. Obliquorum unus superior est, atque major, & originem capit, fere juxta rectum in interiore laterali parte oculi situm, finiturque tendine aliquo exili, qui trochleam pertransiens tandem oblique lateri corneæ inseritur. Dicitur autem cochlea cartilago illa trochleæ similis, quæ ad majorem oculi angulum paulo supra glandulam ossi connectitur. Alter obliquorum musculorum oculi interior & minor est, & fere ex infima & intima recessus oculi parte producitur ad commissuram ossium maxillarum, & oblique progressus occurrens tendini prioris obliqui non procul ab ipso corneæ inseritur.

§. XC. *Officium* istorum musculorum est oculum ad suum principium movere, & quidem rectus supernus oculum sursum elevat, infernus deorsum ducit, lateralium quisque versus suum latus attrahit, obliqui denique circulariter commovent. Verum quia illi muscoli id plene absolvere non potuerunt, ideo motus capitis, ac ubi necessum est totius corporis, defectum illum supplet, sicut etiam idem capitis & corporis motus motum oculis non competentem in anteriora & posteriora compensat, ut sic oculi undique moveri possint, aut per se, interventu suorum musculorum, aut per accidens, propter capitis & corporis motum. Hic occurrit querendum 1. *Quare oculi motus talis undiqueque tributus sit?* Planissima responsio est, ut objecta visibilia ubicunque sita possent accurate percipere. Nam etsi oculi fere ad hæmisphærium undique perspicere possint, tamen ea solum distincte & accurate percipiunt, quorum radii directe in oculum feruntur, & ex conveniente distantia procedunt. 2. *Qui fiat quod oculi tam celeriter commoveantur?* Facit huc musculorum, & oculi rotunditas. Illi movent, hæc facit ad facilem motum. Spiritum quoque confertim in musculos oculorum pro ratione quantitatis ipsorum deductos non male quis nominaverit. Virget non nemo illam esse causam generalem, non propriam & incommunicabilem istius motus: sed oppido errat. Nam spiritus illi considerantur ut procedunt ex sua origine, & ut recipiuntur in oculorum

musculis. Illo modo sunt causa universalis, hoc determinata & particularis. Et ita se habet res in omni functione alia quacunque, quæ ope spirituum peragitur. Male igitur ob hanc sequelam Aristoteles ignorantiae Anatomicæ accusatur, & legum suarum demonstrativarum transgressor culpatur. Et unde probatur, Philosophum spiritum esse causam motus illorum? Imo ista quoque illatio non valet, in monumentis Aristotelis nihil invenitur scriptum de musculis oculorum. Ergo eos ignoravit. Nam non omnia Philosophus in scripta retulit, quæ scivit; neque omnia, quæ scripsit, plene & incorrupte in manus nostras venerunt; & quam multa scripsit, quæ aut non notamus, aut non percipimus? 3. *Quare natura instituit, ut utriusque oculi simul æquabili ratione ad unum objectum ferantur?* Vt distincta & perfectæ fiat visio. Quippe observamus, quod si oculos leviter intorqucamus aut inflectamus, res singulæ geminæ & indistinctæ percipiuntur. 4. *A qua causa pendet, quod uterque oculus in idem objectum simul dirigatur?* Iudico id provenire occasionaliter ab objecto, quatenus illud potentiam visivam movet: & effective ab anima per spiritus & musculos oculos ad perfectam visionem obtinendam movente. Nam antea notavimus, quod ubi oculi diversa ratione moventur, indistincta visio fiat. Hinc apparet etiam ratio: *quare in cætu oculi non eodem motu semper moveantur?* Quia nempe non habent finem istius consimilis motionis. Itidem hinc solvitur: *quare in recens natu etiam non similis oculorum motus semper observetur?* Quia illi non distincte objecta percipiunt. Id autem pariter addendum est, eam facilitatem similiter commovendi oculos consuetudine ita facilem & promptam fieri, ut postea etiam magno nisu nequeamus aliter facere. Vnde porro liquet, ideo etiam pueros motum oculorum congruum non ita prompte servare, quia ei nondum assueverunt. Imo inde solvi potest quæstio: *An ille motus sit voluntarius?* Omnino vero, quia non solum per musculos celebratur, sed & poterat fieri aliter, nisi utilitas & perpetua consuetudo taliter eum determinasset. Neque obstat quod necessarius sit, quoniam nihil falsius, quam nullum necessarium esse voluntarium. Et illud quoque falsum est, motum eum simpliciter esse necessarium.

§. XCI. *Tunica in oculis reperiuntur septem, nempe tunica adnata, innominata, cornea, uvæ, aranea, vitrea, & retiformis.* Harum omnium officium est continere & firmare oculum, verum sicut diversæ sunt, ita etiam diversimode id faciunt, & in oculo peculiariter sæpe obeunt munia, ut ex singularum declaratione innotescere potest. *Tunica adnata* extrema omnium est,

est, univcrsum oculum usque ad iridem ambiens, & sicut à periofstio originem capit, ita vicissim oculum cum partibus, quasidem periofstium tegit, conjungit, unde & *conjunctiva* dicitur. Maxime vero unit oculum cum ossæ orbitæ parte & cum palpebris. Hæc tunica ad iridem tantum pertingit, ne visui officeret sua opacitate. Porro forinsecus & anteriore parte albicat, ut ita album oculi partialiter ab ea derivetur. Merito ergo id quæritur: *An aliquem & quem usum præstet album oculi?* Forte à veritate non alienum est, quod scripsit Doctissimus Keplerus, ideo iridem & pupillam albo circumdatas esse, ut tanto magis elucerent, & quisq; posset cognoscere, an oculorum aciem in ipsum dirigeret. Hoc etenim novisse summe utile est. Verum quod addit, considerandum esse, annon ideo albus ea parte oculi globus constitutus sit, ne à luce Solis nimium impetatur, & omnino destruat; merito coarguit Clarissimus Plempius. Sed id quoque considerandum, & inquirendum, nam cognitum non habeo, annon si oculus totus anteriore parte niger esset, umbram novam de se fusurus sit, quæ occurrens umbræ pilorum in ciliis aliquatenus visionem turbet? Aut an alia ratione distinctæ visioni illud album conferat?

§. XCII. *Tunica innominata* oritur à tendinibus musculorum amplificatis & longius productis usque ad iridem, unde etiam tendinosa est. De hac quæritur: *An vera tunica sit?* Negant aliqui, neque forte immerito. Nam si illud probari possit, tendines tam late & protense insertos bulbo oculi facere ad meliorem motionem ejusdem, apparet, quod tunicæ peculiaris structuram natura ne quidem affectaverit. Et quidem hoc apparebit melius, si quod alii de officio hujus tunicæ attulerunt, ostendi queat minime satisfacere. Ajunt aliqui, quod tunica ista inserviat, ut ejus interventu musculorum in corneam fieret commoda insertio. Recte equidem. Sed ob quem finem alium, quam ut muscûli oculi suum officium obire possint melius? Alii ajunt, ob externarum injuriarum depulsionem tunicam eam esse constructam, verum ille finis nimis generalis & accidentarius quoque est, quem possunt etiam tendines tantum exsequi, utpote pariter membranaei. Rursum doctissimus Plempius nobis persuadere conatur, fabricatam eam membranam esse, ut melius circa oculum pinguedo concreceret: sed contra ipsum facit, quod & in iis partibus, quas non attingit hæc membrana oculus uberi pinguedine perfundatur, & quod etiam pinguedo oculi eo usque non procedat in oculo, quo quidem tunica hæc producit. Et hoc generale etiam membranarum officium est, quod & tendinibus his ascribi poterat, & recto jure etiam conjunctivæ tunicæ tribui. *An ergo ad alii*

ad albi oculi constructionem aliquid facis? Forte aliquantum, sed non multum, cum conjunctiva etiam separata alba appareat. Ergo aliis sententiis rejectis, ut nostræ probabilitatem conciliemus, videamus quomodo structura hujus tunicæ huc conspiret. Itaque quod lata horum tendinum insertio est, natura instituit, ut oculum rotundum & varie mobilem certius & facilius secundum sui loci differentiam quique impellere possint, quod verum esse ex globosorum motione quilibet advertere potest. Deinde, quod tam longe producta ea insertio est, pariter ob certiore motum sit, & majorem etiam insertionis firmitatem. Denique quod uniantur ob æqualitatem globi oculi, & forte etiam ob tendinum firmitatem factum est. Meliora docenti prompte subscribam.

§. XCIII. *Tunica cornea* crassissima & firmissima omnium est, densa, attamen anteriore parte pellucida, & interiore parte alba, universumque oculi globum ambit. Divelli potest in diversas lamellas, quæ sibi invicem impositæ sunt. Anterior ejus pars polita & pellucida est, ut fuit notatum, sed postica impolitior & opaca plerumque, aliquando tamen etiam pellucidam observavi, utpote cum per totum oculum à pinguedine & musculis separatam visibiles species transirent, licet imperfectius. Ex dispari illa tunicæ corneæ secundum anteriorem & posticam partem constitutione aliqui censuerunt eam ex duplici tunica constare, atque ideo partem ejus perspicuam nominarunt tunicam corneam, sed posteriorem inconspicuam vocitarunt tunicam scleroticam & duram. Verum cum utræque partes sibi arcte continentur, nil opus est duas tunicas constituere, licet non male duplex ejus pars ita diversa observetur. Illud in hac tunica observatione dignum occurrit, quod cum fere undique æquabili rotunditate aut saltem eo vergente figura gaudeat, tamen antica parte ante pupillam rotunda quadam eminentia protuberet, ita ut ab interna parte ibi locorum manifesta deprehendatur cavitas.

§. XCIV. *Officium tunica corneæ* primum est *coercere & continere humores oculorum*. Nam ea sauciata effluunt, maxime quidem humor aqueus, & aliquantum etiam humor vitreus, etsi hic majorem consistentiam & minorem fluiditatem habet. Alterum ejus officium est, *figuram bulbi oculi rotundam aut ad rotundam propinque accedentem efformare*. Ideo tam crassa facta est, ut melius consistentia sua figuram suam retineret. Tertium officium ejusdem est: *admittere rerum visibilium species, easque ad perpendicularum refringere*. Ideo anteriore parte perspicua condita est, attamen densior ob refractionem. Multum vero eminens illa corneæ portio facit, ut plures

undique species ad oculum allabi possent, ob quam causam etiam rotunda facta est. Atque propterea totus quoque oculus rotundus factus est, ut eo melius, quantum fieri posset, plura una vice simul cerni possent. Denique refractione in tunica cornea utilis est, ut in pupillam inferiorem & minorem plerique radii in corneæ extuberantem & pellucidam partem incidentes deduci possent.

§. XC V. *Tunica uvea* infra tunicam corneam est, atque eidem postica parte continuatur, donec anteriorem ejus partem extuberantem attingit. Ibi enim directo progressu circulari aut parabolico procedit, & relicto foramine ad medium fere regreditur, ut sic antica parte duplicata, sed posteriori simplex appareat. Foris hæc tunica æqualis, intus autem aliquantum aspera est. Pariter foris valde nigra est, atra omnino, & inficiente etiam manus humore perfusa, at postica parte, ubi retinæ subjicitur, intrinsecus albedine aliquatenus ad cæruleum colorem tendente imbuta est, vicissim vero ubi sub pupilla regreditur, atra quoque est, sed nullo inficiente colore, sicut etiam se habet, ubi exterius corneam respicit. In hac tunica illud primo observandum est, quod ubi pellucidæ parti tunicæ corneæ subjicitur, non sit plana, sicut quibusdam videtur, sed convexæ continuatur, interim si forinsecus per corneam inspicitur, talis appareat, ob pupillam & corneam elevatam. Deinde, quod in medio illius partis, quæ pellucidæ parti corneæ subjacet, foramen rotundum invenitur, quod *pupilla* vocitatur. Atque hæc pupilla pro vario lucis appulsu dilatatur & contrahitur. Tertio notandum est, quod circa pupillam in superiore parte uveæ, quasi halo circumjectus sit coloratus circulus, quem *coronam* & *iridem* vocant. Coronam vocitant, quia undique pupillam ambit: at iridem, quia in eo quasi tres circuli diversicolores apparent. Quarto in eadem tunica illud negligendum non est, quod dum ea recurrit, ex se aut in se profert tenuia ac quasi capillaria stamina, pilis quæ ciliis innascuntur non dissimilia, unde *ciliares processus*, & *ciliare ligamentum* quidam appellant, atque hæc filamenta tandem retinæ tunicæ affiguntur.

§. XC VI. Circa hanc tunicam aliqua occurrunt quæsitæ, antequam de officio ejusdem agere possimus. Principio id quaeritur, *An tunica uvea sit una vel duplex tunica?* Quidam eam duplicem esse ajunt, & quidem anteriorem partem duplicatam uveam, at posticam choroidem appellant, & argumentum asserticæ dispari consistentia sumplerunt. Sed vero quia ubique sibi continua & fere similis ea tunica est, & quia etiam diversa consistentiæ ratio maxime ex duplicatione ejus proficiscitur, probabile magis

H h

est,

est, eam pro una tunica habere. 2. quæritur: *Vnde fiat, quod uvea nigricante colore foris manus insciet, at interius ubi reflectitur non item?* R. quia ibi unctuosus nigricante humore delinitur. Vnde ille generetur, an excrementum sit, an vero à nativitate ita constitutus, vix quicquam certi licet asserere. 3. Quæritur: *Vnde oritur uvea tunica?* Docent plerique Anatomici tunicam uveam à pia matre, at corneam à dura matre cerebrum ambiente & per nervum opticum ad oculum deducta oriri. Sed id pari, si non majori probabilitate negari potest. Nam licet non negare velim continuas esse istas membranas, tamen non omnia quæ continuantur sibi originem præbent. Sin autem aliqua quæ continuantur sibi originem non præbent, certe id valde probabile est de his tunicis, cum tam dissimilem consistentiam, & qualitatum habitudinem à meningibus naturæ sint. Proinde ex seminali materia, sicut de aliis multis enunciamus, has tunicas primo oriri iudico probabile esse. 4. quæritur: *quid ciliare ligamentum sit?* Aliqui venas, aliqui vero tunicam esse dixerunt, sed utrosque sensus accuratus refellit. Aliqui ergo ligamentum & nexum esse voluerunt, sed cogitandum relinquo, annon sicut illud corpus rectis fibris constare videtur, ita quoque revera constet, & fibrarum officium impleat, de quo circa officium uveæ quædam sunt proponenda.

§. XCVII. Quod ergo officium uveæ attinet, illud non uniforme in specie videtur constitui posse. Initio quidem *aliquatenus videtur coercere humores oculorum*, sed non multum ob tenuitatem & fragilitatem suam, neque etiam primo ideo condita videtur. Deinde *obscuritate sua atra & duplicitate umbram videtur facere oculo, atque sic externum lumen arcere, ob meliorem specierum visibilibus expressionem*. Atque id officium subit solum ab anteriore parte. Imo iudico propter eam uveæ nigredinem *pupillam nigram apparere*, quamquam non solitarie, cum etiam profunditas oculi subiecta umbram faciens illam apparentiam causetur. Etiam interiore parte paulo asperior facta est, ne si polita foret aliquatenus reflexæ à crystallino species in ea repræsentarentur, & visionem turbarent. Porro *in servis admissi specierum visibilibus in oculum*, quatenus *pupillam* efformat, atque ut earum convenientior esset propagatio, *ciliare ligamentum* constituit, quo possit pupilla dilatari & constringi, nisi id ipsi virtuti uveæ tunice ascribere placeat, quemadmodum ab aliquibus factum est. Denique etiam *in uvea postica parte videntur exprimi & figi rerum visibilibus species*, de quo mox in quæstionibus agemus. Atque iudicant etiam accuratioris Philosophiæ affectu per ciliare illud ligamentum à postica parte adduci retinam vel uveam pro perfectiore illarum expressione.

§. IIC. Ut quæ adhuc obscura hic occurrunt, paulo clarius enodari possemus, adhuc sequentia *Problemata* subiicimus. *Primum* est. *Qua pupilla figura ad visionem commodissima sit?* Rotunda, qualis homini perfectissimo animali competit, atque id non solum ob ipsius figuræ simplicem perfectionem, sed etiam quia per talem plurium obiectorum species & perfectius in oculos deduci possunt. *Secundum* est: *Quare pupilla dilatatio & constrictio tributa sit?* Ut pro necessitate uberius lumen admittere & arcere possit, unde ad maius lumen & colorem album contrahitur, at ad minus lumen & colorem nigrum dilatur. Imo etiam ut variare possit radiorum post pupillam concursum pro perfectiore repræsentatione pro requisito distantie obiecti, unde pariter ad vicina contrahitur, & ad distantia dilatur. *Tertium* est: *A qua causa pendeat pupilla dilatatio & constrictio?* Plerique Medici à spiritus copia eum motum deducunt, aliqui tamen etiam à lumine externo eum motum derivant. Ego censeo, negari non posse, quod pro vario luminis appulsu varie illa contractio & dilatatio fiat, cum illud unicuique promptum sit experiri. Attamen admittendum non puto, lucis eum appulsu esse veram causam proximam & impulsivam istius motus, sed tantum occasionalem & impulsivam. Quippe externa tantum causa est atque obiectiva. Proinde interna quærenda restat, & quin principalis sit anima, instrumentalis prima & originaria spiritus, ac instrumentalis secunda uvea non videtur mihi dubitandum. Nam ad consimilem modum omnes motus in aliis partibus observatos explicamus. Vnde liquet, istam opinionem diversam non ita valde esse oppositam, si debite unaquæque explicetur. Et quomodo lumen occurrens ad dilatationem vel contractionem faciat, satis videor exposuisse, quomodo vero eadem à spiritu pendeat, verbo conabor etiam declarare. Itaque initio arbitror non pendere dilatationem à novo copiosiore spirituum affluxu, aut contractionem à recurso spirituum. Nam causam talis affluxus vel refluxus invenire non possum, & tale quid concipere non necessum est, cum anima, si sufficientem copiam spirituum in parte habeat, possit pro necessitate motum eum secundum certam rationem augere vel minuere, sicut in aliarum partium motibus tum naturalibus tum animalibus fieri observamus. Quin tamen aliquando etiam copiosius spiritus affluant, non ausim simpliciter negare, cum advertamus sæpe uno oculo clauso vel læso alterum perfectius videre, & etiam observemus, uno oculo clauso alteram pupillam magis dilatare. Neque prorsus insolubilia sunt, quæ in contrarium à quibusdam adducuntur. *Quartum* Problema est: *An tam dilatio, quam contra-*

norare, & forte ignorant & alii, alioquin enim certius quicquā de iis constituisſent. Interim à noſtra ignorantia ad negationem rei nulla valet conſequentia. *Sextum eſt: An in tunica uvea poſtica parte depingantur viſibilium rerum ſpecies?* Aliqui in cryſtallino, aliqui in vitreo humore oculi, aliqui in retina tunica viſionem fieri exiſtimant, quia in iis partibus ſpecies rerum exprimantur. Sed ego valde probabile eſſe exiſtimo in uveæ poſtica parte interna ſubjacente ſpecies viſibiles exprimi, adeoque viſionem celebrari. Quoniam enim aliæ nominatæ partes perſpicuæ & refractionis capaces ſunt, at uvea ibi locorum albedine & fixatione corneæ à poſtica parte picturæ ſpecierum aptiſſima eſt, quid obſtat, quo minus illi id officium tranſcribatur.

§. I C. Præter eas tunicas adhuc circa humorem cryſtallinum & vitreum inveniuntur duæ tunicæ, circa cryſtallinum quidem *aranea*, at circa vitreum *vitreæ*. Vtræque hæc ita perſpicuæ, ut ſolitarie à viſu percipi nequeat, verum ſolum tum notetur, cum aliquo eam pertundente in humorem immiſſo ab eo diverſa eſſe notatur. Eſſi vero unicuique illarum alii aliud officium assignant, tamen planiſſimum mihi videtur eas tunicas ſingulas ſuis humoribus continendis eſſe dicatas, ne vel inter ſeſe confundantur, vel aliis partibus quæ contingunt ſua illuvie noceant. Verum doctiſſimus Keplerus, etiam opinatus eſt, inſervire etiam illas copulationi dictorum humorum cum ciliari ligamento, quod plene improbare non poſſum: & forte hinc quis arguat cryſtallinum humorem potius quam retinam aut uveam per ciliare ligamentum moveri.

§. C. Ultima inter tunicas oculi eſt *retina* ſeu *retiformis tunica*, ita appellata, non quod retis in modum contexta ſit, verum quia cum hæmiſphæricæ figuræ ſit illi reti ſimile eſt, quod ligneo circulo affirmatum dependet inſtar hæmiſphærii. Originem ejus deducunt à producta cerebri ſubſtantia, quod an verum ſit, ipſi viderint. Saltem ego non ſtatim illorum opinioni aſſurgere poſſum. Quippe & conſiſtentia hujus tunicæ mollior ac pinguior, color flavidior, & ad perſpicuitatem procedens notatur, eſſi temperamentum non adeo diſſimile videatur. Quod ergo de origine corneæ & uveæ dixi, idem hic probo, videri potius ex ſeminali principio citra communicationem ſubſtantie cerebri produci. Hanc tunicam Keplerus & Optici recentiores valde prædicant, quoniam exiſtimant in ea rerum viſibilium ſpecies exprimi, ſed ego id officium probabilius assignari poſſe uveæ poſteriori & interiori parti arbitror. Rationem ſuggeſſi, quod perſpicua ſit, quemadmodum unicuique evidenti experimento oſtendi po-

test, si postica parte tunicam corneam juxta insertionem nervi optici segreget, & pupillam oculi lucidis objectis obvertat. Quippe tunc licebit illi per retinam objecta illa perspicere. Hoc vero, licet etiam per uveam fieri possit, tamen quia ei postica & externa parte nigredo obducta, & cornea immediate opposita est, liquere manifeste videtur, quod ibi locorum sisti visibiles rerum species natura constituerit. Sin autem quis me de officio retinæ tunicæ quærat, aliud assignare non possum, quam quod mollitie & liquiditate sua vicinas partes, maxime uveam postica parte leniat & humectet, & maxime refractione debita illustriorem specierum expressionem promoveat.

§. CI. Intra humores recensitos inveniuntur *humores oculorum tres*, nempe *aquem*, *crystallinum* & *vitreum*. *Aquem* anteriore parte oculorum jacet, intra corneam & uveam, pauca quantitate est, & consistentia similis aquæ, licet de frigiditate dubitem. Satis enim mihi videtur adverti posse, eum non puram aquam esse. Quicquid tamen sit, frigidus est, licet non ita frigidus ut aqua. Post illum ante pupillam intra uveam propria sua membrana conclusus reperitur *crystallinus*, à simili apparentia ita dictus. Anteriore parte depressoire convexitate protuberat: at posteriore parte magis exstat. Qui observarunt & mensurarunt accuratius parabolice sectionis utramque partem ajunt. Neque tamen semper æquabilis protuberantia est, sed variat multum pro varietate individuorum, an etiam ætatum non potest dici. Humor hic bene consistens est, etiam sauciata sua tunica, itaque bene ejus figura notari potest. Situm esse hunc humorem quidam voluerunt in centro oculi, sed falluntur, nam magis ad anteriora vergit, licet non sit negandum, centrum ejus esse in eodem axe cum centro oculi. Ultimam & posticam partem occupat *humor vitreus*, ita à consistentia, sicut *glacialis* ab apparentia vocatus. Anteriore parte qua crystallinum respicit, ejus figuræ se accommodat: at posteriore retinæ conjungitur ad ejus rotationis postulatum. Sua quoque membrana coarctetur, neque prorsus diffuit: atamen neque figuram suam bene retinet sed comprehendentium corporum prompte accommodat. Etiam transparens est, ut crystallinus, imo cum eo de majori diaphaneitate certet, quod cuique erit evidens, si utrumque humorem in chartam in qua æqualis magnitudinis literæ impressæ sunt effundat.

§. CII. De his humoribus *quæstiones* quædam agitantur, quas breviter attingemus. *Prima* est: *An humores oculorum sint partes corporis sive oculorum?* Probabiliter defendi potest partes esse. Nam & compound oculum

&

& conferunt ad visum, adeoque usum per se in corpore præstant. De aliis non ita dubitant Autores, sed de aqueo solliciti sunt, quia fluidus est. Sed alibi in superioribus à nobis notatum est, à fluiditate nihil concludi posse. *Secunda est: Vnde cum aqueus humor effusus est, rursum regeneretur?* Id fieri usque ad consistentem ætatem experientia comprobat. Alii vero dicunt, id fieri, quatenus excrementum crystallini est: alii quoniam vis formatrix in ætate crescente adhuc viget. Cæterum neutra ratio sufficit. Nam si crystallini humoris aqueus humor excrementum statuatur, qui sit, quod non perpetuo accrescat? Aut quando natura aliquod excrementum per se proficuum & usum præstans in corpore constituit? Nam excrementum omne evacuari debet. Vis etiam formatrix non solum in crescente, sed omni ætate viventi inest, licet non continue operetur, & nunquam partes de novo constituit, quoad prima stamina, nisi habeat aliquid seminali ejus portioni respondens. Tale autem est proprium & proxime assimilatum illius partis alimentum. Hoc ergo unde suppeditatur in defectu hujus humoris? Ergo arbitror humoris hujus vel reliquias aliquas dari, per quas regeneretur; sicut carne sauciata pars nova accrescit: vel generari ex aliqua portione alimenti crystallini, ipsi secundum temperiem non ab similibus. *Tertia est: Vnde nutriatur humor crystallinus vel vitreus?* Et si alii aliud dicunt, tamen nullum est dubium, quin per arterias quoque sanguinem accipiant. Licet enim illa vasa non cernantur, tamen adesse possunt, quemadmodum nec in albo oculorum valde manifeste vasa advertuntur, nisi inflammantur. Et advertuntur etiam quandoque vasa quædam exilia per tunicas illas, maxime vitream deducta.

§. CIII. *Officium* illorum humorum in oculo non uno modo omnes declarant. Plerique Medici & Philosophi censent insigne officium crystallino competere, ut in eo tanquam in speculo omnes visibilibus imagines exprimantur, & percipiantur. Sed cum perspicuus sit, varie se torserunt, quomodo vel perspicuitatem cum terminatione & expressione illarum specierum conciliarent, vel istius perspicuitatis terminationem illi conciliarent. Ego eos suo sensu abundare relinquo, & quoniam experientia & ratio docet, quod ulterius propagentur oculi, cum aliis doctis quibusdam Medicis & Opticis judico ulterius species propagari, & vel in retina, vel in uvea illi subjecta pingi: humores autem esse ordinatos, ut in iis varie incidentes radii refringantur, & vigorem per itineris emersionem amissum reparent, aut nativam debilitatem earum corrigant, ut in suo loco species perfectius depingantur.

§. CIV. Ut hoc melius percipiamus, ſupponendum illud eſt, viſibile excellens & illuſtre ſpirituum animalium utpote valde tenuium turbationem & nimiam commotionem, imo diſſipationem, atque conſequenter viſus læſionem, imo abolitionem aſſerre quandoque ſolere, itaque ſolers natura ac benigna, ut illi malo occurreret, ſpecies debili virtute præditaſ fecit, & quæ paulatim etiam in itinere elanguerent. At ſi illæ ita debiles in oculo depictæ fuiſſent, non potuiſſent diſtincte objecta ſua repræſentare, proinde natura in oculo ruriſum remedium iſti defectui attulit, quatenus refractione illæ ſpecies valde illuſtriores redduntur, quemadmodum evidenter notare poſſumus, ubi eos humores in chartam aliudque viſibile effundimus. Quoniam vero refractiones in diverſis partibus oculorum contingunt, illud non omittendum eſt, etiam peculiaria quædam munia per illa obiri. Sic ergo refractione ad perpendicularum in conieæ perſpicua parte & humore aqueo conſert ut per maiorem extensionem objecta per exiguam pupillam poſſint ſpecies ſuas in oculum immittere, quas dehinc cryſtallinus humor majori refractione ſunili magis unit, & in apicem conſiſtere facit: porro poſt coitus punctum recedentes radii in vitreo à perpendicularo refringuntur, ne error in iudicio contingeret. Cum enim incidentes radii refracti fuerint ad perpendicularum, niſi procedentes ruriſum in contrarium refringerentur, nunquam rem videremus ſicuti eſt, ſed in indebito loco & perverſe ſitam, ſicuti experientia oſtendit in illis, quæ refracte cernimus. At cui uſui inſervit refractione in retina? Suppoſito quod expreſſio fiat non in retina, ſed in uvea ſubjecta, non improbabile cenſeo retinam refractione ſua multum facere, ne ſpecies in glabra æquabilique uvea facile refleſcerentur, & viſionem turbarent.

§. CV. Reſtant nobis *vaſa oculorum*, quæ ſunt *vena*, *arteria*, & *nervi*. Et de venis & arteriis quidem nihil ſpeciale addendum eſt, cum ſupra venarum & arteriarum capitis originem & productionem notaverimus. Hoc ſolum obſervandum, quod licet aliqui Autores negent, tunicis oculorum & maxime retinæ vaſa competere, tamen per ſenſus refelli queant, utpote qui tenuiſſima vaſa in iis obſervari docent. De *nervi* ergo oculorum pauca ſunt addenda, & pariter quidem de ſolis nervis Opticis. Circa hos præcipue obſervandæ ſunt magnitudo ſupra reliquos nervos, cavitas quandoque notabilis ante conjunctionem, & ipſa conjunctio, & quidem propter quem finem conditæ ſint. Magnitudinis finis facile ſe ingerit, quod nempe ea ſit ob uberiorem ſpirituum animalium influxum in oculum. Quoniam enim ſenſus viſus circa objectum nobiliſſimum verſatur, quodque perfectè percipi

percipi sine magna spirituum copia non potest, evidens evadit, debuisse naturam pro spirituum affluxu vel magnos nervos opticos condere, vel plures numero facere. In quibus duobus semper fere natura eligit magnitudinem potius, quam numerum, si nulla specialis ratio interveniat. Eadem abundantiori & paratiori spirituum animalium ad oculos affluxui etiam illa cavitas videtur inservire, quando reperitur: quandoquidem per patulam viam facilior & uberior est aditus. Sed *propter quid nervorum opticorum conjunctio facta sit*, non unanimitè Autores declarant. Quidam opinantur, eam institutam esse, ne bini oculi rem visibilem unam ut duplicem cognoscerent. Sed illorum sententiam refutat, quod ob eandem causam & auditorii, & olfactorii nervi talem unionem requirerent. Alii ergo putarunt, roboris causa, illam unionem esse fabricatam. Pariter non vere: quia eadem causa aliorum nervorum similem constructionem postularet, quia non plus periculi opticis quam aliis sensoriis & motoriiis nervis impendat. Alii putant, in illa conjunctione exprimi rerum visibilium species. Cæterum superius ostensum est, id fieri in tunica retina aut uvea secundum posteriorem partem, itidemque probatum, naturaliter spiritus animales per nervos quidem ad partes mitti, sed non remitti. Proinde ego re hinc inde pensitata, venio in eam opinionem, eam conjunctionem etiam inservire uberiori spirituum animalium in oculos distributioni. Nam quatenus ibi in majori capacitate rursus colliguntur, pro necessitate facilius in reliquam partem istorum nervorum immitti queunt. Si hoc non placeat, cogitandum, an propter directiorem implantationem in oculum natura dictam unionem constituerit: sed tum non fuerat opus medullam nervorum confundi, quemadmodum plerumque accidit, ut ita hæcenus dictam opinionem pro probabili habeam, etiam ob hanc causam, quod alia probabilior se non offerat.

§. CVI. Nimis quam multa de visus sensorio proposuimus. Ergo nunc transitum facimus ad *sensorium auditus*, quod aures sunt. Licet enim *hoc sensorium loco aliquanto longius ab oculis remotum sit, tamen & artificiosa structura, & usus actionisque præstantia illi proximum est, si non superius*. Et illud quidem ex ejus partis speciali explicatione patebit: hoc autem evidenter inde discitur, quod auditus maxime aptus sit ad disciplinas addiscendas, imò accommodatior forte quam oculi, quandoquidem cæcorum quidem doctorum diversa exempla dantur: sed surdorum vix ulla, nisi post acquisitam doctrinam surdi evaserint. Id quoque pro auditus prærogativa afferri solet, quod reliquorum sensuum perditiones fere solitariae sint,

aut saltem esse possint : at quibus à nativitate surditas obvenit , necessario simul muti sint. Vt inde quæstio quoque mota sit , *quare surdi nati simul sint muti ?* Cui problemati multi respondent, quod id eveniat ex nervi auditorii & ad linguam derivati conspiratione. Sed tamen, etsi largior, cum ex nervorum læsione surditas contingit, sic facile mutitatem induci posse, non tamen concesserim id universale esse. Etenim etiam citra nervorum læsionem ex mala structura ossium aliarumque auris partium quidam surdi esse queunt, & non necesse est, ut uno ramulo propaginis vasorum affecto, & alter laboret. Vt præteream multos quoque surdos bene loqui, si nempe, postquam loqui potuerunt, surdi facti sint. Itaque eam potius rationem assigno, quod cum voces significant ex instituto, at surdi à nativitate nec voces, nec significata illarum addiscere queant, necessario muti sint, hoc est articularis vocibus sensa animi exprimere non possunt, licet alioquin sonum & vocem naturalem edant, ut hinc nostra sententia ulterius confirmetur. Quippe si simili ratione, ut in auribus, & in lingua ex nervorum vitio organum læsum, sicut ibi, ita & hic actionis abolitio contingere deberet. Imo si maxime nec talis sonus à multis surdis edatur, tamen si iis lingua moveatur, ex nervorum ejus mala constitutione auditus læsio non dependet.

§. CVII. *Partes aurium vel externa, vel interna sunt.* Externa seu *prominens* aurium pars *auris externa* & *auricula* nominatur, cujus extrinsecus apparentes particulas superius nominavimus & explicavimus : at si anatomica arte eandem tractemus, in ea reperimus *cuticulam, cutem tenuem, carnem paucam, & cartilaginem firmam, vasaque omnium generum, venas quidem à jugularibus externis, & arterias à carotidibus, nervos autem ex secundo pari eorum, qui ex corvace producentur.* *Glandula* quoque diversæ ex internis & lateralibus locis auribus appositæ sunt, pro fulcimento vasorum, & excrementitiorum humorum imbibitione. Imo quandoquidem auricula moveri pariter in quibusdam solet, *musculi* quoque eidem ad id dati sunt: *primus* tenuis & membraneus, qui sursum aurem adducat, *attollens* inde aliquibus vocatus, qui in anteriore faciei parte supra temporalem musculum ponitur, incipiens à fine musculi frontis externo, ubi temporali conjungitur, & inde sensim angustior redditus descendens, dum auriculæ superna parte inferitur. *Secundus* carnosior & fibrosior sæpissime, ut auriculam deorsum trahat, inde *detrahens* vocatus. Maxime in postica parte capitis consistit, & à mammillari processu temporum initium deducens, & angustior redditus paulatim ad aures vergit, quas tendine suo ad radicem cartilaginis

cartilaginis fere circumdat, quandoquidem una ejus portio superiorem, altera mediam, tertia infimam partem attingit. *Tertius* aliquando itidem carnosus & fibris sursum tendens, qui auriculas antrosum moveat, unde & adducens dicitur. Pars est quadrati illius musculi, qui buccas detrahit, ubi carnosior quandoque redditus, fibrisque sursum enitens radici auriculæ inseritur. *Quartus*, qui versus posteriora auriculam inclinet, inde adducens nuncupatus. Originem capit angusto principio ab involucris musculorum occipitii supra mamillarem processum, ac inde transversum deorsum latus postica parte auriculæ conjungitur.

§. CVIII. Interior aurium pars absolute *auris*, & aliquando *auris interna* vocitur, & in se comprehendit *ossicula tria* aut *quatuor*, *cavernas tres*, *membranas*, *musculos duos*, & *vasa*. De his plerisque jam actum est superius, ut nunc solum de membranis & musculis tractandum restet. Ac quidem *membrana* diversæ sunt perspicuæ ac valde tenues instar telarum aranearum, quæ priores duas cavernas, & nonnullos meatus in labyrintho investiant. Cæterum inter has eminet *tympani* membrana, quam Barbari *myringam* appellant. Posita est in prima caverna auri, ac annulo osseo undiqueque adnascitur: ac proinde ad ejus figuram rotunda facta est. Crassior est membranæ aliis, ac veluti septum aliquod cavernam primam aurium à meatu auditorio sejungit. *Musculi* vero utrinque in auribus duo sunt. *Unus externus*, alter *internus*. *Externus* sic nominatur, quia extra cavernas aurium jacet. Parvus est in superiore meatu auditorii regione positus, & initium sumit à cute & membrana illa, quæ meatum auditorium investit, & hinc carnosior redditus tendine brevi exterius fere in tympani centrum inseritur, ibi locorum, ubi malleus isti membranæ connectitur. *Internus* contra ideo hanc appellationem tulit, quia intra illam aurium cavernam situs est. Valde parvus est, ac originem capit in ossis cuneiformis basi in loco, quo cum radice processus petrosi ac additamento ossis occipitis foramen effractum constituit. Hinc carnosior primum, & post ubi medium sui superavit, angustior factus in duos tendines gracillimos abit, quorum alter in superiorem mallei processum, alter in cervicem implantatur.

§. CIX. Condite sunt aures ob auditum, quemadmodum omnes noverunt, sed qua ratione singulæ earum partes eidem conferant, id vero magnam dubitationem habet. Ideo principio in questionem venit: *quem usum obtineat auricula seu exterior pars auri?* Satis experientia edocet, quod non sit primum auditus organum, tum quia etiam ea abscessa aut alio modo deperdita, si interior auri se bene habeat, auditio fit, licet imperfecta,

cta, tum quia ea etiam optime se habente & nervis nullo modo læsis nihil minus auditus in solidum tolli potest. Vt ne illud urgeam, auditu læso interne potius quam externæ auri remedia utiliter adhiberi. Attamen inservit auricula perfectioni auditioni, quatenus ærem hinc inde vagantem colligit, & ad meatum auditorium deducit. Hinc evenit, ut abscissis auribus, vel alio modo deperditis neutiquam distincte sonus percipiatur, sed obscure & confuse tantum ad modum murmuris aquarum aut similis sonitus. Atque ob eandem causam vola auribus præterita, aut aliud instrumentum cavum tenui ductu auribus applicitum distinctiorem auditum causatur. Vnde etiam ea animalia, quibus aures longius prominent, distinctius audiunt. Neque ob aliam causam cartilagineam auriculam conditam existimo, quam ut melius exstare queat. Cæterum si hoc ita sit, *annon melius foret aures hominum sic exstare, ut brutorum, ob perfectiorem sonitum capeffendum?* Non videtur id fieri debuisse. Nam non solum satis exstant ad sonitum perfecte hauriendum, verum etiam si alicubi altius exstarent, alicubi sibi obstitissent, quo minus undique sonus commode ad aures venire posset. Ideo quibus animalibus sic exstant aures, musculi peculiari dati sunt, per quos aures undique circumducere possint: quod etiam in quibusdam hominibus observatur, licet in plerisque multo nobiliori ratione compensaverit.

§. CX. Adhuc circa auriculam illi *diversi gyri* notandi veniunt, & inferius *tragi* & *antitragi concursus*, itidem à natura ideo conditi, ut meliori & faciliori ratione ad interiora sonitus propagaretur. Verum *cui usui inferius auricula appensus lobus carnis inserviat*, dubium obtinere videtur. Meo arbitrio non commodat vel extensioni auriculæ, vel ejusdem meliori conjunctioni cum aliis partibus, cum cartilago satis firmiter auriculæ expansionem possit servare, & etiam undique satis aliis partibus connexa sit: sed non improbabile est, eum juvare directiorem & faciliorem sonitus in auriculam ingressum, non quidem undique, sed maxime ab inferiori parte.

§. CXI. Non planior, sed multo difficilior ratio occurrit in explicanda functione & usu interioris auris. Nam & id dubium est, *que sit præcipua pars auditus, & quomodo illa ad audiendum moveatur, & quomodo sonum percipiat?* Quod ad primam quæstionem attinet; Non mihi placet eorum opinio, qui putant tympanum id organum esse. Nam quandoquidem illud, ut aliæ membranæ ossium illorum circumductioni dicatum sit, & etiam abfens observatum auditui non multum obfuerit, potius ob alium usum conditum esse credendum est. Sic nec eorum opinio mihi aridet, qui putant

tant nervum auditorium per aures expansum præcipuum auditus organum esse. Etenim ille nervus nihil habet peculiaris quam alii nervi, qui advehendis spiritibus dicati sunt, unde ergo huic illud minus competeret? Proinde communiori Philosophorum Medicorumque sententiæ hæcenus assentior, ære in innatum id membrum esse, in quo sonus ille exprimitur. Quoniam enim foris sonus in ære optime exprimitur, & intus talis inveniri debet, nisi vacuum in interioris auris cavitatibus concedere velimus, rationabile valde est, in eodem expressionem contingere. Id maxime contrarium sentientes urgent, quod *aer ille ingenuus non sit pars corporis*: sed ad id ex supra propositis, quæ sint partes humani corporis, facile solvi potest. Nempe quod licet non sit pars corporis humani, quatenus id non solum animæ, sed & humoribus similibusque contentis opponitur: tamen omnino pars humani corporis appellanda sit, quatenus id ad æquate formæ suæ opponitur, quoniam sic ad ejus constitutionem omnino exigitur.

§. CXII. Ut vero omnis scrupulus tollatur, & simul restantibus questionibus satisfiat, notandum est, duplici sensu posse aliquid primariam partem auditus vocari: scilicet & quatenus in illa sit impressio soni, & quatenus illa sonum percipit. Primo modo primas aëri illi in cavitatibus aurium invento tribuimus: sed posteriori modo spiritus primarium auditus organum facimus. Nam censemus, quod sicuti in oculis per multiplicem refractionem species visibiles debilitatæ clariores rursus evadunt: sic etiam species audibiles infirmiores factæ varia collectione in aure exteriori & interiore aptæ reddantur ad distinctiorem & evidentiorum soni in aëre interno expressionem. Et quod hoc natura sapienti consilio sic innotuit sit, ne vehementiori sensibili sensoria nimium læderentur: Quod in visu evidentissimum est, cum oculi clari luminis appulsus ægre ferre queant: ac in auditu non magis obscurum, quando non levem molestiam inde capimus, si nobis aliquid vehementius in aurem dicatur. Cum ergo ad eum modum, quem exposuimus, sonus in aëre implantato expressus est, anima sentiens spiritus animalis per nervos affluentis opera illum percipit ac cognoscit, & sic auditum plene absolvit.

§. CXIII. Quomodo ad hanc functionem omnia conspirent, difficillimum est exacte explicare, attamen quoad id percipimus, res ita se habet. Quando species sonora in aure exteriori collecta per meatum auditorium in interiores cavitates immittitur, muscutorum interioris auris adjuvamento via magis minusque panditur, dum variis anfractibus vegetior redditus in intima caverna evidentissime exprimitur. Proinde dissentimus

ab illis, qui arbitrantur mallei in incudem vel stapedem impulsu sonitum excitari: sed potius credimus, per illorum ossium intercepta foramina maiorem minoremque soni admissionem fieri.

§. CXIV. *Sensorium odoratus est nasus, quem itidem Autores in externum & internum dividunt. In externo, quem vulgus solum nasum vocat, liceret & nomenclaturam foris apparentium partium persequi, & singulas partes, prout ex artificiosa anatome manifestantur, pressius enodare. Verum quia prius iam in principio hujus capitis expeditimus: posterius tantum hoc loco implere, curæ nostræ incumbit. Constat igitur nasus externum ex cuticula, cute, musculo, ossibus, cartilaginibus, membranis, pilis, & vasis. Cuticula nihil habet peculiaris, cutis autem tenuis est, & pinguedinis experta, aut ne nimium magnus evaderet nasus, aut ut ejus substantia magis vicinis partibus corresponderet, aut ne redderetur nasus minus sensibilis. Sed tamen eadem cutis sub septo crassior est ac fungosior, cartilagini non multum dissimilis, ut firmior ibidem esset, & tamen pro necessitate perspiraret.*

§. CXV. *Musculi naso tributi motui ejusdem inserviunt, non tamen vel evidenti, ut aliqui eum omnino negaverint, vel etiam totius nasi, sed alarum tantum, pro apertione & clausione narium. Interim octo numero sunt, tributi in quatuor paria, quorum duo nares aperiunt & alas abducunt, duo vero nares claudunt & alas adducunt. Primum par alas nasi abducens seu nares aperiens exiguum est, magisque carnosum, quam membranofum. Initium capit ab osse maxillæ, juxta primum par labiorum proprium, & à subiecto ipsi sinu, ac partim in nasi alam inferiorem, partim in labii superioris elatiorem partem, quæ philtrum vocatur, terminatur. Secundum par itidem alas nasi abducens, seu nares aperiens, figuram fere triangularem habet, superius in vertice nasi exoritur acuto & carnosio principio, & dehinc oblique per nasi ossa descendens & carneum manens lata basi in alas narium inditur. Tertium & quartum par constringens nasi alas, seu nares claudens minimum est, vix in omnibus conspicuum. In quibus tamen apparet, ita se habet. Nimirum tertium par externè situm est, ac carnosam obtinet substantiam. Inchoat circa alarum radicem, ac transversim eas supergrediens sursum tendit, dum ad summum dorsum perveniens, in nasi globulum inferatur. Quartum par denique magis internum est, in narium cavitate sub tunica illarum absconditum. Membraneus existens initium sumit ab ossibus, ubi circa cartilagine desinunt, ac in alas narium terminatur. Hujus utriusque paris operationem juvat musculus communis, qui ad labium*

labium superius pertinet, ac orbicularis est, quatenus deorsum trahendo labium nares simul constringit & claudit.

§. CXVI. *Ossa nasi* hoc ipso capite una cum ossibus cranii jam declaravimus: *cartilaginee* autem quinque sunt. *Prima* est *sepium* illud *cartilagineum* osseo desinenti continuatum usque ad infimam nasi partem. *Secunda* & *tertia laterales* à situ vocari queunt. Iunguntur ab inferiore & latiore parte lateralium nasi ossium, & deorsum vergentes tandem ita attenuantur, ut circa finem nasi cartilaginee esse desinant. *Quarta* & *quinta* infima nasi parte locum obtinent, tegentes priorum duarum extremitates, ac singulae in unum foramen nasi finientes, ut id apertum teneant. Sub septo cartilagineo per membranosa ligamenta sibi invicem connectuntur, ac pinnas narium constituunt. *Quam ob causam nec ex solis ossibus, nec ex solis cartilaginibus natura nasum constituerit*, non obscure percipi potest, si attendamus, ibi locorum, ubi natura ossa constituit, majori fulcimento esse opus, ac eo citra motus indigentiam: contra ibi cartilaginee sunt, ne partes reliquae conciderent, firmitatem requisitam fuisset, attamen ob motus necessitatem talem, quae posset concedere trahenti.

§. CXVII. *Membrana* dehinc seu *tunica interior* *membrana* *interiorem* *narium* *cavitatem* *investiens*, judicatur à crassa meninge initium capere. Eadem est, quae os, palatum, linguam, laryngem, ac gulæ & ventriculi interiori partem investit, attamen in naribus tenuior multo est, ac exquisitoris sensus, nisi ubi superius ossi cribroso multis foraminibus pertusa sociatur. *Hanc ex Philosophis aliqui proprium organum odoratus esse crediderunt*. Cæterum doctorum judicio non vere: Quandoquidem enim illa à membranis aliis nec essentia nec qualitatibus differt, & alia tali usui destinata non sunt, nec huic tale officium ascribi potest. Imo vero obturato osse cribroso, ne exhalatio odorifera altius ascendat, etiamsi hæc tunica se optime habeat, non tamen odor legitime percipitur, contra ea mala se habente, aperta via ad interiori odoratus organi partem optime odor percipitur. Ideo succingendi officium illi membrana primura attribuimus, ita tamen, ut simul avertat nimium sensibilem appulsum. Hinc tam tenuem & sensibilem eam conditam esse putamus, ut à quocumque intensiore vellicata sternutationem moveat, atque sic illud exorbitans à cerebro avertat.

§. CXVIII. *Pili* qui in naribus exsurgunt, *vibri*ssi dicuntur, quia in sternutatione vibrantur seu concutiuntur. Reliqui similes sunt, attamen paulum aridiores, quia in siccior & crassiori loco progignuntur. *Quem usum obtineant præter generalem, aut an quem habeant*, dubitatur. Certe non

non est quisquam ita manifestus, nisi quis opinetur per illorum interstitia vaporem odoriferum magis divelli aut attenuari, ut nec nimium cerebrum offendant, & distinctius percipiatur.

§. CXIX. *Vasa nasus externus* adeptus est omnis generis: *venas* quidem à jugularibus, *arterias* à carotidibus, ac *nervos* à tertio pari, utrinque unum, qui per foramina nasi & oculorum communia ad maiorem horum angulum in tunicam nasi derivatur, & hinc ad musculos ac palatum vergit, sicut hæc omnia supra circa vasorum distributionem exposita sunt.

§. CXX. Ex dictis aliquatenus solvi potest quaestio, *quid sit nasi externi usus?* Nempe ille, *ut dispersas exhalationes aut species odorabiles colligat, & ad cerebrum seu potius ad internam nasi partem ducat, pro commoda perceptione.* Ideo quibus nasus ad radicem abscissus aut deperditus est, omnino non, aut male odorantur. Deinde *inservit quoque respirationi*, quatenus per ea foramina, quæ circa medium narium transverse in palatum abeunt, aer ad interiora oris & pulmonem admittitur. Sed si quis quaerat, *quare natura istas ambages quasiverit, & non recto ductu per os magis ad pulmones aerem transvehit ordinaverit?* Iudico non negari posse in multis etiam per os aerem ad pulmones transire: attamen quod altera via ideo potior naturæ visa fuerit, quam hæc magis patens, videtur factum esse, ne aer vel nimis subito vel nimium immoderatus ad pulmones veniret. Exemplum in iis habemus, qui cum multa respiratione indigent, os naresque aperiunt, ut abundantius aerem accipiant: & in iis, qui levi ex causa aerem patulo ore hiantes in raucedinem aut tussim incidunt. Porro etiam *nasus externus commodat voci melius efformanda*, maxime quidem itidem per duo illa recensita foramina, attamen forte etiam respectu superioris cavitatis, undè *gravidine laborantibus*, vel quibus mucus illas vias obstruit, vox minus perfecta editur. Imo *commodum quoque transitum excrementi cerebri nasus præbet, & quidem naturalem*, sicut id latius supra circa cranii ossa deduximus. Aliqui *ad ornatum quoque eum facere sentiunt.* Non male, sed tamen hoc nimis generale est: quandoquidem omnes partes externæ, forte & internæ, naturaliter se habentes non solum ad necessitatem & utilitatem hominibus datæ sunt, sed etiam structuram ejus concinnam & elegantem reddunt. Id autem quod aliqui persuadere conantur, *nasum quoque ductum esse, per quem aer ad cerebrum transeat, pro spirituum animalium elaboratione*, neutiquam vel cum autopsia Anatomica vel cum recta ratione conciliare possum. Neque enim apparet, quomodo per illum ductum aer eo pervenire possit, ubi spiritus animales generantur, vel quid illum eo pellat, vel eo trahat. Et ut circa animalium

animalium spirituum generationem ostendimus, non est opus illo aëre, cum materiam satis tenuem habeat, ex quo fieri possit, eademque commode satis adhuc magis attenuari queat.

§. CXXI. *Internus nasus*, aut si quis malit, *interna nasi pars* comprehendit *os cribrosum* membrana crassiore obductum ea sede, ubi cerebrum respicit, ac *processus mammillares* seu *papillares* cum *nervi odoratorii*, qui eisdem processibus inserti sunt. Quæ ad *os cribrosum* attinent, superius inter ossa cranii enodavimus: at quod illud crassa albaque tunica obductum est, factum est partim ob robur, partim ob insensibilitatem excedentem, qua poterat odoratus offendi, cum sternutatione ejiceretur, quicquid ad cerebrum exspiraret. *Processus* autem *mammillares* seu *papillares* sunt duo illa magna tubercula cerebri, substantiam æmulantia aut in se habentia, vaccarum inammis non dissimilia, & ossi cribroso incumbentia, in quæ nervi odoratorii desinunt.

§. CXXII. *Hos processus proprium organum odoratus esse* doctiores merito constituunt, non solum, quod iis pars similis in toto corpore non est, sed maxime, quia & nervi speciales in eos inseruntur, & ibi jacent, unde commode odorabilem species ad eos pervenire possunt, cum ibidem locorum nulla alia pars sit, quæ odoratus primarium instrumentum sit. Hinc conficitur, quod illi processus commodi sint ad impressionem specierum odorabilem, & earundem perceptionem, sicut quilibet sensus ad eum modum passione & actione absolvitur.

§. CXXIII. Persequi nunc debebamus *sensoria* duo reliqua, *gustui* nempe & *tactui* inservientia: sed quia hoc per totum corpus nostrum dispersum est, illud autem in ore latet, at aliæ partes in capite sensorii jam explicatis viciniore existunt, secuti in hoc & aliorum Anatomicorum ordinem, prius de his partibus agemus, quam illa sensoria explicemus. Sunt vero illæ *frons*, *gena* seu *bucca*, *labia*, *maxilla inferior*, & *partes in ore contentæ*.

§. CXXIV. *Frons* dicitur superior illa faciei pars sub capillis supra oculos consistens, & ad latera utrinque ad tempora terminata. Inferius habet *os frontis*, cujus historiam jam supra inter ossa cranii enodavimus: superius seu forinsecus *cuticulam* & *cutem*, in plerisque citra pinguedinem, at in obæsis cum paucula pinguedine. Inter quas partes interjacent *musculi frontis* à situ noninatti, qui ab actione & usu rectius *musculi superciliarum* vocarentur, cum iis movendis sint destinati. Neque est, quod quidam urgeant, manifeste per eos cutem frontis expandi & corrugari, quoniam illud per accidens fit ob arctam illorum musculorum cum cute coheren-

Kk

tiam,

tiam, sicut in macilentis semper contingit: at in iis, quibus aliqua pinguedo intervenit, ille motus non ita conspicuus est, sicut apparet in obæsis. Sed tamen neque frustra natura hos musculos ita presse cum cute sociavit, ut illa cum iisdem simul constriingeretur, & dilaretur, verum ne obesset cutis non mota elevationi superciliorum. Ob quam causam, si quis illos frontis vel superciliorum musculos utrorumque communes velis nuncupare, me non habebit dissentientem, modo ne illud quoque neget, illum ipsum frontis motum superciliorum causa constitutum esse, ut sic à primario officio denominationem sortiri queant. Illi muscoli gemini sunt, in utroque latere unus, & oriuntur in superiore frontis parte, ubi capillorum finis est ad temporales musculos, ibi locorum, ubi membrana carnosæ cranio firmissime annectitur, atque inde recta deorsum procedentes, in cutem quæ super oculos est, & in supercilia inseruntur. In medio crassiores sunt, & evidentius carnosæ, quam in extremis, ubi membranae apparet, licet revera & ibi musculosi sint, testante id autopsia maxime in obæsiis, in quibus commode satis à cute abscedunt, ob intervenientem aliquam pinguedinem. Officium illorum est, supercilia una cum cute frontis elevare pro oculorum apertione, unde cum vel paralyti patiuntur, vel fibræ ipsorum transversim scinduntur, palpebræ concidunt, & aperiri nequeunt. Quales autem illi muscoli sunt in fronte, tales inveniuntur aliquibus in occipite, itidem bini, sed breves, tenues & lati, fibris rectis sursum enitentes. Quibus hi competunt, cutim capitis etiam superna parte contrahere ac expandere possunt, quod alioquin insolitum est.

§. CXXV. *Gena seu bucca* itidem foris *cuticulam & cutem* suam habent, intus *membranam communem oris*, & in medio *musculum buccinatorem*, qui ipse in *ossibus maxilla superioris & inferioris* firmatur. Inter has partes de solo *musculo buccinatore* est dicendum. Videtur nomen id adeptus esse, quasi faceret ad motum buccarum extrorsum ad illarum inflationem, sicut tibicines id faciunt. Sed tamen ille hunc motum non obit, imo ne quidem alius musculus, verum illa inflatio, quemadmodum & nomen indicat, fit ab appellentibus spiritibus seu aëre exspirato à pulmonibus, quatenus ob labiorum conjunctionem exitum aut non aut non liberum inveniens se in buccas insinuat, & buccinatoris musculi fibras non solum laxat, sed etiam extendit, eundemque musculum sic inflat. Proinde buccinatoris nomen tueri tantum potest, quatenus in eo inflatio dicta fit, non autem eam facit. Contra autem ejus officium est buccas introrsum movere, atque sic manus vices dentibus præstare, dum cibum in dentibus retinet, & cum qui denti-

bus

bus versus buccas excidit, repellit & reducit, ut felicius masticetur. Situm habet in genis, quas totas fere solus cum foris & intus tegentibus constituit: tenuis & membraneus est substantia, variisque fibris intertextus. A summis gingivis maxillæ superioris originem capessit, & in summis gingivas inferiores ad modum circuli terminatur. De hoc musculo id tantum notandum, quod præcipue quidem buccas moveat, at nunquam sine labiis, atque quod inde quidem notent, eum potius communem buccarum & labiorum, quam buccarum tantum esse appellandum. His non contradico, sed eadem fere ingero, quæ supra circa musculos frontis insinuavi.

§. CXXVI. Refertur præterea ad buccas & alius musculus, sed itidem cum labiis communis, qui buccas deorsum trahit, sicut facimus, cum oris unum latus deorsum ducimus, & sic Cynicum spasimum mentimur. Supra priorem secundum aliquam sui partem jacet, infra tamen eundem, & cum figuræ quasi quadratæ sit, *quadratus* vocitatur, ab officio autem *detrahens*, sicut *buccinator* ab officio *contrahens* appellatur. Tenuis est musculus, et si latus & amplius satis, quoniam membrana carnosæ fibris donata aliquantum majorem expansionem præstat. Cuti colli subiectus est, totam inferiorem maxillam in facie operiens. Oritur à spinarum vertebrarum cervicis regionibus, colli parte externa, scapula, clavicula & pectoris osse, indeque sensim ad faciem obliquis fibris ascendit, & in mento implantatur ea sede, ubi labrum superius cum inferiori jungitur.

§. CXXVII. *Labia* constant ex *cute* cum *cuticula*, & *carne* indigesta ac fungosa, quam aliqui pro musculo acceperunt. Cutis autem labiorum ita musculis permixta est, ut ægre, imo ne vix quidem separari possint, sed ipsa cutis quasi musculosa aut cutaneus musculus appareat. Hinc tenera sunt, & rubentia non solum ab affluxu sanguinis per vasa, sed etiam quia caro cute rubicundior est. Conferunt ad oris apertionem & clausionem, & hinc ad defensionem omnium interiorum partium oris, ac admissionem & emissionem aeris ad pulmones & ex pulmonibus. Voci itidem interviunt, edendi bibendique commoditati, ac rejectioni sputi. Hinc *varii* illis *motus* à natura tributi sunt, *sursum*, *deorsum*, *ad latera*, ac *in se ipsa*: & *sursum* vicissim vel *recta* vel *oblique*: ac *ad latera* vel *dextrorsum* vel *sinistrorsum*.

§. CXXVIII. Quare diversis quoque musculis donati sunt, nimirum præter communes, quatuor paribus propriis. *Primum* par attollit superius labrum, recta quidem, si uterque musculus agat, sed oblique, si alteruter tantum. Hoc originem capit lato & carnosio principio à primo superioris maxillæ osse ubi mala consistit, & inde deorsum oblique in an-

teriora fertur, dum in labii superioris latera prope narium pinnas inseratur. *Secundum par* itidem carnosum, sed teres, initium sumit ex cavitate sub malis consistente, & dehinc pinguedine multa obductum, labiis ibi locorum inseritur, ubi sibi mutuo junguntur. Hoc labia ad latus trahit, utrumque quidem, si uterque agat, sed alterutrum tantum, si unus solum operetur. *Tertium par* infimo labro soli convenit. Enascitur ab inferiore loco maxillæ inferioris, ubi asperitas conspicitur, lato principio, & taliter propagatum medio inferioris labri implantatur. Hoc inferius labrum totum deorsum ducit, quod etiam facit *par quadratorum detrahentium* commune buccis & labiis, à quo etiam oblique movetur ad alterutrum latus, dextrum vel sinistrum, si non totum se contrahat. *Quartum par* utrumque quasi labrum efformat spongiosa raraque carne præditum, orbicularibus fibris instar sphincteris donatum. Hoc constringit & in se ducit labium, & simul constringendo superius labium deorsum & inferius sursum ducit, sicut circa palpebras semicirculares muscoli itidem agunt. Hoc par contrahentium musculorum *osculatorum* etiam vocatur, quia illi muscoli se contrahunt, dum basia figuntur.

§. CXXIX. *Maxilla inferior* constat *osse maxilla inferioris*, tegumentis suis, ac quibusdam musculis labiorum & buccæ superioris motui destinatis, de quibus omnibus actum est. Solum restat, ut adhuc explicemus illos musculos, qui maxillæ inferioris motui à natura attributi sunt. Etenim quoniam maxilla superior quiescit, si inferior non moveretur, os aperiri claudive non posset, nec dentes abducerentur, vel adducerentur, adeoque masticatio non legitime procederet. Dati autem hanc ob causam maxillæ inferiori *motus simplices numero sex*, nempe *sursum, deorsum, dextrorsum, sinistrorsum, antrosum & retrorsum*: & unus ex quatuor posterioribus *compositus*, quo ad omnes partes circumducitur. *Priores duo* motus inserviunt apertioni & clausioni oris pro receptione cibi, & ejusdem primæ comminutioni per dentes incisivos & molares: cæteri vero eundem cibum melius comminuunt.

§. CXXX. His ergo omnibus motibus obeundis *quinque paria musculorum* seu *decem musculi* præfecti sunt, nempe in utroque latere musculi quinque. *Primum par* est *musculorum temporalium* à situ vocatorum, aut à Spigelio *attollens maxillam temporale par* appellatum, quia maxillam inferiorem ad superiorem ducit, atque sic os claudit, dentesque constringit. Omnium maximum ac validissimum est, ut etiam maxima pondera ejus robore attolli quandoque queant. Situatus est in cavitate ossium temporum, quam

quam & totam replet ossibus illis citra interventum membranæ carnosæ sua substantia conjunctum ob validiorem implantationem, ex quo tamen nascitur magnum periculum ex affecto hoc musculo ob consensum cerebri, quanquam ad eum etiam vasorum & maxime nervorum conspiratio confert. Quippe tres in utroque latere in eum inferuntur, duo quidem ex tertio, unus autem ex quinto pari nervorum ex spinali medulla, dum in cerebro adhuc est, prodeuntium. Principium suum derivat ab osse frontis, *sincipitis*, temporum, & *sphænoide*, ac id semicirculare carnosumque est, attamen tenerius quam in progressu, ubi quoque angustior evadit, & lato & valido tendine sub osse jugali transiens in maxillæ inferioris processum, qui ~~respon~~ dicitur, inditur, ita ut eum undiquaque complectatur. Quanquam autem ubi cranium respicit, nullam membranam habet, tamen foris pericranium eum munit, ibi locorum valde crassum & validum, ut hinc vivere appareat ille musculus, maxime ubi istius validi tendinis principium latum & quasi semicirculare incipit, antequam tenuior evadit.

§. CXXI. *Secundum par* à figura officioque *Spigelius deprimens digastricum* seu *biventre* vocat, quod ab aliis ~~perforans~~ seu *styloforme* ab origine nuncupatur. Nam nervoso & latiusculo initio à *styloide* processu inchoat, & hinc carnosum, tenue, gracileque factum descendit, & in medio, ubi ad flexuram inferioris maxillæ pervenit, in tendinem nerveum exacteque teretem degenerat, posteaque paulo progressum, iterum carnosam substantiam accipit, & juxta latus internum maxillæ inferioris progreditur, donec perveniat ad anteriorem partem, quæ mento subest, ubi internæ ejus sedi, ad id speciatim exasperatæ inferitur. Hinc apparet ratio, quare *biventre* id par appelletur: quia tendinem in medio habet, at utriusque carnosum ventrem. Liquet quoque quomodo hi muscoli operentur. Nempe quia illorum origo non ab inferioribus colli partibus, sed ex superioribus nascitur, instituit ut circa inferiores maxillæ partes tanquam ad trochleam reflecterentur, ob quam causam etiam eorum tendines per intervenientes membranas ad trochleæ speciē concinne & decore alligavit.

§. CXXII. *Tertium par* ab usu *laterale* nuncupatur, quia dextrorsum & sinistrorsum maxillam trahit. Duplex principium agnoscit: alterum nerveum, validum & amplum juxta futuram, quæ primum maxillæ os cum quarto jungitur: alterum vero carneum ab osse jugali. Sic versus mentum fertur, totique maxillæ inferioris amplitudini inferitur. Notabile in hoc musculo est, quod ob duo distincta capita diversimode se respicientia fibræ ejusdem decussatim se interfecent, ut hinc quanquam hoc par mi-

sculorum maxillam inferiorem ad latera dextrorsum ac sinistrorsum moveat, tamen simul nonnihil ad anteriora & posteriora movere queat. Hoc par *manforium primum* aliqui ab usu suo denominant.

§. CXXXIII. *Quantum par* ab officio & situ abducens pterigoideum appellatum est: quia antrosum directe ducit maxillam, & sic à capite abducit. Originem tum validam nerveam, tum carnosam ducit partim à superno & externo latere processuum aliformium, partim ab acuta & aspera linea ossis cuneiformis illi adjacentis, dehinc rectis fibris progreditur, donec majus & crassius factum valido tendine desinat in maxillæ inferioris internam partem lateralem, quæ est sub tendine temporalis musculi, & opposita ei, quam occupat prope hunc finis tertii paris.

§. CXXXIV. *Quantum par maxillam adducens* ab usu bene dicitur, quia retrorsum maxillam movendo ipsam quasi ad caput attrahit. Nominatur etiam ab officio *manforium alterum*, & simul à situ *manforium alterum in ore latitans*. Hoc crassum est, ac breve, nervoso initio à cavitate interna processuum aliformium nervosum admodum oriundum. Inde carneum, amplum, crassumque redditur, ac recta descendens tandem maxillæ inferiori parte interna postrema juxta sinum, per quem nervus ingreditur, ubi ea de causa asperitates quædam protuberantes conditæ sunt, implantatur tendine valido, nerveo ac lato.

§. CXXXV. *Partes in ore contenta sunt gingivæ cum dentibus, uvula, fauces, lingua cum suo osse, tonsillæ, larynx & œsophagi principium*. Has ergo, quousque id in prioribus non factum est, nunc porro declarabimus, si illud prius notaverimus, eas omnes dentibus foris exceptis communi illa membrana integri, quæ & narium amplitudinem interius investit, ac gulam etiam ac ventriculum interiore parte munit.

§. CXXXVI. Ut ergo hinc incipiamus: *Gingivæ à gignendo dictæ* sunt, quia dentibus originem generationis præbent: sed minus vere, quia dentes ex seminalibus suis principiis in alveolis enascuntur, aut saltem non ex gingivis ducuntur, prout id in historia dentium investigatum est. Carne dura constant immobilesque factæ sunt, ac dentibus circumpositæ, ut eos in alveis suis melius retinerent, unde quibus ex excessu vel nimis relaxatæ sunt, iis dentes vacillant ac facile excidunt.

§. CXXXVII. De *alveolis dentium, ipsisque dentibus* inter ossa jam actum, ideoque ad *palatum* transeo, de quo etiam pleraque jam pertractata sunt. Nimirum ita dicitur superior illa pars instar fornicis concava, ab ossis sphænoide formata, & communi illa membrana, de qua paulo ante dictum fuit,

fuit, inducta. A similitudine imaginariorum cœlestium orbium & *oris calculi* indigitatur. Vfus ejus primarius est propter vocem sonoram claramque edendam, unde iis, quibus palatum erosum est, vox ita indistincte & obscure editur, ut vix intelligi queat. Sunt, qui ideam etiam gustui inservire statuunt, sed eorum sententiam post refutabimus, ubi de lingua agemus.

§. CXXXVIII. *Uvula* dehinc, quæ & *columna*, ac *gargareon gurgulio*que dicitur, est carnosa illa ac rubicunda substantia, figura oblonge rotunda, superius crassior, ac inferius tenuior, quæ in ore aliquanto intimius juxta narium meatus dependet. Hanc aliqui *glandosam* magis, alii *carnosam* faciunt, & his ob evidentiam sensus idem comprobantis assentior. Id notabile in illa est, quod ab humidis laxetur, at ab acribus calidisque contrahatur. Nam etsi illud ipsis laxantibus tribuendum videtur, tamen hoc insitæ virtuti movendi ascribendum est, quia antequam siccitas aliqua in eam partem induci poterat, solo sensu calidorum & acriorum percussa se contrahit, atque sæpius vicissim laxatur, illis calidis acribusque parum remotis. *Vsum uvula* quod attinet, judicant eam *inservire temperationi aëris, ne inalteratus ad pulmones transeat*. Sed etsi concedo, quod subitum & nimium affluxum ejusdem ad pulmones prævertere queat, tamen non invenio, quomodo alterationem eam non solum tam subito præstet, sed & unde eam virtutem habeat. Id non male à Riolo notatum, *impediri ejus obfistentia humidiper nares refluxum*, cum experientia ei fidem conferat, non solum, quod quibus uvula deest sæpius per nares potius egeratur, verum etiam, quia in iis, qui eam habent, si forte contingat, vi liquidum ex faucibus aliqua ex causa repelli, ad eam id appellari sentitur. Dubitatur etiam, *an uvula ad vocem formandam aliquid conferat*? Ego quidem illis non assentior, qui sine ea articulatam vocem edi non posse existimant, quoniam in diversis, quibus uvula defuit, vox nullo modo læsa deprehensa est: attamen neque illis calculum addere possum, qui eam nihil prorsus ad vocem edendam conferre judicant, quoniam aere ex pulmone egressum omnino scindit aut repellit. Sed veram arbitror eorum opinionem, quod faciat ad edendam vocem teneriorem, ut ea absente vox crassior & gravior evadat, quicquid etiam hic quidam reponant.

§. CXXXIX. Vterius diducto ore *sauces* pariter conspiciuntur. Quanquam enim late faucium nomine venit totus oris hiatus, tamen strictè ea voce appellatur posterior & inferior pars, quam diducto ore linguaque depressa videre licet. Græcis *φάρυγξ* appellatur, quæ vox tamen non raro apud Hippocratem faucium præternaturalem affectum, ut inflammationem

tionem similemque, denotat. An eadem pars & *isthmus* est? Aliqui equidem discernunt, at Gal. videtur pro iisdem habere, dum pharyngem eam docet esse latitudinem quæ inter gulam & laryngem interjacet: ast istum, prævium illum locum gulæ gutturique communem, in quem utriusque osculum ascendat.

§. CXL. In faucibus seu juxta eas interius glandulosa corpora, figuram subrotundam habentia, & membranam suam obtinentia, itidem in ore reperiuntur, quæ à situ *paristhmia*, & à modo situs, quo se oppositer respiciunt, *antiades* vocitantur. Dictæ sunt & *tonsillæ* ignota origine. Vfus illarum glandularum est os linguam saliva imbuere, ut melius gustus & masticatio peragatur, præcipue vero gustus. Neque solum id hæ glandulæ præstant, sed & aliæ in ore positæ, & maxime, quæ subjectæ sunt linguæ. Quod enim tonsillæ speciatim ab Anatomicis recensentur, sit, quia illæ maxime sunt notæ seu perspicuæ. Interim plures omnino deprehenduntur. Imo ipsæ tonsillæ etsi duæ præ reliquis inanifeste se ingerunt, tamen quatuor aut sex ab accuratioribus Anatomicis esse dicuntur.

§. CXLI. Sed hoc mittamus, illud & circa has & alias in ore positas glandulas in quæstionem venit, unde id serum habeant, & quid circa illud præstent? Quod primum attinet, sunt aliqui in ea opinione, id serum ex capite destillare, vel catarrhorum defluxu, vel ex recremento crassiore spiritus animalis. Aliqui contra existimant ex vasis in eas ejici. Neutræ opinio improbabilis est. Nam advertimus, quod iis, quibus cerebrum scatet humoribus, magis sint sputatores, quam alii. At quando cerebrum ita ab humoribus liberum est, ut non aliquid ipsi suppetat, pro demittendo ad has glandulas? Altera opinio itidem firmatur exemplo lienosorum, qui multum spuunt fere inde, quod multum seri ad hos glandulas per vasa ab iis traducitur. Aliqui, ut id ostendant, persuadere conantur, deprehensa etiam esse particularia vasa, per quæ ista seri apportatio contingat. Hæc tamen vix notantur, ut de priore nihil dicam. Imo & alia, quæ tertia opinio esse potest, non improbabilis est, quod paristhmia istud serum nanciscantur ab exhalationibus, quæ ex ventriculo per gulam eleuantur. Atque hinc quæstio solvi potest, quare appposito vel desiderato cibo saliva nobis moveatur, nempe quia relaxatione superioris orificii ex ventriculo plus eorum vaporum surgit. Atque hanc fere probabilissimam opinionem reputo, hoc libens concedens, præternaturaliter utroque istorum modorum seri istius fieri in paristhmiis accumulationem, forte in quibusdam, nempe humidioribus constitutionibus & naturaliter. Ad alteram quæstionem respondeo,

respondeo, *omnino aliqua coctione serum istud mutari, ut in salivam transeat.* At quid modo fiat, & qua actione, quandoquidem citra notitiam feri & salivæ cognosci nequit, latiore explicationem differimus, dum de saliva agamus.

§. CXLI. Sicut autem tonsillas nunc ad fauces retulimus, ita non minus musculos earundem recensere hic debemus, quibus eæ motus suos obeunt. Nam quoniam pro lubitu nostro pharyngem movere possumus, & deglutire secundum voluntatis imperium, musculos ipsi dando fuisse apertum est. Et ita factum esse experientia monstrat. At vero illi musculi sunt, quos œsophagi principium possidet, tum pro dilatatione, tum pro constrictione sui. Nam caput œsophagi superius, ipsa membrana faucium videtur esse. Ita ergo *musculorum dilatantium œsophagum sunt duo paria. Primum par* aliquibus vocatur *sphenopharyngeum* ab origine & insertione. Nam principium suum tenue & nerveum capescit à cuneiformis ossis acuto principio, & deinde per internam pterygoidis cavitate descendit, & in tendinem tenuem definit, qui in palati partem cutaneam, à qua gargareon dependet, inseritur. *Secundum par*, ab eodem fere loco incipit, & descendit, & in totam fere faucium lateralem ac posteriorem partem inditur. Contra vero *musculorum constringentium œsophagum sunt tria paria. Primum par* vocatur *Oesophagium*. Totum carneum est, œsophagi, secundum latitudinem laterum scutiformis cartilaginis exortum, sphincteris musculi modo circa gulæ initium circumfertur, eidemque fibris transversis annascitur. Hujus beneficio caput gulæ in deglutitione constringitur. *Secundum par* in faucium posteriore ac laterali cavitate, utpote quam ambit, suum situm obtinet. *Cephalopharyngeum* dicitur ab origine, quam derivat, ubi caput primæ cervicis vertebræ jungitur. Hinc descendit, ac in hyoidis latera, thyroidem cartilagineam, & œsophagi principium, cujus tunicam conficere videtur, implantatur. *Tertium par stylopharyngeum* appellatur, quia ab interna styloidis processus facie gracili initio pronascitur, unde tendine membraneo tyroidi cartilagini, lateribus ossis hyoidis, & radici linguæ implantatur.

§. CXLI. Illis sic visis in interiore oris parte adhuc *lingua* conspiciatur, quam nunc breviter pendere convenit. *Situs* ejus manifestus est omnibus, quod nempe ab interioribus oris partibus foris protendatur. Et quidem, ut in eodem firmiter retineretur præter alligationem per vasa in exortu suo laryngi, ossi hyoidi, faucibus, ac à lateribus tonsillis *connectitur*, inferius autem ligamento firmatur, cujus extrema pars *frangum lingua* est.

est. *Magnitudo* linguæ absolute determinari nequit, ea tamen justa censetur, quæ & oris interiorē capacitatē moderate implet, & tantum spatii obtinet, ut sufficienter & commode moveri queat. Illud etiam ad magnitudinis linguæ declarationem pertinet, quod longitudo latitudinem, & hæc profunditatem superet. *Figuram* deinde habet pyramidi aliquatenus respondentem, quatenus à crassiore principio paulatim antrorsum extenuatur. *Præcipuus linguæ usus* est *commodare animalia ad gustandum*, quam ob causam & sapes recipit, & eosdem dijudicat. Ideo etiam ea parte oris constituta est, qua cibus & potus ad ventriculum transit. *Alter* etiam dignissimus linguæ usus est, *inservire formationi vocis articulata*, qua interiora animi cogitata palam facimus. Porro etiam inservit linguæ *cibus & ad dentes varie transferendū, & ad posteriora deducendū*, ut ad ventriculum per gulam deveniant. Hujus ergo usus gratia, ut & loquelæ, *motus linguæ* datus est valde expeditus in omnes fere loci differentias, ut post videbimus.

§. CX LIV. Ad eos usus præstandos *varie partes* ad linguæ compositionem concurrunt, nempe *caro linguæ propria, membrana, os hyoides, musculi, vincula, & vasa*, de quibus ordine dicendum venit. *Caro linguæ propria* cum musculosa carne quidem aliquatenus convenit, sed ita quoque ab eadem differt, ut merito pars sui generis possit censi. Et ideo eam *præcipuum organum gustatus* esse credimus, præsertim cum & nervus in eam inferatur, & ut sapes percipiantur, opus habeant ad ipsam penetrare. Hinc salivæ cibi imbuuntur, ut melius sapore suo ad dictam linguæ carnem perveniant. Neutiquam itaque eorum opinionem probamus, qui *membranam linguæ* incumbentem pro præcipuo organo gustûs habent, cum ea omnibus interioribus oris partibus, gulæ & ventriculi interiori parti, ac naribus communis sit, neque tamen in illis hoc officio fungatur. Quod ajunt, id fieri, quia nervi gustatorii ibi locorum in eam non terminantur, hoc nihil est, quoniam abunde nervis illi omnibus illis in locis prospectum est, & nervi non differunt, nisi terminatione in partes, ut ita, si illa membrana esset organum conveniens gustatus, omnes in eam desinentes gustatorii futuri sint. Sic neque illis assentimur, qui putant palatum quoque gustare, sed quam illi à veritate abeant, experientia evidenter refellit, quæ docet, quod etiam si aliquid gustabile palato adhibeatur, non autem linguæ, nihil percipiat. Verum eos sefellit, quod cum adverterent plerumque, quando palatum aliquid attingit, gustum fieri, cum tamen alia causa subsist, quod nempe facillime quoque aliquid tum linguæ communicetur. Aliqui etiam nervum per linguam expansum primarium organum gustus esse scripserunt: sed & hoc

hoc aberrare putamus, cum nervi quidem animale spiritum advehant, at tali particulari officio in nulla alia parte præsent. Illud quoque addo, quod terminatio quidem nervi gustatorii in linguam evidens sit, sed neutiquam ejusdem talis expansio qualem illi proponunt. Sic neque in linguæ propria substantia membranam per ipsam propagatam offendimus, qualem aliqui confingunt, ne linguæ carnis officium gustandi tribuerent, hoc satis confutati, quod non-enti id attribuant, ut vero & evidenti enti id derogent.

§. CXLV. Adhuc circa *lingua carnem* notandum est, quod ei fibras aliqui Autores denegant, quod non nisi recte accipiendum. Nam si fibras careret, consistere commode aut contrahi non posset. Igitur non habet fibras vel valde evidentes, vel ita vergentes, ut musculi speciatim sic vocati, at occultas dispersasque per suam substantiam omnino possidet.

§. CXLVI. *Membrana*, quæ linguam foris contegit communis illa est, quam ab interiore parte gula, ventriculusque, ac dehinc aliæ partes in ore positæ, naresque participant, sicut supra jam fuit indicatum. Officium id habet, quod linguam muniat & defendat, atque sic etiam ad perfectiorem gustum faciat, dum excedentes qualitates gustabiles aliquantum refrænât, & per porositates suas gustabile ad propriam linguæ substantiam admittit.

§. CXLVII. *Os hyoides* ad linguam cum aliquibus referimus, quia illi secundum partem substernitur, unde & *os linguæ* vocatur: hoc tamen notamus, quod universe faucibus inserviat, ut hinc *os gutturis* quoque appelletur. Nam totum meatum fascium, ea forma, qua ipsum os est apertum, apertum retinet, ut & cibus promptius per œsophagum ad ventriculum transmittatur, & ut aer quem inspiramus & expiramus libere per laryngem transeat. *Figuram* habere dicitur a Græci, aut *Λ*, unde nominatur *ψιλουδης*, aut contractè *υιουδης*, ac *λμυδουδης*, sed tamen non malè exprimit inferiorem maxillam, quandoquidem antè sinuosum existit, & posterius cornua, veluti processus longos emittit. *Situm* hoc os est in interiore parte oris ad radicem linguæ, ita ut manu quoque in viventibus maximum ejus os, quod *vasis* appellatur, deprehendi possit, si digiti profundius aliquantum in os supra laryngem immittantur. *Connectitur* id os variis partibus, nempe maxillæ inferiori, sterno, scapulis, appendici styloidi, linguæ, laryngis cartilagini thyroïdi, ac œsophago. Plerisque illis partibus lociatur per musculos, nisi quod ejus basis exteriore parte, quæ *ideo basis linguæ* vocatur, linguæ arctissime connascitur: at inferiore parte, una cum secundo ac tertio ossiculo quatuor validis ligamentis scutiformi cartilagini conjun-

gitur, sicut & pari modo reliqua officula styloidi appendici committuntur. *Componitur* id os aliquando ex pluribus, aliquando ex paucioribus officulis, nonnunquam ex *tribus* tantum, sed in viris adultæ ætatis magna ex parte ex *undecim*. *Primum os* baseos ad instar in medio reliquorum lateralium consistit, majus ac latius est, attamen brevius. Exterior convexitatem obtuso angulo ostendit, interius cavitatem. Sinus etiam tres obtinet, unum in superiore parte, qua par muscutorum attollens recipit: duos deinde in parte inferiore, utrinque nempe unum, quibus par muscutorum detrahens insinuatur. Ex huius primi ossis lateribus exseruntur *duo sequentia ossa*, nempe *secundum & tertium*. Ea communiter *cornua ossis hyoidis* Anatomici appellant, sed Spigelius vocat *humiliora hyoidis latera*. Hæc cartilagine & ligamento cartilagineo satis lato sibi firmiter coniunguntur. Porro *quartum & quintum os*, sunt duo processus teretes & graciles, qui ex superioribus ac lateralibus partibus prodeunt, quos Spigelius *superiora hyoidis latera* vocat. His utrinque *tria alia officula* superaddita reperiuntur, quæ prioribus quinque addita, cum sex sint, numerum undenarium complent.

§. CXLVIII. *Usus* huius ossis iam supra notavimus, cui alii & hunc addunt, quod originem musculis multis linguæ & laryngis præbeat. Quod omnino verum est, sicut partim ex iis quæ circa laryngem attulimus iam patet, & porro patebit, cum de linguæ musculis agemus. Hoc loco adhuc, quandoquidem vario motu agitur, de *musculis hujus ossis* aliqua adjiciemus. Eorum *quatuor paria* os hyoides obtinuit, quibus *sursum, deorsum, antrosum, retrorsum, & ad latera* movetur. *Primum par* recta sursum movet, & modice simul antrosum; Latum, breve, ac carneum est. Originem capit à menti aut potius maxillæ inferioris mento subiectæ interiore parte, ac sinui superiori primi ossis inditur. Hinc *Geniohyoideum* nominatur, sicut ab officio *recta attollens*. *Secundum par* primo adversum, recta deorsum & aliquantum retrorsum os hyoides trahit. Unde *detrahens* dicitur, & à situ *Sterno-hyoideum*. Nam carneo & latiusculo exortu à sterni elatiore internaque sede educitur, & sub cute in collo asperæ arteriæ, & laryngis thyroïdi cartilagini affirmata ascendit, ac eâdem semper servatâ amplitudine ac substantia tandem in basin ossis hyoidis terminatur. *Tertium par* ad latera & aliquantum sursum trahit, unde *oblique sursum trahens* vocatur. Nominatur etiam *styloceratohyoideum*: quia à processus styloformis radice exoritur, & in cornua hyoidis eo loco desinit, ubi ea cum basi coniunguntur. Hoc par gracile totum, teres ac exile est. *Quintum* denique *par* itidem ad latera, sed paulum deorsum trahit, hinc *oblique deorsum trahens* dictum. Ita gracile

gracile & longum est, ut nullum simul gracilius & longius in humano corpore reperiatur. Duplicem ventrem cum distinctis tendinibus obtinet. Principium eius carnosum est ex superiore scapulæ costa juxta cervicem ipsius ac processum coracoidem exortum. Hinc sub scapulæ levatore aliquantum latens, post oblique sub caput moventi pari maltoideo ascendit, ac eidem quasi nobiliori cedens substantiâ carnâ amissâ tendinosam ac nerveam porrigit, dum postquam illud musculorum par transcendit, carnosum rursus procedit, & paulo inferius, quam tertium par in cornua ossis hyoidis implantatur. Ab illo suo exortu ac terminatione vocatur hoc par *coracohyoideum*.

§. CXLIX. Sequuntur *musculi linguae*, quorum *quinque paria* sortitur, quibus secundum omnem loci differentiam movetur. Nimirum *antrorsum*, dum extra os exeritur: *retrosum*, cum introrsum ducitur, *sursum* ac *deorsum*, *dextrorsum* ac *sinistrorsum*. Præterea *stringitur* ac *dilatatur*, sed an id à musculus proveniat, an à propria lingua substantia, aut an hæc musculus accensenda sit, de eo Anatomici non consentiunt. Illud certum est, eos in aliquibus cum musculis convenire, & vicissim in aliquibus à musculis discrepare. Quicquid ad musculos referendam judicant, in duos musculos dirimunt, quos *linguales* appellant. Derivant à basi ossis hyoidis carneo principio à quo oblongi antrorsum producantur, terminantes in apicem linguæ. Duos esse putant aliqui, quia mediante linea candida superficiem linguæ percurrente ab invicem in dextrum sinistrumque dividantur. Ac ut musculorum vice melius fungerentur, omnis generis fibris donatos esse asserunt, sed ita sibi mutuo per universum corpus confusis, ut distincte notari non possint. Attamen singulis suum usum adjudicant: *fibris transversis*, ut linguæ corpus in se contrahant incrassentque: *obliquis*, ut linguæ corpus dilatent & à se abducant: ac denique *rectis*, ut ad palatum & fauces retrahendo linguam constringant. Ego supra equidem illam partem linguæ præcipue gustui inservire adstruxi. At quia hoc non repugnat, quin etiam motui constrictionis & dilatationis inservire possit, non vehementer contradixerim illam musculum esse, unum quidem, quandoquidem mihi non videtur mediante illa linea candida in duas partes plene dirempta, aut duplicem, si qui alii accuratius notaverint. Quod verò de diverso officio fibrarum proponunt, iis assentiri nequeo, judicans omnibus illis fibris constringi linguam, expandi autem à remissione actionis fibrarum. Sed unde sursum ad fauces trahitur? Per easdem fibras contrahentes, magis per superiorem linguæ partem distributas.

§. CL. Veruntamen hunc musculum inter illa quinque paria non indigitavimus, sed sunt ea hæc. *Primum par* linguam extra dentes labiaque producit, inde *extrahens linguam* appellatum, ab ortu autem & insertione *geneoglossum*. Nam angusto exortu incipit ab asperitate illa, quæ interiore mediaque maxillæ inferioris parte consistit, hinc latius redditum fere in linguæ radicem implantatur. *Secundum par*, introrsum linguam ducit, *retrahens linguam* vocatum, & *hypsiglossum*, quia ex ossis hyoidis media superiore sede carneum producit, & secundum linguæ longitudinem productum, medio fere ipsius implantatur. *Tertium par* est *attollens linguam*, utpote quod, si simul agat, linguæ apicem recta sursum & retrorsum elevat: sin autem ejus alteruter tantum musculus constriugatur, oblique sursum lingua ducitur. Vocatur *myloglossum*. Nam ortum suum capit lato principio ab inferioris maxillæ interno latere juxta molarium dentium radices, hinc fibris transversis delatum, sub linguæ basi, in ligamentum, qua faucibus ligatur, inseritur. *Quartum par* si totum agat, lingua recta deorsum & introrsum versus inferiores dentes deprimitur, at si alteruter tantum musculorum operetur, oblique & in alterutrum latus deorsum & introrsum ducitur. Ob id officium *deprimens linguam* nominatur, & *ceratoglossum* ab origine & insertione. Nam à superioribus, si adsint, aut inferioribus ossis hyoidis lateribus inchoat, & in linguæ latera juxta ejus radicem, inseritur. *Quintum par* si totum agat, lingua ad ipsas fauces retrahitur, at si alteruter tantum musculus agat, lingua ad latera dextrorsum vel sinistrorsum ducitur. *Oblique trahens* appellatur, ab eo officio, quod obit, si unus tantum musculorum agat: sed ab origine & insertione *styloglossum*, Nam carnofo gracilique principio à styloide processu originem ducit, & hinc crassius latiusque factum linguæ lateribus implantatur.

§. CLI. *Vincula*, quibus lingua coërcetur, facile numerari possunt, quandoquidem uno plura non sint. Hoc ligamentum validissimum & membraneum est, medio linguæ corpori substratum. Ex hujus extremo circa apicem linguæ funiculus ille producit, quem *linguæ frenum* vocitant. Hoc ipsum si longius sit, ut ad dentes priores usque porrigatur, impedit linguæ liberum motum, atque sic non solum in pueris suctioni officit, sed & in adultis sermoni, sicut experientia illud comprobat. Hinc in pueris frenum illud, si justo majus fuerit, chirurgica operatione incidi debet forfice, non digitis lacerari, quod temerariæ quædam mulieres faciunt, cum ex dolore humorum affluxus, inflammatio, & alia mala queant concitari. *Quis sit usus ligamenti linguæ* Autores non eodem modo explicant. Aliqui opinantur,

opinantur, id à natura hominibus tributum esse, ne essent nimium loquaces. Sed hi rhetoricantur. Nam aliqui nimium loquaces sunt, quibus hoc vinculum satis curtum est, & aliqui non ita loquaces sunt, quamquam hoc vinculum satis laxum est. Nimirum ex sublimiore principio loquacitas vel taciturnitas dependet. Ergo quidem illi mihi non male sentire videntur, qui id vinculum ideo linguæ additum esse docent, ne lingua nimis verus unam aut alteram partem exorbitaret, sed ut debitam obtineret in sede sua firmitudinem.

§. CLII. *Vasa lingua* non opus foret distincte persequi, nisi aliqua pecularia se hic ingererent. Itaque *venas* & *arterias* quod attinet, utriusque generis in utroque latere diviso per lineam candidam una magna & notabilis occurrit, cujus incisio (maxime venæ, cum hæc soleat ordinarie tundi) postquam toti sufficienter prospectum est, solet sæpe angina aut phrenitide laborantibus magnam levamentum afferre, seu ob derivationem, seu ob revulsionem, seu ob evacuationem humoris affluentis. *Nervi* itidem non ad linguam derivati alii *gustatorii*, alii *motorii* linguæ dicuntur, non quod ipsi in se substantia aut specie differant, verum quia in diversas linguæ partes inferuntur, alii nempe in substantiam linguæ, alii autem in musculos, quæ partes dehinc pro suo ordinario officio operantur. Aliqui etiam persuadere nobis conantur, alios nervos in linguæ membranam abire, ut in eadem sensus tactus obeatur, alios in substantiam carnosam, ut sensus gustus expeditius contingeret: sed sicuti libens experientiæ & autopsyæ anatomicæ assurgere paratus sum, ita ingenuè fateor, me id hæcenus distincte non deprehendere potuisse.

§. CLIII. Persecuti nunc sumus omnia sensoria, excepto eo, quod est tactus, ideoque ne prorsus à reliquis divellatur, ejus quoque considerationem brevem hic locorum suscipiemus. Nam etsi in capite id organum non plene comprehenditur, tamen & in eo partialiter reperitur, ut sic cum de reliquis sensoriis actum sit, si de hoc quoque agamus, nihil criminis commissuri simus. Quod vero attinet aliorum de *organo tactus* sententias, illæ valde dissonæ sunt. Aliqui enim *omnes omnino corporis nostri partes*, ipsa quoque ossa adeo tactu esse prædita judicarunt: alii *partes molles omnes* voluerunt tactui inservire, per molles partes intelligentes omnes eas, quæ non sunt ossæ: alii *membranas*, alii *carnem*, alii *cutem* sensorium tactus nominarunt. Aliqui *nullam partem* nominari posse censuerunt, alii autem cum adverterent, cuti, membranæ, nervo, tendini, ac carni tactum esse communem, judicarunt se posse omnem controversiam evitare, si *car-*

nem

nem quidem dicant organum tactus, sed per illud intelligant non carneni vulgo sic appellatam, sed ampliore significato, omne illud, quicquid fibris nervis confutatur, ac molle est.

§. CLIV. Omnes eas sententias sigillatim examinare longum foret, atque ideo brevibus quid ipse sentiam edisseram, & assertionis rationes probabiles adjungam. Ergo censeo *sensum tactum* in nobis reperiri tum *imperfectum & communem*, tum *perfectum ac proprium*. Illo judico tactilium qualitatum præsentiam quidem manifestari, sed non distincte essentiam & varietatem earundem: contra autem existimo in hoc fieri. Ergo quidem *si de organo sensus tactum secundum primum modum queratur*, illis *assurgo*, qui aut omnibus partibus tactum attribuunt, aut solis ossibus denegant. Nam in his saltem nullam voluptatem, nullumque dolorem percensuimus, & qui dicitur dolor *ἰν' ὀστέῃς* non tam in ossibus est, quam in membranis eorundem, sicuti & dentium dolor qui dicitur potius in membranis ligamentis aut nervis per radices dispersis, quam ipsis dentibus imputandus est. Sed præter ossa vix aliquæ partes nominari queunt, quin levem saltem sensum tactus prodant, adeo ut in parenchymatis ipsis hepatis, lienis, pulmonisque, imo in cerebro sensus gravitatis queat deprehendi, ne de cæteris partibus quid adjungam, quas constat dolore posse percelli. Verum si queratur, *quodnam sit organum sensus tactum perfecti*, qui nempe non solum percipit aliquid tactile adesse, & illud esse vel cognatum, vel molestum, verum etiam quoad sensu fieri potest, illud distincte apprehendit, an sit primæ vel secundæ qualitatis, & cujus, v. g. an sit calidum, vel frigidum, molle vel durum &c? tum respondeo *cutem esse proprium sensorium tactus*.

§. CLV. Hoc ipsum non convincit solum aliorum numeratorum organorum remotio, utpote ad quæ, tanquam profunde nimis jacentia species tactiles pervenire non possunt, vel sensu nimis debili prædita sunt, vel nimis sensibilia existunt, ut omnia cum dolore apprehendant, verum etiam quod in hac parte omnia requisita sensus tactus sint. Quippe spirituum animalium ac vitalium sufficientem copiam continet, & temperiem ita moderatam habet ut in nullis seu primis, seu secundis qualitibus vehementer exorbitet. Porro situm obtinet accommodatissimum excipiendis omnibus tactilibus, & corpori utilissimum, ut cito moneri possit, si excedentia tactilia occurrant. Et quid? Experientia satis contestatur, quod in cute omnia sensibilia distincte satis percipiantur, modo ea sana sit, & omnia se recte habeant. Præcipue autem *viget virtus illa tangendi in cute manus, maxime illa, quæ est in vola manus & acinis digitorum*, ut ea quoque de causa

causa manus sit nobile hominis instrumentum. Ac ne nimia vehementia cuti taëilia occurrerent, *cuticula* eidem superposita est, quæ tanquam medium inter taëile & organum proprium taëlis intervenit, unde accidit, ut cuticula avulsa omnia dolorifice sentiantur.

§. CLVI. Omnes partes, quæ ad caput pertinent, jam expeditimus, solum restant illi *musculi*, qui caput & cervicem movent, ut adeo illorum tractatio pro complemento istius doctrinæ subjicienda videatur. Nam ipsum caput pro organorum sensuum directione & aliis usibus motum quoque obtinere debuit, & quidem voluntarium per musculos, quia secundum iudicium mentis ille motus gubernari debebat. Est vero ille motus capitis vel *primarius*, quo caput ipsum per se movetur; vel *secundarius*, quo caput movetur ad motum colli seu cervicis. *Primarius* motus celebratur super *primam* ac *secundam* colli vertebra. Qui supra *primam* contingit, fit vel *antrorsum*, vel *retrosum*, seu *flectione* vel *extensione*, eaque utraque vel *recta*, si totum par moveat, vel *obliqua*, si alteruter tantum musculus agat. Qui supra *secundam* accidit, fit *circa processum ejus dentiformem*, *circumvolutione* quadam, quasi ad axem. *Secundarius* motus, qui ratione colli seu cervicis capiti tribuitur, quadruplex est, nempe *antrorsum*, *retrosum*, *dextrorsum*, ac *sinistrorsum*. Vtrique isti motui tributi diversi musculi sunt, quorum qui caput speciatim movent, dicuntur *motorii capitis*: sed alii, qui id secundo movent, appellantur *motorii cervicis*.

§. CLVII. *Motoriorum capitis musculorum* sunt septem paria, quorum unum flectit, quatuor extendunt, & duo circumagunt: atque ista paria ita consistunt, ut eorum alterutri musculi in dextris, alterutri in sinistris jaceant. Ergo *flectens* par anteriore colli parte ponitur, sub musculo quadrato buccas detrahente. In exortu divisus est cavitare aliqua, & etiam à diversis partibus procedit. Nam alia quidem parte nervosius est, & à summo sterni incipit: alia autem carnosius, quâ à claviculæ parte elatiore, ubi sterni conjungitur, producit. Postea carnosum redditum & sibi unitum id geminum principium oblique ad collum ascendit, longum potius quàm latum, & latum verius, quàm teres in initio, sed cum ad mammillarem processum devenerit, teres fit, & carnosio crassoque sine ipsi inseritur. Hoc par ab eâ insertionem quibusdam dicitur *mastoideum*. Officiū ipsius est, caput in anteriora flectere, recta quidem, si totum par agat, at ablique, si alteruter tantum musculus contrahatur.

§. CLVIII. *Extendentium musculorum primum* par quibusdam *sternium* vocatur, quoniam oblongum & latum existens vinculi aut ligaturæ

M m

figuram

figuram refert. Spigelio autem à figura *triangulate* nominatur, cujus unum latus constituit ab exortu ad tertiam vertebra, alterum ab hoc usque ad occipitium, ac tertium ab occipitio usque ad exortum. Originem capit à duplici principio: altero quidem ab apicibus quintæ, quartæ, tertiæ, secundæ ac primæ vertebrarum thoracis: sed altero à quinque inferiorum colli vertebrarum spinis, ubi muscoli istius paris rectis fibris mutuo junguntur, & cum ad tertiam colli vertebra pervenerint, vicissim ab invicem discedunt, ac fibris aliquantum obliquis in occipitio medio, quod inter utramque aurem est, inseruntur. In hoc par tum id notandum est, quod in thorace quidem nerveum, sed in cervice carneum existat, tum quod intervallum id, quod intercipitur inter musculos, cum ab invicem discedunt, triangulum non malè exprimat, sicut & de toto musculo diximus.

§. CLIX. *Secundum par* priori subjacens vocatur *trigeminum*, aut *compositum*, quia ex tribus principiis ita diversis exoritur, ut quasi conflatus ex tribus musculis videatur, & fortè ex quatuor aut quinque, ut patebit. *Primum principium* aut *primus musculus* initium acutum habet ex transverso processu quartæ & quintæ thoracis vertebræ prodiens, quod illico carneum factum per reliquas thoracis vertebra ascendit, & ubi ad colli radicem pervenerit, carneam naturam exuit, ac in teretem tendinem abit: mox verò, ubi hunc superavit, iterum carneam induit naturam, & sic usque ad occipitium ascendit, in ejusque medium inseritur. *Secundum principium* aut *secundus musculus* à septimæ cervicis vertebræ spinâ, brevi, tereti ac nerveo initio exoritur, sed mox ascendens carneamque substantiam suscipiens cum priore ante insertionem conjungitur. *Tertium principium* seu *tertius musculus* origine partim nervosâ partim carnosâ à transversis processibus primæ secundæque vertebræ thoracis exoritur, hinc oblique extrorsum ducitur, dum ad radicem processus mammillaris cum secundo jungitur, ac occipitio validè infigitur. Adhæc his seu diversis musculis, seu ejusdem diversis principiis carnea quædam moles subjicitur, quasi quartum aut etiam simul quintum principium aut musculum faciens, quæ dehinc prioribus sociatur.

§. CLX. *Tertium par* complectitur musculos, qui *recti majores* vocantur, & sub prioribus statim occurrunt. Carnosi sunt, parvi, gracilesque à apice spinæ secundæ colli vertebræ sibi contigui producti, sed mox ab invicem recedentes ascendunt & in medium occipitium inseruntur. Denique *recti minores* teretes illi, qui sub prioribus siti sunt, *quartum par* faciunt.

Sub-

Substantia, figura ac progressu prioribus similes, sed tamen iis minores sunt. Similiter enim continui sibi invicem à tuberculo primæ colli vertebræ prodeunt, & mox à se invicem discedentes & sursum delati in occipiti medium desinunt, sub finibus rectorum majorum.

§. CLXI. Quandoquidem omnia quatuor illa paria extensioni capitis inserviunt, quæsitum est, *quare tot musculi uni illi functioni dicati sint?* Præcipua causa est, quia quoniam caput ad acutum valde angulum flecti debebat, ut ad superiora oculorum aciem perfectius intendere posset homo, & illud longis magnisque musculis præstari commodè non poterat, at parvi debiles futuri fuerant, fuit id multitudine compensandum. Proinde cum caput flectitur primum quidem longi agunt, sed ubi in acutum valde angulum flectitur, recti subveniunt. Verum *quare ad tam acutum angulum flecti caput debuit?* An solum ut oculorum intuitum etiam in superiora convertere posset, an etiam ut illa oculis contemplans illorum & suam originem mente comprehenderet, & una paratam sibi patriam ac beatas sedes meditaretur? Non alienum sanè id est à ratione, quia cœlestia præcipuè Deum manifestant, atque ejus sui que desiderium etiam ingerunt. At, *quare tum natura caput non fecit potius versus extensionem vergens, quam versus flexionem?* Aperta ratio est, quia homo, quamdiu in terrâ est, ut possit ea conspiceret, quæ circa pedes sunt, maxime flexione opus habet. Proinde ad hanc obeundam naturalem capiti inclinationem indidit. Atque ista causa est, *quare minus lassitudo capitis ex flexione percipiat, quam ex extensione?* Quia nempe in illam gravitate sua sponte vergit, ut citra magnam musculorum intensionem illa peragi queat, cum in extensione contra fiat.

§. CLXII. *Circumagentes musculi* à situ obliqui vocantur, exigui sunt, & sub rectis extendentibus positi, illis substantiâ & formâ respondentes. Eorum *primum par superius* est, ac è medio occipitio juxta externum latus rectorum majorum emergens, oblique descendit, & in apicem transversus processus primæ colli vertebræ transversim inseritur. *Secundum par*, quod *inferius* est à spina secundæ cervicis vertebræ enascitur, ac oblique ascendit, dum in processum transversum primæ vertebræ cum præcedente inseratur. Hi cum contrahuntur circulariter versus spinam retro primam vertebra super secundâ circumagunt, unde fit, ut caput eidem insistent una circulariter moveatur. Sed quia hæc paria valde parva sunt, eorum motum duo priora extendentium paria, cum non tota, sed alterutri solum musculi agunt, adjuvant.

§. CLXIII. *Motoriorum cervicis musculorum*, quibus etiam conse-

quenter cerebrum movetur, *quatuor sunt paria*, nimirum *duo flectentium*, & *duo extendentium*. *Flectentium primum par* sub œsophago jacet, ac *longum* appellatur, quia longum est. Initium ducit acutum & carneum à corpore quintæ vertebræ thoracis anteriore parte, ubi costæ jungitur. Hinc omnium vertebrarum corporibus laterali sede affirmatum ad superiora contendit, dum ad primam cervicis vertebram pervenit. Ibi uterque musculus se tangit, & acuto nervosoque tendine desinit in processum primæ vertebræ, qui est analogus corporis vertebrarum reliquarum, ut *cervix flectatur*. *Secundum par* dicitur *triangulare*, & specialius *scalenum*, quia non solum triangulo simile est, sed & illi speciatim triangulo quod tria latera inæqualia habet. Oritur à prima superioreque thoracis costâ carnosio ampleque principio, hinc versus caput contendens angustatur, & in omnium colli vertebrarum transversos processus (primâ & secundâ nonnunquam exceptâ) quâ interiora spectant, obliquis fibris terminatur.

§. CLXIV. *Extendentium cervicem musculorum primum par, transversalium musculorum* quibusdam nuncupatur. Nam à sex superiorum thoracis vertebrarum transversis processibus exoritur, unde paulatim crassius effectum, in omnes cervicis vertebrarum processus transversos externâ sede terminatur. *Secundum par* totam cervicem occupans inter spinas utrinque consistit, unde & *spinatum* quibusdam vocatum est. Pluribus principiis emergit è radicibus spinarum. septem superiorum thoracis vertebrarum, & hinc sursum ascendit, ad similem modum, plura sibi principia adjungens ex singulis transversorum processuum vertebrarum cervicis radicibus, donec tandem in totam inferiorem spinæ secundæ vertebræ partem validè implantentur, ibidemque illius paris muscoli sibi conjungantur, qui tamen prius toto per cervicem ductu non nisi spinæ interventu ab invicem discreti fuerunt.

§. CLXV. His quatuor paribus musculorum *cervix antrosum, retrorsum, dextrorsum* ac *sinistrorsum* ducitur, ac consequenter & caput, quod cervici insistit. Attamen non cuilibet motui sunt sui præfecti speciales muscoli: sed quidem si omnes simul agunt, cervicem erectam & rigidam tenent, ut in tetano. Rursus si flectentia paria una, sed sine extendentibus trahant, antrosum recta cervicem ac caput inclinant, quod idem etiam fit, si alterutrum par solum agat, sed non ita fortiter, ut hinc appareat, ob mutuam auxilium illa duo paria condita esse. Ex adverso si extendentia paria simul agant, aut unius paris utrique muscoli, retrorsum recta cervix, & consequenter etiam caput ducitur. Porro si flectentium parium aut
utrique

utrique in uno latere consistentes, aut unus tantum eorum operentur, antrorsum quidem cervix ac caput flectitur, at oblique versus illud latus, in quo musculorum contractio est: atque sic retrorsum etiam cervix cum capite movetur, si ad similem modum extendentes musculi operentur. Denique si extendentes & flectentes musculi ejusdem lateris simul contrahantur, in id latus cervix cum capite quoque trahitur, & sic dextrorsum ac sinistrorsum movetur.

C A P U T X I.

De Musculis in genere, ac de eorundē generalibus differentiis.

§. I. **S**upra humanum corpus in ventres & artus dispescimus, atque illos etiam explicando jam absolvimus, hi autem adhuc restant. Quos antequam aggrediamur, prius quædam de musculis proponemus. Nam in artubus maximē musculorum functio conspicitur, atque iidem primum in artubus inventi sunt. Interim hoc libenter largior, non incommodē musculorum generalem tractationem potuisse mox post explicationem similium partium proponi, tūm quia non ex ita multis compositi sunt, tūm quia per universum corpus sunt distributi. Verum quia ibidem locorum hæc doctrina à nobis prætermissa est, eandem hic attememus.

§. II. Habet suum nomen *musculus* à similitudine parvi muris, quem aliqui musculi, qui primum inventi fuerunt, aliquatenus effigiaverunt, curto parvoque capite, amplo corpore, & proluxa caudâ. Eadem de causa Græcis *μῦς* vocatur, quanquam aliqui hanc vocem *μῦς* à *μῦς* i. e. à *contrahendo*, utpote propriâ musculi actione derivant. Alias etiam *lacertus* appellatur, pariter ob aliquam convenientiam cum animali cognomini.

§. III. **A**n Aristoteles *musculos cognoverit*, Autores inter se controvertunt. Aliqui, quia in libris suis illorum nullam mentionem facit, concludunt, ipsum nihil de musculis scivisse, præsertim cum lib. de motu animal. spiritibus id officium attribuat. Sed alii judicant, ipsi saltem non prorsus ignotam musculorum naturam fuisse. Nam cum Hippocr. diversis in locis musculorum mentionem fecerit, Aristoteli autem Hippocratis libri lecti fuerint, dubitari non potest, quin & illorum notitiam acquisiverit. Atque hoc quidem facilius credetur, si quis attentè ea, quæ lib. 2. de part. animal. c. 9. à Philosopho proposita sunt, perpenderit. Nam non solum ibi compositionem ossium ad motum animalium necessariam esse docet, verum

etiam addit, *carnem circa ossa consistere, vinctis modo fibrarum tenuibus adhaerentem, cujus causa ossium genus habeatur.* Quibus verbis ultimis id videtur Philosophus insinuare, quod ossium genus animalibus datum sit propter carnem supra jacentem. Nam alioquin nullus in verbis illis apparet sensus, atque hoc idem subjecta verba evidenter exprimunt. *Ut enim, inquit, qui ex limo, aut alia massa animal effingunt, firmo aliquo subdito corpore obducunt, atque efformant, sic natura ex carnibus animal condidit.* &c. Sin autem istud concedatur, porro videndum est, quâ ratione ossa sint propter carnem. In anterioribus Aristoteles docet, istam ossium compositionem esse propter stabilitamentum & propter motum, atque in posterioribus verbis hæc ad carnem applicat, ita porro post ultima citata verba progrediens. *Ceteris igitur partibus scilicet carnosissimis ossa omnibus subjacent, aut flectendi gratia si moventur, aut conservandi causâ, si immobilia sunt, ut costæ, quæ pectus salutis viscerum gratia claudunt* &c. Vnde liquet, quod etsi Aristoteles in suis libris non quidem musculorum nomen usurpaverit, attamen rem & naturam ipsorum non obscure indigitaverit, & dehinc id nomen usurpaverit, quo ipse Hippocrates musculos appellavit lib. 4. Aph. 16. Neque repugnat locus ex lib. de animal. mot. ubi docet, à spiritibus animalia moveri. Nam & universaliter ibidem Philosophus de omnium animalium motu egit, ut sic non necessum habuerit, aut etiam justè potuerit musculos nominare, cum illi quibusdam solum animalibus convenient: & dehinc altius fortè inquirere voluit, unde ipsi muscoli, aut quod iis in aliis animalibus analogum est, moveantur, nempe à spiritibus.

§. II. Attamen, quicquid etiam Aristoteles de musculi senserit, satis illorum *existentia* nota est, ut merito nunc in illorum *naturam* potius inquireamus. Hanc autem non difficulter indagabimus, si ex quibus partibus componantur, nobis constiterit. Occurrit autem duplex musculi compositio, una qua integraliter componitur, altera quæ essentialiter. Compositione integrali musculus dispescitur in principium, medium, ac finem. Principium est illa musculi pars, à quâ incipit, qualis plerumque est illa, ad quam fit contractio. Finis est pars illa musculi in quam desinit, qualis plerumque est parti inserta, quæ moveri debet. Medium autem est pars musculi inter principium finemque ejus comprehensa. Addidi plerumque. Nam non omnes musculi alias partes movent, sed aliquæ potius seipsum tantum, ut sphincteres ani & vesicæ & alii quidam. Proinde neque principium caput, aut finem caudam appellavi, quoniam id quidem in aliquibus, imò plerisque, non tamen in omnibus obtinet. Ne verò id prætermittatur, sciendum est,

est, in multis musculis *principium* curtâ ac nervosâ parte constare, ac sæpius oriri ab osse aliquo ob majorem firmitatem : *finem* itidem *tendinosum*, aut *nervosum*, ut quidam appellant, ac caudâ instar productum solere comparere: *medium* autem carneum plerumque esse, ac ad similitudinem corporis aut ventris extans. Hinc *principium caput*, *medium venter*, ac *finis cauda* atque *divergens* vulgo nuncupatur.

§. V. Quoad *compositionem essentialem*, *formam* musculi non inquiremus, utpote quam novimus non esse aliam specificam, quam animam, quâ informatur, sed *partes illas specie discrepantes ex quibus conflat*. Hæ variantes sunt, in aliquibus musculis *plures*, in aliquibus *pauciores*. In *omnibus*, quantum constat, reperiuntur *caro*, *fibra*, *membrana tegens*, *vena*, *arteria*, & *nervus*. *Caro musculorum* secundum rectum una serie fibris circumfunditur, ac omnino diversæ naturæ est, à carne viscerum, aut parenchymate, aut carne glandulosâ. *Fibra* siccæ albicantesque sunt, filamentorum ad instar per carnem diffusæ, maximè secundum longitudinem ejusdem, rarumque est, cum aut diversi generis fibræ in musculo reperiuntur, aut eæ non jacent in longitudinem. Aliquando tamen id evenit, ut ex particulari musculorum historiâ constat. *Membrana* etiam musculi defenduntur, & discernuntur, adeo ut secundum eam musculi plures vel pauciores esse videantur. *Vena* & *arteria* musculorum alimonix inserviunt, at *nervi* motui, quandoquidem spiritum animale eam ob causam musculo advehunt. Plerumque illa vasa principio aut medio musculorum inferuntur, fini vix unquam, nisi quod in longioribus musculis quandoque in finem ex vicinis partibus vasa implantantur. Circa implantationem tamen vasorum hoc discrimen est, quod *vena* & *arteria*, ac maximè *vena* semper ad interna musculorum penetrent, at *nervi* quandoque, quoad videri potest, etiam solum in superficiem. At ubi in musculum derivatus est, ad eundem modum, quo venæ & arteriæ divelluntur, & ipse dispescitur, hoc tamen discrimine, quod non, ut illæ, carne tegatur, sed semper nudus incedat.

§. VI. Præter has partes, *pinguedo* ac *tendo*, *caputque nervum* in quibusdam musculis reperitur. *Pinguedinem* aliqui omnibus musculis dene-garunt, sed experientiâ satis confutari queunt, quæ ostendit vel in boum carnibus hincinde pinguedinem interstitam esse. Ac quod idem sit in hominibus eadem autopia monstrat. *Tendo* contra à quibusdam omnibus musculis tribuitur. Hoc partim concedi, partim negari potest. Nam si per tendinem latè sumendo eam vocem intelligant ipsas quoque fibras, dubium non est, quin omnes musculi tendinem habeant, si non unum, tamen

tamen divisum per fibras. Etenim negari non potest, quin fibræ per musculum dispersæ similis ferè aut ejusdem naturæ sint, cum tendinibus in specie sic appellatis. Sed si tendo specialiter sumatur, pro parte similari, frigidâ, siccâque, sui generis, tereti ac longâ, musculis instar caudæ adnatâ, manifestum est, quod non in omnibus musculis inveniat. Denique *caput quoque nervosum* vix videtur substantiâ differre à tendine aut magis à fibris, sed solo situ ac speciali usu, ut adeo de eo nihil necessum sit addere.

§. VII. *Officium musculorum est vel immediatum, vel mediatum. Immediatum est sese contrahere. Mediatum verò est diversum, & quidem præcipuum inservire voluntario motui.* De singulis illis aliqua in specie adducenda sunt. Principiò dicimus, *musculorum immediatum officium esse sese contrahere*, ubi initio quæritur: *qua sit causa contractionis?* deinde, *quomodo fiat?* tum *quotuplex contractio sit?* ac denique, *quid sit sentiendum de expansione musculorum?*

§. VIII. Quod primam quæstionem attinet, illud extra dubium ponimus, *animam esse radicalem ac originariam primam causam illius contractionis*, utpote cum eadem prima radix omnium functionum sit. Sed tamen aliquam videtur habere id difficultatem, *quam eam anima sit?* Nos *animam sentientem esse putamus*, cum illa contractio secundum appetitum sit. Ita tamen, ut anima sentiens ordinariè subsit etiam in hac functione animæ rationali in homine. Hoc modo cum solvimus quæstionem, id tamen notamus, quod *anima sentiens ac rationalis ad hanc functionem concurrat aliquando prorsus spontaneè*, quod maximè naturale est, sed *aliquando aliquatenus invisè*, quatenus ob irritationem organi functionem eam obit, & hoc præternaturale est.

§. IX. Neque illud ita controversum existit, *spiritum animale originarium istius contractionis instrumentum esse*. Atque si quis id in dubium vocaret, facile exemplo paralyticos convelli posset, quandoquidem ea sæpè etiam omnibus se bene habentibus præcisè contingit, quia impeditur liber spirituum animalium per nervos in musculos derivatio. Et ideo hi spiritus omnibus animalibus competunt, etsi non omnia propriè dictos musculos habent.

§. X. Hoc præcipuè quæritur: *qua in musculo præcipua pars sit, qua contractio obeatur?* Nam in homine quoque musculos contrahi sensu quoque evidens evadit, cum contractione tumesceri ad eum modum musculos advertimus. Alii ergo *carne* musculorum accipiunt, quandoquidem caro propria musculorum substantia sit, & musculi nomine carnium apud Hippocratem

pocratem & Aristotelein veniant. Attamen horum opinioni meritò alii refragantur. Nam cum id, quod movere debet partem, validum esse debeat, certè id accipi non debet, quod pro propriâ consistentiâ suâ eget fulcimento, quemadmodum caro. Et dehinc læsâ, imminutâque carne musculus nihilominus contrahi potest, aliis ejus partibus non læsis, quod fieri non posset, si caro esset illa præcipua musculi pars. Neque rationes adeo urgentes sunt in contrarium adductæ. Nam neque solâ carne tanquam propriâ substantiâ musculi constituuntur, atque Veteres Autores non adæquatè sed synecdochicè loquuntur, cum musculos carnes appellant. Alii dehinc *nervum* putant musculum contrahere, ducti eâ ratione, quod nervo affecto musculus aut non, aut imminutè, aut pravè contrahatur. At nos *nervum* quidem ad contractionem illam necessarium esse concedimus ob advectionem spirituum animalium, verum neutiquam largimur, ipsum ad musculi contractionem sufficienti virium robore pollere, quia etiam levissimâ de causâ rumpitur ac discedit. Aliqui *membranas* musculorum accipiunt, verum quia musculi secundum certum ductum moventur, & in hoc motu aliquando etiam membranâ avulsa persistunt, alia pars isti motui præficienda est.

§. XI. Iudico ergo cum aliquibus doctis Philosophis & Anatomicis, *fibras* eam partem esse quarum contractione musculus contrahuntur, quandoquidem speciali ratione musculis conveniunt, & quoniam secundum eorum ductum musculus contrahuntur, & maxime, quia illis dissectis carnibus aliisque partibus salvis musculorum motus cessat. Vt autem hanc functionem melius perficerent, earum distantia carne implentur pro majori robore & siccarum partium humectatione, ob quam causam & pinguedo intercedit in quibusdam musculis. Membrana dehinc musculos toris munit, & etiam eosdem ab invicem sejungit.

§. XII. Hæc cum ita proponimus, iis non contradicimus, qui docent, *tendinem* esse illam partem, qua musculus contrahuntur. Nam non intelligunt tam tendinem unitum, quàm divisum per musculorum carnem. Sed *quid de tendine unito seu caudâ, & capite nervoso est sentiendum, in iis musculis, in quibus reperiuntur?* Non videtur & illis vis contrahendi deneganda, quia ejusdem naturæ cum fibris sunt, interim præcipuam vim capiti tendinoso & fibris per musculos dispersis tribuimus, cum alii tendines ob longitudinem nimiam non ita apti sint ad eam contractionem.

§. XIII. Sequitur secunda quæstio: *quomodo fiat contractio?* Aliqui opinantur, spirituum animalium influxu distendi & inflari musculos, ac sic

Nn

contra-

contrahi ob distensionem. Verum hæc sententia non placet. Etenim initio non videntur spiritus tantâ copiâ in musculos influere, ut eos ita distendere possint. Ac deinde, si maximè hi spiritus inflarent musculos, illi non sic, prout nunc contrahuntur, possent constringi. Nam magis vel minus pro lubitu contrahuntur, & cum placet, iidem muscoli relaxantur. Sed si à spirituum affluxu illa distensio fieret, non solum pro lubitu plures vel pauciores spiritus in nervos impellerentur, sed etiam à musculis in nervos resfluerent, aut dissiparentur, quod non faciliè videtur concedendum. Proinde probabilius mihi esse videtur propriâ & insitâ vi fibrarum auxilio spirituum ab animâ illam contractionem peragi, cum maximè advertamus, quod etiam præcisus nervus, cum etiam quædam partes sunt evulsæ ex corpore nostro, quamdiu sensus in illis est, irritatione externâ occurrente contrahantur. Hoc in corde maximè compertum est, at pro exiguo tempore etiam in aliis partibus observatur.

§. XIV. Nunc tertia quæstio succedit: *quotuplex sit contractio?* Ad hanc respondeo, quod *contractio* principio alia sit *moderata*, alia *extrema*. Hæc contrahit musculum, quantum potest: illa in medio subsistit. Attamen cum dicimus, *quantum potest*, non intelligimus extremas naturæ vires, quas irritata aliquando ostendat, sed eas, quæ sunt plerumque sine evidenti molestiâ. Dehinc *contractio* alia est *ulterius procedens*, quemadmodum illa quæ nondum attingit terminum, alia *in statu suo permanens*, aut *statum suum conservans*, quemadmodum illa est, quæ musculum contractum retinet. Huc pertinet *motus tonicus*, utpote qui contracti musculi conservatio in eodem statu est. A quibusdam dubitatum adverto: *an vera ac positiva actio sit?* Nullatenus dubito, quoniam actio & conservatio ejusdem sub eadem specie continentur. Et quoniam lassitudo à motu tonico non levis percipitur, ac quoniam ille motus etiam citra molestiam non diu continuari potest, facile apparet, quod vera actio esse debeat. Nam à quiete non procedit lassitudo, nec provenit molestia.

§. XV. Ad ultimam quæstionem de musculorum extensione seu expansione respondemus: *extensionem musculi, non esse ejus veram actionem*. Quoniam enim nulla est pars à qua illa positivè proficiscatur in musculo, positiva actio esse nequit. Aliqui fibras nuncupant: sed malè: quandoquidem idem non est contrariorum causa univoca ac naturalis. Unde ergo sit *extensio*? Iudico fieri partim à remissione actionis, partim à musculo opposito dilatante sibi oppositum: ut sic partim quies sit, partim etiam actio, sed musculi adversi.

§. XVI.

§. XVI. Hæc de contractione musculorum & eo pertinentibus. Porro nunc asserimus: *musculi contractionem inservire variis usibus, maximè tamen motui spontaneo ac voluntario.* Quibus ipse dissentimus ab illis, qui putant omnes musculos esse voluntarii motus causâ. Nam quem motum voluntarium sphincter ani aut vesicæ præbet, aut quem ille, qui gulam constringit? An non potius alium usum, quam motum hîc recensēbimus? Si quis dicat, illum finem non obtineri posse citra motum: reponimus id verum esse, sed illud urgemus, motum hîc se habere tantum per rationem medii, ad alium principaliorē finem. Attamen de vocibus non est anxie disputandum, ubi res constat: ac id certum est, plerosque musculos motus spontanei ac voluntarii causâ hominibus esse concessos: aut saltem eos esse notissimos, qui in hunc usum hominibus dati sunt.

§. XVII. Sic patescit tota natura musculi, quæ tali descriptione commodè explicari potest: *Musculus est pars dissimilari humani corporis, ex carne rectè fibris adjacente & fibris tendinosiis tanquam propriis partibus conflata, contractione sui inserviens maximè spontaneo seu voluntario motui hominis.* In quâ definitione nihil occurrit difficilis, nisi illud, quod aliqui *voluntarium motum* nominandum non putent, cum etiam veri musculi dentur in brütis, quæ tamen voluntario motu destituuntur. Sed iis repono, hîc considerari non musculos in genere, sed in specie, eos nempe, qui sunt in humano corpore. Dehinc quoque alterum difficultatem videtur involvere, quod *non omnes musculi spontaneè contrahantur*, cum quidam ob aliquam causam externam vel internam id faciant. Sic sphincteres, ani & vesicæ ob retentionem excrementorum. Sed respondeo, non desinere ideò spontaneè contrahi, quandoquidem etiam illæ contractiones sunt prævio prius judicio sensus, unde etiam urgentia excrementa aliquamdiu retinere possumus.

§. XVIII. Antequam adhuc à musculorum naturâ in genere abeamus, quasi adjuncti loco eorum *figura* observanda est, quandoquidem illius cognitio multum ad rectam curationem facit. Dicitur autem vel *extrema* vel *media* esse. Illa est quam musculi summè contracti & extensi obtinent: hæc quam sortiuntur, cum mediâ ratione se habent. Inter hanc duplicem hæc differentia est, quod *extrema figura* nec diu ferri possit, nec sine dolore sit, contra autem se habeat *figura media*. Proinde tum in conjunctione fractorum ossium, tum in restitutione luxatorum semper *media figura* eligitur. Atque quidem in quibusdam musculis hæc semper obtinet, ut in sphincteribus & frontis musculis, at in aliis artificiosâ conjecturâ indagatur, si factâ extremâ articuli extensione & contractione, locus notetur

medius, & membrum ad eum inflectatur.

§. XIX. Varias fortiuntur *musculi in genere differentias*, quæ ipsæ vel petuntur à *musculis totis*, vel ab *iisdem prout ex partibus componuntur*, atque iis vel *dissimilaribus*, vel *similaribus*. Atque quidem in his singulis sumuntur ab iis, quæ ad organicam & essentialem constitutionem pertinent, nempe vel à *substantia*, vel à *numero*, vel à *magnitudine*, vel à *figura*, vel à *situ*.

§. XX. Si *totos musculos* perpendamus, eosque secundum *substantiam* excutiamus: aliqui *toti carnei* apparent, aliqui *partim carnei, partim tendinosi*, vel secundum caudam tantum, vel etiam secundum caput, vel etiam secundum medium: aliqui *partim carnei, partim nervosi*, ac quidem vel *foris carnei, intus nervosi*, vel contra *intus carnei, forisque nervosi*. Illud verò notandum, quando quosdam musculos totos carneos dicimus, nos non excludere fibras per carnem dispersas aut membranam tegentem, sed solum indigitare, non omnes habere distincta ista tria, principium, nempe, medium, ac finem, aut etiam separata diversa, ut nerveam, aut tendinosam substantiam à carne.

§. XXI. Dehinc ratione *numeri* aliquando natura ludit, ut aliquando plures, aliquando pauciores reperiantur, etiam aliquando citra magnum incommodum, compensans per aliquam ampliorem insertionem aut alio modo deficientis musculi vicem. Si illud placet quoque ad numerum musculorum referre, quod illis ex accidenti tantum competit, non rarò contingit, ut etiam si musculorum numerus definitus sit, tamen aliqui plures, alii pauciores númerent, quod accidit, quia in fundamento distinctionis musculorum non concordant. Quamquam verò in eo parum situm est, si rem teneamus, quotum numerum recenseamus, tamen ut confusio omnis evitetur, Spigelium sequemur, divisionem & numerum musculorum petiuri à distinctione membranarum, ut ii sint distincti nobis futuri musculi, qui diversas habent membranas, illi autem neutiquam, qui eadem continuâ membranâ investuntur, licet hi diversos tendines, aut illi eisdem sint obtenturi.

§. XXIII. Ratione *magnitudinis* musculi vel *maiores*, vel *minores* sunt, atque ii ita inter sese differentes, ut ægrè secundum hanc rationem in certos classes redigi queant. Et quid id opus est fieri? Interim maximus omnium musculorum est primus thoracem extendens, utpote qui à fine ossis sacri ad primam thoracis vertebra, imò quibusdam ad occiput ascendit: contra minimus omnium est internus auris, utpote qui vix digiti unguei æquat. Atque hoc quoque notandum, quod non solum secundum unam

unam dimensionem, sed secundum omnem musculi queant dispesci, nimirum secundum longitudinem, latitudinem, ac altitudinem, seu profunditatem, ac plures dimensiones simul.

§. XXIV. Quoad figuram non pauciores itidem differentię emergunt, cum alii figuras mathematicas æmulentur, alii alias naturales, alii etiam informes existant. Hiuc musculi alii sunt *triangulares*, repræsentantes triangulum æquilaterum, ut Deltoides, aut in æquilaterum maximè scalenum, alii *quadrilateri*, iique aut *quadrati*, aut aliquod latus longius habentes, aut *rhombi*, aut *trapezii figuram exprimentes*: alii *pentagonici*, aut *quiquelateri*, alii *rotundi*: alii *orbiculares* seu *annulares*: alii *pisciculos*, alii *mutes excoriatos*, alii aliud quid exprimentes.

§. XXV. *Situs* itidem non pauciores obtinet differentias, quandoquidem secundum partium nostri corporis positum variant, atque etiam secundum omnes loci differentias enumerari solent, ut adeo alii *superius*, alii *inferius*, alii *anterior*, alii *posterior*, alii *in dextris*, alii *in sinistris* positi sint. Sic porro alii *foris*, alii *intus* existunt: alii *in superficie*, alii *profundius*. Alii item *in capite*, alii *in collo*, alii *in abdomine*, alii *in manibus* aut *pedibus*, &c. jacent.

§. XXVI. Quando musculos consideramus ratione partium dissimilium ex iisdem fontibus itidem variz differentię emergunt. Ut à capite initium capiamus: illud ratione *substantię*, vel *carneum*, vel *nervosum*, vel *membranosum*, vel *mixtum* existit, vel etiam alicubi *carneum*, alicubi *alterius substantię*. Rarum illud est, quod gasterocnemius externus carnosum quidem habet initium, sed utrobique interstinctum sesamino officulo, ne ab inferiorum fœmoris musculorum capitibus lædatur. Hoc quoque adhuc notandum, quod aliqui illud caput diu retineant, aliqui cito in aliam substantiam mutant. Deinde ratione *numeri* musculi alii *unum* habent *caput*, alii *bicipites* sunt, alii *tricipites*, alii *quatuor* aut *quinque* capita, aut etiam *plura* videntur habere. Porro respectu *magnitudinis*, musculi alii *breve*, alii *longum*, alii *ampulum*, alii *parvum*, alii *crassum*, alii *teres* caput ostendunt. Itidem secundum figuram, aliorum musculorum caput est *acutum*, aliorum *rectum*, aliorum *rotundum*, aliorum *ferratum*. Denique respectu *situs*, gemina oritur differentia, una respectu *loci* in quo siti sunt, altera respectu *originis*. Primo modo omnes differentię enarratę circa totum musculus recurrunt: at posteriori modo, alii musculi originem capiunt ab *ossibus*, alii à *cartilaginibus*, alii à *membranis*, alii à *carnibus*, ut falsum esse appareat, omnes musculos ab ossibus derivari.

§. XXVII. *Ventris musculorum* similes differentię sunt. Nam ratione

substantia etsi plerique carnei sunt, aliqui tamen tendinem habent interjectum, aliqui etiam cum carneâ substantiâ nerveam conjunctam habent. Deinde ratione *numeri*, plerisque *unus venter* competit: aliqui tamen sunt *bigastri*. Porro nulla varietas *magnitudinis* est, quæ ventribus aptari nequeat, ut *longitudo* ac *brevitas*, *latitudo*, ac *angustia*, *crassities* ac *tenuitas*. Pari-
ter *figura* quoque alia atque alia iisdem ventribus aptari potest.

§. XXVIII. Sic etiam *finis musculorum* varias differentias suppeditat. Quoad *substantiam* quidem aliqui musculi *uniformem*, aliqui *difformem* habent finem. Et qui *uniformem* habent vel *tendineum*, vel *carneum*, vel *membranosum*. Qui *difformem* seu mixtum finem obtinent, plerumque ex carnosâ nerveâque substantiâ constructi sunt. Deinde quoad *numerus*, plerique *unum finem* habent, eumque *proprium*: attamen aliqui etiam *multiplicem* habent, sicut vicissim aliquando duo aut tres musculi unum finem sortiuntur. Quoad *magnitudinem*, alii habent *finem brevem*, alii *longum*, alii *latum*, alii *angustum*, alii *crassum*, alii *tenuem*. Quoad *figuram* aliis alius quidem finis est, attamen multis existit *acutus*. Denique quoad *situm*, ne loci mentionem faciam, alii inseruntur in *ossa*, alii in *cartilagineas*, alii in *membranas*, alii in *cutim*.

§. XXIX. Residua sunt adhuc differentia musculorum, quæ petuntur à *partibus similibus*. Hæ non adeo multæ sunt. Ergo quidem ratione *carnis* vix ulla diversitas occurrit, nisi quod aliquibus firmior, aliquibus laxior contigit. Et talem diversitatem etiam ratione *membrana* observamus. *Pinguedo* dehinc in paucissimis musculis observatur, neque etiam in omnibus hominibus. *Venas* omnes musculi possident, ut & *arterias*. Et de *nervis* pariter judico, licet plerique eos aliquibus denegent. Ac quidem fateor non in omnibus ita evidenter apparere, sed tamen non scio, nec invenio, quomodo illi musculi possint esse animalis motus secundum appetitum instrumenta. Etenim imperium sentientis animæ non nisi per nervos musculis communicatur. Sin autem quis judicet, in ipsis musculis vim eam sentiendi residere, ut etiam pro lubitu constringatur, ille magnum quid petere videtur. Et dehinc illud declarare debet, quare non & in aliis musculis ad consimilem modum ea virtus resideat? Hæc naturæ mystis pensitanda relinquo, ego eas difficultates tanti facio, ut propter eas superius omnibus musculis nervos ascripserim. Sed tamen si omnino experientia monstret, quosdam musculos non habere nervos insertos, judicem eos non moveri pro imperio animi judicantis in cerebro, verum animæ sentientis residentis in musculis illis ex sensu obscuro infito pro irritatione occur-

occurrentis objecti. Nec hoc tamen facile Philosophi concesserint, qui ex nervorum obstructione, constipatione, aut oppressione, aut solutâ unitate non solum motum, sed & sensum in parte anitti docent.

§. XXX. Verum si ista ita se habent, quid de corde sentiendum, an id musculus quoque accensendum? Certè ex dictis patet, quod aliis musculis non sit simile, quandoquidem aut nervis caret, aut saltem non eget pro suo motu. Imò nec etiam pro arbitrio hominis movetur, aut locali motui intervit. Sed si quis nomen musculi latius extendere velit, nihil vetat, ei musculi nomen imponere, utpote cum quo tam multa similia habet: nempe carnem non valdè dissimilem, fibras congeneres, membranam itidem, ac alia quoque. Et quod ad functionem, certè contractio & dilatio cordis fit sicut in musculis, nisi quod non necessario spiritus animales ad id concurrunt. Cujus tamen ratio est, quia cor non solum primum vivens, sed etiam primum sensorium est, atque in se omnes virtutes animæ cum ipsâ animâ originaliter ac primò habet.

C A P U T XII.

De Artibus, seu Manibus ac Pedibus.

§. I. **A**ccedimus ergo nunc ad *artus*, quo nomine propriè speciatim veniunt membra extra truncum humani corporis porrecta, etsi à quibusdam generatim & impropriè aliæ quoque partes secundum articulum flexibiles eâ voce indignantur. Primo significatu hic utimur, & sic in artubus præcipuè præter *tegumenta communia, cuticulam* nempe, *cutem* & *pinguedinem* cum suâ *membranâ* intercurrente, maximè notantur *ossa, musculi, & vasa*. De quibus, quoad in prioribus actum non est, nunc porro tractabimus. Illud solum circa *musculos* artuum in genere notamus, quod illi non necessario circa ossa, quæ movent, consistent, modò in eadem terminentur.

§. II. Solent *artus* dispelci in *manus ac pedes*. *Manus* voce hic non indigitur *ἀντιχειρ* seu *ἀντὶ χειρὸς* i. e. *extrema manus* à carpo manus ad extremum digitorum porrecta, sed veteri & latiore significatu quicquid extra superiorem trunci partem à supremo humero in extimos usque digitorum apices protenditur. Ab Arist. 1. de hist. anim. 15. *ἄνωξις* appellatur, unde apud Latinos adhucdum frequenter *brachium* vocatur. Sic *pedis* nomine non intelligitur impræsentiarum parvus pes, seu illud quod à calce in extremos digitorum pedum apices producitur, sed totum illud, quod extra truncum

truncum corporis circa inferiorem partem prominens à clunibus oritur, & in extremis unguibus digitorum pedum terminatur.

§. III. De manu primum dicemus. Hæc verò à Gal. l. de inæq. in temp. c. 2. dividitur in *brachium*, *cubitum*, & *extremam* manum. *Brachium* ab Arist. l. c. ὤμος i. e. *humerus* dicitur, & vocatur summa manus pars à summo humero ad proximam flexuram. Dehinc *cubitus* seu *ulna* hinc incipit, & ad principium manus deducitur. *Manus* autem à fine cubiti incipit & extremis digitorum unguibus finitur. Hæc rursus dispescitur in ὑπερχειρ, seu *brachiale*, μεσαιοχειρ seu *postbrachiale*, & δακτύλος seu *digitos*. *Brachiale* est prima manus pars cubito proxima, illum palmarum manus conjungens. *Postbrachiale* seu *palma*, hinc oritur & circa digitos terminatur. *Digiti* denique sunt extrema illa in quæ palma dividitur. *Quinque* numero sunt. Inter hos magnitudine & robore maximus à quantitate *magnus*, & à virtute *pollex* vocatur. Græci eadem de causa ἀντίχειρ appellarunt, quasi *promanum*, quod sit instar totius manus, utut aliqui à situ sic dictum putent, quasi oppositus sit manui & reliquis digitis. Pollici proximus vocatur *Index*, & Græcis δεικνυῖς δακτύλος, i. e. *demonstratorius digitus*, quia eo in aliquid monstrando & designando utimur. Dicitur etiam λαιχμαῖς i. e. *lambitorius* Auctori Introductionis, quia minus civiliter comedentes illo pro cochleari utuntur ad lambendum. Sequens, huic proximus dicitur à situ *medius*. Alias & *impudicus* & *obscænus* ab officio vocatur. Post hunc est ὀφθαλμικός Græcis vocatus, qui juxta medium jacet, Latinis *annularis* dictus, quia annulis ornari solitus est, ex opinione Ægyptiorum Medicorum, (unde & ἱατρικός i. e. *Medicus* dicitur) qui putarunt eum speciatim cordi conjungi ob venam aut nervum à corde productum, quod auro corroborari dicitur. Vltimus *minimus* est & dicitur, alias & *auricularis* appellatur, qui aurium expurgationi inservit. Omnes digiti adhuc, excepto pollice, qui duos solum habet, in tres articulos dispescuntur, qui *nodi*, & *internodia* etiam vocantur, quibus tamen vocibus aliquando ipsæ flexuræ digitorum intelliguntur. Græcis vocantur ὀφθαλμοί, voce communi, attamen quandoque speciatim vocatur ὀφθαλμός medius nodus digitorum in pugnum contractorum, ὠτοὶ ὀφθαλμοί deinde, qui ungui est vicinior, & μεσαιοὶ ὀφθαλμοί, qui ad metacarpium accedit.

§. IV. Adhuc in manu sic generatim sumpta notanda veniunt, quod flexura cubiti, seu brachii incurvatio Aristoteli speciatim vocetur ἄγκυον, & ei opposita protuberantia ὠλίκαρμος. Porro *manus extrema* interior pars vocatur *ἤντα*, & Latinis *Vola*, sicut ei opposita pars nuncupatur ἀντήντα seu *dorsum*

dorsum manus. Porro cum manus contracta est appellatur *pugnus*, sicut expansa, *palma*. In volâ inveniuntur diversæ lineæ, quæ ex articulatione diversâ metacarpii oriuntur, unde Philosophus s. 10. Probl. 48. eos longævus putat, qui per totam cavitatem cæsuram expansam habent. Monticulos etiam diversos Chiromantici in manu notant, de quibus ipsi videantur.

§. V. Data sunt manus homini soli, nulli alii animali, ac quidem ob tam insignem usum, ut Anaxagoras ideo prudentissimū esse omnium animalium esse diceret, quia manus haberet. Sed non ita accuratè. Nam recta ratio exigit (verba sunt Philos. l. 4. de partib. anim. c. 10.) ut quoniam prudentissimus omnium est, ideo manus acceperit. Manus enim instrumentum sunt. Natura autem, ut homo prudens, ita tribuere solet cuicunque rem, qua uti possit. Rectius enim tibia dabitur perito tibia, quam tibiam habenti peritia tibia addetur. Rem enim minorem majori, potiorique natura addit, non majorem nobilioremque minori. Quod si ita melius, natura autem ex iis, quæ fieri possunt, facere solet, quod melius sit, homo non propter manus prudentissimus est, sed quia prudentissimus omnium animalium est, ideo manus obtinet. Verum hic quæstio oritur: Quare prudentissimum animal manus obtinere debuit? Respondet idem Philosophus divinissimè sequentibus in verbis: Qui prudentissimus est, plurimū instrumentū uti potest. Manus autem videtur, non unum esse instrumentum, sed multa. Est enim, ut ita loquar, instrumentum ante instrumenta. Natura igitur ei, qui artes plurimas recipere potest, manum tribuit, qua ad plurima instrumenta utilis est. Atque hinc immediatè sequentibus verbis rectè in eos invehitur, qui naturam accusant, quasi hominem deteriore conditione genuerit, quia illis pro sua defensione arma concessit, homini autem neutiquam, utpote quem nudum & inermem genuerit, quia manus ipsi loco omnium instrumentorum esse possunt. Verba ejus notatu dignissima ita sonant. Qui autem hominem non benè, sed deterrimè omnium animalium constare ajunt, (nudum enim & inermem creatum referunt) non rectè ii sentiunt. Cetera enim animalia unum auxilium habent, idque nullo pacto possunt permutare, sed quasi calceata semper dormire, ac omnia agere, nec vestitum unquam deponere pleniotem, neque arma mutare, quæ semel acceperint, necesse est: at homini multa habere auxilia licet, eaque subinde mutare. Arma etiam quæ velit & ubi velit, capere potest. Manus enim & unguis est, ungula, & cornu, & hasta, & ensis, & quoddam aliud genus armorum & instrumentorum, quippe quæ omnia hæc sit, quoniam omnia & sumere potest & tenere.

§. VI. Si quis porro quærat, qua ratione manus illas functiones obeat, respondemus, multiplici voluntario motu, sed primario apprehensione. Atque

O o

hanc

hanc potissimum extrema manus præstat, ideo non solum ex diversis articulationibus conflata, ut melius constringi & laxari posset, sed etiam in digitis varios divisa. In iis pollex brevis at firmus, ac una articulatione secundum aliquos, quanquam forte non verè, pauciore, quàm alii digiti, constitutus ab inferioribus sursum premit, & validè aliis digitis obsistit, ut firmior fieret compressio, unde eo laborante firmiter aliquid in manibus teneri nequit. Cateri deinde digiti quatuor, ut promptius & minutius comprehenderent, unâ articulatione secundum aliquos plus constant, & quidem inter eos longissimus & validissimus medius est, utpote cui maxima illius operationis vis incumbit, duo alii ipsi circumpositi minores & minus validi, utpote medio tanquam adjutores futuri, at minimus omnium compensat ultimas partes. Exempli loco ad id declarandum Philosophus utitur navigio, in quo medius remus validissimus & longissimus reperitur. Ob eam apprehensionis firmitatem ungues etiam natura digitorum acinis superposuit, quibus etiam tutelam illi loco attulit. Vnde accidit, ut unguibus absentibus non ita firmiter aliquid contineri queat. Non verò solum ideo ungues dati sunt, verum etiam ut minuta, quæ alia ratione comprehendere non poterant, per eos possent apprehendi. At verò cum illud quod apprehensum est, ad varia loca transferri debeat, ideo aliæ articulationes in humero & brachio constitutæ sunt, inservientes omni motus necessarii varietati, atque iis omnibus fulcimenti loco os humeri est unde aliqui id quoque apprehensioni inservire asseruerunt, non scilicet immediatè & proximè, sed consequenter, & tanquam fulcimentum ad eam necessariò requisitum. De his plerisque vide Philosophum cit. loco.

§. VII. Nova iterum quæstio hic agitur, *an nullum alium usum manus etiam exhibeant?* Etsi plerique nullum recensent, tamen experientia monstrat, eas facere ad meliorem incessum. Id apparere potest, tum in iis, quibus una, tum in iis, quibus utraque deest, nam utrique hi malè incedunt, maxime ubi aliquanto celerius moveri debent. Sed *quomodo id præstant?* Pondere initio & dehinc libramento. Nam ut debitè aliquid transferatur, debito modo inferiora premi debent, & dehinc non debet mobile ad unum vel ad alterum latus magis vergere, alioquin in eam partem facile cespitat. Atque hæc causa est, *quare funambuli gladios aut alia instrumenta in manus recipiant*, cum tutius incedere volunt. Itemque, *cum celerius incedere volumus, quare dependentes manus hinc inde libremus*, ut videri possit etiam ad celeriores progressum aliquid conferre.

§. VIII. Ut nunc quæ de manu ita generatim dicta sunt, pressius & parti-

particularius scrutemur, age nunc omnes partes ejus sigillatim consideremus. Principio se offerunt *ossa*, utpote quæ fulcimenti loco, aliis subsunt. Illa vero ossa sunt *scapula, clavicula, humeri, cubiti & extrema manus*. Cæterum quia supra agentes de ossibus thoracis de scapulis & claviculis tractavimus, solum ossa humeri, cubiti & manus expedienda sunt. Ergo quidem *ossa humeri*, sicut notatum est, *numero duo* sunt, in quolibet latere unum, extra scapulis, cum quibus articulantur, *posita*, ac ad cubitum usque exporrecta. *Solida ac firma* sunt, intus tamen *cava* pro levitate & medullam continentia pro delinitione & humectatione. *Oblonga* porro & *teretia* existunt, non tamen æqualiter, quandoquidem non solum variè exasperata sunt, sed etiam *appendicibus* constant. Et quidem *superna parte*, qua nempe scapulam respicit, ex *appendice* duo *capita* exseruntur, *unum internè, alterum externè*. *Internum* magnum, circulare, læve & undique cartilagine circumdatum est, ac sinui scapulæ per enarthrosin coarticulatur, pro humeri motibus. *Externum* interno multò minus, attamen inæqualius, neque unicum, sed intercurrente tereti sinu divisum in *anterior*, quod multò majus, & *posterius*, quod minus est. Hoc caput non in sinum aliquem immittitur, sed secundum utramque partem inservit insertioni ligamentorum, sicut secundum intervenientem sinum receptioni primi principii primi flexentium humerum musculi. *Inferna parte* postquam os humeri in unoquoque latere latius evasit, & quadam varietate processum sinuumque luserit in *duo capita* finitur. *Unum* interius inferiusque est à figuræ aliquali convenientia *trochlea* aut *rotula* nomen sortitum. Non enim orbiculare solum est, sed & aliquatenus planum à lateribus, ac media parte sinuatum, ac insit *trochleæ*, qua parte funem suscipit, utrinque prominens. *Sinus* hujus capitis duo sunt, anticâ nempe & posticâ parte unus, quorum hic major, ille minor existit. *Alterum caput* cartilagine sua obductum radio conjungitur, ac anteriora non excedit, quia ob motum primum & supinum extensione ulteriore non erat opus. Unicuique istorum capitum *tuberculum* suum affidet pro exortu variorum musculorum, atque eorum latera *sinus* sunt pro nervorum quorundam transitu. Alias *foramina* evidentiâ non reperiuntur, nisi internâ parte unum evidentiissimum, per quod in cavitatem ossis vasa sanguinea immittuntur.

§. IX. Succedunt *ossa cubiti*. Illa duo sunt *Radius & Ulna*, quæ etiam quandoque *cubitus* per synecdochen partis appellatur. Ratio fortè illa est, quod ulna flexioni ac extensioni cubiti maximè inserviat, cum radius fere manus motui commodet. *Substantia ac figura* multum inter se con-

niunt, quod oblonga & teretia ltheis quibusdam exasperata, item dura solidaque sint, non tamen undiquaque, sed in medio cavitatem ac medullam habeant. At vicissim inter se differunt *situ ac capitibus*. Nam *radius* quidem superiorem aut exteriorem: at *ulna* inferiorem aut interiorem locum dicitur obtinere: hunc quidem si brachium, ut à trunco dependens accipiat, at illud si idem ut ad pectus elevatum concipiat. Rursum *ulna* superiore parte, qua ossi humeri conjungitur motus sui gratia magnum caput sortitum est, inferiore autem exiguum tantum, cum contra *radius*, qua manui conjungitur, ob hujus motum grandius caput ostendat, superne autem minus.

§. X. In specie *Ulna*, ubi majus caput exserit, à posteriore parte gibba & convexa est, at ab anteriore cava, *sinum* exhibens à figurâ antiquâ signatis Græci *συγμαδι* appellatum: sicut iidem alteram gibbosam partem *ἀγκυρα* & *ἀλεγεινὴ* vocarunt. Ex *sinu* autem dicto utrinque *processus* emicat, utrique sinui humeri inferendus, cum totus sinus exacte cum trochlea humeri articuletur. Alius adhuc *sinus* ad externum latus prioris sinus in *ulna* invenitur, in quem *capitulum minus radii* inditur, pro utriusque ossis cubiti unione. Dehinc *ulna* paulatim gracilior facta versus manum descendit, donec in *capitulum* suum parvum desinat. In eo invenitur *sinus* rotundus, pro conjunctione cum manu, à cujus latere *processus* quidam parvus prodit, quem à figura *styliformem* Anatomici nuncupant.

§. XI. Dehinc *radius* ex adverso superiore parte *cervicem* habet, ex quo parvum *capitulum* rotundo *sinu* cartilagine obducto præditum prominet, in quem *sinus* exterius caput inferioris humeri appendicis recipitur. Hoc ipsum radii *capitulum* cartilagine itidem obductum ad latus etiam aliquatenus prominet, per quod *radius* superiore parte cum *ulna* copulatur. Sub illo capitulo dehinc notandum venit *tuberculum illud oblongum*, aspero *sinu* donatum, in quod *biceps musculus* inferitur. Inde *radius* oblique deorsum ab *ulna* discedens progreditur, in medio interstitium relinquens pro musculis, qui ibi jacent. At cum fere ad manum pervenit, latum *capitulum* emittit, gemino *sinu* præditum, pro exceptione ossiculorum carpi. Interna quoque sede *sinum* lateralem ostendit, qui interservit suscipiendo tuberculo inferiori *ulnae*, ut sic *ulna* inferiore parte excipiat à *radio*, sed *radius* superiore parte immittatur in *sinum ulnae*.

§. XII. *Manus ossa*, quæ nunc porro explicanda veniunt, dividuntur in *ossa carpi*, *metacarpi* ac *digitorum*. *Carpi* seu *brachiale* octo ossa habet, in duplicem seriem æqualem tributa, quæ cartilaginum & ligamentorum

mentorum beneficio inter se valide conjunguntur, articulationis ea specie, quam *neutram* vocant. Ac illa conjunctio in aliis alia est, nempe laxior in aliis, in aliis autem pressior, adeo ut tria externa in superiori ordine quasi unum os videantur, cui quartum minimum auriculari digito suppositum sociatur. Si hæc officula seorsum spectentur, *figura* illorum, cum quasi illis propria sit, explicari commodè nequit, at si conjunctim considerentur, exterius convexam, interius autem concavam videntur obtinere. Mollia sunt, ac intus plurimis foraminibus medulla plenius referta, licet foris densa ac solida videantur.

§. XII. *Metacarpii* seu *Postbrachialis* ossa ab aliis quatuor, ab aliis quinque numerantur. Illorum tamen sententia probabilior, qui quatuor numerant, quandoquidem & variatio articulationis, ac diversitas motus ostendit, quod quintum illud os ad pollicem potius pertineat, quam ad metacarpium. Ut sic appareat pollicem totidem ossibus ac articulationibus constare, quod habent reliqui digiti. Dura sunt ac solida ossa metacarpii, intus tamen cava, & medullam continentia. Longa itidem & tertia existunt, satis tamen crassa, neque æqualia inter se, licet majora sint ossibus digitorum. Maximum illorum est, quod indici subjicitur, hoc minus, quod medio, & ita porro. *Appendice* etiam superius & inferius donata sunt, ibi siquidem habet, pro conjunctione cum carpi ossibus, infra autem capitulum, pro articulatione cum ossibus digitorum. Cum sibi conjunguntur, in medio connivent, pro recipiendis musculis interjectis, at extremis partibus magis conjunguntur ob firmitatem.

§. XIV. Post metacarpii ossa posita sunt *quindecim ossa digitorum* in unaquaque manu, nimirum in unoquoque digito tria, quæ non alio nomine, quam à numero sumpto discernuntur. *Pollicis* quidem *primum os* ad latus metacarpii primi ossis jacet, at reliquorum digitorum illis subiecta aut supraposita sunt, pro diversa positus ratione. *Magnitudine* inter se distant, tum in diversis, tum in iisdem digitis. In iisdem, quoniam primum secundo, & hoc tertio, longius & crassius est. In diversis autem digitis, quia pollicis ossa sunt reliquorum digitorum ossibus crassiora, at longiora omnibus ossa medii digiti, minima omnium longitudine ac crassitie ossa minimi digiti. *Figura* à metacarpii ossibus non multum discrepant, nisi quod foris convexa, intusque cava sunt, aliquanto dispari ratione, quam ossa metacarpii. Inferius lata, superius angustiora existunt, & dextra sinistraque parte rectis lineis exasperantur. *Appendices* quoque utrinque habent, excepto tertio, quod tantum ea parte, qua digitis committitur, appendice

gaudet. Quæ committuntur metacarpii ossibus aut substratis fulcri loco digitis *sinu* sunt, at opposita parte *capitula*. In primo osse pollicis hæc singularia sunt, at in reliquis gemina, excepto sinu secundi ossis pollicis, qui simplex est.

§. XV. Adhuc in interna manu in digitorum internodiis repèriuntur ossa parva, pumicis instar excavata, à figura *sesamoidea* appellata. Duodecim numero ab Anatomicis communiter numerantur, quorum duo secundo pollicis ossi, ubi primo connectitur, & dehinc duo reliquorum digitorum primis ossibus, ubi metacarpio junguntur tribuunt, ac porro unum secundo ac tertio indicis internodio assignant, ut prohibeant ne in digitorum validis extensionibus laxatio contingat.

§. XVI. Vt enumerata illa ossa melius inter se conjungerentur, ac felicius musculi iisdem aptarentur, *ligamenta* etiam natura diversa condidit. *Quinque* numerari solent, quæ ad *scapulam* & *humerum* referantur, ne magnum humeri caput subito ex levi scapularum sinu excideret: sed tamen Doctissimus Spigelius l. 3. Anat. c. 6. arbitratur solum *primum* eum usum obtinere, verum *secundum* inservire, ne musculus supercapularis superior, seu primus humerum circumagens, cum contrahitur, sede sua excideret, quatenus ipsius tendinem coercet, sicut ligamenta annularia in manu musculorum digitos flectentium tendines comprehendunt. Ita judicat, & *reliqua tria* condita esse, ut insertionibus trium musculorum humerum circumagentium commodent: nimirum *tertium* tertio infra scapulari dicto, *quartum* secundo seu inferiori supercapulari, & *quintum* primo, seu superiori supercapulari.

§. XVII. Sunt autem illa *ligamenta* hæc ordine. *Primum* commune est, latum ac membraneum, ex superciliis cervicis scapulæ orbiculatim productum ac articulum totum ambiens, donec in humeri internam, ac capitis ejusdem priorem partem totam inplantetur. *Secundum* à toto externo ancyroidis processu latere originem ducit, atque hinc oblique progrediens, tandem interno summi humeri seu acromii lateri humerum non attingens inseritur. Hoc omnium validissimum est. *Tertium* rotundum est, ab externo latere ejusdem processus ancyroidis enatum, ac externo humeri capiti internâ sede aptatum. *Quartum* ex superiore parte cervicis scapulæ, quæ proxime ancyroidi processui adjacet, & acuta est, initium capit, ac dehinc internum humeri caput superat, donec tandem exteriori ejusdem capiti adnascatur. *Quintum* eodem loco producit, & oblique propagatum posteriori tandem externi humeri capitis parti annascitur.

§. XVIII.

§. XVIII. Dehinc *cubitus* sua quoque ligamenta habet, quibus ejus ossa tùm cum *humero*, tùm cum *carpo*, tùm *inter se* firmitatis causâ connectantur. *Humero* quidem sociatur *ligamento membraneo lato communi*, atque *carpo ligamento simili*, ita tamen ut *alia duo* sint adjuncta. *Vnum ulnæ carpo* sociat, ac à processu styloide ejusdem originem sumens, in quartum carpi os definit. *Alium* autem *radius carpo* jungit, ac ideo ab apice radii productum in carpum terminatur. Verum *inter se cubiti ossa* connectuntur membraneo ac valido ligamento, quod ex totâ ulnæ acutâ lineâ enatum in totam acutam lineam radii adversam infigitur, & musculos internos cubiti ab externis dirimit ac sejungit.

§. XIX. *Carpi, metacarpi, ac digitorum ossa* ligamenti membraneis communibus totum articulum ambientibus uniuntur, ac metacarpi ossa præterea intus, quæ se respiciunt per *synchondroses*. Præter hæc pro majori articulationis securitate inveniuntur *duo ligamenta annularia*, quibus tendines ad digitos abeuntes coërcentur, ne sede suâ excidant. Transversim manum subeunt, ac eorum *unum* in interna, *alterum* in externâ manus parte jacet, ac illud tendinibus musculorum flexentium, sicut hoc tendinibus extendentium digitos commodat. Ac talia ligamenta etiam digiti singuli internâ parte ostendunt, quæ eodem munere funguntur. Nam secundum digitorum latitudinem transversim expanduntur, & instar canalıs comprehendentia tendines musculorum flexentium digitos.

§. XX. Quandoquidem nunc ossa cum suis ligamenti vidimus, ac membranæ illis circumdatæ nihil singularis, quod non in genere explicatum sit, suppedient, nunc ad *musculos* transimus, quibus enarrata ossa variè pro voluntatis arbitrio moventur. Atque illi vel ad *scapulam*, vel ad *claviculam*, vel ad *humerum*, vel ad *cubitum*, vel ad *radius*, vel ad *carpum*, vel ad *cutim manus*, vel ad *digitos*, vel ad *pollicem* pertinent.

§. XXI. *Scapula quatuor motibus* cietur, nempe *antrorsum, retrorsum, sursum ac deorsum*. Verum non singulis illis motibus singuli musculi destinantur, sed & eidem diversis, & idem diversis, ut propterea ab officio ægrè denominari queant. Sunt tamen *cucullaris, attollens, rhomboides, ac serratus minor*, quibus accensetur à Spigelio *serratus major*.

§. XXII. *Cucullaris* sic vocatur, quia suo pari junctus cucullos Monachorum non male repræsentat, à Gal. autem appellatur *Trapetius*, quia *trapetio*, s. figuræ quatuor inæqualia latera obtinenti apud Geometras non dissimilis est. Principium suum primum carnosum sumit transversim ab inferiore parte ossis occipitii versus aurem, ubi sinus ejus causâ exsculptus est.

est, hinc deductum recta secundum longitudinem corporis, deinde alterum membranosum & latum principium capit, ex processibus vertebrarum colli & octo superiorum thoracis. Inde semper angustior redditus versus scapulam progreditur ad externum corporis latus, & tandem in totam scapulæ spinam, & summum humerum, basinque ferè mediam, & claviculæ latiore partem nervoso simul & carnosio sine inseritur. *Fibris* rectis ac *obliquis* gaudet, hæc tum ab occipite ad scapulam descendunt, tum ab inferioribus thoracis vertebribus ascendunt, illæ autem circiter in medio sitæ sunt. Secundum has scapulam retrorsum versus dorsum movet, recta si omnes agant, at abliquæ sursum vel deorsum, si aliquæ tantum operentur.

§. XXXIII. *Scapulam attollens*, seu *levator* musculus distinctis quasi initiis à vertebrarum primæ, tertiæ, quartæ & quintæ, aliquando & secundæ cervicis ortus, dehinc iisdem in carnosum & validum musculum coeuntibus descendens toti superiori rhomboidis lateri jungitur, ac tandem elatiori scapulæ angulo lato ac carneo tendine inseritur. Scapulam & humerum illi conjunctum versus anteriora & colli latera attollit, quem motum cum præstare solet, quando nobis aliquid adversi accidit, ut nomen patientiæ ingeminemus, non ineptè Spigelius eum *patientia musculum* appellavit.

§. XXIV. *Musculus rhomboides* à similitudine cum rhombò nomen accipit. Cucullari immediatè subjacet, carnosio principio à trium inferiorum cervicis, & trium superiorum thoracis posterioribus processibus exorrens, obliquis fibris tenuis ad scapulæ basin ducitur, eique toti carneo sine latitudinem principii æquante innascitur. Officium ejus est scapulam sursum nonnihil ad posteriora trahere, ac sic dorso applicare.

§. XXV. *Serratus minor* à principio serræ simili & parvitate vocatus sub pectorali musculo jacet à secundæ, tertiæ, quartæ & quintæ, aliquando & sextæ costarum offeis partibus principio lato, quasi in totidem serræ dentes diviso exortum ducit, hinc obliquè versus scapulam procedit, ac paulatim angustior factus lato tendine partim carneo partim nerveo scapulæ juxta processum ancoriformem innascitur. Fibræ hujus musculi ob latum principium ab invicem diductæ sunt, adeo ut si superiores tantum agant, sursum, si inferiores, deorsum magis scapulam ducant: si autem omnes operantur, recta pectori scapulam admovent.

§. XXV. Denique *musculus serratus major* ob consimilem causam nomen adeptus, secundum Spigelium à costis octo, aliquando novem superioribus antequam in cartilagines abeunt, serratis ac acutis principiis exoritur,

ritur, & hinc carnosus existens juxta costas ad latera thoracis ascendit, ac in scapulæ basin internam totam amplo carneoque principio implantatur. Officium idem Autor illi ascribit scapulam ad anteriora, & pectus, aliquantum tamen versus inferiora trahere. Contrariam tamen originem & desinentiam alii Anatomici huic musculo ascribunt, & propterea contrarium quoque munus, nempe costas sursum versus scapulam movere, adeoque sic thoracem dilatare pro inspiratione, pro qua sententiâ aliqua superius à nobis allata sunt.

§. XXVI. *Clavicula* quidem tum sursum, tum deorsum ducitur: verum sursum quidem una cum scapula movetur, proinde pro eo motu musculus nullum accepit, deorsum autem partim propriâ gravitate fertur, partim per musculus *subclavius* dictum. Etsi enim plerique Anatomici munus ejus esse ajunt, ob inspirationem primam costam sursum & extrorsum ducere, ut cavitas thoracis amplior evadat, tamen rectius videtur statuere *Spigelius*, quandoquidem illius costæ solius attractio parum ad inspirationem facere videtur, & nervus alibi quoque locorum insertus est, quod nempe hic musculus principio carnosus à primæ costæ clatiore parte eâ parte, qua sterni jungitur, originem sumat, deinde obliquissimo ac quasi transverso ductu ascendat, dum in claviculæ partem humiliorem, qua costam respicit prope acromium carneo latoque principio implantetur, ut claviculam deorsum trahat, quando una cum scapula sursum mota est. Licet enim propria gravitate in stantibus deorsum moveri videri possit, tamen in jacentibus hoc beneficio hic musculus nos afficit, & in stantibus quoque periculum id amovet, quod eveniret, nisi suâ gravitate deorsum decumberet.

§. XXVII. *Humeri os* quinque motibus movetur, nempe *antrorsum*, *retrosum*, *sursum*, *deorsum*, & *in gyrum*, ad quos præstandos septem musculos accepit. Primus ab officio *adducens humerum*, & à situ *pectoralis* appellatur. Latissimo attamen uno principio à diversis partibus oritur, supernâ parte à claviculæ mediâ, tereti ac pectori proximâ parte, deinde parte mediâ à tota longitudine sterni, & ipsi annexis cartilaginibus, denique infimâ à sextæ, septimæ ac octavæ costæ cartilaginibus, unde fibræ ejus diversimodè producuntur, nimirum à superna parte deorsum, ab inferna sursum, à media recta. Carnosus ac crassus mox in principio suo est, inde gracilescit, donec tandem ad latus thoracis in tendinem brevem quidem, sed latum, nerveum ac robustum desinit, qui ossi humeri secundum longitudinem non multo sub ipsius capite inter deltoideum & bicipitem inseritur.

Officium ejus est humerum ad pectus adducere, recta quidem, si omnes aut rectæ tantum fibræ agant, at sursum vel deorsum aliquanto, cum descendentes ac ascendentes operantur.

§. XXVIII. Secundus humeri musculus est *Deltoides* à similitudine cum Δ Græcorum, & *attollens humerum* à functione, ac *imparis* à situ nuncupatus. Principio latissimo gaudet, attamen sibi unito & nervo, eoque à diversis partibus deducto, antèrius quidem à clavicula, qua parte lata est, & humero vicina, in medio deinde à superiore parte humeri, ubi claviculæ nectitur, ac denique posterius ex tota scapulæ spinâ, non quidem secundum totam ossium amplitudinem, sed prominentiorem sedem. Secundum hæc principia fibræ quoque ducuntur, primi oblique ad posteriora, secundi recta deorsum, at tertii oblique ad anteriora. Hinc carneus evadit crassusque, ac sic descendit paulatim angustior redditus, dum valido intus nervo foris carne tendine transversim in humeri medio sub ipsius cervice implantetur. Munus hujus musculi est, cum totus agit aut medium solum principium, humerum recta attollere, at si primum principium tantum operetur, eundem adducere sursum versus prioris corporis partem ac faciem, sicut quando tertium principium tantum contrahitur, versus posteriora sursum promovetur.

§. XXIX. Tertius humeri musculus ab officio proprio *abducens*, sed munere secundo ac accidentali *aniscaptor* & *aniterfor*, vicissimque à quantitate *latissimus* vocatur. Principium habet membranofum latissimum à posterioribus processibus vertebrarum thoracis, qui à sexta ejusdem vertebra ad ossis sacri medium pertinent, ac deinde etiam à superiore ossis ilium parte, propter quod evenit, ut fibræ quoque non eodem ductu producantur, sed aliæ sublimiores, aliæ humiliores incedant. Ab his principiiis versus superiora contendit, ac ubi ad eam sedem dorsi pervenit, quæ costæ incurvantur, inutatus à membraneo in carneum ad scapulæ inferiorem angulum procedit, quem ubi superavit paulatim gracilescit, & tandem brevi, attamen valido tendine infra humeri superius caput superius inter musculum pectoralem & detrahentem rotundum inseritur. Cum totus hic musculus agit, retro humerum trahit, verum cum alterutrum solum ejus principium operatur, id fit magis vergendo versus superiora vel inferiora. Circa hunc musculum ac pectoralem notandum est, quod cum illius tendo per internum, hujus autem per externum latus alarum decurrat, illarum cavitas à dictis musculis constituitur.

§. XXX. *Quartus humeri musculus rotundus* à figura, & ab officio *deprimens*

primus humerum appellatur, Carnosus satis ac crassus, si absolutè consideretur, at comparando eum cum aliis humeri musculis satis teres est. Originem capit carnosio initio ex inferiore scapulæ angulo, & sic costæ subiectæ adherens progreditur, & cum ad ejus medium pervenit, eam deserit, & aliquantum sursum delatus tendine nerveo brevi, lato tamen validoque humero ibidem implantatur, ubi musculus pectoralis tendo eidem adnascitur. Officium ejus est humerum deorsum movere. Quanquam enim hic suo pondere eò decumbat, tamen ut ille motus voluntarius esset, & etiam à nobis tum perfici posset, cum pondere brachia deorsum non decedunt, peculiarem musculum ei muneri natura præfecit. Interim multo eum imbecilliores condidit, quam attollentem, quia multo facilius deorsum, quam sursum humerus duci poterat, sicut eadem prudentiâ musculos attollentes & detrahentes etiam in aliis partibus distinxit.

§. XXXI. *Reliqui tres humeri musculi* ab officio *circumagentes humerum* nominantur, verum à situ specialia nomina sortiti sunt. *Primus* inter scapulum superius implens *super scapularis superior* vocatur. Carnosus & oblongus est. Initium ducit à scapulæ basi, quæ supra spinam est; hinc recta antrorsum procedit, dum ad superiorein cervicis scapulæ partem perveniat, tum sub secundo humeri ligamento ob firmitatem hujus musculi condito se demittit, ac lato & valido tendine articulum superans ad ejus ligamentum obliquè cervici inseritur. *Secundus* infernum inter scapulum occupat, & hinc *super scapularis inferior* appellatur. Incipit carnosio principio à scapulæ basi, quæ infra spinam est, & hinc antrorsum fertur, ac tandem angustior redditus tendine lato brevique, quarto ligamento humeri ob hanc causam condito adnascitur. *Tertius* denique, in cavitate scapulæ totà jacet, ac inde *sub scapularis* dicitur. Principium ejus carnosum est productum ex basi tota scapulæ interiore parte, atque sic versus anteriora progreditur, dum in propagatione sensim ad cervicem scapulæ angustior redditus tendine tandem latiusculo in alterum humeri ligamentum desinat. Hi tres musculi humerum ac porro totum brachium circumducunt, sed sub scapularis ad interiora, sicut super scapulares ad exteriora, inter quos tamen superior modicè quoque humerum elevat.

§. XXXII. *Os cubiti*, seu *Ulna* duobus motibus cietur, flectitur nempe & extenditur recta, quorum unicuique duo musculi præfecti sunt. *Flectentium primus* communiter *Biceps* vocatur, quia gemino eoque distincto principio à scapulâ exoritur. Alterum quod exterius est, tendineum teresque existit, ac à superiori supercilio acetabuli scapulæ enascitur, &

dehinc sub ligamenti articuli supra caput humeri per fissuram in hoc osse ejus gratiâ constructum defertur, ibidemque ligamento ex illo canali pronato involvitur. Alterum verò priore latius ac partim tendineum partim carnosum est, & initium capit à processu scapulæ ancoriformi; hinc internum humeri caput supergreflus descendit, ac infra idem caput cum priore coit, atque in validum carneum musculum abit. Hic locorum invenitur carnosa quædam portio medio humeri, ubi peculiarem ob hanc causam asperitatem habet, innata, pro ejus elevatione quam aliqui peculiarem pectorali succenturiantem musculum esse arbitrantur. Cæterum ipse *biceps musculus* humerum relinquens alterum flectentem supergreditur, & partim teres partim carnosus factus paulatim angustior evadit, donec in robustum, crassum, teretem ac nervosum tendinem desinat, qui in tuberculum oblongum sub capite superiore radii exsculptum inferitur. *Secundus* primo subjacet eoque brevior est, at prorsus carnosus, *Brachialis* à situ denominatur: quippe externum anterioris ossis humeri, & mediam inferiorem ipsius longitudinis sedem, cui etiam proximè ac immediate adnatus est, occupat. Principium ejus carnosum, latum ac duplex est, medio spatio osseo nudo interveniente, unum versus externum, alterum versus internum, latus, illud sublimius, hoc paulo inferius, utrumque tamen fere circa medium humeri existit, ibi nempe locorum, ubi deltoides & pectoralis tendine suo implantantur. Postea illa principia brevi ab exortu uniuntur, & firmiter adnata ossi humeri musculum carnosum efficiunt, qui quo magis descendit amplior evadit, donec tandem latâ ac carnosa desinentia in ligamentum articuli, tum cubiti ac radii appendicem anteriore sede implantetur. Hi duo musculi, cum rectas obtineant fibras, recta cubitum flectunt, neque unquam in latus declinant.

§. XXXIII. *Extendentes ulnam musculi* itidem duo sunt. *Primus* in posteriore & interiore humeri sede collocatur, & duplex principium habet. Vnum quod validum latumque, ac partim carneum partim nerveum existit, ex inferiore scapulæ costa, paulo sub cervice, ubi ejus causa sinus conditus est, pronascitur, ac dehinc carnosum factum descendit, ac humero juxta internum latus connascitur, procul ab ipsius cervice, juxta insertionem musculi latissimi, seu aniscalptoris, atque ibidem cum altero principio carnosum, quod ibi producitur, commiscetur, ita ut unus fiat musculus, qui per medium humeri inter externum & internum latus, partim carnosus intus, partim nerveus foris defertur, donec tandem ad internum latus posterioris olecrani processus implantetur. *Secundus* externam magis sedem

sedem occupat, & à cervice humeri, ac propriè ab ejus capitis radice principio nervoso enascitur, hinc carnosus redditus descendit, ac ubi ad dimidium longitudinis humeri pervenit, cum prædicto ita commiscetur, ut à se nullo modo separari queant, & fiat quasi unus musculus ex utroque. Hic tandem in externum olecrani latus, præsertim parte illâ, cui innititur, carneus intus, foris nervus inseritur. Hi duo musculi secundum rectum fibrarum suarum ductum recta cubitum extendunt.

§. XXXIV. *Radius* itidem quatuor musculos fortitus est, quo proprio motu, immoto cubito, intercrurum & extrorsum ducitur, atque sic manum pronam aut supinam reddit. Vnde & *pronatores* ac *supinatores* vocantur. Et si verò & alium motum obtinet, quo una cum cubito seu ulna movetur, tamen quia ille ipsi per accidens competit, ideo ei nulli musculi dicati sunt, sed musculi cubiti radium etiam consequenter movent.

§. XXXV. Ergò *Pronatorum musculorum primus* totus carnosus est. Initium sumit duorum circiter digitorum latitudine ab inferiore & internâ cubiti parte, & hinc transversum supra ligamentum, quod radium cubito connectit ad radium progreditur, & interiori ipsius lateri sine latitudinem principii æquante implantatur, ac sic quadratum exprimit, ob quam causam etiam *quadratum* appellatur. *Secundus* sive teres originem sumit à radice interioris humeri tuberculi, & ab interno latere ossis cubiti seu ulnæ, quâ humero jungitur, atque ibi idem musculus cum radio valido ac carnosus principio necitur; hinc obliquo ductu per internum radii latus progreditur, cui paulo ante medium longitudinis carnem insertionem implantatur, à qua mox caput carnosum enascitur, quod versus medium radii pergens, ejusdem radii externo lateri annectitur, eâ parte, ubi hujus gratiâ asperitatem obtinet. Hi duo musculi, cum ad principia sua contrahuntur, radium antorsum movent, & sic manum, quæ radii inferiori parti beneficio carpi connectitur, una pronam reddunt, illo inferiorem, hoc superiorem partem commovendo.

§. XXXVI. *Supinatorum primus*, quia longissimum ventrem inter omnes, qui per cubitum incedunt, musculos obtinet, *longior* vocatur. Carnosus producit ab externi humeri tuberculi acie, & hinc radio oblique insertitur, ac ubi ad radii imam partem pervenit, in tendinem membraneum degenerat, qui superiori parti appendicis imæ radii alligatur, ita tamen ut non nihil in internam partem vergat. *Secundus* prioris comparatione *brevior* seu *tenuior* appellatur, atque secundo pronatorum figurâ ac situ non dissimilis, ab externa parte ligamenti articuli inferioris humeri capitis,

& à cubiti posteriore processu carnosus enascitur, ac hinc oblique, foris membraneus, intus autem carneus progreditur, & in radium ferè medium validè implantatur. Horum duorum musculorum officium est, illius infernâ, hujus supernâ parte radium versus exteriora ducere, & sic manum resupinare.

§. XXXVII. *Carpus seu brachiale* ac consequenter *manus* ei conjuncta tribus motibus cietur, nam *flectitur, extenditur, & in latera movetur*. Verruntamen solum prioribus duobus musculi peculiare dicati sunt, at tertius peragitur cum musculi *flectentes* & *extendentes* ejusdem lateris simul agunt. Vtriusque porrò generis duo sunt, unus internus, alter externus, at ne diversi generis sibi offerrent, *flectentes* anteriorem sedem occupant, & ab interno humeri tuberculo deducuntur: contra *extendentes* ab externo humeri tuberculo initium sumunt, & posteriorem sedem sibi vendicant.

§. XXXVIII. Ergò *flectentium radium interior musculus* carneam acutam ac nervosam originem ducit ab ossis humeri interno tuberculo, & hinc carnosus per totam cubiti, cui adnascitur, longitudinem procedit, & ad carpum in tendinem partim nerveum partim carneum degenerat, qui in carpi os quartum primi ordinis inseritur. Hic musculus sub ligamento transverso non transit: sed tantum communi omnium musculorum membranâ involvitur. *Exterior* ex eodem tuberculo non longè à priore educitur, atque hinc transversum nonnihil juxta latus externum primi digitos *flectentium*, qui ipsi magnâ ex parte subjicitur radio adhærens incedit. Antequam autem carpum attingat, circa ipsius radicem in *tendinem* teretem degenerat, qui illic tamen non desinit, sed transverso ligamento adnatus, ultra ipsum per internam partem progreditur, & latior redditus, in radicem ossis metacarpii, inuici præposito inseritur. Hi duo musculi cum simul agunt, carpum & cum ipso manu *flectunt*, at si alteruter tantum contrahatur, maximè adjuvante *flectente* ejusdem lateris, oblique carpum cum manu in cognatum latus ducit.

§. XXXIX. *Extendentium interior* à radice externi humeri tuberculi & à superiore cubiti parte producitur, & hinc per cubiti longitudinem propagatur, dum ad carpum ferè pervenit, ubi in tendinem teretem ac validum abit, quo supra cubiti inferiorem appendicem in sinum juxta styloidem processum, & in ossis metacarpii, quod minimo digito subtenditur, partem superiorem, non procul à carpo implantatur. *Exterior* autem ab acie ossea, quæ in humero est, supra tuberculum exterius, latiusculo principio enascitur, deinde carnosior factus per radium progreditur, usque ad dimidium

dimidium longitudinis, ubi in validum tendinem degenerat, qui statim in duos ferè rotundos dividitur, latiores tamen, quam crassiores, & sic ambo per radium descendunt, aliquantum ab invicem discedentes, tum sub ligamentum transeunt, magis inter se diducti, & ubi supra carpum progressi sunt, alter in metacarpii os primum indicem sustinens, alter in secundum medio substratum inseritur. Hi duo muscoli si conjunctim agant, carpum & manum extendunt, sin autem alteruter eorum solum operetur carpum & manum oblique ducit in consimile sibi latus, prout etiam de flectentibus dictum est.

§. XL. *Cutiæ manû* unum aut duos musculos adepta est, nempe *palma-rem* vocatum, & *carnem quadratam*. *Palmaris musculus* nomen accepit, quia tendo ejus palmæ manus subtenditur, & eam fere totam investit. Non tamen semper cum musculo reperitur, sed alicubi ille tendo vel à tendinibus duorum musculorum carpum flectentium, qui sibi conjuncti antequam ad carpum perveniunt, latent, vel ab interno carpi ligamento exoritur, & hinc per volam, modò latissimæ membranæ secundum maximam partem, excepta nempe illâ, quæ maximo & minimo digito subjacet, expanditur, (cuti validè interea adnata) dum ad digitorum radices & prima internodia pervenit, ubi in internum cujusque eorum latus terminatur. Verum cum à musculo incipit, in cubiti interiore aut anteriore (prout libet appellare) regione, inter duos carpum flectentes (quibus etiam adnascitur) sub aliis ibidem jacentibus idem musculus ab interno ossis humeri tuberculo rotundo nerveoque principio exoritur, inde carnosior factus, ventre tamen angusto, antequam ad dimidium longitudinis cubiti pervenit, nonnihil obliquè defertur, & attenuatur in teretem longumque tendinem, qui ubi carpi ligamentum internum transgressus est, in latam membranam definit, eâ ratione per volam propagatam, quâ dictum est. Vfus hujus musculi non est, ut vola esset sine pilis, cum etiam alibi sine pilis sit, ubi hæc membrana non subtenditur; neque etiam ut sensus esset acrioris, nam foris seu in tergo potius sensibilibior videtur; neque etiam simpliciter & solitariè, ut sit firmior, quandoquidem sic non opus fuisset, ut cuti manû tam validè adnasceretur: sed ut in apprehensione & contractione volæ cutim firmet, & una corruget, ne illa discedens validam apprehensionem impediret, & ita discederet.

§. XLI. *Caro illa quadrata*, cujus itidem mentionem fecimus ad externum latus tendinis palmaris musculi jacet, ac originem ducit à membranâ carnosâ seu pinguedini intertextâ, ibi locorum ubi situm est octavum carpi

carpi os, & supra musculum abducentem minimum digitum incedens, tandem in latus externum ejusdem tendinis inseritur, ut ipsum, cum manum aperimus extendat. Alii unum musculum esse arbitrantur, alii autem etiam duorum aut trium tenuium ac brevium effigiem eum representare asserunt.

§. XLII. *Digiti* denique tribus motibus cidentur, nam *flectuntur*, *extenduntur*, aut *in latera moventur*. Singulis istis peculiare conveniunt muscoli, ac alii quidem reliquis digitis, conveniunt, alii etiam pollici, ut ita, distinctè de illorum & hujus musculis sit agendum. Ergo quidem primum genus musculorum ad digitos pertinentium est *flectentium*, quorum *sex* sunt, *primus* ad secundum digitorum os pertinet, *secundus* ad tertium, & *quatuor* reliqui ad primum. Unde *flexores secundi, tertii, primi*que *internodii* appellantur. Quamquam enim tertium os sine secundo *flecti* nequit, tamen quin ab insertionem & primario officio flexor secundi & tertii internodii distingui possit, dubitari nullo modo debet.

§. XLIII. Igitur *secundi internodii digitorum flexor* tereti ac aliquantum nervoso principio sub principiis musculi palmaris & duorum carpum *flectentium* ab humeri tuberculo interno enascitur: unde carnosus ac latiores redditus versus medium radii & cubiti, utrique nonnihil inhærens descendit: ac inde ulterius progressus, ac totus rotundus ac carnosus propè carpum effectus, antequam eum attingat, in quatuor carnosas partes divellitur, quarum quælibet in tendinem exquisitè rotundum, nerveum ac pellucidum abit, qui omnes simul ob majorem firmitatem ac securitatem *membranam* quadam *communi* ac *mucofa* tecti sub interno carpi ligamento transeunt, & per volam propagati pro magnitudine ossium proportionaliter suis ossibus singulis singuli inseruntur. At verò ne hitendines vel loco suo exciderent, vel etiam contracti cutim à digitis separarent, dum prima digitorum ossa supergrediuntur, *ligamento transverso* ab uno ossis latere ad alterum pertingente vinciuntur: ac dehinc ut tendines ad tertium os digitorum pertinentes transire possint in iisdem longa sectione foramina rimæque exsculpuntur, miro naturæ artificio & jucundo spectaculo.

§. XLIV. *Tertii internodii digitorum flexor* sive originem, sive propagationis modum, sive involutionem à membrana spectes, primo similis est, ac ei subjacet, interim membrana rubicundior est, & ipse musculus priori & carnosior, & crassior aliquanto existit, qui dehinc, ubi ad foramina seu intersectiones prioris pervenerit, per eas transmittitur, & in tertium digitorum os immittitur.

§. XLV. Quatuor reliqui, *primi internodii digitorum flexores*, teretes, oblongi

oblongi ac graciles sunt , ac à similitudine, quam cum lumbricis habent , *lumbricales* appellantur. Initium suum sumunt à membranis, quæ tendines secundi digitorum flexoris involvunt, & carnosi postea progredientes tandem in primum internodium tendine tereti ac nervoso implantantur.

§. XLVI. *Extensores digitorum* peculiares primo internodio non conveniunt , sed *interossei* eo munere funguntur, cum nempe duo simul agunt : neque distinguuntur pro secundo & tertio osse, verum iidem sunt , cum unum sine altero extendi nequeat, & ii quidem *duo*, quorum *primus* ad tres interiores digitos, ac *secundus* ad minimum pertinet. *Primus* ergò principio partim carneo, partim nervoso ab humeri tuberculo exteriori oritur, hinc carnosior redditus inter duos musculos carpum extendentes descendit, ac postea angustior paululum factus in tres carnosas partes finditur, quæ mox in tendines degenerant , qui dehinc ligamento membraneo colligati una per sinum in externa radii parte exsculptum ad carpum descendunt , ubi ligamentum annulare transeuntes mox ab invicem deducuntur, ac latiores facti, *primus* ad indicem, *secundus* ad medium, ac *tertius* ad annularem digitos abeunt, ac in secundum ac tertium eorum internodium inseruntur. Hi tendines ad extremum ossis tertii apicem pertingunt, ac ipsis unguibus subjiciuntur, quibus ideo sævissimus ille dolor tribuendus est, qui in læsione unguium sentiri solet. *Secundus extendentium digitorum* ibidem acuto & nervoso principio enascitur, ac primo circa medium ventrem ita connascitur, ut ad exortum prorsus unus esse videatur. Dehinc juxta cubitum progrediens, ubi ligamentum transversum superaverit, in tendinem nerveum ac teretem abit , qui ad minimum digitum progressus, secundo ac tertio internodio ejusdem innascitur.

§. XLVII. *Oblique moventes digitos*, sunt vel *adducentes*, vel *abducentes*. Illi versus pollices digitos movent, hi autem in contrariam partem. Talium musculorum alii ad omnes digitos referuntur, qui inde *communes* appellantur: alii verò ad peculiarem digitum, & ideo *proprii* nuncupantur.

§. XLVIII. *Communes* etiam nominantur *interossei*, quia inter ossa metacarpii jacent. Et octo numero sunt, omnes carni ac teretes, ab iisdem, quibus connascuntur ossibus exorti, & secundum eorum longitudinem totam propagati, donec ad radices digitorum pervenientes in tendines abeunt, qui lateribus digitorum, quibus connati erant, attensi, usque ad secundum internodium tendine suo feruntur. Illorum sex in tribus internodiis ossium metacarpii siti sunt, nimirum in singulis bini, ex quibus unus ad anteriorem, alter ad posteriorem digitum refertur. *Unus* dehinc

primo ossi metacarpii ejusdem, quod indicem sustinet, incumbit eâ parte, qua pollicem respicit. *Vnus* denique ultimo ossi metacarpii parte manus externâ, seu in dorso adhæret. *Musculi hi*, quatenus tendinibus suis primo ossi digitorum implantantur, siquidem uterque circa digitum consistens operetur, illud internodium extendit, sin autem alteruter solum contrahatur, versus suum latus idem movet, & sic vel adducit vel abducit: quatenus verò iidem musculi etiam ad alia internodia pertingunt, cum simul agunt, etiam secundum & tertium os extendere queunt, ut hinc contingat, extensionem digitorum non proflus aboleri, si maxime digitorum extensor abscindatur.

§. XLIX. *Proprii duo sunt, unus indicem, alter minimum digitum abducens, Indicem abducens* subjacet duobus illis musculis, qui inferiores duos articulos, secundum nempe & tertium digitorum extendunt. Originem sumit carnosam ab asperâ lineâ, quæ in cubiti medio pro ejus exortu formata est: inde oblique ad radium descendit, & ubi carpi appendicem transgressus est, in duos tendines finditur, qui postea per sinum proprium in radii appendice exsculptum sub ligamento annulari versus manum deferuntur, quorum superior ad Indicis, inferior autem ad medii digiti radicem oblique implantatur, ut invicem à pollice abducant. Sed *minimum digitum abducens* in vola manus sub minimo digito positus est, brevis at validus existit, ac carnosio principio ab osse carpi enatus, ac postea per metacarpium delatus ossi primo minimi digiti latere externo gracilis & nerveus inferitur. Hic musculus minimum digitum à cæteris sejungit aut abducit, & maximum usum habere creditur, dum sphericas figuras apprehendimus, cum eo tempore maxime à cæteris digitis minimus veniat sejungendus.

§. L. Restant adhuc *pollicis musculi*, qui itidem sunt vel *flectentes*, vel *extendentes*, vel *abducentes*. *Flectentes* pertinent vel ad *primum*, vel ad *secundum*, vel ad *tertium internodium*. *Flexores primi internodii duo sunt*. *Primus* initium sumit carnosum à sede anteriore ligamenti annularis, quod in carpo est, ibi locorum, ubi pollicis subest, hinc ascendens primi ossis pollicis internæ regioni usque ad medium implantatur. *Secundus* priore minor est, ac eidem ferè totus subjacet. Partim ex eodem loco, partim ab osse carpi, quod pollicis substernitur, enascitur, ac itidem radici primi ossis pollicis usque ad medium implantatur.

§. LI. *Secundi internodii pollicis flexores quatuor sunt*. *Primus* principio carnosio lato sed tenui ab osse metacarpii indicem fulciente, paulo sub ipsius capitulo originem sumit, & sic versus pollicem procedens paulatim angustatur,

angustatur, (triangulum aliquatenus referens) ac denique in capitulum interius secundi ossis pollicis, qua indicem respicit, tendine membranæ inditur. *Secundus* primo ab interiori parte contiguus, lato initio ex mediâ sede ossis metacarpii, medio digito præpositi, pronascitur, & hinc ad pollicem progrediens in medium secundi ossis pollicis parte interna implantatur. *Tertius* secundo contiguus à metacarpii osse annularem sustinente similiter lato principio incipit, & eodem cum secundo loco terminatur. *Quartus* prioribus substratus similiter principio carnosus ex medio osse metacarpii, quod indici subjacet, prodit, ac pariter secundo ossi pollicis innascitur. *Priores tres* cum *simul agunt*, pollicis indicis lateri apponunt, at si *singuli* operentur, ad volam usque manus pollicem promovent, *primus* ad partem, quæ indici subjacet, *secundus*, ad eam, quæ sub medio digito est, at *tertius*, usque ad eam, quæ est sub annulari. *Quartus* autem musculus pollicem indici admovet & superponit. De his prædictis musculis id adhuc observandum est, quod *tres primi flexores secundi internodii, & duo primi* carnei omnes sint, ac quidem hi duo una cum *abducente pollicem pollicis monticulum* chiromaticis vocatum constituent, at *tres secundi internodii spatium* comprehendant, quicquid carnosum inter lineam vitalem & dictum monticulum interjacet.

§. LII. *Tertius internodii pollicis flexor unus* tantum est, neque in manu, ut prædicti, sed in cubito carneâ sui parte situs est, totoque ductu secundo digitos flectenti musculo latere externo adjacet, eidemque ad exortum aliquantum continuus est. Principium carnosum ac teres sumit, ab osse cubiti propè sinum, in quo radii caput suscipit, dehinc per radii totam longitudinem procedit, ab eodemque, eidem firmiter semper adnatus, ubique principium aliquod sumit, sicut etiam à ligamento membranæ, quod radii & cubitum copulat. Hic ubi sic progressus ad carpum pervenit, propriâ membranâ mucosâ obvolutus, in tendinem teretem & nerveum degenerat, qui per ligamentum transversum carpi cum tendinibus duorum musculorum digitos flectentium transiens, & per sinum ossis carpi pollicem fulcientis hujus tendinis gratiâ exsculptum inter musculos primum & secundum os pollicis flectentes occultatur; inde ligamenta transverso secundi ossis pollicis exceptus, in pollicis tertium os tendine aliquantum dilatato validè implantatur, ut ita tertium internodium flectat.

§. LIII. *Extensores pollicis numero duo* sunt, quorum *primus* tertium os obliquè extendit, *secundus* autem tertium & secundum internodium. *Primus* carnosus oritur à cubiti exteriori sede ad ejus lineam asperam, ubi li-

gamentum est membraneum, quod radium cubito adjungit, & ad radium oblique defertur, cujus appendicē antequam attingit, in tendinem teretem degenerat, ac sub ligamento transverso ad manum abit, ac totius pollicis longitudini, quā indicē spectat, ad ejus tertium os usquē inferitur. *Secundus* verò ab eadem cubiti lineā secundum ipsius longitudinem carneus enascitur, & hinc obliquē supra radium conscendit, & in duas impares partes sibi mutuo coherentes dividitur, sinuque proprio in radii appendice inciso insidet, ac ligamento peculiari obducitur. Superior portio aliquamdiu carnea remanet, at postea in tendinem teretem degenerat, qui in os carpi pollicis subiectum inferitur. Verum inferior statim ac paululum processit, in portiones duas carneas subdividitur, quæ singulæ in tendinem finiunt, quorum alter radici primi pollicis internodii, alter membranoso nexu secundo & tertio pollicis ossi validissimè adnascitur.

§. LIV. *Oblique denique pollicem moventes* itidem duo sunt, unus *abducens* à cæteris digitis, ac unus *adducens* ad eosdem. *Abducens* nervoso principio juxta primum flexorem primi pollicis internodii à carpi ossis pollicem sustentis interiore parte enascitur, hinc carnosior factus deorsum fertur, & in primum pollicis internodium tendine membraneo inferitur. Hic ab indice immediatè, & consequenter ab aliis digitis pollicem abducit. *Adducens* dehinc spatium quod inter pollicem & indicem externā manus parte constitit, occupat. Initium carneum capit à latere externo partis posterioris ossis metacarpii, quod indicem sustinet, & in totum latus internum internodii primi pollicis inferitur. Hic contrariam à priore functionem obtinet.

§. LV. Ita se habent muscoli etiam manus, sequitur, ut nunc *vasorum* quoque distributionem subjungamus. Eorum primum genus sunt *venæ*. Hæ verò in manum seu brachium deducuntur ab *axillari vena*. Illa enim, quando ad brachium accedit, in duos ramos inæqualis magnitudinis finditur, superiorem scilicet, exteriorem & graciliorem, qui *Vena cephalica* vocatur, & inferiorem, interiorem atque ampliorem, qui nuncupatur *Vena basilica*.

§. LVI. *Vena Cephalica* tota subcutanea est, neque arteriam aut nervum insignem comitem habet, uno tamen loco se ad intimiores recessus ad musculos abdit. Non emergit à jugulari externâ, ut Veteres quidam putarunt, unde eam *Cephalicam* vocarunt, judicantes ob eum exortum ejus sectionem capitis affectibus speciatim prodesse; sed à superiore parte axillaris venæ, externam brachii partem occupans, unde *cubiti exterior* nominatur,

natur, & per humerum versus manum decurrens, unde *humeraria* etiam vocatur. Vbi enim ex dicto loco originem sumpsit, tendinem musculi serrati minoris transscendit, ac inter deltoideum ac principium pectoralis, quæ à claviculâ oritur, excurrit, & sic ad externum latus bicipitis progreditur. Atque hoc modo indivisa per humerum propagatur, nisi quod graciles aliquos furculos hinc inde ad musculos derivat. Vbi verò ad cubitum pervenit, sub membranâ pinguedini intertextâ, quam membranofam vocant reconditur, ut citra dissectionem videri commodè possit; deinde circa ipsum articulum cubiti ad externum humeri tuberculum in tres ferè ramos dividi consuevit, quorum *primus* medius est, *secundus* interior, *tertius* exterior. *Primus* seu *medius* gracillimus est, frequenter abesse solet, ubi autem adest, profundius se demittit in musculorum, inprimis duorum secundum & tertium digitorum articulum flectentium, & longi supinatoris radii substantiam penetrans. *Secundus* seu *interior* præcipuus est ex tribus dictis ramis. Obliquè sub cute procedit, ac tribus circiter digitis infra cubiti articulum coit, & cum eâ *medianam venam* constituit. Hæc obliquè per mediam cubiti regionem descendit, complures interea ad radium furculos dispensans, donec tandem in duos minores ramos discinditur, quorum *exterior* ad carpi sedem anteriorem versus pollicem procedit, & *cephalica manus* à quibusdam vocatur, sed alter *interior* ad indicem & medium digitum excurrit. *Tertius ramus*, seu *exterior cephalica* longum radii supinatoreum musculum conscendit, variis in cutim dispersis venulis, sicque obliquè per radium deducitur, cujus medium longitudinis ubi attingit, externam cubiti sedem ingreditur, & ibidem cum basilicæ ramulo jungitur. Huic copulatus ad externam carpi sedem progreditur, & illi regioni, quæ ante minimum & annularem digitum est, utque etiam ipsis digitis venas largitur. Hæc vena inaximè qua minimum digitum spectat, *salvatella* dicitur, & famosissima est, ob apertionem in affectibus lienis & hepatis in respondente latere.

§. L V I I. *Vena Basilica* in dextro brachio *hepatica*, & in sinistro *splénica* dicitur. Oritur sub axillâ, & propaginibus pluribus ad copiosas ejus loci glandulas dispersis per humerum ad latus bicipitis inter flectentes & extendentes cubitum musculos defertur, & non procul ab egressu è thoraçe in duos ramos insignes alterum *profundum*, alterum verò *cutaneum* scinditur. *Profundus ramus* altero ferè crassior ad intimiores brachii partes toto ductu sese insinuat, ubique brachialem arteriam & quartum ramum nervi tertii sibi adjungens. Fertur inter duos cubitum flectentes musculos, cujus articulum ubi superavit, in duos ramos scinditur, quorum *exterior* s.

Q 9 3

Radiceus

Radiæ juxta radium ad manum descendit, ac versus pollicem & indicem, ut & medium digitum in externâ manus facie ramulos dispergit: sed *interior* seu *cubitem* juxta os cubiti incedens, digito medio ac minimo ac musculis vicinis in internâ manus parte ramulos impertit. Alter *ramus subcutaneus*, per anteriorem humeri regionem defertur, hinc inde varios ramulos ad cutem & adjacentes partes disseminans, sed ubi ad humeri tuberculum internum pervenit, sicut cephalica, etiam in ramum anteriorem & posteriorem divellitur. *Interior* infra cubiti flexuram oblique defertur, & cum interno cephalicâ ramo connexus, Medianam venam, de quâ dictum, constituit. *Exterior* verò juxta humeri tuberculum internum bifariam divisus, majore ramo secundum ulnæ regionem ad carpum fertur, & ad minimum digitum sese distribuit, altero vero ad anteriorem manus sedem derivatur.

§. LVIII. Secundum vasorum genus sunt *Arteriae*, quæ brachio ad hunc modum tribuuntur. *Axillaris arteria*, ubi ad brachium pervenit, *brachialis truncus* vocatur, quia eidem omnes arterias tribuit. Semper comes incedit interno seu profundo basilicæ venæ ramo, & ad ejus modum quoque distribuitur. Nimirum initio indivisè ultra cubiti flexuram per internam brachii partem decurrit, graciles solum propaggines ad musculos humeri internâ sedē occupantes disseminat. Posteriore humeri sede, quâ ipsi cubitū extendentes muscoli adhærent, descendens propaggines duas emittit, inde versus cubiti flexuram retorquetur, & in eas duos furculos, utrinque unum in articulum exporrigit, ut ibidem sæpè pulsus sentiri possit. Sub cubiti deinde flexura per internam ipsius regionem incedens inter duos musculos secundum & tertium quatuor digitorum internodium flexentes, demergitur, ac in duos insignes ramos discernitur, quorum alter *exterior*, alter *interior* est. *Exterior* secundum radium fertur, *radiæ* inde Spigelio dictus. Recta carpum petit, quem etiam Medici cum à cute non longe distet, & satis notari possit, pulsus explorandi gratiâ Medici tangere solent. Hic non longè à carpi radice ramulum emittit, qui sub tendinibus musculorum pollicem extendentium in externam manûs regionem excurrit, & in musculos qui inter primum pollicis & metacarpii os, quod indicem sustinet, absumitur. Postea sub annulari carpi ligamento & palmaris musculi lato tendine incedit, & in tres ramos, ut vena ipsi comes dividitur. *Primus* pollicis, *secundus* indicis internam regionem petit, *tertius* ad internum latus interioris sedis medii digiti contendit. Hic indivisus est, priores verò duo in duos singuli ramos distribuuntur. *Interior ramus*, *Cubiteus* à Spigelio nominatus ulnam rectâ percurrit, & in volam manûs dispergitur, duos ramos ad

ad minimum digitum, totidem ad annularem, ac unum ad externum medii latus transmittens. Abditus prorsus est, adeo ut difficulter, nempe non nisi in macilentis aut vehementibus quandoque pulsibus sentiri possit.

§. LIX. Ultimum vasorum genus *nervi* sunt qui brachiis prove- niunt à quinto, sexto, & septimo pari nervorum à medullâ cervicis pro- deuntium, ac à primo & secundo illorum, qui è thorace emergunt. Hi nervi postquam per communia vertebrarum foramina elapsi sunt, utrinque ac protinus ab exitu inter se anterioribus majoribusque ramis uniuntur, & dehinc mox à se iterum separantur, rursus junguntur, & postremo separan- tur, adeo ut *plexum retiformem* quendam galeris Cardinalium non ab similem effortent. Provenit ille *plexus* sub clavicula, ubi venæ & arteriæ axilla- res thoracis cavitatem relinquentes versus brachium contendunt, atque inde omnibus nervis brachii originem præbet. Horum sex recensentur, eorundemque secundum receptam Anatomicorum explicationem hæc est historia.

§. LX. *Primus brachii nervus* soboles est gemina, nempe tertia & quarta anterioris rami quinti paris cervicis. *Alter* enim ramus ad secundum humeri muscolum deltoidem fertur, & cutem ipsi instratam, *alter* versus scapulæ cervicem, ubi in duos finditur, quorum *prior* in deltoidem, quâ parte à clavicula oritur abit; *posterior* verò in quartum par musculorum of- fis hyoidis inseritur, inde super scapulari superiori, & deltoidi, in exortu suo à spina, ramulum distribuit. *Hic* nervus per humeri elatiorem partem excurrit, cum *reliqui quinque* per aliam ad brachium ferantur, ibidemque in plures ramos distribuuntur.

§. LXI. *Secundus brachii nervus* crassior est, & à plexu illo exoritur, at incertum est, à quo pari nervorum ad brachia deductorum ex medullâ spinali. *Hic* per anteriorem & mediam brachii partem decurrit, illud sub bicipite musculo, ubi ejus duo capita uniuntur, subiens, & sub eodem mus- culo procedens, *duos furculos* capitibus bicipitis largiens, ac circa medium ejusdem musculi alium *furculum* producens, quo mediante cum tertio ner- vo jungitur, indeque descendens ab externo latere in progressu *furculum* largitur capiti longioris pronatoris radii. Vbi vero ad cubiti flexuram pervenit, juxta externum latus tendinis dicti bicipitis ad membranam car- nosam ductus in cutem digeritur, duos in ramos divisus, quorum alter *ex- ternus* & *gracilior*, alter *internus* & *crassior* est. *Externus* quidem cum venæ ce- phalicæ ramo per cubiti sedem externam aliquousque defertur, & tandem ad pollicis internodium secundum distribuitur. *Internus* autem in duos ra- mos

mos sub medianâ venâ dividitur, quorum *exterior* oblique sub cute procedens relictâ venâ versus radium abit usque ad carpum, *interior* vero basilicæ ramo interiori, cum obliquius incedat, attensus in cubiti regione in duos præcipuos ramos, quorum *unus* per radii, *alter* percubiti regionem ad carpum, & inde in manus internæ cutem digeritur.

§. LXII. *Tertius brachii nervus* secundo proximè subjacet, & perinde ut ipse à plexu retiformi oritur. Antequam alam superat *sobolem* emittit, quæ inter pectoralem & deltoidem sub cute dispergitur. Dehinc ubi brachium attingit, sub bicipitem se recondit, ac deorsum una cum secundo nervo procedens, ramulum in caput secundi cubitum flectentis derivat. Hinc descendens à secundo nervo ramum accipit, quo mediante invicem junguntur, inde ulterius per brachii anteriora in cubiti flexuram abit, æquali semper spatio à secundo nervo distans, interni humeri tuberculo, ejusque anteriore sede invecus. Vbi hoc superavit, complures propagines educit, qui una cum ramis à quinto nervo diductis, qui per ejusdem tuberculi pollicam regionem vehitur, in musculos internam cubiti sedem occupantes, & ab interno humeri tuberculo enatos distribuuntur. Sunt vero illi musculi duo, qui quatuor digitorum extrema internodia flectunt, & ille qui tertium pollicis articulum curvat. Inde aliam propaginem educit, quæ inter dictos hos musculos per radium una cum vena & arteria ad carpum deferatur, sub transverso ligamento transiens tenues quosdam surculos disseminat in abductorem pollicis musculum, & duos primum ejusdem articulum flectentes. Posthæc ubi in volam manûs pervenit, in tres surculos dirimitur, quorum *primum* alios duos surculos indicis, *secundus* duos indicis, ac *tertium unum* medio digito tribuit.

§. LXIII. *Quartus brachii nervus* omnium eorum, qui ad brachium feruntur amplissimus est, cum triplo ferè scæteros crassitie superet. Itidem à plexu illo retiformi oritur, indeque per brachium inter musculos sub profundis latitans, vena basilicâ & arteria sociis defertur. In principio autem, ubi brachium subit, *plures sed exiguos surculos* in capita musculorum cubitum extendentium derivat, & antequam ad dimidium longitudinis humeri pervenerit, obliquè deorsum ad os humeri contorquetur, ac inter hoc & musculos cubitum extendentes progreditur. Prius tamen, quàm totus reflectatur, ab interno sui latere *surculum* educit, qui inter dictos musculos, tum secundum cubitum flectentium incedit, & in cutim quæ internam brachii sedem investit, absumitur, sursum deorsumque fibris nonnullis propagatis. Sobole hac disseminatâ sensim per posteriorem sedem

ad ex-

ad externum brachii latus per sinum externi humeri ossis tuberculi in postica ipsius regione exsculptum invehitur properat, ibique similiter *furculum* promit, cutem accedens humiliori sedi externi lateris brachii obducit; deinde *alium* qui in cutem usque in carpum digeritur. Inde juxta cubiti articulum in *duos ramos* dividitur, *externum* & *internum*, qui in profundo & inter musculos abditi, quemadmodum & totus truncus ad carpum descendunt. *Externus* secundum radii longitudinem incedit, & ubi ad carpum pervenerit, transversum ligamentum ab exteriori parte transit, moxque in duos ramos subdividitur, quorum *unus* duplici furculo in externam pollicis sedem, *alter* partim in indicem, partim in medium absumitur. *Internum* vero secundum cubiti longitudinem porrectus, soboles porrigit plures, quarum *primam* musculo primo digitorum extensori: *secundam* extendentium digitos secundo: at *tertiam* interiori carpum extendenti communicat. In ipso progressu vero tribus musculorum principiis ab ulna seu cubiti osse originem capientibus propagines largitur, ac denique in carpum terminatur.

§. LXIV. *Quintus brachii nervus* ex eodem retiformi plexu, inferiore tamen loco, exoritur, ac quarto nervo junctus per brachii internam sedem inter musculos cubitum flectentes & extendentes descendit. Hic nervus principio in nullos furculos distribuitur, sed indivisus usque ad internum humeri tuberculum procedit: sed hoc ubi attingit, ad ejus posteriorem sedem reflectitur, & postea ad similem modum, ut nervus tertius dividitur. Nimirum *propagines* quasdam accipiunt musculi illi, qui ab interno humeri tuberculo nascuntur, & cubiti internam sedem occupant. Deinde *furculus* quidam prodit, qui per radium vectus inter musculos secundum ac tertium digitorum internodia flectentes incedit, & inde ad volam manus deducitur, ubi *primum ramum* emittit, qui bipartitus minimi digiti interiori parti inseritur: deinde *alium*, qui itidem in duos divisus ad annularem propagatur: ac tandem *alium*, qui ad externam sedem interni lateris medii digiti procedit. Ex eodem etiam quinto nervo ab externo latere juxta medium longitudinis radii *alius* etiam *furculus* prodit, qui divisus in tres ramos in externam partem medii, annularis, ac minimi digiti propagatur.

§. LXV. Denique *sextus brachii nervus* ab infima sede plexus retiformis producitur, & per axillam, humerique & cubiti anteriorem sedem sub cute incedens ad internum humeri ossis tuberculum properat, pluribus in hoc itinere furculis ad vicinam cutem propagatis. Quando autem hoc tuberculum attingit, in multas propagines scinditur, quarum *alia* basilicæ

venæ ramis subjiciuntur; *aliæ* incumbunt, sicque sub cute delatæ, ubi ad carpum devenerint, terminantur.

§. LXVI. His ita circa brachium seu manum explicatis, eadem circa *pedem* seu *crur* perpendenda sunt, nempe tum *ossa*, tum *ligamenta*, tum *musculi*. Antequam vero illas partes sigillatim persequamur, prius denominationem externarum partium referemus. Ergo quidem dicitur tota illa pars *Pes*, at quia eadem vox ultimam etiam tantum ejus partem significat à quibusdam discriminis gratia appellatur *magnus pes*, ac à quibusdam etiam *Crur*. Dirimitur in tres partes, supremam, median, & infimam. Prima pars vocatur *femur* & *coxa* Latinis, Græcis *μῆρ*, quia truncum corporis quasi in duos ramos deducit. Ejus interna pars dicitur *femur*, at protuberantia exterior juxta articulum *coxendix*, & ex Græco *ischion*. Secunda pars appellatur *tibia*, & Græcis *κνήμη*, non raro tamen hoc nomen denotat alterum os tibiz fibulæ oppositum. Anterior tibiz pars ἀπὸ τοῦ ἰσίου Græcis nuncupatur, quasi *antetibiale*, aut *protibiale*, at posterior vocatur ἀπὸ τοῦ ἰσίου & Latinis *fura*. Sed exterior ἀπὸ τοῦ ἰσίου, & interior ἀπὸ τοῦ ἰσίου dicitur. In superiore parte tibiz flexura est, & articulus, quo femori jungitur. Vocatur *genu* seu *genu*. Speciatim anterior pars, aut potius os ibi jacens vocatur *im-malis* aut *ἰμῶν*, Latinis vero *patella*, *mola genu*, & *rotula*. Posterior autem pars, qua flectitur *ἰνὸς* & Latinis *poples*. In inferiore parte eminentiæ duæ conspicuæ sunt, quas σφῆλαι vel σφῆλαι Græci, Latini *malleolos* dicunt, atque *talos*, quanquam valde improprie, cum malleoli talo præpositi sint, adeo ut videri non possit. Ultima pars pedis dicitur absolute *ὑπὸς*, seu *pes*, & discriminis gratia *parvus pes*. Huc ad similitudinem manus dividitur in tres partes. Prima dicitur *ἡλὸς*, item *ἡλὸς*, *ἡλὸς* etiam aut *ἡλὸς*, Latinis *calcaneus*, quanquam eo nomine speciale etiam os notatur. Secunda dicitur *ἡλὸς* & *ἡλὸς*, apud Latinos autem nomine caret. Tertiam nuncupant *ἡλὸς* seu *digitos*, quorum maximus pollex vocatur, cæteris à situ ab hoc nomen sortientibus.

§. LXVII. Sed his dimissis revertamur ad partium recensitarum explicationem specialiorem, & ab ossibus incipiamus. Ita vero *Ossa pedis* seu *cruris* sunt *os coxæ*, *os femoris*, *patella*, *ossa tibiz*, & *ossa ad extremum pedem pertinentia*. Inter hæc os coxæ superius jam explicatum est, ubi infimi ventris ossa enodavimus, ut modo sequentia adhuc declaranda supersint.

§. LXVIII. *Os femoris* est os illud omnium quæ in corpore humano reperiuntur maximum, quod inter coxendicis & tibiz os interjacet, ac utrique coarticulatur. Vsum præstat ad cruris seu pedis actionem, quæ

deambulatio est, summe necessarium, quatenus molem universi corporis seu stemus, seu ambulemus, sustinet, & musculis etiam diversis firmitatem exortus præbet. Quoad *substantiam* firmum solidumque hoc os est, media parte tamen cavernosum, tum ut molem corporis comode & citra periculum toleraret, tum ne ipsum nimio pondere corpus gravaret, aut nimis cito exaresceret. Quoad *quantitatem* maximum omnium in toto corpore est, ob firmitatem, quam requirebat ad sustinendam molem totius corporis. Quoad *figuram* teres & oblongum est, non tamen æqualiter, sed antèrius magis gibbum & posterius concavum, ac circa extremas partes maxime inferiorem, latius, itemque postica parte lineam asperam obtinens. Quam figuram itidem tum ob robur, tum ob meliorem musculorum insertionem & propagationem, tum ob commodiorem cum aliis ossibus conjunctionem nactum est. Propter quam præcipue *duas* etiam *appendices* sortitum est, superiorem nempe, & inferiorem. *Superior* non recta sursum, sed versus inferiorem sedem cervicem erigit, ut tutius insistere pedibus possemus, neque gravitas corporis antrorsum vergeret. Ei deinde *caput* semiglobosum & maximum impositum est, cartilagine incrustatum, ut exactissime tutissimeque ossi coxendicis copularetur. Atque ob eam causam ligamentum quoque validum & teres medio fere capiti, ubi foramen ejus causa exsculptum est, ex osse coxendicis enatum inseritur. Præter istud caput superne ex osse femoris alii *duo processus* exseruntur, qui quoniam eos musculos excipiunt, qui femoris motui auxiliantur, Græcis *ῥοτῶντες* & Latinis *Rotatores* appellantur. Vnus *processus externus* est, & major, imo maximus inter eos omnes, qui aliis ossibus non committuntur. Ex lata basi incipit, paulatimque angustior evadit, non tamen prorsus in mucronem definit. In eo *sinus*, *impressiones*, ac *linea aspera* notanda sunt. *Sinus asper* interna parte visitur: *quatuor impressiones* foris gibba parte exsculptæ sunt: atque illarum uni in proclivior & humiliore sede positæ *linea aspera* deorsum ducitur, ac oblique per femoris posteriora incedit. Alter *processus internus* est prioreque multo minor, obtusum tuberculum repræsentat. *Inferior appendix ossis femoris duo capita* magna exserit, magis versus posteriorem quam anteriorem corporis partem vergentia, unde accidit, ut crus quidem introrsum acuto satis angulo inflecti queat, at foris ultra rectam lineam, extendi non possit. Eorum *capitum unum externum* & crassius: *alterum internum* & minus, at obtusius existit. Hisce capitibus femur tibiæ committitur, ut flecti & extendi crus possit, sed neutiquam ad latera moveri, quanquam eam sententiam aliqui Gal. attribuerunt. Notandi cir-

ca eadem capita *duo sinus* sunt. *Alter anteriore parte* corporis consistit, lævis admodum & cartilagine tectus est, excipitque patellæ tuberculum. *Alter posteriore parte* corporis consistit, prioreque major est, partim ut ligamentum illud validum exciperet, quod ex femore enascitur, & tuberculo inter duos sinus in elatiore tibiæ parte exsculptos enato inseritur: partim ut vasis ad inferiora distributis tutum iter præstaret. In eodem osse femoris circa appendices inveniuntur quoque *foramina levia*, quæ utilia sunt pro validiore ligamentorum rotundorum articulos ambientium insertione. Porro in posteriore quoque parte inferiorum capitum *duo ossa sesamo femini similia* reperiuntur, quæ solers natura cum ob finem condidit, ne primi pedem moventis musculi caput, juxta quod consistunt in motu validiore à dictis capitibus attereretur, aut aliud detrimentum caperet.

§. LXIX. Ad genu anteriore corporis parte ubi femur tibiæ conjungitur, *patella* est, *mola* etiam, ac *rotula* vocata, partim à figura, partim ab officio. Os subrotundum est, foris planum, at foraminulentum, intus in medio gibbum, sed ad latera depressum est, ut duobus capitibus inferioribus femoris respondeat: latum quoque sed parvum est, utpote vix duos transversos digitos exæquans. Firmatur in suo loco à tendinibus diversorum muscilorum, qui genu transcendunt. Vsum habet, ut conjunctionem femoris & tibiæ firmet, & impediat, ne femur antrorsum excidat, cum pes multum extenditur, quemadmodum fere contingit, cum ad decliviora descendimus.

§. LXX. Sequitur *tibia*, quæ duo ossa habet in extremis sibi copulata, at in medio dehiscencia. Copulatio illa ob majorem tibiæ firmitudinem à natura instituta est, at hiatus ob muscilorum commodiorem, & quæ partem tutiorem implantationem. *Vtrumque* os substantiani duram solidamque habet, ob firmitatem, attamen interius cavitatem, & medullam obtinet, ob humectationem. *Vnum*, quod interius consistit, nonnunc totius *tibia* vocatur; *alterum* autem, quod exterius est, *fibula*, & à quibusdam *sura*.

§. LXXI. *Tibia* multo major, quam *fibula* est, & figuræ non teretis, ut alia longa ossa, sed triangularis. *Anterior angulus* acutissimus est, ac *spina tibia* appellatur: minus acutus ille, qui *foris spectat*, & minimum ille, qui *fibulam respicit*. Hanc figuram nacta est, ut melius diversis musculis initium & stabile fundamentum præbere posset. Vtrinque superna nempe & inferna parte in extremitatibus *tibia appendicem* exserit. *Superior* appendix nonnihil ab anterioribus versus posteriora procedit, ac in *duas eminentias* dividitur, quibus singulis *sinus oblongi superficiales*, lævi cartilagine incrustati insculpti

sculpti sunt, quibus capita duo inferiora femoris recipit, cui tibia per enarthrosin copulatur. Ut autem ea conjunctio firmitior esset, & ob sinuum lævitatem non continue luxatio fieret, maxime si ad acutum angulum tibia constringeretur, in ambitu uniuscujusque *cartilago* crassa versus centrum paulatim attenuata circumposita, ac ligamenti firmata, elapsum illud prohibens. Ac eo etiam confert *tuberculum* illud duobus sinibus interpositum, inæquale & asperum, cui ligamentum validum ex sinu magno, postica parte inter duo femoris inferiora capita situ productum inseritur. *Inferior appendix* superiore multo minor est, & tibiam cum talo per ginglymum copulat. *Sinum* habet *geminum*, cartilagine incrassatum, linea media à posteriore parte in anteriorem excurrente distinctum, ubi postea in leve tuberculum terminatur. *Major ac profundior* est ille sinus, qui ad interiora vergit, ob processum illum crassum intus cavum, foris gibbum & excarnem, quem *malleolum internum* Anatomici appellant. *Externum* dehinc minor est, & præter eum externa parte inferiore appendicis loco, alius sinus oblongus asper, nullaque cartilagine munitus visitur, in quo fibulæ inferius caput recipitur, ob mutuam sociationem.


§. LXXII. *Fibula* ab externo latere tibiæ jungitur, eidem longitudine quidem æqualis, sed crassitie multo minor. Neque enim æque principaliter molem corporis sustinet, sed tibiæ maxime firmamenti & auxilii causa adjungitur. Superius ideo tibiam fulcit, ac adeo infra eandem consistit, & inferiore parte rursus longius exseritur, ubi pedis ossibus copulatur. Itidem *fistulosum* ac *triangulare* id corpus est: acutissimus angulus anteriora respicit, qui ad interiora vergit minus acutus, minimum autem, qui foris spectat. Vtrinque etiam *appendicem* exserit. *Superior* in latere interno sinum obtinet cartilagine tectum, cui capitulum laterale tibiæ sub superiore ejus appendice positum inditur. *Inferior* vero acuto angulo nequitquam cartilagine obducto terminatur, ac in sinum externum & oblongum inferioris tibiæ appendicis committitur, atque ibi *malleolum externum* constituit, qui cum interno talum in suo loco continet, & hic quidem magis quam ille, quia fibula profundius demittitur, quam tibia, ob quam causam malleolus quoque externus interno demissior est. Ut autem etiam firmitus fibula cum tibia conjungeretur, in medio ligamento ad id à natura factò coërcetur, & sibi mutuo uniuntur.

§. LXXIII. Succedunt *ossa pedis extremi*, quæ ipsa sicuti respondent *ossibus extrema manus*, ita ad consimilem modum dividuntur. Sicut ergo hæc distribuuntur in carpi, metacarpii & digitorum ossa, ita *pedis ossa*

R r 3

sunt.

sunt vel *tarfi*, vel *metatarfi*, vel *digitorum pedis*. Attamen præter hæc omnia aliqua occurrunt, quæ à manus ossibus omnino diversa sunt, quæ nuncupantur à quibusdani *ossa partis innominata pedis*. Atque ab his ordiendum est, quandoquidem extrema parte pedis ponuntur. Tria numero sunt, *talus*, *calcaneus*, seu *calcus os*, & *os naviculare*, quæ in eo conveniunt, quod in primo suo exortu mollia & cartilaginosa fere sunt, foraminibus multis plena, ac pumici similia, sed *figura* prorsus discrepant, sicut & magnitudine. Maximum enim est *calcaneus*, magnitudine medium *talus*, at minimum *os naviculare*. Verum in specie agamus de singulis.

§. LXXIV. *Talus* est illud os, cui tibia & fibula jungitur, cujusque beneficio pes flectitur; extenditur, ac aliquantum ad latera convertitur. Alias dicitur *Astragalus* nomine ex Græco deducto. *Variam* omnino figuram nactum est, secundum *diversas suas partes*, *superiorem* nempe, *inferiorem*, *anterior*em, *posterior*em, & *laterales*, *internam* nempe & *externam*. *Superior pars*  & à Latinis quibusdam *Quatrium* vocatur, quia quadratam figuram exhibet, non tamen exacte, quia posterius latus priore aliquantum brevius est. Superficies vero non est æqualis aut plana, sed inæp-
pendici tibiæ respondet catenus, ut eam commode recipiat per gingly-
mum. Hinc in extremis rotunda eminet, sed media parte delidet. *Late-
rales partes* superne lævi cartilagine teguntur, ubi malleolos recipiunt: in-
ferne vero sinus asperos habent, in quos ligamenta induntur, quæ duo ossa
tibiæ talo colligant. *Anterior pars* longam cervicem emittit, quæ in rotun-
dum capitulum cartilagine obductum terminatur, quod sinui ossis navicu-
laris innuitur, qua articulatione pes in latera movetur ac circumducitur.
Inter hoc & superius latus occurrit sinus rotundus mediocriter cavus, in
quod dum pes ad acutissimum angulum flectitur, tuberculum illud, quod
in medio lineæ anterioris sinus tibiæ eminet, ingreditur. *Posterior pars* mi-
nima omnium, totaque aspera est: superne transversum sinum per totum
latus exigit, quod recipit ligamentum tibiæ: inferne autem sinum habet
descendentem parvum, per quem transmittuntur tendines muscutorum
pedem moventium. *Infima pars* talum cum osse calcis conjungit duplici
commiffura, recipiente per sinum, & recepta per capitulum. Etsi vero &
sinus & caput in hoc conveniunt, quod cartilagine obducta sunt, tamen
differunt situ & magnitudine. Nam sinus in anterioribus jacet, ac tripla
fere parte capitulo majus est. Alioquin caput oblongum & rotundum
est, sinus autem, à posterioribus ad exteriora oblique excurrit, coracoidem
scapulæ processum non male exprimens. Inter hunc & illud, ubi talus cal-
cem

cem non attingit, alius sinus longus & mediocriter profundus ac latus visitur, cui ei regione calcis alius respondet, in quo mucosa quædam substantia reperitur, quæ ligamenta cartilaginea, hoc loco talum calci jungentia irrigat ac huñectat, ne in longis crebrisque motibus nimium sicentur.

§. LXXV. *Calcaneus* seu *calcis os* talo substernitur. *Superius* enim ejus *latus* anteriore parte sinu suo recipit talum, at capitulo ab eodem recipitur: posteriore autem loco à talo liberum est, ubi tamen sinu aspero gaudet, cui ligamentum tibiæ constringens à tibiæ enatum inferitur. *Latus internum & externum* sinus exhibet, & illud quidem evidentius, utpote transitum præbens quibusdam tendinibus & vasis: attamen externi sinum etiam tendines duos transmittit. *Infinum latus* latiusculum est: *posterius* modice gibbum, leves sinulos obtinens, in quos tendines primi & secundi pedem extendentium musculorum inferuntur. *Anterius* denique leviter prominet amplo capite, quo cubiformis sinui fere plano coarticulatur.

§. LXXVI. *Naviculare* seu *Crupondis os* à naviculæ forma nomen sortitum est, quia oblongum est, *intus* insigniter *cavum* & *foris convexum*, utrobique cartilagine incrustatum. *Cavitas* caput tali recipit: *convexa* autem *pars* tres obtinet superficies adeo leves, ut ambiguum sit, excipiant an excipiantur. His committuntur tria tarfi ossa, quorum maximum *internum* latus occupat, sicut *minimum* externum. *Situm* habet in parte interna pedis, cujus beneficio præcipua pars tarfi talo committitur.

§. LXXVII. Post hæc tria ossa, sequuntur *quatuor ossa tarfi*, quæ ipsa inter se connectuntur cartilagineis ligamentis, nisi quod ubi se mutuo respiciunt, omni cartilagine libera sint, contra vero ubi anterius metatarfi ossibus, ac posterius naviculari conjunguntur, lævi cartilagine obducuntur. Illa ossa, si ita sibi sociata considerentur, forma sua fornicem repræsentant, quatenus superiore parte convexitatem, at inferiore, ubi planta pedis est, concavitatem efformant. Atque id summa ratione natura machinata est. Quoniam enim tendines & musculi diversi inferiore parte pedis reperiri debebant, nisi illa cavitas condita foret, comprimerentur ac læderentur. Maxime vero illam cavitatem constituunt, illa tria ossa, quæ naviculari committuntur, quæ quoniam superna parte lata, at inferiore acuta sunt, à Fallopio & aliis quibusdam nuncupantur *Cuneiformia*.

§. LXXVIII. In specie sunt ea quatuor ossa *cubiforme*, & *tria cuneiformia*, à magnitudine sua cognominata *majus*, *minus*, & *medium*. *Cubiforme os* vocatur, quia senis suis lateribus cubum repræsentat. *Situm* habet inter calcis

calcis antèrius latus, cui posteriori suo latere conjungitur, & quartum & quintum os metatarsi, quorum respectu duplicem superficiem obtinuit, iis antèrius copulatum. Porro interna parte quarto ossi tarsi conjungitur: at externe, superne item & inferne ab aliis ossibus liberum est.

§. LXXIX. *Cuneiforme os majus*, quod secundum os tarsi est, posterius sinu suo navicularis ossis processulum internum suscipit, antèrius vero cum primo osse pedii, quod pollicis substernitur, copulatur, sic tamen, ut distincte notari nequeat, an per sinum, an per processum id sit. Superius convexum, inferius concavum est, sicut & alia cuneiformia ossa, utrobique autem valde asperum est. *Cuneiforme os minus*, tertium tarsi est, ac medium inter cuneiformia locum habet. Superne leviter arcuatum est, ac figuram quadratam exprimit, inferius autem in acutum abit. Antèrius ac posterius triangulare apparet, ibi secundo tarsi, hic naviculari ossi copulatum intercedente cartilagine utrobique isti cuneiformi ossi annata. Interne ac externe quadratum oblongum repræsentat, atque ibi quidem sinum ingreditur lateris externi primi ossis cuneiformis, hic autem cum tertio osse cuneiformi sociatur. Denique *Cuneiforme os medium*, quod quartum est inter tarsi ossa, priori simile, sed eo aliquanto majus est: inferne etiam non tam acutum existit, & in medio ibidem locorum tuberculum exiguum exferit, pro receptione musculi tibizi. Antèrius dehinc tertio metatarsi ossi necitur, sicut posterius levi sinu externum tuberculum ossis navicularis recipit, à lateralibus partibus denique tarsi ossibus tertio & primo connectitur.

§. LXXX. Post tarsum sequitur *metatarsus* qui Græcis *medius*, Latinis autem *planta* & *pellex* vocatur. Componitur ex quinque ossibus, omnibus digitis pedis, ipsi etiam pollicis, secus quam in manu fieri plerique arbitrantur, singula substrata. Substantia ipsorum solida est, intus tamen excavata. Magnitudo etiam major, quam in metacarpo, cum pes manu longior sit. Inter se tamen non æqualia sunt. Nam & crassitie & longitudine maximum est, quod pollicis substernitur, tum paulatim minora evadunt, prout ordine ab hoc recedunt. Figura illorum metacarpii ossibus non adeo absimilis est, ac utrinque capitula exhibet, ex quibus anteriora posterioribus minora sunt, ac ad rotunditatem vergunt, at latera compressa sunt. Sunt etiam versus superiora magis, quam inferiora diducta, aliter quam in metacarpo, cum pedum digitos in extensione aliquanto magis atque manuum elevari necessum fuerit. Pollicis etiam substratum os caput orbiculatus obtinet, quoniam pollex ad latera magis moveri debebat.

bat. Posteriora capita superius crassa sunt, inferius acuta, & ad latera compressa, ut triangulum non male expriment. Hæc sinum levem habent, conspicuum tamen, & cartilagine tectum, quibus tarsi ossa excipiant. At anteriora in sinus digitorum immittuntur. Inter se sociata hæc ossa in medio cavitatem relinquunt, pro diversorum muscutorum defensione & receptione.

§. LXXXI. Ultima ossa totius pedis sunt *ossa digitorum pedum*. Illorum sunt quatuordecim, nempe tria singulorum aliorum digitorum, & duo pollicis. De his non est opus, ut multis agatur, quandoquidem fere conveniunt cum ossibus digitorum manus, sive substantiam, sive situm, ac connexionem, sive figuram spectemus. Magnitudine tamen ab iis discrepant cum multo minora sint. In articulis horum digitorum pariter *ossa sesamoidea* reperiuntur, quæ itidem minora sunt, quam digitorum, at in aliis fere cum illis conveniunt.

§. LXXXII. Post ossa pedis seu cruris, & cartilagine ipsi conjunctas, nunc porro nobis sunt declaranda *ligamenta cruris seu pedis*. Horum alia ad articulos pertinent, alia autem ad tendines muscutorum ad pedes transmissos coercendos. Ad articulos spectant ligamenta illa, quæ os femoris cum coxendice, deinde quæ idem os femoris cum tibia & fibula, tum quæ tibiam cum fibula, porro quæ hæc ossa cum talo, postea quæ hunc cum ossibus pedis, ulterius quæ hæc alligant, de quibus omnibus breviter seorsim est agendum.

§. LXXXIII. Ergo quidem *femoris caput superius* duobus ligamentis affirmatur acetabulo coxendicis. *Primum* est membraneum, latumque, orbiculatim articulationem illam ambiens & muniens, quale etiam in aliorum articulorum firmatione reperiuntur, sed sicut hic articulus magnitudine omnibus aliis superior est, ita hoc quoque ligamentum omnibus sibi similibus firmitus & crassius existit. *Secundum* est ligamentum teres & fere cartilagineum, in ipso acetabulo consistens, quod enatum ex humiliore ipsius sede, ubi supercilium ejus non est osseum sed ligamentosum, medio femoris capiti, ubi foramen hanc in gratiam insculptum est, innascitur, ut præcaveatur illorum ossium luxatio.

§. LXXXIV. Dehinc *inferius caput femoris cum tibia ac fibula* sex ligamentis connectitur. *Primum* commune est, membraneum & latum, universum illum articulum ambiens, excepta parte anteriore ubi patella illarum ossium conjunctionem firmat, quæ ipsa suæ firmitatis causa iisdem tribus firmis tendinibus, secundi nempe, tertii & quarti tibiam extendentium

sf

tium

tium musculorum, ossis femoris inferiori capiti & tibiæ fibulæque, ubi illi conjunguntur, connectitur. *Secundum* crassum est ac validum, in poplite situm, quod originem suam sumit à medio partis posterioris tibiæ, hincque recta ascendens in duo capita abit, quæ postea in duo femoris capita, qua parte maxime inter se recedunt, implantantur. *Tertium* cartilagineum & firmum est, secundo ligamento femoris respondens. Enascitur ex sinu illo magno, qui est inter duo capita inferiora femoris, quibus prius enarratum innascitur, hinc inter articulum consistens implantatur tuberculo illi, quod inter duos sinus superioris tibiæ appendicis est, ubi asperum apicem emittit. *Quartum* exile & gracile est, quod originem sumit ex medio ligamenti secundi, ubi in duo capita dirimitur, & sursum propagatum, inter duo capita femoris inferiora inseritur. *Quintum* teres, genu externo lateri obducitur. *Sextum* denique huic è contrario positum interno ejusdem lateri attenditur.

§. LXXXV. *Tibia cum fibula duobus ligamentis astringitur. Primum* superna parte consistit, quod ossa hæc, ut cætera solent, undique exterius circumdat. *Alterum* ea parte est, ubi ossa hæc ab invicem distant. Latum, membraneum ac tenue est, obliquis fibris à tibia, ex qua oritur, ad fibulam, in qua desinit tendentibus. Prorsus simile existit illi, quod cubitum radio copulat, atque etiam ad ejusmodum musculos anteriores in tibia consistentes, sejungit à musculis, qui posteriorem ejus sedem occupant.

§. LXXXVI. *Tibia & fibula cum talo tribus ligamentis copulantur. Primum* est membraneum, communeque totum articulum ambiens: duo alia cartilaginea existunt, secundum quidem à malleolo interno oritur, & interno tali lateri, quod à malleolo excipitur, innascitur: sed tertium huic contrarium est, utpote quod à malleolo externo enatum in tali externum latus implantatur.

§. LXXXVII. *Talus dehinc cum pedis ossibus quinque ligamentis sociatur. Primum commune* est, calcis articulum cum talo orbiculatim ambiens. *Secundum* est cartilagineum, quod ab inferiore loco tali oritur, & calcis committitur. *Tertium* totum articulum externa sede ambit, ac ex cervice tali pronatum naviculari ossi inditur. *Quartum* robustum est ac cartilagineum, quod universum articulum ambiendo calcis os cubiformi copulat. *Quintum* denique à tali cervice productum ossi cubiformi implantatur.

§. LXXXVIII. *Tarsi deinde, metatarsi, ac digitorum pedis ossa æque multis ac similibus ligamentis sibi sociantur, ut ossa manus, ut propterea*
non

non sit necesse de his addere. Quemadmodum etiam illa ligamenta, quæ tendines musculorum ad pedes pertinentium cœercent, cum ligamentis manus congeneribus fere conveniunt. Ea hæc sunt. *Primum* transversum est, in anteriore parte, tibiam & fibulam conjungens. *Secundum* ab interno malleolo nascitur, & in os calcis immittitur, quod etsi simplex videtur, triplex tamen est, & tres veluti annulos effingit. *Tertium* ab externo malleolo inchoat, & in idem os calcis immittitur, per quod transeunt duorum musculorum, nempe secundi pedem flectentis & abducentis tendines. Ultimo in digitorum inferna sede itidem ligamenta talia reperiuntur, per quæ transeunt tendines musculorum digitorum pedis internodia flectentium, quemadmodum in manu reperiri supra notavimus.

§. LXXXIX. Ita etiam enodavimus ligamenta cruris seu pedis, transitum ergo facimus ad declarationem *musculorum cruris* seu *pedis*. Horum autem alii pertinent ad *femur*: alii ad *tibiam*: alii ad *pedem* in specie sic vocatum: alii denique ad *digitos pedis*: & singulis tot competunt, ut per eos omnis motus diversitas queat explicari. Ut à *femore* incipiamus illi competit triplex motus, nempe *extensio*, *flexio*, & *circumductio*, seu *motus in gyrum*. *Extendi* dicitur crus, cum versus exteriora ducitur, quemadmodum evenit, cum pedes ab invicem divaricamus. Hoc vel *recta* fit, vel *oblique*, versus *anteriora* aut *posteriora* declinando. *Flexio* vocatur, motus ille femoris, quo in anteriora femur movetur, ut corpori fiat vicinior; & itidem vel *recta* est, vel *obliqua* declinans aliquantum ad unum vel alterum latus. *Circumductio* seu *motus in gyrum* in femore nuncupatur ejusdem in orbita sua circumversio, atque vel versus *interiora*, vel versus *exteriora* fit. Illis motibus conducunt sui muscoli ab officio denominati, quorum in unoquoque latere undecim sunt, nempe *extendentium tres*, qui posteriori loco in osse innominato, seu ossis coxæ dorso jacent: *flectentium quatuor*, quorum duo in ventris cavitate abditi sunt, duo autem femori innituntur: *quatuor* itidem *circumagentium*, quorum unus internam, alii externam coxendicis sedem possident.

§. XC. *Extendentes muscoli* vocantur *glutæi*, quoniam natiùm carnosam partem conficiunt, & discriminis gratia *primus* appellatur *glutæus major*. Hic detracta cute cum subiecta pinguedine statim in conspectum venit, in quo notanda *positio* seu *situs*, & *officium*. Quoad *situm* totum fere natem sui lateris complet, *initium* ducens carnosum, amplum & quasi semicirculare à diversis ossibus, nempe superiore parte ab ossis ilium spinæ circumferentia tota, laterali ab ossis sacri parte inferiore, infima autem ab osse coccygis,

hincque oblique *procedens* deorsum, dum coxendicis articulo superato paulatim angustior & gracilior redditus, tandem *finis* tendine lato & firmo, qui femori innascitur, partim in impressione prima rotatoris majoris, partim in aspera linea, quæ sub una earundem impressionum deorsum ducitur. *Officium* hujus est oblique versus posteriora pedem extendere.

§. XC I. *Secundus extendentium femur* dicitur *gluteus medius*. Hic sub primo fere totus *jacet*, ac *initium* itidem latum, carnosum, ac quasi semicirculare trahit, paulo inferiore loco, quam primus ab ossis ilium spinæ anteriore sede & ejusdem ossis dorso. Inde oblique versus exteriorē partem deorsum *provehitur*, ac paulatim angustior redditus ultra articulum in tendinem latum, membranæque ad modum expansum *desinit*, qui in *secundam* impressionem majoris rotatoris transversum implantatur. *Officium* hujus est oblique femur extendere versus anteriora.

§. XC II. *Tertius extendentium femur* appellatur *gluteus minor*. Hic in omnibus hominibus, & maxime in robustis livet. *Sedem* obtinet sub glutæo medio, consimile attamen minus *principium* capiens à posteriore & inferiore sede dorsi ossis ilium, & inde oblique deorsum versus anteriora *progrediens*, in hærens fibrosis nexibus ligamento illi, quo femoris caput coxendicis sinui conjungitur, inde paulatim angustior evadit ac *desinit* in latum ac validum tendinem, qui in tertiam impressionem rotatoris musculi inditur. *Munus* hujus est recta femur extendere.

§. XC III. *Flectentium femur musculorum primus*, Græcis dicitur *ψῆς*, Latinis *lumbalis musculus*, utrisque à situ. Nam omnino in lumbis *jacet*, & statim in iis conspicuus evadit, quam primum viscera imi ventris ac intestina remota sunt. *Initium* ducit carneum, acutum & lividum à latere corporum duarum ultimarum vertebrarum thoracis, & trium superiorum lumborum, ac à transversis processibus earundem. Inde paulatim *crassescens* per interiora ossis ilium *progreditur*, atque ubi ad ossa pubis pervenit *desinit* in teretem & validum tendinem, qui per sinum ossis pubis ejus causa exsculptum (ne contracto musculo ab acuto ossis processu læderetur) prope os coxendicis *desertur*, & in superiorem partem minoris rotatoris *implantatur*. *Officium* hujus musculi est femur recta *flectere*.

§. XC IV. *Secundus* totus sub hoc reconditus est, ac quia in ossis ilii interna regione *jacet* *iliacus internus* dicitur. *Originem* capit principio carnosum ac fere semicirculari ab universa spina seu appendice interna ossis ilium, inde ex lato angustior, & ex tenui crassior redditus priora versus *contendit*, tandemque juxta os pubis *in tendinem abit*, qui per eundem sinum *transit*,

transit, ac post tendini lumbalis musculi connatus cum ipso progreditur, & sede paulo inferiore, quam ille in rotatorem minorem implantatur. *Officium* hujus musculi idem quod prioris est.

§. XCV. *Tertium* omnium totius corporis musculorum maximus est, tribusque capitibus, quæ in unum finem uniuntur, constat, unde *triceps* nominatur. *Primum* caput nerveum incipit à coxendicis appendice, inde carneum evadit ac crassius, donec per femoris posteriora *progressum* graci-lescit, & in teretem tendinem, cujus terminus est in interno femoris capite, propter poplitem *finis*. *Secundum* caput carneum incipit ab ea coxendicis sede, quæ cum osse pubis committitur, ac obliquis & fere transversis fibris *progressum*, ad radicem minoris rotatoris & superiorem partem asperæ lineæ femoris *terminatur*. *Tertium* caput itidem carneum est ab inferiore coxendice *deductum*, ac partim obliquis partim fere rectis fibris inferiori parti asperæ lineæ femoris *innascitur*. *Officium* hujus est oblique femur *flectere*. Aliqui tamen tricipitem muscolum ad extendentes referunt.

§. XCVI. *Quartus* etsi priori valde conjunctus est, ut portio quoque ejus videatur, minime tamen cum priore confundendus est. *Originem* ducit principio lato ac carneo ab ossis pubis anteriore parte prope cartilagineum, qua duo ossa sibi mutuo committuntur, inde oblique *descendit*, donec tandem in tendinem amplum, at brevem *desinit*, qui femoris lateri interno è regione minoris rotatoris usque ad dinidium longitudinis femoris *implantatur*. *Officium* hujus itidem est oblique femur *flectere*.

§. XCVII. *Circumagentium femur musculorum primus* vocatur *Iliacus externus & pyriformis*. Inchoat à tribus inferioribus vertebrais ossis sacri, tereti ac crasso principio, nempe non solum à lateribus externis, sed etiam interiore ejusdem parte, ubi à sui conjugis principio non longe distat, inde transversim procedens in teretem tendinem abit, qui impressioni uni processus externi femoris inseritur. Hunc muscolum cum Spigelio huc retulimus, licet alii eundem inter extendentes numerent.

§. XCVIII. *Secundus ac tertius obturatores* vocantur, quoniam principiis suis foramen ossium pubis obturant. Ac quoniam *secundus* ab externa, at *tertius* ab interna ejusdem foraminis parte exoritur, hic *obturator internus*, ille autem *obturator externus* vocatur. *Obturator* ergo *externus* amplum ac carneum initium sumit à membrana foramen succingente ac ossium pubis ac coxendicis oris, inde vero transversim ad posteriora femoris abit, angustior paulatim factus, tandem valido tendine in sinum magni rotatoris *implantatur*. *Obturator externus* contra validior priore, itidem am-

plus ac carneus ab interno ambitu versus hypogastrium incipit, ac totam internam regionem ossium coxendicis ac pubis sedem occupat, post sensim angustior evadit, ac tres ac quatuor tendines emittit, qui ad externam coxendicis partem trochleæ modo supra sinum coxendici hujus gratiæ exculptum, ac crasso validoque ligamento obductum reflexè feruntur, carneoque quasi marsupio, ut robustior fieret, & minus in suis motibus ab osse offenderetur, investiti, tendinem unum constituunt, qui in eundem sinum in quem prior inseritur.

§. I C. *Quartus musculorum femur circumagentium* priori subjectus, sub sinu trochleæ, circa quem prior circumvolvitur, partim ab externo tuberculo ossis ilium, partim ab appendice coxendicis initium capit. Deinde brevis ac carnosus ad posteriorem partem majoris rotatoris abit, ibique in illud spatium, quod inter utrumque rotatorem est implantatur, quem musculum ideo à Vesalio non incommode divisum esse Spigelius arbitrat.

§. C. *Tibiæ* deinde triplex motus competit. Nam *flectitur, extenditur, & non nihil oblique versus exteriora ducitur. Flectentium tibiæ musculorum quinque sunt*, quorum priores duo in anteriore, nempe *primus* in externa, & *secundus* in interna femoris parte jacent, at reliqui in posteriore. Illi musculi cum omnes simul agunt, recta tibiæ flectunt: sed si *quatuor primi* solum operentur, tibiæ nonnihil ad interiora ducunt, sicut *quintus* eandem modice ad exteriora trahit. *Musculorum tibiæ extendentium sunt quatuor* ac omnes in anteriore sede femoris siti sunt. Hi quoque, cum *omnes simul* operantur, tibiæ recta extendunt, prout & *primus* ac *secundus seorsim* agentes faciunt; verum *tertius* solum agens ad exteriora, sicut *quartus* ad interiora eandem ducit. Denique *oblique tibiæ movens* in posteriore inferioreque femoris ac superna tibiæ sede residet, atque tibiæ oblique versus exteriora movet.

§. C.I. Sed singulos in specie considerare convenit. Ergo quidem *flectentium primus* principium acutum, carnosum, ac nervum ducit ab anteriore parte appendicis, sive spinæ ossis ilium, inde totus carneus factus & latiusculus oblique per femoris interiora descendit, ut decussatim reliquos musculos supervehatur, donec tandem ad caput internum imæ femoris appendicis delatus in tendinem nervosum, latum, aut secundum Vesalium, teretem mutatur, qui statim infra genu in ossis tibiæ lineam acutam parte anteriore & interna implantatur. Hunc musculum *fascialem*, aut *fasciam* aliqui vocant, Spigelius *sartorium musculum* appellat, quoniam sartores eo maxime

maxime utuntur, dum crus eruri inter consuendum imponunt.

§. CII. *Secundus gracilis* à figura sua nuncupatur, nervum amplumque principium sumit ab osse pubis juxta longitudinem cartilaginis, qua sibi invicem committuntur, postea carnosus factus per femoris interiora descendit, usque ad femoris internum caput, ubi exacte teretem tendinem assumit, qui in primam tibiæ lineam juxta primum paulo tamen inferius illigatur, ad quam nonnihil latiusculus evadit.

§. CIII. *Tertius* à substantiæ modo *feminervosus* appellatus, nervoso gracilique principio ab elatiore ac maxime posteriore sede appendicis ossis coxendicis exoritur, ac usque ad medium nervosus permanens, tumque carnosus factus multiplicibus fibris per posteriora femoris ad poplitem fertur, prope quem in tendinem teretem degenerat, qui ad anteriora tibiæ reflexus (ut & prædicti duo) sub genu in eam terminatur. Habet tamen hoc peculiare hujus tendo præ reliquis, quod ad tibiæ usque medium longitudinis pervenit, cum reliquorum tendines tibiæ implantati non tam profunde descendant.

§. CIV. *Quartus* eadem de causa *femimembraneus* dictus ex eodem loco, quo tertius, gracili & nerveo principio prodit, rectisque fibris per posteriora femoris deorsum excurrans toto ductu usque ad femoris medium nerveus remanet, ubi carnosior & crassior redditus ad poplitem in tendinem teretem definit, quo in tibiæ latus internum inseritur. Atque ita apparet, quod quatuor flectentes primi in latus internum tibiæ illigantur, at quintus in fibulam, atque hinc est quod illi internam illam duritiem in poplite efficiunt, iste externam.

§. CV. *Quintus* appellatur *biceps*, ac initium nervum ac acutum, at tamen gracilius initium ab eadem ossis coxendicis appendice sumit, inde carnosior redditus per femoris posteriora sensim deorsum versus exteriora decurrit. Verum ubi medium iter absolvit, & jam dimidium quoque longitudinis ipsius femoris superavit, attenuatur, & externa sui sede nerveus admodum videtur, quasi jam in tendinem abiturus: at interna sede ex femore alia quædam pars accedit, atque ita adnascitur, ac si duplici principio musculus constaret. Sic ergo ex duobus initiis in unum musculum degenerantibus crassescit, ac descendens foris admodum nervosus in tendinem robustum abit. Tandem per sinum externi capitis femoris in hunc finem exsculptum repens externo lateri superioris appendicis fibulæ pertinaciter inseritur.

§. CVI. *Extendentium primus* vocatus ab Anatomicis *membranosus* & *latus*

lati tendinis principium acutum, intus carneum, exterius vero *nerveum* sumit à latere ossis ilium ac ejus spina anteriore parte prope musculum fascialem. Postea forma lacertæ descendit, ac majori rotatori annexus carnea substantia deposita in tendinem membranofum, nerveum, ac latissimum omnium in corpore, investientem omnes femoris musculos, degenerat, qui duplici fibrarum genere, nempe rectis in externa & transversis in interna donatus, tandemque patellam in genu amplexus, tibiz fibulæque, cruris anteriori exteriorique sedi statim post genu implantatur.

§. CVII. *Secundus rectus* cognominatus à recto progressu, musculi figuram bene exprimens, ac prius flectentium tibiam extrorsum adiacens, principium acutum ac nerveum ab ossis ilium interno tuberculo sumit, inde in ventrem carnosum ac teretem mutatus, recta per femoris longitudinem & anteriora inter tertium & quartum tibiam extendentium medius descendit, at ubi patellam attingit, in latum validumque tendinem definit, quo patellæ valide annascitur, ulterius deinde progrediens ad anteriorem tibiz sedem in ejus medium, statim ubi patellam superavit, eo loco inseritur, ubi tuberculum in hunc usum conditum evidenter admodum prominet.

§. CVIII. *Tertius & quartus* nominantur à mole sua *vassi*, at à situ *tertius* dicitur *vastus externus*, ac *quartus vastus internus*. *Vastus externus* oritur à radice majoris rotatoris femoris principio lato ac nerveo, ac femoris parti superiori exteriorique valide adhærescens sensim crassescit, ac carne livida fibris rectis prædita usque ad patellam descendens in latum ac membranofum tendinem abit, qui cum exteriore parte tendinis prædicti musculi secundi commixtus patellâ superatâ in idem cum ipso tuberculum inseritur. *Vastus vero internus* principio nerveo partim à cervice femoris, partim à magno rotatore prodit, ac mox carnosus redditus, femoris anteriori & internæ sedi perpetuo adhærens, & diversis fibrarum generibus auctus descendit, qui ubi jam ad genu fere appulit, in tendinem membranofum terminatur, qui cum tendine secundi & tertii commixtus valide patellæ adnascitur, mox hac iterum deferta in tuberculum superius anterioris tibiz sedis implantatur.

§. CIX. *Oblique tibiam movens*, vocatur à situ *suppopliteum*, cum in poplite sub initio gasterocnemii interni jaceat. Principium latum ac nerveum habet à capite femoris externo, vel ut aliquibus videtur, à ligamento articuli genu posteriori deductum. Inde carnosus evadit, ac oblique propagatus, ad posteriorem ac anteriorem superioris tibiz appendicis implantatur.

§. CX.

§. CX. Porro itidem *pes* triplici motu gaudet, quia *extenditur, flectitur, ac ad latera movetur*, unde ipsi dati sunt *musculi extendentes duo*, totidem *flectentes*, ac totidem *ad latera trahentes*. *Extendantium primus*, quia suram constituit *gastrocnemius externus*, ac ab iis qui eum pro uno musculo habent, quia una membrana ac uno tendine præditus est, *gemellus externus* appellatur. *Duplici principio* exoritur, uno carnosio latoque sub poplite ab interno femoris capite, quo per tibiæ posteriora interioraque descendit, donec latius ac crassius redditum alteri conjungatur, ac circa medium longitudinis in tendinem abeat alterius principii tendini itidem conjunctum. *Alterum* autem principium capit itidem sub poplite, attamen ab externo femoris capite. Hoc carneum est, sensimque per posteriora similiter sed exteriora cruris descendens, ut primum principium, cum eo coit, latefcit, ac fere eodem loco in tendinem abit, qui cum priore ita commiscetur, ut unus ex utroque tendo fiat, isque validus, latus ac nerveus, qui paulo post cum tendine gastrocnemii interni coiens in calcis posterius latus inferitur. Hujus musculi duobus capitibus, quemadmodum id Vesalius notat, non procul ab exortu sesamoidea ossicula tributa sunt.

§. CXI. *Secundus* vocatur *gastrocnemius internus*. Externo subjacet ac lividus est, ac à posteriore fibulæ appendice nerveo validoque initio enascitur, inde ventricosus factus, fibulæ ac tibiæ adhærens amplitudine sua ultra hæc duo ossa se extendit in progressu, at ubi medium fere tibiæ superavit angustior factus in tendinem abit, qui non procul à calcaneo ita valide externi gastrocnemii tendini adnascitur, ut unus inde tendo fiat, qui in calcis posterius latus inferitur. Hoc tendine Hectorem Achilles circa moenia Trojæ traxisse fertur, & eodem macellarii boves suos suspendunt, qui diligenter notandus est, cum circa eum exortæ inflammationes misere universum corpus in consensum tractum crucient.

§. CXII. *Musculorum tibiæ flectentium primus*, ab aliis à situ *tibiæ anticus*, à Spigelio vero *catena musculus* vocatus, quia ejus tendine dissecto catenani agri pro flexione elevationeque pedis portare necesse habent, figura lacertæ per quam similis, antierius à tibiæ fibulæque superioribus appendicibus, quo loco sibi coarticulantur, ut & à communi ligamento, quod utrumque hoc os connectit, acuto carneoque principio exoritur; inox deinde dilatatur, sed ubi ad medium fere longitudinis tibiæ pervenit, iterum coarctatur, ac sensim in tendinem nerveum, robustum ac teretem abit, qui nonnihil oblique inferius antienium supervectus prope pedis articulum in internum latus ossis tarfi, quod pollicis ossi præponitur, im-

T t

plantatur.

plantatur. Tendo autem hic prope articulum, antequam ulterius vehatur sub ligamento transverso, sive annulari, quod ab inferiore tibiæ fibula que parte nascitur, transit.

§. CXIII. *Secundus* alteri oblique pedem moventium substratus, *peroneus secundus* à quibusdam, at à Spigelio *semifibularis* vocatus, originem longam carneamque fibulæ annexam capit: cum vero medium longitudinis fibulæ superavit, in tendinem teretem degenerat, qui ad fibulæ postiora sub externo malleolo reflectitur, & in os tarsi parvum digitum sustinens duplici insertione implantatur, unde & *bicornis* à Spigelio vocatur.

§. CXIV. *Musculorum tibiæ oblique moventium primus*, *adducens pedem* & à Spigelio *nauticus* ab officio, at à situ ab aliis *tibiæ posticus* vocatus, originem carnosam sumit à tibia fibulaque & ligamento, quod utrumque hoc os necit, cui attensus, inter posteriores musculos jacens, tendinem teretem prope internum malleolum profert, quem ubi superavit, ligamento valido investitus ad plantam pedis transit, & in tarsi ossis, quod cubiformi vicinum est, sedem inferiorem implantatur. Hic pedem ad interiora trahit.

§. CXV. *Secundus* oblique pedem moventium, *peroneus primus* ac *fibularis* à quibusdam vocatur, ac ab officio *abducens*, quia pedem ad exteriora trahit. Valido nervo quoque principio à superiore fibulæ appendice exoritur, externoque toti ejusdem lateri adhærens teres carnosusque, foris lividus, intus vero rubicundus descendit: ac ubi ultra medium longitudinis fibulæ progressus est, carneam substantiam deponit, sicque in tendinem degenerat, qui oblique retro sub malleolo externo transit sinum, transverso ligamento involutum, ac à fibula ad calcaneum & latum sub planta pedis admodum reflexus in radicem ossis pedii, quod pollicis prostat, insertitur.

§. CXVI. Pedis musculos sequitur *musculus plantaris*, qui fere in omnibus cum musculo palmari supra explicato convenit. Sicut enim ille longissimo primo ac tereti tendine per universum cubitum interiorem excurrit, indeque ad carpi ligamentum annulare cubitus in latissimam membranam per totam volam manus expanditur: sic iste per totam posteriorem tibiæ sedem tendine tereti descendens, postea in plantam pedis expanditur. Situm obtinet sub externo galterocnemio, & ab exteriori femoris capite sub poplite, principio tereti ac gracili carneo exoritur, postea nonnihil dilatatus, oblique à parte externa internam versus descendit, ac statim in gracilem & longissimum tendinem degenerans ad latus interioris

rius cruris inter duos gasterocnemios & horum tendines repit : tandem prope calcaneum à latere tendini gasterocnemiorum annexus, ad internum calcanei latus, & ab hoc ulterius ad plantam pedis abit, ubi in eadem latitudine diu incedens, sensim postea trianguli ritu latescit, & prope digitorum primos articulos totam plantam obtegens ad singulos quinque digitos inferitur. Si quando vero abest hic musculus, tum tendo latus, à digitorum flexore altero surrogatur. Officium illius musculi cognatum est officio palmari.

§. CXVII. Superfuit adhuc *musculi digitorum pedis*, qui cum flexantur, extendantur, ac in latera moveantur, tria quoque musculorum genera, nempe flectentium, extendentium, & oblique moventium genera sortiti sunt, quorum quatuor in tibia jacent, nempe flexor tertii internodii digitorum internodii, flexor pollicis, extensor tertii digitorum articuli, & pollicis tensor, reliquis in pede consistentibus. Et si vero in singulis illis generibus alii ad reliquos digitos, alii autem ad pollicem pertinent, sicut & in manu visum, tamen hic utriusque generis sub suis generibus recensebimus.

§. CXVIII. Ergo *flexores digitorum pedis* sunt numero *septem*, quorum *sex* ad alios digitos pertinent, nempe *unus* ad tertium, *unus* ad secundum, & *quatuor* ad primum internodium, ac *septimus* refertur ad pollicem. *Digitorum tertii internodii flexor* sive *perforans* gasterocnemio interno subjacet, & à tibiæ posteriore sede sub poplite initio longo carnosoque exoritur, deinde per longitudinem tibiæ, cui annascitur, excurrit, ac ejus medio superato in tendinem desinit, qui prope malleolum internum fit nervus ac teres, & sub ipso à ligamento, quod ab inferiore tibiæ appendice ad calcaneum procedit vinctus, ad plantam pedis progreditur, ac in quatuor tendines secatur, qui singuli tandem ad tertium internodium, sive ultimum os quatuor digitorum, ut id flectant, inseruntur.

§. CXIX. *Secundi internodii digitorum flexor*, qui *perforatus* dicitur, carnosus nervosusque à calcaneo interiore exoritur, ac ubi medium pedis superavit, in quatuor teretes tendines dirimitur, qui in secundum digitorum internodium, quod flectunt, inserti, perforati sunt, ut per eos musculi prioris tendinis tendines ad tertium internodium transire queant.

§. CXX. *Primi tandem internodii digitorum pedis flexores quatuor* sunt, à figura *lumbricales* dicti, lumbricalibus in manu perquam similes. Oriuntur enim eodem pacto à tendinibus perforantis musculi, & tertium articulum flectentis, parvi teretesque, & parvo tendine in latus primi digitorum

internodii inseruntur. Horum actioni plurimum opitulari creditur carnea quædam portio, quæ ab anteriore parte lateris inferioris calcis duobus acutis initiis enata, non admodum crassa, recta antrorsum progreditur, ad divisuram tendinis tertium digitorum internodium flectentis, ibique principiis quatuor musculorum lumbricalium inseritur.

§. CXXI. Pollicis denique *pedis flexor* à fibulæ posteriore loco longe sub appendice superna prope medium longitudinis fibulæ, carnosus acutusque prodit, deinde ventricosior factus prope malleolum internum in teretem tendinem mutatur, qui oblique sub malleolo, eodem quo flexor tertii internodii munitus ligamento ad tertium pollicis internodium accedit. Hic tendo sæpe cum tendine flectentis tertium articulum ad indicem excurrentis connascitur, & antequam attingat secundum pollicis internodium, os sesamoïdes grandius, quam in cæteris digitorum internodiis est, acquirit.

§. CXXII. *Musculorum pedis digitos extendentium*, peculiare tres sunt, quorum unus ad tertium, unus ad secundum quatuor digitorum articulum refertur, at unus ad pollicem pertinet. Ad primum vero internodium digitorum nulli peculiare reducuntur, quandoquidem *interossei* eo munere funguntur. Ergo *extendens tertium internodium quatuor digitorum pedis* principium nerveum ac acutum sumit à superiore & anteriore tibiæ appendice, inde carnosior factus & adnatus ligamento, quod tibiæ os fibulæ annectit, recta descendit ad pedem, ubi in quatuor tendines dividitur, qui sub transverso ligamento & annulari, quod à tibiæ fibulæque appendice exit, uniti perreptantes, sese expandunt in quatuor digitorum tertium & secundum internodium, ut ipsa extendant. Cæterum ipsi tendines ligamento quodam membranæ inter se alligati sunt, ubi per pedis dorsum excurrunt.

§. CXXIII. *Extendens secundum quatuor digitorum pedis internodium* in pedis dorso jacet, à transverso ligamento originem latam ac carneam capiens, ex qua quasi quatuor separati muscoli prodeunt in progressu, quem ad digitos instituunt, & ex his quatuor aliquando quinque tendines procedunt, qui ad singulorum digitorum tria internodia, sed præcipue secundum procedunt, ut hæc etiam extendant, ligamento ex digitorum articulorum lateribus prodeunte adnexi.

§. CXXIV. *Pollicem pedis extendens musculus* principium carnosum sumit partim à medio fibulæ vel à tibiæ externo latere, quo à fibula dehiscebat, partim à ligamento, quod tibiæ fibulæ conjungit, cui pertinaciter annectitur,

annascitur, deinde tendinem generans super acnemium inferius fertur, & sub transverso ligamento ad pollicis internodia, quibus inferitur, abit, ut ea recta extendant. Aliquando hic tendo bifariam in duos dirimitur, quorum alter in pollicis internodium ultimur, alter in os pedii implantatur.

§. CXXV. *Musculi digtos pedu oblique moventes*, quia inter ossa constituti sunt, *interossei* vocantur. Horum etsi in manu tantum octo sunt, tamen in pede decem reperiuntur, quoniam metacarpium à metatarso uno osse superatur, unde quatuor emergunt ossium intercapedines, in quibus octo existunt muscoli, quibus si alii duo adnumerentur, *non* nempe ad pollicis, alter ad parvi digiti externum latus, numerus denarius complebitur. Singuli autem a sui lateris osse pedii carnosius enascuntur, ibique secundum ossis longitudinem ducti, spatia illa intercostalia replent, & carnosius fere inferuntur in quinque digitorum radices sive ossa prima brevibus & aliquantum latis tendinibus. Horum si uterque simul agat, qui uni digito inferuntur, primum internodium extenditur; at si alteruter, oblique movetur, versus nempe illud latus, in quo musculus agit.

§. CXXVI. Præter eos invenitur adhuc *musculus pollicem adducens*, & alter *minimum digitum abducens*. *Pollicem adducens*, ad internum pedis latus pollicem applicans, interno pedis lateri expositus ab interna calcis parte, vel secundum Vesaliū à ligamento calcem cum talo connectente originem nerveam derivat, deinde carnosior crassiorque redditus, ac teres factus, cum osse pedii pollicis substrato cohæret, rectaque fertur ad externum latus primi pollicis internodii, eiteretem tendinem porrigens, ut pollicem à reliquis digitis abducatur, sive ad interna trahatur.

§. CXXVII. *Musculus minimum pedis digitum abducens* externum pedis latus occupat, ac ab externa calcis parte, ubi tuberculo donatur, nerveo principio exoritur, inde carnosior redditus musculi forma procedit, & processui ossis metatarsi minimi digito subiecti annexus tendine carneo brevi, mox in teretem tendinem abit, qui lateri externo primi internodii minimi digiti, ut ipsum à cæteris abducatur, implantatur.

§. CXXVIII. Historiā musculorum pedis ad finem deductā, nunc ad *vasa pedis* progredimur, quæ sunt *vena, arteria & nervi*. *Venas pes* accipit à ramo exteriore iliaco, qui ex peritonæo egressus ad inguina deferitur, ac per elatiorem & interiorem ossis coxendicis regionem descendens *venam cruralem* constituit. Hæc non incommode quoque in *truncum & ramos* dividitur. *Truncus* ipse antequam in ramos deducitur, quatuor propaggines emittit, nempe *saphanam, ischiam, musculam, & popliteam*. *Prima nempe saphana,*

phana, quæ & vena *malleoli interni*, & tali à vero ac putatio situ appellatur, statim post egressum ex peritonæo ab interiore latere trunci, ac arteria comite carens per femoris & tibiæ interiora sub cute recta descendit, ac ubi jam ad malleolum internum pervenit, in pedis elatiorem sedem expanditur, qui ordine ad singulos digitos porriguntur. Interea in itinere sparguntur quædam propagines, non semper quidem eodem modo, ita tamen fere enarrari solent. *Una* nempe non procul ab ipsius venæ exortu emergit, ac in superiorem cutem internæ femoris regionis duplici ramo spargitur, quorum exterior ac crassior per anteriorem anterioremque femoris partem spargitur, at interior ad interiora procedens in peritonæum absumitur. *Alter*a circa medium femoris emergit, ac in vicinis definit. *Tertia* dehinc circa genu oritur, duasque soboles producit, quarum una in anterioris genu sedis cutem secundum patellam disseminatur, at altera sub poplite spargitur. *Ultima* denique ad tibiæ medium antrorsum & retrorsum ducitur. *Secunda* propago trunci vena *cruralis ischia* vocata è regione saphænæ ab exteriori sede trunci educitur, at brevior quam ipsa saphæna est, & extorsum ac transversum in cutim ossis coxendicis anteriori regioni obductam, ac in musculos ejusdem loci porrigitur. His propaginibus eductis truncus in musculos femoris os amplexantes reconditur, ubi *tertiam* propaginem emittit, quam *musculam* appellant. Hæc gemina esse consuevit, nempe exterior, quæ minor est, ac musculus secundo ac tertio tibiæ extendentium ut & cuti soboles impertit; ac dehinc interior & amplior, qui tertio tibiæ extendentium & fere omnibus femur circumstantibus musculis furculos largitur. Post hanc propaginem emissam truncus ad posteriora se flectit, sensimque descendens alios quosdam furculos in membranas musculorum dispergit, & dehinc quartam venam educit, quæ in femoris posteriora excurrit, & *poplitea* appellatur. Huic venæ, ubi propagata est, à musculæ interiori ramo soboles nonnunquam accedit, sæpe etiam duæ à trunco statim prodeunt propagines, quarum altera elatior, altera humilior est, quæ deinde in progressu sibi uniuntur. Spargit autem statim ab exortu ramos quosdam in cutem femoris circa elatiorem & posteriorem ipsius partem: deinde recta per medium poplitæ sive flexuram tibiæ in suram descendit, cui plurimos furculos incerto ductu, aliis nempe recta, aliis transversum, aliis oblique incedentibus, distribuit. Quibus sparsis ad talum usque progreditur, ac ibi terminatur.

§. CXXIX. Hoc modo ergo *truncus cruralis* femoris ossi accumulans indivisus descendit, ac juxta ipsum obliquatur, ut ubi genu attingit inter

inter duo femoris infima & posteriora capita feratur, ubi loci in *ramum anteriorem* tenuiorem, & *interiorem majorem* divellitur, qui utrique per tibiam & inferiorem pedem digeruntur. *Interior* in itinere aliquot propagines in musculos, qui in posteriore tibie parte siti sunt transmittit, sicque postea deorsum progrediens, ubi ad tibie inferiorem appendicem pervenit, & aliquot soboles cuti impertivit, sub malleolo interno reflectitur, & ad pollicem usque excurrit. *Exterior* vero rursus in duos ramos minores itidem inæquales scinditur, quorum *interior* major nempe & profundior in suræ musculos totus exhauritur, recta inter duo capita galterocnemii externi, & inter galterocnemium externum & tibie anticum, ac tandem inter digitorum flexores secundum longitudinem ex currens, & in itinere musculis per quos transit ubique furculos quosdam distribuens. Vbi hic medium longitudinis tibie attingit, iterum in *interiorem* & *exteriorem* subdividitur. *Interior* quidem furculum juxta tibie & tali articulum distribuit, deinde cum musculorum tendinibus descendit, ac in pollicem, indicem ac medium digitum distribuit. Sed *exterior* juxta fibulam progreditur, ac ubi ad ligamentum pervenit, quod tibie os fibulamque alligat ramum educit, qui ligamentum perforans in pedem excurrit, dispersus in musculos, qui pedis digitos extrorsum reflectunt. Cæterum *exterior* & *minor ramus* ortus ex divisione prima exterioris rami cruralis ad elatiorem fibule appendicem abit, tum ad externam & posteriorem tibie partem, ubi plurimos spargens ramulos, ad externum malleolum proficiscitur, tandemque in pede desinit.

§. CXXX. *Arterias* pes nanciscitur ab *exteriore* seu *majore ramo arterie iliace*. Hic enim post propaginem epigastricam & pudendam educitam, è peritonæo discedit, & per inguina ad crus venæ crurali socius abit, truncumque *arterie cruralis* constituit. Hic statim ubi peritonæo excidit ab exteriore parte propaginem emittit, quam *musculam cruralem anteriorem* vocant, quæ deorsum propagata in musculos femoris os anteriore parte amplexantes propagatur. Ei è regione, sæpius paulo infra educitur *muscula cruralis interna*, quæ per tertium femur flectentium sive tricipitem, & per eos, qui interiorem femoris regionem tenent, usque ad genu plurimis ramis distribuitur, quorum extrema cum extremis iliace interioris, quæ per foramen ossium pubis ad crus descendit, junguntur. Postea truncus *cruralis* ab inguine cum vena crurali descendit, & juxta femoris os ita reflectitur, ut ubi ad popliteum, inter duo femoris capita posteriora, ubi flectitur articulus, consiliat. In eo autem medio itinere, dum per femur descendit,

scendit, propaginem educit, quæ in plures surculos dirempta per musculos in posteriore femoris regione sitos, una cum poplitea vena excurrit, tandemque per poplitem descendens (unde *arteria poplitea* appellatur) frequenti sobole in suram digeritur. In poplite autem jam consistens, utrinque propaginem ad latera articuli genu educit, altius subinde demersam, quæ partim in articulo ipso, partim in duos musculos gasterocnemios suram constituentes exhauriuntur, unde & *surales arteria* dicuntur. Postquam in poplite cruralis truncus consistit, ab *externo latere sobolem* profert, quæ juxta fibulam descendit, & inter abducentem pedem, & secundum tarsum flectentium musculos reconditur, & in reliquos anteriorem tibiz partem occupantes, quousque carnei sunt, & secundum anteriorem malleolum contorqueri incipiunt, distribuitur. Paulo sub hoc dicto *alia* educitur ex posteriore trunci sede, quæ usque ad commixtionem tendinum gasterocnemiorum descendit. *Alia* deinde ex eadem posteriore trunci sede, sed sub secunda prodit, quæ descendens & ligamentum transversum transiens per pedis dorsum excurrit, in digitos abducentes musculos diffusam. *Reliquum trunci* per posteriora tibiz deorsum fertur, & circa malleolam internum pedi surculum offert, qui pollicis musculum adit & pedis dorsum perreptat. *Ipsæ* autem *truncus* inter tendines musculorum digitorum pedis latens in duos ramos diffecatur, quorum *interior* pollicis duos, duos indici, unumque medio: at *exterior* duos minimo, duosque huic proximo digitis inferiori parte largitur.

§. CXXXI. *Nervi*, qui per crura digeruntur, producantur ex spinali medulla à tribus inferioribus lumborum, & quatuor superioribus ossis sacri coniugis, ac quatuor paria constituunt, quæ ubi per communia vertebrarum foramina egressa sunt, quemadmodum in brachio ejus nervi faciunt, retiformem quandam plexum, illo tamen longe majorem efformant. Nec tamen æquali magnitudine omnes pedis nervi præditi sunt, sed *primus ac tertius* tenuis est, & ad femur tantum pertingit: *secundus* aliquanto crassior, & ad tibiā perducitur: at *quartus* tres reliquos etiam junctos solus crassitie superat. & usque ad extremos digitorum apices deducitur. Singulorum peculiaris historia hæc est. *Primus nervus* ad pedes deductus ex elatiore plexus retiformis parte, qua tertius lumborum nervus cum quarto coit, exoritur, & dehinc deorsum sub peritonæo ad femur fertur, ac externo lateri tendinis primi femur flectentis musculi incumbens, ac *sobolem* ibidem in anteriorem femoris cutem educens, usque ad genu articulum excurrit, ibique terminatur, & primo flectenti, ac secundo tertioque

tertioque extendenti tibiam musculo furculos tribuit. *Secundum* ex eodem plexu pronascitur infra primum è regione connexionis tertiæ & quartæ lumborum vertebræ. Hic cum vena & arteria crurali in femur per inguina descendit, quod ubi attigit, *propaginem* insignem à latere interno emitit, venæ saphenæ toto ductu, quo sub cute per interiora cruris ad magnum pedis digitum fertur, ab anteriore parte incumbens. Et aliis quoque modis fere, ut ipsa saphena hinc inde *ramulos* impertit. *Tertius* sub secundo ex plexu enascitur è regione commissuræ quartæ & quintæ vertebræ lumborum, ac supra iliacum internum delatus, pubis ossis foramen transit, ac duobus obturatoribus ac duobus penem erigentibus musculis propagines largitur. Inde ad modum præcedentium descendit, & in cutem femoris interiora investientem nervulos digerit, reliqua pars in alto permanet, ac sui præcipua parte in secundum ac tertium tibiam flexentium musculorum absorbitur.

§. CXXXII. *Quartus nervus* ex ossis sacri quatuor superiorum parium anterioribus ramis unitis constituitur, unde reliquos omnes totius corporis nervos magnitudine & robore superat. Hic per sinum in posteriori ossis coxendicis fede insculptum femoris posteriora subit; protinus autem insignem propaginem ex posteriore sede exigit, quæ sub primo femur extendentium sive glutæo magno aliquamdiu hæret, inde in cutim, natium & femoris posteriora ad mediam usque longitudinem tegentem, dispergitur. Inde alios furculos vicinis musculis tribuit. Inde *truncus nervi* inter musculos posteriorem femoris partem occupantes juxta os descendit, usque ad dimidium longitudinis ejusdem, ramumque alium distribuit, carnosæ illi molæ, quæ mediæ circiter bicipitis musculi parti adnata est, & alii etiam furculi in cutem posteriorem femoris propagantur. Dehinc ulterius progreditur truncus, ac ubi ad genu pervenit inter duo capita ossis femoris, ac utrinque ramulum primo pedem extendenti ac plantari musculo distribuit, in duos inæquales ramos dividitur, qui per tibiam & pedem soli excepta propagine secundi saphenam comitante distribuuntur. *Exterior* ejus ramus gracilior est, & versus eam partem abit, qua fibulæ appendix superior cum tibia committitur, in itinere sobolem spargens, quæ sub cute ad malleolum externum abit, interea plurimos furculos ad cutim digerens. Ramus autem ipse inter musculos anteriorem tibie sedem occupantes transit, & ligamentum tibie fibulæque longum permeans, una cum tendinibus musculorum digitos extendentium sub transverso ligamento abit, & ad latera superioris digitorum sedis ramulos diffundit.

V u

Interior

Interior vero ramus per posteriorem cruris sedem deferitur, latens inter plantarem & primum oblique pedem moventium muscolum, tum longos digitorum flexores, junctusque postea cum ramo externi, qui ligamentum permeat, ad plantam pedis abit, & in utrumque inferius digitorum latus sobolem dispecit.

§. CXXXIII. Atque sic universam historiam humani corporis, Dei gratia, ad finem deduximus, in qua quod fuit historicum mutare non potuimus, sed id scribere necesse habuimus, quod & reliqui scripserunt. In quo, ubi mihi res multis experiētiis non fuit perspecta, ut maxime in musculorum & vasorum speciali traditione, consulto etiam aliorum verbis, & præcipue Spigeli, quem autorem semper à primis studii mei Medici temporibus usus fueram, uti malui, quam vel synonymis novis fucum facere, vel etiam diversorum autorum sententias in re non satis mihi cognita sequens mihi & aliis imponere. Hoc ipsum semel monere volui, ut appareat, me non vel injuste aliena mihi ascribendo, vel etiam dissimulando transumpta voluisse mihi famam comparare. At quod casuarum investigationem in partibus humani corporis attinet; ausim dicere, multa hic inventum iri, quæ quod sciam à nemine notata fuerunt.

§. CXXXIV. Hic quoque sub finem adhuc subijcimus sequentes *quaestiones*. Prima est: *Quare natura in vasorum per artus distributione elegit magis locum, ubi articuli flectuntur, quam ubi extenduntur?* R. tum quia ibi tutius consistunt, utpote magis à foris occurrentibus remota, tum quia ibi posita commodè cum articulo flecti queunt, cum in adverso loco collocata, aut nimium in extensione corrugarentur, si nempe secundum articuli flexuram longitudinem nata essent, aut nimium in flexione tenderentur, si longitudinem sortita fuissent secundum extensionis articuli longitudinem.

§. CXXXV. *Secunda quaestio est, Qui fiat quod natura ita sibi dissona est in vasorum per artus distributione, cum alioquin sibi consona soleat esse?* Facile intelligitur, quare hanc quaestionem proponamus, nempe quia plerique Anatomici notant, vix in duobus exactam convenientiam distributionis vasorum per artus reperiri, sed in his aliam, in aliis rursum aliam reperiri. Vnde merito quis ambigere potest, unde & quare hoc accidat. At id difficile inventu est. An id dicemus, quod minuta natura non curat? An quod naturæ in particulari hic non præscripta est mensura, sed tantum in communi, ac cum insigni latitudine, quia intra eam fini naturæ satisfieri potest.

§. CXXXVI.

§. CXXXVI. *Tertia questio est: Quare ille plexus retiformis in manibus & pedibus in nervorum distributione factus sit?* Ratio dubitandi est, quia in distributione nervorum ad partes tale quid non reperitur. Dicimus nos, quod id fiat ob copiosorem spirituum animalium collectionem, idque propterea, quoniam plurimis musculis tribui debuerunt. Atque ita circa oculorum nervos concursum nervorum opticorum eadem de causa factum esse supra ostendimus. Sed tamen, si quis etiam majoris roboris gratia illum reticularem plexum factum esse arbitretur, nolumus ei refragari.

§. CXXXVII. *Ultima questio est, Qua ratione optime musculorum historia tradi possit?* Iudicio duplici, vel respectu officii, vel respectu situs. Priorem ordinem in prioribus secuti sumus, secuti hac in parte maxime doctissimum Spigelium, sed posterior in anatomia musculorum administranda convenientior videtur, utpote ex quo disci potest, ubi quique muscoli inveniri possint. Quanquam plena musculorum notitia haberi nequeat, nisi & terminatio & officium eorundem percipiatur.

C A P U T XIII.

De Chylo & Sanguine.

§. I. **P**Ræter crassio rem corporis nostri substantiam, quam partium continentium nomine supra explicavimus, etiam ad ejusdem constitutionem perfectam pertinent *humor alimentarius*, & *spiritus influens*, quorum hic innato calido, seu insito spiritui respondet, ille autem humido radicali seu primogenio congruit. Quanquam vero hoc non pauci Medici negant, tamen à partibus nostris Hippocrat. l. 6. Epid. & Aristot. l. 2. de part. anim. sunt, atque ratio ipsa, quod sine humore alimentario & spiritu nec consistere possit corpus, neque etiam perfectum dici queat.

§. II. Ita apparet, quid ad questionem illam dicendum sit, *an humor alimentarius & spiritus influentes sint partes nostri corporis?* Nimirum affirmamus, limitatione illa supposita, quam c. 4. superius adduximus. Neque obstat hoc: quod non permaneant ista, sed mutantur in nostro corpore, quoniam omnes aut saltem pleræque partes in fluxu consistunt, atque ideo alimento indigent. Neque etiam hoc: quod partibus aliis in alimoniam aut substantiam cedant, quoniam ob id alterius generis partes sunt, quam illæ quæ his aluntur. Ut sic distinctio fieri possit in *partes alentes*, & *partes alitæ*: seu universales, inter *partes non ultimas* & *ultimas*.

§. III. Sed his niſſis rem ipſam perfequamur, atque primum de *humore alimentario*, dehinc etiam de *ſpiritu inſtillante* agamus. Licet enim in hoc convenient, quod liquidæ ſeu fluentes ſubſtantiæ ſunt, tamen pauca alia habent communia, de quibus univerſaliter tractari queat. Tranſimus igitur ad ſingulorum explicationem ſpecialem. Itaque per *humorem alimentarium* hoc loco intelligimus liquorem quendam in humano corpore inventum, aptum ut inde partes nutriri queant. Ille ipſe vel *inchoatus*, ſeu *imperfectus* nobis ſtatuitur, ac *chylus* vocatur: vel *conſummatus*, ſeu *perfectus*, ac *sanguis* dicitur. Vbi quæri ſolet: *Vtrum non præter illos duos humores alienes inveniantur & alii?* Aliqui affirmant, qui etiam alios humores partibus in alimoniam cedere exiſtimant, atque humiditates quoque ſecundas à ſanguine ſeorſim numerant, ſed tamen in poſterioribus liquebit, adæquate divisionem præcedentem eſſe inſtitutam.

§. IV. Cum ergo duplex ſit *humor alimentarius*, *chylus* nempe ac *sanguis*, ſcilicet quidem *imperfectus*, hic autem *perfectus*, ut adeo ille in hunc mutari debeat, antequam nutritioni aptus ſit, naturam imitati ab ipſo *chylo* inchoamus, poſt de *sanguine* etiam acturi. Ne vero in dubio verſemur, ſed intelligatur, id, de quo agimus, notamus, quod licet à quibuſdam *chylis* nomine veniat, quicquid ex cibis in ventriculo provenit: nobis tamen ſpeciatim ea voce denotetur, *liquida albicansque ſubſtantia in ventriculo coctionis ex cibo potuque facta, apta ut ex ea ſanguis conſciatur*. Atque ſic ſeparamus ſubſtantiam hanc ab excrementitia altera, quæ itidem in ventriculo reperitur, atque in *chylum* non mutata eſt, cui tamen *chylus* confuſus eſt. Totum autem id aliqui *cremorem* vocant, ſed alii *cremorem* dicunt *chylum* adhuc excrementitiæ illi parti commiſtam, ſicut ſeparatum ſpeciatim *chylum* appellant. Imo ſunt qui *cremorem* eſſe dicunt *chylum* imperfectum, ſeu inchoatum, ac *chylum* vocant chyloſam ſubſtantiam perfecte coctam, interim adhuc excremento primæ coctionis permiſtam: ac denique *chymum*, *ehylum* ab eadem parte ſejunctum ſeu ſeparatum.

§. V. De nomine id ſufficiat, quoad rem ipſam initio nobis *chylificanſa* ſe offerunt, ac *ejuſdem generatio*. In quibus *materia* primum omnium conſideranda eſt. Datur autem *materia chylis* tum *generationis*, tum *compositionis*. *Materia generationis chylis* eſt *alimentum extrinſecum*, ſeu *cibus & potus*, ſive ſeorſim in corpus acceptus, ſive mutuo commiſtus. De hoc dicere multum non eſt opus, cum poſtea, ubi de alimentis acturi ſumus, hæc ſint exponenda. Id tamen hic non eſt prætermittendum, quod alimentum illud extrinſecum nobis vocatum aliquando non multum alteratum incipiat

piat in chylum mutari: sed vero sæpius alteratum, maxime vero atinentum crassum. Nam præterquam id sæpius artificiali coquinaria præparatione indiget, etiam amplius requirit, ut in ore à dentibus conteratur, salivæ commisceatur, & calore oris alteretur. Vbi quæritur: *An illa vera coctio sit?* Et si aliqui affirmant, ego non ausim quidem illam veram coctionem nominare, sed tamen omnino arbitrer præviam quandam alterationem, aut inchoationem coctionis. Etenim alterationis istius principium calor adest, adest quoque patiens, nempe cibus comminutus commistus salivæ, adest sufficiens mora, adsunt requisita, nempe dentes comminuentes, ac non desunt indicia concoctionis factæ, nempe alius color, odor, sapor, imo & aliud temperamentum. Nam masticatus panis in ore aliam vim in medicina obtinet, quam foris contritus & salivæ tantum permixtus.

§. VI. *Materiam compositionis chyli* quod attinet, illa non uniformis, sed difformis est. Quoniam enim ex chylo sanguis debet generari, & ex hoc omnes partes fieri, necesse est, ut quæcunque sunt actu in sanguine, ac partibus, eadem sint virtute in chylo, ac quidem materialiter. At si quid est in aliquo virtute materialiter, in eo est vel secundum potentiam transmutationis, vel secundum potentiam coctionis seu segregationis & coctionis, quandoquidem coctio congregatione homogeneorum & segregatione heterogeneorum celebratur. Ac quoniam sanguis & partes sunt naturæ compositz seu mixtæ, non potest in chylo esse aliquid ratione nudæ potentie transmutationis simplicis, sed ratione coctionis, seu separationis & congregationis, quoniam ex uno simplici nullo modo compositum aliquid generari potest, sed tantum ex composito. Hinc sequitur, quod nec chylus sit quid simplex, sed ex diversis substantiis conflatum.

§. VII. Posito jam eo *chylum non esse simplex corpus*, sed compositum, porro quæritur: *ex quibus chylo componatur?* In qua quæstione non illud in dubium vocamus, utrum ex omnibus elementis primis chylus constet, cum ea compositionis ratio omnibus mixtis competat: sed controversa est, de elementis secundis, ex quibus ad modum compositionis ex primis compositiora corpora consurgere posse à peritis Physicis asseritur & experientia comprobatur. Sic ergo dicimus, *immediate quidem duplicem, at mediate quadruplicem substantiam mixtam in chylo reperiri.* Primo etenim respectu in chylo datur aliquid *solvens* seu *liquidum*, & aliquid *solutum*: seu aliquid quod vim alimentorum in se recipit, & aliquid quod virtutem tribuit. Atque hoc non solum ex eo patet, quod & cibo & potu opus est, ut inde chylus fiat, sed & ex eo, quod solvens illa substantia, serum nempe,

postea à sanguine maxima parte segregetur. Secundo deinde respectu, quoniam respondere debet chylus ei, quod ex eo fit, & in partibus quadruplex substantia reperitur, nempe fibrosa, carnosæ, adiposa & spirituosæ, ut cap. 3. supra fuit indicatum, & his portionis sanguinis respondere debent, necessum est, ut his analogæ quoque substantiæ in chylo reperiantur.

§. IIX. Duplex tamen hic *questio* occurrit. *Prima est: an etiam pituita, bilis, melancholia & sanguinis in specie vocati rudimenta in chylo inveniuntur?* Dicimus omnino quidem, sed tamen non eo modo, quo alia. Quoniam illa inveniuntur immediate modo naturalis compositionis, sed hæc tantum mediate ratione particularis segregationis aut præternaturalis alterationis in excrementorum productione. Nam proprie sanguini chylus subordinatur, at alia ex sanguine vel segregatione coctioneque naturali, vel mutatione præternaturali fiunt. *Secunda est: An ossis, carnis, membranarum & quarumcunque partium simularium & dissimularium rudimenta in chylo etiam reperiantur?* Censeo omnino, sed *generaliter*, non *specialiter*. Hoc est, ea ratione, ut non quidem singularum istarum partium peculiare rationes secundum peculiaria rudimenta ibi inveniuntur, sed tamen, ut omnium ratio in communi reperiatur, ex qua diversimode in singulis partibus contracta, eo modo, quo post videbimus, in nutritione singularum partium.

§. IX. Post materiam chyli declaratam, *forma* notio se exhibet, ubi initio statim dubitatur, *An chylus habeat aliquam propriam formam*, seu *An chylus sit aliquid ens per se?* Ratio dubitandi inde sumitur, quia ex diversa materia chylus conficitur. Cæterum hæc ratio non sufficiens est, quoniam per quam multa mista corpora ex diversis corporibus aliis mistis confurgunt, & mista per se sunt, modo ad se invicem habeant rationem elementorum componentium. Extra vero cum casum, sunt entia per accidens, aut per externam sociationem tantum, aut per confusionem, aut per alterationem quoque quandam. Si quis vero quærat, *unde ista distinguantur*, etsi id hujus loci non est, obiter tamen hæc de probabilia documenta. Ergo, 1. Quæ sunt à natura ordinarie & naturaliter agente, sunt entia per se, at ab arte plerumque fiunt entia per accidens. Ratio est: quia natura ordinarie agens est causans per se, atque ideo tale quoque causatum, non solum ratione dependentiæ à sua causa, verum etiam ratione essentia, quia illa causa est ens per se. Sed ars accidens est, & artifex compositum accidentale, adeoque sæpe non attendit ad entium per se productionem, sed quod

quod ipsi maxime videtur scopo suo inservire. 2. Quæ habent finem naturalem, ea sunt entia per se; at quæ cum non habent, non sunt hujusmodi. Nam quoniam natura non deficit in necessariis, & id in natura necessarium est, quod habet naturalem finem, patet evidenter, quod id quoque debeat esse naturale, atque per se ens, quod ad illum finem refertur. 3. Quæcunque ex diversis facta sequuntur rationem efficientis, ita ut ei potius, quam materiæ respondeant, videntur etiam entia per se esse. Quippe illa videntur sequi rationem efficientis per se. Atque hæc omnia documenta si considerentur palam evadit, quod optime chylo quadrent. Ac priora quidem duo patent, sed tertium inde constat, quod etiam ex diversis cibis tamen ejusdem essentiae chylus fiat, licet non semper iisdem qualitatibus sit præditus.

§. X. Deinde circa *formam chyli* posset quæri, *qua illa sit*? Verum quoniam omnes aut fere omnes, (cum anima rationalis à quibusdam excipitur) formæ nobis ignotæ sunt, & chyli forma eandem sortem obtinet, hanc quæstionem prætermittimus, & ad *causam efficientem & modum generationis chyli* accedimus. Etsi vero hæc commode circa doctrinam de functionibus explicari possunt, tamen hic proponemus, ut doctrinam totam de chylo jungamus. Ergo quidem, sic dicimus, quod *causa efficiens principalis chyli sit anima vegetans: instrumentalis calor tum cordis, tum ventriculi; tum circumscriptarum partium, tum ipsius cibi: modus deinde productionis per digestionem seu elixationem & extractionem.* Quoniam vero hic plurimæ difficultates occurrunt; eas speciatim excutiemus.

§. XII. *Prima itaque quæstio est: An anima sit causa primaria coctionis?* In hac quæstione non cum illis nobis res est, qui animam vegetantem negant, sed qui eam admittunt, atque contra negantes, quæstionem affirmamus. Quoniam enim tamdiu aliquid nutritur, quamdiu vivit, & tamdiu etiam chylum conficit, nisi in ventriculo vitæ vigor jam incipiat deficere, probabile videtur, quod anima sit causa nutritionis & chylicationis ac quidem primaria, quoniam in corpore anima est primaria causa. Accedit, quod nisi anima non conficit chylum, neque sanguinem, neque partes efformet, adeoque vel non detur anima virtute vegetandi prædita, vel nullam habeat operationem, quorum primum contra hypothesin, alterum autem contra communem notionem animæ ab omnibus approbatam. Verum ajunt, Chylum fieri coctione, at coctionem requirere calorem quidem, sed neutquam animam. Quibus repono, coctionem hanc & quæcunque similem, utpote viventis gratia institutam, omnino requirere animam, cujus directione virtuteque calor debite coquat. Etsi vero quis dicat,

dicat, pro caloris ratione variare illam coctionem, tamen id non officit, quoniam id tantum ostendit instrumenti istius necessitatem, non vim agendi solitariam. Id solum pro robore adhuc addo: si ideo, quia calore peragitur id opus, non intercedit anima, ne quidem ab anima formantur partes, quia illæ quoque calore & coctione constituuntur. At consequens est absurdum, ut videbimus circa partium structuram. Ergo & antecedens.

§. XII. *Secunda questio est: Qua sit illa anima que chylum in nobis faciat?* Secundum diversam hypothesein diversimode respondendum est. Nam si statuatur una tantum anima in homine esse, utique illa istarum operationum est opifex: sin duplex, una materiæ illigata, altera ab ea independens, illa indubie istius causa existit: sin vero triplex statuatur, animæ vegetanti id munus tribuitur, quid autem horum sit, de anima agentes exponere conabimur.

§. XIII. *Tertia questio est: Quodnam sit instrumentum chylicationis?* Nos calorem dicimus: quandoquidem chylicatio quædam coctio est, omnis autem coctio à calore peragitur. Imo quia evidenter notamus, roborato calore in ventriculo seu ab intrinseco seu ab extrinseco, chylicationem meliorem fieri, concludimus ipsam à calore fieri, quoniam similia à similibus confirmantur. Et sic à frigore chylicationem lædi advertimus, imo destrui etiam, quod novum rursus argumentum est, calorem ejusdem esse causam. Nam contrariorum effectuum sunt contrariæ causæ. Qui vero aliam sententiam sustinent, probare non possunt, non fieri chylicationem à calore, sed tantum fere id intendunt, ut probent, non fieri à calore ventriculi, aut ab aliquo, quod actualem calorem habet, verum ab aliquo, quod habet calorem virtute, de quo mox agemus.

§. XIV. *Quarta questio est: An cor quoque concurrat ad chylicationem?* Plerique hoc expresse non dicunt, tamen quoniam cor absolute princeps membrum est, à quo omnibus vita datur & conservatur, sineque cujus concursu operari non possunt, patet, quod etiam ad chylicationem concurrat. *Quinta questio est: qua ratione cor ad chylicationem concurrat?* Sane non puto alia ratione, quam cum aliis partibus, nimirum suppeditatione vitalis spiritus, tanquam communis instrumenti omnium vitalium operationum. Vbi illa de novo questio movetur: *An etiam ex arteriis quasi fermentum, excidat in ventriculum, quo cor ad chylicationem concurrat?* Non nego spiritum vitalem excidere, an aliud quid etiam nescio, saltem nullum evidenter ostendi potest, nec ratio cogens asferri. Nam si spiritui illi vim inesse attenuandi, incidendi, rarefaciendi, calefaciendique statuamus, ab ipso

ipso fermentatio omnino fieri potest. Quando autem ista sic pono, loquor de statu naturali; nam prætematuraliter quin aliquid ventriculo communicari queat, nullatenus dubito.

§. XV. *Sexta questio est: An ex liene aliquid pro chylicatione commodiore in ventriculum transmittatur?* Ita enim multi opinantur, per vas breve, seu venosum, seu arteriosum aliquid ad ventriculum derivari. Sed vero secundum naturam id fieri non potest, quandoquidem & ratio distributionis vasorum, & observatio motus sanguinis repugnat. Illa enim docet vas breve seu venale seu arteriosum non oriri ex vena portæ aut arteria cœliaci in liene jam existente, sed antequam ad eam accedit, atque ita sanguis cum spiritu vitali per arteriam cœliacam secundum diversos surculos & ramos ad ventriculum & lienem transmittitur, ac per diversas divisiones, concurrentes tamen, & à ventriculo & à liene ad hepar reducitur. Sed de his & supra actum circa doctrinam de ventriculo & liene.

§. XVI. *Septima questio est: An & qua vicina partes circumstantes chylicationi commodent?* Ad cujus primum membrum dicimus omnino affirmative, quippe observatum est, eos quibus omentum fuit ablatum non adeo bene cibos concoxisse, nisi aliquod succedaneum adhibuissent, ut notavimus, cum de omento ageremus. Atque quod de eo verum est, multo magis de hepate à dextris, & liene à sinistris ventriculo incumbente, similiterque de vasis substratis, ac de pancreate. Vnde liquet quoque solutio ad alterum membrum. Sed amplius dubitatur: *quo modo calorem ventriculo tribuant?* Arbitror equidem, quod partim calefaciendo propter contiguitatem, partim impediendo ne transpiret calor ventriculi calore chylicationem adjuvent, atque quædam magis uno, quædam alio modo. Sic vasa & ventriculum ac lienem magis caloris in ventriculum impressione judico conferre, at pancreas & omentum parte maxime membranosa sua magis impediendo dissipatione.

§. XVII. *Ottava questio est, An ventriculi calor aliquid chylicationi contribuat?* Aliqui negant, partim quia ventriculus membraneus adeoque frigidus existit, partim quia ventriculus locus est in quo chylicatio celebratur, partim quia advertunt chylicationem à circumjectis visceribus adjuvari. Veruntamen communis sententia contrarium asserit, ventriculo non solum concoctionem, sed & primas in concoctione tribuens. Atque hæc nobis quoque probatur. Nam in ventriculo cibum concoqui in chylium notissimum est, sicut & hoc eandem concoctionem varie turbari pro varia prava ejusdem dispositione, unde necessario sequitur, quod illa con-

coctio primario celebretur, vel à ventriculo, vel ab aliquo aliorum calidorum ac coquentium enumeratorum : ab his vero id præstari nequit, quia chylicatio concoctio quædam specifica est, atque simul conjuncta ejus speciei productio, quæ in illorum potestate non est. Ergo sequitur, quod à ventriculo obeatur, maxime cum advertamus, etiam in aliis nostri corporis partibus aliquid recipi & concoqui. Ad dubitationes autem non difficile est respondere. Nam ad primum dicimus, non totum ventriculum membraneum prorsus esse, sed & aliquanto carneum, neque etiam ventriculum considerandum esse absolute secundum temperamen- tum missionis, sed maxime respectu temperamenti vitalis. Ad secundum autem dicimus, non esse opposita locare ac mutare, atque ideo utrumque ventriculo attribui posse. Ad ultimum vero reponimus, quod juvantia ventriculi concoctionem, non destruant actionem primarii agentis.

§. XVIII. *Nona questio est, Qua parte & qua virtute ventriculus maxime chylum conficiat?* Ego censeo, quod maxime ea virtus consistat in membrana interiore carnea, quatenus insito calido gaudet, & influente vigoratur, ut sic tota illa actio à corde dependens sit. Sunt quidem, qui maximam vim tribuunt orificio ventriculi dextro, cum id carnosius sit, verum non advertunt, id remotius esse à cibi loco, minus item, quam ut actionem eam primario obeat, imo obtinere aliud officium, nempe ventriculum claudere, & cibum emittere. Aliqui etiam peculiare aliquod fermentum ventriculo ad concoquendum tribuunt, qui si spiritum vitalem influentem intelligant, nobiscum sentiunt; at si præter eum aliud quod indigent, majorem ejus probationem exigo, quandoquidem quam dant de consumptione plurimi cibi præternaturali, nihil præjudicat nostræ sententiæ in naturali ventriculi constitutione ad id sufficere influentis calidi virtutem.

§. XIX. *Decima questio est, An cibis proprio calore in ventriculo coquantur?* Ad quam judico respondendum esse, non posse negari, quod calor ciborum aliquid & multum ad concoctionem conferat. Nam ideo solemus aromata adjicere cibo, ut promptius digeratur, & etiam commendare cibum aliquanto calidum. Interim arbitror ipsi primarias partes non convenire, quandoquidem ex diversis etiam cibis eadem specie substantia chylosa producitur, quæ non videtur in potestate ciborum fuisse. Nisi quis dicere velit, omnino etiam in diversis cibis, utpote chylo subordinatis, quasi in suo semine talem virtutem inexistere: quod non adeo probabile videtur, quia non solum ex iisdem in diversis animalibus diversus specie chylus

chylus multorum opinione producitur, sed maxime, quia si talis virtus cibis illis inesset, etiam extra ventriculum posset in actum deduci, quod non est observatum, nec credibile.

§. XX. *Undecima quaestio est: An saliva etiam concoctioni chyli aliquid conferat?* Negari posset, quia observatur, non aliquid facilius in saliva, quam in aqua concoqui. Sed tamen multo probabilior est sententia affirmans: tum quia omnino salivæ virtus modice calefaciendi, incidendi ac attenuandi competit, ut ex effectis ejusdem constat, tum quia in masticatione observamus, ipsam multum ad masticati concoctionem conferre, & quia etiam advertimus, deteriore esse concoctionem in iis, qui salivæ non satis habent. Verum de salivæ virtutibus plura infra, ubi de ipsa agemus.

§. XXI. *Duodecima quaestio est, Ad quem modum seu ad quam speciem concoctionis chylicificatio pertineat?* Aliqui ad maturationem referunt, qui nempe à proprio ciborum calore coctionem fieri existimant, aliqui ad elixationem referunt, qui putant concoctionem fieri à calore ventriculi, aut circumstantium viscerum, aut utrorumque: aliqui etiam omnino ad nullam coctionis speciem referunt, sed ad extractionem, atque sic liquorem non ad coctionem pertinere putant, sed menstruum esse asserunt, quod imbibat virtutem ciborum. Ego illorum opinioni accedo, qui elixationi primas tribuunt, quod facile ex prioribus elici potest. Nam quoniam hic reperitur aliquod crassum decoquendum, & liquor in quo concoctio fieri debet, ac denique externus calor ventriculi nempe & ciborum coquens, manifeste elixatio apparet. Interim & extractio dici potest, quatenus omnino nulla elixatio sine extractione fit: atque etiam maturatio eatenus, quatenus illud quod imbibitum aliqua succedente & continuata coctione magis magisque perficitur.

§. XXII. *Restat nobis inter causas chyli ejusdem finis, qui est, ut ex ipso conficiatur sanguis. Vbi solet à quibusdam quaeri, Vtrum respectu illius finis absolute necessarius sit?* Quandoquidem natura semper optimum facit, omnino utilissimum chylum esse ad sanguinis elaborationem satis constat, & quia natura brevissimis quoque lineis ac compendio agit, non redundat, imo quia nunquam observatum est, immediate quicquam in sanguinem citra id ut primum in chylum abierit mutatum esse, credibile est, id non esse in naturæ potestate: Sed quod sicuti in aliis ab extremo in extremum per medium progreditur, ita & hic eandem legem observare necessarium habeat.

§. XXIII. *Adjuncta chyli sunt ejusdem temperamentum, qualitates secundæ,*

cunda, color, quantitas, locus, ac motus. Ac principio de temperamento quaeritur, quodnam sit temperamentum chyli? In genere responderi potest, quod sit calidum & humidum, sicut & hominis est. Nam quoniam nutriendum & nutritum non debent omnimode temperamento differre, nec chylo aliud temperamentum convenire credimus. Verum in specie, quousque temperamentum se illud extendat, ad amissum definiri non potest. Interim probabilis est illorum sententia, qui ajunt, *chylum esse minus calidum quam sanguinem, at aliquanto calidorem, quam lac.* Illud quidem, quia sanguis coctione ex chylo fit, at quaecunque concoquantur calidiora evadunt: at hoc, quia ex lacte chylus producit. Hoc vero Axiomate hic uti possumus, quia in his coctionibus non apparent, calidiorum evaporationes aut alio modo separationes, utpote quo casu fieri potest, ut quaedam cocta sint minus calida, quam fuerant non cocta.

§. XXIV. Respectu qualitatum secundarum Chylus moderate tenuis, fluidusque est, unde in intestinis compressus colaturæ modo venas lacteas subire potest. Ac etiam tenuior sanguine existit, utpote qui coctione ex chylo fit, & quidem segregatione substantiæ tenuis. De lacte hæreo, attamen videtur eo aliquanto crassior esse ex eadem ratione concoctionis. Quamquam id certo asseri non possit, cum in illa concoctione crassia quaedam separantur, ut patet ex excrementis alvinis puerorum etiam cum solo lacte adhuc vescuntur.

§. XXV. Quoad colorem, chylus albus est. Vbi quaeri solet, unde cum colorem habeat? Quandoquidem omnis color ex admittance opaci & lucidi oritur, dubium non est, quin & ex eisdem certa proportionem commixtis ille color proveniat. Sed hoc difficultatem habet, utrum à tinctura quadam admixta, an à coctione illa lucidi & opaci conjunctio contingat? In qua ego posteriorem sententiam sequor, quandoquidem & concoctionem in ventriculo dari probavimus, & nihil tingens album inveniatur, seu ventriculum, seu liquorem, seu fermentum consideres.

§. XXVI. Quantitas porro absoluta chyli edisseri nequit, sicut nec relativa respectu cibi, quoniam ex aliis major ex aliis minor provenit, neque respectu ventriculi, quoniam ille itidem aliquando plus, aliquando minus continet & efficit: attamen respectu necessitatis & virium corporis, naturalissimum est, ut tantum chyli in ventriculo ex cibis fiat, quantum satis est, pro restitutione sanguinis, qui in partium alimoniam cedit. Quaeri hic solet, Utrum non ponderatione humani corporis, colligi possit quantitas chyli in corpore? Ego sane non existimo rem ita certam esse, cum pro varia habitudine spirituum,

rituum, humorumque corporis illud plus & minus ponderare possit, ac quoniam etiam, illud tanti non refert, ut illa multiplici ponderatione Medicum & patientem oneremus.

§. XXVII. *Locus generationis chyli ventriculus est, aliqualis perfectio- nis & segregationis intestina, transitus ad hepar venæ lacteæ.* Hæc omnia par- tim jam explicata sunt, ubi de ventriculo, intestinis ac venis lacteis dixi- mus, partim, si quid omissum sit, explicabitur, cum de functionibus tra- ctabitur. *Motus* denique chyli naturalis est ex ventriculo in intestina te- nuia, ex his in venas lacteas, ex his in hepar, quemadmodum etiam de his omnibus supra jam actum est.

§. XXVIII. Absolvimus, quæcunque de chylo proponere consti- tuimus, nunc de sanguine eadem consideremus. Nomine vero sanguinis nobis venit substantia quadam mixta temperamento calida & humida, colore rubicunda ex chylo in hepate primum inchoata, ac in corde perfecta, inserviens om- nium partium totius corporis nutritioni. Idecque sanguis perfectior ichore est, utpote qui quidem reperitur tum in iis, quæ sanguine ob imperfectionem naturalem carent, tum in iis, quibus secundum naturam sanguis con- venire debebat, sed tamen vel virtutis præternaturali debilitate, vel chyli ineptitudine sanguis perfectus generari nequit. Primo casu omnino san- guis deficit, at posteriore non deficit ex toto, sed tantum ex parte, tum res- pectu quantitatis, quatenus non totus sanguis bonus est, tum respectu qualitatis, quoniam sanguis non ex toto concoctus & elaboratus est.

§. XXIX. Atque sic patet solutio quæstionis: *An inter chylum & sanguinem detur aliquis humor medius?* Nimirum nihil repugnat dicere, quod detur medius, modo addamus, cum non specie differre ab alterutro: sed pro formæ suæ substantialis habitudine vel adhuc ad chylum, vel jam ad sanguinem pertinere. Nulla enim causa specifica istius humoris generati- va adest, sed quæcunque pars in elaboratione seu potius transmutatione chyli occupatur, ea ad sanguinem per se tendit. Quod ipsum etiam exin- de confirmatur, quoniam per se nulla illius medii humoris necessitas, nul- laque utilitas apparet. Imo ne ipse quidem naturaliter invenitur. Ergo quidem hinc patet, *quare post tractationem chyli statim subjiciamus sanguinis ex- plicationem*, quia nempe etsi paulatim ex chylo fit sanguis, ut post videbi- mus, tamen non intercedit inter sanguinem & chylum media quædam substantia specie diversa.

§. XXX. *Materia sanguinis ex qua generatur est chylus.* Vbi quæri solet, *annon etiam generari queat ex alia materia, quam ex chylo?* Naturaliter

id fieri posse negavimus & probavimus supra de siue chyli agentes. Sed tamen aliqui nobis obijciunt *odores*, aliqui *clysters nutritives*, alii *emplastra* & *cataplasmata nutritiva*: quibus respondeo, quod quamvis ex his quædam spirituum vitalium & animalium refocillatio probari posset, nihil tamen concludi queat, veram omnino sanguinis productionem ex his fieri, quemadmodum suo loco de his in specie inquisitiones instituemus.

§. XXXI. *Materia* deinde *compositionis sanguinis* non uniformis, ac simplex est: sed quemadmodum ipsæ partes constant parte terrestri fibrosa, deinde parte aquea carnosâ, tum parte aëria humida pingui, ac denique parte quadam spirituosa ignea: ita etiam in sanguine illis cognatæ partes debent inesse: alioquin enim alens & alitum non sufficienter essent similia. Interim aliquatenus differunt, ne nempe sint actu similia, sed tantum potentia. Atque ob eam causam supra chylo quoque diversas partes attribuimus. Quamquam in sanguine specialis quoque ratio hanc quadruplicem partem confirmat, quæ ab experientia sumitur. Nam spirituosa calidaque ejus substantia manifeste deprehenditur exhalans in effuso sanguine, & calefaciens in appellente ad aliquam partem; fibrosa deinde ex sanguinis emissi consistentia, cum sine iis sanguis omnino non cohæreat, at rosea illa maxime pinguis est, sicut reliqua hepatis colorem habens carnosâ, interim fibris comprehensa.

§. XXXII. Alii Autores solent dicere *sanguinem esse conflatum ex quatuor humoribus, nempe bile, pituita, melancholia, & sanguine in specie sic vocato*. Sed ego iis accedo, qui eam compositionem in sanguine negant. Neque enim heri potest, ut quod essentialiter excrementum est, idem sit compositivum ejus, cujus est excrementum. At talia sunt, quæ Autores præter sanguinem nominant, quemadmodum ex omnibus signis identitatis colligi potest. Cæterum quod in sanguine per venam emissio aliqua istorum sanguini conjuncta advertuntur, id non compositionem in sanguine, sed confusionem tantum indicat, quemadmodum illius confusionis fundamentum suo loco circa generationem excrementorum indigitabimus.

§. XXXIII. Illud vero magis adhuc improbamus, quod aliqui *sanguinem omnino nihil aliud esse perhibent quam bilis, pituita ac melancholia commixtionem*. Hoc ipso pro alimentario obrudentes, quod omni sua parte excrementitium. Quemadmodum enim postea ostendemus, omnes partes sanguine solo nutriuntur, nullæ bile vel alio excrementitio humore. Neque eos exemplum lactis juvat, utpote cujus compositio magis nostram sententiam confirmat, ut de lacte agentes, notabimus.

§. XXXIV.

§. XXXIV. In hac opinione nobiscum sunt aliqui docti *Auctores*, qui tamen aliam compositionem in sanguine esse arbitrantur, non ex bile, pituita, melancholia & sanguine: sed ex portione quadam subtili calida siccaque bili respondente, deinde ex portione quadam crassiore aquea frigida & humida respondente pituitæ: alia item crassa siccaque respondente melancholiæ: ac denique aliqua pingui respondente butyro aut sanguini speciatim sic dicto. Qui ipsi si suam sententiam nostræ conformem esse arbitrantur, facile de modo loquendi nobiscum convenerint, sed si eam ut diversam inferant, accipere eam non possumus, cum nulla sufficientia documenta alterius compositionis, quam recensuimus, hæcenus nostro arbitrio adducta sint, interea quemlibet suo sensu abundare permittimus.

§. XXXV. Ex dictis solvi potest quæstio, *An sanguis sit simplex quædam substantia?* Neutiquam sane id dici potest, quandoquidem non solum sanguis est aliquod mixtum primum, conflatum nempe ex elementis quatuor primis, sed etiam mixtum secundum, utpote compositum ex elementis quatuor secundis recensitis. At tum porro quæritur, *An sanguis sit quid homogeneum?* Nam videri potest, quod non, quia ex diversis constat: attamen quia illa diversa inter se commixta in unam naturam conspirant, omnino homogeneum quid & simile dici potest. Verum in genere mixtorum, in quibus sane multum discrimen notatur, ab homogeneo simplicium, adeo ut si nullam partium diversitatem, ne quidem inter se uniformiter commixtarum admittere velimus, nullum tale homogeneum inveniri confiteri necessum habeamus, contra Philosophorum ac Medicorum unanime placitum.

§. XXXVI. Quoad *formam sanguinis* initio id quæritur, *An sanguis sit aliquod unum per se?* Ad quam quæstionem eadem dici queunt, quæ supra de chylo super simili quæstione proposuimus. Deinde quæritur, *Virum sanguis sit animatus?* *Auctores* in diversas hic abeunt sententias: sed tamen plerique negant. Ego etsi eorum rationes urgentes esse negare non possum, puto tamen probabiliter affirmantem defendi posse: non solum quia fuit communis Veterum, ac etiam Scripturæ sacræ calculo approbari videtur, dum anima & vita dicitur esse in sanguine; verum maxime, quia nisi animatum, proxime non videtur alere posse: quia etiam naturali productione ab animato provenit, vitam conservat, & vegetam reddit, ac in sui corruptione alia animata producit: ut adeo ipse Philosophus 2. de part. anim. c. 2. & alibi animatum esse pronunciarit. Neque obstat, quod anima dicitur esse actus corporis organici: quid si enim Aristoteles ibidem animam, definiverit,

definiverit, prout est in partibus omnibus collectivè sumptis, non singulis aut distributive acceptis? Quid si dicamus, sanguinem esse quid mixtum, aptum ut informetur ab anima, adeoque hoc respectu quid organicum? Et quid de semine dicemus, quod animatum esse postea conabimur ostendere. At inquirunt: sanguis nullam operationem vitalem edit? Verum dicimus, quod id faciat, quia fovet conservatque partes vitaliter operantes, non solum materialiter & objective, sed etiam effective, utpote cum sine eo vix queant operari. Hinc non solum primo, sed & proprie solum viventem sanguinem quidam Veterum existimant. Ajunt etiam, quod sanguis nutriat. Verum enim verò hoc ipso palam est, quod sanguis debeat esse animatus, quia animatum non alitur proxime ex inanimato. Asserunt quoque sanguinem non esse continuum corpori: sed unde id probent? Imo si concedatur secundum Averrh. nihil absurdi erit, quædam contigua etiam anima communi gaudere posse. Denique inquirunt: Sanguis est in corpore tanquam quicquam contentum in vase. Verum repono, id non esse verum adæquate & exclusive, sed inadæquate & inclusive, adeo, ut & alio modo sit in corpore, nempe tanquam compars hominis. Sic anima dicitur esse in corpore tanquam in suo domicilio, sed nemo inde infert, quod non animet illud corpus. Ac hujusmodi exemplo plura adferri possent.

§. XXXVII. *Efficientem sanguinis causam* consimili ratione se habere credimus, quemadmodum ipsius chyli. Nimirum *principalis causa est anima vegetans aut communis*, ac *instrumentalis primaria cor calido innato imprægnatum*, *secundaria* autem tum *hepar*, tum *lien*, tum *renes*, & *vesicula fellis*, forte & *pancreas*. Quod principalem causam efficientem attinet, quæ de ea dici queunt, ea ex iis, quæ de chyli efficiente primaria attulimus, solvi facile queunt. At de causa instrumentali multa jam attulimus, partium illarum officia declarantes, adeo ut pauca nobis nunc expendenda restent.

§. XXXVIII. Ergo initio queritur, *An cor primum sit sanguificationis organum?* Et si plerique id munus hepati, aliqui & vasis ascripserunt, nos tamen cum Philosopho l. 4. de part. anim. c. 6. idem officium cordi attribuimus. Nam ad id chylum in hepate elaboratum deferri omnino experientia confirmatur, deinde in eodem magis calefieri, adeoque & coqui sensus & ratio docent, quæ utique attestantur cor calidissimum viscus esse, atque eundem sic in omnes partes corporis distribui iisdem documentis, ab experientia nempe & ratione sumptis, approbatur. Vnde taliter concluditur: Ad quod viscus aliquid devehitur, ut incalcescat & coquatur, ac quod
idem

idem sic confectum in suum finem refert, id est ejus primaria officina. At respectu sanguinis se ita cor habet. Ergo.

§. XXXIX. Secundo quaeritur: *An recte venas & vesiculam feliæ, atque pancreas recensuerimus inter causas efficientes sanguinis?* Respondemus quod quidem non directe sanguinem elaborent, sicut circa earum partium functiones est notatum, attamen indirecte & secundario hoc munus ob-
eant, quatenus à sanguine excrementa secernunt. Sunt ergo quasi causæ sine quibus non sanguis elaboratur.

§. XL. *Modus ergo generationis sanguinis hic est:* Quando chylus per venas lacteas ipsarum ac intestinorum propulsu, atque hepatis tractu in hepar deducitur, beneficio ejus caloris insiti ab influente per arteriam cœliacam confirmati, atque instrumento fermenti à liene transmissi in vasis hepatis ab hepate incipit ebullire atque coctionis initium acquiri, inde vero porro partim venarum contractione, partim pulsu succedentis sanguinis & chyli, partim etiam attractu cordis per venam cavam primum in auriculam dextram, & deinde in dextrum ejus thalamum transvehitur, ac ibidem partim contritione ac motu cordis, partim calore hujus insito calefit & ebullit, ac tum contractione ac expulso cordis per arteriam pulmonalem ad pulmones derivatur, ut aliquanto refrigeratus impediatur adustio, dehinc ex arteria pulmonali partim pulsu succedentis sanguinis partim contractione arteriæ ejusdem, partim attractu cordis idem sanguis inchoatus ac alius quoque in venam pulmonalem, ac deinceps in auriculam sinistram, ac tandem in sinistrum cordis ventriculum pervenit, ubi simili modo ebulliens magis elaboratur, ac per arteriam aortam pro alimonia in universum corpus mittitur, ita ut si quid nondum concoctum est cum reliquo sanguine per venas revehatur, ac ab infernis per truncum venæ cavæ descendentem ac ascendentem usque ad cor, at à supernis per truncum venæ cavæ ascendentem rursus ad dextrum cordis ventriculum veniat, & sic porro alteretur.

§. XLI. Circa quem modum generationis sanguinis adhuc quædam declaranda sunt per sequentes *quaestiones*: Prima est. *Qua virtute cor sanguinem elaboret?* Probabile equidem est, quod non parum ad elaborationem conferat calidum insitum cordis, cum coquere proprium officium caloris sit, tamen, quin multum etiam contritio sanguinis & ejusdem commotio eo conferat, vix dubito. Nam observare est, quod antequam sanguis in cor illabitur ex venis minus fervens sit, ille tamen contractione cordis commissus & attritus incaleseat valide & dehinc paulatim etiam

deserveat. Si quis id totum à calefactione cordis pendere judicet, consideret sanguinem etiam sub digitis attritione externi resolutum, quam potenter incalcescat, & facile mihi assenserit. Si quis quærat, *quare salu attritio seu commotio fiat?* Dicimus, ut fermentum à liene transmissum melius commisceatur, ac aëtuetur, & illius, ac chyli residui sanguinisque calor aëtuetur, & sic coctionem sanguinis adjuvaret ac acceleraret, quatenus parvum facilius concoquitur quam magnum.

§. XLII. *Secunda quæstio est: An auricula cordis & quomodo ad sanguificationem conferant?* Censeo, quod illæ præcipue id præstent eadem ratione per commotionem seu attritionem. Nam recepto sanguine se itidem constringunt, atque sic eum comprehendunt undique, conterunt, & in cor impellunt, fungunturque vice prævia ventriculorum cordis.

§. XLIII. *Tertia quæstio est: An pulmones etiam aliquid contribuant ad sanguificationem?* Quandoquidem in ipsos aëre externo refrigeratos calens immittitur, meo arbitrio, eatenus conferre dici potest, quatenus calidum & ferventem sanguinem attemperat. Ac forte vix alia ratione etiam cordi prospicit, quam quatenus refrigerata in vasis sanguine non solum ejus adustionem, verum etiam cordis nimiam incalcescentiam & exsiccationem prohibet.

§. XLIV. *Quarta quæstio est: An una vice sanguis in hepate elaborari inchoat in cor immixtus in sanguinem bonum mutetur?* Ratio dubitandi ab una parte est, quia natura nihil crudum ad alendas partes mitteret. At chylum elaboratum seu mutatum una vice in corde ad singulas partes amandat. Contra ab altera parte videtur stare, quod tam pauxillo parvoque tempore non possit absolvi sanguificatio, quandoquidem chylificatio multo plus temporis exigit. Vtraque equidem ratio probabilis est, attramen prior mihi magis stringens videtur, cum in nullis aliis concoctionibus natura aliquid dimittere soleat, antequam operationem suam peregerit. Intelligo vero si id non indebite restiterit: atque eo sensu etiam dixi reduci aliquas inconcoctas chyli partes, ut plene in sanguinem mutantur. Ad rationem autem contrariam respondemus, præparationem in hepate & auriculis, robur cordis, comminutionem partium, atque adeo repetitam incalcescentiam omnino illum brevis temporis defectum compensare posse.

§. XLV. *Ultimo loco inter causas sanguinis occurrit sinus, qui est, ut partes omnes corporis eo alantur, conserventur, ac vigorentur.* Primum quidem maxime facit crassiore sua substantia, postremum tenui, seu spirituosâ, at medium utraque. Vbi occurrit initio illa quæstio: *An corpus nostrum etiam*

etiam ali possit, alia quadam substantia, quam sanguine? Scilicet, an sanguis sit omnium partium ultimum alimentum? Nihil nunc dicam, quod ante obiter indigitavi, aliquos arbitrari, quod odoramentis, clysteribus & similibus nutrire homines possint, cum quilibet facile intelligat, in tenuibus illarum rerum exhalationibus neutiquam totam compagem partium nostri corporis virtute contineri, utpote quam ex quatuor elementis secundis constatam docuimus, sed hoc scrupulum injicit, quod aliqui docent, *ventriculum ex chylo, vesiculam felleam ex bile, lienem ex melancholia alimentum capere.* Ergo quidem ejus sententiæ refellendæ causa hæc quæstio proposita est.

§. XLVI. Assertio itaque nostra est: *Omnes omnino partes nostri corporis nutrirî solo sanguine, nullo alio humore.* Sanguis etenim alimentum est, & ad omnes partes amandatur, ita ut nulla sit, quin sanguinem accipiat. Ergo credibile est, quod eodem quoque alantur. At alia, quæ recensentur partim excrementa sunt, partim adhuc amplius mutanda, antequam corpus alere queant, & ductibus quoque carent, qua per totam substantiam istius partis digerantur. Et quare quæso, v. g. ventriculus magis chylo, ac vesicula felle magis bile alatur, quam aliæ ad consimilem modum membranæ partes? Hæ autem sanguine extra dubium aluntur, Ergo & illas inde ali credibile est.

§. XLVII. Verum tum grave illud dubium movetur: *Quomodo cum partes nostri corporis tantopere inter se distent, uno eodemque alimento restaurari queant?* Ad quod respondemus, hoc inde esse, quia etsi est unus actus, tamen multiplex est potentia, quatenus ex eo diversa coctione diversa produci queunt. Atque id videre licet etiam ex semine, quod licet actu homogeneum quid sit, tamen virtute in se omnes partes complectitur. Si quis quærat: *In quo virtuali seu potentiali illa continentia fundetur?* Respondeo: in elementis tum primis, tum secundis diversis, prout scilicet pro ipsorum varia missionis habitudine diversa fieri queunt. Cujus exemplum habemus in magno mundo, in quo ex quatuor primis, & iis respondentibus secundis elementis omnis illa multorum varietas deducta est.

§. XLVIII. Inter adjuncta sanguinis primum locum obtinet temperamentum, de quo, quale sanguini competat, quæritur: Nam alii calidum & humidum esse eum volunt: at Hippocr. l. de corde ac Arist. etiam l. 2. de part. anim. c. 3. sanguinem frigidum esse asseruerunt. Sane si sanguinem complexè sumas cum spiritu vitali, nihil dubii superest, quin eum calidum appelles, at si eundem seorsim à spiritu sumas, res videtur difficultatem involvere. Veruntamen probabilis opinio est, eum esse moderate calidum

& humidum. Ac humiditas quidem ejus ex fluiditate satis patet, verum caliditas tum ex coctione ejusdem probari potest, tum ex effectis & adjunctis, quia & nutrit, & modice digerit, & moderato calore conservatur. Quod vero priscos illos Autores attinet, crediderim eos tantum illorum sententiæ contradicere voluisse, qui arbitrati sunt, eum calorem, qui in sanguine viventium communiter deprehenditur ipsi sanguini naturaliter inesse, cum tamen is illi à corde adveniat.

§. XLIX. Sed nunc nova dubitatio moveri potest: *quomodo ergo sanguis sit chylo calidior?* Dici posset, quod sanguinem consideraverimus prout in viventibus reperitur & deprehenditur calore suo imprægnatus. Attamen, ne id longius petitum videatur, absolute adhuc dicimus, probabile esse, eum calorem modicum naturalem sanguinis adhuc esse majorem, quam in chylo, ita ut prout ille comparatione ad aliquod dicitur frigidus, ita hic multo majore jure frigidus appellari queat.

§. L. Qualitates secundas si consideremus, *sanguis moderate fluidus, crassus, densusque est*, quanquam gradus illarum qualitatum determinare non possumus. Obtigerunt vero hæ qualitates sanguini non solum ex partibus suis componentibus, sed etiam respectu sui finis. Si enim fluidus non fuisset, commode ad partes pervenire nequivisset, nisi crassus moderate foret, non sufficeret & constanter nutrirer, si tenuior & rarior evasisset, in auras in concoctione dissiparetur. Ita ergo natura prudens quæcunque media fini suo proportionata reddit.

§. LI. *Color sanguinis rubicundus convenit, quem unde habeat* dubitatur. Sunt qui eum à tinctura derivant, vel hepatis, vel cordis, vel lienis, aliqui etiam fermenti, quo sanguis conficitur. At quandoquidem viscera omnino ex sanguine talem tincturam non emittant, & fermentum ex sanguine fiat, de sanguinis vero colore queratur, mavelim & hic ad concoctionem recurrere, sicut & de colore chyli fecimus, experientia illa confirmati, quod mire in digestionibus Chymicis colores varientur.

§. LII. *Locus sanguinis qui sit*, non potest facile in controversiam vocari, cum sensuum testimonio constet, eundem in venis & arteriis reperiri. Id tamen queritur: *Utrum sanguis venosus & arteriosus specie differant?* Sunt equidem aliqui in ea opinione, at vehementer errant, quandoquidem nulla documenta specificæ diversitatis in sanguine venoso & arterioso conspiciuntur. Imo quomodo differre queant specie, quandoquidem invicem commutantur loco, nam arteriosus in venas, & venosus in arterias naturali motu deducitur. Interim quoniam in corde sanguis semper natu-

raliter

raliter ebullit, ut calore sufficienti imprægnetur, & aptus fiat nutritioni, conservationi ac vigationi partium, omnino evidens evadit, quod tenuior, rarior, fluidior, & calidior evadat, qui in arteriis propagatur, quæ tamen qualitates inductæ circa remotiora loca minuuntur. Ajunt quidem, quod *sanguis arteriosus quoque flavior sit, quam venosus*, quod si verum est, accidit vel ob admillionem bilis, quæ in corde generatur, vel ob tenuitatem sanguinis, quoniam tenuia sunt dilutioris coloris, verum ab aduisione neutiquam, quandoquidem per eam obscurior color conciliatur, qualis etiam in febricitantibus deprehenditur.

§. LIII. *Motum* denique sanguinis alium Veteres, alium Recentiores esse statuerunt. Nam quicumque Galeno assentiuntur, duplicem motum in sanguine ponunt, utrumque à centro ad circumferentiam. Vnum nempe attribuiunt sanguini venoso, cujus principium hepar constituent, quem per venæ cavæ truncum ascendente ejusque ramos ac propagines, in partes supra hepar positas, at per truncum venæ cavæ descendente & truncum venæ portæ, eorundemque ramos & furculos in inferiores ac laterales hepatis respectu partes pro alimonia singularum partium deduci existimant. Alterum posuerunt pro sanguine arterioso, ejusque principium constituerunt cor, ex quo cum per arterias in universum corpus distribui putant, non pro partium alimonia, sed ut esset vehiculum spiritus vitalis. Aliqui tamen tenuioribus & subtilioribus partibus eundem inservire posse pro alimento statuerunt. Contra Doctissimus Harvæus, & post eum Celeberrimus Vir D. Iohannes Walæus, Medic. Professor Lugduni Batavorum, ac Clarissimus D. Franciscus Sylvius, Medicus Amstelodamensis Expertissimus, alique plures, plurimis experientiis edocti unum sanguinis motum, sed reciprocum statuerunt, cujus principium & finis est ipsum cor.

§. LIV. Hujus sententiæ cum & nos simus, principio ordinem hujus motus, deinde ejusdem probationem proponemus, denique subiciemus quædam, quæ circa eum controversi solent, aut quæ ad ejus pleniorē noticiam faciunt. Ergo quidem quod historiam & ordinem hujus motus attinet. Originem capit motus sanguinis in & à corde, utpote quod singulis pulsibus, quacunque scilicet systole sanguinem eum, quem in suis ventriculis habet in arterias continuas ejicit, ita nempe ut ventriculus dexter in arteriam pulmonalem, quam vulgo venam arterialem vocant, at sinister in arteriam aortam sanguinem impellat. Ille sanguis in arterias eo modo impulsus secundum arteriarum ductum in universum corpus pro

eius nutritione, conservatione ac vigoratione propagatur. Nimirum quoniam arteria pulmonalis in pulmonibus absumitur, sanguis quoque ex dextro ventriculo non nisi in pulmones derivatur. At quia arteria aorta in truncum ascendentem & descendentem dirimitur, & ramis ac surculis suis in universum reliquum corpus distribuitur, sanguis ex sinistro cordis ventriculo in universum corpus propagatur. Inde jam porro sanguis, quoniam totus absumi in partibus non potest, & aptitudinem alendi, conservandi, ac vigorandi partes paulatim amittit, per venas arteriis in extremis aut intermediis spatiis continuas sanguis residuus revertitur, ac prorsus secundum ductum venarum tandem in corde terminantium in cor reducitur. Ita nempe, ut quoniam arteria pulmonalis seu vena arteriosa communicat cum vena pulmonali seu arteria venosa, hæc illum sanguinem in auriculam sinistram primum, deinde in sinistrum cordis thalamum deducat, verum quia arteria aorta cum omnibus distributionibus fere aliarum venarum communicat, illæ sanguinem reducant in dextrum cordis ventriculum, in quem à supernis & infernis vena cava magno foramine hiat. In quo ductu, quia vena cava inferna parte cor attingere non potest, quin ejus rami infra hepar positi in hepate concurrant, & quia etiam vena portæ cor immediate non attingit, sed in hepate tantum cum vena cava sociatur, ille omnis sanguis, qui per eas venas reducitur, ad hepar necessario primo venit, antequam ad cor veniat. Imo quoniam ad ipsum hepar quoque referuntur venæ lacteæ, ne chylus quidem ad cor venit, nisi primum per hepar transeat, & dehinc sanguini reliquo confusus cor subeat. Sicut autem in sinistra cordis parte auricula sinistra prius excipit sanguinem, quam sinister ventriculus, ita in dextra quoque prius sanguis ex vena cava in auriculam cordis dextram deponitur, quæ ipsum dehinc in dextrum cordis ventriculum propellit. Vbi sanguis rursus cor subiit, eadem ratione rursus ex illo in corpus, & dehinc ex corpore in cor modo præcedente moveretur, ut inde ab ea reciprocatione convenientiam quandam cum circulo habente, quod sicut in hoc ita in illo idem sit principium & finis, nominarent cum motum *circularem*. Et inde Tractatus diversi scripti sunt de *circulari sanguinis motu*.

§. I. V. Hunc ipsum motum sanguinis experientia ac ratio multiplex comprobat. Ac ut ab experientia incipiamus, eadem confirmat, quod quæcunque vena ligetur, eadem sanguine repleta intumescat, qua recursus sanguinis à partibus impeditur: at contra sanguine orbata detumescat, qua libera ipsi patet via à ligatura ad cor. Secus vero omnino in ligatura arte-

riarum

riarum notatur : ea enim ostendit , quod arteriæ intumescant juxta ligaturam ea parte, unde sanguinem à corde accipiunt. at detumescant ea parte, qua à ligatura sanguinem ad partes devehere queunt. Atque quod ex ligatura sic elicitur , idem ex incisione venarum & arteriarum etiam evidenter concluditur , quæ prorsus ad similem modum contingit, fundentibus nempe venis sanguinem , ab ea parte qua revehant , at arteriis qua devehunt. Imo si in medio elevetur vena vel arteria & utrinque à lateribus elevationis acu pungatur, apparebit itidem, quod notavimus.

§. LVI. Hæc ipsa in diversis animalibus comprobata sunt multoties & à multis, adeo ut de his dubitari non possit : solum id videtur habere difficultatem , quod experientia illius motus in homine non fuerit observata. Sed id non multum stringit. Nam si quid perfectionis gratia in animalibus brutis à natura constitutum est , illud in homine multo magis inveniri debet , nisi alia sublimiore ratione illam perfectionem compensarit. Equid, etiamsi hac ratione in homine cum motum tentare humanitas prohibet, tamen alio modo omnino advertitur. Nam recursum per venam in venæ sectione omnino evidentissime licet colligere , quod si ligatura debita instituitur ea parte , qua cor spectat, & vena tundatur , qua ad extrema vergit bene effluit sanguis, at secus si ibi qua correspicit. Ideo si digito quoque tantum vena comprimatur à sectione versus extrema cessat fluere, at si adversa parte id fiat , ille effectus non sequitur. Imo ex modo quoque sanguinis effluxus id colligitur , qui si in venis brachii venæ sectio instituta sit versus superiora est, at si superne sanguis veniret, deberet deorsum tendere. Quemadmodum vero venæ sectio recursum sanguinis in venis patefacit, ita arteriæ apertio posset adductionem per arterias probare, verum quia illa in notabilibus arteriis institui sine periculo non potest, ad experientiam nobis arteriarum vulnera sufficere possunt, quæ evidenter ostendunt, à corde sanguinem affluere , cum inde effluat, & eo moveatur. Caterum & citra apertionem in manu ille motus notari potest , nam in ejus dorso , si in venis sanguis pressione ad digitos propellatur , sistitur , contra si versus superiora. In arteriis contrarium habet locum.

§. LVII. Ratio etiam diversa hunc motum comprobat. Præcipue vero duplex. Prima sumitur ex eo , quod singulis pulsibus aliquid sanguinis ex corde in arterias propellatur , cujus quam parva etiam quantitas concipiatur , quæ tamen satis magna est , ut ex anatomia vivorum patet, tamen si numerus pulsuum computetur , tantam mensuram implebit , ut omnino necessum sit, sanguinem illum recurrere , nisi cor, & omnes venæ sanguis

sanguine exiri debeant. Quod vero aliqui putarunt, ventum solum aut flatum ex corde singulis pulsibus prodire, hoc experientia in vivorum anatomie, ac etiam in vulnerationibus arteriarum evidenter refellit. Secunda petitur à structura vasorum & cordis. Nam in hoc valvulæ, quæ arteriis præponuntur, foris spectant, ut nempe ex corde in eas sanguis possit immitti: at quæ venis competunt intro respiciunt, ut possit sanguis cordi tribui. Sic etiam in remotioribus locis in venis valvulæ patent, quæ revehant à partibus sanguinem, at obstitunt, quâ ad partes deberent devchere.

§. LVIII. Latius hæc non persequor, sed qui plura de his cognoscere volet, ad experientiam revoco, & ad eos Autores ablego, qui ex professo hæc de materia scripserunt, apud quos hæc latius, & multa alia legere poterunt, sicut etiam objectiones cum suis solutionibus plurimas cognoscere, nobis id impræsentiarum satis erit, ut pro meliore istius motus cognitione, & controversiarum quarundam solutione quæstiones quasdam subjungam & breviter solvam, dehinc porifinata quoque quædam ex eo eliciam. Sit itaque prima quæstio; *Quæ sit causa efficiens motus circularis sanguinis?* Respondeo, *principalem animam*, instrumentalem primariam *cor*, secundariam *arteria & vena*, imo & *partes singula à corde dependentes*, quæ vel attrahendo, vel propellendo huc conferunt. Ac de anima quidem nihil addo, at quod cor attinet, non intelligimus illud separatim à calido ignato, sed cum eo copulatum, quo casu nihil difficultatis superest. De aliis partibus difficultas est; ac quidem principio de *arteriis & venis*, *an & quomodo illæ ad eum motum concurrant?* Iudico, quatenus vi contrahendi præditæ illud quod in illis est, propellunt, quam vim illis competere tum ex fibris illarum patet, tum etiam ex ligatura. quoniam etiam post ipsam propellant. Dehinc de *partibus aliis* dubitatur: *an & quomodo illæ ad eum motum conspirent?* Iudicavius, quatenus alimentum conveniens attrahendo & redundans depellendo motum aliquem sanguini conciliant.

§. LIX. *Secunda quæstio sit: ob quem finem institutus sit ille sanguinis motus?* Respondemus: *Primarius & ultimus in suo genere, finis est partium nutritio*, quippe per eum alimentum ad partes facilius & commodius deducitur: deinde *partium conservatio*, quatenus non solum in locum consumpti ex alimento quid restituitur, verum etiam, quatenus spiritui influente partes conservantur, & confirmantur; denique *partium vigoratio*, qua calidum insitum & anima ei inexistens à calido influente robur accipit. *Secundarius porro finis & intermedius est, sanguinis debita præparatio*, quatenus aptus redditur accedens ad cor ad eum primarium finem implendum, & dehinc

dehinc sanguinis à putredine præservatio, cum per experientiam constet, cum alicubi quietum facile putrescere, cujus causam facile quis invenit, si putredinis naturam consideraverit. Atque hinc licet solvere quæstionem, quare natura non potius sanguinis simplici ad partes motu consentia fuerit, citra motum recurrentem eiusdem? Nimirum, quia in extremis deperditus calor & spiritus vitalis ob distantiam nimiam illi à corde reddi non poterat. Sed quid si natura solum tantum misisset ad partes, quantum una vice consumerent? Tum cor non potuisset cum omnibus partibus conspirare per sanguinis & spirituum affluxum, quandoquidem arteriæ & venæ plerumque fere aut omnino vacuæ debuissent esse.

§. LXX. Tertia quæstio sit? An ille sanguinis recursus fiat immediate ex arteriis in venas, an etiam per porositates partium? Non est dubium, quin multis in locis fiat immediate, quandoquidem valorum anastomoses multis in locis evidentissimæ sint: attamen in extremis quomodo contingat, ubi anastomoses non advertuntur est obscurum. Atque meo arbitrio, utrumque probabile, neutrum autem certum est. Nam quia vasa capillaria ita tenuia sunt, ut omnem sensum effugiant, quis secundum sensum dicere certo possit, quod vel anastomosis conjungantur, vel non conjungantur? Si vero ad rationem confugas, ea utrinque probabilis apparet. Nam pro negante opinione dici posset, naturam in partes non plus deponere, vel accipere, quam conficere possit, ideoque non necessariam esse illam per porositates deductionem. At pro affirmante adduci potest, quod omnes & singulæ etiam parvissimæ particulæ alimentum requirant, ad quas cum vasa mittentia immediate tendere debeant, at cum reducentibus anastomosis concurrere ob partium parvitatem improbabile sit, videtur consequi, quod secundum portionem aliquam per porositates transire alimentum debeat. Si dicas, probabile esse, quod nec vasa adducentia alimentum in singulas illas portiones parvas partium definant, nihil equidem improbabili assertur, attamen certo quodam argumento id probari nequit. Alia argumenta levioris ponderis sunt, nam si per porositates natura sanguinem reducere constituisset, viam & modum invenire potuisset, nec illa inexplicabilia forent.

§. LXXI. Quarta quæstio sit: quanto tempore motus ille reciprocus sanguinis absolvatur? Docet equidem ratio, cum singulis pulsibus satis notabilis quantitas ex corde in arterias impellatur, & tantum sanguinis in corpore non inveniatur, quod non adeo longo tempore ad eam circulationem opus sit. At determinate exacteque definiri non potest, quia nec sanguinis

nis definita quantitas, satis nota est, & viarum tanta diversitas notatur, ut per alias citius, per alias autem tardius illa motus reciprocatio absolvatur. Quis enim non arbitretur citius circulationem in viis cordi vicinioribus peragi, quam in remotioribus; verbi gratia per arteriam venamque coronalem, quam per arteriam coeliacam, ac venam comitem, & per hanc citius, quam per eas, quæ in extremas corporis partes deducuntur? Sed hoc posito, impossibile est certo definire temporis mensuram.

§. LXXII. *Quinta questio sit, An ille motus sit continuus vel intermit- tens?* Non judico eum simpliciter continuum esse, quandoquidem ab iis causis pendet, quæ non continue agunt. Ita verbi gratia, cor systolen & diastolen, utpote contrarios motus, non sustinet, nisi ordinarie quiete aliqua interveniente. Atque idem de arteriis aliisque concurrentibus partibus sentiendum est. Cæterum, naturaliter sic continuus ille motus dici potest, quatenus nulla extraordinaria quies intervenit.

§. LXXIII. *Sexta questio sit: An ille motus semper sit æqualis?* Intelligi id potest, tum secundum *celeritatem*, tum secundum *ordinem motus*. Quod *celeritatem* attinet, ea non semper æqualis est, sed maxime differt etiam in sana constitutione non solum ratione ætatum & sexus, sed etiam ratione motus & quietis, somni & vigiliarum ac animi affectuum. Prout enim in his pulsus, ita & motus hujus celeritas variat. Verum quoad *ordinem motus* in omnibus naturaliter is similis est, exceptis embryonibus in quibus ob foramen ovale in corde & canalem in arteria pulmonali & aorta aliquantum variatur. Cæterum præternaturaliter omnino & intercepti & perturbari aliquando is motus solet.

§. LXXIV. *Septima questio sit: Quam utilitatem hac doctrina in Medicina afferat?* Maximam sane tum quæ *theoriam*, tum quæ *praxin*. Quæ *theoriam* quidem, quatenus ostendit, quo in loco sanguis coquatur, quo sanguine partes alantur, quibus viis ordinarie sanguis & humores affluant, & ab iisdem recedant, atque prout sic sanitatis & morborum sint causæ, & partes diversæ aliis sua mala communicent. Quæ *praxin* autem, quatenus inde cognoscitur, quibus viis maxime per venæ sectionem sanguis aliique humores in vasis existentes vel revellendi, vel derivandi, vel evacuandi sint. Atque quemadmodum hoc in genere hic notamus, ita in specie postmodum indigabimus, & multa jam in anatomia proposuimus, quæ ad hujus rei notitiam faciunt. Quæ si considerentur, innumerarum quæstionum aliarum solutiones suppeditabuntur, quam hæcenus communiter ab Auditoribus datæ sunt.

§. LXXV.

§. LXXV. Atque ista in genere de sanguine sufficiant, præter quæ in controversiam venit, *an & quatenus sanguis dividi debeat?* Circa quam ego judico & respectu causarum, & respectu partium, & respectu adjutorum & effectorum, quasdam divisiones oriri, sed quia ex differentiarum præternaturalem sanguinis constitutionem simul inferunt, ad hunc locum non pertinent. Id solum quæremus, quandoquidem *sanguis* aliis *inchoatus*, aliis *perfectus* est, *Inchoatus* scilicet, qui in hepate producit, at *perfectus*, qui in corde concoctionis ultimam perfectionem acquisivit, *Utrum sanguis inchoatus & perfectus gradualiter, an specie differant?* Sane utriusque opinionis, illud scilicet vel hoc defendentis sunt probabiles rationes. Nam quæ gradualement solum diversitatem agnoscit, urgere potest, 1. quod non sint entia præter necessitatem multiplicanda. At nulla videtur constituenda, cum nihil causæ sit, quare inter chylum & sanguinem perfectum aliquid distincti interponatur. 2. quod subordinata non sunt opposita, at quæ specie differunt sint opposita. 3. quod hepar & cor ejusdem calidi innati beneficio concoctionem illam sanguinis peragant, atque ideo effecta diversæ speciei producere nequeant.

§. LXXVI. Contra pro adversa sententia hæc adduci queunt. 1. Quod partes illæ cor nempe & hepar specie proprio officio discrepent, adeoque effectus quoque specie diversos producant. 2. Quod formæ nequeant acquiri indivisibiliter. At chyli forma in hepate destruitur. Ergo alia ab ipso inducitur, unius enim corruptio est alterius generatio. Hæc opinio ita probabilis mihi videtur, ut quanquam superflua in priorem inclinasse videri possim, hanc facile defendi posse judicem. Nam ad 1. rationem contrariam dici posset, non hic multiplicari entia præter necessitatem, verum quæ distincta à natura sunt facta, distincte recenseri. Ad 2. responderi potest, quod aut illud axioma non simpliciter verum sit, aut ita accipiendum, quod subordinata, quæ talia, non differant specie, at quatenus formis suis constituta concipiuntur, omnino differre queant. Sic chylus à sanguine, æbus à chylo, elementa à misto, semen à vivente inde genito &c. specie discrepant. Ad 3. reponi potest, etsi hepar & cor eodem calido innato gaudeant, tamen non utantur eodem ut eodem, sed ut ipsæ partes specie discrepant, ita & calidum innatum in iis ad diversa specie effecta tendit.

CAPUT XIV.

De Humiditatibus secundis vulgo appellatis.

§. I. **A**ristoteles equidem l. 3. de historia anim. c. 10. & alibi, ac Galenus etiam l. 2. de aliment. c. ult. docent *sanguinem esse ultimum alimentum partium*. Verum Avicenna l. I. doct. 4. c. 1. existimat *sanguinem prius in quatuor humiditates converti, antequam in partium substantiam mutetur*. Hinc adeo doctrinæ de sanguine hanc doctrinam subijcimus, ut tum quid de ea statutum sit apud Veteres cognoscamus, tum quid veri subsit, inquiramus.

§. II. Ergo quidem docet Avicenna, quod antequam sanguis in partium substantiam mutetur, primum vertatur in *quatuor humiditates*, quas sanguinis respectu, ut quo sint posteriores, *secundas* nominat. Earum *prima* dicitur generari in extremitatibus venarum, partibus similibus vicinis, quam cum Avic. nomine nullo donaverit, aliqui ex ejus Sectatoribus appellarunt *humorem inuominatum*, aliqui etiam *demensum*, quia illam portionem pro mensura nutritionis singulis partibus tributam esse credunt. *Secunda* ex hac ipsi producitur, quæ per capillaria vasa roris modo dispergatur, unde & *ros* dici cœpit. *Tertia humiditas* ex hac originem capit, & quia jam similior partibus existit, *cambii* nomen apud multos obtinuit. *Quarta* denique ex hac prognata, partibusque assimilata adhærescens, gluten dicta est. Alii tamen nomina ea invertunt, & *tertiam* humiditatem lentam jam redditam *gluten* nuncupant, at *quartam*, utpote immediate in partium substantiam transeuntem, *cambium*.

§. III. Hic *prima questio* oritur: *An hac doctrina à Græcis hausta sit, an vero ab Arabibus inventa?* His acceptam ferendam esse eam doctrinam inde videtur consequi, quia Græcorum opinioni adversa est, quemadmodum ex principio hujus capituli colligi potest: sed in contrarium est, quod Gal. non solum l. 7. Meth. med. c. 6. & 7. quatuor siccitatum ad tabem ducentium mentionem faciat, quibus suæ humiditates veniunt opponendæ: verum etiam l. 1. de natur. facult. c. 10. expresse doceat, *veram nutritionem* requirere triplicem actionem, nempe initio *appositionem*, dehinc *agglutinationem*, ac denique *assimilationem*. Certe hic locus valde similis est, allegatæ sententiæ. Nam si per *appositionem* intelligas sanguinis per universam partis distributionem, *rorem* ab eo significari, non est intellectu difficile:

Sic

Sic *gluten* per *agglutinationem* manifeste indigitatur, & *cambium* per *assimilationem*.

§. IV. Attamen diversitas quædam inter Avicennam & Galenum est, quod hic *appositionem* & *agglutinationem* adhuc versari circa sanguinem creditur, at ille *rorem*, & *gluten* aliquid jam à sanguine diversum esse iudicasse videtur. Atque adeo solvi potest, *secunda questio*: quare Galenus non illas humiditates distinctis nominibus dignatus sit, neque etiam seorsim numeraverit, quod tamen ab Avicenna est factitatum? Nempe, quia Galenus uni eidemque rei distincta nomina ex accidentali illa diversitate tribuenda esse non censuit, sed Avicenna diversis rebus diversa nomina tribuere necessum habuit.

§. V. Sed his missis, *tertiam questionem* ponimus: An illa quatuor humiditates dentur, nec ne? Siquidem id tantum quæritur, *utrum non sit prorsus conficta hac doctrina*, non adeo multum negaverim. Nam nemo tam naturæ parvus observator est, quin non de facili concefferit, naturam per gradus etiam in ipsa nutritione procedere: atque id eo, quoniam una pars toto sanguine ali nequit, quin unicuique parti portio sua sit à natura tributa, quæ *demensum* est, dehinc eadem per universam partem *roris* modo sparsa sit, atque antequam plene in substantiam partis convertatur, prius lente scaturiat, *glutinique* respondeat, dum jam proxime parti similis reddita, *cambii* ad instar in ejus substantiam facessat. Sed vero si hoc quæritur: an illa humiditates specie à sanguine discrepent, aliud mihi asserendum esse videtur.

§. VI. Ergo quidem eorum opinionem probo, qui sanguinem ultimum alimentum partium esse existimant, nulloque modo concedunt, alios humores specie distinctos interponi. Nam 1. nulla datur causa propria, à qua ille effectus intermedius dependeat, quoniam postquam partibus communicatus est, à foliis partibus mutatur & conficitur. 2. nulla omnino apparet necessitas illos intermedios humores ponendi, quin potius, quia sanguis omnibus partibus communicatur, non id videtur aliud ob finem fieri, quam ut illæ eo nutriantur, per ipsius commutationem in suam substantiam. Solent quidem hoc urgere, quod tanta diversitas partium uno eodemque alimento nequeant sustentari, verum quoniam omnes partes ex eodem unoque semine constituuntur, atque in ipso sanguine diversæ portiones sunt; nihil inde absurdi sequitur, si dicamus, omnes partes uno eodemque sanguine conservari.

§. VII. Quarta questio est: An doctrina de humiditatibus secundis congruat cum circulari sanguinis motu? Facile cum eo conciliari potest, si modo

illud circa eam mutetur, quod sanguis non per venas, sed per arterias in partes deferatur. Ergo quidem illa sanguinis portio, quæ ex arteriis tenuibus in singulas partes illabitur, optime *demensum* vocabitur: eadem roris instar per partes distributa nuncupabitur *ros*: ubi jam incipit alterata glutinosa fieri, *glutini* nomen sortietur: ac ubi in substantiam partium secedet, vocabitur *cambium*.

§. VIII. *Quinta questio est: An illa humiditates secunda rectius vocentur humiditates secunda, an humores secundi?* Qui inter sanguinem & partes intervenire arbitrantur humores aliquos specie ab utrisque diversos, illi indistincte his vocibus utuntur: sed qui nostram sententiam defendunt, & tamen Avicennam excusare student, illi malunt humiditates quam humores vocare, quia ejusdem humoris sint diversæ habitudines. Et quidem videntur sic aliquatenus Avicennæ sententiam tolerabiliorem facere, quam non scio, utrum illa inens Autoris istius fuerit.

§. IX. *Sexta questio est: An illa humiditates quatuor recensite pertineant ad sanguinem, vel ad partes?* Priores tres videntur ad sanguinem pertinere; ultima ad partes. Nam *demensum* formam totam sanguinis adhuc retinet, neque ab eo differt, nisi hoc quod sit portio ejus partibus alendis destinata. Ros itidem superaddit tantum, quod secundum pororum ductum sit per partes distributus. At gluten majorem mutationem secundum qualitates insert, ita ut calidior, crassior, albidior, & tenacior sanguis sit redditus, interim nondum formam substantialem sanguinis amisit. Secus contra *cambium*, quod non solum formam partium recepit, sed & partibus jam simile redditum earum substantiæ continuatur. Ex his dictis patet, quomodo etiam citra divisibilitatem formæ substantiales partium acquirantur, ob quam evitandam aliqui illas intervenientes humiditates necessarias esse putarunt, sed citra urgentem causam.

C A P U T X V.

De Spiritibus.

§. I. **P**ostquam de nutritivis humoribus dictum fuit, nunc porro de *Spiritibus* agemus, qui tum humoribus illis permixti sunt, tum ex iisdem generantur. Prius vero de iis in genere, ac dehinc in specie quadam proponemus. Ne vero in primo limine aberremus, notamus, quod licet *spiritus* nomen alias dicat, vel substantiam omnino incorpoream, vel etiam ærem,

aërem, vel aliam, nobis impræsentiarum eo veniat *substantia quadam corporea tenuis ac mobilis in nostro corpore*, à parte aliqua principe ad alias missa, ut in iis istud vigorem & virtutem agendi instrumentaliter & secundario conservet foveatque.

§. II. Inde necessitas & utilitas spirituum cognoscitur, ut adeo non opus sit quæri, *Virum spiritus dentur?* Maxime cum infra, ubi de divisione spirituum agemus, sigillatim de eorum existentia quæremus. Id etiam ex descriptione innotescit, quod quanquam alias spiritus voce tum *calidum innatum*, tum *spiritus influens* indigitetur, à nobis tamen impræsentiarum solus spiritus influens insinuetur, ut ut calidi innati notitia non parum ad ejus cognitionem faciat.

§. III. Supponimus itaque hic illam divisionem, qua spiritus in *insitum & influentem* distribuitur. Nam spiritus *insitus* est ipsum calidum innatum, quatenus in singulis partibus existens animam in iis fundat, & iis primum vigorem ac robur instrumentaliter suppeditat. At spiritus *influens* hujus effectum est, à parte aliqua principe in alias transmissa, ad languentis calidi insiti & animæ refocillationem & subsidium. Qua de causa speciatim spiritus *influens mobilis* appellatur, quia scilicet non solum movet, sed & ipse movetur, quatenus nempe à principe parte ad omnes alias derivatur.

§. IV. Hujus ergo influentis spiritus naturam & essentiam, quoad fieri poterit, indagaturi, notamus, quod ea per quam sit similis naturæ & essentia spiritus insiti seu calidi innati. Non solum, quia hoc illius causa est, verum etiam, quia spiritus influens simile officium & munus in corpore nostro obit, quam insitus. Sicut enim hic animam corpori originaliter & primò alligat, ita ille secundò & dependenter: & ita uterque animæ quoque instrumentum est, licet spiritus insitus per prius, at influens per posterius.

§. V. Atque adeo hoc supposito spiritus influentis naturam universam tali descriptione comprehendimus, *Spiritus influens est substantia corporea mixta, ex igne præcipue constituta, calida, subtilis, & mobilis, ex subtiliore sanguine in principali aliqua parte genita, & per convenientes ductus in universum corpus distributa pro conservatione & vigoratione calidi insiti in eisdem existentis, & feliciori munere executione.* Hanc ipsam ad imitationem definitionis calidi innati supra c. 4. allatæ liceret persequi, sed quia jam multa ex ibi declaratis patent, & aliqua etiam jam in præcedentibus exposita sunt, solum controversias aliquas hic occurrentes solvemus.

§. VI. Prima quæstio est: *Virum spiritus influentes sint animati nec ne?*
Equidem

Equidem communis fere sententia negativa est, quia spiritus illi in corpore non sunt quieti, nec permanentes, verum valde dissipabiles, quia item non sunt continui cum reliquo corpore. Sed tamen aliqui valde docti Viri affirmativam tuentur, tum quia ejusdem cum calido innato aut saltem non valde diversæ naturæ sunt, quia item ad compositionem nostri corporis pertinent, ac speciatim, quia sine iis anima cominode operari nequit, ut adeo ipsius instrumenta sunt. Atque hanc opinionem etiam probabiliorem esse existimo. Itaque ad opposita argumenta repono, principio non esse eandem omnium partium conditionem particularem, ideoque non necessum est, omnes esse immobiles, aut quietas, interim hoc non ob stare, quo minus omnes eæ sint animatæ. Deinde si dissipabilitas spirituum in causa foret, quo minus essent animati, ne pars quidem alia animata foret, quandoquidem unicuique aliquid decedit. Porro si spiritus non ita sunt reliquo corpori continui, ut aliæ partes, tamen nec sunt ab eodem separati: & sunt quidam insignes Peripatetici, qui etiam contiguitatem sufficientem existimant, ad communis formæ receptionem. Utuntur aliqui & hoc argumento, quod spiritus careant dispositione organica, sed suo loco docebimus, illis post calidum innatum per prius convenire rationem organi, quam aliis partibus.

§. VII. *Secunda questio est: Utrum spiritus influentes recte possint dici vinculum anima & corporis?* Solent aliqui dicere, quod spiritus sint vinculum animæ & corporis, quia illis dissipatis aut corruptis anima in corpore superstes esse non potest, & eadem illis mediantibus in singulis partibus operatur. At modus operandi de modo essendi testatur. Alii tamen hanc loquendi consuetudinem improbant, quandoquidem animam corpori immediate conjungi arbitrantur, utpote cum actus potentia suæ immediate jungatur. Ego utrinque ponderatis rationibus mavelim primæ sententiæ aditipulari, ob rationes adductas, hac tamen sub distinctione, quod calidum innatum sit *primarium & originarium anima vinculum*, sed *spiritus influens secundarium & ortum*. Ad oppositam autem rationem dico, beneficio spiritus insiti & influentis corpus esse potentia vivens, atque ideo nihil absoni sequi, si ille eo respectu medium inter corpus & animam statuatur. Hinc illa distinctio *partium hominis mihi usitata*, quod aliæ sint *extrema, seu unienda*, quædam *media, seu unientes*: illa *anima & corpus*: hæc *vel primaria seu originaria, nempe calidum innatum & humidum radicale*: vel *secundaria & orta, nempe spiritus influentes & sanguis*.

§. VIII. *Tertia questio est: Quæ sit causa efficiens spiritus influentis?*

Non

Non dubitamus, quin anima princeps illius causa sit, ac calidum innatum primaria instrumentalis. Verum quia calidum innatum & anima ad elaborationem illius spiritus non aliter concurrunt, quam quatenus in aliqua principe parte consistit, ideo in definitione diximus, quod pars princeps sit causa generans spiritus influentes. Sed *annon & spiritus influentes ad generationem spirituum influentium concurrunt?* Sane si de spiritibus animalibus sermo sit, nihil sane est dubitandum, quandoquidem eos cerebrum non elaborat, nisi spiritibus vitalibus influentibus perfusum: sed de spiritibus vitalibus distinguendum est inter primam & secundam productionem. Secundum hanc, cum cor, quamdiu sanum est aut moderatè se habet, spiritu influente redundat, dubitari non potest, quin ille ad generationem spirituum vitalium novorum concurrat, verum secundum illam quando primus spiritus vitalis influens elaborandus est, quid evenit? Ego & ibidem aliquantum spiritum influentem à matre communicatum conferre arbitror, nisi arbitretur quisquam, eum dentum communicari, cum jam primi aliqui influentes facti sunt, quod non probabile videtur, quoniam materia nulla illi suppetit. Ad consimilem ferè modum etiam quæstio determinari potest, de *spiritibus animalibus influentibus, an scilicet illi generentur in cerebro independentè à spiritu animali influente?* Nimirum secunda non videtur independentè fieri, prima tamen videtur, quandoquidè tunc nondum alii producti sunt, & à matre secundum probabilem sententiam non tribuuntur.

§. IX. *Quarta quæstio est: Ex qua materia spiritus influentes generentur?* Nos in definitione unam tantum recensuimus, nempe *subtiliorem sanguinis partem*. Alii autem multi secundam adjiciunt, judicantes aërem quoque ad eam generationem concurrere. Verum nec hoc necessum est fieri, nec etiam fieri commodè potest, cum nullæ sint patulæ viæ, quibus aër in focum elaborationis illorum spirituum deducatur, quemadmodum id in divisione post plenius excutiemus.

§. X. *Quinta quæstio est: Quo modo ex illa materia fiat spiritus influens?* Puto, quod modo concoctionis, quam per subtiliationem & attenuationem sequatur quasi destillatio: quemadmodum scilicet & ex aliis rebus in operationibus Chymicis spiritum elici advertimus. Ac quemadmodum in his sæpe non solitariè provenit, ita & ibi fit, quatenus prodiens vehiculo suo commiscetur & propagatur. Hoc modo maxime cum ex corde cum sanguine in arterias propagari arbitror.

§. XI. *Sexta quæstio est: Qua ratione spiritus influens in universum corpus propagetur?* Arbitrer id fieri maxime propulso, quatenus de novo genitus

spiritus priorem sequitur ac propellit: cæterum si quis aliquatenus & attractionem partium eò conspirare judicet, cum eo non pugnaverim, quandoquidem mihi valde probabile videtur, unicuique rei yim allicitivam seu attractivam sui perficientis aut alio modo necessarij à natura communicatam esse.

§. XII. *Septima questio est: Quare opus suis spiritu influente?* Ponimus equidem in descriptione nostra causam, attamen ea non videtur omnibus congrua; quia natura semper brevissimis lineis agit, ideoque cum calidi innati munus sit partes conservare, & vigorem agendique potestatem illis tribuere, non videtur ad is spiritus influens necessarius. Cæterum hæc non valide stringunt, quia natura quidem brevissimis lineis agit, interim sic, ne deficiat in necessariis. Atque ita in præsentī casu spiritu influente præter calidum innatum fuit opus, ut aliquo mediante pars princeps cum minus principibus conspiraret, & ordinata fieret omnium functionum in humano corpore administratio.

§. XIII. Ita *generalem spirituum influentium doctrinam* absolvimus, post quam *specialem* subungere convenit. Vbi initio quaeritur: *An detur spirituum animalium specifica quadam distinctio?* Aliquibus non videtur, quoniam sibi sunt subordinati. Verum hanc objectionem in prioribus jam sustulimus, concludentes, quod diversa subordinata dentur, quæ specifica diversitate differant. Atque ita de spiritibus multi arbitrantur, nostra autem quæ sit sententia ex prioribus liquebit.

§. XIV. Deinde controvertitur: *Quomodo spiritus influentes dividantur?* Aliqui *quadruplices* eos faciunt, nempe *naturales, vitales, genitales, & animales*; alii *triplices*, omisiss nempe vel genitalibus vel naturalibus; alii *duplices* tantum, recensentes nempe solum spiritus *vitales & animales*, alii quoque solum *animales* pro propriis spiritibus animalibus habent. Hanc controversiam dirimere non poterimus, nisi sigillatim de singulis istis spirituum differentiis seorsim agamus.

§. XV. De *spiritu naturali* primum videndum, *quid sit, & quomodo generetur*, deinde *utrum omnino detur?* Qui *spiritum naturalem* distinctum à vitali & animali esse credunt, judicant, eum esse *substantiam tenuem, mobilemque ex sanguine aquâque factum in & à jecinore, ac inde per universum corpus secundum ductum venarum distributam, pro functionum naturalium expeditione, vitalisque spiritus generatione accalidi insiti nutritione*. Aliqui ad ejus generationem aërem quoque concurrere arbitrantur, per transpirationem cutis in hepar susceptum, sed iis alii cordatiores contradicunt, ac merito equidem, quando-

quandoquidem taliter aërem in partes interiores recipi nulla sunt documenta, quin potius id non foret adeo salutare. Verum in aliis constanter consentiunt, *causam efficientem* spiritus naturalis esse hepatis *finalem* vero vel *generalem*, quam in omnibus partibus obtinet, vel *specialem*, quam subit in determinata parte. *Hanc* esse ajunt, quod materiam suppeditet spiritui vitali in corde. At *illam* esse asserunt, tum inservire pro materia nutritionis calido innato, tum commodare singulis partibus ad functiones naturales obeundas, quæ sunt nutritio, augmentatio & generatio. Aliqui tamen solam nutritionem hic recensent, cum augmentatio non sit distincta à nutritione actio, sed generatio ex illorum sententia proprium spiritum genitalem obtineat. Porro in eo quoque consentiunt, quod secundum venarum distributionem in universum corpus propagetur.

§. XVI. Hanc illorum sententiam doctrina de circulari sanguinis motu evidenter refellit, utpote quæ docet, nec perfectum sanguinem in hepate gigni, nec ab eo in universum corpus sanguinem pro nutritione spirituum propagari, sed utrumque illud fieri in & à corde. Atque eadem ostendit usus illos spiritus naturalis esse partim falsos, partim non necessarios, cum cordi satis virtutis competat, ex sanguinis subtiliore parte spiritum vitalem pro calidi innati restitutione & partium singularum vigoratione elaborare. At ea etiam non supposita hæc sententia non ita probabilis est. Nam sane Physicis principiis repugnat, dari aliquem spiritum vitali priorem, qui nutritioni inserviat. Etenim si nutritio non antecedit vitam, neque instrumentum nutritionis prius esse potest instrumento vitæ. Et ideo vitalis spiritus prior aut saltem non posterior esse potest naturali spiritu. Imo quandoquidem vitæ propria functio nutritio est, idem videtur esse spiritus vitalis & nutritivus. Vt ex tali & simili discursu appareat recte ab Aristotele fuisse conclusum, cor principium nutritionis & nutritientis esse, adeoque hepar non esse aliquam partem in principem.

§. XVII. Patet etiam assertionis illius falsitas ex debilitate argumentorum, quibus nituntur. Nam etsi aliqui ad auctoritatem Galeni confugiunt, tamen is tam dubitanter de eo spiritu locutus est, ut eum non agnovisse videatur. Neque hoc ipsi diffiteri queunt. Deinde allegant necessitatem spiritus naturalis, ex usu quem præstare debet, verum non longe ante eum rejecimus. Denique aliqui ex fluxu sanguinis in vulneribus aut venarum sectionibus id probant, verum committunt fallaciam causæ, sicut ex iis, quæ de motu sanguinis attulimus, patescere potest. Quippe ex eo colligi potest, sanguinem effluere ex perpetuo sanguinis affluxu, & impedita

via refluxus, ac suppeditata patula via effluxus; neque secundum seriem & ductum venarum ab hepate in partes, sed à partibus ad hepar.

§. XVIII. Interim hoc dubitationem habere videtur, quod capite ab hinc secundo §. ult. probabile esse iudicavimus, elaborari aliquid in hepate essentialiter diversum ab eo, quod sit in corde, quo posito, non absurdum sit statuere, etiā spiritum aliquem in eo generari. Cui ego ad hunc modum respondeo, quod nullatenus dubitem, quin in eo, quod in hepate sit, insit aliquid subtilis & spirituosus: quandoquidem etiam in ipso chylo tale quid agnoscimus. Ceterum hoc solum impugnamus, quod illud venditur pro vero spiritu, cum nos id pro materia tantum partiali, atque pro portione inchoati illius sanguinis habeamus. Alioquin nulla foret ratio, quare non plures spiritus faciamus, ut spiritum ciborum, chyli, & ita consequenter. Hoc tamen largior, aliquos de spiritu naturali sic loqui, ut eum tenuiorem portionem sanguinis esse dicant: verum quoniam illi supponunt in hepate sanguinem perfectum, qui sit ultimum partium alimentum gigni, contendunt, liquet, quod eorum sententia prorsus ab hac nostra alia & diversa sit.

§. XIX. Verum dimisso spiritu naturali, accedimus ad spiritum vitalem. Ille nobis est substantia corporea mixta, ex igne præcipue constituta, calida, subtili, & mobili ex subtiliore sanguine in hepate facta in corde genita, ac per arterias in universum corpus propagata, pro nativi calidi restoratione & vigoratione ad munus suum promptum exsequendum. In hac descriptione totam ejus naturam, quoad nota est, exprimere conati sumus, ita tamen, ut dubia circa eam occurrentia adhuc expedienda nobis restent.

§. XX. Itaque primum dubium sit: An detur spiritus vitalis? Videri potest hæc quæstio inutilis, quandoquidem omnes spiritum vitalem esse supponunt, & sine eo vitam consistere non posse asserunt, imo eundem spiritum etiam sentiri ajunt, tum in anatomia vivorum, tum in vulneribus arteriarum. Sicut etiam ex retractione ejusdem ad cor frigus in universo corpore observari potest. Veruntamen aliqui inter Peripateticos omnino nullum spiritum à sanguine distinctum esse volunt, ac etiam probabilibus argumentis defendunt, non substantiam à sanguine diversam, sed ejusdem calefactionem aliquam novam in corde fieri, cujus respectu sanguis ita calidus sentiatur, atque hinc fieri arbitrantur, quod ea ebullitione cessante sanguis calorem cum vicissim amittat, & in naturam suam redeat. Ego existimo omnino quidem vitalem spiritum dari, attamen eum pertinere ad integritatem sanguinis.

§. XXI.

§. XXI. Atque adeo hoc secundum dubium est, *An spiritus vitalis sit pars sanguinis?* Multi, imo plerique sic de eo loquuntur, ut diversam substantiam ab eo videantur indigitare: cæterum quia sanguis adæquatam alimentum omnium partium censetur, ac ideo potestate in se continere debet omnia, quæ partes actu habent, & quia etiam una cum reliqua sanguinis massa ab eadem causa efficitur, & quia etiam in chylo & sanguine in hepate factio spirituosæ subtilisque portio pars chyli ac sanguinis reputatur, probabile inde evadit, quod & spiritus pars sanguinis in corde facti debeat reputari.

§. XXII. Hæc sententia eam patitur objectionem: *quare ergo spiritus vitalis distincte à sanguine recensetur, cum tamen de spiritu chyli & sanguinis in hepate facti non distincte tractetur?* Iudico id inde factum esse, quia hic spiritus magis evidenter se manifestat, atque sensum potentius afficit, & quidem mutabiliter respectu sanguinis, cum totum illum calorem, quem sanguis in corde accipit, ab hoc spiritu pendere existimant. Ac sane id non de nihilo est, quanquam enim certum iudico, illam caliditatem sanguinis non totam à spiritu pendere, sed etiam aliquantum à sanguinis attritione in corde factam, quandoquidem etiam in extremis ab eadem causa ebullitionem subit, nihilominus præcipue ab eo originem capit, neque tam prompte incalesceret, nisi spiritus abundans in eo foret.

§. XXIII. *Tertium dubium est: Ex qua materia spiritus vitalis generetur?* Iudicem cum ex subtiliore portione seu spirituosâ parte sanguinis in hepate facti fieri. Nam sic explicari potest, quomodo cor in suam materiam consimili generali modo agat, sicut ventriculus & hepar in suam: ac etiam quomodo una eademque coctione, & actione cor per se aliquid unum intendat. Nimirum intendit aliquod unum totum, nempe massam sanguineam perfectam, non autem tantum parziale, quandoquidem in ea quatuor secundis elementis partium supra cap. 4. à nobis pertractatis respondentia habet elementa secunda analogâ sanguinis, inter quæ spiritus vitalis calido innato, flos sanguinis humido radicali, aquosa fibrosa que portio aqueæ fibrosæ que partium similis est.

§. XXIV. Itaque non prorsus eorum opinioni accedimus, qui putant, spiritum vitalem; ex sanguine in corde factio demum generari, quandoquidem hinc sequeretur duo effecta specie distincta ab eadem causa naturali æque primo eadem actione gigni, quod aliquantum improbabile est. Istud ergo sic constitutum sit: sed tunc *quartum dubium* oritur: *An non aër quoque ad generationem spiritus vitalis concurrat?* Sane ille non necessa-

rius est, quoniam in destillationibus Chymicis satis evidenter citra aëris novam accessionem huiusmodi spiritus proliciuntur. Ac etiam id commode fieri non potest, quandoquidem etsi aspera arteria secundum venarum & arteriarum in pulmonibus divaricationem distribuitur, tamen non evidentibus anastomosibus cum iisdem sociatur, quoniam alioquin si non sanguinis, tamen spirituum vitalium nimia fieret dissolutio & evacuatio. Ideo arbitror potius, quod quidem aer frigidus attractus foris ob contactum sanguinem in vasis pulmonum consistentem refrigeret, ne nimium ebulliat, at non materiam spiritibus vitalibus suppediet.

§. XXV. *Quintum dubium est: quandoquidem in corde spiritum vitalem generari diximus, in quo ventriculo gignantur?* Iudicem equidem cum in utroque fieri, veruntamen in sinistro maxime, atque ideo, ex dextro ad sinistrum propagari. Ac propterea neque duplex est spiritus vitalis, sicut neque etiam sanguis, sed qui in dextro non satis elaboratus est, in sinistro ultimam perfectionem adipiscitur. Asserti ratio ea est, quia ventriculi illi nullatenus specie discrepant. Eadem enim foris & intrinsecus illorum substantia est. Verum nova tum oritur questio, quandoquidem ventriculi illi non sunt pares robore, in quo abundantiores & calidiores itemque perfectiores spiritus generentur? Etsi Philosophi in omnibus dextro ventriculo primas tribuunt, tamen Medici sinistro in hoc opere prærogativam assignant, quod non improbabili fundamento subnixi facere videntur, quandoquidem ex dextro ad sinistrum ventriculum transmittuntur, & ab eo in universum corpus distribuuntur.

§. XXVI. *Sextum dubium est: Quis sit motus spiritus vitalis?* Quandoquidem tenuis & subtilior sanguinis arteriosi portio est, utique eodem motu ut sanguis movetur, nempe motu circulari seu reciproco, à corde per arterias ad partes, & ab his per venas ad cor. Nihilominus hoc interest, quod multum spirituum vitalium in extremitatibus perdat, & quidem multo plus, quam sanguinis, quæ una causa est, ob quam sanguis venosus recurrens non ita calidus est, quam qui per arterias ad partes amandatur: altera vero est: quia ebullitio illa sanguinis in corde accensa paulatim in extremitatibus remittit, quoniam longius abest à causa eam excitante.

§. XXVII. Accedimus jam ad explicationem spiritus animalis, cuius naturam tali descriptione exprimimus: Spiritus animalis est substantia corporea mixta, maxime ex igne constituta, calida, subtilis & mobilis, ex subtiliore portione sanguinis in corde elaborati, seu spiritu vitali coctione, colatura & modica refrigeratione in spinali medulla genitus, & ex ea per continuatam medullam in universum

versum cerebrum, & secundum nervorum ductum in universum corpus propagata pro sensu motusque animalis functione obeunda. In qua definitione accidentali, quæcunque de spiritu hoc animali dici queunt, continentur, attamen quia circa ea variz disputationes moventur, sequentes quæstiones majoris elucidationis causa subnectimus.

§. XXVIII. *Prima quæstio est: An detur spiritus animalis?* Gal. equidem l. 12. meth. med. c. 5. eundem evidenter demonstrari posse asseruit, veruntamen aliqui hoc ejus assertum in dubium vocarunt, judicantes omnia quæcunque à Medicis adducuntur documenta, probare quidem necessitatem conspirationis cerebri cum aliis partibus, nullo vero modo ostendere dari spiritum animale. Etsi vero & ego fateor, non omnia documenta ab iis adducta pariter efficacia esse, sententia tamen Medicorum valde probabilis est. Nam id saltem ipsi contradicentes negare non possunt, opus esse conspiratione cerebri cum aliis partibus, ut in iis sensus & motus obeatur. At id fieri illuminatione aut quasi illuminatione incredibile est, quandoquidem talis nec speciales ductus requirere videtur, nec humoris alicujus interventum magis silti, quam substantia medullari cerebri, quemadmodum fieri compertum est. Inò vero quia cerebrum nec luci nec quasi luci simile est, quomodo seu lumen, seu quasi lumen propaget? Ergo credibilius est id fieri per substantiam tenuem, quæ per poros & cecos meatus medullæ cerebri propagatur, quæque occursum humorum obstruentium illos ductus impeditur, quæque etiam in partibus majori quantitate dissipata debilitatem & lassitudinem in illis inducit.

§. XXIX. *Secunda quæstio est: An spiritus animalis sit distinctus à vitali? Ac tertia: An inter spiritum vitalem & animale intercedat differentia specifica?* Sunt qui spiritum vitalem aut nullo modo, aut tantum accidentaliter à spiritu animali differre arbitrantur. Sed probabilior sententia est, eos discrepare essentialiter. Nam quoniam diversis specificis actionibus propria destinata instrumenta sunt, ita ut unum alteri functioni edendæ non sit idoneum, patet, quod non solum differant, sed & specie discrepent. Antecedens vero inde constat: quod spiritu vitali per arterias libere influente obstructis nervis, ut nequeant influere spiritus animales, sensus & motus cesset: similiterque non debite affluentibus spiritibus vitalibus cum sanguine & per nervos libere spiritui animali patet accessus, nutritio in partibus non rite procedat.

§. XXX. *Tertia quæstio est: Vbi elaboretur spiritus animalis?* Nullum dubium est, quin in cerebro generetur, sed ubi in eo fiat, multum disputatur.

tur. Nobis non fit probabilis illorum opinio, qui existimant in *ventriculo cerebri* generari. Nam quoniam illi excrementorum cerebri collectioni & evacuationi destinantur, simulque in os & nares patent, non est credibile eos tam nobilis substantiæ elaborationi, & tam tenuis conservationi inservire. Et quoniam in eos ventriculos non immittitur materia ex qua generentur, neque tam valide in eisdem ob capacitatem eorum cerebrum agere potest, patet omnino, quod in iis non fiat. Neque obstat, quod vulneribus penetrantibus ad ventriculos sensus & motus plerumque in animalibus pereant, quia id inde evenire potest, quod læso eoque cerebro etiam aliae partes laedantur, ut maxime vasa per cerebrum procedentia, à quorum effluxu cerebrum opprimatur: imò ipsum cerebrum, non solum qua circumjectum corticem, verum etiam secundum propriam medullam, in qua operationes interiorum sensuum celebrantur. Iudico igitur fieri spirituum animalium inchoationem in sinibus, utpote in quos multa copia effunditur, & inde per minuta vasa, & etiam per plexum choroidem deduci in substantiam cerebri, & quidem probabiliter in spinalem medullam, quandoquidem ea principium cerebri est, & omnibus quoque nervis spirituum animaleum tribuit.

§. XXXI. *Quarta questio est: Qua virtute cerebrum animales spiritus producat? Principio quaeritur: An id faciat virtute vitali seu naturali, an animali?* Aliqui hac, aliqui illa fieri opinantur. Ego iudico eos hoc sensu bene conciliari posse, quod fiant à virtute vitali seu naturali, sed prout est in animali, qualem nominare soléo *Vitalem seu naturalem exaltatam*. Nam vitalis quidem est, quatenus ad modum mutationum aliarum vitalium procedit, nempe coctione & transmutatione: attamen & animalis, quandoquidem non solum in huius usum fit, sed eadem huic functioni necessario conjuncta est, ut debite possit fieri. Atque propterea ea quoque *efficiens spiritus animalis recte dici potest, si non transmutativa, tamen directiva & applicativa*. Si quis vero illas duas virtutes in animalibus perfectis uni eidemque principio ascribere velit, prout alio & alio instrumento utitur, me non habebit multum adversum: attamen proprie illud circa doctrinam de facultatibus & functionibus declarandum est. Deinde & id quaeritur: *an illud fiat à virtute insita cerebri, & independenti, an adventitia ac dependenti?* Iudicamus, quod id fiat virtute quidem cerebri insita, seu propria, attamen dependente à corde, quandoquidem non solum omnes partes ita operantur, sed & speciatim in cerebro ejus documenta apparent, in somno, obstructione aut compressione arteriarum carotidum, syncope, &c. Obijciunt aliqui

aliqui etiam ligatis carotidibus animali sensum & motum superesse, adeoque cerebrum à corde non aliter dependere, quam omnes partes ab invicem ob consensum. Quibus repono, non tum omnes fuisse arterias ligatas, sed tantum exteriores.

§. XXXII. *Quinta questio est: Ex qua materia fiat spiritus animalis?* Aliqui putant partim ex spiritu vitali partim ex aere seu per inspirationem per nares, ac per os, seu per transpirationem per externa tegumenta & vasa attracto. Mihi vero Erasistrati probatur opinio, qui docere videtur eum immediate ex aere non fieri, sed tantum ex subtiliore portione sanguinis seu spiritu vitali. Nam non patent aeri plene ac sufficienter viæ ad locum generationis spirituum, ac id etiam non necessum est, utpote cum satis subtiles fieri queant, cum ex sanguine modo destillationis producantur, ut patet ex aliarum rerum destillationibus. Quem vero illi modum declarant, nec satis cum anatomia, nec satis cum experientia Physica consentire videtur. Etenim ex illa discimus, vix per nares aut os in intimam cerebri substantiam patere, sed ad maximum tantum in ventriculos: & ex hac percipimus, membrancam substantiam, qualis vasorum est, non ita admittere libere aereni. Iino agr quoque qui per nares inspiratur maximam partem in pulmones propagatur, paucissima per os cribrosum ascendit, forte pro processuum mammillarium cerebri commoditate, non pro totius cerebri refrigeratione.

§. XXXIII. *Sexta questio est: Quomodo ex dicta materia elaboretur spiritus animalis?* Iudico id fieri initio refrigeratione seu temperatione sanguinis per arterias transmissi & in sinus depositi partim evaporatione, per poros & insensibiles meatus, partim sed parum ipso cerebri temperamento. Vtrumque facile liquet, quoniam cerebrum corde frigidius est, & evaporationum istarum sufficientia sunt documenta. Deinde accedere puto coctionem, quatenus ex refrigerato eo sanguine insito calore cerebri adjuuto influente cordis, quali per destillationem primo quid in cerebri substantiam tenue procedit, in eodem per poros tenues ductum & quasi colatum crassam substantiam excrementitiam, ei quæ est, deponit, & moderata coctione ulterius perfectum debitam acquirit perfectionem.

§. XXXIV. Occurrit hic gravis controversia, quomodo, cum spiritus animalis frigidior sit vitali, possit ex eodem generari intercedente coctione? Causa dubitationis est, quia coctio à calore fit, & concoctum etiam reddit calidius secundum doctrinam Philosophi l. 4. meteor. Aliqui distinguunt inter coctionem proprie & improprie dictam, docentque in illa, non in

B b b

hac

hac id verum esse. Verum enim vero, si quid participat definitionem coctionis, proprie dicta coctio est: sin minus, coctione non fit spiritus animalis, sed alia quadam mutatione, diversa ab eadem. Puto ergo difficultatem solvi commodè posse, si distinguatur inter materiam *remotam* & *proximam coctionis*. Huic quadrare judico Aristotelis assertum, non illi. Atque hoc etiam evidenter in proposito casu adverti potest. Neque enim ex fervente eo & ebulliente sanguine spirituque vitali calente multum spiritus animalis perficitur, verum ex sanguine in cerebro refrigerationem passio, per evaporationem ad mediocritatem & inferiorem gradum caloris redacto, quam est spiritus animalis. Ut huic generationi spiritus animalis ex spiritu vitali per coctionem similis sit generatio aceti ex vino itidem facta per coctionem, verum prævia partiali putredine, qua calidiorum spirituum vini quædam facta est evaporatio.

§. XXXV. *Septima questio est. Quo propagetur spiritus animalis? Qui in toto cerebro spiritus animales generari putant, illi censent, eos tantum ad partes per nervos mitti. Sed nos, cum acceperimus eosdem in spinali medulla produci, eos inde partim per nervos ad partes, in quas nervi terminantur, amandari credimus, partim etiam per continuatam medullam in cerebri, sub quo & cerebellum comprehendimus, substantiam. Per eam vero primario intelligimus medullam, cum corticem foris magis ad coercionem tantum substantiæ spirituosæ circumjectum credamus. Obiter vero hoc notamus, quoniam ex Anatomia cerebri constat, duplici quasi radice ex spinali medulla cerebrum produci, & spiritum animale accipere, una quidem quod speciatim cerebrum vocatur, altera, quod cerebellum dicitur, illud appareat, duo sensoria esse ad minimum interiorum sensuum.*

§. XXXVI. *Ostava questio est: Quomodo spiritus animalis per nervos propagetur? Mea sententia est, præcipue id fieri impulsu ex spinali medulla, quemadmodum ipsum cor, quoque talem vim propellentem obtinet, quam optime in cerebro quoque reperiri probare possemus ex proprio ejus motu, si ille certus foret: nunc autem, quia ille à multis in dubium vocatur, inde probabiliter colligimus, quod natura non deficiat in necessariis. Ergo cum cerebrum impertiri debuerit spiritus animales, vi quoque eosdem ad partes mittendi non debuit esse destitutus. Porro crediderim etiam huc conspirare copiam spirituum animalium, qui inde redundantes eam viam legunt, quæ maxime patet, præsertim si à sequentibus propellantur, sicut idem in destillatione spirituum evidenter liquet. Vtrum autem etiam*

etiam partes alliciant spiritum animale non certo constat, attamen non improbabile id esse arbitror ex illo axioma: quod perfectibile appetat & attrahat suum perficiens.

§. XXXVII. *Nona questio est: Utrum spiritus animales in partibus, ad quas mittuntur, consumantur, an vero ab iisdem ad cerebrum revertantur?* Plerique in ea sunt opinione, quod in partibus absumantur, quandoquidem nulli sunt ductus, quibus ad cerebrum reducuntur. Improbabile enim est, quod per nervos recurrant, quippe qui & parvi sunt, & talem recursum citra confusionem non admittunt, & dehinc destinati sunt advectioni, non revectioni. Imo vel redundantem vel insipientem naturam futuram fuisse urgere possunt, si id ad partem admitteret, quod revehi debebat, quodque ipsum citra motus naturalis depravationem non poterat efficere. Imo vero nulla est causa, quare revehantur, quandoquidem in cerebro nullam novam perfectionem fortiri possunt. Nihilo minus aliqui reverti spiritus animales ad cerebrum judicant, si non per eosdem nervos, tamen per circulationem sanguinis, quatenus spiritus animales in partes infusi ab iisdem una cum redundante sanguine in venas impelluntur, ut per eas primum ad cor deducantur, & ex eo in cerebrum per arterias procedant. Idque ideo necessum esse putant, quia alioquin nimis multi spiritus dissiperentur. Quibus repono, principio id non sequi, quandoquidem natura parce spiritus animales admittit, & quidem pro suis viribus: deinde ab iis hac ratione huic detrimento non adferri medelam, quoniam pro deperditis reputandi sunt, quicunque ad cor accedunt, utpote in quo de novo incallescere, & sic naturam suam perderent: deinde neque præcise ad cerebri eam partem, unde in nervos rursus propagandi sunt, mitterentur, verum secundum ductum arteriarum dispergerentur in totum corpus, nisi vim quandam specialem cordi mittendi, aut cerebro attrahendi, aut spiritui animali eo procedendi inesse citra probabilia indicia & necessitatem asserant, quod illorum hypothesibus maxime adversum est.

§. XXXVIII. *Decima questio est: Utrum spiritus animalis ad partes perductus in iis efficienter & Physice concurrat ad eliciendam actionem?* Ego omnino arbitrer. Etenim non solum sine eo actio illa non fit, sed & anima eo indiget ad eam functionem obeundam. Vbi undecima questio emergit: *quomodo anima sensitiva in partibus spiritu animali utatur ad suam functionem obeundam?* An id fiat, quatenus eo tanquam instrumeto utitur, per quod operetur: an tantum ab eodem vigoretur, ut ipsa id munus facultate sua

media obire queat? In hac quæstione, quanquam *maximè* tutissimum esse videtur, tamen prius probabilius iudico, quoniam in cerebro instrumentaliter concurrunt ad functiones ejus obeundas. At non dissimilis ratio in aliis partibus est. Imo vix videtur, animam posse robur accipere ab eodem spiritu in actione, nisi ille ad eandem actionem concurrat, quoniam ea vis in ordine ad actionem vigoratur. Verum si quis amplius quærat, quod id fiat modo, aperte fateor me nescire. Licet enim aliqui opinentur, id contingere per modum repletionis & depletionis in motu, tamen id mihi non sit probabile, quandoquidem tam exacte secundum voluntatem contingit.

§. XXXIX. *Vndecima quæstio est: Quomodo spiritus animalis dividatur in sensitivum & motivum?* Non equidem illud in controversiam venit, quod respectu functionis, quam spiritus animalis instrumentaliter elicit, id discrimen ipsi imputetur: sed illud maxime, qua ratione illi diversæ operationi destinetur. Initio ergo illorum opinio improbanda venit, qui censent, spiritum animale esse speciem duplicem, atque hinc sensitivum sensuum operibus esse dicatum, ac motivum motui animali. Nam præterquam, quod non differunt materia, etiam ab eadem efficiente causa naturali eodem modo producantur, imo vero per easdem nervorum origines & propagines majores distribuuntur, eamque diversam operationem subeunt, quatenus in diversas partes transferuntur. Vnde concludi potest, quod nec eorum opinio proba sit, qui judicant, *diversos nervos motorios & sensorios* discrimini isti spirituum animalium occasionem præbuisse. Nam revera ipsos sic non differre ratio & experientia ostendit, cum in opticis, auditoriis & gustatoriis, vagoque pari aliisque per artus distributis evidenter liqueat, saltem ex diversa terminatione in alias & alias partes istud discrimen nervorum derivari.

§. XL. Hinc ergo illud dubium relinquitur, *Vtrum in partibus ipsis specificentur an vero solum diverso adhibitionis modo varientur, an vero omnino alia partes sint sensui, alia motui dicata?* Ne quidem in partibus specificari crediderim, nisi quis arbitretur, eos ad partes devenientes in ipsarum substantiam nova transmutatione transire, quod non facile concedetur. Nam absque eo casu habent se illæ partes, ut externum quid ad spiritus animales, qui ipsi cum substantiæ sint, non possunt aliter, quam persuarum formam specificari & ultimo limitari. Sed altero utroque modo crediderim discrimen spiritibus animalibus attribui. Nam initio illud certum est partes contrahi ac moveri beneficio fibrarum, at vero respectu cutis alte-
riusque

riusque diversæ à sibris partis exacte sentire. Deinde vero etiam illud palam est, cum alia functio sit animalis motus, alia sensus, quod alia ratione respectu istius diversæ operationis etiam anima sensitiva se habeat, atque consequenter spiritum animale sibi accommodet. Id porro qua ratione eveniat ex functionum istarum declaratione circa sensoriorum & motoriorum instrumentorum declarationem expedivimus, & quæ ibi desiderantur in functionum explicatione expediemus.

§. XLI. Poteramus finire tractationem de spiritibus, nisi forent aliqui Authores, qui præter explicatos etiam spiritum genitalem quendam assererent. De hoc proinde inquiremus, *Utrum detur, quid sit, ac quod officium ipsi competat?* Qui dari eum asserunt, diversis documentis ostendere conantur, dari aliquem spiritum in testibus elaboratum, quo non semen solum fecundum sit, sed etiam universum corpus vigoretur. Hinc fieri arbitrantur, quod quibus testes semineâ materiâ turgent, sint alacres, vegetique, ac quod emissio semine fiant segnes ac debiles. Imo vero, quod eunuchis barba excidit, ac universus corporis habitus mulierascit, non aliunde fieri credunt, quam quoniam deficientibus testibus etiam hic spiritus genitalis deficiat, quo universum corpus suam temperiem convenientem conservat, ac vegetum evadit. Contra vero alii omnino spiritum genitalem negant, judicantes omnia ista procedere vel ab aurâ tantum seminali in corpus distributâ, vel à spiritu vitali ex testibus reflexo; cum munia spiritus vitalis obeat, & nullum aliud officium isti spiritui assignari queat.

§. XLII. Ego arbitror, neutiquam ab aurâ seminali illa dependere, quoniam ea in corpore cumulata illud aggravat potius, quam vegetum ac vigorosum facit. Atque ideo magis eorum sententiæ accedo, qui putant, eum spiritum esse, ac quidem vitalem, in testibus tamen aliquantum alteratum, & generationi idoneum factum: interim essentialiter à spiritu vitali non discrepantem, quandoquidem ejusdem functionibus præfectus est. Ergo eundem censeo in testibus de novo exaltatum, fortè & alicui sed paucæ auræ seminali permistum, naturali circulatione sanguinis & propria subtilitate ad superiora contendente à testibus per venas solitis viis ad partes deduci, atque in illis partim ob illam novam in testibus concoctionem, partim ob adjectam auram, partim ob additamentum spiritus vitalis à corde accedentis ista officia obire quæ alia & superiora in hominibus non castratis notantur, quam in eunuchis.

§. XLIII. Sic liquet alterum, *quid spiritus genitalis sit?* Circa quod

Bbb 3

tamen

tamen hoc adhuc inquirendum est, *an ille etiam sit compositus ex spiritu naturali & animali?* Et si aliqui ita opinantur, tamen supra ostensum est spiritum naturalem nullum dari. At animale negare non possumus, quin ad testes deferatur, verum utrum sensui & motui tantum illorum inferviat, an etiam seminis generationem ingrediatur, id que seu ut distinctus à spiritu vitali maneat, seu ut cum eo componatur judico ignotum esse. Neque rationem invenio, qua convinci possit, qui statuat spiritum genitalem solo spiritu vitali confici. Etenim ad partium conformationem in genere non est necessarius, quandoquidem citra ejus operam nutritio à spiritu vitali obitur: neque etiam ad conformationem cerebri specialiter, quandoquidem illud non aliâ ratione producitur, quam aliæ partes: neque etiam ad productionem spiritus animalis, quoniam ille etiam in cerebro à spiritu vitali videtur peragi: neque ut vigoret partes, quoniam id spiritus vitalis proprium est. Natura vero non redundat in non necessariis. Sed quod judicant, inde notari spiritum animale ad generationem concurrere, quia cerebrum in coitu debilitatur, non vehementer stringit. Nam dici potest debilitatem cerebri provenire ex copiosa vitalis spiritus amissione, utpote ob quam & universum corpus non leviter commoveatur, & maximè partes frigidiores & laxiores afficiuntur. Imo etsi datur, concurrere eum ad generationem, tamen inde non sequitur, quod sic concurret, ut cum spiritu vitali in genitalem permutetur, sed ut sensum partium genitalium acuat, & ejaculationem seminis promoveat.

S. XLIV. Ultimum erat: *quodnam sit spiritus genitalis munus seu officium?* Ad quod dico, illud aliud esse respectu *generantis*, aliud respectu *generandi* aut *geniti*. Respectu *generantis* facit, ut ille generationi aptus sit æstimandus, cum sine eo semen non sit fecundum: & dehinc, ut vegetum sit ipius corpus, de quo jam dictum est. Respectu *generandi* vinculum est animæ, & ejus primum instrumentum, quo singulas partes elaborat, omniaque munia perficit. Cum enim sit ipsissimum seminis calidum innatum, rectè quæcunque de eo, quatenus in generatione se habet, dicta sunt, aut dici queunt, applicari possunt ad spiritum genitalem.

C A P U T XVI.

De humoribus non alimentariis corpus humanum componentibus, aut ad ejus constitutionem requisitis.

§. I. **H**VMores aut substantiæ liquidæ, prout nempe nominare libet, aliæ pertinent ad compositionem humani corporis, aliæ corpus humanum nutriunt, aliæ excrementitiæ sunt, adeoque ab eodem veniunt separandæ. De excrementis in sequentibus tractabimus, de alimentariis humoribus egimus, at *substantias liquidas componentes nostri corporis* nunc explicare aggredimur. De quibus initio proponendum venit, *quid per eas intelligamus*, tum *an dentur*, porro *ubi de illis sit agendum*, denique *quotuplices sint*. Vbi post *singularum specialis expositio* venit attexenda.

§. II. Ergo quidem per *substantias liquidas compositivas nostri corporis non alimentarias*, intelligimus, mistas quasdam substantias, interim liquidas, adeoque non ad solidarum partium modum compagem corporis nostri absolventes, sic tamen necessario ad id requisitas, ut id perfecte sanum aut simpliciter secundum naturam perfectum non sit dicendum, si illæ absint. Vnde apparet, quid inter eas & solidas seu continentes partes discriminis intercedat. Nam hæc quidem sibi continuæ sunt, illæ his contingæ: hæ sunt continentes, illæ autem contentæ: Interim quia non alunt alias partes, secernuntur ab humore alimentario: & quia sine iis corpus non est perfectum, discrepant ab excrementis, quæ licet omnia evacuata forent, nihil tamen deesset, quod ad perfectionem corporis deesset. Atque adeo hujusmodi sunt illa omnia, quæ aliquem usum habent in humano corpore ad id, ut illud per se conservetur, quale quid de nullo excremento dici potest, nisi forte mediæ naturæ sit inter excrementa & componentes has liquidas substantias.

§. III. De his fere non tractant Medici aliqui, attamen ex singulorum recensione patebit, illas dari, adeoque & explicari debere, quandoquidem omnes res in disciplinis explicari debent. Ac quidem commode post alias partes exponuntur, vel cum iis, quod quidam Medici faciunt, cæterum quod iis hunc locum dedimus, factum est, quia post humorum alimentariorum & spirituum explicationem accuratius in illorum naturam inquiri potest. Et non est adeo multum in hoc positum, modo naturam earum sufficienter expendamus.

§. IV.

§. IV. Sunt illæ vel in partibus corporis, quæ truncum ejus constituunt, vel in artubus. In artubus invenitur *medulla ossium*, & *mucos articulorum*. In trunco reperitur *humor in pericardio*, *mucosa substantia in intestinis*, *fermentum in liene*, *saliva in ore*, secundum aliquos etiam *coagulum in ventriculo*, *serumque rigans in partibus genitalibus*. Ita humores tres in oculis, & aer implantatus in auribus visuntur. De quibus omnibus agemus ordine, ita tamen, ut nos certo ordini neutiquam alligemus, quoniam diversus observari potest.

§. V. A saliva ergò capiemus initium, cujus *existentia* quidem omnibus nota est, attamen *natura* non ita accurate perspecta. Ac ne *nominum ambiguitate* quis fallatur, notamus, quod non quaecunque sputum salivæ voce insigniamus, sed albam spumofamque illam substantiam, vi abstergendi sanandique præditam, quæ in ore naturaliter progigni solet, ac cibis admisceri, ut melius illorum sapor cognoscatur & iidem promptius in ventriculo concoquantur. In hoc etenim plerique conveniunt, cum de saliva naturali agunt.

§. VI. Verum cum hæc non sufficiant ad *naturam salivæ* cognoscendam, aliqua adferemus de *causis salivæ*, post de *essentia*, tum de *adjunctis ac effectibus*. Inter causas primo se offert *materia salivæ*, ubi queritur: *Ex qua materia saliva generetur?* Aliqui opinantur eandem fieri ex cibo, quem ore capimus, sed improbabili ratione. Nam ex eo fit chylus & excrementum proprium primæ concoctionis, at neutiquam saliva, sicuti patet ex experientia in anatomia vivorum, & ex vomitionibus in præternaturali constitutione aut cum vomitoria exhibentur, utpote in quibus vix unquam salivosa egeruntur. Vt taceam vix cum natura salivæ talem materiam congruere. Aliqui ergo existimant, salivam generari ex proprio alimento linguae, quod itidem improbabile est. Nam nec saliva nutrire potest, nec in lingua, sed in glandulis oris generatur, nec coctione ex sanguine produci potest. Alii itaque putarunt eam generari ex pituita. Cæterum nec hoc verè videtur asseri, quia pituita crassior est, & calore incrassatur magis. Proinde eam in opinionem venio, salivam generari ex sero, & proprio alimento glandularum in ore. Id enim cum natura ejus valde convenit. Nam aquosa est saliva, salis alicujus particeps, & dulcis, dulcedinem tribuente alimento proprio, at priora sero. Quamquam enim sanguis solus non potest esse materia salivæ, tamen nil impedit quin seto conjunctus à glandulis ei officio præfectis queat ea ratione mutari.

§. VII. Hinc apparet, quid de *forma salivæ* sentiendum sit. Nimirum

rum neutiquam eorum opinio probanda venit, qui eam simplicem aquæ statuunt: quoniam non solum sapor virtusque ejusdem aliud ostendunt, sed & materia ex qua generatur id manifeste arguit. Probabile igitur est, eam esse misti corporis, & quidem tanquam entis per se, quia ab agente naturali per se secundum ordinem à natura præscriptum generatur, & quidem per concoctionem, ut paulo post proponetur.

§. VIII. Sequitur, ut inquiramus in *causam efficientem salivæ*. Circa quam expendendum est, & *qua sit*, & *qua ratione salivam generet*? Quoad *primum*. Quemadmodum in quarumcunque partium, ac humiditatum utilium productione anima est princeps causa, ita & de salivâ opinari oportet. Atque ita etiam statuere convenit, calidum innatum esse instrumentum effectiōis generale, speciale autem prout est in glandulis, quæ in ore continentur: maxime quidem in eis, quæ ad radicem linguæ sunt collocatæ, & paristhimiæ, ac Barbaris amygdalæ, vocantur; at tamen etiam in aliis in ore repertis, utpote quæ cum prioribus ejusdem naturæ sunt. Proinde neutiquam illorum sententiæ subscribimus, qui *glandulas oris solâ salivâ receptacula esse* perhibent, quin potius etiam efficiendi vim illis attribuimus, quia salivâ propriam suam naturam habet, & alibi non perficitur, quam in illis glandulis, ergo & ab iisdem glandulis, quandoquidem efficiens non agit in distans, & in diversis aliis humiditatibus eadem est causa generans, quæ recipit & conservat genitas.

§. IX. Quoad *secundum*. Iudico *concoctione* salivam generari, actione scilicet caloris, congregatione homogeneorum & segregatione heterogeneorum, quæ ipsa partim per halitum oris egerunt, partim sputo emittuntur, aut si pauca valde sint reliqua, sæpe salivæ commista manent. Nequaquam ergo opinamur, *solam esse segregationem seri factam in glandulis & à glandulis*, quoniam naturam salivæ nullum aliud serum obtinet. Intellico naturam specialem seu propriam, quandoquidem nemo ambigit, quin sicuti salivâ sero participat, ita quoque naturæ ipsius quædam documenta obtineat.

§. X. Ultima inter causas *finis* est, qui ipse cum sit operatio, vel opus ejus, cujus est finis, nihil de eo distincte adferre possumus, quod non circa effecta explicari debeat. Progressum ergo facimus ad *adjuncta salivæ*, inter quæ præcipue considerandæ veniunt *qualitates*, quandoquidem alia aut ignota prorsus, aut prorsus nota sunt. Ita *quantitas salivæ* certâ mensurâ exprimi nequit, illud autem notum est, quod secundum naturam tanta esse debeat quanta fini suo sufficit. *Locum* est in glandulis, in quibus gene-

ratur, quarum compressione aut vi expellendi in os derivatur. Et ita de cæteris. Inter *qualitates* vero notantur tum manifestæ, nempe *tactiles*, *visibiles*, *gustabiles*, ac *odorabiles*, tum *occulta* seu *propria*.

§. XI. *Tactiles qualitates salivæ sunt prima vel secunda.* Post quas agemus & de *qualitatibus occultis* seu *propriis*, quia eas plerique ad tactiles referunt. *Qualitates prima* temperamento absolvuntur, quod salivæ *moderate calidum & humidum* videtur convenire, sic tamen ut vi siccandi aliquali non sit destitutum. Atque hoc ex effectis ejus patet. Nam maturat, abstergit, mundat, siccatur, & ad concoctionem facit, interim fluida est. In *secundis qualitatibus* maxime notabilis est *raritas & spumositas* ejus, quam crediderim ipsi tribui partim à calore rarefaciente, partim à pororum varietate in glandulis, ab hac secundo, ab illa primario. Inter *qualitates occultas* id speciatim in illa notatur, quod specificè venenis adversatur, maxime araneis & serpentibus, & quod etiam specificè serpentina & acria cutis mala compescat & sanet, maxime si jejuni hominis sit, utpote quæ sincera est magis, & à cibis aut potulentis assumptis nondum alterata.

§. XII. Quoad *visibiles salivæ qualitates*, notatur in ea *color albus*, qui unde sit queritur? Judico eum salivæ convenire, quemadmodum spumæ aquæ & nivi, nimirum quatenus rarefacto ei vel aliquid aeris admiscetur, vel quatenus obscuriora tenuia reddita albiorem colorem referunt, ut in scobe seu pulvere ungularum, cornuum, aliorumque nigrorum: forte quia illis magis externum lumen tum admiscetur. *Sapor salivæ modice dulcis* est, unde judico eam non ex solo sero constitui, sed etiam ex aliqua portione alimenti glandularum, utpote quæ itidem dulces sunt. *Odor* vero nullus salivæ secundum naturam tributus est, quia id cerebro officisset, & natura ejus aquea quoad substantiam nequaquam admittebat.

§. XIII. *Effecta salivæ sunt humiditate solvere, calore ac tenuitate penetrare, coquere, abstergere, mundare*, quorum quædam etiam in humano corpore præstat, propter quæ & maxime animalibus tributa est. *Principio enim cibis permista facit, ut melius in lingua percipiantur*, unde arida existente lingua gustus minus bene celebratur. Fit autem hoc quatenus liquiditate sua cibos fundit, & tenuitate ac fluiditate porosam carnem linguæ subit. *Deinde juvat quoque concoctionem in ventriculo*, quatenus & liquat cibum, & moderato calore facit, ut promptius à ventriculo conficiatur. *Quam ob causam esurientibus nobis, & appositis cibis, aut si de cibis cogitemus, saliva nobis movetur*; atque infantibus cibos potius masticamus, quam alio modo tenuissime comminutos exhibemus, licet id à multis non observetur.

§. XIV.

S. XIV. Hinc jam naturam saliva, quoad eam percipere licet, exhibere possumus: saliva nimirum est humiditas non nutrens, utilis humani corporis ex sero & alimento proprio in & à glandulis ori genita ad meliorem digestionem & chylificationem inserviens. Quæ omnia ex prioribus patent. Solum id quaeritur: An non saliva recte excrementis annumeretur? Non negamus, quin ubi redundat, quoad quantitatem ad excrementa pertineat, verum cum profus secundum naturam est, non videtur iisdem ex supra allatis accensenda. Id hic attexemus, quod supra omisimus, salivam etiam loquela commodare, quatenus lubricando partes eas ad motum aptiores facit. Atque hinc accidit, quod arido existente ore minus commode loquamur. Estque hic usus sane non contemnendus.

S. XV. A saliva tanquam humiditate utili oris transimus ad coagulum, quod in ventriculo quidam reperiri existimant. Iudicant enim quod quoniam ventriculus frigidæ constitutionis est, & secundum illorum sententiam ad chylificationem ineptus, in ipso aliquid inveniri debeat, cujus ope prima illa concoctio peragatur. Quod ipsum quoniam viribus cum coagulo arbitrantur convenire, utpote quod multum ad concoctionem facere docent, ab ea similitudine coagulum dicunt. Aliqui fermentum ventriculi obeandem causam. Arbitrantur id generari ex reliquiis ciborum in chylum converforum, atque mellugini liquoris ad instar tunicis ventriculi inhaerescere. De hac opinione quid statuamus, ex iis, quæ de officio ventriculi & productione chyli proposuimus, facile iudicium formari poterit. Sit enim ventriculus frigidus qua ut mistum simpliciter consideratur, tamen prout viventis corporis pars est, temperamentum id nactus est, quod functioni ipsius congruit. Maxime si consideremus spiritum vitalem à corde influentem & alias partes circumpositas compensare, quod ipsi solitarie spectato deficiebat. Et cum spiritum muneri ei præstetum esse supra probabiliter asseruimus, ut non opus sit de alio coagulo cogitare. Neque etiam illud in omnibus & semper reperitur, sed præcipue in ruminantibus, ac quidem lactationis tempore, & quidem tantum in oiaſo, adeo ut Averrh. l. 3. de part. anim. c. ult. id illius excrementum esse crediderit. Sed illud, quod nobis in ventriculi tunicis repertum monstrant, nihil sane distat ab illo confuso ex chylo & excremento proprio ventriculi, quemadmodum autopsia in anatomia vivorum monstrare potest.

S. XVI. Proinde in ventriculo coagulum aut fermentum peculiare præter id quod ex corde communicatur non agnoscimus: ac in intestinis mucosam illam

substantiam, quæ tunicis eorundem interius adhaeret, omnino probamus ac defendimus. Quippe usum per se habet ut nempe debitam humiditatem ipsorum conservet, dolorem perpetuum à bile acribusque humoribus præveniat, & ad excrementorum feliciter evacuationem faciat. Atque ob priores usus aliis quoque partibus lentorem talem concessum esse advertimus, & maxime membraneis, quanquam non omnibus similem. Neque refert, quod non possumus dicere illam substantiam animatam esse, quandoquidem sufficit illam pertinere ad compositionem corporum, & non excrementis accenseri posse, nisi ubi præternaturaliter nimium increscit.

§. XVII. De fermento etiam *lienis* non est, ut multum dicamus, quia circa generationem sanguinis & officium lienis de eo jam egimus. Solum ergo illud addimus, generari illud à lienis virtute insita concoctrice adjuvante spiritu influente cordis ex sanguine arterioso, ac inservire fermentando ac concoquendo chylo. Ideo enim ad hepatis per venam portæ transfertur. Temperamentum ejus est calidius temperamento sanguinis, quoad materiam est eodem tenuius, unde competentes virtutes potentius exferit. Id videri possit dubium: *Annon rectius inter humores alentes illud referri potuisset?* Si quis id valde urserit, non multum cum eo litigabimus: nos tamen hunc locum eidem assignavimus, quia non tam alit, quam partibus inservit ad conficiendum alimentum partium, sanguinem puta.

§. XVIII. In abdomine adhuc invenitur *serum testes ac partes genitales rigans*, maximè in conjunctione maris & foeminae in opere venereo. Id sanè licet aliquatenus ad excrementa referre, licet tamen & hic recensere, quatenus illæ partes melius sic irrigatæ muneri suo præfunt. Aliqui tale serum in ipsis testibus generari docent: aliqui vero testibus sublimius officium assignant, quemadmodum & nos supra fecimus. An ergo circa illas partes cumulat & coacervatur? An à vasibus transfunditur? An in glandulis circumjectis, maxime in prostratis congeritur? Vbi duce caremus ex Veteribus Autoribus, licebit citra magnum crimen quodcumque non prorsus absurdum est defendere. In hac autem controversia Philosophus in testibus tale serum produci existimat, à quo cum abierimus, ex cæteris aliqua arripienda est opinio, aut alia investiganda.

§. XIX. Forte non improbabiler humiditatibus his venit accensenda illa, quæ in pene virili & in clytoride mulierum reperitur, ac atropurpurea est. Nam omnino ad partium earum compositionem facit, ac magnam etiam usum ad generationem exhibet. Sine enim illa istæ partes in Vene-

in Venerco exercitio tendi & expandi non possunt. Verum de illa ibidem jam egimus, itaque hic à nobis prætermisâ fuit, solumque nunc obiter indigitata.

§. XX. Accedimus nunc ad thoracem, in quo reperimus *humorem pericardii*. An ille secundum naturam in omnibus reperiat, dubitant aliqui. Sed vero præter rationem, cum usum per se in eo præstet. Si quis quærat, quis ille usus sit? Repono, initio rigare, lenire, & humectare, tum cor tum pericardium, ac deinde facere, ne facile cor in motu suo offendatur. Hinc accidit, ut eo absente cor rigidius appareat, & multis palpitationibus ac li-pothymiis afficiatur. Interim neq; nimium esse debet, nam tunc cordi spa-tium in quo moveretur non satis liberum foret. In hominibus violenta mor-te preceptis cochlearis fere mediocris quantitate visitur, an in viventibus plus vel minus sit, non certo constat. Qui minus esse arbitrantur, judicant circa mortem ob vasorum laxitatem, & cordis commotionem plus seri ex vasis maximis circa cor in pericardium derivari. Contra qui plus reperiri censent, judicant vehementiam oppressionis cordis ex ipso pericardio illius liquoris quid dissipari. Color istius liquoris obscurus est, aliquando loturæ carniū similis, an & in vivis, sicut in mortuis, non quidem certo constat, attamen non improbabile videtur. Etenim generari creditur ex vaporibus sanguinis, in magnis vasis cordis, nisi malis eum à primordio generationis pericardio insitum esse, ne ea difficultate obruaris, qui fiat, quod humor hic perpetuo sibi æqualis maneat. Quamquam id explicatu non adeo diffi-cile est, si dicatur, naturam sibi in omnibus consonam tantum generare, tantumque dissipare, quantum utile est, ut fiat. Neque certum est, semper æque multum manere. Id tamen non improbabile quibusdam videtur aliquid etiam ex proprii alimenti pericardii reliquiis ad istius humoris conservationem & generationem contribui.

§. XXI. Accedere nunc debebamus ad explicationem trium *humorum oculorum*, sed eam jam de oculis agentes expeditimus: procedimus ergo ad *aerem implantatum auribus*. De hoc primum videndum an detur? Deinde, unde originem capiat? Porro, quam obtineat naturam? Denique, quem usum præstet? Quod primum attinet, vix de eo apud Veteres dubita-tum, adeo ut hinc Plato & post eum Galenus l. 7. de decret. Hippocr. & Gal. auditus instrumentum *aereum* esse dixerit, & l. de instrument. odorat. expresse asserat, *organum auditus aerem*, aut quid *aeri simile* esse. Ac omnino id videntur illæ cavitates interioris auris evincere. Nisi enim *aereum* quid in illis contineatur, nihil nominari poterit, quid in iis reperiat. At id

absorbum à ratione est, cavitates illas prorsus esse vacuas. Neque est, quod quis opinetur, illas externo aere impleri, nam membrana, quæ tympanum dicitur, illius accessum prohibet. Ac si quando hæc membrana fuit avulsa, id prorsus præter naturam est.

§. XXII. Quod ad secundum, probabile est, hunc aerem à primordio generationis auribus indiri, seu ex aerea portione seminis, seu sanguinis menstrui, aut principio conformationis aut postea eo delapsi. Varias enim rationes, quibus natura id præstare potuerit, concipere possumus, licet, qua ratione egerit, non prorsus perspectum habeamus. Tertium quod concernit, arbitramur omnino naturam aeris innati æream esse, & simplicem quidem aut simplici proximam, quoniam sicuti foris, ita & intus aer convenientissimus est ad expressionem soni, ejusdemque receptionem. Ideo neque proprie nativum cum arbitror, sive id dicatur fieri ex sanguine, sive ex alimentis membranarum continentium, sed judico ex exhalatione ærea sanguinis in vasis contenti eundem augmentari, si quicquam ejus perierit. Cæterum an animatus sit, aliqui videntur dubitare? Ego illud judico necessario dicendum esse, quod anima omnino eidem insit, cum in eo debeat sonos percipere, ac ideo hiare in cavitates nervum auditorium censeo, ne desit animæ sentienti suum primum organum. Quod ultimum concernit, istud videtur statuendum, inservire eum aerem expressioni soni in auribus, quemadmodum externus aer expressioni soni extra aures commodus est, atque id non est opus hic pluribus exponi, quandoquidem de auditus organo agentes id jam expeditivimus.

§. XXIII. In articularum conjunctione etiam quidam reperitur humor, eo in loco, quo ossium extremitates sibi junguntur. Albicans, tenax ac glutinosus est, ac inservit rigationi & emollitioni ossium ut facilius motum suum obire possint, quod apparet cum imprudentia Chirurgorum hic humor effluit, quandoquidem eo casu fere motu partes privantur. Dicitur quibusdam absolute humor articularum, quibusdam à similitudine articularum mucus. De hujus origine aliqua controversia movetur. Etenim dubium esse potest. Vtrum ille humor in principio conformationis ex semine generetur, an postea producatur seu ex alimento, seu ex excremento? Ego exultimo cum in principio conformationis articularum etiam produci ex materia sibi conveniente, seu seminea materiali, seu ei cognata, ut suo loco de partium conformatione agentes ostendemus. Attamen hoc non obstat, quo minus postmodum conservetur & augeatur, ac quidem non improbabile mihi videtur, id fieri ex redundantia quadam seu excrementitia seu alimen-

alimentosa circa illum locum naturæ destinatione asservata. Neque inde quis inferat, hinc sequi humorem illum excrementis esse accensendum. Nam sit excrementum respectu istorum ossium, tamen quia ad articulo- rum & consequenter totius corporis compositionem facit, merito humi- ditatibus componentibus accensetur. Evadit vero opinio prior probabilis quod in humidioribus constitutionibus & in ætate, qua humiditas domi- natur humor hic magis cumuletur, at in ætate senili, ac etiam præternatu- rali calida siccaque constitutione corporis minuatur, non alia ex causa, quam quia in illa & materia generationis commoda adest, & abest causa corrumpens: in hac autem nec illa satis commoda est, & hæc vires sumit, aut generans causa nimium debilitata est.

§. XXIV. Ultimo loco de *medulla ossium* tractandum est: ac princi- pio quidem *quotuplex sit*: deinde *quam obtrineat naturam*: tum *unde & à quo constituatur*: ac denique *quem obtrineat usum*. Ut à primo incipiamus, *medulla ossium maxime duplex est*: *alia famosa ita dicta*, quæ in ossium majoribus cavitatibus reperitur, quæ ideo efformatæ sunt, ne ea nimio pondere na- turæ essent molesta: *alia improprie ita vocata*, quæ in cavernulis seu poris ossium coercetur. Inter quam duplicem medullam id interest, quod illa crassior, magisque pinguis apparet: at quæ in poris continetur tenuior, a quosiorque est. Impraesentiarum maxime quidem de illa, attamen nec non aliqua ratione de hac agimus.

§. XXV. Quod *secundum* attinet: non est dubium, quin habeat naturam misti, omniaque elementa ad sui compositionem exigat: attamen quoniam in plerisque mistis unum aut plura elementa dominium obti- nent, quærendum cujus indolem maxime redoleat. Id vero optime ex qualitatibus deprehendere est, quæ omnes docent, pinguedini aut sevo eam esse similem, atque adeo aeream conditionem maxime redolere. Hoc ejus pinguedo ostendit, deinde quod aquæ supernatat, quod facile ardet, quod humectat, lenit, digerit, resolvit, quod denique omnium fere con- sensu humida calidaque est. Atque ista generatim de omni medulla ossium vera sunt, veruntamen magis apte illi quadrant, quæ ita proprie aut spe- cialiter vocatur.

§. XXVI. Quod *tertium* concernit: judico eam ex illo materiali principio produci, unde & reliquæ partes, nempe vel semine, vel sangui- ne. Atque hoc ultimum mihi probabilius videtur, quandoquidem probabile est eam etiam ex sanguine augeri. Nam in ætate puerili pto- cul dubio minore quantitate reperitur, quam in adultiore & juvenili. Et hoc quoque

quoque probabilitatem conciliat, quod in ætate puerili ad rubedinem & sanguineam conditionem vergit, at progressu ætatis paulatim variatur & ad albedinem aut flavedinem deducitur.

§. XXVII. *Efficientem etiam causam* aliam habere non videtur, quam eam, quam & reliquæ humiditates utiles, imo & partes. Nimirum princeps ejus causa est anima, instrumentalis deinde calidum innatum, quod calore coquens, & speciali ratione digerens alimentum in ossibus medullam inde conficit. Hinc & Philosophus l.2. de part. animal. c.6. *excrementum* dixit, scilicet non simpliciter, sed concoctum sanguine alimenti ossium. Ex quo intelligere est, quod Aristoteles eandem & confectionem fieri existimaverit, & quidem ex sanguine, qui etiam ossibus alimentum suppeditat.

XXVIII. Denique circa *ultimam questionem* Autores in diversas sententias abeunt, quibusdam Hippocrat. l. de aliment. & Gal. l.3. de natural. facultat. c. ult. & l.2. de us. part. c.16. assentientibus, medullam ossium esse ossium ultimum alimentum: quibusdam Aristoteli lib.2. de part. animal. c.6. adstipulantibus, omnia ossa sanguine ali, quod omnium partium ultimum alimentum l.2. de part. anim. c.3. & l.4. c.2. & alibi ab eodem statuitur. Ut hinc pateat, manifeste errare eos, qui Aristotelem Hippocrati ac Galeno hic conciliare student. Cum ergo alterutri parti accedendum est, magis Philosophi sententiam probo, *medullam ossium non esse ossium alimentum*, sed ea, sicut & alias partes ex sanguine ali. Nam 1. sicut ossa cum reliquis partibus ex uno materiali principio primum constituuntur, ita etiam ex uno principio communi reliquis partibus alimentum capiunt. 2. Ossa infantium tenera non solum rubicundiora sunt, sed etiam evidenter ostendunt sanguinea vasa, qualia etiam in diversis ossibus adultorum conspiciuntur. 3. Quod etiam eorum opinionem infringit, qui medullam ossium, quasi illorum cambium esse arbitrantur, inde falsitas oppositæ sententiæ elucescit, quod medulla ossium in cavitatibus ossium, non in ipsorum substantia aut poris per ipsorum substantiam dispersis reperiatur, unde obscurum est, qua vi & qua ratione per universum os distribuat, ut singulis illius partibus apponi possit. 4. Medulla etiam tam multa in quibusdam ossibus reperitur, ut manifeste liqueat, eam non esse nutritioni istarum partium destinatam. 5. Si ossa non alantur sanguine ob dissimilitudinem cum ossibus, certe multo majori jure non debent ali medulla, quæ prorsus temperamento ab ossibus diversa est. Atque id non videtur hanc rationem infringere, quod quidam ajunt, facile illam contrarietatem

contrarietatem

rietatem posse conciliari, quia medullæ temperamentum calidum quidem & humidum est, at æreum æt faciliè dissipabile. Nam non ita faciliè dissipabile est, ut experientia ostendit, & cum medulla excoquitur, ferè tota liquefit, unde ergò tunc ossium soliditas?

§. XXIIX. Urgent in contrarium, qui à nobis dissentiunt, 1. Nisi ossa nutriantur medullâ, tunc nutriri debent sanguine melancholico. At consequens est absurdum. Ergo & Antecedens. Primam propositionem stabiliunt, quia alimentum debet esse alito cognatum. At ni medulla statuat, nihil judicant fore cognatum ossibus præter melancholicum sanguinem. Alteram dehinc propositionem inde probant, quod melancholicus sanguis rubicundus aut subniger sit, ossa autem albenia. 2. Id adferunt. Nisi medulla nutriat ossa, est excrementum, quia nullo alium usum habet. At non est excrementum, quia nec amara, nec salsa, nec à naturâ expellitur, sed amicè retinetur. Ergo nutrit ossa.

§. XXX. Ut his argumentis satisfaciamus, ad 1. dicimus consequentiam in primò asserto vacillare. Nam nutriri dicimus ossa sanguine, sicut & reliquas partes. Et si verò ille non est ossibus actu similis, est tamen potentiâ illis similis, atque adeo sufficienter cognatus. De rubedine ratio in contrarium adducta nulla est. Sicuti enim ex albo chylis sanguis rubicundus producit, ita etiam ex rubicundo sanguine albæ partes produci queunt. Ad 2. argumentum, quod propriè ultimam quæstionem concernit, dicimus: maximè alios esse usus medullæ in ossibus, & præcipuè, quod debeat *ossarigare*, atque ita ea *à celeri exsiccatione & facili fractione vindicare*. Et sicuti hunc usum propriè dicta medulla habet, ita censeo quoque & alteram medullam eidem usui esse à naturâ dicatam.

§. XXXI. Colophonis loco adhuc circa medullam quærimus. 1. *Quare inter medullam propriè dictam ossa tenuia in cavitate ossium interserantur?* An id ob majus fulcimentum majorum ossium, an potius, ne medulla in se recidat, sed ut commodius disjungatur? Posterius probabilius mihi videtur. 2. *An & quare leonis ossa pauciores medullam habeant?* Habere pauciores medullam Aristoteles lib. 2. de part. animal. c. 6. autor est: Et hoc provenit, quia leones sunt calidioris & siccioris constitutionis. Nam sic etiam medulla ossium variat in aliis animalibus. Interim natura compensavit hunc medullæ defectum aut potius paucitatem per majorem ossium leonis soliditatem, quæ tanta esse dicitur, ut ad invicem collisa ignem emittant, licet id alii negent.

D d d

§. xxxi. Ut

§. XXXII. Ut in compendium redigamus, quæ de medullâ ossium diximus, serè totam ejus naturam tali descriptione adumbramus. *Medulla ossium est humida quadam substantia ad compositionem nostri corporis perti- nens, plurimo calido innato & humido radicali perfusa, calida, humida, ac pinguis, ac sanguine primum constituta & dehinc conservata, ossiumque majoribus & minori- bus cavitatibus indita, ad ipsorum rigationem & præservationem a coleri exsiccatione & corruptione.*

CAPUT XVII.

De Excrementorum natura & varietate.

§. I. QUæcunque in humano corpore strictè ita vocato reperimus, aut pertinent ad ejus perfectionem, aut ad ejus perfectionem non pertinent, Sed tantum in eo necessitate coctionis generantur, ut postea egerantur. De his nunc agendum erit, cum istorum explicationem in prioribus expediverimus.

§. II. Dicuntur illa propriè excrementa, de quibus primum in genere, & dehinc in specie quædam adducemus. In Genere considerabimus excrementi nomen, dehinc definitionem, tum causas, post adjuncta & effe- cta, ac denique divisionem. In specie autem singula divisionis membra excu- tiemus.

§. III. Quoad nomen excrementa latè quandoque sumuntur, & di- cuntur omnia quæcunque quocunque modo seu secundum seu præter naturam ex humano corpore, seu cum utilitate ac conferentiâ, seu cum noxa egerantur: atque hoc sensu usurpantur, quando symptomatis una species dicitur vitium excretorum: aliquando sumuntur strictè, prout denotant ea, quæ excernuntur cum utilitate, sive secundum naturam, sive præter naturam in eo genita sint. Hoc sensu de iis Me- dici agunt, cum explicant, quæ excerni debeant, seu tempore sanita- tis, seu tempore morborum. At hoc loco propriè excrementa nuncupa- mus ea, quæ secundum naturam ex naturali materiâ in humano cor- pore generantur, atque ad conferendum aut saltem non nocendum eidem ex eodem ejici debent.

§. IV. Unde apparet, quæ sint conditiones excrementorum propriè dicto- rum, nempe prima, ut in humano corpore secundum naturam gene- rantur, quâ excluduntur ea, quæ præter naturam in eo produci so- lent

lent, ut vermes, flatus, calculi &c. *Secunda*, ut in eodem fiant non ex *primariâ* & *propriâ* intentione, sicut generantur partes, & nutrimenta illarum, sed *secundariâ*, vel quatenus generantur indirectè & quasi per accidens, dum producuntur alimenta & partes, vel quatenus producuntur quidem à propriis partibus, sed non tam corporis ejusdem, quam alterius causâ. Hinc fuit *tertia*, quod non debeant remanere in humano corpore, sed ab eodem separari.

§. V. Hinc solvi potest *questio*, *quanam* hoc loco *excrementa* vocentur? Ac in specie, an sanguis menstruus, semen, lac rectè excrementis accenseantur? Affirmamus scilicet ex dictis. Item, an pus, sanguis ex naribus erumpens, &c. *excrementa* sint? Dicimus, ea hoc loco non attendimus, quia aut non secundum naturam in humano corpore producuntur, aut ex eodem excerni non debent. Itidem: An pili, ungues, pinguedo sint *excrementa*? Dicimus neutiquam, quia ea in humano corpore generantur, ut in eodem maneat, ac utilitatem eidem præstent. Eâdem de causâ, qui agnoscunt succos alimentarios alios à sanguine, aut humores liquotesve alios in humano corpore retinendos, nequeunt eos *excrementa* vocare. Huc saliva, mucus articulorum, humor in pericardio, fermentum in liene, medulla ossium &c. pertinent.

§. VI. Constat hinc etiam, quo modo *excrementa* describi queant: Hoc scilicet modo: *Excrementa* sunt corpora liquida mixta, ex materia secundum naturam datâ in humano corpore secundum naturam secundariâ in eodem genita, destinata à naturâ, ut ab eodem expellantur.

§. VII. Circa quam definitionem id in quæstionem vocari potest: An *excrementa* sint animata? Ad quam negativè respondemus, si de eâdem numero animâ, quâ corpus animatum est, sermo sit, quoniam anima non est extra suum corpus, seu suum subiectum. Forma etenim non extenditur ultra suam materiam: Licet verò non eâdem animâ individuali quâ partes, sint informata, tamen non obstat, quin aliqua eorum obtineant aliam animam, aut formaliter, aut virtualiter, ut liquet ex spontaneo viventium etiam ex excretis ortu, & maximè ex generatione univocâ per semen.

§. VIII. Accedimus ad *excrementorum causas*, quæ nobis ponuntur principales & instrumentales. Principalis causa est anima humana, per se vegetativa. Ubi quæstio occurrit, cum ea sit efficiens interna, quomodo possit agere extra subiectum suum? Dico id fieri propter approximationem, & quia virtus instrumenti quo utitur, effectivè propagari potest. Ac si anima sensitiva movere potest alia à suo subiecto per virtutem sui instru-

menti quare non idem possit præstare anima vegetativa?

§. IX. *Instrumentalis causa est calor insitus ac influens ejus partiæ, in qua generantur.* Non itaque ex solâ materiæ necessitate prodeunt, sed causam quoque veram efficientem, tum principalem, tum instrumentalem agnoscunt, nec sufficit solus insitus calor ipsorum excrementorum, verum requiritur & calor ipsius partis. Fieri enim non potest, ut dum ille materiam primario coquendam afficit, non etiam simul afficiat materiam excrementitiâ priori non solum conjunctâ, sed etiam confusâ, imo quam ille idem calor congregando, homogenea ut quid heterogeneum segreget.

§. X. Solvi nunc potest quæstio: *Virum excrementa generentur per nudam putrefactionem?* Etsi aliquibus ita videtur, non tamen id est verissimile, tum quia nulla putredinis in excrementis perfectis documenta sunt, tum quia nulla mista putrefactione producuntur, tum quia calor insitus ac influens non est putredinalis, tum quia fieri non posset, quin si excrementa in sui generatione putrescerent, non simul inquinarentur ea, quæ simul cum excrementis concoquuntur.

§. XI. Ergo excrementa generantur coctione, non tamen omnia eodem modo. Nam quidam habent determinatas partes, in quibus per se coquuntur, qualia sunt, quæ dicuntur excrementa generationis, nempe semen, sanguis mensstruus, & lac, in quibus anima inest aut formaliter seu actu, aut virtualiter seu potentiâ; aut in uno actu, in reliquis potentia, ut post videbimus: quædam autem coquuntur in his partibus in quibus alimenta coquuntur, ut excrementa nutritionis.

§. XII. De his dubium est, quo modo possint fieri ab insito ac influente calido, cum hoc coquat aliud quid, nempe alimentum, & tamen causa naturalis habeat tantum unum effectum. Sed limitamus, intelligi id axioma vel de effectu seu totali, vel de effectu primario; quo utroque modo nihil sequitur contra assertum. Etenim adequatus effectus est tum retinendum, tum excernendum, scilicet utrumque simul: sed effectus primarius est retinendum, secundarius autem excrementum. Ut omitram alias istius axiomatis limitationes. Et deinde ista maximè vera sunt de excrementis nutritionis, quandoquidem excrementis generationis determinatæ partes concessæ sunt.

§. XIII. Adjuncta & effecta excrementorum in genere exponi nequeunt, ob eorum magnam diversitatem in specie, hoc saltem dici potest, quod adjuncta sint in communi, qualia in aliis corporibus reperiuntur, nempe quantitas, qualitas motiva, & alia alterativa tactilis, alia sensibilis, lo-

rus &c. quemadmodum id in specie magis liquebit.

§. XIV. In *excrementorum varietate* enarranda non sunt Autores unanimis. Mihi ad hunc modum non videntur incommode digeri posse, si ad *diversos fontes* reducantur: *Primus fons* exhibet divisionem in *excrementa simplicia*, & *composita*. Illa voco, quæ non sunt composita ex excrementis diversi generis: at *hæc* indigito, quæ coaluerunt ex excrementis diversi generis. *Secundus fons* exhibet divisionem excrementorum in *perfecta*, & *imperfecta*. *Perfecta excrementa* mihi sunt, quæ non sunt ordinata ad compositionem aut coalitionem cum aliis excrementis: at *imperfecta* sunt ordinata ad aliorum excrementorum compositionem. *Tertius fons* subministrat divisionem excrementorum in *primaria*, & *secundaria*. *Primaria* sunt quæ primario alicujus finis gratia spectantur. *Secundaria* autem sunt, quæ considerantur in respectu ad aliud. *Quartus fons* exhibet divisionem excrementorum in *communia* & *particularia*: *Communia* dicuntur, quæ à pluribus partibus procedunt: at *particularia* sunt determinatæ partis excrementa. *Quintus fons* derivat divisionem excrementorum in *utilia* & *inutilia*. *Utilia excrementa* dicuntur, quæ à natura generantur finis determinati obtinendi causa, ad quem acquirendum ipsa tanquam media assumuntur. *Inutilia* autem vocitantur, quæ à natura ad ulteriorem finem non ordinantur. *Sextus fons* insinuat divisionem excrementorum in *excrementa nutritionis*, & *excrementa generationis*, quorum hæc generationis, illa nutritionis respectu producuntur: & iterum sunt vel *primæ*, vel *secundæ*, vel *tertiæ coctionis*.

§. XV. Secundum has generales divisiones, speciales digeri possunt. Atque ita *excrementa generationis* sunt vel *utilia*, vel *inutilia*. *Utilia* sunt vel *primaria*, vel *secundaria*. *Primaria* faciunt vel ad generationem vel ad generis conservationem. Ad generationem aliquid facit vel *efficienter* vel *materialiter*. Ad generationem *efficienter* facit *semen*: *materialiter* autem *sanguis menstrualis*. Ad generis conservationem conducit *lac*. *Secundaria* sunt excrementum *ferosum maris*, & *quasi semineum mulieris*. *Inutile generationis excrementum* est *sanguis puerperii*.

§. XVI. *Nutritionis excrementa* sunt ferè *inutilia*, ac speciatim dividuntur in *simplicia* & *composita*. *Simplicia* sunt vel *primæ*, vel *secundæ*, vel *tertiæ coctionis*. *Primæ coctionis excrementum* est *excrementum chylosum*, quod in ventriculo generatur, dum in eo *chylus* conficitur. *Secundæ coctionis excrementum* est *humor excrementitius sanguini commistus*, qualis *bilis* est, ac si quæ alia sint hujus generis, ut ab aliis ponuntur *melancholia*, *pituita* &c.

Ddd 3

serena.

serum. Tertia coctionis excrementum vel est aquosum seu tenue : vel terrefre seu crassum, quæ ipsa diversa sunt in diversis partibus.

§. XVII. *Excrementa composita sunt excrementa alvina, urina, & sudores.* His succedere debent excrementa particularia, qualia maxime sunt excrementa aurium, nuci partium frigidarum, & halitus pedoris, quibus subjiciemus doctrinam de lachrymis. Hac serie, & hoc ordine dehinc in sequentibus de excrementis agemus.

CAPUT XVIII.

De excrementis generationis, nempe semine, sanguine menstruo, lacte, muliebri semine, sero genitali virorum, & sanguine puerperii.

§. I. **E**Xecuti sumus doctrinam de excrementis in genere, nunc in specie de singulis agi in particulari methodi lex exigit. Quamvis verò non male de excrementis nutritionis prius tractari possit, tamen quoniam notitia excrementorum generationis ab illorum præhabita cognitione non pender, & quoniam etiam excrementa generationis majorem cognationem cum partibus continentibus & liquidis nostri corporis habent, quam excrementa nutritionis, ut inde aliqui ea excrementa esse negaverint, placuit ipsorum explicationem primo loco statuere.

§. II. Ac quidem antequam ipsorum particularem *ἐξήγησιν* subjiciam, in genere primum solvenda venit quæstio, *An excrementa generationis vocata, præcipue primævia, semen nempe & sanguis menstruus sint vera excrementa?* Affirmativa, quæ vera est, non multa probatione indiget, quoniam enim per se excerni debent, liquet quod vera excrementa debeant appellari. Sed objiciunt qui à nobis dissentiunt, 1. hinc absurdum illud sequi, hominem generari ex excrementis: 2. hinc deduci posse, non omnem gonorrhœam esse præternaturalem, scilicet non eam, quæ fit ex redundantia seminis. Ad quæ facillimè responderi potest, ea neutiquam absurda esse. Etenim hoc quidem assertum dignitati hominis adversatur, & à veritate alienum est, dicere nempe hominem generari ex excrementis nutritionis, quoniam illud dictum spontaneam hominis generationem, & deterius generis, quam ejus à quo illa excrementa prodeunt, importat: verum eundem ex excrementis gene-

generacioni ejus univocæ, simili ei, qua parentes ipsius naturaliter prodierunt, provenire, id ipsissima veritas est, quoniam non ex aliqua parte suorum parentum, nec ex aliquo retinendo ipsorum prodire debebat, sed ab eo, quod potentia hominem totum complecteretur, & citra ipsorum mutilationem, aut privationem alicujus utilis ab illis segregari poterat. Ita etiam gonorrhœa illa non symptoma morbosum, sed effectum sanitatis est, qua ob repletionem & copiam seminis in defectu ordinariæ & licitæ ejectionis in uterum, natura illud semen quasi onere pressa in somno vel alio modo ejicit.

4. III. Isto constituto, quod *semen, sanguis menstruus & lac* sint excrementa, quæritur an debeant appellari *excrementa generationis*, quandoquidem omnia excrementa redundant aut segregantur ab alimento? Nihil absurditatis subest, modò notetur, denominationem nostram excreverentis tributam finis respectu esse traditam, qua non evertitur alia denominatio, quæ materiæ consideratione eisdem assignari posset.

5. IV. Verum his missis primum de *semine* præcipua proponenda perpendamus. Circa *nomen* illud notari solet, ex Arist. l. 1. de generat. animal. c. 18. cognata nomina esse *seminis, conceptus, & genitura*, quæ sic distinguantur, ut voce *seminis* intelligatur tam activum, quàm passivum generationis principium, quo sensu ipse etiam *sanguis maternus* seminis nomine insignitur ab Arist. l. 4. de gen. anim. c. 1. *conceptus* dehinc appellatione prima utriusque commixtio: ac denique *genitura* vocabulo indigitatur solum activum instrumentale principium: sed tamen hæc recentiorum nominum distinctio non ita stricte observatur, quin sæpè unum pro altero sumatur. Id quoque tenendum est, quod apud Philosophos & Medicos seminis nomine aliquando etiam dicatur, quod etsi semen non est, tamen cum ipso aliquam convenientiam habet, quo sensu etiam infœcundum semen, semen dicitur. Sic quidam qui mulieribus semen denegant, tamen humiditatem illam semini similem, quam mulieres in testibus generant, & ex iis excernunt, semen muliebrem vocant.

6. V. Rem ipsam quod attinet, principio *definitionem*, dehinc *causas, tum adjuncta ac effecta seminis* ordine perpendamus: quam doctrinam serè omnem Philosophorum summus Aristoteles l. 1. & 2. & 4. de generat. animal. ac Medicorum princeps Gal. ll. duobus de semine & l. 14. de us. part. ac alibi, disparibus sententiis & argumentis constituunt, ex quibus præcipue locis dehinc Peripatetici & Medici, liberique Philosophi, pro

pro suo affectu in præceptorem, vel judicio secundum apparentem rationem & experientiam suas opiniones communes aut proprias deprompserunt. Atque quid ego sentiam, quanquam in hac doctrina præcipuè Philosopho assentiar, adductis semper rationibus & experimentis monstrabo.

§. VI. Ut ergo à definitione ordiar, Philosophus l. i. de gener. animal. c. 18. videtur duplicem asserre. *Prima nominalis* videtur esse ac generalis, quæ non declarat tam absolutam, quàm relativam naturam seminis, nec tam quid semen oppositum sanguini menstruo, quàm cum illo sit, & his verbis continetur: *tale sua natura semen esse requirit, ut ex eo primo oriantur ea, quæ secundum naturam constituuntur.* Altera realis magis est, non tamen perfecta, licet pro tali à multis habeatur, & his verbis infine capitis exprimitur: *semen est excrementum alimenti utilis atque ultimus.* Ex his duabus, quibusdam adjectis nos nostram hoc modo construimus: *Semen est excrementum ex alimento sanguine arterioso in testibus elaboratum, continens activum generationis principium, virtute ejus à quo procedit.*

§. VII. Hanc descriptionem in genus, & differentiam (utentes hoc nomine generaliter) licet dividere: Genus excrementum esse dicimus, at differentiam petimus, initio à *seminis materia generationis*, quam facimus *sanguinem arteriosum*; deinde à *causa efficiente instrumentali*; quæ nobis resles infuso ac influente calore imprægnant; tum à *causa efficiente principali*, quæ generans, seu id, à quo semen procedit: denique à *forma & sine seminis*; expressis per illa verba: *continens activum generationis principium.*

§. VIII. Genus supra jam satis excussimus, tùm probatione veræ sententiæ, tùm refutatione rationum adversariorum, quarum etsi aliquæ relictæ sunt, tamen earum solutio ex sequentibus patebit. Proinde ad differentię explicationem particulariorem & reliquam seminis naturam declarandam accedimus. *Materia seminis vel generationis, vel compositionis* est, secundum naturam certa & determinata utraque, at secundum Philosophorum ac Medicorum opinionem variè controversa, ut modò liquebit.

§. IX. *Materia generationis seminis* à veteribus statuitur *omnium partium colligamentum*, unde semen ab omnibus partibus præscindi asseruerunt: dehinc à recentioribus dicitur esse *alimentum partium proprium ex sanguine factum*, nempe cambium aut gluten vocatum: alii sanguinem purissimum & omnium aut principalium solum partium spiritu uberim perfusum accipiunt; alii sanguinem venosum & arteriosum sero inquinatum: alii sanguinem promiscuum.

§. X. Hinc

§. X. Hinc variae veniunt *questiones* expediendae: *Prima* est: *An seminis materia proveniat ex toto*? Ita veteribus ante Aristotelem visum fuit, & videtur hodiernum quibusdam recentioribus, tum quia voluptas in toto percipitur, tum quia totum extenuatur, tum quia temporum arteriis seminis sterilitas sequitur, tum quia oculi manifestè in coitu exhauriuntur, tum quia alio modo similitudo liberorum ad parentes explicari non posse judicatur, tum quia mutilorum ex mutilis generatio alia ratione explicari nequit, tum quia calidi innati & partium diversitas ex eodem semine derivari non potest, tum quia sicut omnes partes ex semine oriuntur, ita per consequens ex eodem nutriuntur, & vicissim sicut non nutriuntur ex sanguine communi; ita neque ex sanguine communi generantur, tum quia sicut se totum ad totum habet, ita pars ad partem, totum autem totum foetum generat, ergo & pars partem foetus: generatio verò fit mediante semine, unde conficitur, quod totum quidem totum semen, at pars totius partem totius proferat.

§. XI. Histamen non obstantibus Arist. 1. de generat. animal. cap. 18. & Gal. 1. 2. de femin. cap. 3. atque plerique recentiorum Philosophorum ac Medicorum contrariam opinionem elegerunt, nempe *semen à toto non praeiudicari*. Quam sententiam cum etiam defendamus, & advertamus adversam multis etiam doctus arridere, paulò uberius eam excutiemus, atque aded 1. ostendemus *experientia adversam sententiam adversari*, seu quod idem est, *sensibus ostendi posse non fieri seminis decissionem à toto*. 2. probabimus, *id factum non esse necessarium*. 3. *neque possibile*. 4. *neque ordinatum aut proficuum*.

§. XII. Principio si semen à toto praeiudicetur, quo sensus testimonio id probatur? Nulla ex omnibus rationibus id allegat: neque mirum, cum *auto ipsa* contrarium monstret. Nam vasa illa, per quae materia seminis adducitur, nullo modo quid à toto divullum, sed sanguinem continent, non aliter, quam alia vasa, quod apparet, si in vivorum brutorum dissectione sanguinem ex arteria venae spermaticae, atque ex alia alterius partis extrahas. Siquis dicat, confundi cum sanguine eam materiam semineam, ei repono, hoc in tam parvis vasis fieri non posse, quin notetur, cum etiam paucissimorum alienorum admixtione sanguis turbetur.

§. XIII. Dehinc, *qua de causa vel id fieri opus est, vel credere id fieri necessarium habemus*? Nam 1. Voluptas quae in toto percipitur, agitationi spirituum & sanguinis, ac consensui membranearum partium cum

Ecc

partibus

possit à quibus partibus, quomodo, quibus viis, & quando decisio illa à toto fiat: tum in eo, quod si id maxime concedatur, quaratione similitudo liberorum ad parentes qua partium internarum & externarum constructionem, ac etiam navos, stigmata ac morbos: tum quia minus explicari potest dissimilitudo liberorum ad parentes in his omnibus; tum denique, quia ægre explicari potest ordo conformationis, qua pars post partem formatur.

§. XVI. Etenim, ut ordine id monstremus, principio à quibus partibus deciditur? An ab omnibus? Non videtur, quia 1. *Quadam partes aliquando non sunt*, ut barba, cum ob juventutem aut morbum imberbis generat; & capillorum magna pars, cum calvus, sic cum claudi agiles, manci integros producent. 2. *Quadam partes dissolvi queunt, neque semper regenerantur*, ut ossa cum debitam aut paulo majorem crassitiam & duritiem nacta sunt: nam ex mortuis eruta ossa etiam si variè alterentur à calore externo, etiam majori, quam internus est, non tamen sentiuntur ullo modo minui. Dehinc si ab omnibus partibus fit decisio, an à similibus omnibus, an à dissimilibus etiam? Si à similibus tantum dicant, quæram quomodo tum per illam decisionem similitudinem in dissimilibus explicent? Si dicant etiam à dissimilibus, reponam id absurdum esse, quoniam partes etiam dissimilares nutriuntur, non quatenus tales & per se, sed respectu similarium partium, cum etiam diversas partes dissimilares habeant consimiles partes similes.

§. XVII. Deinde quo modo fit illa decisio? An aliquid trahit, an aliquid pellit ad convenientem locum materiam seminis à toto? Item An simul fit, an successivè illa præcisio, & quo ordine illa contingit? Quicquid assumant, difficultatem non tollit. Nam principio specie & natura sitique differentes partes eodem modo atque ad eundem locum pellore incredibile est, & qua virtute pellunt? Non scio à quoquam eam esse nominatam. Attractio quoque illa à qua virtute, in qua parte consistit, quomodo se ad tam diversa extendit, imò & contraria? Si simul quoque dicant, explicare necessum habent, utrum simul quoque in unum locum conveniant, à remotis simul & propinquis partibus, quomodo in itinere materiæ adventantes ex diversis locis, sæpe per easdem vias sibi non sint impedimento. Si ordinem missionis accipiant, declarare debent, à quibus partibus prius, à quibus posterius missio fiat, quæque ratione diversæ portiones illæ uniantur, qua ratione ejaculentur, & quæ alia.

§. XVIII. In priores pares se injecerunt difficultates. Etenim si oculis

nominent, nescire se eas confitentur: *si manifestas esse putent*, nominent illas. Sunt qui *spinam dorsii* accipiunt, verum facile cognoscitur, per eam viam solum declarari ad maximum posse, quo modo à cerebro quid ad testes deducatur. Imò nec hoc benè, si quis consideret, quàm exiguos nervos testes accipiant, ut spiritibus vehendis toti impendendi veniant, non talis materiæ præterea adductioni. Aliqui *venas & arterias* nuncupant, verum non felicius. Nam cum eæ secundum dispensationis suæ originem per universum corpus materiam contentam revehant, inexplicabile est, quid fiat, quod materia seminalis præcisè ad testes deducatur. Aliqui ergo *poros corporis* acceperunt, verum itidem difficultatem augent potius, non minuunt. Quis enim credat omnes poros totius corporis versus partes genitales vergere? Imò cum calore potius extrorsum, quàm introrsum patefiant, liquet materiam illam seminalem extrorsum potius; quàm introrsum ad partes genitales propagatum iri.

§. XIX. Illud quoque declarare nequeunt, *quando illa decisio à toto fiat?* Etenim extra tempus maritalis copulæ id fieri, secundum sua documenta asserere non possunt, & tamen tunc verum & prolificum semen generatur, ut patet in iis, qui ob seminis copiam gonorrhœam incurrunt. Et in ipsâ copulâ hoc fieri itidem non certum est, quoniam sæpè prolificum semen exit, sine tali corporis concussione. Imò illa totius vehemens agitatio plerumque in libidinosis & nimium veneri indulgentibus tantum notatur, & sæpè effectu debito destituitur.

§. XX. Verum largiamur ista omnia, vix explicare possunt *natorum ad parentes similitudinem*. Neque enim exponere possunt, quo modo servari possit in illa materia, quia variè commiscetur, figura partium, à quibus procedit, & maxime, quo modo generentur diversæ partes, quæ prorsus similes plures vel pauciores similes obtinent. Ac si v. g. alteruter parentum cicatricem vel nævum aliquem in faciei certo loco obtineat, cum cutis faciei similis sit, & adeo præcisio quoque cognata unde accidit, quod simili loco præcisè contingat? Certè nisi formatricem in auxilium vocent, expedire id non possunt. Sic morbi hæreditarii siquidem materiales & per se indifferentes fuerint, quod eidem parti in liberis notentur itidem ægrè secundum eam hypothesein exponi potest.

§. XXI. Sin tamen utcunque id enodare tentaverint, tamen desperabunt, si ad *disimilitudinem* venerint, qua albi æthiopes, & vice versa

sa genuerunt : imo qua producuntur quidam diversorum fructuum & animalium integrorum aut partium eorundem similitudinem & naturam aliquatenus repræsentantes, quorum nulla potuit fieri à partibus præcisio. Vt sic ruat præcipuum adversæ sententiæ fundamentum, eam nempe causam esse præcisionis seminis à toto, ut similitudo natorum ad parentes explicari posset. Et quid dicent de ordine conformationis partium? Certè materia pro partibus post formandis ubi tam diu remaneret, aut unde post, nisi adfit haberi posset? Multò ista facilius secundum contrariam sententiam expediri queunt.

§. XXXII. Videamus nunc an ordinatum ac proficuum futurum sit, si semen à toto præscinderetur? Ordinatam videri non potest, quoniam nec viæ ordinatæ ad testes ferunt, nec in serie productionis ordo elucescit. Et minus adhuc proficuum, quoniam ob impedimentum facile fieri posset, ut semen ab una vel altera parte non præscinderetur, quo casu necessum foret, non debitam fieri prolis formationem. Et hoc sæpius, nisi ferè semper fieret, quoniam fieri non posset, ut à tam diversis natura & loco partibus in tanta viarum perplexitate semper eodem tempore æque benè constituta materia adfit.

§. XXXIII. Quæstio 2. est: An semen generetur per colliquationem partium? Potest illa ex priori negari quidem sufficienter, quoniam si semen non proveniat à toto, neque ex liquidis partibus procedit, alioquin enim ex toto fieret, veruntamen specialiter hanc quæstionem posuimus quia speciales rationes sunt, quibus falsitas illius sententiæ ostendi potest. Prima est: qua utitur Philosophus l. 1. de generat. animal. c. 18. quod omne colliquamentum præter naturam sit, quippe diminutio substantiæ ejus, quod colliquatur: sed ex eo, quod præter naturam est, nihil secundum naturam univocè generatur. Neque obstat, quod quis oggerat, colliquamentum aliquod naturale esse posse, ut est illud, quod singulis diebus à calore naturali dissipatur: & tale quoque hoc dicendum esse, quia tendit ad naturalem generationem hominis. Ad hoc respondeo, 1. colliquamentum aliquod si naturale dicatur, id non posse alio sensu intelligi, quam quo putredo dicitur interitus naturalis, scilicet respectu ordinis & causæ naturalis, nam alioquin corruptio seu interitus omnis dicitur contra naturam. Arque hoc sensu non potest semen dici naturale, utpote cum naturale sit respectu tum generantis non destituentis causæ propinquæ, ratione finis item, quia & naturalis generationi inservit, & sanitati confert ejus, qui illud ejaculatur, nisi exce-

dat modum. 2. Distinguendum inter partium colliquamentum, & humidorum evaporabilem dissipationem: hæc aliquo modo, si fiat secundum ordinem naturæ dici potest ac etiam dicitur naturalis: illud nullo modo. Neque aliud exemplum allatum testatur, nam ad naturalem hominis interitum transitus fit per exsiccationem, & humidi consumptionem, non totius substantiæ colliquationem. Atque hinc *secunda ratio* derivari potest: Calor multò major, (ut febrilis etiam in febre colliquativâ) non potest colliquare solidas corporis nostri partes, ut patet experientiâ: quis ergò credat calorem multò minorem, qualis in venore est, eam liquationem præstare posse? *Tertia ratio* itidem Arist. est loco cit. quod nempe ea, quæ parva sunt, terè sint fecundiora reliquis animalibus, cum tamen his ob magnitudinem plus colliquamenti convenire deberet.

§. XXIV. *Questio 3. est: An semen generetur ex cambio vel glutine facto ex sanguine in partibus?* Ita aliqui non indocti Philosophi judicant, qui etiam sententiam suam ex Aristotele eruerere conantur, quando docet loc. cit. *utilis excrementi partem aliquam, semen esse, nullissimum autem, quod ultimum est, & ex quo jam unumquodque gignitur membrum &c.* ubi expresse ait, quod sit ultimum excrementum, & illud quidem ex quo unumquodque membrum jam gignitur, qui esse non potest sanguis adhuc in vasis existens. Idem probare quoque conantur, ex iis locis, in quibus docet aliquid à toto procedere, scilicet non colliquamentum, ut aperte satis docet Philosophus l. de gener. anim. c. 18. Ergo per ultimi alimenti communicationem, quod cambium est. Sunt ea loca sect. 4. Probl. 16. ubi ita quaerit. *Cur coire est suavisimum?* &c. Respondetque: *An suave quidem est, quia à toto corpore deciditur semen, sicut quidam ajunt?* *An quia quatuor non ex toto corpore, per talem tamen se promittit, in quam contendunt omnes meatus venarum &c.* Et sect. eisdem Probl. 22. ubi quaerit: *quare qui concubantur resoluunt ac languere magna ex parte solent?* respondetque, *utrum quod ab omnibus secretis est semen?* Hæc tamen sententia eisdem rationibus oppugnari potest, quibus ea, quæ semen à toto provenire statuit, ut non alias asserere necessum sit. Sufficiet ergò, si tantum ad rationes oppositas solutiones suppeditemus. Ad primum ergò locum respondeo, per alimentum ultimum intelligendum esse sanguinem in vasis existentem, utpote quo ali omnes partes statuit, & quidem tanquam alimento ultimo, ut patet ex l. de somn. & vigil. & l. 2. de part. anim. c. 3. Ad alia Resp. 1. a. pertum esse Phil. ibi loqui ex sententiâ aliorum. 2. Libri exoterici quæ

que non possunt præjudicare libris ejusdem accuratioribus, maxime cum adhuc dubium est, utrum toti an secundum maximam partem ejus auctoris sint. Alia videri possunt apud Doct. Septal. comment. in illa loca.

4. XXV. *Quæstio 4. est: An ergo spiritus saltem procedant à toto ad seminis generationem?* Ita aliqui conciliare student autores dissentientes, concedentes quidem semen non secundum crassamentum suum, sed tamen secundum portionem spirituosam à toto provenire. Veruntamen nec hoc auctoribus iis consentaneum est, cum talis conciliatio iis repugnet, ut ex verbis & rationibus illorum colligi potest: nec rationi vel experientiæ congruit. Etenim eadem argumenta, quæ semen à toto non prodire probant, commodè & hic adhiberi possunt, & præterea spiritus in diversis partibus specie non discrepant, neque quanquam per consequens utilitatem asserre possunt specialem.

5. XXVI. Notarunt & hoc viri quidam docti, ac propterea, ut Auctores dissentientes conciliarent, aliud quid invenerunt. Nempe ajunt *materiam seminis, ad minimum spirituosam, à partibus principalibus, derivari*, adeoque cum principes partes minus principes virtute comprehendant, adhuc verum esse, provenire semen à toto non quidem formaliter, bene tamen virtualiter. Hinc, ut nihil dicam, eam quoque explicationem neutiquam veterum menti respondere, resultat q. quæstio: *An spiritus à partibus principalibus ad seminis constitutionem constituant?* De spiritu naturali, quem distinctum à virali & in hepate generari volunt, non adeo magna difficultas occurrit, partim quia non datur, ut cap. de spiritibus est probatum, partim quia si maxime daretur, ob circularem sanguinis motum per venas ad testes derivari non posset. Rursus de spiritu virali in corde genito dubium nullum est, quin cum sanguine arterioso ad spermaticas partes deducatur. Restat ergo solum querendum de spiritu animali, quem ad testes derivari posse videntur arguere nervi ad eosdem ducti, imò adesse debere documento esse posse censetur, quoniam conformatio partium secundum præviam cognitionem per spiritum animale, ut instrumentum animæ sensitivæ peragi debet, cum in corpore conformato anima sensitiva sine eo spiritu animaliter cognoscere non possit. Imò, annon adest, quando à phantasia matris anima sensitiva factum formans tantoperè tentatur? His tamen non obstantibus, Aristoteli & Peripateticis secus videtur, ac secundum eorum principia nervorum præsentia, ob sensum tantum partium genitalium & motum esse cætera

cœtera autem ad spiritum vitalem revocantur, qui ante formationem partium virtute instrumentali omnia est, ut hinc à conditione animæ sensitivæ post conformationem partium, ad similem concludere ante conformationem non liceat. Neque enim, dicere possunt, postquam corpus elaboratum est, anima sensitiva in partibus cognoscit, nisi & partes legitimè conformatæ sint, at hoc locum non habet, ante partium constructionem: Ergo sic nec necessarius spiritus animalis est, nec adesse certo ostendi potest. Quid ergo concludamus? Nihil aliud, quàm quod utraque sententia probabilibus rationibus nitatur, & opugnari queat.

§. XXVII. *Questio 6. est: An sanguis purissimus à precipuis partibus uberrimo spiritu perfusus ad seminis generationem concurret?* Quam ex prioribus negamus, quoniam explicari non potest, quomodo ad partes genitales commode confluere possit, neque certum, imò improbabile est, alias partes alio sanguine ali, quandoquidem omnibus unus idemque pro nutrimento offertur.

§. XXVIII. *Questio 7. est: An semen generetur ex sanguine spurcato?* Eam sententiam vir quidam doctus accipit, sed ego ei nullatenus assentiri possum. Nam 1. Semen sanguine perfectius est, & in gradu ulteriori consistit, proinde non ex inquinato spurcatoque, sed perfecto & excocto generari potest. 2. Arteriæ spermaticæ, quæ seminis materiam advehunt, non continent in se sanguinem inquinatum, sed eum quem truncus arteriæ aortæ iis exhibet. 3. Spurcatus sanguis aut est ineptus ad nutriendum, aut saltem non commodus, at talem nemo probabiliter generationi seminis ascripserit. Sed obijcit 1. Seminis odor est reter & virosus. Resp. Seminis boni odor gravis est ob magnam copiam spirituum in pingui halituosâque substantiâ coercitorum, neutiquam virosus. Et sic ita, nihil hinc sequitur. Etenim multa improbum odorem acquirunt corruptione aut generatione, quæ talem materiam non habuerunt. Ut taceam, quod etsi in semine odor ille gravis deprehenditur, nullatenus tamen in sanguine monstrari queat. 2. Seminis sapor subsalsus est. Resp. Quis gustavit? an semen illud fuit prolificum, an tale gustari debuit? Et nihil hoc concludit. Nam aliquod serum sanguini semper conjungitur, cum sine eo partes subire commodè non possit. 3. Portio materiæ seminis subministratur à venâ emulgente sinistra, cujus sanguis seroso humore vitiatus est. Resp. Suppeditatur sanguis per arterias non venas spermaticas, quæ ab emulgentibus non

non oriuntur. Imo alia ratio subest, quare sinistra spermatica ab emulgente sinistra deducta est, nempe ne arteriam magnam supergredi necessum haberet, & sic sanguinis motus in eâ impediatur.

§. XXXIX. *Questio 8. est: Ex quo ergo semen generetur?* Sententia Arist. experientiae, & rectae rationi conforme est, quod generetur ex sanguine eo, qui partibus omnibus alimentum suggerere debet, qualis est, qui per arterias in universum corpus deducitur, & spiritu vitali imprægnatus est, non quasi necessum sit, eundem ex toto corpore ad testes confluere, sed sufficit, quia omnis ejusdem naturæ est, ut ex convenientibus vasis portio quædam ejus dematur. Id quod fit, quandoquidem arteriæ spermaticæ ab arteriæ aortæ descendente trunco oriundæ ex eodem sanguinem arteriosum devehunt, tum pro nutrimento partium elaborantium semen, tum pro seminis materiâ. At venæ spermaticæ, quicquid sanguinis à nutrimento partium & materia seminis remanet, revehunt, & in venas majores, nempe dextra in truncum descendantem venæ cavæ sub emulgente dextra, & sinistra in emulgentem sinistram deponunt, ut rursus ad principium suæ perfectionis deveniat.

§. XXX. Occasione ejus, quod dicebatur, fieri semen, ex sanguine arterioso, spiritu vitali imprægnato, alicui dubitatio suboriri posset, & sit ea *Questio 9. An ille quoque spiritus vitalis, qui in conjunctione maris & femina affluit, etiam ingrediatur seminis constitutionem?* Videri id posset alicui, quia semen fecundum tantam spirituum copiam habere deprehenditur. Sed tamen id opinari improbabile videtur, quia semini jam concocto adeo arctè ac firmiter uniri non potest, ut cum eo unum quid faciat. Habet tamen insignem utilitatem, tum quia partes sensibiles extendit, ac voluptate afficit, tum quia facit ad fortiolem seminis ejaculationem.

§. XXXI. *Materia compositionis seminis à quibusdam asseritur esse μίγμα seu miscela omnium partium, quæ postea secretionem & conjunctionem ουκείων καὶ ἀλλοείων ex eodem distinctè producantur, à quibusdam pars spiritusosa sive activa, à qua fit productio partium, & pars crassior, & terrestris sive passiva, ex quâ partes spermaticæ producuntur, à quibusdam calidum unatum, humidum radicale & pars fibrosa, quibus quidam adjungunt etiam partem carnosam, sive aqueam.*

§. XXXII. In hac sententiarum varietate principio iis assentientium non est, qui semen putant componi ex omnibus partibus confusis & commi-

fit. Nam si intelligant partes tùm dissimilares tùm similes, id evidenter repugnat, quia cum ad diversas dissimilares sæpè congeneres similes requirantur, & illæ præterea determinatam figuram requirant, nullo modo illæ ita confusæ retineri possunt, ut postea solâ segregatione & concretionem uniantur. Si autem solas similes accipiant, hoc quidem melius expedire possunt, sed 1. cum supponant semen à toto præscindi, iisdem argumentis convelluntur, quibus ea opinio destructa est. 2. cum arbitrentur omnes partes ex semine fieri, eodem modo refutari possunt ut illius opinionis affectuæ.

§. XXXIII. Dehinc omnino statuendum venit, quod cum semen corpus mixtum sit, idem quoque ut omnia mixta ex quatuor elementis componantur, ut sic *materia compositionis seminis sint quatuor elementa.* Verum cum idem ex elementis non immediatè confietur, nec in elementa immediatè corrumpatur, videtur rectè concludi, *elementa esse materiam tantum remota compositionis seminis*, aliamque *propinquam* esse inquirendam. Rursus autem, quia semen ex sanguine generatur, & quidem ab eâ parte, quæ cum sanguine habet consimilia principia compositionis, probabile certè evadet, semini quoque talia competere. Sunt autem ea calidum innatum, humidum radicale, elementum secundum aqueum, & elementum secundum terreum, sive ut aliàs locuti sumus, pars carnosa, & pars fibrosa.

§. XXXIV. Hoc tamen non impedit, quò minus etiam duæ stantur maximè notabiles partes componentes, *spirituosa & crassa*, seu *spiritus & crassamentum seminis.* Nam sub spiritu, non solum calidum innatum, sed etiam humidum radicale licet comprehendere, non solum quia *ante* connectuntur, verum etiam modo loquendi multorum: ac vicissim sub crassamento seminis complecti oportet partem tùm carnosam, seu elementum secundum aqueum, tùm fibrosam, seu *elementum secundum terræ analogiâ* respondens. Ita ergò hæ duæ opiniones optimè conciliari possunt, quod verò quidam illarum patroni de usu diversarum istarum partium afferunt, melius enucleabimus postea, cum de fine seminis agemus.

§. XXXV. Cæterum quoniam semen ex diversis partibus componitur, porro quæri solet, *utrum sit ens per se, an per accidens*, itemque *an sit corpus simile vel dissimile?* Ad primam partem quæstionis dicimus, *semen esse ens per se*, quia etsi ex diversis partibus constat, *en* tamen habent rationem elementorum, seu entium incompletorum, quæ ad perfectio-

ris

ris compositionem per se ordinantur. Neque obstat, quod quælibet istæ partes suam formam substantialem obtineant: quippe eæ formæ non sunt ultimæ, seu specificæ, sed subordinatæ & inchoativæ, ad materiam pertinentes, quarum plures in uno aliquo concurrere, nihil absurditatis importat.

§. XXXVI. Ad Secundam partem quæstionis itidem reponimus, *semen esse quid simile*, etsi ex diversis partibus constituatur. Nam illæ partes diversæ non consistunt extra se invicem, solum extremis terminis sibi conjunctæ, sed sibi intimè sunt sociatæ & conjunctæ, ut una similis essentia & temperies resultet. Neque obstat, quod singulæ istæ partes suam propriam essentiam atque temperiem possideant: quandoquidem magnum discrimen est inter *similaria simplicia* seu *incomposita*, & inter *similaria mista* seu *composita*. Nam *similaria* quidem *simplicia* omnimodam conformitatem essentiæ exigunt: *composita* autem non item, utpote ad quorum constitutionem sufficit, ut componentia per exiguas & insensibiles portiones sibi mutuò uniantur, & unâ superiori formâ ad compositi essentiam reducantur, quod & in semine fieri apertum est. Etenim spirituosâ ejus pars crassâ subit, eique ita intimè fociatur, ut distincta locoque divisa sentiri nullatenus possit, nisi ubi expirat, aut semen corrumpitur.

§. XXXVII. Cum ad *formam seminis* enodandam accedimus, diversæ nobis quæstiones enodandæ veniunt, ut declaremus tum *quæ sit forma seminis*, tum *qualis sit eadem*, & *quid in semine præstet*? Ac primo occurrat illa controversia: *An semen sit animatum*? Multos in hac quæstione dubios fecit Arist. qui alicubi, ut l. 2. de gener. animal. c. 1. l. 1. de generat. animal. c. 22. & alibi *actû semini animam inesse* docet, at alibi, ut l. 2. de gener. animal. c. 3. l. 2. de part. animal. c. 1. l. 2. de anim. c. 1. asserit, *semen potentia animam obtinere, non actû*. Hinc enim aliqui priorum locorum autoritate & rationibus suis suffulti *semen animatum esse* dixerunt; aliqui posteriorum locorum & rationum suarum consideratione *semen animatum esse negarunt*; aliqui autem ne sibi contradicere Arist. permitterent, utrumque certo sensu concedi posse arbitrati sunt, nempe *semen obtinere animam potentia formali remotâ, & actû primo, non potentia formali proximâ ac actû secundo*.

§. XXXVIII. Posterioribus hisce calculum adjicio, paulò tamen distinctius conabor explicare, quæ adhuc difficultatem ingerere possunt. Itaque notandum in hac quæstione primò *potentiam esse vel obje-*

divam, vel *receptivam* seu *subjectivam*, vel *effectivam*. *Potentia objectiva* est potentia quâ quid, quod non existit, existere potest, quo modo dicitur aliquod *ens in potentia*, aliquod *in actu*. Dicitur alias *potentia ad existendum* ac *Metaphysica*. Aliæ *potentia* dicuntur *Physica*, quia de iis frequenter in Physicis agitur, ac *receptiva* vocatur habilitas in materiâ ad aliquod suscipiendum, & quia in materia est ejusque conditionem attingit, *materialis* nuncupatur, ac quia secundum eam materia aliquid recipit, nominatur etiam *subjectiva*: verum *effectiva potentia* vocatur, qua quid aliquid agere potest, ac quoniam actiones originarie à formis derivantur, vocatur sæpe *potentia formalis*. Deinde *actus* quoque alius *entitativus* seu *existentialis* seu *metaphysicus* vocatur, quo quid in rerum natura existit, alius quid-ditativus seu *essentialis*, quo quid determinatæ quidditatis est, quæ quoniam à forma potissimum in Physicis petitur, *formalis* etiam appellatur, & quia radix operationum est etiam *primus* ac *radicalis*: alius est *actus secundus* & *ortus*, nempe ipsa operatio à primo actu procedens. Est quoque *actus* aliquis *perfectus*, cui nihil deest, aliquis *imperfectus*, cui adhuc aliquid deest, seu perfectionem illam habere possit, seu non.

§. XXXIX. Ergo *anima non potest dici inesse semini potentia* purè *objectiva* ac *materiali*, quoniam sic neutiquam vera generationis causa esse posset, per quam generans generaret, nec effecta illa præstare, qualia præstat: sed concedendum omnino est, *semen obtinere animam actu entitativo*, quatenus eidem inexistit, ac *formali* etiam, quia anima per essentiam suam forma est. Atque hic subsistunt communiter Philosophi & Medici, qui semen animatum esse asserunt. Verum quia semen vi animæ ei inexistentis actu quoque vitaliter operatur, partes nempe conformat, & constituit, amplius procedendum videtur, ut *actu quoque secundo semini* tribuatur. Opinor itaque *semen esse animationem actu primo & secundo, verum utroque imperfecte*, quia materiâ adhuc existente imperfecta, forma non potest perfecte materiam illam informare, nec perfecte operari, quoniam materia quoque ad operationem exigitur, unde & dici solet, *actiones sunt suppositorum*, seu substantiarum singularium completarum, nempe si physicae sint, ex materia & forma constitutarum. At quia anima semini inest imperfecte tum quoad actum primum, tum quoad actum secundum, facile apparet, ob quam causam dicat Philosophus *semen obtinere potentiam animam*, scilicet quatenus utriusque actus respectu ulterius adhuc perfici potest.

§. XL. Argumenta contrarium sentientium non ita difficilia

lia sunt, quin solvi facile possint. Ergo obijciunt 1. Anima est actus corporis organici, semen autem non est corpus organicum. E. Resp. 1. ad majorem, valere eam, cum anima ut in statu perfecto describitur, non prout quocunq; modo consideratur. 2. Limitando, secundum simplicium l. 2. de anim. c. 1. t. 6. anima est actus corporis organici, vel quatenus organum tale sit, quod postea est animæ organum, vel quatenus utitur organo jam facto. Priori respectu semen animatum est. 3. Aliâ limitatione. Organicum nempe corpus dicitur tùm illud, quod habet organa necessaria, tùm illud, quod habet etiam commoda; seu clarius, organicum corpus est vel originarium, quod primum & absolute necessarium organum animæ obtinet; vel ortum, quod etiam non necessaria obtinet, utilia tamen & commoda. Semen ergo priore ratione est organicum corpus. Habet enim calidum innatum in se, quod proximum ac originarium animæ instrumentum est.

4. XLI. Obijciunt 2. Anima est potentia in semine. Ergo non actu. Resp. Et potentia & actu, ut visum. Non enim verum est axioma suppositum universaliter, sed tantum particulariter: *Actus tollit potentiam*, quippe aliud ita sonat: *Actus supponit potentiam*. Obijciunt 3. Quicquid habet animam, vivit. Semen non vivit. Ergo. Resp. ad minorem negando, vel ipsius Gal. l. de marasm. c. 2. autoritate, ubi tria viventium genera recenset, animalia nempe, plantas & semina. Ac l. 1. de sem. c. 6. semini *συμφύτης δυνάμεις*, insitas virtutes tribuit. Vita tamen seminum imperfecta est, sicuti ipsi anima non in summâ suâ perfectione iisdem inexistit. Obijciunt 4. Nullum animatum sui destructionem appetit: Sed semen appetit. Ergo. Resp. Semen non appetit sui destructionem, sed perfectionem. Improprie enim valde destructio appellatur transitus à statu imperfectiore ad perfectiorem. Obijciunt 5. Semen non est pars animati. Ergo non animatum. Resp. Semen in suo genere est animatum totum imperfectumque, dehinc transit in totum perfectum animatum. Obijciunt 6. Si semen est animatum, vi generandi est præditum. Consequens autem absurdum, quia pater non semen generat. Ergo & antecedens. Resp. Et pater & semen generat, diverso tamen modo, ut postea videbitur. Proinde subordinata malè tanquam pugnantia divelluntur.

5. XLII. Verum posito, quod semen sit animatum, porro quaeritur: *qua anima semen sit animatum*? Principio *semen obinet animam vegetantem*: quippe generat, conformat, nutrit, augetque omnes partes,

tes, & aliquatenus ipsum nutritur ac augetur. Neque de hoc dubium esse potest. Deinde *semen habet quoque animam sentientem seu cognoscensem*. Quippe cum agens naturale non agat nisi unum, anima autem ea, quæ est in semine diversas partes conformet, non solum prout sibi relinquatur secundum ordinem naturæ, verum etiam prout turbatur secundum phantasiam matris, utique sublimius principium exigit. Non itaque in totum approbare possumus illud Gal. quod anima seminis non tantum non sapiens, sed & bruta sit, nisi velimus id explicare, quod non omnem cognitionem, sed intellectualem illi ademerit. Non male vero Arist. l. 7. Metaphys. c. 9. seminis eam animam artificis comparavit, quatenus novit, quæ facit. Denique *non judicamus, animam semini inexistentem esse rationalem*. Quippe eam creatione postea infundi existimamus partibus sufficienter formatis. Ac quoniam etiam non meminimus vel fabricæ partium, vel usus partium, & quia similem partium fabricam etiam in animalibus ratione carentibus observamus, videtur argui, animam illam esse rationis expertem.

§. XLIII. Plura de his suo loco, cum de animâ ac in specie de generatione hominis agemus, impræsentiarum autem id adhuc venit explicandum, *an animæ ista simul semini insint, an successivè eidem ingenerentur; itemque an superior inferiorem destruas, an absorbeat, an relinquant*? Ad primam partem dico: siquidem anima vegetativa & sensitiva una eademque anima quoad essentiam statuatur, utique difficultatis nihil superest: sin autem asseratur eas realiter & essentialiter differre, utique opinari oportet animam vegetativam naturâ quidem priorem esse, attamen in semine perfectò utramque simul inesse, quoniam utriusque operationes in eo exiguntur. Attamen quoniam diversitas quædam in operationibus illis apparet, ita ut vegetativæ animæ operationes in principio evidentiores sint, sensitivæ postea manifestiores evadant, inde Arist. l. 2. de generat. c. 3. notavit semina primum vivere vitam plantæ, deinde animalis, denique accedente deforis animâ rationali vitam hominis.

§. XLIV. Ad secundam partem, quandoquidem ea controversia circa quæstionem de pluralitate animarum uberius discutienda erit, breviter dico: *non videri priorem animam destrui*, quoniam gradus inferior superiori pro dispositione materiali & habitudine necessaria ad sufficiens superiorem inservit: *neque absorberi & in essentiam superioris atolli*, quoniam formæ & materiæ vices confundi non debent: *sed manere ani-*

ma

mam utramque, verum ita, ut inferior superiori subfit, & ei tanquam materialis ac perfectibilis conditio substernatur: sicuti observamus naturam id agere in omni transitu ab imperfectioribus speciebus corporum, ad perfectiores, in quo inferiores formæ cum suis materiis materialium rationem subeunt respectu formarum superioris generis.

§. XLV. Ita apparet, *quæ sit forma seminis, nempe anima, & quidem subordinata seu ad materiam tanquam conditio pertinet, anima inferioris generis, seu anima vegetativa, scilicet in iis, quæ ad ulteriorem gradum viventium sunt ordinata, quoniam in iis, quæ infra subsistunt, anima vegetativa ultimæ formæ locum tenet: ultimus autem, anima superioris generis, nempe sensitiva in animalibus. Verum quid dicendum de hominum seminibus, an in illis anima sensitiva forma ultima, an subordinata vices gerit? Distinctè respondendum. Etenim considerantur illa semina vel absolute, prout nempe semina sunt, vel comparative, quatenus sunt medium generationis. Priore respectu, posita ea hypothesi, animarum pluralitatem in homine reperiri, & animam rationalem formatam demum membris infundi, etiam in hominum seminibus anima sensitiva ultimæ formæ rationem habet, quia in iis, quatenus talia sunt, ulterior perfectionis gradus expectari non potest. Verum posteriore consideratione, quia semina humana ad perfectionem ultimam deducta animam rationalem nanciscuntur, scilicet ubi in membra transierunt, utique in iis anima sensitiva subordinata formæ vices tantum implet.*

§. XLVI. Sic quoque una pars quæstionis soluta est, *qualis forma sit anima respectu seminis, subordinata an ultima? Verum superest altera: an nempe anima sit perfecta forma seminis, an imperfecta? Censeo, quod quandoquidem omne ens, eo ipso quod ens, habere debet ea, sine quibus ens non esse posset, & sic quoque unumquodque ens in specie exigat ea, quæ necessario ad specificam naturam suam requiruntur, non diffiteri possimus, quin anima seminis ratione essentia perfecta sit, idque eo magis, quoniam neque substantiæ recipiunt magis vel minus, & formæ essentiaque rerum consistunt in indivisibili: veruntamen quoniam totum non solum formam, sed & materiam debite perfectam exigit, & quoniam etiam formalis formæ actus perfectus esse non potest, nisi in ultimo perfecta materia, inde fit, ut forma illa imperfecta appellari possint ratione formalis sui actus & modi existendi. In his enim magis & minus dari possit: ac hæc imperfectio non essentialis, sed accidentalis, seu potius extrinsecus est.*

§. XLVII.

§. XLVII. Hinc aliquatenus responderi quoque potest, ad illam quæstionem, quis qualisque sit effectus formæ seminis? Nimirum vel primus seu formalis, constituere semen in specie; vel ortus, seu secundus, seu effectivus, nimirum operatio illa, quam in semine & per semen obit. Primus unicus est, ac ipso actu secundo imperfectus, quoniam à materia ultimâ separatâ, aut nondum perfectâ perfectum eum actum nondum exserere potest: secundus in genere eundem imperfectus; quoniam perfectus secundus primum perfectum exigit, in specie autem multiplex, ut modo notabimus.

§. XLVIII. Primi effectus consideratione licet jam solvere spinosam illam quæstionem, quæ plurimis multum negotii facessit, nimirum, *Prutn semen sit animal suæ speciei*, verbi gratiâ, semen canis, canis, bovis bos, equi equus, hominis homo. Resp. Principiò universaliter: Neutiquam. Etenim ad speciei Physicæ constitutionem non requiritur sola forma, sed quoque materia, eaque in sua perfectione: nihilò minus potest dici in suâ speciei animal inchoativè, alienante scilicet eâ particula limitatum, vel ut quibusdam placet *νῆλαιζον semianimal*, quippe alterum animalis comprincipium semini deficit, utpote quod secundum Aristot. & nostram sententiam solius efficientis rationem habet. Deinde in specie, quoniam semina brutorum ad ulteriorem formam non ordinantur, sed eadem forma, quæ in statu imperfecto seminibus illis, in statu perfecto brutis speciem tribuit, comparativè loquendo ea magis possunt dici inchoativè speciei suæ animalia, quàm semen humanum, cum ejus formæ alia dehinc forma superinducatur. Imò in mutua comparatione subsistendo, quandoquidem anima sensitiva in corpore humano, non tribuit nisi esse animalis humani, ita rigidè loquendo semen hominis inchoativè proximè est animal humanum, remotè deum homo.

§. XLIX. Secundus effectus formæ in semine existentis alius est respectu ipsius seminis, alius respectu materia, cui semen adjungitur. Respectu ipsius seminis est ejusdem vivificatio, & largitio potentia, ut materia suâ conjunctum possit operationes suas exserere. Hoc sensu rectè aliqui dixerunt, animam semini inesse actu primo & potentia, non actu secundo, quemadmodum ipse quoque Arist. loquitur l. 2. de generat. animal. c. 3. qui ipse l. 2. de generat. anim. c. 1. eâdem de causâ animam in semine comparavit quasi Geometræ dormienti. Dixi hoc sensu: nam quatenus actu vivificat, & actu tribuit speciem, etiam actu secundo semini anima convenit. Respectu dehinc ipsius menstrui seu muliebri sanguinis, ut pote materia, in quam semen a-

git,

git omnino alius secundus anime illi convenit, utpote quem attrahit, coagulat, in partes format, & novo attracto nutrit, augetque, ut sic consequenter ex eo ipsum etiam semen partibus immixtum nutriatur & augetur.

§. L. Causa efficiens seminis vel principalis, vel instrumentalis, itemque vel totalis vel partialis est. Causa efficiens seminis principalis totalis est homo, atque sexus ac temperamento perfectus, adeoque mas: principalis partialis anima vegetativa & sentiens: instrumentalis totalis vel originaria & universalis, scilicet cor: vel completiva, dependens & determinata, scilicet testes: ad utramque illarum pertinet spiritus vitalis.

§. L I. Multæ hic jucundæ & arduæ quæstiones moventur, quas non ordine quodam accurato observato: sed prout facillimè declarari possunt, proponemus. Prima sit: *An testes an alia quadam corporis nostri pars semen elaboret?* Circa hanc quæstionem variæ sunt Autorum sententiæ, dum alii omnes partes semen conficere arbitrantur, alii id munus sanis partibus, alii principibus tribuunt, alii parastatis, alii vasibus spermaticis officium illud assignant, alii autem testibus tribuunt. Atque hanc sententiam probabiliorē esse colligi potest tum ex iis, quæ superius contra sententiam semen à toto vel principibus partibus venire attulimus, tum ex iis quæ supra c. 9. §. 62. & seqq. de ulu testium attulimus. Argumentum hoc unum dignum solutu videtur, quod aliqui urgent, qui semen ab omnibus aut principibus partibus elaborari volunt. Ajunt nempe: Omnium Medicorum consensu sterilitatis causam esse nobilium & maxime principum partium morbos. Id autem aliunde fieri non potest, nisi quatenus illæ partes ad seminis generationem concurrunt. Sed respondeo: Id quidem inde elici potest, quod ut semen debitè conficiatur, illarum sanitas requiratur, verum non quod sint causæ seminis generantes. Etenim effectus aliquis impeditur, non solum vitiatæ causis per se operantibus, verum etiam per accidens læsis, aut non benè habentibus ad operationem necessariis. Et sic hic fit. Læditur nempe seminis sæcundi proventus ob morbos partium principum, tum mediātē & consequenter, quatenus ob consensum ipsæ seminis productivæ causæ etiam laborant: deinde per accidens cumulatione pravorum humorum & iniquatione sanguinis, unde evenit ut ille postea in sæcundum semen mutari nequeat.

§. L II. Secunda quæstio sit: *Quâ virtute testes semen elaborent?* In genere coctio, at quia coctio à calore dependet, utique à calore, verum

G g g

non

non simplici seu elementi, sed misto seu temperamenti, eoque tum infuso, tum advenituro per spiritum vitalem influentem, utpote quo cor omnes corporis nostri partes regit. Dubium non est, quin calor temperamenti ad seminis elaborationem exigatur: attamen duo adhuc quæri solent: Principio, Vitum calor ille debeas esse testium proprius: deinde, quàm intensus esse debeat, an scilicet intensior eo, quo sanguis produciatur? Ad primam quæstionem dico: Omnino, nisi enim infuso calore testes semen producerent, utique effectivè non concurrerent ad seminis generationem, sed tantum occasionaliter, & tanquam conditio sine quâ non, scilicet tanquam locus, in quo semen produciatur. Hoc autem non solum contra hypothesein est, verum etiam contra omnes rationes, quibus probatur, testes veram seminis causam efficientem esse. Et liquet quoque id inde, quod quælibet partes infuso calore sint imprægnatæ, adeoque vitaliter calidæ, atque quidem in statu naturali quælibet eo gradu caloris imbutæ, qui sufficiat ipsorum functioni. Cum ergo testium munus sit generare semen, utique sufficientem quoque calorem obtinere debet. Hinc patet eorum hallucinatio, qui arbitrantur testes esse temperamento frigidos.

§. LIII. Ad alteram quæstionem dico: *non esse eum simpliciter tantum, quantus est calor sanguinem totaliter & plenè conficiens, neque tamen multo minorum. Primum patet: quia secundum nostram sententiam cor principium & fons caloris in omnibus partibus est, & proximè sanguinem spiritum plenè imprægnatum conficit: aliæ autem partes calorem & spiritum habent participativè ac communicativè à corde. At quis credat, testes cum habeant calorem à corde seu in primâ conformatione, seu postea in conservatione, æqualem habere, quàm cor? Imò in apertione vivorum sensus abunde monstrat in corde majorem calorem notari, quàm in testibus. Qui non credit digitum inmittat in cor & testes, cum viva animalia aperiuntur. Objiciat quisquam: testes duplicem habent calorem, cor unicum, Ergo testes habent majorem calorem, quàm cor. Ratio consequentiæ: quia qualitas qualitati ejusdem speciei in eodem subjecto addita eam intendit. Respondeo, 1. Et si testes duplicem calorem habent, cor unum, tamen hic originarius, ille uterque ab hoc deductus est, inde non major. 2. Cor non destituitur calore influente, imò spiritum influentem originariè obtinens, in naturali statu tantum ejus aliis partibus communicat, quanto commodè egere potest. 3. Absolutè loquendo calor calori sociatus in eodem subjecto proximo augetur, verum inde non sequitur, quod ille au-*
ctus

Etus calor sit necessariò major alio aliquo intenso calore, quemadmodum impræsentiarum status controversiæ est. *Posterior* etiam liquet ex effectu. Etenim semen valdè calidum & spirituosum est: at quicquid in effectu est, prius fuit in causâ. Accedit, quod idem calor etiam manifestetur ex effectu seminis. Quippe sanguinem maternum attrahit, in partes conformat, easdem auget, & conservat, imò novum caloris fontem constituit. Hoc tamen quando dicitur, oportet intelligere de calore composito testium, ex ingenito & influente. Nam si de illo tantum sermo sit, dubitatio vix ulla est, quin cordis calor multum testium calori prævaleat.

§. LIV. *Tertia questio sit: An & quomodo cor ad elaborationem seminis concurrat?* Concurrere satis evidens est, tum quia ut primum membrum omnibus partibus consentit, tum quia manifestum est, arterias à corde ad testes quoque derivari. Inde laborante corde sicut partes aliæ, ita & testes nequeunt functionem suam commodè exsequi. Verum quoad alterum, questio occurrit: *An cor tanquam causa remota vel proxima concurrat?* Aliqui hoc, alii alterum asserunt. Ego sic judico questionem esse respondendum. 1. *Cor concurrat cum testibus in generatione seminis tanquam causa universalis.* Patet, quippe eadem ratione, quâ cum testibus ad generationem seminis concurrat, eadem quoque concurrat cum aliis partibus in suis functionibus, ut cum ventriculo in chylicando, cum cerebro in spiritu animali conficiendo &c. 2. *Sicut causa universalis certo respectu remota & propinqua dici solet, ita & cor sic appellari potest.* Ratio evidens est: quoniam sub formalitate causæ universalis continetur. Ergo quandoquidem universalis causa dicatur propinqua quatenus realiter alteri causæ coagens immediatè effectum attingit, ita & cor sic propinqua causa appellari debet. Rursum quoniam ratione ordinis agendi causa universalis prior est, inde sequitur causa particularis, tum effectus: itemque quoniam universalis causa sæpè aliquod largitur causæ particulari quo mediante effectum attingit, & inde causa remota dicitur, sic pari jure id cordi tribui debet. Illud enim attingit generationem seminis testibus cooperans, & quidem non corporali præsentia. Sed virtutis per spiritum vitalem. Unum illud dubium ingerere potest, quod quis possit dicere, cor esse causam particularem, non universalem, cum in divisione illa causarum sidera universalibus causis annumerentur, sublunaria particularibus. Dico: *Et si cor non est universaliter & in genere agentium naturalium cau-*

sa universalis, tamen particulariter, & in genere agentium animalium partium nomen & definitionem illam obtinere potest. Neque huic asserto potest contradici ex communi illa divisione, quæ primo sensu explicanda venit.

§. L V. *Quarta questio sit: An cerebrum quoque ad generationem seminis concurrat?* Aliqui sunt ejus sententiæ, ac ad eam probandam varia documenta afferri possunt. 1. Quod cerebri substantia exhauriatur ex nimia venere. Sic enim ex Alberto M. refertur de histrione quodam, qui cum ex nimia venere mortuus reperiretur, inventus fuit ferè sine cerebro. Atque confirmat quoque tabes dorsalis, ex veneris nimio usu contracta. 2. Quod cerebro debilitato veneris appetentia, & seminis sæcundi generatio minuat. Sic enim ipso Hippocrate teste Scythæ sterilitatem sibi accersebant. Ac refert etiam Alb. Magn. quendam post inflictum capiti vulnus ad venerem ineptum esse redditum. 3. Quod structura vasorum huc optimè videatur conspirare. Ita enim non solum per spinalem medullam ad renes & inde ad testes commoda est via: verum etiam teste Vesalio, Bauhino & aliis nervus quidam à sexta conjugatione ad externam partem aurium primò, & deinde ad testes ipsos deducitur. Et lumbarès illæ venæ & arteriæ, quæ se per foramina vertebrarum lumbarium ad spinalem medullam propagant, & secundum ejus ductum sursum contendunt, cui usui alii videntur destinati, nisi ut seminis materiam à cerebro deorsum propagent?

§. LVI. Hæ tamen rationes tantæ non sunt, ut à communi recedamus sententiâ, atque Aristotelis ac Galeni autoritate. Hoc quam variis argumentis verum esse ostendi possit, utpotè à cerebri constitutione frigida, seminis generationi inepta, nimia à loco excretionis seminis distantia, viarum semen à cerebro ad testes derivantium ineptitudine &c. tamen quia ea ex iis, quæ circa cerebri structuram & officium suo loco à nobis adducta sunt, satis constare possunt, rationes solum contrarias solvemus. Ergo ad 1. dicimus, verum esse ex nimio veneris usu debilitari multum cerebrum, verum non quia hoc semini materiam administrat, sed quia ob veneris nimium & assiduum usum plurimi spiritus dissipantur, quorum evacuationem cerebrum pars frigida & in remotiore loco posita minimè omnium ferè ferre potest, & quia humores ac præcipuè vapores quoque comitari variis modis assolent, qui ad cerebrum delati graves affectus causantur. Hinc epilepsiam, paralyfin, apoplexiam &c. veneris usus inordinatus & exorbitans

tans inducere consuevit. Id autem nulla ratione credendum videtur, ex eodem substantiam ipsam cerebri exhausti. Quin contra in allato exemplo paucitatem cerebri in causa fuisse arbitror, quod ille ex immoderatiore venere mortuus fuerit. Compertissimum enim est salacissimorum hominum, etiam eorum, qui morbos graves ex abusu sibi contraxerunt, anatomico more aperta cadavera cerebrum copiosum ostendisse. Ad 2. reponimus cerebrum debile debilis item cordis ut plurimum indicium præbere, quia secundum naturam partes sunt ad invicem proportionatæ. At si debilitas illa non nativa sed adventitia fuerit, cor & aliæ partes in consensum trahuntur, ac sanguis etiam inquinamentum aliquod accipit, ex congestis præter naturam excrementis, & obstructionibus. Ad 3. respondemus structuram vasorum horum nihil ostendere. Etenim nervorum propagatio spiritui animali pro sensu & motu ad partes devehendo commoda est, & nunquam quoque in nervis seminalis materia inventa legitur, imò per eos devehì non potest ob ductuum angustias. Verum arteriæ nutritioni & spiritus vitalis deductioni ad spinalem medullam inerviunt, venæ autem redundantem sanguinem reducunt. Atque id ipsum ocularis inspectio in vivorum anatomia confirmat, quæ non solum sanguinem in vasis illis contineri monstrat, sed etiam ostendit verum ejusdem in iisdem motum esse per arterias lumbares ad spinalem medullam ex trunco arteriæ aortæ juxta lumbos, & per venas lumbares ejusdem regressum à spinali medullâ ad truncum venæ cavæ lumbis affidentem.

§. LVII. *Quinta questio sit: An hepax etiam ad seminis generationem concurrat?* Hujus sententiæ sunt multi Medici, qui ab hepate ad testes non solum sanguinem venosum, sed etiam spiritum naturalem amandari censent, & insuper judicant, per hunc spiritum actionem genitalem celebrari, quandoquidem generatio est species actionis naturalis. Verum diu huic opinioni immorandum non est. Nam de hepate agentes c. 9. §. 7. ostendimus officium ejus esse primum rudimentum sanguini ex chylo dare: ac dehinc c. 13. §. 53. atque c. 9. §. 60. monstravimus per venas spermaticas ad testes nihil vehi: ac denique c. 15. §. 15. & seqq. probavimus, nullum spiritum naturalem dari. His enim constitutis, patet argumenta contraria ex falsis hypothesebus procedere. Ideoque negans quæstionis pro vera habenda est, nempe *hepax ad seminis generationem non concurrere*. Intellige activè, seu ut causa efficiens. Nam passivè, & objectivè, remote scilicet maxime concurrat, quatenus nempe sanguini

primum rudimentum præbet, ille deinde in corde conficitur, & semini materiam suppeditat. Neque de hoc ulla est controversia mota.

§. LVIII. *Sexta Quæstio* sit: *An anima sit causa principalis seminis?* Qui negant, eo argumento ducuntur, quod seminis generatio fiat coctione, hæc autem peragatur à calore, qui est causa naturalis. Attamen quoniam proprium viventis opus est generare, & quia etiam si nutritio & augmentatio quoque à calore procedant instrumentaliter, animæ tamen ascribuntur principaliter, ipsa quoque seminis generatio adjudicanda venit animæ, quæ calore tanquam instrumento utatur. Et si enim calor coctione semen producit, id tamen facit, quatenus animæ ut instrumentum intersit, quæ sine hac coctione finem suum aliter assequi non poterat.

§. LIX. *Septima Quæstio* sit: *Qua anima sit causa seminis princeps?* Hæc controversia non habet locum apud eos qui unam simplicem animam in unoquoque vivente, etiam animali ac homine statuunt, ut potè cum illa ipsa animalium necessario nominanda sit: neque apud eos adeò ardua est, qui animam vegetantem & sentientem unam eandem animam esse defendunt, judicantque solum apparentiâ operationum hæc diversa nomina esse sortitam: sed maximè apud eos explicatu difficilis est, qui statuunt tres animas in homine reperiri. Hac hypothefi impræsentiarum supposità dico. 1. *Anima vegetativa concurrat ad seminis generationem.* Patet evidenter, quia in plantis anima vegetativa semen producit, & in animalibus generalem vim non amittit. Imò quia anima vegetans semini inest, ut supra §. 41. probatum est, & in id propagari non potuit, nisi à simili, necessario anima vegetans ad generationem seminis tanquam causa efficiens concurrat. 2. *Anima sensitiva idem à seminis productione excludi non debet.* Confirmari id potest eodem modo, quia & ipsa semini inest, ut §. 41. notatum. Verum & sic specialiter: Anima sensitiva est generabilis & corruptibilis. Ergo generare quoque potest. At non generat nisi per semen: atque adeo ad ipsius quoque productionem concurrere potest. Postea idem inde elicitur: quia anima sensitiva format singulas partes, ut l. c. ostensum & infra circa doctrinam de partium formatione clarius apparebit. Ergo & id, quo tanquam instrumento in prima formatione partium utitur. Par enim videtur ratio. 3. *Anima rationalis non astringit productionem seminis tanquam causa proxima physica, attamen mediâ quatenus animam sensitivam mo-*

vet regitque, non potest ab eo opere excludi. Prior pars patet inde, quia anima rationalis est forma immaterialis, adeoque materialiter non operatur. At causa physica proxima materialiter operatur. Posterior pars inde constat, quia potentia animæ rationalis consistit in limitatione & gubernatione animæ sensitivæ in omnibus suis operationibus, ut probaturi sumus, cum de ea egerimus. Inde verò conficitur, quod cum anima sensitiva huic operi præfecta sit, rationalis nequeat esse otiosa.

§. LX. *Octava questio sit: qua sit perfecta hominis ætas, & unde eveniat, quod non nisi perfectâ ætate homo semen generare possit?* Experientia satis monstrat, non omni ætate hominem ad generationem prolifici seminis esse aptum, cum neque omni ætate venerem appetat aut exercere possit, aut si maximè exerceat, liberos tamen nullos procreat. Ideo illam quæstionem dimisimus, sed ut obscuritatem circa eam occurrentem omnem enodemus, quandoquidem id non constat ita apertè, quærimus initio, *qua sit ætas perfecta?* Dicitur ergo *ætas perfecta* duplici ratione: unâ *absolutè & omnimodè*, estque ætas, quæ assecuta est terminum ultimum augmenti, & nondum præcipitat: quo sensu ætas dividitur in crescentem, consistentem seu perfectam, & decrescientem seu declinantem: non quidem quod consistentis omni modo simpliciter consistat, nam talis non datur, quia vita nostra consistit in continuo ferè fluxu, sed quoad sensum & notabilem diversitatem, unde ipsa consistentis ætas suam habet latitudinem: alia ratione *respective & secundum quid* ætas perfecta vocatur, quæ minus est imperfecta, adeoque perfectior alia. Atque sic illa ætas perfecta vocatur, quæ firmiorem partium constitutionem habet, ita ut eæ non solum sibi alimentum sufficiens conficere possint, verum etiam aliquid superflui congerere, quo se in specie conservare queant. Sic ætas perfecta non solum completitur ætatem consistentem, verum etiam ætatis crescentis & decrescantis partem eam, quæ illi vicina est.

§. LXI. Verum novum hinc dubium ingeritur, *qua causa sit, quod solum in perfectâ ætate semen generari possit?* Ea inventio facilis est, quia nempe generatio perfectior actio est, quàm nutritio, adeoque corporis major firmitudo ad generationem, quàm nutritionem exigitur. At *in quo consistit illa corporis firmitudo?* Maximè in debito & satis firmo temperamento cordis & aliarum partium ad generationem seminis immediatè aut mediatè, directè vel indirectè conspirantium; seu clarius in abundanti vi-
tali

rali calore & spiritu, qui universale & primum functionum vitæ instrumentum est: attamen concurrere quoque convenit habitudinem bonam qualitatum aliarum manifestarum & occultarum, simulque organicæ vocatæ dispositionis. Inquit quis, quoniam nihil est causa sui ipsius, *quâ fieri potest, ut ab imperfectione transeat ad perfectionem?* Repono: in præsentī casu anima causa efficiens perfectionis istius est, quæ instrumento satis perfectō instructa est, atque ob materiæ habitudinem perfectius acquirere potest, ut sic queat corpus ad debitam perfectionem transferre.

§. LXI. *Nona questio sit: An & ob quam causam mulieres semen non generent?* cuius utraque pars multis rationibus & experiētiis in utramque partem agitari solet. Imò ipse quoque in eadem nunc uni nunc alteri opinioni adhæsi. Veruntamen quoad fieri potuit aliquanto accuratius eandem disput. 17. Colleg. Med. contrōv. examinavi, quam quoniam diversi à me expetierunt, hic integram exhibeo, maxime cum secundum eam quoque corrigi expeto, quæ supra c. 9. de partibus genital. mulierum adduxi. Ita ergo se habet.

Disputationum Medicarum XVII.

QUÆSTIO UNICA.

An mulieres verum semen ad generationem conferant?

„ §. I. Q Uandoquidem de semine masculo, & de sanguine materno in prioribus quædam attulimus, at vero in mulieribus aliud quid reperitur: quod semen communiter Medici appetant, operæ pretium videtur, ut in ejus naturam & usum accuratius inquiramus. Quamquam enim eandem contrōversiam disput. 15. q. 6. attigimus, tamen dum breves esse studuimus, mentem nostram non plenè exprimere potuimus. Lectores ac Auditores rogamus, ut mentem verecundam ac puram afferant, ne qui ex hac veritatis inquisitione, Medicis necessaria, Philosophis usitata, per se honesta & verecunda, scandalum sumant, ac impuritatem inverecundiamque suam palam testentur.

„ §. II. Ne etiam temerè in hac materia versari judicemur, quæstione generali, universam contrōversiam, eadem ratione, quam com-

communiter proponi solet, inclusimus, ac nunc dubia quædam præscindemus, quæ veritati nebulas offundere possunt. Proinde principio duplex *aquivocatio seminis* notanda venit. Prima, quâ semen accipitur quandoque ita *generaliter*, ut denotet quodcunque generationis principium, seu à mare, seu à fœmina tribuatur: seu id semen sit in specie ita appellatum, seu sanguis maternus: rursus quandoque *specialiter*, prout sanguini materno opponitur. Secunda, quâ *semen sumitur proprie*, pro vero generationis principio sanguini materno contradistincto, aut *improprie*, pro eo quod ei quadantenus est simile.

§. III. Prima distinctio ex Arist. l. i. de gen. animal. c. 18. ducitur, ubi distinguens inter *σπέρμα, κύημα, & γονήν*, docet vocari *σπέρμα* seu *semen* τὸ ἐξ ἀμφοτέρων τῶν ὀρχῶν ἔχον τῶν συνδυαθέντων, quod ex ambobus, mare scilicet & fœmina, ad generationem coeuntibus originem capit: deinde *κύημα* seu *conceprum* nuncupat τὸ γινόμενον ἐκ θήλεος ἢ ἄρρενος πῶτον μίγμα, primam miscelam ejus, quod ex mare & fœmina generatur: denique *γονήν* seu *genituram* vocat τὸ ἀπὸ τῆς γενέσεως αἰτίον, ὅσα συνδυάζονται πύκνως, τὸ πῶτον ἔχον ὀρχήν γενέσεως, causam quæ à generate, in iis, quæ natura secundum sexus diversitatem ad generationem conjungi fecit, proveniens, prima habet principium generationis: postea tamen nomē *σπέρματος* in significatu strictiori *γενέσεως* usurpans, negat fœminis convenire.

§. IV. Atque hoc probè observandum est, ne, quando aliquando Philosophus nomine seminis generaliter utitur, ut 4. l. de gener. anim. c. 1. & loco cit. ac alibi, semen etiam fœminis concedat, eum vel inconstantia cum *σπέρματι*, *commun. in art. med. Gal.* arguamus, vel Galenò consentiente arbitremur, ut opinatur Doctissimus Capivacc. lib. de factis format. c. 3. Etenim vel ex eo sensum Aristotel. colligere possunt, quod l. i. de gener. animal. c. 19. inquit: οὐ μὲν ἂν ἐστὶ τὰ κατὰ μένηνια, ἢ ὅτι ἀλόγον ὡς τοῖς ἄρρεσιν ἡ γονή, ἔγωγε τοῖς θήλεσι τὰ κατὰ μήνηνια φανερόν. Ex eo enim liquido apparet, quod Naturæ Genius, quod nomen ei meritò plurimi tribuunt, hoc solum velit, menstruum sanguinem in fœminis loco seminis esse. Hoc attestantur antecedentia & consequentia proximè cit. loci, & etiam l. 4. de gen. anim. c. 1. Unde verissimè Cl. Biggersdicius disp. Phys. 24. th. 5. ait. Semen à maribus solummodo suppeditari ad generationem, & non etiam à fœminis, docet Arist. ita aperte, ut mirandum sit, repetitos esse, qui id audeant negare, &c.

H h h

§. V. Al-

§. VIII. Si ergo & nos negativæ accedamus, non destituemur „
ab authoritate summorum virorum, quos an postponere liceat Au- „
thoribus pro contraria sententia adductis, dubitamus. Et magis in „
ea opinione confirmamur à Santorello, qui quanquam adversam sen- „
tentiam tueretur, tamen de hac. l. 14. de sanit. nat. c. 3. ita fatetur. *Hæc „
sententia & ob autorem ipsius, & ob gravissimos sectatores, quos habet, difficilli- „
me potest impugnari, expugnari certe non potest.* &c.

§. IX. Cæterum quia veritatis scrutatori autoritati inniti satis „
non est, verum experientiæ & rationi, utpote quæ duo sunt om- „
nis inventionis instrumenta, ut Gal. notat. l. 3. meth. med. c. 2. præ- „
cipuè, adhærendum, his quoque firmis *κρίσεως* utemur in adver- „
sæ sententiæ destructione & nostræ confirmatione. Id autem etfi „
abundè ab illis Autoribus factum est, licebit tamen nobis nostro mo- „
dulo imitari, quos assequi non licet. Et ut ordinate procedamus, „
principiò probabimus, *mulieres ad generationem præter sanginam mater- „
num, locum ac κύμα & fomentationem nihil opus habere tribuere, deinde nihil „
conferre, tum nihil debere conferre, & denique nihil conferre posse:* quibus „
expositis, si quæ veritati nebulæ obsistere videbuntur, eas quoque „
dispellere conabimur.

§. X. Primum itaque nostrum opus esse convenit, probare, non „
esse opus, ut mulier aliud generationis principium contribuat, quam sanguinem „
maternum; utpote quo constituto sequitur, quod neque quid præ- „
terea habeat, quod conferre possit, quandoquidem, ut dicit Phi- „
losoph. l. 1. de cœl. c. 4. & omnes sanæ mentis concedunt, *ὁ θεὸς καὶ „
ἡ φύσις ἰδὲν μᾶλλον πείθουσιν, Deus & natura nihil faciunt frustra.* Et illud ex- „
inde patet, quia sanguis maternus est sufficiens materia, pro omnium „
partium conformatione & auctione, & semen vni satis valida efficiens, ut „
eam materiam debite subigat. Quandoquidem enim omnium recta ra- „
tione valentium decreto, ad effectum naturalem præstandum præ- „
ter aptam & sufficientem materiam, & efficientem operi parem, ni- „
hil amplius exigitur, si hæc in generatione sine muliebri aliquo semi- „
ne dari ostendi queat, illud abundare manifestum est.

§. XI. Sed hic labor, hoc opus est, potius videretur tantum. I- „
nitio Gal. ipse l. 1. de tuendâ sanit. c. 2. ita ait: *αἷμα καὶ σπέρμα τῆς „
γένεως ἡμῶν εἰσὶν ἀρχαί, τὸ μὲν οἷον ὅλην περὶ εὐρεθμός τε καὶ ἀπειθὴς εἰς „
ἀπαντὰ δὲ δημιουργῶ, τὸ σπέρμα δὲ τὸν ἔδουλον ἔχοντα ἔχει.* Quod est: „
Sanguis & semen sunt nobis generationis principia: ille quidem cum materia ba- „

„ bilis ac concinna, opifici in omne sequax, hoc vero opificis rationem habet. Ex quo loco ad minimum id patet, sanguinem maternum aptam & sufficientem materiam ad generationem requisitam esse, si non concedatur, semen quoque masculinum sufficere operi, quia in singulari semen, non in plurali semina inquit. Sed quicquid de hoc sit, idem Gal. l. 2. de facult. natur. c. 3. eadem proponit, ita loquens Latine, quandoquidem prolixum nimis foret etiam suū linguā docentem audire: *Natura nullius materie formam priorem servat: quippe ita sanguis essent cuncta animalis particula, is scilicet, qui à matre confuit ad matris semen, una unusque forma materia, cetera vice artificii subiecta. Nulla vero animalis partium pro ea ratione ex hac rubrâ humidaque efficitur: siquidem os, cartilago, arteria, vena, nervus, adeps, glandula, membrana, medulla ex sanguine quidem sunt, ex sanguine tamen facta. Quo autem alterante, quoque congelante, cogenteque, aut quo formante, rogarem, mihi responderet ipse Erasistratus: prorsus enim vel naturam duceret, vel matris semen, utroque nimirum idem dicens, sed diversis notionibus interpretans. &c.*

§. XII. Dehinc sepositâ auctoritate, illud principium ponimus, eandem esse materiam nutritionis & conformationis omnium partium, quia ὁ πᾶν τε καὶ φεταυτοῖς αὐτοῖς ἐξ αὐτοῦ ἐστίν. Omnia nutriuntur iis ipsis, ex quibus sunt, ut ait Philosophus l. 2. de generat. & corrupt. c. 8. Nam quia omnium Physicorū consensu nutritio est regeneratio ejus quod decessit & conservatio geniti, (quæ actio à generatione realiter non distat, quemadmodum communi consensu Metaphysici attestantur) sequitur quod utriusque eadem sint principia, & per consequens eadem etiam materia. At omnes partes sanguine nutriri ita confessum apud Medicos & Physicos est, ut superfluum sit id probare vel rationibus, vel autoritatibus. Imo in ipso materno utero, unde infantes tantam partium molem nanciscuntur, nisi ex sanguine? Nam tantillum semen iis non sufficit. Cum ergo confiteri necessum habeamus, omnes partes fœtus ex sanguine materno nutriri & augeri, consequens est, ut simul approbemus etiam easdem primum ex sanguine conformari. Hinc Avicenna l. I. doctr. §. c. i. r. 20. etsi muliebri semen admittere videtur, tamen eam sententiam optimam censet, quod sanguis sit fœtui materia generationis, nutritionis, & augmentationis. Ac Argenter. hac etiam veritate compulsus communi in artib. Med. Galen. hanc de materno sanguine opinio-

nem.

nem tuetur, alioquin à nobis diversum sentiens.

§. XIII. Plura documenta adduceremus ad probandum, omnes partes ex sanguine fieri, nutriri & augeri, ex eo, quod recens natis omnes rubicundæ appareant, & vasis sanguineis donatæ; quodque cum post invicem formentur, non possint ex semine formari; maximeque quod cor carnosum, ut & hepar semini non possint imputari, ac ideo neque aliæ partes: sed prorsus sufficit argumentum allatum, adeoque transitum facimus, & monstrabimus, semen viri partes suas in efficiendo plenè tueri posse.

§. XIV. Possumus id primum asserre, quod Gal. l. 14. de us. part. c. 7. semini virili, non item sœminino tribuit *ἀρχὴν κινήσεως*, principium motivum, itemque c. 10. quod tendat ei: *τὴν τῷ ζῳῷ γένεσιν* in animalis generationem, neque tamen monstret, id in ea virtute deficere. Nam quanquam c. 7. l. c. respectu masculini de sœminino inquit, *συμπλεῖσι τὸ αἷμα* confert ipsi aliquid ad animalis procreationem, tamen postea c. 11. & l. 1. de femin. c. 7. ac l. 2. c. 1. & 4. si omnia loca conjungatur, quatuor utilitates ipsi ascribit, quæ aut neutriquam intentum probant, aut falso muliebri semini ascribuntur. Sunt eæ, 1. facere ad majorem voluptatem in sœminâ. 2. præbere masculo alimentum. 3. oblinire uterum. 4. præbere ortum membranis. Primam utilitatem ei largiamur, quoniam nihil ad probationem facit, sed reliquæ falsæ sunt. Etenim semen, quâ tale, nutritione non indiget, sed materiâ, ex quâ formet partes, quam sanguinem maternum esse ostendimus, ac postmodum idem sanguis conservationi ejus commodat, ut patet ex doctrina de nutritione. Nihil ergo huc semen sœmininum accersere opus est. Sicuti neque propter ortum membranarum sœtum involventium, quoniam eadem similiter ex sanguine materno produci queunt. Et oblitio illa uteri à semine muliebri videtur conceptioni incommoda, quia humectando faceret, ne virile semen commodè ei adhærere posset: ac interventu suo impediret ne immediate utero muliebri adjungeretur.

§. XV. Et quid? Galen. ipse has utilitates destruere necessum habet, cum cap. 7. l. c. ita loquitur: *Constat ergo, quod (semen mulieris) omnino semen maris postulat. Quod si ita est, misceretur eo est necesse, atque ita utraque semina in unum motum conspirent: fieri enim non possit, ut si utraque motu inter se discrepante moverentur, in unum animalis procreationem conspirarent. Vi autem paucis rem omnem*

„ complectar, si quis aliam quampiam feminis semini viam atque mo-
 „ tus ordinem, aliam autem maris existimet, haudquaquam in rebus naturalibus
 „ censetur exercitatus. &c. Cur ergo ipse utilitates eas comminiscitur,
 „ quas semini virili applicare non potest, neque semini muliebri assigna-
 „ re, si ad recensitum modum virili admisceatur?

„ §. XVI. At ne hoc quidem fieri potest. Etenim quandoquid-
 „ dem virilis seminis virtus est, ut sit *πνευματώδες*, spirituosum & crassum
 „ satis in suo genere, unde impuberum & frigidiorum temperamento
 „ semina non est *γένεσις*, siquidem muliebres semen frigidum, humidum
 „ & tenue adjungeretur, dilueret & debilitaret masculi seminis virtu-
 „ tem. Certe, inquit Doct. Hoffmann, com. l. 14. de us. part. Gal. c.
 „ 11. §. 1022. minus calidum magis calido est frigidum, namque est calorem
 „ ipsum remittere, non intendere. Hoc notum coqui, lotores, sinitores, sarriores,
 „ omnes è vulgo homines, aquam fervidam affusione aqua tepida ut remitti, ut non
 „ amplius serveat. Est hic non fiat tale quid?

„ §. XVII. Hæc tam evidenti ausum dicere *δυνατότης*, omnino
 „ constat, semen muliebres non esse in vi efficiendi virili auxilio, quin
 „ futurum eidem incommodo. Annon ergo illud inde sequitur, quod,
 „ cum aliud efficientiam ejus adaugens non detur, virile semen per se
 „ ipsum sufficiens sit? Ut taceam improbable esse creditu, mulierem
 „ quidem perfectum præbere generationis principium passivum, sed
 „ non virum activum?

„ §. XVIII. Cæterum judicarunt adversum sentientes, ac ipse
 „ quoque Gal. l. 2. de sem. cap. 4. sensum aperte attestari, seminis semen com-
 „ petere. Quoniam verò Arist. l. 3. de anim. c. 3. autore *ἡ αἰσθησις τῶν
 „ ἰδιῶν αἰεὶ αἰσθητῶν*, Sensus circa proprium suum objectum semper verus est, nunc in-
 „ quiramus, utrum sensu constet, verum semen à mulieribus ad generandum tri-
 „ bui? Ego cum Autoribus recensitis nego, & negationis primum fun-
 „ damentum est, quo & utitur Averrh. & Turisanus ll. cc. quod mu-
 „ lieres quædam conceperunt sine emisso semine, ut ipsæ testantur, &
 „ res certa est. Secundum, quod cum ex semen emittunt, cervix ute-
 „ ri laxatur, ut experientia constat, & nulla sequatur tum conceptio,
 „ nisi ante semen suum vir ejaculatus fuerit, quia labiis uteri levibus
 „ factis id semen distulit. Medicorum communi consensu & Philosophi
 „ approbatione l. 7. histor. anim. c. 3. Tertium est, quod semen mu-
 „ lierum, quemadmodum *αἰνέσις* appellatur, nequaquam in uterum
 „ sed foras effundatur. Id testatur Herophilus, summus Anatomicus,
 „ utpo-

utpote qui septingenta cadavera secuisse perhibetur. *Soran.* quoque „
 apud *Oribas.* l. 24. *Colleg.* c. 31. ac *Celeberr. Hoffmann.* comm. l. 14. „
 de *us. part.* *Gal.* §. 1032. & l. 2. *Instit. Medic.* c. 43. Et merito. Nam „
 experientia testatur & maribus & foeminis, à mulieribus semen illud „
 foras effundi, cum semen viri effundatur profundius ad orificium ut- „
 teri internum. cui usui aliter, quàm ut hoc attrahatur, mulieb- „
 verò tanquam ulteriore usu destitutum expellatur? Hocque confir- „
 mat ipsa partium genitalium muliebrium constructio, nam à testibus „
 id semen in cornua uteri deduci apud *Anatomicos* tam incertum est, „
 ut hæcenus, quodnam sit vas deferens, unde inchoët, quo desi- „
 nat, incertum sit, adeò ut *Fallop.* l. observ. *Anat.* asserat, nihil à „
 testibus in illud devenire posse, & idem vas *Laurentius* nunc vas de- „
 ferens, nunc *Andovida* e. i. e. asserat, & dubius sit, quo terminetur. „
 Contra verò ex testibus in vasa deferentia, & ligamenta uteri rotun- „
 da, exinde in clitoridem semen mulieb- deferri ex ipsa partium ea- „
 rum structurâ discere est, quam assert *Expertissimus Spigelius* in hac „
 controversia nobis contrarius l. 8. de human. corp. fabric. c. 19. ubi „
 ita inquit: *Ligamenta (uteri) inferiora processus sunt nervi, teretes ac cavi.* „
 (Quare cavi sunt, si tantum sint ligamenta?) *Oriuntur à lateribus sin-* „
di uteri, propè vasa deferentia, quæ coniungunt, (imò quibus continua sunt, „
 ut ex historia postea adferenda quilibet conjiciet) *ad inguinæque descen-* „
dunt per productiones pertinens, ac supra pubis os (notetur similis quadante- „
 nus vasis hujus propagatio, ut ejus, quod dicitur deferens in viro) „
 in latam ac nerveam exuitatem degenerant, cui clitoris alligatur, (per quod „
 membrum & honestæ uxores, & fricatrices dicte, solent aliquid „
 cum semine vero similitudinem habens egerere) *reliqua pars usque ad ge-* „
nu postea in interni femoris membranam excurrit. Hujusmodi ligamenta in ingui- „
 ne infra supraque glandulis fulciantur, ut propterea hic nonnullis, cum concava „
 (N. B.) sint, excrementis uteri humores (potius testium, quod semen „
 vulgus medicorum appellat, quia semine eo impleta fuisse docebit, „
 & his vasis deferentibus semen illud conjunguntur) *transfere videan-* „
tur. Ego quoque anno supra millesimum sexcentissimum vigesimo pridie nonarum „
 Februarii, seminam *Paratii* aperui, quæ à nimio coitu mortua dicebatur, re- „
 periq; ligamenta hæc (non foramina ex vasis deferentibus in uterum tra- „
 ducta) quâ parte vicina sunt utero (quia ob nimium coitum plus istius ma- „
 teriæ non restabat) plena semine fuisse (quod accipere non poterant, ni- „
 si vel testibus, vel vasis deferentibus non solum per contactum, ve- „
 rum

rum etiam per continuitatem fuissent copulata.) Enucleatius ea
dem videri possunt apud *Ves. c. 7, Syntag. Anat. nov. edit. Pataviens.*
p. 75.

§. XIX. Quapropter videant quâ audaciâ & imperitiâ aliqui
futiliter jactent Anatomicorum in hac controversia secum consen-
sum & experientiam, quam contrariam sibi esse fateri coguntur, ut
verissima sint, quæ *Ci. Hofmannus l. 2. Insit. Medic. c. 44. §. 9. assert;*
his verbis: *Inferiora (nempe uteri ligamenta) quæ pro musculus habentur,*
ut dixi, sunt cava, ut concedunt plerique, per quæ effluit semen (vulgo ita dictum)
in iis, in quibus est. Quamobrem tam despicabilis non est Herophilii sententia,
semen muliebri, in quibus est, exserui foras. Imò vera est. Neque quicquam
huic assertioni adversatur, quod illi opponunt, verum semen in
mulierum testibus reperiri, & ab iis excerni. Etenim concedimus
quidem eos notasse in mulieribus humorem quendam semini aliqua-
tenus similem, sed semen illum fuisse neutiquam deprehenderunt,
nisi succum titimalli aut alium albenstem artificiosè lacti assimilatum
verum lac esse arbitrentur. Unde (ut verissimè ait Cremoninus dicitur §.
tr. de sem.) si argumentaretur Galenus à sensibilibus circa rem sensibilem, to-
lerari posset, sed argumentatur à sensibilibus ad rem non sensibilem, quæ est sub-
stantia feminis, quare vel decipitur, vel vult alios decipere. Substantia enim se-
minis consistit in vi generativa, & in tali concoctione ejus, quod vim illam ha-
bet, quæ quidem sensu non percipiuntur. &c. Et quomodo id verum semen
esse dicere possunt, quod ipsi confitentur frigidius, liquidius ac te-
nuius esse virili semine? Hoc est simile, quod mares frigidioris tem-
peramenti & steriles emittunt, quod etiam etsi verum semen non est,
tamen aliquam ejus apparentiam, sicut & muliebri habet.

§. XX. Inde quoque probare volunt, quod mulieres verum
semen ad generationem adferant, quia pariter ut viri ad venerem
incitantur. Sed pace illorum principio id aliunde procedere potest,
& deinde verum semen non arguit. Hoc constat, quoniam quæcun-
que moderatè partes sensibiles vellicare possunt, seu serosa, seu fla-
tulenta sint, eam veneris appetentiam & in usu ob supervenientem
partium genitalium attritionem etiam voluptatem asserere queunt.
Igitur accidunt & iis, qui non habent, ut eunuchis, aut semen non
effundunt, ut aliquando viris & sæpè mulieribus. Ac concedimus
illud quod in mulieribus semen dicitur, eam voluptatem eis asserre,
quia & verum semen idem facit, tamen inde inferri non potest,
quod

quod verum semen sit , sed aliquid tantum cum eo commune ob-
tineat.

§. XXI. Accedimus jam ad *tertium punctum* , ac illud quoque
evincere intendimus , *quod mulieres non debeant semen distinctum à sanguine
menstruo contribuere.* Id verò ex eo axiomate deducimus , quod natu-
ra agat ob aliquem finem secundum Philosophum l. 2. Phys. c. 8. &
9. finis autem semper sit bonum quid , secundum eundem l. 1. Ethic.
c. 1. & l. 11. Metaph. c. 7. ac mensuram non habet secundum eun-
dem l. 1. Polit. c. 6. ut ex eo rectè deducatur , quod quoad fieri po-
test efficiat id , quod est optimum , non quidem absolute , verum in
suo genere. Est verò *τὸ βέλτιον* optimum , in eo genere animalium ,
quæ sexum distinctum habent , quod est *ornatissimum & minimè periculosum
obnoxium* , quorum neutrum defendi potest , si mulier præter menstrua
etiam semen contributor.

§. XXII. *Primum* latè tractatur à Philosopho l. 2. & 4. de gen.
anim. c. 1. & omnibus eidem consentientibus , cujus summa huc re-
cidit , quod ordinatissimum & optimum sit *ἀνδριγενήσῃ* , distincta ha-
bere munia : at verò mas & foemina talia sint in generatione , ut adeò
mutuis auxiliis egeant , & se mutuò ad generandum appetant. Quare
cum ad generationem requiratur agens & patiens , & certum sit , mu-
lierè conferre materiamabilem ac sufficientem generationi , marem-
que efficientem causam itidem virtute uberi dotatam , optimum fuisse
putandum est , si vir quidem solum efficiens , mulier patiens gene-
rationis principium præstaret.

§. XXIII. Hocque optimum esse meritò existimandum est ,
quia nullum inde incommodum sequitur. Nequè enim ulla docu-
menta conjunctorum istorum principiorum ostendi queunt : nequè
id foeminae naturæ repugnat. Etenim etsi illa passivum tantum ge-
nerationis principium , scilicet materiam largitur , non tamen inde
sequitur , quod purè passivè se ad generationem habeat , sed minus
activè , adeoque *ἀδυναμίᾳ* impotentia quâdam (quam vocem Philo-
sophus adhibet l. 4. de generat. anim. c. 1.) definiatur , quatenus
scilicet , cum ob defectum caloris sufficientis non queat generare
σπέρμα γόνιμον , semen fecundum , quod habeat *δύναμιν ἢ ἀρχὴν κινή-*
τικὴν ἢ δρασικὴν , vim aut principium movens aut efficax , generat vi ca-
loris , quem habet , *ἀρχὴν* , ἧς ἐξ ἧς ἀσπερ ὕλης γίνεται τοῦτο , οἷον ὁ γεννῶν ,
principium ex quo tanquam ex materia generatur quid simile gene-

„ranti, ut Philosophus ibidem loquitur.

„§. XXIV. *Alterum inconveniens si mulieres præter sanguinem*
 „*menstruum semen quoque tribuerent, etsi multi non attingunt, ma-*
 „*ximum tamen est, nempe hoc, quod sæpius deberent fieri abortus.*
 „*Etenim quandoquidem mulier prægnans non minus quam non præ-*
 „*gnans semen illud producit, si illud in uterum per cornua immitta-*
 „*tur, seu retineatur, seu per os egeratur, sine præsentaneo periculo*
 „*fœtus fieri nequit. Neque satis est, quod quidam inquirunt, natu-*
 „*ram in gravidis semen illud per cervicem egerere, quoniam inde a-*
 „*pertum est, viam illi semini patere foras, & causam nullam reddere*
 „*queunt, quare in non prægnantibus non idem contingat, aut na-*
 „*tura non imprudenter egerit, quod semen etiam foras expellendo*
 „*imprægnationis facilitatem impedivit.*

„§. XXV. Venimus nunc eo, ut monstremus, *mulieres non posse se-*
 „*men verum pro generatione contribuere*, quod probamus, quia illud non
 „possunt generare. Nam & primo & orto instrumeto destituuntur. *Pri-*
 „*man enim instrumentum generationis seminis calor est, qui cum in fœminis*
 „*sit debilius, quam in viris, non potest producere id, quod gradum*
 „*caloris virilis ad seminis *γένεσιν* productionem requirit. Signo esse po-*
 „*test, quod adolescentuli pubertati vicini (quo exemplo Aristot. l. 1. r.*
 „*de generat. animal. c. 20. hic utitur) ob defectum caloris sufficien-*
 „*tis, atque ideo & frigidi pinguesque viri mulieribus temperamento,*
 „*voce, barbæ defectu & aliis similes, verum & prolificum semen pro-*
 „*ducere nequeunt, licet hi quid semini simile sæpe effundant. Ac ex-*
 „*emplum quoque eunuchorum hoc ostendit, cum illi non solum ob*
 „*defectum testium, verum etiam caloris diminutionem semen genera-*
 „*tionis aptum non producant.*

„§. XXVI. Ajunt hinc consequi, mulieres quidem semen non
 „tam calidum, veruntamen non minus *γένεσιν*, producere: sed quia
 „non tam calidum, tamque crassum & concoctum est, ut viri semen,
 „deficit ab eo gradu, quem verum semen exigit, ac propterea umbra
 „potius ejus est, quam ipsum. Illud quoque prætendunt, quod que-
 „dam fœminæ sint multis viris calidiores. Concedimus id illis, sed un-
 „de probent istos viros esse generationi aptos, & dehinc multa viden-
 „tur, quæ non sunt, ut propterea, licet aliqua mulier calidioris com-
 „plexionis visa fuerit viro aliquo, qui prolem habeat, calidior, an ideo
 „fuit? Grave est exactè caloris gradum consequi.

§. XXVII. Se-

§. XXVII. *Secundum generationis seminis instrumentum testes sunt.* „
Magnum crimen videbitur, si hos quoque mulieribus negemus, „
quos illis convenire αὐτοψία tam evidentè monstrat. Sed nos eos ve- „
ros testes esse negamus, & in eo persistimus: nisi quis viris quoque „
veras mammæ convenire velit, quia earum aliquam similitudi- „
nem repræsentant: aut, quia non placet λογομαχεῖν, concedamus „
illos testes vocari, concedamus & testes esse, sed non simi- „
li cum virorum testibus munere destinatos. Qui aliter crede- „
re possumus, cum tantoperè ab iis differant, quemadmodum „
hoc à nobis dissentiens in hac controversiâ Laur. l. 2. Anatomic. „
suæ c. 7. his verbis docet: *Vteri lateribus accubant testes utrinque singuli, si-* „
gura, situ, magnitudine, substantia, temperamento & structura à masculinis te- „
stibus differentes. &c. An multò plus differre queunt? Dices, tamen se- „
minis prolifici generationi apti sunt, quia sunt testes. Nego, idque „
exemplis prius allatis impuberum pubertati vicinorum, & sterili- „
um virorum solo caloris defectu, qui testes habent virorum fecundo- „
rum testibus prorsus similes, nisi quod sint frigidiore. Mulierum „
verò & sunt temperamento frigidiore, & substantia & aliis recen- „
sitis ab iis discrepant, neque Ἀνδρῶν ἰσχύος habent, in quib. secundum „
Aristotelis sententiam solum verum semen excoquitur, aut secundum „
Anatomicorum præcipuorum assertum perficitur, & tamen fecun- „
dum semen proferant? Credat Iudæus Apella.

§. XXVIII. Inquiunt: *An testes ergò mulierum frustra sunt?* Di- „
cimus non, sed quemadmodum mammæ in viris, etsi lac non gene- „
rant, non tamen frustra sunt, sed usum communem habent quem es- „
se οὐκ ἐστὶν ἔξω τοῦ πλείονος καρδίας arbitratur Philosophus l. 4. de part. „
animal. c. 10. ita testes quoque mulierum confluentes humiditates im- „
bibunt, & excoquunt quoque aliquid, quod in maris & femine „
copulâ illis delectationem afferat, ut hinc appareat, suam quoque u- „
tilitatem muliebri semini competere. Itaque mulierum testes neque- „
unt semen generationi aptum conficere, quia se habent ad testes vi- „
rorum per modum privationis aut defectûs, quemadmodum exem- „
plo eunuchorum ostendi potest, qui testibus virilibus orbari, habitu, „
voce, affectu, amissione barbæ, aliisque quasi mulierascunt. Unde „
apparet, cum mulieres id ante sint, quod hi quasi fiunt accidentali „
inconvenientia, quod illæ non maiorem potestatem habeant.

§. XXIX. Ostendimus quibus fundamentis opinio illa innita-

„tur, quæ mulieribus verum ac *ζώνιον* semen denegat, & quare
 „etiamsi in Instit. nostris Phyl. adversam sententiam secuti fuerimus,
 „nunc hanc sequamur. Nempe quia cum Arist. l. 1. Ethic. c. 4. judi-
 „cavimus *βίλπον* εἶναι ἢ δὲ ἐπὶ σωτηρίᾳ τῆς ἀληθείας ἢ οἰκείᾳ ἀναιρέσει.

„Dum vero hoc egimus, simul eadem opera contrariæ sententiæ
 „præcipuas rationes solvimus, ut nullæ supersint alicujus momenti,
 „nisi quis illas, quæ à diversitate partium, & similitudine liberorum
 „cum matribus urgere velit. Sed priori ita jam satisfecit Gal. l. 2. de
 „natur. facult. 3. & alteri Aristotel. l. 2. de gener. anim. c. 3. ac utri-
 „que *Cremolin.* in eruditissimo tr. de sem. dict. 7. ut actum, & plenè
 „peractum agere pudor sit.

„§. XXX. Hic consistunt nostri Medici pariter ac Philosophi,
 „non quia Plato hic jubet quiescere, sed quia norunt, quod non liceat
 „*μεταβάλλειν εἰς ἄλλο γένος*, & *πολυπραγμοσύνην* non solum temera-
 „riam, sed & periculosam esse. Veruntamen quoniam Medicinæ ac
 „Philosophiæ decreta nec hæreticis patrocinari, nec Scripturæ S. ad-
 „versari debent, non alienum ab hoc opere videbitur, si nostram opi-
 „nionem ex neutro capite ulla etiam minima verisimilitudinis specie
 „accusari posse apertum faciamus.

„§. XXXI. Est ejus assertionis magnum argumentum, quod
 „quanquam hæc controversia ab omnis sectæ affectis ventilata est, ta-
 „men nec ab Orthodoxis, nec ab Heterodoxis Theologis unquam al-
 „terutra sententia vel hæretica, vel sacris literis contraria judicata sit,
 „quin nostra opinio à diversis tacite ac aperte fuerit probata, ut par-
 „tim patet ex Autoribus allegatis, partim pitebit ex post nominan-
 „dis, ut hinc merito inferamus, falsissimum esse pro sententiâ contra-
 „ria esse consensum omnium sectarum & præcipuè Orthodoxorum
 „Theologorum.

„§. XXXII. Verum ut ad propositum veniamus, primum nos
 „ab hæresi absolvamus, & quidem Anabaptistarum, quorum nos asse-
 „clas aut patres (sicuti Patribus quibusdam, Philosophi Hæreticorum
 „patres appellantur) judicari possumus, quoniam cum aliquibus Phi-
 „losophis & Medicis id in thesi (i. e. in universali) quod Anabaptistæ
 „in hypothesi (i. e. in particulari) dicunt, asserimus. Hoc crimen si
 „quis imperitè nobis imputaverit, facillime dilui potest. Etenim quoad
 „probabilissimè quid probari posse censemus, hæc nostra & omnium
 „allegatorum pro nostra sententia est enunciatio. Nulla mulieres, quæ-

cunque sint, habent semen γένιον sed quacunq; concipiunt, ea loco seminis sanguinem maternum ad generationem contribunt, ut ex eo tanquam materia generationis formantur omnes partes, & tanquam materia nutritionis & augmentationis nutrantur & augeantur omnes partes factus. Cujus enunciationis subsumptio in hypothesi hæc est: Maria mater Domini nostri Servatoris non habet semen γένιον, sed loco ejus, quando concepit, tribuit ad generationem Servatoris nostri sanguinem maternum, ex quo secundum omnes sui corporis partes in utero materno formatus, nutritusque est, ac crevit. An id Anabaptistæ asserunt? Nihil minus. Sed si illorum aliqui controversiam ea non, an mulieres habeant semen nec ne, attingant, alio eam sensu proponunt, ut negent Mariam quicquam substantiæ ad generationem Servatoris nostri contribuisse, atque adeo persuadeant, Servatorem nostrum humanam suam naturam ex matre sua non assumisse, quod impium, atque orthodoxæ religioni Scripturæque sacræ adversum esse, sanctè credimus, & ore confitemur.

§. XXXIII. Quod ad Scripturam sacram attinet, pariter judicamus, quod ea controversiam eam non tractet, nec determinet, imo nec attingat, licet sufficienter indigiter, quod mulieres necessario tribuant aliquid ad generationem, ex quo fœtus iis similis generetur, ita ut quicunque nascuntur ex muliere, sanguinis ac carnis, h. e. substantiæ humanæ verè ab ea participes fiant, quod itidem corde credimus, & ore profitemur. Et sit, quod Scriptura sacra voce seminis denotet id, quod mulieres ad generationem conferunt, neutiquam tamen ostendi potest, quod rùm intelligendum veniat semen strictè appellatum, materno sanguini oppositum, & non explicari queat id nomen generaliter, quatenus indifferenter de semine strictè dicto, & sanguine materno dicitur. Et quid? Scriptura sacra permutat quandoque ea nomina, ut loco seminis sanguinem substituat, ut apparet ex Ioh. i. v. 13. & Act. 17. v. 26. quanquam ad hunc locum Beza notat, vocè αἷμα non in omnibus exemplaribus reperiri.

§. LXII. Hic constiteramus; veruntamen quia viri quidam Doctissimi ac Piissimi aliquot Scripturæ loca in contrarium adducere solent, breviter eos perpendamus, non quod illorum interpretationem prorsus rejiciamus, verum ut ostendamus commode ea secundum nostram sententiam explicari posse, imo debere, si antea sufficienter thesion nostram firnaverimus. Primus locus adduci potest ex Genes. cap. 3.

vers. 15. Ubi ita scriptum : *Semen mulieris conteret caput Serpentis*. Resp. Omnium Orthodoxorum Theologorum consensu semen ibi non sumitur i *δωλενός* pro generationis effectivo instrumento, sed *μελυστικός*, pro eo, quod ex muliere genitum est, licet in eo discrepent, utrum vox feminis veniat intelligenda singulariter pro uno, an collectivè pro multis, de quo quid eligendum sit videantur Exercit. Theol. & Schol. in Gen. exerc. 37. Incomparabilis Theologi Riveti, Scholæ Ill. Auriacæ Curatoris. Rectè tamen hic locus à nostris contra Anabaptistas urgetur, quoniam enim Servator noster in eo semen mulieris, h. e. genitum ex muliere vocatur, utique ipsa quoque tribuere ipsi debuit aliquid, sine quo ex eâ gigni non poterat. Urgeat quis: Metonymica illa significatio feminis fundatur in alterâ priori, atque adeo semen mulieris vocatur Christus, quia quid est genitum ex mulieris semine, tanquam generationis principio. Respondeo, si id maximè admitteretur, non tamen sequitur, necessariò intelligi debere semen in stricta significatione, quia sumi potest in largâ. Imò sic sumi debet, quandoquidem probatum est, aliud semen prolificum mulieres non habere, quàm sanguinem maternum.

LXIII. Secundus locus peti potest ex *Luc. 1. vers. 42.* ubi dicitur *Christus fructus ventris Mariæ*. At non potuisset esse fructus ventris Mariæ, nisi illa habuisset semen. Nam fructus & semen aliquando idem est, aliquando obtinet semen, aliquando gignitur ex semine. Ac historia conceptionis idem magis confirmare videtur. Etenim quia ea *v. 35.* refertur ad *ἐπισπασμὸν* Spiritus S. & ille nec aliquid de sua substantiâ contulit, nec aliquid creatum in uterum immisit, consequi videtur, illud, quod Maria contulit, principium generationis non solum materiale sed etiam efficiens fuisse, adeoque semen verum & prolificum. Resp. Servator noster dicitur fructus ventris Mariæ, quia verè secundum humanitatem suam ex ea est genitus, nempe quia factus est ex muliere *Gal. 4. vers. 4.* & ex eâ particeps est factus carnis & sanguinis *Heb. 2. vers. 14.* seu illa adeptus sit ex semine, seu alio conveniente principio materiali. Nam sunt fructus quoque, qui neque semen sunt, neque semen in se habent formaliter, neque ex semine nascuntur proxime, sed ex conveniente sibi materiali principio. Ac jam notatum fuit, sanguinem quoque maternum semen vocari, ut ad eò hoc sensu ex semine prodiisse dici possit. Altera verò illatio de conceptione Servatoris nostri prorsus non stringit. Etenim pone Mariam solum

solum sanguinem contribuisse maternum, adeoque materiale solum generationis principium: sanè citra vel substantiæ suæ communicati-
onem, vel creati alicujus in uterum immisionem efficientis solius prin-
cipii, quod mas conferre solum solet, compensare pouit, quia om-
nium Theologorum & Philosophorum consensu causalitas causæ effi-
cientis immediatè à Deo impleri potest. Imo Spiritus S. causalitatem
eam implevit. Cum enim Maria scrupulum eum ingessisset, quod vi-
rum non cognovisset, Angelus eum eximit, defectum illum à Spiritu S.
completū iri, atq; adeò indigat ἐπισκιάσαν illum non futurum otio-
sum, sed ἐνεργητικὸν & δυνάμει conjunctum. Nam ait ad Mariam Luc. 1.
v. 35, δυνάμει ὑπὲρ σου ἐπισκιάσει σοι, & ad Joseph. in somno Matt. 1. v. 20.
τὸ ἐν αὐτῷ ἔσται ἡ ἐν πνεύματι ἁγίῳ. Hinc apparet, quod secundum
nostram sententiam mysterium conceptionis commodè explicari possit;
sed secundū adversam sententiam explicatio obscurior est. Quoniam e-
nim secundū eam semè non solum activum, sed & materiale principium
est, neutrum totale sed parziale, illud sequitur, Spiritum S. non solum
efficientis sed & materiæ partialis defectum implere debuisset. Hoc au-
tem quoniam Deus per se præstare non potest immediatè & per se, an
materiam illam partialem in uterum immiserit, an in utero ex nihilo
creaverit, an alio modo eam compensaverit, secundum illam opinio-
nem inquirendum foret.

§. L. XIV. *Tertius locus est Levit. 12. vers. 2.* In quo expressè semi-
nificatio mulieri tribuitur. Ita enim verba originalia se habent: וְהָיָה
כִּי יִלְדָּה בְּנִי אִשָּׁה וְהָיָה לָהּ בְּנֵי אִשָּׁה. i. c. *mulier cum seminificaverit.* At seminificare non potest, nisi se-
men habeat. Ac facit pro eā sententiā ultima Belgica versio & anno-
tatio in eum locum. Resp. in loco ad fidem non pertinente licere salvā
aliorum autoritate diversam ab aliis interpretationem seu explicatio-
nem adferre, modo ea non sit evidenter falsa aut absurda. Atque id in
hoc loco obtinere. Nam principio ipse Onkelos Paraphrastes Chal-
dæus, cui exactam linguæ Hebraicæ peritiā omnes adscribunt, hæc
verba ita interpretatur: *Mulier cum conceperit & pepererit masculum*, ut no-
tat Bætonssius in Lex. majori ad verbum נָפַח quo in sua lingua Para-
phrastes usus est. Atq; non alio sensu Septuaginta Interpretes eundem
locum reddiderunt: γυνὴ ἥτις ἐὰν ἀρεσκῇ ὁ παῖς ὃς ἔσται ἀρσενικός. Ac vetus
Interpres: *Mulier si suscepto semine pepererit masculum.* Atque in eum sensum
plerumque versiones aliæ declinant. Objicitur 1. Hæc vox נָפַח est in
Hiphil, in quo actionem denotare debet. 2. Locus parallelus Gen. 1.

v. 11. & 12. indicat eandem vocem activè esse explicandam, & quidem hoc sensu, ut seminificare denotet. Resp. enim ad 1. in Hiphil etiam quædam neutra sunt, quædam etiam irregularia in significationes: ac quid vox illa significet non posse melius, quàm ex illius linguæ peritis disci, quales Onkelos & Septuaginta. Ad 2. nec ibi locorum Onkelos eam vocem ita declarat, sed itidem ut intelligatur semen esse factum in herbis. Et quid, annon potest in uno loco vox una aliter exponi quàm in alia, congruè nempe ad rei naturam? Verum huic responsioni non ita pertinaciter inhærebo, nec de significato illius vocis disputationis serram traham, sed concedam intelligi sic debere: *mulier cum seminificaverit*. Nihilò minus ille locus nihil contra nos infert. Nam potest commodè cum Cajetano & Oleastro sumi pro factu seu prole, hoc sensu: *Mulier cum factum seu prolem ediderit*. Et huc non incommodè reduci potest versio Tremellii, *mulier quum edidit semen, si pepererit masculum*. Neque id ταιολογία importat, nam nihil frequentius est, quàm ut quid primum generaliter proponatur, & dehinc in specie repetatur. Ergo hoc generale dictum: *Mulier cum factum seu prolem ediderit*, postea restringitur; & *masculum ediderit*. Imò ne sine necessitate nos controversiis misceamus, explicant sanè id verbum eo sensu, *mulier cum seminificaverit*, i. e. *semen ad generationem tribuerit*, nihil tamen contra nos sequitur, quia semen sumi potest pro sanguine materno, qui mulierum semen est secundum Aristotelem. Neque dissentit Vatablus, qui ita ad eum locum commentatur. *Si misso semine conceperit*) *Ad verbum, quum seminificaverit*: i. e. *quum præbuerit materiam factui formando*. Hebræi hic communiter sentiunt, mulierem filium parere, quoties ipsa primum semen ministraverit: non quod masculus generetur ex mulieris semine: sed mulier ministrat matri- ci rubedinem quandam (tale enim est mulieris semen) quæ mox coagulatur, & à superveniente viri semine retinetur atque fortificatur, crescit & tandem in membra confurgit &c.

§ LXV. Quartus locus petitur ex Epist. ad Hebr. cap. 11. v. 11. & sic sonat: *πίσει καὶ αὐτὴ Σάρρα δύναμιν εἰς καταβολὴν τοῦ σπέρματος ἔλαβε*. In hoc notandum est quod Sara vim acceperit εἰς καταβολὴν τοῦ σπέρματος; in ejaculationem seminis, quæ sanè non ἐστὶν ἄλληψις τοῦ σπέρματος seu receptio feminis. Atque ita locum eum explicant tum Interpretes ultimæ editionis Belgicæ, tum etiam ὁ πολυμήντων καὶ πολυίσως Heinsius Exerc. sacr. ad Nov. Testam. cap. 7. Resp. 1. per concessionem; sed rursus posse per semen muliebri intelligi sanguinem maternum. Ut sic indigetetur Saram

Saram vetulam, & cui menstrua dudum defecerant, rursus vim accepisse, ut sufficientem copiam sanguinis pro conceptione & nutritione foetus generare posset. 2. Per negationem: adeoque posse hunc locum sic explicari, ut κατάβολή τῷ σπέρματος non ad Saram sed ad Abrahamum referatur, & Sara semen ab Abrahamo concepisse intelligatur. Neque enim in textu dicitur quod Sara acceperit δύναμιν καταβολῆς τοῦ σπέρματος, i. e. vim (ita loqui liceat) projectivam seminis: sed δύναμιν εἰς κατάβολην τοῦ σπέρματος, vim in jactum seu projectionem seminis, seu per Enallagen aut hypallagen usitatam, vim in jactum seu projectum semen, scilicet Abrahami, quæ in eo consistebat, ut illud & recipere & retinere, & ad effectum suum perducere posset, ad modum, quo ager semina recipit fovetque. Atque ita non solum versiones pleræque & in specie Latina ea verba acceperunt. Sic Vetus Interpres: *Fide & ipsa Sara sterili virtutem in conceptionem seminis accepit. Ac explicatus Erasmus. Per fidem & ipsa Sara vim ad concipiendum ac retinendum semen accepit. Ac Beza itidem: Per fidem & ipsa Sara vim ad concipiendum semen accepit. Sic & Syrus Interpres. Sic enim reddit Tremellius. Per fidem Sara, quæ sterilis eras, accepit vim, ut conciperet semen. Atque easdem versiones sequuntur Calvinus, Perkinsius, Scultetus & alii Orthodoxi in commentario illius loci. Ac ut Doctissimos eos viros absolvamus ab accusatione Celebrerrimi Heinsii, quasi non noverint discrimen, inter κατάβολην & σύλληψιν τοῦ σπέρματος: age audiamus Bezam in notis majoribus ad Novum Testamentum. Ita ille ibidem. *Ad ejaculatum semen (concipiendum) eis κατάβολην ἔσπερματος, vel ad emutendum, ut & Syrus interpres. Semen enim certum est etiam feminam emittere, quamvis ut plerique volunt Medici, non prolificum. Sed meo judicio prestat ex antecedente intelligere consequens, sicut solent Hebræi: ut κατάβολην ad virum referatur, cujus ejaculato concipiendo semini impar erat caro natura sterilis. Neque aliter Georg. Pafor in Lex. Græco-Lat. Hebr. 11. vers. 11. κατάβολην σπέρματος. Hypallage pro σπέρμα κατάβολην εἶναι, hoc est ἐκχυθῆναι. Sara divinius vim accepit ad semen effusum, seu (ut vertunt alii) ejaculatum concipiendum, ubi concipiendum tanquam supplementum subintelligendum est.**

§. LXVI. *Quintus locus sumitur ex Gen. c. 1. v. 11. & 12. Si con-feratur cum v. 28. ejusdem cap. Tota probandi vis in eo consistit: Mulieribus quoque vis multiplicandi tribuitur, sicuti herbis. Hæ autem multiplicantur semine. Ergo & mulieres habent semen. Resp. Argumentatio ea est prorsus ἀσυνλόγιστος, procedens à modo multiplicationis*
 K k k
 unius

unius speciei ad modum multiplicationis alterius. Quæ si in proposito exemplo valet, valet & hæc mea. Mulieribus & plantis vis multiplicandi conceditur. At mulieres copulatione maris prægressæ. Ergo & plantæ. Quilibet videt inconsequentiam. Ergo multiplicari dicendum est, & plantas & mulieres, sed quaslibet modo sibi conveniente.

§. LXVII. *Ultimus locus* per bonam consequentiam videtur opinioni nostræ adversari. Nam si foemina semine carerent, avunculus neptem, uterinus modo ex alio patre natus sororem uterinam, vir filiae suæ filiam uxorem ducere posset, contra Levit. c. 18. vers. 9. 10. & Deut. 27. v. 22. Resp. Consequentia prorsus inconsequens. Etenim communi Theologorum & Ictorum decreto fundamentum prohibitionis graduum nuptiarum est geminum, cognatio fundata in sanguine, & affinitas fundata in nuptiis. At si illa consequentia valeret, semen causa foret unica ac solitaria prohibitionis graduum matrimonii, quod nec Scriptura, nec docti asserunt, & manifestè contra veritatem est. Nam non majorem cognationem semen, quam sanguis facere potest. Inde consanguineorum nomen, & ἐξ ἐνὸς αἵματος ex uno vel unius sanguine universum hominum genus processit. Actor. c. 17. vers. 26.

§. LXVIII. Prolixius hanc controversiam deduxi, ut nec temerè eandem statuisse, nec Anabaptistica hæresi aut falsæ contrariæque Scripturæ S. opinioni adhærere viderer. Nunc *ultimam questionem* de causâ efficiente seminis subjungimus, quæ est: *An opus fuerit addere in determinatione causæ efficientis principalis, ut homo esset temperamento perfectus?* Ratio dubitandi est: quia qui ætate & sexu est perfectus, videtur & temperamento perfectus: & qui temperamento est perfectus, non videtur ætate & sexu esse imperfectus. Sed respondeo, quod omnino ea additione fuerit opus. Quoniam distincta requisita distinctè enumeranda sunt. At quod distinctum hoc ab aliis sit, ex solutione adversæ rationis licet colligi. Etenim sunt mares, qui iustum ætatis generationi aptæ terminum attingerunt, adeoque perfecti sunt sexu & ætate, attamen quia vel frigidioris nimium sunt temperamenti, vel nimis calidi, inepti sunt ad prolifici seminis productionem. Sic pueri & mulieres in suo genere perfectionem temperamenti dicuntur obtinere, imperfectionem tamen ætatis vel sexus. Si quis hac responsione contentus non fuerit, ei solum hoc ingeram, sæpè quoque distinctionis causa expresse addi,

addi, quæ virtute in prioribus comprehendebantur.

§. LXIX. *Fimū seminis* vel proprius est, vel communis, quorum hic sanguini quoque materno, alteri generationis principio attribui potest, ille soli semini. *Communis finis* est ipse *fœtus* aut *ejus generatio*, prout variè Autores de hoc loquuntur. *Proprius* est, aut opus aut actio illa, quam semen ad eam generationem specialiter confert, estque vel *adequatus* seu *totalis*, nempe *activè generationem virtute generantis attingere*, vel *inadequatus* seu *specialis*, prout illa functio diversas functiones mutuo se insequentes importat. Istæ sunt *sanguinis materni attractio*, *ejusdem coagulatio*, in *partes fœtus sui admiſſione debita conformatio*, *conformati nutritio & augmentatio*, nisi hanc operationem fœtus ipsi ascribere velimus.

§. LXX. Rursum ut in his distinctius procedamus, diversis quaestionibus omnia includemus. *Prima questio est: An semen activè & passivè, an activè tantum ad fœtus generationem concurrat?* Medici non pauci, quoniam seminis pars alia spirituosâ, alia magis corpulenta existit, hanc in materiam fœtus facessere judicant: illa efficientis vice fungente. In hoc tamen discrepant, quod pauci totam molem partibus prima in conformatione competentem semini adjudicant: plerique verò partem molis ex seminis corporatura, partem ex sanguine materno derivant. Atque quandoquidem utrique sexui semen convenire arbitrantur, monstrant hac ratione, quo modo tùm mas, tùm fœmina activi & passivi simul principii rationem obeat: ita tamen, ut quoniam semen maris fœminino est calidius, illud primi moventis partes exsequatur, ut eo respectu vir magis sit activum principium quàm fœmina, at fœmina magis passivum, quia non solum semen, sed & sanguinem maternum pro conformationis partium materiali principio largitur.

§. LXXI. Hæc sententia, quod nempe semen non solum efficientis, sed & materiæ munus obire debeat, ac obeat etiam, probari potest ex diversis partibus seminis, quæ sanè uni eidemque usui non videntur destinatæ: verum quandoquidem subtilis & tenuior, spirituosâ nempe, igni aut elemento stellarum responderet, efficientis vicem supplere potest: at crassa & corpulenta, quæ aquæ & terræ congruit, materiæ. Neque enim probabile est, hanc efficientis rationem subire posse. Ac quod ex semine partes conformantur, aliæ quoque rationem monstrare videntur. Ita nempe ex albumine, quod seminis rationem habet, pulli enascuntur, at augentur ex vitello. Sic quoque ex plantarum seminibus partes earum materialiter, non tantum efficienter

eonfurgunt. Imò sanguineorum animalium partes primum conformatae albent. Ac ante ex sanguine partes formari nequeunt, quàm ille in analogam sanguini substantiam transferit.

§. LXXII. Quod autem semen solum non sufficiat, sed sanguis quoque maternus materialiter concurrere debeat; probantùm ex diversitate partium, tum ex seminis paucitate. Nam hæc tot partibus non videtur sufficiens, ut adeo alterum principium in consensum sumendum sit: illa autem receptissima est, quod sanguineæ partes ex sanguine, at spermaticæ ex sanguine processerint.

§. LXXIII. Posteriores equidem rationes levioris momenti sunt. Nam vanum illud partium in sanguineas & spermaticas discrimen Cap. 5. §. 21. & seqq. rejecimus. Ac si vera sunt, quæ Autores referunt, primum formatæ partes non ita magnæ sunt. Sic scribit Ar. l. 7. de Hist. animal. c. 3. abortum triginta aut quadraginta dierum vix majorem esse formicâ majore: Et Varol. scribit se in abortu quadraginta dierum vidisse hominem distinctè formatum sub magnitudine apis. Verum priores magis stringunt, ut adeo eam sententiam propunaverim l. 6. Instit. Phys. c. 3. Th. 9.

§. LXXIV. Nihilominus mihi nunc sententia Aristotelis probabilior videtur, quæ statuit semen maris solius efficientis officium præstare. Ac quidem eam manifestè probat experientia de generatione pullorum ex ovis, in quâ manifestum est, semen galli materialiter non, sed solum efficienter concurrere. Si autem natura in imperfectioribus efficientis & materiæ generationis naturam disjunxit, quanto magis id fieri in perfectioribus credendum est. Id enim observare in rerum natura est, ut in perfectioribus plerumque disjuncta notentur, quæ in imperfectioribus conjuncta sunt. Atque huc tendit ratio, quâ hic Philosophi utuntur. Naturam in ordinatissimo atque perfectissimo corpore ordinatissimam & perfectissimam rationem observare debere. Ordinatus autem & perfectius esse, si disjungantur, quam si conjungantur efficientis & materiæ officia. Adhiberi tamen possunt & aliæ rationes, inter quas illa quoque est, quod seminis corpus constitutioni materiali partium sit ineptum, tum ob paucitatem, tum ob nimiam spirituum copiam, tum ob subtilitatem, ut adeo solius efficientiæ rationem impleri videatur. Veruntamen quia eas alias controversias ingerunt, prior cum experientiâ adductâ mihi sufficiunt.

§. LXXV. Ad argumenta itaque contraria dico, Ad 1. concedereq

dere me diversas illas portiones in semine, negare tamen eas diversis muneribus esse dicatas. Sed arbitror, quod quemadmodum diversæ coaguli fermentique partes non materiæ sed solius efficientis rationem subeunt in casei & panis productione, sic idem verum sit de semine. Et ideo spirituosa pars alteri crassiori intimè est persusa, & in eam dominium possider. Sed instet quis: fieri non potest, quin materiale materialia sociatum non augeat materiam. At semen materiale est. Repono: ut aliquid dicatur materialiter constituere, non satis est, ut aliquid materiale alteri materiali se jungat, sed ut sit illud patiens, quod ab efficiente subigitur, & per se ad id ordinatum, ut quantitatem generandi corporis præstet, quod de semine ostendi nequit. Alioquin enim nulla daretur efficiens materialis interna, quin simul materiæ vices supplere diceretur. Sed videantur de hoc Ar. Interpretes de generatione mistorum ad 4. libr. meteor. agentes, qui ostendent, quod ignis etsi corpus est, mistum tamen dicatur ingredi non tanquam materia, sed tanquam efficiens, nisi materiæ nomen latè accipere placeat. Ad 2. adhuc sub iudice litem esse, annon ex vitello potius partes conformentur, sed quicquid sit, id non adeò stringit; nam certum est, id quod materiam pullo suppeditat, à solâ matre seu gallina esse, at galli semen solius efficientis rationem tueri. At nunc de maris semine agimus maximè, cum supra ostenderimus à mulieribus prolificum semen nec suppeditari, nec generari. Ad 3. dico, initid adhuc controversi, utrum plantarum quoque semina passivè, & non tantum activè concurrant. Sunt enim qui opinentur, quod plantæ sicuti ex alimento ex terrâ attractio aluntur, ita ex eodem quoque conformentur semine efficientis partes præstante. Deinde antea notatum est, in imperfectioribus viventibus sæpè conjuncta esse, quæ in perfectioribus sunt separata. Sic in plantis discrimen nullum sexus, in animalibus perfectis autem reperitur illud: atque adeò fieri potest, ut eadem generans planta simul materiale, simul efficiens ac formale principium conjunctim conferat, sicuti Arist. l. 1. de gen. anim. cap. 18. fieri opinatur. Ad 4. dico: multos statuere potius rubere primum partes animalium. Atque sic quidem mihi quoque apparuit in diversis abortibus humanis & brutis: Sed quia illi aliquantum majores fuerunt, nolim obstipere id tueri. Maximè cum nihil inde sequatur. Nam paucus sanguis à spermate albo sufficienter concoctus & in partes mutatus albescere potest. Ad ultimum dico: Sicuti sanguis est ultimum partium alimentum,

tum, non ut maneat sanguis, sed ut paulatim in substantiam viventium mutetur: ita sanguis maternus est materia scetus non permanens, sed transiens. Id autem magnum *μετέωρον* est, sanguinem prius mutari in semen antequam partes alat, nisi quis opinetur omnibus partibus vim generandi semen competere, quod falsum esse ante probatum est, & solum ij negant, qui semen à toto provenire arbitrantur.

§. LXXVI. *Secunda questio est: Quà virtute semen illam vim exserat?* Non dubitari potest, quin *vi insitâ* eam operationem præstet: ac quidem tum *vi animæ*, quæ semini inest: tum *vi calidi innati* seu *spiritus vitalis*, qui copiosissimè substantiam seminis perfundit: ipsa autem *crassior seminis pars* etsi in actione aliquid quoque contribuit, maximè tamen vehiculum & sedes est spiritus, atque sic humido primogeneo respondet. Hæc ex superioribus, ubi de principiis seminis componentibus egimus, clara sunt.

§. LXXVII. *Tertia questio est: An semen sit causa principalis an instrumentalis generationis?* Diversimodè Autores loquuntur. Aliqui etenim semen causam instrumentalem esse volunt, quia id est, quo seti per quod mas generat, & quia etiam generat semen virtute generantis: at aliqui putant potius esse causam principalem, quia generat virtute insitâ tum animæ tum spiritus insitâ, & quia generat separatum à generante. Ex his liquet, quod controversia hæc hoc sensu proposita non sit de re, aut rei veritate: sed tantum de voce, & formalitate causæ instrumentalis. Si nempe instrumentum seu instrumentalis causa sumatur generaliter, ita ut dicat causam, quæ ab alterâ causâ adhibetur, ut per eam effectum suum sortiatur: tum utique semen instrumentum seu instrumentalis causa est & dici potest: maximè idèò, quia ipsam agendi virtutem à generante accipit, atque ejus vi generat. Verum si strictè capiatur, ut instrumentum seu instrumentalis causa dicatur: quæ non habet propriam & insitam vim quâ agat, sed quæ solum influxu continuante principalis agit, utique non est instrumentalis causa. Si tamen quis exiine quærat, quæ sit magis propria significatio, dico prior. Etenim apud Philosophos dicitur illa causa principalis, cui absolute effectus tribuitur: at instrumentalis, cui ascribitur propter aliud, cujus medium agendi esse dicitur. Hoc enim sensu Philosophi servum dicunt esse instrumentum domini, legatum Principis. At sanè illi insitâ virtute eâ exsequuntur quæ in mandatis habent. Dicuntor ergo instrumenta, quatenus in eâ actione sic agunt, ut alterius autoritate & vi agant. Atque sic semen

semen quoque etsi insitâ vi agit, eam tamen vim à generante accepit, & sic illius vi agere dicitur. Si quis dicat, *insitam* seu propriam & alienam vim pugnare. Concedo, si eodem sensu diceretur. At nunc insita seu propria dicitur ratione inhærentiæ: aliena autem ratione originis & dependentiæ.

§. LXXVIII. Verum objectiones duæ potissimum opinionem illam, quæ *semen instrumentum esse generantis* asserit, validè oppugnant. *Prima* est: quod *instrumentum* elevetur ad effectum virtute suâ superiore: *altera*, quod *omne instrumentum* debeas esse *agenti* conjunctum quâ existentiam aut quâ operationem. Eastamen sic solvo. *Primam*, quod ea sic intelligi debeat, quatenus *instrumentalis causa*, quatenus talis, dependente virtute à principali causâ agat, non autem, quod effectum semper & omnimodo attingere nequeat, nisi à principali elevetur. Potest enim idem diverso respectu esse principalis & instrumentalis causa. *Secundam*, quod ea non sit universalis, sed particularis, valens tantum de instrumentis conjunctis. Aut dic, *conjungi instrumentū omne principali qua operationem aut formaliter, aut virtualiter*. *Formaliter* quidē, si simul cum instrumento actu influat in effectū: *virtualiter* autē, quando efficiens principalis instrumentalis virtutem communicavit, quâ hæc operetur. Hoc enim casu non est opus, ut actu in ipsâ operatione instrumentali causæ principalis cooperetur. Et in hâc distinctione fundatur divisio *instrumenti* in *conjunctum* & *separatum*. *Conjunctum* vocatur, quod à causâ principali actu operante accipitur, ut per ipsum effectum attingat. *Separatum*, quod ab agente principali virtutem accepit, quâ etiam non amplius cooperante aut existente effectum attingat. Duobus verò id modis fit: nempe *moraliter* & *physicè*. *Moraliter*, ut cum quis mandato alterius quid facit, ita ut quicquid inferior egerit, mandanti imputetur. Nisi enim posterius sit, potius concausa principalis erit, quàm instrumentalis. *Physicè* autem seu *realiter*, quando actione verâ reali agens quoddam naturale virtutem alteri communicat, ad effectum sibi competentem præstandum. Atque sic semen virtutem à generante accepit, quâ generans in specie conservaretur.

§. LXXIX. *Questio quarta* est: *An & qua virtute semen attrahat matrum sanguinem?* Etenim utrumque dubium aut saltem obscurum est. Nam mulier ipsa videtur generationis principium communicare debere, utrum alioquin ipsa nullo modo activè ad generationem concurrere dici posset: aut si attractio quædam necessaria sit, ea videtur ab ipso u-

ter.

cero sufficienter fieri posse. Et qua virtute attrahit sanguinem mater-
num semen, quandoquidem agit virtute communicata à generante,
generans autem ipsa virtutem talem obtinere non videtur? Contra-
rium tamen verum est. Etenim virtutem talem attrahendi convenien-
tem materiam in plantarum seminibus advertere est, at quicquid per-
fectionis est in inferioribus, majori jure credibile est inveniri in perfe-
ctioribus. Imò si mulier citra attractionem seminis effunderet in ute-
rum sanguinem, appareret illè etiam quando non fit conceptio, aut
in utero corrumpetur, aut in carneam excrescentiam, aut aliam sub-
stantiam mutaretur, quod nec fit, nec fieri debet secundum naturam.
Imò cum prægnantes essent mulieres, si viro jungerentur, maximum
inde periculum foetui immineret. Neque rationes contrariæ valde
stringunt. Nam mulier maximè passivè ad generationem concurret, &
dicitur activè concurrere, tum quatenus conceptum semen fovet, con-
servat, & foetum excludit, tum quatenus alterum generationis prin-
cipium excoquit, & offert, non autem quatenus illud in uterum ef-
fundit, sed sunt eæ partes seminis, ut alterum sibi comprincipium con-
jungat. Uterus autem attrahit quidem sanguinem, sed suæ nutritio-
nis causa: neque ideo non ad generationem confert. Nam recipit se-
men & foetum, fovet, retinet, & suo tempore emittit. *Virus autem qua
semen sanguinem maternum attrahit, est tum manifesta, tum occulta. Manife-
sta seu naturalis est calor spiritus in semine abundans, qui attenuando, ra-
refaciendo, resolvendo vasa uteri aperit, ut sic sanguinis aliquid ema-
net, dehinc continuatione virtutis, quantum digerere potest allicit.*
*Occulta seu vitalis est vis attractiva nutritivi & materialis partium princi-
pii consistens in συμπάθεια perficientis & perfectibilis. Atque inde a-
deo manifestum evadit, tum quare non nimium sanguinis affluat, tum
unde semen eam virtutem habeat. Nempe à generante, in quo simi-
liter virtus attractiva sanguinis residet. Neque obstat, quod sanguis il-
le non sit maternus: quippe ei secundum speciem existit similis. At illæ
virtutes συμπάθησι specificam, non individualement aut accidentalem
naturam respiciunt.*

§. LXXX. *Quinta questio est. Quæ ratione fiat coagulatio sanguinis ma-
terni à semine? Procul dubio coctione. Nam sic etiam ex sanguine par-
tes conservantur. At prima partium constitutio specie non differt
earundem conservatione. Est tamen hæc coctio determinati generis
subjacens animæ vegetativæ & sensitivæ directioni: ideoque nec univo-*
mis,

mis, sed pro partium diversitate varia. Si quis urgeat: In quavis coctione excrementa quædam se jungi, hic autem nulla, *Sextam questionem* injicit: *An in coctione illa etiam excrementa separentur?* Ad quam dicimus: Omnino. satis enim manifestè excrementum tum serosum, tum limosum advertere licet, & procul dubio tenuia quoque quædam expirant.

§. LXXXI. *Septima questio est: An coagulatio illa seminis differat à partium conformatione?* Rationis ad minimum discrimen advertitur. Etenim coagulatio sanguinis absolute dicit ejusdem ad consistentiam aliquam revocationem tantum, at partium conformatio certum modum istius consistentiæ. Si quis etiam plus differre velit, ei non repugno. Nam probabile esse judico partes non eodem momento perfici, quo inchoantur, sed rudera primum poni, dehinc magis magisque expoliri. Itaque coagulatio illa sanguinis vel ipsam impolitam structuram antecedit, vel primam eam actionem denotat.

§. LXXXII. *Octava questio est: Qua virtute seminis formantur partes?* Supponimus in hac questione formationem fetus procedere à virtute semini inditâ, non à Deo, aut alia causa externa. Nam etsi Deus omnia in omnibus operatur, tamen naturales effectus mediântibus naturalibus causis peragit. Et in partium formatione id peculiariter agentis determinati vim arguit, quod secundum phantasiam matris lædatur virtus foetum efformans, quod Deo non potest quadrare. Hoc qui adverterunt, omnes vim *πλαστικὴν* indignant, sed quæ sit illa vis, & qua ratione agat adhuc in dubio est. Ego arbitror vim illam *πλαστικὴν* esse facultatem animæ tum vegetantis, tum sentientis. Vegetantis quidem quoniam formatio partium & earundem nutritio ab eadem causa proficiscitur, & una eademque realiter actio est. Vnde liquet etiam, quod hæc virtus eatenus non sit distincta realiter à nutritiva. Nam si actiones ipsæ realiter non discrepant, utique ne proximæ quidem propriæque causæ efficientes realiter discrepare possunt. Cæterum, quod eadem virtus etiam ad animam sentientem pertineat, exinde videtur confici, quia secundum phantasiam matris diversimodè operatur. Sed causa omni cognitione privata objectivè seu idealiter moveri nequit, omnium rectè philosophantium arbitrio.

§. LXXXIII. Sed inquit quis: Siquidem vis plastica ad diversas animas pertinet, utique non una, sed duplex virtus est, & quo modo illa coalescit in unam? Siquidem sententiam Platonis de animâ mundi, & Stoicorum de spiritu universi sequi libeat, res expedita erit, nimirum

nimirum sentientem & vegetantem animam esse eandem. Sic etiam, si illam multorum Peripateticorum opinionem sequamur, unam tantum esse animam in animalibus & hominibus. Nam sic quoque eadem virtus erit animæ sentientis vel rationalis virtualiter ac eminenter inferiores animas ac facultates continentis. Verum concessa opinione Græcorum, plures esse animas in uno, dicimus, efficienter & proximè vim *πλαστικὴν* esse vim animæ vegetantis, at directivè & determinativè animæ sentientis, sicuti idem de nutritione affirmandum esset, hypothese illa stante. Animam autem rationalem hic non attingimus, quoniam opinamur, eam formati jam partibus Indi.

§. LXXXIV. *Nona questio est: Ubi manet semen formati & constituti partibus? Multi Aristoteli eam opinionem attribuunt, quasi is statuerit, formati partibus semen in statu dissolvi, atque sic vel in utero manere, vel ex eodem egeri: atque contra eam diversa argumenta concervant, ut sic sententiam Philosophi eliminent. Ut autem opinemur eam opinionem Philosophi esse, præcipuè duo loca citant, primum eum qui l. 2. de gener. anim. c. 3. extat, ubi ait, Hoc corpus seminis; cum naturam habeat aqueam & humidam, διαλυεται καὶ πνευματίζεται, dissolvitur & spiritus fit? Seu ut Gal. l. 1. de Sem. c. 4. explicat, πνευματίζεται in aerem mutatur, εἰς πνεῦμα μεταβάλλεται, quo sensu Gaza vertit Aristotelis verba: dissolvitur, versumque in spiritum evanescit: alterum ex l. 4. de generat. anim. c. 4. qui ita sonat: Semen maris, sive id auget materiam, & sit pars conceptus, misceturque semini samineo, sive non hoc modo concurrit, sed eo, quo nos dicimus cogens & condens materiam feminæ. Imò urgent, hoc ex principiis Aristotelicis necessario sequi, quoniam secundum ipsius Axiomata & principia certum est, efficientem seu principem seu instrumentalem causam non ingredi naturam seu essentiam effectus. Semen autem diversa potestate vocis princeps & instrumentalis causa nominari potest, ut supra visum.*

§. LXXXV. Circa hanc difficultatem existimo omnino semen manere secundum essentiam & virtutem suam in genito. Atque ut omitterem absurda illa, quibus adversam sententiam impugnant, solum urgeo ex iis quæ supra constituta sunt, 1. Quod semen se habeat per modum perficientis ad sanguinem maternum, ut perfectibile. Perficiens autem & perfectibile jungi debent. 2. Quod in semine sint anima vegetativa & sensitiva cum nativo calido, sine quibus immanenti-

ti-

tibus partes constitui nequeunt. 3. Quod semen agit in sanguinem maternum, ut agens naturale, at illud immanens est, teste Arist. l. 2. de gener. c. 1. ubi ait : *Ars est principium & quasi idem illius, quod fit, sed in alio : sed natura motus in mobili est, ortum habens ab alia natura, quæ ideam habet actu secundo.* &c. Et huc commodè quadrant similitudines Aristotelis. Nam ille semen sæpius coagulo comparat, aliquando etiam fermento. Sed coagulum sanè manet in lacte coagulato, ac fermentum in pane fermentato. Quidni ergò & semen in sanguine coagulato?

§. LXXXVI. Ad rationes igitur contrarias dico : Ad primum locū Philosophi, male ibi explicari διὰ τὴν αἵματι & πνεύματι per dissolvitur & in flatum evanescit, sed potius, quod dissolvatur, & in tenues partes resolutum undique sanguinem maternum pervadat, & sic cum eo unum quid constituat, sicuti ex comparatione fermenti cum semine, quam l. 3. de generat. anim. c. 4. instituit, id clarè intelligi potest. *Natura calidi animalis, (quæ ex semine ipsi advenit) agit penè ut fermentum. Hoc enim ex mole exigua fit magnum, humescente quidem parte solidiore, in spiritum autem verso humore & δὲ ὑγρὰ πνεύματι μίχου.* Ad secundum locum dico : Aristotelem ibi solum denotare, quod semen non subeat rationem materiæ in conformatione fœtus, non quòd non subire queat rationem efficientis internæ. Inde l. 1. de generat. anim. c. 21. scribit. *Mas non dat ullam partem magnitudinis, sed tribuit partibus ut sint tales.* Quid verò est, tribuere partibus, ut sint tales? Sanè formam & essentiam. Et paulò ante. *Quod à matre tribuitur, non idèò tribuitur, ut ex illo tanquam inexistente (i. e. materia) fiat id, quod fit : sed ut habeat rationem motus & formæ.* At quo modo rationem formæ habere poterit, si separetur? Denique ad rationem dico : nihil notius esse in Philosophia Aristotelis, quam formam, finem, & efficientem in causis naturalibus coincidere. At forma rei intrinseca est. Sed quomodo tùm causa efficiens est causa externa? Dico, sic dicitur ratione essentiae in respectu ad materiam, in quam agit. Atque id verissimum est. Nam forma nunquam fit essentialis pars suæ materiæ. Dehinc actus quoque formæ est vel effectivus, vel formalis. Itaque cum priore causato nunquam coalescit forma : at cum posteriore bene. Atque uterque conspicitur in semine. Primus, quatenus materia limitatur, restringitur, apta redditur ad formam : secundus quatenus tali materiæ semen ipsum dilutum & in spiritum versum sese sociat, & cum ea constituit genitum.

§. LXXXVII. *Quæstio decima est. An nutritio & augmentatio*

factus semini; an factus sit ascribenda? In hac quoque quæstione supponendum est, foetus non revera nutriri & augescere in materno utero. Atque sic dico: revera videri foetui potius munus illud attribuendum. Etenim semen tùm temporis jam in foetus constitutionem abiit, & pars ejus, non materialis, sed formalis factam est. Nihilominus illa virtus foetui ex semine accessit, unde originariè, & remotè illa opera semini attribuuntur.

§. LXXXVIII. *Quæstio undecima est: An ipsum semen rectè dicatur nutriri?* Affirmativam diversi Autores asserunt, ac ipse Gal. & Arist. quodoque sic loquuntur. Veruntamen quia semen non est totum vivum, & in esse seminis non augetur, nisi externâ alicujus adjectione nutriri propriè non dicitur, licet in causâ sit, quod partes nutrantur. Posset etiam distingui, quod aliquid dicatur nutriri ut quod, & ut quo: Itaque semen nutriri ut quo, non ut quod. Item considerari semen separatim & conjunctum, formaliter ac materialiter. Ita ergò semen non nutritur separatim consideratum, & prout formaliter adhuc semen est, nutritur verò conjunctum sumptum, materialiter nempe consideratum, prout partibus ingenitum est.

§. LXXXIX. *Adjuncta seminis præcipua sunt ejus quantitas, & qualitas, quæ tamen non omnia æque magni momenti sunt. Quantitas seminis absoluta non constat; certum tamen est tùm ex partium generantium & asservantium parvitate, tùm ex experienciâ unâ vice non ita magnam quantitatem in corpore reperiri. Sufficit tamen illa generationi abundè in sanis, & satis quoque copiosa est, quia sæpius regeneratur. Objiciunt aliqui copiosum eiluxum seminis in iis, qui gonorrhœâ virulenta laborant: sed novisse debent, non esse eam materiam semen, sed virulentum pus circa genitales partes productum.*

§. XC. *Qualitas seminis vel motiva, vel alterativa est. Hæc rursum vel manifesta, vel occulta est. Manifesta seu sensilis vel tactus, eaque prima, seu temperies, & secunda, vel visibilis, vel odorabilis, vel gustabilis. Occulta tùm σμυκτέια, tùm ἀντισμυκτέια. De quibus nostra methodo per quæstiones agemus. Prima quæstio sit: Quodnam sit temperamentum seminis? Quoniam principium vitæ est, imò animam ipsam in se habet, calidum & humidum esse debet. Ac de calore ejus testatur abundans spiritus, qui in ipso reperitur, tum causa generans instrumentalis calida, tum effectus seminis de quo partim circa finem ejus actum est, partim uberius postea agetur. Ac calor ejus multò major calore sanguinis est, quoniam ex eo nova coctione fit, & in paucâ materiâ terrestri & aqueâ*

aquea plurimum spirituum habet. De humiditate præter alia testatur ejus fluiditas, ut adeo omnes humanum semen liquidum esse corpus dixerint. Ac quanquam Ctesias Cnidius semen elephanti ita siccasse & indurari asseruerit, ut electro simile videatur, tamen meritò Arist. l. 2. de generat. animal. c. 2. eam opinionem rejicit.

§. XC I. Verum hujus occasione *secunda questio* movetur, quandoquidem in ista pro prædominio qualitatum ad elementa revocari soleant, cum quo elemento semen cognationem obsteat, seu ad quod elementum optimè referri possit? Optimè respondet Averrh. Paraphrasi in l. 1. de generat. anim. c. 20. quod semen respondeat *butyro*, adeoque prædominio ignei & æreum sit. Id enim congruè ad temperamentum dicitur. Inde loco eodem Philosophus docet semen non gelascere, quia natum ex aëre & spiritu est, aër autem non gelascit. Sed inquit quis: *Quare ergò Aristot. l. 2. de generat. animal. c. 3. docet semen habere naturam aqueam, ac c. 2. esse aliquatenus terreum?* Censeo, quod semen aliquando consideretur secundum *ivépyetav* agendique efficaciam, aliquando secundum consistentiam & sensus apparentiam. Primo modo si spectetur, igneum & æreum dicitur: secundo aqueum & terreum à Philosopho dictum fuit.

§. XC II. *Questio tertia* secundas qualitates feminis concernit, estque: *An semen potius debeat esse tenue, an crassum, fluidum an lentum?* Assentimur Aristot. l. 7. de Histor. anim. c. 1. & Gal. l. 2. de sem. c. 4. qui utrique sæcundum semen crassum esse asserunt, & lentum, ut adeo loco citato Philosophus grandinis modo, coacta esse sæcunda semina dicat. Inde etiam l. 3. Hist. anim. c. ult. sæcunda semina docet in aqua subsidere, at infæcunda disfluere. Et idem ratio confirmat. Etenim quandoquidem semen coctione ex sanguine sit, quo ea perfectior & diuturnior, eò majorem lentorem & crassitiam inducit. Ac inde qui veneri non ita frequenter indulgent, lentum magis & crassum semen egerunt, & masculos plerumque generant: secus evenit iis, quo debitum coctionis tempus semini non permittunt. Attramen sicuti in omni mediocritate excessus dari potest, ita non nego, fieri quoque posse semen nimis crassum, addo & in principio nimis lentum: verum tantum in statu præternaturali corporis & partium genitalium: alio enim judico naturam per gonorrhœam potius plenè elaboratum semen ejeturam, quàm corrupturam.

§. XC III. *Quarta questio* de qualitate visibili hæc sit: *Quem colorem habeat semen?* Eam rursum Philosophus l. 2. de generat. anim. c. 2. &

3. & l. 3. histor. animal. c. 22. solvit: docens fecundum semen album esse, ob spiritum multum, nigrum autem evadere spiritu dissoluto, & præcipuè in aëre frigido. Ac experientia confirmat, semen albicantis coloris esse, interim non albißimi, sed quasi pellucis glaciei ac spumæ seu bullæ aqueæ. At controversia hic movetur? *Vnde fiat, quod semen album colorem habeat?* Gal. l. 1. de sem. c. 12. & alibi, causam refert ad partes albas, quæ semen efficiunt: Arist. verò loc. cit. ad spiritum inclusum aëri respondentem. Horum ego, utrumque verum dixisse iudico. Nam id sane verum esse videtur, quod id, quod substantiam generat, accidentia quoque eidem naturalia impertiat. Sed id sic accipiendum est, quod temperamenti sui natura & vi coctionis partes illæ albedinem semini conciliaverint, non autem albore suo. Nam album non producit albedinem qua tale, nisi suo colore alterum imprægnat, ut experientiâ constat, quod partes semen elaborantes non faciunt. Ideò Arist. inquisiturus, quâ ratione, quibusq; principiis partes ipsæ colorem album in semen inducere potuerint, ad hunc spiritum se recepit. Si quis quærat: *quâ virtute ille spiritus semen album reddat?* Secundû Ar. responderetur, quia aerius. Aer enim, ut ait 2. de gen. anim. c. 4. *in minima divisus albedinem facit, ut spumam quoq;*. Quippe aer naturâ suâ albus est, ut testatur l. de col. c. 1. Hæc etsi à multis ita recipiuntur, vereor tamen an vera & ipsis Aristotelicis principiis congrua sint. Accuratè enim loquendo aër perspicuus est, nulliusq; coloris particeps. Mavelim itaq; dicere, spiritum illum alboris esse causam, quia igneus est, ignis autem per se lucidus, & cum prædominatur in crassis elementis, maximè aqueis albedinem producere, quatenus albedo luci vicinissima est.

§. XCIV. *Quæstio V. eâ occasione movetur, quod semen dicitur corpus spumofum, quæritur enim an semen propriè debeat dici spumofum corpus?* Arist. sane eo inclinât, sed dubiû quidam movent, quod Gal. l. 2. Aph. 46. & 2. Progn. 47. docuit in generatione spumæ substantiarum diversarum permixtionem reperiri, talem autem facere essentia diversitatem, cum semen sit ens aliquod per se & unius essentia, unâ formâ informatum. At hoc non ita difficili negotio solvi potest. Nimirum spuma aliqua generatur, aut ab externo aërio seu spirituofo ingrediente, aut ab interno comovoente se & incluso. Illud ens per accidens facit, non hoc. Hujus verò generis in semine reperitur. Et discerni quoq; magnum est; an in aliquo sint partes diversæ essentia, an totum inde compositum fiat ens per accidens. Nam omnia mista continent entia diversæ essentia, nihilominus entia per se sunt, modo illa componentia incompleta sint, & ad unû

con-

constituendum per se concurrerint. Atq; sic etiam si spiritus spumam faciens, & crassamentū seminis ingressum impediens, essentiā discrepēt, tamen quia incompleta entia sunt, per se ad seminis constitutionem ordinata, illud ens per se est. Imò etiam simile, quatenus æqualiter illæ diversæ partes inter se sunt permixtæ.

§. XCV. *Questio VI. de odore seminis moveretur, qualis sit?* Gravem odore esse experientia satis testatur, atque provenit ille ex copia spirituum in materia crassa exhalationes illas confertim naribus imprimente: attamē an virosum propriè loquendo dicere possimus, dubito. Neq; enim à corrupto corpore procedit, sed à semine in naturali statu posito, nec virulentie suę indicem, damnum nempe grave per se affert, ut solent quidem facere, quæ virulentum odore propriè dicuntur habere. Attamen quia autores multi sæpius virosum odore appellare solent, gravem & adversū, qui ita cum illis loqui voluerit, me non repugnante id facere poterit.

§. XCVI. *Questio VII. de sapore est, qualis semini competat?* Aliqui subfalsum esse docēt, ego experientiam nunquam feci. Sed eo dato, quæri potest, unde subfalsus ille sapor semini obtingat? Quandoquidē serum falsum est, & improbabiliter dici potest, ex sanguine, cui aliquod serū inest, semen generari. potest equidem sapor ille sero ascribi. Attamen neq; improbabiliter defendi mihi posse videtur, à spiritu vitali copioso eum saporem produci. Certè Chymici in Mercurialibus liquoribus salis volatilis plurimū inesse asserunt & spiritus vitales huiusmodi substantiæ assimilant.

§. XCVII. De qualitatibus audibilibus & occultis nihil memoratu dignū communiter moveretur. Ergo his prætermisissis de motiva qualitate *questio octava* sit. Nempe *an semen grave vel leve sit?* Absolutè loquendo grave dicere oportet fœcundum semen. Et enim id in aqua fundum petit, cum infœcundum, utpote nimis tenue & non satis lentum in eadem dissolvatur, ut docet Arist. l. 3. de hist. c. ult. At dicat quis, semē igneum est & aereum prævalentiā virtutū. Ergo leve quoq; Dico antecedens intelligi debere respectu virtutum alteratarum primarum, non respectu qualitarum quarundā secundarum aut motivarum. Atq; hæc nullo modo pugnant, ut documentis pluribus probari potest. Rursus instet: Semen in corpore sibi relictum moveretur sursum, ut apparet ex rauceidine ex copia seminis, & quibusdam cerebri morbis, ex semine oriundis. Sed repono: eo casu semen non manere in statu suo naturali seu qua unitatem, seu qua qualitatem. Atq; sunt qui opinentur, non semini ipsi, sed auræ cuidam seminali calefactæ effectum eum esse ascribendum; de quo videbimus mox agentes de effectis seminis.

§. XCVIII. Effecta

§. XCVIII. *Effecta seminis alia præstat in corpore in quo generatur, alia in corpore in quod immittitur. In corpore in quo generatur effecta quadam edit in partibus generationis & asservationis, quadam in partibus aliis. In partibus generationis excitat appetitum Veneris, ac consequenter allicit necessearios spiritus ad copulam conjugalem & excretionem seminis. In toto corpore, quamdiu non nimium est, Leuitiam affert, ubi nimium, tristitiam, & raucedinem, ut solum aliqua attingam, quia hic de vi seminis in morbo efficiendo nolumus agere. In alio corpore ea, de quibus §. 79. & seqq. supra tractauimus, ut adeo de prioribus solum aliqua adicere debeamus.*

§. XCIX. *Ergo primo queritur: Quo modo semen Veneris appetitum exciet? Respondendum irritatione partium genitalium. Fit autem illa irritatio quantitate & qualitate seminis. Illa distendit partes genitales, & sic pondere & tensione irritat: hac per se & directa alteratione caloris & acredinis maximè easdem vellicat. Atque hinc ille ὀγκυσμός seu turgentia & impetus in venerem procedit. Hinc quoque causa reddi potest: quare calidioris constitutionis homines & biliosi facile in venerem ruant, quare item podagra aut calculo obnoxii sint magis libidinosi? Quia scilicet priores calidius, hi quoque acrius semen obtinent. Verum quare continuato usu Veneris ejusdem appetitus fit major? Inter alias hæc causa est, quod natura consuecat ad partes genitales spirituum copiam dimittere, & viæ quoque ad recipiendum fiant aptiores.*

§. C. *Secundo queritur. Quæ ratione semen allicit ad partes genitales spiritus sufficientes? An id fit per se ob συμπάθεια & convenientiam cum illis? Simile enim simile attrahit. An consequenter, quatenus vel partibus sensibilibus irritatis eæ attrahunt, sine quibus nequeunt functioni suæ præesse: vel illis principes partes conspirantes in subsidium veniunt? An omnibus illis modis id contingit? Ego posteriores duos elegerim, quam primus quoque defendi potest.*

§. CI. *Tertiò queritur: Quo modo fiat seminis ejaculatio? Hoc cap. 9. §. 70. Superius est solum, quod nempe fiat, partim à spiritibus influentibus propellentibus semen, partim à partibus genitalibus contractione sui ob irritationem facta expellentibus. Nam quandoquidem continuò spiritus quidam affluunt, quandoquidem materiales sunt, & calidi quoque, partim corpulentia sua protrudunt, partim calore suo rarefaciunt agitantque illud semen: ac quoniam ipsæ partes sensibiles vi constrictiva pollent, non est dubitandum, quin hæc concurrat, imò*

præ-

præcipuas partes exferat, ut adeo sensus attestetur, cum ejaculatur semen, aliquam expulsionem fieri contractione partium ad radicem membri virilis.

§. CII. *Quarid queritur: Quæ ratione semen moderatè abundans hilaritatem conciliet?* Quatenus nempe inde cor & totum corpus magis calidum redditur, & spiritibus magis repletur. Causam & rationem attuli supra c. 15. §. 42. *Quomodo queritur: Quo modo graveletur corpus & rauceo inducatur, nimium cumulasemine?* Nimirum partim quatenus corrupta & depravata aura cum sanguine ex partibus genitalibus naturali motu sanguinis recurrit, & partibus omnibus vel quibusdam molesta est; partim quatenus alii quoque vitiosi humores in corpore cumulantur.

§. CIII. Alterum generationis principium est *sanguis maternus*, de quo itidem nobis tractandum venit, tum quoad nomen, tum quoad rem ipsam, circa quam causas, essentiam, adjuncta & effecta expendenda veniunt. Quoad nomen dicitur alterum principium generationis nostræ *sanguis maternus*, quia ille sanguis à matre ad generationem suppeditatur. *Menstruus* quoque seu *mensurinus* appellatur, quia in mulieribus ad generandum aptis, quando non utero gerunt vel lactant, plerumque singulis mensibus evacuari solet, quoniam nempe iis casibus utilitatem in materno utero præstare non solet. Inde apparet, quod *menstruus sanguis* non solum dicatur, qui actu singulis mensibus separatur, sed etiam qui evacuetur, nisi naturaliter gratiâ foetus nutriendi immediate in utero, aut mediâtè in lac conversus ex mammis, aut aliâ de causâ præternaturaliter retinetur. Inde distinctio nata in *sanguinem menstruum internum & externum*. Uno nomine vocant eundem *menstrua & menses*, ut hæc nomina interno plerumque aptentur. Hippocrates *muliebria* aliquando appellat, quæ tamen vox aliquando lochia seu sanguinem puerperii, aliquando & genitales partes mulierum denotat. Nominant etiam *florem muliebrem*, quia sicut communiter flos fructum præcedere solet, ita ille plerumque apparere solet, antequam mulier concipiat.

§. CIV. Causas quod attinet, quoniam *sanguis maternus seu mensurinus est verus sanguis* circa materiam & formam nulla suboriri potest difficultas, attamen quia aliquantum ab eo differt, qui nutritioni partium matris destinatur, ut idèd maternus & mensurinus dicatur, aliquæ controversiæ circa efficientem, finem, propriam essentiam, & consequentia adjuncta moventur, quas ordine executiemus. Ac principio que-

ritur circa efficientem. *An sanguis menstruus à calore vel frigore gignatur?* Parmenidi tribuunt, quod judicaverit à calore provenire, nixus eo argumento, quod omnis sanguis à calore proveniat, magis multus ergo seu copiosior à majori calore, atque inde quoque probavit mulieres esse maribus calidiores. Cæterum Arist. l. 4. de gener. anim. c. 1. & Gal. l. de venæ sect. adversus Erasistr. c. 7. ad frigiditatem referunt, quatenus nempe fœminæ sunt frigidioris constitutionis, quàm mares, ac inde sanguinem tam multum, quàm coquunt, consumere nequeunt. Et hæc ἀδυναμία illa ἀναπύξια φυσική mulierum est, de quâ sæpe Aristot. non quòd monstrum sit in naturâ primum, quemadmodum falso illam sententiam Philosopho tribuunt. Hinc intelligi quoque potest, quare Philosophus l. 2. de gen. anim. c. 4. asserat necessario, ἔξ ἀνάγκης, hunc sanguinem generari, quia scilicet naturale mulieribus est, ut sint viris frigidiores. At quod naturale alicui est, illud ei per se competit, & per se est gradus quidam necessitatis, ut ex doctrinâ demonstratione constat. Rursum illa mulierum frigiditas est causa menstrui per se, ergo necessaria. Hæc ideo, ut intelligatur, quo sensu admitti debeat, quo sensu sit Gal. explicandus, quando loco cit. docet ob vitam sedentariam & otiosam mulierum, & quia non sub claro degunt, mulieribus menstrua convenisse. Nam si veram causam & per se indiguisse quis asserat, falsitatis eum coarguet, cum multæ mulieres vitam laboriosam & sub dio transigant, menstrua tamen patiantur: at si accidentalem nominasse dicas, quæ conjungitur, & coadjuvat, utique verum est, quod ait. Hinc causam reddere licet, quare *Viri non habeant menstrua?* Quia scilicet calorem abundantiorē habent, quo etsi multum sanguinis generant, multum tamen consumunt & dissipant, atque adeò nullum excedentem naturaliter cumulant. Facit tamen huc etiam exercitium vehementius, mora in sole &c. His ita constitutis ad rationem Parmenidis dico: absolute loquendo sanguinem menstruum procedere à calore, nam coctione generatur, ut & alius sanguis: & suppetente materiâ à calore majore intra mediocritatem constituto etiam copiosorem produci, ut itidem faciunt mares, cum plus quam mulieres comedant, si recte secundum temperamenta, sanitatem & ætatem cum iis comparentur: Imò plus quoque congeri, nisi dissipetur, & consumatur: quæ ultima causa est, ob quam mulieres, etsi minus calidæ tamen egeant illâ evacuatione singulis mensibus.

§. CV. Sic

§. CV. Sic ostendimus, quod sanguis menstruus generetur quidem à mulieribus à calore, attamen debiliore quam viri habent, qui idèò comparative frigiditas, impotentia, & mutilatio ab Autoribus nuncupatur, ut inde quoque quæstio solvi queat, *Quare virgines pauca aut nulla menstrua foris emittant?* Quia scilicet calidiores cum sint, consumunt eum magnâ aut omni parte, etsi ægre credam, eousque calorem mulieris augeri posse, ut virilem calorem attingat, & sic nulla prorsus menstrua generet.

§. CVI. Eo sic constituto *secundò queritur: Quare ergo mulieres non semper, seu in omni aetate sanguinem menstruum generent, nempe non aucto annos pubertatis, & post annos consistentis ætatis, quoniam illis ætatibus debilem illum calorem, imò debiliorem participant.* Imò quare non viri quoque quidam sine dubio mulieribus quibusdam frigidiores, ut pituitosi comparati cum mulieribus biliosis, isidem non generent sanguinem menstruum? Ad primum dubium dico: non quemcunq; debiliorem calorem aptum esse illi generationi, sed eum demum, qui satis sit robustus: ac ideo in tenellis virgunculis, quæ puberes nondum sunt, cum humiditate nimîâ obruatur, & quia multum alimentum quoque in partes cecedit, & in adultioribus, quia senio calor debilitatus est, nullus provenit, aut ita exiguus, ut foras se non prodat. Ad alterum respondeo: *Non debere mares & fœminas in hac controversia absolute in gradu caloris comparari, sed respectivè secundum latitudinem temperamentorum.* Nam intra eam latitudinem natura congruum calorem unicuique concessit. Et idèò etsi v. g. pituitosus mas frigidior est biliosa fœmina, tamen ille in suo temperamento habet calorem tam abundantem, ut sanguinem quem conficit, digerere possit: at mulier biliosa in comparatione ad suum temperamentum calorem obtinet debiliorem, quam ut possit omne alimentum consumere, itaque necessariò aliquid cumulat vel evacuandum, vel fœtui pro alimoniâ præbendum vel proximè, vel remotè. Zacutus Lusit. tamen l. 2. admir. prax. Med. observ. 11. exemplum viri refert, qui ab anno vigesimo ad quadragesimum quintum instar mulieris per penem menstrua passus sit.

§. CVII. Liqueat ergò ex his, quod ordinariè fœminæ tantum, & quidem ætate perfectè tantum menstrua generent, & patiantur: quia scilicet in iis tantum usum obtinere possunt. Sed illud tempus absolute determinare impossibile est. Etenim ut rectè docet Hipp. 6. epid. 8. c. 16. ætas ab ætate differt, ut adeo his adolefcentia, illis jam sit juven-

tus, ac juvenus consistens ætas, & hæc senium. Nihilominus determinatur communiter id tempus ab anno decimoquarto ad quadragesimum quintum. Ac quidem, ut Arist. docet l. 7. de Hist. anim. c. 1. cum erumpere incipiunt, ubera prominere incipiunt ad duos digitos, & vox rauca evadere, nimirum ob mammarum fauciumque cum utero consensum. Licet autem decimoquarto appareant, tamen plerumque ante vigesimum primum non soleant concipere, aut si concipiant, solent emittere foetus debiles, ac vix vividos: quoniam nempe nondum sufficientem copiam sanguinis menstrui generent, sed ob augmentum corporis à partibus in nutrimentum proprium convertatur. Accedit & illud, quod rectè ab Aristotele notatum est l. 1. de gen. animal. c. 20. quod prima menstrua crudiora & subalbida sint, adeoque imperfectiora & ineptiora seu ad structuram seu ad nutritionem parvum. Et quod de termino inchoationis notatum est, idem de desitionis observatum, rarius post illud mulieres concepisse, aut plerumque foetus non vividos in lucem emisisse. Verum ut pleraque naturalis Philosophiæ dogmata, ita & hæc exceptionem admittunt.

§. CVIII. Cæterum, inquit aliquis, hæc quidem ita dicuntur, dubium tamen maximum circa hypothesin occurrit, nempe *an menstrua sint destinata satus conformationi & nutritioni?* Id enim falsum esse videtur, tum autoritate Gal. qui l. 1. Prorrh. 48. expressè docet, foetum ex optimo sanguine ali, relicto vitiosiore sanguine, qui singulis mensibus evacuari solebat: tum variis argumentis. Nam 1. Sanguis menstruus tam vitiosus est, ut sit nutritioni ineptus. 2. in quibusdam non apparet, quæ tamen concipiunt. 3. quibusdam etiam prægnantibus & lactantibus effluit. 4. non omnia animalia sanguinem menstruum habent, quæ tamen concipiunt, & foetus emittunt vividos. Tertia itaque ea *Quæstio* sit, quanti ut solvamus, documenta primum notabimus, quibus probari affirmativa queat, dehinc objectiones solvamus. Sunt ea documenta, quod cum mulieres pubescere incipiunt, menstruum fluxum pati soleant, quod ægrè ante concipiant, quod eæ rarissimè concipiant, quæ menstrua non habent, quod utero gerentibus & lactantibus raro appareant, quod apparere incipientibus foemine magis in Venerem proclives reddantur, quod mammae illis tum turgere incipiant, quodque vox illis rauca reddatur: quæ pleraque etiam notata sunt ab Aristot. l. 1. de gen. anim. c. 19. & diversis in locis. Accedit, quod aut ex sanguine, qui necessarius matri ad alimoniam est, consti-

tua-

tuatur & nutriatur fœtus: aut ex abundantia. Prius absonum, quia natura novo individuo producendo prospiciens destrueret conservandum. Ergo posterius. At illum menstruum Autores nominant, non substantiâ sua, sed ab accidenti, quoniam eum, cum eum ulum præstare non potest, natura evacuare studet singulis mensibus. Si enim in muliebri corpore maneret, utique natura non satis cavisset mulieribus necessariam & inevitabilem morborum causam secundum naturam ipsi ingenerans. Ac nihil quoque deesse ipsi, quod ad nutritionem conferat, postea monstrabimus. Ut argumentis satisfiat, quæstiones institutas persequemur.

§. CIX. *Quæstio quarta est: An possit mulier quaquam concipere, cui nunquam menstrua fluxerunt?* Raro id fieri experientia constat, & ægrè quoque fieri potest, aut si fit, fœtus minus vividi & macri prodeunt, quippe sufficienti alimento destituuntur. Nihilo minus aliquando id fieri posse & factum esse collectis diversis exemplis docet Sennert. l. 4. prax. part. 2. f. 2. c. 1. q. 1. antea autem jam notavit Arist. l. 1. de gen. anim. c. 19. Neque id sententiæ antea allatæ repugnat. Nam ut sub finem capituli ait: *qua magna ex parte sunt, ea maxime secundum naturam.* Nam aliquando natura aut aberrat, aut alia ratione defectum illum compensat. Et sic in illis mulieribus et si defecerunt menstrua externa, non tamen defecerunt interna, sed in iis quoque redundavit tantum, quantum fœtui satis esset.

§. CX. *Hoc ex quæstione quinta optimè dijudicari potest: Quando fame facillimè concipiant?* Nimirum non fluentibus menstruis, quia tum utero nimis humido semen adhærere nequit, sed à sanguine affluente nimio exturbatur aut obruitur nimium: neque commodè ubi vasa exactè clausa sunt, quia tunc deficit semini materia, ex qua fœtum formet & nutriat, sed post purgationem. Neque enim natura tam exactè expurgat, ut nihil supersit, & parum primæ conformationi satis est, maxime cum continuò dehinc accrescat, & vasa nondum validdè clausa facilius tunc aperiuntur. Sic ergò quæ concipiunt, quibus nulla menstrua foris erumpunt, tantum tamen interni menstrui habent, quantum prolificæ à purgatione. At postmodum fœtu robustiore factus ex sanguine matris compensat defectum, unde illa macra evadit, aut copiosiore sapiusque accepto alimento plus sanguinis generat, quam prius consuevit. Inde problema solvere licet, *Qui fiat, quod prægnantibus macrum siccis fœtus vividi generentur?* Quia nempe benè nutriuntur,

triuntur, ita ut aliquid alimentarii sanguinis matri debiti consumant. Intellige autem nisi prægnans morbo aliquo teneatur. Ex adverso, *pregnante pinguescente foris debiliior serè est*, consumente matre partem alimenti fœtui debiti: nisi uberrimum sanguinem mater generet, ut utriq; abundè sufficiat. *Eadem causa est, quare pingues agère concipiant* ? Quia nempe parum sanguinis menstrui cumulant. Sed tamen & hic ultima distinctio adhibenda venit.

§. CXI. *Quæstio VI. est: Quare mulieri soli majori copia menstrua essent, quam aliis animalibus?* Docet Arist. l. 6. hist. anim. c. 18. mulieribus inter animalia plurimum sanguinis menstrui provenire, aliis fœminis minus. Atque l. 7. hist. animal. c. 2. causas refert: quia nempe aliis animalibus in alimoniam, aut in pilos, aut in squammas, aut in magnitudinem corporis commutatur. Neque hoc concludit, quod sanguis menstruus non sit ad generationem necessarius. Nam viviparis animalibus, quibus menstrua sunt necessaria, quando ad concipiendum apta sunt, menstrua apparere solent, ut ibidem Philosophus notat. Ac superius ad præcedentem quæstionem notavi, quomodo etiam in principio paucis existentibus menstruis eorum quantitas angeri possit. Si quis urgeat, *quare idem non contingat etiam in mulieribus* ? Iudico, quia aliorum animalium calor abundantior, ut adeò per copiosum cibum promptius defectus illius sanguinis compensari possit.

§. CXII. *Quæstio VII. Vnde eveniat quod prægnantibus quibusdam menstrua procedant?* Utuntur & hoc experimento aliqui, qui sanguinem menstruum negant fœtui materiam nutritionis & conformationis largiri. Sed in ipso Arist. duplex objectionis illius solutio reperitur. 1. Quod id plerumque morbosum sit, & contra naturam, adeò ut sic dispositæ mulieres fœtus morbosos & minus vividos in lucem emittant, nempe ob alimentii necessarii partem aliquam evacuatam. 2. Quod in quibusdam, sed raro, id accidat ob plethoram, & nimiam sanguinis menstrui cumulationem, qui adeo non solum fœtum sufficienter alat, sed & parte aliqua evacuationem exigat. Confer Philosoph. l. 1. de gen. anim. c. 19. l. 4. c. 5. & l. 7. Hist. c. 2.

§. CXIII. Eodem modo solvi potest *quæstio VIII. Quæ fiat, quod lactantibus quibusdam menses procedant* ? Nimirum in quibus id accidit cum diminutione lactis, ex morbo procedit: in quibus cum sufficienti copia, ex abundantia & plethora. Sunt equidem aliqui, qui eum non esse verum sanguinem menstruum asserunt, sed vel ex hæmorrhoidibus uteri pro-

procedere, vel esse reliquias lochiorum paulatim secedentium. Verum
his nequitiam assentiri possum. Etenim statuto tempore ad modum a-
liorum menstruorum procedit. At inquiunt: ater nimis est. Resp. ille
nimium adustus, & talis apparere solet sæpè dum non lactant: de-
inde non omnis talis est. Porro obijciunt: Sanguis menstruus cum mo-
lestia evacuat, at qui lactantibus profluit, non item. Repono initio,
non perpetuo hunc sine, nec illum cum molestia profluere. Deinde
quare frequenter id accidat est, quia sanguis menstruus cum divisus est
in partem, quæ lacti conficiendo destinatur, & in eam quæ excernit-
tur, utrique in vasis uteri tantam ex distensione & commotione cæteris
paribus molestiam & irritationem causari nequit, adeoque nec ita gra-
via symptomata concitare.

§. CXIV. *Quæstio IX.* est: *An & cujus coctionis sanguis menstruus sit
excrementum?* Excrementum esse facile convinci potest ex eo, quod non
sit quid retinendum, sed excernendum, & omnino alii, quàm corpo-
ri in quo generatur destinatum. Sed cujus coctionis excrementum sit,
quidam ambigere videntur, tum quia per uterum transit, tum quia
per exiguas venas & arterias demum expurgatur. Verum enimvero
quoniam essentialiter sanguis est, & quoniam in utero nullam muta-
tionem accipit, & quia per parva sanguinea vasa etiam excrementa se-
cundæ coctionis evacuantur, omnino opinari oportet, secundæ co-
ctionis excrementum esse. Aliqui distinguunt insuper, sanguinem
menstruum dicentes esse excrementum secundæ coctionis immediatè,
tertiæ autem mediatè: satis φιλοσόφως. Nam quia à secunda coctio-
ne propagatio fit ad tertiam, non potest quid immediatè esse secundæ,
& tertie coctionis mediatè excrementum, nisi à tertia coctione ad se-
cundam præter naturam reversum sit. Unde fortè probabilius secundæ
coctionis immediatè, tertie autem immediatè excrementum dici po-
tuisset, veruntamen quoniam in utero nullam mutationem accipit, sed
ille viam tantum præbet per quam transit, potius absolute secundæ
coctionis excrementum judicatur.

§. CXV. *Quæstio X.* est. *An sanguis menstruus sola quantitate, an
qualitate etiam peccet?* Multi non solum Recentiores, sed & Veteres o-
pinati sunt sanguinem menstruum non solum quantitate sed & quali-
tate peccare. 1. Quia sine gravibus symptomatis non solet evacuari.
2. Quia aliis propinatus amentes aut deliros eos solet reddere. 3. Quia
ejus vitio omnes variolis & morbillis obnoxii fiunt. 4. Quia delecta-

riam

riam qualitatē suam inquinatōe speculorum, segetum & carniū corruptiōe, animalculorum interfectiōe, de quibus prolixē Plinius l. 7. Histor. nat. c. 15. & l. 28. c. 7. differit. Ex adverso alii Autores contrariam sententiā defendunt, sanguinem menstruum peccare solā quantitatē, quoniam fœtus conformatiōi nutritiōique est dicatus, ille autem taliter inquinatum venenosumque quidem tolerare non possit.

§. CXVI. Atque hæc opinio manifestē est Hipp. l. 1. de morb. mulier. c. 15. & Arist. l. 7. de Hist. anim. c. 1. ubi docent: sanguinem eum esse similem animalis recens jugulari: ac vera quoque est, quippe generatiōis modo & sine alteri prorsus similis. Id tamen cum eā limitatiōe intelligendum est, si secundum naturam se habeat, nam alioquin si vel diuturniore morā, vel morbosā dispositione, obstructiōe aut alia causa corrumpatur, deterrimē corrumpi solet. Et quia id etiam intra latitudinem sanitatis consistētibz mulieribz accidere frequenter solet, indefinitē quandoque Gal. eum vitii insinuat, licet non ubique. Hinc ut aliqui concilient Gal. ajunt sanguinem menstruum quidem internum inquinamento carere, externum autem omninō vitiosum esse. At quis credat tam subitō externum corrumpi, neque antea in internis corruptum esse. Imo quo modo solvant argumentum illud de variolis? Inde mavelim absolutē potius respondere, rarō mulieres ita sanas esse, quin aliquid morbosū illis accidat, id tamen non impedire, quo minus verē dici possit, sanguinem menstruum secundum suam naturam nullum inquinamentum obtinere.

§. CXVII. Respondeo itaque ad argumentum contrarium 1. multis fœminis sæpē citra ulla symptomata quasi nescientibz menstrua prorumpere: quibzdam etiam ea symptomata accidere non ob vitium qualitatiz, sed ob redundantiam sanguinis. Ad 2. etiam sanguinem sani hominis alteri propinatum, si temperamento sexuque sit diversus, multa mala asferre: neque tamen id ita perpetuum esse, quin contraria exempla reperiantur. Imō plerumque eum sanguinem vitiosum & præternaturalem esse inde elici, quod aliis non solet propinari nisi à scortis Veneri & ingluviei deditis. Ad 3. in dubio adhuc esse, utrum ex sanguinis an puerilis intemperantiæ culpā istud malum plerosque infestet: imō aliquos ab hoc malo prorsus esse immunes: aliquos parum tentari: aliquos quinimo in eā sententiā esse veteribz Græcis morbum eum fuisse ignotum. Sed de hoc suo loco. Ad 4. vera ista esse non de omni, sed

sed aliquo sanguine menstruo, nempe valdè corrupto, de quo nulla quæstio.

§. CXVIII. *Quæstio XI. est: An sanguis menstruus sit crudus magis, quàm alius sanguis?* Hoc colligunt quidam ex Arist. l. 4. de generat. animal. c. 1. ubi docet, quod foeminae natura consistat in cruditate & frigidityte alimenti sanguinei: & post aliqua, quod mulieribus quidem sanguis multus, sed inelaboratus competat. Ac id probant exinde quoque, quoniam sanguis muliebris novâ indiget alteratione, antequam in foetum mutetur aut ei nutrimentum præbeat. Verum enimverò manifestum est, quod Aristot. non agat præcisè de sanguine menstruo, sed absolute de toto sanguine muliebri, cujus pars sanguis menstruus est, & ejusdem perfectionis: & quod sanguinem mulieris crudum dicat in comparatione ad sanguinem virilem, qui debitâ institutâ comparatione est calidior: & dehinc respectu feminis virilis, quod quia ex sanguine plurimis spiritibus imprægnato conficitur, magis utique coctum est. Ac ad rationem oppositam dico: verum esse, quod muliebris sanguis perficiatur initio in formatione foetus, quoniam à semine virili movetur eo motu, quo ipsum movetur secundum Aristot. l. 2. de gen. anim. c. 3. quatenus scilicet semen eundem sibi assimilare studet, & eum à potentia in actum deducere: deinde etiam in partium nutritione, quatenus in extremitate dissolutis spiritibus in corde infantis novus vigor eidem sanguini imprimitur, sicut eadem ratione perficitur sanguis iterata circulatione ad cor reversus.

§. CXIX. *Quæstio XII. est. An sanguis menstruus sit nobilior & perfectior pars sanguinis?* Ita aliqui persuadere conantur: quia pueri & qui primordiis generationis sunt vicini calido nativo optimo gaudent, atque idè ex purissimis generationis principiis constitui debent, unde Arist. quoque l. 2. de gen. anim. cap. 4. purissimam, & Gal. 3. in 3. epid. 73. utilissimam sanguinis partem in materiam foetus facessere docent. Ego si sanguis homogeneus statuatur, non judico discrimen illud necessario esse ponendum: quia eo casu omnis alimentariae matris ac foetus est idoneus: attamen si portio ejus minus elaborata, quàm altera statuatur, quod non improbabiler defendi potest, judico semen quidem quoad fieri potest utilissimum sanguinem attrahere. Imò quoniam non quævis pars sanguinis alimentum evadit partium, sed quædam excrementum, licet & illam purissimam & utilissimam voca-

Nnn

re,

re, quæ foris non egeritur. Verum de Medicorum asserto, quod in pueris vicinisque generationi calidum innatum sit perfectissimum, aded intricatæ quæstiones incidunt, ut nequeant brevibus decidi. Agetur de iis in fine hujus libri sub divisione hominis in ætates.

§. CXX. *Quæstio XIII.* est: *An alius sit sanguis menstruus, alius ille, ex quo sætus formatur & alius?* Ita aliqui docent moti autoritate Gal. l. 1. Proorrh. t. 48. ubi inquit: *Absumpto in sætus alimentum nili qui in vasibus erat sanguine, sed permanente rufiore, qui singulis mensibus antea excernebatur.* Verum nisi id eâ ratione intelligatur, qua superiore §. notavi, sætus constituendi alendique causa sanguinem maximè coctum relicto aliquantum crudiore attrahi, sententia hæc neutiquam approbanda est. Nam quia per eadem vasa sanguis menstruus & qui sætui commodat, ad uterum deducitur, & quia eadem de causâ generatur, & quia eadem quoque menstrui sanguinis & lætis materia, utique neutiquam diversus ille sanguis est. Gal. autem licet explicare, eo modo, quo §. præcedente notavi, vel alterius fuisse sententiæ, quam Hipp. & Aristot. neque tamen constanter cum sæpius adversum quoque doceat, vide lib. 14. de uf. part. cap. 8. l. de ven. sect. adversus Eras. cap. 5. l. 5. Simpl. cap. 22. &c. Referantur huc ea, quæ supra de fine & bonitate sanguinis menstrui adduximus.

§. CXXI. *Quæstio XIV.* est: *Quomodo sanguis menstruus perveniat ad uterum?* Missis aliorum sententiis judico distinguendum esse, quatenus sanguis menstruus foras egerendus est, & quatenus sætui materiam præbet. Primò respectu sanguinem menstruum ad uterum propelli, altero allici arbitror. Primitio est, quia naturaliter natura excrementa expellere solet. At sanguis menstruus est excrementum, ut ante probatum. Posterioris causa est, quia proportio debebat esse inter agens & patiens, ne illud ab hoc obrueretur. Et ideo de semine agens ostendi eidem vim attractivam convenire, simulque aperui, in quo illa consisteret. Sætui vero simul eam vim competere, satis constat ex eo, quod alimonia eget. Nihilominus earenus quoque pelli ad sætum & uterum sanguinem negare non oportet, quatenus ad omnes partes pro alimonia pellitur: hoc solum probare voluimus, pulsionem eam non adæquatè sufficere, & generali solummodo se hic habere. Dehinc nec hoc diffitemur, circa menstruarum purgationum tempora, fieri quoque extraordinariam quandoque pulsionem, maximè sanguine in corpore redundante. Verum illa præternaturalis tunc est, & tantum obest,

ut

ut fœtui profit, ut potius obſit. Attamen non prætermittendum eſt dubium, quod aliqui ingerunt: *Annon uterus quoque pro factu ſanguinem attrahat, quoniam pars genitalis eſt?* Non videtur, nam alia illi munia debentur, quibus generationi commodat, de quibus ſupra c. 9. §. 82. circa doctrinam de utero egimus. Suum tamen nihilominus alimentum, ut faciunt & reliquæ partes, allicit.

§. CXXII. *Quæſtio XV eſt: An ſanguis menſtruus ſit excrementum naturale, an præternaturale?* Aliquando equidem præter naturam ſe habent, at quando debita quantitate, convenientique tempore effluunt, ac ſine magnis moleſtiis, utique naturalibus excrementis accenſenda ſunt. Quia enim præter naturam foret, ſi retinerentur, naturale utique eſt, quod evacuantur. Atque hoc docet Gal. l. 3. de cauſ. ſympt. c. 2. quod licet aliæ ſanguinis evacuationes præter naturam ſint, tamen menſtruorum ſit ſecundum naturam. Sunt vero aliæ ſanguinis evacuationes præter naturam aut *formaliter & per ſe*, quando retinendus ſecundum naturam ſanguis præter naturam egeritur: aut *conſequenter & ſignificativè*, quatenus ſanguinem præter naturam cumulatam aut corruptum manifeſtat, eſſi commodum eſt, & à natura rectè operante procedit, quod evacuetur. Sic fluxus ſanguinis Critici in febris ſynochis &c. ſunt præternaturales.

§. CXXIII. *Quæſtio XVI. eſt. An ſecundum naturam ſint ea moleſtia, quæ mulieribus frequenter inſtanibus, aut fluentibus, aut fluere deſinentibus menſtruis accidere ſolent?* Certè experientia confirmat, quod intra terminos ſanitatis conſiſtentibus mulieribus ſæpè variæ moleſtiæ eveniant. Ac maxime virginibus nubilibus matutisque viro eadem ſymptomata contingere docet Hipp. l. de virg. morb. imo univerſalius Ariſtoteles l. 2. de gener. animal. cap. 4. aſſerere videtur: non fieri menſtruam expurgationem niſi cum violentia & præter naturam. Quod & ratione confirmari poteſt. Etenim quandoquidem menſtruum aut qualitate, aut quantitate & qualitate ſimul peccat, fieri nequit, quin gravetur inde corpus, & vel plethoræ, vel ſimul cacoehymiae accidentibus impetatur. Veruntamen in contrarium adduci poteſt, quod non omnes illa ſymptomata ſentiant, & quod natura rectè agens non ſoleat tam diu cumulare excrementa, dum præternaturaliter corpus affligant. Itaque his utrinque conſideratis judico, in perfectè ſano & naturali ſtatu nulla ſymptomata moleſta notari, interim intra latitudinem ſanitatis conſiſtentibus frequenter aliqua occurrere, quæ tamen non-

dum evidenter actiones lædant : sic enim jam morboſo in ſtatu conſiſterent. Hæc ratio & experientia poſteriore loco adducta probat, nec prior contradicit. Certum enim eſt, aliquam irritationem debere fieri in partibus impletis, at eam tantam, ut actiones evidenter lædantur non item neceſſarium eſt. Hipp. autem & Ariſt. id quod plerumque aut potius sæpè accidere cognoverunt, indigitare voluerunt, non præciſe iis locis determinare, quid maximè ſecundum naturam eſſet.

§. CXXIV. *Quæſtio XVII.* eſt: *An natura ſponte evacuationem menſtruam moliat, an aliqua ex cauſa impulſa?* Excrementorum reliquorū depulſio ſatis docere videtur, naturam prægreſſa irritatione quadam eorundem evacuationem præſtare. Ac niſi hoc in ea admittamus, dicendum foret, evacuationem menſtruorum non eſſe naturalem, ſed liberam ſeu voluntariam: quod abſurdum. Accedit, quod fieri nequit, quin ob cumulationem menſtruorum natura gravetur, aut gravata non irriteretur. Et huc pertinent, quæ Ariſt. 2. de gen. anim. e. 4. aſſerit, violentiam quandam ei motui conjungi. Neque id adeo obſcurum eſt: ſed obſcurius, de quo ſit *Quæſtio XVIII.* *An ſola quantitate, an qualitate etiam menſtruis ſanguis naturam ad evacuationem irritet?* Sed ſolvi poteſt ex q. 10. ſuperius §. 115. propoſitâ. Etenim ſi ſanguis menſtruus ſolâ quantitate, cum naturaliter ſe habet peccat, utique ſolâ quantitate naturam gravat: quoniam vèrò sæpè qualitatis vitium ei adjungitur, mirum non eſt, ſi & hoc modo naturæ moleſtus evadat, & eandem ad excretionem exſtimulet.

§. CXXV. *Quæſtio XIX.* eſt: *Vbi colligatur ſanguis menſtruus?* Non videtur eorum opinio proba eſſe, qui opinantur ſingulis diebus quid in uterum deponi, & ex eo deinde excerni: quandoquidem initio ille ſanguis extra vaſa conſtitutus corrumpeteretur, ut experientia in quacunque aliâ parte corporis cumulo ſanguine oſtendit: ut nihil juvet, quod quidam dicunt, calore uteri corruptionem eam impediri: deinde magis affatim & copioſè eſſlueret, & paucis horis fluxus menſtruus una vice deſineret: tertio venter inflaretur & diſtenderetur, ut accidit illis menſtruorum tempore, quibus non fluunt, aut non benè ſuccedunt: quarto ad conceptionem foret id valdè incommodum. Neque illorum opinio acceptanda, qui putant in uteri vaſis illam materiam cumulari. Nam 1. illa vaſa parva nimium ſunt, ut nequeant illam quantitatem capere ſine magna moleſtia. 2. Reciprocus ſeu circularis

cularis sanguinis motus eidem collectioni repugnat. 3. Itidem intumescerent ibi locorum partes, & doloribus tensivis cruciarentur. 4. Febres, putredinesque ob obstructionem & quietem orirentur, sanguisque ille ineptus evaderet ad nutritionem fœtus. Ergo probabilius est existimare, sanguinem illum paulatim in vasis colligi, & dehinc ubi in tantum accrevit, ut nequeat commodè in vasis contineri ac regi, ab iisdem excerni & in uterum depelli.

§. CXXV. *Quæstio XX.* est: *Per quæ vasa sanguis menstruum evacuetur?* Ubi initio controvertitur: *an per venas, vel arterias uteri?* Deinde: *an per vasa fundi, an cervicis, an utraque?* Quod 1. judico maximè naturaliter fieri per arterias, quandoquidem per illas sanguis pellitur ad partes, at per venas remeat: quatenus tamen ob venarum debilitatem vel sanguinis crassitiem aut gravitatem sanguis in venis naturalem motum non expedit, cenfeo præter naturam etiam per venas fieri posse, ut accidit in hæmorrhoidum fluxu. Quoad 2. arbitror naturalissimum esse fluere sanguinem menstruum per vasa fundi uteri: 1. Quia pro fœtus materia maximè in ipso utero necessarius est. 2. Quia lochia per fundum uteri procedunt. 3. Quia ipsæ mulieres sæpè sentiunt ex inferioribus, quàm cervicis, uteri partibus, eum sanguinem procedere. Interim non negem aliquando aliquid istius sanguinis etiam per cervicem uteri demitti. Dubiolum solet ad huc moveri: *Per quæ vasa prægnantibus aliquando effluit?* Censeo, quod non per alia vasa. Ac de cervicis uteri non adeò dubitari potest: at per fundum uteri non posse fieri, videtur convinci 1. ex arcta clausione uteri post conceptum, ut ne specillum quidem admittatur. 2. quia fœtus abortûs & suffocationis periculum adduceret. Verum respondeo, concedere me non fieri eum fluxum sine periculo, ut adeo abortûs sæpè sequantur tum ex ablutione nimia uteri, tum detractione alimenti pro fœtu, tum ex vaporum abruptione, tum ex uteri apertione: attamen illud non semper effectum fortiri, si nempe mater abundantem sanguinem obtineat, & alia quædam, quam quibus placenta, affirmatur, vasa aperantur, uterusque non diu pateat. Nam non semper tam exactè eum includi superfœtationis experimenta comprobant, & præternaturales flatuum ex ipsa uteri cavitate eruptiones.

§. CXXVI. *Quæstio XXI.* est. *An sanguis menstrualis effluit ab vasorum διαπύκνωση seu transudationem, an ἀνασφάλωσιν, seu apertionem.* Plurique & meritò quidem arbitrantur fluere menstrua propter vasorum

ἀνασφύωσιν, quia sapè majori copia effluit, & etiam tam crassus est, ut per διαπύδνσιν emitti nequeat. Neque inde quid periculi metuedum est, quia oblique vasa in uterum inserta sunt, ut commodè rursum claudi queant. Attamen Arist. l. 2. de gen. anim. c. 4. docuisse asserunt, per διαπύδνσιν fieri illam evacuationem: sed non videtur hoc ex eo elici posse. Etenim textus sic se habet. *Femina utaque venis duabus majore atque aorta fissis supernè venarum multitudo tenuium in uterum desinit, quibus alimento expletis, naturaque præ sua frigidiute facultatis concoquendi indiga transfunditur in uterum, propter venarum tenuitatem, cum præ sua angustia nequeant exsuperantiam continere. Itaque affectus hic veluti marisca, aut alia profusio sanguinis evenit.* Quinimò idem potius ἀνασφύωσιν probare videtur. Etenim quod λεπτή (& καὶ στενωγία τῶν φλεβῶν, tenuitatem & angustiam vasorum nominat, non rationem indigitat, quod sanguis menstruus debeat per ea vasa transsudare, sed quare copiosus sanguis ob debilitatem virtutis muliebris, congestus nequeat in illis vasis contineri. Et quid? Crassus & frigidus sâguis in vasis tenuibus & gracilibus an potius transsudationem, an apertionem vasorum producat? Nemo prius credet. Nam satis notum est, crassum sanguinem tensione & repletionem aperiri potius, quàm rarefacere, tenuia autem & gracilia vasa non posse multum resistere.

§. CXXVII. *Questio XXII. est. An jatius futurum fuisset, si natura singulis diebus menstruum sanguinem evacuasset, quam quod id faciat quadam periodorum observatione?* Ita nonnulli existimant, tùm quia sanguis menstruus tam diu detentus gravia symptomata concitat, tùm quia ordinatissimum est, ut excrementa quam primum evacuentur. Verum quoniam natura semper facit id, quod optimum est, contrarium verum esse opinandum est. Et sanè rationes urgentissimæ, quæ probant periodicam hanc excretionem. Prima est: quod mulier sic sit ad concipiendum magis apta. Etenim si singulis diebus menstrua illi fluere, uterius semper foret humidus laxisque, neque semen avidè attraheret, neque benè retineret, quin potius nimium dilueret. Secunda, quia foeda & injucunda viro foret cum muliere cohabitatio. Tertia, quia ipsa mulier ob semper apertum uterum variis miseris ab externis causis fuisset obnoxia. Quarta quia tempore gestationis multò pluribus symptomatis afficeretur, utpote non assueta ferendo tanto sanguini. Quinta, quia tam exiguum singulis diebus tantum cumulat, ut non operæ pretium foret id evacuari. Ad contrarias ergo rationes dicimus,

cimus, naturam, quamdiu intra sanitatis terminos corpus consistit, & sanguis vitiatum non est, non tam diu distulisse evacuationem, dum necessario gravia symptomata supervenirent, neque tam præcipientem esse, ut nulla causa evacuationem urgente illam molitur.

§. CXXVIII. *Quæstio XXIII. est. An certum sit earum periodorum tempus, & quod sit illud tempus?* Rectè Philosophus l. 2. de gen. anim. cap. 4. ait: accuratè nullum esse earum definitum tempus. Etenim aliquæ earum singulis mensibus, aliquæ singulis quatuor septimanis, aliæ tribus septimanis, & aliæ aliis periodis menstruas evacuationes experiuntur. Interim plerumque tamen, nisi morbosa sit corporis dispositio, solent iisdem periodis foeminis tempora recurrere, & plurimis etiam solent apparere luna decresciente, ut notavit ibidem Arist. & causam dat, quia animalium corpora tum sunt frigidiora, ob lunæ defectum. Sed meritò inquit quis, quid id facit ad menstruorum fluxum? Plerique respondent, quia menstrua ob frigiditatem cumulantur, idèò maximè eo tempore cumulantur. Verum dici potest, Aristotelem docere fluere tam menstrua, non cumulari, imò jam genita tum esse, quod expressè hæc Arist. verba indicant, brevi priora sequentia: *Igitur postquam excrementum mutatum in sanguinem est, menstrua moveri tendunt eo, quem dixi, circuitu.* Imò quandoquidem luna crescente humores in corpore crescunt, credibile quoque est, menses maximè crescente luna accrescere. Itaque existimo lunam decrescen-tem idèò maximè fluere, quia corpore existente frigidior sanguinis illa copia magis molesta est, ac vasa quoque humidiora facilius aperiuntur. Imò quia & humiditates in aliis animalibus luna decresciente decrescere solent. At non possunt menstrua decrescere materiæ resolutione ob frigiditatem mulierum & menstruorum crassitiem. Attamen hoc ita perpetuum non est, quin sæpè contrarium accadat, & notus est versiculus, licet nec is tam certus sit: *Luna vetus veteres, juvenes nova luna repurgat.* Proinde absolute concludendum cum Philosopho: *menstrua nullo circuitu certo describuntur.*

§. CXXIX. *Quæstio XXIV. est: Quomodo intelligendus sit ille Arist. locus l. 7. de Hist. animal. c. 2. Paucis menstrua singulis mensibus moventur: sed uno intermisso plurimis?* Sæpè variæ hujus loci explicationes ab Autoribus citantur. Prima est Mo. Magni, qui locum eum corruptum esse judicat, adeoque eum contrario modo declarat, quod nempe plurimam quovis mense menstrua cieantur, paucis alternis mensibus, aut tertio quoque mense. Ac quanquam plerique eam explicationem rejiciunt, utpote

men quoniam expressè contrariari videtur manifestis locis l. 2. de gen. animal. c. 4. & l. 4. c. 2. Cl. Hoffmann. l. 1. de generat. homin. c. 23. mendam quoque subesse arbitratur. Secunda est aliorum, qui Aristor. humanitus quid hic accidisse arbitrantur, quod non probabile videtur, quoniam aliis in locis veritatem in hac ipsa controversia evidenter attigit. Tertia est eorum opinio, qui arbitrantur eam Arist. assertionem veram fuisse suo tempore in Græcia, ob moderatam victus rationem, verum ob intemperantiam & regionis diversitatem hodie his in locis non obtinere: verum quia Arist. antea docuit singulis mensibus decrescente luna mulieribus plerumque menstrua moveri, non videtur id satis commodum, quanquam negari non potest, victus rationem locorumque diversitatem multum discriminis parere. Quarta opinio est, explicandum Philosophum esse, non de mensibus ordinariè effluentibus, sed de eorundem prima eruptione. Quinta est Mercurial. l. 5. var. lect. c. 2. & l. 4. de morbis mul. c. 1. existimantis vitium esse in interpretatione. Ita enim sonant verba in Græco: *ἡ τῶν μὲν συνεχῶς, ἡ ἑκάστη ὀλίγαις τὰ κατὰ μῆνα φοιτᾷ, παρὰ μῆνα δὲ τρεῖσι ταῖς πλείοσι*, i. e. *Pauci copiosè singulo menstrua fluunt, tertio mense plurimis*. Hocque firmat autoritate Plin. qui l. 7. c. 5. de menstrua hoc purgatione ita loquitur: *Et tale tantumque omnibus tricens diebus malum in muliere existit, & in trimestri spatio largius*. Quam explicationem optimam judico, & sæpè sententiam illam veram esse arbitror, comprobatè mihi in duabus experienciâ, & quoniam singulis trimestribus notabiles mutationes in corporibus nostris & in mundo accidere solent. Nec obstat 1. vocem *συνεχῶς* non significare *confertim* sed *continenter*. 2. Falsum esse plurimas tertio quoque mense uberius purgari. Nam ad 1. dici potest, verum esse *συνεχῶς* significare *continenter*, attamen inferre *confertim*. Nam quibus sine intermissione aliquandiu effluit, iis confertim quoque effluit. Ad sensum itaque non præcisè ad vocem Mercurialis respexit. Ad 2. Resp. aliquando id verum esse, & rationem quoque subesse, ut antea fuit notatum. Et fortè ob victus moderationem, cœlique clementiam plerumque id in Græcia accidisse, ut adeo de eventu in suo climate & tempore locutus sit. Si hoc non placeat, mendam in textum irrupisse fatendum est, nam incredibile est, Arist. in re tam nota & clara tantopere hallucinatum esse.

§. CXXX. *Questio XXV. est: Quamdiu singulis mensibus duret menstrua purgatio? Non potest exactè tempus determinari ob temperamenti, victus,*

viſus, regionis, conſuetudiniſque diverſitatem : attamen quid plerumque fieri ſoleat, optimè docet Hipp. l. de morb. mul. t. 15. ubi inquit : *Moderati menſes ſunt, qui ad duos aut tres dies durans. Longius aut brevius tempus morboſum eſt.* Hoc confirmat etiam Ariſtot. l. 7. de Hiſt. anim. c. 2. ubi ait : *Facilius agitur cum iis, quibus brevi tempore, hoc eſt, biduo aut triduo preſtunt, quibus autem longiore durans, difficiilius.* Rationem arbitror eſſe, quia ordinariè natura non ita multum ejus ſanguinis cumulat, quin ordinatè, intra illud tempus deſungi ea excretionem poſſit : attamen neque ita parum, ut commodè uno die, niſi præternaturaliter concitet, ſe expedire queat.

§. CXXXI. *Quæſtio XXVI. eſt. Quantum ſingulis menſibus mulier evacuet?* Hippocrates l. de morb. mul. ad duos heminas Atticas quantitatem definit : Sed rectè Recentiores Autores plerique notant, ſicuti durationis, ita & quantitatis menſtruorum certam rationem definire non poſſe: verum ex conferentia & conſuetudine potius judicandum eſſe.

§. CXXXII. *Quæſtio XXVII. eſt : Quid ſit ſanguis menſtruum?* Licet id ex prioribus facile colligere. Nimirum ſanguis menſtruum eſt ſanguis temperamento & natura aliù ſanguini ſimilis in mulieribus temperamento & ætate perfectiſſus, ſupra ſanguinem partibus alendis neceſſarium vera coctione genitus, & ob caloris debilitatem cumulat, ut ad uterum per arterias depulſus & à ſemine attractus impregnationis tempore præberet fœtus conſtitutionis & nutritionis materiam, extra autem eum caſum quantitate ſua natura moleſtus, per ἀναſτομιαν arteriarum in uterum effuſus & ex eodem expulſus ſingulis circueit menſibus excrenetur, mulierem à multis variſque morbis præſervandi gratia.

§. CXXXIII. Abſolvimus principia conſtitutionis fœtus, nimirum doctrinam de ſemine tanquam efficiente, & de ſanguine materno, tanquam materia generationis & augmentationis fœtus humani : verum ſuperreſt, ut porro agamus de lacte, utpoto quo fœtus in lucem editus conſervatur, ut adeo principium conſervationis fœtus materiale appellari jure queat, in hac tractatione more noſtro per quæſtiones procedemus, primū eſſentialia, dehinc extra-eſſentialia lactis prædicata perſecuturi.

§. CXXXIV. Prima quæſtio eſt: *An lac ſit excrementum, & cujus coctionis fit excrementum?* Excrementū eſſe facilè inde oſtenditur, quod retineri ſecundum naturam non debet, & quod præternaturaliter retentum gravia ſymptomata excitet. Neque de eo, quod ſciam, quiſquam dubitavit. At utrum ſecunda an tertia coctionis excrementum ſit, dubitari poteſt.

Etenim secundæ esse videbitur, quia excrementum sanguinis est, at tertiæ, quia à mammis conficitur. Dicendum videtur, absolute loquendo, tertiæ coctionis excrementum esse, non hoc sensu, quasi in propriis partium nutritione redundet, & ob eam superfluitatem evacuetur; verum quia non perfecte elaboratur, nisi à parte, quæ propria, adeoque tertia coctione nutritur. Neque id mirum est. Nam excrementa nutritionis tantum ea consideratione dicuntur excrementa primæ, secundæ vel tertiæ concoctionis, verum excrementorum generationis alia ratio est. Verum lac est excrementum nutritionis.

§. CXXXV. *Questio II. est: Quam utilitatem præbeat lac, seu quem finem habeat?* Satis evidenter finem lactis conspiciere licet, quod natura cum ordinaverit ad fœtum in lucem emissum nutriendum. Ideo enim natura & matri prospexit de lacte, & fœtui fugendi lac à prima natiuitate potentiam concessit. Cum secus accidit, præter naturam id est, vel matre non habente necessaria, vel infante nimium debili existente, ut accidit, si debili partus tempora antevertat, quemadmodum observatum est, ante nonum mensem editos fœtus vix potuisse fugere.

§. CXXXVI. *Questio III. est: An satius non fuisset infansem sanguine materno potius, quàm lacte enutrire?* Ita arbitrantur aliqui, quia sanguis minore coctione indiget, familiarius, utpote in utero præberi solitum alimentum est, magisque nutrit, quippe excrementa pauciora habens. Imo extra propria vasa consistens facile corrumpitur, & quantà symptomata in puerorum ventriculo pariat, experientia satis confirmat, & Medici quoque puerorum morbos pertractantes annotant. Verum quia natura semper optimum intendit, & advertimus ipsam lac nutritioni geniti fœtus destinasse, omnino iudicamus, lac convenientius esse fœtui edito nutriendo, quam sanguis est. Atque ejus documenta diversa sunt. i. Ex parte fœtus, qui quoniam perfectior extra uterum, quàm in utero est, & alimentum quoque ore capiendum venit, requirit alimentum, quod majori, quàm sanguis coctione indiget, idque ore capiendum. Nam si non majori coctione indigeret, quandoquidem in fœtu ore alimentum capiente antea non consueta sit coctio, alimentum inquinamentum acciperet, & corrumpereetur, adeoque fœtui redderetur incommodum. Neque obstat, quod quidam rationi huic opponunt, quod sanguis suillos, aserimus, aliusque in ventriculo bene in chylum concoquatur. Quippe nec ille sincerus su-

mi-

mitur, nec ab alterius speciei sanguine ad sanguinem ejusdem speciei valet consequentia, & multa mala perpetiuntur isti sanguivori, adeo ut illa objectio valde lubrica sit. Et notum satis est, homicidas ut feroces & belluinos reddant homines, sanguinem humanum calentem illis afferre. Inquit quis: *Qua causa est, quod in utero humano factus sanguine materno alui, non fiant efferi, sed extra uterum simili modo nutriti vel efferi vel agri evadant?* Ratio manifesta est. Nam in utero humano sanguis ille levi mutatione in corde prægressa in proprium alimentum partium facessit: at ore acceptus, si quidem superari nequeat, putrescit ac corrumpitur, & sic pro inquinamenti sui ideâ varios affectus præternaturales causatur: si tamen superetur, calorem præternaturalem acquirit, & sic sanguinem & totum corpus excalfacit, & speciem furoris seu maniae causatur, ut quis ferus & atrox hominibus fiat. 2. Ex parte matris periculosum quoque foret, foetum suo sanguine alere. Quoniam enim is sine *diversis partibus* fluere nequit, si quidem illa necessaria foret, mater nimium viribus exsolveretur, ob continuam aut saltem copiosum nimis sanguinis & spirituum vitalium effluxum, ut ita multo satius futurum fuerit, si quidem sanguis prius in aliud alimenti genus mutatum foret. Neque valet objectio: Naturam satis providam esse, ut ne nimium foetui sanguinis suppetat, quàm natura tolerare possit. Nam non valet providentia contra superiorem vim, qualis hic foret non solum suçtio infantis, quæ etiam lacte tantum præterente matre aliquando sanguinem prolicit, aut nimiam lactis copiâ attractâ matrem vehementer debilitat, sed etiam naturalis sanguinis suçtione cessante effluxus, sicuti notum est, hujusmodi hæmorrhagias sequi, apertis vasibus existentibus. 3. Ex parte utriusque, quoniam inhumanum valde & truculentum foret, ac terribilamentum instar, singulis diebus tantum sanguinis emittere, & eo foetum nutrire. Norunt id mulierculæ, quæ cum parum lactis habeant, aliquando experiuntur suçtionis continuatione & vehementiâ aliquid sanguinis sublequi. Atque huc facit, quod Deus ipse in V. Testamento prohibuerit sanguine vesci. At inquirunt, lac alter naturæ thesaurus est, non igitur magis truculentum sanguivorum, quàm lactivorum esse. Respondemus: lac quidem bonum alimentum præbere potest: at quia in mammis cumulatam natura sua excrementum est, eatenus naturæ thesaurus appellari nequit. Ad objectiones in principio quæstionis propositas dicimus, 1. Non omne, quod facilius concoqui potest, esse alimentum commodius, sed quod proportionatum est, facultati

concoctrici, ita ut nec ab ea inquinetur, nec impediatur. 2. Non absolute sanguis in ventriculo facilius concoqui potest, quàm lac: quippe hoc in potentia ad chylum, ille autem quid chylo posterius est, ut recrudescere quasi rursus necessum habeat. 3. Alia ratio foetus in utero, ubi coctionem in ventriculo fieri solitam non habet, quàm extra uterum. Itaque alimentum ei in utero familiare extra uterum incommodum est. 4. Lac si bonum sit, neque nimia quantitate ingeratur, si foetus quoque sanus sit, nulla gravia symptomata concitat. Secusest, si aliter fiat.

§ CXXXVII. *Questio IV. est: Quare viviparis tantum animalibus lac generetur.* Arist. l. 3. de Hist. animal. cap. 20. & l. 4. de gen. anim. cap. 8. docet: in solis animalibus viviparis lac generari, non in oviparis, veluti in piscibus & avibus: quæ ipsa ideo neque mammas habent. Hinc ergo quæstio est, unde hoc ipsum eveniat. Dicendum est, quod quia natura non est superflua in non necessariis, in iis solum animalibus lac generavit, quæ commodè sine lacte ali non potuerunt: ac imperfectiora, quæ vel sine lacte vivere possunt, vel aliquid lacti respondens habent in suis ovis. ut alitum omne genus, lacte nullo. Hinc porro sequitur, quod etsi aliquando contingit foetus sine lacte enutrirî, illa tamen enutritio non sit aded commoda. Nam natura nihil facit frustra. Hinc solvere licet quæstionem: *An præstet infantem lacte, an aliis alimentis enutrire?* Nempe prius præstat. Nam ipsa natura illi lac suppeditat: illa autem non impedita, ut intendit, ita efficit optimum.

§ CXXXVIII. *Questio V. est: Ex qua materia lac generetur?* Variæ sententiæ Autorum super hanc quæstione occurrunt. Etenim aliqui arbitrantur lac generari ex pingui maximeque alimentariâ substantiâ esculentorum nondum in chylum conversorum, aliqui ex chylo aut nihil aut parum in ventriculo mutato, aliqui ex sanguine promiscuo, aliqui ex sanguine pinguisimo, aliqui ex sanguine menstruo: Atque singuli ea rationum momenta adferunt, ut particulariter examinari illorum opiniones mereantur.

§ CXXXIX. Ergo qui ex ipsorum esculentorum pinguiori substantia nondum in chylum conversa lac generari arbitrantur, pro se adducunt iocito auctoritatem Hippocratis l. de nat. puer. n. 21. ita loquentis: *Lac autem propterea necessario gignitur. Cum uterus foetu intumescens, mulieris ventrem comprimit, si eo pleno compressio illa contingat, quod in cibo & in potu est pinguisimum, fortas in omentum & in carnes profusis. Ac veluti si corium capioso oleo per-*
unctum

Incitum quis imbibit sinat, eoque imbibito corium premat, quo compresso foras oleum exilieris: Sic certe ubi venter pinguedinem à cilibus & potibus continet, & ab utero comprimitur, quod pingue est in omentum & carnem transiit. Et si raro habitu mulier fuerit, hanc exsudationem facilius percipit, sin minus, tardius. Quin & pecora cum uterum gerunt, nisi morbo aliquo laborent, potu ciboque ob eam causam pinguiora evadunt, itidemque mulier. Pingui namque incallescens & candido effecto, quod uteri calore edulcoratum est, in mammas expressum tendit, & in uteros quoque exigua portio per easdem venas deferitur. Ad mammas enim & uteros ejusmodi venula & confimiles alie feruntur. Cumque ad uterum pervenerit, lactis formam habet, eoque exiguo puer fruitur. Mamma vero ubi lac exeperint, assoluntur & impleantur. Atque ubi mulier pepererit, supposito morus initio ac in ipsas mammas fertur, si puerum lactaverit. Sic enim se res habet. Dum mamma exsuguntur, vena qua ad eas tendunt, ampliores redduntur, & ampliores efficit, quod pingue est, à ventre attrahunt, & in mammas transmittunt. Vir namque si Venerem crebro exerceat, ampliores vena reddite, semen attrahunt. Quin etiam hac se res habet ad hunc modum. Cum, quæ à matre ferri consueverunt, ad uterum pervenerint, tum pueri nutriti & augeri incipiunt, atque ut mater sana ac debilis est, ita etiam puer valet. &c. Atque sic idem l. 2. epid. s. 3. vers. 130. inquit: A cilibus & potibus humeri & mamma inflantur, eo quod lac ex succo dulcissimo generatur, quem mamma circumstaque partes, & humeri potissimum ex ventriculo expressum ad se trahunt, & in lac transmutant &c. Deinde ejus rei adducunt varia documenta: Nempe 1. quod mulieres lactantes sentiunt, simul atque comederint ac biberint, materiam lactis ad mammas deduci ab humeris per claviculas, ut adeo nutrices ægre admittere velint cucurbitularum in dorso affectionem, metuentes ne ubertatem lactis amittant. Unde nihil magis mulieribus consuetum, quam quod si liberi malè se habeant rad. cav. & baccar. laur. pulverem, aut aliud conveniens accipere soleant, antequam ubera infantibus præbent, & inde sentiunt infantes alterari. 2. Quod ea, quæ lactantes comedunt, cruda aliquando reperiunt in excrementis alvinis infantium, ut sursur ex fursuraceo pane: aut si id non eveniat, in mammis nutricum. Sic Aristot. l. 7. Hist. anim. c. 11. testatur, si lactans pilum cum cibo aut potu ingerat, ad mammas eum pervenire. Sic refert Mart. ad loc. Hipp. de nat. puer. narrasse sibi Proser. Cecihinum, se aliquando mulieri ex mammis extraxisse furculum cichorii, quod vespri præcedente comederat. 3. Quod in lacte sæpè odor, sapor virtusque alimentorum remaneat: ut tùm ex Hipp. l. 6. epid. s. 2. v. 38. cognoscitur, ubi inquit,

Mulier, capra, elaternum aut cucumerem sylvestrem comedantes pueris purgatio. Et addit Martian. loc. cit. Idque mihi cognitum est experimento. D. Franciscus uxor Baptista de Castellis cementarius in urbe, assumpto medicamento purgante statim mammam porrexit puella annicula, quam lactabat, non excusans tam cito virtutem medicamenti ad mammas pervenire posse (nam id à me vetitum fuerat ante) quæ adeo fortiter purgata est, ut de superpurgatione lethali dubitatum sit. Matri verò ne semel alvus subducta est; signum evidens, medicamentum ad mammas suctionis violentiâ statim raptum fuisse. Quemadmodum etiam evenit D. Pompiliæ uxori D. Adami Melsi aromatarii in urbe notissimi, quæ cum purgandi gratia lactis caprini sex libras unica vice acceperat, vi suctionis totum conversum est ad mammas; ita ut cum puella, quam lactabat, sugendo non sufficeret, coacta est plures adhibere infantes, qui suggerent: alias marmæ disrupti præ turgentia videbantur. 4. Id videtur etiam exigere naturæ convenientia. Etenim quandoquidem in lucem editi infantes magis concoquunt alimenta, quam dum in utero existunt, & adhuc debiles sunt, convenit, ut illud alimentum quoque magis sit coctile, veruntamen facile concoctu. Tale autem lac est, siquidem ad eum modum generetur. Etenim quia fœtus debilis est, coctio facta est inchoativè in ventriculo, & in mammis completivè, ut in debili infantis ventriculo satis coqui possit & in chylum mutari: & quia infans chylicationis munus peragere debet, non debuit ipsius alimentum tantoperè esse coctum, quam dum alebatur in utero.

§. CXL. Hæc sententia, quanquam ab Autoribus communiter rejicitur, valde probabilis est, attamen aliqua sunt, quæ difficultatem importare videntur: 1. Quod viæ à ventriculo ad mammas nullæ evidentes dentur, quin primum ex ventriculo in venas lacteas, inde ad hepar, tum ad cor, inde in vasa mammaria, ac denique in mammas procedere debeat illud, quod per eas defertur. Hæc quilibet concedere necesse habebit, quicumque verum motum chyli & sanguinis perpenderit. Reponit equidem dicto loco Doctissimus Martianus, deduci illum alimentorum succum per carnis porositates usque ad mammas. Verum principio contra Hippocratem, qui pinguem illam substantiam à ventriculo & carnibus ad uterum & mammas derivari docet per venas. Quippe ad mammas & uteros ejusmodi venula & confimiles alie feruntur, ut loco cit. Hipp. loquitur: deinde falsa quoque ratione id confirmat: Dicit enim probari id inde, quod quæ mulieri carne rarior est, eo

ma-

maiorē lactis copiam producat, ut Hipp. testatur, ut idē non sint necessariū ductus conspicui, qui præfatum succum deferant ad mammas: per quos si lactis materia procederet, non observatum futurum fuisset à præceptore, carne rariore, lacte magis abundare: sed quæ venas amplas habent, quæ sint illis contraria. Nam sanè rursum hæc Hipp. verbis adversantur. Ita enim ait: Dum mamma exsuguntur, vena quæ ad eas tendunt, ampliores redduntur, & ampliores efficiæ, quod pingue est à ventre attrahunt & in mammas transmittunt, atque id duplici exemplo comprobare conatur. At quod in mulieribus rarioris constitutionis major copia lactis quandoque generatur, non procedit, quia per porositates carnis procedit succus alimentarius ad mammas, sed quia in his vel mammarum sunt calidiores, vel major copia materiæ lactis, vel similis causa. Et deinde id non est perpetuum. Denique contra manifestam experientiam est. Ventriculus enim tam densus est, ut tam pinguis & crassa substantia illius succi, multo minus furfurum vel surculorum cichorii per eum transire nequeat, & si hoc fieret, magno incommodo fieret. Ut taceam nulla prorsus documenta esse, nec causas eventus hujus nominari possunt. Etenim quod Hipp. docet, cum fœtus grandior sit, lac in mammas notari, principiò ab alia causa pendet, quia natura maturè fœtui prospicit, qui vitalis septimo mense in lucem edi poterat, ac effectus illius in posterioribus veram rationem dabimus. Imo tantum abest, ut compressio illa ventriculi à majori fœtu faciat ad pinguis illius materiæ in omentum, & carnes expressionem, ut vomitum potius causetur. Id enim ex diversis prægnantibus intellexi, quod ultimis gestationis temporibus compressionem illam ventriculi senserint, & inde vomitibus misère cruciatæ fuerint. Præcipuè verò spectata Matrōna cum gemellos gestaret, adeò misère gestationis ultimis mensibus se habuit, ut ferè semper cum fame colluctari necessum habuerit. Unde eo casu consultum est, prægnantes sæpè, verum parum comedere. 2. Quandoquidem necessum est, materiam lactis transire à ventriculo per hepar & cor antequam ad mammas perveniat, quandoquidem hepar & cor sanguificationi destinata sunt viscera, credibile utique non est, eam materiam ad mammas venire sine mutatione jam insigni factâ. 3. Experientia testatur ordinariè odorem, saporem, facultatemque alimentorum in lacte non haberi. Sic ubi mulieres pro ordinario potu cerevisia utuntur, & puerperæ frequentissimè manè utuntur sorbitione ex vino, aqua, & vis, saccharo & paucò pane coctis, etsi iis multum lactis & subito quoque

que generatur, tamen illud penitus ab assumptis differt.

§. CXLII. Hinc ad rationes contrarias sic respondeo. Ad Hipp. auctorem dico, eam veritati non posse præjudicare, & fortè non verè allegari. Nam l. de fœt. format. Gal. dubitat an liber ille Hippocratis an Polybi sit, & speciatim sententiam eam ab aliquo ex sententia fortè Democriti insertam opinantur, maximè cum aliis in locis contrarium docuerit. Ad 1. rationem dico: ubi mulieres biberint, sentire se lactis ad mammas derivationem, initio non momento, sed aliquantò post, celeriter tamen, deinde ob transitum per illas partes debere fieri mutationem primum, post fortè impleto ventriculo, quod proximum mammis in vasis est, ad mammas appellì ob vasorum continuationem. Atque ita respondendum esse, apparet ex consideratione adversæ sententiæ: nam nec momento in ventriculo pinguis alimentorum substantia separati potest, nec momento color albus & alia lactis adjuncta introduci, nec momento ex ventriculo seu per porositates carnis seu per alias vias ad mammas transferri. Nec nobis obest, quod per humeros ad mammas lactis materiam sibi derivari sentiant. Quippe illud ostendit, per mammaria vasa, præcipuè per mammarias arterias lac in mammas propagari. Ad 2. dico, quando cruda ex ventriculo ad mammas derivantur, id præternaturale est, fitque suctionis vehementia, ut in vasa nimis citò protrahatur, & quoniam difficile concoctu est, in via non potest debite alterari. Interim hoc difficile est factu, itaque rarissimè accidit, nisi vasa valde ampla reddita sint. Ad 3. dico, fieri id, vel quando aliquid inconcoctile, aut difficulter coctile in alimentis reperitur, vel quando virtus in tenui substantia consistit, ut promptè cum chylo & sanguine vasa subeat: neque solum ubi quid ore capitur, sed etiam carpis manuum applicatur, aut alii parti corporis occurrit, ut adeò inde non sequatur, quod lactis materia sit pinguis substantia alimentorum. Sic v. g. mulier linteamina frigida tractans, cum lactat, advertit sæpè infantem colico dolore inde intestari, nec tamen quis inde concludat, materiam inde lacti suppeditari. Ad exemplum de sero lactis nimis largiter accepto, dici potest nimia repletionem ventriculi abundè commotam fuisse materiam lactis, maximè suctione quoque infantis attrahente. Non nego etiam præternaturaliter ob vasorum laxitatem fluxusque consuetudinem non satis in ventriculo aliisque partibus elaborata ad mammas confluere. Ad 4. dico: ob rationem dictam non necessarium esse, ut ex nondum confecto chylo lac fiat, modò illud ita
elabo-

rari & alio modo possit, ut à debili infantium ventriculo primum in chylum, dehinc in sanguinem commutari possit. Et hoc in posterioribus possibile esse ostendemus.

§. CXLII. Qui arbitrantur lac generari ex alimentis maximè liquidis rudimentum non solum chyli sed & sanguinis adeptis, multo majori cum probabilitate assertum suum probare possunt. Nam 1. Contra priorem sententiam ostendere queunt, necessario aliquam mutationem alimenti in ventriculo, hepate & corde fieri: quia incredibile est, posse illam materiam per partes illas derivari, & non alterari. 2. Contra alteram sententiam non ex sanguine exactè cocto fieri lac probare possunt, quia tam celer est materiæ illius ad mammas appulsus, ut interea mutatio in sanguinem perfectum fieri nequeat, maximè si circulatio sanguinis admittatur. Hæc etenim docet inter alias causas eam idè quoque celebrari, ut repetito reditu ad cor sanguis perfectior redderetur. Atque id confirmant quoque ea quæ rudimenta alimentorum in lacte monstrant, ut cruditatem, statum, vim purgandi, &c: quæ si prorsus superata fuissent alimenta in ventriculo, hepate & corde, neutiquam in lacte norarentur.

§. CXLIII. Huic sententiæ libens calculum adjicerem, nisi me Arist. & Gal. imò ipsius Hipp. autoritas retraherent, à quibus discedere, antequam ulterius veritatem investigaverim, mihi religio est. Itaque ad rationes adversas dico. Ad 1. Partem eam nobis non officere: Ad 2. autem, liquidorum facilem esse concoctionem, neque hætenus probatum esse, præcisè illud, quod acceptum fuit, tam subito in lac mutatum fuisse, licet occasionem dederit, ut lac celerius ad mammas appulerit. Itaque promoverit humida illa materia lactis affluxum, illa non necessario in lac mutata fuit. Neque illæ residuæ in lacte qualitates id ostendunt. Nam aliquando in alimentis sunt qualitates quædam prorsus insuperabiles, non solum dum in chylum & sanguinem vertuntur, verum etiam cum in solidam substantiam secedunt, ut patet exemplo coturnicū helleboro vescientium. Etsi coquantur benè, tamen succus inde genitus non est paris bonitatis, sed redolet naturam ejus, unde prodiit. Optimè id docet Gal. l. 2. de alim. facult. cap. 6. cum inquit: *Illud perperuo memoriâ teneo, quod etiam si quis eorum quodvis, quæ aliis concoctu sunt difficilia, coxerit, succus tamen, qui ex eo in corpore distribuatur, retinet eandem naturam.*

§. CXLIV. His sententiis rejectis merito assentimur Philosopho

l. 4. de gener. anim. c. 8. & l. 3. Hist. animal. c. 20. ac Medicis plerisque *lac generari ex sanguine*. Etenim siue structuram mammarum perpendamus, lactiferæ venæ à sanguineis vasis originem habent, adeo ut nihil accipere possint, quàm sanguinem, aut quoddam illi admistum: siue consideremus ordinem proventus, primum quidem sanguineum quid, dehinc lac provenire solet, & si suctio nimium continuetur, rursus sanguis prolicitur. Ac quidem convenit, ut tenellus infans & coctrice virtute nondum multum pollens, non valde dissimili materiâ, quàm in utero, nutriatur. Ac ita cum in hoc sanguine alatur, credibile est idem fieri quoque commodè lacte, si hoc levi mutatione ex sanguine generari queat. Inde eadem alimenta, quæ copioso sanguini, & lacti præbent materiam: ac sanguinea tantum animalia lac gignunt: ac foeminae quoque sanguineæ copiosiore lactis copiam proferunt.

§. CXLV. Neque obstat, tantam copiam lactis ex fugi singulis diebus, ut non possit tantum sanguinis generari. Etenim liberi duas ferè libras singulis diebus consumere, & Aristotele teste l. 1. de Hist. anim. cap. 21, in Epiro vaccas singulis diebus amphoram, quæ octuaginta circiter libras capit, profundere. Nam ut de veritate historię & asserti non disputemus, nihil absurdi sequitur, si dicamus tantum sanguinis confici. Quippe si lactantes sufficientem copiam alimenti possint tolerare, beneque in ventriculo digerere, quare in hepate & corde nequeat idem fieri? Experimur sanè & prægnantes quasdam continuò ferè comedere, & vix cibis satiari, si nempe fœtus plurimum alimenti attrahat. Sic honestam matronam novi, quæ dum primâ vice utero gereret, ordinariè ferè quatuor ultimis mensibus plus quàm triplo plus comedebat, benè digerebat, nihilque molestiæ inde sentiebat. Sed instet quis porro: si tantum sanguinis conficeretur singulis diebus, brevi tempore mulieres ad plerhoram deduci debere, quod non observetur: repono verum id esse, sed non semper tantum generari: quod autem in lactantibus tantum generetur, fieri ob magnam illam evacuationem, quæ sugendo contingit. Inde experimur quoque eos qui evacuationem notabilem sanguinis passi sunt, nisi ventriculus malè se habeat, valde esse famelicos. Et contra parum lactis suppeditare illas mulieres, quæ debilem ventriculum possident.

§. CXLVI. Verum quandoquidem sanguinis variæ sunt divisiones, quæritur, an ex sanguine promiscuo in vasis contento, an ex sanguine menstruo

fitur lac producatur? Posterius hoc Philosophus, ll. cc. Gal. item l. 14. de ul. part. c. 8. & l. de ven. se&t. advers. Eras. cap. 5. ac Hippocr. quoque 2. Epid. s. 3. sub finem. Idemque ex Aph. 39. se&t. 5. confirmatur: Ita enim sonat: *Si mulier, quæ neque gravida est, neque peperit, lac habet, ei menstrua defecerunt.* Hinc pleræque mulieres, quamdiu lactant, menstrua non patiuntur. Ac ita conveniens quoque videtur, ut quod est materia fœtus in utero, conveniens reddatur alimentum pro eodem extra uterum, ne duplicem materiam mater largiri debeat.

§. CXLVII. Hæc ut vera sunt, ita non sunt sic crasse accipienda, quasi natura lac præcisè generet, ex eo sanguine, qui primum ad uterum derivatus, & evacuandus fuerit, sed inde ad mammas reflu- xerit: sed de sanguine in matre genito supra eum, qui ipsius nutritioni est necessarius. Hunc enim item sanguinem menstruum appellari su- pra indicavimus, cum discrimen notavimus menstrui interni & exte- rni. Sic nos ex plurimis difficultatibus eruemus, quas superare alioquin difficile erit. Nam Aristot. l. 3. Hist. nat. c. 25. docet, non solum o- vibus antequam conceperint vel pepererint, artificio lac produci, sed & maribus quibusdam: quod experientia item confirmat.

§. CXLVIII. Ita quoque illud ex nostrâ opinione promptè, ex alterâ ægrè solvitur, quæ fiat quod cum vasa, quibus uterus & mammae conspirant, tam exigua sint, ut novaculam etiam expertissimorum A- natomicorum lateant, tamen ad mammas materia lactis affluat: etenim notatum est, non opus esse prius ad uterum sanguinem affluere. Urgent quidem aliqui id ipsum, quod ultimis gestationis temporibus demum lac appareat, atque id inde fieri, quia ob fœtus magnitudinem vasa uteri magis comprimantur. Verum fallaciam causæ committi postea docebi- mus, cum de tempore generationis lactis agemus.

§. CXLIX. Verum cum diversæ sanguinis partes sint, quæri so- let *an ex sanguine promiscuo, an purissima ejus parte lac generetur?* Ex promiscuo sanguine generari, videtur id arguere, quia eo omnes partes nutriuntur. Quis verò credat alio & meliorè quidem ex sanguine lac fieri? Accedit quod nullæ causæ segregantes purum ab impuro appareant, nullæque viæ, quibus propinquè excrementum illud impurum expur- getur. At retineri non potest, quin plurima incommoda apporet. Ve- rum ex sanguine perfectiori fieri docet Hipp. l. 1. de morb. & confir- mare videtur Arist. l. 4. de gener. anim. c. 8. ac ratio quoque ad id pro- bandum adduci potest. Etenim fœtus in utero pinguisimo & optimo

sanguine ali videtur, alioquin ex inquinato sanguine plurimis malis afficeretur, & ideo ex consimili lac generari debet. In hac difficultate potiores rationes pro primâ sententia militant, cui calculum addimus, & ad rationem oppositæ dicimus, neutiquam fœtum alio, quàm promiscuo sanguine matris ali. Unde enim alius suppeditatur, quæ causa pinguem ac purissimam portionem ab altera separat, cui reliqua pars usui cedit, aut ubi manet? Nihil probabilis dici potest, quin facile refelli queat. Quod autem Hipp. attinet, judicant aliqui eum ibi locorum adhuc indigitare sententiam, quam l. de nat. puer. asseruit, alioquin cum Arist. judico locutum esse de massa sanguinea, prout excremento bilioso & seroso commista est, non prout consideratur ex partibus suis composita. Nam verissimum est, lac secundum naturam generari ex sanguine, à quo bilis & superfluum serum sejunctum est, sicuti & simili fœtus in utero & omnes partes in lucem editorum nutriuntur.

§. CL. Cæterum, quia sanguis vel arteriosus vel venosus est, quis istorum præbet lactis materiam? Hanc quæstionem alia solvit: Per quas vias appellas lactis materia? Nam si per arterias appellat, utique ex arterioso; si per venas, ex venoso sanguine conficitur. Ex eo quippe generatur, qui in locum generationis deferitur. At supra cap. 13. §. 53: & seqq. monstratum est, ad partes sanguinem derivari per arterias, per venas autem ad cor reverti: unde consequitur fieri lac ex sanguine arterioso, quali nati omnes & fœtus in utero nutriuntur.

§. CLI. *Quæstio VI.* concernit causam efficientem lactis, estque à qua parte nostri corporis generetur? Nam animam & spiritum vitalem ad eam generationem concurrere certissimum est. De parte autem, in qua generetur, non videtur ita constare. Etenim Arist. l. 4. de gener. anim. c. 8. videtur cordi vim γαλοποιτικὴν assignare, ac Hipp. l. de nat. puer. supra cit. eandem utero demandat: ac Martian. comm. ejusdem loci judicat vim illam insitam esse utero, mammis autem communicari interventu substantiæ calidæ ab utero ad illas delatæ. Sunt quin imò, qui venis eandem vim ascribunt. Plerique tamen mammis eam vim adjudicant. Etenim in eas deponi sanguinem compertissimum est, ex iisdem autem lac exfugi non magis ignotum. Atque nulla quoque pars in universo corpore mammis similes sunt. Venæ verò cum per totum corpus spargantur, nec ibi lac producant, nec in mammis id præstant, sed glandulæ illæ seu potius glandosa corpora, quæ solent pubertatis

tem-

tempore mulieribus maximè accrescere. Quanquam verò illæ frigidiores aliquantum sunt, tamen quatenus à corde abundè calore imprægnantur, sufficientem illi actioni calorem acquirunt: verum ita ut in virtute eâ à corde dependeat, quo modo explicandus l. c. Aristor. est. Hippocrates autem l. c. falsus est, nisi alterius illa sententia sit. Etenim nunquam lac in utero apparet, nullique in eo usui est, potius oneri foret & incommodo. Quod enim Democritum asseruisse quidam asserunt, nesciturum recens in lucem editum infantem sugere, nisi in utero lacti assuevissent, ludicrum est: unde enim in utero sugere didicit? Et structura fœtuum in utero, ocularisque in vivorum animalium anatomia inspectio satis evidenter ostendit per umbilicales arterias ipsum ali, non per os. Neque quicquam præstò est, quod ore capere queat.

S. CLII. *Questio VII.* Proximè modum generationis lactis, consequenter verò etiam formam in communi respicit, & est: *Quo modo generetur ex sanguine lac, an alteratione sola, an vera coctione?* Item *an lac à sanguine specie discrepet?* Ut à posterioris solutione ordiar, *videretur mihi specificum utriusque discrimen intercedere.* Etenim colore, odore, sapore, imò & temperamento effectisque propriis sic discrepant, ut nisi lac & sanguinem specie differre concedamus, ne inter chylum & sanguinem quidem essentialem differentiam asserere queamus. Plerique tamen id probabile esse opinantur. Ajunt quidam colorem non esse certum specifici discriminis indicem, de odore vix quicquam constare, saporem autem utriusque esse dulcem, ac temperamentum calidum & humidum. Verum iis respondeo, omnia hæc esse conjunctim capienda, addendumque occurrere quoque proximæ efficientis causæ diversitatem. Verum ut maneamus tantum in superioribus, colorem esse diversum co necduint, odorem leniorem esse in recenti multo lacte, quam extracto sanguine notari potest odoratu, porro non ejusdem dulcedinis esse gustus item docebit: lac quoque temperamento frigidius esse sanguine vix quisquam negat, & experientia monstrat lac non posse converti in partium substantiam, nisi prius in chylum & sanguinem mutetur.

S. CLIII. Ad priorem hinc dico, omnino vera coctione ex sanguine lac generari. Si enim specie differant utraque, aliter quàm verà coctione unum ex altero fieri non potest. Accedit quod lacti conficiendo glandulæ mammarum propositæ sunt, quibus similis pars in universo corpore

pore non invenitur. Unde speciali operationi & specificæ quidem videntur destinatæ. Coloris quoque sanguinis rubicundi ad album mutatio idem arguere potest. Etenim si non verâ coctione color rubicundus in album abit, quo modo fit. Certè non fit albæ substantiæ admixtione, nam valdè copiosam esse oporteret, si id fieret; neque fit rubicundæ tincturæ extractione seu per colaturam seu alio modo, alioquin enim ipsæ mammarum glandulæ rubicundissimæ evaderent. Ergo peculiari coctione, sicuti in sanguificatione ex albo chylo rubicundum sanguinem fieri observamus. Et ideo Gal. l. 7. de us. part. cap. 22. docet, lac esse cibum valdè coctum. Ac Aristotel. l. 4. de gen. anim. cap. 8. lac esse sanguinem coctum, hoc est, coctione mutatum. Unde redarguit Empedoclem, qui lac pus esse & putrefactione fieri docuit, quod nomine translativo, uod est contrarium, usus fit, cum pus corruptum, lac autem corruptum quid sit. Interim facili mutatione sanguis in lac abit, ut inde cognoscimus, quod brevi tempore multum lactis generetur. Hinc Gal. l. de tuend. valet. c. 7. docet, lac paucissima mutatione in sanguinem converti.

§. C L I V. Multi tamen etiam doctissimi Viri defendunt, solâ accidentali mutatione, consistente in refrigeratione & coloris mutatione sanguinem in lac mutari. Rationes ipsorum sunt. 1. Mammas esse frigidi temperamenti, & glandosæ constitutionis, quibus coctio non conveniat. 2. Coctione omnia calidiora evadere, at lac esse frigidius sanguine. 3. Impossibile esse, ut quid recrudescat, at sanguinem recrudescere debere, si in lac mutetur. 4. In omni coctione inveniri excrementa, hic autem nulla notari. 5. Intermissione suctionis desinere lactis generationem, lacte factio rursus in sanguinem mutato. Ad quæ respondeo: Ad 1. Mammas esse quidem glandulas, sive potius glandosâ corpora, attamen prorsus alterius naturæ, quàm eas, quæ solis fulciendis vasibus & sero attrahendo natura dicavit, itaque propriæ naturæ, quæ calorem tum insitum tum uberrimum influentem participant, ac sensu accurato donantur: unde ab aliis glandulis ad has argumentatio non procedit. Ad 2. Omnia coctione calidiora evadere, nisi ante quædam calida dispergantur, seu respectu materiæ proximæ, non remotæ. At cum ex sanguine lac fit, multæ calidæ exhalationes expirant prius. Atque similem coctionis modum ostendunt omnes partes frigidæ nostri corporis. Ad 3. Sanguinem finis intuitu propriè recrudescere dici non posse, sicuti neque quando frigidiores ipso nostri corporis partes

partes ex eo nutriuntur. Quippe subordinatur sanguini ex eo generando. At si in chylum reverteretur, propriè recrudesceret. Neque id adeo universaliter & simpliciter verum videtur, quin additione, mutatione, ablationeque debitâ accedente aliquid in priorem substantiam reduci queat, non per recrudescentiam, sed præcedentem corruptionem & subsequentem coctionem. Ad 4. Excrementa, quæ in lactis generatione proveniunt partim insensibiliter discuti, partim cum propriæ nutritionis mammarum excremento conjungi, & expurgari seu per alvum seu per urinam: maximè cum tam copiosa non sint, ob magnam sanguinis & lactis congruentiam. Ad 5. Lac neutiquam in mammis rursum in sanguinem mutari, sed si quod genitum sit, suctione aut discussione evacuandum esse: alioquin gravia symptomata parere. Quod autem suctione cessante non amplius generatur, fit quia natura per alium commodum locum, uterum nempe materiam lactis singulis mensibus expurgat. Ut ne dicam, plerumque ne quidem tantum sanguinis tum generari, cum foetus non amplius fugit, quia non tantum ex corpore educitur, adeoque nec tantum alimentorum accipitur.

§. CLV. *Questio VIII.* agit de partibus lactis: nempe ex quibus materialibus partibus componatur? Sanè actu homogeneum lac corpus est: attamen potentiâ in varias essentiâ discrepantes naturas dividi potest, & deducitur aliquando illa divisionis potentiâ in actum, cum in corruptione lactis naturali aut artificiali in sua quasi elementa reducitur. Ac quidem quoniam lac mistum corpus est, nemo in quæstionem vocat, nisi elementa mistis inesse neget, quin ex quatuor primis elementis componatur: verum de secundis elementis quaeritur. Ego optimè de lacte ad similitudinem sanguinis ferri sententiam posse arbitror, non solum quia ex eo generatur, verum etiam, quia cum eo magnam convenientiam habet. Ille autem componitur ex parte spirituosâ, nempe elemento igneo, parte pingui subtilique humida, puta elemento secundo aërio, parte humida crassaque frigida, scilicet elemento secundo aqueo, & parte fibrosâ frigida, nimirum elemento secundo terreo. Sic ergo & lac. Veruntamen quia hæ partes seorsim non ita distinctè erui ex lacte solent, inde communiter Autores, secuti Aristot. l. 3. de Hist. animal. c. 20. & Gal. l. 5. simpl. c. 17. tres ejus partes recensent, nempe serum, butyrum, & caseum, proflus congruè ad nostram sententiam. Etenim pars spirituosâ lactis in ejus partium separatione

tionem partim exhalat, partim in butyro manet: ac hoc maximam partem ex pingui oleosa humidaque substantia, humido nempe primogenio componitur: serum porro maximè humidam frigidam aqueam partem continet, sic tamen ut quasdam adustas terrestres comprehendat: ac caseus terrestris naturæ est.

§. CLVI. *Quæstio IX. est: Quæ sit singularum istarum partium natura?* Facile ex comparatione illarum partium cum elementis secundis & primis id intelligitur. Nimirum butyrum aëri & oleo simile humidum & calidum est, lenit, humectat, dolorem sopit, moderatè coquit & resolvit, veruntamen facile in bilem convertitur, unde vetustate quoque amarescit. Accidit id ob partem spirituosam adjunctam, quæ ignei temperamenti est. Serum refrigerat, humectat, ac parte terrestri adusta acri abstergit, aperit, purgat, atque adeo simpliciter temperamento frigidum non est, magis tamen frigidum plerumque. Caseus pars terrestris, frigida, crassaque est, multum nutrit, at difficulter concoquitur, & obstructions graves causari solet, nisi probè concoquatur. Ex his pro varia compositionis ratione ipsum quoque lac diversam naturam habet, de qua partim ex iis, quæ proposita hæcenus sunt, partim ex sequentibus iudicium ferri poterit.

§. CLVII. *Quæstio X. est: Quodnam lac infanti sit optimum?* Optimè quæstioni satisfacit Aristotel. l. 4. de Histor. animal. cap. 21. ita quæstionem determinans: *Mulierum lac commodius lactantibus est, quod livorem trahit, quàm quod candidum est: & fusca salubrius habent, quàm candida. Est porro ad alendum validius, in quo plus casei est: sed infantibus salubrius, quod minus casei contrahat.* Nimirum boni lactis requisita sunt, primò ut habeat sufficientem substantiam nutritivam, adeoque aliquid casei & butyri. Nam ab his duabus portionibus alimentaria ejus vis dependet: deinde ut facile concoquatur, nam debilis est ventriculi infantum calor: inde requiritur, ut moderate liquidum seu serosum sit, & sufficienti nativo calore imprægnatum, tum ut commodè à ventriculo ad hepar deducatur, & in sanguinem conversum non nimium crassum sit. Ob eam causam serosum magis, quàm caseosum esse debet: denique absit inquinamentum coctionem impediens vel corrumpens: & ideo serum lacte admixtum non sit notabiliter falsum. Nam faldedo nimia exsiccatur nimium & incrementum foetus impedit. Omnes illas conditiones habet illud lac, quod Aristotel. describit, qui simul notas aperit, unde dignosci possit. Principiò multum lac, ubi paulum constiterit,

terit, satis monstrat, an casei nimium insit, an tenue sit: sin autem recens multum fuerit, jubent Medici nostri id explorare in ungue glabro. Si enim gutta lactis in eo quidem fluere conetur, sed non dissiliat, debitæ consistentiæ est. Deinde color quoque de bono lacte testimonium præbet. Etenim fuscum id magis ob serum, quàm album est, quippe albedo ejus maximè à caseosa substantia procedit. His si dulcedo jungatur, nihil suspicionis de pravitate relinquit.

§. CLVIII. *Questio XI.* est: *An lac vel sanguis sit calidioris temperamentis?* Plerique Medici sanguinem magis calidum esse asserunt. Ego quoque. 1. Quia sanguis à calidioribus partibus, quàm lac coquitur. 2. Quia etiam ipso actu calidius sentitur. At qui contrarium sentiunt, urgent, 1. Ex sanguine lac coctione fieri. 2. Sanguinem naturâ frigidum esse, calorem qui eo notatur, esse accidentalem, veluti aquæ fervefactæ. Ad quorum 1. dico: nihil inde consequi, ut supra §. 154. visum. Et quid? Annon pariter ex lacte sanguis generatur? Ad 2. verum est: comparativè ad eum fervorem, quem ebullitione in corde accipit, posse frigidum sanguinem appellari: attamen non absolute. Sicuti enim vita ipsa in calore & humido constitit: ita quoque principia vitæ materialia istis qualitatibus gaudent. Quinimò quia spiritus vitalis pars sanguinis est, eique satis sufficienti copiâ permixtus, sanguis absolute frigidus nuncupari aut esse non potest.

§. CLIX. *Questio XII.* est: *An lac vel sanguis secundum naturam tenuioris sit substantia?* Videri potest lac esse crassioris constitutionis. Quippe 1. Fit ex sanguine coctione, qua omnia crassiora evadunt. 2. In ejus generatione disgregantur tenuia, nempe pars spirituum calidorum. Attamen contrarium verum esse sensus indicant, & debere esse ratio monstrat, quia nempe lac in ventriculo & hepate rursum coqui debuit, & pueris etiam inservire non solum loco cibi, sed etiam loco potus. Ac inde rationem dare licet: *quare infantes, qui multum sugunt, multum mingunt?* Quia nempe lac plurimam humiditatem secum affert, quæ hac ratione evacuatur. Et similiter accidit iis, qui plurimum bibunt. Ad contrarias rationes autem dicimus: Ad 1. Coctione quidem omnia crassesceri, sed ratione materiæ permanentis seu proximæ constituentis, non semper ratione materiæ transientis seu generationis. Ac ratio est: quia cum ex materia generationis sive transeunte aliquid sit, sæpè aliquod crassum segregatur, unde postmodum coctum tenuius evadit. Imò de materia proxima compositionis non

semper id verum est, sed tūn solum ubi in coctione nec crassa cruda attenuantur, inciduntur, ac rarefiunt, nec alia humida accedit. Ac ut ad lac responsionem applicemus: illud ipsum tenuius est sanguine, tūn quia hujus crassior portio in proprium mammarū alimentum abie, tum quia māmīe utpote spongiosae porosaeque serum aliquantum imbibunt, qui lacti commiscetur, maximè cum sugendo tenue magis ad mammas alliciat. Unde diversorum Problematum solutionem cognoscere licet: utpote *Quare mulieres lactantes plus bibant?* Scilicet, quia plurimum feri ad mammas avertitur. Itemque: *Quare cum biberint, lactantes plus lactis emittant?* Quia accessione copiosioris humiditatis fluidius illud redditur. Itemque *Quare lactantes, qui multum lactis profundant, comparatione potus, parum mingant?* Quia nempe à renibus ad mammas pars feri advocatur. Ad 2. respondeo, verum esse, tenuem aliquam spirituum portionem dispergi, attamen feri tenuis admistione rursus crassum dilui & portionem quoque ejus in mammaram substantiam converti.

§. CLX. *Questio XIII.* est: *Quo modo lactis materia ad mammas perveniat?* Multi Auctores judicant duabus de. causis materiam lactis ad mammas deduci, nempe initio propulsione ab utero, dum foetus major evadens, materiam aliquam ex vasis uteri expellens, aliò propagat: deinde attractione per suctionem, cum foetus ex mammis contentum lacelicet, & dehinc ob continuitatem vasorum aliam materiam alliciat. Atque documentorum loco asserunt, quod lac prægnañtibus ferè tūn demum notetur, quando foetus major evasit, & suctione etiam iis producat, quæ non sunt prægnañtes, nec pepererunt, ut Arist. l. 3. de Hist. animal. c. 20. auctor est, variisq. exemplis comprobat. Ac memorabile est, quod habet Santorius l. 12. de san. nat. c. 7. *Accepi ego, inquit, à Quinto Bononiano Praeceptore meo, se novisse quendam Calabrum, qui mortua uxore, cum praenopia nutricem non valeret conducere, suo lacte prolem propriam aluit.* Verum casus dari potest, quo neutra hæc sententia locum habet. Ita enim comperimus mulieribus multis nec ultimis gestationis temporibus lac inveniri, nec nisi post tertium à partu diem, ante quod tempus sæpè nec infantem ad sugendum apponunt, nec alii mammas ad sugendum præbuerunt. Itaque quandoquidem hujus effectus causas superiores nominare non possumus, necessario ad aliam causam confugiendum est. Arist. l. 4. de gen. anim. c. 8. geminam nominare videtur, materiae nempe lactis redundantiam, & mammarum poro-

porositatem, ut illius respectu natura locum quærat, posteriore locum commodum reperiat. Ego autem arbitror, distinguendum hic esse inter causam principalem & minus principales, internas item & externas; *Causam principalem* arbitror esse *animam* seu *naturam* prospicientem *genito*. Quoniam enim frustra fuit sœtum generare, nisi & conservari posset, & sine lacte id ægrè obtrineri potuit, eadem principalis causa conservationis in individuo & in specie, est etiam causa ut materia lactis ad mammas procedat. Illa in hoc eodem instinctu naturali aut animali fertur, quo ad generationem, quia ejusdem appetitûs est ferri in media ac in finem. Ac utitur quoque ad id præstandum *eodem instrumentum primo originario & orto*, spiritum nempe *vitalis & corde*, ex quo in omnes corporis partes sanguis propellitur. Ac *mamma* quoque suo tempore, cum nempe munus illud præstare debent, *infra virtute* ex affluxu sanguine lac conficiunt, & majorem quoque copiam sanguinis alliciunt, maxime deficiente utero ejus quantitatem evacuatione imminuere. Unde liquet *quantitatem* quoque sanguinis huc conferre, licet non primario, quia etiam vasis non adeo sanguine distentis lac generari sæpè solet, ita ut lactantes quædam ob copiosi lactis evacuationem & consequenter plurimi sanguinis absorptionem *macræ* evadant. Sic confert quoque *constitutio mammarum glandulosa*, spongiosa & rara, ut materiam melius recipere, detinere & excoquere queant. *Suctio* etiam externa multum eo confert, & *quæcunque alia attrahendi vi prædita* mammis adhibita, ut frictiones, emplastra &c. *Ab utero* quoque materiam aliquando ad mammas venire negare non audeo, attamen vel ordinarium id esse, vel eam causam esse, quare ultimis mensibus prægnantes in mammis lac habeant, vel id proximè fieri, id verò concedere non possum, cum certum sit, ordinariè ad mammas per arterias mammarias ex corde proximè sanguinem derivari.

§. CLXI. *Questio XIV.* est de tempore generationis lactis, nempe: *Quando & quare eo tempore lac generatur?* Hæc plurimas alias sub se complectitur, prout vel de tempore universali vel particulari ea instituitur. De his ergo videamus in specie. De *tempore universali* quæritur: *quo ætatis anno incipiat & desinat lac fieri?* Rectissime Arist. responderet l. 4. de generat. anim. c. 8. & l. 3. de Hist. anim. c. 20. generari in iis posse lac eo tempore, quo ad generationem apta sunt; nempe ab anno decimo quarto ad quadragessimum aut quinquagesimum. Fieri tamen posse ex accidenti, & suctione continuâ ut & natu majoribus quando-

que generetur. Primi causa evidens est: quia lac principium geniti conservans est, alioque tempore non est necessarium. Posterioris dubia, quæ nempe fieri possit, ut suctione etiam in natu majoribus lac produci queat? Ego existimo, id de illis non intelligendum esse, quæ jam effœtæ prorsusque debiles sunt, sed in declinantibus: & contingere id, quatenus suctione attracto sanguine multus quoque spiritus vitalis calidus affluit, quo mamme vigorem adeptæ & onere quoque materiæ affluxæ & commotione ejusdem factæ à suctione, à quâ quoque calor aliquis excitatur, irritatæ naturalem suam vim de novo exserunt, & consuetudine roboratæ aliquamdiu continuant.

§. CLXII. De tempore particulari quæritur: *Quare lac ordinariè non generetur mulieribus menstrua patientibus, aut utero gerenibus, aliquando tamen id contingat extraordinariè?* Solvit rectissimè Arist. 1. 4. de gener. anim. c. 8. quia materia lactis eo in statu constitutis mulieribus alio avertitur, nempe vel extra uterum, cum menstrua patiuntur, vel ad uterum cum utero gerunt, & fœtum alere necessum habent. Inde solvere quoque licet problema ex adverso: *Quare lactantes ægrè concipiant?* Puta, quia generationis materia ad mammas concessit. Imò ad alterum: *An uile seu commodum sit infanti, vutricem viro assuescere?* Non est putandû, quia uteri irritatione à mammis avocari potest lactis materia, imò turbari plerumque solet cordis cum mammis conspiratio, spiritibus vitalibus alio avocatis. Neque obstat, quod in coitu vasa laxentur. Nam non mammarum, sed uteri vasa tum aperiuntur, atque à mammis materia & spiritus avocantur. In quibus autem lac & menstrua simul comparent, credendum est, copiosum sanguinem generari, ut utrique sufficiat, & iis quoque aliquando primis mensibus lac generatur. Verum unde evenit, quod ultimis mensibus lac generetur, præsertim cum fœtus major plus alimenti videatur exigere? Rectissimè judicasse videtur Arist. 4. de gener. anim. c. 8. id fieri, quia ultimis mensibus fœtus non tantopere crescit, quam prioribus, ideoque nec tanto alimento indiget. Multi tamen Medici existimant, eum in fine gestationis alimento indigere, & ideo exclusionem moliri: Aristoteles autem l. c. aliam exclusionis causam assignat, meo arbitrio probabiliorē, nempe quod fœtus in utero status sui terminum & perfectionem attigit, & ob magnitudinem ægrè diutius retineri possit, & ob robur & organorum motus robur exitum sibi quærat.

§. CLXIII. *Quoniam tempore gestationis aliquando lac gignitur, queri-*

tur, cuius illud conditionis sit? Arist. solvit l. 7. de Hist. anim. c. 5. inquit. Lac quod ante septimum mensem contractum est, inutile est, sed simul infans naturalis est, & lac esse utile incipit: prius autem falsum etiam est, ut pecoris. Quorum verborum consideratione diversa Problemata nobis sunt solvenda. Primum: quare ultimis mensibus lac sit melius, quam primis? Dicendum cum eodem ex 4. de generat. animal. c. 8. quia tunc materia lactis magis suppetit. An verò & ideo, quia infanti jam in lucem edendo incipit melius prospicere? Nam septimo mense vitalis nasci solet. Ac hoc natura impetrat, quatenus ad uterum non tanto sanguine attracto, ejus major portio ad mammas cum sufficiente spiritu vitali amandatur. Hinc quibus mulieribus ultimis gestationis temporibus lac non generatur, iis raro post notabili copia generatur? Quippe iis materia & efficiens instrumentalis aliqua ex parte deficit. Secundum est: Quare lac primis gestationis temporibus sit falsum? Quia est serosum nimis & non excoctum. Serum autem natura sua falsum est. Hæc portio verò ad mammas devenit, partim quia mammarum glandulosæ faciliè suscipiunt, partim ob magnum uteri cum mammis consensum. Ex utrisque Problematis solutus patet, ordinariè non esse consultum, ut prægnantes lactent. Etenim lac improbum est, quod lactans infans fugit, & fœtus in utero orbatuur ex parte suo alimento.

§. CLXIV. *Tertium Problema est: Qui fiat, quod post natiuitatem lac fiat melius? Quia nempe suppeditata sufficienti copia sanguinis natura uni illi actioni intenta melius & perfectius operatur. Inde probandum illarum mulierum consilium, quæ nolunt infantes adultiores adhiberi mammis recenter puerperæ factæ. Quippe illud lac nimis crudeum est. Verum idem lac recens natus est bonum, tunc medicamenti loco, quia sursum & deorsum saburram vitiosam in utero collectam expellit, tunc alimenti modo, quia alimento in utero accepto est similis.*

§. CLXV. *Quartum Problema est: Unde eveniat, quod quibus tempore gestationis lac non generatur, tertio denum aut quarto die appareat? Quia prioribus nimia adhuc copia sanguis per uterum secedit: ac ubi imperus ille cessavit, natura fœtui prospicere demum potest. Nam sane ad hanc naturæ providentiam, & sapientiam in lactis & menstruum generatione & natura explicanda tandem veniendum est, non subsistendum prorsus vel in frigidiore temperamento mulierum, vel in paucitate aut copia sanguinis, quod hic verbo indiguisse sufficiat.*

§. CLXVI. *Præter ista excrementa generationis primaria & utilia*

lia per se, dantur præterea excrementa generationis secundaria, atque per se utilitate carentia. De iis paucissima solum adjungemus, primum acturi de excremento seroso marium, tum de excremento quasi semine mulierum, denique de sanguine puerperii.

§. CLXVII. An viri præter semen prolificum contribuant ad generationem etiam serum quoddam, & quod istius officium sit, non ita exactè à veteribus determinatum est. Quid miri? Nihil solidi constat. Equidem aliqui arbitrantur in testibus non semen elaborari, sed serosam illuviem redundantem in materia seminis recipi, eaque de causa fibras tenues esse conditas, quæ à parastatis ad testes serum illud deferrent. Verum nec documentis sufficientibus videtur ea sententia suffulta, & gravia eidem argumenta adversantur. Ajunt, hoc inde colligi, quia natura in magnis quidem vasis feri evacuationi prospexit, conveniens quoque fuisse, ut in his parvis non minus providentiam ejus gereret. Verum respondere promptum est, naturam ex magnis vasis serum redundans evacuando, parvorum sufficientem curam gessisse, maxime cum si quicquam feri in his vasis redundet, id regressu sanguinis in magna vasa exponi possit. Quin, si in testes reciperetur excrementitius ille liquor, quo expurgatur, aut ubi remanet. Si insensibiliter digeri queat, supervacaneum videtur, testes eà de causâ fuisse genitos. Sin vero sensibilibus per penem egeratur, videant annon confiteri necessum habeant ex testibus ad vasa deferentia viam patere: imò considerent, annon id semini multum nociturum sit, dum justo aquosius ab illis reddatur. Sed instant: notari effluere aliquando serosum quid: veruntamen inquirendum foret, an secundum an præter naturam illa evacuatio sit, deinde ex quibus partibus processerit. Procul dubio, inquirunt, ex testibus, quia illi glandosi sunt. At initio etsi testes glandosa corpora sunt, tamen quia substantiam propriam qualè non habent aliæ partes quæquam in universo corpore, glandulæ propriè loquendo dici nequeunt, nec harum illis officium assignari. Et quid? prostratæ non minus glandosa corpora sunt. Neque confirmat hoc ipsorum assertum, quòd sinister testis dextro major est. Nam non tam major, quam laxior est, idque quia scilicet frigidior, ac ideo frigidior, ut semen elaboret sæmellis producendis aptum.

§. CLXVIII. Alii vero voluerunt à prostratis humorem quandam excrementitium pinguem imbibi, qui post effusum semen item effundatur, ut urethra demulceatur, ne ab acredine seminis lædatur. Confirmare hanc

hanc opinionem videtur, quod revera & in prostratis pinguis aliquis humor notetur, isque alius, quàm in vesiculis seminariis, quodque ex his ægrè in illos semen derivari possit. Nihilominus plerique semen id esse arbitrantur, accidentali discrimine ab eo, qui in vesiculis seminariis distinctum. Ego supra cap. 9. §. 71. priorem sententiam probabilem duxi, atque ideo præcedente cap. §. 15. excrementum serosum maris inter secundaria excrementa generationis numeravi, veruntamen fateor nihil certi hæcenus de hac quæstione mihi esse perspectum.

§. CLXIX. *Excrementum quasi semineum mulierum*, quod communiter Medici *Semen muliebri* vocant, quod existat, item in foeminarum testibus generetur, satis manifestum est. Veruntamen plurimi inter Medicos id genuinum & prolificum semen esse existimant, de eo cum superius late actum sit, discursum redintegrare nolo. Id solum constituamus, videri id gigni non primariâ, & directi naturæ intentione ex materiâ semini generando destinatâ, verum dum muliebres testes alimoniam sibi præparant. Et fortè confluent ad ejus compositionem etiam vicina excrementa, quo nomine humorem eum esse τὸ τῆς ἰδίας licet intelligere, quanquam fortè alio sensu id Philosophus dixit, quatenus eum putavit ab utero fluere, & fluxum album mulierum designavit. Usus illius est acrimoniam suam ad Venerem genitales mulierum partes irritare, & dum effunditur supra virilem penem, illum quoque voluptate quadam perfundere. Inde inter secundaria tantùm generationis excrementa à nobis fuit recensitum.

§. CLXX. Superest, ut pauca quædam de sanguine puerperii adjiciamus. Vocatur ille sanguis ille, qui mulieribus à partu suo efflueret aliquot neplurimum diebus. De hoc sanguine illud principio notandum est, eum essentia & substantia à sanguine menstruo non differre, ut adeo de ejus natura & origine agere non opus habeamus: plerumque tamen solet esse feculentior impurior ac adustus, tùm ex continua mora, quam circa uterum trahit, si quando obstructione suborta circulatio sanguinis aliquatenus impeditur, tùm ob calorem auctum in utero & juxta eum, fortè etiam ob cumulationem excrementorum plurium circa uterum, quæ gestationis tempore nequeunt excerni.

CLXXI. *Causa evacuationis sanguinis illius multiplex concurrir.* Etenim principio notatur virtus expulsiua uteri & aliarum partium, quæ labores partus facit, & foetum quoque excludit. Hæc causa est, quod sæpius cum dolo-

doloribus ejiciatur. Deinde *conjungitur vasorum uteri ad æquum*, ea tamen naturaliter non continua, sed per intervalla recurrens, ut accidit etiam in menstruorum evacuatione. Eam ob causam non continuè sanguis fluit. Accedit ipsa *sanguinis illius acrimonia*, quâ irritatur ad expellendum virtus sensilis.

§. CLXXII. Quæri solet: *Virum natura sua adeoque essentialiter atque necessario sanguis puerperii vitiosus & malignus sit?* Quamvis diversi affirmant, negativa mihi probabilior videtur, quia nulla causa dici potest, quæ necessariò & ex naturæ instituto eum inquinet. Non causa sanguinem eum primum generans, non viæ, non locus, non circumstantiæ. Unde ergo eam corruptionem naturaliter habeat? Videri potest id in contrarium esse, quod *essentialiter & per se excrementitium sit*. Ad quod dico, essentialiter eum absolutè excrementitium dicendum non esse, nec per se, verum quatenus nimius est, quàm ut à natura gubernari possit. Extra eum vero casum neutiquam naturaliter evacuatur, verum symptomaticè. Inquirat quis: *Gravissima symptomata superveniunt, nisi accuratè expurgetur*. Repono: nihil miri esse, si redundet. Enasci enim tùm omnia mala ea queunt, quæ ex plethorâ & mensuis retentis: quin deteriora, tùm quia plerumque solet esse sæculentior ac magis corruptus, tùm quia vires solent esse debiliores.

§. CLXXIII. *Mensura evacuationis illius certa assignari non potest, neque etiam dierum numerus exactè definiri*. Etenim quibusdam uno die finitur, sed hoc rarissimum: quibusdam triduo, quibusdam ad octo, decem, viginti, triginta, quadragintaque & plures dies protrahitur. Attamen primis tribus diebus majori cum copiâ evacuatio illa procedit, reliquis parcius evacuantur, maximè si mulieres lacte suo infantes alant. Tum enim portio illius evacuationis alium ob finem retinetur. Aliis vero, nempe non lactantibus mulieribus, nisi & posterioribus diebus aliquanto largius evacuatio illa procedat, solent febres, terrores, vertigines & alia symptomata obvenire, quæ tandem mensuis supervenientibus paulatim cessant.

C A P U T. XIX.

De Excrementis nutritionis simplicibus omnium trium coctionum.

§. I. **I**sta sunt *excrementa generationis: nutritionis excrementa*, de quibus nunc agendum nobis est, facimus vel *simplicia*, vel *composita*, ut
ex

cap. 17. §. 16. liquet. Antequam ea sigillatim persequamur, principio quærendum: *an rectè excrementa nutritionis in simplicia & composita dividantur?* Equidem inusitata illa divisio est, attamen vera, quando quidem eam experientia & ratio comprobat. Evidens enim est excrementa quædam ex nullis aliis excrementis composita ad aliorum compositionem concurrere. At ea quare simplicia appellare non liceat, aut quod congruentius nomen inveniamus? Sit itaque, non sint illa excrementa *simplicia in genere entis*; quia corpora sunt: non sint *simplicia in genere corporum*, quia mista sunt: sunt tamen *simplicia in genere excrementorum*, quia ex aliis excrementis non sunt: ac illis opponuntur excrementa composita; quia ad illorum constitutionem concurrunt.

§. II. At verò, *quomodo dividuntur excrementa simplicia?* Optime secundum varietatem concoctionis. Etenim illius divisionis diversa fundamenta sunt: Nempe *diversitas* reperitur 1. *efficientis proxima*, nam variant diversæ concoctionis propriis instrumentis seu organis. 2. *Subiecti seu loci* ob eandem instrumentorum seu partium diversitatem. 3. *objecti seu materia* proximæ, quia primæ coctionis materia est esculentum & potulentum, secundæ chylus, tertiæ sanguis. 4. *formæ seu termini*. Nam prima coctio præstat chylum, secunda sanguinem, tertia partem solidam, ut os, carnem &c. 5. *finis proximi*: nam prima & secunda intendunt nutritionis commodum medium remotè vel propinque: at tertia ipsam nutritionem immediatè attingit. Et illi divisionis fundamento accedit, quod excrementa simplicia in omnibus tribus concoctionibus reperiantur.

§. III. *Prima coctionis excrementum simplex est excrementum chylosum*, quod ita appello, quia cum chylo ex eadem materiâ generatur, affectatus illi similes qualitates obtinet, & ab eodem separatur. Doctissimus Nasius in specul. meth. med. nominat *faces alimenti & materiam stercorosam*: hoc modo, quia præcipuam partem sæcure alvinarum constituit: isto autem, quia impurior & inconcocta pars chyli est.

§. IV. Hinc aliquatenus ejus natura erui potest, quam nos clarius tali descriptione explicamus. *Excrementum chylosum est excrementum in ventriculo dum chylum conficit ex crassiore & crudiore portione alimenti accepti genitum, adjunctis chyli amulum, attamen crassius, obscurius & frigidius, quod natura per intestina in intestinis tenuibus chylo separato aliis excrementis quibusdam admixtum egerit.* In quâ descriptione fere omnia continentur, quæ ad cognitionem ipsius naturæ pertinent.

§. V. Principiò, quoad efficientem proximam & modum generationis: produciuntur hoc excrementum à ventriculo, quia in eodem generatur. Nam in quâ parte quid produciuntur, ea est ejus proxima causa. Verum non produciuntur à ventriculo ex primaria intentione, quia ea est chylum nutritionis gratia generare: sed secundario & ex materia necessitate, quia coctionis ea natura est, ut dum homogenea congregat, heterogenea segreget. Sunt enim heterogenea, quæ ad convenientem naturam conjungi & sociari nequeunt.

§. VI. Atque inde liquet, quæ sit istius excrementi materia. Nimirum totalis & generationis eadem quæ chyli: sed partialis & compositionis crassior & frigidior ejus pars, quæ ob resistantiam suam in chylum mutari non potuit. Hinc consequitur, quod chylo frigidius, terrestrius & ficius sit idem excrementum, quia calori & humiditati calidior humidior & fluidior substantia magis propria est; & idèò facilius à ventriculo per calorem & humorem agente, quia modo elixationis coquit, superari potest.

§. VII. Idem tamen adjunctis chyli amulum est. Quippe quandoquidem eadem virtute ventriculus in ipsum, quo in chylum agit, & illud etiam ob moram & insitarum virtutum debilitatem à ventriculo patitur: quia alioquin si virtutibus suis potentius foret ventriculo hic pateretur, & succumberet, nec chylum conficeret: sequitur quod aliquatenus similes chylo qualitatibus qualitates adeptum sit, licet inferiores ob majorem resistantiam. Proinde absolute loquendo calidum est, humidumque, molle, laxum, ad laborem vergens, aliquantulum ad dulcedinem vergens, & nullius aut certe non pravi odoris.

§. VIII. Neque hoc solum ratio superius proposita evidenter vincit, verum etiam manifesta experientia comprobatur. Nam quibus vesicula fellis obstructa est, ut ictericis quandoque accidit, ac quibusdam diarrhœa laborantibus, excrementa alvina alba & inodora sæpè egeruntur. Item aves, quæ nullam bilem generant, excrementa alba emittunt, etiam si nigris aut alterius coloris alimentis vescantur. Et quid? Semper idem observare est in apertione vivorum animalium, si quis tertia quartave à pastu horà intestina illorum tenuia & ventriculolum inspicere velit. Nec obstat, quod hæc de colore, consistentia, & odore tantum testentur. Præterquam enim quod probabile est, cæterarum qualitatum consimilem esse rationem, etiam qui gustare volet, fateri necessum habebit, saporem itidem respondere. Cæterum si quis non

non in quacunque experientia factâ omnia his respondentia invenerit, meminisse velit, nos de naturali, non de præternaturali constitutione hic agere, qua chylum quoque variè mutari novimus. Sic concedimus alba illa excrementa per alvum in diarrhœa ejecta, maximè in principio morbi malè olere; vel quia intestina crassiora malè olentium fœcum aliquid adhuc continent, vel quia in iisdem mora corrumpuntur & putrescunt. Et ita de aliis judicandum venit.

§. IX. *Manet id excrementum loco in ventriculo chylo commistum, licet substantialiter & essentialiter ab eodem sejunctum sit: verum in intestinis accedit quoque localis seu accidentalis segregatio, dum chylus per crustam carneam intestinorum tenuium in venas lacteas quasi colatur, & excrementum hoc in intestinis ob crassitiem suam remanet, dum aliis dehinc accedentibus excrementis in excrementum alvinum mutatum per alvum exoneretur. Licet hoc cum jucunditate in vivorum anatomia perspicere. Nam cum à tertia aut quarta hora à pastu canis vivus aperitur, licet in intestinis tenuibus maximè chylum illi excremento commistum annotare, dehinc venas lacteas chylo solum refertas, motum chyli versus hepar, & intestinorum constrictionem motumque peristalticum quandoque, quo tùm chylum in venas lacteas, tùm excrementa ulterius propellunt.*

§. X. Quæri potest: *Vivum præter hoc excrementum chylosum crassum detur aliud tenuius?* Causa dubitationis est, quia multi opinantur in omni coctione inveniri duplex excrementum, unum crassum, alterum tenue, inter quæ concocta materia mediam naturam possideat. Cæterum nulla ratio universalem illam assertionem comprobat, quoniam fieri potest, ut in aliquo concoquendo nihil sit, quod sit tenuius eo, quod ex ipso confici debet. Atque in concoctione prima naturaliter certè nihil tale quid generatur, quantum perspicui potest: nec utile, quia evacuari commodè non potest, sed & concoctionem interturbaret, & superius maximè orificium ventriculi læderet, aliasque partes in consensum traheret, ut apparet, cum præternaturaliter flatus & ructus in ventriculo producuntur. Nisi quis dicere velit, transpirabile prorsus esse, quod insensibiliter prorsus dissipetur, & in auras evanescat, tamen hujus asserti sui veram rationem & evidentem experientiam asserre neutiquam poterit.

§. XI. *Excrementa simplicia secunda coctionis faciunt Autores communiter quatuor, bilem, pituitam, melancholicam & serum: ego solam bilem, aut*

simul ferum. Nam pituitam, quæ naturali lege in humano corpore producit, excrementum tertiæ concoctionis esse arbitror, & melancholiam naturaliter in humano corpore non existimo generari. Veruntamen de his plenius post agendum, ubi prius de bile & sero tractationem absolverimus.

§. XII. Est autem *bilis excrementum secundæ concoctionis simplex, calidum & siccum, tenue, flavum, amarum, in & à corde adustione sanguinis genitum, inde per arterias cum sanguine diffusum, & per venas ad hepar revertens, ac portione quâdam ex arteriis ad hepar dilatum, ut vel immediate per proprium canalem in intestina deferretur, vel primum in vesiculam felleam depositum, deinde per ductum chologogum intestina tenuia deduceretur, ut sic excremento chyloso aliisque admixtum per intestina expurgeretur. Quæ descriptio ut planior fiat, & bilis natura plenius cognoscatur, quoad necessarium erit, à nobis per partes considerata est.*

§. XIII. Loquimur impræsentiarum de *bile naturali*, atque idèd quæ de *bile præternaturali* adduci possunt, nostræ opinioni non adversantur. *Illam excrementum* esse judicamus, contra quam ii, qui bilem aut alimentum aut partem materialem corporis humani esse existimant. Et enim natura specialem aliquam corporis partem conformavit, in quâ colligeretur, & suo tempore ex eadem egeretur. Accedit, quod cum prius amara secundum naturam sit, nimis item calida & acris, partes nullas alere possit. Nam quod pulmones concernit, aluntur illi sanguine arterioso, quem ex corde accipiunt: vesicula autem fellea itidem sua vasa habet, per quæ sanguinem accipit. Nec obstat, quod interius flava est: hoc enim evenit, quia bilis eam tingit, non nutrit. Nec illud, quod Autores quidam ita locuti sunt. Nam illi fortè diversum fenserunt, fortè per bilem intellexerunt sanguinem calidiorum & tenuiorem, qualis bili respondet qualitatibus non substantiæ convenientia, quemadmodum aliqui Veterum quorundam auctoritatem ab errore vindicant & excusant.

§. XIV. Addimus, quod *bilis sit excrementum secundæ concoctionis*, quia non in ventriculo sit, nec fieri debet, ne cibis inquinaretur. Ququam non negamus præter naturam eam aliquando etiam in ventriculo generari, aut ob intemperiem & pravam dispositionem ventriculi, aut ob pravitatem alimentorum assumptorum, aut ob utramque illam causam concurrentem. Adjecimus quoque *Simplex*, quia ipsa quidem ad aliorum, ut excrementorum alvinoorum compositionem per

per se ordinatur: non autem ex aliis exciementis constat, cum secundum naturam se habet, nam alioquin sero dilui, & quocunque humore alio impura reddi potest.

§. XV. *Vbi & a qua causa efficiente generetur bilis*, inter Autores non adeò convenit. Quidam in *vesicula fellea*, & ab eadem generari credunt, sed falsâ persvasione. Nam ea frigidi nimis temperamenti est, nec materiam bilis, sed ipsam bilem jam genitam ex hepate accipit. Quanquam sunt, qui opinentur, in *vesicula bilariâ* ultimò perfici, & acrimoniam suam acquirere. Verum unde id probent? Ex eo, quod illa vesica est naturale bilis receptaculum? Sed quid tùm de vesica urinaria dicent, quæ sero contento neutiquam ultimum complementum tribuit? An ex eo, quod in eadem moratur? Verum idem de vesica urinaria valet. Ac manet aliquandiu in *vesicula fellea*, non ut perficiatur, sed ut prius colligatur sufficiens ejus copia, antequam expurgetur, ne frequenti nimis commotione naturæ sit semper molesta. Quidam existimant & plerique quidem, *generari bilem in hepate*. Et habent ii sane probabiles opinionis suæ causas. Nam 1. ex hepate in *vesiculam felleam* genita jam bilis deponitur. 2. *hepar* officina sanguinis est. 3. *hepate* nimium calefacto plurimum bilis gignitur. 4. in biliosis & ardentibus febribus *hepar* maximè patitur. Nihilo minus solvi non ita difficulter posse. Ad 1. enim Resp. concesso antecedente illo non sequi in hepate fuisse genitam. Quid si enim alibi jam genita ad ipsum *hepar* delata sit? Ad 2. dico: in hepate inchoari non consummari sanguificationem: fieri verò bilem ibi, ubi sanguis plenè conficitur. Ad 3. præternaturaliter etiam aliis partibus intemperie calidâ laborantibus augeri bilis proventum, tùm per se, quatenus omnis pars, per quam sanguis transit, nimis calida, sanguinem nimis calidum facit, & si sit potenter calida etiam adurit; tùm consequenter, quatenus omnes partes sibi mutuò consentiunt & sic illa quoque incalcescit, quæ bilem generat. Ad 4. Repono: provenire id inde, quia bilis receptaculum cavæ parti hepatis affixa est: esse itaque fallaciam causæ.

§. XVI. His ergo rejectis opinor *cor generare bilem*. Et hoc confirmare videntur sequentes rationes. 1. Quia cor pars nostri corporis calidissima, & bilis item humorum naturalium calidissimus. Unde consequitur, si bilis alia in parte generaretur, debere tamen etiam in corde generari. Nec obstat, quod dicere possunt, id valere, si materia generationis in cor deportaretur. Nam quis negare ausit, ex sanguine pos-

se bilem generari. Si ergo ex chylo pars minus calida possit bilem generare, quid nō pars magis calida ex sanguine? Inset quispiam, generari ex calidiorē parte chyli. Verum regeo: in sanguine tenuem partem esse calidiorē chyli tenui parte & magis aptam ad bilis proventum. Quare cum concedatur, unam tantum esse partem in humano corpore, quæ naturaliter bilem producat, probabile est produci eam in parte nostri corporis calidissima. 2. Si cor non producat bilem, nullum producit excrementum consistens, seu non vaporosum seu fuliginosum. At id incredibile est, maxime cum spiritum vitalem omnium consensu generet, in cujus productione crassamentum aliquod impurum remanere debet. Excipis: Bilis est excrementum tenue. Resp. Crassius tamen fuliginibus, & crassior substantia, quàm sunt spiritus vitales. 3. Cor est officina primaria sanguinis. Ergo bilem quoque generat. Consequentia ab omnibus conceditur. Antecedens autem supra agentes de corde & sanguine probavimus. 4. Sanguis arteriosus flavior est venoso. At unde nisi quod in corde bilefcit? Patet itaque probabilitas nostræ assertionis.

§. XVII. Hoc constituto amplius quæritur: *an ex propria & directā intentione, an indirecta cor bilem generet?* Existimo ex indirecta, & ex necessitate objecti seu materiæ. Dum enim cor per se, & ex directā intentione ultimam sanguini perfectionem imponere, & spiritum vitalem inducere coctione intendit, aliqua portio sanguinis tenuior exurit, & in bilem facefcit. Atque sic planè modus generationis bilis: sed gravis hic objectio movetur: *quod bilis habeat per se finem in humano corpore, atque ideo debere per se intendi.* At dico ego, intenditur per se, sed secundario, & indirectè. Et quem quæso finem habet? Ajunt *deducere sanguinem in universum corpus*: verum dico, id seri & spiritus vitalis est munus. Serum enim eliquando, spiritus vitalis fundendo id præstat. Ajunt item, *bilis competere absterfionem pituitæ in intestinis.* Non malè, attamen non necessario. Neque enim naturaliter tantum pituitæ coacervatur neque si maxime bilis ad intestina non feratur ideo subsistit, ut apparet in iis, quæ vel bile destituuntur, vel non habent eam ad intestina demandatam.

§. XVIII. Circa *materiam* itidem controversia occurrit: Etenim communis sententia Medicorum Galenicorum est, *generari bilem ex calidiorē & tenuiorē portione chyli.* Verum enimvero, quis credat dari tam calidam chyli portionem, quæ immediatè in bilem vertatur, si consideret,

consideret, chylum coqui à remisso calore ventriculi & quidem addita sufficienti materia humida? Maximeque considerandum venit, quod præcipue in febribus biliosis plurimum bilis generetur non ex chylo sed ex sanguine, & quod communiter sanguis bilefcere dicitur, cum aliquanto calidior evadit. Proinde probabilius arbitror, *bilem generari ex sanguine ulteriori calefactione*. Sed inquirat quisquam: contra naturam esse, sanguinem qui jam sufficientem & plenam concoctionem habet, ulteriore calefactione corrumpi. Cui ego repono, neutiquam concedi posse, sanguinem antequam spiritu vitali sufficienter imbutus est, plenam perfectionem attigisse. At dum spiritus vitalis eidem ingeneratur, bilis naturaliter nascitur.

§. XIX. *Cujus temperamenti sit bilis, non adeò controvertitur*. Statuunt enim plerique *calidam & siccam* esse, quod tam evidenter effectus ejus patescit, ut mirum sit, aliquos contrariam opinionem fovisse. Etenim calefacit & siccatur, calidosque & siccos morbos tumoresque generat, & sitim inducit. Item à calidis causis producit, unde in juventute, calidis regionibus, æstate, & calidis constitutionibus, ex calidis esculentis & potulentis gignitur. Veruntamen sunt, qui utramque temperiei qualitatē in dubium vocant. Ac quidem quoad qualitatem passivam sunt, qui asserant, *bilem humidam esse*, quia fluida est. Sed dicendum, *esse humidam formaliter sed non effectivè*. Sic vinum substantia humidum est, siccatur tamen. Excipiunt autem: unumquodque denominari ab eo, quod formaliter est, non effectivè. Repono: simpliciter id verum non esse, maxime in assignandis temperamenti corporum, quia ea ferè explicamus in ordine ad humanum corpus, quatenus id vel in naturali aut præternaturali statu relinquunt, vel mutant. Sed urgent amplius, bilem ut ipsa fluida est, ita & fluore conciliare aliis corporibus, adeoque humectare. Nam fluidum & humidum idem est. Ei respondeo, bilem non fluorem præstare sua humiditate, sed caliditate, qua eadem quædam etiam indurat. Dehinc bilis non per se id facit, sed per accidens: neque si id à bile per se contingat ab eadem fit efficienter, sed associativè, quatenus nempe se alii adjungens id solvit. Sed sic spiritum vini, aquam fortem & regiam humida appellare liceret, quæ tamen omnium consensu sicca sunt.

§. XX. Quoad qualitates activas id solum dubium est, quod 4. Acutor. Hippocr. *bilem autumnō redundare*: & l. 1. de morb. *bilem sanguine frigidorem esse dixit*. Primum tamen facile solvi potest. Nam 1. aliud est redun-

redundare bilem autumnō, aliud generari. Atque sic bilis æstate genita ad autumnum in humano corpore pertinet. 2. Prima autumnī pars ut æstati tempore ita temperie proxima est, & ideo bilis proventum promovere potest. 3. Autumnus varius quoque, corruptiones insignes in humano corpore, & febres acutæ prognerat: nihil ergo miri si bilem etiam cumulet. Secundus locus difficilior expeditu est, inde aliqui vel librum vel textum illum Hippocratis esse negant, cum is alibi perpetuo calidam esse bilem asserat: aliqui autem ajunt, intelligendum esse Hippocratem de calore vitali, blandoque, qui in sanguine copiosior sit, licet elementaris immoderatusque in bile prædominetur, quo sensu I. Aph. 14. etiam Hippocr. scripserit, eos qui crescunt plurimum habere caloris insiti. Et ita Prosp. Martianus comm. in eum locum ait: bilem esse frigidiorē sanguine ratione caloris actualis, qui à spiritu influente est, & sanguini uberior competit.

§. XXI. Qualitates secundæ eam dubitationem ingerunt: *an bilis sit tenuis vel crassa dicenda?* Quidam crassiorem esse sanguine existimant, quia ex sanguine ulteriore cōctione gignitur, calidissimus humor, & amarissimus est. Sed non omne, quod cōctione ex aliquo gignitur, crassius est. Et deinde bilis non ex toto sanguine, sed subtiliore ejus portione producitur, unde spuma etiam sanguinis Avicennæ dicitur. Caliditas autem ejus, tantum abest, ut crassitiem bilis probeat, ut ejus tenuitatem arguat. Caloris enim est attenuare. Saltem calida non minus tenuia, quàm crassa esse possunt. Sapor dehinc bilis non purè amarus, sed acredini junctus est, qualis tenuitatis index esse potest. Quod autem bilis sanguine tenuior sit, patet, quia eo levior & calidior, minusque fibrosa est. Inde in venæ sectione, & sanguini commista reperitur, eidem supernatat.

§. XXII. *Naturalis bilis color flavus seu croceus est, præternaturalis varius, pallidus, viridis, cœruleus, prassinus, isatodes &c. Oritur à cōctione, quatenus eà mediante lucida & opaca sic uniuntur, ut eum calorem exhibeant. Sapor bilis amarus & acris est, ingratus & penetrans, quemadmodum calor ejus exigit. Odor gravis & fetidus, maxime si uratur, ut inde merito ad sulphuris species ablegetur. Cætera de modo collectionis bilis in vesiculam felleam, & expurgationis ejusdem in partium declaratione, ubi de vesiculâ felleâ egimus, actum est.*

§. XXIII. *Serum simplex item excrementum est, verum an solius secundæ,*

da, vel etiam tertia coctionis ambigo. Ego certè judico non malè utriusque illius coctionis excrementum dici posse. Etenim quatenus calore inter-
no funditur & liquatur sanguis, itemque chylus crassescit, cum in
sanguinem vertitur, necessum est serum aliquod produci: verum non
minus, cum in partes singulas sanguis distributus in crassatur. Nam et-
si verum est, tùm portionem tenuem insensibiliter transpirari, attamen
non omne serum sic diffundi posse credibile est. Nam 1. multæ sunt in-
ternæ partes, quæ commoditatem illius transpirationis non obtinent.
2. multæ sunt quoque frigidaæ partes, quæ tantum calorem non obti-
nent. 3. ob circularem sanguinis motum promptè cum superfluo ali-
mento serum quoque reduci potest. Ac si pro vero habeatur, alia quo-
que excrementa propria multarum partium in vasa reponi, ut sequen-
ti capite de urina acturi probare conabimur, quoniam illa si cras-
siora sint, liquari debent, utique indicio id erit, in tertia quoque co-
ctione generari.

§. XXI V. *Modus generationis feri* constat ex dictis, sicut & *materia propinqua ex qua*. Nimirum 1. producitur ex chylò, quatenus is, dum co-
quitur in sanguinem, aliquantum crassior evadit, & sic portionem li-
quidæ substantiæ emittit. 2. ex sanguine, tùm cum in corde ex eo fit spi-
ritus vitalis, tum cum in liene ex arterioso sanguine gignitur ferment-
tum, tùm cum in partibus quæ nutriuntur serola substantia remittitur
cum residuo alimento. Assertorum probabilitas ex prioribus pendet,
& magis adhuc patebit, si singula modò recta perpendantur, nempe
quomodo ex chylò sanguis, ex sanguine spiritus vitalis & fermentum,
singulæque partes enascantur. Apparebit enim singula fieri calore li-
quante aliquatenus, & tenue destillante, quemadmodum Chymico-
rum fornaces & coquorû ollæ nos docent. Licebit hinc rationem quo-
que reddere, quare lienosi maximè serum cumulent, nempe quia ni-
mium uritur aut destillatur aut colatur sanguis ob intemperiem cali-
dam, aut obstructionem lienis.

§. XXV. Eodem opere *causas etiam efficientes feri* recensuimus. *Re-
nes autem* omisimus, quia non tam serum generare, quàm segregare
videntur. Non enim conveniens videtur, tam multas partes ejus ge-
nerationi incumbere. Et ob quam causam renes id facerent? Nam se-
rum sanguinis vectioni necessarium se jungi non debet, & ab aliis parti-
bus, quoad satis est, jam segregatur quoad substantiam, relinquitur er-
go ut renes idem faciant quoad locum.

§. XXVI. *Materia remota feri materia potulenta est*, seorsim ab esculentis aut una cum illis accepta, aut in illis contenta: unde qui parum bibunt, parcius serum cumulant, minusque mingunt. Contra bibonibus accidit. *Finem feri esse dicunt inservire transmissioni sanguinis.* Ego autem opinor, sicut & communiter opinari videntur, id convenire sero, quatenus nondum ex sanguine quoad substantiam separatum est, sed partem adhuc ejus constituit. Nam alioquin sanguis natura sua sufficienter fluidus est, ut excrementum serolum ad illam operam adsciscere non videatur postulare.

§. XXVII. *Constat serum portione aquosa liquida fluidaque*, quæ sensui satis patet, & quam ex potulentis acquirit; & *materia salsa soluta*, quæ gustu deprehenditur. Hanc credibile est, quod trahat ex sale insito alimentorum, aut ex condimento salis cibis addito. Generari enim potenti ustione non videtur, sed solutione elici, ut facere solent chymici, cum aliquid edulcorant. Id verò fortè eam ob causam fit, ut melius sanguis nutrire possit. Sal etenim exsiccat, & coctionem aliquatenus prohibet. Intellige materialiter; nam efficienter aliquando juvat, quatenus facit ad meliorem coctionem calefaciendo, incidendo, rarefaciendo, attenuando.

§. XXVIII. *Temperamentum feri* hinc licebit colligere. Est enim si liquidam ejus portionem, quæ quantitate major est, spectes, frigida & humida: cæterum si alteram ejus portionem saliam, & quæ virtute prævalet, calida & sicca. Unde absolute calidum & siccum quoque appellatur, quia siccatur, abstergit, digerit, sitim facit. Sæpe tamen liquat rigatque, atque secundum partem humectat. *Tennis substantiæ* est, fluidæque, unde quascunque corporis nostri partes facile transire potest, quanquam per nervos non sine damno.

§. XXIX. *Evacuatur serum vel sensibiliter*, tum per renes & vesicam urinariam, cum urinæ partem constituit; tum per poros corporis, cum sudorem facit, tum per oculos cum in lachrymarum materiam cedit, tum per sputum, sed minus ordinariè: vel *insensibiliter* per insensibilem transpirationem. De his omnibus, quandoquidem inferius tractandum fit, hic eo labore supersedemus.

§. XXX. *Pnuiam*, ut supra §. XI. notavi, aliqui excrementis secundæ coctionis annumerant, & diffiteri non possum eam aliquando in eâ generari: cæterum id ordinarium non est, sed morbosum, ut cum frigidior est chylus, aut intemperies frigida hepar, lienem aut cor occupat.

cupat. Hinc nascitur hydrops anasarca & pituitosus sanguis. Quod res ita se habeat, patet, 1. quia nullum est receptaculum pituitæ datum à natura. 2. quia nullæ sunt ordinariæ evacuationis viæ. 3. quia deficit causa generans & materia. Chylus enim totus calidus est, magisque in hepate & corde calefit. Neque valet, quod dicunt, gigni ex frigido ore portione chyli. Nam talem nullam in chylo indicare possunt, & deberet ea in chylo esse frigidior, quàm in sanguine, quia in hepate & corde magis calefcit. Id autem negari nequit, generari tamen etiam naturaliter pituitam: verum in tertia coctione & in quibusdam determinatis partibus, de quibus in sequentibus.

§. XXXI. Antequam tamen hinc abeamus, communem sententiam de pituitæ naturâ & generatione aperiemus. Statuunt ergo ii pituitam esse excrementum secundæ coctionis frigidum & humidum, album, & insipidum, genitum in hepate ex crudiore & frigidiore portione chyli, in potentia existens, ut in sanguinem vertatur, unde cum sanguine per universum corpus distribuatur. Hæc maximam partem sententiæ nostræ probandæ inserviunt. Nam. 1. quandoquidem chylus & sanguis homogenea corpora sunt, ut de iis agentes probavimus, cum chylus crudior & frigidior est, ut in secundâ coctione aut prorsus non aut ægre superari potest, tùm pituita in ea gignitur. Id autem præternaturale est. 2. Quia pituita mora aut reditu in partes secundæ coctioni præfectas potest in sanguinem commutari, utique non tam secundæ coctionis excrementum, quam imperfectum crudumque alimentum est. 3. Quia non habet partem in qua colligatur, non viam, qua naturaliter evacuetur, rursum patet eam naturale excrementum non esse. Hæc adferre volui, ut appareat, quàm non benè cohæreant, quæ de pituita afferunt: cæterum quæ absolute de ea dici possunt, varia sunt. 1. De materia pituitæ proxima, quod nempe ea non solum chylus crudior sit, sed etiam cibus crudior. 2. De loco & causa efficiente generationis ejus: quod non solum in hepate, verum in ventriculo, aliisque quibusdam partibus procedere possit. 3. De fine, quod pituita non possit nutrire, sed potius oneri esse partibus. 4. De eo, quod ajunt in sanguinem mutari posse. Nam id falsum est. Nam excrementitia pituita sic cum crudo sanguine confunditur, à quo tamen multum differt, tum temperamento, tùm aliis qualitatibus, tùm fine, tùm modo generationis. Nam crudus sanguis, qui coqui potest, non dicitur humor absolute & positive frigidus, sicuti pituita, sed comparative, quia minus calidus:

nec crassius viscidusque est, sed tenuior & fragilior sanguine cocto: nec albus, sed ad rubedinem vergens: nec insipidus, sed aliquantum dulcis, dulcior nempe chylo: nec indirectè genitus, sed directè & ex propria intentione, quia oportet crudum esse primum humorem, antequàm sit coctus: nec excerni debet, sed confici, & in alimentum commutari. Dicitur tamen talis sanguis sæpè pituitosus, seu sit naturaliter, seu præter naturam crudus.

§. XXXII. *Melancholiam* itidem, quam *naturalem* vocant, excrementis secundæ coctionis accensent, atque quid summatim de eâ statuunt, ex hac descriptione liquet: *Melancholia naturalis excrementitia est humor frigidus & siccus, crassus, niger, acidum & astringentem saporem obtinens, quem ex crassissima & terrestri portione chyli hepar producit, atque ad lienem propagat, ut in eo colligatur, & secundum partem ex eodem in ventriculum per vas breve deductio sanis excianda gratia, & secundum reliquam partem per intestina & hamorrhoides evacuetur.* Avicenna autem alios adhuc usus eidem assignat, nempe lienem & partes melancholicas nutrire, ac sanguinem spissare.

§. XXXIII. Hæc opinio multis jam suspecta fuit, & idèò diversa de melancholia adduxerunt. Ego ita de eâ cenfeo: *melancholia est excrementum præternaturale, calidum & siccum, crassum, nigrum, acidum & astringens, fermentandi præternaturaliter vi prædum, saculentum ex sanguine arterioso in liene ob visum sanguinis vel morbi lienis genitum, quod nisi ex humano corpore maturè per hamorrhoides, uterum, intestina, urinam, aut vomitum evacuetur, plurimorum morborum, maximè melancholicorum, causa evadit.* Quæ assertio sanè à priore multis modis differt, atque idèò ut veritas melius eruatur, aliquot quæstionibus controversiam repræsentabimus.

§. XXXIV. Quæstio 1. sit: *An melancholia aliqua sui excrementum secundæ coctionis naturale?* Ego nego ob has rationes; 1. quia omne naturale excrementum habet à natura locum, in quo congregetur, & viam per quam commodè evacuetur, ne natura eo onerata succumbat, aut variis morbis tenteretur. At melancholia neutrum habet. Nam etsi aliqui opinantur, *lienem esse receptaculum naturale melancholiæ*, tamen id falsum esse offendimus, cum de lienis officio egimus. Et breviter, si lien receptaculum naturale melancholiæ sit, an est secundum vasa, an secundum substantiam. Nam cavitatem nullam habet. At non secundum vasa: quia ea venæ & arteriæ sunt, nobiliori usui destinatæ: nec secundum propriam substantiam, quandoquidem id non observatur, & lien semper morbosus foret. Accipiunt tamen diversum Sentientes vasa,

vafa, & præcipuè venas, judicantque ideo naturam venam portæ e-
jusque ramum splenicum condidisse, ut humorem melancholicum con-
tinerent. Sed circa usum venæ portæ truncique ejus splenici hoc resu-
tatum est. Deinde quod melancholia non habeat naturalem evacua-
tionis viam omnes concedunt. Nam quod hæmorrhoides quidam re-
centent, frustra est, quia per hæmorrhoides expurgatio præternatu-
ralis & particularis est, non secundum naturam, & omnibus commu-
nis. 2. Si melancholia sit excrementum naturale, utique naturaliter
in omnibus reperitur. Sed observationes Medicorum docent in perfe-
ctè sanis, maximè pueris nulla documenta melancholiæ apparuisse.
Nam lien rubicundus hepaticusque similis visus est, nihilque melanco-
lici ostendit. 3. Chylus non continet materiam melancholiæ, ut
probabo. Ergo nec in secunda coctione melancholia produci po-
test.

§. XXXV. In contrarium sequentes rationes militant. 1. in ve-
næ sectione semper subsidet melancholicus humor. 2. lien semper o-
stendit, quod humorem melancholicum contineat. 3. lien ipse ob hu-
morem melancholicum non comeditur à canibus alijsq; brutis anima-
libus. 4. Chylus portionem crassam habet terræ similem, quæ cum
mutatur in melancholiam transit. Ad quas ita respondeo. Ad 1. in
venæ sectione apparere melancholicum illum humorem non perpetuum
est, nec probari potest, id quod in sanguine subsidet melancholiam
excrementitiâ esse, quin ipsam sanguinis substantiam esse probabile
est, & cum apparet, nondum liquet, annon illud corpus aliquo mo-
do se præter naturam habeat, imò putant eorum multi esse illud nutri-
tiam melancholiam. Ad 2. negando. Contrarium enim th. præceden-
te indicatum. Deinde non confundendum fermentum, quod in liene
generari solitum est, & in multis cum naturali melancholia convenit,
cum melancholiâ: aut si illud pro melancholia sumere velint, de no-
mine cum illis non litigabimus, id tamen non concedemus, ferment-
um illud excrementum secundæ concoctionis esse. Ad 3. dicimus, lie-
nem ob eam causam rejici, quia fermentum in eo excoquitur, non quia
melancholiæ excrementitiæ sedes est. Ad 4. negamus talem aliquam ma-
teriam in chylo naturaliter se habente reperiri, ex qua melancholia ex-
crementitiâ generetur. Nam nec experientia id ostendit, nec ratio
comprobat.

§. XXXVI. Verum sit de hoc secunda quæstio: *Ex qua materia*

Sff 3

melan-

melancholicus succus generetur? Ut apparet ex modo dictis, arbitrantur aliqui, quod producat ex crassiore substantia chyli. Cæterum quandoquidem crassamentum chyli & alimentorum relinquitur, nihil in substantiam chyli abit, quod à liquore potulento solvi non potest, & quia incredibile est, frigidum aliquod absolutum & positivum in chylo reperiri, neutiquam ei sententiæ calculum præbere possum: verum si melancholicus aliquis humor gignitur, ex sanguine potius producitur, & arterioso maxime, quoniam cum ejus natura maxime congruit. Nam melancholia dicitur fermentare omnia quibus affunditur, coctionem adjuvare, incidere. At hæc ab arterioso sanguine optime derivantur. Neque obstat, quod crassa sit melancholia. Nam coctione omnia crassescunt, quæ subtilem aliquam substantiam exhalant, quemadmodum in presenti casu fieri probabile est.

§. XXXVII. Tertia quæstio sit: *Cujus temperamenti melancholia sit?* Communiter frigidam esse & siccam arbitrantur; ego siccam quoque, sed non frigidam. Nam attenuat, incidit, rarefacit, fermentat, coctionem juvat, obstructions expedit, unde lienis usus in obstructione lienis optimus. Sed inquirunt. 1. morbi frigidi à melancholia procedunt. 2. melancholia incalescens fit atra bilis. 3. obstructio lienis cum ejusdem frigida intemperie conjungitur. 4. Scirrhus melancholiæ acceptus refertur, qui tumor frigidus est. Ad 1. repono, calidos non minus morbos à melancholia procedere, ut febrem quartanam. Deinde per accidens ab oppressione calidi insiti aut ejusdem extractione & dissipatione etiam à calida causa frigidus morbos posse progigni. Et sic à melancholia fiunt frigidi morbi obstructione ob crassitiem, & consequenter oppressione calidi insiti. Ad 2. dico, verum est, melancholiam si aduratur in atram bilem transire: sed similiter & bilis naturalis, & sanguis cum adurantur in atram bilem vertuntur. Ergo non statim melancholia si incalescat, atra bilis evadit, sed si nimium incalescat. Patet exemplo quartanarum, in quibus melancholia incaluit plus justo seu ex putredine, seu alio modo, neque tamen eo ipso atra bilis seu melancholia adusta evasit. Ad 3. dico obstructionem quandoque frigidam intemperiem comitem habere, ut ad solutionem primæ objectionis fuit notatum, non tamen id perpetuum esse. Ad 4. Scirrhum similiter tumorem frigidum esse ex calidi insiti oppressione, dehinc sæpe pro Scirrhus haberi obstructionem pertinacem etiam à pituita factam. Imò addam & illud, fieri posse ut corruptione melancholia frigida evadat,

dat, nimirum vel calidi insiti exhalatione, vel ejusdem suffocatione.

§. XXXVIII. Quarta quæstio sit: *In qua parte generetur melancholia excrementitia?* Plurimi statuunt, quod proveniat in hepate ex crassiore chyli portione, dum omnes quatuor humores in eo generantur, atque ex hepate in lienem porrò deferatur. Documento esse ajunt, quod obstructa via inter hepar & lienem homo ictero nigro corripitur, quia tum melancholia in universum corpus spargi debet. Verum enim verò hæc sententia innititur hypothesibus in superioribus jam refutatis, nimirum hepar primariam sanguinis officinam esse, atque dum sanguis producitur, generari simul quatuor humores excrementitios, & hepar per venam portæ devehere nigricantem & melancholicum succum ad lienem. Deinde documenta nulla habet. Etenim nemo illorum pro comperto ausit dicere, icterum nigrum genitum fuisse, quia ab hepate versus lienem fuerit intercepta via. Quid si enim contra acciderit, aut via ex liene in intestina aut hæmorrhoides intercepta fuerit, aut nimis patula fuerit ex liene in hepar? Quicquid enim in hepar derivatur, promptissimè ex eo in cor, & inde in universum corpus propagari potest. Quare cum observationes doceant, ex liene versus hepar naturaliter humores propagari, & amplius cum in humano corpore melancholia reperitur maximè in liene stabulari, & porrò lienem ei generando ex corruptione fermenti aptissimum esse, concludimus lienem isti excremento præternaturali originem præbere.

§. XXXIX. Quinta quæstio sit: *Quis sit finis melancholice?* Ubi speciatim quæritur 1. *an aliqua partes specialiter melancholia nutriantur?* Ita multis, & speciatim lieni hunc humorem pro vero alimento attribuunt. Male autem. Nam ex naturali sanguinis motu cognoscitur ad omnes partes arteriosum sanguinem pro alimonia appellere, & redundantem per venas ab iis recedere. Constat item omnes partes in materno utero ex melancholia nec constitui nec ali. Quibus enim viis ad eas desertur, quibus id experientiis probent? Nec obstat, quod ajunt, esse melancholico succo partem sanguinis commistam. Si enim id ita sit, non melancholia utique sed illa sanguinis portio nutrit. 2. Quæritur: *An melancholia sanguinem crassiores reddat, seu spissat?* Visum id Avicennæ & ejus interpretibus ac Commentatoribus, sed malè. Nam cum melancholiæ proprium statuatur fermentare, incidere, attenuare, credibile non est ei virtutem incrassandi competere. Neque è re fuisset humani corporis. Quippe

Quippe: magis magisque obstructionum occasiones fuissent adauctæ, & impedimentum positum, quo minus alimentum commodè ad partes accederet. 3. *Quæritur: An melancholia inserviat ad appetentiam & concoctionem in ventriculo?* Itidem non arbitror. Etenim quod vas breve attinet venosum illud ex liene non semper oritur, nec ex liene quicquam versus ventriculum desert, sed contra potius accidit, nec in ventriculo hiat, nec sanguinem in ventriculi cavitatem naturaliter deponit, multò minus humorem melancholicum eo crassiores, nec statuto tempore ad ventriculum quid deportat, quemadmodum ventriculus ordinariè famelcit. Alia documenta autem nulla sunt, & probabilius est, ventriculi inanitionem sufficere. Quare nulla probabilitas ei opinioni subest. Id tamen addo, si probari posset ex liene per vas arteriosum breve præter vitalem spiritum etiam aliquid fermenti in cavitatem ventriculi deponi posse, non illud inutile futurum fuisse chylificationi. Sed hæcenus non video urgentes rationes.

§. XL. *Excrementum simplex tercia coctionis supra cap. 17. §. 15. vel aquosum, vel terrestre feci. Aquosum & tenue appellavi, quia tenue quoad consistentiam & aquosum secundum essentiam esse arbitror. Puto enim nihil aliud esse, quàm serosum seu aquosum, quod alimentum in partes singulas adducit, & in coctione à partibus una cum sanguine superfluo revehitur, aut à calore dissipatur. Verum illi æreum quoque & igneum quid tenue, aut quodcunque exhalabile est conjungi cenfeo. Terrestre seu crassum, quod exhalare non potest, superficiem corporis foris adhærescit, & sordes illas facit, quas notamus cum corpus non abluitur, aut fricatur, aut sudore mundatur. Constat illud maximè ex crassiore adustaque sanguinis substantia: fortè etiam solidiorum partium, dum dissipantur, crassamento.*

CAPUT. XX.

De Excrementis nutritionis compositis, & particularibus.

§. 1. **A**B excrementis nutritionis simplicibus ad composita venimus, de quorum existentia nullatenus dubitandum est, quia illorum in specie declaratio eam satis comprobat: id solum circa essentiam illorum in genere quæri potest: *Verum sint entia per se, an per accidens?* Etenim entia per se esse id videtur ostendere, quòd à natura generantur,

ac

ac per se non quidem primariò sed secundariò ordinentur ; quodque ipsarum partes, nempe simplicia excrementa per se ad ipsorum compositionem ordinata videantur, sibi intimè socientur ad unam homogeneam substantiam, & ad sui unionem præquirant præviam concoctionem, qualis ad generationem mistorum videtur exigi. Sed rursum ea per accidens solum sociata esse inde confici posse videtur. 1. Quod nullam causam univocam aut æquivocam principalem agnoscant, sed solâ simplicium excrementorum confusione ob coitum in eodem loco gignantur. 2. Quod nullam formam substantialem totius agnoscant, quia ea nec sensu nec ratione ostendi possit, & illius nulla causa prægressa sit. 3. Quod ejus concurrentes partes se non habeant conformiter elementis. Censeo parum referre, quicquid accipiat, certè ad medicinam parum emolumenti affert : Si quid tamen dicendum sit, judico posteriorem sententiam probabiliorē, ut ut arbitrer primam quoque defendi posse, si supponatur, formas mistorum non esse simplices substantias, sed congeriem proportionatam quatuor formarum elementarium, quæ sententia Græcis Philosophis placet, & à mente Aristotelis non videtur aliena. Quod verò ad rationum solutionem attinet, illa peti poterit ex singulorum istorum speciali explanatione.

§. I I. Sunt ea composita excrementa, excrementum alvinum, urina, & sudor. *Excrementum alvinum* fæces alvinas, stercus, dejectiones, impuritates alvinas, & pluribus nominibus solent nuncupare, atque aliqui etiam cibi inconcoctas reliquias; quod ultimum, nisi à primaria & maxima parte denominationem desumptam esse explicemus, nullatenus defendi potest. Etenim non solum reliquiæ ciborum, sed & bilis ad ejus compositionem concurrunt, ut omnes consentiant : & si rem attentius perpendere libeat, fatendum insuper erit, quod excrementa propria intestinorum, ventriculi, pancreatis & mesenterii, fortè & aliarum quarundam partium ad ejus compositionem concurrant. Nam quâ ratione aliter evacuantur, aut ea neganda arbitremur ? Posterius dici non poterit : prius etiam explicari nequit, nisi hæc via accipiat, quæ sanè commodissima est. Quippe ea excrementa, quæ interna parte ventriculi & intestinorum proveniunt, illis immediatè sociari possunt : at quod pancreas, mesenterium & totam cavitatem internam abdominis attinet, manifestato à Doctissimo VVirfungo ductu magno pancreatis haud difficulter etiam sua excrementa in intestina exonerare

queunt. Dubito annon per vasa quoque ab aliis partibus quicquam ad intestina deferatur, maximè præter naturam, nec dubitarem amplius, si certò constaret, ea non posse insensibiliter aut sensibiliter per alias vias educi. De liene tamen & hepate quoque probabile judico, si concedatur, crassius ipsorum excrementum non posse per vias urinæ transire.

§. III. Sic constat, *ex quibus partibus feces alvinae consient*, & exinde quoque colligi potest, *quam habeant causam efficientem*: scilicet propriè producentem non unam, sed tot, quot sunt partes à quibus simplicia illa excrementa prodeunt. Intestina si quis nominet, judicem instar locantis qualitatibus quibusdam præditi & sic aliquatenus ad unionem concurrentis ea posse accipi; sed non pro generante causa, tum quia pro solâ excrementorum nutritionis directæ generatione non videtur fuisse pars quædam constituenda generans, tum quia intestina non tam diu id excrementum retinent, ut cōctionem absolvere possint, tūn quia intestina, maximè superiora, multum cum ventriculo quoad temperiem conveniunt. Neque etiam credibile est internam aliquam causam efficientem principalem reperiri, quia in singulis istius excrementi partibus non est, nec à quaquam alia causa conjunctis ingeneratur.

§. IV. Hinc apparet, quod *nec formam specificam substantialem habere queat*, quia ea ab efficiente principali ex materiâ idoneâ progigni solet: attamen *accidentalis neganda non est*, quia itidem fateri oportet, excrementa illa simplicia concurrentia activis qualitatibus internis pollere, quibus in se aliquatenus agant, & se mutant. In his tamen invenient, quod excipiant Græci, & ii omnes, qui ad substantialis formæ productionem non judicant requiri principalem generantem causam, quorum opinionem hic sub disputationis incudem revocare prorsus alienum est.

§. V. Cum autem intestina longa sint, quæritur *qua in parte eorum maximè excrementum alvium generetur*? Autopsia docet, in tenuia intestina excrementum chylolum deponi, in eadem excerni bilem, & quicquid ductus pancreatis eructat; similiterque opinandum est, ventriculi & intestinorum superiorum tenuium excrementum proprium se iis adungere: dehinc cum ab intestinis tenuibus porro promovetur, non solum singula illa commiscuntur, sed etiam allocant sibi inferiorum intestinorum excrementa propria, & si quid per vasa adjungitur,

tur; donec tandem evacuetur per intestinum rectum. In intestino colo maximè diu hærent propter cellulas, ut inde aliqui collegerint, intestinum colon esse propriam generationis causam. Sed si consideremus, cellulas illas alii usui inservire, nempe ut excrementum illud aliquandiu detinendo tempus esset, ut omnis chylus separari possit, & ne spiritus nimis dissolverentur subitâ evacuatione, & ne homo continuò torqueretur excrementorum dejectione, non adeò probabilis illa sententia. Nihilominus concedendum est, facere illam moram, & paulatinam ex cellulâ in cellulam propagationem ad accuratorem componentium conjunctionem.

§. VI. *In humano corpore excrementa alvina nulli usui inserviunt; quin retenta diutius plurimum malignunt: proinde evacuari convenit. An evacuata extra humanum corpus usum aliquem præsent, quæritur.* Certè animalibus quibusdam in alimoniam cedunt, & eliguntur debito modo primum à fœtore liberata ad agrorum stercorationem, quia satis calida, minus autem acria & pinguiora sunt, quàm pleraque aliorum animalium excrementa. Quidam etiam venenis adversari volunt, & in peste exhibenda censent; quidam contra quartanas febres oleum inde eliciunt: sed elegantiores Medici illa meritò averfantur. Nam sit, habeant vim alexipharmacam, sanent item quartanam: habemus experta & grata remedia quæ idem præsent: & quis ausit dicere, naturam non potius teterrimi & ingrati illius excrementi averfatione venenum & alios humores vomitu egellisse, quàm specificè ab illo fuisse morbum expugnatum.

§. VII. *Excrementum hoc comparatione chyli magnum est,* & aliquando amplius eo, quod accipitur, quod evenit, quia non à solo cibo derivatur, & quia maxima pars chyli in idem transit. Nimis tamen accurati sunt, qui ad mensuram & pondus quantitatem exigunt, nec tamen certi quid colligere possunt. Nec enim omnes cibi æque multum huius excrementi habent, nec etiam semper æque multum chylosi extrahitur, nec semper paria sunt reliqua excrementa, quæ chyloso admiscuntur.

§. VIII. *Sic nec idem tempus est, quo id excrementum excernitur.* Etenim nec omnibus concoctio æquè citò celebratur, nec omnes æquè laxam alvum habent, nec omnes æquè multum cumulare possunt, nec qualitates istius excrementi se similiter in omnibus habent, ac consuetudines multum possunt. Quod non solum quisque in se experiri potest,

sed obstetrices quoque quædam nuper natis consuetudine quâdam habitum inducunt, ut certo tempore eadem egerant. Pari modo quidam unâ, quidam pluribus vicibus alvum exonerant uno die aut ab uno pastu, aliqui ternis aut quaternis diebus semel tantum. Imò novi qui tempore sanitatis intra octo, aut novem, aut decem dies semel tantum alvum deponerent, & tamen nihil incommodi sentirent.

§. IX. Circa qualitates naturales excrementi hujus pauca notanda veniunt; *calidum* est, ob bilis admistionem, & quia nec prorsus frigidum est excrementum chylosum; *siccum* videtur esse, quia terrestre, consistens, & calidum; *molle* autem naturaliter est, sic tamen ut consistentiam retineat: *flavum* existit à bile tingente, & ob ejusdem miscellam *amarum*, non tamen intensè, quia ab aliis sapor remittitur: *foetet* etiam propter bilem. Neque obstat, quod ex vesicula biliaria sel extractum non foetet, quippe in ea non ita calefit, sicut in intestinis. Nam maximè calefacta bilis foetorem suum manifestat. Negare tamen nolim aliquid etiam ad foetorem facere putredinem aut aliam quamcunque corruptionem in intestinis, & ciborum male olentium usurpationem: sed existimo id non tam ordinarium esse. Verum *unde sit, quod plus foeteant, si diu sint detenta?* Procul dubio, quia bilis plus eo casu incalefcit, & totum excrementum facilius putrescit. Rursum, *unde acidu, quod quida excrementa alvina ordinariè magis foeteant?* Accidere judico, quia ex his exhalatio foetida promptius elevatur, & ut plurimum magis putrida sunt. Humida enim longè citius, quàm sicca putrescunt.

§. Hinc universa excrementi alvini natura sic adumbrari potest: *Excrementum alvinum est excrementum compositum ex chyli reliquiis inconcoctis, bile & excrementis tertie coctionis partium diversarum abdominis, calidum, siccum, crassum, consistens, flavum, amarum, foetidum, in intestinis congregatum, & per eadem evacuari solitum.*

§. XI. Solent excrementa alvina variè dividi, ratione substantiæ, quantitatis, qualitatis, temporis, modi & ordinis egestionis; sed eorum pleraque aut per se evidèntia sunt, aut non secundum naturam sunt: quapropter iis dimissis ad tractationem de *urinis* accedo, de quibus itidem ordine primum partes, hinc efficientem, tum finem, post adjuncta & effecta considerabo, sicut ordinem eum in explicatione sæcum alvinarum secutus fui.

§. XII. *Partes urinae sunt materia & forma. Materia urinae est liquor & contentum, de quibus utrisque in specie est agendum. De liquore initio* que-

quæritur, unde generetur? Dubitari non debet, quin remotè generetur ex materia potulenta, aut eo, quod ei respondet. Idè rectè & benè se singulis in humano corpore habentibus, si non aliò avertatur materia, qui multum bibunt, vel plurimum humidi usurpant, plurimum quoque mingunt; contra minus urinæ emittunt, qui parcius bibunt. Dehinc nec illud dubitatur, quin urinæ liquor proximè ex sero fiat. Nam experientia contestatur, infantes in utero materno, ut ut non bibant, mingere tamen. Sic & virginem novi, quæ etsi plurium dierum siti & inedia corpus maceraret, tamen singulis diebus urinam emittebat.

§. XIII. Cæterum hoc maximè in quæstionem venit, *Vtrum semper solum immediate & proximè urina liquor generetur ex sero sanguinis, an verò ad ejus compositionem etiam concurrat potulenta ciborum materia?* Nullis aliorum sententiis, quorum aliqui prius, aliqui posterius accipiunt, ego sic existimo. Initiò distinguendum esse inter statum sanum & ægrum; deinde inter moderatam victus rationem, & immoderatam, in quâ plus justo cibi vel potus capiuntur. Itaque in statu sano secundum naturam se habentibus omnibus, non sumptû nimis larga portione, judico omne potulentum prius transire in serum, antequam transeat in liquorem urinæ. Probo 1. quia totum potulentum nullum habet alium usum, quàm ut humectet & refrigeret ventriculum, & liquoris seu menstrui vicem subeat, in quo esculenta in ventriculo elixata in chylum transeant, neque divisim, sed conjunctim. At si hoc ita est, quoniam potulentum sic evadit vehiculum cibi, utique non prius illud in urinam facessit, antequam vehiculum cibi esse destinat, adeoque serum fiat. 2. quia potulentum antequam in liquorem urinæ transeat, prius in ventriculo, hepate, corde, renibus, alterationem accipit, & quidem ordinariè tunc capitur, cum aliquid cibi in ventriculo est; unde improbable existit, ipsum potulentum posse immediatam liquoris urinæ materiam fieri. Verum si quis præter debitum nimium bibat, concedo quidem eam materiam magis inconcoctam esse, attamen nemo dicere auit, eam non multum mutari, & aut serum prius fieri, aut ei tamen simile, ita ut potius serum, quàm potulentum dici possit. Atque hoc satis liquet, quia tum odorem, tum saporem, tum colorem, & pleraque alia potulenti accidentia amisit, & à sero nullo alio discrimine differt, quàm quòd minus falsum sit. At id seri naturam non prorsus evacuat, sed tantum minuit. Evenire enim potest vel ob salsedinis paucitatem, vel liquoris co-

piam, vel imperfectam concoctionem, ut serum notabiliter falsum non appareat.

§. XIV. Deinde circa *liquorem urinae* quaeritur, quoniam duplex serum esse præcedente capite asstruximus, alterum quod in secundâ ex chylo, aut etiam sanguine producit, alterum, quod in tertiâ coctione ex sanguine provenit; *quodnam serum sit materia liquoris urinae?* Dico omne, quod in vasis continetur; scilicet tum chyli, tum sanguinis, tum quod in secundâ, tum quod in tertiâ coctione generatur. Etenim illud nullum alium usum habet, sed evacuari debet, & quidem aut per sudorem, aut per urinam, aut alio quoquam modo.

§. XV. *Serum illud*, quod *proxima materia liquoris urinae* est ex omnibus arteriis & venis, commoda ratione immediatè aut mediatè in arterias emulgentes, & inde in renes defertur, ut ex iis debita ratione evacuetur; omninoque ejus naturæ particeps est, cujus serum esse superiore capite statuimus, adeoque salem quoque ad ejus compositionem naturalem referimus; bilem autem neuriquam. Nam cum bilis se sero illi miscet, ut in ictericorum urinâ, notari potest distinctè, quia tingit, & amarum saporem producit; at in naturali urina neutrum præstat. Ideo probabilius est colorem naturalem urinæ, ei non à bile, sed à coctione ingenerari.

§. XVI. *Contentum urinae* vocatur, quicquid illi sero se in venoso arteriosoque genere miscere potest, & cum eodem expurgari per renes, sic ut dehinc à liquore separetur. Proinde salem contentum urinæ non appellamus, quia funditur quidem in sero, attamen non ab eodem separatur, contra seu supernè urinæ innatet, ut nubecula; seu in medio compareat, ut enæorema; seu in fundo subsidat, ut hypostasis, contenti nomine venit. Dixi contentum fundi in sero, attamen non universaliter id intelligi volo, quia sufficit, si quocunque modo sero admisceatur, qualiter liquori urinæ maximam partem adjunguntur, quæ à vesica urinaria procedunt, imo etiam aliarum quarundam partium excrementa.

§. XVII. Dubitari solet: à quibus partibus illud *contentum in urina* procedat? Equidem in statu naturali non nego ferè ex arterioso genere derivari, verum in statu morbofo sæpissimè ab aliis partibus deduci. Sic plurimis ostendi notas parentes affectorum pulmonum, cerebri, uteri. Imò diversis etiam mulieribus, quæ ut medicamenta ipsi præscriberem, urinas suas ad me miserant, aperui, gestare se utero, &

ro, & alio morbo non laborare, ideoque abstinere debere à medicamentorum usu. Principiò ut id crederem fecerunt Agyrtæ, qui aliquando mira ex urinis prædixerunt, quos omnes dæmoniaca ex arte tam multa ex urinis cognoscere non judicabam esse Christiani judicare; nec etiam vero simile; inde cœpi experimenta facere secundum præcepta Arabum, quid ex urinis cognosci posset, sic plurima didici vera esse, quæ communiter solent rejici. Tum cogitavi, quæ ratione solvi possent ea, quæ veritati per experientiam comprobatæ obijci possint, reperique omnia facile dilui posse, si circularis sanguinis motus accipiat. Etenim quoniam secundum eum ab omnibus partibus redundans à nutritione sanguis, & serum, quod non in ensibiliter discutitur, per venas revertitur, nihil absurdi est, si dicamus etiam excrementa quædam propria partium in sero illo fundi, & postmodum cum eo expurgari. Sed de eo, cum Deo alibi, nunc in viam revertamur.

§. XVIII. De naturali contento quæritur, *quid sit seu unde generetur?* Diversæ sunt Auctorum sententiæ. Alii enim opinantur id generari ex sanguine: sed illud incredibile est. Nam unde tum albedinem naturalem haberet, & à qua parte fieret? Proinde magis adhuc improbabilis est illorum opinio, qui subtiliorem portionem sanguinis illud esse arbitrantur. Nam rubicundum esse deberet, nec excerni deberet. Alii existimant, esse id tertiæ coctionis excrementum, quatenus aliquid, quod in partes mutari non potuit, remanet. Sed nec hoc probabile videtur, quia sic absentia illius non argueret cruditatem secundæ coctionis, imò aliquando nihil significaret, si nempe illud alio modo evacuetur. Probabilior proinde ea sententia, quæ statuit, quod nempe generetur ex reliquiis chyli, seu quod sit aliquod chyli inconcocti, reliquum, quod subterfugit sanguificationem, tum quia ipsum inconcoctile est, tum quia citius evacuatum est, antequam sufficienter mutaretur, tum quia virtus concoquens naturaliter se non habet, sed debilior existit. In naturali constitutione prima ratio maximè, aliquando & secunda valet; tertia solum locum habet in constitutione præternaturali.

§. XIX. Ex dictis patet facilè, à *qua causa & quomodo naturale urinae contentum generetur*, nimirum ab ipsis causis sanguinem producentibus, sed indirectè, quatenus dum sanguinè concoquunt, hoc tanquam inconcoctum relinquitur, passum tamen, & aliquantum mutatum, nempe calefactum, attenuatum, rarefactum. Licet inde quoque cognosci, *qua de causa designet coctionem primam atque secundam esse legitimè celebratam*; quia nempe ali-

pe aliquid exprimā coctione reliquum, & in secunda coctione passum est.

§. XX. Est alia adhuc opinio de urinæ contento naturali, esse illud ipsam pituitam, quæ in secunda coctione generatur. Certè constat naturaliter nullam aliam pituitam in secunda coctione provenire, nisi hoc crassamentum pro ea accipatur. Veruntamen non diffitendum est, eidem conditiones naturales pituitæ, quæ ab Autoribus describuntur, non convenire. Nam nec ita crassum, aut tenax, aut frigidum est, quàm illam Autores esse volunt. De nomine tamen nulli controversiam moveo, modo de re ipsa constet.

§. XXI. *Illud crassamentum urina qualiter se ad urinam sanorum habeat, quæritur.* Sunt qui urinæ essentiam eo absente perfectam non esse arbitrantur, neque diffitendum est, plerumque eam in sanorum urinis reperiri, maximè si perfecta concoctione accipiantur: verum non auisim dicere, etiam urinam sanam esse posse, quæ illud crassamentum non ostendat. Pone enim vel in concoctione secunda totum chylum ita superari, ut aut nihil crudi relinquatur, vel id ita attenuetur, ut insensibiliter possit transpirare, vel illud residuum per alvum exonerari, nihil urinæ deficiet, nec addi debet. Verum quia plerumque solet adesse, inde ea opinio plurimorum animos occupavit.

§. XXII. Quandoquidem illud contentum solitum est, vel in fundo subsistere, vel in medio hæere, vel in sublimi natare, quæritur, *que sit causa, quod tam diversa loca contentum urina occupet?* Non placet illorum opinio hoc loco, qui secundum partes corporis, à quibus procedunt, istam loci varietatem derivant: nam in naturali statu à singulis partibus excrementa non puto expurgari: sed probo illorum sententiam, qui à raritate & crassitie, illisque conjuncta levitate & gravitate derivant. Neque obstat, quod illa quidem ratio ostendat, quare quid superius urinæ liquori innatet, aut infra subsistat, verum non quare quid in medio hæreat, quia urinæ liquor per totū sibi æquabilis est. Nam id τὸ περιβάλλον est, quod negandum venit, si ipsam naturam inspicias, licet quā sensum ita videatur. Sic enim in aëre quoque illum nodum dissolvimus, cum quæritur, quid fiat, quod vapores quidam altius à terra consistant, alii in propinquitate; quia comparatio debet esse levium ad rationem medii in quo consistunt. Sic crassiori & graviori aquæ innatant, quæ in tenui & leviori aut submerguntur aut profundius demittuntur.

§. XXII. Sed

§. XXIII. Sed amplius quæritur, *quodnam contentum maximè naturale sit, nubecula, enaorema, an hypostasis?* Judico hypostasin, quoniam ea in temperatis reperitur: sed enaorema & nubecula solum in calidioribus constitutionibus, in quibus caloris efficaciam ultra mediocritatem fit rarefactio, attenuatio, & resolutio. Unde in calidis parcius quoque est, sed in temperatis largius. Non autem debet prius fundo inhaerere, nam hoc tum demum evenit, ubi vel largior aut frigidior cibibus acceptus est, vel concoctio debiliior est. Itaque fundo quidem assistat, sed non adhæreat, ut cum liquore commoto simul commoveatur.

§. XXIV. Hæ enim statuuntur communiter *conditiones laudabilis sedimenti*, 1. *ut fundo quidem insistat, non autem inhaereat*, sed ad motum matulæ cum liquore distillat. 2. *ut æqualiter in pyramidem assurgat*. 3. *ut colore album sit*. 4. *ut consistentia sit mediocriter*, nec nimis tenue, nec nimis crassum.

§. XXV. Quandoquidem ex his duobus, liquore nempe & contento urina sanorum conjungitur, quæritur, *quomodo uniantur, & quomodo disgregentur*. Judico uniri, quatenus ubi liquor calidus fuerit, & similiter contentum alteratum hoc in illo solvatur, unde cum urina calescit, contentum illud per universam urinam dispergitur: at quando urina frigescit, illud quod crassius, terrestrius, & gravius in ea est, maximè si etiam nimiam copia in eadem contineatur, segregatur, ac fundum petit. Etenim quoniam non arbitror unionem per se inter hæc unita, sed localem tantum intercedere, qualis inter salem & aquam in aqua falsa, non hic recurendum judico vel ad calorem coquentem, vel ad frigus corrumpens, quamvis libens largiar, occasionalem causam segregationis esse maximè frigus, quatenus crassa constringit, & à tenuibus consequenter separat, quemadmodum Chymici maximè experiuntur in coagulatione salium.

§. XXVI. *Forma urine quæ sit*, licet ex dictis concludere: nempe *non substantialis*, quia urina est compositum per accidens; verum *accidentalitatis*, oriunda nempe ex conveniente unioneliquoris & contenti, quæ ideo nullam specialem difficultatem ingerit.

§. XXVII. De efficiente & modo generationis superius quoque est actum, circa suam id notum est, inservire hominis urinam pluribus artificibus, Chirurgis quoque ad abstersionem, mundationemque vulnorum & ulcerum. Verum de eo quæstio est, *An rectè à Medicis intra cor-*

pus quoque capiatur? Experientia monstrat, habere urinam vim alexiteriam diaphoreticam, & diureticam, atque contra pestem & febres valere. Si ergo quis suam urinam in aliorum medicamentorum defectu accipere voluerit, non impediam. Istud addam; quod mariti urina recens emissâ adhuc calida cum momento croci aut antheræ liliorum alborum unum ex optimis remediis sit ad facilitandum partum, & quo novi plurimus adjutus fuisse, quæ summo in periculo versabantur. Causa quæ sit alia nescio, quàm quia illi vis alexiteria, & diuretica convenit, & ob corporalem copiam sympathetica est toti mulieris corpori, quæ majus videtur habere momentum, si judicetur serum illud cognationem quandam cum semine habere.

§. XXVIII. *Quantitas naturalis urinae* respondere debet circiter potulentæ materiæ acceptæ, sed non refert, an semel, an per vices ea reddatur. Causa est, quia ea remota liquoris materia est. *Tempus excretionis* optimum est à facta concoctione, quanquam id exactè determinari nequit, maximè cum non in omnibus æque cito concoctio absolvatur. *Modus evacuationis* à nobis declaratus est, cum de partibus illis egimus; in quibus generatur, & per quas excernitur. *Qualitas* item circa serum & liquorem exposita est, nam moderatè crassa, & coloris citrini quæ liquorem optima est, & color ille non ab admistione bilis illi advenit, sed potius ex coctione. Et hæc de urinis quoad naturalem statum & absolutam considerationem: quatenus vero præter naturam mutantur, vel signa evadunt diagnostica aut prognostica sanitatis & morborum, suo loco ostendetur.

§. XXIX. *Sudor* liquori urinae valdè cognatus est, neque ab eadem multum differt, unde qui multum sudant, parum mingunt, & contra. Aliquid tamen discriminis intercedit, ut apparebit, singula sudoris naturalis considerantibus. Quod ergo *materiam sudoris* concernit, serum id est, aliquando modo aquæ, aliquando forma vaporis ex corpore prodiens, aut semper forma vaporis, sed vel sibi magna copia succedentis, vel parçè se sequentis. *Forma* non est, distincta à sero, quippe ipsissimum serum est, foras propulsum. *Causa efficiens* sudoris calor est, isq; satis fortis, quia alioquin serum per alias vias evacuatur, maximè per urinam. *Finis* est excretio serosi excrementi, ut corpus levetur. Quoad *qualitatem* sudor calidus est. *Locus* per quem evacuatur est superficies corporis, cujus poros sudoris materia transit. *Excretionis modus* est, quod vapor vaporem, & maximè calor resolvens disjungat, *Coagulationis*

tionis modus, fit vel ob frigus externum interveniens, vel copiam vaporum, vel interceptionem & impeditionem liberæ transpirationis, tum enim similiter vapores coagulati sudorem reddunt. A sudore non differt *mador*. Nam *mador* quasi parvus sudor est, & sudor copiosus *mador*. Cum enim corpus ab emissio sudore tantum humidum apparet, aut ubi hinc inde gutta sudoris adhæret, *mador* appellatur, verum ubi copiosior halitus est, ut liquor ex corpore distillet, speciatim sudor vocatur.

§. XXX. Hæc ita strictim; quæ ut melius percipiantur, & natura sudoris plenius constet, aliquas quæstiones insuper addemus. 1. *Quæritur: An sudor sit naturale excrementum, an præternaturale?* Si naturale dicatur, quod sanitatis tempore accidit, seu ab internis, seu ab externis causis corpus ad morbum non disponentibus, dico quandam sudorem naturalem esse. Sic enim moderato exercitio, somno, æstivo calore diversi sudant. Hoc verò fatendum est, solum ab internis causis in perfectè sanis, externis causis modum non excedentibus, sudorem non gigni, ut idèò non accusandi sint, qui sudorem non simpliciter excrementum naturale esse asserunt.

§. XXXI. *Quæritur 2. Quæ fiat, quod biliosi magis sudent?* Quia nempe sunt calidiores: at ad sudoris generationem major calor exigitur. Accedit, quod plerumque sint rarioris texturæ, quam adeo vapores ferosi melius transeunt. Eadem causa est, *quare ab exercitio magis sudemus*, quia ab eodem magis incallescimus. Verum *quare pueri & mulieres magis sudant?* Quia plurimum habent humidi & calorem mixtem, qui illud humidum quidem propellit ad corporis superficiem, sed magnam ejus partem non insensibiliter discutit.

§. XXXII. *Quæritur 3. Quare in somno præcipue sudemus?* Quia in eo optima fit concoctio & æquabilis in universum distributio, aliæque evacuationes intermissæ, tum enim ubi calor aliquanto potentior factus per universum corpus distribuitur, vapores illos per poros corporis ex-terminat. Ideo etiam neque primo somno, sed medio, vel ultimo maxime sudor apparet. Hæc quoque causa est, *quare qui largiore victu utantur, maxime in somno sudent*, quia nempe in iis uberior vaporum copia ex copiosiore sero colligitur. Quare si non utantur largo victu, & tamen per somnum multum sudant, præcepto Hippocr. lect. 4. Aphor. 41. evacuatione indigent, non solum ob eam causam, quam Gal. in comment. asserit, quia ante largo victu usi sunt, sed maxime, quia id indicio est, viciosorum

rum humorum copiam in illis cumulari, qui nisi commoda ratione educantur, morbum præfagiunt.

§. XXXIV. Quæritur 4. *Quomodo generentur aliquando morbi frigidi?* Hoc secundum naturam non accidit, nisi in illis, qui plurimâ pituitâ afficiuntur, quibus consuetum est manus semper frigidas, madidas tamen & sudore delibutas habere. Sic hominem novi, cui abdomen ordinariè frigido sudore perfundebatur, etiam cum benè valebat. Verum præternaturaliter evenit ob calidi influentis retractionem & concentrationem circa cor, ut in syncope, & febribus malignis. Atque id semper signum pessimum est. Aut enim malignitate oppressioneve oppugnari cor, aut jam succumbere indicat, unde anxietates cordis & syncope plerumque illis sudoribus conjunguntur. Quod autem non obstante externo frigore sudores tamen eliciantur est, vel quia ipsi vapores quidem calidi à corde præternaturam affecto ad extremas partes mittuntur, sed ibi refrigerantur, vel quia jam in superficiem corporis aut vicinas partes erant missi, & inde partim constrictione, partim expultricis debilitate foras propelluntur & dimanant. Aliquando utroque, aliquando alterutro horum modorum sudores illi frigidi proveniunt.

§. XXXV. *Lachrymæ* itidem à sero originem ducunt, ideo earum explicationi hunc locum dedi. Nam quanquam particularibus excrementis aliquo modo annumerari merentur, tamen aliquo modo possunt etiam ad universalia referri, ut apparebit ex dicendis. De lachrymis ergo sequentia potissimum quæri solent. 1. *An lachryma sint excrementum naturale, an præternaturale?* Non est dubium, quin multæ lachrymæ præter naturam generentur, sed dubium an omnes. Ab una parte est, quod pueri, mulieresque sæpe sanitate optimâ fruentes plorent. Cæterum ex adverso, non videntur aliqui flere, nisi vel intemperie humida cerebri laborent, vel magno mœrore afficiantur, ubi in priore casu morbus, in posteriore morbifica causa procedit. Solvo si ad amissum exigere & summa accuratione Philosophica æstimare velimus, semper præternaturalem esse lachrymarum fluxum, sed si Medicè & quoad sensum controversiam determinare placeat, concedimus lachrymas illas ad naturalia excrementa pertinere, quæ citra morbum notabilem factum ex mœrore erumpunt. Dico citra morbum notabilem & factum; quia causa morbifica in actu posita aliquid morbofi etsi non notabilis, aut in esse facto videtur importare.

§. XXXVI. Quæritur 2. *Quæ sit materia lachrymarum?* Procul dubio serum: visus enim id arguit, & gultus comprobat. Ille serosum fluxum sudori quoad visibilem speciem percipit, hic eundem salsum esse indicat. Tactus idem comprobat. Nam acredine sua serum illud, si lachrymæ abundantius & copiosius manent, pruritum & erosionem facere solet. Hinc solvitur, quod quæritur 3. *Quod temperamentum lachrymæ, quasque alias qualitates obtineant?* Nimirum temperamentum & omnes aliæ qualitates non differunt à temperamento & aliis qualitatibus serî, maximè sudoris. Inde apparet quoque in genere, *quem finem, quam causam efficiensem, quem modum generationis, quam formam possideant?* Dico in genere, quia quæ specialia sunt in hâc tractatione proponuntur.

§. XXXVII. Quæritur 4. *Ex quibus partibus serum illud suppedietur?* Principiò non placet illorum opinio, qui ex locis extravasatis oculorum illud derivant, ut qui in pinguedine aut cavitate aut glandulis oculorum coacervari putant. Nam nec illæ partes commodè se per lachrymalem glandulam exonerare queunt, nec eam materiam sine læsione oculorum coacervare, nec tantam copiam materiæ congregare. Neque etiam opinor ex solo cerebro semper illud serum derivari, tum ob magnam copiam, tum ob id, quod in subitaneâ tristitia sæpius advertimus plurimum istius materiæ emanare, ubi non credibile est, cerebrum tantum materiæ continuïsse. Sed censeo, semper quidem proximè à cerebro serum illud procedere, aliquando etiam à solo cerebro derivari, aliquando etiam ex aliis partibus, & maximè ex corde. Primum evenire, ex connexionione lachrymalis glandulæ colligitur, quæ vasis cerebri immediatè conjungitur. Secundum constare arbitror ex pueris, quæ citra ullum mœrorem pro libitu certâ faciei contractione lachrymari possunt. Illis enim cerebrum humidum est, neque videtur opus, nisi multum plorent, ut serum ex aliis partibus affluat. Tertium judico evenire maximè in adultis, qui non habent adeò humidum cerebrum, cum ob mœrorem insignem multum & sæpius lachrymantur. Nam quod cor hic conspiret, evidenter patet ex mœrore prægresso, & quod caput, nisi plorent, dolore magno prehendantur, qui solvi solet ploratu. At si vel nihil materiæ serosæ, vel aliud quam serosum à corde ad cerebrum derivaretur, neque necessitatem plorandi imponeret, neque lachrymis expurgaretur, quibus tamen nihil alieni à sero additum advertitur.

§. XXXVIII. Hinc licet colligere : *quare qui in mæore non plo-
rant, soleant magnis capitis cruciatibus prebendi ?* Nimirum quia materia illa
serosa in capite coæcervatur præternaturaliter , & calore , acredine
tensioneque dolorem gignit. Deinde , *quare pueros plorantes non subito
minus cohibenda sint , ne plorent ?* Quia ob eandem causam teneræ illi æta-
ti non solum dolores , verum etiam epilepsia , & similia mala conci-
tari possunt. Reddere quoque licet rationem , *quare pueri & mulieres
facilius & frequentius lachrymentur ?* Nempe quia tum humidiores sunt ce-
rebro & toto corpore , tum n̄ facilius tristitia afficiuntur.

§. XXXIX. Quæritur 5. *Qua ratione in tristitia serum ad cerebrum
amandetur ?* Arbitror , quod in tristitia nisi nimis magna sit , ex spirituum
retractione & inhibitione cor non solum opprimatur , sed valde quo-
que incalascit , unde sanguis funditur , ut serum ab eo segregetur , quod
quia tenue & leve est , & quia cerebrum magnum cum corde consen-
sum maximè ratione affectuum habet , cum sanguine quod ex corde e-
mittitur , maximè ad cerebrum per arterias derivetur. Hinc liquet ,
quâ ratione cor levari & juvari sletu dicatur ? Quia nempe materiæ ipsum op-
primentis portio educitur. Nam dum per oculos lachrymæ copiosè
fluunt , Inanitio seri ad omnes partes consequenter pertingit. Fieri
id inde quoque potest , quod una cum sero acres & adustæ quoque
quædam fuligines educantur , quibus cor opprimatur. Solvi hinc e-
tiam potest , *qui fiat , quod in magnis malis lachrymari non possimus ?* Quia
nempe eo casu cor opprimatur , & quasi suffocatur , ut adeo illi cale-
factio non resolvat tantum seri , ut ideo vel prorsus non plorent , vel
parum tantum , egerendo illud , quod cerebri compressione exit , ut sit
in sudore syncoptico. Imo hinc cognoscas , *unde eveniat , quod illo stu-
pore superato , plurimum soleant homines lachrymari ?* Tum quia calor cordis
oppressentia vincit , tum quia ipsi humores & alia oppressentia magis
quam naturali quiete & fuliginum evacuatione imminuta incendun-
tur , & calorem cordis augent.

§. XL. Quæritur 6. *Quomodo lachrymæ egerantur ?* Tres modos pro-
babiles invenio , quibus vel sigillatim , vel conjunctim opinor expul-
sionem illius seri fieri. Primus est vasorum tenuium rarefactione à re-
ntibus calidisque seri vaporibus aut liquoribus continuo affluentibus
& quasi destillantibus. Secundus est , per cerebri constrictionem , qua
vasa compressa illud serum tenue , quod transire potest , expellit. Fit
illa cerebri compressio sæpissimè ob consensum cordis , seu per solam
sym-

sympathiam; seu per retractionem spirituum. Et in ea forte similiter calor aliquis in vasis accenditur, ut sic juvet compressionem à cerebro factam destillatio à calore proveniens. Tertius modus potest esse, cum ob solam partium circa oculos levem compressionem lachrymæ quædam funduntur, quemadmodum fortè evenit pueris illis, qui cum libitum est, plorare possunt. Sunt enim illi humidiores cerebri constitutionem nacti.

§. XLI. Quæritur 7. *Per quas vias serum destillet?* Certum est per arterias ad cerebrum advehi, sed quia lachrymalis caruncula non immediatè cum illis conspirat, sed in communem sinum cerebri & narium desinit, in illum ex arteriis serum deponi, & ex eo evacuari probabile est. Plura notabilia de lachrymis in communi vix occurrunt, & ex his apparet satis, quæ lachrymarum natura sit, cum citra morbum evidentem proveniunt.

§. XLII. Inter excrementa cerebri recensentur merito *sordes aurium*, quas *ceruina* Latini à similitudine vocant. De his quæritur 1. *Ex qua materia consistunt?* Non videntur ex simplici materia esse, sed partim ferossâ, partim biliosâ, partim pituitosâ. Nam serum ex fluiditate colligitur, maximè si aliquantò crudiores fuerint: bilis ex colore & amaro colligitur: pituita ex consistentiâ, & quod non prorsus ita flavæ & amaræ sint, quàm si bilis non adjungatur. Quæritur 2. *An sordes aurium sint excrementa naturalia?* Vix hominem reperias, cui non etiam optimè sano excrementa illa proveniant, ut proinde naturalia videantur dici debere. Hocque confirmari videtur ex eo, quod in statu præternaturali excrementa illa mutantur, & à consueta ratione abeant. Imò quia naturaliter in cerebro pituita generatur, serum in vasis continetur, & biliosi vapores ob levitatem in cerebrum ascendant, utique evacuatio illorum naturalis est. Quæritur 3. *A quibus causis excrementa aurium generentur?* Sanè eadem causæ requiruntur, quæ simplicia illa excrementa conficiunt; sed tamen speciatim cerebrum etiam concurrat, unde prout hoc benè vel malè se habuerit, illa mutantur. Quæritur 4. *Vnde eveniat, quod excrementa morientium desinant esse amara?* Non id videtur universale esse, attamen cum accidit, id evenit, vel ex admixtione copiosâ pituitæ, vel ex defectu biliosæ exhalationis sursum. Illa provenit ex cerebri debilitate, hic ex cordis languore, qui sufficientem calorem suppeditare non potest, ut exhalationes biliosæ in cerebrum attollantur.

§. XLIII. *Halitus*

§. XLIII. *Halitus oris* excrementum proprium pectoris est, & iidem videtur triplici ex substantiâ constare, nempe ex aëre inspiratione attracto & in pulmonibus calefacto: deinde vaporibus serosis & sale volatili imbutis: denique ex tenuibus adustis fuliginibus, nisi has ad silem volatilem referre placeat. Atque aërem expirari notissimum est: adjungi quoque serosas evaporationes patet, si speculum ori admoveatur, nam guttæ aquæ eident adhærebunt, & cum salis volatilis ea natura sit, ut promptissimè exhalet, dubium non est, quin ejus aliqua portio sit admista. De fuliginibus tenuibus ex pulmonibus, fortè & corde elevatis similiter non dubitatur. Quæri solet: *Quare aperto ore propulsus aer sentiat calidus, at compresso promissus frigidus?* Et si multi se super hoc quæsito cruciant, nihil tamen eo soluti facilius. Nam primo modo halitus oris expiratur, qui in pulmonibus calefactus est: at altero aer inter os & id ad quod appellitur intercedens, qui fere frigidus sentitur, ut apparet, cum flabello ventum facimus.

§. XLIV. Adhuc frigida partes omnes, ut cerebrum & membranæ quæcunque, cum ex sanguine nutriuntur, excrementum aliquod frigidum & humidum, album & crassum generant, quod ipsissimam *pituitam* esse ex adjunctis colligere licebit. In cerebro ea abundantissima est, & per palatum & nares educitur, in aliis dehinc partibus aut seorsim aut aliis excrementis admista eadem pituita evacuatur. Sic ventriculi, intestinorum, mesenterii, pancreatis cum excrementis alvinis, aurium cum ceruminibus &c. Hinc adeò liquet, quare pituitam tertiae coctionis excrementum esse indigitaverimus. Nempe experientia monstrat, illam generari, cum partes frigida nutriuntur, & ratio ita fieri debere confirmat. Etenim par est ut in tertia coctione excrementum aliquod à frigidis partibus illis consimile producat. Et si autem in genere illud frigidum humidum est, tamen in specie gradibus diversis discrepat, sicut nempe ipsæ frigida partes non levi discrimine discernuntur. Atque hæc de excrementis omnibus hoc loco dicta sufficiant.

CAPUT XXI.

De animæ in genere & in specie humanæ natura & divisione.

§. I. Sicuti omnia naturalia corpora ex materia & forma constan-
tur: ita homo quoque materiam & formam habet. Atq; quæ
ejus materia sit, in prioribus hætenus explicavimus, vocantes eam
communi nomine humanum corpus, atque idem dehinc in partes soli-
das atque fluidas dirimentes, ac quandoquidem Aristot. in l. 2. histor.
animal. & alibi excrementa quoque sub partibus comprehendit, illo-
rum quoque explicationem subjunximus: reliquum ergo nunc est, ut
quæ forma hominis sit, porro declaremus, quandoquidem sine ejus
cognitione non solum non plena, sed ne primaria quidem notitia ha-
beri potest. Solet ea appellari *anima humana*: à plerisque *anima rationalis*.
Ideo seu de forma hominis, seu de anima humana nos acturos esse dica-
mus perinde est.

§. II. Initio statim hic scrupulus movetur: *Ande anima humana
tractatio ad Medicum pertineat?* Gal. certel. 7. de us. part. c. 8. l. de utilit.
respir. c. 5. l. de format. foet. sub finem & alibi ingenuè professus est,
se quæ animæ substantia sit ignorare, neque eam cognitionem Medico
valde esse necessariam. Atque ratio idem videtur evincere. Nam ne-
que ad sanitatis vel morborum notitiam illa cognitio quicquam facit,
quandoquidem sanitas & morbus dispositiones corporis sunt, nec ad
explicationem causarum utriusque illius dispositionis, quia hæc itidem
materiales, nec ad curationem, utpote quæ intervenientibus natura-
libus causis peragitur. Ac non multo secus est: attamen quia Medicum
Philosophum quoque esse oportet, & quia multi Medici de anima va-
ria proposuerunt, & quoniam proposuimus anthropologiam plenam,
non imperfectam tradere, non judicavimus alienum esse ab hoc loco,
animæ doctrinam subungere, maxime cum ea notitia Medico si non mul-
tum, tamen aliquantum conferat, tum ad notitiam sanitatis & morborum, quia
sunt dispositiones corporis animati, non animæ expertis: tum ad noti-
tiam causarum, quia gravis ea agitur controversia, an ab anima quo-
que corpus ad sanitatem vel morbum mutari possit, & quomodo ani-
ma affectus corpori imprimat: tum ad planiorem cognitionem operationum,
quæ celebrantur in corpore, quia anima ipsarum primaria causa est: ac

Xxx

deni.

denique etiam aliquatenus *ad curationem*, maximè *delirii melancholici*, utpote quod vix tolli potest, nisi ad animæ curationem etiam respiciatur.

§. III. Cæterum quandoquidem particularium & specialium notitia à cognitione universalium pendet, nihil solidi de anima humana attulerimus, nisi prius de anima in communi adduxerimus: hinc adeo merito tractatum hunc ab *anima in communi* ordimur. Licet verò ea tractatio vel nominalis vel realis, itemque vel secundum veritatem, vel secundum opinionem sit, tamen præcipuè occupabimur in vera sententia declaranda, sequemurque hic maximè ductum *Aristotelis*, qui eam doctrinam accuratissimè censetur profecutus. Ille ergò, postquam libro 1. de anima, veterum opiniones refutavit, lib. 2. duas proponit animæ definitiones, quas utrasque sigillatim considerabimus.

§. IV. Prima definitio t. 7. c. 1. ita sonat: *Anima est actus primus corporis naturalis potentia vitam habentis, hoc autem est organicum.* Vocatur *anima actus*, quia actuat, i. e. perficit materiam suam, quod optime exprimit Græcum verbum *entelechiās*, quod ab *enteles* & *ichu* derivari videtur, ut non malè ab Hermolao Barbaro *perfectibilia* sit redditum. Alioquin absolutè *perfectio* dici posset. Nam materia formam suam tanquam perfectionem sibi debitam appetit, ut docet Aristot. l. 1. r. Phys. cap. ult. Quoniam verò *actus* vel *primus*, vel *secundus* est, *anima est actus primus*, i. e. radicalis, quem non præcedunt alii actus. Etenim forma origo & fundamentum est omnium aliorum actuum. Proinde etsi aliquo respectu accidentia quædam etiam actus primi appellantur, tamen absolute sibi id nomen vindicant solæ formæ substantiales, quia illæ omnibus accidentibus sunt priores tum in existendo, tum in operando: quæ de causa aliqui ea accidentia, à quibus operationes proximè fluunt, *actus medios* appellant, quia interveniunt inter substantiam & accidens. Addit quod *anima sit actus primus corporis naturalis*, h. e. ex materia & forma constituti. Quia enim anima forma superioris generis est, quam aliæ inferiores formæ, non potest immediate materiæ uniformi coniungi, sed supponit materiam jam formatam. Ponitur verò id etiam ad differentiam corporis mathematici, quod solum quantitas trīnam dimensionem obtinens: & corporis artificialis, quod completum & perfectum ens est. Denique subiungit *potentia vitam habentis*, ut indigetur, non quodcunque corpus naturale esse animæ materiam, sed illud tantum, quod receptaculum & organum animæ esse potest: & idè ea verba explicans addit: *tale autem est organicum*, h. e. habile ut anima per illud opera-

operari queat, quale in sua ultima perfectione non solum debitam caliditatis innati seu temperamenti vitalis habitudinem exigit, verum etiam diversarum partium numerum & structuram.

§. V. Hic simplex & perspicuus verborum Aristotelis sensus est: verum quia circa illam definitionem animæ gravissima dubia occurrunt, ea in aliquas quæstiones redacta paulo distinctius pendere constitutum est. *Prima quæstio sit: An anima sit substantia vel accedens? Quam quæstionem ideo seorsim proposuimus, quia multi Medicorum eam opinionem esse opinantur, animam accedens, non substantiam esse. Nam Gal. lib. quod animi mor. seq. temper. corp. & aliis in locis de animâ humanâ agens, videtur constituere eam esse κρᾶσις seu quatuor primarum qualitatatum temperiem. Et hanc sententiam ex Platonis Phædone à Simiâ videtur derivasse. Ille enim inquit: esse in corpore nostro intentionem & complexionem quandam ex calido, frigido, humido, sicco, cæterisque talibus, horumque temperationem consonantiamque nostram animam esse. Verum quia hominis ut & aliorum viventium temperamentum maximè in calido nativo consistit, inde Gal. libr. 1. Aphor. comm. 15. lib. 6. epid. comm. 5. part. 5. videtur innuere animam esse ipsum calorem insitum omnium viventium, maximè animalium. Proinde hæc sententia priori non est contraria, sed eam specialius declarat, exponens qualis qualitatatum temperies animæ essentiam absolvat, nempe non omnis, sed viventibus propria, quæ in calidi insiti exsuperantia consistat.*

§. VI. Videtur hæc sententia maximè niti illi fundamento, quo non sint entia præter necessitatem multiplicanda. Sed nulla ratio videtur adduci posse, quæ animæ essentiam distinguere ab accidentibus convincere possit. Nam si quæ sit, ea sumitur vel à priori, vel à posteriori, vel à connexis, vel à contrariis, vel à similibus. At nullum illorum videtur quicquam conficere posse. Etenim à priori argumentum ductum à causis est, quarum nulla suadet, animam accedens non esse. Nempe non materia, quoniam ea in Peripatu commune substantiarum & accidentium subjectum est, adeoque nec substantiam nec accedens arguit. Quod enim indifferens ad utrumque est, neutrius existentiam probare potest. Nam forma; Quippe ipsa anima forma viventis statuitur. Sic ergo argumentum à formâ petiti petitionem principii involveret, idem per idem probando. Non efficiens; quia eadem efficiens accidentium & substantiatum causa constituitur: Imò quoniam apertum est, omnia opera viventium peragi à calore insito, & hic non nisi

calorem producere possit, anima ipse insitus calor esse videtur. Neque denique consideratio finis aliud suadet. Nam ob quam causam anima à calore insito distinguitur? An ut conservet corpora? Verum quia calor insitus generat, etiam conservat corpora. Nam eadem est causa generans & conservans. Imò quia ex corruptione de generatione & conservatione rei iudicium ferri potest, quoniam intervenit accidentium substantia corrumpitur: etiam eorum interventu insunt & conservantur in materia. A posteriori seu ab effectu similiter non ostendi potest, animam à calore insito discrepare, quia omnia effecta, quæ à viventibus obeuntur, præstantur à calore. Sed si aliud foret anima, aliud calor insitus, diversæ forent utriusque operationes. Nam operationem diversitas diversitatem causarum arguit, indentitas autem indentitatem. Porro connexa diversa nemo attulit, sicut nec similia. Contraria denique eadem sunt. Nam frigus corrumpens ut calori insito, ita animæ adversatur, quia mortem adducit. Sic sicuti insitus calor, ita anima pabulum requirit, quo deficiente marcescit. Eadem ratione à copia excrementorum obruitur non anima minus, quàm insitus calor. Inde consequi videtur animam à calore insito non differre, quemadmodum & nomen Græcum indicat, ψυχή enim à ψύχω id est refrigerio deducitur, quia refrigerio viventia indigent.

§. VII. Cæterum in contraria opinione est Arist. tum l. 1. de anim. dum aliorum opiniones refutat, tum l. 2. ubi suam sententiam ponit. Inde c. 1. t. 4. ait: *Necesse est animam substantiam esse*: & t. 39. & 41. docet calorem esse quidem instrumentum animæ, non autem ipsam animam. Quibus similia docet l. 2. de part. anim. c. 7. & l. de gen. & corr. t. 54. & 55. Quæ sententia, ut magis veritati congrua appareat, iudicamus ex omnibus illis, quæ adversa opinio rejiciebat, documenta peti posse, animam substantiam esse, & discrepare à calore insito. Etenim ut à materia incipiamus, etsi ea commune substantiarum & accidentium subjectum est, non tamen est eorundem subjectum æqualiter. Sed per prius substantialem formam, per posterius accidentalem recipit. Hinc manifestum evadit, quod materia viventium, antequam possit calorem insitum recipere, formam prius substantialem prius requirat, quæ eidem fulcrum præbeat. Impossibile enim est, propria prius rei convenire, quàm essentiam. Sed materia & forma essentiam constituunt. Neque obstat, antequam forma substantialis induci possit, opus prius esse præparatione accidentali: quia illa respectu accidentium communium tantum est, & magis respectu corruptionis contra-

contrariorum accidentium, impedierunt resultantiâ formæ debitæ. Dehinc si à materia progrediamur ad formam, non ducimus argumentum à forma particulari, sed à conditionibus formæ in communi, hoc modo. Omnis forma tribuens alicui esse est substantia. At anima est forma tribuens alicui esse: quia est, quo viventia sunt id quod sunt. Ergo anima est substantia. Unde liquet, adduci hic posse omnia argumenta, quibus in communi probatur formam substantiam esse. Porro si efficientem consideremus causam, quoniam omne accidens agit in virtute substantiæ, & quidem non materiæ, cum ea agendi virtute destituatur, sed formæ & quoniam accidens non potest sua virtute attingere substantiam, liquet quod vivens produci nequeat, quia calori agenti jungatur substantia, quæ alia cogitari non potest, quàm anima. Et hinc quoniam illa generatio univoca est, ipsum quoque quod producitur, non solum accidente sed & substantia constituitur, qua sit generanti suo simile. Et si universim capiat, admitti non potest eandem esse causam accidentium & substantiarum. Nam accidentis quidem fortè principalis causa accidens esse potest, sed non substantiarum. Nam effectus nequit esse nobilior suâ causâ. Quod dehinc finalem causam attinet, dicimus animam substantiam esse debere, quia informare debet, adeoque viventibus tribuere esse substantiale, dehinc conservare, non secundariò ut accidentia, nec extrinsecè, ut locus & alia externa, sed intrinsecè & radicaliter, quod formis substantialibus competit, quæ ut esse largiuntur, ita quoque faciunt ad ipsius conservationem. Nam constituere & conservare aliquid non differunt realiter. Attamen quia ut forma materiæ possit inesse, & operari requiritur certa materiæ habitudo, non obstat, quo minus accidentibus pereuntibus forma quoque videatur corrumpi, aut in finem suum abscondi. Ad operationes dum procedimus, eæ magis sententiam Arist. confirmant. Nam etsi omnes illæ instrumento caloris ob-euntur, tamen oportet illi principem causam præfectum esse. Ut enim liquebit in posterum, singulæ sublimius principium exigunt, quam calorem. Proinde animam substantiam esse & diversam ab insito calido non probamus ex diversitate operationum, sed à modo diverso producendi eas operationes, & ab utriusque necessitate. Non enim sufficit causa instrumentalis, sed requiritur amplius causa principalis. Si ad similia oculos dirigimus, omnes formæ substantiales argumenta suggerent, ut ante visum: si ad connexa, adjuncta seu facultates animæ idè confirmabunt, ut suo loco videbitur; neq; contraria oppositum suadent. Etenim

et si largimur, ab iisdem causis corrumpi aut in sinum suum revocari animam, à quibus calidum innatum destruitur, non tamen id fit eodem modo : sed calidum innatum destruitur per se & immediatè à frigido, anima secundariò & consequenter : & ita de aliis corruptionis modis judicandum venit. Ergo hinc rectè quidem deducitur, intimè conjunctam esse animam infinito calori, non tamen cum eodem essentia eandem esse.

§. VIII. *Questio secunda sit : An in definitione proposita contineatur, quod anima substantia sit ?* Aliqui negativam sententiam amplectuntur, adeo definitioni Aristot. addunt vocem *substantialis* hoc modo : *anima est actus primus substantialis*. Nam opinantur nomen *actus primi* accidentibus etiam quibusdam quadrare, ut Philosophus ipse indicat r. 5. neque alià voce in definitione Arist. id exprimi. Verum hæc opinio improbilis est. Nam ex illà necessariò sequitur, definitionem Arist. traditam imperfectam esse, quandoquidem omittat prædicatum aliquod essentialie genericum. Neque obstat, quod Aristotel. ante illam definitionem jam proposuerit, animam substantiam esse. Hinc enim hoc tantum sequitur, Aristotel. novisse animam substantiam esse, sed tamen definitio inde ab imperfectione non liberatur. Ita nullatenus se expediunt, qui ajunt, Aristotel. supposuisse animam substantiam esse. Nam hoc quoque definitionem meliorem non reddit, quod aliquid supponatur, si quicquam in eà omittatur, quod ad essentiam definiti pertineat. Quapropter statuendum est, contineri id in definitione Aristotelis non quidem verbis expressis seu formaliter, verum secundum sensum seu virtualiter, & quidem duplici modo, scilicet ut in specie continetur genus, & ut unum relatorum importat alterum. Primo modo, in voce *actus primus* : altero in verbis *corporis potentia vitam habentis*. Nam quod substantia contineatur tanquam genus in specie in actu primo patet tum inde, quia Autorum probatissimorum calculo verba *actus primus* in definitione ea idem sunt, quod forma substantialis, tum quia accidentia absolutè *actus primi* dici nequeunt, sed tantum substantiæ, quia harum virtute accidentia operantur. Et hinc Aristot. cum in prioribus animam substantiam esse docuisset, textu 5. designat, qualis substantia sit, nempe non potentia, ut materia, sed actus, ut forma. Ita enim ait ἡ δὲ ψυχὴ ἰντελέχεια, hæc vero substantia (scilicet anima, de qua ante actum est) actus. Dehinc quod idem connotativè quoque insinuetur per verba *corporis potentia vitam habentis* insinuat ex illa com-

muni

muni regula Philosophorum , *potentia & actus sunt in eodem genere*. Verum illa verba indignant materiam viventis proximam quo in genere substantiarum. Ergo & actus ejus est in prædicamento substantiæ, non quidem directe sed reductivè. Partes enim revocantur ad idem prædicamentum, in quo est totum.

§. IX. *Quæstio 3. sit: An anima rectè appelletur actus?* Sunt aliqui, qui arbitrantur Aristotel, non ita benè definivisse animam per actum.

1. Quia anima non tam perfectio corporis est , quàm ejus domina, quæ eo utitur ut instrumento.
2. Quia sic non cognoscitur animam substantiam esse.
3. Quia melius anima definiri poterat substantia perfecta incorporea.

Verum hæ objectiones tanti non sunt, ut propter eas à recepta sententia recedamus. Nam ad 1. dicimus, animam & corporis dominam & perfectionem rectè appellari posse: dominam quidem, quatenus corpore utitur ut instrumento, & eo nobilior est: at perfectio, quatenus imperfecta seu incompleta substantia est, ordinata ad compositionem totius perficiendo seu complendo materiæ potentiam & imperfectionem. Unde per prius dicitur perfectio, & ideo essentialiter, sed per posterius & attributivè vocatur domina. Non enim dominari potest corpori, nisi ejus primum perfectio sit. Nam operatio accidentalis supponit unionem formalem. Ad 2. priore quæstione jam responsum est. Ad 3. dicimus substitutam definitionem neutiquam bonam esse. Etenim non solum obscura est seu ambigua, sed etiam imperfecta, ac aliquo modo falsa. Nam cum anima dicitur *substantia perfecta*, id intelligi potest vel in genere anime, vel in genere entium. Si in genere anime, utique non necessum erat id addinam unumquodque ens in suo genere perfectum est, quoad essentiam. Excipis, at non necessariò respectu attributorum seu accidentium. Repono, illa perfectio non exprimitur in definitionibus essentialibus. Si intelligatur in genere entium, falsum est, animam esse perfectum ens. Est enim incompletum. At omne incompletum est imperfectum. Deinde cum anima dicitur *substantia incorporea*, si id intelligatur *intrinsece & consequitivè*, verum equidem est, animam non constitui ex corpore, sed quid oppositum esse corpori: at sic de anima solum quid dicitur, quod omnibus substantialibus formis convenit: sin autem sumatur *extrinsece, connotativè & consequenter*, non quadrat id prædicatum alii animæ, quàm soli rationali. Nam vegetativa & sensitiva à corpore dependentes sunt, unde *formæ materiales & corporeæ* nuncupantur. Præterea ea definitio

definitio sic absolute enunciata convenit etiam intelligentiis: sunt enim eæ substantiæ incorporeæ: & nulla ratione exprimit propriam & specificam rationem animæ. Proinde melius fecit Arist. quod *animam actum* appellavit. Eo ipso enim indigitavit animam non esse quid absolutum omni modo, sed relationem transcendentalem importare ad potentiam; arque adeo non esse completum sed in completum ens, ordinatum nempe ad constitutionem viventis, concurrente corpore. Verum adversæ sententiæ objectiones maximè ex hypothesi Platonica sunt, quod anima sit totus homo, & corpus tantum hominis domus seu receptaculum; seu quod idem est, animam esse formam nudè assistentem, nullatenus informantem, de quo postea, cum de anima rationali agemus.

§. X. *Questio 4. sit: An anima bene dicatur actus primus?* Omnino verò. Nam ea materiæ suæ primò unitur, & radix est omnium aliorum actuum propriorum illius corporis. Dico propriorum: quia communes præcedere possunt, & omnino ante animam corpori insunt, qui formæ subordinatæ corpus disponunt, ut idoneum receptaculum esse possit animæ. Veruntamen ratio dubitationis in contrarium est, quod anima definiri debeat per summam perfectionem. Sed actus secundus perfectior actu primo. Cui repono: absolute loquendo actum primum esse perfectiorem secundo, quia substantia est, & radix causæque actus secundi, quanquam actus primus ab actu secundo separatus non videtur accidentaliter tam perfectus esse, quam eidem conjunctus: quod impræsentiarum ad rem non facit, quia unumquodque definiendum est, quomodo se habeat essentialiter, non sub perfectione aliqua accidentali.

§. XI. *Questio 5. sit: An anima prout est actus primus sit separabilis ab actu secundo?* Originem huic controversiæ præbuit Arist. t. 5. ubi animam comparavit somno & scientiæ, dum eam actum primum dicit. Somnus autem ab operatione sua separatur, quia sensationis privationem infert: & similiter scientia. Nam ad scientiam non requiritur, ut quis actu secundum scientiam operetur. Hinc diversæ Autorum sententiæ promanarunt. Aliqui putarunt animam ab actu secundo posse separari: alii animam ad actum secundum indifferentem esse: alii judicarunt, ab Aristotele non dici, eam ab actu secundo separari: alii distinguunt, docentque quandam animam ab actu secundo separari posse, sentientem nempe & intelligentem, quandam autem non posse, ut animam rationa-

tional-

tionalem. Ego omnino arbitror in anima duplicem actum distinguendum esse, formalem nempe, & effectivum. Ac quod formalem attinet, ille à forma inseparabilis est, quatenus scilicet ut forma consideratur. Nam forma per formalem actum forma est. Et sic anima non est, nisi vitæ principium sit, seu esse viventis viventi tribuat. Quod concernit actum secundum effectivum, anima intelligens non semper actu operatur, nec sentiens, ut cognoscitur ex somno naturali, verum de anima vegetativa dubium est, maximè respectu facultatis nutritivæ, quia augmentativam & generativam cessare aliquando ab operatione à plerisque receptum est. Nihilominus sentio nec nutritivam quidem simpliciter continuo operari, si discretè de operationibus ejus loquamur, quia fieri potest, ut vel objectum desit, vel improporcionatum sit, vel ab externis aut internis causis impediatur, quo minus omnis actus secundus facultatis nutrientis obiri possit. Sed largiamur, non tamen id veritati dictorum Arist. præjudicat. Neque enim ipse animam cum somno & scientia comparavit, quatenus carentiam actuum important, sed quatenus dicunt principium & potentiâ actus illos exserendi. Nam qui scientiam habet, etsi actu objectum scibile non contemplatur, tamen contemplari potest, & quando contemplatur, non tamen contemplatio ejus essentiam absolvit: sic somnus dicitur illi convenire, qui etsi actu non sentit, tamen sentire potest. Si quis tamen distinctionem Cajetani accipere velit, non valde repugno. Is dicit, quod anima in communi separatur ab actu secundo non positivè, sed per non repugnantiam, quatenus nullam contradictionem implicat, si sine actu secundo reperitur. Nam ad id non necessarium est, ut omnis anima in specie sine actu secundo reperiri possit, sed sufficit, si anima in communi non involvat necessario actum secundum. Aliqui ajunt, animam esse separabilem ab actu secundo secundum indifferentiam seu præsivè, quod sensum eundem habet.

§. XII. *Questio 6. sit: Quid intelligatur per vocem corporis? Corpus sumitur principio vel mathematicè vel physicè. Illo modo pro quantitate longitudinem, latitudinem & profunditatem, seu verbo, trinam dimensionem habente: hoc pro substantia materia & forma constante. Et rursum dupliciter, vel ad modum totius, vel ad modum partis. Ad modum totius seu completientis, quatenus ut genus de omnibus corporibus in specie prædicatur, & directè in prædicamento substantiæ ponitur: verum ad modum partis, quatenus sumitur pro parte viventis opposita ejus for-*

mæ. Hæc aliquando appellatur *acceptio Physica*, sicut prior *Logica*, quam fortè minus accuratè, cum utraque in *Physica* obtineat. Itaque impræsentiarum quæritur: *An vox corporis in definitione animæ sumatur ad modum totius pro toto vivente corpore, an ad modum partis, ejus materiali parte?* Sunt qui priorem sententiam accipiunt. 1. Quia anima in prædictâ definitione definitur ut forma: at non est forma partis sed totius. 2. Quia Aristotel. 1. 10. expresse docet, animam esse actum ejus, non quod abjicit, sed quod habet animam. 3. Quia sub finem definitionis addit Philosophus organici. At organicum corpus est corpus animatum. Veruntamen hæc sententia Aristotelis menti contraria est. Nam 1. In definitione statim subjungit *potentia vitam habentis*. At non totum vivens potentia vitam habet, sed materia ejus, quatenus concipitur ut habilis recipiendi animam, non *exclusivè*, quod animam non habeat, sed *præcisivè*, quatenus distinctè ab anima consideratur, & actus potentiam non tollit. 2. Quia textu 10. docet ex eo corpore & anima constitui animal. 3. Quia textu 4. docet animam non esse corpus, sed corpus esse subiectum animæ. Verum totum non est subiectum suæ partis. 4. Quia alioquin definitum contineretur in definitione, atque adeo hic foret imperfecta. Nam totum definitur per partes ex quibus constituitur: sic vivens est, quod constat ex anima & corpore organico. 5. Quia in definitione totius corpus animæ opponitur, ut apparet ex allata viventis definitione. Ad objectionem 1. respondeo, animam dici formam non solum totius, sed & materiæ, unde textu 2. anima dicitur actus & perfectio materiæ: sicut materia etiam dicitur non solum materia respectu totius, sed etiam formæ, non quidem constitutivè, sed relativè, quippe ordinatur ad formam. Dehinc et si anima definitur, prout totum constituit, non tamen sequitur, quod ideo vox corporis totum designare debeat, quia sufficit, quod ex ea definitione consequatur, ipsum totum ab ea constitui. Quod hic apertum est, quia dum anima corpori illi se sociat, illique vitam largitur, totum constitui intelligitur, quia id ex materiæ & formæ conjunctione oritur. Ad 2. dico, nihil ex ea consequi. Nam & nos animam dicimus actum esse corporis, ut suæ compartis, non prout eam abjicit, sed recipit, habet, & retinet. Ad 3. quod illa itidem nihil concludat, quia vox *organici* declarat, quomodo se habeat materia, quæ cum anima vivens constituit.

§. XIII. Hoc autem constituto, per corpus intelligi partem viventis.

viventis animæ oppositam, amplius quæritur, & sit *questio 7. An per corpus intelligatur materia prima, an corpus ex materia & forma constitutum?* Latinorum multorum, Thomæ & Scoti affectarum contra sententiam Græcorum & Arabum opinio est, intelligi per corpus *materiam primam, quæ corpus dicitur tum antecedenter*, quia antequam anima ipsi accedit, verum corpus est dotatum specialibus singulorum organorum partialibus formis, quæ accedente animâ pereant, *tum ex eventu*, quia anima materiæ primæ conjuncta ei primum esse corporis largitur, dehinc esse vitale seu animatum. Rationem autem aliam non habent, quàm quod arbitrantur, non posse esse plures formas in uno composito. Verum hæc opinio prorsus à veritate & Aristotele aliena est. Nam 1. Sic definitio fit impropria & obscura. Nam materia prima propriè & verè ne secundum illos ipsos corpus dici potest, sed improprie tantum & in ampliacione, ut Scholastici loquuntur, scilicet quia fuit & erit corpus: & hoc quoque falsò. Nam materia prima nunquam fuit, nec erit corpus. Omne enim corpus ex materia & forma constat, ex Arist. 1. 4. Physic. 1. 4. quod materiæ primæ nunquam convenire potest. 2. Expressè ea explicatio repugnat text. 8. sub cuius finem hæc habet Aristotel. *anima non est quiddam seu ratio corporis huiusmodi (puta artificialis) sed corporis naturalis ejusmodi, quod in se habet principium motus & status.* Quibus verbis, quid explicatius dici potest? 3. Sensibus & rationi illa explicatio adversatur. Evidens enim est præter animam inesse corpori formalem rationem misti respectu diversarum partium, quæ eadem post mortem remanet. Et ludicrum est, quod aliqui ajunt, accidentia tantum manere eadem in vivo & mortuo, nullam substantialem formam, quia accidentia in materiâ sine substantiali formâ remanere nequeunt. Nec obstat, quod Aristotel. libr. 2. de gener. & corrupt. scribit generationem fieri nullo sensibili subiecto permanente. Nam ubi locorum de simplici generatione, quæ elementorum est, Philosophus loquitur, aut si universaliter id intelligendum quis putet, per sensibile subiectum, intelligendum venit, illud subiectum specificum ultimum, quod corrumpi dicitur. Pro ejusdem sententiæ confirmatione facit diversus motus in viventibus notatus, qui secundum formam misti est deorsum, at secundum animam ad omnem loci differentiam. Sed inquirunt quidam, motum illum deorsum procedere non à formâ misti, quæ materiam hominis constituat, sed quæ illis conveniat, quæ quidem in homine sunt, neque tamen ejus partes. Verum quid tum

de ossibus, musculis, corde, cerebro dicent, quid de radicibus, caudice &c: an illa non sunt partes, annon gravia? Sic aliter perit vivum, quatenus vivum est, & quatenus partes mistas habet. 4. Inconsequens quoque illius sententiæ explicatio est. Nam si forma misti ante introductionem animæ in vivente sit, quomodo eam anima eisdem non contraria corrumpit, & unde eadem post mortem rursus enascitur? Nam ridicula sunt quæ de formâ cadaveris somniant. Proinde cum veteribus per corpus in definitione Aristotel. intelligimus substantiam ex materiâ & formâ constatam. Ad rationem autem oppositam dico, nihil repugnare plures esse formas in uno composito, modo una sit ultima, reliquæ subordinatæ, de quo in Physicis nostris cap. de formâ actum est.

§. XVI. *Quæstio octava sit: Quare Aristoteles in definitione addat corporis naturalis?* Facit id Aristoteles majoris perspicuitatis ergo, neque tam in oppositione ad corpus de prædicamento quantitatis, quod mathematicum appellare solemus: quàm in oppositione ad corpus artificiale, in quo artifices occupantur. Nam Aristot. valdè familiare in Physicis est, naturalia per artificialia declarare, quia hæc sunt magis sensibilia. Ne tamen cum iisdem confundantur, distinctionem plerumque adjicit, quod & fecit in præsentis definitionis declaratione, ut ex textu 8. & aliis manifestum esse potest.

§. XV. *Quæstio 9. sit: Quare Philosophus in definitione addiderit, potestate vitam habentis?* Fecit hoc Aristot. idèò, quia non quodcunque corpus aptum est ad animam recipiendam, sed illud solum, quod aptum est ad vivendum. Nam ut idem ait c. 2. t. 13. *animatum ab inanimato eo distinguitur, quod vivit.* Hinc quoniam non omnia corpora vitam potestate habent, ab anima informari possunt, scilicet nec elementa singula, nec mista per se tota simularia, quia cum illa singula ultimam suam formam habeant, nullam superiorem exigunt; sed ea solum mista, quæ etsi formam habent, tamen ab eadem non ultimò perficiuntur, præcipuè cum ea non respiciat id totum qua totum, seu ut actu est, seu ut esse debet unde apparet, quod ad plenam materiæ satietatem requiratur ulterior forma, quæ omnibus partibus ut in unione sumptis ultimam speciem largiatur. Id verò notandum est, quod cum Aristoteles ait *potestate vitam habentis*, non neget, quod actu vitam habeat, sed quod non habeat vitam ex seipso, sed ab anima, quia vita primario ab anima proficiscitur. Nam etiam cum anima actu in corpore est, verum est, quod anima

anima sit actus corporis potestate vitam habentis, quia in toto partes ejus conjunctæ distinctè considerari possunt. Sumuntur itaque illæ voces non *exclusive*, sed *relative & distinctivæ*, ut Scholasticorum more loquar.

§. XV. *Questio 10. sit: Quid intelligatur per vitam in dicta Aristotelis definitione?* Interpretes communiter notant vitam dupliciter sumi, 1. *pro ipsa viventis essentia*, prout concipitur ab anima tanquam formali parte oriunda. 2. *pro operatione vitali inde fluente*. Primo modo si capiatur, nominant vitam *essentialem seu primam*, altero vitam *accidentalem*, seu *secundam*. Verum quo modo hoc loco accipi debeat, dissentiunt. Et qui vitam accidentalem accipiunt, pro se asserre possunt verba Aristotelis, quibus vitam videtur declarare. Ita enim ait text. 3. *vitam dicimus nutritionem, & aucionem, & diminutionem, quæ per se ipsum fit*. Et t. 13. *cum autem vivere multis modis dicatur, etiamsi unum quippiam horum tantum insit, dicimus ipsum vivere, ut intellectus, sensus, motus & status secundum locum: præterea motus secundum nutritionem, & diminutionem & aucionem*. Sed tamen verior est aliorum sententia, qui primam seu essentialem vitam hic intelligi volunt. 1. Quia anima non debuit per accidentalem sed formalem actum definiri, & ita quoque materia explicari, prout ad hunc, non ad illum, respectum habet. 2. Quia secunda vita sine prima haberi nequit, proinde nec materia potest dici potestate habere secundam vitam, nisi supponatur eam primam jam habere, aut ad eam potestatem prius habere. At non potest in præsentī definitione intelligi ut habere vitam, quia materia consideratur ut opposita formæ, & ut formanda, non ut formata, licet actus sit à forma informatus. Neque etiam aliis verbis insinuat, quod illa materia potestate primam vitam habeat. Ergo, si bona sit definitio, prima vita accipienda est. 3. Analogum per se positum stat pro significato famosiori, at vita prima est vitæ significatum primarium. Est enim origo & radix alterius vitæ. 4. Aristoteles ipse dubium illud resolvit textu 37. dum inquit: *Vivere est viventium esse: horum autem causa & principium est anima*. Ecce quod doceat vivere esse τὸ εἶναι viventium, i. e. ipsorum essentia, quod de vita secunda intelligi nequit, ea enim essentiam consequitur, & aliquando ab eâ separabilis est, ut suo loco notabitur. Et addit, quod hæc vita ab animâ proficiscatur, quare, nisi ut tribuat id, quod materia potestate habet? Indicat ergo materiam habere potestatem vitam, quæ sit essentia viventium, prout à forma derivatur.

Proinde ne illorum quidem opinionem probo, qui putant per prius quidem intelligi in ea definitione vitam essentialem, verum consequenter & accidentalem. Et si enim concedo, quod illud, quod potestate habet vitam primam, etiam potestate habeat vitam secundam, remotè & consequenter scilicet, sicut primam proximè, non tamen largior id significatum fuisse in eâ definitione. Itaque consequenter elici potest, quod corpus illud naturale habeat potestate vitam secundam ex verbis & sensu Aristotelis, non tamen est ille proprius & formalis eorum verborum sensus. Ad loca autem in contrarium allata dici potest: vitam manifestativè & quoad nos dici actum secundum vitalem, & vitam primam per eum manifestam fieri: hinc tamen nullatenus consequitur, in definitione illa sic esse accipiendam. Nam verba in definitionibus veris & accuratis sic accipienda sunt, quemadmodum earum ratio & natura admittit.

§. XVI. *Questio II.* sit: *Quare Aristotel. post definitionem addat, tale autem est organicum?* Quia perspicuitati studere voluit, & declarare, quodnam sit illud corpus, quod potentia vitam habet, nimirum id, quod non solum aptum receptaculum animæ esse potest, verum etiam ejusdem instrumentum, per quod operetur. Imò quia libr. 2. de histor. animal. & alibi organi rationem explicavit, hoc ipso indigitare voluit, compartem ipsius animæ non esse quoddam mistum simile, sed dissimile, adeoque pluribus partibus distinctum, sic tamen ut inter eas aliquis ordo sit, ut nempe ab una principali reliquæ dependeant. At cum id fieri non possit, nisi quid à principe parte ad alias amandetur, hinc vel maximè ad originicam dispositionem pertinet ejus bona habitudo. Et ita non improbo illorum explicationem, qui ajunt per organicum duplicem dispositionem intelligi, externam positam in variarum partium structura, & internam consistentem in debita & bona constitutione insiti calidi. Ego id solitus sum ita declarare, quod organum animæ sit duplex, primū & ortum. *Primum anima organum* calidum innatum est: *at ortum diversa partes.* Dum ergo Aristot. dixit: *organici*: indigitare voluit requiri in illo corpore calidum innatum, & diversas partes: illud quidem simpliciter ad inesse animæ, sed posterius ad inesse modo perfectò. Hinc suo loco notavi animam inesse actu etiam in semine prolifico, quanquam non sub actu perfectò, & posse certo respectu semen etiam organicum appellari. Non tamen negaverim: hoc loco Aristotelem

Iam utramque organici corporis dispositionem complexum esse, quia videtur animam definire ut est in vivente perfecto & completo, non prout est in statu imperfecto.

§. XVII. *Quæstio 12. sit: An hæc anima definitio omnibus anima speciebus possit applicari?* Circa hanc quæstionem Autores inter se multum dissentiunt: veteres æquè atque recentiores. Nam alii arbitrantur eam definitionem quadrare tantum animæ vegetanti & sentienti: alii autem omni, ac ipsi quoque animæ rationali. Ut autem debitè hæc quæstio solvatur, exponendum est quid Aristot. ipse videatur hac de re sentire, & quid sit secundum rei veritatem. Ego, quæ etiam communior est Peripateticorum opinio, arbitror, Aristotelem hanc definitionem aptare voluisse omni animæ, atque id citra veritatis dispendium fieri posse. Utrumque probandum erit, & vindicandum ab objectionibus contrariis. Ergo 1. dicimus: *Aristotelem formasse eam definitionem usi universalem, quæ ipsi quoque rationali animæ convenire debeat.* Nam 1. ipse hoc expressis verbis docet t. 7. ubi ait: *quod si commune aliquid de anima dicere oportet, erit utique actus primus corporis organici.* Act. 8. idem affirmat, dum inquit: *UNIVERSALITER igitur dictum est, quid sit anima.* 2. Quia ipse l. 1. c. 1. t. 7. eo nomine reprehendit, quod solum de humana anima egerunt, atque ideo l. 2. c. 1. t. 1. intendit definire quid sit anima, & quæ sit ejus COMMUNISSIMA definitio, scilicet non restricta ad solum hominem, verum quæ plantis & brutis quoque adhiberi possit. 3. Quia explicans partem definitionis, nimirum de vitâ, eam c. 2. t. 13. animæ rationali seu intellectu applicat. 4. Quia de anima rationali quoque t. 24. ait, animam rationalem esse λόγον καὶ εἶδος, *rationem & speciem seu formam.* 5. Quia l. 3. de hinc de anima rationali tractat, citra id, quod monstret ipsi communem rationem non convenire. Veruntamen non leves sunt rationes, quæ in contrarium adducuntur. 1. sumitur ex t. 21. in quo ita ait: *Verum de in & contemplativa facultate nondum est perspicuum, sed videtur esse aliud quoddam genus anima &c.* 2. petitur ex t. 32. ubi ait: *de contemplativo autem intellectu alia est ratio, vel alius sermo ἑτεροῦ λόγου.* 3. ex t. 2. in quo sola corruptibilia dividit, ut ostendat quibus illorum animæ conveniant. 4. ex l. 1. de part. animal. c. 1. ubi docet, non omnem animam naturam esse, nec de omni animâ agi debere in Physicis. 5. ex t. 11. ubi docet, eas partes animæ, quæ separabiles sunt, nullius corporis actus esse. Ad hæc ita respondeo. Ad 1. rectè doceri ab Aristote-

ristotele in eo contextu hætenus de contemplativâ facultate in specie nihil ab eo esse determinatum, sed non ait, generalem animæ definitionem eidem non posse aptari. Neque obstat, quod anima rationalis sit aliud genus animæ: nam id verum est, quia à vegetante & sentiente differt. Ad 2. idem dici potest, & addi illud quoque quod secundum Aristotel. intellectus activus sit separabilis à corpore, & propriè non corporis actus. Verum secundum eum inde non inferitur, quod ideo anima rationalis non sit corporis actus, quia id omnino affirmat: sed hoc tantum, quod cum anima rationalis etiam à corpore separari possit, tota ejus natura in libris de animâ declarari non possit, sed ejus explicationis pars ad Metaphysicos libros remittenda sit. Ad 3. nihil consequi: Si Aristoteles divisit tantum corpora corruptibilia; Ergo noluit agere de formâ incorruptibili, sed quod de corruptibili principiis agere voluerit, quorum aliquod si contingat esse incorruptibile, etiam de eo tractare voluit. Ad 4. solutio ex secundi solutione patet. Duplex nempe animæ rationalis status, inde duplex ejusdem consideratio. Ad 5. idem dici potest: secundum quod anima rationalis à corpore separabilis est, secundum id non esse actum: sed secundum quod ei jungi potest. Sic arbitror Aristotelē secum ipso posse conciliari, quanquam fateor plurima esse, quæ omnem scrupulum non eximant. Quid mirum? Aristoteles animæ rationalis naturam & originem ex ignorantia aut contemptu sacræ Scripturæ non satis cognovit. Hæc de Aristotele. 2. Quoad rei veritatem 2. judico: *Animæ rationalis non incommode aptari posse definitionem animæ in communi.* Nam quod illa forma sit hominis & humani corporis, inde colligi videtur, quia est pars hominis, eidemque esse humanum largitur, corpori quoque habitudinem figuramque præscribit, nec solitariè essentiam hominis absolvit. Neque videtur essenziale esse formæ informanti, ut penitus materiæ immersa sit, & ab eâ in solidum dependeat. Sed hæc post modum expendenda erunt, cum de anima rationali speciatim agemus.

§. XVIII. Altera animæ definitio proponitur à Philosopho Cap. 2. t. 24. & ita sonat: *anima est id quo vivimus, & sentimus, & intelligimus primò.* Inquit Philosophus *anima est id quo*, ut indigiter præter ipsam aliam quoque partem in viventibus reperiri, cui insit, & speciem largiatur: attamen quia eandem non ita planè describit, ut alteram, sed obscurè tantum indicat, inde liquet, definitionem priorē accuratorem esse. Addit dehinc, *quo vivimus, sentimus & intelligi-*

telligimus, adhibens agendi verba, ut advertamus eum de totis animatis loqui, quia actiones sunt suppositorum. Porro illud *vivimus* hic non intelligendum est generaliter, prout accipit t. 13. cum ait vivere dici, quibus aliquod horum in est, ut intellectus, & sensus & motus sed specialiter prout accipit t. 3. cum vitam dicit esse nutritionem, augmentationem, & generationem, quæ per se ipsum i. e. ab interno principio fit. Nam nisi hoc modo sumatur, redundant verba sentimus & intelligimus. Addit in fine *primo*, ob instrumentalialia & accidentalialia principia illarum operationum. Sic calore interveniente vegetantis animæ operationes peraguntur, spiritus animalis ope sensationes, & habituum intellectualium beneficio intellectiones meliores & promptiores sunt: sed eorum nulla sunt prima istorum operationum principia. Et si autem copulativè illas actiones per particulam *Et* conjunxit: tamen cum ea definitio animæ speciebus applicanda venit, confuso id sensu institui debet, non distributivo & claro, quasi omnia quæ animam habent, participant vitam, sensum, & intellectum: sed quo quæcunque vivunt habeant animam, & ita quæ sentiunt, & quæ intelligunt: quemadmodum sub eadem significatione sumitur particula & in definitione naturæ. Neque mancus est Aristoteles in hac definitione, quod aliquas operationes omiserit, ut appetitum, & motum localem, quia illæ ad priores pertinent, & sub prioribus comprehenduntur. Imò præcipuas & manifestas nominare voluit, ut alias animo inde colligeremus.

§. XI X. Divisio animæ, quemadmodum ex c. 3. & 4. lib. 2. de anima, item c. 3. l. 2. de generat. anim. aliisque locis colligi potest, est, quod anima sit vel *vegetans*, vel *sensiens*, vel *rationalis*. Anima *vegetans* vocatur actus primus corporis physici potentia vitam vegetabilem seu primam habentis, aut absolute potentiâ vitam habentis, eo nempe sensu, quo vitam describit Aristot. l. de vit. & mort. c. 13. quod sit mansio animæ vegetantis in calore, & l. 2. de anim. t. 3. ubi vitam determinat nutritione, augmentatione & generatione: sicut etiam accipi notavimus t. 24. dum animam describit, quod sit id, quo vivimus. Anima *sensitiva* est actus primus corporis vegetantis potentia sensum habentis, quemadmodum enim t. 31. c. 3. ait Philosophus, *sine vegetativo seu nutritivo sensuum non est*. Quippe ut ait in principio istius textus: *semper in eo, quod est deinceps, potest esse illud inest, quod est prius*. Anima *rationalis* est actus primus corporis physici sensitivi potentia rationa-

litatem habentis : cujus definitionis veritatem similiter ex dictis colligere licet.

§. XX. De hac *divisione* quæri solet, *an bona sit, & qualis sit?* Ego arbitror eatenus bonam dici posse, quatenus divisio adæquata est : omnis enim anima ad aliquod horum generum pertinet, & vicissim quicquid vegetativum, vel sensitivum, vel rationale est, id habet ab anima. Quanquam enim de vegetantium gradu à quibusdam dubitatum est, tamen postmodum ostendimus, eum ab anima proficisci debere, nec dissentire, qui in speciem huic sententiæ adversari videntur. Proinde id quidem constitutum sit. Nam licet aliqui prætendant, tot debere esse animarum genera, quot animatorum : tamen plerique Peripatetici illam sequelam negant, judicantes diversitatem principiorum subjectorum, & adjunctorum posse esse aliam & aliam, quoniam respectu diversorum comparantur : aut si concedatur, dicatur prima quoque animatorum genera tria tantum esse, nempe plantas, animalia bruta, & homines, & quatuor nominari, quia animalium brutorum genus dispecisci possit in duo, ea nempe quæ motu destituuntur, & quæ motu locali prædita sunt.

§. XXI. Ad alteram autem quæstionem variè ab Autoribus respondetur. Ego illis calculum adjicio, qui arbitrantur eam esse divisionem generis in species : non quidem prout genus & species rigide sumuntur, & solum completis entibus attribuuntur, sed prout ampliantur ea nomina, & ita partibus applicantur, prout eæ in prædicamentis esse dicuntur. Novi equidem aliquos hanc responsionem ridere, sed ego ipsos item rideo, quod cum videri velint Peripatetici, hoc ipsum loquendi genus non in ipso Aristotele notaverint, cum lib. 1. de anim. c. 1. t. 7. docet de anima quærendum esse, *utrum omnis anima ejusdem sit speciei, an non : quod si non sit ejusdem speciei, utrum anima specie differant, an genere?* At si id quærere non sit ridiculum, aut à Peripatetica schola alienum : utique neque ad illam quæstionem respondere. Probo autem rectè fuisse à me dictum, differentiam illam esse generis in species : quia illa animæ inter se essentialiter diversæ sunt, & conveniunt in aliquo communi, quod de iis directe essentialiter, seu in quæstione quid est, adeoque ut genus prædicatur. Verum non inde asserere velim, esse divisionem in species ultimas : nam largior animam vegetativam & sensitivam ulterius posse dividi in species. Huic sententiæ opponitur : *Quod omnis divisio generis in species sit in opposita : at animas illas*

non.

non esse oppositas, sed subordinatas, quia vegetans ad sensitivam, & utraque ad rationalem animam ordinatur. 2. Quia Philosophus de anima rationali loquens t. 2. l. 1. 2. de anima ait eam pertinere ad aliud genus: & hoc confirmari potest amplius ext. 26. l. 2. Metaphys. ubi docet: corruptibile & incorruptibile pertinere ad aliud genus. Ad 1. dicimus: animam prout dividitur in tres illas species: sibi non subordinari: quandoquidem unaquæque sumitur secundum formalem suum & essentialem conceptum. Nam si sic subordinarentur, omnes vegetativæ ad sensitivam, & omnes sensitivæ ad rationalem referri debere: quia formalis & essentialis conceptus omnibus competit. Et quid dicent de divisione corporis in simplex & mistum? Annon certo respectu elementa ordinantur ad compositionem mistorum? Nihilò minus plerique Physici concludunt, esse eam divisionem non solum generis in species, sed etiam univoci generis in species univocas. Sicut ergò multi ibidem hoc dubium solvunt, dicentes elementa specie opponi mistis, non quatenus ut principia mistorum considerantur, sed quatenus ut partes mundi extra mistum consistere debent: sic mihi idem licet hic applicare: divisionem nempe illam considerari respectu animarum, quæ ut ultimæ formæ corporis capiuntur, non quæ tanquam materiæ dispositiones superiori animæ vel formæ subordinantur. Dehinc in divisionibus generis analogici, quale animam quidam esse volunt respectu inferiorum, dubitant aliqui an subordinatio unius ad alterum iisdem repugnet, modo illud reperiatur, ut essentialiter & formaliter secundum proprium conceptum differant. Habemus ita divisione substantiæ apud Arist. l. 2. de anim. c. 1. & alibi in materiam, formam, & compositum. Annon materia ad formam, & utraque ad compositum ordinantur, & sunt qui & eam divisionem generis univoci in species univocas esse volunt, saltem dubium non est, quin sit generis in species. Ad 2. dico: quod quando Arist. dixit animam rationalem esse aliud genus, voce generis usus sit, pro differentia quacunq; essentiali, nempe quod sit essentialiter diversa ab anima vegetante & sentiente: seu quod sit aliud genus, non quod sit sub alio genere. Atque ita quoque exponendum illud est ex libr. 2. Metaphys. t. 26. aliquin enim falsissimum foret: quippe spiritus finitus & corpus differunt ut corruptibile & incorruptibile, sunt tamen univocæ species sub genere communi & proximo substantiæ creatæ.

S. XXII. Ea ipsa, quæ de anima in communi hæcenus attulimus, opus habemus, ut ad animam humanam applicemus, quandoquidem

plurimum ad ejus explicationem faciunt, & ejus natura cognitu obscura & difficilis est. Principio illa quæstio examinanda venit, *quid sit anima humana?* Pro ejus solutione notandum est, eam dupliciter sumi aliquando adæquatè, pro omni eo, quod anima est, & in hominereperitur: aliquando inadæquatè, pro anima rationali. Interim tamen non obstat, quò minus mutato sensu secunda definitio ab Aristotele l. 2. c. 2. t. 24. proposita ei aptari possit: *anima humana est, quæ homo vivit, sentit, & intelligit primò.* Nam etiam ii, qui pro solâ rationali animâ animam humanam capiunt, docent tamen omnes gradus inferiorum animarum in ipsa eminenter & virtualiter contineri. Præterea ab omnibus ita concessa illa definitio est, ut possit loco principii adhiberi ad alias difficultates occurrentes solvendas, ut ex sequentibus constabit.

§. XXIII. Secunda quæstio est: *An in homine una tantum reperiatur anima: an plures?* Circa hanc in genere duæ sunt sententiæ, una statuit in homine unam esse tantum animam: altera plures. Rursum prima divisa est, quia aliqui qui eam propugnant, judicant non solum unicam esse animam humanam, sed etiam indivisibilem tùm essentialiter, tùm accidentaliter, nempe ad divisionem corporis: alii autem judicant, quod etsi anima humana una sit, tamen ea ex diversis partibus componatur. Et rursum disputant, quid tùm secundum rei veritatem, tùm secundum mentem Philosophi asstrui debeat. Hæc quæstio, quia gravissima est, & utrinque magnos patronos habet, aliquantò accuratius à nobis examinanda erit.

§. XXIV. Principiò argumenta, quibus unam animam homini tantum convenire, non plures, probari potest, præcipua sunt sequentia. 1. Una est hominis essentia & forma: at anima hominis est hominis forma & ei dat essentiam. Ergo ipsa quoque anima hominis una est. 2. Ab autoritate Philosophi Aristot. l. 1. de anim. c. 4. t. 58. expressè sententiam eam ut absurdam reprehendit, quæ plures, in homine animas asserit. & c. 5. t. 90. & 91. Platonem refutat, quod plures animas statuere videtur. Ita l. 2. de anim. cap. 3. t. 31. unius tantum animæ mentionem facit. Et l. de juventut. & senect. c. 1. ut unam particulam videtur indigitare, quæ originem vitæ & sensitivæ virtutis præbet, ita animam quoque unam existere.

§. XXV. Argumenta dehinc sententiæ eorum qui statuunt unam & indivisibilem esse animam hominis præter recensita §. præcedente præ-

præcipua sunt sequentia. 1. Formæ rerum sunt sicut numeri seu indivisibiles. ex l. 8. Metaphys. At anima hominis est ejus forma. 2. Non sunt entia multiplicanda præter necessitatem : at nulla est necessitas ponendi vel plures animas, vel plures partes in eadem anima. Ergo. 3. Actiones animæ intensæ unius generis, impediunt actiones ejusdem alterius generis. Ergo proficiscuntur ab uno indivisibili principio. 4. Anima hominis est immortalis absolute, asserente ipso Salvatore nostro Matth. 10. At si plures in homine essent animæ, vel plures ejusdem partes, id verum non esset. 5. Omnis compositio materialibus competit. At anima hominis non est quid materiale. Et pone eam esse compositam, qua ratione partes ejus uniuntur? *Ἀν κατὰ πρῶτον, ἀν κατὰ σύμφυτον*? Non sanè illud, quia contactum corporalem importat. Nec posterius, quia spiritualia & indivisibilia sic non possunt coire, quin fiant unum indivisibile. 6. Ex definitione ab Aristot. l. 2. de anim. c. 1. prolata. Anima omnis est actus primus corporis organici &c. At si plures forent animæ, anima humana non esset unus actus sed plures actus, nec tam corporis organici, quam corporis superioris gradus, scilicet viventis & vegetantis. 7. Quia secundum Aristot. l. 1. de animal. c. 4. t. 65. virtus visiva & l. 2. de gen. animal. c. 4. virtus nutritiva refertur ad animam intelligentem seu rationalem. 8. Quia Aristot. libr. 2. animal. t. 31. docet inferiorem animam potestate contineri in superiori. Propterea una quidem est hominis anima & indivisibilis essentialiter & actu, virtute tamen continet inferiorum animarum facultates & eas obit. 9. Si plures darentur in homine animæ, vegetativa, sensitiva, & rationalis; homo foret monstrum, utpote planta simul, brutum & rationale. 10. Si in homine forent plures animæ, una superioris generis, quàm altera: illa quæ superioris generis ob indispotionem materiæ posset recedere remanente inferiore, unde non solum in homine triplex mors ex recessione primum animæ rationalis, dehinc sensitivæ, & ultimò vegetativæ: verum etiam triplex esse specie diversum præcedente argumento insinuat. 11. Si plures essent in eodem vivente animæ, sequeretur vegetantem animam nobiliorem esse aliis, quia ex libr. 2. de animal. cap. 4. text. 34. generare est perfectissimum viventium corpus. 12. Quia quæ divisa in inferioribus, sunt unita in superioribus. 13. Quia Genes. cap. 2. dicitur Deus inspirasse spiraculum vitarum, & quod sic homo sit factus in animam viventem. 14. Quia sententia contraria plures in homine animas asserens in Con-

cilio Constantinopolitano IV quod Oecumenicum octavum habetur, damnata fuit hærescos. 15. Si plures sint animæ in unoquoque homine, animæ inferiores in morte Christi vel superstites fuerunt, vel perierunt. Primum dici requirit, nisi vel vivum Christi corpus fuisse dicatur, vel plura incorruptibilia asserantur. Neque posterius, quia tum Christus corruptionem subiisset, & opus fuisset resurrectione etiam inferiorum animarum, quorum utrumquæ à veritate alienum.

§. XXVI. Qui unam quidem animam hominis esse volunt, interim ex diversis partibus constantem, & qui plures in homine animas esse dicunt, his præcipuè communibus argumentis uruntur. (1.) Quia contraria & incompatibilia non sunt in uno indivisibili: at in humana animâ sunt contraria & incompatibilia. Ergo. Minor probatur, quia anima humana partim est materialis & dependens à corpore respectu actuum vegetativorum & animalium: partim independens respectu actuum intellectivæ animæ: & inde secundum quid corruptibile, secundum quid perpetuum secundum Aristotel. libr. 2. de anim. cap. 2. r. 21. (2.) Quia anima humana est divisibilis quâ ortum, & modum communicationis. Qua ortum quidem, quia anima rationalis demum forinsecus advenit, ubi anima vegetativa & sensitiva jam insunt, ut non solum constat ex Aristotel. libr. 2. degenerat. anim. c. 3. verum etiam constat ex animarum illarum operationibus. Et sic quoad modum communicationis, tribuitur aliquando vegetans, sine sentiente in quibusdam molis: aliquando sentiens sine rationali, ut in impuro coitu hominis cum bruto. (3.) Quia in generando homo non minus præstat, quàm alia viventia & animalia. Sed alia animalia tribuunt animam vegetantem & sentientem. Ergo homo item, maxime cum anima rationalis generatione non possit tribui. (4.) Utuntur aliqui & hoc argumento: unum indivisibile in eodem tempore non efficit contraria respectu ejusdem. At anima hominis efficit contraria. Nam secundum cognitionem sensitivam aliquid approbat, quod secundum rationem reprobat.

§. XXVII. Qui plures quidem animæ partes etiam realiter distinctas agnoscunt, unam tamen animam tantum in homine esse statuunt, id probare possunt præter argumenta allata th. 24. r. ext. 3 r. l. 2. de anima ubi docet Aristot. superiorem animam ita continere inferiorem, quemadmodum quadratum triangulum. At quadratum una figura est. Ergo

Ergo & ex superiore & inferiore fit una anima. 2. Exemplo numeri: sicut enim ultima unitas cum prioribus in unum numerum coalescit: ita quoque superior anima cum inferioribus in unam animam.

§. XXVIII. Qui denique judicant plures esse in homine animas asserendas, non solum diversas animæ partes, uti possunt his argumentis. 1. Quod pertinet ad materiam hominis, non esse conjungendū cum eo quod est hominis forma. At anima vegetativa & sensitiva in homine pertinent ad materiam hominis, vigore t. 31. l. 2. de anim. Verum anima rationalis ad formam. Ergo. 2. Si anima rationalis in homine est anima: & vegetativum & sensitivum item, utique in homine sunt plures animæ. 3. Si una sit in homine anima, illa vel forma hominis, vel materia. Non materia, ut largiuntur: neque forma, quia ea solum est anima rationalis, utpote quæ sola λογικὴ ψυχὴ humana. Ergo.

§. XXIX. Sic recitavimus diversas de quæstione propositæ opiniones, unā cum primariis eorum fundamentis: nunc quoque nostram opinionem subjungemus. Atque principio arbitror eos, qui vel plures in homine animas esse asserunt, vel unam quidem, verumtamen ex diversis partibus conflata non judico re ipsa discrepare, verum tantum loquendi modo. Nam quia inferiores animæ superiori subordinantur, & suprema, ut dat speciem, ita etiam unitatem eo nomine rectè unum quid & una anima dici possunt, scilicet non unitate simplicitatis sed unionis formalis, quæ primariò ab ultima formâ deducitur. Sicut enim totum ex corpore & anima compositum unum appellatur, quia in unam essentiam istæ partes coierunt: sic quoque cum animæ inferiores cum superiori constituent unum ens per se, nihil repugnat uno quoque nomine designari posse, & vocari anima humana. Ex adverso, quia singulæ illæ partes animæ veræ sunt, & etiam in unionem manent, nihil obstat, quò minus homo tres animas habere dici possit, scilicet non oppositas aut sejunctas, verum subordinatas, & in unam hominis essentiam conspirantes & coeuntes. Hoc tamen discriminis inter utramque sententiam intercedit, quod prior inferiores gradus animæ ad formam, posterior ad materiam revocare videtur, quod & mihi probabilius judicatur, ut apparet ex rationibus §. 28. allatis.

§. XXX. Neque obstat huic sententiæ, quod animæ inferiores sunt certæ rationis, & esse humanū tribuant: etenim si materia est pars essentiae, quæadmodum verū esse existimo, illa quoque sano sensu tribui posse videtur.

detur, quod largiatur essentiam, & specificam quidem, quia alia forma, alia materia. Verum quod specificam essentiam conferre formæ speciaticim assignetur, non item materiæ, id fit 1. quia forma id facit ultimò & completivè, materia subordinatè & inchoativè. 2. Quia forma id facit primariò & ex se : materia secundario & in ordine ad formam. 3. Quia forma id præstat originariè, materia autem dependenter à forma; quia à formâ accipit etiam illam peculiarem proprietatem. Sicuti enim forma materiâ ut instrumento suo utitur, ita eandem sibi præparat. Hic tamen aliqui Autores dissentiunt, & in animâ rationali videtur admittere exceptionem, quia ea formato jam corpore demum accedit : sed tamen dici potest, quod ea si non efficienter tamen finaliter ad structuram corporis illius concurrat, imò etiam efficienter, si non physicè, tamen moraliter ob divinam ordinationem, aut posito eo, quod dentur instrumenta separata, si non principaliter proximè & immediatè, principaliter remotè & mediatè, nempe interventu animæ inferioris. Si hoc non placeat, dici potest animam sensitivam inferiorem sibi corpus formare, interim ipsam esse ultimum materiæ complementum respectu esse humani, & ideo id facere dependenter & subordinatè respectu animæ etiam rationalis hominis generantis, de quo videbimus, cum de animâ rationali seorsim agemus.

§. XXXI. Neque etiam illud obstat, quod Aristoteles nullum superiorem gradum materiæ recensuerit, quam corpus physicum potentia vitam habens, seu organicum. Etenim *corpus potentia vitam habens intelligi potest vel generaliter, prout vitæ omni in specie aptari potest, vel specialiter, prout de solâ vegetativa vita intelligitur.* Atque Aristotel. in definitione animæ, sicuti animam accepit generaliter, ita vitam quoque, ut aded cum ipso libr. 2. de anim. cap. 2. t. 13. *vivere illud ipsum dicamus, cui unum horum insit, ut intellectus & sensus, & motus & status secundum locum, adhuc autem motus secundum alimentum, & augmentum, & decrementum.* Hoc constituto, liquet, corpus potentia vivens respectu animæ vegetativæ, esse quidem corpus mixtum vitali calore sufficienter permixtum, ex libr. de vit. & mort. cap. 13. at respectu animæ sensitivæ corpus animâ vegetante inferiore donatum : & respectu animæ rationalis corpus præterea animâ sentiente instructum. Et hoc secundum eundem Aristotelem, qui id expressè docet lib. 2. de anima cap. 3. t. 31. ibi enim expressè docet : *semper in eo, quod est consequenter, esse potentia id quod prius est, & in figuris & animatis.* Ergò in sensitivo anima vegetativa potentia est : at po-

potentia esse dicitur Arist. ut materia, nam *materia quidem potentia, forma autem est actus*, docente eodem l. c. 2. t. 25. Ac ideo t. 31. paulo post antea cit. addit: *sine vegetativo sensitivum non est*: addamus nos, nec sine sensitivo rationali. Volunt equidem multi aliū sensum eidem loco assignere, quasi Arist. voluerit, animas superiores virtute continere animas inferiores, adeo ut superioreminenter habeat denominationem inferioris: sed adversatur ea opinio directè textui, ut liquet, & amplius colligi potest ex l. 2. de generat. cap. 3. ex omnibus iis rationibus, quas §. 26. allegavimus. Constat nunc, etsi generali loquendi modo superiorem gradum materiæ, quàm corporis potentiâ vitam habentis, Aristoteles non expresserit, quod tamen in speciali declaratione satis indigiterit, etiam potentia sensitivam & rationalem vitam habentis, id est vegetativi & sensitivi subordinati rationem subintelligi. Et eadem distinctio quadrat voci *Organici*. Nam etsi specialiter id notat corpus Physicum mixtum diversis partibus constans & calido insito perfulum, tamen generaliter id organicum corpus est, per quod anima quæque operari potest, nempe vegetativum subordinatum animæ sensitivæ, & sensitivam subordinatum animæ rationalis respectu. Dico vegetativum & sensitivum subordinatum, quia non omne vegetativum & sensitivum superiori animæ subordinatum est, non nempe illud, quod speciem constituit propriam.

§. XXXII. Rationes contrariæ superius §. 27. allegatæ itidem parum stringunt. Nam ad 1. dico, exemplum illud allatum de quadrato sententiam nostram confirmare. Nam inferior figura in superiore, ut materia seu potentia continetur: unde in computatione & solutione illarum Geometrarum posteriores in priores resolvunt. Et largior ex superiore & inferiore anima quid unum fieri, sed tanquam unum ex potentiâ & actu, non unum actum. Ad 2. similiter, quod ultima unitas in numeris sit similis formæ, verum priores instar materiæ: & quod inde quidem unitas compositi, sed non formæ concludatur.

§. XXXIII. Ostendimus ergo inter eas opiniones, quæ plures substantias subordinatas, quæ singulæ animæ sunt admittant, probabiliorem esse eam sententiam, quæ asserit inferiores gradus se habere per modum potentiæ respectu superioris, adeoque ad materiam pertinere: nunc quoque ponderemus, quæ sententia sit præferenda, an ea quæ in homine subordinatas animas negat, & à solâ rationali

eminenter continente inferiores omnia obiri animæ munia existimat, an quæ illas inferiores animas concedi debere judicat, & negat posse ab animâ rationali præstari inferiorum virtutes? Posteriolem eligo sententiam, & ut eam veritati & Aristoteli consentaneam esse evincam, rationes omnes pro eâ allatas solvere, & argumenta illam confirman-
tia ab exceptionibus vindicare conabor.

§. XXXIV. Ad argumenta communia proposita supra §. 24. ita respondeo. Ad 1. concedendo antecedens, unam esse hominis formam & essentiam: at minorem distinguendo. Etenim anima hominis dicitur vel quæ in homine est, vel quæ facit ut homo sit homo: si primò modò sumatur, non est simpliciter verum, animam hominis esse formam hominis, quia quædam pertinet ad materiam: sin posteriori, verum est, quia sic anima hominis eadem est, quæ rationalis, quæ & una est, & vera hominis forma. Ad 2. sumptam ex libr. 1. de anim. c. 58. rectissime Aristoteles reprehendere eos, qui plures animas, ut formas ultimas in homine agnoscunt, sed non qui alio modo id declarant. Nam Philosophus id facit, ne ut animarum, ita essentiarum pluralitas in uno homine inducatur: alioquin absolutè non negat, quin contrarium ipse sensit, ut partim ex prioribus constat, partim ex sequentibus constabit. Alter textus 90. & 91. lib. cit. contrarium non probat, sed in eo solum redarguitur Platonis sententia, qui plures animæ partes ponens, eas non solum essentiâ, verum etiam loco discrevit, quod nos non facimus. Sed cum Philosopho libr. de juvent. & senect. c. 1. & vegetativam, & sensitivam, imò rationalem in corde, ut principe parte, originariè residere existimamus. Et hoc solum locus ille intendit, neutiquam verò assertioni nostræ refragatur. Licet autem in eadem parte omnes conjungantur, tamen non æquè immediatè, sed originariè cordi inest anima vegetativa, post hanc anima sensitiva, & post hanc rationalis: neque istæ tres diversæ essentias constituunt, sed conspirant omnes ad eam essentiam, quam largitur anima rationalis, quæ ut actus se habet, cum inferiores se habeant per modum potentiae. Hanc veram esse loci illius sententiam, etiam supra §. 31. probavimus, & §. 32. ostendimus, quâ ratione exemplum ibidem propositum debeat explicari.

§. XXXV. Ad particulares rationes objectas superius §. 25. ita respondeo. Ad 1. concedendo antecedens: Quicquid de ejus veritate

ritate aut sensu sit, & distinguendo minorem, ut supra § 34. fecimus in responsione ad 1. argumentum commune. Ad 2. ostensuros nos necessitatem, cum argumenta nostræ sententiæ ab objectionibus vindicabimus. Ad 3. laborare illud fallacia dicti à secundum quid ad dictum simpliciter, & etiam fallaciâ causæ. Nam quod unius generis functiones intensæ impediunt functiones animæ alterius generis, evenit non quia unum indivisibile illarum principium est, sed quia animæ sibi mutuò subordinatæ sunt, & communi conspiratione indigent. Atque experientia abundè testatur, actiones alicujus lædi, non solum ubi ipse detrimentum passus fuerit, verum etiam cum non conspirat sufficienter, sine quo operatio non peragi potest. Idque hic manifestissimum est: quoniam enim si vegetativa spiritus vitales ad nutritionem avertit, sensitiva incommodè operari poterit ob defectum spirituum vitalium, ex quo animales confici deberent. Similiter si sensus alicujus operatio sit intensior, non solum alii sensus, sed ejus vegetativæ munia consequenter impediuntur ob plurimam spiritus animalis in illud sensorium aversionem, multam ejusdem consumptionem, & attractionem spiritus vitalis ad cerebrum. Et ita de aliis.

§. XXXVI. Ad 4. Anima hominis absolutè dicitur anima rationalis, & ea immortalis est, nec ab homine occidi potest. Quid autem de animâ vegetativa & sensitiva judicem, in posterioribus notabo. Hic satis est, id tactum à Servatore nostro fuisse indigitatum. Ad 5. principio illud præcipuè contra eos esse, qui ex animalibus in homine unam animam & formam constitui arbitrantur: deinde compositionem varii generis esse, nec materialibus, sed immaterialibus quoque convenire: illos autem compositionis modos recensitos proprios materialium esse, utpote coincidentes cum unione per continuitatem vel contiguitatem. Nisi κατὰ σύμψυξιν quis latè sumere velit, pro omni aliorum intima & naturali unione: sic enim illud admitti potest. Nullo autem modo sequitur, tùm illa duo futurum quid unum indivisibile, quoad essentiam uniuscujusque propriam, sed solum illa duo indivisibiliter uniri & coexistere. Addo rectissime solutum id argumentum à Philopono compositionis modum alium nominando: nimirum animam rationalem jungi inferioribus ut actum potentiae, de quo Aristot. l. 2. de anim. c. 1. t. 7. docet, non esse querendum qua ratione fiat: quia nempe immediatus, per penetrationem, & maxime naturalis est.

§. XXXVII. Ad 6. animam unamquam specificam esse unum actum, & quod non pugnet cum definitione animæ, si dicatur animam sensitivam esse actum corporis vegetantis, & rationalem actum corporis sensitivi, superius §. 31. ostensum esse. Ad 7. dicimus, Aristot. l. 1. de anim. t. 65. non attribuire intellectui visionem; sed exemplo potentiae visivæ ostendere voluisse, posse animæ rationalis operationes lædi, ipsa anima rationali illæsa. Nam sic lædi visionem quoque illæsa anima sensitiva, aut illæsa potentia videndi. Si enim senex acciperet oculum ut juvenis, videret ut juvenis. Quod autem concernit locum lib. 2. de generat. animal. c. 4. aut c. 6. secundum aliorum divisionem, duplici modo responderi potest, 1. limitando, quod nempe animæ rationali tribuatur nutritio, non quasi eam proximè & per se obeat, sed quod eam dirigat, & administret interventu animæ vegetantis. Est enim nutritio proprium opus vegetantis, & anima superior vegetantem animam supponit secundum text. 31. l. 2. de animal. 2. negando animæ rationali vegetativæ animæ operationem, seu nutritionem, sed tantum vegetativæ, quæ ut partes primum constituit, ita alit & auget. Quod verò dubitationem habere videtur, id alio modo explicandum venit. Verba Philosophi sic se habent: *Partium unaquæque ex alimento gignitur. Nobilissima quæque, & potissimi, principii particeps ex concocto sincerissimo, primoque alimento. Reliqua necessaria, ac illarum gratia constituenda ex deteriore, & reliquiis, excrementisque. Perinde enim natura, atque paterfamilias prudens, nihil omittere solet, ex quo facere aliquid commodi potest. Dispensatur autem in cura rei familiaris ita, ut cibus optimus detur liberis, deterior servis, vilissimus animalibus sociis. Ut igitur incremento jam addito mens advena facti hac: sit in ortu ipsa natura ex materia sincerissima carnem, cæterorumque sensoriorum corpora conficit, in excrementis ossa, nervos, pilos, ungues, utriculas & reliqua ejus generis constituat. Nimirum Philosophus ostendere vult, quemadmodum contextus integer apertè monstrat, naturæ sapientissimæ in partium constitutione progredi, tum in partium ordine, quatenus eas à quibus reliquæ dependent prius facit, tum ratione materiæ, quatenus ex meliore nobiliores, & deteriore inferiores partes fabricat, & materiæ utilitatem præbituræ nihil perdit. Idque ostendit exemplo prudentis patrisfamilias, qui cibum optimum liberis, deteriorem servis, vilissimum animalibus socialibus dispensat. Sicut igitur is, in iis quæ justum incrementum habent, procedit, & intellectu seu sapientia sua externa respectu illorum quibus præest: ita etiam-*

etiam natura insita quibuscunque genitis partes primum conformat. Et hunc verum sensum loci istius esse existimo. Nam quod Latini plerique & aliqui Græci interpretes per extraneam seu advenam mentem animam rationalem intelligunt, id mihi à loci sensu alienum videtur. 1. Quia sic non apparet, quo modo illa verba huc pertineant, quandoquidem *ἀνθρώποις* isti *πρωτότεροι* nullatenus responderet, sed alteri quæ à similitudine œconomi est petita. 2. Quia augmentationis natura æquè abscondita quam primæ conformationis, & adhuc obscurius quo modo anima rationalis eam obeat. At non solitus est Philosophus obscura per obscuriora delarare. 3. Quia si anima rationalis hic intelligatur per mentem advenam seu extraneam, tum sequitur, quod iis insit, eaque augeat, quæ natura primum sic constituit, ut Aristot. ibidem docet. Nam arbitrantur Philosophum ex modo quo quid à mente seu anima rationali incrementum capit, ita primum à natura constitui. At posterius falsum est, & contra Aristotelem, secundum quem anima rationalis non inest, quibus natura primam formationem tribuit, scilicet non illis, quæ ungulas naturaliter habent, hoc est, bruta sunt. 4. Quia constans Aristot. communisque omnium serè Philosophorum & Medicorum doctrina est, eandem esse conformationis, nutritionis & augmentationis causam, & Arist. nullibi nutritionē aut augmentationē ad animā rationalem retulit. Et ratio levis est, quā probare nituntur, per mentem extraneam animam rationalem intelligi, nempe quia eodem nomine illa appellatur lib. 2. de gen. anim. c. 3. Quippe fieri potest, ut idem nomen diversis tribuatur, si quæ communis ratio subsist. Et talis hic est, ut æque mens Oeconomi in distributione suæ familiæ possit externa vocari, quàm anima rationalis respectu sui corporis.

§. XXXVIII. Ad 8. jam antea §. 30. & 31. respondimus: hoc solum hic addimus, non esse in textu in anima superiori, sed in superiori animato inferiorem animam potentiā contineri. Ad 9. consequentiam esse infirmam. Valere posset, si statueremus animas inferiores esse perfectas formas, & speciem tribuere: at arbitramur eas ad materiam pertinere, subireque rationem formarum subordinatarum. Concessum autem est, ex materiā unicuique speciei conveniente & formā fieri unum quid per se. Id quoque in eo malè supponitur, omne quod habet animam vegetantem esse plantam, & sensitivam esse brutū. Nam vegetans in genere vegetabile & sentiens animal facit: at plantam aut brutum illa tantum, quæ non ad superiorem formam est ordinata.

§. XXXIX. Ad 10. argumentum adversum respondeo negando consequentiam, quod nempe si tres sint in homine animæ inde consequatur, cum triplici vice moriturum. Etenim cum homo moritur, id fit proximè & immediatè ratione animæ vegetantis. Etenim contingit ex corruptione aut evacuatione calidi insiti, quod vinculum animæ & corporis est. Nam anima superior non exigit aliam materialem dispositionem, quam inferior, nisi præsentiam & suppositionem animæ inferioris. Inde liquet facile, quæ errandi occasio fuerit diversum sentientibus: scilicet hæc, quod putaverint, præter dispositionem convenientem calidi & humidi radicalis adhuc aliam postulari, quod tamen nec Arist. nec quisquā aliorum unquam docuit. Neq; obstat, quod anima superior perfectior sit: nam ideo superior anima inferioris præsentiam exigit, & illa inferior convenientem calidi insiti habitudinem, quæ ipsi quoque animæ superiori commodare possit. Id de anima rationali nullam difficultatem involvit, cum ea inorganica & immaterialis sit, & de anima sensitiva itidem facile concipitur, si eam una cum vegetativa in corde radicari dixerimus. Nam palam est, in eo easdem dispositiones ad utriusque informationem exigi, sed diverso ordine, immediatè nempe respectu animæ vegetantis, & mediatè respectu animæ sensitivæ. Ad alteram objectionis partem præcedentes. responsum jam est.

§. XL. Ad 11. dico: negando itidem consequentiam: quin contrarium potius verum est, nempe animam vegetantem esse omnium indignissimam futuram, cum aliæ eam ut materiale dispositionem supponant. Neque id ex text. allegato evinci potest. Quippe in eo docetur naturalissimum viventium opus esse generationem, & id fieri ab ipsis cum debitam perfectionem acquisiverunt. Quid id facit ad dignitatem? Imo concedamus esse illud proprium animæ vegetantis opus. Nam sensatio nobilior est, quàm generatio. Et ipsa quoque sensitiva anima in generatione præcipuas partes habet, quatenus in eâ vegetantem dirigit in prima partium conformatione, ut patet ex iis, quæ propter phantasmam matris alienas partes aut figuras nanciscuntur.

§. XLI. Ad 12. dico: Propositionem illam ita absolute enunciata falsam esse. Etenim in anima v. g. non sunt unitæ formæ elementorum & mistorum diversorum, quæ in singulis partibus sunt, ut diversis exemplis & rationibus monstrari posset, si præsentis disquisitionis ea controversia foret. Exemplū aliud & clarius intelligentiæ exhibent, in quibus neutiquā conjuncta sunt, quæ in inferiorib. divisa erant. Etenim virtutes for-

formarum elementorum, misti, & vegetabilis nullo modo in illis reperiuntur. Ergo apparet, quod ea assertio limitationem exigat, & valeat tùm in corporibus, tùm in aliis entibus. In genere corporum, quatenus inferiora secundum communia genera inveniuntur in superioribus in unam essentiam conjuncta. Sic in mistis inveniuntur quatuor elementa, quæ sub unâ formâ misti sociantur in una essentia misti: in planta inveniuntur præterea diversæ partes, quæ singulæ corpora mistæ sunt, & uniuntur ad unam plantæ essentiam: in animalibus præterea invenitur ratio vegetabilis: & in homine etiam animalis. Neutiquam verò id secundum speciales rationes inferiorum explicandum venit. Absurdum etenim est, singulas animalium específicas rationes in homine conjunctas reperiri, aut in animali singulas plantarum rationes. Multò minus id de formis accipi potest, quoniam inferiores formæ ad materiam pertinent, at materiam unitim forma non continet; quoniam alioquin in superioribus formis ad compositionem totius forma non exigeretur. Et tritum in Metaphysicorum Scholis axioma est: formam non obtinere rationem materiæ nec formaliter, nec virtualiter aut eminenter, quia utriusque causalitas distincta ad compositionem totius exigitur. Neque exemplum de virtute Solis liquefactiva & indurativa aliud probat. Nam 1. Ab universalibus causis ad particulares illatio vitiosa est, ut hic fit, argumento ducto à stellis ad animas inferiorum. 2. Non est ea virtus magis unita in Sole, quàm in igne, ejus calor item liquefacit ceram, & indurat lutum, non duplici unita virtute, sed virtute una simplici recepta in duplici ac diversa materia. In genere diversorum entium finitorum valet cum limitatione, secundum quod id exigit superiorum entium propria ratio, & eorum perfectio admittit, ut colligi potest ex allatis exemplis. Ac quemadmodum de Deo valeat, quicquid perfectionis in creaturis est, in ipso esse, non pertinet ad hunc locum declarare. Videantur de eo Metaphysici & Theologi.

§. XLII. Ad argumentum 13. respondeo, varias esse quidè interpresum in eum locum sententias, dum alii spiraculum vitæ animam sensitivâ intelligunt, alii animâ rationalem: attamè me libenter concessurû, animam rationalem hic designari, nihil autè consequi adversus meâ sententiâ. Nam locus ille solû indicat animâ rationalem necessariam fuisse, ut homo esset vivens homo, quod nō nego. Ut id pateat melius, ita me explicoo. Corpus illud, quod concipitur à Deo ex limo terre esse conditû. cui

Deus

Deus spiraculum vitarum dicitur inspirasse, vel intelligitur secundum nudam partium structuram externam, sine structura vitali consistente in debita calidi insiti & humidī radicalis dispositione, vel cum ea: si primo modo per illa verba, inspiravit homini spiraculum vitæ intelligendum venit, quod non solum creando infuderit animam rationalem, sed excitaverit vim calidi insiti & animarum inferiorum, ut cum antea vi agendi destituerentur, postea operari potuerint; & sic evidens est, quomodo inspirata anima rationali homo sit factus in animam viventem, i.e. hominem vivum: si posteriori modo sumatur, dico, quod illud corpus spiritum vitalem jam ex corde, emittere quidem potuerit, obireque functiones inferiorum animarum, sed tamen antequam ea potentia in actum deduceretur, Deus infuderit animam rationalem, ut sic homo post infusionem animæ rationalis fuerit factus in animam viventem. Non absurdum esse; facile concedent, qui norunt prioritatem naturæ & temporis esse discernendam. Quocunque igitur modo corporis formationem quis intelligat, nihil pugnat illa sententia cum animarum subordinatarum pluralitate, quia per vocem inspiravit non solum actio creationis & infusionis animæ intellectualis intelligi potest, sed etiam excitatio vitalis calidi, animarumque inferiorum: vel si sola creatio & infusio eo ipso indigetur, præcessisse quidem animas inferiores cum vitali calido naturā, sed non tempore dici potest, ut sic demum rationali infusa homo in animam viventem invaleret. Neque obstat, quod Deus dicitur unum spiraculū inspirasse: quia si maxime primo sensu explicem, dico, denotari quidem iis primo animæ rationalis infusionem, sed ex iis quoque concludendum esse, id quod ante infusionem necessarium fuit, nempe excitationem vitalis calidi & animarum inferiorum. Et quid? Ipsi diversum sentientes id confiteri necessum habent, dum per inspiravit, non solum infusionem, sed etiam creationem animæ rationalis designant. Neque illud obstat, quod anima rationalis hic dicatur spiraculum: nam id fit vel quia ex respiratione ejus præsentia agnoscitur, vel quia per spirandi vim intelligitur quævis commovendi virtus, vel ob aliquam analogiam cum ventu seu flatu, quia sicut hic invisibilis, & tamen efficax est, sic item anima rationalis se habeat. Neque denique id obstat, quod anima rationalis dicitur spiraculum vitarum, quasi eminenter inferiores animas comprehendat. Nam id explicari potest, vel ob excellentiam animæ rationalis, ob quam reliquis animabus inferioribus præest, vel

vel quod pluralis numerus pro singulari sit positus, prout & vulgata Latina & septuaginta interpretum Græca versio sonat. Imò annon aliquis inde colligere posset, per spiraculum vitarum, intelligi plures animas? Meo arbitrio æquali argumentandi robore, quia dicere posset, mentionem fieri vitarum: atque ad vitarum multiplicationem animarum etiam multitudinem importari.

§. XLIII. Ad 14. dico, Concilium illud huic sententiæ non adversari, sed damnare illud impium dogma Manichæorum, qui duas in homine animas posuerunt, unam omni culpa vacuum, utpote divino fatu editam & Dei particulam, alteram vitiorum labe concretam, & à principio quodam, malorum omnium autore productam, sicut explicant Conimbric. l. 1. de gener. & corr. cap. 4. quæst. 21. art. 2. vel dicimus eam sententiam non fuisse absolutè & propter se damnatam, sed odio Jacobi Syri, qui cum Eutychianus esset, ea abusus est ad illam hæresin incrustandam. Nam sic fere fit, ut sententia vel vera vel tolerabilis subinde damnetur, ubi illis homines uti caperint ad gravem ferendum errorem. *Si Iacobus ille, ut dixi, Eutychianus fuit. Vnde mihi conjectura, sic cum argumentari solere: quemadmodum in homine due sunt animæ; una, rationalis; irrationalis, altera; eæque in unam coalescunt naturam; sic et τὸ νόηον in anam miseræ naturam, divinam & humanam.* Quæ verba sunt Magni Vossii lib. 3. de orig. & progr. Idolatr. cap. 40. Verum cum abusus ab usu distinguendus sit, patet quod Concilii istius sententia non ulterius extendenda sit, quàm contra Jacobitas & Manichæos.

§. XLIV. Ad 15. dico: Nullum absurdum aut repugnans vel veritati mortis Christi, vel unioni personali, vel incorruptibilitati ejusdem corporis sequi. Etenim veritas mortis ejus in eo consistit, quod verè soluta fuit naturalis animæ cum corpore unio, sive unam, sive plures in eo animas fuisse dicas. At si quis me urgeat, quid factum tum reliquis animabus, cum rationalis ejus anima Deo Patri commendata in cælis fuerit? Respondeo me id nescire. Nam si eæ corruptibiles naturæ fuerint, & in principium suum reversas esse nihil pugnet cum Psalm 16. dicam id ita factum esse: si illud autem adversari Theologi judicent vel personalis unionis constantiæ, vel prædictioni corpus Christi corruptionem non visurum dico, si illæ animæ naturæ corruptibiles ponantur, eas miraculose fuisse à corruptione vindicatas. Quippe tam multa miraculose circa Christum contigerunt, ut absurdum non sit hic quoque ad miraculum confugere. Quanquam relinquo Theologis ju-

dicium, quod conforme scripturæ sacræ judicaverint, solumque eos rogo, qui tam calidè id miraculum contra nos urgent, ut nobis sententiam suam aperiant de calido innato. Nam illud substantia est, pertinetque ad integritatem corporis, & maximè quidem, quia per illud corpus habile est recipere animam. An id perit in morte Christi, an remansit? sin hoc, ubi & qua virtute, cum ordinariè soleat à corpore recedere, & perire? Quicquid hic mihi reponent, hoc sibi responsum ferant.

§. XLV. Ostendimus hæcenus, sententiam eam, quæ præter animam rationalem tanquam ad materiæ dispositionem pertinentem, aliam inferiorem unam vel plures ponit, nec rectæ rationi, nec scripturæ sacræ, nec articulis fidei esse adversam: nunc porro vindicemus ejusdem sententiæ fundamenta, quæ §. 26. adduximus, ab exceptionibus contra sententium. 1. Tale erat: Contraria & incompatibilia non sunt in uno indivisibili. In anima humana sunt contraria & incompatibilia. Ergo anima humana non est una indivisibilis, & per consequens non solum rationalis, cum illa sit una & indivisibilis. Major evidentissima est: Minor probatur: quia anima humana partim est dependens à materia respectu actuum vegetativorum & sensitivorum, partim dependens ratione actuum intellectus & voluntatis. Excipiunt 1. Majorem veram esse de continentia formali & divisa, non autem eminenti sed virtuali & unitiva. At in anima rationali una & indivisibili inveniri illa eminenter & unitim ajunt. 2. Negant illa contraria in anima rationali reperiri, licet utriusque actus ab eadem procedant. Sic enim liquefactio & induratio à sole procedunt, quanquam in sole non sunt contrariæ virtutes. 3. Ajunt etiam animam rationalem certo respectu corruptibilem dici posse, scilicet quoad esse relativum & formale, non autem quoad esse absolutum, & existentiam. Respondeo ad 1. Non solum virtualiter, sed formaliter etiam contineri in anima humana: tum quia anima humana materiales actus eodem modo obit & per similia instrumenta, quàm brutorum & plantarum animæ, unde apparet, quod formaliter in eadem contineantur: tum quia quæ virtualiter in anima rationali continentur, eadem non repugnant intelligentiis, quæ consimilem eminentem continentiam, quod de virtute vegetabili & animali dici nequit: tum quia in forma virtualiter aut eminenter eo modo, quo diversum sentientes explicant, contineri nequeunt dispositiones materiales. Respondeo ad 2. Eam falsam esse; quoniam
niam.

niam à quo actus aliqui per se, & primariò oriuntur, illud etiam virtutes illorum actuum habet. Verum exemplum de sole adductum huc non quadrat, quia eæ virtutes prodeunt à sole secundariò mediante calore, & ob dispositionem diversam patientis. Atque valet de formis universaliter, quod prout se habent in operando, ita & in essendo & fiendo: cum ergo anima humana partim dependeat à materiâ, partim non dependeat ab eadem in operando: liquet quod in essendo, & fiendo pariter talis sit, & neutiquam simplex & indivisibilis substantia. Ad 3. Illam distinctionem non valere. Nam quia secundum partem anima humana sic dependet à materia, ut aliæ materiales formæ, sequitur quod secundum eandem eadem ratione sit corruptibilis. Sed id nullo modo de animâ rationali dici potest.

§. XLVI. Secundum argumentum quod concernit, desumptum est à partibili ortu & communicatione animæ humanæ, ad ostendendam ejus partibilem essentiam, & concludendum ab anima rationali distinguendam esse animam inferiorem sensitivam & vegetativam, sic conantur eludere. Et quod concernit partibilem ortum, 1. Aliqui judicant animam humanam non partibiliter secundum essentiam, sed tantum secundum actus acquiri. 2. Alii animam inferiorem superveniente superiori corrumpi. 3. Alii negant animam humanam acquiri, antequam anima rationalis infundatur. Ita de partibili communicatione itidem non eadem ratione sentiunt. Nam 1. judicant aliqui neutiquam partibiliter animam communicari, sed communicari rationalem indivisibiliter, quæ non semper possit corpus ad debitam perfectionem deducere. 2. Alii censent nullo modo animam humanam communicari, adeoque nec partibiliter. In specie autem, quod concernit molas, dicunt illarum formas sic oriri, ut aliarum rerum, quæ sponte proveniunt. At verò de monstro illo ex homine & bruto genito, vel illud obtinere animam à solo bruto: vel Deum certis etiam de causis admittere productionem hominis: itaque nihil inde probari. Verum ad omnes illas facile responderi potest. Nam quæ contra partibilem ortum animæ humanæ allatæ sunt, ita solvuntur. 1. Statuto eo animam rationalem formatis partibus demum infundi, cum actus inferiorum animarum prius noverentur, & ii ab animabus suis separari nequeant, manifestum utiq; est, alias animas etiam quoad essentiâ ante animam rationalem provenire. Aliter autem de anima rationali opinari non possumus, nisi eam à materia dependentem velimus as-

ferere. 2. Illorum autem sententia oppidò falsa est, qui statuunt animas inferiores à superiori corrumpi. Etenim subordinata non pugnant, at inferiora superioribus subordinantur. Et à qua causa inferiores animæ corrumpuntur? Ajunt à superiori. At qua id virtute facit, cum ei non repugnet, ut visum est, & nullibi alibi exemplum simile exstet? Sic forma misti admittit formas elementorum, & anima formas misti & elementorum. Inquiunt, quod illæ formæ rationem materiæ compleant. Repono illis, idem de animabus inferioribus iudicandum venire. Alii ajunt: perire inferiores animas ob dispositionem nobilioris materiæ. Sed male. Nam quia inferior anima eam dispositionem inducit, utique cum eadem persistere etiam potest. 3. Qui animam deum acquiri arbitrantur, cum anima rationalis infunditur, manifestè experientiæ obloquuntur. Operationes enim animarum inferiorum satis existentiam illarum comprobant. De Aristotelis sententia nihil dicam, quia ea tam evidens est, ut dubitari non possit. Ita solutæ exceptiones contra partibilem ortum. Non magis validæ sunt, quæ partibilem communicationem infringere videntur. Etenim suo loco probabimus falsum esse animam rationalem traduce propagari. Ac secundæ falsitatem tertium argumentum §. 26. adductum confutat. Quod de molis ajunt, absolum est, quandoquidem illæ vi seminis ex sanguine producuntur, unde in virginibus provenire nequeunt. Et quod de monstris ex hominis & bestię nefaria conjunctione oriundis afferunt, sine fundamento dicunt. Etenim nunquam anima à matre sola naturaliter procedit, & illi monstro animam rationalem assignare vix licet. Nam vi generationis provenire non potest. At infusionis divinæ pullum habemus promissum, nullum documentum, nullam causam.

§. XLVII. Tertium argumentum sumptum à virtute generandi homini non minus quam aliis viventibus tributa, nituntur imbecille reddere, quia nobilior hominis, quam aliorum ortus est. Sed frustra. Nam ita est nobilior, ut inferiorum ortui quid addat. Et sicut in homine genito virtutes vegetabiles & animales in homine elucet, ita similiter eadem in ortu concedi debent. Accedit virtus seminis humani, confimilis aliorum animalium seminali virtuti: item conformationis ratio, ut ostendamus cum de generatione agemus, & jam indicavimus in tractatu de semine.

§. XLVIII. Ad 4. respondent, pendere diversum illum appetitum à diverso intellectus judicio: Sed non sufficienter. Nam judicium

cum intellectus rationum evidentiam sequitur, & ita magis evidentibus apparentibus alterum cessat. Contra autem accidit. Nam quicquid ratio dicat, appetitus tamen sensitivus contra nititur, atque aliquando habenas superioris regentis rumpit & excutit, etiamsi nulla ratio subsit, quàm jucunditatis. Ideo ratio hæc tantum valuit apud multos Autores sententiam nostram tenentes, ut diversi eam solam allegaverint, atque inter Christianos quidam etiam Scripturæ dictis confirmare tentaverint. Verum ego Theologis Theologica libens relinquam, si patiantur & nos nostro sensu in Philosophicis & Medicis gaudere. Tantum de nobili hæc controversia.

§. XLIX. Tertia quæstio est: *Quot sint in homine anima?* Aliqui duas ponunt, unam materialem, aliam immaterialem. Illi munia vegetantis & sentientis tribuunt, hanc animam rationalem esse asserunt. Aliqui tres homini animas tribuunt, nempe animam vegetantem, sentientem & rationalem. Si Aristotelem consulamus, is posteriori sententiæ magis favet, ut ex locis allegatis abundè patet. Veruntamen nec prior improbabilis est. Etenim non improbabilis mihi videretur illa Stoicorum, Platoniorum, multorumque recentiorum Philosophorum sententia, animam quandam communem universo mundo, & singulis ejus partibus tributam esse, à qua vegetativum & sensitivum esse procedat. Alienum à præsentis loco est illam quæstionem debitè enodare, proinde arbitror, ita hoc loco posse utramque sententiam conciliari. Nimirum vel tres esse animas realiter distinctas, ut vidimus secundum Aristotelem: vel duas esse animas realiter distinctas, at illarum inferiorem gradum vegetativum & sensitivum obtinere, sic ut hi duo distinctè proponantur, sicut & nos faciemus in posterioribus.

§. L. Quarta quæstio est: *An anima vegetativa & sensitiva in homine sit forma generica, an specifica?* Eorum aliqui, qui nobiscum plures animas in homine ponunt, dissentiunt à nobis, in ratione propria animarum inferiorum. Illi enim existimant, animam vegetativam esse formam genericam, qua homo fiat vivum, adeo ut ea anima eodem modo, & eadem propria essentia sit etiam in plantis omnibus: & ita animam sentientem tribuere esse animalis genericæ, ita ut omnia bruta eandem essentiam participent. Adducuntur ut hoc credant 1. verbis Aristot. l. 2. de generat. animal. c. 3: ubi ait: *Non simul sis animal & homo: nec simul animal & equus*: quæ verba si cum superioribus conferantur, videntur insinuare, præter formam specificam equi inveniri formam

nam communem animalis, & ideo, id quo homo fit animal, nempe animam sensitivam, esse communem homini & equo. 2. Ratiocinatione desumpta ab univocatione generis. Quippe illa debet salvari in aliquo, quod commune est omnibus speciebus, & iis solis, ac quidem æqualiter. Verum id optimè explicari potest, si formæ genericæ ponantur. 3. Ratiocinatione desumpta ab accidentium diversitate, hoc modo: Inveniuntur accidentia, quæ per se primo formis genericis, & non specificis insunt, ergo forma generica differt à specifica. Ratio consequentiæ est evidens: quia si forma generica & specifica foret eadem, quod uni primò conveniret, eâdem ratione competeret & alteri. Antecedens similiter probatur ex inductione: sic sensus per se primo convenit formæ animalis, non equi aut hominis &c. 4. Ratiocinatione ducente contrariam sententiam ad absurdum hoc modo: Omne quod inest homini quâ est animal, inest eidem secundum quod est animal, & consequenter omni animali: sed negatis formis genericis omne quod inest homini per formam specificam, quâ est tale animal, inest homini, quâ est animal. Ergo omne quod inest homini per formam specificæ naturæ, quâ est tale animal, inest homini secundum quod est animal, & per consequens omni animali. Ecce quàm absurda conclusio sequatur ex negatione formarum genericarum.

5. L I. Contraria tamen sententia veritati & Philosophiæ Aristotelis magis consentanea est, quæ statuit animam vegetativam, & sensitivam esse naturæ determinatæ specificæ, atque adeò quod anima vegetativa non tribuat homini esse vegetativum in communi solum, sed esse vegetativum humanum: & sic anima sensitiva non esse animalis commune, sed proprium seu humanum. Ratio hujus sententiæ adduci potest, tum Metaphysica, tum Physica. Metaphysica ex conditione universalium, nempe quod ea non existant à parte rei, sed fiant operatione intellectus præcisiuâ, quâ à similibus individuis primum ratio speciei, & à speciebus ratio generis abstrahitur, nunquam autem ab individuis ratio generis. Darentur enim tum immediatè individua generica, quod hætenus Philosophi nunquam approbârunt. Ratio Physica ea est, quod illæ animæ in homine non genericam, sed specificam rationem obeunt. Ita enim nutritiva anima non nutrit hominem genericè, sed specificè, ex alimento homini proprio, & coctione illi soli conveniente, ideoque specificam & propriam structuram organorum habet. Idem de facultate generante dici potest. Semen enim humanum determinatæ rationis est,

est, & causa humani viventis, non viventis in genere. Et idem de anima sensitiva dici potest. Accedit hoc: quandoquidem anima vegetativa hominis determinatam rationem materiae complet respectu animae sentientis, & hæc respectu animae rationalis, quod specificæ naturæ non communis sit: nam hæc indifferens ad quamcumque speciem est.

§. LII. Argumenta contraria ita solvo. Ad 1. sumptum ab autoritate Aristotelis respondeo, rectissime ab eo dictum, non simul hominem fieri animal & hominem: quia prius inducitur anima sensitiva, dehinc rationalis. Quanquam enim anima sensitiva tribuit esse humanum, tamen illud tribuit ultimò & perfectè, sed tantum inchoativè atque adeo esse animale humanum tantum, non proprium esse humanum. Quod autem subjungitur, non simul hominè fieri animal & equum, iudico intelligendum esse, quia actionum generis & speciei evidentem distinctionem, seu diversum radicationis formæ modum respectu operationum. Vel quod mihi videtur probabilius, quoniam Philosophus genericæ animæ nunquam faver, quod in textu aliquod leve erratum irripserit: ita pro eo, quod legitur: *ὅτι γὰρ ἄμα γίνεται ζῶον καὶ ἄνθρωπος, ἔδδὲ ζῶον καὶ ἵππον*, i. e. non enim simul animal fit & homo: nec simul animal & equus: legendum sic: *ὅτι γὰρ ἄμα γίνεται ζῶον καὶ ἄνθρωπος, ἔδδὲ ζῶον καὶ ἵππον*. i. e. non enim simul animal fit, & homo: nec simul vivum & equus. Nam in solo accentu variatio est, & ita Aristotelis doctrinæ evadit dictio consentiens.

§. LIII. Ad 2. rationem dico: optimè univocationem specierum & generum salvari posse, etiam citra admissionem formarum genericarum. Nam ea non consistit in aliquo reali existenti communi, & distincto ab inferioribus, sed in aliquo communi secundum rationem. Ac id evidens est. Nam si id commune esset realiter ab inferiori distinctum, non posset de eodem prædicari identicè & essentialiter. Ac ratio substantiæ finitæ prædicatur de spiritu creato & corpore univocè, neutriquam tamen dependet à forma genericâ, qua quid substantia sit. Sic ratio corporis prædicatur univocè de simplici & misto, & neutriquam admittitur forma generalis qua quid corpus est. Ad 3. dico: universalis accidentia secundum rem non dari, sed singularia tantum, ideoque nec secundum universalitatem inexistere universalibus substantiis: sed fundari eum prædicandi modum in modo concipiendi nostro. Sic ergo sensus in communi tribuitur sentienti in communi, seu animæ sentienti abstractè.

abstractè sumpto, idque secundum eam concipiendi rationem primo. At secundum realem existentiam, sensus in communi non datur, sed particularis solum, ut sensus hominis, equi, canis &c. qui suis speciebus secundum individua divisus inest. Ad 4. eadem responsio aptari potest, quod confundat modum concipiendi & prædicandi, cum modo existendi. Sic ergò formaliter & modo concipiendi discrepant, quæ de homine prædicantur ut animal, vel ut homo est: sed realiter in singularibus identificantur. Dehinc largiar etiam, posse inveniri realia fundamenta diversa quandoquæ, ob quæ istæ prædicationes sic variantur, neutiquam tamen ostendi poterit, esse illud à formarum genericarum & specificarum diversitate petendum. Omnis enim ratio formæ specifica est, quemadmodum ex definitione & conditionibus ejus liquet, quæ ab Arist. I. 2. Phys. c. 3. afferuntur.

CAPUT XXII.

De facultatum & operationum animæ in genere, & in specie humanæ natura & varietate.

§. I. **C**OGNITA naturâ animæ, ad facultatum naturam investigandam procedimus. Hic in principio quæstio solvenda venit: *quid sit facultas animæ?* In genere dicimus: *facultas animæ est id, quo animæ operationes sibi competentes primo edit.* Dicimus *facultas animæ est id*, genere nullo entis expresso, quia maximè in controversia est, ad quod genus pertineat, nempe an eadem sit realiter cum animâ, & consequenter ad prædicamentum substantiæ referenda: an in secunda specie qualitatis locetur, de qua quæstione postea. Adidimus, *quo animæ operationes edit: anima mentionem facimus*, quia ea principalis & originalis functionum seu operationum causa est. Licet enim actiones suppositorum esse dicantur, eo ipso tamen non negatur, quod ab alterutra compositi parte primario deriventur. Utimur verbo, *edit operationes*, ut insinuemus distinctionem illam, ab anima procedere duobus modis aliquid, nempe vel per emanationem, vel per veram efficientiam: atq; quod facultas animæ dicatur, à quâ operationes per veram efficientiam procedunt. Et si animi illâ distinctionem causæ efficientis non probo: tamè ambiguitatis vitandæ causâ hoc verbo utimur. Ultimò subjungimus illud verbum *primo*, propter temperamen-

ramentum & aliam organicam partim dispositionem, quæ etiam ad operationem requiruntur.

§. II. Antequam verò ulterius procedamus, notandum est facultatem animæ bifariam accipi, nempe vel incomplexè, pro facultate seu potentia prima hoc modo, quemadmodum naturam ejus expressimus, vel complexè, quæ vocatur facultas seu potentia secunda, atq; sumitur non solum pro virtute operandi animæ, sed insuper pro habitudine organica partium, quæ cum anima organice operatur, in organo necessariò requiritur. Benè hæc distinctio notanda est, nam respectu ejusdem contradictoria de eadem animæ facultate visiva vera sunt. Sic v. g. potentia visiva oculo deperdito potest dici periisse & non periisse. Non enim periit, si primo modo capiat: at periit, si sumatur modo secundo.

§. III. Nos sic facultatem animæ accipimus, prout eam descripsimus: ac sic nunc ulterius quærimus: quid differat ab anima? Duplex præcipuè sententia in Scholis Philosophorum viget, altera quæ realem facultatum ab anima distinctionem urget, altera quæ sustinet, facultates animæ ab anima distingui ratione ratiocinata. Nos antequam nostram opinionem statuamus, notamus, duplici modo posse quæstionem intelligi: 1. De facultatibus, respectu animæ cui primò conveniunt, ut de facultatibus respectu animæ vegetativæ. 2. De facultatibus respectu alterius animæ, ut de facultatibus vegetativis respectu animæ sentientis & rationalis. His determinatis sequentes conclusiones formo. 1. *Facultates relatæ ad animam alterius rationis differunt realiter.* Probo hoc evidentissimè. Animæ diversæ rationis differunt realiter. Ergo & facultates unius differunt ab anima alterius rationis realiter. Sicut enim subiectū differt à subiecto: ita id quod uni subiecto inest ab altero subiecto. Antecedens autè priori capite ostensum est, ubi refutavimus illorum Autorum opinionem, qui statuunt, animam superioris generis includere animam inferioris generis, & eam continere virtutibus & eminenter. Posuimus verò hanc conclusionem, quod advertimus, Autores quosdam ut probent facultates differre realiter per se ipsas committere, & facultates cum aliena non sua propriaque anima conjungere.

§. IV. Conclusio 2. sit. *Facultates animæ propria non differunt ab anima realiter.* Hoc ita probo. 1. Quia materiales actiones ab iis prodeuntes obeuntur per idem instrumentum originale, & inter se realiter non dif-

crepant. Ergo probabile est, quod neque ab anima realiter discernantur. Consequentia probatur: quia si ipsæ facultates inter se non differant realiter, nec videntur ab anima realiter discrepare. Ea enim præcipua ab adversariis ratio ponitur. At quod facultates inter se non differant realiter, probabiliter colligo ex instrumento originali eodem. Sic enim anima sensitiva spiritu animali: vegetativa autem spiritu vitali utitur. Alia documenta in specie afferemus circa species animarum.

2. Improbabile est; quod uniforme essentia est, esse difforme & multiplex respectu realium accidentium. At vero anima omnis essentia uniformis est.

3. Origo quoque earum facultatum ægrè explicari potest, ut exposuimus lib. 6. Instit. Phys. cap. 1. theor. 23. §. 2. Accedit

4. ratio, quod nulla sit necessitas ponendi distinctionem realem facultatum. Nam si aliqua foret necessitas, illa ab adversam opinionem defendentibus insinuaretur, quod non fit, ut ostendere nitimur.

§. V. Utuntur ergo Thomistæ & qui eos sequuntur, his præcipuè argumentis.

1. Anima & facultates differunt prædicamentis. Ergo realiter. Antecedens probatur: quia facultates sunt in secunda specie qualitatis.

2. Potentiæ inter se differunt realiter. Ergo etiam ab anima. Consequentia probatur: quia quæ sunt eadem uni tertio indivisibili, eadem sunt inter se. Antecedens autem probatur exemplo facultatis auditivæ & visivæ, quarum una potest perire, altera superflite: & dehinc exemplo facultatis sensitivæ principis, & appetitus, & potentiæ motivæ, quarum una alteram movet.

3. Potentia & actus sunt in eodem genere. Sed actus illarum potentialium sunt accidentia. Ergo etiam potentiæ.

4. Prout differunt esse & operari, ita essentia & potentia itidem differunt. Sed esse & operari differunt realiter. Major probatur, quia diversorum actuum diversa principia, cum actus proportionati sunt suis principiis. Minor ostenditur: quia esse pertinet ad prædicamentum substantiæ: sed operari ad prædicamentum actionis.

5. Ut differt in anima esse à posse, ita essentia à potentia. At esse à posse differt in anima realiter, quia ubi anima dat esse, non necessario dat posse operari. Ergo.

6. Actus perfectior est potentia. At actus non est perfectior anima. Ergo anima non est ipsa potentia seu facultas.

7. Si potentiæ animæ essent ipsa anima, sequeretur quod habens animam semper actu operaretur. Consequens absurdum. Ergo & antecedens. Probatur consequentia: quia quod habet animam, actu vivit: ita quod habet potentiam operandi actu, illud etiam actu operatur.

ratur. 8. Anima omnis est actus corporis organici. At non omnis potentia est actus corporis organici, ut patet de intellectu. Ergo. 9. Nullum simplex potest esse immediatum principium operationum diversarum. Anima autem est quid simplex. Ergo. 10. Omne accidens variabile inest subiecto mediante accidente invariabili. Sed operationes animæ sunt accidentia separabilia. Ergo non inest animæ nisi interuentu facultatum, tanquam accidentium invariabilium.

§. VI. Ad has rationes ordine respondeo. Ad 1. negando facultates seu potentias animæ esse in prædicamento qualitatis, ejusque secunda specie. Nam eæ solum potentia sunt in ea, quæ sunt aptitudines agendi, non autem eæ, quæ sunt prima actionum principia, quemadmodum facultates. Hæ enim identificantur cum forma, quæ secundum suam essentiam est principium agendi. Sicut enim materia secundum suam essentiam est principium patiendi: ita forma se habet modo opposito. Ad 2. nego, potentias differre realiter. Ad probationem dico primum exemplum esse alienum, quia confundit facultatem abstractè & concretè sumptam. Nam abstractè si sumatur facultas, eadem est potentia videndi & audiendi realiter, non item si sumatur concretè ob organi diversitatem. Ad alterum respondeo, esse ordinem actuum, qui ab anima procedunt, respectu quorum una facultas dicitur alteram improprie movere, non autem proprie loquendo unam facultatem movere alteram. Explicabitur hoc posterius suo loco. Ad 3. non esse universale illud axioma, omnem potentiam & actum esse in eodem genere: sed solum de ea potentia, quæ actum antecedit, & ab eo solum tempore differt: non verò de potentia, quæ operandi principium est. Ad 4. Negando majorem: quia non necesse est, ut inter essentiam & operationem intercedat reale medium distinctum ab utroque. Atque in probatione id falsò quoque accipitur, quod essentia sic sit principium & esse, sicuti potentia & operari. Nam potentia operandi ab operari differt realiter, non item essentia ab esse. Ad 5. Majorem limito: Ut differt in anima esse & posse operari: scilicet, quantum est respectu animæ aut corporis, itidem ad actionem requisiti: sic eodem respectu essentia & potentia. At nunc esse & posse operari respectu ipsius animæ in se non differunt realiter, quia anima per se ipsam potens est ad operandum: ex parte autem differt realiter in respectu ad corpus, in quo habitudo organica itidem postulatur, si operatio fieri debeat. Et sic essentia & potentia itidem differunt, Ad 6.

accommodari potest eadem distinctio, quæ ad tertiam. Nimirum potentia includens actum est nobilior actu secundo, quia ab eo procedit: sed potentia excludens actum est inferior suo actu, ad quem ordinatur. Ad 7. negatur consequentia, quia ad id, ut anima actu operetur, requiritur non solum actualis existentia potentiæ, verum insuper bona & comoda habitudo organi, & alia requisita. Ad 8. quemadmodum anima est actus corporis organici, ita realiter etiam sua potentia. Et quemadmodum in anima rationali id locum habeat, suo loco postea ostendetur. Ad 9. Major non simpliciter vera est, & præterea anima per organum & objectum ad diversas actiones determinatur. Ad 10. major falsa est. Æquè enim invariabilis est ipsa potentia, ut anima, & proinde æque multum ab operationibus distans.

§. VII. Conclusio 3. sit: *Potentia animæ ab ipsa & inter se differunt formaliter.* Patet ex diverso loquendi de utriusque modo. Nam anima una plures dicitur obtinere facultates, & anima solet referri ad materiam & totum, sed facultates ad operationes. Ac similiter facultates non dicuntur adæquatè universam rationem essentiæ animæ, sed partem tantum ejus, ut ita improprie loquamur. Apparebit id clarius, cum singulas facultates seorsum videbimus. Saltem ex hoc nunc apparet: *quid sit essentialiter facultas animæ?* Nimirum quid essentiæ animæ, quatenus ut operativa concipitur. Similiter: *quod sit subiectum facultatum?* Nimirum: si abstractè sumantur, anima; si concretè, totum animatum ex anima & corpore constitutum. Itemque: *An anima corpori communicet proprietates?* Quandoquidem anima distinctam essentiam à corpore retinet, & facultates ejus similiter, patet quod illa communicatio fictitia sit, nulloque modo concedenda. Toti autem omnino & anima & corpus suas proprietates ita communicant, ut inde denominetur verè eas habere, quia ejus essentiam partes complent.

§. VIII. Porro queritur: *Vnde sumatur facultatum distinctio?* Quandoquidem facultates neque ab anima neque inter se realiter discrepant, sed solum quoad nos diversæ dicuntur, liquet, quod si de facultatibus determinatè respectu sui proprii subiecti loquamur, eæ optimè discernantur per actus, & hi per objecta. Sic nempe, ut facultates formaliter diversæ habeantur, quæ circa actus formaliter diversos occupantur, & actus formaliter diversi, qui circa objecta formaliter diversa versantur. Sin autem qui arbitrentur, facultates realiter, aut à naturâ rei distingui, illi dicere possunt, duplex esse distinctionis funda-

men-

mentum, alterum à priori & essentiali: alterum à posteriori, extressentiali, & manifestativum. Illud est ipsa facultatum intrinseca & essentialis ratio. Nam à quo quid habet ut sit, ab eo etiam habet, ut essentialiter distinguatur. Posterius autem sunt immediate actus & mediatè objecta. Ac hoc modo intelligendus venit Aristor. quando l. 2. de anim. cap. 4. t. 33. docet actus priores esse potentiis, & objecta priora actibus: scilicet non secundum se & à parte rei: verum respectu nostri, & quoad ordinem cognitionis originalis. Cæterum quoniam antea docuimus, animas diversas esse, nec posse inferiorem in superiori contineri, liquet facultates diversarum animarum diversas esse etiam à priori, respectu diversitatis essentialis animarum.

§. IX. Hinc patet, quid dicendum sit ad alteram quæstionem, quâ quæritur, *quot sint facultates?* Nempe prima divisione tot, quot sunt animæ diversæ: nimirum triplices: vegetabiles, sensitivæ, & intellectivæ: at divisione secunda eæ sic discernuntur, prout actus formales variant: eaque de causa vegetabiles sunt tres, nutritiva, augmentativa, & generativa: animales dehinc cognitiva, appetitiva, & locomotiva: intellectivæ denique intellectus, voluntas, & executiva rationalis. Communiter tamen docent in genere esse quinque facultates animæ, vegetativam, sensitivam, appetitivam, locomotivam, & intellectivam. Verum prior ratio accuratior & evidentior est.

§. X. A facultate procedit *operatio* seu *functio*, sed tamen non solitariè, nisi sit facultas animæ rationalis, sed conspirante ratione organi. Neque hic quicquam difficilis, solum notandum, quod in organo soleat distingui *operatio*, seu *functio*, & *usus*. Nam functio est vera actio à facultate per organum peracta: usus autem, est habitudo quædam partis vel organi passiva, quæ ad aliquid utile seu commodum est.

§. IX. Hisce de facultatibus animæ in genere propositis, facile liquet, quid de facultatibus animæ humanæ statuere debeamus. Nimirum ostendimus in priori capite animam vegetativam, sensitivam & rationalem, seu animam tam materiale, quam immateriale in homine reperiri, inde ergo consequens est, facultates quoque illarum animarum in eodem reperiri, neque opus esse alia distinctione. Verum quia Medici aliam facultatum animæ humanæ divisionem communiter usurpant, & eam contra Philosophos urgent, operæ pretium erit, il-

lorum sententiam intelligere, & examinare, ut cognoscamus an hæcenus posita principia satis valida sint, an à Philosophorum & Aristot. castris ad Medicorum & Galeni castra transire necessum habeamus.

§. X. Gal. itaque sicuti in homine tres animas, ita etiam tres facultates generales constituit, nempe *naturalem*, *vitalē*, & *rationantem* seu discursu utentem. *Naturalis facultas*, dicitur etiam *concupiscens*, & Græcis τὸ ἐπιθυμητικὸν τῆς ψυχῆς μέρος, *concupiscens anima pars*, eademque est, quàm *vegetativam* Aristoteles vocat. Eam in hepate præcipuè residere Gal. existimat. *Vitalis facultas*, dicitur etiam *irascibilis*, & Græcis τὸ θυμοειδὲς τῆς ψυχῆς μέρος, *irascibilis anima pars*. Hujus Aristoteles mentionem nullam facit, Galenus autem in corde eam residere iudicavit, & spiritus vitalis generationi præficit, dehinc respirandi & pulsandi vim ab eadem derivat. *Rationans facultas*, Græcè appellatur τὸ διανοητικὸν seu λογιστικὸν τῆς ψυχῆς μέρος, *rationans anima pars*. Hanc in cerebro locat, & eadem est, quàm cum Aristotele *animalem* appellare solemus.

§. XIII. In his Medici Galenum sequuntur, atque adeo ab Arist. & Philosopho abeunt, 1. quod diversis animæ partibus seu facultatibus diversas humani corporis partes assignent, in quibus præcipuè aut solitarie resideant, cum Philosophi statuunt omnes in corde radicari, ac aliis partibus ab eo communicari. 2. quod aliis nominibus utantur, dum vegetativam facultatem naturalem, atq; animalem rationantem vocant. 3. quod vitalem facultatem adjiciant Philosophis secundum Aristotelem incognitam.

§. XIV. Quod 1. concernit, Medici id hoc modo in genere confirmare possunt. 1. Facultates primario resident in iis partibus, per quas primario operationes suas edunt. At per diversas partes operationes suas edunt. Ergo, 2. Facultates sibi repugnantes non resident in eadem parte, sed recensitæ sunt repugnantes, ut apparet ex pugna appetitus singulis facultatibus proprii: sic facultas rationans sæpè adversatur naturali, dum suadet edendum aut bibendum esse, cum hæc refugit, aut contra dissuadet, cum hæc appetit. Neque minus eadem rationans facultas repugnat irascibili. Et si enim ea rationanti tanquam auxiliarius miles Imperatori attribuitur, nec iracundia movetur, nisi ratio injuriam factam esse intellexerit, tamen ut miles incitatus sæpè ulterius progreditur, quàm placeat Imperatori, & ea facit, quæ rationi adversantur, ut lib. 5. de plac. Hipp. & Plat. c. 7. & l. 6. c. 4. notat Gal.

Unde .

Unde consequitur has facultates in diversis partibus residere. 3. Laborantibus facultatibus aliis atque aliis partibus remedia adhibemus. Ergo ea in diversis partibus resident.

§. XV. Quod 2. concernit, quandoquidem de nominibus litigare necessum non est, & ipsorum nomina ante Arist. fuerunt in usu, citra probationem prætermittunt. Tertium autem confirmant, ex propria functione facultatis vitalis, quæ indigitata fuit, ex peculiari fine, quæ ex actione illius facultatis fluit. Inservit enim facultas vitalis spiritus vitalis distributioni, & calidi nativi ventilationi, ac conservationi vitæ. His addunt argumentum petatum à separatione possibili & actuali in diversis facultatis vitalis à naturali, & animalis à vitali. Nam vitalis in animalibus perfectioribus tantum reperitur, & in iisdem in Apoplexia corrupta facultate animali remanet aliquamdiu vitalis. Immo exempla quædam referunt, vitali destructa, animale aliquamdiu fuisse superstitem.

§. XVI. Ad hæc aliqua notanda sunt. Quoad 1. ægerrimè posse à Medicis explicari, qua ratione animæ tres diversæ in diversis partibus residentes, ex quo fundamento ea de facultatum divisione & in diversis partibus existentia originem habet, uniantur in unam formam, & quomodo totum sit unum ens per se. Neque enim dicere possunt, inferiorem ad superiorem ordinari ut materialem conditionem, quia non in uno, sed in diversis locis eas collocant. Quod si autem in una aliqua parte originariè conjunguntur, utique in eodem & facultates radicanatur. Atque eam partem cor esse in doctrina de corde & cerebro probavimus, & si quid omisissum sit, in posterioribus notabitur. Ad argumenta itaque dicimus: ad 1. quidem, quod verum sit, per diversas partes functiones earum facultatum obiri, verum non primario & originariè, sed dependenter & manifestativè tantum, ut apparebit ex sequentibus & dictum jam fuit locis citatis. Ad 2. pugnam illam arguere quidem diversitatem animæ, non autem locorum, & pugnam quidem tantum animæ materialis & immaterialis, quæ cum dissentiant, una ab organo dependenter, altera independenter ab eodè agit. Ad 3. ideo diversis partibus remedia adhiberi, quia functiones per diversa organa manifestantur. Nihilominus in una radicanatur. Videantur quæ de corde & cerebro agentes notavimus.

§. XVII. Quod 2. concernit, nos de nominibus non sumus difficiles: Ac concedimus facultatem vegetativam sæpius naturalem à veteribus appell-

appellari: verum illi putarunt vegetativum non procedere ab anima, sed à solâ naturâ. Quare cum hoc ipsi non statuunt, potius cum Aristotele nominibus propriis uti debebant. Sed hoc leve est. Illud potius urgemus, quod animalem & rationalem facultatem, & animam sensitivam & rationalem confundant, dum sub *διανουμένη* utramque animam & facultatem comprehendunt. Ut illud taceam, dum pugnam appetituum recensent, distinguere illos appetituum sensitivum & rationalem, ac cognitionem hic malè confundere.

§. XVI. Quod 3. attinet, judicamus facultatem vitalem à vegetativa non distingui in animalibus perfectis, sed in iisdem perfectiori modo obiri. Neque aliud argumenta opposita suadent. Nam operationes nullæ diversæ sunt, vitalis enim destinata est concoctioni alimenti ultimi, quam adjuvat respiratio, & absolvit pulsus, cum faciat ad alimenti distributionem. Inde nec diversum à vegetativa facultate finem habet: Ac quanquam nobilius habet subjectum vitalis, quàm vegetativa plantarum, tamen in eodem non alia vegetativa, quam vitalis facultas est. Ac animale aliquando quoad manifestationem prius deficere, nobis non repugnat, verum omnino id fieri, atque etiam inveniri animalem sine vitali suis locis refutatnm à nobis est.

CAPUT XXIII.

De animâ, facultate, & operatione vegetativâ in genere, & humana in specie.

§. I. **H**is suppositis rectâ nunc ad partes seu gradus animarum, earumque facultates & operationes procedimus: & quidem ab anima vegetativa, ejusque facultatibus & operationibus ordimur, quia anima vegetativa generalissima omnium est, ac in quibus etiam aliæ animæ inveniuntur, illa iis substermitur. Ut autem ordinatè de eâ agamus, primum in genere quædam de eâ proferemus, deinde in specie ostendemus, quomodo se habeat in homine.

§. II. In genere videbimus 1. *quid anima vegetativa sit?* 2. *quid tribuat vivere?* Ubi de vita & morte aliqua afferentur. 3. *Quibus partibus insit, & quomodo?* 4. *Quas obineat facultates?* 5. *Quomodo facultates eæ inter se conveniant, & ab invicem differant?* 6. *De singulis facultatibus in specie, nempe de nutritiva, augmentativa & generativa.* In specie item tractabimus,

I. *que*

1. *Qua sit natura anima vegetativa humana?* 2. *In qua parte radiceatur?* 3. *Quæ sit ratio particularis facultatum singularum in homine?*

§. III. Quando quærimus, *quid anima vegetativa sit*, non quærimus id in genere, quandoquidem cap. 21. notavimus, esse eam *principium radicale primum*, quo vivimus, id est *nutriendi, augescendi, & generandi facultate possemus*; sed in specie, *an nomen anima vegetativa dicat aliquam formam specificam, an naturam genericam?* Quidam opinantur, formam specificam designari voce animæ vegetativæ: Sed hoc simpliciter admitti non potest. Nam si formam specificam dicat, non potest esse pluribus speciebus communis. At anima vegetativa non solum plantis, animalibus, & hominibus communis est: verum in plantis ipsis in varias species digeritur. At inquirunt: anima cum dividitur in animam vegetativam, sensitivam & rationalem, dividitur in species: sed meminisse debent, non omnem divisionem specificam esse in species ultimas, seu specificas, verum aliquas fieri in species subordinatas seu subalternas. Alii ergo putarunt animæ vegetativæ nomen importare formam genericam. Cæterum nec hoc bene. Nam 1. Forma generica nulla datur, sed omnis specificæ naturæ est, ut in *Phys. Instit. l. 1. c. 1. cap. de formâ ostendi*. 2. Si anima vegetativa forma foret generica faceret genus: at genera non proximè existunt, sed inter ventu specierû, & in speciebus sunt, sicut hæc in individuis. Ergo dicendum restat, *animam vegetativam* considerari posse vel *formaliter*, seu *præcisivè*, seu in *altu signato*, ut loquuntur, & sic dicit *naturam genericam præcisam à singulis animalibus vegetativis*; quippe nullam determinatè designat: vel *materialiter* seu *restrictivè*, & in *altu exercito*, & sic denotat inferiores animas vegetativas omnes specificas & individuales sed indistinctè seu *confusè*. Atque hoc difficultatem nullam involvit.

§. IV. Secundum in se non involvit magnam difficultatem, sed à nobis idèd proponitur, ut quid vita, & mors esset, commodè possemus declarare. Itaque dicimus *causatum anima vegetativæ* esse vel *proximum, primum & formale*, nempe *ipsum esse vegetativum* seu *vitale*, quod uno nomine *vitam* appellamus: vel *remotum, secundarium, & effectivum*, nempe *actiones vitales*, seu à vitâ prodeuntes, quas nuncupant quidam *vitam accidentalem*. De his postèrius agemus, nunc quædam de primo afferemus, quod antequam faciamus, notandum est, quod quando esse vegetativum ab animâ deducimus, intelligamus primariò esse ab animâ, quandoquidem etiam corpus ad esse vegetativum facit, ut ut secundariò & materialiter.

D d d d

§. V. *Esse*

§. V. Esse vegetativum vitam esse diximus, id quomodo verum sit, ostendendum est. Observandum igitur est, *vitam vel generaliter referri ad omnem animam, vel specialiter restringi ad animam vegetantem*. Generali modo vitam accepit Aristot. lib. 2. de anim. cap. 2. t. 13. cum ait: dici vivere seu vitam habere, cui horum aliquod inest, ut intellectus, & sensus, & motus, & status secundum locum, insuper motus secundum alimentum, & augmentum, & decrementum. Hoc sensu itidem *vita*, sicut anima dividitur, ut alia *vita* dicatur *vegetativa*, alia *sensitiva* seu *animalis*, alia *rationalis*. Imò Metaphysici nomen vitæ ulterius etiam extendunt, & *vitam intellectivam* intelligentiis, & Deo tribuunt. Hoc modo vitam hic non capimus, cum esse vegetativum vitam esse dicimus, sed prout ad animam vegetantem restringitur. Verum hoc modo rursus variè vita capitur: 1. *Pro operatione animæ vegetativæ per corpus*, ut apud Aristot. lib. 2. de anim. cap. 1. text. 3. vitam dicimus *altionem*, *augmentationem*, & *diminutionem*. 2. *Pro animæ vegetantis in calido mora*, seu *permanfione*, ut idem sumit lib. de vit. & mort. cap. 13. dum inquit: generationem esse primam animæ vegetantis participationem cum calore, ejusque mansionem vitam. 3. *Pro ipsa animæ substantia*, quam *substantialem vitam* plurimi appellant. 4. *Pro conjunctione animæ vegetantis cum corpore*, ut ex 8. Metaphys. c. ult. liquet. 5. Denique *Pro ipsa essentia viventis*, prout ab anima derivatur. Sic lib. 2. de anim. cap. 4. text. 37. dicitur, quod vivere sit ipsum esse (τὸ εἶναι) viventibus, causa autem & principium ejus anima. Et hoc ultimo modo vitam accipimus, cum dicimus eam esse ipsum esse vegetabile seu vegetativum.

§. VI. Verum quandoquidem Aristoteles tam variè de vita locutus est, quaeritur ab Autoribus, *qua significatio vitæ propria sit*, seu, *quomodo vita sit definienda*. Judico hoc ipsum sumendum esse ex communi loquendi consuetudine, & significatione oppositi seu mortis. Ergo quidem hinc constat. 1. Vitam ipsam operationem non esse. Etenim etiam cessante operatione, modo anima corpori unita maneat, vitam habere aliquid dicitur. Quando autem Aristoteles vitam pro operatione sumpsit, intelligendum id est manifestativè, seu significativè, ac quoad nos, Maximè enim vitam ex operatione cognoscimus. 2. Neque ipsa anima propriè vita est. Nam ipsa causa vitæ est, & ab ea dicitur vita oriri. Cum verò ipsa vita dicitur, locutio causalis censenda venit. 3. Valde probabile est, vitam esse propriè viventium essentiam existentem. Nam essentia est, quia vivere est viventibus τὸ εἶναι l. 2.

de

de anim. t. 37. & quidem *to' divai* distinctivum, quatenus per vitam corpora mista in animata & inanimata discernuntur, & per eandem viventia à non viventibus discernuntur, atque etiam constitutivum, quia eadem differentiae sunt constitutivae specierum, quae divivivae generum, & per idem per quod propriam obtinet essentiam discernitur ab omnibus aliis. Addidimus autem essentiam debere considerari ut existentem. Nam vitam non tribuere solemus entibus in potentia, sed entibus in actu seu existentibus, ut apparet ex morte, quae vitae opponitur, & viventibus obvenire potest. 4. Et si communiter vita sumi potest, etiam pro essentia existente animalium & hominum propria, tamen speciatim tribuitur plantis, animalibus, & hominibus, quatenus sunt vegetabilia, quia mors illis ante non obvenit, quam esse vegetativum tollitur. Et ideo lib. de vit. & mort. Aristoteles dixit vitam esse *permanfionem animae vegetantis in calido*, non quod ipsa permanfio ipsa vita sit, sed quod aliquid tam diu vitam habere dicimus, quamdiu anima vegetativa est calido unita.

§. VII. Hinc apparet facile, *quid mors sit*? Nempe *privatio essentiae viventium vitam consequens*. Privatio quidem. Non enim mors contrariè, aut disparatè, nec relativè, nec contradictoriè, sed privativè vitae opponitur: sed *privatio dicitur essentiae viventium*, quia viventia morte petunt: additur *vitam consequens*, ut distinguatur à privatione vitam antecedente, qualiter etiam privatio physicum principium dicitur. Alii mortem definiunt, quod sit separatio animae à corpore, quia mors contingit rupta unionem animae & corporis. Itaque causalis ea est, nostra magis formalis.

§. VIII. Dividi solet *mors in naturalem & violentam*. *Mors naturalis* vocatur non ratione subjecti, cui mors advenit; nam omnis mors sic ei praeternaturalis est: sed ratione causae, & ordinis secundum naturam procedentis, quatenus illa mors naturalis vocatur, quae fit causis nullo modo violenter viventia afficientibus secundum ordinarium internarum causarum operandi modum. Etenim mors naturalis vocatur, quae fit ab internis causis nullo modo praeter naturam ab externis causis affectis, & provenit siccitate à calore inducta, ut ipse amplius in vivente corpore permanere nequeat, sed cogatur recedere, & consequenter animae quoque unionem abrumpere, quandoquidem ea mediante calore viventi inest. Via ad mortem hanc ducens, dicitur *marcor*, & ad differentiam morbi *marcor naturalis*. *Mors praeternaturalis* seu violenta

lenta vocatur, quæ à causis externis indebitè viventia alterantibus provenit, quo id quocunque modo fiat, nempe vel accendendo nativum calidum, ut humidum radicale subito & celeriter consumat, & sic *marcore morbo* ad mortem procedat, vel educendo, extrahendo, dissipandoque nativum calidum, ut sit æstate & in calidioribus constitutionibus, imo quibusdam calidis acceptis, vel suffocando calidum insitum, ut contingit ab excrementis accumulatis, & impedità ventilatione, vel *contrarietate manifesta* aut occulta superando & perimendo illud calidum, ut sit à frigore vehementi & venenis.

§. IX. Divisionem illam mortis inculcavit Arist. lib. de respirat. ubi ait: *obitus alter naturalis, alter violentus est, ille infligitur, cum origo intrinsecus capitur, hic cum extrinsecus.* Et quod eadem contingat respectu infirmi calidi Hippocrates significavit, docens, quod *idem calor, qui nos gignit, nos corrumpit.* Atque hos Autores communiter Autores recentiores sequuntur, sicuti etiam in speciali declaratione causarum mortis. Nam c. 7. lib. de respir. Aristot. duas adducit, *marcorem* nempe, ex defectu alimenti, & *extinctionem* factam à contrario: sed tamen videntur eadem clarius proponi ad eum modum, quo nos fecimus §. præcedente, quanquam non nego posse aliquatenus ad recensitas illas duas causas revocari.

§. X. *Facultates animæ vegetantis* sunt vel *primariæ*, vel *ministrantes*, quarum hæc illis inserviunt, ut operationes suas efficiant. *Primariæ* respiciunt *conservationem* vel *individui*, vel *speciei.* *Conservationem* individui respiciunt *nutritiva* & *augmentativa*, quarum illa restitutione similis ex alimento substantiam conservat, hæc partes ad debitam magnitudinem deducit. *Conservationem speciei* procurat *virtus generativa*, qua genito aliquid simile secundum totum producit. *Ministrantes facultates* sunt quatuor, *attrahitrix*, *retentrix*, *concoctrix*, & *expultrix*, quarum rationes propriæ ex nominibus constant, atque ex particulari principum facultatum declaratione magis fiet manifestum.

§. XI. Sumitur hæc facultatum divisio ex Arist. l. 2. de anim. c. 4. & Gal. lib. 1. de natural. facult. & probatur ex sufficientia respectu finis, & diversitate operationum peculiarium & objecti formalis, ut indeo à plerisque Medicis & Philosophis probetur. Attamen sunt, qui maxime *facultatum ministrantium* numerum augere voluerunt, addentes prioribus *fecernentem*, *distribuentem*, *dilatantem*, *unientem*, *naturalem appetentem*, & *formantem*, quia nempe singulis istis propriæ conveniunt opera-

pera-

perationes, à quibus facultatum diversitas sumitur, & una istarum virtutum lædi potest altera illæsa. Verum nulla causa cogit nos, ut à communi sententia recedamus. Nam *secretio* non est operatio quædam per se, verum sequitur operationem alterius facultatis. Etenim duplex est, *secundum substantiam & secundum locum*. *Secretio secundum substantiam* fit à coquente facultate, quatenus per eam homogenea congregantur & heterogenea disgregantur: *Secretio secundum locum* autem, nisi simul fiat à coëctrice facultate, fit ab attrahente & expultrice, vel retentrice & expultrice, quatenus utile seu homogeneum attrahit, & retinet, verum inutile seu heterogeneum segregat seu expellit. *Distributio* item attractione vel expulsionem peragitur, expulsionem scilicet ex parte in qua coëctio facta est, non ex vivente, quæ solis excrementis competit. *Unio* quoque non fit à propria quadam facultate, sed dum attrahitur aut pellitur aliquid ad convenientem locum, & in eo retinetur habitudine propria alimenti consimilis facti unio fit. *Potorum* dehinc *dilatatio* itidem à nulla primaria facultate derivatur, verum pendet ab alimenti additione, & caloris naturali actione. Ac sicuti *naturalis appetitus* in nullis aliis corporibus à potentia vitali dependet, ita quoque in genere in nutritivis à tali derivandus non est. Secus tamen in speciali viventium consideratione se res habet, in quibus appetitus alimenti animalis est. Denique *formans facultas* ipsa generans aut nutrienda est, atque ideo numerum facultatum non auget. Hinc apparet argumentorum contrariorum debilitas. Falsum enim est alias actiones primo formaliter diversas, & quarum una lædatur altera salva reperiri præter eas, quæ à facultatibus communiter nominatis dependent.

§. XII. His adversam alii sententiam tenent, qui putant pauciores dari facultates ministrantes, imò nullas; qui item negant nutritivam, augmentativam & generativam esse animæ facultates. Nam quod attinet *facultatem concoëctricem*, eam putant actionem prorsus naturalem esse, nullaque ratione proficisci ab animæ facultate, unde Aristor. lib. 4. meteor. docet eam in mistis etiam vigere. Dehinc *facultatem attrahentem* censent supervacaneam esse; quia vel à calore resolvente vicina proficisci potest attractio, vel à sympathia occulta, qualis itidem in inanimitatis invenitur, vel citra attractionem in halitum versum alimentum ad partes devenit. *Facultatem retentricem* eadem ratione licet impugnare, quia sicut retentio ab attractione non differt, ita nec retentrix facultas ab attrahente. Denique *facultas expultrix* ab iisdem Au-

toribus ad frigus reducitur, quatenus compressione heterogenea se-
jungit.

§. XIII. Facit mentionem hujus sententiæ Gal. lib. 1. de natu-
ral. facult. & ante eum Aristotel. lib. 2. de anim. cap. 4. text. 40. &
text. 41. *ἐν τῇ ψυχῇ* suam addit, inquilens: *ignis concausa quidem quodammodo est, non tamen simpliciter causa, sed magis anima.* Proinde prætermittere
hanc opinionem possemus, nisi recentiores quidam eundem errorem
revocarent. Contra eos ergo statuendum est. 1. Facultatem nutriti-
vam, augmentativam, & generativam pendere ab animâ principaliter,
quia opera illarum facultatum ob effecti nobilitatem & varietatem etiam non potest ab igne solo, aut formâ misti proficisci. 2. Instru-
mentum istarum facultatum calorem esse, quia calor inter omnes qua-
litates nobilissimus est, & à materiali concretionem maximè abstra-
ctus. Ac experientia quoque monstrat, eum ad efficienda ea opera
aptissimum esse.

§. XIV. Ad contrarias rationes itaque sic respondeo. Ad eam,
quæ contra facultatem concoctricem adducitur, quod quidem à calo-
re proficiscatur coctio, sed minus principaliter, seu instrumentaliter,
quatenus nempe is ab animâ regitur, & ad determinatum effectum ad-
hibetur, neque uniformem, ut fit in mistis, sed difformem quemad-
modum liquet ex primâ partium formatione, & conservatione per nu-
tritionem. Accedit quod ex quocunque superabili simile producatur
secundum intentionem propriam animæ cujusque. Ad ea quæ contra
attractricem adducta sunt repono, principio non posse attractionem
vitalem à solo calore proficisci, quia non observatur illud ad quod attra-
hitur semper calidius eo, quod attrahitur, aut à quo attrahitur: deinde
attractio quæ à calore fit non est determinati utilis futuri sed cujuscun-
que aut resolubilis aut alio modo mobilis ad vacui impeditionem. Se-
cundo dico, etsi non negandum sit, specificâ idiopathiâ quandoque il-
lam coctionem celebrari, tamen quia ea quoad originem dependet, &
ejus speciali operationi inservit, vitalem debere appellari: deinde ar-
bitrer potius calidi nativi opera hanc functionem celebrari, quia in
demortuis non notatur. Tertiò illud quoque falsum est, resolutionem
alicujus posse attractionem supplere, quia illa tenuia primum rejicit,
& sursum pellit, verum attractione vitali ad omnem loci differentiam
attractio fit, & quidem convenientiam non spectatâ præcipue tenui-
tate vel crassitie. Atque eadem inserviunt pro defensione facultatis at-
tra-

tractricis. Quod denique facultatem expultricem attinet, imprudenter ea prorsus frigori assignatur. Quippe actuale frigus, & quod constringat partes in viventibus non reperitur, & quis unquam in duris viventibus aut viventium partibus illam constrictionem à frigore factam notavit? Sunt enim v. g. ossa, lignaque duriora, quam ut à frigore coerceri possint. Accedit quod quæ à frigore comprimente segregantur, tenuia & humida sint, nulliusque determinatæ seu specificæ naturæ, verum quæ in viventibus segregantur tum tenuia, tum crassa sunt & determinatæ rationis, ut excrementa considerata docent.

§. XV. Ergò concludimus, facultates vegetativas primarias tres esse, nutritivam, augmentativam, & generativam; eisque inservire attractricem, retentricem, concoctricem, & expultricem: nunc videndum quomodo inter se conveniant, & differant. *Primaria facultates vegetativa conveniunt.* 1. *Ratione causæ efficientis principalis & instrumentalis.* Principalis enim anima est vegetativa, instrumentalis calidum innatum. 2. *Ratione subjecti.* Nam omnes illæ facultates sunt & exercentur in vivente ratione corporis primariæ. Hinc ali, augeri, generari & generare vivum dicitur. 3. *Ratione finis.* Nam omnes illæ respiciunt conservationem viventium. 4. *Ratione objecti.* Omnes enim versantur circa alimentum. 5. *Ratione modi operandi.* Quippe obeuntur omnes eisdem operationibus, scilicet procedentibus à facultatibus minus principibus. Rursum differunt eadem. 1. *Ratione causæ instrumentalis proxime.* Etenim nutritiva, & augmentativa, obeuntur in omnibus partibus, generativa in determinatis, quæ ideo vocantur genitales partes. 2. *Ratione subjecti.* Nam nutritur & augmentatur vivum existens, generatur quod nondum existit, verum existet. 3. *Ratione finis.* Nam nutritiva respicit conservationem individui secundum substantiam, augmentativa intendit imperfecti perfectionem, deductione ejus ad convenientem magnitudinem: generativa autem procurat conservationem speciei, quandoquidem per eam generanti, quod perpetuò in individuo conservari non potest, aliquid in specie simile producit. 4. *Ratione objecti formalis.* Nam nutritiva versatur circa alimentum remotum aequè ac propinquum, & quidem quatenus substantia est, augmentativa circa alimentum, ultimum, & quidem quatenus ultimum est: generativa denique circa alimentum ultimum determinatum & limitatum, seu certo modo præparatum. 5. *Ratione propriarum actionum,* ut ex nominibus constat.

§. XVI. Moveri hinc solet quæstio, cum hæc ita sint, an facultates ea principes differant realiter? Nobis non videtur. Nam 1. nutritiva &

augmentativa non discrepant realiter. Ut enim visum causa eadem principalis & instrumentalis prima & orta, ac objectum quoque idem realiter, quoniam materialis substantia & quantitas realiter non differunt. Hinc neutra actio sine altera obiri potest, sed dum nutritio fit, fit augmentatio, & contra. 2. *nutritiva & generativa facultas non differunt realiter.* Nam si realiter discrepant, vel sic differunt in eo, quod generatur, vel in eo, quod generat. In neutro autem differunt realiter. Scilicet non in eo, quod generatur, quia per facultatem generativam primò omnes partes formantur, atque per nutritivam eadem regeneratione conservantur. At regeneratio & prima generatio non differunt realiter. Neque in eo, quod generat. Nam probabilissimum mihi fit, semen generari, dum testes nutritivam facultatem exercent, atque ita redundans in iis alimentum aliquanto amplius excoquunt. Hoc tamen non obstat, quò minus formale in iis discrimen admittamus, quod solum contraria argumenta probare possunt. Et quidem ut omitterem ea, quæ leviora sunt, graviora hæc sunt. 1. quæ facultates realiter separantur, & differunt realiter: sed dictæ facultates realiter separantur. Ergo. Patet minor respectu facultatis nutritivæ & augmentativæ, quia nutritiva inest toto vitæ tempore, augmentativa autem solum perdurat ad plenum augmentum acquisitionem. De generativa dehinc & nutritiva similiter, quia partibus formatis generativa perit, at nutritiva demum incipit operari. 2. effecta differunt realiter earum facultatum, nempe nutritur & augetur idem individuum, generatur alterum; nutritur item secundum substantiam, augetur secundum quantitatem. Ad 1. dicimus, negando minorem. Ad probationem priorem dicimus, ut nutritivam, ita & augmentativam manere toto vitæ tempore, dum enim aliquid nutritur, non solum substantia apponitur, sed & quantitas, quia illa substantia est quanta. Quod verò dicitur durare augmentatio tantum usque ad adeptā debitam quantitatis mensuram provenit, non quod facultas adempta sit, verum quod ob siccitatem corporis partes solidæ non queant amplius extendi, ut ita magis dilatari secundum omnem dimensionem vivum possit. Apparet autem, quod augmentativa adhuc adsit, quia omni vitæ tempore homo respectu carnalium partium augeri potest. Patet maximè, si quis æger macilentus factus fuerit, quod is recuperata sanitate rursus incrementum capiat. Alterius membri probatio nihil itidem solidi continet. Nam facultatem generativam etiam residuum esse

esse formatis partibus patet, quia in nutritione simile genito seu formato producitur ex alimento, & quod similes partes etiam regenerentur, si non in solidum ablatæ sint. Quod autem non regenerentur, ubi totæ ablatæ fuerint, est quia in prima generatione seu formatione partium virtus gignitiva erat unita & ordine ad omnia procedebat: at in nutritione eadem est divisa, secundum partium divisionem. Ad 2. dico, ex effectorum reali diversitate nequitiam posse probari diversitatem realem causarum, aut facultatum. Sic unus pater eadem virtute gignitiva plures liberos, mares & femellas generat. Et ad præsens exemplum dico, virtutis nutritivæ testium esse producere sibi conveniens alimentum: at si id aliquâ parte redundet, & calore uberiori excoctum alii fini destinatur, primæ facultatis esse quidem unum effectum, sed ejusdem partem unam alii fini destinari, quàm alteram. Ad alia patet ex prioribus solutio.

§. XV II. Accedimus jam ad singulas facultates in specie, quæ declarandæ sunt per suas functiones; in quibus speciatim consideranda veniunt, principium seu causa efficiens, subjectum, finis, objectum & modus, quibus explicatis subjungi potest tota functionis natura definitione expressa. Ut à facultate nutritiva incipiamus, ejus functio seu operatio dicitur nutritio. Princeps ejus causa anima est, prima instrumentalis, calidum innatum, sicut supra fuit probatum. Sed quæritur, quæ sit causa ejus instrumentalis secunda, seu quæ sit pars illa, quæ nutritionem obs? Omisâ prolixitate dico: quod causa instrumentalis secunda seu orta adæquata sit omnis pars corporis, primaria ea, cui via primò inest, dependens unaquæque reliquarum. Prima assertionis pars patet, quia sicut unaquæque pars vivit, ita & nutritur, & per consequens nutritivam facultatem obtinet. Altera probatur, quia ut anima non æqualiter est in toto, ita nec ejus facultas, quandoquidem secundum nos hæc ab illâ realiter non differt, secundum alios hæc in illa ut in primo subjecto existit. Ac maxime id verum est de facultate prima, quæ nempe primam functionem edit, qualis nutritiva est. Accedit alterum argumentum petitum ab effectu, & experientia; quæ docet, quod aliæ partes nutriri nequeant sine conspiratione partis primariæ. Inde autem consequitur, quod primaria primò nutritivam facultatem habeat, aliæ partes dependenter ab illa, quod est tertium assertionis membrum.

§. XVIII. Subjectum nutritionis totum est vivum, h. e. secundum omnes viventis partes. Nam in quibuscunq; partibus residet facultas nutriti-

tritiva, illæ quoque nutriuntur. Neque inde sequitur contradictorium quoddam, quod idem sit simul agens & patiens, quia mutatur una conditio contradictoriorum, quod nempe non respectu ejusdem sit nutritio. Etenim nutritio quatenus actio est, sit respectu animæ & calidi insci, sed quatenus passio est, sit respectu corpulentia corporis. Si quis inquit, ipsum quoque calidum innatum nutriri & augeri, respondeo concedendo, sed tamen primariam ejus operationem esse nutrire. Addo, quod aliquid nutriri dicatur, vel quatenus suscipit virtute sua nutrimentum, illudque sua potestate mutatum sibi apponit, & sociat; vel quatenus ab altero mutatum alimentum suscipit, & sibi associari patitur. Primo modo si capiatur nutritio accuratè non est passio, verum posteriori modo. Observandum venit & illud, quod *quando dicimus totum nutriri, non solum intelligamus partes omnes nutriri, sed etiam omnes notabiles singularum partium particulas, secundum omnes dimensiones.* Quemadmodum enim perditio respectu partium & particularum illarum singularum fit, sic etiam nutritio, qua deperdita substantia recuperatur.

§. XIX. *Finis nutritionis est conservatio vivi secundum substantiam in individuo.* Unumquodq; enim conservationem sui appetit, quoad fieri potest. Quoniâ verò illud fieri non potest immutabiliter, fieri debet mutabiliter, per refarcitione ejus, quod deperditur. Solet hic ambigi, *quomodo conservetur idem à nativitate tempore usq; ad mortem, cum tanta fiat toto vita tempore corporis mutatio?* Omisâ alioquin sententia dico conservationem fieri. 1. respectu ejusdem individualis essentia animæ, quæ præcipua corporis pars. Etsi enim eam multi una cum materia mutari existimant, tamen iis assentior, qui eam incorruptibilem esse volunt. 2. respectu staminum & fibrosarum partium. Nam quandoquidem experimur à calore non omne dissipabile esse, sed illud tantum, quod resolvi facile potest, sequitur utique quod stamina, quæ non aut ægerimè resolvi possunt, secundum se tota, aut secundum maximam sui partem maneant. Etenim experientia nos docet ossa aliasque siccas partes nullatenus in morbis colliquativis consumi, ac post mortem varia externarum injuriarum occurrentia genera passas subsistere, quidni ergo durare etiam possint cum leni insiti calidi activitate? 3. respectu partium dissipabilium censeo manere aliquod idem secundum æquivalentiam. Etenim etsi rigide loquendo non est idem, cui simile per æquivalentiam substituitur, tamen communi loquendi consuetudine dicitur idem, & fun-

fundamentum aliquod etiam assertum illud habet, si id paulatim fiat, ut per partes illud quod accedit primum fiat ejus, quod sic mutatur. Atque hoc modo in nutritione contingit. Latius hanc controversiam non persequor, quia altioris indaginis est, & hinc satis patet, quomodo commodè unitas numerica viventis toto vitæ decursu eadem permanens defendi possit.

§. XX. *Objectum nutritionis alimentum est.* Circa quod 1. quæritur, *quid sit alimentum?* Dicimus, quod alimentum sit omne id, quod à calore naturali in substantiam viventis mutari potest. Differt hoc ipso à medicamento, quod hoc dicatur, quicquid mutare potest vivens ad melius, & à veneno, quod vim habet corrumpendi vivens. Nihilò minus hæc ita distincta non sunt, quin unum alterius qualitate aliqua ex parte participet, licet absolute una voce denotetur. Sic enim datur *alimenti & medicamenti osum, & venenatum*, & similiter *medicamentum alimentosum & venenatum*, imò & *venenum alimentosum ac medicamentosum*. Neque obstat omnes illas virtutes conjunctim in uno reperiri, quod à principali sit denominatum.

§. XXI. Quæritur 2. *quanam sint conditiones alimenti?* Conditiones eæ sunt vel generales, vel speciales. Generales sunt, quod alimentum partim sit simile, partim dissimile nutrienti. Scilicet *dissimile actu, & simile potentiâ*. Quia enim alimentum mutari debet in substantiam viventis, non prorsus ei simile esse debet, quia id mutatione non indiget; neque omnino dissimile, quia alioquin mutari non posset. Quæri hinc solet: *An alimenta diu debeant contraria?* Simpliciter contraria dici nequeunt, aut si quædam contraria sint, non tamen necessum est, ea esse talia. Nam quia potentiâ similia esse debent, ordinata debent esse ad viventia: at quæ propriè contraria sunt, ea non sunt ad invicem ordinata. Neque obstat, quod dici solet, quæcunque generantur ex contrariis generari. Nam illud non de propriè dictis contrariis intelligendum venit, sed de iis, quæ se habent per modum actus & potentiæ. Solet à quibusdam dici, quod *alimenta debeant esse dulcia*: verum ea conditio particularis est, respectu eorum nutritivorum, quæ gustu pollent, nec ita rigidè accipi debet, sed late, prout dulcia eadem vocantur, quæ alioquin grata dicimus. *Conditiones speciales* sunt: 1. Quod alimenta debeant esse *calidi & humidi participia*. 2. Quod debeant *obtinere solidam substantiam*. 3. Quod debeant esse *sufficienter liquida*. Nam quoniam debent permeare alimenta omnes partes, liquida esse convenit,

aut illis liquor associandus est; & quoniam viventia solidam corporis compagem obtinent, & calido & humido vitali sunt perfusa, apta esse debent, ut eam substantiam deperditam refarcire, & reliquam conservare possint.

§. XXII. Ex solutione hujus quæstionis, solvi potest quæstio 3. *Quæ sint alimenta?* Ubi speciatim in quæstionem venit: 1. *An elementa possint nutrire?* Dicimus scorsim non, ac ægrè quoque confusa, nisi sint in misto unita. Nam in elementis singulis virtutes alimentorum non reperiuntur, confusa quoque immediatè in vivorum substantiam transire non queunt, quia natura non solet facere saltum. 2. *An nulla inanimata nutrire possint, ut mineralia?* Plerique negant ob dissimilem valde naturam. Et certè si aliquid nutritivi in se habent, id tam exiguum est, ut vix alimentorum nomen tueri possint. Hoc tamen confitendum omninò est, à mineralibus virtutes varias viventibus, maxime vegetabilibus tantum communicari, si succo eorum alimentario admista sint. Et hinc aquæ quædam bibitæ strumas generant, vinaque diversa calculum, contracturas, pluresque alios morbos. 3. *An omnia viventia, vel viventium partes aliis commodè in nutrimentum cedere queant?* Nullatenus, sed quædam ob nimiam duritiem, crassitiem, & contrarietatem superari nequeunt; quædam etiam ob nimiam similitudinem idoneum alimentum non sunt, quædam etiam excrementitia nimis sunt. Ideò inferiora quidem viventium genera melius superioribus videntur in alimentum convenire, quia sunt superioribus crassiora, & majorem subtilitatem adipisci possunt, non item superiora inferioribus, tum ob eam causam, tum quia natura non solet retrogredi.

§. XXIII. Quæri solet 4. *quod duplex sit alimentum?* In genere dividi solet in *remotum*, quod pluribus mutationibus eget, antequam in viventis substantiam transeat, & *proximum*, quod una solum coctione, ultima nempe eget. Hoc *internum* etiam solet vocari, sicut illud *externum*. Medici non multum dissimili ratione dividunt *alimentum* in *velut alimentum* seu *futurum alimentum*, ac *alimentum propriè dictum*. Illud alimentum mutandum est; hoc mutatum, ut immediatè in substantiam viventis converti queat. Apparet ex his quod hæ divisiones non sint generis in species, sed ejusdem in diversos gradus, secundum diversas considerandi rationes.

§. XXIV. *Modus nutritionis* fit *alimenti attractione* in viventis substantiam, quoad poros vel notabilem cavitatem suctu aut idiopathicâ

VIR-

virtute; deinde *attracti retentione* eadem ratione celebratâ: tum *coctione*, quatenus alimentum calidi insiti virtute mutatur, una vel pluribus vicibus, dum simile eidem evadat: denique *expulsionem* excrementorum, quæ in substantiam viventis mutari nequeunt ob quantitatem aut qualitatē. In his nihil difficile est, nisi quod notandum in plerisque viventibus duplicem *coctionem* celebrari, *publicam* in prima parte, aut etiam alia adhuc quàm prima, qua primum seu externum alimentum mutatur in succum alendo idoneum; & *privatam*, quæ in singulis partibus celebratur, qua perfecta fit mutati alimenti agglutinatio.

§. XXV. Hinc patet quid sit nutritio? Nempe est *operatio anima vegetantis*, qua mediante calido innato ex alimento attracto, retento, sufficienter mutato & deperato, rivum in individuo quoad substantiam omnium partium conservatur reparatione ejus, quod calidis resolutione deperditum est. In qua definitione breviter continentur, quæcunque in prioribus aliquantò latius deduximus.

§. XXVI. Antequam ab ea recedamus, pauca quædam adhuc declaranda sunt. 1. *Quomodo intelligendum veniat illud assertum, ex iisdem nutri-mur, ex quibus constamus?* Dicimus 1. intelligendum illud esse, non proxime sed remote: nec formaliter, sed materialiter, hoc modo: ex iisdem nutri-mur ex quibus constamus, scilicet remote, & materialiter. 2. Nec venit id explicandum universaliter sed particulariter. Quippe omnia mista perfecta ex elementis constant, veruntamen ut visum est, non omnia sunt nutrimentorum commodorum loco. Inde colligitur, quod ex eo axiomaticè quidem legitime negative concludamus, eorum nulla esse alimenta, quæ materialiter & remote non habent ea ex quibus constamus, verum non universaliter affirmativè, nisi accedat alia adhuc limitatio, quod sit nutriendo potentia simile. Unde aliqui axioma illud simpliciter declarant hoc modo, ex iisdem scilicet *proportionem* seu *potentiam*, nutri-mur ex quibus constamus: sed sic assertum illud identicum reddunt, & *ταυτολογίαν* in eo concedere necessum habent. Etenim quid est idem potentia aliud, quam posse idem fieri; & quid hoc aliud, quam posse in alterius substantiam converti; & hoc, quam nutrire posse. Unde hic enascitur sensus: Ex iisdem potentia seu quæ possunt in substantiam viventis converti, seu taliter dispositis, ut ex iis nutriri possimus, nutri-mur, ex quibus constamus. Proinde satius erit paulo quidem prolixius, sed tamen verius eundem sensum declarasse.

§. XXVII. Porro 2. exponendum, *An nutritio sit actio continua?* Duplex:

plex hujus quæstionis sensus est; unus, *an respectu efficientis sit continuus influxus, seu conatus, ut fiat nutritio*: alter, *an respectu effectus continuò fiat nutritio*? Quod primum sensum attinet, affirmari quæstio debet. Quoniam enim nutriendum quia tale agens naturale est, semper operatur, & ad extremum suarum virium. Cæterum quod sensum alterum, censeo quidem ordinariè, nullis requisitis deficientibus, continuè nutritionem fieri; sed tamen fieri potest, & fit etiam, ut vel oppresso ab humoribus calido, vel aliâ ratione debilitato, vel deficiente alimento, vel eodem non apto, ut continuè permutetur, vel alio fortè modo interrumpatur aliquamdiu longius aut brevius nutritio. Nec obstat, quod dicatur nutritio toto vitæ tempore fieri; nam id dicitur, discretè quod nullum vitæ tempus sit, in quo ordinariè non fiat, licet eveniat aliquando, ut feriæ inteveniant.

§. XXVIII. Adhuc illud solvendum est: *An nutritione tam bene confutur partes regenerentur, quàm primum in generatione productæ fuerunt*? Etsi id communiter negatur, contrarium tamen verum esse arbitror. Etenim causa efficiens principalis & instrumentalis eadem est, materiaque generationis non dissimilis; unde ergo non similis & æquè bonus effectus? Accedit, quod cum nutritione primum conformatae valde debiles partes perfici debeant, quod inde etiam evadere debeant meliores & perfectiores. Ac omnia quoque partium accidentia idem confirmant. Id solum notandum est, loqui nos de statu naturali, & in ætate firmâ, quoniam per morbos & senium tam benè partes non regenerari extra dubiam est.

§. XXIX. *Augmentativa facultatis operatio augmentatio vocatur, cujus efficiens principalis & instrumentalis, subjectum item, objectum, & modus eadem sunt, quæ in nutritione*, sic ut ab hac differat solum ratione; & hoc 1. *consideratione finis*; quia finis augmentationis est perfectio vivi respectu quantitatis & aliorum adjunctorum, quoniam hæc ad nullam aliam facultatem referri potest. 2. *intuitu objecti formalis*. Nam nutritiva facultas versatur circa alimentum maximè ratione substantiæ, sed augmentativa, quatenus est quantum. 3. *respectu modi specialis*; quoniam in augmentatione videtur necessaria dilatio partium facta per rarefactionem secundum omnes partes capaces communis formæ. Hinc aliqui specialem facultatem dilatantem ad augmentationem requirunt, sed de eo supra diximus, hic ideo repetimus, ut insinuemus, si quæ alia ministris facultatibus sit addenda, dilatantem certè esse. Etsi enim, ut notavimus

vimus ante, à calore possit derivari, quatenus ad taliter dispositum corpus aptatur, tamen dicere quis posset, & dispositionem talis corporis, & talem gradum caloris dependere à fine vivi, quatenus illud ad debitam perfectionem referendum est. Plura de augmentatione addenda non sunt, quia eadē, quæ de nutritione allata sunt, huc referri possunt: breviter solum universam ejus naturam hac descriptione designamus: *Augmentatio est operatio animæ vegetantis, quæ mediante calido innato ex alimento astratto, retento, copiosius quam pro nutrizione mutato & depurato, vivum quoad omnes partes communis formæ capaces sufficienter dilatatas majus evadit, usque acquirat debitam quantitatis, qualitatum & figuræ perfectiōnem, requisitam ad operationes perfectæ edendas.*

§. XXX. Indeliquet, quod augmentatio prout nutritioni opponitur, non toto vitæ tempore duret, sed universaliter tantum usque ad *αύμν* seu constantem ætatem; particulariter vero respectu partium mollium etiam diutius, quam diu nempe dilatatio illarum fieri potest: verum postmodum cum exsiccatione partes constringuntur, dicitur vivum decrescere. Est enim *decretio deductio vivi à majori quantitate ad minorem instrumentum caloris nativi peracta*, quatenus is exsiccatione partes constringit. Cæterum non est propterea nova alia fingenda facultas decrescens: verum sicuti ad nutritivam etiam pertinet debilior nutriendi virtus, sic ad augmentativam decrescens. Nam à deficiente virtute magis naturalis decretio procedit, sed præternaturalis à depravata. Tempore intermedio, intercedente inter augmentum & decrementum, in eodem statu quadantenus vivum permanet. Quadantenus dico, quia plerumque ad alterutrum extremum vergit, licet non adeo evidenter.

§. XXXI. *Facultatis generativa operatio dicitur generatio.* Circa eam speciatim notandum est. 1. *eam non omni viventium generi competere*, sed illi solum, in cujus specie consuevit fieri generatio interventu seminis. Et enim viventium duplex est ortus, alius per semen, qui generatio univoca vocatur; alius sine semine, qui dicitur generatio æquivoca. Ergo ea viventia quæ solum producuntur generatione æquivoca, non obinent facultatem generandi; verum ea tantum, quæ generatione univoca prodierunt, aut quæ sunt in ea specie, in qua plerumque solita est fieri hujusmodi generatio. Hæc ideo adduntur, quia quædam, quæ generatione æquivoca prodierunt, generatione univoca se propagant, quantum non ita frequenter, nec adeo constanter. Quippe post tertiam quar-

quartamve generationem solita est cessare ista propagatio ob nimiam siccitatem & imperfectionem generantium adhuc magis magisque in deterius vergentem. 2. *Generatio non convenit omni individuo etiam eorum viventium, quæ se solent univoca generatione conservare.* Nam quædam individua tam debilia sunt, ut non possint prolificum semen progignere, ut quæ temperamentum nimis frigidum habent; quædam rursus tam corruptæ naturæ, ut semen quoque ipsum corrumpant, prout se habent, quæ temperamentum nimis calidum sortita sunt. Imo ob defectum partium ad seminis elaborationem antecederet aut proximè requisitarum itidem aliqua viventia generandi facultate destituuntur. Non tamen opinandum est, cujuscunque partis defectum generandi impotentiam inducere, quandoquidem experientia contrarium monstrat. Multi enim mutili integros sanosque foetus producant. Neque enim quis inferat, facultatem generandi frustra omnibus istius speciei individuis datam esse, quia in actum in omnibus non deducitur, quoniam id non accidit ob vitium animæ, sed malam & præternaturalem dispositionem corporis. Verum animæ propriè ea facultas competit, toti saltem denominativè. 3. *Neque semper generatio etiam illi viventi convenit, in quo facultas est, sed tantum in ætate perfecta.* Hoc maximè à nutritione discernitur, quæ toto vitæ tempore durat; etiam suo modo ab augmentatione, quia hac non amplius persistente universaliter, generativa virtus maximè viget. Neque obstat, quod generatio dicatur naturalissimum viventium opus; nam id dicitur de viventibus perfectis: neque comparatione nutritionis, sed respectu manifestationis aliquid vivum esse. Nam aliquando nutritio obscura adeo est, ut dubium sit, an aliqua vivant: aliquando notantur quædam rudimenta aut simulachra nutritionis in non viventibus: verum univoca generatio, qualis à perfectis viventibus procedit, sic palpum non obtrudit. 4. *Finis generationis est conservatio speciei, & terminatur ad aliud individuum,* cum nutritio idem individuum conservare studeat, & augmentatio idem ad debitam perfectionem deducere. 5. *Modus aliquatenus variat,* quatenus generatione partes primum formantur, at nutritione conservantur: itemque quatenus partium formatio prima non omnium eodem tempore est, quod in nutritione contingere potest, & fortè plerumque contingit. Hinc generationis universa natura sic declaratur, quod nempe sit operatio anima vegetantis, quæ instrumentis caloris in parte ei operi destinata ex alimento ultimo redundante semen prolificum elaboratur, quod in matricem commodam depositum vir-

tute

Itæ anima vegetantis & calidi insiti ex alimento debite præparato partes singulas format, & generantis simile producit, ut id perpetuatatem, quam non poterat in individuo, in specie assequeretur. Et si verò in hac descriptione multa insinuantur, quæ modò circa generationem attulimus, tamen ea ex iis quæ de semine tradidimus, & post de hominis generatione speciatim notabimus, manifesta sunt.

§. XXXII. Sic se habent facultates & functiones animæ vegetativæ in genere, quæ in specie, si ad hominem applicentur, aliquas speciales cautelas ingerunt. Ideò breviter & hoc modo considerandæ veniunt. Breviter inquam, quia pleraque illa quæ dicentur, cum de singulis partibus egimus, satis dilucidè & latè exposuimus. Ergo nutritio quidem in homine tribus coctionibus perficitur, duabus publicis, & una privata. Prima coctio est chylificatio, quâ insito calore ventriculi, dependenter à corde, adjuvante etiam calore alimentorum & partium circumpositarum ex cibo & potu chylus elaboratur. *Attractionis* in hac coctione similis est *fames*, & *sitis*, inde alimentum accipitur ore, & ex eodem masticatione prægressâ ad gulam linguæ motu deferitur, per quam tum pondere nativo, tum deglutitione demum in ventriculum deponitur. *Retentioni* respondet *ventriculi circa cibum constrictio*, & *orificiorum ejusdem coarctatio* in omnibus celebrata dependenter à cerebro vi fibrarum, ac speciatim in dextro orificio vi circuli fibrosi in ejus internâ parte reperti. *Expulsio* nis vicem gerit *actio ventriculi eadem constrictiva*, sed maximè versus orificium ventriculi dextrum, unde per illud apertum chylus & chylosum excrementum in intestina tenuia dimittitur. In hac itaque coctione nulla fit excrementorum segregatio localis, sed tantum essentialis; neque opus est, ut brevi post notabimus.

§. XXXIII. Reliqua suis locis clarius exposuimus: de sola fame & siti, quia non egimus, aliqua adjicienda sunt. Non malè Aristot. lib. 2. de anim. c. 3. docet, famem esse appetitionem calidi & siccis, itemque sitim appetitionem humidi & frigidi. Veruntamen circa ea variae quæstiones occurrunt notatu dignæ. Prima est: quodnam sit rerum sanus & situs genus, seu quod idem est, an fames & sitis rectius desinamur appetitiones, an tristes sensus? Aristoteles, ut visum, dicit famem & sitim appetitiones esse, atque eum plerique Philosophi sequuntur: contra autem Gal. l. de caus. symptom. c. 7. describit per tristes sensus, atque eum Medici multi defendunt. Inter Arist. & Gal. facilis equidem conciliatio inveniri potest, si dicatur, alterum formalem, alterum causalem de-

initionem adhibuisse : verum inter eorum discipulos ea controversiā remanet, quæ illarum definitionum sit formalis. Ego Aristotelem rectius & accuratius fecisse iudico. Etenim certum est dari revera appetitum cibi, & appetitum potus, eos formaliter nisi famem & sitim dixeris, quod nomen habent? Inquis argumentum invértendo, notari in omni famescente & sitiente dolorem seu tristem sensum ex inopia seu defectu alimenti, & quod illi nomen? Respondeo illam sensationem, quia cum aliis convenit nomine carere, alioquin enim plurima vocabula fingenda de novo fore, ut singulas sensationes tristes in tantu liceat discernere. Imo etsi in vehemēti fame & siti dolorem intercedere concederem, tamen neutiquam largior in omni fame & siti id evenire. Etenim natura dolorem prævertit appetitu illo. Ac hinc accidit, ut licet non famescamus aut sitiamus, aliquando tamen grato cibo aut potu objecto, fames nos aut sitis subito præhendat. Urgent, qui negant esse appetitiones famem & sitim, his multos perire, nullos appetitionibus. Verum quis dicat tristi sensu formaliter & per se quemquam perimi? Inde liquet impropriam esse istam locutionem, cum quis fame aut siti dicitur occumbere; nam mors ei obvenit defectu pabuli, non vel tristi sensu inde concepto, vel appetitu ejusdem per se.

§. XXXIV. Secunda quæstio est: *Posito famem & sitim esse appetitiones, an ad desiderium vel fugam pertineant?* Sunt quidam, qui arbitrantur esse ad fugam has appetitiones referendas, judicantes ideo fame appeti cibum, & siti potum, ut tristis sensus seu dolor evitetur. Cæterum contraria sententia est probabilior: Nam 1. omnis appetitus per se refertur ad bonum; ad malum autem secundariò tantum, nempe ut ejus fugâ conservetur aut acquiratur bonum. Ergo fames quoque & sitis. Aut si hoc non concedatur, ostendendum erit diversum sentientibus, quo id appetitu fiat, quo in bonum ut bonum feramur, nimirum in consecutionem alimenti, ut per ipsum vita nostra conservetur. 2. Ostendimus in prioribus, non semper dolorem fami & siti conjungi, ex quo sequitur essentialiter famem & sitim non esse fugam doloris. Nam quod essentialiter rebus convenit, id iis semper convenit: 3. Notavimus dum fami & siti satisficit, naturaliter id contingere cum voluntate; unde sequitur, jucunditatis causâ appeti, & consequenter sub ratione boni.

§. XXXV. Tertia quæstio est, *Quodnam sit objectum famis & sitis?*
Ari-

Aristoteles loc. cit. notavit famem esse appetitum *calidi & sicc*, sitim autem appetitum *frigidi & humid*. Verum Gal. loc. cit. famem dixit ferri in *cibum*, sitim in *potum*. Uterque bene. Nam fames animalibus data est, ut per illam appetant alimentum, quo solidæ corporis nostri partes restituantur: sitis autem, ut feramur in id, quo liquidæ conservantur, & solida alimenta ad partes commodè devehantur. Illud solidum alimentum, cibum: liquidum verò potum communiter appellamus. Cibum verò terrestris naturæ & idèò siccæ constitutionis esse debet, atque ut melius superari queat, etiam calidæ: potus vero aquæ conditionis, ut liquida restaurare queat, & etiam solidas partes humectare, caloremque temperare, indeque frigidæ & humidæ temperiei. Atque sic intelligendus venit Arist. cum famem dixit appetitionem calidi & sicc, id est, substantiæ in quâ prædominetur terrestris siccitas, temperata tamen calore: & sitim appetitionem frigidi & humid, id est substantiæ, in quâ prædominetur aquæ natura, secundum utramque qualitatem. Sed notandum est: 1. Quod quando Aristoteles calidum & siccum, frigidum rursus & humidum appellat, non intelligere quodcunque, sed quod unicuique conveniens est; etsi enim id expressis verbis non significavit, tamen insinuavit verbo appetitionis, utpote quæ nempe unumquodque appetens in suum bonum fertur. 2. Quod intelligendum id sit in statu naturali, quia præter naturam contra fieri consuevit. 3. Quod item hoc veniat intelligendum de objecto simplici, quandoquidem dubium nullum est, quin in composito sæpè aliter se habeat. Sic jusculum, quod esculentum & potulentum simul est, non habet accuratè conditiones alterutrius, sed utriusque conjunctim. Et hujus generis plurima illorum sunt, quæ quidem à prædominio ad cibos vel potus referuntur, utriusque tamen conditionem participant.

§. XXXVI. Quarta quæstio est: *quodnam sit subjectum famis & sitis?* Si experientiam ducem sequamur, facilis quæstionis solutio est. Quippe experimur singuli fame & siti maxime orificium ventriculi affici, itemque pro ventriculi dispositione variè excitari & mutari. Nihilominus aliqui cerebrum subjectum ejus esse asserunt, verum ex falsâ hypothese, nullam sensationem extra cerebrum fieri, & famem & sitim formaliter sensationes esse, quam utramque in prioribus refutavimus. Notabilis est & illa quorundam sententia, famem & sitim omnibus partibus insidere, maxime autem manifestè in ventriculo: veruntamen non adeo probabilis est. Nam etsi singulæ partes alimentum attrahunt, &

in id feruntur, non tamen in id fame & siti feruntur, sed naturali inanitione, ut plantæ. Si enim aliter fieret, id sentiremus. Verum non sentimus, neque ergo aliter fit.

§. XXXVII. Quarta quæstio est: *quenam sint causæ famis?* Gal. l. 1. de symptom. caus. c. 7. iudicavit famem excitari, cum primum partes nostri corporis in ejus habitu consistentes inanitæ, & repletionem appetentes, sugunt sanguinem per venas ex hepate, quod dehinc rursus ab intestinis & ventriculo exfugat, quo suctu hic lancinatus & molestia affectus tristem sensationem eliciat, quæ famem sit. Verum ea sententia merito suspecta est. Nam 1. naturaliter famescimus antequam partes extremæ tantoperè sunt inanitæ. 2. Cor singulis partibus sanguinem communicat, non hepar, ut adeo illa suctio per venas ab hepate non detur. 3. Suctio à ventriculo itidem non fit. Nam chylus per orificium ventriculi ex ejus cavitate in intestina deponitur. Alii ergò opinati sunt à liene per vas breve in ventriculum aliquid eructari, quo appetitus concitetur: sed deliène & ventriculo agentes, ostendimus naturaliter nihil ex liene in ventriculum deponi. Crediderim itaque naturaliter famem excitari ex inanitione facta in ventriculo idèò, quia concoctum chylum evacuavit. Tunc enim cum in continua actione sit vel sentit sibi deficere operationis objectum, vel aliquam exhalationem à fundo ad orificium amandare, qua ad appetitum cibi vel potus incitetur. Nam sic facilius nos expedire possumus, quàm si omnes illas motiones communiter recenseri solitas accipiamus. Neque obstat illas debere fieri, ut præscribatur mensura fami & siti. Etenim id non necessum est, quandoquidem secundum naturalem constitutionem partium illæ optimam rationem ad invicem habent, ita ut tantum appetiturus & confecturus sit, quantum illis alendis conficit, quod nisi foret, ne suctione quidem illa id præstare posset, quia illa ventriculo vim coquendi non auget aut minuit. Quod si autem ea ventriculo insit, eidem quoque ingenuus est appetitus illi virtuti coquendi commensuratus.

§. XXXVIII. *Secunda concoctio est sanguificatio*, qua ex chylo per venas lacteas in hepar attracto adjumento fermenti per venam portæ à liene transmissi virtute hepatis insita dependenter à corde sanguis incipit fieri, & dehinc in corde ab insito calido paulatim per partes perfitur. Quandoquidem igitur hæc concoctio duplici actione perfitur, una, qua hepar sanguini rudimentum dat; altera, qua cor eidem.

dem ultimum complementum addit, circa utramque & reliquæ secundariæ functiones obeuntur. Nimirum respectu operationis hepatis, *attractio* respondet tum *actio hepatis propria attractiva*, qua chylus ex intestinis per venas lacteas partim magnetica virtute, partim sucu attrahitur; tum *actio intestinorum constriativa*, qua in venas lacteas chylus, utpote subtilior excremento chyloso per carneam intestinorum tenuium placentam quasi colatus impellitur: tum *propria venarum lactearum contractio*, qua chylum versus hepar promovet. *Retentio in hepate* exigua est, quandoquidem celeriter per hepar chylus transit. *Expulsio fit vena cava beneficio*, quæ se constringendo versus cor sanguinem cum chylo rubificato, seu eo, qui rudimentum sanguinis accepit promovet.

§. XXXIX. *Actioni cordis*, qua sanguis complementum accipit, etiam aliæ functiones conjunguntur. Ac *attractio specialis* hic vix invenitur, nisi dicamus, cum expulsio fit à vena cava in cordis ventriculum dextrum, fieri etiam aliquam attractionem cordis. Quod id cunque autem modo fiat, multum huc facit cordis diastole seu dilatatio. *Retentio* nihil aliud peculiaris ingerit, quàm quod circa hepar attulimus. *Expulsio* fit contractione cordis in systole, tum enim in arterias expellitur. Nam per eam expulsionem sanguis pro nutrimento omnium partium in universum corpus distribuitur, ac simul biliosum excrementum ad vesiculam fellis, & serosum ad renes amandatur. Quapropter *pulsus* seu motus cordis sanguificationi, quæ in corde fit intersvit, quanquam fortè & alium finem habet, dum scilicet obeuntur animi passionnes. *Respiratio* similiter eidem concoctioni conducit, quatenus non solum attractione frigidi aeris ejus calorem temperat, verum etiam fuligines calidas egerit, quanquam similiter etiam ad loquelam multum confert.

§. XL. Hinc solvi potest illa quæstio, *an respiratio sit actio vitalis, an animalis?* Non potest dici solitarie actio vitalis, quia pro arbitratu nostro aliquandiu eam cohibere ac variè mutare possumus: neque tamen simpliciter animalis, quia aliquatenus vitalis operationis causa fit, & non plenè ab arbitrio nostro dependens. Verum ex his & aliis multis patet, nec in homine, nec in aliis perfectis animalibus ab anima vegetante solitarie actiones vitales obiri, sed animam sentientem se illis ita immiscere, ut probabile existimem, unam eandemque animam esse, quæ utraque illas functiones obit. Patet idem quoque de *pulsu*. Et si enim ille ab omnibus ferè vitalibus actionibus ascribitur, tamen ali-

partium singularum perfectio, nutritione & augmentatione. Septimò: *anima rationalis infusio & unio* facta cum membra sufficientem perfectione sortita sunt, ut anima rationalis eidem corpori ut forma ejusdem inexistere possit. Octavò *perfecti & confirmati sufficienter factus in lucem emissio*, quod plerumque nono à conceptione mense contingit.

§. XLIV. Hic plurimæ controversiæ & notationes attexi possent, & deberent, nisi hanc materiam agentes de excrementis generationi intervenientibus latè jam prosecuti fuissetus. Proinde in præsentiarum pauculis quibusdam quæstionibus ea complebimus, quæ ibi locorum omisimus. *Prima quæstio est: An omnes partes factus simul formantur, an successivè?* Aliqui locorum quorundam Hippocrat. nempe ex l. de aliment. l. de nat. homin. & l. 1. de diæt. desumptorum autoritate moti, judicant omnes partes simul formari, licet non omnes simul perfectionem suam acquirant: verum rectius alii judicant successivè formationem fieri. Nam 1. successivè fit in plantis & in animalibus etiam imperfectioribus, quidni ergo etiam in hominibus? 2. in abortibus humanis idem comparat, non omnes partes simul produci. Ita enim Anno 1649. die 13. Januarii Bredæ vidi abortum non majoris magnitudinis, quàm articuli digiti, in quo internæ partes omnes quidem formatæ erant, sed foris necdum digiti manum vel pedum, vel auriculæ, vel palpebræ. Atque eadem ab aliis quoque notata sunt. 3. Ratio idem convincit, quod sicut partes in conservatione, ita etiam in prima sui conformatione ab una aliqua dependeant. 4. Ob conservationem quoque & radicationem animæ in semine requiritur, ut una aliqua pars sit, in qua primario resideat:

§. XLV. *Secunda quæstio est: Quenam partium primum ante omnes formetur?* Alii cum Gal. *hepar* primum formari asserunt, alii *venam umbilicalem*, alii *membranas satum involventes*, quidam *partes exteriores*, nonnulli *cor*. Atque hæc sententia Aristotelis est, & etiam vera, utpote experientia & rationi congrua. Experientiam suppediat, quicunque in ovo formationem diligenti scrutinio investigarunt. Quippe ii omnes eodem ore confitentur, se in ovo orbiculum exiguum pulsantem ante omnes partes alias conspexisse. Rationem dehinc multiplicem dare licet: 1. eam, quam lib. 2. de generat. anim. c. 3. Aristot. dat, cor esse ultimum moriens, inde enim conficitur esse & primum vivens. 2. eam, quod in formato corpore à corde omnes aliæ partes dependeant, inde enim sequitur, quod etiam in fieri ab eodem dependeant. Sicut enim

se

feres habet in conservari, ita & in fieri. 3. eam, quod in plantis id quod cordi respondet, primitus originem capiat. Atque hoc magis confirmatur ex consideratione debilitatis & absurditatis adversarij opinionum. Etenim hepar primum non formari constat inde, quod hepar pars minus princeps sit, in actione à corde dependens, & ne quidem vel radicationis vel dispositionis vasorum sanguineorum principium. Verum adversa sententia ea hypothese sed falsa utitur, hepar esse sanguificationis principium, & alimoniam omnibus partibus suppeditare, quam suo loco refutavimus. Utuntur aliqui & hoc argumento, quod cum foetus primum vivat vitam plantæ, hepar primum gigni debeat, quod radix vitæ vegetabilis: sed rectissime Arist. ipse l. de vit. & mort. c. 1. docuit cor esse primam partem respectu vitæ vegetabilis æquè, quæ sensitive. Quod umbilicalem venam attinet, nemo facile eam primum formari asseret, si consideret in plantis ipsis debere esse aliquod principium, in quo formatrix virtus radicetur, & ex quo dehinc excurrens nutrimentum & incrementum alliciat, ita ergo necessum est, & umbilicalem venam post talem partem progigni. Id multò magis verum est de membranarum foetum involventibus, quanquam id fateri oportet primam partem formatam, eas quamprimum elaborari, antequam internæ partes sint plenè confectæ. Denique qui exteriores partes formari primum existimârunt, illi manifesto sensuum testimonio refelluntur, utpote quo monstratur, ultimò omnium externas partes perfici.

§. XLVI. Tercia questio est: *Quonam ordine reliquæ partes post primam formantur?* Id difficillimum explicatu est, & penitus imperferutabile, & quantum intelligi potest, peti debet ex contemplatione modi generationis plantarum & animalium ex ovo, & ratione petita à necessitate majori vel minori. Istis suppositis probabile est, corde aliquatenus formato ex attracto materno sanguine, & affixo quasi vasis uteri, fieri excursum quasi deorsum ad uterum, & sursum à corde versus alias partes, atque sic rudimentum præberi venæ umbilicali & arteriæ magnæ. Inde maximè naturam converti ob totius custodiam ad externarum membranarum delineationem, tum ad internarum partium descriptionem imperfectam, scilicet hepatis, pulmonum, capitis, quam dehinc sequatur aliarum quoque partium delineatio, & perfectio paulatina. Ex qua relatione patet, quid respondendum sit ad *questionem quartam*; quæ est; *quando incipiat nutritio?* Nimirum improbable est, quod quidam existimant, nutritionem inchoare demum omnibus partibus perfectis, quin

quin contra incipit cum vita, & durat quamdiu vita durat, sic nempe ut prima parte constituta illa nutriatur, & vim nutriendi una cum origine aliis distribuatur. Atque hinc derivatum verissimum illud Physicorum assertum, *nutritioneius perdurare toto vita tempore*, intellige ordinariè & *in sensu diviso*. Nam extraordinariè dantur aliquando feræ animæ altricis, neque simpliciter continuè & nullius momenti temporis interruptione celebrari nutritionem crediderim.

§. XLVII. *Quinta questio est: Per quas partes fœtus alimentum capiat?* Conantur aliqui auctoritate Veterum persuadere, fœtum ore cibum ex utero sugere, in ventriculo eundem conficere, & sic ordinario modo enutriri. Cæterum quia cor primò omnium formatur & nutritur antequam ventriculus vel os conformatum est, incredibile est, imò prorsus impossibile nutrimentum sic capi. Imò ne perfectò quidem jam fœtu alia nutritionis ratio quàm per umbilicum est, quandoquidem non habet fœtus, quid ore capiat, quod alere possit. Neque necessum est, quandoquidem sufficientem, imò abundantem copiam alimento per umbilicum acquirere possit. Atque ea Hippocrat. quoque fuit sententia, ut ex lib. de aliment. lib. de natur. puer. & lib. de octimestr. part. id expressis verbis monstrat. Ergo cum lib. de princip. aliam sententiam docere videtur, nempe puerum in utero, comprimentem labia, ex utero sugere alimentum, judicandum est, vel textum illum irrepsisse, atque ab aliquo alio insertum esse, vel hoc Hippocratem ex Epicuri & Democriti sententia attulisse, quibus eam opinionem lib. 5. de placit. Plutarchus attribuit.

§. XLVIII. *Sexta questio est: An, ergò toto gestationis tempore nulla fiat chylicatio?* Nulla meo arbitrio. Nam materiam nullam pro chylo accipit ventriculus, nec chylo opus est, quoniam sufficientem copiam alimonie vena umbilicalis apportat. Sunt tamen qui diversum statuerunt, quia in ventriculo aliquid simile chylo reperitur, & in intestinis quoque excrementa alvina. Verum illa documenta insufficientia sunt. Nam ea quæ in ventriculo reperiuntur, partim sunt excrementa nutritionis propriæ, partim ab aliis partibus, ut cerebro, in illum derivata. Atque excrementa alvina in fœtu non ex primâ, sed tertiâ & secunda coctione procedunt, ut tum ex eo apparet, quod etiam in adultis ex secunda & tertiâ coctione quædam ad intestina depellantur, & quod tam pauca in fœtu alvina excrementa sint, ut prorsus credi nequeat, ea ex chylo residua fuisse. Deinde quod se expedire conantur,

ventriculum attrahere ab aliis partibus aliquid ex quo chylum conficiat, prorsus probari nequit. Nam à quibus attrahit, aut quid attrahit, aut cui usui? Per vasa nihil attrahere debet, ne periantur in ventriculum, & continuè in eum sanguinem destillent: ore autem nullum cibum capit, ut ipsi largiuntur. Neque sanguis humanus commoda materia chyli est, & quare natura his ambagibus & præternaturali regressu procederet, quæ brevior via & perfectius obtinere potuit ex sanguine materno sola sanguinis istius ulteriore præparatione.

§. XLIX. *Sepima questio est: An in fœtus nutritione etiam fiat sanguinis circulatio?* Distinguendum iudico inter tempora. Nam antequam partes singulæ formatae sunt, id non est probabile, verum post conformationem non est dubium quin fiat. Id etiam observandum est, in quibusdam partibus citius, quàm in aliis eandem institui; atque cum in perfectione sua est, duplicem observari, aliam in partibus fœtus propriis & permanentibus, alteram in iis cum partibus ambientibus seu temporariis atque utero materno. Prima eodem modo celebratur, ut in natis, nisi quod ex dextro cordis ventriculo non solum fiat per pulmones ordinario modo, verum etiam per foramen ovale in septo cordis reperto, ex dextro ventriculo cordis in sinistrum, & per canaliculum communicantem inter arteriam magnam & pulmonalem, ut sic sanguis ex illa in hanc quoad aliquam partem deponatur. Secunda fit, dum per venam umbilicalem sanguis adducitur ad fœtum primum versus hepar, dehinc in cor & inde per arteriam aortam ad umbilicales derivatum redundantem per has in illas expellit secundum ductum & distributionem arteriarum, quæ dehinc in venas simili ratione distributas se exonerant, ut sic per has revehatur.

§. L. *Octava questio est: Qualia excrementa in fœtu generentur, & ubi aserventur?* Primæ coctionis excrementa, quia fœtus alimentum nullum ore capit, nulla generantur, nec secernuntur: sed secundæ coctionis. urina & bilis. Etsi enim sanguis à matre jam factus fœtui pro alimonia suppeditatur, tamen dum spiritus vitalis in corde fœtus gignitur, nascitur inde caloris intensio bilis: ac dehinc cum ad renes sanguis idem derivatur, etiam serum segregatur, & in urinam facilecit. Porro inveniuntur & tertiæ coctionis quædam excrementa, nempe sudor initio, dehinc mucosa alba crassaque pituita foris fœtum oblinens, atque excrementa mucosa in ventriculo reperta ex cerebri & propria ventriculi

coctione redundantia; denique excrementa nigra intestinelorum quæ itidem excrementa maximam partem propria videntur intestinelorum, hepatis, lienis & mesenterii. Ergo quidem maximè notabilia sunt in *fetu sex excrementa, tria extra factum, tria in ipso: extra ipsum urina, sudor, & mucus oblinens: intra bilis in folliculo fellis, mucosa alba substantia in ventriculo, & excrementa nigra intestinelorum.*

§. L I. *Nona questio est: Qui fiat, quod quedam excrementa intus, quedam foris in fetu colligantur, & qua sit illorum utilitas? Quod excrementa quedam intus, quedam foris reperiuntur, causa una est illorum multitudo vel paucitas. Nam quæ tanta copia generantur, ut in corpore retineri commodè nequeant, ea excerni conveniens erat; at quæ retineri poterant, ea retinentur. Hinc excrementa alvina, & mucosa in ventriculo reperta intus manent, urina autem foras propellitur. Secunda causa est, quia quedam extrinsecus gignuntur, quæ ideo necessario foris comparent, ut mucosus lentor corpus foris obducens, sudor quoque, quamquam ejus generatio etiam ab internis causis dependere queat. Tertia causa est, quod quedam excrementa utilitatem foris obtinere possunt, quedam non, sed documentum potius adferrent. Sic urinæ & sudori innatat foetus, ut nec uterum, nec vicinas partes, nec seipsum lædat, & lentor ille pinguis corpus ejus foris oblinat, ne detrimentum aliquod ab acri eo humore capiat. Porro dum in lucem emittitur foetus, utili proluvione seri emolliuntur viæ, & in liquido foetus lento mucosus obductus promptius promoveretur. Verum excrementum alvinum nigrum & bilis si foras prorumperent, acridine suâ nimia læderent foetum. Afferunt aliqui & eam rationem, quod in corpore retenta juvent levitatem, ut melius foetus innatare liquori queat.*

§. L II. *Decima questio est: Quid differant partes factus ab adultiorum partibus? Partes factus vel externa & decidua sunt, vel permanentes & corporis ipsius propriam compagem constituentes. Decidua sunt secundina & umbilicalia vasa seu umbilicus. Secundina vocantur, quæ foetum jam in lucem emissum ordinariè sequuntur, nempe placenta uterina cotylidonium in homine officium præbens, nempe claudens vasa uteri, & fulciens vasa ad foetum derivata, per quæ tanquam ex terra alimentum suum trahit, deinde membrana factum involvens, amnion scilicet proximè, & chorion post illam. Hæc placentæ immediatè quæ foetum respicit connectitur, crassior est amnio, & vasis plurimis, quæ carnosa quedam substantia in-*

tertexta fulcit, referta. Ei in exortu pluribusque aliis in locis connexa est amnios tenuis levisque membrana, quæ proximè fœtum ambit, ne utique tamè eum contingit, sed ei locum concedit, ut se movere possit, ferosumque simul excrementum, sudorem scilicet & urinam continet. Sunt tamen qui sudorem in amnio, urinam in chorio asservari existimant. *Vmbilicus* vocatur membranofus ductus *venam umbilicalem*, *arterias duas umbilicales*, & *urachum* involuta & exteriore membrana obducta comprehendens, quo partim sanguis ad fœtum pro alimonia apportatur, partim redundans educitur, ac simul per urachum urina excernitur. Has adultiores non obtinent. *Permanentes* verò *partes eædem* in fœtu, quæ in adultioribus sunt, levi solum differentia intercedente. Nam *caput* respectu proportionis, quæ in adultis reperitur, insigniter magnum est, *cerebrum* valdè molle & serè fluidum, *nervi* quoque teneri & valdè fragiles, *ossa crani* corticum mollium consistentiam referunt, nec manifestè medullis distincta, nisi ossis frontis basin excipiamus. Imo aliqua cartilaginea apparent, ut *meatus auditorius*, *processus mastoidei* & *styloformis*, item *os cribosum*, & *ossis hyoidæ cornua*. Veruntamen *oscula auditus*, quod mirum, eandem serè duritiem & magnitudinem habent in fœtu nonimestri, quàm in adulto, & idem observatur in *cavitatibus ossis petrosi*. *Ossa frontis* & *maxilla inferioris* manifestè divisa sunt, & *os cuneiforme* in quatuor portiones commodè dividitur. Inter ossa etiam *syncipitis* & frontis non est connexio accurata, sed in *vertice* foramen medium relinquitur, tenui tantum membrana rectum, quæ lamella cum decedit, periculum infanti minatur. *Dentes* etiam intra alveolos suos latent, dehinc cum tempore prorumpunt, atque eorum radices molles semina continent, ex quibus post primorum lapsum, secundi regenerari queant. *Oculi* aliquantum prominent, & majores apparent, *facies* indistincta, & rudior. *Mammae* turgidulæ, & in recens natis lacteum succum contrectatæ fundere solent, *venæque illarum* sanguine abundant. *Pulmones* crassiores sunt, non ita porosi, magis quoque rubicundi, quàm in adultioribus. Cor ipsum item majusculum apparet, cum suis auriculis, & vasa ejus laxiore *thymo* fulciuntur. In eodem notatur *foramen ovale*, quo ex vena magna in venam pulmonalem sanguis immediate propagari potest. Notatur item *canaliculus* ex arteria magna in arteriam pulmonalem transiens similem ob usum. *Vertebra* ex tribus ossibus constantur, nec dum spinosos processus habent: & *sternum* quatuor aut plures portiones monstrat. *Te-*
cur:

cus valdè amplum, & in sinistrum usq; hypochondrium longeque deorsum productum. Lien roseo colore conspicitur: *Ventriculus* contractior est, intusque albicantem pituitam continet. *Pancreas* illi subitratum magis sanguineum & gratius aspectu est, quàm in adultis. *Renēs* item majores, quibus *succenturiati* incumbunt. *Veteres* patuli & molliores, & *vesica* urina distenta. In puellulis *uteri* fundus constrictior est, *tuba* magis exsertæ, & *testes* majores. *Ossa ilium*, *ischii* & *pubis* divisiones manifestè oculis exhibent, & *ossa carpi* *tarsique* cartilaginea, sicuti ferè & aliorum *ossium* *appendices*.

§. LIII. *Quæstio 11. est: Quid differant functiones, prout à sætu & adultis obeuntur?* Quomodo nutritio differat ferè recensitum est. Nempe *ventriculus* nullo munere publico fungitur, *hepar* in principio nullo item dehinc paucò, *cor* manifestò, *excrementa* dehinc quæ gignantur, quomodoque excernantur, superius indicatum est. Id quæritur, *An respiratio in sætu fiat?* Ordinariè non, maximè in principio, at extraordinariè aliquando evenit, unde ploratus in utero facti auditi sunt. Sed *que causa, quod ordinariè respiratio non obeatur ab infante?* Præcipua, ne infans serum attrahat in pulmones. Inde prudentes obstetrices cum in lucem editur infans, si forte proluatur liquore, solent nares ejus constringere. Sic enim ob respirationem prohibitam nihil aut parum solum imbibit. Quæri & illud potest: *quare per uterum infans urinam emittat, non ordinariè via?* Quia facultas animalis sopita in sætu est, & maximè sphincteres contracti, ita ut rarissimè vel in apoplexia ipsa paralyfin pati soleant, ut inde nisi peculiari morbo laborent, si relaxentur gravissimam apoplexiam aut extremam virium resolutionem, brevique instantem mortem id prælagire soleat. *Sensus interni* omnes sopiti sunt, *externi* itidem ligati, ut somno perpetuo quasi sepultus fœtus jaceat; *tactu* tamen & *sensu communi*, seu *phantasia* obscuro modo sentit quandoque, & *appetitu concupiscibili*, unde & movetur aliquando *animali moru* secundum totum, aut secundum partes. De *animæ rationalis* autem operationibus in sætu parum cognoscimus, atque probabile est, quod eæ fœtum demum exserere incipiant, cum defæcatus & elaboratus sit *phantasiæ organum*.

§. LIV. *Quæstio 12. est: Quodnam sit tempus, quo fœtus ordinariè geritur in utero?* Docet Gal. l. 7. histor. animal. c. 4. quod etsi cætera animalia certum pariendi tempus habeant, homo tamen obtrineat multiplex, idque experientia manifestè comprobatur. Nam experientia docet &

septimo, & octavo, & nono, decimo & undecimo vitales fœtus natos esse. Verum tunc quæritur: *quæ fiat, quod homini tam varium sit assignatum pariendi tempus?* Diversæ causæ adduci possunt. 1. *Regionum diversitas.* Sicuti enim ob regionum diversitatem variant tempora maturationis fructuum, ita etiam variant tempora conformationis & perfectionis fœtuum. Atque hanc loc. cit. insinuat Arist. cum docet, in Ægypto ac aliis quibusdam locis ubi mulieres fertiliores sunt, octavo mense natosadolescere posse, aliis non item. 2. *Tempestatum varietas.* Experimur enim itidem calido tempore citius maturitatem fructus capere, quam frigido. Ac pertinent huc siderum positus & constellationes promoventes vel impediētes formationem & perfectionem fœtus. Quippe sidera non minus hominem, quam universum mundum gubernant. 3. *Seminis complexio.* Etinim semen calidum citius, frigidius tardius operationem suam peragit. 4. *Viri, mulieris sanguinisque materiei conditio,* quia hoc nutrimentum & materia fœtus est, uterus autem causa fovens & adjuvans, mulier autem causa sanguinem generans & uterum vario modo afficiens. 5. *Vitæ ratio varia,* utpote quâ temperamentum corporis vehementer mutatur.

§. LV. *Questio 13. est: An quilibet fœtus omnibus illis temporibus vitalis esse queat?* Neutiquam, sed ille tantum ordinariè, qui eo tempore perfectionem suam adeptus est. Inde qui mense nono, v. g. perfectionem suam demum assecutus fuerat, si septimo vel octavo nascatur, ordinariè non est vitalis. Et ita judicandum de aliis. Eadem de causis & octimestres diversi sunt vitales, & rationes valdè leves sunt, quæ eos omnes perire avertunt. Nam nec necessariò ob laborem debilitatus est, si octavo demum moveri incipiat: nec octonarii numeri ea efficacia est, nec planetarum consequens operatio: utpote fictitia & nulli solido argumento insistentes. Hinc liquet, quod similiter non sint certa tempora formationis & motus. Sed quæritur: *An citius mares quàm feminae formantur?* Affirmant communiter Medici, & probabile videtur, quia citius ordinariè moventur. Aliqui tamen contrarium defendunt, idque quia alioquin liceret expectare, qualis sit futurus fœtus, imò fœtum masculinum tum prius in lucem emittendum esse. Verum repono, posse etiam probabiliter hinc sexum colligi, verum alterum non consequi, quia majori perfectione masculinus fœtus indiget, quàm femininus.

§. LIV. *Questio 14. est: Quis sit fetus naturalis fœtus in utero, dum par-*

tus inflat ? Naturaliter fœtus capite ad uteri claustrum vergit, atque sic viam sibi parat. Verum, *que hujus sit causa*, quæri amplius potest. Finalis satis nota est, quia sic facilius in lucem emitti potest. *Efficientem* autem indigitavit Aristot. 4. de historia animal. c. 9. esse magnitudinem & gravitatem humani capitis. Quoniam enim sudori & urinæ innatat, id maxime deorsum vergit, quod gravius est, cum maxime omnia simul in latitudinem expandi non possunt, ut accidit maxime in inferiore uteri loco.

C A P U T XXIV.

De animâ, facultatibus & operationibus sensitivis in genere, & in specie, prout in homine reperiuntur.

§. I. **A** Nimâ vegetativâ mediante homini competit *anima sensitiva*, de quâ nunc post illam tractandum est. Quanquam vero illa tractatio itidem, ut de animâ vegetativa, dividi posset in generalem & specialem: tamen quia pauca sunt, quæ prorsus abstractè tradi possunt, eaque non tantoperè juvantia citra illam distinctionem sequentia breviter de anima sensitiva proponemus. 1. *Quid sit anima sensiens ?* 2. *Quodnam sit ejus Objectum ?* 3. *Quodnam sit ejusdem subjectum ?* 4. *Quanam ejus facultates ?* 5. *De facultatibus singulis in specie, & ad eas pertinentibus operationibus.*

§. II. Quod primum concernit: *anima sensiens est anima superioris quàm vegetativa ordinis.* Unde hanc supponit, *ab eâdem discrepans cognitione pure organo alligatâ.* Hoc enim ab anima rationali discernitur, quæ quoad cognitionem non est organo alligata. Oportet quidem sapientem phantasmata speculari, verum id non arguit in anima rationali dependentiam ab organo, sed ab objecto, qualem animæ rationali non denegamus. Gravis vero hic difficultas movetur: quod non videatur *anima sensitiva in homine vegetativa superaddere cognitionem, quandoquidem anima vegetativa in homine cognitione non caret.* Dicimus 1. notatum quidem esse, vegetativam animam in homine non operari solitarie in omnibus operationibus, sed in plerisque sociare se animam sensitivam: quod non obstat, quo minus possint esse diversæ. Et ita secundum mentem Philosophi. 2. Arbitror in homine animam sensitivam etiam vegetativæ operationes obire, & ab eadem non discrepare realiter, sed solum denominari.

minatione respectu diversorum munerum, finium, & objectorum. Hanc sententiam alibi latius, cum Deo, deducam, & ejus fundamenta superius jam posita sunt. Id solum notandum, inde non consequi, si anima vegetativa & sensitiva sint una anima, quod etiam utraque illa in anima rationali virtute contineantur. Nam priores animæ gradus materiales prorsus sunt, anima rationalis autem prorsus immaterialis. Imò nondum probatum est, distingui vegetantem animam à sensitivâ ullo modo realiter, sed denominatione tantum: certum autem est, animam rationalem à sensitivâ realiter discrepare.

§. III. Secundum quod attinet: *In genere objectum anima sensitiva est materiale, singulare. adeoque actu existens, atque etiam præsens.* Nam quia materiæ prorsus immersa est ad immaterialia extendere se nequit: & quia universalia etiam formari nequeunt, quin immaterialis intellectus operatio concurrat, ne hæc quidem materiali facultati subjiuntur. Neque etiam fingere quæ non sunt anima sensitiva potest, quia & illa operatio ab organo independens est. Ergo actu existere debet objectum, quod sensibus objicitur. Additur etiam quod objectum sensuum etiam debeat esse præsens: quia alioquin sensum movere non posset. At verò cum præsens esse debere intelligitur, eo ipso non indigetatur, debere immediatè secundum locum conjunctum, nam ita non potest sui speciem organo ingerere; verum quod intra sphaeram activitatis consistere debeat, ut ad animam sensitivam virtutem suam exferere queat. Et hæc posteriores conditiones præcipuè exiguntur, respectu ejus facultatis particularis, quam proximè movent: nam alioquin non semper locum habent. Etenim beneficio memoriæ etiam absentia & corrupta, adeoque non existentia objecta externa cognoscuntur.

§. IV. Ut de tertio aliquid dicam: *Subiectum anima sensitiva vel adequatum, vel primum est. Adequatum est totum corpus.* Nam nulla pars corporis est, cui non insit: utpote cum anima sensitiva omnes partes formaverit, & regat, imò in plerisque operatione sensus se manifestet. *Primum subiectum anima sensitiva vel est absolute tale, quod & originarium & radicale appellare solent: vel secundum quid tale, quod vocare licet primum dependens atque manifestatum.* Illud cor esse dicimus, hoc cerebrum. Novi equidem hanc sententiam Medicis plerisque displicere, & ideo variis argumentis impugnari: verum quia superius cap. 10. §. 60. & sequ. nostram opinionem, quæ eadem Aristotelis est l. 2. de partib. anim. c. 10. lib. de juv. & senect. lib. de sensu & sensil. lib. de somn. & vigil. &c:

pro-

prebavimus, & contraria argumenta solvimus, nolumus hic actum agere.

§. V. *Facultates animæ sentientis*, ut ad quartum veniam, tres recensentur: *cognoscens*, quam *sensum* appellant; *appetens*, quæ *appetitus sensitivus* nuncupatur, & *locomotiva animalis*. Hæ facultates inter se discrepant 1. *origine*. Nam omnium prima est cognoscens, altera appetens, ultima locomotiva. 2. *dignitate*: secundum quam recensito item ordine se invicem consequuntur. 3. *necessitate & amplitudine*. Quippe sensus & appetitus summè necessarii sunt, & omnibus animalibus competunt: locomotiva verò illis tantum, quæ alimentum vicinum non habent. 4. *objecto formali*. Nam ad sensum refertur objectum ut cognoscibile, seu verum; ad appetitum, ut bonum cognitum; ad locomotivam bonum cognitum ut absens. 5. *organo proprio*. Nam sensus per cerebrum, appetitus per cor, locomotiva per musculos suas operationes potissimum exerunt.

§. VI. Restat, ut de singulis istis facultatibus in specie quædam subiciamus: *Sensus* ergò est facultas animæ sensitivæ, qua interventu convenientis organi objecta materialia & singularia cognoscit. Ac in genere duplex est, vel *internus*, vel *externus*, qui nomina sua acceperunt à loco organi proprii, & objectis. Nam externorum sensuum objecta foris obveniunt, & organa eorundem exterius consistunt aut in superficie corporis, aut ita ut citra anatomiam factam secundum partem ad minimum conspici queant: verum internorum sensuum organum cerebrum est, quod videri non potest, nisi cranium primum separaretur artificiosa sectione, atque objecta sua ab externis sensoriis hauriunt. *Inter hos sensus intercedit magna differentia*. 1. *ratione originis*. Nam externus sensus dependet ab interno. Quippe sine hujus concursu ille operari nequit. 2. *ratione ordinis cognoscendi*. Etenim sicuti objectum externo sensui primum occurrit, ita ab eodem primum percipitur. 3. *ratione dignitatis*. Præstat enim internus sensus externo. 4. *ratione organorum*, quemadmodum superius est notatum. 5. *ratione specialis modi, quo objectus obveniunt*. Externis enim sensibus ingeruntur immediatè per proprias species: verum internis mediatè per species sensatas externorum sensuum. Interim conveniunt: 1. *objecto*: quandoquidem objectum quod sentitur tum interni tum externi sensus idem est. 2. *modo generalis, quo sensibilia in sensum agit*: quoniam efficienter mediante specie sensum in organo existentem movet. 3. *modo, quo sensus circa ob-*

H h h h

jectum

jectum versatur. Unusquisque enim sensus occupatus circa proprium ob-
jectum actionem elicit propriam, qua percipit ipsum.

§. VII. Hinc occurrunt aliquæ *quaestiones* solvendæ. Prima est: *An sensus sit facultas activa, vel passiva: item an sensatio sit actio vel passio?* Et si quidem variè ad hanc quaestionem à quibusdam responderetur, tamen probabilissima sententia est ad sensationem tria concurrere. 1. speciei à sensibili in sensorium impressionem, & ejusdem in sensorio receptionem. 2. actionem potentiae sensitivæ, quâ mediante specie sensibile percipit: atque 3. actus istius in anima receptionem; adeoque sic respectu primi & ultimi sensum pati: at respectu secundi agere. Hinc certo respectu activa & passiva facultas sensus appellari potest. Si quis vero quaerat, *quid præcipue sensus sit:* judico eum esse nominandum facultatem activam. Nam formaliter sensatio actione absolvitur, adeo ut ea facta sensum ad actum deductum esse asserendum sit. Verum etiam si objectum speciem suam organo imprimat, nisi ad eam anima attendat, sensatio non elicitur: atque receptio quoque actus ab anima elicit, posterior sensatione est.

§. VIII. *Secunda quaestio est: An anima sentiendi actum solitarie eliciat, an specie impressa interveniente, ut causa instrumentali?* Nullum dubium est, quin species sensibiles necessariae sint, ut anima sentiendi actum eliciat, si supponatur tales species dari, & earum interventu sensus ab objectis moveri, de quo sequenti quaestione agetur: sed id quaeritur, *an species sensibiles ab objecto producta solum moveant sensus, ut eliciant suos actus, an vero concurrant etiam cum anima instrumentaliter, dum elicit sentiendi actus?* Fateor obscuram esse hujus dubii solutionem: judico tamen probabilius esse, animam solitarie cum organo corporeo sentiendi actus elicere, & species non concurrere instrumentaliter. Rationes meae sunt: 1. Objecta animæ vegetantis non requiruntur ad ejus actus eliciendos, ut instrumenta: ergo nec objecta sensuum, & consequenter nec horum species. Consequentia probatur: tum quia ad operandum æquè efficax est anima sentiens, quam vegetans: tum quia objectum utriusque generatim videtur se habere eodem modo. Si quis dicat hoc pertinere ad specialem rationem objecti sensilis, ei probandum venit, eam conditionem necessariam esse ex ratione objecti sensilis, interea probabilis manet mea ratio. Antecedens autem probatur, quia objectum animæ vegetantis est alimentum: sed ipsum alimentum non coagit, ut mutetur: foret enim sic agens & patiens: sed habile est ut mutetur. Inquis: calore ciborum adjuvari

adjuvari coctionem ventriculi: dico, id quadantenus concedi in ventriculo debili, verum id evenire per accidens, quia talis ventriculus externq calore indiget, & dehinc nihil inde sequitur, quia non ille calor sed ventriculi calor auctus instrumentum proprium chylicationis est. 2. Improbabile est, unum idemque simul movere ad sentiendum, & sentiendi actum elicere. Verum species sensibiles movent ad sentiendum. Ergo. 3. Si species sensibiles concurrerent cum potentiâ sensitivâ ad eliciendos actus, idem versaretur circa seipsum, idemque simul esset respectu ejusdem agens & patiens. Sed id absurdum videtur. Interim dum hoc urgemus, non negamus species sensibiles efficienter instrumentaliter movere, ut eliciatur sensatio, quod solum evincere videntur rationes oppositæ. Nam ea assertione abundè apparet, quo modo per species potentia sensitiva ab actu primo deducatur ad actum secundum. Sed inquirunt: cognitione fit quid simile speciei. Ergo ipsa concurrat ad illius productionem. Respondeo, consequentiam non valere. Etenim observamus imaginatione matris moveri vim *πλαστικῆς* seminis, ut ipsi imaginationi & objecto ejus faciat quid simile, verum nec imaginatio matris, nec imaginationis illius objectum concurrunt ut concantæ cum vi formatrice. Urgent amplius: cognitionem efficiunt à cognoscente, tùm ab objecto. Nam totum illud concedimus, effici nempe cognitionem ab objecto, etiam per speciem, sed remotè, quatenus movet potentiam cognoscentem ad cognoscendum: à potentiâ autem cognoscente proximè & immediatè.

§. I X. *Tertia questio est: An dentur species sensibiles?* Duplex potissimum occurrit sententia negantium species sensibiles. Prima Veterum est, & jam dudum rectissime ab Aristot. rejecta, quâ statuebatur, objecta se sensibus ingerere per materialia & realia effluvia. Namque advertimus nec sensoria divelli aut rarefieri ab objectorum admissione, quod fieri deberet, quia materiale non potest materiale subire penetrativè: nec ipsa objecta sui perceptione diminui, quod itidem consequeretur, quia illa effluvia materialia & quanta constituunt. Imo non apparet, quo modo aliquid in medio alicujus densi perspicui consistens possit sese ad visum ea ratione propagare. v. g. videmus araneam vel muscam succino obrutam. per ipsum succinum; & vitra quædam optica conficiuntur, in quæ si aliquod exiguum reponatur, clarissime & multo distinctius percipitur, quàm si nudè oculis obijciatur. Altera opinio species sensibiles negans constituit per reales physicas alterativasque qualitates ob-

jecta sensus movere, puta ignem calore in organo producto, lucidum lumine, coloratum colore &c. Hæc etsi probabilior est priore, similiter tamen à veritate aberrat. Si enim reali qualitatis productione movetur potentia sensitiva à sensu, non plus ab eo movetur, quam istius qualitatis in organum inductum est. Advertimus autem in qualitatibus tactilibus, etiamsi organum nondum tot gradus qualitatis imbibit, tamen eos potentia sensitiva apprehendat. Ergo illi qualitati aliud quid conjunctum est, quod sensibilem speciem vocamus. Et ita commodius fuit & naturæ animalium congruentius. Nam idè objecta species sensibus ingerunt, ut admoneantur de præsentia boni & mali, ut illud prosequantur, & hoc fugiant. Sed nimis tardè id fieret, si qualitas jam perfectè sentienti fuisset impressa. Inquirat quis: *quare ergo sensorium debet esse demudatum à qualitate objecti*, si non, quia ab objecto qualitas realis organo imprimitur? judico, quia qualitas realis, quæ organum occupavit ei continuò suam speciem ingerit, ut alia non possit sentiri, atque aliquando etiam organum ineptum reddit, ut species commodè recipiat. Notandum verò, quando dari species sensibiles asserimus, quod eo ipso non negemus ab objectis etiam secundum reales alterativas qualitates posse organa affici, sed tantum evincere conemur, non illis, sed speciebus immediatè potentiam sensitivam moveri & determinari.

§. X. *Quarta questio est: Quid sint species sensibiles?* Possunt ea ratione describi, quod sint qualitates à sensibilibus productæ ea sensibus repræsentantes. Ex ea descriptione patet eas realia entia esse, imò reales quoque qualitates. sed quod appellantur qualitates intentionales, non intelligendum ita, quod sint pura entia rationis, sed quod ordinantur ad cognitionem eliciendam. Liquet etiam, à quâ causa producantur, nempe ab ipsis sensibilibus, seu objectis sensuum. Etsi verò modus quo producuntur, sit investigatu difficilior, neutiquam tamen probabile esse opinor, quod communiter asseritur, emanatione naturali ab iis procedere, nisi illud ita explicetur, ne tollatur vera ratio efficientiæ. Sed de hoc aibi disputavimus. Denique in eadem descriptione indigitamus propriam naturam & finem specierum sensibilibum, dum dicimus eas repræsentare objecta sensibilia. Quo loco illud rursus in dubium revocatur, *quo modo representans objecta sua?* Sunt qui virtualiter id fieri asserant, sunt qui formaliter. De visibilibus speciebus dicendum videtur, eas formaliter repræsentare objecta sua. Nam experientia

monstrat

monstrat in camerâ obscurâ pingi res externas visibiles intentionaliter iisdem coloribus, quibus res visibiles præditæ sunt. Et idem in oculo fieri, experientia itidem confirmat. Hinc quoniam probabile est, modum repræsentandi in omnibus esse similem: judicamus & alias species simili modo objecta sua manifestare. Sed si hoc: *an ipsa species sensibiles etiam sentiuntur; an solum res per species?* Experientia docet, ordinariè nos non advertere, quod sentiamus species: verum aliquando id evidenter cognoscere est. Sic in camerâ clausâ depictas in chartâ species cernimus: ita observant quoque ebrii ac vertiginosi res circumgirari, cum tamen quietæ sint, ac species tantum in gyrum volvantur. Inde concludimus, semper quidem species prius cognosci; sed non ita ut cognitionem terminent, sed ad aliud referant, etsi non semper cognoscamus, quod speciem prius percipiamus.

§. XI. *Quinta questio est: quotuplices sint species?* Non est dubium, quia totuplices sint species specificè differentes, quotuplicia sunt objecta specificè diversa: sed hoc solum impræsentiarum quærimus, an verum sit, quod aliqui dicunt, *uniuscujusque objecti cognoscibilis duplicem esse speciem, unam impressam, quam scilicet objectum organo imprimi, alteram expressam, quam facultas cognoscens format ad prioris similitudinem.* Non est id improbabile. Etenim species ab objecto immissa perit objecto remoto: nisi ergò daretur alia species, quæ à facultate cognoscente produceretur, nullius posset recordari, nihilque in somno cognoscere. Hoc tamen porro statuendum videtur, species expressas non formari à quolibet sensu, sed tantum ab interno: Si enim externi quoque species formarent, illi absentia quoque objecta possent sentire, quod falsum esse experientia nos manifestè docet.

§. XII. *Sensus externi sunt quinque: nempe tactus, quo percipiuntur qualitates tactiles, tum primæ, tum secundæ, tum simplices, tum motivæ, cujus speciale organum est cutis: deinde gustus, quo sapores discernoscuntur, quique residet in lingua: porro olfactus, qui mediante naso externo & interno percipit odores: insuper auditus, quo soni percipiuntur instrumento aurium: ac ultimò visus, quo oculorum adminiculo lucem & colorem cognoscimus.* Quæ ad horum sensuum cognitionem pleniorē attinent, pleraque agentes de ipsorum sensoriiis in præcedentibus attulimus; ut nunc pauca solum adjungenda restent.

§. XIII. *Quærimus primò: An rectè numerus quatuor sensuum exter-*

normi constitutus sit? Communi Physicorum sententia affirmativa defenditur, ac sunt pro ea rationes urgentes. Etenim 1. objecta omnia sensibilia externa ad aliquem quinque sensuum revocari possunt, ut pluribus non opus, & si unum abesse asseras, aliqua ad nullum sensum revocari queunt, unde consequitur, quod tot necessarii sint. 2. manifestè quinque organa sensuum externorum monstrati queunt: at probabile est unumquodque peculiari sensui destinatum fuisse. Nec enim credibile est, vel unum sensum in diversis residere organis, vel unum organum pluribus sensibus esse dicatum. 3. In homine omnes quinque illi sensus deprehenduntur, & si illorum unus absit, etiam notitia alicujus objecti ipsi deficit, ut & hinc concludere liceat, quinque sensus externos dari. Proinde neutiquam illorum sententiæ accedendum est, qui numerum externorum sensuum imminuunt, ut illi faciunt, qui gustum sub tactu comprehendunt. Variat enim evidenter tactile & gustabile, ut neutrum alteri subijcere tanquam speciem liceat, & organa quoque ita discrepant, ut neutrum alterius objecta sub propria formalitate percipiat. Sunt verò in eam opinionem delapsi, quod lib. 2. de anim. Aristot. dixerit, gustum esse tactum quendam, sed ipsum non rectè intellexerunt. Neque enim hoc eo sensu dixit, quod gustus non esset peculiaris sensus, verum quod ad gustum requireretur idem objecti ad sensorium corporalis applicatio, quemadmodum sæpè fit in tactu. Similitudinis igitur identitatem, non essentiae Philosophus iis verbis indigitavit, cum ita distinctè de objectis, organis, functionibusque illorum duorum sensuum egerit, ut facile appareret, secundum ipsius sententiam eos differre. Sicut autem hi in defectu, ita alii in excessu peccarunt, qui sensuum numerum præter necessitatem multiplicarunt. Sic *Scaliger titillationem Veneris* peculiarem sensum esse credidit: *Themsius* autem, *Philoponus*, *Avicenna* ac *Ægidius sensum tactus* multiplicem esse judicarunt, sed nullis rationibus urgentibus adducti. Nam sensatio in titillatione percepta est sensatio tactus, at non omnimodè perfecti, verum qualis in aliis partibus à proprio organo diversis reperitur. Adjungitur illi titillationi veneræ appetitus, verum hic à sensu distinctus est. Neque etiam, quam varia sunt objecta sensus tactus, ideo eum multiplicem esse concludere licet. Hoc enim ei cum aliis sensibus commune est, sed ostendendum foret, pro istorum objectorum varietate multiplicari rationem formalem objectorum, quod hætenus non est ab illis præstitum. Id autem non

ob-

obstat, quod non possimus in genere qualitatem aliquam nominare, quæ formalem rationem tactus includat: nam ne illi quidem ipsi possunt talem in aliis sensibus nomine proprio insignire: ac nominamus ex abundanti, dum qualitatem tactilem dicimus. Eo enim ipso indigitamus, sub eo formali unamquamque qualitatum istarum sensorium movere, ut speciatim tactus afficiatur. Conati sunt & modum illum aliqui exprimere, sed non arbitror, id ab iis sufficienter præstitum esse.

§. XIV. Quærimus secundo: *Quis sit inter eos sensus ordo?* Duplex ordo communiter inter eos observatur, *dignitatis* nempe, & *necessitatis*. *Ordine dignitatis* primus habetur sensus *visus*, secundus *auditus*, tertius *odoratus*, quartus *gustus*, & quintus *tactus*. Nam hic ordo desumitur tum ab objecto, tum à modo cognoscendi, tum ab effectu. Cæterum constat objectum visus esse maximè immateriale, atque nobilissimum: modum item videndi respectu aliorum sensuum desæcatissimum & purissimum: atque ad sapientiam acquirendam aptissimum. Hinc Philo Judæus docet, cœlitus quidem Philosophiam derivatam esse in animam, veruntamen oculorum ministerio deductam in hospitium. Ac quod pro auditu afferri potest, nempe cæcos multos doctos in viros evasisse, non adeo difficile solutu est. Etenim & surdi docti evadere possunt. Atque quidem perfectius. Nam visus ducit nos in scientiam naturæ, prout in se est, & ut proprio Marte acquiri potest: verum auditus in eandem, prout ab aliis discimus. Neque illud obstat, quod auditu verbum Dei cognoscimus, nam id per accidens est, & ex benevola Dei dispensatione, non ex dignitate sensus per se. Ita enim & aqua assumitur pro visibili signo baptismatis, neque tamen inde naturalis ejus prærogativa supra ignem probatur. *Ordine necessitatis* contra se habent omnia. Nimirum maximè necessarius *tactus*, deinde *gustus*, rùm *odoratus*, sequitur *auditus*, ac agmen claudit *visus*. Hinc Arist. l. 2. de anim. c. 3. docet, cuncta animalia tactum habere, atque lib. de sensu & sensil. addit, animalia omnia habere & gustum. Nimirum primum universalissimè intelligit, at alterum aliquantò restrictius. Quippe plantæ animalia solo tactu pollent, at alia, quæ animalia absolunt dicuntur etiam gustu. Sunt tamen qui sub tactu gustum subintellexisse Aristotelem volunt, verum non necessum est, quia animalia nutrirî possunt sine gustu, etiam citra incommodum, modò tactus sensu conveniens alimentum dignoscatur. Hinc etiam liquet, quare tactus magis necessarius

serius sit, quàm gustus. Accedit verò & alia ratio, quia nempe qualitates tactiles omnium universalissimæ atque potentissimæ sunt, & sic animalibus maximum commodum vel nocumentum afferre queunt; unde requiritur, ut vel maximè tactu pollere debeant, ad conferentium appetitum & nocentium declinationem.

§. XV. Quærimus 3. *Quisplex sit objectum sensus externi?* Duplici modo solet dispesci. Namque 1. *objectum* aliud est *per se*, aliud *per accidens*. Illud virtute suâ sensorio se ingerit, atque ab eo sub propria ratione percipitur: hoc autem non item. Sic objectum per accidens appellari communiter solet materialis substantia, quæ sentitur, quatenus accidente sensibili est affecta. Licet huc quoque revocare accidentia realia negativa. Sic enim aves sentire dicuntur per accidens pullos deperditos, neutiquam per se: quia privationes per se nullum sensum movent. 2. *Objectum sensus externi* aliud est *propriū*, quod quod ab uno tantum sensu externo percipitur; aliud *commune*, quod ad plures refertur. Sic enim communiter declarant. Nam quamquam Arist. aliquando dicit, sensibile commune ab omnibus sensibus percipi; tamen sic se declarat, ut eum plures tantum quam unum significasse judicare possimus. Quamvis Zimara id sic conciliet, quod sensibile commune confusa quidē perceptione ab omnibus, sed distincta solum à pluribus. Peculiaris adhuc sententia ascribitur Averr. comm. 65. lib. 2. de anim. ubi docere videtur, sensibilia communia dici, quia à nullo sensu particulari, verum tantum à sensu communi dignoscantur. Seu ejus sit, seu non sit, quandoquidem alibi aliter de ea re loquitur, certum est, non posse id universaliter intelligi: nam figura, motus, & quies omnino visu dignoscuntur. Verum quin in particularibus quandoque requiratur sensus interni advertentia & judicium, Optici diversi pro certo habent. Etenim explicare alioquin nequeunt, qua ratione quantitas, & distantia repræsententur in oculis: quo de ipsi consulantur. Solet de *sensibilibus communibus* quæri, *Virum propriam sui speciem sensibus ingerant, an solum modificent speciem propriam sensibilibus propriorum?* Communioni sententiæ calculum meum adjicio, quæ posterius affirmat, utpote quod experientia confirmare, & ratio suadere videtur. Sicut enim color per subjectum distensus est, ita pro ejus ratione figuratus, & ad ejus motum mobilis; ut ea ratione non necessaria videatur, nec notetur quantitatis, figuræ, aut motus species.

§. XVI. Quærimus 4. *Quot sint sensibilia communia?* Communiter Philosophi cum Aristot. l. 2. de animal. c. 2. quinque recensent, nempe *magnitudinem, figuram, numerum, motum & quietem*. Cæterum à Doctissimo Aquilonio novem numerantur: nempe, *quantitas, figura, locus, situs, distantia, continuïtas, discretio, motus & quies*. His cum aliis *similitudinem* adjicio, & numero denario plenè omnia sensibilia communia recenferi existimo. Non nego equidem, posse aliquatenus ad quinarium numerum cætera revocari: veruntamen quilibet advertet, cum difficultate atque obscuritate quadam id fieri, ut præstare videatur, singula ea seorsum enumerare. Nam quod crimen committitur, id si fiat? Sanè quod Aristot. eo loco non instituerit omnia, sed aliqua tantum præcipua indigitarè ex eo cognoscitur, quod lib. de sensu & sensil. c. 4. plurium mentionem facit. Illud autem neutiquam concedendum, numerum quinarium imminuendum esse. Rationes enim quæ id suadere videntur, ejus roboris non sunt, ut evidenter ex his percipipotest. Certum equidem est, *quietem* sæpè privationem denotare, veruntamen non semper: nam aliquando perseverantiam in suo ubi dicit, & sic hîc locorum. Illud item verum non est, non posse aliquid, quâ movetur percipi. Sit enim id non fiat per se primo, tamen fieri potest secundariò, quatenus alia sensibilis qualitas motui sociata est. Ne etiam *numerus*, ut ab intellectu solum formatur, in hoc numero conciperet, clariore verbo eum Aquilonius *discretionem* nuncupavit. Et antea jam notatum est, non propriis speciebus sensibilia communia sensus movere, sed modificare solum propriorum sensibilibum species; quo ruit illud, *magnitudinem* non esse commune sensibile, quia quantitat is nulla est efficacia.

§. XVII. Quærimus 5. *An & quatenus sensus externus errori sit obnoxius, vel ab eo immunis?* Quandoquidem natura sensus nobis dedit, ut per eos veritatem circa sensibilia objecta perciperemus, meritò inquirendum est, quousque illis fidere liceat. Fuerunt aliqui ex Veteribus Philosophis, qui omnia vera esse judicarunt, quæcunque sensibus cognoverunt: hincque Solem bipedalem solum esse, & oceano mergi, aliaque plurima à veritate aliena, tamquam vera posteris persuadere conati sunt; quos experientia satis convellit, utpote quæ docet, in plurimis sensum hallucinari posse. Contra alii omnem sensuum fidem in dubium vocarunt, adeò ut nihil certi per eos cognosci posse asserere non sint veriti. Hos communi calculo damnamus, ut in naturam Deumque

que injurios & ingratos. Satius enim foret, omnino sensibus carere, quam indubitato ab iis falli, & à vero abduci. Ut taceam, Deum ipsum nos revocare sæpè ad sensuum testimonium. Media igitur via tenenda est, judicandumque aliquando sensus à vero aberrare, aliquando verò duces esse ad veritatem. Ac quidem hoc beneficium præstant, quando circa proprium objectum versantur, & omnia sentiendi requisita debite habentur. Contra si sit, errores plurimi contingunt. Causa asserti prioris est, quia tunc erroris nulla ratio dari potest. Nihil autem evenit sine causa. Deinde, quia debite & naturaliter applicato agente ad patiens, si nihil obstat aut immutetur, fieri non potest, quin sequatur naturalis effectus. At posterioris ratio est, quod aliquid intercedat, ob quod tùm impressio, tùm dijudicatio speciei sensibilis immutetur. Quod idem experientia confirmat. Sic enim *error contingit 1. circa objectum per accidens*. Quemadmodum enim rectè Arist. ait 3. Metaphys. c. 6. potest aliquid secundum visum mel apparere, quod gustus mel non esse demonstrat. 2. *si requisita sensationis non habeant se debite*. Sunt vero ea 1. *objecti sufficiens & moderata virtus*. Nam si non sit sufficiens, sensum movere, quoad requiritur, nequit; & si immoderata sit, sensorium lædit. Hinc Solis veram imaginem apertis oculis perspicere non possumus, neque minutula plurima distinctè percipere. 2. *organi bona & naturalis habitude*, Ob cujus vitiosam constitutionem multipliciter contingit errari. Ita suffusione aut ictero completis laborantibus rubro aut flavo colore aliquando res etiam alterius coloris persusas esse judicant. 3. *medium quoque debet se habere sub naturali habitudine*, alioquin viciat sensibiles species, quemadmodum si quis per viride vitrum res quascunque sub viridi colore conspiciat. 4. *debita objecti ad organum approximat*io, ut scilicet intra sphaeram suæ activitatis consistat, neque nimium organo immineat, alioquin observamus nimium remota aliter apparere quam sunt, & organo incumbentia vel prorsus non sentiri, vel si id non fiat, percipi tamen cum molestia ac noxa.

S. XVIII. *Sensus interni à nobis distinctè explicati non sunt*, cum de cerebro ageremus, proinde nunc aliqua enucleatius de iisdem adjungenda veniunt, quod optimè methodo nobis usitata per quæstiones quasdam præstabimus. Sit *prima quæstio*: *An unus vel plures sint sensus interni?* Non hoc ea ratione quærimus, quatenus simpliciter sensus interni ut facultates animæ primæ considerantur, quando quidem eo sensu superius probavimus, facultates animæ nec inter se, nec ab anima

reaiter discrepare: verum quatenus sunt virtutes organicæ, quemadmodum hoc sensu de sensuum quoque exteriorum numero quæri solet. Dissentiunt super ea controversia Autores. Nam Aristoteles, Galenus, Avicenna, Averrhoës, Thomas, atque plerique Philosophi & Medici veteres, Græci, Arabes, ac Latini pluralitatem internorum sensuum astruxerunt: Recentiores autem aliqui magno conamine unum sensum internum tantum astruxerunt. Ac quandoquidem omnes ingenii sui vires in id intenderunt, quod nulla necessitas adferri posset, ob quam plures interni sensus constituendi sint, placet aliqua contraria documenta asserre. Atque prima ratio sit: quod facultatum harum organicarum dentur diversa organa. Nemo autem hætenus dixit unam eandemque facultatem organicam in diversis organis consistere. Est enim quævis suo organo affixa. Antecedens autem abunde à nobis supra cap. 10. §. 64. probatum est. Secundam ab effectu petimus hoc modo: quarumcunque facultatum organicarum actiones sunt omnimodè diversæ, & mutuo separabiles, eas inter se differre credendum est. Sic autem sunt functiones internorum sensuum. Ergo. Major probatur, quia nullo meliore modo manifestantur facultates organicæ diversæ. Minor autem ex sequentibus patebit. Solent ad majorem excipere: intellectum esse facultatem unam, atque edere diversas actiones: sed advertere debebant, intellectum esse facultatem inorganicam, & immediatè atque solitarie animæ inhærere. Excipere possunt etiam facultatem nutriendi, augmentandi, & generandi, itemque facultates ministras: verum suo loco ostendimus, quatenus hæc differre vel non differre dici queant, atque cum ipsorum identitatem probavimus, id factum fuit, tùm quatenus ut facultates animæ primæ sunt, tùm prout easdem actiones producant, quod hic nullatenus adhiberi potest.

§. XIX. *Quæstio secunda sit: Quot & quæ sint sensus interni?* Magna opinionum diversitate super hoc disputatur. Nam aliqui duos tantum recensent, ii que ipsi non consentiunt, dum alii illorum sensum communem & phantasiam numerant, alii phantasiam & memoriam. Aliqui tres numerant, alii quidem sensum communem, phantasiam & memoriam: alii autem imaginationem, discursum, & memoriam. Aliqui quatuor sensus internos esse putant, nempe sensum communem, imaginationem, æstimativam & memoriam. His addunt aliqui phantasiam, aliqui insuper reminiscenciam. Ego arbitror eam sententiam veritati maximè congruam esse, quæ organorum numerum, & actionum

seu

seu functionum necessitatem optimè explicare potest. Quod mihi videtur optimè præstare prima opinio, quæ nempe duos sensus internos constituit. Sicuti enim cap. 10. §. 64. superius à nobis notatum duorum organa sunt interna, cerebri nempe & cerebelli interna substantia. Quod enim quis objicere poterat, substantiam cerebri & cerebelli non obtinere sensum tactus, ideoque non esse organum interiorum sensuum, illud nihil concludit, non magis, quam si dicerem, oculus non habet sensum auditus, ergo non est organum visus. Nullatenus quippe ab eo, quod quid non est organum unius sensus concludere licet, quod neque sit organum sensus alterius. Imò addam & hoc, organum sensuum interiorum debere esse taliter constitutum, ut nullius sensus externi per se organum, quo nempe melius percipere possit omnia, quæ ab externis sensibus percepta sunt: alioquin enim molestia unius objecti abductum reliqua non ita bene cognosceret. Proinde nec de hoc sollicitus sum, an vel sensum tactus obscurum obtineat, quamvis eum ei denegandum non censeam. Quod autem omnino cerebri substantia ad sentiendum postuletur, vel ex eo liquet, quod sine nervis, qui intus cerebralem substantiam productam habent, nulla sensatio externa peragitur, & quod oppresso cerebro omnes sensationes interiores imminuantur & tollantur. Unde confirmatius eorum sententiam rejicio, qui *membranas cerebri sensuum interiorum organum esse volunt*: Sunt enim eæ alii usui destinatæ. Quod verò urgere possunt, phrenitidem fieri ex inflammatione meningum, remore & per consensum explicandum est; quandoquidem experientia testatur, corrumpi vulnerarique eas posse citra delirii productionem, modo ne sanguis & cerebrum inde plus justo incallescant. Similiter nec *ventriculi cerebri sedes illorum sensuum sunt*, sed receptacula excrementorum cerebri, quæ ideo tum in os, tum supra spinam dorsiflexum inveniunt, quemadmodum ocularis inspectio monstrat, ut alia taceam, quæ cit. cap. 10. §. 54. & 58. notavimus. Duo igitur organa sunt interiorum sensuum, non plura, non pauciora, cerebri & cerebelli substantia. Addo nunc quod duplicis generis tantum actiones. Etenim sensus interni est, omnium exteriorum sensationes percipere, & distinguere; sic ut id visum, aliud auditum, aliud gustu alioque sensu perceptum cognoscat, similiterque advertat, sentire vel non sentire sensus externos: deinde alterum officium est, sensatas res varie componere, non sensatas elicere, & singula, quoad in potestate sensuum est, dijudicare. Primum munus *sensi*

ſui communi, alterum *phantafia* aſſignamus: illi cerebri ſubſtantiam, huic cerebelli adjudicamus. Etenim prior operatio functionibus ſenſuum proximior eſt, & magis læſa advertitur anteriore cerebri parte læſa, poſterior autem ſuprema omnium eſt, ideoque conſiſtentiam ſolidiorem, & locum poſtremum naſta eſt, teſtaturque experientia eam partem omnium minimè dependentem eſſe. Ex his liquet, non eſſe neceſſariam æſtimativam, quandoquidem functionem ejus obit phantafia: neque memoriam, nam ſpecierum aſſervatio ſubſtantia cerebri adjudicari poteſt; reiterata vero actio virtuti phantaſiæ, quæ vel habitum prius cognitorum acquiſivit, vel alia ratione ſecundo cognoscit, quod prius cognovit. Ac ea de cauſa memoriam non ſimpliciter negamus, ſed ſolum opinamur eam non eſſe ſenſum diſtinctum ab alio. Hinc factum, quod quanquã Ariſt. l. 3. de anim. c. 2. & 3. duos tantum ſenſus internos conſtituit, tamen peculiarẽ librũ de memoria & reminiſcentia ſcripſerit.

§. X. X. *Quæſtio 3. ſit: An Galenus atque Ariſtoteles in numero eſſentiaque internorum ſenſuum conſentiant, vel diſſentiant? Ariſtoteles, ut quæſtione præcedente viſum, duos tantum internos ſenſus admittit, nempe ſenſum communem, & phantaſiam ſeu imaginationem, cui operationem memoriæ adjecit, non quod memoria peculiaris ſenſus ſit, quia ab eã, qua talis, nulla ſenſatio obitur; ſed quia phantaſiæ accidit aliquando primò rem cognoscere & dijudicare, prout à ſenſu communi offertur, aliquando iteratò, prout ſcilicet prius cognitorum recordatur. Galenus autem lib. de ſymptom. different. cap. 3. tres facultates principes, (ita enim nuncupat ſenſus interiores) nominat, nempe imaginativam, diſcurſivam, & recordantem. Hinc Recentiorum aliqui Ariſtotelem, alii Galenum acceſſerunt. Ego verò ab illorum partibus ſto, qui Ariſtotelem quidem veriſſima docuiſſe ſentiunt, attamen judicant, poſſe cum eo Galenum in concordiam redigi. Namque τὸ φανταστικόν ſeu facultas imaginativa Galeni, nihil aliud eſt, quàm ſenſus communis Ariſtotelis. Ipſe enim judicavit phantaſiam talem facultatem, qua quis rectè de ſenſatis externis judicat, quod ſenſus communis eſſe ſuperiore quæſtione notavimus. Deinde niſi per τὸ διανοητικόν ſeu facultatem rationantem ſeu diſcurſivam intelligamus facultatem eam ſenſientem, quam phantaſiam Ariſtoteles vocavit, quia cum diſcurſu magnam convenientiam & ſocietatem habet; alterutrum fateri oportet, vel Galenum ſenſienti animæ vim rationantem aſcripſiſſe, atque ſic rationalem animam eũ ſenſiente confundiſſe; vel contra materiales facultates, nempe phan-*

phantasiam & memoriam in anima rationali posuisse, quorum neutrum probabile est. Quod autem memoriam adjecit, facile excusari potest, quia ipse Aristoteles quoque seorsum de memoria egit. Oportet autem memoriam intelligere simplicem, non reminiscentem, quia reminiscencia soli rationanti animæ competit: nisi latè ea voce uti quis velit, ut sicut umbra discursus ipsis brutis conceditur, ita urgere velit, aliquid ἀνάλογον reminiscentiæ iisdem denegari non debere, in quo concedendo non ero difficilis.

§. XXI. Quamdiu sensus liberè operari queunt, nullo externo impedimento posito, vigilare dicimur: quando autem quasi ligantur, ut operari nequeant, somno detineri judicamur. Propterea de vigiliis & somno, prout secundum naturam se habent, aliqua hoc loco asserre methodi ratio postulare videtur. Principio autem scire oportet, quid sint vigiliae, quid somnus? Deinde, quæ sint causæ utrorumque? Tum, quod sit subiectum? Denique, quæ ratione insomnium fiat? Singula ista specialia quæsitâ involvunt, quæ quia quo pertinent, facile cognoscere licet, ut facere consuevimus, propositis quæstionibus institutum opus persequamur.

§. XXII. *Quæstio 1. sit: Quid sint vigiliae, quid somnus?* Optimè id ex communi loquendi consuetudine colligere possumus. Quia enim omnes vigilare eos dicunt, qui liberè sensuum exteriorum operationes obire possunt, at dormire, quibus earum operationum conjunctim sumptarum obeundarum potestas non est, hinc adeo *vigiliarum* nomine venit liberum omnium sensuum exercitium: verum somnus appellatur sensuum præcipue exteriorum ligatio & quies. Dico præcipue exteriorum, quia ut hi quiescant in somno necessarium est; at interiores in somno aliquando operari possunt, unde insomnia tunc fiunt. Adde autem *ligatio*, quia non solum cessatio ab actione ad somnum exigitur, sed amplius temporaria aliqualis impotentia. Fieri enim non repugnat, ut nulli externo sensui ullum objectum offeratur; quo casu omnes externi sensus quiescerent quidem, licet homo dormire eo casu dici non posset, quia haberet proximam & liberam obeundi sensationes potentiam.

§. XXIII. *Quæstio 2. sit: Quibus obveniant vigiliae & somnus, & ob quem finem?* Omnibus somnus & vigiliæ contingunt, quibus competit sentire. Ita enim comparatum est natura, ut motus & quies alternentur. Quia enim non potest aliquid continuo & cum delectatione moveri, quies necessario intervenire debet, ne quid uno motu prorsus vi-

ribus

ribus exsolvatur. Atque adeo liquet finis somni, nimirum is est *salus animalium*, quam antecedit *reparatio virium*. Cæterum quærat quis: *quare opus sit quiete in operationibus animalibus, cum tamen non sit necessaria quies in operationibus vitalibus?* An & hæ quietem naturalem habent? Dantur enim aliquando feræ altricis animæ quorundam sententia. An vero naturales causæ necessario agunt, spontaneæ non item? Neutra harum responsionum placet, sed judico, eventus causam esse valde dissolubilem & non continuo reparabilem spiritus animalis naturam. Hinc enim consequeretur, paucissimo dierum intervallo animal viribus sentiendi orbatum iri: quod metuendum non est in actionibus nutritivis, quæ magis consilientia fulcra obtinent, & subinde vires capere sufficientes queunt.

§. XXIV. *Questio 3. sit: A quibus causis vigilia & somnus naturalis pendeat?* Quandoquidem contraria se mutuo illustrent, qui somni naturalis causas noverit, facile etiam vigiliarum inventurus est. De his ergo primum agamus. Missis autem aliorum sententiis, censeo duplicis generis causas hic reperiri, nempe vel *immediatam*: vel *mediatam*. *Immediatam causam* judico esse *cohibitionem spiritus animalis in primo sensorio*. Quoniam enim ex eo spiritus animalis, sine quo vis sentiendi exerceri nequit, in sensoria influit, sequitur, quod si id spiritum eum non immittat, sensuum cessatio subsequi debeat, adeoque somnus. Quanquam enim quis opinari posset, etiam aliam impeditionem in ipsis organis productam somni immediatam causam esse, tamen id admitti non potest, quia talis organi affectio morbofa est, & aliud potius symptoma, quam somnum inducit. *Causæ mediatæ sunt, quæ illam cohibitionem spirituum animalium præstant.* Eæque sunt vel *privativæ*, vel *positivæ*, atque hæ vel *ordinariæ* vel *extraordinariæ*, item vel *internæ* vel *externæ*. *Privativa causa* est *paucitas seu inopia spirituum animalium*, suadens eorundem regenerationem, quod optime per somnum fieri potest. Hæc naturaliter non adeo magna est, at cum magna est, etiam invitos somnus opprimit. *Positiva interna ordinaria est compositio seu quietatio mentis*, utpote sine qua ægrè dormire possumus, & vix quiete. *Esotica* non tamen tam necessaria est *evaporatio alimenti*. Quippe experimur leni ejus halitu ad somnum nos disponi, neque tamen sic, ut sine eo dormire nequeamus. Dormiunt enim multi commodè diu ab alimento accepto. *Externa causa somni ordinaria est aeris nocturni frigiditas & tenebrositas*, quarum hæc mentis, illa spirituum animalium quietem promovet. *Externa vero extraordinaria multiplex est;*

est, ut *musica*, *aquarum lenis stridor*, & similes.

§. XXV. Hinc quis faciliè intelligere potest, à quibus causis pendeat *vigilia*? Nempe proximè à libero spirituum animalium in sensoria secunda à primo sensorio influxu: at remotè à copiâ animalium spirituum, dissolutione vaporum, & spirituum animalium invitatione ab externis objectis sensus moventibus. Dissolutio autem vaporum pendet tum à copiâ spirituum animalium, tum à majoris caloris influxu, tum à calore externi aëris maximè æstivo tempore. Verum ejusdem aëris luciditas sensoria externa movet ad cognitionem, maximè visum.

§. XXVI. Ex his solvi potest *questio 4. Quomodo quis naturaliter ex somno expergefiat?* Nimirum recensitæ causæ obvenientes id præstant. Liquet quoque quid dicendum sit ad *questionem 5. Quomodo quis exciteretur ab occurrentium objectorum vehementia*, ut clamore, pulsu, luminis magni occursu, fœtore &c? Fit nimirum id exteriorum sensoriorum irritatione nimia, quæ ad primum sensorium pertingit. Non enim opinandum est, destitui prorsus omni animali spiritu externa sensoria, etsi eum tantâ copia non haberet, ut liberè exferi queant: verum quod cessant, est etiam illorum, qui in sensoriis sunt detentio & quies, maximè inde dependens, quod ab internis non abundè novi spiritus animales affluunt. Nam prævertit natura eam inopiam, quæ nimiam virium jacturam adduceret.

§. XXVII. *Questio vi. sit: Quodnam sit primum illud sensorium, à quo spiritus animales cohibentur?* Aristoteles id cor esse vult, & ei Philosophi aliqui assentiuntur: Contra autem Galenus, cui plerique Medicorum & plurimi Philosophorum subscribunt, cerebrum id esse urget. Supra verò cum de primatu cordis & ejus cerebrique officio egimus, ea fundamenta jecimus, ex quibus ostendi potest, Aristotelem vera docuisse. Illa non repeto, sed speciatem primum detentionis spirituum animalium instrumentum cor esse, hinc licet colligere, quod in somno pulsus debiliores sunt, ipsum corpus frigidius, & quod dum ad spontaneam excitationem procedimus, pulsus majores incipiunt fieri, & corpus magis calefieri. Unde cum cor nimium calet, aut prorsus dormire non possumus, aut saltem non quiete. Et hæc majorem fidem merebuntur, si consideremus secundum omnes functiones suas cerebrum & omnes partes à corde dependere. Eo enim supposito, si porro constet, quemadmodum ex dictis jam liquet, in somno cor cerebro aliquid denegare, quod in vigiliis suppeditare solet, cogitari aliter non potest,

quàm

quam quod cor originaria causa somni sit. Nihilò minus, quia cerebrum est primum sensorium manifestativum seu dependens, & quia ipsi animales spiritus ex corde in cerebrum non amandantur, sed solum vitales, ex quibus cerebrum spiritus animales conficit, dici potest cum Galeno, cerebrum primum illud sensorium esse in quo spiritus animales cohibentur; sed tamen addendum venit, quod originariè id proveniat à corde, quatenus id influxum spirituum vitalium aliquatenus inhibet, & sic consequenter spiritus animales in cerebro detinet, quod tantum argumenta Galeni convincunt. Nam tùm ipsi, tùm alii urgent, à cerebro oriri spiritus animales, & ex eo in sensoria influere, eidem medicamenta adhibere hypnotica, atque cerebro etiam vapores obveniunt ab alimentis elati, quemadmodum Arist. ipse confitetur. Si enim quis ea ulterius extendere velit, facillimè solvi possunt. Nam ad 1. dici potest, à cerebro quidem generari spiritus animales, & ad sensoria dimitti proximè, non autem independenter à corde & originariè illi eam facultatem competere: atque idèò à corde dici possunt produci & procedere tanquam à causa originariâ & independente ab aliâ parte. Ad 2. dici potest: medicamenta somnum inducentia cerebro adhiberi, tanquam parti, quæ ad somni productionem confert, attamen ob communionem vasorum vini quoque eam diffundi ad cor. Imò addo hoc, optimè somnum provocari, si hypnotica carpis manuum, plantis pedum, aut umbilico admoveantur. Id verò fieri non potest, quam quatenus ea vis primò cordi occurrit. Imò interna somniferà maxime vim habent humores & spiritus vitales refrigerandi & cohibendi, ut refrigerantia & opium, quod ipsum cordi præcipuè infestum est, si majori copiâ usurpetur: unde constare potest, argumento illo à juvenibus & lædentibus desumpto minus validè sententiam Philosophi oppugnari. Ad ultimum responderi potest: illud nihil contra nos inferre, nisi itidem exclusivè accipiatur: verum tùm falsum esse, quia nisi cor spirituum vitalium influxum cohibeat, tùm illa cibi evaporatio parum adjunctum allatura sit, sed potius inducitur molestas vigilias, aut somnum inquietum.

§. XXVIII. *Quæstio 7. sit: Quam homines maxime in somnum inclinent?* In genere dici potest, quod frigidi & humidi maxime dormiant, seu tales sint temperamento, seu excrementis. Par enim ratio est. Causa autem facile patet. Nam humiditas implicat, frigiditas autem cohibet spiritus vitales & animales. Atque hinc concludi potest: 1. In-

K k k k

fantes

santes naturaliter magis esse ad somnum proclives, quam adultos, & inter hos maximè senes. Habent enim utrique copiam humorum frigidorum & humidorum, ut ipsum calorem aliquatenus obruant, ac in pueris adjungitur temperamentum humidum, in senibus autem excrementa magis redundant. 2. *Mulieres similiter cæteris paribus magis in somnum propendere quam viros.* Dicimus cæteris paribus, ut indigitemus ejusdem temperamenti, ætatis & status mulieres cum viris debere comparari. 3. *Quoad temperamentum maximè somnolenti sunt pituitosi, dehinc sanguinei, post melancholici, minimè verò omnium biliosi.* Ratio asserti est, quia in quibus causæ somni potentiores sunt, ii magis quoque somnolenti judicari debent. Verum in pituitosis ob abundantiam frigidi & humidi utraque somni causa adest: in sanguineis deinde humiditas redundat, & evaporatio demulcens, ob caloris moderationem: porro Melancholici etsi sicci sunt, tamen frigidum temperamentum adjunctum habent: Biliosi autem non calidi solum sunt, & sicci, sed & acres halitus plurimos obtinent, ut adeo illorum natura somno sit maximè contraria.

§. XXIX. *Questio 8. sit: Quodnam tempus somno aptissimum sit? Respectu diversæ comparationis diversimodè ad hoc dubium respondendum est.* Nam 1. si consideremus tempus diei, nocturnum tempus somno maximè commodum est, non item diurnum. Sicut enim supra visum, nocturno tempore aer frigidus humidus ambiens, solis recessus, spirituum animalium per diem dissipatio, externorum objectorum sensoria irritantium absentia magis somnum promovent, & consuetudo cum securiorem reddit; contra autem se habent omnia tempore diurno. 2. Si ponderemus, quod anni tempus somno maximè sit opportunum, judicamus hyemem somno maximè esse commodam, tum ver, post autumnum; æstatem verò ei maximè adversari. Hyems enim non solum frigida est, sed & humores pituitosos cumulat: ver deinde frigidos humores liquat, & ipsum humidum existit: autumnus frigidus esse incipit, & invenit corpora lassata: sed æstas humores agitat, & calorem in corpora imprimit.

§. XXX. *Questio 9. sit. Qui fiat, quod Æthiopes etiamsi temperamento sicci sint, maximè tamen proclives sint ad somnum, & præcipuè æstivo tempore? Duplex causa assignari potest. Prima est, insitii caloris paucitas, unde contingit, ut cum æstivo tempore deurunt, majorem spirituum dissipationem patiantur, quam non nisi somno reparare possunt. Altera est, pituitosi humoris copia à debili calido nativo oriunda; unde evenit, ut per æstatem humore eo fuso, somnus reddatur profundior. Ex contrario*
reddi.

reddi potest causa, quare melancholici æstate parum dormire possint? Quia nempe ipsi parum humorum coacervant, imò sicci temperamento sunt, quod æstate magis torretur. Vernale autem tempus iis summè conducit.

§. XXXI. *Quæstio 10. sit: Quo modo variet somnus respectu ejus temporis, quod dormitur? Experimur, quod primo tempore somnus soleat esse profundior & inquietus magis, at postremo tempore jucundior & minus profundus. Causam eventus reperire facillimum est. Etenim primo tempore ob majorem halieuum copiam & jacturam spirituum perditorum somnus profundior est, sæpè & inquietus ob turbatum eorum motum & cerebri aggravationem. Verum postquam paulatim spiritus reparati sunt, & acres redundantesque vapores discussi, somnus quietus magis & jucundus evadit. Eadem causa est: quare matutinus somnus jucundior sit? Accedit tamen hic & alia, quia nempe sol ad horizontem nostrum revertens novos vapores tum in corpore nostro excitat, qui somnum ab intra indant, tum in aliis corporibus, qui similiter ad corpora nostra appellentes somnum promovent.*

§. XXXII. *Quæstio 11. sit: Unde accidas, quod ex solutis & debilitatis vehementer, subito somnus superveniens noxius sit? Experientia id verum esse testatur. Ratio autem est, quia in somno ad cor vires & spiritus revocantur, id verò si debile sit, ex repentino adfluxu obruitur, & aliquando magnum nocumentum capit. Hinc licet rationem petere, quare à phlebotomia somnus prohiberi debeat? Nempe non primariò, ne vincula laxentur, utpotè quod facile impediri potest; sed præcipuè, quia metus est, ne cor subito obruatur, & animi deliquium virumque vehementes consternatio inde consequantur.*

§. XXXIII. *Quæstio 12. sit: quomodo somnus omnes evacuationes sistat, excepto sudore? Habent hoc Medici sæpè in ore: somnus omnes evacuationes sistit, excepto sudore, quem magis promovet. Illius ergo effati causam investigare non erit Medico indignum. Primi ergo membri ratio est, quia somnus omnes actiones animales ad quietem deducit. Eodem enim opere, quo spiritus animales detinet, ne in sensoria devehantur, etiam eosdem ab organis motoriiis cohibet. Evacuationes autem aliæ omnes à locomotiva præstantur. Accedit, quod cum locomotiva sequatur appetitum, hic autem sensum, si hic quiescat, etiam reliquæ facultates quiescere debeant. Secundi autem causa est, quia sudoris evacuatio naturalis seu vegetabili virtuti assignanda venit, quæ in somno non solum non quiescit, verum etiam perfectius operatur. Ut quo id fiat*

mo facilius patefeat, notandū, quod aliquibus sudor primo somno obvenit, quibusdam magis ultimo. Prius evenit, si in extremis partibus redundet serum, quod introsum revocato calore constrictione partium expellitur, sicut idem evenit animi deliquium patientibus, aut qui cum calent frigidum potum hauriunt. Posterius accedit, quia coctione serum tenue dissolvitur, & à calore ad externos partes uberius propagato excernitur. Sic enim & exercitia & calidorum usus sudorem provocant.

§. XXXIV. *Quæstio 13. sit: Quid sit somnium?* Non malè docet Philosophus, *Somnium esse visum, quod in somno apparet.* Dum *somnium visum esse* docet, denotat imaginem aut simulachrum aliquod rei, sicuti sunt ea, quæ spectantur aut sensu aliquo apprehenduntur. Speciatim autem appellat visum, quia ut visus sensus nobilissimus est, ita plerumque se alius admiscet, & in somnio hoc ferè semper observatur. Addit autem, *quod apparet*, ut indiget, ad somnium non sufficere rei simulachrum, nisi accedat advertentia animæ. Denique inquit *per somnum*, ut à somnii ratione removeat delirorum, atque melancholicorum præcipuè imaginationes, quæ somniis similes quidem sunt, non tamen somnia existunt. Recidit igitur ea descriptio in eandem, quam Coniurbricenses afferunt, & communiter adhibere solent, quod nempe *somnium sit apparitio exhibitæ per internum sensum, in iis qui somno consopiti sunt.* Mavelim tamen Aristotelis descriptionem retinere, utpote clariorem. Nam non necessum est, si propriè loquantur, ut sopiti sint somno somniantes, quin imò sopiti somno plerumque non somniant, aut somnia indistincta habent: nec per internum sensum apparitio ea exhibetur, verum potius exhibetur interno sensui, aut ipse internus sensus imaginem præstò habet, & eam contempletur. Inquis: Aristotelis autem descriptio manca est, quia externi sensus mentionem non facit. Sed pono, quod eum indiget tacitè, dum dicit esse visum quod apparet in somno. Nam externo sensui nihil in somno apparet, sed interno tantum.

§. XXXV. *Quæstio 14. sit: Unde generentur somnia?* Judico præcipuè ex duabus causis, nempe 1. *ex non plena spirituum animalium ligatione*, unde iis maximè obveniunt, qui non valdè profundè dormiunt, atque aliis quoque maximè circa tempus, quo evigilaturi sunt. 2. *ex irritatione sensorii interm*, quemadmodum accedit sæpè numero iis, qui pravis humoribus scatent. Verum his non ita distincta solent esse somnia.

Duo-

Duobus verò modis irritatio illa contingit, 1. cum acres halitus aut copiosi cerebrum feriunt, atque vel imagines concitant, aut alia ratione sensorium irritant, ut ad sentiendum interior facultas provebatur, quem modum multi ferè solitariè recensent. 2. cum aliquid externo sensui occurrit, quod obscure ab eo sentiatur, & dehinc ad internum sensum propagetur. Neque enim opus est, ut in somno externi sensus penitus sint somno oppressi, modo plerique quiescant, aut ita ligati sint, ut ab externis seu foras occurrentibus objectis non facile moveantur; nihil autem obstat, quominus ab internis objectis moveri possint. Sic lingua à pituita aliquando demulcetur, sonitus aures ferit, oculis igniculi objiciuntur, acres humores cutim pungunt, & tetri fœtidique vapores processus papillares narium subeunt.

§. XXXVI. *Questio 15. sit: Quinam sensus interni in somno operentur?* Facile ex dictis responderi potest, frequentissimè phantasiam, veruntamen aliquando & sensum communem circa somnia occupari. Ac sensus communis quidem tum præcipuè operatur, cum ab externis sensoriis ad ipsum species quædam devolvuntur: deinde probabile esse existimo, quod ipse etià moveri queat ab halitibus aut humoribus immediatè anteriori parti cerebri occurrentibus, & sic spiritus ibidem variè afficientibus & irritantibus. Ponitur communiter à quibusdam alius modus, nempe quod à phantasia ad sensum communem vel spirituum vehiculo remittantur, vel ob obstaculum reflectantur imagines: verum ita rarissimè aut nunquam somnia contingere arbitror. Neque enim vel talis imaginum propagatio per rectam lineam, earundemque reflexio facile concipi potest, neque item ille à superiore ad inferiorem facultatem recurrit, & nescio an via quoque satis commodè declarari possit. Relinquo tamen hac de re suum cuique iudicium. Phantasia autem plerumque in opere esse solet, ut ex operationibus, quæ in somniis notantur colligi potest, & hinc quoque cognosci, quod cum ordinariè ab inferioribus facultatibus progressus instituat ad superiores, phantasia autem sensu communi superior sit, quod in hâc operatio definere debeat. Neque de eo quæstio movetur, sed dubium esse potest, an etiam immediatè, sine prævia operatione sensus communis moveri queat? Affirmo respectu specierum asservatarum, quatenus phantasie ætem vapores aut humores subeuntes eas turbant. Censeo quoque à Deo ac intelligentiis variè phantasiam affici posse, tum variâ earundem specierum agitatione, tum aliarum subministratiõe. Verum dubito, an ab humoribus.

ribus aut vaporibus, non interveniente inferiore sentiendi facultate id fieri possit. Solet item quæri, *an memoria sensitiva etiam somnia obveniant?* Negare non possumus, quia istius facultatis operationes sentimus, nisi dicere velimus eas operationes ascribi posse phantasie. de quo vide §. 19. hujus capituli.

§. XXXVII. *Questio 16. est: Quotuplicia sint somnia?* Dividi possunt variaratione. 1. Ratione originis: *somnia alia sunt supernaturalia, alia naturalia.* Supernaturalia, vocantur quæ à causâ supernaturali, Deo nempe aut intelligentiis inducuntur. Et quidem ea, quæ à Deo aut bonis angelis pendent, divina; contra ea, quæ mali angeli suggerunt demoniaca, seu diabolica vocitantur. Negavit quidē ista somnia Arist. sed sacra & profana historia tam multa eorum exempla suppeditat, ut nullatenus in dubium vocari debeant. Quamquam illud obscurum sit, *an supernaturalia somnia terminentur ad solum sensum internum?* Ego arbitror: nunquam absolute & omni modo terminari ad sensum internum, sed venire ad mentem, aliquando significatione tantum, aliquando significatione & repræsentatione simul. Etenim aliquando de iis rebus somnia illa contingunt; quæ solis sensibus apprehendi non possunt: semper autem per ea quid denotatur quod ab intellectu dijudicandum venit. Naturalia dehinc somnia à causis naturalibus pendent. Et hæc quidem siquidem pendent simpliciter à temperamento, aut humoribus in corpore nostro existentibus, speciali nomine naturalia vocari solent; si vero procedant à studio & vitæ genere, appellari consueverunt animalia. 2. Ratione finis: *Somnia alia sunt significativa, alia non significativa.* Atque supernaturalia somnia omnia significativa sunt, naturalia vero non item. Nam rectissime de his judicat Aristoteles, aliqua illorum esse signa aliquarum rerum, ut quæ ex temperamento humoribusque dependent, quæ ideo observare Medici jubent: aliqua illorum sunt causæ actionum, quemadmodum in somnis succurrunt aliquando nobis consilia, quæ vigilantes exsequimur: aliqua autem nihil significant. 3. ratione adjunctorum: *somnia alia bona, alia mala sunt:* aliqua item clara & distincta, aliqua confusa, & quæ plura hujus generis sunt.

§. XXXVIII. A facultate sentiente ad appetentem accedimus, de qua 1. videndum, *quid per eam intelligatur:* 2. *quæ sit ejus natura.* 3. *quomodo dividatur.* 4. *quæ sint ejus operationes & effectus.* 5. *quæ ratione ad eam procedat.* 6. *Virtutem in homine detur.* 7. *quæ in homine speciatim circa illam notanda veniant.*

§. XXXIX. *Facultas animalis appetens* dicitur *appetitus sensitiuus*, & aliquando *appetitus animalis*: ad discrimen *appetitus naturalis* & *rationalis*. Nam vox *appetitus* ita generaliter aliquando sumitur, ut unicuique inclinationi alicuius in aliquid tribuatur, siue sine siue cum cognitione prægressa. Id tamen intervenit discrimen, quod appetitus, quo quid in aliquid citra cognitionem fertur vocatur *appetitus naturalis*, atque *innatus*: sed qui ex prævia cognitione in aliquid procedit, appelletur *appetitus elicitus*. Causa denominationis est, quia *appetitus innatus* non solum quoad substantiam à natura inest, verum etiam quoad operationem à natura generante ita determinata est, ut nec necessaria sit, nec detur aliqua facultas, à qua dependeat quæ operationis exercitium aut determinationem. Sed *appetitus elicitus* etsi quoad substantiam innatus est, tamen quoad operationem indiget facultate cognoscente, à qua ad actum promoveatur, ut sic quasi ex ea eliciatur. Verum quandoquidem cognitio est duplex, sensitiva & *intellectiva*, hinc adeo *appetitus elicitus* dispescunt in *sensitivum*, & *rationalem*, quorum hic ab intellectu, ille à sensu pendet.

§. XL. De *sensitivo* solo hic agendum est. Is dicitur aliquando *animalis*, quia animalium proprius est. Attamen in homine animalis appetitus sæpe spiritali opponitur, sic ut denotet appetitum hominis irregeneriti, & universalius inclinationem ad peccandum nobis omnibus à nativitate inditam ob peccatum Protoplastorum. Ita definiri potest: *appetitus sensitivus est facultas animæ sensitiva, quæ animal prævio sensus iudicio fertur in bonum quatenus iucundum est; & malum refugit, quatenus molestum seu injucundum apparet, ut sic voluptate fruatur, & dolorem evitet.* In hac descriptione omnia proponuntur, quæcunque ad ejus naturam cognoscendam pertinent, nempe genus, subjectum, objectum, principium dirigens, effectus, & finis.

§. XLI. Genus *appetitus sensitivi facultas animæ sensitiva* seu potentia ejus naturalis. Cum enim in animâ ponatur, at in ea tria tantum reperiuntur, *facultas*, *habitus*, & *operatio*: quandoquidem appetitus ad posteriora duo referri nequit, cum etiam animâ non operante ei conveniat, nec ab extrinseco eidem inducta sit, patet quod ad primum pertineat, utpote cum per eam animæ sensitivæ à natura ad operandum efficax est. Et quidem necessaria est ea animæ sensitivæ facultas. Frustra enim sensus animali dati essent, quibus bonum cognosceret, nisi appetitu illud ferreteretur.

§. XLII.

§. XLII. *Subiectum appetitus sensitivi animal est.* Omni enim & soli animali competit : soli quidem , quia illi soli sensus competunt , à quibus dirigitur : sed & omni , quia sine eo boni sui particeps fieri nequit. Natura autem non deficit in necessariis. *Objectum ejusdem est bonum animalis , materialiter quidem , quocunque modo illud animali bonum sit , nempe necessarium , utile aut jucundum ; formaliter autem tantum prout cognosci aliquid ut bonum ab animali potest , nempe ut jucundum.* Nam voluptatem animalia percipere queunt , verum honestatem , & mediorum ad finem ordinationem nequeunt percipere , quia hæc cognitio ab organo corporeo independens est ; at animalia qua talia cognoscunt solum per organa corporea. *Quæri solet : An malum quoque sit appetitus objectum ?* Expressimus id claritatis gratiâ in descriptione , at tamen accuratè loquendo , dicimus illud non esse primum objectum , sed secundarium tantum. Nam appetitus circa malum versatur , ut ejus fuga bonum conservet , vel assequatur. Unde liquet , quod circa illud appetitus solum versetur intuitu alicujus boni.

§. XLIII. *Actus seu operationes appetitus sensitivi sunt prosecutio boni , & fuga mali.* Quandoquidem enim ideo appetitus animalibus convenit , ut per eum in bonum feratur , & malum refugiat , consequens est , ipsam actualem in bonum conveniens inclinationem , & declinationem à malo esse appetitus actiones. *Actionum istarum duplex est principium , efficiens & dirigens.* *Efficiens est ipse appetitus ; dirigens autem sensus internus judicans aliquod bonum vel malum esse.* Hinc etsi per se & naturaliter in operationem eam appetitus pronus est , non tamen eam præstat , nisi quatenus à sensu sic dirigitur : Ignoti enim nulla est cupido. Appetitus autem nihil cognoscit.

§. XLIV. Sic solvi potest quæstio : *Qualiter sensitivus appetitus in objectum suum feratur , nempe , an ut causa naturalis , an ut libera ?* Dico , nec ut libera simpliciter : neque enim consilio dirigitur , utpote quod soli rationali animæ competit : nec simpliciter , ut naturalis , quia nec sic cohæret cum effectu , quin possit intensius aut remissius , imò & aliter operari , prout à sensu determinatur. Absolutè tamen refertur appetitus sensitivus ad causam necessariam seu naturalem , quia non est libera ob ante allatam rationem , cum inter liberum & necessarium agens non statuatur medium. Apparet autem ipsarum necessariorum causarum discrimen aliquod constituendum esse , propter quod illarum aliquæ valde ad liberas accedunt. Hinc *spontaneas* quoque eas Philosophi ap-

pellant, earumque effecta non derivant à generantibus, quemadmodum quidem id faciunt in causis purè necessariis.

§. XLV. *Appetitus sensitivus dispescitur in concupiscibilem & irascibilem. Ille versatur circa bonum jucundum simpliciter spectatum; hic circa idē, quatenus arduum est. Uterque sanè summè est necessarius: ille enim facit, ut leniter in bonum animal feratur: sed hic enititur, si fortè aliquid interveniat, quod ejus assentionem impediat, & intervertat. Neque tamen propterea necessum videtur statuere, illū duplicem appetitum realiter diffare. Sufficit enim rationis distinctio, & satis constat, magis quoque differentes actiones posse ab eodem principio procedere. Magnum quoque identitatis ejus fundamentum est, quod uterque in una eademque corporis parte resideat. Et si enim aliqui appetitum concupiscentem in hepate, irascibilem autem in corde locarunt, tamen quia in utriusque actione præcipue cor afficitur, utriusque illud meritè instrumentum esse opinari cum Philosopho & communi Scholâ debemus.*

§. XLVI. Ad unumquemque illorum appetituum referuntur sui affectus, seu *passiones*, seu *perturbationes*, sicut varie appellantur, quam priora nomina convenientiora videntur. Etenim quia animal & cor afficiunt, affectus rectè dici queunt: nec malè *passiones*, quia in eorum concitatione aliquid animal patitur: verum *perturbationes* propriè videntur tantum esse ii affectus in homine, qui rectæ rationis limites egrediuntur, & vel nimii sunt, vel prorsus alieni. Sunt verò affectus concitationes appetitus sensitivi cū non naturali mutatione corporis. Dum concitationes dico, eo ipso indigitò, quod quatenus proximè ab appetitu sensitivo dependunt, actiones sunt: at cum additur, quod illæ conjungantur cum non-naturali commotione corporis, indigitatur quare *passiones* vocentur, quia scilicet corpus aliquid patitur. Utrumque autem ad affectuum productionem concurrere, experientia satis edocet; quæ itidem monstrat, pro affectuum remissione & vehementia corpus magis minusque tum secundum intensiōnem, tum secundum extensiōnem affici.

§. XLVII. *Variū omnino sunt affectus, quos accuratè persequi omnes valdè difficile est, neque hoc huc multum pertinet. Proinde contenti erimus cum Thomā undecim enumerare, quorum sex ad appetitum concupiscentem, quinque autem ad irascentem referuntur. Affectus nimirum appetitus concupiscentis tres ad bonum ducunt, nem-*

idem est quod appetitûs, nempe *bonum & malum*; hoc tamen discrimine, quod bonum & malum sit objectum appetitûs, quatenus talia phantasia est æstimatum; verum locomotivæ proxime quatenus appetitui subjacet, à quo ad objectum illud locomotiva refertur. Principium ejus originarium *anima sensitiva* est, *instrumentum commune spiritus animalis*, proprium *musculus*, effectus præcipuus *admoveere ad bonum, & removere à malo*, præter quem peculiaris quidam effectus particulari moventi convenit, aut si loqui audeamus paulo aliter, quam communiter Philosophi faciunt, *adequatus effectus est locomotiva subjectum suum particeps facere boni, & liberum reddere à malo*. Modus denique operandi in hoc consistit, quod quando appetitus constituit bonum aliquod prosequi, vel malum effugere locomotiva virtus musculis insidens, & sufficiente spiritu animali roborata, musculorum contractione vel partes quibus tendinès aut aliæ detinentes firmæ musculorum insertæ sunt ad se trahat, vel innitendo alicui fixo propellat, & sic de loco in locum transferat.

§. LI. De hac aliqua notatu digna adferri huc posset, nisi ea, quæ huc pertinent, superius cap. 11. jam proposita fuissent: proinde eò Benevolum Lectorem remittimus; & hoc solum indigitamus, ad facultatem locomotivam in homine referri quoque quadantenus posse risum, fletum, & loquelam. Nam etsi in risu variæ corporis partes moventur, tamen præcipue musculi faciei ad designandam lætitiæ mentis ex perceptione objecti excellenter jucundi. Contra in fletu faciei quoque musculi terre contrahuntur, simulque aquarum aliqua copia ex oculis egeritur, ad significandam animi tristitiam. At in loquela res magis manifesta est. Celebratur enim ea thoracis & oris motu, ut consequenter certo aëris ex pulmonibus eduæti icu voces efformentur, quibus animi cogitata exprimantur. Dixi aliquatenus, quia ut apparet in omnibus istis motus spontaneus intercedit. Veruntamen si quis propterea, quod non universa illorum natura motu animali aut voluntario absolvatur ad facultatis exsequentiæ aliâ speciem, à locomotiva distinctam, ab ea tamen dependentem referre, eamque conceptuum internorum manifestativam appellare velit, cum eo non litigabo. Nam fateor, ita aliquem judicare non malè posse: *exsequentiæ animalem facultatem animali & præcipue homini datam esse duplicem, unam qua solitarie possit boni fieri particeps; alteram, qua altioris auxilio bonum acquirat, malumque vitet. Primam locomotivam esse, usque ejus ope bono absenti appropinquare, & à malo vicino*

recedere potest: *alteram conceptuum manifestativam*, qua alteri desiderium per externum signum manifestet, & auxilium imploret, vel impedimenta ab eo posita sibi displicere & adversari manifestet, quo *risus, fletus*, & *loquela* reduci queunt. Relinquo vero unicuique suum iudicium, & hic finio; verum qui plura de his legere velit, videat institutiones meas Physicas lib. 10. cap. 2. th. 7. & seqq.

CAPUT PENULTIMUM.

De anima rationali, ejusque facultatibus & operationibus.

§. I. **Q**uæ sit natura animæ vegetativæ & sensitivæ humanæ, quasque eadē facultates obtineant, & operationes edant, jam expendimus; superest, ut de rationali anima eadem perpendamus, idque eo magis, quoniam hæc sola ita nostra est, ut à corporibus reliquis animatisque omnibus separemur, & ideo ad cognitionem nostri propriam maxime pertinet. Verum magnam jam partem istius operæ præstitimus libro 10. Institution. nostrarum Physicarum, ut adeo sine tædio & virio hic reponi non debeat. Qua propter constitui impræsentiarum ea solum huc referre, quæ ibi tacta non sunt, aut non sufficienter explicata, idque per quæstiones aliquas commode fieri poterit.

§. II. Sit ergo 1. *Quæstio.* *An anima rationalis sit forma hominis informans, an assilens?* Magna super hac quæstione sententiarum diversitas est. Etenim non Plato solum & Platonici plurimi, inter quos Plotinus; sed celeberrimi quoque Peripaterici quidam, nempe Alexander Aphrodisæus, Simplicius, Themistius & alii eo videntur inclinare, quod anima rationalis sit forma hominis assilens; ad minimum de intellectu agente hoc asserunt, & possunt pro hac sententia adduci variae rationes. Præcipuæ sunt sequentes: 1. Omnis forma informans est natura, & magis quidem quam materia, ex Aristot. l. 2. Phys. t. 13. & 14. At anima rationalis non est natura, & ideo nec considerationis Physicæ, secundum eundem lib. 1. de part. animal. c. 1. Ergo. 2. Forma informans est finis generationis, ex l. 2. Phys. t. 73. Anima rationalis non item, utpote quæ foris advenit, ut l. 2. de gener. anim. c. 3. ipse Philosophus decernit. 3. Forma informans est actus corporis Physi-

fici secundum substantiam. Anima rationalis est solum actus corporis secundum operationem secundam ut ad 1. 2. de anima notat Philoponus. 4. Forma informans materiæ est immersa ab eademque inseparabilis. Anima rationalis non item. 5. Forma informans est principium & causa motus Physici. Non item anima rationalis, utpote quæ movet mediante anima sensitiva. 6. Anima rationalis est nobilior quacunque forma informante. Ergo assistens. 7. Anima rationalis est forma per se subsistens & completa substantia. Ergo non est forma informans, sed assistens. 8. Anima rationalis est actu ens: Forma informans actus entis. Ergo. 9. Anima rationalis est forma diversi generis, quam anima vegetativa & sensitiva, ex lib. 2. de anim. t. 11. & 21. & l. 3. de anim. t. 20. At anima vegetans & sentiens sunt formæ informantes. Ergo anima rationalis non est forma informans. 10. Omnis forma informans dat esse materiale. Anima autem rationalis utpote immaterialis non dat esse materiale. Ergo. 11. Omnis forma informans informat materiam, quæ habet naturalem ad eam habitudinem. At materia non habet naturalem habitudinem ad animam rationalem, quia hæc forinsecus ei advenit, non ex potentiâ ejus educitur. Ergo. 12. Materia & forma sunt ejusdem conditionis. Sed materiâ hominis & anima rationalis non sunt ejusdem conditionis, quia illa materialis, hæc immaterialis est. Ergo. 13. Operationes à forma informante dependentes sunt totius compositi. At operationes animæ rationalis non sunt totius compositi. Ergo. 14. Anima rationalis est forma independens à corpore. Ergo non informans.

§. III. Horum ac consimilium argumentorum pondere victi aliqui etiam ex Orthodoxæ Religionis Philosophis sententiam eam approbaverunt, animam rationalem esse formam assistentem. Imo ipse Cl. Burgerdicius disput. 29. Collegii Physici eo adactus est, ut non auderet animam rationalem formam informantem asserere, sed mediæ rationis inter formam assistentem & informantem. Hanc sententiam non improbare, nisi res apud Philosophos certa foret, omnem formam vel informantem, vel assistentem esse, adeo ut negandum sit animam rationalem vel formam esse, vel dicendum eam ad alterutram speciem pertinere, ut & plerique fecero. Ideo qui animam rationalem formam assistentem esse negant, eam informantem esse dicunt.

§. IV. In hac opinione sunt plerique Peripatetici, qui adeo duplici præsertim argumentorum genere utuntur, altero probante animam

racionalem non esse formam assistentem, altero probante eam esse formam informantem, quanquam ea ita connexa sunt, ut ex uno alterum sequatur. Sunt utriusque generis documenta præcipua sequentia. 1. Forma assistens nullo modo habet imperfectam operationem culpa materiæ, aut à materia impeditur, quo minus continuo operetur. Hoc patet inductione omnium formarum assistentium ab Aristotelis recensitarum. Sic intelligentias, quas orbibus præficit cœlestibus, docet perennem motum perficere, atque perpetua intelligence frui, neque ullo modo ab iis impediri: lib. 8. Phys. t. 53. & seqq. & l. 12. Metaphys. t. 35. Sic lumen, teste eodem l. 3. de anim. t. 17. & 18. nullatenus impeditur à perspicuo, quo minus colores præsentis faciat actu visibiles. Et sic de aliis. Nam quod quis arguat nautam non posse semper navim impellere, sed aliquando fatigatum debere quiescere, id non navis sed sua culpa est, quia corpore constat, quod in assidua & longiore functione fatiscit ob spirituum dissolutionem. Et ratio asserti est, quia forma assistens non utitur corpore cui assistit vel ut instrumento, vel ut aliquo unde hauriat vires ad operandum, vel ut aliquo à quo possit revocari ad aliud efficiendum; qua itaque ratione ab eo corpore debilitaretur? Anima autem rationalis, quod ipsius corporis vitio nec semper, nec ita bene operari possit satis notum est. Et ideo alicubi Philosophus docet, intellectui melius extra quam intra corpus esse. 2. Forma assistens quatenus talis nullo modo ne quidem per accidens movetur ad motum sui corporis. Nam quicquid movetur per accidens ad motum alterius vel in eo est ut forma substantialis in materia, vel ut accidens in subiecto, vel ut locatum in loco, vel se habet ut organum, quod est in potestate agentis præcipui, vel ut aliud, quod à movente impellitur, quorum nullo modo se habet forma assistens. Quod idem inductione fieri posset clarum, nisi per se pateret. Nam quod quis dicere posset ex quorundam hypothese: intelligentiæ movent stellas; at non possent movere, nisi ipsæ quoque moverentur, quia nulla actio est in distans. Atque sic auriga quoque vel nauta dum impellit currum vel navem: id solvi potest facile: quia scilicet eo casu non ad motum corporis formæ assistens, sed ad motum formæ assistentis corpus movetur. Inquit iquis: Annon nauta in navi sedens movetur ad ejus motum? Repono, verum id esse, sed non quatenus nauta est forma assistens, sed quatenus est locatum in loco. Anima autem rationalis ad motum corpo-

ris, quatenus est ejus forma movetur, non solum quando ipsa movet corpus, sed etiam quando id movetur & impellitur ab alio. 3. Forma assistens tantum assistit, seu præfens est suo corpori quod movet. Verum anima rationalis homini proprie inexistit, cum sit ejus pars. 4. Forma assistens adjungitur corpori completo & in specie perfectè constituto. Verum anima rationalis adjungitur enti incompleto. 5. Si anima rationalis non sit forma informans, quænam est forma ejus informans? Aut nullam habere fatendum est, & consequenter statuendum eum non rectè in specie corporum locari: aut cum Veteribus Peripateticis statuendum aliam aliquam substantiam ei muneri esse præfectam, nempe cogitativam vel materialem intellectum, quod dogma tanquam falsum diu jam explosum est. 6. Anima rationalis participat definitionem animæ in communi, ut constet ex ejusdem definitionis ad hominem applicatione, & ex eo, quod Arist. post datam definitionem, ut speciem sub definito contentam numerat etiam animam rationalem. 7. Anima rationalis dat esse homini, & cum corpore humano constituit unum ens per se. Ergo est forma informans.

§. V. In hac sententiarum diversitate absolutè loquendo posteriorem sententiam veram esse judico, & priorem plurimis falsis & rejectis dogmatis scatentem, ut ex solutione oppositarum rationum patefecit. Id tamen fateor, eam à quibusdam sic limitari, ut in se tolerabilis sit; vellem tantum illi se hanc in parte non munirent auctoritate Platonis & Aristotelis, Græcorumque atque Arabicorum interpretum; quia certum est, eos singulos hanc hypothesin falsis & absurdis dogmatis superstruxisse. Etenim Plato & qui ejus doctrinam sequuntur, opinantur animam rationalem esse perfectum hominem; corpus autem tantum esse ejus carcerem, vinculum, locum, hospitium, nullatenus pertinens ad essentiam hominis. Hinc illud Anaxarchi, cum mandante Nicocreonte Cypri Tyranno ferreis pistillis tunderetur: *Tunde, tunde Anaxarchi solem: Anaxarchum enim minime tundes.* Qui error inde processit, quod cum cognoscerent animæ rationalis immortalitatem, neque ob Scripturæ S. ignorantiam nossent, quod fieri posset eam perpetuo cum mortali corpore posse consistere; & simul adverterent à corporis illecebris mentem ad inhonesta ac turpia inclinari, ejusdem culpa in actionibus propriis impediri, hinc concluderunt, corpus animæ rationalis accidentale & præternaturale receptaculum esse, poenæ loco additum ob prægressam aliquam culpam, quando.

doquidem Deus iustus neminem poena afficiat sine culpa. Et nescio, an Aristot. multò melius senserit. Nam dum intellectui agenti extra corpus melius esse docet, quam in corpore, quandoquidem id quod maximè secundum naturam est, unicuique sit optimum, consequi videtur, præter imò contra naturam intellectum agentem corpori esse immersum. Si quis in causas dogmatis illius inquirat, quæ aliæ reddi possunt, quàm quas Platonice ascripsimus. Nam opinatum esse Philosophum, animas rationales ante corpora fuisse, inde patet, quod creationem ignoravit, & de animâ rationali dicat eam forinsecus accedere. Non itaque de novo fit ex materiâ; ut aliæ formæ, nec creatur de novo, ergo ante fuit & quidem ab æterno. Cæterum alii plerique veteres intellectum agentem, quem formam hominis assistentem esse dicunt, Deum esse, vel intelligentiam Lunæ affixam, vel universo elementari orbi adjunctam, unamque numero essentiam contra veritatem naturæ Scripturæque existimarunt. Proinde semper opinionem eam improbavi, maximè cum argumenta, quæ in contrarium afferuntur, non adeo difficilia sint, quin solvi queant.

§. VI. Dico ergo ad 1. negando animam rationalem non esse naturam, utpote cujus definitio ipsi competit, atque Arist. ipse l. 4. de part. animal. c. 10. satis indicat, eam esse naturam hominis. Ideò considerationis quoque Physicæ est, & agit de ea Arist. l. 3. de anim. Verum quod l. 1. de part. animal. c. 1. dicit, de ea non esse agendum in Physicis, intelligendum est respectu esse absoluti, quod animæ rationali convenit prout extra materiam existit, ex quo nihil contra nos inferri potest. Id tamen noto, hanc Philosophi opinionem dependere ab ea, quod Philosophus iudicavit animam extra corpus existentem prorsus absolutæ naturæ esse, quod falsum est, quia essentialem respectum ad corpus involvit, & ideo nunquam esse perfectum acquirit; unde cit. loc. instit. nostrarum Physicarum cum Arriaga & aliis asserui, animam rationalem etiam ut est in statu separationis, in Physicis debere explicari. Ad 2. respondeo 1. certo respectu posse dici animam rationalem esse terminum generationis, quatenus ea producta & materiæ unita. 2. de formis materialibus id intelligendum esse, nam immaterialem Philosophus excipit l. 2. de generat. animal. c. 3. id ergo solutè efficitur animam rationalem non esse formam materialem, non eam non esse formam informantem. Ad 3. repono, animam rationalem secundum substantiam esse formam hominis, quia per eam homo in esse spe-

specifico substantiali constituitur, sed substantiæ principium non potest esse non-substantia, ut l. 1. Phys. c. 6. Philosophus constituit. Ad 4. dico, non formæ informantis in communi, sed materialis eam conditionem esse, quod sit penitus materiæ immersa & inseparabilis. At in communi formæ informanti competit materiam intime subire & ejus potentiam perficere, quod præstat anima rationalis.

§. VII. Ad 5. dico: negando animam rationalem non esse causam motus Physici. Idque cognoscitur ex eo, quod anima sensitiva in homine sine influxu animæ rationalis non potest movere, sed opus habet, ut ipsa primum ab eâ moveatur, deinde quia in voluntario motu anima rationalis prima causa movens in suo genere est. Nec obstat, quod moveat mediante animâ sensitivâ, nam sic tamen movet, quia instrumentalis causa ab efficientia non excludit. Ad 6. nego consequentiam. Etsi enim anima rationalis est nobilissima forma, tamen informans esse potest. Imò nisi in genere formarum informantium illud assertum intelligeretur, falsum esset in Arist. Philosophia, utpote in qua intelligentiæ celestibus orbibus propositæ sunt nobiliores formæ in genere assistentium, quam anima rationalis. Ad 7. dico: Per se subsistere prout sumitur generaliter pro eo, quo substantia differt ab accidente, animæ rationali convenit, sed ex eo id solum infertur eam esse substantiam: si deinde sumatur pro existere sine alio, solum infertur eam posse sine corpore existere, adeoque esse formam à materia separabilem: si denique per se sumatur pro existere incommunicabiliter & completè per modum personæ, sic anima rationalis per se non subsistit, nec dum est in corpore, ut conceditur, nec dum est à corpore separata. Nam præternaturalis status non potest esse perfectior, quam naturalis. At extra corpus existere est animæ rationali præter naturam, ut post videbimus.

§. VIII. Ad 8. dico: non repugnare hæc duo esse actu ens, & esse actum entis. Nam non potest quicquam esse actus entis, nisi sit actu ens. Est enim actu ens ens existens, sed existens ens potest esse actus entis, h. e. perficere quoad entis gradum aliud ens. Ad 9. dico: admittendo antecedens, negando verò consequens. Ideo enim anima rationalis est diversi generis forma, quam sensitiva & vegetativa, quia est forma immaterialis & à materia separabilis, non quia non est forma informans. Est itaque illa fallacia non causæ ut causæ. Ad 10. respondeo, nihil repugnare, quo minus ens immateriale det esse materiale formaliter.

maliter. Nam dare esse materiale formaliter nihil est aliud, quam restringere ad esse specificum in genere corporum, sic ut possit dici actus corporis, quod Philosophus l. 2. de anim. t. 11. ipsi etiam formis assistentibus tribuit.

§. IX. Ad 11. dico: Omnino corpus humanum habere naturalem ad animam rationalem habitudinem. Quippe inferior virtus sine ejus præsentia operari naturaliter nequit, & aptum est in specifico esse locari per animam rationalem. Ad quod quis regerat, materiale non habere naturalem inclinationem ad immateriale itidem negamus, si materiale sit per immateriale perfectibile. Ad 12. respondeo, materiam & formam esse ejusdem conditionis communis respectu proportionis & habitudinis ad se invicem, & idem animæ rationali competere in ordine ad corpus, ut visum in responsione ad objectionem præcedentem. Ad 13. dico: operationes proprias animæ rationalis dependere partim ab anima rationali solitariè, partim à toto homine. Ab illa, quatenus corpus cum iis non concurrit effectivè; ab hoc autem, tùm antecedenter & objectivè, quatenus nihil est in intellectu, quin prius fuerit in sensu, tùm subjectivè, quatenus in naturali statu anima rationalis existens, eas obit in corpore. Ad 14. dico: Animam rationalem non esse simpliciter independentem à corpore, sed comparativè, respectu formarum materialium. Nam sanè negari nequit, animam rationalem dependere aliquatenus à corpore subjectivè, quatenus non potest naturalem statum obtinere nisi in corpore; aliquatenus item objectivè, quatenus sapientem oportet phantasmata speculari; imò aliquatenus etiam organicè, quatenus inferiores operationes non potest obire, nisi instrumento corporis. Dicitur tamen independens etiam respectu omnium horum, quia non absolute necessarium est, ut sit in corpore, quia potest & extra illud esse; deinde quia ex memoria intellectiva & influxu Dei speciali potest aliqua cognoscere, quæ nullo modo per sensus exhibita sunt; & quia operationes intellectus & voluntatis non obeuntur instrumentaliter per corpus.

§. X. *Secunda questio sit: An status separationis animæ rationalis sit naturalis, prænaturalis vel violentus?* Hæc questio ideo decidenda nobis paulo accuratius est, quod in responsionibus aliquoties dixerimus esse eum statum animæ rationali contrarium, cum tamen aliqui eundem statum animæ rationali naturalem esse diversis argumentis conentur asserere. Ne verò nos decipiat terminorum ignorantia aut ambiguitas, notamus

Naturale

Naturale nobis nunc dici, quod rei convenit secundum naturalem perfectionem : *præternaturale*, quod quidem rei non competit, ut illi bene sit, nec secundum naturalem perfectionem, sed tamen eidem nullam vim infert : *violentum* denique, quod vim alicui infert, & aliquid à statu naturali dejicit. Deinde noto *hominem posse considerari* vel secundum *partem naturalia*, quæ ipsi in statu perfecto ex naturæ postulato competunt; vel secundum *accidentalialia*, prout nempe ob peccatum à perfecto naturæ statu dejectus in variis ætumnis vivit, constitutus simpliciter vel in statu iræ, vel in statu gratiæ. Quæ ipsa observatio prætereunda non fuit, quod diversum à nobis sentientibus luculentam præbuit errandi occasionem.

§. XI. His ergò suppositis sit 1. conclusio : *Homine considerato secundum partem naturalia, status separationis animæ rationalis est præternaturalis* : Probatur efficaciter. Quia animæ rationali secundum naturam competit perpetuò corpori esse conjunctum; nam secundum naturam ipsi convenit hominem constituere maximè secundum naturam. Verum sic homo nunquam mori debebat, utpote cum mors merces peccati sit. Inde autem elicitur, quod sicuti mors homini præter naturam advenit, ita & animæ rationali separatio & status separationis. Hoc constituto corrui contrarium sentientium universus conatus, utpote ei solum innixus, quod anima rationalis sit corpori caduco separabiliter conjuncta, cum ipsa sit immortalis. Nam id ex accidente est, ob peccatum, quod illa separabilitas per non repugnantiam transeat in actum. Et sit ita : fuerit corpus nostrum naturæ caducum, nunquam tamen corruptum fuisset, nec corrumpi debuisset, si homo in statu integritatis permanisset.

§. XII. Verum inquirunt : Si anima rationalis separata est in statu præternaturali, detineretur in eo à causâ externâ, & ea non impediente in statum naturalem se restitueret. At consequens est falsum, quia etsi nulla causa externa in eo statu eam detinet, (quippe si quis Deum nominet, facile convinci potest, sufficere ad animæ rationalis, utpote immortalis, in eo statu detentionem concursum generalem,) tamè se non potest corpori uniri, quia resurrectio non est quid naturale sed supranaturale. Respondeo : Antecedens non esse simpliciter verum. Nam 1. potest alicui esse status præternaturalis, qui nec ab externa causa alicui obvenit, & in quo à nullâ causa externâ detinetur. Sic homo ægrotans ex causa interna tantum est in statu præternaturali

nullo vitio externæ causæ. 2. Potest aliquid à causa externa in statum præternaturalem deduci, ut tamen non queat se in statum naturalem revocare, vel quia externa causa ejus potentiam nimis infregit, aut omnino sustulit, vel quia necessaria adminicula ei subtraxit, vel quia id sustulit, cujus possessione in statum naturalem restitueretur. Sic causa externa aliquando hominem in eam ægritudinem deducit, ex qua etiam remota ea causa reduci nequit, ob virum dejectionem: Imò si maxime relinqueretur illud robur naturæ, ut posset ægrum restituere, id tamen non fieri posset, si alimenta, medicamenta aut alia necessaria sanitatis recuperandæ adminicula ipsi subtracta sint. Apparet itaque ex illo antecedente ita formato nihil inferri posse. Ac quod attinet speciatim animam rationalem ea in eum statum devenit ab externa causa, puniente nempe primum Adami peccatum in ipso & posteris inmissione prævæ dispositionis in corpus & subtractione mediorum, quæ id perpetuò conservare possint, & destructione ipsius quoque corporis, cujus unione in statum naturalem reponi deberet.

§. XIII. Rursus opponunt: Status animæ rationalis perfectior quam oppositus est illi naturalis. At status separationis est status animæ rationalis perfectior, quàm unionis. Ergo. Minor probatur, quia status separationis animas rationales facit intelligentis existendo & intelligendo similes. Respondeo ad minorem negando. Nam si secundum naturam status separationis fuisset perfectior animæ rationali, quàm unionis, non adeò bonum fuisset animam rationalem sic condij, ut si non peccasset homo, ea nunquam statum separationis subitura fuisset. Imo ea hypothese posita, anima rationalis melius posset fieri summæ beatitudinis particeps eo in statu manens, quam unita corpori. Atque sic Deus aliqua beatitudine possibili animas rationales privaret, cum illis sua corpora, etsi gloriosa redditurus esset. Hoc autem manifestè falsum est. Ergo & id, ex quo fluit. Probationem, autem similiter nego. Nam non ideo anima rationalis existet, ut intelligentiæ, quia sine corpore existet, quandoquidem alio modo intelligentiæ, alio modo angeli sic existunt. Illæ nempe, ut entia completa, nullo modo ad corpus ordinata: hæc autem ut aliquid incompletum & naturalem habitudinem ad corpus importans. Quod deinde intelligendi modum attinet, de eo in peculiari quæstione indicabo, quid mihi videatur.

§. XIV. Hoc item regerunt: Statum quem exoptant animæ ratio-

tionales maximè vera cognitione imbutæ est illis naturalis : At statum separationis exoptant : Ergo : Minor probatur exemplis tum Philosophorum diversorum , tum piorum , qui cum Apostolo exoptant dissolvi. Ad hoc argumentum respondeo ad maiorem limitando hoc modo : Quem statum animæ rationales vera cognitione imbutæ maximè per se & secundum naturam exoptant , ille est illis naturalis. Concedo. At nunc nego minorem. Exoptant enim animæ rationales eum statum , quia ut nunc sunt in corpore , non sunt purè naturaliter in corpore , cum corpus non ita sit obediens animæ quemadmodum debet , & pluribus quoque miseriis eam afficit , atque ubi separata fuerit à corpore ab his liberabuntur piorum animæ & cum Christo erunt. Philosophi autem idem optantes non ex vera notitia hoc votum conceperunt , sed ex ignorantia , judicantes separationis statum esse ultimum animæ rationalis , qui sit summæ beatitudinis particeps , ut intelligi potest ex Senec. ep. 102. ubi inquit : *Sic nobis primum naturale est , latitare aliquandiu in utero matris & ibi preparari : deinceps verò non minus naturale est extra uterum. Sic etiam per hoc spatium , quod ab infantia patet ad senectutem , in alium naturæ partem sumimur , aliæque nos origo expectat , alius rerum status. Nondum cælum nisi ex intervallo patipossumus. Proinde horam illam decretoriam prospice. Non est animo suprema , sed corpori. Transcundem est. Excitus natura redeuntem , sicut intransitem. Liqueat autem , quod non per se animæ rationales eum statum exoptent , quia vera etiam cognitione imbutæ non omnes exoptant , aut exoptare debent , certè non impiorum ac incredulorum animæ , quibus hic status multo calamitosior futurus est , quàm qui est in corpore.*

§. XV. Conclusio 2. est. *Homine considerato secundum purè naturalem statum separationis animæ rationalis non solum illi est præternaturalis , sed etiam violentus. Patet hæc conclusio ex his documentis. Nam 1. Ille status alicui violentus est , qui est conjunctus cum debitarum perfectionum privatione. At status separationis animæ rationalis talis est , ut patet ex eo , quod animam rationalem actu suo formali privet , & omnibus iis perfectionibus quæ ipsi in statu unionis vi istius status competunt. Hoc argumentum prioribus suppositis firmum est. 2. Status formæ qui sequitur compositi destructionem contra naturam est formæ violentus : talis autem est animæ rationalis status separationis. Ergo. Major patet , quia quod vim infert toti etiam vim infert partibus , ex quibus totum immediatè confurgit. Minor autem per se in confesso est. 3. Sta-*

tum separationis anima rationalis naturali appetitu refugit, ut communis experientia comprobatur. Ergo est violentus. Solum enim contrarium natura refugit, naturalia appetit, ad præternaturalia vero quæ non sunt violenta medio modo se habet.

§. XVI. Quæstio 3. sit: *An anima rationalis in statu separationis oblineat appetitum reunionis cum corpore?* Quandoquidem in anima rationali duplex appetitus notari potest, naturalis & rationalis, seu innatus & elicitus de unoquoque istorum quæritur. Quod itaque attinet appetitum innatum, negant Scotistæ animam rationalem in statu separationis convenire appetitum naturalem informandi corpus. Idque probant, i. hoc pacto: Quicquid appetitu naturali appetitur, id appetenti est debitum secundum naturam. At reunitio cum corpore non est animæ rationali debita secundum naturam. Ergo nec ab eadem naturali appetitu appetitur. Major patet, quia appetitus naturalis fertur in id, quod ei deficit ad perfectionem. Minor probatur, quia quod alicui naturaliter debetur, id secundum naturam adipisci potest. At reunionem naturaliter adipisci non potest, cum nulla sint ad eam naturalia media. Ergo. 2. Si anima rationalis appetitu innato appeteret reunionem, quamdiu esset in statu contrario, tamdiu pateretur violentiam. At in statu separationis anima rationalis non patitur violentiam. 3. Appetitus naturalis respectu cuiusque termini vel actus naturaliter expleri potest, alioquin enim potentia foret frustra. At reunitio non potest naturaliter expleri. Ergo. 4. Si anima rationalis obtinet naturalem potentiam iterum informandi corpus, utique datur potentia naturalis activa, quæ illam potentiam in actum refectat, quandoquidem unicuique potentiæ naturali activæ respondet sua passiva, & vice versa. At nulla datur naturalis potentia activa, quæ animam rationalem reducat ad unionem animæ cum corpore. Ergo. &c.

§. XVII. Veruntamen contrarium verum est, nempe *convenire animæ rationali appetitum naturalem etiam in statu separationis informandi corpus.* Probatur 1. Quia supposito eo, quod secundum naturam perfectam homo deberet esse immortalis, anima rationalis in primo suo fieri nata est appetitum naturalem perpetuo informandi suum corpus, quem in statu separationis deposuisse non potest. Nam appetitus naturalis nunquam deponitur. 2. Unumquodque naturaliter appetit id, quo in statum perfectum reduci potest. Sed anima rationalis acquisito corpore potest in statum perfectum reduci. Ergo. 3. Appetitus naturalis

ralis non differt ab ipsa natura rei. Cum ergo anima rationalis secundum suam naturam quantum ex se sit apta iterum informandi corpus, utique ei naturalis ejus appetitus competit.

§. XVIII. Ad argumenta in contrarium adducta ita respondeo: Ad 1. dico : initio concedi posse totum argumentum, nempe animæ rationali in statu separationis positæ secundum naturam deberi, ut corpori reuniatur, quanquam id à naturali causa fieri non potest ob id, quod culpa primæ Adami à naturalis istius appetitus effectu debito dimota est. Deinde appetitui illi naturali respondet debita unio, sed in communi & indeterminatè, non in particulari & determinatè : h. e. convenit ei informare, sed nunc & hic hoc determinatè corpus informare ei non ante convenit, quam id sit debitis qualitatibus dispositum, ut ab anima rationali informari possit : ita respondet Ruv. tr. de anim. separ. q. 7. & Scheibl. l. 2. Metaphys. c. 5. Ad 2. jam responsio patet ex quæstione præcedente, utpote in qua probatum dedimus statum separationis esse animæ rationali violentum. Ad 3. dico, sufficere ad id, quod appetitus ille aliquando impletus fuerit, ut non sit frustra. Ad 4. dico, unicuique potentiæ passivæ respondere suam activam, intelligendo axioma per se, sed per accidens fieri posse, ut id non fiat. Sic item materia prima habet etiam naturalem potentiam ad formas præteritas, quas tamen secundum naturam nunquam recipere poterit.

§. XIX. Atque ista quidem satis manifestè ostendunt, animæ rationali appetitum naturalem convenire iterum informandi corpus : sed quid de appetitu elicitò ? Absolutè negat Soarius 3. part. q. 53. disp. 44. sect. 7. Contra affirmant Conimbricenses tr. de anim. separ. disput. 2. art. 3. Sed sentiendum judico cum Ruv. tr. de anim. separ. q. 7. qui distinctione utitur. Videri vero illorum sententia locis cit. potest : ego autem sic censeo distinguendum. Principio considerari potest anima rationalis in statu quasi naturæ, deinde ut in statu divini judicii, in quo ob meritum Christi piorum animæ à pœna peccati sunt absolutæ, sed ob finalem inipœnitentiam impiorum animæ æternæ morti adjudicatæ, cujus tormenta ut ut imperfectè separatæ jam sentiunt. Deinde appetitus elicitus vel efficax vel inefficax est. His præmissis dico : 1. *Animam rationalem in statu separationis consideratam sicut se secundum naturam haberet, appetere etiam appetitum elicitum unionem sui corporis, at tamen non appetitum efficiacem.* Probris membri rationes rectè à Conimbricensi, urgentur quæ videri possunt

sunt, nobis sufficit hæc una. Probatum supra est, naturalem animæ propensionem ad corpus in statu separationis competere, atque eum statum ei secundum naturam absolute consideratæ esse violentum. Hinc verò apparet tum ab externâ causâ invitari, tum à naturâ instigari ut expetat voluntariâ complacentiâ corpori reddi. Posterius autem membrum inde liquet, quod voluntas appetitu efficaci non feratur in impossibile. Verum constat secundum naturam reunionem esse impossibile, & animam sic consideratam eam ignorare, sed eam futuram novisse ex revelatione, & conscientiæ testimonio ob peccata admissa. Ergo. 2. addo : *Animam rationalem consideratam in statu iudicii, quo à Deo absolvitur, & vitæ æternæ spem certam habet, appetitu elicitu etiam efficaci appetere reunionem.* Et hoc manifestè evincit locus Apoc. c. 6. v. 9. & 10. & satis constat. Nam quandoquidem cognoscit se perfectæ beatitudinis demum futuram participem cum corpori reunietur, & id sic futurum, utique expetit & desiderat quamprimum fieri. 3. dico : *Animam rationalem consideratam sub statu iudicii condemnantis refugere reunionem sui corporis inefficaciter.* Novit enim eam futuram esse, sed cum maximo suo malo. Optat igitur id non fieri, sed desperabunda, quia certo certius secutura est.

§. XX. Quæstio 4. sit : *An anima rationalis humano corpori societur in ubi indivisibili, an verò in spatio quanto, ita ut vel totum vel partem ejus aliquam extensam præsentia impleat?* Fuerunt aliqui Philosophi in ea opinione, animam rationalem corpori in indivisibili puncto uniri, ac Fortun. Licet ipse dum junior fuit ejus sententiæ fuit, ut testatur lib. 2. cap. 1. de animar. coextens. corp. Argumenta hujus sententiæ sunt hæc. 1. Nullum indivisibile potest implere divisibile, alioquin enim ipsum evaderet quoque divisibile. Anima autem rationalis est indivisibilis. Ergo. 2. Quicquid corpus quantum implet illud aut est quantum per se aut per accidens. Anima autem rationalis neutro modo est quanta. Ergo. 3. Implere spatium quantum est proprium corporum. Sed anima rationalis non est corpus. Ergo nec ei convenit implere spatium quantum. 4. Posito animam rationalem aliquam portionem totius aut totum implere aliqua parte amputata, sic tamen ut ea pars maneat vivens, ubi manet ea pars animæ, quæ illam partem occupabat? An corumpitur, an retrocedit? Primum stare non potest cum animæ rationalis immortalitate, posterius cum ejusdem simplicitate & indivisibilitate.

§. XXI.

§. XXI. Rationes has, maximè secundam pendens Licetus lib. cit. cap. 2. inquit: *maximè profectò momentum habet in proposito nuper allata ratio, cui olim manus dare cogebar, at nunc rei natura intimus perspecta illius non unicam solutionem comperisse videor.* Dehinc ita solide rationes plerasque resolvit, ut manifestè ostendat, se non solum corporis, sed & animi ætate juventutem superasse, & virilem ætatem attingisse. Sed antequam id ostendamus, primò rationes consideremus contrarium suadentes. Ergò primò quidem pro contraria opinione, quæ vera est; facit, quod nullam importet contradictionem, si tribuatur animæ rationali præsentia in quanto, ut illud impleat. Nam si contradictorium sit animam rationalem implere substantiam quantam, id erit vel quia est naturæ spiritualis indivisibilis & quantitatis & extensionis expertem, vel quia est naturæ finitæ & incompletæ. Hoc posterius nullam habet rationem, nam à finita substantia finitum impleri quantum, ab incompleta substantia quæ est forma, impleri certæ mensuræ incompletam substantiam materialem informandam ab illa forma, nullam contradictionem implicant, ut unicuique ex terminis patet. Prius autem minus adhuc dici potest, utpote quo argumentandi modo vel omnipræsentia & immensitas, vel spiritualitas Dei subvertitur. Nam si ponatur, quod verissimum esse Sacra Scriptura, imò Philosophicæ rationes, & ipsi gentiles Philosophi nos manifestè docent, Deum esse naturæ spiritualis, summè indivisibilem, omnis quantitatis & extensionis corporeæ expertem, si hæc repugnant impletioni quantalieuus, qui possit Deus esse universo mundo quanto præsens, nec tamen ejus terminis claudi? Aut si dicas Deum esse universo mundo præsentem, & tamen spiritualitatem, quantitatis carentiam, & indivisibilitatem repugnare, quo minus impleatur aliquod quantum, necessum habes fateri, Deum non esse naturæ spiritualis, non quantitatis expertem, non indivisibilem; quæ sententia Sacre Scripturæ & rectæ rationi repugnat. Dicis non quidem unumquodque eorum sigillatim repugnare, sed utrumque conjunctim sumptum: repono hoc nihil esse, quandoquidem in neutro ullo modo invenitur repugnantia, unde ergò ea in conjuncto exsurgat?

§. XXII. Deinde ex ea opinione sequitur animam rationalem ne quidem corpori humano formaliter conjungi posse. Nam quicquid nec toti, nec parti corporis conjungi potest, id non potest corpori ut forma conjungi. Sed quicquid non potest quantum implere nec toti

Nam

nec

nec parti corporis sociari potest. Ergo non potest corpori ut forma conjungi. Anima autem rationalis ex hypothesi contrarium sentientium non potest implere corpus quantum. Ergo ea non potest humano corpori ut forma uniri, ac per consequens cum eo non constituere hominem. Conclusio hæc est absurda, ergo vel major posterioris Syllogismi, vel minor. Non major, quia ei aliquid ut forma sociari dicitur, cui ut forma adest, quodque perficit & ad speciem limitat, cuique se dat, & cum quo totum constituit: Sed quod non potest nisi in indivisibili π existere, atque quanto nulli coextendi, vel quantum aliquod implere, non potest nisi indivisibili & quidem spiritualiter indivisibili conjungi. Subsume nunc nec totum nec quequam ejus pars, nec partis pars, aut quævis vel minima particula est spiritualiter indivisibilis. Annon sequitur, quod hinc consequatur, quod nec toti, nec parti, nec partis parti, aut cuivis vel minimæ ejus particule illud conjungi possit, quod non nisi in indivisibili π existere, nullique quanto coextendi, vel nullum quantum implere potest. Relinquitur ergo, quod præcedentis argumenti minor fuerit falsa.

§. XXIII. Porro: Si anima rationalis non possit corpus humanum totum, vel ejus partem implere, non posset in corpore humano operari. At consequens est falsum. Ergo & antecedens. Propositio probatur: Nam anima rationalis non potest operari, nisi ubi est. Verum quod quantum implere, vel quanto coextendi nequit in eo non est. Ergo ne operari quidem in eo potest. Et quo modo operetur indivisibile prorsus essentia & præsentia existens? Certe nec moveri potest, nisi à prorsus indivisibili, nec movere nisi prorsus indivisibile. At in humano corpore, utpote materiali nihil est prorsus indivisibile. Ergo sequitur, quod anima rationalis nec à corpore moveri, nec corpus movere possit, adeoque nec in corpore operari. At id quam absurdum sit, nemo non videt.

§. XXIV. Denique id adhuc adduco pro asserenda communi sententia, quod experientia doceat, nimiam corporis molem animam rationalem gravare. Id si verum est, anima rationalis non videtur corpori pure in ubi indivisibili, nam magno non aliter, quam parvo adesset. Nec obstat, per accidens fieri, quod anima rationalis mole corporis gravetur, ob nimiam copiam aut paucitatem spirituum animalium, quippe nec illis nisi in indivisibili ex sententiâ adversa uniri potest. Patet ergo ob quantitatem id fieri. Adducere possem & illud, communi sen-

sententia
plerumque
moo
Sol
S
imp
Pat
tum
ind
qua
fibil
pus
divi
bile
quan
selor
tiam
divi
Etum
neg
lebe
divi
tativ
S
tum
jore
li fe
nim
3. L
aliq
mate
judi
dici
bus
test,
pend
ut C

sententia statui, angelos quoque spatium aliquod sua præsentia implere, adeoque posse corpus aliquod attrahere, propellere, & aliis modis movere ob talem præsentiam : sed priora abunde satisfaciunt. Solum igitur restat, ut contrariæ objectiones solvantur.

§. XXV. Ad 1. dico: Nullum indivisibile quantitativum potest implere divisibile corpus, concedo : nullum indivisibile ens, nego. Paruit enim ante Deum, qui est maximè indivisibilis, posse implere totum mundum, nec tamen ejus terminis concludi. Aliter dico: Nullum indivisibile privativum, seu negativum, ut punctum, potest implere quantum concedo, de positivo nego. Adhuc aliter: Nullum indivisibile positum infra perfectionem quanti potest implere divisibile corpus, concedo, quia divisibilitas quantitatem sequitur: At Nullum indivisibile positum supra perfectionem quantitatis potest implere divisibile corpus, nego : ut enim tale indivisibile est essentia sua perfectius quanto, ita & præsentia. At in eo consistit perfectio præsentia, quod se longius secundum naturæ suæ postulatam diffundere quoad præsentiam potest. Denique & sic hoc argumentum solvi potest: Nullum indivisibile omnimodè, h. e. & realiter & ratione indivisibile, ut punctum Mathematicum, potest implere divisibile corpus, concedo, sed nego animam rationalem & intelligentias ita se habere. Quippe celeberrimorum Philosophorum sententia dicuntur indivisibiles ratione divisibilitatis realis ac sensualis, non mentalis designantium partium entitativarum ratione præsentia.

§. XXVI. Ad 2. dico: 1. Majorem negando : Deus enim quantum mundum implet, nec est quantus per se nec per accidens. 2. Majorem limitando : Quicquid quantum implet, scilicet modo corporali seu materiali, id est quantum per se aut per accidens. Sic nego, animam rationalem modo corporali aut materiali quantum implere. 3. Licet & Cl. Burgersdicius concedunt animæ rationali competere aliquam quantitatem per se, sed eam non molis, sed virtutis, non materialem sed formalem ac spiritualement. 4. Idem Celeberrimus Licetus judicat, nihil absurdi consequi, si concedatur, animam rationalem dici quantam per accidens, quatenus nempe omnibus corporis partibus coextensa concipitur, idque quia aliter corpus informare non potest, modo id simul notetur, eam non esse à corpore existentia sua dependentem, ac ad divisionem ejus realem realiter divisibilem. Ego ut ut Celeberrimorum virorum responsiones defendi posse lubens agnoscam,

scam, tamen vitandæ homonymiæ causa primis duabus responsionibus contentus sum.

§. XXVII. Ad 3. dico: Implere corpus quantum quantitativè & corporaliter esse proprium corporum; animam rationalem autem implere corpus quantum spiritualiter, seu modo spirituali, seu spiritibus proprio. Atque sic & Deus mundum replet. Discrimen utriusque implendi modi in eo consistit, quod corpus illud quantum quod implet, sic implet ut alia corpora excludat formaliter sua præsentia à participatione ejusdem ubi, sed spiritus implens aliquod quantum etsi toti præsens sit, non tamen præsentia sua quatenus talis est excludit corpora vel spiritus à participatione ejusdem ubi divisibilis proprii. Hoc est, quod lib. 1. Institut. mearum Phys. sect. 3. cap. 12. th. 3. §. 1. docui, spirituale substantiam esse in ubi penetrativè, & sine occupatione spatii, corpoream autem esse in ubi exclusivè, & cum occupatione spatii. Inde iisdem terminis utentes dicere possumus, proprium corporum esse implere aliquod quantum exclusivè ac cum occupatione spatii, rursum spirituum proprium esse implere aliquod quantum penetrativè seu sine occupatione spatii, at vero implere aliquod quantum esse utrisque commune.

§. XXVIII. Ad 4. dico: Eo casu animam rationalem in eo ubi seu in parte quæ abscinditur desinere præsentia sua, esseque hoc spiritui finito aut saltem animæ rationali proprium, ut & in majori & in minori ubi intra certos tamen terminos consistere possit, idque pro necessitate vel voluntate. Pro necessitate dum in corpore est, pro libertate, cum est extra corpus. Id quo fiat modo aliqui putant explicari non posse; sed Licerus omnino arbitratur, id fieri motu locali partiali, neque quicquam absurdi inde prospicio. Nam quod dicunt inde consequi, post retractionem sequi plus animæ in reliquo esse, non sequitur. Nam retractio illa non est rei corporeæ & divisibilis, sed rei incorporeæ & indivisibilis secundum essentiam, qui ergo tum plus essentiae possit esse in reliquo? Nimirum ut res sunt, talia sunt & ipsarum adjuncta, neque licet adjuncta diversarum rerum confundere.

§. XXIX. Quæstio 5. sit: *Posito animam rationalem esse in humano corpore, an in toto est, an in aliqua ejus parte?* Diversum Peripatetici Philosophi hæc de re sentiunt, idque quia Philosophus diversimodè eâ de re locutus est. Alicubi enim docere videtur animæ sedem esse cor, alicubi

cubi rursus totum corpus. Nos missis locis illis Philosophi, quia veritate inventâ facile conciliari possunt, solum perspiciamus, quid ipsa rerum veritas postulet. Sunt ergo, qui arbitrantur animam rationalem in solâ parte principe consistere, his rationibus moti: 1. Sumi potest ex Arist. lib. 1. de animal. mot. c. 7. ubi opificium corporis animati civitati legibus bonis instructæ comparans docet, quod sicut principem civitatis non convenit singulis partibus assistere, sed solum in aliqua præcipuâ sedem habere, ex qua per imperium moveat omnia membra Reipubl. sic etiam oporteat animam in uno præcipuo membro collocari. 2. Quia anima rationalis non est nisi in corpore organico. At partes similes non sunt organice. Ergo. 3. Quia vix concipi potest, quomodo anima rationalis secundum principalem gradum, intellectum scilicet, tota sit in genu; nam tum ibi intelligeret, & obtineret ibidem scientias. 4. Quia videretur sic anima esse in diversis locis, iisque discontinuis, quia partes dissimiles sola contiguitate sociantur. 5. Quia idem tota sua essentia moveri & quiescere, imò contrariis motibus cieri deberet, quod contradictionem manifestam importare videtur.

§. XXX. Nihilominus communis sententia, tenens animam rationalem toti organico sensitivo corpori coextendi mihi probabilior videtur, quam item lib. 1. de anim. coextension. corpor. cap. 26. usque ad finem libri insignis Philosophus & Medicus Licetus probat Aristoteli, Hippocrati & rei veritati congruere. Rationes præcipuæ sunt hæc. 1. Omnis forma toti suo formato præsens est, Anima autem rationalis est forma humani corporis. Ergo. Major probatur ex modo, quo forma informat, nimirum essentia sua se materiæ conjungendo ipsam in specifico esse constituere. Minor autem ex prioribus constans. 2. Ubi anima rationalis operatur, ibi præsens est, at in toto corpore operatur. Nam v. g. in cerebro phantasmata speculatur, in corde affectus compefcit, in musculis motum dirigit, in omnibus partibus esse humanum largitur &c: Ergo.

§. XXXI. Plura videantur apud Licet. loc. cit. Rursum item l. 2. de anim: tr. de modo quo anima informat corpus quæst. 4. Argumenta verò ita solvo. Primum à simili sumptum claudicat, & multa dissimilia sunt in hoc simili. Latius item extenditur, quam Arist. voluit, utpote qui loco cit. solum insinuare voluit, animam rationalem in parte præcipua prius esse quàm in aliis, & eam ob archorem

& priorem conjunctionem sedem animæ speciatim appellari posse. Secundum item solum probat, animam rationalem per prius partibus organicis, per posterius similaribus sociari. Neque enim potest esse pars organica, quin ex similaribus componatur. Quanquam de eo quoque quæstio est, annon possit pars quæpiam similis esse organica, imò annon unaquæque sit organica, quia unaquæque nutritur. Tertium quod concernit, ajunt quidam nullum absurdum esse, quod pro absurdo habetur, quia anima rationalis inorganica forma est: alii dicunt, animam rationalem esse totam in unaquaque parte totalitate essentiae, sed non totalitate potestativa, sic enim totum hominem denominare. Ego arbitror non incommodè solvi posse id dubium, si dicatur, animam rationalem etsi in toto est quoad informationem, tamen quoad operationem intellectus immediatè & proximè cerebrum denominare, quia objectivè in hac operatione à phantasmate pendet. Dico immediatè & proximè. Nam originariè, quia primò cordi insidet, cor etiam sic denominat. Quartum male supponit partes corporis non esse sibi continuas, & infirmo nexu constat, quandoquidem nihil absurdi est, unum aliquid esse in diversis locis inadæquatis seu partialibus sibi continuis, modo sit in uno adæquato & perfecto. Ad quintum dico: non esse contradictorium idem secundum totam essentiam inadæquatè tamen quoad præsentiam sumptum posse simul quiescere & moveri, imò contrariis quoque motibus cieri, quemadmodum de animâ rationali dicitur.

§. XXXII. Quæstio 6. sit: Cui parti primò anima rationalis insit? Et si enim ea in toto est, non tamen est æquè primò in toto, sed in ejus principe parte originariè & independenter, in aliis autem derivativè, consequenter & dependenter. Aliqui ergò judicarunt animam rationalem primò in cerebro esse, quia in eo optimè ob phantasmatum præsentiam operari potest. Contra alii cor eo nomine celebrant, quod Arist. pluribus in locis principem partem esse asseruit. Atque ut restatur Polyhistor Vossius l. 3. de orig. & progr. Idolol. cap. 40. Tertullianus & Hieronymus hanc sententiam Sacrae Scripturae consonam esse voluerunt, usi præcipuè locis Matth. 9. v. 4. Cap. 15. v. 18. Roman. 10. v. 10. Arbitror tamen has sententias benè posse conciliari, si dicatur originariè & absolutè primò in corde animam rationalem residere, manifestativè autem in cerebro. Et sic absolutè præfero posteriorem sententiam, quam agens de cerebro supra Cap. 10. &

ro. & in disp. de primatu cordis, & altera de cerebro, latè probavi. Hoc solum hic noto, quod ii, qui unam solum animam in homine concedunt, non possint præcipuam ejus sedem, multò minus solitariam cerebrum agnoscere, nisi arbitrentur, nullas animas quam rationalis in rerum universitate dari: nam nimis quàm manifestum est, cerebrum à corde dependere, & cor quoque prius vivere, quàm cerebrum.

§. XXXIII. Quæstio 7. sit: *An anima rationalis existens in corpore ab eo dependeat organicè?* Nullum est dubium, quin anima rationalis naturalem habeat ad corpus habitudinem. Nam supra ostendimus eam esse veram corporis humani informantem formam, & in ipso operari. Sed verò illud quæritur, an ipsum corpus sit organum ipsius, cum ea suas functiones edit. Solvendum id est, secundum diversas hypothèses. Nam si diversæ statuuntur in homine animæ, suis operationibus distinctæ, absolute dicendum venit, eam in suis operationibus non dependere instrumentaliter à corpore. Verum si una tantum in homine anima sit, distinguendum inter functiones ejusdè communes cum aliis animabus, & proprias; & dicendum illas quidem à corpore dependere, has autem non item. Ego verò quanquam priorem hypothèsin accipio, tamen illud quoque ingero posterioris quoque sententiæ patronos judicare animæ rationalis proprias facultates & functiones independentes à corpore esse.

§. XXXIV. Ac meritò quidem. Nam 1. Si anima rationalis dependeret in omnibus suis actionibus instrumentaliter ab organo, utique organum posset attingere omnia objecta illarum operationum. Consequens autem contra rationem & experientiam est. Nam v. g. Objectum intellectus etiam universalialia & spiritualia sunt, quæ corporeum quid nulla ratione attingere potest, scilicet nec efficiendo, nec repræsentando. 2. Intellectus & voluntas ut sunt in homine in statu unionis non sunt deterioris rationis, quam in statu separationis. At in hoc non dependet organicè à corpore. Ergo nec ibi. Nam sane alias cum perfectius sit operari sine corpore, quàm per corpus, status separationis futurus esset perfectior, quam unionis. Sin minus, & anima rationalis in corpore semper dependeat à corpore, sequitur animam rationalem in statu separationis operari non posse, quod contra scripturam S. est & communem Theologorum & Philosophorum sententiam. 3. Si anima rationalis in corpore existens necessario instrumentaliter

ab eo dependet, vix probari potest ejus immortalitas & incorruptibilitas. Nam optimè hæc asseritur statuto eo, animam rationalem à corpore organicè non dependere, ut videbitur seq. quæstione.

§. XXXV. Sed qui contrarium sentiunt, sequentia urgent. 1. Verè esse dictum illud commune: omnem nostram cognitionem incipere à sensu, & sapientem oportere phantasmata speculari. 2. experiri nos animæ rationalis functiones non solum imminui, sed & tolli morbis corporis, ut peste, apoplexia &c. Respondeo ad utrumque: inde quidem probari magnam animæ rationalis cum corpore cognitionem, verum non dependentiam organicam. Quandoquidem enim anima rationalis corporis humaniforma est, ipso laborante ipsa compatitur, atque adeo in operationibus etiam propriis licet inorganicis læditur: maxime cum objectivè quoque à corpore dependeat, ut prima objectio insinuat. Quamquam non universaliter id verum est, cum & per memoriam intellectivam, & spirituales Dei intelligentiarumque influentiam per specierum intelligibilium communicationem anima rationalis quædam possit cognoscere, quæ nec per externos sensus, nec per phantasiam ante cognita fuerunt.

§. XXXVI. Quæstio 7. sit: *Quibus argumentis anima rationalis immortalitas philosophicè probari possit?* Et si ab Autoribus diversis diversa proponantur, tamen omnia ad duo revocantur, quorum 1. est: Quicquid independens est à corpore quoad operandum, id etiam est independens à corpore quoad essendum: quandoquidem modus operandi, sequitur modum essendi. Anima autem rationalis est independens à corpore quoad operandum, ut patet, quia etiam in corpore existens operatur inorganicè, 2. est desumptum à conscientie stimulis quos improbi cum malè faciunt, conscientia adacti, etsi in hac vita nihil metuendum habent, sentiunt. Hinc enim evidens evadit quod post hanc vitam anima pœnas suas præsentiat, adeoque immortalis sit. Verum quia & hoc argumentum ex priore ostendi potest, quatenus ille conscientie stimulus actio immaterialis est, hinc aded efficitur primum & fere unicum probandi animæ rationalis immortalitatem peti ex operatione ejusdem independente à corpore, Hinc qui prius negant, posterius non multum curant. Nam ei remedium quærunt ex priore, censentes vanum illum metum esse, & provenire ab humorum quorundam commotione, & errore antiquo imbibito, ut liquet ex Atheorum argumentandi ratione.

§. XXXVII. Quod autem non dentur alia argumenta firmiter animæ rationalis immortalitatem probantia, patet ex inductione. Sic Thomas lib. 2. contra Gentil. cap. 79. his rationibus utitur. 1. quia anima rationalis est naturæ spiritualis. 2. quia animæ rationalis perfectio, nempe scientia & virtus in eo consistit, quod separaretur à corporis passionibus. 3. Intellectio est incorruptibilis: ergo & anima rationalis. 4. Appetitus hominis naturalis est perpetuo manere, quia sic manere expetit, prout intelligit. 5. Unumquodque quod recipitur in aliquo, recipitur in eo secundum modum ejus in quo est. At formarum recipiuntur in intellectu, ut sunt actu intelligibiles, i. e. universales, i. e. materiales, & per consequens incorruptibiles. 6. Esse intelligibile est permanentius, quam esse sensibile. At materia prima, quæ est primum subjectum sensibile, est incorruptibile. Ergo & intellectus, qui est primum subjectum formarum intelligibilium. 7. Faciens est honorabilius facto. At intellectus est faciens actu intelligibilem, i. e. specierum intellectualium incorruptibilem. 8. Anima rationalis non potest corrumpi per actionem contrarii, quia non habet contrarium, quia per intellectum possibilem est receptiva omnium contrariorum: neque per corruptionem sui subjecti, quia ab eo secundum esse suum non dependet: neque ob defectum causæ, quia à solo Deo dependet. 9. Anima rationalis non debilitatur corpore debilitato, Ergo non corrumpitur corpore corrupto. 10. & ultima ratio ab autoritate petita est.

§. XXXVIII. Has rationes ad unam præcedentem referre licet, aut non sunt validæ. Nam animæ rationalis immortalitas proximè derivatur ex naturâ spirituali à corpore independenti: illa autem innotescit ex operatione spirituali independenti à corpore tanquam instrumento aut simpliciter necessario requisito. Atque adeo hæc 1. ratio & præcipua Thomæ est. Secunda nihil valet, nisi probatum fuerit scientiam & virtutes esse habitus immateriales substantiæ immateriali & independenti à corpore inexistentes, quod non nisi per actionem spiritualem conspici potest. Tertia ratio indefinite citra limitationem sumpta non valet. Nam intellectio in individuo corruptibilis est: solum incorruptibilis est respectu speciei, & id speciatim præ sensatione, quia intellectio actio immaterialis est. Quarta ex cognitione abstracta procedit, quæ actio independens à corpore est. Quinta nisi eodem medicamento sanetur, quàm tertia non est vera. Falsum quippe species intel-

intelligibiles esse incorruptibiles: at eas solum recipit realiter intellectus: nam ipsa intelligibilia actu non recipiuntur realiter in intellectu, sed tantum per has species repræsentantur. Sic 6. & 7. ratio quoque aliquatenus ad bonum sensum reduci potest. Octavæ rationis fundamentum additum evidenter sententiam nostram confirmat. Neque minus nona ratio: unde enim cognoscitur animam rationalem non debilitari à corpore: annon ex actione? At qualis illa actio? Annon immaterialis? Igitur, quod actio animæ rationalis non debilitatur corpore debilitato, signo est eam esse immaterialem. Ultima ratio nihil ad questionem confert. Atque ita liquet, omnes rationes Thomæ in unum nostrum fundamentum recidere, quo destructo nihil evincunt. Atque idem censendum de aliis est, quæ à Philoſophis hæcenus propositæ sunt.

CAPUT ULTIMUM.

De divisione hominum.

§. I. **U**Niversam objecti Medicinæ, puta Hominis seu humani corporis vivi theoriam, quoad Medico necessaria & utilis est, in prioribus conati fuimus adumbrare: quod superest, de ejusdem divisione aliqua subjungenda veniunt. Nam ut bene docet Gal. lib. 3. meth. med. c. 7. *non curatur homo universalis, sed unusquisque nostrum.* Proinde eo usque divisio hominis instituenda est, ut citra difficultatem unicuique nostrum adhiberi possit.

§. II. Cum vero nulla *divisio hominis specifica* detur, quoniam hominis infima species est, apparet, quod *accidentali* contenti esse debeamus, qualis apud Medicos duplex datur, *primaria & secundaria*, sic appellata, quod in curatione posterioris propter primam habeatur ratio.

§. III. *Primaria hominis divisio* petitur vel à *virtute* seu robore, vel à *temperamento*, vel à *proprietas* *idiosyncrasis*. Etenim virtutis summam rationem habere oportet, utpote quæ & quantitatem & qualitatem remedium determinat. Neque minus temperamentorum ratio multum variat Medicorum intentiones, ut adeo non quidvis unicuique adhibere liceat. Quantum vero *idiosyncrasis* ad benè medendum valeat, vel ex cit. loc. Galeni evidenter licet discere, utpote qui paulo post prius

præius citata verba subiungit, *ego si cuiusque privatim naturam explorare ad unum quem scirem, unumquem fuisse Æsculapium concipio, talem me esse putarem.* &c.

§. IV. Cæterum quia *διουρκασία* certo cognosci nequit, ut ibidem testatur Gal. nec ad certas classes revocari potest, nihil hic amplius tradi potest, quam quod sollicitus esse debeat Medicus, ut cognoscat, an *συμπάθειαν* vel *ἀντιπάθειαν* aliquam cum uno vel altero medicamento vel alimento obtineat, ne dum utile remedium adhibere putat, venenum ægro propinet, & sic innoxia remedia in suspicionem & contemptum referat. Ratione virtutis autem nota divisio est. Nimirum homo quidam robustus est, quidam debilis, quidam se medi habet modo. Ac debilis quidem aliquando sic videtur tantum, utpote qui oppreffas habet vires: aliquando vera talis est, qualis tū is, qui natura debilis est, ut raræ contexturæ tenuiumque humorum constitutione præditus homo; tum is, quem diuturnus morbus, multi labores, gravesque morbosicæ causæ viribus privarunt. Hic potenribus remediis non sufficit, ille ea bene fert, & robur majus acquirere videtur, quatenus natura levata onere virtutem suam efficacius exserit.

§. V. Ratione temperamenti obvia item distinctio, quod nempe sic homo sit temperatus ad justitiam exacte, vel aliquatenus ab eo recedat, & sic vel ad simplicem, vel compositum excessum declinet, adeoque sit vel calidus, vel frigidus, vel humidus, vel siccus; vel calidus & humidus, vel calidus & siccus, vel frigidus & humidus, vel frigidus & siccus.

§. VI. Hic occurrit quæstio 1. Unde potatur temperamentum totius? Non est dubium, quin pendeat à temperamento ejus partis, quæ totum gubernat. Illa autem cor est, quemadmodum supra probavimus. Hinc adeo liquet, quod sicut cor dispositum est, ita ferè reliquæ partes omnes afficiantur, utpote à quo dependent in fieri, & in conservari, & sic utroque in statu ejus influxu alterantur. Satis verò intelligitur, id non fieri ratione temperamenti cordis, quatenus ut corpus mixtum consideratur, utpote quo modo in alias partes agere non potest, verum quatenus consideratur ut prima & originaria pars viventis, quæ spiritum vitalem omnibus aliis impertit, atque per eum earum insitum spiritum conservat.

§. VII. Dehinc 2. quæstio emergit: An temperamentum hominis exacte temperatum sit temperamentum ad pondus, seu absolute æquale? Neutiquam verò. Cum enim homo vivens aliquod sit, quorum temperamentum

est calidum & humidum, liquet, quod temperamentum hominis optimum sit calidum & humidum, verum eo gradu temperatum, qui homini maximè competit. Quando ergo idem temperamentum æquale appellatur, intelligitur id non absolute, sed comparative non ad pondus, sed ad iustitiam.

§. VIII. Tercia Quæstio est: *An temperatus edat perfectissimas operationes?* Affirmanda videtur. Nam quia operatio finis temperamenti est, utique qualis finis, tale medium, qualis effectus, talis causa. Ergo optima & perfectissima operatio requirit optimum temperamentum, & optimum temperamentum edit optimam & perfectissimam operationem. Neque hoc solum intelligendum esse existimo, de operationibus hominis collectivè sumptis, quasi scilicet nullum aliud temperamentum omnes simul sumptas edat tam perfectas: Sed etiam distributive, quod nullum aliud temperamentum edat ullam tam perfectè. Sed advertendum est, actionum præstantiam non semper æstimandam esse ex gradu & intensione, sed ex normâ & regulâ suâ: neque transilendo objectum suum, sed manendo intra objectum debitum. Libens enim largior, posse aliquem alterius temperamenti, v. g. cibum difficiliorem melius concoquere, quam qui habet temperamentum ad iustitiam, tamen hic in universum melius & convenientius naturæ humanæ coctionem eam absolvet, quàm alter. Et sic de aliis iudicandum.

§. IX. Affinis huic 4. Quæstio est: *An maximè sint longavi temperamento equalis ad iustitiam præditi?* Omnino videtur. Nam cum illud optimum sit, est etiam procul dubio maximè durabile. Atque ideo ei accommodata sunt convenientia alimenta, & alia continuandæ vitæ adminicula. Quod enim quidam arbitrantur, temperamenti genus omnium facillimè ab externis mutari, id mihi non probabile videtur. Neque enim exactè & simpliciter medium est, quod contrarium sentientes supponere videntur, neque tam promptè in contrarium mutatur, cum habituale sit, firmiterque radicatum.

§. X. Quæstio 5. est: *An dentur simplices omnes, & composita temperamentorum species à temperato recedentes?* Maximè hæc quæstio agitur de temperamentis absolute consideratis: hic autem cum de temperamentis agimus comparative, dubium nullum est, quin in omnem partem deviatio fieri possit. Etenim v. g. calidum humidum vocatur, quod calorem & humorem aliquando majorem obtinet, quam illud quod:

quod medium est : & frigidum siccum , quod minus calidum & minus humidum est. Et sic judicandum etiam de aliis. Attamen etiam in absoluta temperamentorum consideratione dubium ita fustulit Gal. l. 1. de elem. c. 8. ut plerique ejus sententiæ acquieverint.

§. XI. Quæstio 6. est: *An bene temperamenta hominum secundum humores dividantur?* Est usitata apud Medicos temperamenti divisio in sanguineum, biliosum, pituitosum & melancholicum. Hæc siquidem sumatur, quasi secundum humorum substantiam diversa sint temperamenta, non probatur mihi, quia superius probavi non componi hominem ex diversis humoribus, nec iis ali, sed formari nutritrique ex solo sanguine. Neque obstat, quod diversi humores excrementitii in corpore reperiantur : quippe ab illis temperamenti denominatio non petitur, sed ab humoribus nutritiis, qui in substantiam viventis mutantur. Sinverò hæc divisio intelligatur, respectu qualitatū illis humoribus convenientium, tolerari utcumque potest, sed non sufficiens est. Nam & simplices à medio recessus, & vel temperamentum medium, vel calidum & humidum mediocritatem superans omittuntur. Etenim cum singulis humoribus duæ qualitates tribui soleant, liquet omitti temperamenta simplicia : & quandoquidem per temperamentum sanguineum intelligitur vel temperatum, vel calidum & humidum, alterutrum omittitur, aut utrumque confunditur, quippe quod ad nullum aliud recensitorum generum reduci potest.

§. XII. *Secundaria hominum divisio* Medico annotanda præcipue est quadruplex, quarum prima petita ab *ætatē*, secunda à *sexu*, tertia à *regione*, quarta à *vita genere*. Hæc enim omnia spectantur, quatenus exinde vel virium, vel temperamenti, vel *idiosyncrasiæ* notatio ingeritur, ut consideranti singula innotescet facile. Ut id clarius appareat, pauca tantum attingam.

§. XIII. Circa ætatem 1. quæritur : *Quid sit ætas?* Non malè id videtur expressisse Fernel. lib. 3. Physiol. c. 10. ubi docet : *ætatem esse id via curriculum, quo luculenter corporis constitutio per se suoque nutu mutatur.* Nam omnes per ætatem vitam vitæ significamus, eamque non permanentem, sed in motu positam : neque item ab externis causis mutationi subiectam, sed procedentem ab internâ causâ, ipso nempe calido innatoformante & conservante corporis nostri partes. Quanquam verò singulis diebus, imò horis, ac momentis mutemur, non tamen omne id tempus ætas appellatur, sed id quo insignis mutatio facta est. Con-

tingit hæc mutatio tam in robore & perfectione corporis, tum in temperamento, & inde evenit, quod connotati intuitu aliqui ætatem per temperamentum definiverunt, non tamen accuratè. Id tamen libenter concesserim, Medicum ætatem habere rationem præcipuè ratione temperamenti, non tamen solitariè. Nam ætatem virium quoque seu roboris respectu attendit. Et sic soluta 2. quæstio est: *Quo modo Medicus attendat ad ætatem?* Scilicet non per se, sed intuitu alterius, ut modo fuit indicatum.

§. XIV. Porro 3. quæritur: *Quæ sint ætates?* Optimè Arist. l. de juv. & sen. atque l. de respir. tres ponit, nempe *crescentem, vigentem, seu perfectam, & decrecentem*; quarum primam *adolescenciam*, secundam *juventutem* seu *florem ætatis*, tertiam *senectutem* liceret appellare. Quippe in prima calidum innatum corpus nostrum ad debitum temperamentum & vigorem deducit, seu nos perficit: in secundâ edit operationes perfectissimas omnis generis: in tertiâ incipit deficere & paulatim marcescere. Quia vero unaquæque ætas notabilibus adhuc mutationibus subjecta est, licet eam rursus dividere in *viridem, adultam, & consummatam* Varronis verbis, quatenus scilicet unaquæque ætas *principium, medium, & finem* suum habet. Etsi verò isthæc hoc modo se habent, Hippocr., tamen & Gal. solent plerumque quatuor ætates numerare *pueritiam, adolescentiam, consistentem ætatem, & senectutem*, dividendes crescentem ætatem in *pueritiam & adolescentiam*, fortè ut melius cum quatuor anni temporibus & elementis conferre possent. Alii adhuc præstius dirimunt, numerantque *infantiam, pueritiam, pubertatem, adolescentiam, juventutem, viridem ætatem, primum senium, progressam senectutem, & gravem decrepitamque*. Facile tamen & hi cum priori sententia conciliari queunt, si primos tres gradus crescenti, secundos vigenti, tertios decrecenti ætati assignemus.

§. XV. Quæritur 4. *Vnde judicentur ætates?* Maximè quidem ex habitudine & conditione hominum, quæ præsertim ex robore & viribus colligitur: attamen secundo huc facit quoque tempus, cum certo tempore plerumque magnæ mutationes fieri solent. Et eà de causâ septenarios præcipuè Medici annotare solent, quandoquidem computum est iis magnas mutationes in corpore nostro accidere.

§. XVI. Quæritur 5. *Quodnam temperamentum unicuique ætati assignandum sit?* In genere quidem id facile decidi potest. Nimirum in ætate crescente temperamentum adhuc imperfectum est, quia calidum pluri-

inâ

mâ humiditate obruitur, ita nec sufficienter calidum & nimis humidum existit. Aetâ consistens perfectum temperamentum obtinet, quod id eo temperatum respectu reliquorum appellari potest. Sed aetate crescente debilitato calore infuso, & auctâ siccitate necessum est frigidam & siccam constitutionem consequi. Veruntamen si paulo specialius spectentur, occurrunt aliquæ dubitationes. Earum 1. est: *Cui aetati plus conveniat calidi?* Aliqui enim crescenti, alii consistenti aetati id tribuunt. Ab horum partibus sum, & sententiam eam rationibus firmis probavi l. 6. institut. Phys. c. 1. t. 16. & seqq. §. 8. & seq. & cap. 6. th. 4. §. 1. Secunda dubitatio est: *quale temperamentum habeas aetati consistentis?* Potest dici *temperatum*, quia perfectissimum, atque ideo norma & regula aliorum: item *calidum siccum*, comparatione temperamenti crescentium: ac denique *calidum humidum*, si conferatur cum temperamento senum. Ultima dubitatio est: *An senes sint sicci vel humidi temperamenti?* Non est dubium, quin plurimum excrementitiæ humiditatis cumulent, unde catarrhis valde obnoxii sunt: attamen dubium similiter nullum est, quin solidæ ipsorum partes magis magisque siccentur. Hoc rugæ cutis, ariditas & durities carniū ossiumque abunde testantur. Verum non à conditione excrementorum sed constitutione partium temperamenta denominantur.

§. XVII. Circa sexum 1. quæritur: *in quo consistat differentia sexus?* Dubium nullum est, quin sexus consistat in maris, & foeminae differentia; sed de eo quæstio est, *quid sit mas, quid foemina?* Optimè totam controversiam decidisse videtur Aristot. tum in genere, explicando quasi nominalem definitionem lib. 1. de part. animal. cap. 3. dum ait: *Foemina, quod in se mittit, appellatur: mas quod in alterum.* Hoc est: mas est, qui in foeminam seu individuum aliud à se diversum semen immittit, & per id generat sibi simile; foemina autem est, quæ suscepto à mare semine in se ipsa sibi simile procreat: deinde in specie, declarando in quo singulorum natura consistat, cum lib. 4. de generat. animal. cap. 1. ita ait: *Mas & foemina potentia quadam & impotentia desiniuntur: quod enim potest concoquere constituere, & secernere semen, atque principium obtinet forme, id mas est. Principium autem non hoc dico, ex quo, ut materia tale gignitur, quale quod generas est, sed id quod primum moveat, sive in se ipso, sive in alio positi hoc facere: quod autem recipit, nec potest constituere & secernere, has foemina est.* Et si enim hic dubia quædam involvuntur, tamen ea apud Philosophum satis explicata reperiuntur, & nos id eominus respicimus, quia supra

do

de semine agentes præcipuas difficultates, quæ ei opinioni adversari videntur, sustulimus.

§. XVIII. Quæritur 2. *Quare Medicus attendat differentiam sexus?* Principio ob temperamenti diversitatem. Nam mas calidior est, quam mulier in genere humano. Et si enim scemina videtur plus sanguinis colligere, quod singulis mensibus menstrua patitur, atque ad iram magis inclinare: tamen utrumque illud caloris imbecillitatem arguit: primum quidem, quia viragines, quæ calidioris sunt temperamenti parce per menstrua purgantur, quia ob fortem calorem plus sanguinis resolvunt, quàm ut in menstrua purgationem necessum sit reservari: posterius autem, quia ira illa facile sedatur, sicut & pueris evenit, qui debiliori judicio præditi sunt, ob humiditatis abundantiam & caloris oppressionem. Deinde: ob virium varietatem. Nam mas robustior sceminâ est, atque vehementiora remedia patitur quam mulier. Debet tamen hoc & prius intelligi cæteris paribus & ut plurimum. Nam alioquin non diffitemur, aliquas mulieres esse maribus calidiores & robustiores. Denique ultimo ratione ἰδιουγενείας & occultarum proprietatum, quæ in mulieribus præcipue advertuntur ab utero procedere, ab quem præcipue in omni curatione respicere debet Medicus, tum quia Hippocrate teste, uteri muliebrium morborum causæ, tum quia uteri multa adhibenda alioquin remedia ob singularem αὐτὴν ἀβελειάν prohibent, ut odorata, dulcia &c.

§. XIX. Circa regiones initio id quæritur: *Quare Medicus spectare debeat diversitatem regionum, in quibus quis natus, educatus, aut diu versatus sit?* Respondeo similiter ob temperamenti, roboris, & ἰδιουγενείας meliorem observationem. Nam experientia abunde docet temperamento, moribus, & robore multum discrepare homines diversis in locis natos, unde & aliis morbis sæpè afficiuntur, & aliis remediis tractari debent. Sic experientia itidem monstrat morâ diuturna in aliquo loco mutationem non parvam alicui accedere, ut aliquatenus degeneret à primo statu, in quo fuit natus. Vnde in morbis locorum mutationem Medici non raro suadent.

§. XX. Deinde ambigitur, *Vnde regiones eam vim obtineant?* Censendum est, id eis accedere à diversâ cœlestium influentiâ, ipsius aut vicinæ regionis locique natura, & à ventis. Primo respectu ipsa terra in quinque zonas dispescitur, quarum duæ ad polum sitæ circulis polaribus definiuntur, duæ his adjacentes à circulis polaribus utrinque ad tropicos

tropicos porriguntur, una verò media inter utrosque tropicos jacet. Hanc Veteres ob summum solis æstum, torridam dixerunt, & inhabitabilem judicarunt: quemadmodum ad polos positas frigidas nuncuparunt, & ob frigoris vehementiam inhabitabiles itidem censuerunt. Solum ergò judicarunt reliquas duas plagas habitabiles esse, quas inde temperatas vocarunt. Sed navigationes docuerunt, ferè totam terram habitabilem esse, & alio subsidio frigoris & æstus intemperiem temperasse. Nimirum æstum ventis, pluviisque, frigus autem ignibus subterraneis calidisque evaporationibus. Quam ægrius frigori occurri potuit, quam calori, utpote qui ob non adeò diuturnam moram Solis supra horizontem, utpote tantum duodecim horarum, non ita vehemens reperitur in mediâ terræ plagâ quam vulgo creditum fuit. Deinde respectu cœli itidem terræ loca duodecim zodiaci signis subjiçuntur, & inde virtutibus illorum imprægnantur, de quo Astrologi consulantur. Secundo respectu multum interest, an terra sit arenosa, sabulosa, palustris, lacunosa, fluminij vel mari vicina, an mediterranea, quia inde aer vel siccior, aut humidior, vel calidior aut frigidior, item purior aut impurior, salubrior aut insalubrior evadit. Tertio respectu cum ventorum maxima vis sit, itidem liquet, quod respectu illorum variè corpora afficiantur. Atque huc pertinent loca montana, quæ undique ventos admittunt, ut & plana, quanquam minus, & valles, quæ undique ferè ventos excludunt. Montes itidem non ita calidi, ut valles quia in his radii solares magis colliguntur, puriores tamen, quia vapores crassi non tam facile tam alte exhalant, & à ventis promptè discutiuntur. Verum de his proprius agendi locus est in doctrina de causis sanitatis & morborum.

§. XXI. Denique de Vitæ genere non est multum dicendum. Satis enim notum est, quod ii qui agreste & vehemens vitæ genus sequuntur, ut rustici, venatores, & c. calidiores & firmiores evadant, maxime si illud æquabile sit, quam ii qui sedentariam & ociosam vitam agunt. Inde nobiles, & docti, fœminæ itidem cautius tractari debent. Consuetudinis item magna vis est, ut & naturam ferè mutet, unde in proverbium transit: consuetudo altera natura. Atque hæc de hominum divisione Medica & universâ naturâ impræsentiarum dixisse sufficit.

F I N I S.

P p p p

INDEX

INDEX CAPITUM ET QUESTIONUM.

Prolegomena de Medicina constitutione & divisione. p. 1.

- I. **A**N Medicinæ genus Scientia vel ars, p. 2.
 II. An & quomodo sanitas sit Medicinæ finis. ibid.
 III. Quodnam Medicinæ munus sit? ibid.
 IV. Quodnam sit Medicinæ objectum p. 3.
 V. An Medicus senex & expertus, an juvenis & doctus præferendus. p. 4.
 VI. Quomodo Medicina sit ars conjecturalis? p. 6.
 VII. An Medicus fortunâ opus habeat? ibid.
 VIII. An Medicinæ exercitium sit homine liberali dignum. ibid.
 IX. An Medicinæ vel jurisprudentiæ dignior locus sit concedendus in Republica? p. 7.
 X. An Medicina vel Philosophia dignior. ibid.
 XI. An Synthetica vel Analytica methodo Medicina sit proponenda? p. 8.
 XII. An Medicina Physicæ subalternetur? ibid.
 XIII. Quomodo Medicina rectè dividatur. p. 9.

ANTHROPOLOGIÆ

Seu LIBRI I. Medicina

CAPUT I.

De Rebus Naturalibus, & præter naturam.

- I. An & quomodo res naturales definiri possint. p. 11

- II. Quomodo res naturales dividantur? p. 12.
 III. Quid sint res præter naturam? p. 12.
 IV. An res præter & contra naturam differant? ibid.
 V. Quomodo res præter naturam dividantur? ibid.
 VI. An res non-naturales constituent distinctam à rebus naturalibus & contra naturam speciem? p. 13.
 VII. Quot sint res non naturales? ibid.
 VIII. An bene Medicina distribuatur secundum res istorum trium ordinum? p. 14.

CAPUT II.

De Principiis ac Materia hominis in comuni, ac in specie de Elementis, eorundemque missione.

- I. An recte tractationis initium in Medicina sumatur ab explicatione hominis? p. 14.
 II. An de materia vel forma hominis prius agendum ibid.
 III. An de materia prima agendum in Medicina? p. 15.
 IV. An item de elementis & quomodo? ib.
 V. Quæ sint elementa? ibid.
 VI. An elementorum quaternarius numerus approbandus? p. 16.
 VII. Quæ sint singulorum elementorum qualitates & quomodo ipsis competant? ibid.
 VIII. Quid sit mistio & quomodo fiat, p. 16. & 17.

P 2 CAPUT

CAPUT III.

De temperamentis, & secundis ac occultis qualitatibus.

- P.** AN temperamentum aliquod possit dici Substantia, seu utrum sicut qualitatium, ita & substantiarum denur temperamentum? p. 18.
- II. An temperamentum sit relatio? p. 18.
- III. An temperamentum sit qualitas una vel multiplex. p. 19.
- IV. An temperamentum possit vocari qualitas una composita P. 19.
- V. An qualitates primæ in temperamento uniantur in gradu summo, an vero in gradu remissior? ib.
- VI. An temperamentum sit ens per se, an per accidens? ib.
- VII. An qualitates primæ conjunctæ in temperamento singulæ insint suis elementis an omnes omnibus, ita ut quilibet pars misti omnium qualitatium, sit particeps p. 20.
- VIII. Vtrum in misto omnes actiones instrumentum temperamenti fiant? p. 20.
- IX. An temperamentum æquale ad justitiam coincidere possit cum temperamento ad pondus? p. 22.
- X. An temperamentum æquale ad justitiam & maxime perfectissima ejus constitutio actiones omnes perfectissimas inducat ib.
- XI. An idem temperamentum optime externis injuriis resistat? ib.
- XII. An temperamentum debeat dividi in temperamentum cum & sine materia? ib.
- XIII. Quæ qualitates secundæ maxime à Medicis attendantur. p. 23.
- XIV. Quæ sit origo qualitatium occultarum? ib.
- XV. Quomodo occultæ qualitates veniant dividendæ. ib.

CAPUT IV.

De Calido innato, Humido Radicali, aliisque elementis secundis humani corporis.

- L.** Quid sint elementa secunda? p. 24.
- II. In quo conveniant cum elementis primis, & in quo ab iisdem differant? ibid.
- III. Quot sint elementa secunda p. 25
- IV. Quid sit calidum innatum ib.
- V. An calidum innatum sit Substantia ib.
- VI. An calidum innatum sit ipsa anima ib.
- VII. An calidum innatum sit ignis P. 26
- VIII. An calidum innatum sit cœlestis naturæ ib.
- IX. An calidum innatum sit ens per accidens ib.
- X. Quomodo calidum innatum sit mobile ib.
- XI. In quo inveniatu calidum innatum p. 27.
- XII. An & cur calidum innatum in corde fundetur ibid.
- XIII. An calidum innatum sit diversa Substantia ab humido radicali ib.
- XIV. An & quomodo calidum innatum sit animæ humanæ receptaculum Pag. 28.
- XV. An calidum innatum sit primum operationis animæ instrumentum ib.
- XVI. An & quomodo humidum radicale ad conservationem calidi innati requiratur ib.
- XVII. Quid sit humidum radicale 16.
- XVIII. Quo modo viventia dicantur calida & humida ib.
- XIX. Quid sit elementum secundum aëreum & terreum, seu pars carnosa & fibrosa ib.
- XX. Quomodo elementa secunda ad compositionem

INDEX.

posuonē humani corporis concurrant ib.

CAPUT V.

De nomine corporis, definitione item ac multiplici divisione partium.

- I. Quomodo sumatur vox humani corporis? P. 30.
- II. Quomodo definiatur pars humani corporis? P. 31.
- III. Quæ sint partes humani corporis? P. 31. 32.
- IV. Quomodo partes humani corporis dividantur? P. 32.
- V. Qualiter explicanda divisio partium in continentes, contentas & impetum facientes, seu in partes solidas, humores & spiritus? P. 33.
- VI. An sub dicta divisione contineatur etiam calidum innatum? ib.
- VII. Quomodo intelligenda divisio partium in similes & dissimiles? ib.
- VIII. Quid tenendum sit de divisione partium in organicas & inorganicas? P. 34.
- IX. An divisio partium in sanguineas & spermaticas sit bona? P. 35.
- X. Quomodo partes humani corporis sint liquidæ vel consistentes, item molles vel duræ? P. 37. 38.
- XI. Quomodo dividantur partes humani corporis in materiales & formales. P. 38.
- XII. An bona sit partium divisio in naturales, vitales & animales? P. 39.
- XIII. Quomodo accipienda divisio partium in principes & minus principes? P. 40.
- XIV. An sit quædam pars sui juris, ib.
- XV. An sit quædam pars, quæ virtutem neque suscipit, neque tribuit. P. 41.
- XVI. An bene Gal. dividat partes quod aliæ sint principia, aliæ ab his Originem

capientes & ipsæ inservientes, aliæ à se ipsis gubernatæ, aliæ insitas simul & aliunde manantes potentias obtinentes/ib.

CAPUT VI.

De partibus similariibus.

- I. Quid sit propriè Anatomia? p. 43.
- II. An partium similarium explicatio ad Anatomiam pertineat? ibid.
- III. Quæ & quot sint partes similes p. 43. 44.
- IV. An pinguedo sit pars humani corporis. P. 45.
- V. Quando & ex qua materia pinguedo generetur? ib.
- VI. An pinguedo sit sanguis concretus & dealbatus? p. 46.
- VII. An pinguedo nascatur sola accidentali condensatione sanguinis ibid.
- VIII. An pinguedo vere nutriatur, & ex qua materia ib.
- IX. An pinguedo cedat in nutrimentum partibus p. 47.
- X. An pinguedo inveniatur in omnibus hominibus ib.
- XI. An pinguedo obtineat determinatam magnitudinem & figuram ibid.
- XII. An pinguedo sit pars similis vel dissimilis ibid.
- XIII. Cuius temperamenti sit pinguedo P. 48.
- XIV. Quis sit pinguedinis usus ibid.
- XV. Quid sit caro, & quem usum obtineat ib.
- XVI. Quid sit fibra & quot plex P. 49
- XVII. An recepta sententia de fibrarum diversarum usu sit proba ibid.
- XVIII. Quem usum ossa obtineant. ib.
- XIX. Equid in ossibus detur aliquod principium. P. 50.
- XX. Quid carnago sit & quem usum præstet ib.

Pppp 3 XXI. Quid

xxv. Quid ligamenta & quoduplicia sunt ibid.

xxvi. An venæ, arteriæ & nervi veniant similibus partibus annumerandæ P. 61.

xxvii. Quomodo ea vasa inter se conveniant aut differant ib.

xxviii. An dentur venæ lacteæ P. 52

xxv. An venæ polleant vi contractiva P. 53.

xxvi. Quodnam sit vasorum principium ib.

xxvii. An cutis sit expansio vasorum P. 55.

xxviii. Qui sint usus cuticulæ ib.

xxix. An cuticula sit in panium numerum recipienda P. 56.

xxx. Quare in capite tenuissima & in calce pedum crassior sit cuticula ib.

xxxi. Quæ sit causa variationis cuticulæ quoad colorem ib.

xxxii. Quare in parte corporis nostri anteriore pluribus pilis præditi simus P. 57.

xxxiii. Quare caput & emunctoria magis pilis referta sint 16.

xxxiv. Quare quibusdam pilis plani, quibusdam intorti, quibusdam tenues, quibusdam crassi competant ib.

xxxv. Quare viris speciatim barba eveniat, non mulieribus ib.

xxxvi. Quare castratis barba excidat ibid.

xxxvii. An pili sint partes nostri corporis ib.

xxxviii. An ungues partibus annumerandi P. 59.

xxxix. An ungues sentiant ib.

xl. Quare præcisi ungues nullum dolorem inferant cum tamen in medio ubi carni adherent sauciari potentissimos cruciatus importent ib.

CAPUT VII.

De Partium similium unione & constitutione dissimilium.

I. An partes nostri corporis sibi mutuo conjungantur per contactum an per continuitatem? P. 59.

ii. An partes sphacelo correptæ sint continuæ cum partibus sanis P. 90.

iii. Vtrum cum pars dissimilari ab altera avellitur dici debeat solutio tantum contiguitatis, an etiam continuitatis? ib.

iv. Quomodo ossa sibi invicem necantur P. 62.

v. An ossium conjunctio repugnet partium continuitati? P. 63.

vi. Quomodo alia partes ossibus conjungantur? ibid.

CAPUT VIII.

De Partibus in thorace contentis.

I. Quæ methodus observanda in partium speciali declaratione? P. 62.

ii. An cor recte musculus dici queat P. 65.

iii. An pinguedo cordis vere sit pinguedo P. 66.

iv. Quem usum pinguedo cordis præstat ib.

v. Quomodo circa cor concreascit, cum tam calidum sit ib.

vi. Fibræ per ventriculos cordis dispersæ an nervi sint vel nervorum origines ib.

vii. An vena arteriosa sit vena, & arteria venosa arteria P. 66. & 73.

viii. An nervi cordi communicati sensus motusve causa eidem implantati sint P. 67.

ix. An auriculæ cordis sint ejus partes ib.

x. An magnum cor timiditatem, parvum autem

INDEX.

- autem audaciam & animositatem inferat 16.
- x1. An septum cordis pervium sit P. 68.
- x11 Vtrum & qualiter temperamento ventriculi cordis differant ib.
- x111 Quare in dextro cordis ventriculo plures, in sinistro pauciores fibræ repetantur P. 69.
- xiv Quare miuero cordis ad sinistram vergat P. 70.
- xv. Quodnam sit cordis temperamentum ib.
- xvi. Quid systole & diastole cordis & arteriarum P. 71.
- xvii. An systole & diastole cordis atque arteriarum celebrentur eodem tempore ibid.
- xviii. Quare in fœtibus nondum editis pulmones densiores & solidiores P. 72.
- xix Quare in pueris pulmones sint rubundiores, in adultis flaviores. ib.
- xx. Quare laborantibus pulmonibus sentiantur dolores, cum ii sensu destituantur ib.
- xxi Quis sit usus vasorum cordis P. 73.
- xxii An arteria venosa, seu Vena pulmonalis aerem in cor deychat ibid.
- xxiii An aspera arteria sit vas nec ne ib.
- xxiv Vnde pendeat pulmonum motus P. 77.
- xxv. An respiratio sit actio naturalis an voluntaria P. 78.
- xxvi Qui fiat quod tertio circiter pulsu respiratio celebretur ib.
- xxvii. Vnde pleura originem capiat P. 79.
- xxviii. An pleura Peritonæo sit crassior ib.
- xxix. An Pleura sit simplex an duplex membrana ib.
- xxx. An mediastinum ubi sterno annectitur foveam aut cavitatem exhibeat ib.
- xxxi. An pulmones per fibrillas pleuræ

- alligentur ne cor premant P. 80.
- xxxii. Quis situs musculorum intercostalium an diversus interiorum & exteriorum P. 88.
- xxiii. An diaphragma sit musculus P. 88.
- xxxiv. An diaphragma sit unus vel geminus musculus ib.
- xxxv. Quodnam sit principium diaphragmatis ib.
- xxxvi. Quomodo diaphragma ad respirationem conferat ib.
- xxxvii. Quare diaphragma in expiratione deorsum & in inspiratione sursum trahatur ib.
- xxxviii. An actio diaphragmatis quæ se contrahit & expirationem facit sit voluntaria an naturalis ib.
- xxxix Quod sit colli officium P. 93.

CAPUT IX.

De Partibus in infimo ventre contentis.

- i. An hepar perfectum sanguinem coquat an ei solum rudimentum tribuat P. 96.
- ii. An venis competat sanguificandi vis ib.
- iii. An hepar sit pars princeps P. 97.
- iv. An hepar bilem separat à sanguine ib.
- v. An vesicula biliaria bilem attrahat an vero hepar aut venæ in ductus ejus ad cervicem tendentes exoneret ib.
- vi. Quare natura præter vesiculam biliariam etiam canalem biliarium condiderit P. 18.
- vii. An lien succum melancholicum ex hepate attrahat, colligat & tandem evacuet P. 91.
- viii. An lien sanguinem conficiat pro alendis partibus, quæ venas à venæ parte accipiunt ibid.
- ix. An lien conficiat aliquid fermentum ut faciat.

INDEX.

- facilius chylus in sanguinem ab hepate mutati queat ibid.
- x. Quare venæ lacteæ cum proprio trunco carent, ductus quosdam in venam portæ inferant ib.
- xi. Quis sit usus vasis Pancreatis à Cl. Wirsungo primum notati Pag. 100.
- xii. An Pancreas ad Chyli elaborationem & deductionem versus hepar conferant. ib.
- xiii. Quodnam obtineat temperamentum ventriculus P. 101.
- xiv. Quanam sit ventriculi functio Pag. 102.
- xv. Quomodo fiat deglutitio Pag. 103.
- xvi. Unde oriatur consensus interfinistrum orificium ventriculi & cor ibid.
- xvii. An intestina concoquendi quadam vi polleant P. 104.
- xviii. Quomodo differant intestina tenuia & crassa P. 105.
- xix. Quare interior unica intestini jejuni longior externa ib.
- xx. Quare bilis effundatur in intestinum jejunum ib.
- xxi. Quodnam sit intestinum cæcum Pag. 106.
- xxii. Quem usum præstet appendix vermicularis Intestini Coli ib.
- xxiii. Quæ usum habeat intestinum cæcum ib.
- xxiv. Quæ sit natura & quod officium valvulæ intestini Coli P. 107.
- xxv. An per intestinum rectum excrementa alvina descendant solo suo pondere, an actione quadam intestini recti P. 108.
- xxvi. Quomodo serum ad renes deveniat, an sola colatura, an vi quadam renum P. 111.
- xxvii. Quomodo per ureteres serum propageatur an solo transfluxu an præterea virtute etiam quadam propellente ureterum P. 112.
- xxviii. An renes sanguinis coctionem præfati sint ib.
- xxix. An renes concurrant ad elaborationem seminis Pag. 113.
- xxx. Quis sit usus renum succenturiatorum seu capsularum atrabilarium P. 114.
- xxxi. An urina ad vesicam urinariam devehatur sola vi excretice renum, an etiam vi tractice vesicæ Pag. 115.
- xxxii. Unde accidat quod vesica ad excernendum urinam se accingat ibid.
- xxxiii. An media vesicæ urinariæ membrana verus musculus sit ib.
- xxxiv. An & quomodo omentum concoctionem ventriculi & intestinorum juvet Pag. 111.
- xxxv. Quare tam multiplices vasorum serie omentum persufum sit 11.
- xxxvi. An omentum humorem redundantem ab intestinis accipiat 11
- xxxvii. Quod sit officium venarum lactearum & quomodo ab illis obeatur P. 117.
- xxxviii. An hepar chylum aurahat an venæ lacteæ eum propellant, an intestina eum imitant & novo suppeditato protrudant P. 118.
- xxxix. An vena cava & vena portæ sint distincta vasorum genera ibid
- xl. An per vas breve melancholia ex liene in ventriculum deferatur P. 120.
- xli. An venæ mesaraicæ ab hepate ad intestina sanguinem pro ipsorum nutritione advehant, & ab intestinis versus hepar revehant chylum Pag. 121.
- xlii. An consensus uteri & mammarum fundetur in concursu venarum epigastricarum & mammariarum P. 124.
- xliii. Quomodo cor subito reficiatur, ubi quis cibum vel potum capit Pag. 127.
- xliiv. An per nervos humores prævi queant propagati P. 129.

INDEX.

- xliv. An vasa præparantia vere id nomen obtineant adeoque præparandi munere fungantur Pag. 130.
- xlvi. Quare venæ spermaticæ ex vena cava non portæ educantur? ib.
- xlvi. Quare vena spermatica sinistra ex emulgente deducta sit non ex trunco venæ cavæ ut dextra ib.
- xlvi. Quare arteriæ spermaticæ venis spermaticis sint majores pag. 131.
- xlvi. Quare vasa spermatica communi membrana coerceantur. ibid.
- L. Quem usum obtineat pampiniforme corpus ibid.
- li. quare nervi non advehant spiritum animalem pro seminis elaboratione ibid.
- li. Quare cerebrum tantopere debilitetur ex Venere largiore ib.
- li. Cum quibus Partibus genitalibus vasa præparantia connectantur. ib.
- li. An testes solum tanquam pondera vasibus spermaticis appenda sint ne conciderent Pag. 132.
- lv. An testes sint conditi ut circa vasa seminaria intorquerentur. ib.
- lvi. An testibus competat officium elaborandi semen prolificum Pag. 133.
- lvii. Quare natura duos testes condiderit pag. 133.
- lviii. Quare sinister testis dextro major sit ib.
- lix. Quare testes foris pendeant P. 136.
- Lx. Quodnam sit officium cremasterum musculorum ib.
- lxi. An testes universum corpus gubernent ib.
- lxii. Quomodo testes in universum corpus dominium exerant ib.
- lxiii. Quodnam sit parastatarum officium pag. 137.
- lxiv. Quare vasa in parastatis non recte sed obliquata sint ib.
- lxv. Quodnam sit officium vesicularum seminearum p. 138.

- lxvi. Quis sit usus prostatarum ib.
- lxvi. Quodnam sit penis officium p. 140.
- lxvii. Quare penis pinguedine nulla obductus sit p. 141.
- lxi. An in parvis viris penis sit major quam in magnis ib.
- lxx. An in iis qui Venere abstinent penis sit major quam in iis qui Venere utuntur pag. 142.
- lxxi. An propinqua remotave ligatura vasorum umbilicalium in recens natis faciat ad penis majorem minoremve quantitatem ibid.
- lxxii. Quodnam sit officium vasorum spermaticorum in mulieribus ibid.
- lxxiii. Quare in prægnantibus vasa spermatica & alia vicina multo majora sint quam in non prægnantibus ib.
- lxxiv. Quodnam officium obtineant testes muliebres secundum communem sententiam pag. 143.
- lxxv. An uterus in prægnantibus pro incremento foetus tenuior vel crassior evadat pag. 143.
- lxxvi. An in utero sita sit virtus appetitiva seminum & generationis. pag. 143.
- lxxvii. Quomodo semen virile ad uterum deveniat, an sola ejaculatione penis an etiam attractione uteri ib.
- lxxviii. Quomodo uterus semen virile attrahat p. 149.
- lxxix. Unde & quomodo accipiat uterus mulieb. semen ib.
- lxxx. Ecquid semen mulieb. tantum propellitur an etiam attrahitur ib.
- lxxxi. An uterus acceptis seminibus claudatur ib.
- lxxxii. Quomodo uterus in se semina conservet & soveat ibid.
- lxxxiii. Quare in non prægnantibus uterus in parvam quantitatem contractus appareat. ib.

INDEX.

- LXXXIV. An semen ex quo masculus
 provenit in alio latere cubet, quam ex
 quo foemininus sexus ib.
 LXXXV. An falsum, mares in dextra,
 foeminas in sinistris concipi ib.
 LXXXVI. An uterus vi conformatrice pos-
 seat? Pag. 150.
 LXXXVII. An uterus obtineat vim ge-
 nerandi membranas circa foetum ib.
 LXXXVIII. Quomodo fiat seminum ad-
 haesio in utero ib.
 LXXXIX. Quare saepius à conceptione
 mulieribus contingat une vice sanguinis
 alicuius effluxus, & subita ejusdem sup-
 pressio ib.
 xc. Quare ille fluxus non semper note-
 tur ib.
 xci. Per quæ vasa foetus nutriatur in
 utero ib.
 xcii. Vnde irritetur uterus ad exclusio-
 nem foetus ib.
 xciii. Quomodo excludat uterus foetum
 ibid.
 xciv. An exclusio foetus pendeat soli-
 tate ab utero P. 151.
 xcv. In quibus partus dolores consistent ib
 xcvi. Quare primis gestationis men-
 sibus ventriculus tam male se habeat; &
 unde fiat, quod hoc malum sequentibus
 temporibus cesset ib.
 xcvi. Quare aliquibus statim à con-
 ceptione, aliquibus aliquamdiu post il-
 la molestia contingant ib.
 xcvi. Quare mulieribus prægnantibus
 & menstrua emittentibus sero aut o-
 mnino non eveniat ib.
 xcix. Quare mulieres calidae constitutionis
 prægnantes se multo habeant pejor
 quam temperamenti frigidioris ib.
 c. Quare ultimis gestationis temporibus
 mulieres saepe vomitui obnoxiae sint,
 & tamen ejecto cibo rursus comedere
 appetant ib.
 ci. An uterus odores percipiat p. 152.
 cii. An uterus de loco in locum moveri
 queat ib.
 ciii. Quomodo menstruum evacua-
 tio contingat ib.
 ciii. Quomodo in prægnantibus qui-
 busdam fiat menstruum evacuatio p.
 153.
 cv. Quare cum officium cervicis uteri
 non sit valde magnum, rima tamen ma-
 gna tantam longitudinem acceperit? ib.
 cvi. An certa detur virginittatis nota
 ib.
 cvii. Quodnam sit officium clitoridis
 ib.
 cviii. Quare mulieribus partui vicinis
 materia quædam pituitosa ex utero e-
 geratur pag. 154.
 cix. An partes genitales virorum &
 mulierum solo situ differant pag. 155.
 cx. An eadem differant specie ib.
 cxi. An mulieres si à coitu statim uri-
 nam emittant, præveniant concep-
 tionem ib.
 cxii. An detur sexus permutatio ib.
 cxiii. Vtrum natura magis intendat
 generationem maris quam foeminae ib.
 cx. v. An foemina sit monstrum in na-
 tura pag. 156.
 cxv. Si in uno sexu semen elaboretur
 in dextro teste, in altero autem sexu in
 sinistro, quid inde nasciturum sit, mas
 vel foemina ib.
 cxvi. Quare mammae posita sint in
 pectore pag. ib.
 cxvii. Quare frigidioris constitutionis
 viris mamillae contingant majores ib.
 cxviii. An mammae posita sint in
 pectore, ut ob cordis viciniam majorem
 calorem acquirerent ib.
 cxix. Quare mammae sint geminae pag
 157.
 cxx. Quid de mammarum magnitudi-
 nis variatione notandum sit ib
 cxxi. Vnde pendeant mammarum & u-
 teri

teri consensus P. 158.

cxxii. Quare tempore graviditatis aliae mulieres lac in mammis habeant, aliae non ib.

cxxiii. Quare quibusdam lactantibus menses fluant, quibusdam non ib.

cxxiv. Quare materia quadam vitiosa ab utero ad mammas, aut contra à mammis ad uterum transmissa cor animi deliquit, palpitationibus, aut aliis symptomatis frequenter afficiatur? ib.

cxxv. Quare mammæ obtriverint figuram orbicularem? p. 159.

cxxvi. Quia sui parte mammæ lac generent? p. 160

cxxvii. An mammæ sint dicatæ excipiendis excrementis humoribus? ib.

cxxviii. Quare mammæ contrectatæ Veneris appetitum stimulent? ib.

cxxix. Quare partes genitales unius sexus alterum sexum maxime delectent? ib.

cxxx. Quare viris frigidioris constitutionis pro ratione sexus mammillæ majores, mulieribus autem calidi temperamentum mammæ minores obtingant? p. 161.

cxxxi. Quare natura verarum mammarum umbram viris contulerit? ib.

cxxxii. Quare uterus & vesica non in eadem cavitatem peritonæi sed ejus duplicaturam posita sint? ib.

cxxxiii. Quare ossa in partu disjungantur p. 166.

cxxxiv. An oblique descendentes abdomen musculi ossa ilium & pubis sursum trahant? ib.

cxxxv. An iidem respiratori inserviant? ib.

cxxxvi. An oblique ascendentes musculi thoracem moveant? ib.

cxxxvii. Quare musculi recti diversas intersectiones acceperint? pag. 171.

cxxxviii. Quis sit usus musculorum pyramidalium? Pag. 172.

CAPUT. X.

De partibus ad caput, seu supremum remem pertinentibus. Pag. 172.

i. Quare caput in supremâ corporis parte positum sit? ib.

ii. An caput sit pars princeps. pag. 173.

iii. Quare cranium ex duplici tabulâ constructum sit? p. 179.

iv. Quare cranium ex diversis ossibus constructum sit ib.

v. Ad quid conferat caverna ossis frontis viridi membrana succincta? p. 182.

vi. Quare eadem caverna sit gemina? ib.

vii. An meatus Auditorius sit verus sinus pag. 185.

viii. An excrementa cerebri secundum vel contra naturâ per nares excernantur pag. 189.

ix. Quod officium dentes obtineant p. 196

x. An dentes in partium humani corporis numero reponendi ib.

xi. Ex quâ materiâ dentes generentur. pag. 197.

xii. Quibus partibus, spermaticis an sanguineis dentes ascendendi sint ib.

xiii. Qui, fiat quod dentibus ultimo elapsis, alveoli dentium coalescant at in ortu divisi sint ib.

xiv. Quare dentes circa quintum sextum septimumque ætatis annum excidant, & novi regenerentur ib.

xv. Unde regenerentur dentes secundo prorumpentes p. 198.

xvi. An omnes dentes excidant & renoventur ib.

xvii. Quare quibusdam etiam adulti dentes molares evulsi renoventur ib.

xviii. An dentes semper augeantur, nullamque determinatam magnitudinis præscriptionem habeant ib.

xix. An & quomodo dentes sentiant pag. 199. & 195.

- xx. An dentes etiam sentiant qualitates secundas ib.
- xxi. Quare dentes à frigore facilius quam à calore lædantur ib.
- xxii. Quare frigus hæmodiam potissimum inducat ib.
- xxiii. Quis sit usus crassæ meningis pag. 201.
- xxiv. Quis sit usus sinuum ejusdem, an inservire meliori cerebri nutritioni, an calefactioni ejusdem, an compescendo redundantanti sanguini, an inservire ventilationi & refrigerationi sanguinis pro meliore usu cerebri ib.
- xxv. Ob quem finem seror sanguinis arteriosi in cerebro remitti debeat pag. 202.
- xxvi. quod sit officium, quis usus tenuis meningis ib.
- xxvii. Quare homini tam magnum con- tigerit cerebrum ib.
- xxviii. An nervi optici cavi sint pag. 207.
- xxix. An ventriculi cerebri excrementorum collectioni, an spirituum anima- lium generationi dicati sint p. 224.
- xxx. An elaboratio spirituum animalium sit actio vitalis vel animalis ib.
- xxxi. Qua ratione cerebrum ex spiritu vitali faciat spiritum animale pag. 215.
- xxxii. Quomodo cerebrum refrigerandi cordis gratia conditum sit ib.
- xxxiii. An cerebrum in elaboratione spirituum animalium à corde depen- deat p. 216.
- xxxiv. In qua parte cerebri spiritus anima- les generentur ib.
- xxxv. Quæ virtute cerebrum spiritus ani- males generet. p. 217.
- xxxvi. An facultas sentiens in cerebro radicaliter & originaliter residet. an eam à corde dependenter obtineat ib.
- xxxvii. An functiones animales cele- bentur in toto cerebro, an in aliqua eius parte, & qua pag. 219.
- xxxviii. Qualis constitutio cerebri neces- saria sit ut functiones sensuum interio- rum debite exerceantur ib.
- xxxix. An sententia, quæ statuit cerebrum esse functionum sensuum interiorum organum, pugnet cum illa quæ docet spiritus animales esse earundem instru- menta pag. 220.
- xl. An sicut sunt diversæ functiones sen- suum interiorum, ita quoque diversæ in cerebro sint partes in quibus illæ ob- cantur ib.
- xli. An cerebrum polleat sensu & quo ib.
- xlii. An cerebrum obtineat motum pro- prium pag. 221.
- xliii. Quare du ra meninx à cerebro ali- quantum remota sit pag. 222.
- xliiii. Quomodo cerebrum ad partes mis- tat spiritum animale pro sensu & mo- tu ib.
- xlv. Quomodo spiritus animales, in ce- rebro retineantur ib.
- xlvi. An per alios nervos motiva, per al- ios sensitiva vis insinuat pag. 223.
- xlvii. Quomodo in partibus sensus vel motus perire possit incolumi altero ib.
- xlviii. An ab alio principio vis motiva, ab alio sensitiva pendeat influxu per nervos ib.
- xlix. An & qualiter cerebrum sit pars prin- cepts pag. 224.
- l. Quomodo cerebrum partes inferiores regat ib.
- li. Quare sensuum exteriorum operatio- nes non regantur arbitrio iudicii, sed ta- men sic regatur motus spontaneus p. 225.
- lii. An supposito, sapientem debere phan- tasmatum speculari & nihil esse in intel- lectu quin prius fuerit in sensu, sequatur animam rationalem in operando esse à corpore dependentem ib.
- liii. An in organis exteriorum sensuum

INDEX.

- celebrentur illorum sensationes, an vero omnes sensationes in cerebro expediantur ib.
- lii. An maximi oculi semper optimi pag. 226.
- lii. Quare oculi in superiore corporis loco positi sint pag. 227.
- lii. Quare iidem antierius locati sint ib.
- lii. Quare item cavitati inclusi ib.
- lii. Quare duo sint dati oculi ib.
- lii. An oculi sint calidi & siccī, adeoque igneæ naturæ an frigidi & humidi, adeoque nature aquæ ib.
- lii. An visio fiat receptione seu immissione specierū in oculū, an vero emissionē seu radiorum seu facultatis visivæ ib.
- lii. Quomodo in oculis visibilia exprimantur pag. 228.
- lii. An representatio objectorum in oculis sit formalis vel virtualis ib.
- lii. An species visibiles ipsæ quoque videantur an per illas tantum objectum ib.
- lii. Quomodo eum omnia inverte in oculis depingantur, rectum formari de his possit iudicium pag. 229.
- lii. Qua vi cognoscendi & quomodo propria cuiusq; magnitudo visu percipitur ib.
- lii. Quomodo distantia rei percipitur visu pag. 230.
- lii. Qui nat, quod cum pictura objecti visibilibus fiat in viroque oculo, idem tamen non appareat geminum ib.
- lii. Quare ob exactiorem specierum visibilium expressionem conveniat, ut partes quædam externum lumen arecant, atque etiam tenebrositatem inducant pag. 231.
- lii. An & quale officium proprium supercilia habeant pag. 232.
- lii. Quare oculis solis data sint opercula, nulli autem alii sensuum externorum organo p. 233.
- lii. Vnde visus agilitas & communicatio cum aliis sensibus dependeat ib.
- lii. Quare homini inferior palpebra minor contigerit quam superior p. 234.
- lii. Nictatio qualis sit palpebrarum motus ib.
- lii. Quare natura certam quantitatem eamque satis parvam pilis ciliarum præscripserit pag. 235.
- lii. Quodnam sit officium angulorum oculi ib.
- lii. An anguli palpebrarum, an palpebræ angulorum quæ sint id.
- lii. Quare oculi non rigescant pag. 236.
- lii. Quare pinguedo oculorum crassior pinguedine illa quæ eui subiacet ib.
- lii. Quare pinguedo oculorum non occupet etiam anticam eorum partem ib.
- lii. Quare oculis multiplex motus concessus sit pag. 237.
- lii. Qui fiat, quod oculi tam celeriter moveantur ib.
- lii. Quare natura instituit, ut utriusque oculi simul æquabili ratione ad unum objectum ferantur pag. 238.
- lii. A quâ causa pendeat, quod uterque oculus in idem objectum simul dirigatur ib.
- lii. Quare in cæcis oculi non semper eadem ratione moveantur ib.
- lii. Quare in recens natis non similis semper utrorumque oculorum motus observetur ib.
- lii. An utrorumque oculorum motus similis sit voluntarius ib.
- lii. An & quem usum præstet album oculi pag. 239.
- lii. An tunica innominata oculi vera tunica sit ib.
- lii. Cui usui inserviat innominata oculi tunica ib.

INDEX.

- c. Quodnam sit officium tunicae cornae p. 240.
- ci. An tunica uvea sit una vel duplex tunica Pag. 241.
- cii. Vnde fiat quod tunica uvea nigrescat colore foris manus inficiat, at interior ubi reflectitur non item p. 242.
- ciii. Vnde oriatur tunica uvea ibid.
- civ. Quid sit ciliare ligamentum ib.
- cv. Quodnam sit officium tunicae uveae ib.
- cvi. Quae pupillae figura ad visionem aptissima sit p. 243
- cvi. Quare pupillae dilatio & contractio tributa sit ib.
- cvi. A qua causa pendeat pupillae dilatio & contractio ib
- cix. An tam dilatio, quam contractio pupillae vera actio sit pag. 244.
- cx. An colotes iridis in oculo etiam visioni commodent ib.
- cx. An in tunicae uveae postica parte depingatur visibilium rerum species pag. 245.
- cxii. Quod sit officium retinae pag. 245.
- cxiii. An humores oculorum sint partes corporis, sive oculorum pag. 246.
- cxiv. Vnde cum aqueus humor effusus est, rursus regeneretur? pag. 247
- cxv. Vnde nutriatur humor crystallinus vel vitreus ib.
- cxvi. Quodnam sit officium humorum in oculis? ib.
- cxvii. Quare nervi optici tam magni sint? pag. 248.
- cxviii. Propter quid nervorum opticorum conjunctio fiat pag. 249.
- cxix. Quare surdi nati simul sint muti? p. 250.
- cx. Quem usum obtineat auricula, seu exterior pars auris? pag. 251.
- cxxi. Annon melius foret. aures hominum sic exstare ut brutorum, ob perfectiorem sonitum capessendum p. 252.
- cx. Cui usui interserviat lobus carneus inferius auribus additus ib
- cxxi. Quae sit praecipua pars auditus, & quomodo illa ad audiendum moveatur & quomodo sonum percipiat? ib.
- cxxiv. Quam ob causam nec ex solis ossibus, nec ex solis cartilaginibus natura nasum construxerit? pag. 255.
- cxv. An tunica interior narium sit proprium odoratus organum. ib.
- cxv. An & quem specialem usum vibrissae obtineant ib.
- cxvi. Quis sit nasi externi usus p. 256
- cxvi. Quare aer per respirationem attrahendus non recte per os, sed per nares attrahatur ib.
- cxix. Vnde pendeat frontis expansio & corrugatio? p. 257.
- cxix. Quodnam sit officium musculi buccinatoris? pag. 258.
- cxxi. Quis sit usus labiorum? p. 259.
- cxxi. Quis sit usus palati? pag. 263.
- cxxi. Quod sit officium, quis usus uvulae? ib.
- cxxiv. Vnde tonsillae serum accipiant, & quid circa illud praesent? p. 264.
- cxv. Quare appposito vel desiderato cibo saliva nobis moveatur ibid.
- cxv. Quis sit usus, quod officium linguae pag. 266.
- cxv. Quodnam sit proprium gustus organum? ib.
- cxv. An caro linguae musculis accensenda sit pag. 269.
- cxv. Quis sit usus ligamenti linguae pag. 270.
- cx. Quodnam sit organon tactus p. 271
- cx. Quare cuticula cuti superposita sit cx. Quare tam multi musculi extensioni capitis dicati sint? pag. 275.
- cx. Quare ad tam acutum angulum caput flecti debuerit ib.
- cx. Quare natura caput non formavit potius versus extensionem vergens quam versus

versus flexionem ib.
 exlv. Quare minus lassitudo capitis ex flexione percipitur, quam ex extensione. ib.

CAPUT XI.

De Musculis in genere, ac de eorumdem generalibus differentiis.

- I. An Aristoteles musculos cognoverit? pag. 277.
- II. Quodnam sit officium musculorum? pag. 280.
- III. Quare sit causa contractionis musculorum ib.
- IV. Quomodo fiat musculorum contractio pag. 281.
- V. Quotuplex sit musculorum contractio pag. 282.
- VI. An motus tonicus sit vera ac positiva actio? ib.
- VII. Quid sciendum sit de musculorum expansione ib.
- VIII. An omnes musculi spontaneè moveantur? pag. 283.
- IX. An musculi quidam destituantur nervis pag. 287.
- X. An cor musculis veniat accensendum? pag. 287.

CAPUT. XII.

De Artibus, seu Manibus & Pedibus.

- I. Quid proprie veniat nomine Artuum pag. 287.
- II. quomodo Artus dividantur ib.
- III. Quomodo manus dividatur p. 288.
- IV. An homo prudentissimum animal: quia manus habet pag. 289.
- V. Quare prudentissimum animal manus

- obtinere debuerit ib.
- VI. An natura noverca homini, quod illi nulla arma dederit ib.
- VII. Qua ratione manus functiones suas obeant? ib.
- VIII. Cui usui inserviant unguis manus pag. 290.
- IX. An & quomodo manus ad incessum conferant? ib.
- X. Quare sint ossa manus p. 291. & seqq.
- XI. Quare sint manus ligamenta? pag. 294. & seqq.
- XII. Qui musculi ad manus pertineant? pag. 295. & seqq.
- XIII. Quare vasa per manus distribuantur pag. 308. & seqq.
- XIV. Quibus nominibus externae partes pedum insigniantur pag. 314.
- XV. Quare sint ossa pedum pag. 314. & seqq.
- XVI. Quare sint ligamenta pedum pag. 321 & seqq.
- XVII. Quinam musculi pedibus tribui sint pag. 323. & seqq.
- XVIII. Quare sint vasa pedum pag. 333. & seqq.
- XIX. Quare natura in vasorum per artus distributione elegerit magis locum ubi articuli flectuntur, quam ubi extenduntur pag. 338.
- XX. Qui fiat, quod natura ita sibi dissona sit in vasorum per artus distributione? cum alioquin sibi consona esse soleat ib.
- XXI. Quare ille pexus retiformis in manibus & pedibus in nervorum distributione factus sit pag. 339.
- XXII. Qua ratione optime musculorum historia tradi possit? ib.

CAPUT XIII.

De Chylo & Sanguine.

- I. An humor alimentarius & spiritus influentes sint partes nostri corporis? pag. 339.

INDEX

pag. 339.

12. Quid & quodplex sit humor alimentarius Pag. 340.

111. Quid sit chylus ib.

14. Ex qua materia chylus generetur ib.

16. An preparatio in ore sit vera concoctio Pag. 341.

vi An chylus sit corpus quo Idam simplex ib.

vi1. Ex quibus chylus componatur ib.

vi11. An Pituitæ, bilis, melancholiæ & sanguinis in specie vocati rudimenta in chylo inveniuntur Pag. 342.

ix. An ossis, carnis, membranarum, & quarumcunque partium similarium & dissimilarium rudimenta in chylo etiam reperiuntur? ibid.

x An chylus habeat aliquam formam, seu an chylus sit ens per se ib.

xi Quomodo entia composita per se & per acciden. distinguantur ib.

xii. Quænam sit forma chyli p. 343.

xiii. An anima sit causa primaria cōctionis chyli ib.

xiv. Quæ sit illa anima, quæ chylum in nobis facit p. 344.

xv Quodnam sit instrumentum chylicificationis ib.

xvi. An cor quoque concurrat ad chylicificationem ib.

xvii. Qda ratione cor ad chylicificationem concurrat ib.

xviii. An ex arteriis quasi fermentum aliquod excidat in ventriculum, quo cor ad chylicificationem concurrat ib.

xix. An ex hñe aliquid pro chylicificatione commodiore in ventriculum transmittatur pag. 345.

xx. An & quæ vicinæ partes circumpositæ chylicificationi commodent ib.

xxi. Quomodo partes vicinæ ventriculo * calorem tribuant ib.

xxii. An ventriculi calor aliquid ad chylicificationem conferat ib.

xxiii. Qua parte & qua virtute maxime ventriculus chylum conficiat p. 346.

xxiv. An cibus proprio calore in ventriculo coquatur ib.

xxv. An saliva etiam ad concoctionem chyli aliquid conferat pag. 347.

xxvi. Ad quam speciem concoctionis chylicificatio pertineat ib.

xxvii. Vtrum ad concoctionem sanguinis chylus absolute necessarius sit ib.

xxviii. Quodnam sit chyli temperamentum pag. 348.

xxix. Quatenus calor chyli ad calorem sanguinis & lactis se habeat pag. 348.

xxx. Quomodo chylus ratione tenuitatis & crassitie cum sanguine & lacte comparetur ib.

xxxi. Vnde chylus colorem album habeat ib.

xxxii. Vtrum ponderatione corporis colliigi certo possit chyli quantitas ib.

xxxiii. Quid sit sanguis pag. 349.

xxxiv. An inter chylum & sanguinem detur aliquis humor medius ib.

xxxv. An sanguis generari possit ex alia materia, quam ex chylo ib. d.

xxxvi. An sanguis componatur ex quatuor elementis secundis pag. 350.

xxxvii. An sanguis confletur ex bile, pituita, melancholia & sanguine speciatim appellato ib.

xxxviii. An sanguis sit bilis, pituitæ & melancholiæ commixtio ib.

xxxix. An sanguis sit simplex quædam substantia pag. 351.

xl An sanguis sit quid homogenum ib.

xli An sanguis sit aliquid unum per se ib.

xlii. Vtrum sanguis sit animatus ib.

xliii. An cor sit primum sanguificationis organum pag. 352.

xliiv. An recte renes vesicula fellis, & pãcreas recenscantur inter causas secundarias efficientes sanguinis Pag. 351.

xlv. Qua virtute cor sanguinem elaborat ib. xlvii. Quare

- XLVI. Quare in corde fiat sanguinis attritio pag. 354.
- XLVII. An auriculæ cordis & quomodo ad sanguificationem conferant ib.
- XLVIII. An pulmones etiam aliquid contribuant ad sanguificationem ib.
- XLIX. An una vice sanguis in hepate elaborari inchoatus in cor immittitur in sanguinem bonum mutetur ib.
- L. An corpus nostrum etiam ali possit alia quadam substantia, quam sanguine: atque an sanguis sit omnium partium ultimum alimentum pag. 355.
- LI. Quomodo cum partes nostri corporis valde inter se distent uno eodemque alimentum restantur queant ib.
- LII. In quo virtualis seu potentialis continentia consistat, qua sanguis omnes partes continet ib.
- LIII. Quale temperamentum sanguini competat ib.
- LIV. Quomodo sanguis sit chilo calidior? pag. 356.
- LV. Quænam qualitates secundæ sanguini obigerint ib.
- LVI. Unde sanguis colorem rubicundum habeat ib.
- LVII. Vtrum sanguis venosus & arteriosus specie differant ib.
- LVIII. Quis sit motus naturalis sanguinis pag. 352.
- LIX. Unde dicatur motus sanguinis circularis pag. 358.
- LX. Quomodo probetur circularis sanguinis motus pag. 358. & seq.
- LXI. Quæ sit causa efficiens motus circularis sanguinis pag. 360.
- LXII. Quomodo venæ & arteriæ ad motum sanguinis circularem conferant ib.
- LXIII. Quomodo aliæ partes eidem commodent ib.
- LXIV. Ob quem finem sit institutus circularis sanguinis motus ib.
- LXV. Quare natura simplici motu non con-

- tenta recurrentem instituerit pag. 361.
- LXVI. An sanguinis recursus fiat immediate ex arteriis in venas, an etiam per porositates partium ib.
- LXVII. Quanto tempore motus reciprocus sanguinis absolvarur ib.
- LXVIII. An motus sanguinis circularis sit continuus vel intermittens pag. 362.
- LXIX. An circularis sanguinis motus semper sit æquabilis ib.
- LXX. Quam utilitatem doctrina de circulari sanguinis motu in Medicina afferat ib.
- LXXI. An & quatenus sanguis dividi debeat pag. 363.
- LXXII. Vtrum sanguis inchoatus & perfectus gradualiter an specie differant ib.

CAPUT XIV.

De Humiditatibus Secundis vulgo appellatis.

- I. Quid Avicenna de quatuor humiditatibus secundis sentiat pag. 364.
- II. An ea doctrina à Grecis hausta, an ab Arabibus inventa sit ib.
- III. Quare Gal. illas humiditates non sit distinctis nominibus dignatus, neque seorsim nominaverit, quemadmodum fecit Avicenna p. 365.
- IV. An dentur humiditates quatuor secundæ, nec ne? ib.
- V. An doctrina de humiditatibus secundis possit cum circulari sanguinis motu conciliari? ib.
- VI. An illæ humiditates secundæ rectius vocentur humiditates secundæ, an humores secundi? pag. 366.
- VII. An quatuor humiditates secundæ pertineant ad sanguineum, an vero ad partes? ib.

CAPUT XV.

De Spiritibus influentibus.

- I.** Quid nomine spiritus veniat intelligendum p. 366.
II Vtrum spiritus dentur? pag. 367.
III. Quid sit spiritus influens? id.
IV Vtrum spiritus influentes sint animati, nec ne? p. 368.
IV Vtrum spiritus influentes recte possint dici vinculum animæ, & corporis? ib.
VI. Quæ sit causa efficiens spirituum influentium? pag. 369.
VII. Ex qua materia spiritus influentes generentur ib.
VIII. Quomodo ex subtiliore sanguine fiat spiritus influens ib.
IX. Quæ ratione spiritus influens in universum corpus propagetur ib.
X Quare opus sit spiritu influente p. 370.
XI An detur spirituum influentium specifica distinctio ib.
XII. Quomodo spiritus influentes dividantur ib.
XIII. Quid sit spiritus naturalis? ib.
XIV. Quomodo generetur spiritus naturalis ib.
XV. An detur spiritus naturalis p. 371.
XVI. Quid sit spiritus vitalis p. 372.
XVII. An detur spiritus vitalis ib.
XVIII. An spiritus vitalis sit pars sanguinis pag. 373.
XX Quare spiritus vitalis distincte à sanguine recensetur, cum tamen de spiritu chyli & sanguine in hepate facti non distincte tractetur ib.
XX Ex qua materia spiritus vitalis generetur ib.
XXI. An aer quoque ad generationem spiritus vitalis concurrat ib.
XXII. Quandoquidem in corde spiritus vitales generantur, in quo ventriculo gignantur pag. 374.

- XXIII.** In quo ventriculo cordis abundantiores, calidiores & perfectiores spiritus generentur ib.
XXIV. Quis sit motus spiritus vitalis ib.
XXV Quid spiritus animalis ib.
XXVI. An detur spiritus animalis p. 375.
XXVII. An spiritus animalis sit distinctus à vitali ib.
XXVIII. An distinctio ea sit specifica ib.
XXIX. Vbi elaboretur spiritus animalis ib.
XXX. An spiritus animales generentur virtute naturali & vitali an animali cerebri pag. 376.
XXXI. An generatio eadem celebretur à virtute insita & independente cerebri, an adventitia ac dependente ib.
XXXII. Ex qua materia fiat spiritus animalis? pag. 377.
XXXIII Quomodo ex materia elaboretur spiritus animalis ib.
XXXIV. Quomodo cum spiritus animalis sit frigidior vitali possit ex eodem generari intercedente coctione ib.
XXXV. Quò propagetur spiritus animalis pag. 378.
XXXVI. Quomodo spiritus animalis per nervos propagetur? ib.
XXXV. Vtrum spiritus animales in partibus ad quas mittuntur, consumantur, an verò ab iisdem in cerebrum revertantur pag. 379.
XXXVIII. Vtrum spiritus animalis ad partes perductus in iis efficienter & physice concurrat ad eliciendam actionem? ib.
XXXIX. Quomodo anima sensitiva in partibus spiritu animali utatur ad suam functionem obeundam? ib.
XL. Quomodo spiritus animalis dividatur in sensitivum & motivum? p. 380.
XLI. Vtrum spiritus animalis sensitivus & motivus in partibus ipsis specificentur, an verò solum diverso adhibitionis modo varientur, an verò omnino aliaz partes sint sensus, aliaz motui dicatæ ib.

xl. Vtrum detur spiritus genitalis pag.

381.

xl. Quid sit spiritus genitalis? ib.

xliv. An spiritus genitalis sit compositus ex naturali & vitali pag. 382.

xlv. Quodnam sit spiritus genitalis minus s. officium? ib.

CAPUT XVI.

De humoribus non alimentariis corpus humanum componentibus, aut ad ejus constitutionem requisitis.

I. Quid intelligatur nomine substantiarum liquidarum componentium nostrum corpus, neq; tamen nutrimentum? pag. 383

II. An dentur hujusmodi liquidæ substantiæ? ib.

III. Quomodo eadem dividantur? Pag. 384.

IV. Quid sit saliva? ib.

v. Ex qua materia saliva generetur? ib.

vi. quæ sit forma salivæ? ib.

vii. quæ sit causa efficiens salivæ p. 385

viii. Quomodo eadem salivam generet ib.

ix. Quodnam sit temperamentum salivæ? pag. 386.

x. Vnde rarietas & spumositas salivæ pendeat? ib.

xi. Quare jejuni hominis saliva præcipue viribus suis polleat ib.

xii. Vnde color albus salivæ ib

xiii. Vnde dulcedo ejusdem? ib

xiv. quæ sint salivæ effecta? ib.

xv. An non saliva rectè excrementis annumeretur? pag. 387.

xvi. An detur aliquod fermentum in ventriculo, quo chylificatio melius petagitur? ib.

xvii. Quem usum obtineat mucosa substantia intestinis intrinsecus adhærens pag. 388

xviii. Vnde & quomodo generetur fermentum lienis? ib.

xix. Annon idem humoribus alentibus accensendum sit ib. .

xx. In qua parte generetur serum testes ac partes genitales, maxime in copula conjugali rigans ib.

xxi. An humor pericardii secundum naturam in omnibus reperitur? pag. 389.

xxii. quem usum idem præstet? ib.

xxiii. An detur aër auribus implantatus ib.

xxiv. Vnde & quando idem originem capiat? pag. 390.

xxv. Quæ sit natura aëris implantati? ib.

xxvi. An aër auribus implantatus nutrietur? ib.

xxvii. An aër implantatus sit animatus ib

xxviii. Cui usui inserviat aër implantatus? ib.

xxix. Vtrum humor articularum in principio generationis ex semine generetur; an postea producatur seu ex alimento, seu ex excremento? ib.

xxx. quis sit humoris istius usus? ib.

xxxi. Quotuplex sit medulla ossium pag. 391.

xxxii. Quæ sit natura medullæ ossium ib

xxxiii. Quæ sit materia ejusdem ib.

xxxiv. An medulla ossium sit ipsorum ultimum alimentum pag. 392.

xxxv. quis sit usus medullæ ossium p. 393

xxxvi. quare inter medullam propriè dictam ossa tenuia in cavitate ossium interferantur ib.

xxxvii. An & quare leonis ossa pauciorum medullam obtineant ib.

xxxviii. Quid sit medulla ossium p. 394.

CAPUT XVII.

De Excrementorum natura & varietate.

1. **Q**uamnam sint proprie dicta excrementa, & quæ sint illorum conditiones pag. 394.
- II. An sanguis menstruus, semen & lac recte excrementis accenseantur p. 395.
- III. An pus, sanguis ex naribus erumpens &c. excrementa sint ib.
- IV. An pili, ungues & pinguedo sint excrementa? ib.
- V. An saliva, mucus articularum, humor pericardii, fermentum in liene, medulla ossium &c. excrementa sint? ib.
- VI. Quid sint excrementa? ib.
- VII. An excrementa sint animata? ib.
- VIII. Quomodo anima possit esse causa excrementorum? ib.
- IX. Quæ sit causa excrementorum instrumentalis? pag. 396.
- X. Vitrum excrementa generentur per nudam putrefactionem ib.
- XI. An & quomodo excrementa nutritionis possint generari ab insito & influente calido ib.
- XXI. Quomodo excrementa in genere sine dividenda pag. 397

CAPUT XVIII.

*De excrementis generationis, nempe
Semine, Sanguine menstruo, La-
cte, Semine Muliebri, Sero
Genitali virorum, &
Sanguine Puer-
perii.*

An excrementa generationis vocata, præcipue primaria semen nempe & sanguis menstruus, sint vera excrementa pag. 398.

- II. An semen, sanguis menstruus & lac debeant appellari excrementa generationis pag. 399.
- III. Quid differant nomina seminis, conceptus & genitura? ib.
- IV. Quid sit semen pag. 400.
- V. An seminis materia proveniat ex toto? p. 401.
- VI. An semen generetur per colliquationem partium pag. 403.
- VII. An semen generetur ex cambio vel glutine facta ex sanguine in partibus p. 406.
- VIII. An spiritus procedant à toto ad seminis generationem p. 407.
- IX. An spiritus à partibus principibus ad seminis constitutionem confluant ib.
- X. An sanguis purissimus à præcipuis partibus uberissimo spiritu perfusus ad seminis generationem concurret p. 408.
- XI. An semen generetur ex sanguine spurcato ib.
- XII. Ex quo semen generetur pag. 409.
- XIII. An ille quoque spiritus vitalis, qui in conjunctione maris & foeminae affluit, ingrediatur seminis constitutionem ibid.
- XIV. An semen componatur ex omnibus partibus confusis & commistis ib.
- XV. An & quomodo quatuor elementa prima & secunda sint materia compositionis seminis pag. 410.
- XVI. Quomodo semen componatur ex spiritu & crasso ib.
- XVII. Vitrum semen sit eas per se vel per accedens ib.
- XVIII. An semen sit corpus simile vel dissimulare pag. 411.
- XIX. An semen sit animatum ib.
- XX. Quæ anima semen sit animatum pag. 413.
- XXI. An anima vegetativa & sensitiva simul semini an successivè obveniant p. 414.

xxv. An superior anima inferiorem destruat, an absorbeat, an relinquat ib.

xxvii. An anima sensitiva in semine humano formæ ultimæ vel subordinate vices gerat pag. 415.

xxiv. Vtrum anima sit perfecta vel imperfecta forma feminis ib.

xxv. quis qualisque sit effectus formæ feminis pag. 416.

xxvi. Vtrum semen sit animal suæ speciei ib.

xxvii. An testes, an alia quædam corporis nostri pars semen elaboret pag. 417.

xxviii. Qua virtute testes semen elaborant ib.

xxix. Vtrum calor, quo semen produci-
tur, debeat esse testium proprius p. 418

xxx. An calor, quo semen elaboratur, sit
intensor eo, quo sanguis generatur id.

xxxi. An & quomodo cor ad elaborationem feminis concurrat pag. 419.

xxxii. An cerebrum quoque ad generationem feminis concurrat pag. 420.

xxxiii. An hepar etiam ad feminis generationem concurrat p. 421.

xxxiv. An anima sit causa principalis feminis pag. 422.

xxxv. Quæ anima sit causa princeps feminis. ib.

xxxvi. Quæ sit perfecta hominis ætas, & unde eveniat, quod non nisi perfecta ætate homo semen generare possit p. 423.

xxxvii. An mulieres verum & foetundum semen ad generationem conferant & ob quam causam tale non gignant p. 424 & seqq.

xxxviii. An opus sit addi in determinatione causæ efficientis principalis, eam debere temperamento esse perfectam p. 442.

xxxix. An semen active & passive, an active tantum ad foetus generationem concurrat pag. 443.

xl. Qua virtute semen vim suam exserat pag. 446.

xli. An semen sit causa principalis an instrumentalis generationis ib.

xlii. An & qua virtute semen attrahat maternum sanguinem pag. 447.

xliii. Qua ratione fiat coagulatio materni sanguinis à semine pag. 448.

xliii. Si id fiat coctione, an etiam excrementa quædam separentur p. 449.

xlv. An coagulatio illa differat à partium conformatione ib

xlv. Qua virtute feminis formentur partes ib.

xlv. Vbi maneat semen formati & con-
stituti paribus p. 450.

xlv. An nutritio & augmentatio scetus semini an foetui sit ascribenda pag. 451.

xl. An ipsum semen recte dicatur nutriti pag. 452

l. Quodnam sit temperamentum feminis ib.

li. Cum quo elemento semen cognationem habeat pag. 453.

lii. An semen potius debeat esse tenue an crassum, fluidum an lentum ibid

liii. Quem colorem habeat semen ib.

liii. Vnde semen album sit pag. 454

liii. qua virtute spiritus semini insitus ipsum album faciat id.

liii. An semen proprie diei debeat spumofum corpus ib.

liii. Qualis sit feminis odor pag. 455.

liii. Qualis sapor feminis sit ibid.

liii. Vnde subsalsus sapor semini obveniat ib.

liii. An semen grave vel leve sit ib.

liii. Quomodo semen Veneris appetitum excitet pag. 456.

liii. Quare calidioris constitutionis homines & biliosi, podagrici item & calculosi sint libidinosi ib.

liii. Quare continuato usu Veneris ejus
R 111 3 appetitus

- appetitus fit maior ib.
- lxv Quare ratione semen alliciat ad partes
genuales spiritus sufficiens ibid.
- lxvi. Quomodo fiat seminis ejaculatio ib
- lxvii. Quare ratione semen moderate ab-
undans hilaritatem conciliet pag. 457.
- lxviii. Quomodo gravetur corpus &
raucedo inducatur mimum cumulato
semine ib.
- lxix Quid nomine sanguinis mens-
trui intelligatur ibid.
- lxx An sanguis menstruus à calore vel fri-
gore gignatur p. 458.
- lxxi. Quare viri non habeant menstrua
ibid.
- lxxii. Quare virgines nulla aut pauca
menstrua foris emittant pag. 459.
- lxxiii. Quare mulieres non semper, seu
in omni ætate sanguinem menstruum
generent ibid.
- lxxiv. Quare non viri quoque quidam sine
dubio mulieribus quibusdam frigidior-
es non generent sanguinem menstruum
ib.
- lxxv. An menstrua sint destinata foetus
conformationi & nutritioni p. 460.
- lxxvi An possit mulier quædam concepi-
re, cui nunquam menstrua fluxerunt p.
461.
- lxxvii. Quando foeminae facillime con-
cipiant ib.
- lxxviii. Qui fiat quod prægnantes ma-
træ foetus vividos proferant ib.
- lxxx. Quare pingues ægre concipiant
pag. 461.
- lxxx. Quare mulieri soli majori copia
menstrua effluant, quam aliis animalibus
ib.
- lxxxii. Vnde eveniat, quod aliquando
prægnantibus menstrua fluant ib.
- lxxxiv. Qui fiat, quod lactantibus qui-
busdam menstrua procedant ib.
- lxxxv. An & cuius conditionis sanguis men-
struus excrementum sit p. 463.

- lxxxvi. An sanguis menstruus sola quan-
titate, an etiam qualitate peccet ib.
- lxxxvii. An sanguis menstruus sit magis
crudus quam alius sanguis pag. 456.
- lxxxviii. An sanguis menstruus sit nobi-
lior & perfectior pars sanguinis ib.
- lxxxix. An sanguis menstruus diffusetur ab
illo, ex quo foetus formatur & alitur
pag. 466.
- xc. Quomodo sanguis menstruus perve-
niat ad uterum ib.
- xc. An uterus quoque pro foetu sangui-
nem attrahat pag. 467.
- xcii. An sanguis menstruus sit excremen-
tum naturale, an præternaturale ib.
- xciii. An secundum naturam sint ex
molesitiæ, quæ mulieribus frequenter
instantibus, aut fluentibus, aut fluere de-
sinentibus menstruis accidunt ib.
- xciv. An natura sponte evacuationem
menstruam molliatur, an aliqua ex causa
impulsa pag. 468.
- xcv. An sola quantitate, an qualitate et-
iam menstruus sanguis ad evacuationem
irriter ibid.
- xcvi. Vbi colligatur sanguis menstruus
ib.
- xcvii. Per quæ vasa sanguis menstruus
evacuatur pag. 469.
- xcviii. Per quæ vasa prægnantibus men-
strua fluant ib.
- xc. An sanguis menstruus effluat ob va-
forum *diaphoresin* seu transudationem,
an *hyperæmiam* seu apertionem ib.
- c. An satius futurum fuisset, si natura sin-
gulis diebus menstruum sanguinem e-
vacuasset, quam quod id facit quadam
periodorum observatione pag. 470.
- ci. An certum sit earum periodorum tem-
pus, & quod illud sit pag. 471.
- cii. Quare Luna decrecente maxime
menstrua fluant ib.
- ciii. Quomodo intelligendus *Ar. l. 7.*
de hist. animal. c. 2. inquit: *Paucis*
men-

INDEX.

- menstrua singulis mensibus moventur sed intermissio plurimis ib.
- civ Quamdiu singulis mensibus duret menstrua purgatio pag. 472.
- cv Quantum singulis mensibus mulier evacuetur pag.
- cxvi. Quid sit sanguis menstruus ib.
- cxvii. An lac sit excrementum ib.
- cxviii. An lac sit secunda vel tertia coctionis excrementum ib.
- cix. Quam utilitatem præbeat lac, si quem finem habeat pag. 474.
- cx. An non satius fuisset foetum sanguine materno potius quam lacte nutrirî ib.
- cxî. Quæ causa sit quod in utero foetus sanguine materno aliti non fiant efferti sed extra uterum simili modo nutriti vel efferti vel ægri evadant pag. 475.
- cxiii. Quare viviparis tantum animalibus lac generetur pag. 476.
- cxiiii. An præstet lacte vel aliis alimentis foetum enutrire id.
- cxiv. Ex qua materia lac generetur ib.
- cxv. An ex sanguine promiscuo, an ex sanguine menstruo lac producat pag. 482.
- cxvi. An ex purissima portione sanguinis lac generetur pag. 483.
- cxvii. An sanguis venosus vel arteriosus sit materia lactis pag. 484.
- cxviii. Per quas vias appellat lactis materia ib.
- cxix. A qua parte lac generetur ib.
- cx. An generetur lac ex sanguine sola alteratione, an vera coctione pag. 485.
- cxxi. An lac sanguine specie discrepet ib.
- cxxii. Ex quibus materialibus partibus lac componatur pag. 487.
- cxxiii. Quæ sit singularum partium lactis natura pag. 488.
- cxxiv. quodnam lac infanti sit optimum ib.
- cxv. An lac vel sanguis sit calidioris temperamentum pag. 489.
- cxvî. An lac vel sanguis secundum naturam tenuioris sit substantiæ ib.
- cxvii. Quare infantes qui multum sugunt, multum bibant ib.
- cxviii. Quare mulieris lactantes plus bibant pag. 490.
- cxix. Quare cum biberint lactantes plus lactis emittant ib.
- cx. Quare lactantes, quæ multum lactis profundunt, comparatione potius parcius bibant ib.
- cxxi. Quomodo materia lactis ad mammas perveniat ib.
- cx. Quo ætatis anno incipiat & desinat lac fieri pag. 491.
- cx. Qui fieri possit, ut etiam in senioribus suctione lac fiat pag. 492.
- cx. Quare lac ordinarie non generetur mulieribus menstrua patientibus, aut utero gerentibus; aliquando tamen id contingat extraordinarie ib.
- cx. Quare lactantes ægre concipiant ib.
- cx. An utile sit infanti nutrimenta viro assuescere ib.
- cx. Vnde evenit, quod ultimis gestationis mensibus lac generetur ib.
- cx. Cuius conditionis sit lac tempore gestationis productum pag. 493.
- cx. Quare ultimis mensibus lac sit melius quam primis ib.
- cx. Quare raro iis mulieribus, quibus ultimis gestationis temporibus lac non generatur, raro post notabili quantitate generetur ib.
- cx. Quare lac primis gestationis temporibus sit salum ib.
- cx. An consilium prægnantes lactare ib.
- cx. Qui fiat, quod post natiuitatem lac fiat melius ib.
- cx. Vnde eveniat, quod quibus tempore gestationis lac non generatur, tertio demum aut quarto die appareat ib.
- cx. An viri præter semen prolificum contri-

INDEX.

- tribuant ad generationem etiam serum quoddam, & quod istius officium sit p. 494.
- cxlv. Quomodo generetur, & quem usum obtineat excrementum quasi femininum mulierum p. 495.
- cxlvii. Quid differat sanguis puerperii à sanguine menstruo ib.
- cxlviii. Quæ sit causa evacuationis ejusdem ib.
- cxlix. Virum sanguis puerperii natura sua adeoque essentialiter & necessario vitiosus & malignus sit p. 496.
- cl. Quæ sit mensura & quod tempus evacuationis illius sanguinis ib.

CAPUT XIX.

De Excrementis nutritionis Simplicibus omnium trium coctionum.

- A**n recte excrementa nutritionis in simplicia & composita dividantur p. 497
- i. Quomodo dividantur excrementa simplicia ib.
- ii. Quodnam sit primæ coctionis excrementum simplex ib.
- iv. Quid sit excrementum chylosum ib.
- v. Quænam sit causa efficiens istius excrementi pag. 498.
- vi. Quomodo eadem ipsum generet ib.
- vii. Quænam sit ejus materia ib.
- viii. Quæ obtineat adjuncta ib.
- ix. Quomodo à chylo separetur p. 499.
- x. Virum præter hoc excrementum primæ coctionis crassum, detur aliud tenuius ib.
- xi. Quæ sint excrementa simplicia secundæ coctionis ib.
- xii. Quid sit bilis pag. 500.
- xiii. An bilis sit excrementum, an alimentum aut pars materialis corporis humani ib.
- xiv. An bilis sit excrementum secundæ

- coctionis ibid.
- xv. An bilis generetur in vesicula fellea pag. 501.
- xvi. An bilis generetur in hepate ib.
- xvii. An cor causa generans bilem ib.
- xviii. An ex propria & directa intentione, an indirecta cor bilem generet pag. 502.
- xix. An bilis habeat per se finem in humano corpore ib.
- xx. An bilis generetur ex chylo vel sanguine ib.
- xxi. Quodnam sit temperamentum bilis pag. 503.
- xxii. Vnde bilis autumnò redundet ib.
- xxiii. An bilis sit tenuis vel crassa dicenda pag. 504.
- xxiv. Vnde bilis color ib.
- xxv. Cujus coctionis excrementum sit serum ib.
- xxvi. Ex qua materia generetur serum pag. 505.
- xxvii. An serum generetur à renibus ib.
- xxix. Vnde falsedo seri procedat p. 506.
- xxx. Quodnam sit seri temperamentum ib.
- xxxi. Quomodo serum evacuetur ib.
- xxxii. An Pituita sit excrementum naturale secundæ coctionis ib.
- xxxiii. Quid secundum communem sententiam statuendum sit de pituita p. 507
- xxxiv. An melancholia sit excrementum secundæ coctionis naturale p. 508
- xxxv. Ex qua materia melancholia generetur pag. 510.
- xxxvi. Cujus temperamentum melancholia sit ib.
- xxxvii. In qua parte generetur melancholia excrementitia pag. 511.
- xxxviii. An aliquæ partes specialiter melancholia nutrantur ib.
- xxxix. An melancholia sanguinem crassiorem reddat ib.
- xl. An melancholia inferuiat ad appetentiam & coctionem in ventriculo p. 512
- Quæ

xi. Quæ sint excrementa simplicia tertiaræ coctionis. ib.

CAPUT XX.

De excrementis nutritionis compositis & particularibus.

- I. Vtrum excrementa composita sint entia per se, an per accedens. ib.
- II. Ex quibus partibus fæces alvinæ constent. pag. 513. & 514.
- III. Quæ sit eadem causa efficiens. p. 514.
- IV. An obtineant formam substantialem specificam ib.
- V. Qua in parte intestinorum excrementum alvinum generetur ib.
- VI. An intra aut extra corpus hamatum aliquem usum præstet P. 515.
- VII. Quomodo ratione quantitatis comparatur cum chylo ib.
- VIII. Quo tempore id excrementum excernatur ib.
- IX. Quæ sint qualitates excrementi alvini pag. 516.
- X. Vnde fiat quod plus fœteant, si diutius detineantur ib.
- XI. Vnde accidat, quod liquida ordinariæ magis fœteant ib.
- XII. Vnde generetur liquor urinæ pag. 517.
- XIII. Vtrum semper solum immediate & proxime urinæ liquor generetur ex fero sanguinis, an vero ad ejus compositionem quoque concurrat potulenta ciborum materia ib.
- XIV. Quodnam serum sit materia liquoris urinæ pag. 518.
- XV. Cujus naturæ sit serum illud, quod fit materia urinæ ib.

xvi. Quodnam dicatur contentum urinæ ib.

xvii. A quibus partibus illud contentum in urina procedat ib.

xviii. Vnde generetur contentum in urina pag. 519.

xix. A qua causa & quomodo contentum naturale urinæ generetur ib.

xx. Qui fiat quod indiet coctionem primam & secundam esse legitime celebratam ib.

xxi. Qualiter se crassamentum urinæ ad urinam sanorum habeat pag. 520.

xxii. Quæ sit causa, quod contentum naturale urinæ diversa loca occupet ib.

xxiii. Quodnam contentum maxime naturale sit, nubescula, enæorema, an hypostasis pag. 521.

xxiv. Quæ sint conditiones sedimenti laudabilis ib.

xxv. Quomodo uniantur & disgregentur liquor & contentum urinæ ib.

xxvi. Quæ sit urinæ forma ib.

xxvii. An recte à Medicis intra corpus urina propinetur pag. 522.

xxviii. Quænam sit materia sudoris ib.

xxix. Quæ forma, efficiens, finis, ratio generationis & evacuationis ib.

xxx. An sudor sit naturale excrementum, an præternaturale p. 523.

xxxi. Qui fiat quod biliosi magis sudent ib.

xxxii. Quare ab exercitio magis sudemus ib.

xxxiii. Quare pueri & mulieres magis sudent ib.

xxxiv. Quare in somno magis sudemus ib.

xxxv. Quare qui largiore victu utuntur maxime in somno sudent ib.

xxxvi. Quomodo generentur aliquando sudores frigidi pag. 524.

xxxvii. An lachrymæ sint excrementum naturale vel præternaturale ib.

SSSS

xxxviii Quæ

INDEX.

xxxviii. Quæ sit materia lachrymarum? pag. 525.

xxxix. Quod temperamentum & qualitates obtineant lachrymæ ib.

xl. Ex quibus partibus seram lachrymarum suppedietur ib.

xli. Quare qui in mœore non plorant soleant magnis capitis cruciatibus prehendi pag. 26.

xlii. Quare pueri plorantes non subito minis cohibendi sint, ne plorant ib.

xliii. Quare pueri & mulieres facilius & frequentius lachrymentur ib.

xliii. Quæ ratione in tristitia serum ad cerebrum amandetur ib.

xlv. Quæ ratione cor levari & iuvari sicut dicatur ib.

xlv. Qui fiat, quod in magnis malis lachrymari non possimus ib.

xlvii. Unde eveniat, quod illo stupore superato plurimum ploremus? ib.

xlviii. Quomodo lachrymæ egerantur ib.

xlix. Per quas vias serum destillet pag. 527.

i. Ex qua materia sordes aurium consistant ib.

ii. An sordes aurium sint excrementa naturalia ib.

iii. A quibus causis excrementa aurium generentur ib.

iiii. Unde eveniat quod excrementa aurium in morientibus desinant esse amara ib.

lv. Ex quibus componatur halitus otis pag. 528.

lv. Quare aperto ore propulsus aer sentitur calidus, at compresso frigidus? ib.

CAPUT XXI.

De Anima in genere, & in specie humana naturâ & divisione.

i. *De anima humana tractatio ad Medicum pertinet pag. 529.*

ii. Quæ sit definitio Animæ Aristotelica, & quomodo explicetur p. 530.

iii. An anima sit substantia vel accidens pag. 531.

iv. An in definitione communi Arist. contineatur, quod anima substantia sit pag. 534

v. An anima recte appelletur actus p. 535

vi. An anima bene dicatur actus primus pag. 536.

vii. An anima prout est actus primus, separabilis sit ab actu secundo ib.

viii. Quid in definitione Arist. intelligatur per vocem corporis p. 537.

ix. An per corpus intelligatur materia prima, an corpus ex materia & forma constitutum pag. 539.

x. Quare in definitione Arist. addat Corporis Naturalis p. 540.

xi. Quare addiderit: Preestare vitam habentis ib.

xii. Quid intelligatur per vitam in dicta Arist. definitione p. 541.

xiii. Quare Aristot. post definitionem addat: Male autem est organicum p. 542

xiv. An animæ definitio ab Arist. proposita omnibus animæ speciebus possit applicari. pag. 543.

xv. Quomodo dividatur anima p. 545.

xvi. An divisio animæ in vegetantem, sentientem & rationalem bona sit pag. 545.

xvii. Qualis dicta divisio sit ib.

xviii. Quid sit anima humana pag. 548.

xix. An in homine una tantum repertur anima, an plures ib.

xx. Quot sint in homine animæ p. 565.

xxi. An anima vegetativa & sensitiva in homine sit forma generica vel specifica? ib.

INDEX.

CAPUT XXII.

*De facultatum & Operationum Anima
in genere, & in specie humana natu-
ra & varietate.*

- I. Quid sit facultas animæ pag. 568.
- II. Quomodo facultates animæ ab i-
psa differant pag. 569.
- III. Quid sit essentialiter facultas animæ
pag. 572.
- IV. Quod sit subiectum facultatum animæ
ib.
- V. An anima corpori communicet proprie-
tates id.
- VI. Unde fumatur facultatum animæ di-
stinctio ib.
- VII. Quot sint facultates animæ p. 573
- VIII. Quomodo differat functio & usus
ib.
- IX. In quo Medici in facultatum animæ
humana divisione à Philosophis abeant,
& an id bene fiat pag. 574.

CAPUT XXIII.

*De anima, facultate & operatione veg-
etativa in genere, & humana in
specie. Pag. 576.*

- I. An nomen animæ vegetativæ dicat
aliquam formā specificam, an natu-
ram genericam pag. 577.
- II. Quid anima vegetativa tribuat viven-
ti ib.
- III. Quid sit vita pag. 578.
- IV. Quid sit mors pag. 579
- V. Quomodo mors dividatur ibid.
- VI. Quotuplices sint facultates animæ ve-
getantis pag. 580.

- VII. An sint plures facultates ministran-
tes, quam quatuor ib.
- VIII. An sint pauciores quam quatuor
pag. 581.
- IX. Quomodo facultates vegetabiles inter
se conveniant & differant pag. 582.
- X. An facultates vegetativæ principes inter
se differant realiter ib.
- XI. Quæ sit causa principalis nutritionis ib.
- XII. Quæ sit illa pars corporis, quæ nutri-
tionem obit ib.
- XIII. Quodnam sit subiectum nutritio-
nis ib.
- XIV. Quisnam sit finis nutritionis pag.
586.
- XV. Quomodo conservetur vivum idem
à nativitate tempore usque ad mortem,
cum tamen fiat toto vitæ tempore cor-
poris mutatio ib.
- XVI. Quid sit alimentum pag. 587.
- XVII. Quænam sint condiciones alimenti
ib.
- XVIII. An alimentā dici possint contraria
viventi ib.
- XIX. An elementa possint nutrire p. 588.
- XX. An mista inanimata, ut mineralia nu-
trire possint ib.
- XXI. An omnia viventia, vel viventium
partes aliis commode in nutrimentum
cedere queant ?
- XXII. Quotuplex sit alimentum ibid.
- XXIII. Quis sit modus nutritionis ib.
- XXIV. Quomodo intelligendum dictum;
Ex illis nutritur ex quibus constamus
pag. 589.
- XXV. An nutritio sit actio continua ib.
- XXVI. An nutritione tam bene constitutæ
partes regenerentur, quam primum in
generatione productæ fuerunt pag. 590.
- XXVII. Quomodo augmentatio à nutri-
tione differat ib.
- XXVIII. An detur specialis virtus decre-
scens pag. 591.

INDEX.

- xxix. An facultas generativa conveniat
omni viventi secundum speciem ib.
xxx. An univique individuo in specie vi-
ventium, cui ea facultas convenit p. 592
xxxi. Quomodo nutritio celebretur in
homine pag. 593.
xxxii. Quodnam sit verum famis & sitis
genus, seu an fames & sitis rectius defi-
niantur appetitiones, an tristes sensus
ibid.
xxxiii. An ad desiderium vel fugam
appetitiones in fame & siti pertineant
pag. 594.
xxxiv. Quodnam sit Objectum famis &
sitis ib.
xxxv. Quodnam sit Subjectum famis &
sitis pag. 595.
xxxvi. Quenam sint famis causæ p. 596.
xxxvii. Quomodo fiat sanguificatio in
homine ib.
xxxviii. An respiratio sit actio vitalis an
animalis pag. 597.
xxxix. Quomodo fiat tertia concoctio in
homine pag. 598.
xl. quomodo augmentatio in homine
procedat ib.
xli. Quomodo celebretur in homine ge-
neratio ib.
xlii. An omnes partes foetus simul for-
mentur, an successive pag. 599.
xliii. Quenam partium primum ante
omnes formetur ib.
xliv. Quomodo ordine reliquæ post pri-
mam formentur pag. 600.
xlv. quando incipiat nutritio ib.
xlvi. Per quas partes foetus alimentum
capiat pag. 601
xlvii. An toto gestationis tempore nulla
 fiat in foetu chylicatio ib.
xlviii. An in foetus nutritione fiat san-
guinis circulatio pag. 602.
xlix. Qualia excrementa in foetu genesen-
tur, & ubi afferantur ibid.

- l. Qui fiat, quod quædam excrementa in-
tus, quædam foris in foetu colligantur,
& quæ sit illorum utilitas pag. 603.
li. Quid differant partes foetus ab adul-
torum partibus ibid.
lii. Quid differant functiones prout à
foetu & adultis obcuntur pag. 605.
liii. Quodnam sit tempus quo foetus or-
dinarie geritur in utero ib.
liv. Qui fiat, quod homini tam varium
sit assignatum pariendi tempus p. 606.
lv. An quilibet foetus unoquoque parien-
di tempore vitalis esse queat ibid.
lvi. An citius mares vel foeminae formen-
tur ib.
lvii. Quis sit situs naturalis foetus in
utero dum paritur instat ibid.

CAPVT. XXIV.

*De Animâ, Facultatibus & Opera-
tionibus sensivis in genere, & in spe-
cie, prout in homine reperiuntur.*

- i. Quid sit anima sentiens pag. 607.
ii. Quale sit Objectum animæ sen-
tientis pag. 608.
iii. Quodnam sit Subjectum animæ sen-
sitivæ ibid
iv. quot & quæ sint facultates animæ
sentientis pag. 609.
v. Quid & quotuplex sit sensus ibid
vi. quomodo sensus internus & externus
differat ibid.
vii. An sensus sit facultas activa vel pas-
siva; item. An sensatio sit actio vel pas-
sio pag. 610.
viii. An anima sentiens actum solitariè
eliciat, an specie impressa interveniente,
ut causa instrumentali ib.
ix. Qualia species sensibiles pag. 611.
x. Quid sint species sensibiles pag. 612.
xi Quo-

INDEX.

- xi. Quomodo species sensibiles repræsentent sua objecta ib.
- xi. An ipsæ quoque sensibiles species sentiantur, an solum res per species p. 613.
- xiii. Quotuplices sint species sensibiles ib.
- xiv. An recte numerus quinquarius sensuum externorum constitutus sit pag. 614.
- xv. Quis sit inter sensus externos ordo pag. 615.
- xvi. Quotuplex sit objectum sensus externi pag. 616.
- xvii. Vtrum objecta communia propriam sui speciem sensibus ingerant, an solum modificent speciem propriam sensibilibus propriam ibid.
- xviii. Quot sint sensibilia communia p. 617.
- xix. An & quatenus sensus externus sit errori obnoxius, vel ab eo immunis ibid.
- xx. An unus vel plures sint sensus interni pag. 618.
- xxi. Quot & qui sint sensus interni p. 619
- xxii. An membræ cerebri sensuum internorum organum sint? pag. 620.
- xxiii. An ventriculi cerebri sint sedes sensuum internorum ib.
- xiv. An Gal. atque Aristot. in numero essentiâque internorum sensuum consentiant vel dissentiant pag. 621.
- xv. Quid sint vigilæ, quid somnus pag. 622.
- xvi. Quibus obveniant vigilæ & somnus, & ob quem finem ib.
- xvii. Quare opus sit quiete in operationibus animalibus, cum tamē non sit necessaria quies in operationibus vitalibus p. 623.
- xviii. A quibus causis vigilæ & somnus naturalis pendeat ibid.
- xix. Quomodo quis ex somno naturaliter expergetur pag. 624.
- xx. Quomodo quis excitetur ab objecto

- sum foris & currentium vehementiâ ib.
- xxi. Quodnam sit primum sensorium, à quo spiritus animales cohærentur ib.
- xxii. Quinam homines maxime in somnum inclinent pag. 625.
- xxiii. Quodnam tempus somno aptissimum sit pag. 626.
- xxiv. Qui fiat quod Æthiopes etiam si temperamento siccis sint, maxime tamen proclives sint ad somnum & præcipue æstivo tempore ibid.
- xxv. Quare melancholici æstivæ parum dormire possint pag. 627.
- xxvi. Qui fiat, quod principium somni profundius & sæpe inquietum sit, finis autem jucundior & minus profundus ib.
- xxvii. Quare matutinus somnus jucundior sit ib.
- xxviii. Unde accidat quod exsolutis & debilitatis vehementer subito somnus superveniens noxius sit ib.
- xxix. Quare à phlebotomia somnus prohiberi debeat ib.
- xl. Quomodo somnus omnes evacuationes suscipiat excepto sudore ib.
- xli. Quid sit somnium pag. 628.
- xlii. Unde generentur somnia ibid.
- xliii. Quinam sensus interni in somno operentur pag. 629.
- xliiv. An immediate, sine prævia sensus communis operatione phantasia in somno moveri queat ib.
- xlv. An memoriæ sensitivæ etiam somnia conveniant pag. 630.
- xlvi. Quotuplicia sint somnia ib.
- xlvii. An somnia supernaturalia terminentur ad solum sensum internum ibid.
- xlviii. Quid intelligatur per facultatem animalem appetentem pag. 631.
- xlix. Quæ si natura appetitus sensitivi ibid.
- i. Quodnam sit subjectum appetitus sensitivi pag. 632.

INDEX.

- 11. Quodnam sit ejusdem objectum ib.
- 211. An malum quoque sit objectum appetitus sensitivi ib.
- 2111. Quinam sint actus appetitus sensitivi ib.
- 11v. Quod & quodplex actuum illorum sit principium ib.
- 1v. Qualiter appetitus sensitivus in objectum suum feratur, an ut causa naturalis, an ut libera ib.
- 1vi. Quomodo dividatur appetitus sensitivus pag. 633.
- 1v11. Quid sint affectus ibid.
- 1v111. Quot sint affectus ibid.
- 1ix. An homini quoque appetitus sensitivus & affectus competant pag. 634.
- 1x. An appetitus sensitivus in homine differant ab appetitu rationali seu voluntate ib.
- 1xi. Quid obrineant affectus & appetitus sensitivus singularis in homine ibid.
- 1x11. Quid de locomotiva sit notandum pag. 635.
- 1x111. An præter locomotivam alia facultas ex sequens animæ sentienti competat ib.

CAPUT. XXV. ET PENULTIMUM. *De Anima Rationali, ejusque facultatibus & operationibus.*

- 1. An anima rationalis sit hominis forma informans an assistens pag. 636.
- 11. An status separationis animæ rationali sit naturalis, præter naturalis vel violentus p. 642.
- 111. An anima rationalis in statu separationis obtineat appetitum reunionis cum corpore pag. 646.
- 1v. An anima rationalis humano corpori societur in ubi indivisibili, an vero in

spatio quanto ita ut vel totū, vel partem ejus aliquam extensam præsentia sua impleat pag. 648.

- v. An anima rationalis sit in toto corpore, an in ejus aliqua parte pag. 622
- vi. Cui parti primo anima rationalis insit pag. 654.
- v11. An anima rationalis existens in corpore dependeat ab eo organice p. 655.
- v111. Quibus argumentis animæ rationalis immortalitas philosophice probari possit pag. 656.

CAP. XXVI ET ULTIMUM.

De Divisione Hominum.

- 1. Quomodo Homo dividatur apud medicos pag. 658.
- 11. Unde petatur temperamentum totius pag. 659.
- 111. An temperamentum hominis exacte temperatum sit temperamētum ad pondus seu absolute æquale ibid.
- 1v. An temperatus edat perfectissimas operationes pag. 660.
- v. An maxime sint longævi temperamento æquali ad iustitiam præditi ibid.
- vi. An dentur simplices omnes & compositæ temperamentorum species à temperato recedentes ibid.
- v11. An bene temperamenta hominum secundum humores dividantur p. 661.
- v111. Quid sit ætas ibid.
- ix. Quomodo Medicus attendat ad ætatem pag. 662.
- x. Quot sint ætates ibid.
- xi. Unde judicentur ætates ibid.
- x11. Quodnam temperamentum ubique ætati assignandum sit ibid.
- x111. Cui ætati plus conveniat calidi innati

INDEX.

- innati pag. 663.
 xv Quale temperamentum obtineat ætas
 consistens ib.
 xvi. In quo consistat differentia sexus ib.
 xvii. Quare Medicus attendat differen-
 tiam sexus pag. 664
 xvi. Quare Medicus spectare debeat
 diversitatem regionum, in quibus quis
 natus, educatus, aut diu versatus sit ibid.
 xix. Unde regiones vim agendi obti-
 neant ib.
 xx. An omnes terræ regiones sint habitabi-
 les pag. 665.
 xxi. Quia ratione vitæ genus hominum
 varietatem apud Medicos inducat? ibid.

FINIS.

ERRATA.

Pag. 3. lin. 11. leg. illa consideratio applicari &c. pag. 4. lin. 22. leg. finem cui.
 Pag. 9. lin. 3. leg. scientiæ esse. P. 11. l. 15. habitudo seu constitutio. P. 13. l. 26.
 sunt res necessario obvenientes. P. 17. l. 37. si quæ p. 18. l. 19. advertamus, ib. l. 32.
 referremus p. 21. lin. penult. pro inæqualis leg. convenientis p. 22. l. 14. toco leg.
 loco. p. 23. l. 23. dele contrariis. P. 26. l. 31. nostram. p. 27. l. 3. ipsum. P. 34.
 l. 15. del. vel l. 16. viger. l. 26. convenienti. p. 33. l. 9. exigant. p. 41. l. 9. eisdem.
 p. 49. l. 7. cordi. leg. corpori. p. 52. l. 36. aliquot. p. 56. l. calceis. p. 67. l. 37.
 parvo, leg. magno p. 69. l. 36. illæ, quæ. p. 74. l. 8. & caput dele & p. 75. l. 11. ci-
 bus l. 28. rotundæ p. 79. l. 13. leg. scapulas firmans & defendens. p. 85. l. 5. lege,
 in istorum. ib. l. 34. pro appendicem leg. processum. p. 96. l. 6. leg. lobum p. 104.
 l. 33. temperamento. p. 108. l. 30. illam p. 113. l. 8. conveniunt. leg. inveniuntur:
 p. 117. l. 18. mesenterio, leg. mesenterii. p. 119. l. 23. vena portæ p. 121. l. 20. pluri-
 mis cum p. 125. l. 16. plurimis p. 126. l. 23. pro colonque leg. rectumque p. 141. l. 15.
 eidem l. eadem. p. 142. l. 15. deinde, quemadmodum communis fert opinio muliebre semen &c. p. 144. l. 24. leg. experientia refragari. Nam omnino in posterioribus
 de semine æsturi offendemus non ita certa esse, quæ alii de officio muliebrii testium,
 aliarumque spermaticarum partium adducunt, ubi & nostram hic propositam opinio-
 nem corrigemus. p. 149. lin. 10. & 11. leg. Porro quomant secundum communem
 Medicorum sententia sufficit ad generationem solum virile semen, statuta illa hypo-
 thesi, unde &c. p. 160. l. 21. leg. nervis & membranis partibus, quibus dux in-
 terponuntur & subiiciuntur p. 172. l. 34. significant. p. 174. l. 16. *mutuo* f. *mutuo*
 p. 176. l. 31. consilii & Barbaris p. 183. l. 14. lamiella P. 184. l. 32. utroque l. 23.
 futuras. p. 192. l. 34. inferioris leg. superioris p. 200. l. 19. del. futurus. p. 207.
 l. 36. ante nominatam p. 217. l. 10. facultatum, leg. qualitarum p. 226. l. ult. rotun-
 da, non oblonga, sicut in bobus est p. 237. l. 27. impediri p. 243. l. 18. leg. proximam
 & primariam istius &c. l. 29. retractionem p. 246. lin. 11. promoveat, & caveat quod
 que ne species reflectantur. p. 252. l. 5. vagantem. p. 258. l. 33. exitum. p. 287.
 l. 18. De Artubus pag. 292 l. 8 scapulas. p. 294. l. 12. luxatio. p. 323 l. 35. to-
 tam fere natum partem sui p. 338. l. 13. secutus fuerit. ib. l. 18. post humani cor-
 poris, add. & officia earundem functionesque pag. 341 l. 11 leg. concoctionis in-
 choz.

choaræ & alterationis factæ ib. l. 19. leg. segregationis & congregationis, p. 342. l. 5. porciones. ib. 37. artifex facit p. 343. l. 3. sæpe non sunt huiusmodi, ib. l. 38. pro nisi leg. si p. 347. l. 22. post pancreate, adde credibile existit. p. 351. l. 19. pro unam leg. uniformem ib. l. 94. animatus sit, proximè non videtur alere posse: & quia p. 352. l. 20. exempla p. 354. l. 16. pro potest leg. possunt, lin. 17. leg. attemperant lin. 18. prospiciunt. l. 20. prohibent p. 363. l. 22. pro indivisibiliter lege divisibiliter p. 365. l. 16. pro parvus leg. pravus l. 33. leg. nequante. p. 367. pro istud leg. ipsarum p. 370. l. 11. is leg. id l. 19. animalium leg. influentium. l. 34. factum leg. genitani. p. 372. lin. 17. dele contendunt p. 377. l. 32. pro ci quæ est leg. quæ ei inest p. 390. lin. 20. post verba, primum organum, adde, Nisi dicere malimus animam in extremitate partium solidarum, ubi nervus definit, consistentem posse sonos acri illi impressos percipere, quod viris doctis placet & valde probabile est. p. 392. l. 10. pro sanguine leg. sanguineum p. 409 l. 4. impediretur. l. 5. sententia p. 421. l. 17. expectam p. 428. l. ult. comment in art. p. 443. l. 12. foetus p. 452. l. 29. pro tactio leg. tactilis. p. 455. l. 19. non improbabilitate. p. 474. l. 10. pro nutritionis, leg. generationis p. 486. l. 15. incorruptum p. 500. l. 12. in intensina p. 501. pro posse leg. possunt p. 511. l. 22. reperitur. p. 520. l. 15. del non p. 523. l. 8. plurimas p. 524. 4. pro morbi leg. fudores p. 531 l. 10. opinionem Galeni esse. l. 24. quo leg. quod, l. 34. pro nam leg. non. p. 532. l. 19. operationum lin. 34. del. semel prius. p. 533. l. 12. quia l. quin. l. 50. præfectam p. 534. l. 14. improbabilis. p. 535. 3. quæ in gen. lin. 26. addi nam: p. 536. lin. ult. rationalera leg. vegetativam p. 539. l. 29. ibi locorum p. 545. l. 18. quo leg. quod p. 551. l. 18. del. arbitror. p. 553. l. 5. rationale, l. 9. & ex omnibus l. 19. sensitivum p. 559. l. 8. mista. p. 560. l. 23. invaserit leg. evaserit p. 562. l. 23. seu virtuali p. 567. l. 12. non ultimo p. 569. l. 2. partim leg. partium. l. 22. leg. de facultatibus vegetativis respectu, &c. pag. 573. l. 29. pro quæ ad aliquid leg. quæ ad aliquid. p. 575. l. 14. Apoplexia p. 580. l. 34. formalis p. 582. l. 37. convenientem. p. 583. l. 33. quatenus ultimum leg. quatenus quantum. pag. 586. l. 25. pro corporis leg. viventis. p. 593. l. 5. leg. non attulimus. p. 600. l. 17. pro dispositionis leg. dispensationis. pag. 601. l. 17. alimenti. p. 603. l. 19. pro documentum leg. nocumentum p. 606. l. 30. pro citus leg. citius p. 614. l. 34. pro quam leg. quoniam. p. 617. l. 5. Aquiloni l. 23. Aquilonius p. 625. l. 10. leg. ipse l. 12. adhiberi p. 629. l. 35. pro attem leg. arcem. l. 36. pro eas leg. eam. p. 630. l. 3. leg. memoriz p. 631. lin. 35. leg. efficax sit p. 637. l. 15. pro asse leg. esse p. 638. l. 36. pro iquis leg. quis p. 640. l. 33. leg. producta consideratur ut materiæ l. 35. leg. solum. p. 643. l. 34. leg. uni- re p. 644. l. 33. pro Angeli leg. Anima rationalis. p. 650. l. 34. post corpori adde uniri p. 655. l. 32. leg. dependent p. 662 l. 33. leg. soleant. p. 664. l. 19. pro ab quem leg. ad quem p. 665. lin. 1. pro 12 leg. 665. ib. lin. 4. pro positas leg. positas.

*Hæc inter relegendum percurantem notata sunt, si quæ supersunt benevolus lector ro-
gatur ut ipse corrigat, quanquam nulla, quemadmodum opinor, futura sunt, quæ
non quævis lingua Latina & Medicina tyro facile notare possit.*

FINIS.





